



NATIONAL LIBRARY OF MEDICINE

Bethesda, Maryland

C V R S V S
M E D I C V S.

NELLANI GLACANI

Tirconalliensis Hiberni

REGIS CHRISTIANISSIMI CONSILIARII, & IN ALMA
Vniuersitate Tolosana quondam Professoris Medici, nec non
in celeberrima Bononiensi Academia, Studiorum
Matre, Primarij, ac Eminentis Professoris.

CVRSVS MEDICVS.

LIBRIS XIII. PROPOSITVS

Et in Tres Tomos diuisus.

Quorum primus continet *PHYSIOLOGIAM*, & curiosa non minus
quam vtilia Medicinæ prolegomena, Alter *PATHOLOGIAM*, seu
Morbos, Morborumque causas, & Symptomata, Tertius denique
SEMEIOTICA, agitque de Signis, Crisibus,
Pulsibus, & Vrinis.

OPVS MEDICIS, ANATOMICIS, CHIRVRGICIS,
ac Tyrombus apprimè utile ac proficuum.

CVI

Ne operis moles Lectorem terreat unicuique Tomo copiosus apponitur Index.

SVPERIORVM PERMISSV AC PRIVILEGIO.



BONONIÆ. M. DC. LV.

Sumptibus. Sebast. Combi, & Ioan. Lanou.

WILLIAM GLADSTONE

Trincomalee Harbour

REGIS CHRISTIANUS - CHRISTIANUS REGIS

CHRISTIANUS REGIS - CHRISTIANUS REGIS

CHRISTIANUS REGIS - CHRISTIANUS REGIS

CHRISTIANUS REGIS - CHRISTIANUS REGIS

CHRISTIANUS REGIS - CHRISTIANUS REGIS

CHRISTIANUS REGIS - CHRISTIANUS REGIS

CHRISTIANUS REGIS - CHRISTIANUS REGIS

CHRISTIANUS REGIS - CHRISTIANUS REGIS

CHRISTIANUS REGIS - CHRISTIANUS REGIS

CHRISTIANUS REGIS - CHRISTIANUS REGIS

CHRISTIANUS REGIS - CHRISTIANUS REGIS

CHRISTIANUS REGIS - CHRISTIANUS REGIS

CHRISTIANUS REGIS - CHRISTIANUS REGIS

CHRISTIANUS REGIS - CHRISTIANUS REGIS


CHRISTIANUS REGIS - CHRISTIANUS REGIS



CHRISTIANUS REGIS - CHRISTIANUS REGIS

CHRISTIANUS REGIS - CHRISTIANUS REGIS

Lectori Beneuolo.



Um à nobis quidam studiosi vltima hyeme (Candide Lector) præter publicam Lectionem, in scriptis binas expostularent, vnam Physiologicam, alteram Pathologicam; alij verò etiam in scriptis, lectionem practicam; cumque his numerosis dictationibus vix sufficeremus, successiuis horis Physiologiam componere decreuimus, mox Pathologiam condituri: vt in posterum quibusuis doctrinam

Medicam ambientibus primas has medicinæ partes fusiori oratione exponere valeamus, possintque, & illi maiori cum fructu, parique facilitate, proficere: Nam totum tempus repetitioni, explicationi, & disputationi accommodatum erit; atque adeo Medicinæ fundamentis iuuentutem alacrius imbuiere conabimur. Vt vnusquisque aliquid solidioris doctrinæ adsciscat, vulgare morem scribendi institutiones Medicas, tanquam censura dignas, ablegauimus; Et paulò prolixius omnia exposuimus. Productior autem scriptio omnem ferme necessariam doctrinam comprehendit; doctumque efficit attentum auditorem lectoremque. Institutiones verò breues, & compendia, quæ se habent instar conclusionum, confusum & indoctum pariunt lectorem; quia præterquam quòd vix requisite doctrinæ decimam partem contineant, amplissimo egent commentario. Satiùs ergo est commentarijs vtì, & conclusionibus simul, quàm solas fermè conclusiones obscuritatis vel obuolutas amplecti. Sæpè quidem obseruaui hos qui compendia aut manuscripta, aut prælo commissa ardentè optant, in theoria morborum, dum in praxi se exercent, nullam habere cognitionem. Vnde suo solo compendio, & rectorum aliqua farragine imbuti, ignari vbique incedunt. Grauioribus erroribus ex tali inscitia emergentibus occurrens, medica prolegomena perito Medico necessaria, diffusè produxi; vniuersam rursus Physiologiam maiori qua potui claritate sine affectata latinitate in sex libros, Galeno semper hærens, distribui; quos, quia candenti calamo, & dum impressio fieret, maiori ex parte composui, pro tua solita modestia, æquoque animo trutinabis amice Lector. Irrepperunt quidem nonnulli errores, præsertim dum Venetias iui, & rursus Foroliuium, quos quidem faciliè emendare poteris: vt cap. 5. lib. 2. Sec. 1. in principio sanguinis pro sanguis ponitur, & alibi hapat pro hepar, &c. Vale, me ama, & ne more scurrarum, diligentes scriptores, ipsiunque Galenum despicias.

Lectori maleuolo .



Vas affatim eructabis nequicias, & canum more vel in ipso huius operis vestibulo, obgannies, Lector omnium impudentissime. Sed ringas ineptissime ad satietatem, & Aristarchum, aut Censorem in cunctos, pro solita tua immodestia & garrulitate age, me proinde non lædes; quia vitium in tuo later maligno pectore, & si vnus dies quo tuam virulentiam non exspueres, flueret, veneni impetu distentus illico dilahiareris. Grammaticulus quidam scientijs minimè tinctus dicebat olim frustra Medicinam, aut Philosophiam, aut Theologiam, aut Iurisprudentiam, describi; quia omnia scripta sunt. Quare inquit solis Humanistis semper aliquid noui inuenientibus scribendi prouincia licitè committenda. O scurrillis, & ieiune Grammaticule, eni xē abs te scire cuperem, cuius nouæ latinitatis authores; id est quam nouam linguam latinam tuo pedagogico cerebello euexisti, aut exarando è tuo pauperculo pectore depromis; præter parçissimam illam quam multis sudoribus toto tuæ vitæ decursu è Latio fonte, eoque frequentius impuriori, exhaustis; Si verū fateare; dices nullam; sed pro tuo genio te stylum formare affectatū, & ab alijs omnibus distinctum; teque hoc tuo tibi que peculiari, mendacia, figmenta, & aliquando vera tuo arbitratu disponere: Et tamen nobis fabulas abiicientibus, & veritatem multa contemplatione disquirentibus scribendi prouinciam, veluti Censoria auctoritate, adimis. Omnes omnes quotquot scribimus, veritati; sed diuersa inuestigatione, inhiamus. Si Ergo tibi, tuique consimilibus licitum est exteriori rerum cortice, id est, verbis, & consequenter signis ex instituto (Hanc Grammaticationem tibi parum consuetam non percipis Grammaticule) variè vti cur nobis pari er abditas rerum essentias scrutari non erit licitū; Liceat ergo tibi scurrilia quæque, & vera si possis, comppto sermone depingere: liceat & nobis, si Dijs placet, veritatem, ablegatō cortice quem tibi sis, concedimus, pro nostri genij imbecillitate, assequi. Sed grauiorem video aduenturum superciliosum Aristarchum, qui doctoratū confirmatus (litteras enim Doctoratus domi sollicitè in arca tanquam scientiarum promptuariū conseruat) sapientem se exhibet, etsi vix, nisi forte dormiendo, sapiat, fronte caperata fictaque gravitate compositus, suam in meum hoc opus sententiam effutens, dicit me nihil noui euexistisse sed aliorum doctrinā meo modo disposuisse. Sic multi hodiè iuniores medici, vt docti ab imperitis credantur, vitis doctis non parçunt, sed occasione data ipsos pro viribus denigrant. Ita audiui sæpè laceratum. Hyeronimū Mercurialem, cuius doctissima scripta ipsum vniuerso Orbi commendant. Sed ò ridicule vrbis circulator, ò vanissime garule, & trageda assentator, qui plures diei horas in assentatione cōsumis; quæ

que ne ab omnibus vagabundus dicaris, te ægros visitandos in magno numero habere mendaciter refers, cur ijs qui perpetuæ cōtemplationi, nisi dum ad ægros conuocantur, obstrepis? quia effronses, nec quæ ego scribo, nec quæ alius, percipis. Studere deberes, & doctiores consultare, tuamque mordacem ineptamque linguam compescere: Et cum primis Grammaticæ rudimentis Catonis illud discere: Virtutem primam esse puta compescere linguam. Tua, tua loquacitate, doctissimorum virorum labores vnico tuæ fætidae linguæ ictu Censorem agens, conculcas, & ignoras ipsum Aristotelem, Philosophiæ fertilissimum parentem suæ doctrinæ fundamenta ex Hippocrate, Ocello, Luciano, Platone, alijsque antiquis hausisse: Hippocratem ex scriptis parietibus templi Æsculapij affixis; Galenum ex Hippocrate, Arist. Theophrasto, Platone, Democrito, Asclepiade, & alijs; Recentiores Græcos, & omnes Arabes ex his. Præterea ipsa veterum doctrina tibi incognita est. Ergo tanquam ignarus interprete eges. Tandem vnusquisque, aliquid noui præter nouam formam suo operi addit. Pane enim omnes veseuntur, sed quisque pistor suo modo massam subigit, pinsitque: Vnde hic panis vni sapidus, alter alteri: Eadem similiter alimenta variè condita, diuersis sapiunt palatis: fætidis tamen, & prauis humoribus oblitis, nunquam. Ociosus aliquis, in dignitate constitutus, vel ea vacans nos quodam despectu opperet. Sed turgidus hic Epicuri, quàm Christi, & moralium Philosophorum mandatis tenacius hærens, porcorum more in luto vitiorum se circumuoluet; suoque officio, si possit, fungatur; & nos docere sinat. Quosdam externos, qui mihi Eminentis nomen, atque Doctoris Galli eripiunt, sibi que, vt inde facilius lucrum colligant, adaptant, & in singulis concessibus congestis conuicijs atque mendacijs, de me malè dicunt, tanquam dementes quibus saniolem sanctiolemque mentem optarem, prudens omitto. Maleuole ergo Lector, loco, vale apage.



Illustrissimo, & Excellentissimo Viro,
NELLANO GLACANO
HIBERNO

Professori Eminentissimi in Antiquissima Vniuersitate
Bononiensi.

Del Sig. Conte Gioseppe Theodoli da Forlì.

O Tu, che leggi, inuan qui cerchi espresso
Del Dio guerriero il bellico furore.
Quì non si apprende come resti un cuore
Da l'arme hostil miseramente oppresso.
Sù dotti fogli, à note d'oro impresso,
Ve drai d' Apollo il più sublime honore;
Se per virtù di Medico splendore
Nume si rende vguale solo à se stesso.
Gloria del gran GLACANO; il di cui vanto
N'addita il calle, onde con volo altero
Si poggia à l'Etra, al sommo Sole à canto.
Stringer la Penna contro'l Tempo arciero;
Cangiar di Morte in dolce riso il pianto,
Quest'è d'alto Valore e essemplio vero.



NELLANI GLACAN

TIRCONALLIENSIS HIBERNI,

Regis Christianissimi Consiliarij, & in Vniuersitate
Tolosana Professoris medici, necnon in Celeberrima
Bononiensi Academia Studiorum Marre,
Primarij, ac Eminentis Professoris.

PROLEGOMENA MEDICA.

CAPVT PRIMVM.

De Necessitate Medicina.



I corpus humanum impatibile, omnisq; alterationis expers
esset, in suaque integritate quouis tempore consisteret,
alimentum non appeteret, nec senectam aut mortem for-
midaret; minimeque scientiam aut artem, quæ ei tuten-
do præsideret, expostularet. Cæterum, quoniam dupli-
ces suæ corruptionis causas, alteras internas, alteras ex-
trinsecus incidentes, comites habet, necesse est curam
providentiamque non parvam desideret. In se quidem
corpus humanum duplicem tendentiæ ad interitum causam complectitur;
quarum vna est perpetuum, ac indefinens triplicis substantiæ, qua vnaquæq;
pars constat, per cutem effluuium: altera, superfluitatum, in quavis cor-
poris regione, coaceruatio, diuturnaue mora. Perenne illud triplicis sub-
stantiæ, spiritus nimirum, humoris, & partis solidæ effluuium, interna cor-
ruptionis causa meritò nuncupatur; quoniam domesticus, siue congenitus cal-
or, præcipuum animæ instrumentum, tale effluuium, seu resolutionem ne-
cessariò molitur. Calidum enim innatum, substantiam per se mobilem, &
semper mobilem appellare licet, teste Galeno lib. de tremore palpit. con-
uul. & rig. cap. 6. quoniam perpetua vicissitudine, nunc intrò, nunc extra
corpus fertur. Si enim intus maneret in immobilitatem quandam cessaret;
si foras perpetuò efferretur, huiusmodi motus eum prorsus dissiparet; atque
adeo illicò exstingueretur; quo extincto animal interiret. Naturæ ergo lege
motu semper agitur, & præstatam motus vicissitudinem indefinenter ob-
seruat; itaut alterum ipsius motum, alter semper excipiat. Huius perpetuæ
alternationis motivatione, modicè extinguitur, & modice accenditur, vt
aiebat Heraclitus. Incenditur enim dum ad intima corporis alimenti appe-
tens, reclinat: ab intimis verò corporis partibus telatus, & quaquauersum
ad cutem dispersus, extinguitur; quia in ambientem uera resoluitur, atque

Duplex
causa con-
tinua cor-
ruptionis
nostra.

Calor na-
tius cor-
poris tripli-
cem substan-
tiam perpe-
tuo diffi-
pat.

PROLEGOMENA

2

Calor natiuus aereus est atq; igneus.

*Caloris natiui recur-
sus ad cutē
vsque prodest.*

*Calor natiuus frigidi parti-
cipi est.*

*Caloris natiui recur-
sus ad interna prodest: licet
humidum
absumat.*

*Secunda
corruptionis nostrae
interna
causa.*

*Cibus, potus, respira-
tio, & transpiratio
corpus reficiunt.*

diffipatur. Cum autem ignea, aereaque substantia sit, à suo interno principio ad superiora, exterioraque explicatur, ferturque. Nam calor omnis, quatenus talis, ad cognata elementa naturaliter recurrit, & spontaneo impetu refertur. Calidum ergo sic in sublime sublaturum, cum partibus omnibus, mixtionis lege, inditum fuerit; vnà secum solidam substantiam, simulque humidam defert, dissipatque. Et sic seipsum vnà cum reliquis destruit; seipsum, quoniam substantia est spirituosa, & tenuissima, si in concreto sumatur: humorem, & particulas solidas; quia ita his implicitus est, vt ex illis suo impetu erumpere nequeat quin secum aliquid eorum extra rapiat. Licet enim eius recursus ad cutem vsque, vt partes foueat, facultates ad agendum excitet, & superflua ad exitum disponat, necessarius sit, prope tamen cribrosam, & fenestratam cutem extans, suum exitum ad aëra, ob sui tenuitatem, cohibere nequaquam valet. Hinc triplicis substantiae, quae singularis momentis interitum patitur, per cutem resolutio. hinc tandem interitus.

Verum sagax natura, vt vita protrahatur, caloris vehementiam in nobis adiecta frigiditate temperauit. Quippe ex calido, & frigido calor natiuus cōtemperatur teste Gal. cap. iam citato. Si autem frigidum non obstaret, inquit, calidum quod in sublime attollitur, omne alimentum, & substantiam partium secum adduceret. Fit ergo frigidum huiusmodi caloris motui impedimento, ne ipsemet dispersus aboleatur. Quippe periculum est, ne ipse, prae leuitate, & impetu, sursum a corporibus discedat: sed frigidum retinet, impeditque, & huius nimij motus vehementiam deprimat. Quoniam igitur, calor natiuus frigidi aliquatenus particeps est, intro fertur; hoc est, ad proprium principium viam inquit, vt suo pabulo humido radicali, veluti nutriatur, & debitas functiones in interius partibus, & praecipue visceribus, perficiat. Hoc suo, ad interiora, motu humidum radicale absumit; atque adeo non solum solidarum partium substantiam dissipando, sed praeterea humidum radicale absumendo, nostrum molitur interitum. Calor ergo natiuus aduersis impetibus agitur, nunc ad corporis extrema, rursus ad intima, totius substantiae nostrae fluorem excitat, partium siccitatem temporis decursu, humidum radicale absorbendo resoluendoque, inuehit: corporisq; nostri solutionem, nobis inuitis, molitur.

Secunda nostri interitus molitrix causa, nobisque intima, sunt varij generis recrementa, quae, quouis die, pro eduliorum varietate, accumulatur. Galenus lib. 1. de sanit. tuen. c. 3. necessitatem procreationis excrementorum hac serie luculenter exponit; cum enim quotidie, propter insitum, ipsis calorem, cunctis animalibus multa substantiae portio defluat, nec sit aliter huius iustum seruasse modum, quam cibi, portionis, respirationis, & articularum motus ope, necesse est ex ijs contrahi excrementorum prouentum. Paucis interpositis, rationem reddit, cur ex alimentorum quodiano vsu, excrementorum prouentus contrahatur? quia videlicet cibus, & potus, qui, refarciendis inanitis partibus propinantur, cum partium earundem natura omnimodam similitudinem non habent. Quare, quae corpori alendo restituendoque dissimilia, & minus apta, post coctiones celebratas, superfluitant, excrementa, quae excerni, & non retineri debent, appellantur. Et quoniam omnia in corpore moram aliquam, aliàs longiorem, aliquoties breuiorem contrahunt, suis prauis aduersisque qualitatibus vicina quaeuis, siue partes sint, siue humores, siue spiritus, coinquinant. Nam sua contagione bonum purumque succum conspurcant, partium temperiem euertunt, & luculentum igniculum calorem natiuum, fumosum, tetrum, impurum,

& ad

& ad omnia munia obeunda ineptum reddunt. Cum ergò excrementitia impuritas in corporibus nostris semper generetur, eaque in prima, secunda, & tertia coctione, iure merito interitus nostri interna causa dicitur. Vix enim integra superfluitas pro naturæ exigentia, extra corpus deturbatur: hinc innumera mala, hinc ærumnosa vita, vel immaturus interitus.

Calor ergò natiuus pluribus modis minuitur: absument quidem ipse suum genuinum pabulum, humidum radicale; quod etiam per habitum corporis quotidie resoluitur: vnde necessariò contabescit. Dum autem alimenta assumpta alterat, transmutatque, repatitur, atque remittitur: ab excrementis denique retentis, non rarò secundum aliquam sui portionem, veluti suffocatur. Tandem, si calor ipse natiuus nihil sit a temperamento distinctum, perpetuam iacturam ob quatuor primarum qualitatum continuum dissidium patietur.

Externæ causæ nostræ corruptionis variæ contingunt: vna tamen præcipua, quâ nulla arte vitare valemus; & est aer nos ambiens, qui necessariò, quamdiu viuimus, a nobis inspiratur, transpiraturque, vt cor eius commercio, temperetur; calor natiuus, qui secundum aliquam sui partem extinguitur, ventilatur; & spiritus vitalis reficiatur. Hic ergò, quoniam alienas impressiones facile imbuunt, & a nobis perpetuò inspiratur, corpora quoque nostra exterius perpetuò contingit, nobis vitia aliunde suscepta contestim communicat. Vnde calore excedente, vel frigiditate, vel humiditate vel siccitate alteratus, nos necessariò alterat, sicuti maligna labe affectus, nos etiam inficit.

Aliæ non rarò externæ occurrunt nostræ corruptionis causæ: vt gladius, & similia, quæ contundunt, vulnerant, aut partes a sua sede diuellunt, diuidunt. Interitum accelerat præposterus, & intempestiuus vsus sex rerum non naturalium, quæ, aer, cibus & potus, motus & quies, somnus & vigilia, excreta & retenta, & animi passiones siue pathemata, vulgò nuncupantur.

Vt ergo commodo sex rerum non naturalium vsu præsens sanitas seruetur, & amissa ex præpostero, nimioque earundem vsu, recuperetur, necessaria fuit aliqua scientia, qua quis imbutus, imminetia mala præcaueret, atque præsentia profligaret: Et hæc est illa quæ communiter Medicina appellatur: de qua loquutus Hippocrates libro de veteri medicina, ait: Medicinam inquirere, ac inuenire ipsa necessitas homines coëgit. Medicina necessariò inuenta est. Medicina propter ægros inuenta est. Et lib. de Arte: Nemo quisquam sine medicina sanari potest.

Sed argutus aliquis, medicinam ab hominum vsu explodens, dicit Dei decreto humanæ vitæ terminum esse ita præfixum, & limitatum, vt nemo, quantumvis industrius, eum præterire possit. Adeoque incassum à nobis medicinam excogitari.

Cui, vt satisfaciam, minime inficior Dei decretum tale esse, quale pronuntiat. Sed Medicinam proinde eliminandam, nego. Nam ad determinandam illam vitæ periodum commodè, vel incommodè peruenitur. Incommodè ad eam accedunt quamplurimi, qui Medicorum præcepta non libenter audiunt, sed pro suo arbitratu intempestiuus, excessiuusque sex rerum non naturalium vsibus indulgent, vt sua sponte morbidam vitam, languoribus coniugant accerant. Hinc quamplurimi, calculosi, podagrici, asthmatici, lippī, surdi, gibbi, vlcerosi, scabiosi, & leprosi, quotidie euadunt. At, verò qui commodè, & suauiter vitæ curriculum pericere cupiunt, non solum libenter Medicinæ salutaria præcepta audiunt, sed eis

Varij modi extinctionis caloris natiui.

Causæ externæ.

Aer alteratus nos alterat.

Medicina necessaria.

Obiectio.

Solutio.

placide & sine renitentia obtemperant. Quare, ut homines feliciori, productiorique vita fruatur, scientia medica protenus necessaria videtur. Per spicuitatis ergo, rem exemplo perlustrare placet. Accendantur duæ faces aut candelæ, eiusdem ponderis, quarum una in aliqua porticu aduersis statibus exposita relinquitur: altera, pro more in aliquo cubiculo, alioque loco undique ocluso. Certum est utramque ad ceræ, aut seui, aut funiculi usque consumptionem duraturam. Sed quæ in custodia posita est diutius, quæ verò temporum iniurijs, breuius. Pari pacto duo coætanei vitæ terminum a Deo præscriptum humidi radicalis absorptione absolunt; vnus tamen, exacta victus ratione vsus, morborum impetibus validius reluctatur, & productiorem vitam peragit. Alter inordinatè degens fractis viribus, sanitatē lubrica, atque inconstanti, vitæ curriculum claudit.

Quod autem vita nostra termino claudatur ex D. Paulo liquet, qui ait statutum esse omnibus hominibus semel mori. Plato in Timæo idem refert. Galeniam lib. 1. & 6. de sanit. tuenda, & lib. de tabe. qui floccifacit Philosophum illum Sophistam, qui de immortalitate comparanda librum conscripsit. Quod autem vita regimine producatur, patet in Pollione qui vltra centesimum annum cum animi, & corporis vigore vixit, quia, iuxta Democriti consilium, intus mulso, foris oleo vsus est; vt Augusto respondit, referente Plinio lib. 22. c. 24. Democritus autem, vt sanus quis seruetur, interna melle, externa oleo rigare persuadet; & optime.

Obiectio.

Sed vltèrius obstrepunt, morbus vrgentibus nullum administrandum remedium; quoniam Dei decreto ager morietur aut liberabitur. Respondeo omne bonum acceptum Deo meritò adscribendum: Vt plurimum tamen, æger Diuinæ liberalitatis particeps sit, mediantibus causis iecundis. Prudenter ideo idonea a Medicis excogitantur remedia, quorum rectam administrationem: salus subsequetur, si Deo ira placet, si secus, mors. Quod autem remedia tentari debeant, patet ex Ecclesiast. cap. 37. vbi scribitur: Deus sanat per hæc. i. remedia, tollitque dolorem hominis. Non dissiteor tamen Deum, sine medijs, vitam hominis miraculosè producere. yti produxit vitam Ezechia morientis ad quindecim annos, vt habetur lib. 4. Regum.

Solutio.

CAP. II.

De Medicina origine.

*Necessitas
& admiratio,
causa
inventionis
scientiarum.*

Medicinam Adamo in mundi primordio fuisse infusam facile crediderim. Sed languescente sensim veritatis amore, & propagatione peccati seminario, hominum ignorantia quotidianum suscepit incrementum, donec inordinato insolentique progressu animalium ruditeriam excederent. Postea tamen, variarum rerum inopia pressi, & variorum euentuum, quorum causas ignorabant, admiratione ducti, plerasque disciplinas vigilanti solertia restaurare, coacti sunt. Ad scientiarum ergo studium eos promouit præfatum duplex incitaculum, necessitas, & admiratio. Nam illa scientias & artes ad commodam vitæ propagationem conferentes indefinenter produxit: sicuti admiratio eas, quæ in sola rerum contemplatione immorantur, constituit. Medicina autem, quia necessaria, primi est ordinis, & secundi forte particeps.

Homeo.

Homerus ad iram Deorum morbos hominibus incuti, & ad eorundem morborum sublationem ab iisdem Dijs immortalibus, medelam expeti, asseuerat, cui sacra pagina Ecclesiastici 38. consentit. Qui deliquit in conspectu eius qui fecit eum incidet in manus medici. Quasi diceret, peccatum morbis viam sternere: paulò ante ait: Da locum medico: Etenim illum Dominus creauit, & non discedat a te, quia opera eius sunt necessaria. In præfati capitis exordio sequentia habemur: Honora medicum: propter necessitatem enim creauit ipsum altissimus. A Deo enim est omnis medela, & a Rege accipiet donationem. Disciplina medici exaltabit caput illius, & in conspectu magnatum in admiratione erit. Altissimus de terra creauit medicinam, & vir sapiens non abhorrebit eam. Nonne à ligno indulcata est aqua amara? Ad agnitionem hominum virtus illorum; & dedit hominibus scientiam Altissimus, honorari in mirabilibus suis. In his curans mitigabit dolorem, & vnguentarius faciet pigmenta sua uitatis, & vñctiones conficiet sanitatis, & non consumabuntur opera eius.

Sacra Scriptura de medicis verba.

Ab his non deurat Hippo, lib. de veteri medicina, aiens: Medicinam artem dignam, quæ Deo adscriberetur primi inuentores indicauerunt. Et epistola ad Abderas, dum medicinam Deorum munus esse confirmat. Proinde Græci Deum Apollinem; Iouis & Latonæ filiū, medicinæ inuentorem statuunt. de quo ideo Ouidius lib. 1. Metamor. (quod innuit lib. 1. de remed. amor. lib. 3. de trist. eleg. 3. & lib. 3. fast. & Virgil. 12. Æneid.) Inuentum medicina meum est, opifexq; per orbem Dicor; & herbarum subiecta potentia nobis. Apollinem ideo Athenienses *αλεξίκακον*. malorum depulsores vocabant; & Vestales virgines Romæ in facus cum sic appellabant: Apollo Medice, Apollo Poëan. Apollo enim dictus est quasi abluens & soluens a malis, teste Platone in Cratylo, vel vt alijs placuit, medicinæ inuentor creditur, quoniam ais illa vaticinandi, cui medicina cognata est, ab Apolline originem traxit. Macrobius tamen lib. 7. Saturn. c. 17. docet potestatem medendi Apollini concessam esse, quia temperatus calor Solis, qui nomine Apollinis intelligendus venit, omnium morborum fuga existit. Strabo lib. 14. iuxta Geogra. apud Milesios, & Delios Apollinem salutiferum, & poëanicum, a sedandis morbis, nominari, retulit. Ab alijs Osiris dictus est, quasi oculatissimus, & multoculus, quod Medicinam summam cum prudentia, & circumspectione mortalibus adinuenerit. Vnde eum *ἰατρίης*, salubritatis authorem nuncupabant.

Apollo medicine inuentor.

Cur Apollo sic dictus.

Cur Poëan.

Cur Osiris.

Chiron Centaurus medicina inuentor apud Plin.

Agenor medicina inuentor apud Plut.

Medicina inuentores apud Aegyptios.

Æsculapius, vt pater Deus nuncupatur.

Plinius verumtamen lib. 7. natural. hist. cap. 56. Chironem Centaurum Theſſalum Saturni, & Phylliræ filium, medicinæ inuentorem proclamat, vel, vt verius rem deducam, herbariam & medicamentariam artem, primum ab eo manasse credendum. Chiron hic fuit Achillis magister, & Æsculapium, vt fertur, medicinam docuit. Plurarc. in simposiacis lib. 3. q. 1. Agnorem, & Cheironem medicinam primos fecisse, scribit. Medicinam Aegyptij apud seipsos repertam volunt: Alij per Arabum Apollinis, & Babylonis filium. Diodorus Siculus (qui 68. annis ante Christum floruit) lib. 2. antiquita. c. 2. Mercurio Trismegisto Aegyptio medicinæ inuentionem tribuit. Galen. lib. de exhortatione ad artes addiscendas c. 2. Deum Mercurium orationis parentem, & artium omnium auctorem proponit. Alij Capim Regem Aegypti medicinæ inuentorem reſeunt: eamque ab Aegyptijs, tanquam a primis artium cultoribus, ad Græcos fuisse deriuatam, credunt. Apud quos eam primus exercuit Apollo Deus nuncupatus, deinde Æsculapius Apollinis filius (Atclepius Græcis dicitur: Vnde Atclepiada nominantur

nantur familiæ ab eo propagatæ) quia medicinam paulo altius illustravit, & Hippolitum Minois filium, Atheniensium decreto interemptum, ad vitam reuocauit, Dei nomen apud Græcos, ut pater, meruit. De quo Quintus Serenus Samonicus, medicus latinus, ita cecinit.

Tuque potens artis reduces qui tradere vitas Noſtri, atque in cælum manes reuocate ſepultos. Qui colis Ægeas, qui Pergama, quique Epidaurum. Poſt huius obitum, tanquam hæreditario iure, in filios Podalirium, & Machaonem, omnis medendi ſacundia & poteſtas translata eſt. Hi enim in bello Troiano, ſtrenuiſſimorum Ducum munere ſunt functi; ægriſque inſuper mederi, dignati ſunt. Vade Homerus lib. 2. Iliados ait:

Horum rurfus Duces erant Æſculapij duo filij, Medici nobiles, Podalirius atque Machaon. Et Iliados lib. 4.

Talibì quam citiſſimè Machaonem accerſe Virum, Æſculapij filium, præſtantiſſimi Medici. Idem Hom. Iliadis lib. 11. medici dignitatè innuens, ait. Doctior eſt cunctis medicus mortalibus vnus.

Mors Æſculapij.

Plinius lib. 29. Æſculapium fulmine extinctum, ob Iouis iram, quòd Dianæ precibus Tyndaridam ſive Hippolitum Athenienſium decreto inter quatuor equos diſcerptum, ad vitam reduceret, contendit. Ab Æſculapij interitum ad bellum Peloponeſiacum (Peloponeſis hodiè Morea dicitur) medicinam in denſiſſima nocte latuiſſe, idem Plinius perhibet: & tunc, inquit reuocant eam in lucem Hippocrates genitus in inſula Coo, clara, & valida, & Æſculapio dicata. Is cum fuiſſet mos liberatos morbis ſcribere,

Æſculapij templum.

in templo Deo Æſculapio conſecrato, ut ſimilitudo proniceret in conſimilibus morbis, qui alijs ſuperuenire poſſent, Hippocratem omnia experta medicamenta in templo appenſa exſcripſiſſe, traditur. Atque, ut Varro apud nos credit (inquit Plin.) iam templo concremato, is (Hippocrate ſcilicet)

Medicina clinica ab Hippo. inſtituta.

inſtituiſſe medicinam hanc, quæ clinice vocatur. Græci autem Clinicen vocant (cline autem latine lectus dicitur) praxim medicam, qua Hippocrates, quem ſequimur, uſus eſt; ægros in lecto decumbentes viſitando, ut morborum ſpecies per ſigna propria inueſtigaret, morborumq; cauſas detegeret, & ægrotantium naturam, ſexum, ætatem, habitum, atque conſuetudinem exactè perpenderet. Præcedentibus vero ſæculis ad medicorum eſes egri deferrebantur: immo, ut aiunt, ad publicam plateam, ut quouis expertum a ſe remedium in ſimili morbo, ægro porrigeret. Diſtis ſubneſcit Plinius Prodicum Selimbriæ in Romania natum, Hippocratis diſcipulum Iatralapicen (eſt pars medicinæ quam vilis nota homines, liniendo corpora, ea-

Ad publicum forum agri antiquitus euehebantur. Iatralapice quid.

que manibus contrectando perficiunt) inſtituiſſe. Curus, veluti, & Hippocratis placita, ingenti garrulitate matauit Chryſippus. Et Eraſiſtratus, ex Ariſtotelis filia genitus, ſui magiſtri Chryſippi pariter principia mutauit.

Varia ſeſte Medicorum.

Alia ſectio Medicorum (inquit idem Plin.) ab experimentis ſe cognominans Empiricem, cœpit in Sicilia a Crete Agrigentino Empedoclis Phyſici autoritate commendato. Herophilus aliam poſtea fundauit Sectam: Aſclepiades aliam. Antonius Muſa D. Auguſti Cæſaris Medicus principia a Themifone Aſclepiadis diſcipulo propoſita aduerſus ſuum magiſtrum euertere conatus eſt: & feliciter: nam aduerſa methòdo a periculoſiſſimo morbo Auguſtum liberauit. Eodem fere tempore Neronis principatu, Theſſalus maiorum placita euertere conatus eſt; Et quadam rabie in omnes xui Medicos perorauit. Crinas Maſſilienſis religioſa aſtrorum obſervatione ductus aliam etiam inſtituit Sectam. Primus Medicus, & ipſe vulnerarius, qui

qui Romam anno ab eadem vrbe condita 535. aduenit, fuit Archagatus Lisanæ filius Peloponenſis, eique ius quiritium datum, & taberna in com-
pito Acilio empta.

Post relata, etiamſi medicinam non eſſe damnandam, aut vlllo pacto abo-
lendam conſiteatur Plin. aperto tamen ore, Catonis (cenſorij non Vticen-
ſis) verbis niſus in eam irruit. Sed Plini. æque ac Antonius Guibarra me-
dicinæ ſuppreſſionem ab Æſculapio ad Hippocratem vſque nimis imperi-
tè ſupponunt. Cum ex Homero compertum habeamus Podalyrum &
Machaonem, Æſculapij filios medica peritia non mediocriter imbutos.
Denique teſtem habemus ingenuum ipſum Hippocrat. medicinæ reſe-
ctorem, vt ipſi teſtantur, qui libro de iure iurando, ait: Parentiſque loco
habiturum eum qui me hanc artem docuit, cum eoque vitam & bona com-
municaturum. Ecce Hippocrates ab alio medico, tanquam a magiſtro
eruditus. Fertur etiam ipſum a Democrito pulſus notiſſimam accepiſſe: Rur-
ſus idem Hippocr. lib. de victus rat. in morb. acutis, Cnidiorum medicorum
ſectam (quam nobiliſſimam vocat Gal. lib. 1. meth. c. 1.) commemorat, in-
quiens: Qui Cnidias appellatas ſententias ſcriptis tradiderunt, iſ ſane qui in
ſingulis morbis ægri patiuntur, & quomodò eorum nonnulla ipſis eueniant
reſcè conſcripſerunt, &c. Ergo ex Hippocratis ſententia medicina ad ſui
aduentum vſque in denſiſſima nocte non latitauit, vt Plinio placuit. Gale-
nus quatuor Sectarum medicorum, meminit lib. 1. meth. cap. 1. Atque olim
quidem non parua lis erat eorum qui in Co, atque Cnido habitabant, vtri vi-
delicet inuentorum multitudine reliquos ſuperarent. Quippe geminum hoc
genus Aſclepiadarum adhuc in Aſia ſupererat, deficienti nimirum quod
in Rhodo vigerat. Certabant autem cum hiſ honettum illud certamen,
quod Heſiodus prædicabat, etiam medici, qui Italiam incolebant Philoſiſiõ,
Empedocles, Pausanias, & horum ſectatores: erantque tres hæ certantium
inter ſe nobilium medicorum Scholæ. Plurimos quidem atque optimos di-
ſcipulos Coæ fortuna contulit: ab hac Cnidia: nec tamen in paruo haben-
da pretio erat, & quæ in Italia noſcebatur. At horum nemo, nec mane po-
tènt. um fores ipſos ſalutaturus, nec veſperi cœnaturus, frequentabat. Cui-
uis vel leuiter in mundi Chronicis verſatus, compertum eſt, prædictas medi-
corum ſcholæ ab Hippocrate, tanquam a primo dictatore, non fuiſſe con-
ſtitutas. Cnidiam Hippocrates citat. Ergo præfuit. Nam ipſe ait Sectarum
Cnidiam Scriptas quidam ſententias tradidiſſe. Empedocles verò, qui
Italicam inſtituebat ſectam, Hippocrate antiquior fuit. Rhodia ſecta præ
vetuſtate contabuit. Hippocrates adhuc lib. de veteri medicina, ait: Medi-
cina iam ab antiquo exiſtit. Et lib. de lege medicinam nobiliſſimam artium
commendat, ſuo tamen tempore omnium inſimam æſtimari pronunciat:
idque propter eorum qui eam exercent ignorantiam, & ſtultitiam eorum,
qui tales inſcios medicos appellant.

Præter Homeri, Hippocratis, & Galeni teſtimonia, ſacra pagina plene
confirmat inter Æſculapij obitum & Hippocratis ortum, medicinam non
fuiſſe extinctam; immò medicos, rem medicam exercentes, interuiſſe. Eze-
chiel autem Propheta, qui ſexcentis ſaltem annis ante aduentum Chriſti flo-
ruit cap. 47. ait: Et erunt fructus eius in cibum, & folia eius ad medicinam
Hippocr. autem 448. annis vel circiter, ante aduentum Chriſti claruit. Ergo
ante ipſum tempore Prophetæ medicina à medicis excercebatur. Salo-
mon tam ab Hippocrate retro, quàm Æſculapio poſt remotus, de plantarum
& animalium cunctis viribus exactè diſſeruit: vt habetur lib. 3. Regum. Æſcu-
lapius

*Primus me-
dicus Ro-
ma.*

*Ante Hip-
pocratem
plures me-
dici.*

*Quatuor
medicorum
Scholæ.*

*Opus medi-
cum Salo-
monis.*

lapius ante bellum Troianum claruit. Hoc bellum indictum fuit circa annum 1188. ante aduentum Saluatoris. Homerus dicti belli præcipuus relator, circa 1089. Salomon circa annum 1035. Prædictum Salomonis opus, quorundam relatione, in Hierosolimitano incendio facto per Nabusaradan consummatum. Georgius Cedrenus in historiarum compendio narrat, Græcos Iatrosophistas suffuratos fuisse ex dicto Salomonis opere materiam & argumenta quævis ad artis medicæ constitutionem requisita: aitque cum alijs quod Ezechias Rex dictum opus de medio substulit, offensus negligentia populi Hebræi, qui morborum remedia ex præfato opere petens, eorum sanationem a Deo flagitare negligeret. Libro denique 2. Paralipomenon cap. 16. Rex Aza (qui in Iudæa tempore quo Syluius Porcha in Latio, regnavit longè postquam claruit Homer, teste Eutropio lib. 1. de gestis Romanorum) reprehenditur, & peccasse dicitur, quod vexatus pedù dolore vehementissimo in infirmitate sua vrgente, non quæsiuerit Dominum, sed magis in medicorum arte fiduciam posuerit.

*Mercedem medi-
cis constitui-
tuit Domi-
nus.*

Si superiora tempora ante bellum Troianum, & consequenter ante Æsculapium qui paulo ante floruit, conscendere licet, medicinæ antiquitatem nullo labore, commemorare poterimus. Moses qui Pharaonem Chencrem Ægypti Regem, numine auxiliante oppugnavit, & Israellem liberauit. Genesis c. 50. ait: Ioseph mandavit servis suis medicis ut corpus patris sui Iacob defuncti aromatibus condirent. Ioseph a fratribus fuit venditus circa annum 1753. ante aduentum Christi: Moses Israellem liberauit circa annum 1519. vel 1516. ut alijs placet: Exodi etiam cap. 21. inter præcepta iudicialia, siue leges quas populo Deus tribuit medicis mercedem constituit. Si (inquit Dominus) rixati fuerint viri & percusserit alter proximum suum lapide, vel pugno, & ille mortuus non fuerit, sed iacuerit in lectulo: si surrexerit & ambulauerit foris super baculum suum, innocens erit qui percusserit: ita tamen ut operas eius, & impensas in medicos restituat, Melampus celeberrimus medicus, viuit, ut fertur circa annum 1340. ante Christi aduentum Hermes ille Trismegistus, (.i. ter magnus) medicus & Philosophus Ægyptius floruit circa annum 1460. ante Christum: Chiron quidam Centaurus, tempore Venus & Apollinis, floruit: circa nimirum annum 1750. ante Redemptorem, ut in Epitome chronicorum habetur.

*Medicina
à Deo da-
ta.*

Ex his, alijsque varijs exemplis satis constat medicinam, quouis tempore in magno fuisse pretio, & æstimatione, nullumque prælapsum sæculum, quod ea humanum genus non indiguerit. Iesus enim filius Syrach, qui floruit circa annum 214. ante Christum natum cap. citato Ecclesiastici medicæ industriae necessitatē his verbis expressit. Et non cōsummabuntur opera eius. Quæ verba non aliud significant, quam quod medicus omni tempore, & sine sæculorum interpolatione, medicam artem exercere debeat. Nam quouis tempore a primi parentis lapsu, peccatum, quod morbis viam frauit, committeretur, æque ac committitur. Ergo cum morbos æternis omni tempore, genus humanum fuerit obnoxium, medicina in subsidium à Deo concessa, omni tempore cōmoda remedia subministrabat. Rectè ideo Sanctus ille author, medicinam, non humana industria, sed diuina liberalitate nobis concessam fuisse declarat, aiens: Altissimus de terra creauit medicinam. Omnes ergo illi medici, qui pro Dijs, quod tam salutaris artis inuentores æstimarentur, à cæco imperitoque populo adorabantur; Medicinæ potius seduli scrutatores, quam veri inuentores nuncupandi veniunt. Qui tamen rerum naturas, Deo auxiliante, altius perscrutari sunt, non propria gloria

riæ cupidi, sed, vt, postquam consensum & dissensum multarum rerum, cuna humana natura excogitarēt, & dimensi essent, humanas oblinirent ærumnas, in magna veneratione vbique locorum esse debent. Cum huic labori non leue studium Diuinus Hippocrates, & Galenus, duo medicinæ luminaria, adhibuerint, eorum memoriam varijs encomijs sempiternæ recolere, nunquā est aspernata posteritas.

Non in consimiles viros omni laude dignos perorarunt Cato Censorius apud Plinium, & Plinius ipse lib. 29. natur. hist. c. 1. Sed in Græculos quosdam imperitos Thesalicos, & Erasistrateos Romæ summa cum iactantia græcanisantes: in quos & ipse Galen. styllum vertit amarulentum, vt sequenti capite, Methodicam sectam descripturus, referam. Plinius circa annum 116. post Christi aduentum claruit. Galenus verò Romæ egit circa annum 140. aut 150. Ergo eosdem medicos quos Plinius vituperat, Galenus etiam reprehendit. Nec hi solum, sed ipse Hippocr. qui circa annum 460. ante Christum scripsit, ignaros omni cum despectu lacerat. Proinde lib. de artic. inquit homines ignaros prauis medicis lucrū præbere. Lib. de vi&us rati. in morb. acut. ait Medicorum altercationes, etiam circa ptisanam, & modum præscribendi eam, nimis obscurare facultatem medicam. At v. (inquit) ars tota magnam quidem apud vulgum calumniam sustinet: adeo vt nullam omnino medicinam esse existiment. Si quidem in acutis morbis in tantum inter se dissentiant artifices, vt quæ alter exhibet veluti optima reputans, ea iam mala alter existimet. Fereque ob id ars ipsa diuinationi similis esse videtur. Lib. de Prisca medicina de bonis medicis & medicinæ inuentoribus, deque malis nonnulla pronunciat. Libro de lege causam tolerantia prauorum medicorum in vrbibus sequenti ordine exponit: Omnium Profectò artium medicina nobilissima. Verum propter eorum qui eam exercent ignorantiam, eorumq; qui temere de his iudicant, omnibus artibus iam longe inferior habetur. Cuius quidem erroris ista mihi potissimum causa esse videtur, quod soli arti medicæ nulla in vrbibus, præterquam ignominia, præfixita poena est, quæ eos qui ex ea constant minime attingit. Qui quidem personarum, quæ in tragædijs producuntur, maxime similes esse videntur. Quemadmodum enim illi quidem formam, habitum, & personam histrionis referunt, neque tamen histriones sunt: sic & Medici, nomine quidem multi, re ipsa perpauci.

Plinius Hippocrati, veluti subscribens, ait: Itaque hercule in hac artium sola euenit, vt cuiusque medicum se professio statim credatur, cum sit periculum in nullo mendacio maius. Non tamen illud intuemur, adeo blanda est sperandi pro se cuique dulcedo. Nulla præterea lex quæ puniat inscientiam capitalem, nullum exemplum vindictæ. Discunt periculis nostris, & experimenta per mores agunt: Medicoque tantum hominem occidisse impunita summa est. Quinundò transit conuiuium, & intemperantia culpatur: vltroque qui periére arguuntur. Alia adhuc medicorum vitia, vt veneni propinationem, & adulteria, meritò congerit Plinius.

Marci Catonis Censorij verba ex eodem Plinio subijciam, vt medico cōster ipsum non medicinam, nec simpliciter medicos despexisse, vt impudentissimi quidam medicorum osiores, tanquam impostores ridiculè indies persuadent, sed Græcos quosuis literatos. Dicam (inquit) de istis Græcis tuo loco Marce fili, quid Athenis exquisitum habeam, & quod bonum sit eorum literas inspicere, non perdiscere. Vincam nequissimum, & indocile genus illorum: Et hoc puta Vatem dixisse. Quandocunque gens ista suas literas dabit omnia corrumpet. Tum etiam magis si medicos suos huc

*Medicorū
dissensio ar-
tem fadat.*

*Medis
nomine
multi, re
pauci.*

*Medicorū
defectus.*

*Cato in
Græcos li-
teratos.*

mittet. Iuravit inter se barbaros necare omnes medicina. Sed hoc ipsum mercede faciunt, ut fides ijs sit, & facile disperdant. Nos quoque dictitant barbaros, & spurcius nos quam alios Opicos, appellatione sedant. Hactenus Cato Græcorum præmeditatas aduersus Romanos technas, paucis comprehendens est: Ex cuius verbis nemo sanæ mentis inferre valet, medicinam eius iudicio eliminandam. Immo verò, ut Plinius ipse testatur, Profitetur sibi commentarium esse quo medeatur filio, seruisque familiaribus; libereque subijcit, ut Plinius etiam loquitur, qua medicina se & coniugem usque ad longam senectam produxerit. Obijt enim Cato ille Censorius 605. Vrbis Romanæ, & 85. suo. Plin. verò testatur medicinam rem utilissimam non fuisse ab eo damnatam. Nam non rem antiqui damnabant, sed artem idest medicinam; rem Reipublicæ profuturam rebantur: quorumdam tamen medicorum Græcorum versutias, & vitia damnantes, medicos extirpare satagunt. Plini. hanc veritatem propalat, qui postquam Romanorum medicorum nonnulla vitia detexit, ait: Non sint artis ista sed hominum: Et paulo post: Et hæc (i. quod avarissimi medici multos agrorum loculos audissime haurirent) personis imputentur. Et rursus eosdem medicos arguens, inquit: Mutatur ars quotidie toties interpollis & ingeniorum Græciæ flatu (sive fastu) impellimur. Palamque est ut quisque inter istos loquendo polleat, valeat imperatorem vitæ necisque illico fieri: ceu verò non milia gentium sine medicis degant, nec tamen sine medicina: sicut populus Romanus ultra sexcentesium annum.

Ecce Plinius qui fatetur sine medicina populos vitam non traducere, sine medicis tamen apprimè posse. Græcorum ergo stimulatus odio Marcus Cato Censorius, suo consulari medicos ex vire depelli curauit. Quod quibusdam leguleis, ijsque inscijs, & medicorum honori, præ inuidia, detrahentibus, garriendi occasionem dedit. Putant etenim Romanos, expulsis semel medicis, sine his vixisse centum & octoginta annos. Sed in hoc, ut in alijs multis, suæ inscitia pulchrum specimen omnibus palam exhibent. Nam Marcus Cato Consulari dignitate gauisus ante Ciceronem annis 131. senioque solutus est annis 83. antequam Cicero cōsularu potitus esset. Sed vigente Cicerone, Romani Medicorum opera frui sunt. Ergo postquam Senatui Marcus Cato medicorum exilium persuasit, centum, & octoginta annis Romani medicis non fuere priuati. Hanc veritatem Cicero ipse confirmat, qui lib. de claris oratoribus, ubi se Catoni Censorio in consularu succedere monens, uti Cato Cethego, hæc habet: Cum essem propemodum extenuatus, me & amici, & medici hortabantur ut causas agere desisterem: & lib. 13. Epist. familia. ad S. Sulpitium scribens, inquit, Asclapione patrensi medico vtor valdè familiariter. Suetonius denique in vita Cæsaris refert, Cæsarem omnes profiteutes medicinam, quo libentius urbem incolerent, ciuitate donasse; & Augustum Cæsarem in magna quadam sterilitate omnes peregrinos, exceptis medicis, vrbe expulisse. Ex his omnibus coniectari licet solo Marci Catonis Cōsularu medicis caruisse populum Romanum: Et eundem Populum Medicorum operam sequentibus temporibus post Catonis obitum magnituisse. Quod si peritos in arte Medicos non habuerint Romani quinque aut sex primis sæculis, id non prohibet quin apud illos quamplurimi extiterint medicorum officio fungentes. Cato enim ipse, ut tateatur, medici, licet Empirici, officio functus est. Lacones etiam, Babilonij, Ægyptij, Lusitani, alijque populi barbariæ tenebris cæcutientes, medicorum vice quosdam habebant, experta remedia, omni

ratio.

*Nec Cato
nec Plinius
medicinā
damnat.*

*Fallitur
Plin. nam
superius in
quit primū
medicū
venisse Ro-
manū anno
urbis 535.
Ergo vltra
600. annū
non carue-
re medicis
Romani.*

*Post Cato-
nis Censo-
rij obitum
Romani
medicos co-
nseruare.*

*Barbari
ipsi medi-
cos habe-
bant.*

ratione seclusa, obseruantes, administrautesque. Apud Indos pariter Medici habebantur, qui, posthabitis omnibus purgantibus remedijs, folijs vntionibus & cataplasmatibus ægros quosuis curare tentabant. Prout refert Strabo lib. 15. circa medium.

Ab his non multum remoti sunt primi medici Latini, vt Celsus ipse: Plinius etiam cuius error in praxi damnandus, dum sub finem capitis citati medicamentorum compositionem improbat, cum singula per se sufficerent. Quæ sententia vt temere prolata, ita rationi, & experientiæ reluctatur. Nam simplex medicamentum ad complicatas ægritudines profligandas, requisitas dotes, quæ plures esse debent, minime comprehendit: Et si simplici morbo simplex apponatur remedium, excedentem, aut nociuam aliquam qualitatem inuoluit, quæ alterius remedij adiectione reprimitur. Tertia adhuc mixtionis multorum simplicium necessitas accedit, vis lenta simplicis medicamenti ad agendum, quæ in actum societate alterius simplicis, stimuli instat, cito reuocatur. Demum, quæ crassa sunt simplicia, non nisi tenuium adiectorum beneficio permeant, penetrantque: sicuti ex aduerso quæ nimia pernecitate peruadunt, crassi medicamenti commixtione remorantur. Vide Gal. lib. de Theriaca ad Pisonem cap. 4. Plinius ergo tanquam inexpertus suum de remedijs interponit iudicium: nec alia ille & Caro remedia commemorant, præter ea, quæ ex veterum medicorum, etiam Græcorum, monumentis suffurati sunt. Proteruè ergo hi, eorumque sequaces, indistinctè in vniuersos medicos conuitia exspuunt: medicinamque, damnare simulant. Nam si ob quorundam artificum imperitiam, petulantiam, & astutam assentationem Medicinæ detrahere vellent, nulla facultas, quantumuis Diuina labem non contraheret. Medicæ ergo dignitati non nisi imprudens & insipiens detrahet: vt Author Ecclesiastici, diuino afflatus Spiritu, studiosè edocuit: Homerus cecinit, & diligens in ea multorum Regum & Principum studium confirmat. In medicina enim peritus fuit Æsculapius in Icaliria Græciæ ciuitate Princeps, qui vt Agamemnonæ aduersus Troianos auxilio foret, triginta naues viris armatis onustas, quibus Duces præposuit Podalirium & Machaonem proprios filios potentissimè & solerter construxit. Imperator Adrianus in Medicina & musica doctus fuit. Ginges & Sabor Medorum Reges, Sabel Rex Arabum, Mithridates Rex Persarum, Hermes Rex Ægypti, veluti Capis, & alij, Auicenna Rex Cordubæ, Mesue Regis Damasci nepos, peritissimis medicis annumerantur. Salomon vt in alijs cunctis, ita in hac facultate versatissimus erat. Redemptor noster diuini medici officium aliquando exercuit. Sed hæc de origine, atque dignitate medicinæ sufficiant.

*Compositio
medicamentorum
necessaria:
nec simplex
remedium
sufficit.*

*Imperator
& Reges
medici.*

CAPVT III. De Medicorum Sectis.

SI Plinio credendum, plures Medicorum Sectæ, quam quæ vulgo numerantur, constituendæ. Vnam ille, tanquam primam, eamque præcipuam, Hippocraticam proponit: Secundam Chrisippi, & Erasistrati sui discipuli: Tertiam Acronis Agrigentini Empirici: Quartam Herophili, qui prædictas iam Sectas damnauit. Deserta deinde & hæc Secta est, quoniam necesse erat in ea literas scire, inquit Plinius. Quintam

Asclepiades instituit : Sextam Themison , qui post Asclepiadis obitum , huius sui magistri principia mutauit : Septimam Antonius Musa : Octauam alij quos Mulsos medicos nominat. Paulo post Thessali Sectam , hoc ordine describit . Eadem ætas Neronis principatu ad Thessalum transfiliuit delentem cuncta maiorum placita , & rabie quadam in omnes æui medicos perorantem : quali prudentia ingenioque æstimari vel vno argumento abunde potest , cum monumento suo (quod est in Apia via) iatronicen se inscripserit. Nullius histrionum equarumq; trigarij comitator egressus in publico erat. Eum Crinas Massiliensis arte geminata , vt cautior religiosiorque , ad syderum motus ex Ephemeride Mathematica cibos dando , horasque obseruando , autoritate eum præcessit . Si duas has sectas , Thessali & Crinæ iam dictis annumeres , decem saltem constitues . immò innumeras . Nam.

Se iactat Medicum quiuis Idiota , Profanus ,

Hebraus , Monachus , Histrion , Rasor , Annis .

Cæterum Plinius Sectas enumerando , Sectæ Naturam leniter contem-
platus est . Nam quamuis multi medici in omnibus non consentiant , non
proinde diuersas constituunt Sectas , sed in quibusdam opinionibus dis-
sidentes dicuntur . Secta enim est plurimorum in multis doctrinæ principijs
inuolatus consensus : vel , vt habetur lib. de Definitionib. medicis : Secta
est assensio dogmatum multitudinis , quæ tum ad se ipsa , tum ad apparentia
consequentiam habent : vel Secta est assensio ex dogmatum multitudine ,
sequelam inter se ad vnum finem habentium . Quare Sectæ cuiusuis aucto-
res , fundamenta quadam , à principijs doctrinæ aliarum Sectarum nimis
dissita , vnanimi consensu sibi seligunt : & iuxta hæc religiosissime omnia pe-
ragunt . Tres huiusmodi Sectas medicorum palam enumerat Gal. lib. finitionum
Medicar. lib. de optima Secta ad Thrasybulum c. 7. libro contra Iulian. c. 5. & lib. de Sectis . Prima est Empirica : Secunda Methodica : Tertia
Dogmatica ; quam Logicam siue Rationalem vocat citatis in libris , veluti
lib. de libris proprijs c. 1. Non has tantum , sed alias in progressu recen-
sebinus .

*Quid est
Secta.*

*Secta Em-
pirica vn-
de dicta.*

Secta Empirica ab experientia nomen sortita est (*εμπειρα* enim experien-
tia dicitur) Empirici ideo Triticij .i. obseruatores , ac Mammoneutici .i. me-
mores eorum , quæ euidencia sunt , appellantur , teste Gal. lib. de Sectis c. 1.
Hæc Secta soli innixa experientiæ , ex qua omnia theorematata medica , atq;
adeo vniuersam medicinam exurgere credit , rerum omnium contemplatio-
nem spernit . Itaque neglecta cognitione naturæ hominis , causæ morbi ,
morbi ipsius , & facultatum remediorum , ac indicationum , ad Syndromen
quandam siue congeriem , quam Symptomatum concursum vocant , solum-
modo respiciunt : vt videre est apud Galenum lib. de Sectis c. 4. & libro in-
troductionij Herodoti c. 3. vbi sequentia habentur . Empirica ad assidentium
accidentium concursus quæ ægris adsunt , respicit , & conuenientem acci-
dentibus curationem obseruat ; idque nec morbo cognito , nec causa in-
quisita . Contenta a. est obseruatione in accidentibus , per eorum quæ admo-
uentur experientiam facta , & historia prius expertorum vitur . Et tum a
compertis ad incomperta , ad similia secundum apparentem speciem , &c.
Ergo Empirici soli experientiæ addicti ratiocinationes tãquam quid inuti-
le omittunt , & sedulo ad numerum quorundam symptomatum , vt ea
auferant , recurrunt . Et hic quibusuis alijs neglectis , firmiter hærent , sola
sua inspectione seu proprio intuitu , seu autopsia ; simulque historia seu au-
topsia aliorum contenti .

Varios inuentionis modos Empirici excogitarunt vt completam artem statuerent. Opera enim naturæ animaduertentes remedia non raro celebrabant. Cum ergo frequenter capitis dolorem & phrenitidem fluxu sanguinis per nares sponte facto solui animaduertent, sanguinis missionem in talibus affectibus commodam fore putabant. Pariter quia tertianam per sudores, aut alui fluorem terminari sæpe viderent, illi rursus has euacuationes moliebantur.

*Empirici
recte opera
naturæ se-
quuntur.*

Secundò ex ijs quæ casu profuerunt, aut nocumentum intulere, auxilia exhauriunt: vt si vinum exhibitum alicui vulnerato profuit, aqua nocuit, ab aquæ usu ad vinum in posterum deflectunt: nam quod profuit in similibus casibus propinarunt, ab eo quod semel nocuit declinantes. Fortuitò aurem usu vini in quo vipera extincta fuit, ab Elephantiasi liberatus est miser ille in Asia, cui messores tale vinum porrexerunt: Sicuti & diues ille leprosus quem pellex propria vino viperino enecare tētauit: vt videre licet apud Galen lib. 11. de Simpl. med. facult. in principio. Quæ è primo genere iuuantia, lædentiæ sunt, naturalia ab Empiricis nominantur. Quæ verò è secundo genere, fortuita. Prina ramen facie vtrumque relatum genus casum vocant: id est præfata malorum genera, quia inconsultò accidunt, casum appellant, & horum remedia, casu inuenta.

*Qui ab Ele-
phatiasis for-
tuitò liber-
rati.*

Secundum igitur experientiæ genus consultò fit, & deliberatione præhabita. In somnijs enim præmoniti vel ægri, vel illi qui medelam intendunt, medicamenta præuisa experiri, imò & non præuisa pro arbitrio, volunt. Hanc autopsiæ speciem *αυτοψία* quasi factum spontaneum Græci nominant; quia ægri, vel proprio ingenio ducti, vel somnis præmoniti, alicuius medicamenti vim usu explorare sponte volunt: vt diues ille Elephanticus in somno, vt fertur, ab Æsculapio præmonitus, ex Thracia in Pergamum penerrauit, vt medicamento ex viperis vreretur; rursusque alijs ad integræ salutis complementum. Gal. lib. 11. de Simpl. med. facult. in principio, rem hanc hac serie deducit: Postremò, & alius quidam vir opulentus, non nostras ille quidem, sed ex media Thracia Pergamum aduenit, admonitus somnio. Vbi iubente Deo, per insomnium, vt quotidie medicamentum biberet quod confectum est ex viperis, totisque corpus inungeret: non multos post dies morbus in lepram abiit: rursusque & hoc parhos, quibus Deus præcipiebat medicamenti, curatum est. Ecce quomodo Elephatiasis in leprâ migravit, usu remedijs ex viperis; & rursus lepra alijs medicamentis à Deo Æsculapio, vt aiunt, præscriptis in somno, curata. Hanc experientiam homines rursus sequuti sunt.

*Lepra ab
Elephatiasis
si differt.*

Tertiū experientiæ genus imitatoriū ab illis dicitur: quod fit, quoties ad ea, experienda ducuntur, quæ aut natura, aut fortuna, consultoue, profuerint, obtuerint: id est dum aliorum experimenta, quæ aut fortuitò, aut naturaliter, aut ex deliberatione, vt iam dictum est, bona aut mala reperta sunt, percurrunt: Vt videlicet bonis vtantur, & mala declinent. Atque hoc ipsum quidem est, quod maximè Empiricorum artem constituit. Non enim bis tantum, aut ter, sed sæpius id, quod ante profuit, imitari, idemque in iisdem affectibus, vix plurimum facere inuenientes, ac eiusmodi memoriam, præceptum vocantes iam fidele id, artisque partem statuunt. Vt autem ab ipsis multa eiusmodi præcepta congesta fuere, id omne congestum, ad modum vnus aggregati, Medicina apud Empiricos vocabatur: Qui verò eiusmodi præcepta, congestit, Medicus. Et ab iisdem Empiricis idem illud præceptorum congestum, vocatum est *αυτοψία*, hoc est, intuitus proprius, qui memoria quædam est eorum, quæ sæpe eisdemque modi visa sunt. Hoc idem

*Autopsia
quid.*

etiam

etiam experientiam nominaunt: eiusdem verò narrationem, historiam. Hęc enim eadē res ei, a quo observata est, proprius est intuitus: ei autem, qui quod observatum est didicit, historia. Hac arte Empirici, quidquid ab alijs observatum expertumque est, imitati sunt, & suum fecerunt, cum, ob vitæ brevitatē nulli liceret innumera medicamenta quę morborum curationi conferunt, sua ætate experiri.

Alius inuentionis modus.

Sed quoniam Empirici dictis tantum medicinam non compleri iudicaverunt, alia rursus præcepta efformabant. Quoniam autem morbis quibusdam interdum occurrebant, quos antea non viderant, aut quos nouerant quidem, sed in eos his in partibus, aut illis, ortos incidebant, vbi non erat, quæ experimento observata esset medicamentorum facultas, certum inueniendi auxilia instrumentum finxerunt, transitum videlicet ad simile: quod videntes, idem sæpè auxilium ab affectu ad affectum similem transferunt, & à loco ad locum: idemque ab auxilio ante cognito ad aliud simile transeunt. Verbi gratia, ab affectu ad affectum, Si ab erysipellate, ad Herpetem transferant: vterque enim affectus est calidus, utpote à bile procedens. Quare remedium quod aliàs vni conueniebat, alteri superuenienti admoueant. A loco verò ad locum transitum faciunt; ut si à brachio ad femur, quoties simili affectu afficiuntur: cum enim dolor in brachio ex inflammatione ortus, olei rosacei litu sedaretur, simili dolori orto ex inflammatione in femore idem rosaceum apponebant. Ab auxilio autem ad auxilium, si in alui profluuijs à cotoneo malo ad Mespilum transeunt. Vtrumque enim remedium astringens est, & fluxus cohibitorium. Omnis autem huiusmodi transitus via ad inuentionem est, nondum autem ante experimentum, inuentio; sed quando iam, quod in spem venit, experimento traditum est, id fidele iam, tum teste eodem experimento, est; idque nihilominus, quam si sæpè eodem modo se habere observatum esset. Id autem experimentum, quod transitum à simili sequitur exercitatorium vocant, quod exercitatum esse in arte oporteat eum, à quo quidpiam hoc pacto inueniendum sit. Superiora autem omnia experimenta ante notitiam experimentorum habita, quibus opus erat ad artem constituendam, hominis vel cuiuscunque, siue literati, siue illiorum esse possunt. Et hæc est via quæ per experimenta artem medicam iuxta Empiricorum doctrinam efformat, teste Gall. lib. de sectis cap. 2.

Empiricorum inuentum non solum à Galeno, sed ab Aristotele lib. 1. Methaphys. cap. 1. approbati videtur, his verbis: Ex memoria experientia hominibus. Multæ etenim eiusdem rei memoriæ, vnius experientiæ vim efficiunt. Quare experientia pene simile quid scientiæ, ac arti esse videtur. Per experientiam autem ars & scientia hominibus efficitur. Experientia enim (ut rectè ait Polus) artem efficit, imperitia verò casum. Fit autem ars cum è multis experimentalibus conceptibus, vna de similibus vniuersalis opinio fiat. Opinari etenim quod Calliæ hoc morbo laboranti hoc conduxit, similiter Socrati, ac sigillatim alijs multis, experientiæ; quod autem huiusmodi secundum vnā speciem determinatis, hoc morbo laborantibus conduxit, utpote Phlegmaticis, ac cholericis, aut æstu febricitantibus, hoc artis proprium est. Ad agendum itaque nihil videtur experientia differre ab arte. Quinimò videmus expertos magis id quod intendunt consequi, quam illos qui rationem absque experientia tenent. Causa verò est quod experientia singularium, ars autem vniuersalium cognitio est. Actiones autem ac generationes omnes circa singulare sunt. Non enim hominem, nisi per accidens, sanat qui medetur, sed Calliam aut Socratem aut alium quempiam
corum

eorum qui sic dicuntur, cui accidit hominem esse. Si quis itaque rationem, absque experientia teneat, & vniuersale quidem, quod autem sub eo particulare est, ignoret, sæpenumero errabit à sanando: Id enim magis sanabile est, quod singulare est. Hæc Arist.

Empiricæ Sectæ primus Author fuisse fertur Philinus Cous, qui primus eā à rationali separauit, occasione ab Herophilo suo præceptore accepta. Cum autem suam hanc hæresin principem, & præcipuam esse vellent Empirici, vt loquitur Author Introductorij cap. 4. Aronem, siue Acronem, siue Creonem Agrigentinum, quo rationali secta, Empirica esset veritior, ei dedidit initium dixerunt. Celsus Serapionem Alexandrinum (qui in ea post Philinum claruit, vt habetur lib. citato Introductorij) huius sectæ Authorem facit. In ea florere Apollonij duo, Pater & Filius Antiocheni: hos sequuti Menodotus, & Sextus exactè eam corroborarunt. Gorgias in hac secta fuit vir præcipuus, veluti Sosistratus, Hamonius Alexandrinus, Hieron, Glaucias, Heraclites Tarentinus. Inter latinos eam amplexi sunt Cato, Celsus & Plinius, alijque minoris notæ innumeri.

*Empiricæ
Sectæ Prin-
cipes.*

Secunda Secta medicorum Methodica vocabatur; specioso hoc nomine sua obuelans deliramenta, medicinam tribus communitatibus consilari dicebat, Astrictione siue Clauso, Profluio, & tertio quodam ex his ambobus composito. Sic morbum omnem aut adstrictum dicunt, aut fluentem, aut ex utroque mixtum; teste Galeno lib. de sectis cap. 6. Si enim naturales excretionnes corporum, quæ suis temporibus debite fieri debent, suppressæ sint, adstrictum affectum tale malum nominant. Si verò excretionnes immodicæ sint, morbus fluens adesse dicitur. Si verò excrementa sint partim suppressa, partim fluentia morbus mixtus ex adstricto & fluente aderit. Verbi gratia si oculum inflammatio simul fluorque occupet. Nā ab inflammatione siue phlegmone, quæ adstricta affectio est, & fluore simul in eodem loco oritur, mixtus oritur affectus. Tumor enim omnis est morbus adstrictus, fluxio est morbus fluens. Hi Medici de peculiaribus morbis parum solliciti, tribus his communitatibus contenti, ab iisdem tres indicationes curatiuas adhuc communes, desumunt. Quæ adstricta sunt, laxitatem indicant: quæ fluentia sunt, compressionem: in mixto malo, ex adstrictis & fluentibus simul, ab vrgentiori sumenda indicatio. Nam si genu v. g., inflammatione laboret, relaxare, aiunt, oportere: Si fluat alius, cohibere atque comprimere: in mixtis autem ex adstrictione & fluxione contra id malum instare quod maxime vrgeat. etenim quod magis turbet ægrum periculumque inferat, hoc idem est quod illi magis occurrere vehementiori malo oportere, quam alteri, dicunt.

*Sectæ Metho-
dica.*

*Triplex
morbis ex
methodicis*

Cur igitur, inquit Gal. non ipsi se rationales vocarunt, cum præsidia per indicationem comparent? Quoniam, inquiunt, rationales obscura scrutantur, nos autem in rebus versamur euidentibus. Totamque denique sectam suam ita definiunt, vt eorum cognitio sit, quæ communia euidentia sunt. Dicunt enim hæc sola communia euidentia, paulo ante à nobis proposita esse ea, quæ medicinam complent, & quibus medicinæ finem consequimur. Et quoniam Methodo inter curandum vtuntur, Methodici nominantur: nam nihil nisi per indicationes intendunt, in quo ab Empiricis differunt, quibus omnis indicatio despicitur. Et quamquam circa euidentia vtræque Sectæ versetur, Empirici obseruatione talium rerum vtuntur, cum Methodici, indicatione media, cuncta moliantur. Rerum obscuritatem vitant, vt Empirici, diuersa tamen ratione; quia hi idèd a rebus obscuris recedunt, quod suo iudicio, dignosci non possunt, sed dum eas inuestigamus, maiorem

*Empiricis
& Metho-
dici in qui-
busdam cō-
ueniunt. in
alijs discre-
pant.*

parimus obscuritatem, quam ante talem inuestigationem. Methodoci verò rerum inuestigationem ideo paruipendunt, quia tantarum rerum cognitio inutilis est. A speculatione ergo Medica prorsus absciunt elementa, temperamentum, facultates, virium robur, habitum corporis, sexum, ætatem, consuetudinem, naturam partis affectæ, anni tempus, regionem, locum & similia; causarum pariter tam manifestarum quam internarum inuestigationem, inutilem censent. Artem ideo non longam, nec vitam breuem; ut voluit Hippocr. sed viceversa artem breuem, ei superfluitatibus istis demptis, & Vitâ longam prædicabant. Ideoque medicinam tanquam breuem, facillimâ, atque apertam & euidentem, sex mensibus acquiri posse proclamabatur: Ignota enim omni causa morbi, quouis anni tempore, inquirunt, & quavis ætate, & quolibet temperamento atque habitu corporis, quavis regione & loco adstrictum laxari postulat, & fluens cohiberi; adstrictum enim cohibentibus nunquam curatur, nec fluens laxantibus. Quare nulla superflua, quæ medicæ cognitioni obstant, quæque hanc plurimum morantur periclitanda sunt, sed solis vtendum communitatibus quæ omni morbo conueniunt. Hæc est summa compendiarie Methodicorum Medicinæ iuxta Galeni relationem lib. de Sectis cap. 6. & 7.

*Methodica
Sectæ
Principes.*

Methodicæ Sectæ primus Author fuit Theophrastus Iadiceus Syrius, qui ab Asclepiade medico rationali occasiones nactus, ad huius Sectæ inuentionem se contulit, laboriosa relicta rationali. Thessalus Trallianus tempore Neronis eam absoluit. Post hos Mnaseas, Dyonysius, Proclus, Antipater. In ea autem de quibusdam disseferunt, Olympiacus Milesius Menemachus Aphrodisieus, & Soranus Ephesius. Fuerunt nonnulli adiuncti, ut Leonides Alexandrinus: quidam delecti ut Archigenes, Apameus Syrius. Hanc Sectam Thessalicam acriter Galenus ubique carpit, quod eò dementiæ & temeritatis Thessalus Romæ progressus sit, ut sex mensium cursu, citra aliarum disciplinarum institutionem, medicinam completere se docturum sponderet. Galenus lib. de Sectis c. 6. iure pronunciat medicinam Methodicorum celerius, & multo angustiori tempore doceri, cum compendiosissima sit; ut quæ paucis communitatibus, quas euidentes illi nominant, sit contenta. Harum communitatum quædam sunt passiuæ, vt adstrictum siue clausum, & fluens: aliæ sunt curatiuæ his passiuis correspondentes, vt resolueret, & tenere. Chirurgicas habent communitates rationali sectæ conformes, ut videre est lib. Introducto. cap. 3.

Verum hanc Sectam, mera ignorantia aberrantem, prorsus damnat Gal. in sua medendi Methodo passim, alijsque innumeris locis; & iure merito; nam non solum naturæ contemplationem Methodici aspernantur, sed ipsius causæ morbi cognitionem & medelam; ita ut tanquam cæci, imperitiam in omnibus foueant: nec tanta vtuntur prudentia, quanta ipsi Empirici, qui licet in obseruatione experientiarum tori versentur, circumspicere tamen, rationalium more, quamplurima quæ curationem iuuant aut impediunt, perpendunt: cuiusmodi sunt frigus & ætus, fames, satietas, cruditas, ebrietas, lassitudo, ocium, actiones varieg, ciborum varietates, mutata consuetudines, & similia; ut habetur apud Gal. lib. de Sectis cap. 7. Condonandum enim, aliquid tempori, & regioni, & ætati, & consuetudini, ex Hippocr. lib. Aphorism. 17. Cum hæc omnia aliaque varia Methodici penitus negligenter obseruarent, in particularium & vniuersalium morborum curatione, turpiter errabant. Nam neglecta differentia, & conditione partium, idem medicamentum tumori. V. g. partis nobilis, partis carniæ, & partis spermaticæ
- appone-

apponebant; idem etiam remedium vlceri cuiusvis partis: idem in quolibet sexu, ætate, & anni tempore, ac regione ministrabant: hos errores ex parte oppugnat Galen. primis præcipue sex libris Methodi med. in quorum tertio, quarto, quinto & sexto, generalem curationem solutionis continui plenè, etiam aduersus Methodicos exponit. Lib. 10. Methodi, & alibi, methodicorum Diatrium, siue inediam trium dierum in febribus quæ vniuersalibus morbis annumerantur, damnat. Cum enim leuissimis essent instructi fundamētis, non, nisi manifestissimos morbos, more vulgi, percipiebant. Quare vt febris speciem, qua æger aliquis vexabatur, perciperent, triduanam ægris inediam imperabant: quæ inedia cum biliosa corpora, eaque strigo a immodicè calefaceret, & exiccaret, in ardentem febrem, aut Hæticam, sæpissimè miseros ægros præcipitabat. In hos Methodicos, qui terè soli, Romam autè & post Galeni tempora, occupabant, sequentia eructat Gal. lib. 1. Methodi c. 6. vocat enim Medicos sui temporis ignorantes nominum & distinctionum. Lib. 1. de diebus decretor. cap. 4. Medicos multos Romanos tantam habere cognitionem Grammaticæ, Rhetorices & Dialecticæ, quantam asinum lyæ, refert, lib. 1. methodi, cap. 1. ait multos medicos mancipiorum ritu adulati. Lib. 3. Methodi c. 2. Methodici sunt alieni à Methodo, vt asini à lyra. & lib. de Præfag. ad Posthu. c. 1. ait medicos adulari, quotidie salutare diuites, per urbem comitari Principes, domum reducere, in conuiujs discumbere, in eis ministrare, iocos & facetias referre. Et cap. 4. eiusdem libri inducit Eudemum Philosophum, vitia Romanorū Medicorum enarrantem, his verbis: Vt apud nos latrones sibi parcant, & in facienda iniuria mutū conueniunt, ita medici Romæ nunc habitantes faciūt: hocque solo à latronibus discrepant, quod in Urbibus, non in montibus insidiantur. Prauos igitur, atq; imperitos Medicos maiori cum acrimonia damnat Gal. quam Plinius. Ille enim Romæ eosdem in doctrina medicos, quos Plinius vituperat, nactus est.

*Galenī cō-
vitiā in
Methodi-
cos.*

Tertia fuit Secta, latrophiistarum, Methodicæ affinis à Cassio quodam instituta. Huius Sectæ meminit Galenus comment. 3. Progn. tex. 10. vbi de Sophistis medicis loquitur, quos ibidem, & lib. 8. meth. c. 6. Logiatros, id est, verbo tenus medicos appellat. Logiater hic accipitur pro seumone tantum, non verò pro rationali; quo in sensu Dogmatica, Logica; id est rationalis nuncupatur. Hæc Secta hac misera tempestate numerosissima pullulat: nam innumeri, qui Dogmaticam sectari ambiunt, Doctoratus tantum titulo & non meritis, grauissimæ huic Sectæ debitis ornati, numerum adaugent. Quamplurimi etenim ex iuuentute stupidi, postquā Philosophiæ primordia parum solerter prælibarunt, medica quædam Philosophicis affinia, negligentis studio, & rarissimo in medicorum auditoria aditu, per menses aliquot subsolaciunt. Impudentissimo postmodum ausu Doctoratus Lauream, solis viris doctrina fulgentibus debita ornari, magno Reipublicæ detrimento, cupiunt. Quorum postulationi Professores, sordida non rarò spe lucri prolecti, nimis faciles se præbent; iniustis talium furentium nebulonum desiderijs, lenissimo præposito examine, eoque in priuato conclauis, vt tenebrionum ignorantia, ne coram publico catu erubescant, occultetur, annuentes. Ita lucum plures imperitos garrulos medico depingit fisco; quoniam laurea doctoratus imperitos tanquam peritos mendose exhibet: ignorantiam obuelat, & honorem concedit indebitum. Quo adepto ita vertiginosi illico turgidi incedunt, & ipsa audacia & impudentia audaciores impudentioresque facti, nulli amplius perito medico operam dant; imò do-

*Secta Ia-
trophiista-
rum.*

ctissimorum Virorum dicta & acta non solum aspernantur, sed omni, cum illis, posthabita consuetudine, intempestiva iactantia, imprudentique perulantia, veluti censores redarguunt. Perpetuum illis studium, procacitas, assentatio, nimia dicacitas, inordinatus loquendi ritus, vt quidquid in buccam venerit nimis inuerecundè effutiant: nihil prameditatum, aut maturum referunt: se medicinæ principibus (quos nec legunt nec intelligunt) sedulam operam nauasse fingunt: cum nihil, præter contraria contrarijs curantur, similia similibus conseruantur, in mente habeant, quod erudito eloquio proferre valent; Sic in sua spontanea imperitia consenesunt, & Thesalicam, siue methodicam Sectam, ob summam audaciam ignorantie annexam, protinus imitantur. Vtrisque porro idem, isque ineruditus agendi modus, par audacia, procacitas eadem, impudentia non impar, parcum studium, fundamentum lene, assentatio communis, & omnia ferè paria, præterquam quod Dogmaticum nomen Iatrosophistæ profiteantur. Cū superbia prætumeant, rectè ijs adaptatur Sapientis dictum Prouerb. 21. Nunquam superbus & arrogans, non sit vocandus indoctus. Logiater autem, longæ consuetudinis cum peritissimo aliquo Medico (vt antiquitus obseruabatur, & vt hodie obseruant Mechanicarum artium Tyrones) vice, ad immodestam & scurrilem dicacitatem se componit; disertum agit, facetias arque dicteria enurit, fabulas componit, doctrinarum vberimum fontem, doctos quosuis retropungendo, semetipsum promulgat: Secreta & experientias, se Authore confingit: credulis perpetuo imponit: vagus & mendicis assentator, circula torum ritu, magnatum, & vulgi amicitiam extorquet. Quoties doctissimis medicis apud ægros, aut alibi obuius sit; nec morem gerit; nec modestiam, nisi coactus, obseruat: nam tanquam natus garrulus & verborum turbidissimus torrens omnem dicendi aniam, eisdem immodestè adimit. Sed hæc omnia illi cum methodicis communia.

Secta Paracelsistica.

Quarta Secta hodiè frequens est Paracelsistica, à Philippo Theophrasto Paracelsæ erecta. Vir ille planè ineruditus dogmata quædam, omni bonæ doctrinæ opposita, excogitauit. Inde nouæ Sectæ Author factus, Sectatores in Germania acquisiuit plurimos, in Gallia raros, in Hispania & Italia rariores, in alijs multis regionibus, nullos. Vt hæc Secta maiorem sibi in publico conciliaret authoritatem, antiquitati suam adscribit artem. Authores deducit Mercurium Trismegistum, Geberum, Auicennam, Rhafium, Arnaldum de Villanoua, & alios; cū tamen quid dixerit Mercurius, illis prorsus incognitum sit; nec mirum, cū longè remotus fuerit à scriptorum, quos habemus, sæculis. Malè denique Rhafium, Auicennam, & alios suæ artis fautores constituunt: cum illi verè dogmatici fuerint, & viri omnium calculo doctissimi, & nūlatenus à Medicinæ Dogmaticæ, & Philosophiæ Peripateticæ principijs, remoti; quique in ijsdem tenaciter persistentes, Pharmaciæ Chymicæ remediorum præparatione, vtiliter ornarunt. Hanc præparationem simplicem, & non superstitiosam libenter admitimus; quatenus videlicet, ea mediante, medicamenta commodiora & vtiliora ad morborum profligationem, redduntur. Verū prout ex hac Pharmaciæ parte, & quibusdam ineruditis principijs, nouam Medicinam à Dogmatica penè diuersam plerique Paracelsi Sectatores constituunt, à recto veritatis tramite longè recedunt. Nam curatiuas indicationes, vnà cum Empiricis, protinus abijciunt: humorum, rerumque naturalium contemplationem aspernantur; tria admittunt rerum principia, Salem, Sulphur, & Mercurium, quorum frequentissima apud illos repetitio, quod ex his omne corpus conficit: & taliter, vt si inter

si inter se consentiant in corpore humano, sanitatem constituent, morbos autem, si dissentiant, vel inter ea orta fuerit dissolutio. Medicinæ principia ex Spagyricis operationibus & effectibus potissimum eruunt. Vnde Medicina Paracelsi non pro arte accipitur, sed pro medicamento propriè; in cuius natura & præparatione consistit omnis medici scientia: qui ut in verum medicum euadat, trium primorum corporum, Salis, Sulphuris, & Mercurij statum, compositionem, & dissolutionem in quouis alio corpore perpendere debet; non quouis modo, sed omnia igne, qui occultas proprietates solus manifestat, cuique partes excrementitias & venena in omni corpore latentia, ab vtili substantia & spiritu, in quo solo, & non in medicamento corpore, vera inest medicina, separat. Dum igitur ignis ope diligenter aliquis ea quæ in Macrocosmo siue magno mundo continentur examinat, per hæc eadem (quod Microcosmus magno mundo corresponsdeat) in Microcosmi, sine peculiari naturæ huius examine, exactam cognitionem peruenit: quoniam similia vtrouique, id est, in magno mundo & in paruo mundo reperiuntur; atque adeo cognitis ijs ex quibus alia corpora constant, non erit arduum, ea ex quibus homo constat, percipere. Medicina ideo Paracelsi nil aliud est, quam experientia quædam, id est, certa cognitio, quam arte Chymica, ex igne solummodo quis discit; ita ut ignis se habeat respectu addiscentis, tanquam Doctor Scientificus infallibiliter veritatem ostendens, & errorem ac fallaciam omnem detegens. Hæc sola cognitio est quæ perfectum efficit Medicum, non verò illa, quæ legendo & audiendo acquiritur. A remedijs morbos esse addiscendos monet idem Paracelsus, & iuxta remedia morbos esse distinguendos. Vulcani enim auxilio in omnibus mundi corporibus, veritas principiorum elucet, & rerum omnium ex quibus constant anatomia: ex hac anatomia, ut innui, hominis anatomia, absque eo quod necessum sit ipsum peculiari studio contemplari, aut dissecare, còpletè acquiritur. Rursus Medicina, & id cui medetur, eodem penitus modo dignoscitur; quia eadè vtriusque anatomia: unde cognito vno, cognoscitur & alterum. Propter hanc anatomia & rei noxiæ similitudinem, (eandem, inquit, habent signaturam) similia similibus curari, affirmant; ut Salinos seu falsos morbos, Sale; Sulphureos, Sulphure solo; & Mercuriales morbos, solo Mercurio. Medicinam tandem (id est remedium, ex cuius inuentione Medicus denominationem assumit) hoc ordine Paracelsi sectatores definiunt; est essentia quædam in natura collocata, deprompta ex materia, vegetabilium, animalium, mineralium, & metallorum, quæ arte Spagyrica debite præparata, corporis humani morbos auerre potest. Dum omnes adimuntur impuritates, Sal, Sulphur & Mercurius non obscure clucent. Hæc & alia Paracelsistarum signimenta, ab ijs, qui Spagyricam aut Chymicam monarchiam recolunt, vnius aut alterius mentis curriculum docentur. Hinc ipsorum errata conuellere non est arduum. Siquidem tam breui curriculo, nemo, præter ieiunam, acquirit doctrinam. Quare ignorantia æsylum meritò dixeris hoc tam celebre apud Paracelsistas, commentum, atque mera pellacia. Ridiculum planè atque dementiæ proximum est parca eaque inerudita Paracelsi principia, diligentissimis, examinatissimisque lucubrationibus Empedoclis, Hippocratis, Platonis, Aristotelis, Theophrasti, Galeni, aliorumque plurimorum Doctorum, quorum omnium, solius veritatis indaganda, icopus fuit, præferre. Nonne meram confirmat ignorantiam Pollinctori, atque facilem, æ his, si Dei beneficio reuiuiscerent, ad Chymiam concedere aditum? Dum hæc refero, Chymicis non impono, sed Paracelsum eorum principem testem

in medium adduco, qui tractatu illo de Physiognomia morbor. c. 1. lib. 1. Paragram. & lib. de Podagra, Medicinam experientiam esse dicit; non quamcunque, sed cognitionem illam certam, quæ ex solo igne, qui nobis omnem veritatem antea occultam manifestat, nascitur. Sufficit ergo, ad hanc Paracelsi Philosophiam comparandam, modum scire adaptandi vasa ad medicamentorum præparationem necessaria, tum Vulcano peritissimo magistro, tum sibi ipsis, dum adinuicem alligantur, vel vnum alteri adaptatur, sine vlla diligenti bonarum disciplinarum acquisitione. Vidi etenim Idiotas æque ac litteratos ad hoc chymicum exercitium vbique admitti: in quo cum methodicis conueniunt, qui tutores & factores, æque ac doctissimos Philosophos auditores admittere non verebantur.

Dicent Paracelsistæ, se more scientificorum principiis vti infallibilibus; vt similia similibus curari, Salem, Sulphur, & Mercurium esse sola rerum omnium principia; medicamentorum vires non manifestis, siue euentibus qualitatibus, sed cõsubstantialibus proprietatibus naturæ cheironiæ, siue arcanis viribus, in quibus scientia & prædestinatio sanationis viget, esse protinus adscribendas, &c.

Sed hoc est ludere, & sensuum cognitioni detrahere. Nam plebeius quisque naturæ ductu & experientia monitus, calorem frigore sedari, humiditatem siccitate, & e conuerso, apprimè nouit. Cur ergo experientiæ reluctantur, & sensibus detrahunt? Quia sanè cum Paracelso, morbos, morborumque causas & symptomata plerumque confundunt, & medendi methodum ex indicationibus, quas omnino cum illo reiiciunt & exterminant, quia laboriosa industria, indefessaque animi contentione, ac studio partam, non asciscunt. Ab omni sane ratione alienum est, velle calorem calore, siccitatem siccitate, frigus frigore, humiditatem humiditate purgare, vel curare. Cum purgatio non calori, nec frigori, nec siccitati, aut humiditati, sed humori calido, frigido, humido, aut secco, aut pluribus qualitatibus prædito, debeat. Medicamenta cathartica dicta, ex plurimorum Dogmaticorum opinione, quibus libenter subscribo, occulta & arcana quadam facultate, & non irritando tantum, potissimum euacuant. Hac abdita vi, præcipuè Rhabarbarum bilem & non melancholiam per se proicit, & euacuat. Peculiarem quandam similitudinem inter Rhabarbarum, & bilem, admitto. Ob id tamen nõ inferendū similia similibus per se curari, sed potius conseruari. Nam morbo, qui actiones lædit, præcipuè debetur curatio; causæ verò antecedenti morbificæ, quatenus morbum effectura est, præcautio, seu euacuatio, ne morbum producat, aut amplius foueat. Bilis enim non est, quæ in febricitante actiones lædit, sed febri siue calor, natiuo multò intensior: Hic est qui cruciat & vexat, quique per vniuersum hominis corpus diffusus vigilas, sitim, anxietatem, aliaque varia symptomata parit. Hic ergo frigidum, quo apud omnes gentes curatur, per se, statim indicat. Calor enim ille præter naturam manifestus est sensibus, ergo vt compescatur, ad occultas proprietates intempestiuè recurritur. Quod calor hic intensus, & non bilis actiones lædat, patet; quia calor à Sole, aut igne in corpus introductus, etiamsi Solis, aut ignis substantiæ in suis permanserint locis, corporis actiones lædit, ergo bilis venis inclusa non est quæ lædit actiones partium solidarum, sed calor à bile natus & solidis partibus communicatus. Quoniam res frigida, quæ huic calori (idem de reliquis pronuntiandum) ipsius sensus subductu, & rationis dictamine medentur (vt ex contrarijs eorundem effectibus colligere fas est) rectè Dogmatici, contraria

contrarijs curari afferunt, & frustra Paracelsistæ ad arcanas proprietates recurrunt, manifestis qualitatibus medicamentoſam vim adimentes.

Repletio denique, qua corpus infeſtatur, neque morbos producit & confirmat, depletionem nobis indicat. Et ſic ipſa cauſa ſuo contrario curatur. Refertum enim ſiue plenum, & exinanitum opponuntur. Ergo remedium inanitionem, ſeu depletionem, ſeu euacuationem efficiens, repletioni ſiue plenitudini protinus opponitur; vti ſerè frigefaciens calefacienti. Et ſic in omnibus rationalium medicorum axioma erit veriſſimum, contraria contrarijs curantur; & dogma oppoſitum, ſimilia ſimilibus curantur, omni ratione deſtitutum. Nam ſimilia ſimilibus conſeruantur: cum ſimile non agat in ſuum ſimile, ſed ipſum foueat,

Nec parum errant in conſtituendis ſuis principijs, nam vt ego à multis Chymicis accepi, Sal, Sulphur, & Mercurius non ſunt principia ſimplicia eo modo quò materia, forma, & priuatio, ſed compoſita. Hinc ergo inferre licet plura vel pauciora eſſe tribus, vt in ſe inuicè agant, reagantq; ad mixti productionem. Mixta enim quæuis ex contrarijs in ſe mutuò agentibus reſultant; vt ex veterum monumentis plenè conſtat. Ergo in mixtis potius admittenda quatuor elementa ſibi contraria, quàm Sal, Sulphur, & Mercurius. Si verò velint aliqui inter ipſos tria illa principia eſſe ſimplicia, commodiùs ſtatuuntur materia, forma, & priuatio, quam Sal, Sulphur, & Mercurius; quia illa generationem & interitum important; Hæc autem. i. Sal, Sulphur, & Mercurius aggregationem, & ſeparationem, more principiorum ab Anaxagora, Democrito, & alijs conſtitutorum.

Licet à Medicorum catu Paraceliſtæ eliminandi ſint, Chymiã tamen non inutile eſſe ſentio; cum proprie loquendo, Pharmacopœa, medico neceſſariæ, pars ſit, quæ aliter, ac Pharmacopœa ordinaria, medicamentoſum præparationem perficit. Sobrius tamen eſto medicamentoſum quibus Spagyrici vtuntur, inter medendum uſus; quoniam alioquin argentum viuum (Mercurium vocant) quouis modo præparatum, tandem te decipiet. Non rarius ex Antimonij uſu varia ſiniſtre ſuccedunt. His illi frequentiſſimè, nunc ſub pulueris forma, nunc verò ſub pilularum, aliàs tabellarum, rotularum, vtuntur. Anneſcunt non rarò Diagrydium, etiam periculum inuoluens: Eſulam patiter, aliaque violentiſſima remedia. Argentum enim viuum ſiue Præcipitatum, ſiue ſublimum, ſi bene caſtigetur, parum aut nihil operatur, ſi verò vim magnam adhuc retineat, periculoſiſſimus eius uſus. Idem de reliquis violentis remedijs chymicè præparatis, vt compertum habeo, dicendum. Varios enim caſus ex Mercurij, Antimonij, aliorumque conſimilium remediorum uſu ſiniſtrè ortos, ſubiicere poſſem; breuitati tamen conſulens ea lubens omitto, quia de his iam ab octodecim annis, in mea Apologia pro Galeniſmiſ, aduerſus quendam Spagyricum, ſuſè peregi.

Hoc tamen, præter reliqua, cuiusvis viri docti menti altiffimè hæreat, non eſſe ſubleſta fide credendum varijs curationibus remedijs Chymicis, vt fingunt, abſolutis. Cum tale quid nugæ redoleat, & ſigmenta, ſub ſpecioſo licet titulo. Viri autem boni ſoli imitandi, in multis remediorum præparationibus; inter quos nò vltimum locum tenet Hartmannus, qui ſicuti Crollius, ſatis ingenuè, quas expertus eſt præparationes proponit: nec in tanto furore Dogmaticos, vt imperiti azyrtæ in dies faciunt, inuehitur. Plura enim ſine faſtu, aut mendacio, (vitia imperitis Paraceliſtiſtæ familiaria, & tanquam quarto modo propria) exhibet remedia; cum alij quamplurimi mendacia ore & calamo fingant, vt tali retinaculo vulgi oculos in ſe conuertāt,

ciuf-

Chymia vtilis eſt.

eiusque loculos assentatoria dicacitate hauriant. Præcipuum indicium viri in arte chymica periti est, non indiscriminatim omnia medicamenta chymicè preparata importunis encomijs ad Empyreum vsque, efferre: nec multa promittere agyrtarum more, sed quæ bona sunt seligere, & quod in se est sine iactantia præstare. His dotibus pollet Doctissimus Dauisſonus, natione Scorus, Doctor Medicus peritissimus, & in arte chymica versatissimus: qui, licet à triginta annis chymiam Parisijs sine vlla remissione, & cum multorum auditorum simul & spectatorum applausu docuerit, Dogmaticam, tamen laboriosam & spinis plenam, nunquam deseruit. Et sic ambo rem dia, tam chymica, quam Dogmatica summo cum delectu pro rei exigentia, solus & vna cum alijs doctissimis Medicis, agris eruditè propinat. Ille ipse merum chymicum contemnens, animal credulum & mendax appellat; quia nimirum ore & calamo mendacia congerit, & aliorum mendacijs præ imperitia facilè credit. Nonnullos tamen noui Pharmacopæos Chymicos, medici titulo renunciantes, desiderata etiam modestia, sua, tempore & loco, ex medicorum præscripto, propinantes remedia, & nullo modo ordinaria, quibus Galenistæ vtuntur, despicientes. Ex aduerso gregarij chymici, tanquam canes latrantes, non solum remedia Dogmatica, vt inutilia spernunt, sed Dogmaticorum honori perpetuo cum liuore & summa petulantia, detrahunt. Sepulchrum enim pateus guttur eorum. Nam viros doctos auersantur: lingue virulentiam indefinenter eructant: His nihil difficile: omnia ad ægri sententiam spondent: omnia sibi, specioso aliquo titulo velati, licere putant. Sed ringant huiuscemodi canini homines, sæculi fæces, Reipublicæ inquinatores, ac medicine fædatores; qui sua arcana, vt aiunt, Galenistis incognita esse, immodesta scurrilitate quotidie promulgant: tali enim astuto figmento suam calant imperitiam. Nam si vulgus ipsorum hæc arcana, vt multi periti medici, perciperet, ea prorsus, tanquam arcanorum nomine indigna, respueret. Verum, vt dixi, his omisſis, & è peritorum cætu eliminatis, Doctorum Chymicorum industriam, atque vigilantem solertiam summopere laudo, & ad vsum medicum, cum delectu, lubens admitto. Galenus nobiscum est, qui à salis vſu non abhorret: immo, Theriacum salern, & medicamentorum præparat ones igne factas, laudat lib. de Theriaca ad Pison, ca. 18, his verbis. Preparatur verò & sal quidam his è serpentibus: & paulò post: Facit autem & hic sal ad omnia, quæ ante diximus, sed modicè facit. Vide, & relege dictum caput. Sed hæc omnia, vt innui, ad Pharmaciā pertinent, & nouam medicinam minimè constituunt.

Sal Chymicè extractum Galeni probatur.

Quinta Secta.

Aſclepiades Prusiensis Sectam erigere statuit; sed Sectatores habuit raros; quia sola dicta morbos omnes curare tentabat; sed incassum omnia. Hæc esto quinta secta.

Experientia, & ratio duo Medicinæ dicuntur.

Sexta tandem medicorum Secta, docta, & sapiens, Rationalis & Dogmatica nominatur. Rationalis, quia rationi innititur: Dogmatica, quoniam varia Dogmata myſterijs plena, pertractat. Nihil enim hæc omittit; doctrinam experientia annectit, & vtramque auidè amplectitur. Nam sicut altero crurum malè disposito aliquis claudicat, sic alterutra illarum deficiente, defectuosus plane medicus censendus est. Experientia enim, & ratio medicinam constituunt: vt habet Galen. lib. 2. de Diebus Decretor. cap. 7. Eodem lib. c. 1. sequentia etiam habet: Vniuersa medicinæ artis speculationes aliæ experientia, aliæ ratione, aliæ vtroque modo inueniuntur. Peritiam ergo non vulgarem simul & experientiam complectatur, necessum est. Dogmatici itaque,

siue

sue rationales Medici, inter Empiricos & Methodicos, medij ingrediuntur: Neque enim omnia vtilia ex obseruatione aiunt deprehendi, quemadmodum declarant Empirici: neque rursus omnia ex indicatione inueniri, vt volebant Methodici: sed nonnulla ex obseruatione experimentorum deprehendi, vt mortifera, & venenum morsu fundentia: nonnulla ex indicatione; ea videlicet, quorum causa reperiuntur. Inter Methodicos igitur & Rationales eatenus conuenit, quatenus vtrique ex indicatione vtile percipi arbitrantur; quatenus verò à diuersis accipiunt, eatenus dissentiant. Siquidem Methodici ex euidentibus quibusdam vtilia putant indicari: at Rationales ab huiusmodi quidem minimè, sed ab occultis: nam cum à causis indicationes creari censeant, causa verò, vti causa sunt, euidentes non sint, ià constat apud eos, ab euidentibus indicationes non fieri, sed ista esse prauia, & veluti manu-ducere ad eorum, quæ indicare possunt, notitiam asserunt. Hoc itaq; rursum Empirici Rationales assentiunt, à nullo euidenti vtilis indicationem proficisci, vt loquitur Gal. lib. de opt. Secta ad Thrasylb. c. 8. Trium itaque Sectarum Empiricæ, Methodicæ & Rationalis Professores in hisce consentiunt, quod euidentia præcepta vtilia sunt, analogismus, obseruatio, historia, ad simile transitus, quod historia sine delectu non admittenda instrumentum, applicandorum remedium modus, quod ex alijs alia deprehenduntur, quod iisdem præsentibus malis eadem sunt facienda, quod adiectionibus, & subtractionibus sanitas seruetur, & morbi fugantur; quod ad sanitatem retinendam, & morbos tollendos nocentium vsus fugiendus est; quod ad materiam adhibendam notitiam experientia potens, atq; vtilis est: quæ enim nutriunt, & non nutriunt, purgantia, & mortifera, experientia omnia comperta sunt. Ecce in quibus conueniant tres præfatæ Sectæ, vt refert Gal. lib. de opt. Secta ad Thrasylb. c. 7.

*In quo tres
Secta con-
ueniunt.*

Rationalis huius Sectæ præcipuus Auctor & Princeps fuit Hippocrates Cous. Post hunc Diocles Caristius, Praxagoras Cous, Herophilus Chalcædonius, Erasistratus Chius, Mnesitheus Atheniensis, Asclepiades Bithynus Cyenus, qui & Prusias dictus est. Hippocrates fuit ab Æsculapio vigesimus, vt in Protagora Plato. Macrobius in somnio Scipionis, eum viuum appellat, qui tam fallere quàm falli nesciuerit. Post sexcentos annos, vel circiter, Hippocratis opera illustrauit amplificauitque Gal. Pergamenus, alter Medicinæ Princeps & restaurator, nunquam deferendus. Arabes horum opera in Methodicum compendium coegerunt; ita vt inter alia doctrinam Physiologicam, sine ordine & fusa oratione à Galeno expositam, in optimum atque præconcinnum reducerint ordinem; præcipuè autem Auenenna, & Hali abbas. Hæc Secta verè Methodica, Rationalis, & Dogmatica, naturæ rationem præbet, morborum naturam, causas, & accidentia inquirunt, & signis ad causarum, imò morborum adhuc inattentionem vitur, curationem per contraria aggreditur. Quatuor ergo sunt, quæ rationalem sectam obsignant, vt c. 3. lib. Introduct. habetur, naturæ inspectio, causarum, ac signorum æstimatio; & quartum, nempe quod causæ ipsi curationem dicant. Medicæ rationis initium (referente Hippocrate lib. de locis in homine) primum natura est: nam à naturæ inspectione (vt habetur cap. 2. lib. Introduct.) Dogmatici auspicantur; quoniam ex ijs quæ secundum naturam sunt, & illa quæ contra habent, possunt cognoscere: at sine naturalium cognitione, illa quæ à naturali habitu recedunt, scire nemo potest: Quin etiam in curando naturæ speculationem similiter requirunt; quandoquidem ex naturali adiuuendorum auxiliorum potentia, quæ cuilibet morbo ido-

*Authores
Secta ra-
tionalis.*

*Quatuor
circa qua
Rationalis
Secta ver-
satur-*

nea sint, accipiunt. Rationalis hæc Secta, quam docti plerique sequuntur, præter Philosophiæ, & aliarum disciplinarum hominem perficientium, apprehensionem, rem medicam in naturalem, non naturalem, & præter naturam distributam, omni qua valet indagatione, contemplatur. Hanc viam, tâquam saniozem ab Hippocrate doctius inchoatam, & à Galeno absolutam, nos omni qua poterimus sedulitate sectabimur.

CAPVT IV.

De Officio Medici.

*Très The
rapentica
partes.*

Medici officium varium est, pro varietate status corporis humani: quod vel sanum est, vel ægrum, vel in neutro statu. Ægrum curare, citò, tutò, & iucundè tentare debet Medicus. Pars Medicinæ, ad quam hoc munus spectat, Therapeutica, siue curatrix medicina, nuncupatur. Tribus hæc constat partibus, vt deinceps dicemus. Prima pars, victus ratio siue diæta dicitur: Secunda Pharmacia: Tertia Chirurgia. Medicus mediantibus his, id est regimine debito tam in victu, quàm in administratione aliarum rerum nõ naturalium, remedijs rursus propinatione, & manuali demum operatione, ægrum pro virili ad naturalem statum ex morboſo reuocat. Hæc curatoria medicinæ pars, vel ipsa rerum præter naturam (de quibus deinceps) ablatio, curatione perfici nequit, quin morbi cognitionem & futurum euentum siue prognosim comperta habeamus, ex Gal. lib. 10. de Method. Sic etenim præhabita diagnoseos & prognoseos notitia, medicatio siue curatio quæ membratim agitur, quæque ex materiæ copia, & eiusdem materiæ congruo vsu, tanquam ex duobus conficitur (vt loquitur Galen. lib. 7. meth. c. 3.) secua manu completur.

*Medicina
partes dua
curatrix
& conser-
uatrix.*

*Triplex sa-
nitas.
Prima.*

Secunda.

Non intendit solum medicus corpus rebus præter naturam, morbo videlicet, eius causa, eiusque symptomatibus afflictum sanare, sed præsentè insuper sanitatem ab omni sensibili damno liberam, sedulo conseruare. Proinde Galen. lib. 1. de sunt. tuen. c. 1. rectè ait: Artis corpori hominis tuendo dicatur, primæ ac maximæ partes duæ sunt: altera sanitatis tuendæ: altera morbi profligandi. Sanitas in vniuersum magnam habet latitudinem, vt colligitur ex Gal. lib. de morb. differ. c. 4. lib. de arte parua, siue medicinali, aut medica. cap. 8. lib. de constitutione artis medicæ. Lib. 1. de sanit. tuenda c. 5. Lib. autem ad Thrasibul. c. 7. in tres species aut gradus eam dispescit. Prima optima dicitur, consummata, ac summa, quæ græce *εὐεξία*, id est bonus corporis habitus nuncupatur.

Secunda species sanitatis κατ' ἐξιν id est secundum habitum esse dicitur: hæc non est perfecta nec absoluta, vniu prima, sed tantam habet latitudinem, vt in varias adhuc species partiari queat. Quoniam temperamentum, ad iustitiã potissimum, huiusmodi sanitas sequitur, non incongruè sanitas ad iustitiam nuncupabitur. De ambabus iam positis sanitatis speciebus loquitur Gal. lib. 1. de Sanitate tuen. c. 5. & 6. sanitas, inquit, non ea tantum quæ absoluta & insectilis est, sanitas dicenda, sed ea quæ ab hac deficit, modo tamen vsibus nostris adhuc non sit ineptia. Lib. autem 5. de sanit. tuen. cap. 4. secundam sanitatem κατ' ἐξιν firmam, & constantem vocat: Hanc tamen inuitatem inferioriorem esse primam, quæ firmissima, & constantissima appellatur.

Tertia

Tertia sanitatis species dicitur esse *κατασχέσις*, id est secundum affectionem, vel habitudinem, lib. 5. de sanit. tuen. c. 4. hanc sanitatem fallacem, atque incertam Gal. nominat. Quare cum lubrica sit, inconstans ac imperfectissima, neuter potius status, quam sanitas dici debet. In tali statu versantur tam conualescentes, quam senes decrepitam ætatem attingentes, sicuti & valetudinarij. Gal. lib. de arte medica ait, eos solos qui ad morbum proni sunt neutros esse, seu in neutro versari statu: qui sanè non ita intelligendus est, ut vellet solos eos, qui ad morbum ratione repletionis nimie, vel cacochymie, proclives sunt, in neutro, siue medio statu, inter sanitatem & morbum esse constitutos, sed præter hos, conualescentes, ut habetur apud ipsum lib. ad Thrasymb. c. 7. ac insuper senes. Quamobrem lib. 5. de sanit. tuen. c. 4. ait, Analepticen, & Gerocomicen non versari circa exactas sanitates, sed circa affectus quosdam medios inter morbum, & sanitatem, vel esse incertam fallacemque, quam *κατασχέσις* nominant, sanitatem.

Ars illa, quæ perfectè valens in eodem sanitatis gradu conseruatur, Euectice, id est boni habitus conseruatrix appellatur: ut habet Gal. lib. ad Thrasymb. Analeptice est ea medicinarum pars, quæ conulescentium à morbis Refectrix dicitur. Pars medicinarum senum curam gerens, Geri comice vocatur. Præferuarioriam medicinarum partem quam lib. ad Thrasymb. & alibi, Prophylacticen nominat Galen. oppositam Refectrici facultatem habere ait, quia ut relectrix eos qui à morbo liberantur, reficit, ita ex aduerso Prophylactice his debetur, qui in morbum casuri sunt. Proinde in lib. de constitutione artis medicæ, inquit, Prophylacticen neutrīs corporibus competere; nam si repletionem minuere non lubet, nec cacochymiam euacuare, nec aliam quamuis causam morbum minantem, amouere, constans morbus breui nascetur. Prophylactice ergo curatoria aliquo modo dici potest.

Salubris Medicinæ pars, quæ eadem & conseruatiua, inter Analepticen & Euecticen media collocatur, lib. ad Thrasymb. Hæc ipsa est quæ temperamentum ad iustitiam in eodem statu fouet, quæ idè absolute sanitatis conseruatrici dici debet: quoniam sanitas illa quæ summa est & perfectissima, nulla est, aut sanè rara. Athletici quidem, quanquam ad habitum summè bonum peruenerint, eorum sanitas lubrica est, ut testatur Hippocr. lib. de aliment. Affectus athleticus non naturalis, habitus salubris melior. Lib. etiam 1. Aphorism. 3. In his qui corpora exercent, habitus ad summum boni, periculosi. De Athletis, autem siue Gymnasticis loquitur.

Lib. ad Thrasymbulum c. 9. breuiter omne medici munus innuit Galen. dum septem artes circa corpus humanum versari ostendit. Quarum vna morbos, morborumque causas, atque symptomata expellit. Secunda summè bonum habitum, Athleticum nempe, efficit: Tertia huiusmodi summè bonum habitum conseruat. Quarta bonum habitum efficit, & ad summè bonum, quoad fieri potest, deducit. Quinta eundem hunc bonum habitum conseruat. Pro fragili illa sanitate quæ in habitudine est, quæque neuter status dici solet, duplex etiam statuatur ars; vna effectrix, quæ ordine sexta est: altera, conseruatrici, septimam & vltimam complens. Verùm ex his omnibus partialibus artibus, vnica totalis medicina resultat; omnes namque vnicum habent finem sanitatis amissæ restitutionem, & restituta ac possessa conseruationem.

Euectice.

Analeptice.

Gerocomice.

Prophylactice.

Salubris.

Septem artes circa corpus humanum.

CAPVT. V.

De Medicina Obiecto.

IN obiecto Medicinæ constituendo, varij inter se sunt authores. Quidam corpus viuens in vniuersum, medicinæ obiectum esse asserunt, sola ad id Aristotelis autoritate ducti, qui lib. 1. Rhetoricor. c. 2. ait: Nam ex alijs (facultatibus scilicet) Vnaquæque in re sibi subiecta exercet vim docendi, & persuadendi, quemadmodum medicina in sanabili & morbofo &c. Hinc eliciunt Veterinariam, quæ modum curandi animalia docet, sicut agricolarum industriam qua plantis medentur, medicinæ nomine cõprehendi; quòd non solum corpus humanum, verum etiam plantæ & animalia sanabilia sint, & morbofa: Proindeque partialia medicinæ obiecta seorsim sumpta, totale verò collectim.

Prima opinio de obiecto medicina. Secunda opinio est aliorum, qui corpus humanum Medicinæ subiectum constituunt; quia Galen. hoc innuere visus est, lib. 1. Aphorism. comm. 1. & lib. ad Thrasylbul. c. 28.

Tertia. Tertia opinio est quorundam, qui ex Gal. doctri na colligunt, sanitatem, & morbum esse medicinæ subiectum; quoniã circa hæc duo totus est Medicus.

Corpus humanum sanum, & sanabile est medicinae obiectum. Verum quoties corpus humanum Medicinæ obiectum statuit Galen. de materiali tantum loquitur; de formali verò, dum sanitatem & morbum, Totale ergò obiectum ex vtroque coalescit, quod est corpus humanum sanum, & sanabile. Per particulam (corpus) medicina cum Physica conuenit, quæ de corpore in vniuersum, eiusque speciebus, & consequenter humano, disferit. Librum autem de anima obiectum est corpus animatum, cuius species est humanum: huius partes examinat Aristot. lib. 1. de hist. animal. à c. 7. inclusiue vsq; ad finem, & alibi passim in operibus de Animal. gen. & part. Per particulam, humanum, medicina à Veterinaria, & plantarum conseruatione discrepat. Per (sanum & sanabile) à reliquis scientijs separatur. Sanum enim, & sanabile sunt formale medicinæ obiectum, & non sanabile tantum, vt communiter à plerisque proponitur; quia non sanitatē solum corpori humano ægro medicus conciliat, sed præsentem præterea sanitatem conseruat, & meliorem, stabilioremque efficit; vt ex medicinæ practicæ vulgari partitione, quæ in Conseruatricem, & Curatricem diuiditur, dilucidè constat. Vt enim hæc deficientis sanitatis restitutioni incumbit, sic Conseruatricis præsentis, & integræ sanitatis conseruationi, & in meliorem statum reductioni.

Ex his liquet res naturales, nonnaturales, & præter naturam medica contemplatione, quòd corpus humanum constituent, conseruent, & lædant, comprehendi; res autem naturales idipsum constituunt; res nonnaturales conseruant vel lædunt; res præter naturam infestant, & lædunt.

Solutio obiectionis. Non est difficile ad Aristot. autoritatem lib. 1. Rhetoricor. respondere, qui pro nobis, & non pro aduersarijs militat; aiens, Medicinam in sanabili, & morbofo versari. Ille, quidem, cunctarum gentium more, de vera loquitur Medicinæ, quæ hominis gratia à Deo instituta est, & Dei beneficio à multis aucta & ornata. Nemo vnquam sanæ mentis nomine medicinæ aliam ab ordinaria, quæ hominis curam gerit, intellexit.

C A P V T VI.

De Medicina Partibus.

Iuxta varias Medici actiones, Medicina in varias partes distribuitur. Nonnulli cum Auicenna initio Canonis, eam in Practicam, & Speculatiuam discindunt. Speculatiua siue Theorica est principiorum, vt aiunt, scientia. Nomine principiorum intelligendæ veniunt res naturales ex quibus homo constat; res non naturales, quæ benè dispositæ sanitatem conseruant, malè verò dispositæ morbos pariunt; & res præter naturam, quæ absolute corpus malè disponunt. Practica modum conseruandæ sanitatis, & remouendi morbos præscribit. Hæc partitio ex libro definitionum medicarum vbi sequentia habentur, deriuata est. Medicinæ duæ sunt partes summæ, contemplatio, & actio. Antecedit actionem contemplatio. Siquidem considerare prius aliquid conuenit, itaque deinde agere: nam præceptio ratione constans exercendorum operum principium est. Nomine Contemplationis, Theoria, quæ cum ea coincidit, intelligitur; nomine verò actionis, Praxis tam conseruatricis, quam curatrix.

*Prima di-
uisio medi-
cine.*

Secunda medicinæ diuisio est in salubrem, & insalubrem. Salubris res naturales, & quæ has in natiuo statu fouent, complectitur. Insalubris, res omnes præter naturam. Hæc diuisio, non nisi secundum modum loquendi à prima discrepat.

*Secūda di-
uisio medi-
cine.*

Tertia diuisio est in Diagnosticam, Prognosticam, & Curatricem; quæ sanè diminuta est, quòd soli Therapeuticæ siue Curatrici, non autem vniuersæ medicinæ, quæ multò plures inuoluit partes, vt mox dicemus, competat.

*Tertia di-
uisio.*

Quarta diuisio est in Salubrem, Insalubrem, & Neutram; quæ sanè completa est; vt ex dictis, & dicendis patebit.

*Quarta di-
uisio.*

Quinta diuisio est in Physiologiam, Pathologiam, Prognosin, Diagnosin, Salubrem, & Curatricem, quæ etiam optima est, licet non ita perspicua, ac sequens.

*Quinta di-
uisio.*

Sexta, & completior medicinæ distributio in Physiologiam, Pathologiam, Simioticam, Hygieinam, & Therapeuticam. Hæc diuisio tradita est ab Herodoto, Authore libri Introductorij cap. 7. Nihil sane medicinæ ambitu comprehenditur, quod ad aliquot horum membrorum reduci non possit.

Sexta.

Physiologia est illa medicinæ pars quæ septem rerum naturalium, ex quibus homo coalescit, naturam exactissimè persequitur. Res hæc naturales, hoc ordine vulgò recensentur; Elementa, Temperamenta, Humores, Partes corporis tam similes, quam dissimiles, quæ hominem componunt; Facultates, Actiones, & Spiritus. Ex his homo constat, eiusque materialis compositio completur, sicuti essentialis, si animam, præter facultates, adnectas.

*Physiolo-
gia quid.*

Pathologia est pars medicinæ, quæ rerum præter naturam indagacioni incumbit; quæ res, morbus, morbi causa, & symptoma vulgò nuncupantur.

Pathologia

Simiotica est Medicinæ pars quæ signorum naturam inuestigat; quæ signa in Diagnostica, & Prognostica distribuntur. Signa Diagnostica sunt illa, quorum ductu, & iuuamine morbosum statum dignoscimus, imò & sanum.

Simiotica.

Signa Prognostica sunt illa, quibus in futuri euentus boni, vel mali, morbi, cognitionem manuducimur; mediantibus enim talibus signis, medicus salutem, vel mortem euenturam, eruditè prænunciat.

Hygieine res non naturales examinat. Quarta medicina pars Hygieine appellatur, Latinis salubris; quæ videlicet, sex rerum non naturalium ope, præsentem tuetur sanitatem, eamque firmiorem efficit. Res non naturales talem sunt sortitæ denominationem, quod ex sua natura indifferentes sint ad morbi productionem, vel ad sanitatis conseruationem. Nam debitè dispositæ sanitatem fouent, indebitè verò morbum accersunt. Aer, cibus & potus, motus & quies, somnus & vigilia, excreta & retenta, & animi passiones siue pathemata, sunt sex illæ res non naturales.

Quid Therapeutica. Quinta medicina pars Therapeutica, id est curatiua dicitur. Curatrix hæc ideo appellatur, quoniam modum auferendi, & oppugnandi res præter naturam, exactissimè docet. Tribus constat partibus, Diæta, id est victus ratione, Pharmacia, & Chirurgia. Victus ratio seu Diæta, aliter in sanis, in ægris aliter consideranda venit. In sanis sex rebus non naturalibus iam enumeratis perficitur; Licet hæc eadem congruè dispositæ ad ægri salutem conferant, curandi tamen prouinciam suscipiens medicus leui studio ipsas perpendit.

Tres Therapeutica partes. Non enim de aëris mutatione amplius cogitat, nec de somno & vigilia naturæ debitis, sed de somno & vigilia morbis, congruis: nam in apoplexia, epilepsia, caro, catalepsi, lethargo, & similibus, vigilia tanquam remedium, exiccans, prodest; in febribus ardentibus nocet, & somnus pene proficiuus, non tantus tamen, quantus statui sano, debetnr. Curationi ergo addictus, victus rationem more medici conseruantis sanitatem non aptat, sed quatenus vires fractas rescicere, & fouere, & morbum simul oppugnare contendit. Vnde Hippoc. lib. 1 Aph. aph. 16. victus humidus febricitantibus omnibus confert: humidus sanè victus omnibus naturis conseruandis minimè idoneus est, cum ad partium solidarum refectionem, solidum congruat alimentum. Omnibus tamen naturis, siue pituitosis, siue melancolicis, siue biliosis, siue sanguineis, febri occupatis, indiscriminatum Hippocrates, humidum præscribit.

Victus ratio in ægris quid, & quibus constat. Victus ergo rationem in ægris, curationis ductum per consuetas materias vocat Gal. lib. de ratione victus, in morbis acutis comment. 6. huiusmodi victus ratio potissimum perficiebatur his quinque (ex lib. 11. Meth. med. c. 15.) cibo, potu, perfusione, cataplasmatibus, & clisteribus. Multi enim gregarij medici his omnibus sine delectu in ægris utebantur; febricitantibus autem omnibus, viribus pollentibus, sanguinem ab initio mittebant. Hoc peracto, reliquam omnem curationem victum mandabant. Methodici, qui, cum tertio die, siue post tertiam accessionem, ægros nutrire inciperent ante nutrimenti exhibitionem (quod erat, vel malsa cum alica, vel sorbitio aliqua) corpora oleo prius perfundebant, eaque post accessionem, vt, spiraculis reueratis, recrementum quoduis expiret, deinceps alternis diebus nutriebant; sed cataplasmata ex artomelite, id est pane & melle præcordijs apponebant. Sicubi verò alius adstricta esset clistere eam ducebant. Sic igitur hac victus ratione, per consuetas illas materias, methodici procedebant: quos redarguit Galen. aiens, non sex mensibus ad talem artem ordinandi victum opus esse, vt illi constituebant, sed studio vnius horæ, vel potius minimæ eius partis. Cum tamen ars medica tota magna sit, & non leuissima eius pars in scientia ordinandi victum consistat. Balneis ergo, & perfusionibus, euacuato prius corpore, dum opus esset, vt antiquitus mos erat, Galen. vsus est. Et cum hæc consuetæ essent, consuetas materias vocauit. De modo exhibendi victum

Victus ratio magna medicine pars ex c. 15. lib. 11. methodi.

viſum ægris fuſe Gal. cum Hippoc. lib. de viſt. ration. in morbis acutis, & lib. 1. Aph. & dicto lib. 1. meth. med. febricitantibus.

Secunda curatricis medicina pars eſt Pharmacia; quæ medicamentorum naturam & vim, ſeu qualitatem, debitam quantitatem, tempus propinandi, (occaſionein vocant) ac exhibendi modum, exactè contemplatur. *Pharmacia.*

Chirurgia eſt medicina Practicæ pars, quæ tumorum præter naturam, ſolutioniſque continui & diſlocationis naturam inueſtigat, eoſdemque morbos, partim manuali operatione, partim remedijs eliminat, & ſuperfluitates adimit, ſolutionemque continui ſanitatis adhuc gratia efficit, vt in ſanguinis miſſione, tumidarum partium apertione, & conſimilibus apparet. *Chirurgia.*

Vidi Medicum, vidi & Iuriſconſultum, ſeu potius Iuriſinconſultum ambos temerè pronunciantes, Pharmacia, & Chirurgiam inter medicina partes non eſſe numerandas; horum ignorantiam ſequentibus authoritatibus & rationibus cuius patefaciam, *Medici cu inſdam, & Iuriſconſul ti ignorantia perſtringitur.*

Galen. lib. 3. de compoſit. medicam. per Genèra c. 2. hæc habet: Optime igitur, velut alia pleraque, etiam in his, per multi Medici clariſſimi dixerunt Medicina partes mutuam opem requirere, tum quæ manu, tum quæ medicamentis, tum quæ viſtu medetur (primam Græci Chirurgicen, alteram Pharmaceuticen, tertiam Diætericen nominant:) ac ſanè maximè illam quæ manu curat, reliquis duabus indigere. Idem Gal. com. in lib. Hippocr. de viſt. rat. in morb. acu. eandem doctrinam hac ſerie confirmat. Iſ curacionis ductus, contextusque, qui per conſuetam materiam efficitur, Diæta, i. viſtus ratio nuncupatur: vt qui per conſuetas, tum ſectiones, tum aduſiones, & alia quæcunque manibus fiunt, Chirurgia. Tertiam ab his Medicina partem Pharmaceuticen dicunt; quæ ſcilicet per medicamenta abſoluitur, perficiturque. Lib. Introduct. ſequentia habentur. Therapeutice, i. curandi facultas, ea quoque in tres partes deducta eſt: vt vna eſſet ea quæ viſtu: altera quæ medicamentis: tertia, quæ manu mederetur. Cornelius Celfus Hippocrates Latinus dictus, in præſatione ſui operis, medicina originem commemorans, hac ſerie loquitur. Qui (Æſculapium intelligit) quoniam adhuc rudem, & vulgarem hanc ſcientiam (medicinam ſcilicet) paulò ſubtilius excoluit, in Deorum numerum receptus eſt; cuius deinde duo Filij Podalius, & Machaon bello Troiano ducem Agamemnonem ſequuti, non mediocrem opem commilitonibus ſuis attulerunt: quos tamen Homerus non in peſtilentia, neque in varijs generibus morborum aliquid attuliſſe auxilij, ſed vulneribus tantummodo ferro, & medicamentis mederi ſolitos eſſe, propoſuit. Ex quo apparet ſolas hiſ medicina partes ab his eſſe reſtatas: eaſque eſſe vetuſtiſſimas. Et paulò poſt: iſdem temporibus in tres partes medicina deducta eſt: vt vna eſſet, quæ viſtu: altera, quæ medicamentis: tertia, quæ manu mederetur. Primam Diætericen, ſecundam Pharmaceuticen, tertiam Chirurgicen Græci nominauerunt. Idem Celfus lib. 7. de Chirurgia hæc habet: Ea non quidem medicamenta, itque viſtus rationem, omittit, ſed manu tamen plurimum præſtat: eſtque eius effectus inter omnes medicina partes euidentiſſimus. Si quidem in morbis cum multum fortuna conferat, eademque medicamenta, ſæpe ſalutaria, ſæpe vana ſint, poteſt dubitari ſecunda valetudo Medicina, an corporis beneficio contingit. In his quoque in quibus medicamenti nitimur, quamvis proſectus euidentior eſt, tamen ſanitarem & per hæc fruſtra quæri, & ſine hiſ reddi manifeſtum eſt. Sicut in oculis quoque deprehendi poteſt, quia Medicinis diu vexati, ſine hiſ interdum ſaneſcunt. At in ea parte, quæ manu curat euident eſt, omnem profe-

*Podalirius
& Machaon
Chirurgiam
exercere.*

profectum (vt aliquid ab alijs adiuuetur) hinc tamen vtplurimum trahere; Hæc autem pars cum sit vetustissima, magis tamen ab illo parente omnis Medicinæ Hippocrate, quam a prioribus exculta est. Libro autem quinto, postquam quatuor præcedentibus de Diæta fusè egit, sequentia pronunciauit: Dixi de his malis corporis, quibus victus ratio subuenit. Nunc transeundum est ad eam medicinæ partem quæ magis medicamentis pugnat. Et paulo post. Illud ante omnia scire conuenit, quod omnes Medicinæ partes ita innexæ sunt, vt ex toto separari non possint, sed ab eo nomen trahant, à quo plurimum petunt. Ergo vt illa quæ victu curat, aliquando medicamentum adhibet, & illa quæ præcipuè medicamentis pugnat, adhibere etiam victus rationem debet, quæ multum admodum in omnibus malis corporis proficit. Ecce viri principes in re medica Galenus, Celsus, Herodotus, vnanimi consensu Therapeuticam (quæ veteribus simpliciter medicina nuncupabatur) in tres partes distribuentes, Diætericam, Pharmaceuticam, & Chirurgicam. Hos sequuti sunt viri præcipui, vt doctus Riolanus, qui ait: Partes medicinæ, communi omnium opinione, sunt tres, Diæterice, Pharmaceuticæ, & Chirurgicæ. Fabricius pariter ab Aquapendente, hac serie: Ex quibus omnibus luculentissimè patebit Chirurgiam amplissimam, immensam, & inter omnes medicinæ partes potiore, imò potissimam & nobilissimam esse: quam Hipp. Gal. Celsus, & alij vetustissimi, nobilissimiq; Authores excoluerunt, & manibus proprijs perpetuò exercuerunt. Hanc doctrinam quoque fateri par est, cum Iesus Christus Dñminus Noster, eam adhibuerit, dùm apposito luto cæcum liberauit: loculo cum tacto inuenem, ab orco reuocauit: sublato grabato paraliticum restituit. Cæterum inter omnes medicinæ partes Chirurgiam vtilissimam esse Hippoc. testatus est Sect. 7. Aphor. his verbis: Quæcunq; medicamenta non sanant, ea ferrum sanat: quæ ferrum non sanat, ea ignis sanat: quæ ignis non sanat, ea incurabilia iudicare oportet.

*Chirurgie
Professores
Parisijs.*

Cum anno penultimo, 1644. sub finem in aula Regis Christianissimi agerem, & supradicti Medici, ac legulei, siue Iurisperiti aduersam opinionem Excelentissimo, Doctissimoque D. Cousinot Regis dignissimo Archiatro exponerem, non verbo tenus, sed scriptis meam opinionem roborare dignatus est: harumque scientiarum Chirurgiæ, & Pharmaciæ Illustres Professores in Vniuersitate Parisiensi à sæculo nominauit, Iacobum Syluium, Martinum Akakiam, Claudium Charles, & Ioannem Riolanum; quorum opera eruditione plena Vniuersa Europæ notissima sunt.

Præter authoritates, ratio nobis fauet. Nam illa pars, quæ de morbis agit, est vera pars medicinæ. Sed Chirurgia de morbis agit. Ergo est vera medicinæ pars. Maior per se patet: minor probatur. Tertium genus morbi, solutio continui dicitur, in Chirurgia exactè perpenditur, sicuti morbus in magnitudinæ, morbusque in situ. Ergo Chirurgia est vera medicinæ pars. Habitus pariter, qui mediantibus remedijs in morbos profligare conatur, est vera medicinæ pars. Sed Pharmacia est huiusmodi. Ergo est vera medicinæ pars.

Sed Scioli isti obstrepentes, inquirunt, inde sequi Chirurgum, & Pharmacopæum esse Medicos. Ad quos respondeo communes Barbitonfores non esse Medicos, sed Medicorum ministros: Doctum verò Chirurgum esse Medicum: Pharmacopæum pariter communem, non esse Medicum, sed mercatorem, & Medici ministrum: Pharmacopæum tamen dignoscen-
autem

autem Chirurgus debet esse peritus Pharmacopæus, & è conuerso: quem admodum vterque Diæticus. Sed hæc de re hac, per se doctis plerisque notissima, sufficiant.

CAPVT VII.

De Medicina fine.

Galenus, in constituendo Medicinæ finem, satis ambiguus videtur. Nam lib. de causis procathartæcæ c. 1. medicinæ finem cum medicinæ Scopo confundit, inquiens: Vnde hæc omnia ad idem genus attingunt, siue id dicas propter quod aliquid factum est, siue vtilitatem generationis eius, siue finem, siue scopum. Verum idem Galen. lib. de optima Secta ad Thrasyb. c. 5. scopum à fine distinguit: sed meherculè (inquit) ignorant artis vnum esse propositum, sanitatem scilicet, finemque vnum, qui est eius consequutio, modos autem consequutionis multiplices. His verbis manifestè Galen. scopum à fine distinguit: per vocem enim (propositum) scopum intelligit, sanitatem scilicet, sanitatis consequutionem medicinæ finem constituit, vt fecit lib. de sect. c. 1. sic: Id sanè quod medicina intendit, sanitas est. Hanc ipsam verò parare, artis eiusdem finis est: quibus autem rebus aut absens comparetur sanitas, aut eadem conseruetur præsens, cognoscant medici necesse est. Vocanturque ea, quibus absens illa creatur, remedia, auxiliaque: quæ verò præsentem eandem eustodiunt, salubris ratio victus. Quapropter ars ipsa medendi, salubriumque, insalubriumque scientia ab antiquis Scriptoribus dicta est. Vides, vt sanitatem scopum constituit Galen. & sanitatis comparationem finem.

Gal. aliquando scopum cum fine confundit; aliquando distinguit.

Sunt aliqui, qui actiones, operationesque omnes, mediantibus quibus sanitas acquiritur, scopum, primumque finem vocant; sanitatis verò consequutionem verum finem; meo tamen iudicio ritè magis sanitas ipsa, ad quam omnis medici actio, veluti ad scopum rectè dirigitur, scopus dicitur, quam actiones; cum præter conceptam sanitatem, ad quam tendimus, vltèrius eius acquisitionem perpendamus; in qua tandem acquisita, tanquam fine, quiescimus.

Quorundam opinio de fine & scopo medicinae.

Attamen quoties sanitas suammet inuoluit acquisitionem, ita vt sanitatem mente conceptam, & rursus homini acquisitam, vel prout ei annexam, simul comprehendat, tunc operationes, & instrumenta ad sanitatem tendentia, finis medijs, vel non vltimi rationem induere possunt. In nunc dicto sensu sanitas dicitur indiscrepanter scopus, & finis. In eodem sensu Arist. lib. 1. Ethic. c. 1. & Sect. 30. Problem. problem. 8. & Gal. de Constit. art. med. c. 3. alijsque varijs in locis, sanitatem medicinæ finem statuunt. Gal. autem loco iam citato medicinam vocat artem procuratricem sanitatis. Huius quidem gratia cætera cuncta in re medica fiunt: vt testatur idem Gal. comm. 1. in lib. Hipp. de officina medici, sic: Quod si quis benè valere, siue bonam valetudinem aut quid simile, medicinæ finem constituat, huic fini per se studere eos, qui in eadem medicina versantur. Quoties autem naturalem habitum rerum, siue administrationem, siue structuram, quis restituere velit, contemplatione vtatur est necesse: at non propter se cætera omnia, quæ ad artem spectant addiscimus, docemus, aut denique audimus; sed quod ad fi-

Sanitas alii quando scopus, alijs finis dicitur.

ad finem singula eorum conducant. Confundit enim Gal. sanitatem cum benè valere, conformiter ijs, quæ dixit lib. de opt. Sect. ad. Thrasymb. Perinde, inquit, est dicere benè valere, i. sanitatem possidere, siue bonam valetudinem, aut sanitatem, esse medicinæ finem.

Medicus imitator est naturæ; quare eo modo, quo natura in rerum generationibus formam substantialem, tanquam incompletum finem inducere tentat, ut, hac forma mediante, compositum, tanquam completum finem, producat: sic Medicus sanitatem contemplatur, ut eam conferuet, vel restauret, & non tantum nudam sanitatem, sed corpori humano annexam, vel annexendam; & quatenus eadem sanitas ipsum adornat, & perficit, & ex corpore simul, & sanitate compositum quid, idque perfectum coalescit, & exurgit.

CAPUT VIII.

Quid est Medicina?

Medicina à medendo dicitur.

Teste Gal. lib. an ars tuen. valet. ad medicū vel Gymn. perueniat e. 47.

Quid medicina Hipp.

SI vim nominis spectemus, medicina à medendo dicitur; quoniam ægris, res præter naturam ab eis semouendo, medetur. Talis Ethymologia Therapeuticæ, siue Curatricis medicinæ, quæ antiquissima est, & ante omnes alias partes necessitate cogente, adinuenta, propriè competit. Verum, ineunte tempore, Medicinæ nomen toti facultati accommodatum est. Iuxta scè veterem consuetudinem Hippocrates lib. de flatibus medicinam hac serie definiit: Est adiectio, & detractio, id est, est appositio rerum deficientium corpori, & detractio rerum superfluarum. Res deficientes, siue quorum vnum aut plura à naturali statu declinat, sunt corporis temperamentum, partium unio, numerus partium organicarum, earundem magnitudo, situs, & nexus, ac debita conformatio; Quibus addere licet spiritum deperditum, humores pariter, & partes solidas ex parte dissolutas. Ex his enim tribus, referente Hippocrate, homo componitur. Quare, his, aut reliquis antea enumeratis, deficientibus, totus est medicus in refarciendo, & reficiendo. Quoniam tamen hoc munere rectè perfungi nequit, quin prius præsentis obices, morbum, eius causam, & symptoma, tanquam sæuientes vitæ hostes, adortatur, semoueatque, rectè idè addidit Hippocrates, Detractio: quæ vox significat, corpori demenda esse omnia damnum inferentia, aut minantia; cuiusmodi sunt morbus, morbi causa, & symptomata.

Licet Hipp. Therapeuticam, tantum veteri ritu hac definitione completi videatur; salubri tamen, etiam posterius inuenta, conuenire videtur eadem definitio: nam victus ratio, sex rerum nonnaturalium numero comprehensa, Hippocrati, si mortalium vlli, perspecta fuit; ut ex eius operibus, in quibus exactissimè victus rationem examinat, dilucidè constat. Præterea brevis illa definitio duabus vocibus constans, salubrem æquè, ac Curatricem medicinam significat: adiectio namque significat similibus corpus reficiendum: Sicuti detractio, res præter naturam adimendas. Compendiosa ergo illa definitio ad totam medicinam, ut retuli, extendi potest. Nam tametsi post Therapeuticam siue curatricem, aliarum omnes medicinæ partes adinuenta fuerint, sanitatis gratia, ad quam tanquam ad finem diriguntur, inuestigantur. Denique non congruentius Geometriæ nomen ad solida di-

stenditur, quamquam ab initio planis tantum inditum fuit, quam medicinæ nomen ad Hygieinam, siue Salubrem, & reliquas partes; tamen Therapeutica præcipue parti, primitus impositum fuerit. Dicta enim definitio ab exercitio, & officio Medici curantis, & rescipientis desumpta est. Nam medicina inuenta est ad hominum sanitatem, & alimentum, ex lib. de vet. med. Prolixior definitionem soli Curatrici congruentem, & ex officio Medici desumptam tradit Hip. lib. de arte. Medicina, inquit, est morbos ab egris in totum tollere, & morborum vehementes impetus obtundere, & eorum, qui à morbis victi sunt, curationem non aggredi; cum in confesso sit, quod medicina tales sanare non possit. Gal. lib. de constit. art. med. c. 3. etiam ratione officij medicinam describere videtur. Medicina, inquit, est ars sanitatis procuratrix. Habito etiam ad Medici officium respectu, lib. introduct. c. 6. hac serie à recentioribus, id est à Medicis illius temporis, quo floruit Herodotus, describitur: Medicina est scientia sanitatis conseruatrice, morborum repultrice. Hæc definitio, sensu à nobis exposito, cum prima Hippocratis coincidit. Ex hac definitione, Curatrici Medicinæ & Conseruatrici sine salubri tantum conueniente, suas definitiones exhaustire videntur Arabes: vt Auerroes lib. 6. Colliget, c. 1. Medicina est ars operatrix, ratione & experimento inuenta, vt sanitas seruetur, & morbus arceatur: Seu conseruans sanitatem, & remouens ægritudinem: Hæc definitio est veracior in aliquo libro alicuius Authoris inuenta, vt loquitur idem Auerroës lib. 1. etiam sui Colliget, cap. 1. vbi eandem definitionem hoc ordine exponit: Et dicimus quod ars Medicinæ, est ars operatina, etiam ex principijs veris, in qua quaeritur conseruatio sanitatis corporis humani, & remotio suæ ægritudinis secundum quod possibile fuerit in quolibet corpore. Quod est; quia finis artis istius non est ad sanandum omnino, sed ad faciendum illud, quod potest fieri, & in quantitate conuenienti, & in tempore conuenienti. Auicenna in sui operis c. 1. inquit; Medicina est scientia qua humani corporis dispositiones noscuntur, ex parte qua sanatur, vel ab eo remouetur, vt sanitas præsens conseruetur, vel amissa recuperetur. Hæc definitio ex Gal. doctrina lib. 1. de sanit. tuen. c. 1. collecta est. Galenus de arte parua siue medicinali c. 2. Herophyli definitionem hoc ordine proponit. Medicina, est scientia salubrium, insalubrium, & neutrorum. Herodotus author lib. Introductor. hanc definitionem omnibus, post Hippocratem, approbari refert: Herophilum tamen, tanquam eius Authorem, commemorat. Nomine enim Salubris, intelligit hic Auctor salutares omnes causas; nomine Insalubrium, causas insalubres; nomine Neutrorum, causas ex se indifferentes ad sanitatem, vel morbum efficiendum: ita vt non aliæ sint huiusmodi causæ, quàm sex res non naturales dictæ. Gal. tamen lib. cit. art. med. multo plura his nominibus comprehendit. Nam Salubre tripliciter dicit. Tale quidem Salubre dicitur, vt corpus, quod à natura vel nunc sanitate debita fruitur, Salubre aliquid dicitur, vt causa: quæ videlicet sanitatem fouet, vel inducit. Salubre vt signum, dicitur sanitatis indicium: quod videlicet præsentem indicat sanitatem, & futuram prænunciat, & præteritam memoriæ subiicit. Insalubre in aduersa significatione tripliciter pari serie dicitur, vt corpus, vt causa, vt signum. Neutrum similiter. Vt præfata definitio toti medicinæ congruat, res hoc modo exponenda videtur. Salubre corporis humani constitutionem, & huiusmodi constitutionis conseruationem significat: atque adeo particula (Salubre) Physiologiam, & Hygieinam, siue Salubrem comprehendit. Insalubre, statum præter naturam tam communem, quam pe-

Vt docet Galen. lib. an ars tu. valet. ad medic. vel ad Gymn. pertineat. Alia medicina Practica descriptio ab Hip. data. Incurabilius morborum curationem ne tentet Medicus. Quid medicina Hero doro. Quid medicina Auer roii.

Quid Auicenna.

Quid Herophylo.

Salubre & Insalubre tripliciter dicuntur.

Verus sensus Salubris, Insalubris, & neutrius status

culiarem complectitur: Communem, nimirum Pathologiam, quæ morborum, causarum, & symptomatum naturam, & genera in vniuersum inuestigat: Et peculiarem denique .i. Curatricem, quæ cuiusvis morbi particularis idæam perpendit, modumque, siue methodum omnes peculiare morbos profligandi. Simioticâ verò quæ signorum naturam venatur, prout signa Salubria sunt, sub particula Salubri continebitur, prout Insalubria, sub particula, Insalubre. Neutrum, sicuti Salubre & Insalubre tripliciter dicitur, vt corpus, vt causa, vt signum; & Neutrum ac ambiguum significat statum, corporis, causæ, & signi.

Vera definitio medicine.

Præfatæ omnes definitiones, Medicinæ naturam aliquatenus propalare videntur; meo tamen iudicio, sequens definitio eam exactè enucleat. Medicina est scientia ratione & experientia comparata, quæ humani corporis, & aliorum omnium quæ ei profunt, aut nocent, naturam sanitatis, ut plurimum, gratia contemplatur. Quòd experientiæ, & ratiocinationis ope medicina inuenta fuerit, id habet cum omnibus scientiis & Artibus commune. Propter admirari, vt communiter fertur, ceperunt homines philosophari. Homines, varios rerum euentus, quotum causas ignorabant, admirati, minima quævis obseruare & scrutari ceperunt; & singulis minutim ac oculatius examinatis, rerum causas, & consequenter cognitionem, feliciter nacti sunt. Omnes enim homines natura scire desiderant, vt habet Philosophus lib. 1. metaphysic. c. 1. humanum autem genus, vt ibidem loquitur, arte, ac etiam ratiocinationibus viuunt. Vergente ergo necessitate medicina hac eadem viâ adinuenta, vel potius aucta est. Dixi præterea medicinæ partes, siue munus esse, corporis humani & eorum omnium quæ profunt, aut nocent, naturam sanitatis gratia, contemplari, quia reuera hoc munere fungitur. Nam quidquid in homine continetur, id ipsum diligenti inquisitione considerat; Et rursus quæ hominem solvunt, & ad mortem læpissime præcipitant; cuiusmodi est morbus, morbi causa, & symptoma, exactissime perpendit. veluti cuncta alia, quæ cæli ambitu coercerentur, quæque debite administrata, profunt, secus obsunt, & omnem sanitatem euerrunt. Huic nostræ definitioni conforme est quid nominis ab Isidoro tactum: Medicina, inquit, est tanquam medicina, quoniam modum præscribit conseruandi, simulque curandi.

CAPVT. IX.

Vtrum Medicina sit Scientia, an Ars?

Autoritates apparenter concludentes Medicinam non scientiâ, sed artem esse.

Multis placet medicinam inter artes potius, quàm scientias esse. reponendam. Hanc suam opinionem firmare nituntur.

Primò; quia ab antiquis omnibus, Medicina ars & non scientia, nuncupatur. Hippocrates lib. de lege hæc habet: Medicina artium omnium est præclarissima. Aristoteles, lib. 6. Ethicorum eam ad artes referre videtur. Galen, in eadem sententia esse dicitur lib. de arte medic. c. 2. Herophilus & antiquorum definitionem præcedenti capite à nobis expositam, exponens ait; Medicinam non propriè sed communiter, scientiam appellari. Lib. de Constit. artis Medic. c. 2. & 3. Medicinam inter factiuas artes enumerat. Lib. de opt. Sect. ad Thrasyb. c. 5. Medicinam artem vocat effectricem, & restituatricem,

Secundò. Scientia est de rebus necessarijs, & perpetuis, ac vniuersalibus ex Aristot. lib. 1. Poster. tex. 5. & lib. 6. Ethic. c. 3. siue c. 6. iuxta aliam versionē. Sed medicina non est de necessarijs, nec vniuersalibus, sed de contingentibus agit, quæ aliter se habere possunt, & consequenter fallere. Agit namque, quasi perpetuò de singularibus. Non enim hominem, nisi per accidens sanat, qui medetur, seu Calliam, aut Socratem, aut alium quempian eorum, qui sic dicuntur, cui accidit hominem esse, vt loquitur Philosophus lib. 1. Metaphys. c. 1. Ergo est scientiarum numero medicina penitus seiungi debet.

Datur scientia de vniuersalibus tantum.

Sed, vt meum fert iudicium, non rectè de nobili facultate quidam Aucthores sentiunt. Est quippe Medicina verè scientia, & ars per similitudinem. Quòd sit scientia, eaque Physicæ subalternata, per se manifestum est. In primis autoritate grauissimorum Virorum, Hipp. lib. de arte, ait: Medicina est constans & firma: & alibi in eodem libro. Medicina ex his, quæ propter quid demonstrata sunt, esse cernitur. Libro etiam de, decenti ornatu, siue de Probitate, inquit. Tempus porrò etiam, artem facilem ac peruiam facit, aut in consimilem viam, incidentibus processus manifestos facit. Quapropter singula prædicta suscipere oportet, & sapientiā transferre ad medicinā, & medicinam ad sapientiā. Medicus enim Philosophus est Deo æqualis. Neque enim multa inter ipsas est differentia. Nam omnia quæ ad Sapientiam requiruntur, insunt in Medicina; Libro denique de flatibus, ait, Medicinam esse secundum naturam. Lib. de locis siue partibus in homine, inquit: Certeū natura corporis principiū sermonis in arte medica. Alibi in eodē lib. ait: Medicinam qui rectè nouit, minime fortunam respicit, aut expectat, & citra fortunam, & cum fortuna rectè facit. Libro de Arte, refert medicos non fortuito curare ægros, sed artificiosè: nam arti se commiserunt ac crediderunt: propterea palam est ipsos, qui circa eam versantur, speciem eius esse contemplatōs: vim vero eius patrato opere cognouerunt. Alibi in eodem libro dicit: omne enim quod fit, propter quid fieri deprehenditur, & ad aliquid refertur. At quod temere fit, nullo modo subsistere videtur, sed nomen tantum inane esse. Medicina ex his esse cernitur quæ ob aliquam causam preuiden-ia quadam sunt instituta: prætereaque etiam subsistere cōspicietur. Quare his quidem, qui fortunæ sanitatem acceptam ferunt, artique derogant, hæc quæ dixi respondere quis possit. Caterum eos qui ob mortientium calamitatem, artem demoliri contendunt, miror, quamam memorabili ratione commoti, intemperantiam quidem morientium, causam mortis non statuunt, scientiam verò eorum, qui medicinam exercent, accusant.

Medicina est scientia ex Hippoc.

Ex his liquet primò, medicinam secundum Hippocratem esse scientiam. Habitus enim intellectus constans & firmus est scientia. Sed medicina ex Hippocrat. est constans & firma. Ergo Medicina ex Hippocrat. est scientia. Probatur maior. Habitus verus & certus est scientia: vt ex cap. 2. lib. 1. Posterior. colligitur. Sed habitus constans & firmus est habitus verus & certus. Ergo habitus constans & firmus est scientia. Sed medicina est habitus constans & firmus ex Hippocr. Ergo ex Hippocrate medicina est scientia. Probatur minor: habitus stabilis, & qui aliter se habere nequit, quam eò modo, quo percipitur, est habitus verus, & certus, & scientificus; (omnes. n. id quod scimus nō posse aliter se habere, existimamus, ex Arist. lib. 6. Ethic. c. 3.) Sed habitus constans, & firmus nequit aliter se habere, quàm eo modo, quo percipitur. Ergo habitus constans, & firmus est habitus verus, & certus. Sed medicina est habitus constans, & firmus. Ergo medicina est vera, & certa scientia, quæ in certis & necessarijs consistit; prout ab opinione contradi-

Nota hūc locum contra Medico- rum calumniatores.

Primum argumentū ex Hippoc. autoritate desumptum.

stinguitur, quæ est in incertis rebus; vt habet Aristoteles lib. 1. Poster. c. 27. in cuius principio, ait: Scientias in yniuersalibus, & necessarijs consistere.

*Secundum
argumen-
tum.*

Denique Secundò ex Hippo. Medicina est ex numero habituum, qui resultant ex demonstrationibus factis propter quid. Huiusmodi porro demonstrationes per causas fiunt, formalem, & efficientem saltem: Ergo ex Hippocr. medicina est scientia. In medicina autem omnia propter quid, cum prouidentia quadam fiunt ex Hippocr. ex Aristot. verò lib. 2. Physicor. ca. 3. Scire aliquid, est propter quid vnumquodque sit, scire; quod quidem non aliud est, quàm causam primam, i. immediatam summere. Ex actuali verò scientia, siue demonstratione frequenti, quæ tamdiu durat, quamdiu operatur intellectus, habitualis scientia nascitur: quæ nihil est aliud, quam facilitas quædam in intellectu, relicta ex frequentatione actuum, ad eliciendam actualem scientiam, quoties opus est. Scientia enim actualis est præsens rei cognitio, durans tantum durante operatione intellectus: habitualis verò scientia est facilitas ex actuali nata, & diuturno tempore intellectui hærens. Scientia enim & virtutes habitus sunt, & non dispositiones, siue affectiones, ex Aristot. c. de qualitate. Medicina verò habitus est ex demonstrationibus natus. Ergò scientia.

*Tertium
argumentum*

Rursus tertio Hippocr. Medicinam cum Sapientia confundit; sed Sapientia est scientiarum exactissima, vt habet Philosophus lib. 6. Ethic. c. 7. Sed Sapientem igitur, inquit, non solum ea, quæ ex principijs sunt cognoscere, sed etiam circa principia ipsa verum dicere oportet. Quare Sapientia erit intellectus, & scientia: quasi habens caput scientia rerum præstantissimarum. Lib. 1. Magnor. Moral. c. 3. dictam doctrinam iterum repetit, inquires: Sapientia porro ex scientia, menteque constituitur. Complectitur enim Sapientia tam principia, quàm quæ ex principijs sunt demonstrata, circa quæ versatur scientia. Quatenus igitur principia complectitur sapientia, & ipsa quoque mentis particeps. At quatenus circa ea, quæ post principia sunt cū demonstratione scientiæ est particeps, & proinde non dubium, quin Sapientia ex mente, scientiaque confietur. Proinde circa ea versabitur, circa quæ mens, atque scientia. Non pigebit ad maiorem rei notitiam ex Aristot. lib. 6. Ethic. c. 3. in memoriam reuocare, ea, quibus anima affirmando, aut negando verum dicit, esse quinque numero. Hæc verò sunt Ars, Scientia, Prudentia, Sapientia, & Intellectus. Vulgò enim habitus intellectus dicuntur. Nam his solis intellectus rem omnem examinat ad trutinam vsque veritatis. Existimatione quidem, & opinione fieri potest, vt mentiamur; vt eodem capite loquitur Philosophus. Ars ex eodem lib. 6. Ethic. c. 4. est habitus cū vera ratione effectiuus. Cap. verò 3. citat, inquit: Omnes enim id quod sciimus, non posse aliter se habere existimamus; quæ autè aliter esse possunt, cū extra contemplationē fuerint &c. Scientia igitur est habitus verus, certus, & consequenter aliter se habere nō potens, per demonstrationem acquisitus: vel Scientia magis propriè dicta, est certa rei cognitio per causam præcognitam adepta, media demonstratione, vt colligitur ex Aristot. lib. 1. Poster. c. 2. vbi inquit: planè, ac perfectè rem scire quisque censetur, ac non sophistarum modo, quando causam per quam res est, rei causam esse cognoscit, vt non posse omnino rem aliter habere credat. Et paulò post: Itaque res quæ sub scientiam cadit, ita est certa, vt omnino aliter esse non possit: & paucis interpositis: illud nunc certum est scire illum, qui per demonstrationem rem cognouerit. Prudentia verò est habitus cum vera actione actiuus, circa ea quæ bona, & mala homini sunt, vt habet Aristot. lib. 6. Ethic. c. 3. Intellectus verò est ha-

est habitus principiorum. i. primorum, vt loquitur Philosophus, seu principiorum sine demonstratione aut alia inuestigatione, cognitio. Ideo enim principia, indemonstrabilia ab Aristot. dicuntur lib. 1. Magnor. moral. cap. 35. quia sola terminorū, & rei cognitione, sine vllo ratiocinio dignoscuntur. Ex principijs autem cognitis nascitur scientia, quæ per demonstrationem perficitur. De Intellectu Arist. lib. 6. Ethic. Sapientia tandem est rerum præstantissimarum naturæ scientia, & intellectus; vt habet Arist. lib. 6. Ethic. cap. 7. & lib. cit. Magnor. moral. c. 35. Sapientia enim est habitus compositus ex habitu principiorum, qui intellectus dicitur, & ex scientia.

Cum hæc ita sint, cumque ex Democriti, & Hippocratis sententia medicina Sapientia sit, necessariò scientia, eaque nobilissima censi debet: nequaquam verò ars, aut prudentia, quæ de ijs, quæ aliter se habere possunt, agunt.

Adhuc quartò Hipp. inquit, medicinam esse secundum naturam, & naturâ corporis esse principium sermonis in re medica, siue in medicina. Ergo ex Hippocrate medicina est Scientia naturalis, quæ occultas quamplurimas causas inueſtigat. Probatur consequentia. Habitus qui naturam contemplantur, est scientia: Sed medicina est huiusmodi. Ergo est scientia. Probatur minor: Medicina circa naturam corporis humani, & plerarumque rerum ei nocentium, & conferentium versatur. Ergo necessariò est scientia naturalis, cum omnium rerum mundi ambitu contentarum naturam perscrutetur.

Denum Hippocr. ait: Medicum non fortuitò curare ægros, sed artificiosè, nec ipsum respicere fortunam, sed cum fortuna, & sine fortuna curationem cum recta ratione aggredi. Ergo ex Hippocrate medicina est Scientia, etiam quatenus practica, & non ars. Probatur consequentia. Medicina, sicuti Medicus qui eam recte nouit, nihil habet commune cum fortuna. Ars verò habet, vt loquitur Arist. lib. 6. Ethic. cap. 4. hoc ordine: quodammodo circa eadem versatur & ars & fortuna. Sicut etiam Agatho inquit.

Fortunam amat ars, artem ipsa fortuna inuicem.

Galenus autem dans rationem, cur Hippocrati, quàm alijs medicis tenacius hæserit, id se fecisse, ait, quoniam nihil fere ab Hippocrate dictum fuit, quod demonstratione probari non possit. Hinc ergo inferendum medicinam esse scientiam, Eam scientiam appellat doctissimus Alexander Aphrodisæus, summus Philosophus, & Medicus vetustissimus, qui à quatuordecim sæculis floruit. Auicenna pro virili hanc sententiam est amplexus. Licet Auerroes eam artem vocauerit, scientiæ tamen titulo eam adornat i. p. canticor.

Ex Arist. non obscure colligitur medicinam esse scientiam. Libro enim 1. de partibus animalium c. 1. ait: quòd Medicus rationes & causas rei, quam facit, reddere solet, quòtes sanitatem per intellectum, vel per sensum definit. In fine denique lib. de respiratione, vel, vt alijs, & melius placet, in principio lib. de sanitate & morbo, nobis sequenti serie, fauet: De sanitate verò morboque, non solùm Medici, sed naturalis est, causas quadamtenus dicere. Quatenus verò hi differant, & quatenus diuersa contemplantur, latere non oportet. Equidem quod confinis sit huius medici naturalisque tractatio, & id quod efficitur, testatur. Nam & Medici quicunq; differi, ac diligentiores de natura dicunt, & principia inde sumere dignantur, & inter eos qui de natura tractant elegantissimè ferè vsq; ad medicinalia principia desinunt. Reliqua huius libri, nostro damno desiderantur. Sed ex præfatis verbis sufficiens robur additur nostræ sententiæ, dixit enim Philosophus

*Quartum
argumen-
tum.*

*Quintum
argum.*

*Cur Hippo-
crati adha-
sit Gal.*

*Ex Arist.
medicina
est scientia.*

Philosophus sanitatis & morbi causas à naturali Philosopho simul, & Medico inuestigari, quamquam discrepanti quadam contemplatione res examinent; quia tamen eandem materiam vterque, naturalis nimirum Philosophus, & Medicus contemplatur; magna inde inter illos nascitur similitudo, & affinitas. Nam vterque naturam perscrutatur. Hinc manifestum euadit iuxta Arist. doctrinam, medicinam esse naturalem scientiam, eamque subalternam, quod de sanitate, & morbo, quæ sunt corporis accidentia, plenius, & magis absolutè, quàm naturalis Philosophia tractet. Philosophus enim de his, prout corporis passiones sunt, & quatenus horum vnum natiaua qualitas est, & altera ei contraria aduentitia. Sanitas quidem corpori ornatum, & omne complementum accersit, eodem penitus modo, quo virtutes licet aduentitiæ, & non insitæ, vt sanitas, animæ ornameto esse dicuntur. Ex aduerso morbus connatas corporis dispositiones euertens, præterquam quod deformitatem parat, corruptionem minatur. Philosophus enim de generationibus, & corruptionibus, tum lib. de generat. & corrupt. tum alijs in locis satis exactè disputat. Morbi sanè in corpore, instar vitiorum in anima subiecti destructionem, naturalem corporis æconomiam euertentes, moliantur.

Medicus sanitatem, & morbum ei contrarium multò diligentiori, exactiorique studio examinat; non simpliciter, quatenus corporis naturalis passiones dicuntur, nec quatenus vnum à natura hominis producit, alterum verò ab aliena natura distincta à corpore humano; nec etiam simpliciter, prout contraria sese inuicem ab eodem subiecto repellentia, cum simul vix stare queant; sed præcipuè, quatenus hominis functiones quasuis edit, fouetque sanitas, easque lædit, & destruit morbus: ac insuper vt præsentem foueat sanitatem, eamque diminuat, morbum cum suo apparatu propellendo, refarciat: ita vt simpliciter, & absolutè ad Medicum spectet corporis humani sani simul, & morbofi omnem naturam minuat, & ad amussim prosequi. Medicus ergo qui causas rerum, de quibus agit, profunde speculatur, erit scientificus; adeoque medicina vera scientia, eaque naturalis. Gal. quidem lib. de art. med. c. 2. hanc doctrinam, Herophili definitionem exponens, confirmat, aiens: Et secundum quidem primam rationem, atque præcipuam causarum salubrium, est medicina scientia; propter eas autem, & aliarum secundo quidem loco, insalubrium (causatum videlicet) & tertio neutrarum (causarum). Ecce quomodo Gal. ratione causarum salubrium, insalubrium, & neutrarum, Medicinam esse Scientiam fatetur. Paulò enim ante in definitione Herophili, ait: Scientiam communiter, & non propriè accipi. Qui ex hac prolacione interunt Galenum è scientiarum ordine medicinam protinus eliminasse, saltem negare non possunt, ratione causarum sanitatis, & morbi, neutriusque status scientiæ dignitatem occupare, etiam iuxta Gal. mentem, qui satis expressè rem ita esse ostendit.

Ratio persuadet medicinam, esse scientiam.

Rationibus probatur Medicinam esse Scientiam. Habitus ille Scientiæ dignitate gaudet, qui habet ea cuncta, ob quæ aliæ Scientiæ tales dicuntur. Sed medicina est eiusmodi. Ergò Medicina est Scientia. Probat, minor. Scientiæ ab inuentoribus statuta sunt illæ, quæ ex subiecto, subiecti quæ passionibus, & certis quibusdam principijs, siue dignitatibus, tanquam præiis fundamentis, stabiliuntur, & veluti coalescunt. Sed Medicina æque bonè, ac aliæ his tribus completur. Habet enim subiectum corpus humanum; sanitatem, veluti præcipuam passionem eiusdem corporis perpendit; morbum verò tamquam contrarium, sanitatis actiones lædentem. Vnde

de Aristoteles c. 1. Postprædicament, de contrarijs, ait: Vt morbus, & sanitas in corpore animalis natura existunt, & alterum necesse est, vel morbum, vel sanitatem animantis corpori conuenire: Hinc liquet sanitatem, & morbum esse corporis humani passiones, vti firmiter ipsa nos docet quotidiana experientia. Principia denique, siue dignitates continet certissima, eaque partim generalia, partim peculiaria. Generalia: vt contraria contrarijs curantur; similia similibus conferuantur: quæ non minorem his certitudinem continent, omne totum est maius sua parte: his duo quæ ita efficiunt. Peculiariora verò quamplurima: vt concocta medicari oportet: cacochymia debetur purgatio: plenitudo sanguinis missio: vrgentiori succurrendum, & cætera huiusmodi, ex quibus tamquam primis fundamentis, variae exurgunt demonstrationes. Principia in omni facultate sine controuersia, ita concessa sunt, & stabilita, vt probatione ad hæc, vt admittantur, non indigeant. Id monet Arist. lib. 2. Poster. c. ult. qui ait: Principium idè scientiam non esse, quia non fit cum ratione i. ratiocinatione. Lib. 6. Ethic. c. 6. rem reperit. Principium, inquit, inductione fit, non ratiocinatione. Lib. 1. Poster. c. 3. ait, nos scire principium (sine ratiocinatione) cum terminos cognoscimus. Et lib. 1. Topicor. c. 1. Prima, inquit, sunt quæ non per alia, sed per se fidem habent. Causa ergo assentiendi principijs, est lumen intellectus, vna cum perspicua terminorum penetratione, siue perceptione, & inductione, siue experimento. Experimentum autem, si pro iudicio intellectus de re singulari sensu cognita, sumatur cum antecedente inductionis confunditur, nisi quando inductio de solis rebus vniuersalibus fit. Si verò experimentum accipiamus pro iudicio potentia sensitua, vt quibuidam est, tunc discrepat ab inductione. Verum in rigore loquendo, inductio non est ratio assentiendi principijs; quoniam Inductio species est discursus, quo non egent principia, vt dignoscantur, cum seipsis facile percipiantur. Plato ab hac Arist. doctrina non est alienus, qui Mathematicorum doctrinam, ac peritiam examinans, inquit, eos principia quædam præsupponere solitos, quibus in progressu omnem doctrinam fulcire conantur.

His præhabitis mille demonstrationes in medicina, absque vlla anxietate fieri possunt, dummodo principia generalia, & peculiariora, vt in omnibus scientijs motus est, concedantur. Per generalia igitur in Therapia, siue Curatrice, exposita nunc principia sequentes demonstrationes dilucidè astrui possunt. Vt enim, hæc propositio: Omnis æger intemperie calida laborans, frigidis curari debet, probetur, hæc serie procedendum. Omnis ægrotudo contrarijs curatur, iuxta illud contraria contrarijs curantur. Sed omnis intemperies calida est ægrotudo. Ergo omnis intemperies calida contrarijs curatur. Atqui intemperiei calida contrarium est frigidum. Ergo intemperies calida frigido curatur. Vel sic: Contraria contrarijs curantur. Sed omnis intemperies calida est contraria frigido. Ergo omnis intemperies calida frigido curatur. Vice versa probari debet, omnem intemperiem frigidam, calida curari. Pariter de alijs intemperiebus ratiocinandum. Vt: Contraria contrarijs curantur. Atqui omnis intemperies sicca est contraria humido. Ergo omnis intemperies sicca humido curari debet: non solum ex cõmuni, & receptissima Medicorum sententia, sed etiam Philosophi sect. 1. Problem. problem. 40. At in æstate humefaciendum censetur; quoniam id siccum est, nec minus interpellit horroris, è quod status temporis ad reporem ingenuè vergit: hinc etiam cibus parcus, potio liberalis per æstatem admittitur, ille magis, hæc omninò. Ictioni namque per æstatem, ob temporum

*Innumera
demonstra-
tiones in
medicina
fieri possunt:
& in Pra-
xi aequè ac
Theoria,
vt è sequen-
tibus patet.
Contraria
omnia con-
trarijs cu-
rantur.*

porum siccitatem indulgendum ex toto est: parsimonia verò cibi communis temporis omnium est, sed magis ætati conuenit: ne ob habitum temporis feruentem, corpus cibo immodico pressum exæstuet. Vice versa idem argumentum ad humidam intemperiem, siccio sedandam valet. Ab vniuersali denique ad particulare descendendo, medicæ forniantur demonstrationes: ut, omnis intemperies calida frigido profligari debet, sed hic calor extraneus in Petro, v.g. est intemperies calida. Ergo hic calor extraneus in Petro frigido curari debet.

Eodem argumenti genere in morbis partium dissimilariarum procedendum. Si enim recta partis figura, curua euadat, curuitas illa suo contrario, rectitudine curatur: & ex aduerso, pars curua naturaliter, si recta euadat, curuari debet, ut in naturalem statum reducatur. Et hoc ordine argumentari licebit. Contraria contrariis curantur; sed curuum, siue obliquum est contrarium recto. Ergo curuum recto curari debet; quidquid enim oblique contrahitur, in rectitudinem distendi debet: & è contra, quidquid præter naturam distenditur, contrahi: distensio autem, & contractio, veluti rectum, & obliquum siue curuum, planè sibi inuicem aduersantur. Morbus denique in superficie suo contrario curatur, ut pars ex sua natura læuis, quæ tamen exasperatur, iis quæ leniunt, & læuigant, curatur: ut trachæa arteria, ad vocis usum læuis secundum internam superficiem esse debet: catharro autem è cerebro prolabente exasperatur; Huiusmodi asperitas suo contrario, id est, lenitate & læuigatione curari debet. Si è conuerso pars ex sua natura aspera vel rugosa læuigetur, ut ventriculi fundus & intestina, quæ in lienteria læuigantur, rugari subito debent. Morbus etiam in cavitatibus & meatibus, contrariis sanatur; ut quones obstruuntur vel angustantur viæ, siue interni ductus & cavitates dilatari, & aperiri debent.

Secundum genus morbi partium dissimilariarum in quantitate præter modum aucta, vel diminuta consistit; quarum vtraque suo contrario curatur; ut quantitas adaucta minui debet, diminuta verò augeri.

Tertium genus morbi partium dissimilariarum est morbus in numero addito, vel diminuto; quorum vterque suo contrario exterminatur.

Quantum genus est morbus in situ & connexu, qui suis contrariis depellitur; è loco enim proprio semoueri, & ad locum proprium reduci sunt contrarij motus; sicuti connecti, & dissolui.

Tandem tertium genus morborum in vniuersum solutio continui, & morbus communis dictus, quod parti similari & dissimilari competat (ut in Pathologia dicemus) eadem ratione suo contrario vincitur. Nam solutio continui, vnione continui adimitur.

In causis morborum deturbandis, symptomatibusque sedandis, aliisque medicis operationibus, per contraria semper proceditur. Vnde plenitudini debetur depletio vel euacuatio. Parti duræ emolliens remedium; emollienti durum. Intensum, relaxante sedatur; sicuti relaxatum intendente: rarefactum condensante; condensatum rarefaciente; incrassatum attenuante; ut attenuatum incrassante. Quod incisum est, viscido, ut quod viscidum est, incidente. Quod attrahitur vel fluit ad partem, repellente, ut repulsum attrahente: Quod apertum est claudente siue astringente; ut oclusum siue astrictum aperiente: quod infarctum & obstructum est, deobstruentibus, siue defarcientibus, ut quod nimis deobstructum est, obstruentibus, siue infarcientibus. Quod deterium est oblinentibus, siue emplasticis; ut oblitum siue emplasticum detergentibus; quod agglutinatum est, exulcerantibus; ut quod

quod exulceratum est agglutinantibus, siue vnientibus; quod exasperatum est, læuigantibus; vt læuigatum exasperantibus. Quod euacuatum est repletibus; vt repletum euacuantibus. Quod dolorificum est, anodinis siue lenientibus; vt nimis lenitum aut stupidum irritantibus & dolorificis. Quod flatulentum est discutientibus. Quod immaturum siue crudum, aut incoctum, concoquentibus siue maturantibus. Quod cacochymum, purgantibus: quod repletum est siue plethoricum, depletibus, vt Phlebotomia. Ita medendi methodus semper per contraria perficitur, vt habet Hippocr. lib. 2. Aphorism. Aphor. 22. Morbos qui ex repletione fiunt curat euacuatio, eos verò qui ex euacuatione, repletio; & in cæteris contrarietas remedio est.

Vti contrarijs morbus, morbi causa, & symptoma sedantur, sic corpus humanum similibus conseruatur. Sanitas autem partium omnium corporis incommodatione consistit moderata. Ergo moderatis conseruantur; & reficiuntur, dum à comoderatione declinât. Ob hoc principium Hipp. lib. de natura hominis, inquit: Si omnia (quæ scilicet in mundo extant) essent vnum, homo non doleret: quia videlicet omnia essent homini similia; simile enim non agit in simile. Ergo à dissimili læsio contingit. Proinde cum homo quotidie tam in statu sano quàm agro, secundum triplicem substantiam, spirituosam, humoralem, & solidam resoluitur; necessariò hæc tria similibus, in temperamento & substantia, refici debent. Ex hoc principio infinitæ demonstrationes astrui possunt, eodem, proportionem, modo quo ex principio curatio.

Similia similibus conseruantur

Ex peculiaribus denique principijs eodem tenore variæ demonstrationes elici possunt.

Denique ex experientia innumeræ demonstrationes colliguntur. V.g. Rhabarbarum purgauit bilem in Petro, Paulo, Francisco alijsque centum millibus, & adhuc pluribus, ac plerisque quibus exhibitum fuit; Ergo Rhabarbarum absolute purgat bilem. Duo enim Medicinæ crura, Lib. 1. meth. c. 3. & 4. à Galeno enumerantur, experientia & ratio, quæ sunt omnis inuentionis principia. Ergo, cum horum ministerio medicina adinuenta fuerit, necessariò Medicina scientiæ dignitatem obtinebit. Adhæc, Arithmetica dicitur scientia, ob certitudinem principiorum, vt bis duo faciunt quatuor &c. Et Geometria ob eandem rationem; Ergo cum medicina, æquè certis gaudeat, vtaturque principijs, necessariò dicetur scientia. Nihil enim manifestius hoc principio: vrgentiori succurrendum: nam omni penitus rationi consonum est, & primo statim occurru manifestissimum. Pariter & hoc aliud: cacochymia debetur purgatio: quod enim planè putret in corpore, estque protinus nostræ naturæ obnoxium, & dissimile, curari debet; alioquin vicinis partibus suam communicabit putredinem, easque prorsus sua vicinitate & commercio coinquinabit. Vnde Hippocr. lib. 2. Aphorism. Aph. 10. Impura corpora quod plus nutries, eò magis lædes: à rei ergo noxiæ vicinia declinandum. Nam res tua tunc agitur, paries dum proximus ardet.

Experientia & ratio duo medicina crura.

Demum quod medicina sit scientia subalternata Physicæ, per se constat. Physicæ enim obiectum, est corpus naturale. Medicinæ verò corpus quoddam naturale, humanum scilicet, non simpliciter, sed sub ratione sani & sanabilis; eò modo, quo Arithmetica, de numero agit; Musica verò de numero quatenus sonoro. Ergo quæadmodum hæc est subalternata Arithmetica, ita Physicæ Medicina, quæ hominis in còmuni naturâ per certa principia & causas, physico more, rimatur, vt in Physiologia passim, & alijs medicinæ partibus còspicere licet. Elementorum autem natura cognita, varij eorundem effectus

Medicina est Physica subalternata.

demonstratiue enucleantur. Ex eorum enim pluralitate, simul & diuersitate humorum, partium corporis pluralitas & diuersitas colliguntur, varijque effectus in dies emergentes per causas innascuntur; vt dum calore premitur corpus; id fieri dicitur, quoniam ignis elementum, reliqua tria in corpore excedit. Si corpus alicuius agile sit, & in suis actionibus expeditum, vel mobile & inquietum, ac nimis vigilans, igneum calorem in eo intendi cum certitudine dicemus. Si vero corpus aliquod albicans, laxumque, & in suis actionibus tardum, lentumue notatum fuerit, aquam in eo prædominari demonstrabimus; dicemusque; aqueâ substantiam potissimum esse causâ laxitatis.

In Pathologia æquè, ac in Physiologia, effectus, vt morbi, & Symptomata per suas causas demonstrari possunt. In alijs etiam Medicinæ partibus innumeræ fieri possunt demonstrationes. Quare concludendum Medicinam esse veram scientiam; cum ea omnia quæ ad scientiæ constitutionem desiderantur, sine vlllo defectu contineat; vt subiectum vniuersale, & æternum, ac necessarium, eodem penitus pacto quo aliarum scientiarum obiecta vniuersalia, æterna ac necessaria censentur. Subiecti denique passionem, vt sanitatem, morbum, & neutrum statum; & tandem principia firmissima, quorum quædam Physicarum demonstrationum conclusiones æstimantur: vt contraria contrarijs curantur, similia similibus conseruantur. Illud autem, principium certitudinem habet; quia contraria sese inuicem ab eodem subiecto (quodd sub eodem genere maximè distent) expellant. Alterum vero principium, quia similia inter se nullum dissidium, sed omnimodam familiaritatem, & amicitiam obseruare deprehenduntur. Ob hæc, & quoniam vltèrius rerum naturas, & quæ magis recondita sunt, Medicus quàm Physicus explorare conatur, Philosophus protulit: Vbi desinit Physicus, ibi incipit Medicus, tametsi Medico Philosophia omnino necessaria sit, ex Hippocrate, Aristotele & Galeno; quidquid garriat Cremoninus, qui Medico philosophandi prouinciam adimere videtur, quod Auicenna Fen. 1. primi. doctrina 2. cap. vnico, sequentia de elementis pronuntiauerit: Medicus autem Physico credere debet, quod sunt quatuor, & non plura, quorum duo sunt leuia, & duo grauia, &c. Hoc autem non dixit Auicenna, sicuti nec Auerroes, quasi vellet Medicum non esse Philosophum; cum ipse Philosophus fuerit, cumque elementa prius à Medicis, quàm à meris Philosophis adinuenta fuerint; vt videre est apud Hippocratem lib. 2. de natura hominis, (Prodicum suum magistrum fortè sequutus, qui librum de natura hominis conscripsit) quem Aristoteles imitatus est, tùm in his, tùm in alijs præcipuis suæ Philosophiæ fundamentis. Empedocles Hippocrate antiquior, quaternarium elementorum numerum, vt rursus dicemus, primus proposuit; licet aliter, aliaque eis coniunxerit; vt apud Arist. diuersis locis videre licet.

Nunc ad oppositas authoritates, quæ medicinam artem esse, concludere videbantur, Respondeo, Medicinam quoad similitudinem artem ab antiquis appellari; quoniam vt ars, ea, quæ artificiosè construuntur, reficit, refarcitque, ita medicina sanitatem deperditam refarcire videtur. Non quod Medicina propriè sanitatem reficiat, aut refarciat, cum sanitatis obices tantummodò remoueat, sed ipsa natura, quæ morbos, morborumque causas acerrimè profligat. Natura enim morborum medicatrix, vel naturæ morborum medici, vt loquitur Hippocrates lib. 6. Epidem. Vnde innumeri morbi absque vlllo medici auxilio sanantur, ijque felicius quam ad motis remedijs; quæ non rarè, intempestuè nimurum admotæ, vel quouis modo cele-

brata

brata, naturæ iudicium interturbant; eamq; à sua intentione & opere auer-
tunt. Sicque principium actionis, & operis est in ipso qui sanatur, non
autem in Medico; nisi dispositiue tantum, idest, quando in quibusdam
morbis, remedia quædam, quæ naturam ad superflui exclusionem proritât,
vel quæ ad aliud munus obeundum propinantur, præscribit. At verò facti-
uarum artium (inter quas medicinam aliqui reponunt) in ipso faciente, siue
operante, siue opifice, principium operationis, vel effectiois collocatur:
quod principium est, aut ipse intellectus, aut ars, aut aliqua potentia, vt
habet Arist. lib. 6. Metaphysic. 1. & lib. 11. Metaphysic. 6. aiens: Effectiua nam-
que in faciente, non in eo quod fit, motus principium est: & hoc aut ars
quædam, aut alia vis est. Similiter & Practicæ non in eo quod agitur, sed ma-
gis in agenibus motus est. Nec solum principium effectiois factiuarum fa-
cultatum in operante est, sed principium præterea facultatum actiuarum,
ex eodem Arist. loco iam citato. Actiuarum verò, inquit, scientiarum in
agente electio. Lib. denique 6. Ethic. c. 4. inquit: Ars autem omnis in origi-
ne, & molitione rei occupata est, idque molitur, & expectat, vt aliquid fiat
eorum, quæ esse, & non esse possunt; quorum principium in eo, qui facit, non
in eo quod fit, positum est. Nam neque eorum, quæ necessariò vel sunt, vel fi-
unt, ars est: neque eorum, quæ natura constant. Hæc enim in seipsis inclusum
habent principium. Torus hic Arist. discursus nostram confirmat senten-
tiam: Siquidem eorum, quæ natura constant, & eorum quæ necessariò sunt,
vel fiunt, non datur ars. Ergò cum corpus humanum, imò reliqua quæuis
corpora mundi ambitu complexa, quæ in hominis gratiam à Medico inue-
stiganur, natura constant, & necessariò (ea scilicet necessitate, quæ ad sub-
iecta scientiarum requiritur) fiant; inde inferendum, medicinâ non artem,
sed scientiam esse dicendam.

Ad authoritatem Hippocratis respondet Antoninus Calius duplicem esse
medicinæ finem; vnum extrinsecum, sanitatem conseruandam, vel indu-
cendam; alterum intrinsecum, modum scilicet, quo remedia subministra-
mus ad sanitatis consequutionem. Hac posita distinctione, finem intrinsec-
cum, in Medico esse dicit. Atque adeò principium medicinæ.

Sed meo iudicio Vir doctus sibi non constat; quia Argenterium oppu-
gnans, ait cum Aristotele lib. 2. Metaph. c. 3. Vnam scientiam ab vno fine,
non autem à duplici, dici. Ergò non rectè duos medicinæ fines constituit;
cum ab omnibus vnicus constituatur, eò modo quo capite 7. diximus: est
que sanitas finis verè intrinsecus, cum sit ipsa forma constitutiua obiecti
medicinæ; quod diximus esse corpus humanum sanum, & sanabile.

Præterea sanatio est medicinæ actio. Sed sanatio fit in ipso patiente à prin-
cipijs intrinsecis præcipue; à facultatibus nimirum coëctricæ, & expultricæ.
Ergò non fit à Medico (si quasdam operationes Chirurgicas excipias) nisi
valde impropiè: nec principium medicinæ, nisi contèplatiue in se continet.

Ad secundam obiectionem Respondeo, negando Medicinam de contin-
gentibus, non verò de necessarijs, & vniuersalibus agere: Corporis quidem
humani sani, & sanabilis naturam sollicitè perscrutatur, quod nullatenus
contingens est, cum ex decreto naturæ; præuis præcedentibus dispositio-
nibus; quoduis corpus peculiaribus dotibus ornatum, procreatum fuerit; ita
vt ab omnibus consimilis naturæ vnicus conceptus communis, & vniuersa-
lis præcendi possit: de quo plena meditatione scientia varia considerat. Itaq;
de Vniuersali, & æterno subiecto (quatenus scientiarum obiecta vniuersa-
litatem, æternitatemque inuoluunt) corpore videlicet humano, medica-

*Responsio
ad 2. obiectionem.*

scientia quamplurima necessariò dicit: Atque adeò de necessarijs in re medica, vti in reliquis scientijs, agitur. Multa quidem necessariò ex principijs Medicis deducuntur, veluti ex innumeris causis à Medico probè cognitis. Vide Aristotelem scientiam ab opinione distinguentem lib. 1. Poster. capite 27.

Licet autem Medicus Practicus singularium hominum (qui corruptibiles sunt) naturam examinet, & Calliam, ac Socratem, non verò hominem in communi conseruet, & ad pristinam sanitatem, dum ægrotat, reducat, id omne generalibus præceptis manuductus, & vniuersalem naturam prius perpendens, peragit. Vniuersalis enim natura est tanquam particularium norma, infallibilis. Quamuis igitur de singularibus agat Medicus, id medicinæ scientiæ rationem non adimit. Nam scientia etiam singularia, tanquam basis & fundamentum vniuersalium non rarò pertingit, etiãsi corruptibilitatem includant. Quòd autem scientia etiam circa particularia aliquo modo versetur, patet ex Aristot. lib. 13. Metaphys. cap. 10. & vlt. vbi aduersus Platonis idæas verba faciens, hæc habet: Scientia namque, sicut & ipsum scire, duplex est: quorum aliud potentia, aliud actu est. Potentia igitur cum sit tanquam materia ipsius vniuersalis, ac indefinita, vniuersalis, indefinitique est: actus verò determinatus, & determinati, cum quod quid, huiusque alicuius sit. Et paulò post: Sed constat, quòd quodammodo quidem scientia vniuersalis est, quodammodo verò minime. Ex his liquet, scientiam singularium naturam, quatenus ex ijs communis quædam natura formatur, contemplari. Illa quidem communis non est quid distinctum, nec separatum, realiter ab ipsis naturis inferioribus, sed est ipsæ naturæ singulares per modum tamen vnius conceptæ, & à singularibus differentijs abstractæ. Quamuis ergo medicina ad singularia corruptibilia tum conseruanda, tum curanda descendat, non proinde scientiæ rationem amittit: quemadmodum nec Physica, quamuis generationis essentiam consideret, & generationes omnes circa singularia sint, non secus ac actiones: vt habet Aristot. lib. 1. metaphys. c. 1.

*Responsio
ad 3. obiectionem.*

Tertiò ad id, quod cõmuniter obijcitur ex Galeno, medicinam esse coniecturalem, Respondeo hanc falsitatem negando. Nam medicina etiam Practica demonstratiuè innumera probat, & contemplatiuè exactè procedit; quod sufficit, vt medicina inter scientias reponatur, nam in nulla scientia semper per demonstrationes proceditur, sed aliquando per probabilia. Ergo licet in medicina coniectura aut opinione aliquando procedatur, non proinde ars dicenda, cum innumeras contineat demonstrationes. Ex Hippocrate quidem lib. de arte non fortuitò sed artificiosè, id est ratiocinando, curare ægros solet medicus. Denique coniectura ipsa non est quid fortuitum, aut omnino incertum, vt testatur Galen. c. 1. lib. 1. de locis affectis. Nam coniectura non est idem ac incerta cognitio, vt aliqui rentur. Artificiosa enim coniectura, medium est inter exactam noticiam & omnifariam ignorantiam, vt loquitur idem Galen.

*Responsio
ad 4. obiectionem.*

Tandem ad id, quod obijcitur ex Galeno, medicinam non propriè sed communiter, accipi in definitione Herophili Respondeo, non benè ab interpretibus deduci verba Galeni, qui ait: τὸ μὲν ἐν τῇ επιστήμῃ οὐνόματος κοινὸς τὸ καὶ ἐν ἰδίῳ ἀξίον χρεῖν. i. nomen quidè scientiæ communiter & non specificè accipere oportet. ἰδίῳ, autem licet idè aliquando sit ac propriè, significat tamen specificè, aut peculiariter; quo in sensu rectius quam in alio, hic accipitur. Quoniam reuera in allata definitione, nomen scientiæ non specificè

accipit

accipitur, sed genericè, quod ibi locum generis occupet; vt clarè voluit ostendere isto aduerbio *generice*, id est communiter.

C A P V T X.

Vtrum Medicina sit Scientia Speculatiua, an Practica?

Probatur manet medicinam esse Scientiam, sed cuius generis ambigitur? Nam quidam inter practicas eam collocare videntur; alij partim practica, partim speculatiua esse dicunt. Qui eam inter habitus practicos absolutè reponunt; id idè arbitrantur, quoniam puram artem esse contendunt: inter quos præcipuus videtur Auerroes, quem sequitur Marnardus comment. in c. 2. art. med. Fuchsius, Fernelius, & alij. Huius sententia probationes in obiectionum solutionibus deinceps proponemus, & soluemus, cum superiori cap. probauerim medicinam non artem, sed scientiam debite appellari. Illa igitur sententia, quæ medicinam partim practica, partim speculatiua esse statuit, mihi multo verior videtur; quam post Auicennam, pro virili tueretur doctissimus Mercatus: Iacobus de Partibus, & alij. Omnes qui hanc doctrinam amplectuntur, non eodem modo eam exponunt. Bartholomæus quidam apud Gentilem Fulginatam dicit Medicinam consideratam secundum sua principia, esse scientiam: consideratam verò secundum suum finem, qui est inodus operandi, esse artem. Atque adeo in hoc sensu practica, in illo verò speculatiua. Idem dixisse visus est Conciliator, qui differentia quarta, inquit, medicinam secundum Theoriam esse scientiam, secundum partem practica esse artem. Dynus & Turtisanus Monachus non multum ab Auicenna recedere videtur, dum inquirunt, medicinam posse accipi pro habitu intellectus speculatiui, quo consideramus quasdam conclusiones, quæ sunt necessariae, & æternæ: v.g. quod complexionēs sunt quatuor: genera morborum sunt tria. In hoc sensu medicinam scientiam speculatiua esse volunt. Medicinam alio modo accipi credunt, pro habitu videlicet quodam in intellectu practico resultante ex præfatis propositionibus, quo habito dirigitur quis in opus, & sic accepta medicina ars est: atque adeo Practica dicenda. Doctissimus Plempius Louaniensis Professor celeberrimus, Medicinam artem simul & scientiam dici, volenti permittit. Nos tamen qui eam scientiam esse varijs rationibus, atque autoritatibus probauimus, non tantum secundum principia & theoriam, aut secundum hanc, vel illam partem, sed secundum omnes sui partes, tam speculatiua, quàm practica, inter scientias numerandam censemus, idque conformiter Auicennæ Fen. 1. Primi. Doctrina 1. c. 1. Est enim Medicina tota, id est, secundum omnes sui partes, scientia; secundum tamen Therapeuticam non speculatiua tantum; sed Practica dicitur. Quod autem curatrix hæc pars speculatiua sit, per se patet: nam morborum cognitio, & inuestigatio mediantibus signis, causisque, veritatis contemplatio est. Speculatio enim nihil aliud est, quam rei alicuius, vt in se est, non animaduersa vlla sui mutatione, satis attenta meditatio, vt hac mediante rei eiusdem natura, atq; passionēs speculanti elucescant. Negare nemo potest, quia medicus peritus, & scientificus, morbum morbig; causas,

*Dua opi-
niones.*

*Variè lo-
quantur au-
thores.*

*Medicina
est Practi-
ca simul &
Speculatiua*

fas, & passiones, & symptomata, ac insuper ipsius humani corporis naturam prius perpendat, quam remedia præscribat. Dictarum porro rerum naturas exactè, atque adeo scientificè penetrat, quod nequaquam in artibus fit. Architectus enim nec lapidum, nec lignorum, nec calcis, aut cæmenti penitiorum naturam examinat; sicuti nec sartor pannorum, nec sutor corij, nec faber ferrarius ferri, nec agricola terræ aut seminis. Nam hi omnes licet regulis ad operandum utantur, non tamen suæ artis obiectum ita contemplantur, ut eius naturam & passiones examinent; sed exercitio, & consuetudine, sine notabili contemplatione, habiles in arte euadunt: Medicus verò secus, qui, ut protuli, scientificè rem omnem meditatür.

Quid praxis.

Habitus practicus qualis.

Denique constat medicinam secundum partem curatricem præcipuè esse practicam, eamque scientificam. Practicam esse inter omnes constat; sed quo modo, inter se dissident: rem totam examinabimus, dummodo supponamus, quod *πρᾶξις* a verbo *πράττω* dicatur: quod verbum latinè idè est, ac ago, aut operor. Vnde praxis erit actio quædam operatiua, siue operatio ipsa in laxa significatione, id est, quatenus operatio non solum immanentem operationem intellectus, sed præterea transeuntem complectitur. Ex frequentibus autem operationibus, habitus quidam resultat, qui practicus dicitur, qui quæ immediata operandi norma censetur. Hac præsupposita doctrina, nonnullis placet, medicinam ideo practicam dici, quod medicus operetur, non actiuè tantum & intellectualiter, sed effectiuè; ita ut, prout operi manum adhibet, practicus dicatur. Sed meo iudicio indigne rem perpendunt, quoniam medicus potest esse in praxi versatus, nihil seruire tangens, ut quotidiana monet experientia; per quam apparet, medicos non componere Medicamenta, sed ea præscribere, nec chirurgicas operationes, nisi rarò exercere. Et positò quod aliquod opus circa medicamenta, aut chirurgicas curationes ageret, non proinde Medicina effectiua ars dicenda. Nam generationes omnes, quadam effectiua fiunt, & consequenter praxi: Physica, tamen quæ de his agit, speculatiua ab Aristotele statuitur scientia, sicuti Mathematica, & tamè in Arithmetica cõponuntur & scribuntur numeri: in Geometria efficiuntur figuræ, & secundum eam Geodesia, siue ars mensurandi terram: operatrix dicitur: quoniam iuxta præcepta Geometrica hæc operatur, siue per eam quis opus edit rectum.

Rectius ergo dicendum Medicinam dici practicam quatenus, medendi methodum dicat, eandemque Methodum exercet. Ab Auicenna in hoc recedimus, quia medicinam Practicam esse vult, quatenus firmo iudicio nobis qualitatem siue modum operandi præscribit, absque eo quod necessum sit ad medicas operationes condescendere. Sufficit enim, eius iudicio medico scire, quod v.g. tumori calido med. camæta repellentia siue repercussentia, infrigidantia, & inspissantia in principio sint adhibenda, ut Practicus dicatur, siue eo quod talia remedia, Paulo, Iacobo, aut Francisco actu præscribat, aut pulsum contrectet, aut urinam prospiciat, aut feuentium symptomatum aduentui obuiet, aut ministris, & assistentibus debitum rerum non naturalium usum in ægri gratiam præscribat. Verum nos huiusmodi praxin imperfectam penitus iudicamus: Quare utrumque necessarium esse censemus nimirum scire applicanda in principio Phlegmonis repellentia, & infrigidantia, ac insuper scire actu practico & exercito, non verò in actu signato, ut Logici loquuntur, modum applicandi talia remedia, Petro, vel Paulo, vna cum vitæ ratione, & reliquis circumstantijs ad curandum necessarijs. Galenus, & Aristoteles praxim ita intelligunt. Archihæctum enim lib. i. Metaphysic,

c. 1. sapientem esse vult, prout rationem rerum, de quibus agit, reddere potest, & sic videtur pene speculatiuus; quatenus verò aliquis operi manum porrigit, & propter consuetudinem tantum, eo modo, quo res inanimata opus aliquod dextrè efficit, practicus dicitur. Galenus denique lib. 2. Method. c. 6. non solum vniuersalem cognitionem, sed præterea in singularibus exercitationem medico necessariam esse contendit. Ad vniuersalem, inquit, denovo exercitationem reuertamur, pro comperto habentes; non licere vllius artis scientiam nancisci, nisi & methodum quandam habueris per vniuersalia, vocata theoremata, & in particularibus te exemplis exercueris; Cum neque fieri possit, vt sine multiplici in ægis singulatim exercitatione, quod ex vsu sit, facias: nec sine vniuersalium cognitione probè exercitatio procedat; quippe cum in vniuersalibus methodus, in particularibus exercitatio consistat. Tanquam igitur, qui iter aliquod ingredi student, vtroque inuicem vtuntur crure: qui altero claudus est, vno duntaxat vititur, & longo spatio, & sæpe errans, viam peragit; ita sanè & qui finem cuiuslibet artis consequi parat, duobus his veluti cruribus vel instrumentis, vel quocunq; appellasse libet, vti debet: in vniuersalibus theorematibus, methodo; in particularibus exercitatione. Non solum hoc in textu sed alijs multis in locis, Galen. prædicti exempli claudicationis meminit, dum medicinæ, duo crura experientiam atque rationem commemorat. Huic ergo & Aristoreli, non verò Auicennæ hærendum. Quoniam impossibile videtur nos posse medicinam scire absque eo, quod in peculiaribus exercitiis fuerimus, cuius tamen contrarium placuit Auicennæ. Hanc nostram sententiam confirmat Arist. lib. 1. Metaphys. c. 1. Actiones autem ac generationes omnes circa singulare sunt: non enim hominem nisi per accidens sanat, qui medetur, sed Calliam aut Socratem, aut alium quempiam eorum qui sic dicuntur, cui accidit hominem esse. Siquis itaque rationem absque experientia teneat, & vniuersale quidem cognoscat; quod a. sub eo particulare est, ignoret, sæpe numero errabit a sanando: id enim magis sanabile est quod singulare est. Nihilominus scire & cognoscere magis arti quam experientiæ arbitramur inesse; ac eos qui aitem tenent, quàm eos qui experientiam habent, sapientiores esse putamus; eò quod sapientia propter scientiam, magis omnes sequitur. Hoc autem quoniam illi sciunt quidem causam, hi verò nesciunt &c.

Sed aduersus nostram sententiam obijciat aliquis primò, Medici nam esse totaliter practicam, quod eius finis sit practicus, cuiusmodi est recuperatio sanitatis, atque eiusdem conseruatio: quæ opus quoddam sunt. Ex Aristotele autem 2. metaphys. cap. 1. Scientiæ ratione finis distinguuntur. Libro autem 3. de anima c. 10. ait, intellectum practicum (quem principium agendi appellat) ratiocinari propter aliquid, id est, propter opus, & hoc fine ab intellectu speculatiuo differre. Nam hic propter semetipsum, & non propter opus extrinsecum veritatem solidè contemplatur. Cap. vero 9. eiusdem lib. dum intellectum à facultate motrice distingueret, ait etiam intellectum contemplatiuum, nihil eorum quæ sub actionem cadunt contemplari. Lib. 2. metaphys. c. 1. sic habet: Speculatiuæ enim finis veritas: Practicæ autem opus. Lib. 1. Metaphys. c. 1. ait speculatiuas practicis esse multò nobiliores: Cum autem plures artes inuenirentur, inquit, quarum aliæ ad necessaria alia ad degendum essent, semper tales sapientiores illis putamus, quod eorum scientiæ non ad utilitatem essent. Lib. 6. Ethic. c. 2. aiunt aduersarij, etiâ Aristotelem velle scientias ratione finis distingui. Sic igitur concludunt, Medicinam esse purè practicam, & nullatenus speculatiuam, quod opus pro

*Prima
obiectio.*

finē habeat. His addamus eiusdem Aristotelis doctrinam lib. 6. *Metaphys.* c. 1. ubi ait: omnem intellectum esse actiuum, aut factiuum, aut speculatiuum. Sub intellectu enim siue habitu practico, actiuus simul & factiuus continentur. Et Medicus habitus vtriusque naturam participare videtur.

Solutio.

Respondéo negando finem medicinæ Theoricæ esse practicum, & concedendo finem medicinæ, prout practica est, esse practicum, atque scientificum; veluti à nobis dictum est. Negatur tamen proinde, medicinam esse purè practicam, sed partim practicam, partim speculatiuam, imò magis speculatiuam, quàm practicam. Nam eius obiectum, ratione cuius à reliquis scientijs, vti reliquæ inter se, quàm ratione finis, meliùs dirimitur, non est factibile; nec à Medico modo operabili, sed contemplatiuè scitur. Corpus quidem humanum sanum, & sanabile, siue salubre, insalubre, & neutrum, non artis, sed naturæ opus est. Corpus sanè humanum, & sanitas eius passio, sicuti morbus ipse, à naturalibus causis, more rerum quæ vi naturæ illucescunt, in dies enascuntur. Vnde medicina iure merito speculatiua dicitur scientia. Commodè etiam medicina more aliarum speculatiuarum, speculatiua nuncupari potest, ratione nimirum modi considerandi suum obiectum, definiendo, diuidendoque. Imò speculatiua adhuc ratione finis, vt diximus, potius quàm practica dicenda: quoniam vt plurimum, penèque speculando suum respicit finem. Verum, vt comprehensum est, scientiæ omnes melius per obiectum quàm per finem discrepant; vt colligitur ex Aristotele lib. 9. *Metaphys.* & lib. 2. de anima; nam potentiæ & habitus operatiui, per ordinem & respectum essentialē ad suos actus distinguuntur, & ijdem actus per ordinem quem ad sua dicunt obiecta.

Secunda obiectio.

Obijciat aliquis secundo, medicinā à praxi inchoare, videlicet ab intellectu practico ad res artificiales procedere, seu esse progressum intellectus practici ad ipsa externa opera. Nam medicina ex experiētijs inuenta, collectaque censetur. At ex Aristot. lib. 1. *Metaphys.* c. 1. experientia singulare est; ars a. vniuersalium cognitio est. Ergo inde inferri potest Medicinam esse quandam experientiarum congeriem, a que adco totaliter practicam, & consequenter artem. Scientia autem speculatiua non ab operatione, sed à solatrum cognitione auspicatur.

Solutio.

Respondeo negando medicinam à praxi, aut operatione exordiri, sed à contemplatione, vt ex antea dictis liquet. Sed posito, atq; concesso, quòd medicina ab experiētijs inciperet, proinde nec ars, nec scientia purè practica nuncupanda: quoniam ex Arist. loco cit. *Metaphys.* experientia penè simile quid scientiæ, ac arti esse videtur. Per experientiam autem ars, & scientia hominibus efficitur. Hæc sanè, vt cætera penè cuncta, eruditè protulit Arist. qui oculatè vidit, scientiarum certitudinem vt plurimum experiētijs elucescere. Ex adustione quidem calorem colligimus, ex laxitate humiditatem; ex prompta latione corporis alicuius sursum, leuitatem; ex prona declinatione deorsum alterius corporis, grauitatem. Sic enim Physica, & naturalis quæuis scientia inuenta est, quæ proinde practica minimè dicenda: cùm ex talibus experiētijs, certam solùm rerum abstractarum cognitionem scientificus rimetur. Vnde meritò in adagium redactum: Experientia est certior qualibet scientia. Experientia ergò speculationis naturam, nulli scientia admittit, dummodò in sola experientia, & consuetudine habitus non consistat. De eiusmodi artistis, loquitur Aristoteles loco citato *Metaphys.* Illi (loquitur enim de ijs qui causas eorum, quæ ab illis fiunt, ignorant) sicut & quædam inanimata, faciunt quidem, sed nescientia faciunt

ciunt ea, quæ faciunt, vt ignis comburit; sed inanimata, natura quadam horum singula faciunt; manibus laborantes propter consuetudinem. Tanquam sapientiores sint, non prout actiui sunt, sed prout rationem habent, causasque cognoscunt, & prorsus signum scientis est posse docere. Hactenus Aristoteles.

Obijcies terribi medicina nec essitatis, & vtilitatis solummodo gratia adinuenta est. Ergo practica, & mera ars.

Respondeo negando totum; falsum enim est medicinam ob puram necessitatem fuisse inuentam, nisi puræ necessitati animi addas ornatum. In vniuersum enim quæuis scientia quantumuis contemplatiua, necessaria, & vtilis est, quod animo tabulæ rarsæ concinnatissimi tapetis instar ornatui extet. Consequentia rursus falsitatem inuoluit. In superioribus enim fuisse probatum est, Medicinam inter scientias locum habere: & posito quod esset mera practica, malè inde inferitur, ipsam inter artes collocari. Eo, quodd quidquid practicum est, neutiquam artem necessariò, æmulatur. Huius doctrinæ tauror est Aristot. lib. 6. Ethicor. c. 5. vbi prudentiam, quæ practica est, ab arte manifestè distinguit; vt etiam cap. 4. eiusdem lib. artem enucleans, liquidò exposuit. Prudentia autem, circa genus actionis versatur, ars verò circa genus effectiõis: Effectio terminum semper habet opus aliquod, actio autem non necessariò ad opus à se distinctum terminatur; quia, sufficit pro opere in morali, quod actio sit virtuosa. Prudentia quia habitus actiuus longè discrepat ab arte, habitu factiuo, siue effectiuo; nec mirum, quia si rem ad amissim reducere licet, ipsæ contemplatiuæ scientiæ, in rigore saltem, actiuæ sunt, quod contemplando propriorum obiectorum naturam meditentur.

Concludendum itaque medicinam nequaquam artem esse, sed scientiam, multò magis speculatiuam, quam practicam. Etenim optimè eam scire, & docere aliquis valet, absque eo, quod operi manum porrigat. Sed hæc de Prologomenis medicis sufficiant.

Tertia obiectio.

Solutio.

Omne practicum non est ars.

Quid prudentia, & quomodo ab arte differt.

Medicina verò que inter prædicta dicitur, actiua potius est contemplatiua, quam factiua dicenda.



NELLANI GLACAN

TIRCONALLIENSIS HIBERNI,

PHYSIOLOGIA.

LIBER PRIMVS

DE ELEMENTIS.

CAPVT PRIMVM.

*De Varijs Naturæ acceptionibus, & methodo
seruanda in Physiologia.*

*Quid Phy-
siologia.*



Physiologia sermonem de natura significat: rem vero si spectes, Physiologia est ea medicina pars, quæ hominis naturam, siue completam constructionem ad amissum prosequitur. Nam hominis, hoc in tractatu, naturam, non angusto Philosophorû ritu pro materia prima, & anima rationali vnitis acceptam volo; sed vniuersa cogerere eorû omnium, quæ primariò, & secundariò, ad vniuersum hominis complementum, concurrunt. Siquidem non modò hominis constata ex principijs substantia, sed ipsa quæuis accidentia, ipsum ad naturales functiones disponentia, naturæ nomine à Gal. passim, probatoribusque quibusvis scriptoribus comprehendere consueuerunt. Quantum afferet utilitatis naturæ varias, ac distinctas significationes seriatim comprehendere; ex deinceps dicendis plenè constabit.

*Prima si-
gnificatio
naturæ.*

Licet natura à nascendo dicatur, prima eius significatio ad eum, qui non est natus, Deum Omnipotentem extenditur: quia, vt Summus Opifex, & rerum omnium Creator, earundem rerum naturas, seu potius idæas, in sua Diuina mente complectitur: Vnde Natura Naturans meritò nuncupatur. Seneca autem lib. 4. de Beneficijs, refert, naturam nihil aliud esse, quàm Deum. Hugo Victorius lib. 1. Didascalon c. 11. eandem sententiam amplectitur. Diuus Augustinus lib. 15. de Trinitate c. 1. idè, inquit, supra hanc nostram naturam, esse Naturam non creatam, sed Creatricem. i. Deum.

*Vniuersa-
lis, & par-
ticularis.*

Hinc vulgò natura in vniuersalem, & particularem diuiditur. Vniuersalis, imò vniuersalissima, est Deus: Cui tamen, respectu rerum sublunarium, propter influentias, aliasque virtutes his iisdem communicatas, vniuersales, sed secundum quid, & dispositiue communiter appellantur.

Secunda.

Secundò, natura accipitur pro cuiuscunque rei essentia, aut quidditate. In hoc sensu firmiter credendum, in tribus Personis Diuinis vnicam esse naturam, & Verbi Diuini Incarnationem non in natura, sed in Persona esse.

etiam

Etiam fuisse. Hæc eadem significatione definitio dicitur esse oratio quæ rei naturam explicat. Prædicta tamen verba non incongruè à quibusdam ratione gliuerorum respectuum distinguuntur: ita ut essentia importet ordinem ad esse rei, cuius est essentia, quidditas verò ad definitionem rei, quæ enodatur; natura verò ad operationem ipsam, qua res producit. Vnde rectè Gal. comment. 3. in lib. de Medici Offic. ait, naturam in operibus existere.

Tertio, natura accipitur pro vniuersa rerum à Diuino Opifice creatarum congerie. Ideo Aristot. lib. 12. Metaphys. c. 7. ait, naturam pendere à primo principio. Primum verò principium rerum omnium est, & res omnes naturam constituunt, seu naturæ nomen occupant.

Quarto, natura sumitur pro ipsis naturalibus causis, quatenus nimirum secundum insitam natiuamque propensionem operantur. Naturæ ita acceptæ varia à Philosophis tributa sunt elogia. Aristoteles lib. 2. de cælo. c. 5. tex. 34. inquit. Natura semper facit id quod est optimum eorum quæ fieri possunt. Et lib. 2. de generatione animalium c. 4. Natura odit ac respuit superfluum, & id quod non est necessarium. Ex lib. 3. de anima cap. 9. tex. 41. natura non denegat ea quæ necessaria sunt. Ex lib. 1. Ethic. c. 7. Natura non patitur quidpiam torpere, aut feriri: & conformiter his loquitur lib. 2. de cælo c. 3. tex. 17. Eorum quodque, quorum est, operis ipsius gratia esse constat. Natura etiam dicitur vacuum non admittere, ut habetur lib. 4. Physic. c. 6. In hoc eodem sensu dicitur natura esse iusta, & vnicuique suum distribuere, non quidem semper iuxta proportionem Arithmeticam æqualiter, sed iuxta proportionem Geometricam equabiliter secundum iustitiam, ut habetur apud Gal. lib. 5. de vsu part. c. 9. veluti lib. 3. eiusdem operis. Hinc ab eodem Galeno lib. 17. eiusdem operis, natura dicitur artificiosa, & providentissima.

Quinto, accipitur natura pro conceptu, siue ratione propria cuiuslibet rei, siue talis res sit ens, siue non ens. Hoc in sensu dicimus hanc, vel illam esse naturam entis rationis, aut negationis.

Sexto, natura sumitur pro ipsa natiuitate vinentium, quæ communiter generatio dicitur. Volunt enim nonnulli hanc esse primam præcipuamque naturæ significationem; quoniam natura, ut antea retuli, nascendo dicitur: & *φύσις* id est, natura *από τῆ φύσεως* id est, nasci deriuatur. Generatio quidem omnis, quia ab interno oritur principio, Philosophis fundamentum præbuit imponendi naturæ nomen, cuius interno principio motus; & iuxta hanc institutionem Arist. lib. 2. Physic. c. 1. locutus est, aïens, naturam esse principium & causam motus & quietis, eius in quo est, primò, & per se, & non per accidens: sicque naturæ nomine materiam comprehendit, & formam, à quibus omnes operationes rerum naturalium, tanquam à primis radicibus emanant.

Septimò, natura accipitur pro ingenio & propensione ad studia, ab Hippocr. lib. de decenti ornatu, seu de probitate sic: Quod si natura affuerit his, qui animum artibus applicant, perfectos reddit.

Octauò, Natura ab Hippocrate lib. de arte, pro solo sensu tactus accipitur, dum ait: naturam corporum esse sapientissimam, ut quæ malum sentiens mēderi magnopere gestiat.

Nonò, Natura ab Hippocr. lib. de Articulis pro partium conformatione sumitur, sic: Naturalium in hominibus magna differentia. Vnde Galen. lib. 2. Aphorism. comment. 24. ait naturam pro corporis forma, & habitu sumi ab Hippocrat. & lib. 11. meth. c. 14. pro habitu corporis naturæ nomen vsurpat.

Decima.

Decimò, naturā accipitur pro temperamento. Vnde Hipp. lib. 3. Aphor. 2. ait: Naturarum quidem aliā ad ætatem, aliā ad hyemem bene, aut malè natæ sunt se habere. Galen. hoc in eodem sensu loquitur lib. 5. de sanit. tuen. c. Naturis calidis exiguus, & lentus mōtus, & balneum competit: contra, frigidis & humidis. Lib. etiam 2. Aphorism. comment. 52. ait: Naturam in elemētorum commodatione consistere, id est in temperamento, seu esse temperamentum. Item lib. 3. Aphorism. comment. 2. Naturā principalissimum & proprium significatum, quod secundum ipsam maximè substantiam naturæ est, esse temperaturam quatuor elementorum. Ibidem adhuc: Naturæ quæ hyemi, & quæ æstati magis conueniunt, id est, temperamenta. Eodem lib. 3. comment 3. Naturæ (id est temperamenta recedentia à temperamenti) à similibus offenduntur, à dissimilibus iuuantur. Præterquam sietas temperata, & victui, & regioni, & loco temperato comparatur. Hac quidem ratione similes naturæ à similibus facile afficiuntur, vt monet Idem Galen. lib. 1. comment. 16. Eodem lib. 3. comm. 18. Naturam pro temperamento accipit: sicuti commentatio 27. eiusdem lib. sic: Naturæ puerorum facilè alterantur, ob corporis humiditatem, & naturalis potentia imbecillitatem. Item lib. 4. Aphorism. comment. 29. Naturalis temperies est sanitas. Libro 2. de facultatibus natural. capit. 8. Simili modo ex ætate, quæ calidiore natura sunt, magis sunt biliosa: quæ frigidiore, pituita magis obnoxia. Sub finem eiusdem cap. aiens, ea quæ immodicè coquuntur primo falsiora, deinde amariora euadere, & mellis exemplo rem confirmandans, inquit: Eadem verò de causa, in ijs, qui calida natura sunt, & ætate florentibus, promptè in bilem vertitur (mel nimirum): Quippe calidum cum sit; vbi calido adiungitur, mediocritatem temperamenti facilè amittit, statimque fit bilis, non sanguis. Postulat igitur, quò in sanguinis naturam mutetur, naturam hominis frigidam, ætatemque frigidam. Naturæ nomen in toto hoc contextu pro temperamento vsurpat. comment. 2. in lib. Hippocr. de vict. rat. in morbis acutis, hæc habet: sanè hæc omnia Hippocrates significasse mihi videtur, cum inquit; Quas item natura nostra habitusque singulis affectionum species omnigenas fabrefaciat: vbi naturam temperaturam dixit: & habitum struem corporis, compositionemque.

Vndecima.

Vndecimò, Natura accipitur pro calore natiuo: Natura quæ solida regit corpora secundum Hippocr. est calor naturalis, vt habet Galen. lib. 4. Aphorism. comment. 37. & lib. 5. Aphorism. aph. 22. Libro etiam primo Aphor. 15. ait, naturam animalium nihil prorsus aliud esse quam calidum innatum, iuxta Hippocr. sententiam: Libro de tremore, palpit. conuulsion. & vigore c. 6. loquendo de eodem calore natiuo, ait: Ac natura sanè, ac Anima nihil aliud, quam hic existit. Certum tamen est eundem calorem natiuum aliquando à natura distingui apud Galen. dum varijs in locis eum naturæ instrumentum appellat.

Duodecima.

Duodecimò, natura sumitur pro facultatibus quæ nostra regunt corpora, quæque potentia aut vires, aut virtutes ab antiquis scriptoribus nuncupantur. Galen. Lib. 2. de causis symptom. c. 1. in hac significatione loquitur. Naturæ, inquit, nomen in hac disceptatione pro omni facultate, quæ animal, siue voluntatis nutu, siue citra hunc, regat, intelligas velim. Libro pariter 3. de Crisibus c. 5. ait: Tunc enim primum mori ægrum est necessarium, quando vires morbo succubuerint: siue autem vires, siue naturam dixerò, idem tunc intelligere oportet.

Verum non raro ad vnā solam facultatem naturæ nomen contrahit, & coar-

coarctat Galen. aliquando autem ad aliquas & non ad omnes. Lib. 11. de vſu partium c. 13. naturæ nomen pro formatrice facultate accipit, cum inquit, naturam ex abundanti ornare omnia membra: eodem in ſenſu, naturæ nomen vſurpat lib. 15. de vſu partium c. 4. Libio quos purgare oportet, quibus medicamentis, & quo tempore, ait, naturam euacuare concoctos humores, vbi nomine naturæ expultricem intelligit, vti fecit lib. 1. Aphor. 22. aiens: naturam expellere humores noxios, & medicamentum attrahere. Denique 6. Aphoriſm. comment. 42. ait naturam quandoque mittere ad cutem humorem ſuperabundantem per viam criſis. Alijs innumeris locis pro eadem facultate expultrice naturam vſurpat.

Lib. 4. Aphoriſm. comment. 59. pro coſtrice facultate naturam accipit. Pro eadem facultate vel calore natiuo, vel pro ambobus ſimul, natura accipitur ab Hippocr. & Galen. lib. 3. Aphoriſm. 1.

Libris de facultatibus naturalibus ſcriptis Galen. pro ſolis naturalibus facultatibus, Nutrice, Auſtrice, Generatrice, & ijs quæ nutritioni ſamulantur, Naturæ nomen vſurpat, vt videre eſt cap. 2. lib. 1. veluti c. 1. vbi animæ, & naturæ opera diſtinguit.

Decimotertiò, Natura indifferenter pro facultate, & temperamento ſumitur, vt habet Galen. lib. 3. Aphoriſm. comment. 2. Siue verò, inquit, facultatem noſtri corporis reſtricem, ſiue temperaturam elementorum in nobis, naturam dixeris, idem te dixiſſe putato.

*Decima-
tertia.*

Decimoquartò, Natura pro ſubſtantia accipitur à Galen. c. 2. lib. quod animi mores ſequantur corporis temperamentum. Paulo tamen poſt huiusmodi ſubſtantiam, eſſentiam nominat. Innuit rursus eodem lib. c. 4. quod Stoici animam, ſicuti & naturam ſpiritum quendam eſſe contendunt.

*Decima-
quarta.*

Decimoquintò, Natura accipitur pro elementis, & humoribus ab Hippocrate lib. de natura hominis.

*Decima-
quinta.*

Decimo ſextò, Natura non ſolum temperamentum, ſed præterea vniõnem continui ſignificat, vt ex Hippocrate lib. de locis in homine colligitur; qui ait, cauſas doloris eſſe illa quæ naturam alterant & corrumpunt. Id autẽ quod in corporibus noſtris propriè alteratur, eſt temperamentum, quod verò corrumpitur eſt continuum, quando ab alieno, & improporcionado corpore diuiditur. Hinc liquet naturam pro continui vniõne accipi; quam doctrinam ſequutus Ariſtot. in metaphyſ. ait, ens, & vnum eſſe conuertibilia; & lib. 1. Phyſic. ens, & vnum eſſe ſimul, & vnum ſine alio exiſtere non poſſe. Hanc eandem doctrinam Galen. amplexus eſt, comment. 1. in lib. 3. Epidem. hac ſerie: Sed quod in eis eſt ſecundũ naturam vnum eſt, & ſimplex. Lib. 2. de febribus c. 11. eandem doctrinam complexus eſt, quando duplex proponit extraneum in omnibus entibus, vnum quantitate, alterum qualitate; quod autem qualitate in nobis peccat, idẽ peccare dicitur, non quòd aliena polleat natura, ſed quia grauatur & extendit, aut dilatat vniõnem partis in qua eſt: quod verò acre eſt, exedit, ac mordet, ſicut & quod calidum eſt, calefacit, quod autem frigidum eſt, refrigerat. Non ſolum ergo natura ratione qualitatum primarum alteratur, ſed continui ſolutio, tum à quantitate excedente, tum à qualitatibus ſecundis, vt acrimonia, & ſimilibus procuratur. Lib. 4. de ſimplicium medicam. facult. c. 15. eandem doctrinam dulcium, & aliorum ſaporum naturam exponens, commemorat. His verò, quæ non nutriunt, commune eſt, id quod per negationem dulcis aut priuationem ſic dicitur. Velut non dulce, & indulce. Particulæ autem differentiæ complures merito euaserunt; quia id quod cuique rerum familiare eſt, vnum eſt,

*Decima-
ſexta.*

nempe, quia & natura eius familiaris vna: aliena verò plurima, partim plus partim minus à substantia eius dissidentia. His adhuc correspondet doctrina eiusdem Galeni lib. 2. de symptom. causis c. 5. vbi cum Hippocrate doloris causas exponit: A natura enim propria, inquit, nullum corpus offenditur: quasi velit, non solum temperamentum esse naturam, sed in super ipsam partium vnionem; imò verò quauis alia, quæ in corpore naturaliter insunt. Tandem lib. de vrinis naturam à flatibus distrahi monuit Gal. vbi manifestè naturam pro continuo vel pro vno intellexit.

Decimaseptima.

Decimoseptimò, Natura, species, genus, & forma pro eodem sumuntur, vt habet Galen. lib. ad eos, qui de Typis scripserunt c. 4.

Decima-octaua.

Decimo octauò, natura sumitur pro aggregato ex substantia & accidentibus, vt videre licet, apud Gal. lib. 3. de temperament. c. 4. Sanè naturam cum dico, vniuersam substantiam, ac temperiem, quæ ex primis elementis conflatur, intelligo; calido nempe, frigido, humido, & sicco. Comment. 2. in lib. Hippocr. de victus ratione in morbis acutis textu 31. hæc habet Galen. Multa quidem apud Hippocratem *puésis*, id est naturæ nomen indicat, sed hoc in loco temperaturam significari quispiam existimauerit, veluti & partium ipsarum structuram compositionemque *ἔξω*, id est habitum, appellari: Galenus adhuc lib. 11. methodi med. c. 1. de natura agens, ex spiritu, partibus verè solidis, & ex partibus carnosis, confari eam ait.

*Natura si
gnificat to-
tum aggre-
gatum eoru
ex quibus
homo coale-
scit.*

Licetum est, ex omnibus præfatis naturæ significationibus, vnicam construere congeriem, vitiæ significationi conformem: quæ nimirum sub se omnes res natura es quibus homo constat, & pollet, comprehendit. Huiusmodi sanè naturæ significationem comprehendit Hippocrates libro de natura hominis, licet de elementis & humoribus explicite loquatur, & locis proximè citatis, ex eodem Hippocrate, & Galeno: nec non libro 1. Epidemion. vbi Hippocrates hæc habet; dum morbos dignoscendi modos inuestigat. Morbos dignoscimus ex communi omnium natura, & cuiusque propria, Normam enim dignoscendi morbos ponit Hippocr. in fölla collatione corporis ægri ad corpus sanum in vniuersum, siue in specie; & præterea ad corpus ipsiusmet ægri, quando fuit in statu sano. Si enim ægrum corpus non longè à communi natura hominis, nec à sua propria, & peculiari recedat, sed sanis & suæ naturæ in temperamento, conformatione, vnione, calore, mollitie, aut duritie, crassitie, aut macilentia, simile sit, sanitati proximum est: si verò à natura communi & sua peculiari valde dissimile, à statu sano & naturali longè recedit, vt videre licet apud Hippocrat. lib. de officina medici. Itaque natura rem omnem naturalem in homine comprehendit. Quod non obscure significauit Gal. lib. de arte medicinali c. 8. & lib. 2. de temperamentis c. 1. Signa enim naturæ siue naturalis constitutionis ab ijs, quæ secundum essentia rationem intunt, defumuntur, & ab ijs, quæ ex necessitate consequuntur ea, quæ secundum essentia rationem insunt. Quæ autem secundum essentia rationem in corpore humano, intimioris naturæ instar continentur, sunt primo conmensuratio quatuor elementorum, secundum debitam proportionem in quantitate simul, & qualitate; secundò partes instrumentaria secundum conformationem debitam, quantitatem, numerum, situm, & connexum; & tandem tertio partis tam similis quam dissimilares communis vinitas.

Quæ essentia rationem necessitatio consequuntur, sunt operationes naturales, vitales; & animales, quæ integræ sunt dum perfectè eduntur. His adduntur casus siue Synptomata, vel accidentia à Galeno dicta, vt mediocri-

tas inter duritiem & molliem quæ à sensu tactus probè percipitur: & cætera huiusmodi quæ ad sensuum sensationem requisita sunt.

Conformiter ergo Hippocratis, & Galeni doctrinæ, natura humana circa quam, tanquam circa proprium subiectum, Physiologia versatur, in septem res naturales vulgò dictas, ex quibus homo integre coalescit, distribuitur: In elementa nimirum, humores, partes corporis, temperamenta, spiritus, facultates, actiones. Aliorum corporum naturalium natura in partibus Medicinæ quæ Hygieine, & Pharmacia nuncupantur, potissimum enucleatur.

Physiologia obiectum.

Onanibus naturæ acceptionibus ita præpositis, Medicus faciliè percipiet nonnulla, quæ de natura ab Hippocr. & Galen. referuntur, & commendantur: Lib.6.Epidem. Hippocrates ait: Naturæ morborum Medici. Galenus verò in comment. Natura in corporibus nostris cuncta regit: vbi, tametsi nomine naturæ facultates intelligat naturales, famulatrices dictas, talium nihilominus facultatum fundamenta præsupponit: primariam videlicet naturam, ut quatuor elementa temperata, vniionem partium, & organizationem, ac calorem natium & spiritus, quorum vi & ope, facultates suas edunt operationes. Gal.comment.1.lib.1.Aph.Lib.4.aph.2.lib.5. Aph.32. ait Medicum debere imitari naturam rectè operantem lib.9.de Placitis c.1. Epidem. comment. 2.lib.ad Thrasylulum: Medicus naturæ minister, & imitator vocatur. Comment. 5.in lib.6. Epidem. Ars medica est naturæ ministra. Libro 6. Aphorism. comment.17. operum naturæ imitator est medicus. Lib.15.de vsu part. Nonne opera naturæ debent esse curæ Medico? Lib.de constitut. art.med. Natura porrò, & morbus à Medico exactè considerantur. Author Lib. Introduct. post Hippocratem rectè monet: Naturam esse principium medicinæ; & contemplationem naturæ rerum inter primarias Medicinæ partes numerari. Lib.7.meth. naturæ proprietates Medico perpendendas esse monet Gal. Vnde lib.5.de sanit.tuen. ait, Medicos qui de sanitate scripserunt errare nullo facto naturæ discrimine; quia naturæ hominum numerosæ sunt & diuersæ; ut eodem lib. habetur. Lib.1. de arte curat. ad Glaucon, Medico perfectam naturæ communis, & propriæ hominum cognitionem commendat. Pro communi enim natura, compositam ex septē rebus naturalibus intelligit. Pro peculiari, temperamenti gradum, formam, crassitiem, macilentiam, molliem, duritiem, glabritiem, hirsutiem, lenitatem, asperitatem, magnitudinem, paruitatem, sexum, ætatem, locum, consuetudinem, regionem, &c.

Hinc patet, non sicco pede ad morborum inuestigationem accedendum, priusquam Candidatus Medicus ea cuncta, quæ ad hominis naturam pertinent, exacto studio prælibauerit.

Methodo varia vitur Gal. ad doctrinarum expositionem: compositiua, videlicet Lib.de Sympt.& morbo: in quibus à simplicioribus ad magis composita semper progreditur, ut à simplicibus morbis, ad compositos; à simplicibus causis, ad magis compositas; & à symptomatibus simplicibus, ad composita. Lib.de Anatomicis administrationibus, resolutiua vitur methodo: nam à compositis ad simpliciora, illa in hæc resoluendo, procedit. Definitiua methodo medicinam centum capitibus in arte medica examinat. In Physiologia quidem nulla est vsus methodo, quia seorsum, & sine ordine eam descripsit: ordinis ergo defectum Arabes, præcipuè Auicenna, & Halyabbas omnes Physiologiæ partes in vnum corpus cogentes supplere conati sunt. Methodum amplexi sunt compositiuam, à simplicioribus ad magis

Varia methodi.

gis composita viam facientes. Primò enim de elementis, secundò de temperamentis, tertio de humoribus, quartò de partibus corporis, quintò de facultatibus, & actionibus agit Auicenna.

*Ordo què
author ob-
seruat.*

Verum cum methodus nihil aliud sit, quàm facilis, clara brevisque via, qua disciplina aliqua cum ordine quodam disponitur, exponiturque, vt facile à volentibus eam acquirere, percipiatur: Nos à simplicioribus ad composita, paulò clariori ordine procedemus. Et primò quidem de Elementis, & mixtione ex illis facta, ob rationes sequenti cap. dicendas, hoc Primò lib. agemus. Secundò de Humoribus, ob rationes etiam in progressu dandas. Tertio de Partibus. Quarto de Temperamentis. Quinto de Spiritibus. Sexto de Facultatibus. Septimo de Actionibus. Et octauo tandem de Fætu.

CAPVT II.

De Vtilitate doctrinæ de Elementis, deque Elementi Etymologia.

*Ordo natu-
ralis eorū
ex quibus
homo resul-
tat.*

IN tradendis scientijs, à primis principijs siue elementis auspicandum. monet Aristot lib. 1. Physic. c. 1. De Elementis ergo tanquam primis mixtorum corporum fundamentis, primò loco nobis agendum. Quamuis enim loco iam citato à natura auspicandum suadeat, dùm de corporibus præsertim mixtis agitur, non de materia prima tantùm loquitur, verum etiam de materia secunda, & proxima, cuiusmodi sunt Elementa; vt interpretatur Alexander lib. 1. metaphysic. c. 1. Idèd ipsemet Arist. lib. 5. c. 4. ait: Elementa esse generalissima, quia in omnibus, aut pluribus reperiuntur: Ex Elementis porro mixtis, plantæ quæuis nascuntur, hæ ab animalibus eduntur: plantæ rursus aliæ, ipsæque animalia plantis enutrita, homines alunt; mediantibus nimirum humoribus, qui ex edulijis solis, vel alijs exinde præparatis generantur. Ex humoribus principia generationis nostræ, semen, & sanguis efficiuntur; ex his corpus effingitur, quod postea integro vitæ decursu; cum ex se fluxile sit, reficitur. Hinc liquet, vt præcedenti cap. innuimus, nos in præsentiarum ipsius naturæ ordinem insectari. Elementa enim sunt corporis humani, & aliorum mixtorum proxima materia; ex Elementis mixtis nutrimenta homini conficiuntur: ex tali nutrimento fiunt humores; ex his fit proximum nutrimentum partium, quæ ex alijs humoribus bene elaboratis, semine scilicet, & sanguine, ab initio factæ sunt: vt habet Galenus lib. 8. de placitis: Partibus innatum est temperamētum conueniens; hoc ipsum, vt calidum, est forte calor natiuus, & spiritus, si qualitatibus primis temperatis tenuem subdas subitantiā. Temperamentum, & spiritum consequitur facultas (quæ idèd temperamenti proprietates Galenò dicitur); facultatem, tanquam proximum autorem, sequuntur actiones.

Sed vt ad institutum reuertar, neminem latere puto, Elementorum doctrinam esse Medico cuiusque necessariam. Hæc est Gal. sententia lib. 1. de Element. c. 1. vbi inquit, Elementa curandis morbis non minùs vsui esse, quàm alia Elementa sensibilia. i. cognitio Elementorum communium, Medico, vt in morborum curatione rectè procedat, æquè confert, ac partium corporis, quæ sensibilia elementa nuncupandæ sunt, cognitio. Et libro 7.

Method.

Method. c. 2. de morbo partium similarium verba faciens, ait: Porro ostensum, in secundo horum voluminū est, genus hoc morbi non solum cognitū esse maximē necessarium, sed etiam neminem ratione ipsum curare posse, qui prima corporis elementa non nouit. Et lib. de differ. morb. c. 5. Hinc etiam manifestē patet nullum ex primis morbis, qui ad similes partes propriē pertinent, eos posse via & ratione curare, sine primorum Elementorum contemplatione. Primos morbos appellat Galen, quasuis intemperies; calidam, frigidam, &c. Ex his sanē Elementis conficitur homo, & ex iisdem bene commixtis, & temperatis sanus euadit; ex contraria verō dispositione, morbosus. Vnde Plato in Timæo. Quum enim ex terra, igni, aqua, & aëre compactum sit corpus; horum præter naturam excessus, defectusque, & ex loco proprio in alienum translatio, seditiones, ac morbos procreant. Ante Platonem Diuinus Hippocrates lib. de natura hominis hanc eandem exposuit veritatem: Nunc autem, inquit, multa habentur, multa namq; in corpore insunt, quæ cum à se mutuo præter naturam caleant, refrigerantur, siccantur & humectantur, morbos pariunt. Recte idē duplicem vtilitatem Lib. de natura hominis, ab Hippocr. editi, proponit in suo proæmio Galen. Prima vtilitas est, quod differentie morborum partium similarium nequam inueniri possunt, quin prius innoscant, an ex vno an ex pluribus elementis pars similis constet; & si ex pluribus, an sint per se tota temperata, an verō sibi tantum apposita sine contemperatione, vt quibuscumque antiquis placuit. Secunda vtilitas est, quod cognitis elementis ex quibus homo coalescit, non erit difficile morborum curationem instituere. Nam contraria contrarijs curantur; cognitis igitur qualitatibus prædominantis elementi, calore, vbi gratia, & siccitate, quæ igni competunt, non erit arduum contrarium instituere remedium, frigidum & humidum; & sic de reliquis proportionem dicendum.

Duplex vtilitas libri Hippo. de Natura hom.

Nos addere possumus elementorum notitiam non ad curationem solummodo conferre, sed præterea ad sanitatis perfectam conseruationem. Similia quidem similibus conseruantur. Quare cum Medicus naturæ iniuste appelleretur, præter cognitionem eorum, quæ intestinam hominis naturam componunt, aliorum compositorū vires, omni nisu, & singulari studio perpendere debet, vt corporibus temperamentum humano corpori simile possidentibus, idem humanum corpus foueat, atque reficiat, & ab ijs, quæ sensibilibus damnum ratione excessus qualitarum primarum allatura essent, protinus declinet, ab eorundemque vsu, nisi ad modum remedijs, abtineat. Non solum ergo Medicus elementorum naturam, quatenus humanum corpus ex ijs conficitur, indagare debet, sed præterea prout ex iisdem, eorundemue virtutibus, alia corpora, quibus humanum corpus fouetur, vel alteratur, vel vincitur, constant. Medicus igitur aliter, ac nudus Philosophus elementa considerat: Quatenus nimirum bene mixta, & commoderata sanitatem efficiunt, morbum verō, quoties in mixtione, & contemperantia, modum excedunt debitum, atque à natura institutum: in alijs verō corporibus eadem respicit elementa, vt eorundem corporum proportionem, vel disproportionem hominis naturæ conferat. Philosophus verō nudus elementa maximē contemplantur, prout mundum, mixtaque componunt, & corporis naturalis speciem constituunt; & consequenter, quatenus in ijs insunt principia motus & quietis, continuas, contiguas, magnitudinis, duratio, Vbi, grauitas, leuitas, quatuor primæ qualitates &c. Hæc quidem omnia scire debet Medicus, & vterius adhuc varias proprietates occultas, ex

Elementorum cognitio Conseruationi cōfert.

varia eorundem mixtione ortas . Ideò rectè Arist. vbi definit Physicus, ibi incipit Medicus . Experientiæ quidem, & longioris scrutiniij suppetijs ad eorum facultates Philosopho ignotas, tamquam summus Philosophus, accedit . Medicus tamen Philosophus Vir est : vt habet Hippocrates lib. de decenti ornatu . Lib. etiam de articulis : Medicum multarum rerum peritum esse expedit : cuius dicti rationem reddere videtur lib. de decenti ornatu : quoniam à Medicis ægri non ornatum, sed auxilium quærunt : siue enim de corporis, siue verborum ornatu, & elegantia loquatur, rectè censeret ; quia, à perito, & non ornato medicina rectè exerceri poterit . Proinde lib. de Definit. med. habetur : Medicus optimus, qui omnia in medicina recta agit ratione : & alibi in eodem lib. Medicus consummatus est, qui in contemplatione, & actione numeros omnes explet . Proinde Hipp. lib. de sterilibus sic suadet . Ceterum conare, vt Physicus sis ad hominis habitum, ac iobur respiciens : Ex his enim (.i. ex bonis Physicis, & probis Viris Medicis) nullus est, qui non omnia ad amissim faciat . Lib. de decenti ornatu, ait : Medicus enim Philosophus est Deo æqualis . Lib. de vet. med. ait : Necessarium esse, vt omnis Medicus de natura sciat, & omni studio annitatur, vt cognoscat, si modò aliquid eorum, quæ fieri debent, rectè præstare velit . Galenus librum scripsit, cui titulus Medicus, ipse & Philosophus . Hipp. igitur & Galenus Medico Philosophiæ studium enixe commendant .

Bonus Medicus quis.

Cremoninus perfringitur .

Sed procacissimus ille Cremoninus in suis aduersus Galenicis nimis impudentiam hanc prouinciam non solum Medico, sed ipsi Galeno adimere conatur . Vult enim non esse Viri Medici munus, Philosophica arcana perscrutari, sed ad Philosophorum nutum omnia dirigere, & veluti clausis oculis eorundem placitis, sine renixu annuere . Sed superius satis probatum est, elementorum naturam à Medico perscrutandam esse . Democritus denique in Epist. ad Hipp. Medicinam sapientiæ sororem, atque contubernalem vocat . Plato in Phædro Animæ quiditatē inquirens, Hipp. studium in inuestiganda natura summopere laudat . Arist. lib. alio de sanit. & morbo, Medicos disertè de natura dicere testatur . Hipp. & Gal. Medicis Philosophiæ naturalis (cui saltem medicina subalternatur) contemplationem commendant . Omnes peritiores Medici hucusq; hoc consilium sunt consequuti . Qua ergo dementia ductus Cremoninus Medicis Philosophiæ placita, ad placitum, & gratis eripit ?

Vnde dicitur elementum.

Ad rem accedens, elementum deriuari volunt ab alimento, quasi sit mixtorum omnium, imò & ipsorum elementorum veluti alimentum . Nam vt ex his mixta resulant, sic & eorum commercio eadem mixta fouentur : elementum denique ex elemento nascitur . Alij à græca dicti one ἔλμα, id est materia elementum deriuari cogitant : quia elementum est tanquam aliorum omnium corporum materia . Alij ab eleuamento deriuari putant ; quoniam vnū elementum supra aliud eleuatur . Alij ab elimento, quoniam ex elementis mixta quæuis eliciuntur . Meo tamen iudicio melius, & magis conuenienter ab alimento quam ab vilo alio deriuatur . Nam elementa reuera sunt alimenta, licet remotissima, quòd ex his inmixtis mixta nascantur alimentoria, vt superiori capite innuimus . Sed ad quid rei accedendum .

CAPVT III.

Quid Elementum?

Quid nominis expositum est, nunc quid rei inuestigandum. Prænotandum igitur elementum dupliciter accipi. Primò in satis laxo sensu, pro principio, siue re quauis totum aliquod, siue naturale siue artificiale componente. In hac significatione non solum quatuor elementa corruptibilia & communia, sed cælum ipsum respectu totius mundi, qui veluti compositum quoddam ex his quinque corporibus coalescit, elementum dicitur Aristoteli lib. 1. Meteor. & meriò quidem: nam elementum *gracè στοιχείον* dicitur, quod idem est ac ordo: *στοιχία* enim significat in versus rectos porrigor, item ordine procedo: In hac fusa significatione Arist. lib. 5. metaphys. c. 3. vocis elementa, litteras nimirum, commemorat; litteræ sunt elementa primæ Grammaticæ. Primæ demonstrationes, primaque postulata, elementa à Mathematicis appellantur: quia ex his, tanquam ex fundamentis, aliæ formantur: vt habet Aristot. lib. 4. Metaphys. c. 3. vbi etiam figurarum elementa proponit. Libro de arte poetica cap. 20. elocutionis elementa recenset, aiens: ea esse elementum, syllabam, nomen, verbum, coniunctionem; ibidem animalium voces, vtpote indiuiduas, elementis carere dixit. Materia, forma, & priuatio elementa dicuntur ab Aristotele lib. 12. metaphys. cap. 4. immò lib. 1. phys. c. 6 de principiis agens, ea expressè elementa vocat. Tria igitur elementa esse inquit. Galen. præmio in lib. Hippocr. de natura hominis litteras elementa vocat. lib. 8. de placitis c. 3. ait, acerui tritici elementa esse grana. Lib. autem 2. de elementis ca. 1. dicit propria hominis & perfectorum animalium elementa esse partes similes; communia verò, ignem, aerem, aquam, & terram; humores verò media elementa, inter communia & partes.

Secundò elementum strictius & magis propriè accipitur pro solo corpore simplici, & corruptibili mixtum componente, & mundum: qualia sunt ignis, aer, aqua, & terra, de quibus nobiscum Medicorum, Philosophorumq; torrente deinceps agendum.

Elementum ab Aristotele lib. 5. metaphys. c. 3. hac serie definitur. Elementum est id ex quo primum insito, ac indiuisibili specie in aliam speciem aliquid componitur: Quasi diceret, elementum esse, id, ex quo res aliqua ita constat, vt nihil aliud ante ipsum in eiusdem rei compositionem accedat, quodque, prout species corporis est, in res specie distinctas secari nequeat. Hæc definitio, Elemento conuenit, prout est principium componens totum aliquod, & prout in id ipsum idem compositum, siue proprium, siue improprium resoluitur. Estque hæc definitio ita laxa, vt elemento, in lata significatione accepto, conueniat; vt ex exëplo post definitionē ab Arist. exposito, constat: vt vocis elementa, ex quibus componitur vox, & in quæ vltima diuiditur; Illa verò non in alias voces specie distinctas &c. Vult enim vocem vnā seu dictionem, verbumue aliquod non posse in alia verba diuidi, quæ eandem retineant significationem, quam ipsum totale nomen ex sua natura, seu potius ex hominum institutione, obtinuit. Si enim acutius præfatam definitionem, penetrare licet, materiam, & formam, cōmodius quā proprijs mundi elementis

*Dupliciter
accipitur
elementū.*

*Prima Ele
menti defi
nitio ex A
rist.*

adaptabitur: vt ex particula (primū) inferre licet: prima quidem simpliciter, & absolutè loquendo in quouis corpore sunt materia, & forma ex quibus elementa æquè ac mixta componuntur.

*Secunda
definitio
ex Arist.*

Elementum itaque propriè dictum, id est pro igne, aere, aqua, & terra, mundum, & mixta componentibus exactius ab eodem Arist. lib. 3. de celo c. 3. hoc ordine definitur. Elementum est id, in quod cætera corpora diuiduntur, in quibus inest potentia aut actus: ipsum autem est indiuisibile in alia secundum speciem. Particula, id, corpus significat, vt ex definitionis germano contextu liquet, vbi sic habetur: Sit itaque elementum illud corporum, in quod alia corpora diuiduntur. &c. Præterea particula illa, Alia, siue cætera; satis indicat elementum esse corpus: in quo cum mixtis conuenit, & à principijs, materia, forma, & priuatione separatur. Nam positiua ipsa principia mixto, (quatenus mixtum est) tanquam partes non insunt, nec sunt in genere corporis, vt elementum, nec post mixti corruptionem separatim subsistunt, sicuti elementa. Per particulas, diuiduntur, & in quibus inest; cælum à definitione excluditur. Per particulam (indiuisibile in diuersa secundum speciem) vult Aristoteles, post mixti corruptionem, elementa non posse diuidi in alia corpora, quæ possent vltèrius alias corporis species constituere.

*Definitio
Elementi
ex Gal.*

Ex Galeno lib. 1. de elementis c. 1. & lib. 8. de Placitis Hippocrat. & Platon. c. 2. Elementum est minima particula rei, cuius est Elementum. Hæc definitio, in laxiori significatione elementi tradita esse videtur. Verum si in strictiori, & magis propria elementū in definitione accipiat, vult elementum esse, minimam mixti particulam secundum speciem, non autem secundum quantitatem, vt lib. 8. de placit. c. 2. expressè monet. Quia quælibet elementi cuiusvis particula in infinitum semper, aliorum corporum more, diuidi potest. Galenus ipse rem ita intelligit. Lib. enim 1. de elementis cap. 6. ait. elementum esse eiusdem generis cum eo, cuius est elementum, principia verò nequaquam, ex quo apparet ipsum diuisiūse elementum prout corpus simplex, ad mixti corporis generationem concurrens, & consequenter indiuisibile secundum speciem, non secundum quantitatem. Lib. denique 2. de element. c. 1. similes partes, quas hominis peculiaria elementa esse dicit, minimas appellat particulas. Ergo minimæ particulae nominæ non intellexit indiuisibile secundum diuisionem, sed secundum speciem.

*Definitio
Elementi
ex Auic.*

Auicenna Fen. 1. Prim. Doctrina 2. capite de elementis, sic elementa describit: Elementa sunt corpora & sunt partes primæ corporis humani, & aliorum quæ in corpora diuersarum formarum diuidi minimè possunt, ex quorum commixtione species diuersæ generatorum fiunt. Idem Auicenna in sua Metaphys. tract. 6. c. 4. ex ambabus supra allatis Aristotelis definitionibus, vnā ita astruit: Elementum est id ex quo generatio fit per compositionem & quod est in re, & in quod res vltimò dissoluitur.

Definitiones Auicennæ non penè arrident, quoniam videntur supponere elementa actu in mixto remanere, cum Aristoteles id non determinauit.

*Fernelij
definitio.*

Fernelius sic elementa describit: Elementa sunt corpora simplicia, ex quibus quidque primum constituitur. Sed hæc definitio, manca est; quia nimis indeterminata: nā ex elementis quidque primum non constituitur: imò quoduis corpus, quatenus tale, ex materia & forma vnitis resultat: quæ neutiquam ex elementis fiunt. Præterea inter corpora naturalia cæli primatum obtinent; qui tamen corpora sunt, & ex elementis non sunt. Si per, quidq;

mix-

mixtum intellexit, definitio vitiosa est; quia obscure, & incompletè definiti quidditatem enucleat.

Clarius ergo hac serie elementa definiens. Elementa sunt prima corpora simplicia, & corruptibilia, ex quibus transmutatis, & contemperatis mixtū efficitur, & in quæ tandē mixtum corruptū migrat. Prima corpora, excludunt à ratione elementī materiā & formam, & satis indicant elementa non ex alio corpore, sed ex materia, & forma constari: simplicia, excludit mixta: corruptibilia, excludit cælū: ex quibus transmutatis, & contemperatis, nobis significant elementa actu in mixto non remanere, ut in progressu probabitur. Mixtū efficitur, id, in quod elementa degenerant, indicant; ac insuper simplicis corporis & mixti discrimen. Mixto quidem qualitatum quatuor contemperatio congruit, cum elementis singulis binæ qualitates minimè temperatæ conueniant. Et in quæ tandem mixtum corruptum migrat: Mixti, rursus in actualia, & formalia elementa transmutationem significant. Sic plene, & planè elementa, quatenus mixtum componunt, & hoc iterum in illa migrat, definita sunt.

Vera elementorum definitio.

CAPUT IV.

De Elementorum numero iuxta quosdam antiquos.

VT in alijs innumeris, sic in elementorum numero constituendo, variè ac discrepante ante Aristotel. antiqui Philophi philosophati sunt. Qui omnes rerum principia, & elementa inter se cōfundere visi sunt: aliqui hæc infinita posuere, alij vnum, alij duo. Aristoteles lib. 1. Metaph. præcipuè c. 3. & 4. & 5. Lib. 1. Phys. c. 2. & 4. Lib. 3. de Cælo. c. 3. aut 4. iuxta aliorum versionem. Lib. 1. de Generat. & Corrupt. c. 1. & 2. omnium opinionones de hoc argumenti genere proponit, examinatque. Anaxagoras Clazomenius infinita posuit rerum principia, siue elementa, eaque in congerie quadam, siue confuso latitare rebatur. Huiusmodi confusum, siue congeries, nunc sphærus, siue chaos, nunc *ἡμικροία* ab illo dicebatur. *ἡμικροία*, quoniā in tali congerie infinita corpora summa cuiusvis naturæ includebatur: Sphærus, siue chaos, siue confusum, siue naturā rudis, inordinataque congeries; ab illo appellabatur, quod in ea res omnes, etiam contrarias indistincte, & confuse iacuisse putaret: quodque rursus ex eadem, tanquam ex communi promptuario, atque vberima cunctarum rerum matrice, fertilique horreo, & seminario, cuncta, quæ mundum complent, secernerentur, euocarenturque: non quidem ab alia causa, quàm à Diuina mente, quæ ex tali confuso res omnes, ex quibus mundus vniuersus componitur, ita secreuit, ut eas elegantissima disponderet serie, & quoduis in debita sede collocaret, quæ obseruata totius mundi ornatus illucesceret. Sicque Anaxagoras Mentem Dininam, siue Deum, non ut efficientem causam, sed disponentem tantū rerum omnium à Sphæro secretarum statuit; ita ut os, carnem, medullas, aliaque cuncta, quorum cuiusque pars eandem cum toto sortita est appellationem, simplicissima, & incompressa vocaret elementa; ignem verò, aerem, aquam, & terram, composita, & *παρυμνησιν*, id est, omnifeminarium, quod ex his illa segregarentur.

Anaxagoras opinio de principijs.

Quod

Quod Anaxagoram ad hanc opinionem commouit, est duplex hoc argumentum: Primum: Ex nihilo nihil fit. Quidquid enim fit, vel ex nihilo fit, vel ex ijs, quæ sunt, & præexistunt entibus: Non ex nihilo. Ergo ex ijs, quæ præfuerunt. Secundum argumentum: Contraria ex contrarijs fiunt, vt calida ex frigidis, humida ex siccis, & vice versa. Ergo omnia in omnibus insunt.

Empedoclis opinio, quomodo ab Anaxagora opinione differt.

Anaxagoram sequutus est Anaximander, quemadmodum, & Empedocles, Anaxagora iunior, referente Arist. lib. 1. Metaph. In hoc tamen Empedocles ab Anaxagora discrepat, quod quatuor Elementa rerum omnium simplicissima principia, veluti materiam statuatur; carnem verò, ossa, & alia consimilis naturæ, Panspermian, siue omnifeminarium. Efficientia omnium rerum principia, Litem, & Amicitiam statuit. Amicitia in iphærum, siue congeriem omnia accumulatur, Lis ex chao, siue sphæro omnia segregat, & consequenter generat.

Leucippi & Democriti sententia.

Alij Philosophi, Leucippus nimirum, & eius socius Democritus, (vt loquitur Aristot. lib. 1. Metaph. c. 5.) quos secuti sunt Epicurus, Lucretius, & alij, duo admiserunt elementa, plenum & vacuum; plenum solidum ens appellabant: Vacuum verò non ens. Hi, non secus ac Anaxagoras, Mochum Phanicium, quem ante Troiæ excidium floruisse, referunt, mundum, & alia quæuis adhuc, ex atomis siue infestilibus & incompatibilibus corpusculis fieri contendunt. Mundum tamen & quæ in mundo extant, ex dictis corpusculis, mediantibus duobus principijs, concretionem videlicet, & inanitionem fieri contendunt. Suas atomos hi *πανσπερμίας*, id est, omnifeminarium, siue rerum omnium semen appellabant, quia ex earum cōcretionem & inanitionem Vniuersū mundū coaluisse putabāt, eodē, proportionem modo, quo ex viginti quatuor litteris variè cocuntibus, & figuram ac ordinem mutantibus, omnis dictio rum varietas resultareprehenditur. Littera enim hæc, hoc modo disposita apud Græcos *α* significat, aduerso modo disposita, *γ* significat. Et talis varietas ex diuersa litterarum dispositione, seu situ oritur. Sicuti An, & Na, ratione ordinis differunt; A ab N, ratione figuræ; sic ratione varietatis situs, ordinis, & figuræ omnis dictionū varietas formatur. Pari modo res omnes ex indiuiduis, indiuisibilibus, & inalterabilibus corpusculis simul, ac inani componi putabant, obseruato tamen figurarum, ordinum, & situum discrimine; ita vt pro figura, rerum fluxum intelligerent; pro ordine contrarium; pro situ conuersionem: vt lib. 1. Metaph. post Arist. lib. 1. de Generat. & Corrupt. c. 2. optimè exponit Alexand.

Quid generationis, & corruptionis apud Democritum.

Rerum tamen Generationes ita limitantur, vt eas nihil aliud, quam dictorum infestilium corporum coitionem, congregationemue esse putarent; corruptionem verò eorundem corpusculorum, segregationem ab inuicem. Coitionem illam corpusculorum, quam generationem nuncupant, in figurarum concinnitate reponunt. Alterationem verò fieri contendunt, quoties atomi penes situm, & ordinem in compositione mutantur. Aliam nullam in rebus alterationem, ratione qualitatū fieri statuit Democritus, qui rem aliquam denuo coloratam apparere confirmabat, quoties infestilia illa corpuscula secundum ordinem, & positionem conuertuntur: non secus ac columbæ collum ex diuerso ad lucem situ, varijs coloribus, vno eodemque tempore, eadem videlicet hora, fucatur, inficique videtur. Democritus, & Leucippus hanc doctrinam stabilire voluerūt, quod verum id omne, cernerent, quod verum esse apparet: & cum diuersis hominibus diuersa, eaque contraria, & infinita viderentur, infinitas illas

atomos inuenerunt, quarum quædam læues sunt, aliæ asperæ; rotundæ quædam, angulares aliæ; curuatae aliæ, aliæ aduncæ, quarum transposito res alio, & alio modo sensum afficerent: hac tamen ratione, vt frigus, calorem, & reliquas qualitates apparenter inesse existimarent. Vt in his principijs instituendis, sic in alijs cunctis, non leue fuit inter Antiquos de veritate dissidium: vt testatur Arist. lib. 4. Metaph. c. 5. & 6. & Marc. Tul. lib. 1. Academic. quæst. Ita vt nonnulli ipsam veritatem inaccessam, & incomprehensibilem, esse existimarent; alij inuentu facilem, & in promptu esse contenderent; Nonnulli eam sensu, quidam phantasia, alij intellectu, alij his omnibus modis simul iunctis reperi, æstimarique arbitrati essent. Sed quidquid sit, de hoc argumenti genere Leucipp. & Democrit. Pythagoram, paulò eis antiquiorem, sequi videntur; vt habet Arist. lib. 3. de Cælo c. 4.

Tertiam referamus sententiam Pythagoræ, & sequacium: qui cum Mathematici essent, & fortè primi, vt apud Arist. lib. 1. Metaph. c. 5. videre licet, numeros rerum omnium principia esse putabant; & taliter, vt eosdem, numeros natura priores cunctis rebus præponerent. Varia de numerorum natura, & passionibus dixere. Par, & impar illis præcipua censebantur elementa. Par, inquit, infinitum est, impar finitum. Vnitatem ex pari, & impari constantem, numerorum principium esse volunt: Pari, imparique constare dicitur; quia vnitas est paris, & imparis numeri genitrix, quippe quæ addita pari numero, imparem efficit; impari verò parem. Sic enim ita, tuerunt vnitatem pari imparem esse, & dici. Desumpta denique à rebus similitudine passionem quasdam numeris conuenire aiunt, vt iustitiam, mætem, tempus, & similia. Rebantur illi proprium iustitiæ esse compensationem, & æquabilitatem. Idcirco numerum pariter parem primum, iustitiam esse dicebant. Nam id omne, quod est primum in singulis habentibus eandem rationem, hoc idem esse maximè id, quod tale dicitur, asserabant. Hunc autem numerum talem habentem prærogatiuam, alij Quatuor esse dicebant; quia cum quaternarius primus sit numerus quadratus, in paria diuiditur, & est præterea par; est enim bis duo. Alij prædictum numerum Nouem esse referebant; quia nouenarius numerus est primus solidus ex impari numero ternario, in se multiplicato.

Rursum idem Pythagorici numerum septenarium tem, estiuitatem statuerunt: quoniam res naturales multas tempestiuitates habere videntur, tum generationis, tum perfectionis etiam, per septimanas seu per numerum ipsum septenarium simplicem aut repetitum. Fatus septimo mense vitalis editur. Septimo etiam anno de nouo dentit; & circa annorum alteram septimanam, id est circa annum decimum quartum, pubescit: circa tertiam septimanam, id est circa vigesimum annum barbam emittit. Sol frugum auctor ab illis habetur, quia inter decem corpora, quæ circa mundi medium, Veritatemque, siue ignem, circummouentur, septimum ordine locum occupat; nam propè cælum itellatum, siue firmamentum ipsum repositum putabant.

Septenarij adhuc numeri virtutes varias efferunt. Omnium numerorum qui in numero denatio siue decem continentur solus septenarius est, qui alius nullum generat numerum, nec ab alio vilo generatur. Quare numerum septenarium Mineruam appellant. Numerus porro binarius bis repetitus, quaternarium efficit numerum. Ternarius senarium, bis repetitus, & nonarium ter repetitus generat. Quaternarius numerus duplicatus, octo, & quinquarius decem efficit. Generantur ergo quaternarius, senarius, octonarius, nouenarius,

Tertia opinio Pythagoreorum.

Par, & impar.

Vnitatis virtus.

Septenarius numerus.

rius, & denarius numerus; generant verò binarius, ternarius, quaternarius, quinquarius. Solus ergo septenarius est, qui nec generat, nec generatur. Atque adeo instar Mineræ, quæ à nulla matre nata est, & virgo semper perstitit, se habet idem septenarius.

*Quinarius
numerus.*

Idem Pythagorici, quinarium numerum nuptias appellabant: quia nuptia est maris & feminæ coniunctio. Impar quidem numerus Pythagoricis mas est, par numerus vicissim femina; hic primus quinquarius numerus ex primo numero pari, id est, binario, & primo impari, id est ternario gignitur.

Vnum.

Vnum siue vnitatem, mentem, & substantiam appellabant Pythagorici; quia ut mens stabilis est, & vndique similis, & principatum ideo obtinet, vnum pariter. Substantiam esse dixerunt; quia ut substantia inter entia primum occupat, ita vnum inter numeros.

*Binarius
numerus.*

Binarium numerum opinionem nominarunt Pythagorici, quia in vtramque partem, id est, vel ad ternarium numerum, eidem binario addita vnitatem, vel ad vnitatem, eidem binario adempta vnitatem, æqualiter flecti potest. Ideo eundem binarium, motum & impositionem nominabant.

Pythagorici ergo rerum, & numerorum similitudines ad inuicem colligentes, omnia entia ex numeris constituta statuere; & hoc quidem ordine, ut numeri, sine rebus esse, & nosci possint: res verò nec esse, nec cognosci sine numero.

Summam rerum ad denarium, tanquam ad completum numerum, reuocant: Septem illi errantes Cælos Planetarum, vnâ cum firmamento admittunt; terram ut nonum globum, quem in orbem, octo Cælorum ritu, moueri arbitrabantur, & circa Vestam quidē, siue ignē. Muscū conuulsum ratione continuorum motuum, dicta nouem corpora suauiter observant, & efficiunt, qui nequaquam à nobis percipitur, quoniam ei à natiuitate sumus assueti. Sed hæc de Pythagoricorum opinione sufficiant.

*Quarta opi
nio.*

Quartam de rerum materialibus elementis opinionem, tribuere possumus Alcmeoni Crotoniati Pythagoræ contemporaneo, qui cum quibusdam Pythagoricis rerum omnium principia in contrarietatibus consistere putabat. Quasuis ille contrarietates admisit: Pythagorici nonnulli huiusmodi contrarietates ad decem reducere voluerunt: quales sunt quæ sequuntur: finitum, infinitum; impar, par: Vnum, multa: dexterum, sinistrum: mas, femina: quiescens, motum: rectum, curuum: lumen, tenebræ: bonum, malum: Quadratum, altera parte longius.

*Quinta opi
nio.*

Quinta opinio fuit Platonis, qui, ut testatur Arist. lib. 1. de gener. c. 2. corpora omnia ex planis, id est superficiebus constare voluit: voluitque rursus res omnes in superficies, & lineas infectiles diuidi. Sed Plato de rerum principiis parum determinatè locutus est, referente Iustino Martire. Id ex Scriptorum quorundam dictis luculenter constat: Nam magnum, & paruum, ut materiale principium admittebat referente Aristot. & vnum tanquam formam. Ex Plutarcho, mentem, idæam, & speciem, tanquam tria principia admisit idem Plato. Ex Iustino Martyre, Deum, materiam, & speciem.

Sicuti præfati omnes authores elementorum multitudinem in natura posuerunt; alij multi aduersam viam amplexi, in varias sententias sunt abstracti. Omnes tamen infinita respicientes, vnicum, vel duo, vel ad summum tria admittunt rerum principia, & elementa. Xenophanes Colophonius Archelai seu Bothoris Atheniensis Discipulus, & Parmenides Eleates, Xenophanis Discipulus, ex Arist. lib. 1. Metaphys. c. 5. & lib. 1. Physic. c. 2. Ve-

luti Melissus Samius Parmenidis Discipulus, Vnum posuerunt rerum omnium principium, idque immobile. Xenophanes, & Melissus infinitum esse volunt; Parmenides finitum. Diogenes Apolloniates, Thales, Anaximander, Anaximenes, vnum inuexere principium, mobile tamen, & infinitum. Hippasus, & Heraclitus, vnum, mobile tamen, & finitum. Verum, hi Philosophi multum inter se discrepant: nam Hesiodus Poeta, & Philosophus (quem, sicuti Homerum, Theologum vocat Aristoteles lib. 1. Metaph. ut testatur in comment. Alexander) & Pherecides, & Sextus Philosophus illud vnicum elementum, terram, ex chaos primum natam esse statuerunt. Vulgus enim Hesiodi tempore, terram caeli coniugem, communemque matrem vocabat. Aliqui existimant, terram à nemine, tanquam rerum principium statui: quia id testari videtur Arist. lib. 1. Metaph. c. 7. Sed longè à veritate deflectunt: nam Hippocrates Arist. antiquior, lib. de natur. hom. manifestè terram, tanquam vnicum rerum principium à quibusdam, statui ostendit. Theophrastus lib. de Materia, & Mundo, ait, Pherecidem fuisse in hac sententia, veluti Sextum etiam Philosophum. Gal. comment. tex. 1. lib. de nat. hom. rem hanc dilucidè discutit. Et ipse Arist. idem significare visus est lib. 1. de generat. c. 5. sic: Vnum itaq; omnia esse non est possibile, ut aerem omnia, ut aquam, aut ignem, aut terram: siquidem transmutatio in contraria.

*Qui solam
terram, &
calum in
mundo ad-
miserunt.*

Thales Milesius vnus ex septem Graecis Sapientibus, aquam rerum omnium principium posuit: Cum enim mundum animal quoddam esse quidam antiqui existimarent, nihil aptius ad cunctarum rerum procreationem excogitari potuit ipsa aqua; quæ cum rarefieri, dilatarine, & condensari facile possit, idonea est, quæ cunctis rebus productis originem tribuat. Humido, inquit ille, animalia viuunt, incrementum suscipiunt, eiusque tandem defectu moriuntur, & occidunt. Hanc sententiam sequutus est, ut aiunt, Anaximander, quantum Anaxagoræ ferè sententiâ anplexus fuerit, referente Arist. Ex Homerì hoc dicto suam hausisse sententiâ creditur Thales: Oceanum Diuum genesis, Thetymque parentem.

*Thales so-
lam conces-
sit aquam,
tanquam
unicum e-
lementum.*

Anaximenes cum suo Discipulo Diogene Apolloniates, veluti Idæus Imereus, & Archelaus Atheniensis, Socratis Magister, & cognomento Physicus, aerem cunctarum rerum principium esse statuerunt: Quoniam aer contrariis parum obstitens, facileque cedens, & qui facile in partes diuiditur, ad quamuis formam suscipiendam sese illic accõmodat, & facile cedit.

*Qui solum
aerem ad-
miserunt.*

Hippasus Methopontinus, & Heraclitus Ephesius cognomento *κρότονος* quod obscure scripserit, ignem rerum omnium principium euexerunt: quia inter elementa, quæ ratione aut sensu apparent, & extant, loco & dignitate eminet, per omnia permeat, cetera cuncta illi in pabulum cedunt.

*Qui ignem
solum ad-
miserunt.*

Anaximander Milesius (alter fortè ab antea citato) vnum rerum omnium principium, non tanquam simplex elementum, sed quid medium inter aqua, & aerem, vel, ut quibusdam placet, inter aerem, & ignem, quod igne sit densius, aere verò rarius, posuit.

*Qui mixtū
ex aere, &
igne.*

Reginus Hippus, mixtum quoddam ex aqua, & igne; vel, ut alijs placet aquam, & ignem in natura statuit principium. Hæ vltimæ opiniones minus à veritate recedunt, quàm illæ, quæ vnicum admiserant rerum principium, teste Arist. lib. 1. Phys. c. 6. quia medium illud principium est magis capax contrarietatum, quæ ad rerum generationes necessariae sunt, quàm ex simplicibus elementis vllum.

*Qui mixtū
ex aqua, &
igne.*

Fuere inter veteres nonnulli, qui plura vno admiserunt principia, eaque

finita : vt Zareta Chaldaeus , lucem , & tenebras sub Patris , & Matris nomine . Ænopides Chius ignem , & aerem . Onomacritus ignem , aerem , & aquam . Sed ad vtiorem accedamus sententiam , in cuius relatione omnium propositarum opinionum fundamenta sponte ruent.

CAPVT V.

De Elementorum numero ex Hippocrate , & Aristotele.

*Primum
argumen-
tum Hipp.*

Non in confusa illa significatione , qua principium , & elementum confunduntur , de elemento hic amplius agimus ; sed quatenus simplicis corporis corruptibilis rationem inuehit . Hippocrates fuit primus Author solius quaternarij numeri elementorum alterabilium ; eum sequutus est Arist. Gal. & iuxta Gal. mentem , & ipsam rei veritatem , Plato , vt ex eius verbis , in superioribus allatis , innotuit . Hippocrates ergò aduersus alios antiquos lib. de nat. hom. sequenti ordine quatuor elementa dari dilucidè probat . Et primò quidem hac ratione . Si homo vnico constaret elemento , non doleret vnquam : probat quòd non doleret , quia nihil esset , à quo dolorem perciperet , si vnum esset : & posito quòd doleret , vnicum daretur remedium . Duplici demonstratione suum hunc aphorismum probat . Si homo vnum esset , non doleret : Duo enim dolori præponuntur , subita nimirum mutatio , & mutationis sensus . Cum ergò nequaquam mutaretur homo , non doleret . Non mutaretur , quoniam si ignis v.g. est vnicum illud elementum , homo , qui solo igne constaret , ab igne congenere , & consimili nequaquam mutaretur ; sicuti nec ab atomis , si omnia atomi essent : Qui enim infinita admittunt principia , alterationem , quæ dolorem infert , prorsus abigunt . Ergo ex sententia eorum , qui infinita posuerunt similia corpuscula , & ex sententia eorum , qui vnicum posuere principium , homo non doleret . Nam si omnia essent similia , vniformia , & eiusdem naturæ , nihil esset à quo læderetur , siue ipsum alterando , siue continuè eius soluendo . Hæc .n. doloris duæ causæ statuuntur à Galeno . Præterea homo non doleret , quia vt dolor inferatur , necessariò mutationis sensus in corpore præcedit . Sed nullus talis apparet ; alioquin omnia quæ sunt in mundo , sentirent , cum essent eiusdem naturæ cum homine . Ergo nullo modo doleret : Subita enim mutatio , & mutationis subitæ sensus , non à rebus eisdem . sed diuersis sunt . Ergò vt dolor corpori accedat , debet alterari , & sentire . Alteratio intèr contraria oritur . Ergò homo contrarijs constat .

*Dua causa
doloris.*

Secunda demonstratio ex eadem sententia sic colligitur . Si homo vnum esset , & doleret ; vnicum esset remedium . Appositè id intulit : quia si homo esset vnum , & doleret , vnicus esset modus inferendi dolorem ; & sic extaret vnicum remedium : Si enim mutaretur homo , qui vnius naturæ est , à se ipso mutaretur . Quod si vnica esset mutatio , vnicus esset affectus ; si vnicus affectus , vnicum remedium . Ergò rectè intulit , quòd si homo vnum esset , & doleret , quòd vnicum esset remedij genus ; Quia vnica , & eadem esset hominis natura .

Dicta Hippocratis doctrina sic clariùs proponitur : Homo dolet . Ergò plu-

pluribus vno elementis constāt. Antecedens experientia constat: con-
 sequentia probatur. Id pluribus elementis, iisque quatuor tantum constat, in
 quo contrarij effectus, iisque quatuor tantum elucēt. Sed in homine qua-
 tuor tantum varij effectus, iisque contrarij, manifestē in dies elucēt. Ergo
 homo pluribus elementis, iisque quatuor tantum constat. Probatur maior.
 Contrarij effectus sunt causarum contrariarum certa indicia, in rebus neces-
 sariō agentibus. Sed in homine contrarij effectus percipiuntur. Ergo & ho-
 rum effectuum contrariā causā. Probatur minor, tum vltimi, tum primi
 præcedentis Syllogismi, experientia ipsa, qua vtitur eodem in lib. consecuti-
 uē Hipp. vt suum probet intentum, his verbis: Nunc autem multa habentur
 in multa namque in corpore insunt, quæ cum à se mutuō calefiunt, refri-
 gerantur, siccantur & humectantur, morbos pariunt. Quare plures morbo-
 rum species: plura item ipsorum remedia habentur. Ecce quā clarē osten-
 dit Hippocr. probando primam suam sententiam, quaternarium elementor-
 um numerum: calefit homo, refrigeratur, humectatur, exsiccatur. Ergo
 homini inest calidum, frigidum, humidum, & siccum. Imò exterius in ma-
 gno mundo talia esse est necessē. Variarum sanē alterationum vicissitudines
 iustissimē homini contingunt, siue is in otio degat, siue sese exerceat; siue
 rebus vtratur externis, siue ab ijs, vt plurimum abstineat. Itaque homo do-
 let multipliciter, quando nimirum humidum, vel frigidum, vel calidum
 vel siccum in corpore redundat: vt in tumoribus præter naturam videre licet,
 solisque etiam alterationibus, quæ quotidie in ipso corpore, ob intestinum
 frigidi, calidi, humidi, & sicci, quibus homo conitatur, conflictum sunt. Patet
 etiam ipsum hominem ab externis causis, præfatas aduersas alterationes, fre-
 quentissimē pati.

*Dantur in
 homine
 quatuor tā-
 tum elemē-
 ta.*

Necessariō quidem dictæ contrariæ alterationes admittendæ sunt; quia,
 præterquam quod earum causæ ab ipso tactus sensu in corpore percipiuntur,
 humidum videlicet, siccum, frigidum, calidum, quatuor contrarijs ad earum
 sedationem, vtimur remedijs alterantibus. Nam contraria contrarijs curan-
 tur. Quare frigido calidum opponimus, & vice versa, quemadmodum sic-
 co humidum, & è contra. Et si præterea, humor in corpore redundet, eua-
 cuandus: sic quidem contrarietatis lege obseruata, medemur; quod reple-
 tioni curuatio debeat. Ex quatuor ergo primis qualitatibus, quæ euidenter
 à sensu tactus in corpore percipiuntur, quaternarium elementorum nu-
 merum rectē venatus est Hippoc. fuit enim primus qui alterationis primarum
 qualitatum mentionem fecit quas in corporibus esse asseruit, dū de humo-
 ribus sic ait: Quomodo enim similia essent hæc inuicem, quæ nec colore ad
 visum, nec manui ad tactum similia esse videntur. Neque enim calida si-
 militer sunt, neque frigida, neque sicca, neque humida. Quum itaque tantum
 inter se discrepent, tum specie, tum facultate, necesse est ipsa non vnum es-
 se, quandoquidem neque ignis & aqua idem sunt.

Secundò, ex rerum generatione probat Hippoc. hominem vnico solo ele-
 mento non constare. Primum igitur, (inquit) necesse est, generationem ip-
 sius hominis nō ab vno esse protectam. Quomodo enim aliquid, quod vnum
 est, generare aliud poterit, nisi alicui immistum fuerit? hac doctrina posita, ijs
 argumentor. Ea sunt commutata omnia corporum elementa, ex quibus om-
 nia corpora generantur. Sed omnia corpora mixta generantur ex frigido, ca-
 lido, humido, & sicco. Ergo hæc sunt corporis mixti elementa, & conse-
 quenter hominis. Probat Hippocr. minorem; quia experientia constat, ge-
 nerationem ab vno fieri non posse, generatio enim prius tolleretur, si om-

*Secundum
 argumentū
 Hippocr.*

nia essent vnum; nam inde sequeretur, nihil prorsus nunc esse, quod antea non fuerit, vt Anaxagoræ, & Democrito visum est (qui alterationes, & generationes rerum prorsus abigere videntur); aut si antea non erat, neque nunc esse. Quippe, quod simpliciter, & sine commixtione vnum est, vna eademque ratione perpetuò sine mutatione affectum est; cùm nihil aliud in rerum natura extet, à quo tanquam à contrario affici aut mutari possit. Ergo si id quod genitum est, nunc est, & antea erat: aut si non erat antequam gigneretur, neque nunc profectò erit. Quæ omnia omnino generationi aduersantur, cum generatio sit noua productio rei, quæ antea non erat.

Hinc patet plurimorum diuersorumque mixtionem ad generationem esse necessariam, quod confirmat Galen. qui ait, plantas ex solo semine non gigni. Nam si ex solo semine gignerentur, sine vlla diuisione, breuissimo tempore, suam fortirentur generationem. Moderata ergo terræ humiditas, cuius beneficio eadem terra, semen sibi commissum concipit, ac fouet, necessaria est; sicuti Solis calor cunctis viuentibus familiaris; qui ideo sopitas seminis facultates, potissimum generatricem, in actum, lucemque euocat. Patet etiam plurimorum commixtio in animalibus, dum generatio fit: nam maris & feminae copula necessariò naturalem generationem præcedit. Ex ouis ipsis quæ à Gallina sine galli congressu egeruntur, pulli nequaquam gignuntur.

Hippocrates suum dictum, de generatione aphorismum hoc altero confirmat: Neque generant nisi eiusdem generis, quæ miscentur, sint, vt eandem vim obtineant, neque similia nobis effici potuerunt. Probauit antea, ex vno generationem non fieri; in hoc autem Aphorismo probat, nec ex pluribus fieri, nisi ea quæ miscentur, sint eiusdem saltem generis; debent enim substantiæ familiaritatem inter se habere, vt ex suis seminibus aliquid conforme, & ornatum nascatur. Id patet in mula, ex equa, & asino, vel ex asina, & equo genita: quæ si non ex animalibus eiusdem speciei, saltem ex animalibus eiusdem generis nascitur.

*Conditio
mixtionis
ex Hippo.*

Sed sequenti aphorismo exactius generationis condiciones exponit Hippocrates, & elementorum quaternarium numerum ostendit: Rursus, inquit, nec generatio futura est, si non calidum, & frigidum, humidum, & siccum mediocriter inuicem, & temperatè, & æqualiter se habuerint, sed alterum altero longè præpolleat, & valentius imbecilliori. Non solù speciei aut generis saltem similitudinem necessariam esse affirmat, verum etiam qualitatum primarum sibi contrariarum, inter se æqualitatem, commoderationemque. Non enim de Arithmetica & exacta æqualitate, sed de Geometrica, & ad iustitiã loquitur. Quod autem nimia qualitatum inæqualitas mixti generatione prohibeat, vt his verbis (sed alterum altero longè præpolleat, & valentius imbecilliori) significare voluit; patet manifestè ex lib. 1. Aphorif. aph. 62. vbi Hippocrates sterilitatis causas referens, ait: vteri frigidas, intemperies generationem prohibere: Quæcunque frigidos, densosque vteros habent, non concipiunt, & quæcunq; præhumentes vteros habent, nam in his genitura extinguitur: quæ siccis etiam & ardentes habent vteros, pariter non concipiunt: nam excessu harum qualitatum semen corrumpitur, idq; ob alimenti (id est sanguinis) inopiam. Idem de viri semine dicendum, quod si nimis torrefactum fuerit, aut nimis calidum, aut humidum, & aquosum, aut frigidum, nequaquam ad generationem idoneum erit.

Epilogisticè suam opinionem hac serie confirmat Hippocr. Quapropter, quomodo rationi consentaneum est, ab vno aliquid generatum esse, cum ne à pluribus quidem, nisi probam temperamenti inuicem communionem for-

tita sint? & paulò post: Cum igitur talis & hominis, & aliorum natura sit, hominem non ex vno constare elemento necessariò colligimus, sed singula quæ ad generationem conferunt, vim aliquam obtinere in corpore.

Tertiò tandem, ex communi rerum corruptione quatuor elementa colligit Hippocr. Rursus, inquit, quando corpus humanum interij, necesse est singula ad suam naturam secreta reuerti, humidum ad humidum; siccum ad siccum; calidum ad calidum; frigidum ad frigidum. Quasi diceret, calidum id est, quod in mixto igneum fuit in mixti corruptione, ad suam ignis naturam reuerti; frigidum, seu quod aqueum est, ad aquam; quod humidum ad aerem; quod siccum ad terram. Homerus visus est hanc habuisse sententiam, aiens: Vos aqua, vos tellus cunctos aliquando tenebit. Quodlibet sanè mixtum, vt patet in ligno, quod adurit, quando corrumpitur, in quatuor corpora resoluitur; in puluerem, qui terra est; in humorem, qui aque naturam refert; in fumum, siue spiritum, qui in aerem, & in ignem, vel in quid igni proportionatum. Hæc vt dixi, manifestè elucet in ligno, igni appositò; maximè verò dum lignum recens est, & suammet redolet naturam. Galenus Hippocratis sententiam lib. 1. de Element. c. 9. & comment. in lib. de natur. homin. confirmat. Quæ loca videas, si lubet.

*Tertium
Hippocr.
argumentum*

Aristor. quaternarium elementorum numerum, ex duobus capitibus eruit, Primò, ex motu. Secundò ex quatuor primarum qualitatum possibilibus combinationibus. Duplicem ille, eumque simplicem motum in natura ponit: vnum circularem, cælo corpori rotundo competentem; alterum verò rectum, simplicibus corporibus, sed corruptibilibus. Hunc motum localem rectum, quem lationem vocat, quadruplicem ponit, duplicem sursum vergentem, duplicemque deorsum. Vnus motuum deorsum, simpliciter talis dicitur; quonià ad mundi medium, vtpotè terræ locū, omni nisu vergit; & huiusmodi motus terræ congruit, quia inter elementa summa grauitate, quæ talis perfectè simplicis lationis causa est, pollet. Alter motus simplex deorsum non simpliciter, sed secundum quid deorsum vergit, quia corpus, cui talis motus tribuitur, non est exquisitè graue, vt ad mundi medium tendat, sed ei sufficit, vt terræ superficiei hæreat: Motus ergo huiusmodi aquam nobis prodit. Similiter motus sursum, in duos dirimitur: quorum vnus simpliciter sursum vergit; quia summa lenitas corpori, cui tribuitur, inest. Huiusmodi motus, ignem, corpus simplex leuissimum nobis indicat, veluti alter motus leuitatem secundum quid, consequens aerem, qui sub igne sedè occupare contentus, non altius fertur.

*Primum
Aristotel.
argumentum*

Libro 2. de Gener. & corr. c. 3. ex qualitatum combinationibus quæ elementa consequuntur elementorum quaternarium numerum colligit. Sex enim primarum qualitatum combinationes excogitari possunt; calidum videlicet, & frigidum; humidum, & siccum; calidum, & siccum; humidum, & calidum; frigidum, & humidum; siccum, & frigidum. Sed duæ primæ combinationes impossibiles sunt; quia impossibile est contraria in eodem subiecto compati, nisi in valde remisso gradu. Quare humidum & siccum, calidum & frigidum, nequaquam in summo gradu, nec prope summum, in eodem subiecto esse possunt. Ergo quatuor vltimæ combinationes possibiles sunt, cum nullam inter se impossibilitatem inuehant. Ergo hæc quatuor combinationes primarum qualitatum quatuor tantum elementa in rerum natura esse indicant: Quodlibet enim elementum, duabus eget primis qualitatibus; Vna per quam, tanquam per propriam formam ab alio elemento differt, alia quacum vicino conuenit elemento. Hac ratione ignis calidus est, & siccus,

*Secundum
Aristotelis
argumentum*

cus, sed magis calidus; id est in octauo gradu, vt vulgò loquuntur, siccus verò in sexto. Eius locus vt dictum est, est cæl. concauum. Aer humidus magis quàm calidus, id est in octauo gradu humidus, in sexto calidus. Aqua pari modo est magis frigida quam humida; terra magis sicca, quam frigida. Sincera magis elementa sunt terra, & ignis, media autem, & mixta magis, aqua & aer. Vult enim media elementa esse magis impura, quam extrema, ignem & terram. Ideoque lib. 4. de cælo cap. 4. & 5. ait, media hæc elementa in proprijs grauitare locis, licet in rei veritate secundum se spectata nequaquam grauitent; vt compertum habent Vrinatores, & qui sub aqua natant, nihil prorsus ponderis persentientes. In aëre verò multò minus.

Tertium.

Argumento de corruptione, & desinentia mixtorum corporum in quatuor simplicia, quo vsus est Hippocrates, vtitur, & Aristoteles exemplo ligni & carnis.

Quantum.

Aduersus antiquos vnitatem singularitatemue elementi admittentes, hoc vnico vtitur argumento lib. 3. de cælo c. 5. Si omnia corpora Physica siue naturalia, eodem penitus constarent elemento, essent eiusdem naturæ & rationis, eodemque naturali motu citarentur, & ad eundem perpetuo locum naturaliter tenderent, quod experientiæ penitus reluctatur. Ergo & eorundem opinio.

Ex dictis liquet, Aristotelem suam fere doctrinam ex Hippocrate mutatum fuisse. Quod enim de motu dixit, facile ex Hippocrate colligi poterit, qui de corruptione mixtorum dum loqueretur, ait: Humidum ad humidum, frigidum ad frigidum reduci: quod fieri intellexit mediante locali motu ad sedes totalium elementorum, quorum partes erant.

C A P V T VI.

Antiquis satis fit.

NVnc par est aduersis opinionibus satisfacere. Antiquorum enim de principijs opiniones satis prolixè prosecutus sum. Quidam enim omnia quæ sunt, vnum esse voluerunt; Sed in diuersam, vt diximus, distracti sunt sententiam, licet eadem ratione omnes suam astruant, & eodem vsi fuerint epilogo. Qui etenim aquam esse illud vnicum elementum censent (vt optimè omnium exponit Galen. lib. 1. de element. c. 4.) ob id hoc arbitrantur, quod ea densata, & quasi coacta in terram vertatur: rarefacta verò ac veluti fusa, in aerem: quæ, si præterea magis rarefcat, ac fundatur, in ignem transit; & proinde, aquam esse elementum illud vnicum affirmant. Sed & qui aerem illud vnicum elementum esse statuerunt, ipsi quoque aiunt, illum rariorem factum, ignem effici, densiorem verò, aquam: qui, si etiam densetur magis, in terram desinit. Alij autem cum terram intuerentur, quæ si aliquantulum, & moderate rarefcat, & funditur in aquam transmutatur: si magis, in aerem: si maxime, in ignem: hoc argumento probant, terram esse ipsum vnicum elementum. Nec secus etiam agunt, qui ignem esse illud vnicum elementum statuunt: quia enim, si is densetur, & quasi in se ipsum cogatur, in aerem vertitur, si magis magisque densetur, in aquam: si quamplurimum densetur, in terram.

Responsio ad Melissum, & Parmenidem.

Melissus & Parmenides, vt dictum est, & vt habet Aristoteles lib. 1. Physic. c. 2. vnum admiscere principium; idque immobile. Melissus hoc infinitum esse ait; Parmenides finitum. Visus est Hippocrates spreuisse penitus hanc sententiam, sed in libri progressu, aliquid de hoc errore innuit. Eodem modo Aristot. lib. 1. Physic. videtur nolle opinioni tam absurde vllatenus satisfacere; quia responsionem non meretur. In progressu tamen libri Hippocratem penè imitatus, eos redarguit. Primò tamen ait, naturalis Philosophi partes non esse aduersus eosdem arguere, quia cum vnus ens expers motus ab illis ponatur, iam è medio tollunt naturalem scientiam, quæ tota de ente mobili, siue de natura, quæ est motus, & quietis principium, versatur. Nulla planè scientia sua probare potest principia, cum in tali scientia præsupponi debeant, tamquam prima fundamenta, quibus diuersa in eadem scientia innituntur pronunciata.

Ergò ex sententia illorum tollerentur è medio principia Physica. Nam in natura vnum ens admittunt, tanquam principium; quod nimis absurde dicitur: quia principij ratio multitudinem inuoluit. Illud verò principium, nullius esset principium, si omnia vnum essent. Deinde, vt protuli, negant motum, & consequenter naturam euerunt. Perinde ergo est, contra hos disputare, ac contra Heraclitum, aut aliquem alium, qui id omne, quod est, equum, aut hominem, aut asinum esse diceret. Ille enim ob perennem agitationem, qua omnia quæ sunt, voluntur, existimabat rem nullam magis esse hoc, quam illud suum oppositum. Vnde rerum fragilitatem contemplatus, dum è domo egrederetur, flebat; Democritus ex aduerso ridebat.

A Metaphysica igitur scientia, veluti à communi, & subalternante scientia, duo argumenta logico artificio contexta, aduersus illos sic dirigit. Id omne, quod est vnicum, ens est. Ens verò multifariam dicitur; de substantia nimirum, quantitate, qualitate, relatione &c. Quæritur ab illis, num illud ens, quod ponitur, complectatur decem summa genera, an substantiam, aut quantitatem tantum, aut qualitatem tantum? Si illud vnum decem summa genera comprehendit: ergò necessariò coguntur admittere plura entia, eaque diuersa: arque adeò omnia non sunt vnum. Si autem illud vnicum ens, substantiam solam, vel quantitatem solam significat, erit quid commune, vel singulare: Si quid commune: Ergò sub se plura continebit; & sic necessariò plura vno ente admittenda sunt. Si singulare, vel erit substantia sine accidentibus, vel accidens sine substantia: Si substantia: Ergò tale ens non erit finitum, nec infinitum; cum hæc soli quantitati, tanquam affectiones propriæ, congruant. Si verò illud ens est accidens, iam accidens erit extra subiectum; quod nequaquam dici potest.

Secundum argumentum ex varia Vnius significatione desumitur. Vnum ergò illud, quod admittunt, vel est continuum, magnitudo videlicet; vel est aliquid instar puncti, diuisionis omnis expers: vel ratione omnino vnus, & veluti synonymè, vt gladius, & ensis. Si illud vnum continuum est: Ergò erit actus, vel potestate plura; quia in infinitum diuidi potest. Si indiuisibile illud vnum est: Ergò è medio tollunt quantitatem, & qualitatem, & consequenter rationem finiti, & infiniti; quod eorum doctrinam protinus euer-

*Primum
argumen-
tum ex me-
taphys. de-
sumptum.*

euertit. Voluit enim Arist. finitum non esse indiuisibile; quia finitum dicitur id, quod finem habet. Indiuisibile verò finem non habet, sed potius est finis.

Demum si omnia ratione vnum esse velint, in Heracliti sententiam incidunt: & sic admittere cogentur, eandem prorsus esse contrariorum rationē, vt boni, & mali; calidi, & frigidi; & sic de reliquis. Imò adhuc eandem esse contradicentium essentiam cogentur admittere: vt non boni, & boni. Quapropter bonum, & non bonum, idem erunt, ac homo, & equus.

Responsio ad Anaxagoram.

A Naxagoræ concedimus ex nihilo naturaliter nihil fieri: Secus tamen esse censendum supernaturaliter: nam author naturæ omnia ex nihilo produxit. Naturaliter verò certum est, res quasuis corporeas non fieri ex nihilo: huiusce modi tamen res antequam sunt, præexistere actu non potuerunt: Quare de nouo producuntur, quia de potentia materia vi efficiētis forma educitur, vel ei annectitur, & compositum inde resultat; unde materia sola rei productæ est quæ præexistit, quia illa sola inter res materiales est ingenerabilis, & incorruptibilis, licet circa ipsam generationes, & corruptiones fiant.

Ad id verò, quod dicebat, omnia fieri ex suis cōtrarijs, facilis est responsio; sunt enim, vt voluit, contraria ex contrarijs. Ergo si de nouo fiant, non præfuerunt antea cum sua integritate, vt voluit Anaxag. Contrarium enim ex contrario fieri, non est vnum fieri aliud; nam frigus nunquam fit calor, sed subiectum, quod fuit frigidum, nunc calētis causæ ope calidum euadit; præexpulso tamen, & præiuncto frigore.

Aristot. lib. 1. Phys. variè Anaxagoram torquet; primò, quòd principia proposuerit infinita numero, specie, & magnitudine. Infinitum enim, vt sic, incognitum est. Quare composita omnia nobis incognita essent, vt quæ ex infinitis diuersæ speciei componerentur.

Denique Anaxagoram arguit, quòd partes infinitas compositorum, nullo limitauerit, aut definiuerit termino magnitudinis, aut paruitatis.

Rursus ipsum Anaxagoram taxat, quòd omnia in re quauis inesse arbitratus esset; hoc enim falsum est. Nam hæc portio aquæ quatuor vnciarum v. g. res finita est. Sed finitum corpus à finito corpore absimitur: id est per secretionem corporum finitorum ab illo corpore finito, illud idem finitum corpus tandem exhaurietur: ita vt nihil eius amplius supersit exhauriendum. Ergò rectè inferitur quod vnumquodque in vnoquoque inesse nequit. In re autem finita, contineri non possunt infinite partes aliquotæ, & aliqualis magnitudinis. Ergo facile exhauritur quantitas illa quatuor vnciarum aquæ, aut vnciæ vna carnis, quoniam in varias secta partes necessariò ita minuitur vt tandem euanescat.

Ad Pythagoricos, Platonem, Leucippum, & Democritum.

Pythagoricorum opinio, meo iudicio responsionem minime meretur. Nam numeri accidentia sunt rebus corporeis siue incorporeis, ex intellectus nostri

noſtri operatione adueniētia. Numerum intelligo numerantem; nam res a parte rei præexiſtentes, quia idoneæ ſunt, quæ numerentur, numerus numeratus appellantur. Cum igitur res ab intellectu noſtro minimè dependant, neceſſariò eas conſequitur numerus; & per conſequens principiorum rationem vindicare non poſſunt numeri; cum res præexiſtere, antequam numerentur, rationi protinus congruum ſit.

Præterea numerus, tamenſi infinitus naturaliter eſſet, oculi formicæ magnitudinem nunquam coagmentaret. Ergò multò minus magnitudinem mundo, mundique partibus debitam.

Eodem modo ad Platonem reſpondendum, ſi verum eſſet, ipſum velle omnia ex ſuperficiebus, lineis, aut figuris, eiſque indiuiſibilibus componi, vt ei tribuere viſus eſt Ariſt. Quamvis Plato in Timæo, quatuor elementa Hipp. imitatus, admiferit: & ei Ariſt. argumentum, præcipuè ex motu deſumptum, ad quaternarium elementorum numerum probandum eripuerit.

Democriti, Leucippi, & Epicuri ſententia eandem patitur cenſuram. Nam atomi, ſuperficies, lineæ, & numerus indiuiſibilia ex ſe, & natura ſua dicuntur, & ſunt. At indiuiſibile indiuiſibili annexum non facit maius. Ergo nec numeri, nec lineæ, & ſuperficies, neque tandem atomi. Magnitudo quidem ſenſibilis corporum naturalium, vt locum circumſcriptiuum occupent, & eorundem penetratio impediatur, vtque in iſdem primarum qualitatum temperies (vel ipſæ primæ qualitates, vbi temperamentum deficit) hinc inde ad actiones edendas dilatetur, neceſſaria eſt. Tandem ſi ex atomis, aut indiuiſibilibus omnia componerentur, nullum priuſus eſſet cōtinuum, ſed omnia eſſent contigua. Nam ita ſe habent indiuiſibilia quæuis, & præcipuè atomi, quæ inter ſe contiguitatem ſolam obſeruare poſſunt.

Galen. exemplum lib. 1. de element. c. 2. & 3. optimè conuincit, corpus noſtrum ex atomis non eſſe concretum. Si quis curem acu tenuiſſima pungat, dolebit animal. Supponamus acus mucronem vnā attingiſſe atomum; hæc atomus impenetrabilis eſt, & ſenſus omnis expers. Ergò ſi atomis conſtaret, animal non doleret: vt enim doleat, pati debet, mediante mutatione aliqua, & ruſus impreſſum ei, vi mutationis, affectum perſentire. Vtriuſq; verò iſtorum atomi ſunt expertes. Ergò ſi acus vnā tantum atomum pupugerit, nequaquam animal dolebit. Idem dicendum, ſi plures atomos contingat acus; nam tunc eas ſolum diuidet, eo modo, quo lapillorum acerrum, vel duos digitos ſeſe contingentes. Plura qui deſiderat; Galen. locis citat; adeat, qui Athenarum arguit, quòd quatuor elementa accidentia, & non ſubſtantias eſſe voluerit.

CAPUT VII.

In quo recentiorum quorundam argutia de igne retunduntur.

Poſt Hippocratem Plaro, Ariſtoteles, Galenus, & plerique Medici, ac Philoſophi horum veſtigijs hærentes quaternarium elementorum numerum, globosam aliquamlibet figuram occupantem, aſtrunt. Taliter,

vt ex h's sublunaris mundus coalescat, veluti omnia corpora, quæ in Elementis versantur.

Non desunt tamen, qui contradicendi studio, inanemque famam aucupandi, perciti, hunc numerum à summis illis Viris constitutum, minuere contendunt. Inter quos non vltimum se exhibet Hieronymus Cardanus libro primo de Subtil. Qui è Lunæ concavo ignis elementum prorsus excludit; in hoc aberrantium quorundam Veterum opinionem è tenebris erigens. Ex illis enim nonnulli solum ignem nostratem, vel eum, qui in subterraneis locis gignitur concedunt. In terræ centro, & mundi medio, ignem constituebant Pythagorici, teste Aristotele lib. 1. de cælo c. 13. Vnde locum præfatū ignis, Iouis custodiam, & totius mundi focum esse statuerunt: vt habet etiam Plutarchus lib. 3. de placitis Pholosophor. cap. 11. Aliqui ex ijs, qui supra aerem ignem denegabant, cælestia corpora ignea esse contendebant.

*Ignis in
mundi me-
dio ex Py-
thagoricis.*

*Prima obie-
ctio.*

Obijcitur ergo primò. Si ignis supra aerem esset constitutus, cum ex sua natura, ratione intensissimi caloris, sit summæ voracitatis, totus mundus sublunaris incendio flagrasset; nam necessariò quæ ei vicina sunt ei in pabulum cederent, & ijs absumptis remotiora, vsque quo terra ipsa, aeris & aquæ more, flageret. Hac enim ratione Arist. lib. 1. meteor. c. 3. vsus est, vt probaret cælestia corpora non esse ignea.

Solutio.

*Planeta
elementa-
ri virtute
pollens.*

Respondetur ignem in Lunæ concavo positum, neutiquam, posse reliqua elementa inferiora absumere. Primò quia est in materia rarissima, quæ raritas agentis vehementiam plurimum obrundit. Secundò, quia si quam habet actiuitatem, eam frangit, & refrenat influxus duorum astorum Saturni, & Lunæ, imò Mercurij. Ex Ptolomæo enim. 1. Quadripart. c. 4. Planetæ siue errantia Sydera quatuor elementorum virtutes (meliori quadam nota, quam eadem elementa) in se cohibent. Vt Sol, & Mars igneam virtutem; Iuppiter aeream; Mercurius aqueam; Saturnus terream. Omnes in confesso habent, Lunam etiam humidam esse. Vnde à Galeno famina, Sol mas, nuncupantur. Hinc est, vt cælestium corporum imperio, sublunarium corporum vehementia, si quæ sit, retundi possit. Sed ad cælestia in hoc casu recurrere vanum est. Nam ignis elementum instat hypocausti se habens, nequaquam eadem vehementia, qua nostras, denso subiecto immersus, agit. Tertio contiguus aer suæ humiditatis vi, eidem igni multò rariori, potenter reluctatur, & obstat. Nam summa humiditas, qua aer pollet, igni vehementer obstat; maximè verò, quòd talis humiditas in densiori corpore versetur, à frigidissimo humidoque corpore, aqua, foueatur, & sua ratione præsertim aquea frigiditate fota, ad renitendum, æquè, ac ignis, etiam densæ materiæ. inexistens, ad agendum, idonea sit. Vt enim calor, & frigus ad agendum, humiditatem, & siccitatem exuperant, sic siccitas, & humiditas ad renitendum illis præcellit; minus quidem calor, & frigus obstant, quam siccitas, & humiditas, sicuti hæc ambæ illis remissius agunt; ita vt respectu illarum qualitarum, vt pote vehementer agentium, passivæ dicantur.

*Ad autho-
ritatem
Arist.*

Ad Aristotelem facilis est responsio. Vero congruum est, quod corpora cælestia, si ignea essent, ratione suæ densitatis, & excessu molis, elementarem mundum iampridem absumpsissent; Secus verò ignis, vt pote materiam habens raram, & molem perexiguam respectu cælestium corporum. Astra verò siue errantia siue fixa, compacta sunt, & solida, & in magno numero; atque adeò vehementissimum ex se effunderent in Sublunarem mundum ardorem. Terra sanè respectu cæli, puncti instar se habet, quod euidenter patet, eò quòd ipsa astra cælis fixa, errantiaque ex parte, terræ, magnitudinem multo-

multoties exorbeant. Nam quævis stella primæ magnitudinis terræ magnitudinem continet centies, septies, & amplius. Quælibet stella secundæ magnitudinis, nonagesies, & amplius. Quælibet stella magnitudinis tertiæ, septuagesies, & bis, & amplius. Quævis quartæ magnitudinis quater, & quinquagesies, & amplius. Quælibet quintæ magnitudinis, trigiesies sexies, & amplius. Quælibet sextæ magnitudinis, decies, & octies, & aliquid amplius. Inter errantes stellas, Saturnus terræ magnitudinem continet nonagesies, & semel, & aliquid amplius. Iuppiter nonagesies, quinquies, & aliquid amplius. Mars terræ magnitudinem semel continet, & præterea aliquid amplius. Sol verò terræ magnitudinem continet centies, sexagesies sexies, & aliquid amplius. Terra veruntamen Veneris magnitudinem continet ter, & septuagesies, & aliquid amplius. Mercurij verò magnitudinem ducenties decies, & nouies, & amplius. Lunæ verò magnitudinem continet terræ trigiesies nouies, & amplius. Verùm si fixæ omnes stellæ, quæ innumera sunt (licet maioris notæ stellæ ad numerum millenarium, & viginti duo reducerint aliqui, veluti tempore Plinij ad numerum 1600. vt ipse testatur lib. 2. naturalis hist. c. 41.) asserente id Aristot. lib. 2. de cælo tex. 61. & lib. 1. meteor. c. 8. & Sacra pagina Genes. c. 15. & 22. & Dno August. lib. 16. de ciuitate Dei c. 23. & erratice stellæ simul igneæ essent, iam pridem mundus inferior circumambitus vndique cælo, fuisset consumptus.

Stellarum magnitudo in ordine ad terram.

Obijcitur secundo, posito quod elementum ignis reliquis superemineret, iam diu defectu pabuli marcesceret, & tandem intercidisset.

Secunda obiectio.

Responderetur ignem in sua sphaera pabulo non egere; nam ibi extensus ab ambientium iniurijs non ita infestatur vt ignis nostras, qui in pabulo perpetuo foveatur, à varijs iniurijs rerum ambientium facile extinguatur. Ignis quidem elementaris, sibi ipsi vndique vnitus, melius se tueretur, quam nostras. A cælestibus quidem corporibus non multum afficitur, & aerem contiguum, ratione caloris amicum habet. Cælestia etiam ille corpora corruptionis, & primarum qualitatuum expertia, nequaquam afficit: aeris tamen portionem aliquam aliquoties in se conuertit, in aeremque vicissim, maximè vero hyeme, illius portio degenerat.

Solutio.

Tertiò, Hippocr. lib. de flatibus, veluti Arist. lib. 1. meteor. c. 3. nobis opponunt; quia ille totum spatium inter cælum & terram interpositum, aere repleti contendit: hic verò eandem commemorat sententiam, & vltèrius de elementis hæc dicit. In medio igitur & circa medium est grauissimum, & frigidissimum segregatum, terra, & aqua. Circa hæc autem, & attigua his, & aer, & quod propter consuetudinem vocamus ignem; non est autem ignis. Excessus enim calidi, & veluti feruor est ignis, vt loquitur Aristot.

Tertiæ obiectio.

Responderetur Hippocr. nomine, πνεύματος, id est, spiritus, aerem simul & ignem fuisse complexum. Nam, quæ potuit, dicendi breuitate de rebus pleurisque locutus est: nec ignem ille denegauit, cum ipsum, vt quartum elementum admittit. Aristoteles pariter cap. cit. ante & post citata verba, quatuor admittit elementa, quorum duo superiora, ignem, & aerem, circulariter ad cali motum moueri asserit. Ob quam causam nubes in aere non concrefcere dicit. Omnia enim quatuor elementa, sphaerica figura gaudere inquit. In principio etiam cap. cit. Dicimus itaq; ignem, & aerem, & aquam, & terram fieri ex se inuicem. Hæc omnia, & quæ alibi dixit, satis indicant, ipsum, ignis elementum in nixtis admittere, & in supremo mundi subluanis loco, quatenus vnâ cum cæteris elementis eundem subluanis mundum componit. Rectè tamen inquit, illud ignis elementum, non propriè voca-

Solutio:

*πῦρ vox
barbara.*

ri, πῦρ quia hoc nomine significatur caloris excessus, & veluti ferox: cuiusmodi est ignis nostras, qui ob materiae densitatem, acerrimè vrit. Ideoque respectu elementaris (ad quem, aerem penetrando, noxter ignis acuta, & pyramidalis figura instructus, tanquam ad propriam sedem, refertur) valdidissimus, vehementissimusque inter cuncta agentia naturalia manifestè censeatur. Illud ergò nomen πῦρ, ob dictam aëritatem, quam significat; huic propriè, elementari impropiè adaptatum fuit. Est enim πῦρ, teste Platone in Cratilo, vocabulum planè barbarum, & non græcum. Consueuimus ergo hoc idem vocabulum ad quatuor elementum extendere; ad quod quatuor elementum, ait Aristoteles ignem se habere, vt glacies ad aquam. Ex quibus adhuc, verbis res manifestior euadit; nam vt glaciei nomine concretam aquam, & vehementer frigidam intellexit, sic propriè nomine ignis nostratem vehementer aërium, & crassum.

Certum quidem est, elementarem ignem non vrere. Mèmini quidem Plinij, qui refert in cuiusdam montis præexcelsi apice per totum annum cinerem integrum, etiam sigillo obsignatum, tandem, quam in principio, obseruare integritatem: quia montis præfati cacumen, ignea regione circumambitur. Cuius rei indicium, quod eò conscendentes spongiam aqua frigida madefactam in ore, vel circa os gestent, vt detecta aeris aqueus vapor igne temperatus inspiretur. Nam sine aere, vel re aliqua aeris vicem gerente, homo viuere non posset. Corpora tamen ascendentiū in montis cacumen à sphaera ignis minime adurebantur.

Solutio.

Non est quod S. crao. paginam nobis obijciant; fatemur enim Moysen terram solum, & aquam, tanquam sensibilia corpora, rudi populo obrudere. Non proinde tamen inferendum, alia duo elementa ab eo fuisse omisâ, vt inter plurimos affirmat D. Damascenus lib. 2. Fidei Orthodoxæ cap. 5. S. Basiliius Homilia 2. de mundi opificio.

*Ignis animæ
instar.*

Vt litem procul abijciam, circa mente ignem ab elementorum numero secludunt, si ipsa euidentia contrarium suadet. Quis obsecro mente præclusus, calorem in mundo sublunari non admitterit? Quis denique non videt omnem ignem ab aëris natura discrepare, & sursum suoapte ingenio trans aëra penetrare? Quis ergo tam obtusi erit ingenij, vt è suprema sublunaris mundi sede ignis elementum exterminet? Præcipuè cum eius actiuitas, cuncta pullulent, amplificentur, & veluti Lydio lapide examinentur. Est enim ratione suæ actiuitatis & penetrationis, ad alia quævis corporea collatus, animæ instar. Vnde Arist. vitam definitens, eam animæ cum calore mansionem appellat. Ergò cum calor præcipuè ad vitam concurrat, & frigus ex Aristotele naturæ opus non ingrediatur, Si frigida elementa terra, & aqua, admittantur, admittenda necessariò opposita calida, ignis, & aer in eminentioribus mundi sublunaris partibus. Calida enim, & tenuia ex natura sua leuia sunt. Ergo positis in mundi medio elementis grauioribus, aduersa in superioribus reponi debent: prout placuit Arist. multis in locis, & præcipuè lib. 1. Meteor. c. 2. vbi de calo, & quatuor elementis mundum componentibus hæc habet: Quoniam enim determinatum est prius à nobis, vnum quidem principium corporum, ex quibus constat circulariter factorum corporum natura. Alia autem quatuor corpora propter quatuor principia, quoru duplicem esse dicimus motum, hunc quidem à medio, illum autem ad medium: quatuor autem existentibus his, igne, & aere, & aqua, & terra, omnibus quidem his supereminens esse ignem, substantiam autem terram: duo autem, quæ ad ipsa his proportionaliter se habent: aer enim igni est propinquior

quior, quam alia; aqua autem terra. Qui itaque circa terram est totus mundus, ex his constat corporibus, de quo accidentes passionibus dicimus esse sumendum. Est autem ex necessitate continuus quodammodo iste superioribus rationibus, ut omnis ipsius virtus inde gubernetur. Vnde enim morus principium omnibus inest; illam causam putandam primam. Hactenus ille per se clarus.

CAPUT VIII.

In quo Obiectiones de Aere potissimum diluuntur.

Arist. lib. 7. de gener. c. 2. & lib. 4. meteor. c. 1. ac alibi cuilibet elementis duas tribuit primas qualitates. Terra, inquit, sicci magis quam frigidi particeps est: aqua frigidi magis, quam humidi: aer humidi magis, quam calidi: ignis calidi magis, quam sicci. Ex hac Arist. doctrina duo inferri possunt. Primum, duas qualitates primas singulis elementis convenire: Secundum, unam harum qualitatuum per se in summo gradu elemento convenire, alteram verò in remissiori gradu, sine alterius mixtione.

Primum per se planum est: nam elementa propter duo in mundo posita sunt: Primum, ut mundum integrent; Secundò, ut ex ipsis mixta coalescant; ut mundi integritas servetur, elementa sibi coherere debent. Hæc ad hæc non nisi cognatione quadam intercedente perseverantiam possidet; cognatio illa, per ea, quæ alterationem facere possunt, primas qualitates activas maxime fieri debet: cum hæc precipuè alterationem pariant. Hinc est ut ab Authore naturæ elementa rectè disposita sint: cum ratione frigiditatis aqua cum terra societatem obseruet, ratione humiditatis cum aere: aer ratione caloris, cum ignis elemento: & ignis tandem, licet in supremo loco positus, ratione siccitatis cum terra ei opposita, & ratione caloris cum aere. Si huiusmodi societatis vinculum elementis institutum non esset, vix sese in unum compaterentur. Alia autem qualitate a se vicissim distinguuntur, alioquin omnia essent unius naturæ, & unicum elementum, ut quibusdam antiquis placuit.

*Propter
duo elemē
ta creatura
sunt.*

*Elementorū
societas, at-
que assi-
mum ne-
cessaria.*

Sed quoniam elementa in se inuicem conuertuntur, & ex ipsis perfectiora corpora mixta efficiuntur, necessariò duas ipsis inesse primas qualitates consentaneum fuit. Ut in se inuicem agant, debent esse contraria. Sed ut unum elementum, facilius in suum symbolum conuertatur, necessariò debet habere qualitatem cognatam; aer idèd facilius in ignem, quam in terram, cui per duas qualitates aduersatur, conuertitur; veluti aqua in terram aut aerem, quam in ignem, cui etiam duplici qualitate contrariatur. Ut deniq; ex elementorum mutua actione & reactione mixtum resultet, omnimoda contrarietas adesse non debet. Alioquin difficulter, & rarò contingeret generatio mixti: nam si contrarium aliud conuinceret, simplex fieret generatio, & non mixtum, aut mixti generatio. Quare ad mixti generationem, præter contrarias qualitates, cognatæ etiam necessariò intercedere debent. Ac proinde quodlibet elementum binas qualitates primas, præter gravita-

tem, leuitatemue, ancillas, habebit. Grauitas enim, aut leuitas ad generationem necessaria est; quia latio, siue localis notus, qui ab his manat, ad generationem necessarius est; vt habet Arist. lib. 2. de generat. c. 10. Latio enim, inquit, faciet generationem incessanter, quia adducit, & abducit generatium.

Vnūquodque elementum habet vnā qualitatem in summo alteram in remisso.

Quod vna prædictarum qualitatum in summo gradu insit elemento, non est dubium: Nam qualitates primæ in sua perfectione, & superlatiuo gradu alicubi esse debent: Non alibi, quàm in elementis. Ergo in his necessariò, si suam obtineant puritatem, reperiri debent.

Quod denique vna primarum qualitatum sit altera in quolibet elemento remissior, patet ex Arist. superius citato, qui ait, terram esse magis siccam, quàm frigidam, & ita de reliquis. Rursus si ambæ qualitates essent in summo gradu, in quolibet elemento, nulla qualitas esset peculiaris vlli elemento; quod enim commune est rebus specie distinctis, nequit esse proprium. & sic humiditas non magis aquæ, quàm aeris, nec huic, quàm aquæ competeret. Idem de alijs dicendum.

In quouis elemento duarum primarum qualitates reperiuntur.

Quod tandem illa qualitas remissa elemento insit, sine contraria complemente totā latitudinem octo graduum, etiam ex Arist. patet; qui, vt ex dictis constat, duas tantum qualitates cuilibet elemento tribuit: Contrarias etiam coniugationes frigidi & calidi, humidi & sicci, è medio tanquam impossibiles sustulit. Lib. autem 2. de gener. & corr. c. 4. loquendo de generatione elementorum ex se inuicem, asserit, vnum elementum ex suo symbolo, quàm dissymboło facilius generari; quia facilius est, vnā solam qualitatem, quàm duas vincere: aer v. g. vt in ignem conuertatur, sufficit tantum, vt aeris humiditas aboleatur; vt autem in aquam mutetur, eius calorem aboleri sufficit: vt ignis in terram, caliditas sola adimitur. At verò in aquæ in ignem conuersione, ambæ qualitates, frigiditas, & humiditas substantiæ aquæ eripi debent; priusquam igneam dispositionem suscipiat. Si verò in tali conflictu, ignis simul, & aqua corrumpereutur, inde aer, & terra nascerentur, sicuti vice versa ex aeris, & terræ, in se inuicem agentium corruptione, ignis & aqua generarentur, si casu contingat talem fieri conflictum inter elementa dissymboła: non vult tunc duo alia elementa simul inde nasci; sed vnum, vel alterum: v. g. si terra, & aer in sese agant, & vnum in aliud non conuertatur, sed alterutrum corrumpatur, inde aqua, vel ignis resultabit. Nam superstitit siccitate terræ, & aeris calore, ignis fiet; vel permanente aeris humiditate, & terræ frigiditate, aqua exinde nascetur. Textum Arist. quisq; clarum reperiet.

Concludendum ergò, in aere v. g. non reperiri duos gradus frigiditatis, vt ex his, & sex gradibus caloris, octo graduum plenitudo vnā cum alijs octo gradibus humiditatis emergat.

His sic præhabitis multi multa, de aere præcipuè, mouent.

Obiectio. 1.

Obijcit ergo primò Vallisius lib. 1. Controuers. c. 3. aerem habere sibi cõgenitam vnā solam qualitatem, humiditatem videlicet, calorem verò, & frigiditatem in æquali gradu. Galenum. pro se citat, lib. 8. de vsu part. c. 3. & lib. de vsu respir. & lib. quod animi mores; licet ipse testetur, Galen. nihil certi hac de re decreuisse, sed visum fuisse media incedere via inter Peripatericos, & Stoicos; quorum hi frigidum esse aerem contendebant, illi verò calidum. Vallesius ergò in calore, & frigiditate aerem tacit temperatum; sic ille argumentatur: Quod facile est ad alterutrum extremorum transmutabile, illud vniuique est expers; nam quod contra altero est sua natura affectum,

sectum, difficile ad aliud, quod est illi contrarium, trahitur. Proinde symmetra corpora sunt ad contrarias irutationes aptiora, ut docet Aristot. Sect. 5. Problem. 22. Propterea quoque oculos sine coloribus oportuit esse, & instrumentum tactus temperatissimum. Sed aer facillimè, ex leui etiam causa, de calido frigidus fit, & de frigido calidus; & ex mediocribus occasionibus, nunc calidissimus est, nunc; frigidissimus, ut in media hyeme vix possimus frigus perpeti; & in media æstate calorem; & in autumno alternis horis, modò calidus, modò frigidus manifestè esse sentiatur. Est ergò proculdubio natura sua, neque calidum, neque frigidum, quod tam facile calorem induit, & frigus.

Secundò omnia medicamenta aerea natura censentur à Galeno, & tota medicorum Schola temperamento æqualia: vsque adeo ut in officinis non tam sint medicamenta, quam materia, confingendis medicamentis apta, liquidis oleum, solidioribus cera. Ergo iam non solum Galeni hæc est opinio: sed quæ & Philosophicis rationibus, & operibus medicis cõfirmatur. Hactenus Vallesius.

Secunda obiectio.

Sed meo iudicio multis nominibus arguendus est. Et in primis quod asserit Philosophicis rationibus se suam roborare sententiam, cum in hoc maximè à Philosophia deflectat; ut ex Aristot. & omnium pene doctrina à nobis superius commemorata, cui Vallesius aduersatur, constat. Rursus maior primi argumenti est falsa, generaliter loquendo. Hippocr. enim lib. 6. Epidem. & Galen. tanquam certam, & indubitatam doctrinam promulgant, aquam illam esse leuem, & optimam, quæ facile frigescit, & calefit, quæque nullum peculiarem sorem contrahit (quam ideo dulcem communiter vulgus appellat, etsi insipida sit, & omnis saporis expers). Sed quis ideo tam hebetis ingenij asserere audeat, aquam esse sine natua frigiditate, sed frigiditatis expertem, vel in calore, & frigiditate temperatam? Nemo tanè præter insipidum, & in Philosophia leuiter educatum. Nam omnes quotquot sunt Philosophi, & Medici, aquam frigidam esse concludunt; imò verò mixtum quoduis insipidi saporis particeps, frigidum dicitur, & est; quòd in eo aquæ elementum cæteris præcellat. Iuxta tamen Vallesij argumentum, aqua esset temperata, vel caloris, & frigoris expers; quia facile nunc ad frigus, nunc ad calorem ei oppositum, tanquam ad aliud extremum, mutatur; imò folia papaueris, & lactucæ, quæ in quarto gradu à Medicis frigida censentur, essent temperata respectu ligni quercini, vel et abietini; quia promptius calefierent, & refrigerarentur, ob iuuuenitatem, quàm crassa ligna, etiam natura sua calida. Imò verò guttula aquæ citius in ignem conuerteretur (posito etiam quòd huiusmodi gutta esset pura, & sincera aqua, & consequenter in octauo gradu frigida) quàm prædicta ligna; quia ob sui tenuitatem facile vndique ab igne comprehenditur, illustratur, penetratur, & peritaditur. Ergò per se Vallesij argumentum vtpotè omni bonæ Philosophiæ aduersum, ruit. Fateor quidem, Galen. de temperatis temperamentis ad pòdus ita loqui uti Vallesius retulit: Sed temperaturum, mixtorumque ad vnguem corporum, facilem ad extrema prolapsam respectu intemperatorum, ad simplicia corpora transferre, est ab omni ratione alienum: cum elementa ob sui tenuitatem, vel paucitatem, facile ab alijs alterentur: temperata autem corpora, propterea quòd secundum nullam qualitatem primam, quâ omnem nimis remissam, & veluti de mortuam habent, multum obstant.

Solutio.

Secundum Vallesij argumentum etiamnum præ imbecillitate sponte ruit; Ait enim Galenum, & totam Scholam medicam velle aerea Medicamen-

Solutio.

ta esse æqualiter temperata. Dupliciter sanè in hoc peccat. Primò, quod mixtum perfectum simplici elemento conferat: nam posito quod aerea remedia essent temperata æqualiter, non proinde aer elementum, & simplex corpus esset temperatum; cum temperamentum soli mixto competat. Secundò, Galeno audacter imponit, qui nusquam talem habuit sententiam. Quæ enim calida sunt, & humida, aerea dicuntur, & à quibusdam temperata; Et si alibi visus est Galen. hoc asseruisse, id non dixit, quasi veller aeræ composita esse æqualiter temperata, sed respectu nostri, & secundum opinionem quorundam antiquorum; respectu nostri, qui cum calidi simus & humidi, calidis & humidis maximè fouemur, & ad nativam temperiem sæpenumero reducimur. Nam vna cum hoc temperamento, vita maximè permanet. Secundum opinionem deniquè quorundam antiquorum, vt lib. i. de temperamento. Galen. refert, temperamentum calidum & humidum, æquale ad pondus dicebatur. Quorum tamen opinionem Galen. iure refellit: eo enim ipso quod mixtum aliquod aerum, siue calidum, & humidum dicatur, æqualiter temperatum esse nequit. Nec mirum cum aereum sit, & nominetur; quoniam in eo aer reliqua tria elementa in commixtione excedit, ratione virtutis: nam quoad substantiæ molem, omnia penè mixta, plus terræ, quàm alterius elementi, continent; quòd ex hac, & aqua corpora potissimum fingantur.

Aer ergò, licet ob Solis absentiam frigeat, non proinde ex sua natura calore destitutus est: nec etiam, quia aer vi stabelli ductus, semoto eo, qui nos ambiuit, & nostra expiratione calefactus fuit, nos refrigerat. Aer enim calidus est, vt ex ipsius leuitate, & raritate colligere licet; quia tamen hæc qualitas (calor videlicet,) est illa, quæ se habet consequenter; vt loquitur Aristot. ad humiditatem, quæ est veluti intima eius proprietas; non est mirum, si facilius in aere vincatur, quàm humiditas. Ergo quia minus calidus est aer, quàm humidus, & quia tenuis, & rarus, facile alienas ambientium elementorum impressiones suscipit. Habet enim à parte inferiori aquam, & terram, vnum conficientes globum, quas vndique circumambit. Sed hæc ambo elementa frigida sunt. Quare cum aeri semper aliquid horum sit commixtum, cumque ipsdem temper contiguus sit, non mirum, si horum impressiones faciliè suscipiat. Suscipit rursus faciliè calorem, cum in se calidus sit, & rarus; & quia ab igne ambitur, & igneas exhalationes habet commixtas, & ei calor ex radiorum Solis in terra refractione, faciliè communicatur: quòd hæc refractione in ipso met magis quàm in terra fiat, licet in terra superficie.

Alia etiam accedit causa, cur aer, quàm reliqua elementa, facilius mutetur: quòd videlicet in magnitudine reliquis elementis longè impar sit. Minorem porro molem habet, quàm ignis, & inferiora duo elementa, Elementorum magnitudinem explorare perdifficile iudicat Aristot. Mathematicis tamen coniecturis, ignis profunditas, siue Diameter sic habet: 120578. id est centum viginti millia; quingenta, septuaginta octo milliaria, enumerando nimirum spacium quod intercedit inter summam altitudinem exhalationum, & Lunæ concanum.

Ignis diameter.

Profunditas siue diameter aeris.

Profunditas siue Diameter aeris quinquaginta tantum, & duo milliaria continet, inchoando nimirum à facie terræ ad terminum ascensus exhalationum, id est, ad sublimiorem locum ad quem feruntur exhalationes, ex quibus præsertim Cometa generantur. Exitumant Mathematici, ascensus exhalationum, & Cometarum esse superiorem aeris terminum; quia si altior aut profundior,

Qui de missa bolide, Oceani altitudinem siue profunditatē explorauerunt, *Aque dia-*
eam duo aut tria milliaria non excedere comperti sunt. Loca quædam exci-
met.

Aque dia
meter.

*Terra pro
funditas:*

*Terra amb
bitus.*

Obijcitur denuò, aquam esse aere humidiorē. Nam aqua, quàm aer magis humectat; & aer ea, quæ ei exponuntur, etiā humida exiccat. Quod confirmare visus est Aristot. lib. 2. de generat. tex. 49. Aqua autem, inquit, inest mixtis corporibus, quia indigent terminari, solam autem esse simplicium facile terminabilem: Lib. etiā 4. meteor. c. 4. ait, aquam esse maxime propriè humidam, terram verò siccam. Galen. eandem visus est habere sen-

re sententiam libro 4. de simplic. medicament. facultatib. cap. 8. & alibi.

Solutio.

Sed faciliè ad hæc responderetur aquam à dictis Authoribus humidiorẽ aere dici, ratione maioris humectationis, quæ ab ea dimanat; non quia intensius humida sit, sed quia multò aere densior. Vnde ob hanc densitatem potenter humectat, & faciliùs terminatur sicco commixta quàm aer, qui difficiliùs proprio termino terminatur, & consequenter humidior: talis .n. est humidi definitio, si addas, quod alieno terminò faciliè terminetur. Densitas iuncta humiditati aquæ, efficit, vt faciliè in mixto terminetur aqua, & humectet vbique potenter: Densitate verò sua, ad terram accedit: vnde faciliùs cogitur.

Aer verò aliquando exiccat res humidas ei expositas, ratione caloris poros explicantis, & sinentis humiditatem præclusam fluere; eodem penè modo quo balnea calida corpora exiccant; non quod aqua etiam calida, exiccandi vim habeat, cùm contrariæ sit virtutis; sed quia poros vniuersæ cutis aperit, per quos apertos, humor interius fusus, & attenuatus in ambientẽ aera faciliè diffluit, & euaporatur. Potest etiã aer aliquando exiccare vi maioris caloris, quem à Sole, vel igne suscipit, vel ratione exhalationum ei commixtarum, quæ quidem exhalationes igneæ naturæ, saltem potentia, esse dicuntur. Dicitur verò aliquando aer ab aqua humectari, quia ex statu sicco, ad quem ab alijs agentibus reductus fuit, in humidum, & naturalem gliscit: imò, quia tunc densior factus ab aqua, nos plus madefacit, & ideo humidior censetur.

C A P V T IX.

De Generatione mixti.

*Quatuor
conditiones
ad genera-
tionem re-
quisita.
Prima.*

DE Generatione mixti deinceps dicemus; si prius cum Aristotele lib. 1. de gener. cap. 6. 7. 8. & 9. præsupposuerimus ea quæ ad mixti generationem necessariò præquiri debent. In omni quidem generatione quatuor conditiones inter agens, & passum sunt requisitæ. Prima est vt agens in quantum tale, sit actu, & passum in potentia, v. g. ignis agit in quantum est calidus, & existens talis; lignum verò veluti passum est in potentia, & idoneum, vt ab igne patiatur; quia ignis actum, calorem nimirum, in se recipere potest. Posuit disertè hanc conditionem Arist. c. 9. postquam ca. 7. de agere, & pati, siue de agente, & passio sufficenter loquutus est. Supponit enim c. 6. vt ex elementis mixtum fiat, actionem & passionem, vel agens, & passum necessariò concedenda, sicuti tactum eorundem, & mixtionem. Septimò verò cap. probat agens, & passum debere esse inter se similia & dissimilia: Similia, secundum commune subiectum, id est materiam, & genericam rationem; id est debent sub eodem genere collocari: Dissimilia, verò, quia quæ similia sunt, in seinuicem non agunt: nam non est potior ratio, cur vnum ageret in alterum, quam alterum in alterum, aut cur vnum quam alterum pateretur. Cùm ergò in nullo discrepent, sed in omni re concordia, in se non agunt; alioquin vnumquodque in se ageret; cùm nihil adeò simile sit alteri, quam idem sibi ipsi. Et sic cali eiusdem rationis cùm sint, in se semper agerent; quod est absurdum. Dissimilitudo ergò inter specifica secundum formas, easque contrarias, est necessaria; sed non tanta, quanta est inter res diuersorum generum; cuiusmodi sunt calor, & quantitas: que

cum

cùm diuersi sint generis, sunt nimis dissimilia; atque adeo proportionem debitam ad agendum, & patiendum non habent. Vt ergo agens in passum ad sibi simile producendum, agat, necessum est, vt idem agens, & passum sint sibi affinia, & in subiecto communi, siue materia, & in genere: dissimilia verò secundum specificas formas.

Eodem cap. 7. ait agens à passò repati, si loquamur de immediatis agentibus in passum, id est de sublunaribus, quæ habent formam in eadem communi materia. Cæli verò habentes suas formas in materia penè diuersa à materia passì sublunaris, ab eodem sublunari passò non repatiuntur. Agens ergò quod est efficiens causa (efficiens autem est id, vnde est principium motus) dum in passum agit, passum viceuersa in idem agens, agit.

Secunda conditio inter agens, & passum est contactus vtriusque, id est, vt se tangant agens, & passum tempore productionis. Contactus tripliciter dicitur ex Arist. c. 6. citato. Primò quando duæ magnitudines diuersæ, diuersumque situm habentes, secundum sua extrema sunt simul: & hic contactus mathematicus, ratione magnitudinum dici potest; quia duæ quantitates, inter quas nullum corpus quantum, aut quantitas interponitur, sese secundum extrema tangunt, etiam si huiusmodi quantitates ab omni substantia segregarentur. Secundò duo aliqua se tangere dicuntur, quando propria loca obseruantia sese contingunt, & mutuam agendi, patiendique vim habent; cuiusmodi sunt corpora Physica, aqua v.g. & ær, vel terra, & aer, & quæ terrea sunt, & in terris degunt, & aerea, & in aere. Tertio contactus latè sumitur, & improprie, prout cuius mouenti aliud à se, conuenit: Quod vt percipiatur, duo notanda sunt. Primum, vt inter mouentia quædam ita moueant, vt non moueantur, veluti Intelligentiæ, quæ cælos mouent, & tamen ipsæ non mouentur: alia verò mouent, & mouentur, vt primum Mobile, quod à sua Intelligentia mouetur, cùm tamen ipsum moueat inferiores cælos: Ita pariter se habent agentia respectu passì: Nam quædam horum ita agunt, vt à passò simul repatiantur, dum agunt, vt ignis v. g. dū in aquam agit ab eadem aqua repatitur in eodem tempore quo in ipsam agit. Secundum quod notat Aristot. est, mouens, & agens se habere tanquam superius, & inferius. Nam omne agens mouere dicitur, non tamen viceuersa, omne mouens agit. Vt enim proprie pati dicitur id omne, quod ad corruptionem disponitur, ita, & agens, proprie loquendo, dicitur id, quod passum ad corruptionem disponit. Et in hoc sensu alterans dicitur agens ab Aristot. capit. 6. lib. 1. de generat. quia alterando, & repatiendo in se inuicem agunt elementa, vt ex ipsis efficiatur mixtum.

His ita præsuppositis, ait Arist. tertiam illam contactus acceptionem esse communissimam; atq; adeo impropriam. Nam in hoc sensu omne mouens dicitur tangere id, quod ab eo mouetur, etiam si improprie res ab eo moueatur; quo in sensu qui dolore nos afficit, dicitur nos tangere, licet nos ipsum non tangamus; cæli dicuntur inferiora tangere, dum ea mouent, licet eadem inferiora cælos non contingant. Hic ergo contactus non est reciprocus, sicuti Mathematicus & Physicus, id est, mouens & motum non se vicissim contingunt, sicuti duæ magnitudines, vel duo corpora. Quando igitur Arist. lib. 1. de generat. c. 9. inquit, agens, & passum debere se tangere, loquitur tum de Physico, tum de improprio tactu, quod manifestè innuit, dum ait proximè, vel remotè. Agens enim proximum, siue vltimum dicitur illud, quod immediate tangit passum: vt Sol v. g. mediante aere in aquam, vel terram agit, sed remotè; vnde primum agens dicitur Sol; aer verò sit vltimum, & immediatum

*Secunda
conditio.
Contactus
triplex.*

ac proximum, quod ei Sol suam communicet virtutem; Sol dicitur tangere aquam vel terram contactu virtutis; quia in aerem, lucem, aliasq; suas virtutes diffundit; aer verò his imbutus, aquam & terrā formali contactu attingit.

Tertia cōditio.

Tertia inter agens, & passum requisita conditio est, vt non sint inter se continua. Continuitas intelligenda est formalis & non materialis: nam in continuitate materiali & quantitatiua benè potest fieri actio & passio, ita vt vna pars agat, altera patiatur: vt dum frigida pars in calidam agit, & pars calida in frigidam; vt fit in dies in corporibus nostris, dum pars calore affecta, vicinam calefacit partem. Continuitas ergo, de qua loquitur Arist. est formalis; id est, si omnes partes eandem habeant formā, & accidentia qualitatiua æquè intensa, continuum non potest habere rationem agentis & passi. Ignis v. g. æquè calidus in suo subiecto, aqua æquè frigida, ferrum æqualiter calidum; in quibus non est reperibilis vna pars habens rationem agentis, altera rationem passi, cum sint homogenea, & eiusdem formę substantialis, & accidentialis æqualiter intensæ.

Quarta cōditio.

Quarta tandem conditio ad mutuam actionem & passionem agētis & passi est, vt agens & passum sint in debita distantia; id est, vt passum sit intra sphæram actiuitatis agentis. Nam agens omne creatum, finitum est, & consequenter finita ac limitata virtutis. Ergò non debent inter se nimium distare, sed coherere secundum debitam distantiam; quoniam agēs limitata virtutis non potens se ad quāmcunque distantiam naturaliter extendere, nullo modo in passum nimis remotum agit.

Miscibile quid.

Cum hætenus dicta in gratiam mixtionis proposita sint; Nunc sciendum quid miscibile; quid mixtio (quæ generationis species est) quidque mixtum? Miscibile ex Arist. lib. 1. de generat. c. 10. est, quando facile terminabile existens passiuum fuerit, & actiuum; & tale miscibile, seu miscibilia sunt agentia illa, quæ ratione contrarietatis, quam inter se habent, mediante mutua actione & reactione, passione & repassione, inter se misceri possunt. Miscibile enim nomen æquiuocum est, referente Arist. Nam multa misceri dicuntur, cum tamen ex ipsis vera mixtio fieri nequeat: v. g. accidentia, & substantiæ miscibilia dicuntur, mixtionem tamen non faciunt; sicuti nec accidentia inter se, nec etiam substantiæ quedam, quæ in alias conuertuntur. vnde nutrimentum non dicitur misceri corpori, quia potius conuertitur in corporis substantiam, veluti lignum in ignem. Ex his enim non fit mixtio, sed conuersio; quia vnum corrumpitur, vt in aliud conuertatur. Accidentia nec cum substantia, nec inter se miscentur; ideoque non nisi improprie miscibilia dicuntur; vt cera, & ceræ figura miscibilia non sunt, sicuti nec corpus, & albedo, aut nigredo; nec albedo & scientia, nec vlla alia quæ inseparabilia sunt. Simul quidem esse possunt, sed proprie non miscentur. Nam saluata videntur, id est, integra apparent, & sunt; & cum sint accidentia à subiectis inseparabilia, mixtum efficere protinus nequeunt. Non enim omne omni miscibile, inquit Arist. sed vnumquodque mixtorum ab altero separabile est. Quare cum passionēs, siue accidentia inseparabilia sint à subiectis, nec inter se, nec vnaquæuis suis iisdem subiectis mixtum faciunt; & consequenter non nisi improprie miscibilia dicuntur: Nam miscibilia, antequam in mixtione coeant, debent esse separata, & rursus in mixtu interitu ab inuicem separari; vt ex eodem Arist. c. 10. cit. colligitur. Et hæc de miscibili improprio.

Miscibile proprium.

Miscibilia propria dicuntur agentia illa, quæ inter se contraria sunt, & ab inuicem passiuā, vt loquitur Arist. Atque adeò hæc sola verum mixtum effici-

efficere possunt. Et huiusmodi sunt quattuor elementa vulgò dicta; ex quibus in se mutuo agentibus, mixtum euenit. Quemadmodum etiam ex alijs contrarijs suam contrarietatem ab elementis deriuantibus. Prima ergo conditio miscibilium est, vt vnumquodque cum contrarietate in aliud agat, & mutuo repatiatur ab alio. Secunda miscibilium conditio est, vt miscibilia comminui, diuidiq; possint, vt sese peruadant, & faciliùs à se mutuo agendo & patiendi frangantur. Quæ igitur durissima sunt, & magna, tametsi contraria, vix aut nunquam commiscantur. Ideò ait Arist. Et parua quoque secus parua posita, miscantur magis; faciliùs enim inuicem permittuntur, & citiùs. Multum autem & à multo tardiùs hoc operatur. Concludit ideò ea faciliè misceri, quæ facile terminantur alieno termino; qualia sunt humida quæuis (præter viscosa, vt mel, oleum, adeps, & similia) quia hæc faciliè in parua diuiduntur, & sese peruadunt. Miscibilia ergo debent esse passibilia, & faciliè terminabilia, & faciliè diuisibilia.

*Miscibilium
conditiones.*

Sic definito miscibili, ad mixtionem accedendum; quæ ex Arist. c. 10. cit. est miscibilium alteratorum vnio, id est, actio, qua elementa aliaque consimilia alterata, in facto esse, non in fieri, & transmutata, substantiali nexu inter se copulantur, vt in mixti, ex his, corporis idoneam materiam, numero vnica cedant: quam tandem temperatam forma mixti ex eadem educta (animam rationalem excipe) informat. Tria quidem illa definitionis verba, tres mixtionis condiciones inuoluunt. Miscibilium, denotat miscibilia debere localiter coniungi, interfecari, & peruadi à se, verè quidem antea segregata; & vt denuò ex his resulter mixtum, localiter ad inuicem commouentur, & cœunt, & vnumquodque aliud interfecat, & pars vnus secus alterius partem ponitur, vt & actiuitate vniuscuiusq; in alterum sibi aduersum agentis. Secunda definitionis particula, alteratorum, indicat nobis necessariò miscibilia alterari à se inuicem, mutua actiones & reactiones, antequàm substantialiter vniantur, & mixti formam recipiant. Vnde (alteratorum) significat, elementa alterata in facto esse, vt fiat mixtio. Elementa enim transmutabilia sunt ex Arist. lib. 2. de Generat. c. 6, aduersus Empedoclem qui elementa secundum substantias transmutari negabat: quare in sua hac mutua alteratione sese ita frangunt, vt à se proinde corrumpanantur; ex quibus tandem corruptis & in vnus materię temperatę naturam desinentibus, fit mixtum. Id enim voluit Aristot. lib. 1. de generat. c. 10. Sunt itaque, vt dicebamus, hæc quidem actiua, illa autem ab his passiuæ. Hæc igitur conuertuntur, quorumcunque eadem materia est, & actiua ad inuicem, & passiuæ ad inuicem. Hæc igitur faciunt impassibilia existentia, quorum non est eadem materia. Horum igitur non est mixtio. Ideo neque medicatiua, facit sanitatem, neque sanitas mixta corporibus. Exposuimus hæc omnia paulò ante. Cælum enim cum materia non habeat eandem cum sublunaribus, non paritur ab his; atque adeo ex cælo, & elementis non fit mixtum. Materia autem de qua loquitur Arist. est materia secunda dicta, id est materia prima cum suis sequelis, siue dispositionibus aut accidentibus. Licet enim cælestis materia quanta sit, non tamen calida, nec frigida, nec humida, nec sicca, nec temperamento ex his orto prædita. Quare materiam habet secundam, ab elementis, & mixtis penè diuersam. Tertia particula, vnio, mixti generationem notat; mixtio enim est actio, qua miscibilia confunduntur inter se, & rursus vniantur. Dum ergo ex miscibilibus alteratis, resultat vnica numero materia iam vnita, & ex omnibus veluti concreta, post primarum qualitatum prærequisitum certamen è potentia talis materię mixti

Quid mixtio.

*Mixtionis
conditiones.*

mixti forma educitur, & eidem materiæ vnitur; & sic mixtio propriè sumpta, rectè exposita est.

*Mixtum
impropriū.*

Mixtio autem impropriè sumpta est connexio & confusio variorum corporum ad se inuicem localiter motorum, permanentibus tamen miscilibus integris; vnum enim secus alterum integrè manet; vt patet in aceruo ex varijs generibus seminum coaceruato. Fit enim confusio ex tritico, hordeo, milio, auena, granis lini, lolij, & similibus. Quæ omnia etiam in farinam redacta, & confusa, non mixtum sed compositionē efficiunt; non secus ac Tetrapharmacum, & aliæ compositiones ex simplicibus coalescunt, in quibus tamen ingredientia cum suis formis substantialibus permanēt: Atque adeo in compositione saluata, vt loquitur Aristot. Talis ergo aggregatio paruorum corporum transpositorum tantum, & non alteratorum, compositio erit, & nō temperamentum, nec mixtio; vt loquitur Aristot. Id est, erit minutulorum diuerforumque corpusculorum congeries, & non corpus temperatum, nec mixtum, nisi ad sensum nostrum; non verò ad sensum lyncis. Nam merum mixtum, secundum omnes suas partes debet esse simile, siue vnus, eiusdēque rationis, æque ac aquæ omnes partes sibi similes sunt, & eiusdem omnino rationis. Temperatum enim corpus, siue mixtum, quod Aristot. nomine *ἡράσιμος*, id est, temperamenti diuulgauit, debet esse secundum omnes suas partes eiusdem rationis, sicuti partes aquæ inter se, & cum toto eandem habent rationem. At verò quando variâ corpuscula inter se transponuntur; ita vt vnum secus alterum collocetur, ibique omnia intransmutata dormiant, quælibet pars nec similis nec temperata esse poterit, nec quælibet pars mixti in quatuor elementa resolui idonea est, contra Aristot. decretum lib. 2. de generat. c. 7. Quare talis diuerforum corporum collectio, vt dixi, compositio quædam, & non mixtio dicitur; iuxta Aristot. doctrinam: Sicuti quando qualitates aut accidentia varia in vno subiecto sunt simul, congeries inde resultans, mixtum non dicitur: nec quando aliquid ex vehementi agente, & passio resultat; vt quando stannum, & æs commiscentur, stannum enim ab ære vehementer agente, in vapores ita resoluitur, vt nihil stanni æri annexū videatur, præter stanneum colorem; Quare vt fiat mixtio seruanda est miscibilium proportio in actiuitate & resistentia; alioquin si vnum sit maximòpere actiuum, cum passiuo, aut minus actiuo non efficiet vnum, sed actiuus minus actiuum destruet & corrumpet; & inde simplex ac mera generatio & non mixtio resultabit. Præterea miscibilia in commixtione debent esse proportionata in quantitate; alioquin vnum quantitate vincens, alterum minoris molis in se conuerter. Proinde gutta aquæ decem millibus congijs vini adiecta, non miscetur, sed potius eius forma soluitur, aut destruitur, & mutatur in vinum. Quoties ergo actiua & passiuia inter se facile diuisibilia, ita se habent, vt multa superent pauca, & magna ac vehementia adorianur parua, non fit mixtio, sed prædominantis in multitudine, aut mole, aut vehementia, augmentatio: vt in aquæ & stanni exemplo manifestè apparet.

Supereit, vt cum Arist. lib. 2. de Generat. c. 7. concludamus, mixtum fieri ex quatuor elementis in se mutuo agentibus, & reagentibus, vsquequo se inuicem frangant, & corrumpant, secundum substantiales suas formas, quibus in materia eorundem elementorum quatuor primis qualitatibus cōtemperatis disposita, mixti forma succedit. Et inde suam deriuat naturam mixtum; in quo materia elementorum vna cum eorundem retractis virtutibus, id est, qualitatibus primis remissis permanet.

Obiectio 1. Obijcit primò Scaliger exerc. 3. aduersus Cardanum, mixtionem ab Arist. per-

perperam definitam esse; quia definitur per miscibilia, æquè incognita, ac ipsa mixtio quæ est definitum.

Responderetur Scaligerum non attentè legisse Aristot. dicto cap. 10. lib. 1. de generat. vbi satis fusè miscibilium naturam explicuit, antequam mixtionem in capitis calce definiuit. Definitio enim comprehendit vltima capitis verba, in eiusdem capit. decursu præexposita. In hoc ergo fuit deceptus Scaliger.

Obijcit secundò idem Sca'iger, dictam mixtri definitionem non esse bonà, quia mixtio per miscibile definitur, & miscibile rursus non nisi per mixtionem: qui definiendi modus est planè vitiosus, & nugatorius; quia circulus committitur, vnum per aliud vicissim definiendo.

Respondeo circulum non committi: nam Aristoteles non definiuit miscibile per mixtionem, sed potius per miscibilis ipsiusmet proprietates vel condiciones requisitas; quibus distinxit proprium miscibile ab improprio, vt ex eius contextu constat; vbi ait, miscibile propriū esse id quod agit & repatur, seu quod est actiuum & passiuum, quod faciliè diuiditur, quodq; est faciliè terminabile. Rursus quamuis mixtile per mixtionem definiretur, nullus committeretur error; quia correlata, cuiusmodi sunt mixtio & miscibile, per se vicissim definiri possunt.

Obijcitur tertio ab antiquis, vt proponitur ab Aristot. lib. 1. de gener. c. 10. mixtionem esse impossibilem, quia si daretur mixtio, plura necessariò ad eam requirerentur miscibilia, vt mixtionis nomen importat; si verò illa inter se commisceantur, sine eo quòd sint alterata, vt voluit Empedocles, non magis nunc dicentur esse mixta huiuscemodi miscibilia quam antea, id est, antequam commiscerentur; quia consimiliter se ante talem mixtionem, ac post miscelam se habent. Nam sunt integra secundum suam essentiam, si non, continuitatem; cū non sint alterata & transmutata. Hinc collegerunt, veram mixtionem esse impossibilem.

Denique si miscibilia ita ad mixtionem concurrant, vt vnum corrumpatur, & alterum saluum maneat, tunc multo minus erit mixtio. Nam tunc miscibilium vnum, quod est corruptum, dicitur non esse, vel desisse; alterum verò superstes, dicitur esse integrum in sua essentia. Sed quod est actū nequit committeri ei quod non est actū, & quod destructum est. Ergo hac via non fit mixtio.

Rursus si ambo illa congregientia, quæ miscentur, corrumpantur, ex ijs nullum resultabit mixtum, & consequenter nulla præcessit mixtio: quia quæ amplius non existunt, ad mixtionem non concurrunt, nec mixtum efficiunt. At verò si mixtio esset possibilis, aliquo ex his præfatis modis fieret. Ergo cū nullo ex his modis fieri possit; concludendum eam esse impossibilem.

Vt huic antiquorum quorundam obiectioni satisfaciatur Arist. mixtionem ab alijs mutationibus, hoc ordine distinguit. Et in primis à generatione, quæ conuersio dicitur; quia quories vnum ex altero generatur, v. g. ignis ex materia combustibili, nec ignis materiæ, nec materia igni, dum ardet, commisceri dicitur; sicuti nec ipsa ignis materia suis partibus. Possunt enim paleæ, ligna, plumæ, & consimilia commisceri, vt ex his astruatur ignis. Verum congestio illa, non est mixtio; sed quando vritur, & ardet, corrumpitur; & inde generatur ignis. Est ergo generatio corruptionem consequens: iuxta illud Aristotelis: Generatio vnius est corruptio alterius, & è contra.

Asserit etiam mixtionē ab alteratione equè ac augmentatione differre; quia quæ miscentur, non manent integra in mixto; contrarium verò accidit ijs

Solutio.

Obiectio 2.

Solutio.

Obiectio 3.

Licet mixtio sit generatio; ab hac vt est conuersio, differt.

*Mixtio
differt ab
alteratione
& augmen-
tatione.*

quæ alterantur, & augentur, nam in alteratione, & augmentatione ipsa actuali, & post alterationem & augmentationem transactam, integra manent. Pari modo accidentia sibi ipsis, aut subiecto misceri non dicuntur; quia, ut superius dictum est, saluata manent, ut figura ceræ cum cera, album & corpus, nigrum & siccum, ac corpus, albedo & dulcedo &c.

*Datur
mixtio.*

His ita præpositis, probat Aristot. mixtionem esse possibilem: Quoniam autem quædam entia sunt actu, alia verò potentia, mixta dari possunt; hoc ordine, ut illa quæ sunt actu, desinant esse secundum istam actualitatem, dum miscentur; & maneat in potentia, siue in virtute, siue secundum virtutem in eo, quod ex ipsis generatum est, & actu extat. Elementa huius sunt naturæ; quoniam actu coeuntia, mutua actione, & repassione sese frangunt; & ex iam fractis & desinentibus esse actu, siue secundum rationem compositi substantialis, fit inde mixtum, in quo eadem elementa in potentia, siue in virtute, siue secundum virtutem continentur. Nam in mixto iam producto permanet aliquid vniuscuiusque miscibilium: Illud verò aliquid miscibilium, quod manet saluum in mixto, est materia, & qualitates, secundum quas elementa in mixto manere dicit; sed præcipuè secundum eorundem virtutes actiuas, id est qualitates, per quas in se vicissim agebant, ut fieret mixtum; ut ignis in virtute caloris, aer in virtute humiditatis, aqua in virtute frigoris, terra in virtute siccitatis; quæ virtutes in mixto remissæ permanent; cum ex ijs remissis resulter vera dispositio, & virtus mixti, quæ temperamentum dicitur. Elementa ergo in mixto non sunt actu, sed potentia, seu in virtute sua remissa. His verbis suum patefecit mentem: Neque permanent igitur actu, ut corpus & album, neque corrumpuntur, neque alteram, neque ambo: Saluatur enim virtus eorum. Respondet obiectioni oppositæ Arist. & ait: Miscibilia siue elementa non permanere actu in mixto eo modo, quo albedo & corpus: atque adeo non permanere integra; non etiam componunt mixtum, quasi vnum corrumperetur, & alterum persisteret integrum: nec etiam componunt mixtum, mediante vniuscuiusque miscibilis corruptione; sed dicuntur mixtum efficere, quia in eo virtus eorundem saluatur.

Solutio.

Obiectio 4.

Obijcitur quartò, mixtionem impossibilem esse, quia miscibilia sunt æqualis inter se fortitudinis, & actiuitatis, vel alia alijs fortiora. Si primum admittatur, videlicet elementa esse æqualiter fortia, in sese mutuo non agent; nam inter æqualia non reportatur victoria, sed inter inæqualia, & improporcionata. Et per consequens quoties contingeret elementa esse æqualis virtutis, ex ijs neutiquam fiet mixtio, nec mixtum. Si verò accidat quædam ex ijs vehementiora esse alijs, & maioris actiuitatis, cum victoria stet à parte maioris inæqualitatis, id est; fortioris agentis, tunc minimè mixtum ex conflictu nasceretur, sed generatio: nam fortiora elementa in se imbecilliora conuertent. Ergo mixtio impossibilis est. Semper enim ignis & aqua in actiuitate, aerem & terram excedunt.

Solutio.

Respondetur, concedendo, semper ferè elementa esse inæqualis inter se actiuitatis (maximè quoties æquali quantitate certant; nam tantillum ignis à magna aquæ copia, etiam ratione actiuitatis vincitur) actiuus tamen elementum retundi à resistentia formali maiori imbecillioris elementi. Nam ordo, quem prouida natura in elementis obseruat, est, ut actiuus elementum sit paruæ resistentiæ formalis, de qua mox; minus verò actiuum magnæ resistentiæ formalis. Quare imbecillitas in agendo, terræ v.g. fortissima eius resistentia compensatur; & minor resistentia formalis ignis sua actiuitate. Ergo mutua actione & passione in conflictu sese corrumpunt elementa, & ex

ijs nascitur mixtum; idque varium, ratione variae dispositionis, siue temperamentis producti. Qualitates quidem aliquæ primæ, quæ potissimum elementorum virtutes appellantur, possunt esse alijs intēiores in mixtione, taliter, vt in gradu vno vel altero, vna qualitas alteram superet; inde nascitur temperamentum ad iustitiam dictum, idoneum ad introductionem huius formæ mixti, & non illius. Et sic ratione varietatum dispositionum, siue temperamentorum varia procreantur mixta. Vix autem temperatum corpus ad pondus reperitur. In mixtione verò dicuntur elementa quædam esse actiua, altera passiva, quia calor commiscet humidum sicco, & frigiditas easdem res siccas & humiditas congregat, & veluti coagulat. Frigidi enim est heterogenea congregare, Calidi verò, agendo & permeando, examinare. Vnde in cuiusvis mixti confectione, materia humida, & sicca pati dicuntur, ex Aristot. lib. 4. meteor. cap. 1. licet reuera, in se inuicem mutua actione agant.

Quoniam de resistentia locutus sum, non erit extra rem eius naturam exponere. Resistentia secundum Soucinnatem lib. 9. metaphys. est ipsa actio v. g. calefactio ignis, dicitur actio quatenus agit in aquam; dicitur eadē calefactio resistentia, quatenus per eam se ignis ab aqua defendit, ne ab eadem aqua, ratione frigiditatis præcipue, vincatur. Verum vt ignis non solum calore, sed siccitate agit, ita & aqua frigore & humiditate.

*Resistentia
quid Socrini
nati.*

Hæc tamen sententia à quibusdam reprobatur; quia multa sunt, quæ resistunt, non per actionem, sed mediante aliqua alia re. Albedo verbi gratia nigredini resistit, ne in subiectum in quo est, introducat; & tamen albedo id non præstat per vllam actionem, sed solum sese conferuando per vnionem, & essentiam suam in subiecto. Densitas etiam raritatis introductionem in subiecto impedit, non per actionem, sed seipsa; veluti graue, & ponderosum corpus, sua grauitate resistit illi, qui ipsum sursum sustollere conatur. Quantum præterea aliquod, locum replens, seipso alteri corpori resistit, ne eundem locum (qui tanquam locati forma est) simul occupet.

Duplicem ergo, ob dictas rationes, admittimus resistentiam; vnam negatiuam, alteram positiuam. Negatiua resistentia est, quando subiectum aliquod incapax est alicuius formæ, quam agens aliquod introducere intendit; vt cinis v. g. igni resistit, quia formæ ignis incapax est. Celi patiter incapaces sunt formæ elementi, aut mixti.

*Duplex re-
sistentia: ne-
gatiua, &
positiua.*

Positiua verò resistentia est, alicui contrario resistere: Resistere verò contrario nihil est aliud, quàm eius actionem, ne effectum producat, vel saltem ne tam citò, aut tanta cum vehementia, terundere. Rem exemplo in valde actiuis, igne nimirum & aqua exponamus. Ignis in aquam agit intendens hanc in se conuertere; sed aqua obuians igni, huic reluctatur; & cum actiua sit & contraria, & certamen idèd circa possessionem materiæ versetur, pariter ignem sua reactione, id est refrigeratione, in se conuertere nititur. Ignis igitur in aquam agens, vt hanc in suam conuertat naturam, eam calefacit, in quantum potest; & sua hac calefactione, aquæ virtutem refrigerandi enervat; & sic aquæ resistit, eius frigefactionem omnino vincendo, vel retardando, saltem magis, quàm si ignis in aquam non ageret. Sic enim ignis, aquæ resistit agendo, ne hæc suam formam in ignem introduceret, corrumpendo prius ignis formam tam accidentalem, quam substantialem, calorem videlicet, & siccitatem, ac demum formam substantialem. Et vice versa, aqua refrigerando simul, & humectando ignis calorem, & siccitatem,

ita emungit, vt ipsius actiuitatem impediat, vel saltem dilatat, quòdminus in ignem conuertatur.

*Resistentia
positiua
duplex.*

A Philosophorum, saltem recentiorum, torrente, resistentia positiua duplex statuitur; vna actiua, altera passiuā, quæ & formalis etiam ipsis dicitur. Resistentia actiua nihil est aliud, quàm ipsa agentis actio, qua retardatur, aut prohibetur vis contrarij intendentis idem agens in se conuertere: actio v.g. ignis, quæ est calefactio, est eiusdē ignis renitentia, qua suum contrarium, id est, frigidum, reddit imbecillus, ne in hoc idem ignis conuertatur. Aquæ quidem frigiditate vi caloris ignis refracta, nequit eadē aqua ignem in se conuertere. Ignis ergo calefactio, frigiditatem aquæ imbelliorem, reddens, actiua resistentia dicitur.

Resistentia formalis, & passiuā, est impossibilitas diuersarum formarum in vnico, & eodem subiecto. Formalis nuncupatur, quia desumitur ab informatione vnus formæ, quæ cum alia intensa & contraria incompensibilitatem arguit: v.g. quia aqua informatur frigiditate, & hæc eius frigiditas est impossibilis cum calore ignis, eiusdem aquæ resistentia formalis, siue passiuā, dicitur informatio frigiditatis, eodem penè modo, quo resistentia in principio à nobis relata, albedinis aduersus nigredinem, densitatis aduersus raritatem, & aliarum pari pacto. Sed hæc de resistentia sufficiant: quæ quidem circa subiectum fit. Nam qualitates primæ contrarietatem exactam habent, ratione subiecti, quod quilibet occupare nititur: vt calor v.g. intendit frigus à subiecto remouere, vt rigoris subiectum occupet. Si. n. essent à subiectis separata qualitates actiuæ, nequaquam in se agerent, vt fert sententia Arist. end ipsa veritas. Pro subiectis ergo occupandis inter se certant.

Obiect. 5.

Obijcies tandem, mixtionem esse impossibilem; quia vt mixtio perficiatur, necessum est quatuor elementa ad vnum locum conuere; quod est impossibile, quin grauiascendant, & descendant leuia; qui descensus, & ascensus violenti essent; atque adeò non naturaliter, sed per accidens, & contingenter fieret mixtio, & consequenter mixtum; quod tamen dicendum non videtur, de re naturaliter producta, cuiusmodi est mixtum.

Solutio.

Respondeo mixtionem naturaliter fieri, cum ex miscibilibus alteratis & vnitis confletur mixtum, & natura in eius productionem sponte inclinet. Credere autem quòd mixtio compleri non possit, quin portio ignis è concauo Lunæ in terram vna cum alia aeris portione descendat, & ex mari aqua ad eundem locum in quo mixtio fit, traducatur, & ex visceribus terræ huius segmentum, vt in conducto loco contactum hæc quatuor elementa ineant, ad mixtionis inchoationem, ridiculum prorsus est. Quoniam in terra nostra, & aqua nostrate, & aere pariter, quatuor elementa inueniri possunt, non secundum omnimodam puritatem, sed cum quadam confusione. Vnde ex his quatuor elementis ita confusis, mixtio fit; & multo facilius, quàm si de nouo ex quatuor puris elementis, quæ prope loca in quibus mixtiones sunt nullo modo reperiuntur, portiones quædam confluerent ad eiusdem mixtionis complementum. Hæc doctrina cuius elementorum impuritatem perpendenti aperta erit. Nam omnia elementa, iuxta nos impura sunt. Ideoque mixta sunt imperfecta, & veluti antiquorum chaos, in quo omnium elementorum portiones quædam inclusæ sunt: ex quibus à sagaci natura perfecta fit mixtio; dummodo actiua passiuas debite sint appositæ: vt sequenti capite plenius dicemus.

Ad pleniorē tamen huius doctrinæ intelligentiam; Notandum est, humiditatem

humiditatem, & siccitatem mutua actione in se agere, æquè ac calor & frigiditas in sese; non tamen eadem vehementia. Proindeque comparatè ad calorem & frigiditatem, siccitas & humiditas passivæ dicuntur qualitates, tū ratione minoris actiuitatis; tum quia in mixtione pati videntur. Quod autem actiuitatem habeant, patet ex Aristot. lib. 2. de generat. c. 4. vbi ait elementa symbola facilius in se transmutari quam dissymbola in se; aitque ideo ex igne aerem effici, quoties ignis siccitas ab aeris humiditate vincitur: & ex aqua terra fiet, quoties siccitas terræ aquæ humiditatem domabit. Experientia etiam patet res in loco humido positas madefieri. Ergò ab humiditate agente; vt experimur, dum vestes in locis obscuris referuantur.

*Humiditas
& siccitas
sunt acti-
ua quali-
tates.*

CAPUT X.

De Causis generationis & mixtionis.

Visus est Aristot. mixtionem à generatione dirimere lib. 1. de generatione c. 10. & suo more, optimè, si terminum à quo mixtionis & eiusdem termini unionem respiciamus. Si autem terminum ad quem completum, id est compositum, mixtionem generationis speciem pronunciamus. Vtrumque caput paulò clarius exponendum. Mixtum tanquam materiale quid, miscibilia inter se vnita & alterata, & consequenter temperata, connotat. Et hac ratione à generatione vnus elementum ex altero, mixtio discrepat; Nam in hac simplici generatione, plurimorum corporum, tanquam miscibilium concursus non fit, sed corruptio vnus, & generatio alterius de nouo producti. Quare nec quatuor qualitates temperatæ, licet contrariæ, tanquam præuia dispositio ad simplex elementum producendum, prærequiritur. A mixto denique producto, ex vno mixto per simplicem generationem, cuiusmodi est planta, nata ex semine, elementis, & celestibus influentiis, vel aliud mixtum genitum ex duobus liquoribus facile permeabilibus, & contrariis, differt mixtum vni meræ mixtionis productum; quia ad huius productionem, de nouo quatuor elementa concurrunt.

*Mixtio
non est g-
neratio.*

Si verò mixtionem ratione termini ad quem consideremus, mixtio erit mutatio totius in totum, & productio compositi substantialis; atque adeo generatio substantialis. Conuenit ergo mixtio sic sumpta, cum quauis alia generationis specie; & discrepat à generatione elementorum, quod forma mixti producti connotet semper temperiem antecedentem, veluti præuiam dispositionem, ac insuper elementa ipsa tanquàm radicem à qua erunt. In hoc respectu ad temperamentum, vt ad præcipuam dispositionem, & instrumentum, cum formis substantialibus aliorum mixtorum ex alijs mixtis productorum, conuenit forma mixti, per veram mixtionem producti. Mixtio ergo generationis species est, vt clarè demonstrat Aristot. lib. 4. Meteor. c. 1. vbi postquam asseruit duas qualitates primas, frigiditatem & calorem esse actiuas, humiditatem verò & siccitatem passiuas: atque adeo ex humido & sicco, calore & frigore prædominantibus, omnia corpora, mixta scilicet, concreescere, ait ex elementis animalia, plantas &c. nasci, & eorum transmutationem esse simplicem generationem.

*Mixtio
est genera-
tio.*

Iterum præsupponere debemus quatuor esse causas cuiusuis corporis naturalis; & per consequens generationis à natura intentæ, iuxta Aristotelis

*Corpus naturale dum
producitur
quadruplicem habet
causam.*

doctrinam libro secundo Physicorum cap. tertio & septimo, & libro secundo de generatione capit. 9. Prima dicitur materia, quæ est id, ex quo aliquid fit, cum insit; vt ex ære statua. Per particulam insit, discrimen ponit inter materiam, & priuationem: Nana licet ex hac aliquid fiat, veluti ex termino à quo, non tamen inest composito producto, sicuti materia, quæ ideo ab Aristotele citato, dicitur potentia ad esse & non esse. Est enim principium à quo sublunariū corporū, quæ necessariò non sunt & esse possunt, dum generantur, & non esse dum corrumpuntur. Secunda causa dicitur forma atq; exemplar, quæ est ratio eius quod quid erat esse. Forma dicitur exemplar; quia ad eius similitudinem agens naturale sibi simile producere intendit. Omne quidem generans sibi simile generat, ex Hippocr. lib. de seminis genitalis natura. Quæ sententia ab Aristot. sæpe reperitur. Dicitur præterea, ratio eius, quod quid erat esse, id est ratio definitionis, & essentia rei: quoniam forma est, quæ dat speciem, siue rationem specificam, & definitiua rebus siue compositis naturalibus. Tertium causæ genus, efficiens appellatur; & est id à quo primò incipit motus & quies. Quartum genus causæ finis nuncupatur; & est id cuius gratia cætera fiunt. Idem Arist. lib. 2. Phys. c. 7. vnico argumento probat admittenda esse quatuor causarum genera, nec plura nec pauciora. Quoniam tot sunt genera causarum, quot sunt quæstiones vel interrogationes propter quid aliquid fit, vel sit: huiusmodi quidem interrogationes propter quid fieri solent, vt inde in causarum cognitionem deueniatur. Sed omnes interrogationes sunt quatuor tantum numero. Ergo quatuor tantum causæ. Minor probatur; Nam si quærat de re aliqua naturali, propter quid talis sit, per formalem causam respondebimus; & eandem rem talem esse dicemus propter formam, quæ tale compositum in natura constituit, quæque ad finem reduci potest, referente Arist. locis citatis, id est, c. 7. lib. 2. Physic. & lib. 2. de generat. c. 9. Si vero inquiratur ex quo facta fuit talis res: respondebimus per materiam, ex qua forma educitur, vel cui præexistenti annectitur, vt sit in animæ rationalis aduentu. Si quærat curus gratia res fiat, aut sit? respondebimus per finem. Si quærat à quo fiat, dicemus à causa efficiente: hanc in generatione dari probat Arist. lib. 2. de generat. c. 9. quia quemadmodum materia & forma cæli non sufficiunt, vt idem cælum aliquid producat, sed intelligentia tanquam mouens idem cælum requiritur; ita in sublunariis, vt subiectum ex materia & forma constans commode moueatur, & vt è potentia materiæ educatur forma, necessaria est causa mouens vel efficiens.

His prepositis pro certo statuendum, controuersiam nullam versari circa causam materialem, formalem, & finalem, quas omnes in generatione admittunt, sed circa efficientem causam, quæ quidem in vniuersalem & particularem distribuitur; & quæritur si particularis efficiens ad rerum naturalium generationem sufficiat, an verò ad Vniuersalem, Deum & cælestia corpora recurrendum? Aristot. lib. 2. de generatione c. 10. vt vniuersalem generationis causam nobis exponat, præsupponit & in memoriam reuocat ea, quæ dixit lib. 8. Physic. in cuius cap. 1. tres de motu rerum naturalium opiniones proponit. Prima fuit opinio Democriti asserentis in chao illo infinito, sine principio, & consequenter ab æterno infinitas atomos, siue indiuisibilia corpuscula præinclusa fuisse, ex quorum congregatione ab æterno infinitos mundos fuisse factos, sicuti ex eorundem separatione ab inuicem totidem infinitos mundos corruptos fuisse rebatur. Secunda opinio fuit Anaxagoræ, qui res omnes per infinitum tempus quieuisse, in vno quodam aggregato putabat: fuisse tamen rursus in tempore excitatas, & ab inuicem separatas

*Prima sententia de
productione rerum.
Secunda.*

à men-

à mente quadam, & per hanc, eandem separationem, mundum in tempore & non ab æterno cum motu inchoasse; vel vt ait Empedocles, vicissim moueri, & rursus quiescere; moueri quidem, cum aut vnum ex multis facit concordia, aut multa ex vno discordia: quiescere autem omnia temporibus intermedijs.

Dicit consequutiue Aristot. motum esse actum rei mobilis quatenus mobilis. Vnde colligit prius saltem natura fuisse mouens & mobile, quam motum; nec mirum, cum motus à mouente procedat tanquam à principio & causa; & in mobili tanquam in subiecto recipiatur. Hoc præsupposito secundum propriam sententiam, inquit, nullum dari motum, quem alius non præcesserit, ita vt semper fuerit motus à parte ante in infinitum; atque, motum etiam nunquam defuturum. Probat non dari primum motum à parte ante, sed in infinitum præcessisse motus sine principio. Si esset aliquis primus motus assignabilis quem alius motus non præcesserit in infinitum, mouens à quo talis motus procedit, & mobile in quo tanquam in subiecto reciperetur, incepterunt aliquando esse vel fuere ab æterno. Si incepterunt esse, eadem facta sunt mediante aliquo motu. Ergo motus qui ab his processit, non erit primus contra suppositionem; sed a ter præcessit, quo facta sunt ipsum mouens, siue motuum & mobile. Si verò fuere ab æterno mouens & mobile, sequeretur per infinitum tempus ipsa quieuisse si mouens non mouisset mobile ab æterno. Sed absurdum est dicere ea quieuisse infinito tempore; quoniam apta fuere & idonea ad motum. Ergo non est potior ratio, cur mouens siue motor nunc moueat, quam antea. Et præterea si primus motor non mouisset ab æterno mobile, impedimento esset aliquid quod ipsum à sua functione retardasset; ad huiusmodi autem obicis & impedimenti amotionem, motu quodam opus esset, quo mediante, mouens mobile moueret. Vnde sequeretur, vt paulò antea diximus, motum istius mouentis non esse primum, cum motus mouentis obicem antecedit, & hunc alter, & alterum alter, & sic in infinitum. Ergo fatendum est necessariò motum aliquem fuisse ab æterno.

Iterum probat Aristot. hanc suam opinionem de æternitate motus, & consequenter motoris, siue mouentis & mobilis. Prius inquit, & posterius excogitari non possunt in natura absque tempore; cum sint partes siue differentia temporis: hoc posito sic suum confirmare institutum pergit. Si motus haberet principium; seu si daretur aliquis primus motus inchoans, inde sequeretur quod non esset prius, sed post; & adhuc sequeretur ante primum motum fuisse aliquem alium, Probat hanc sequela. Ex suppositione, motus in tempore capit, & non fuit ab æterno. Ergo non fuit prius, sed posterius. Atque adeò prius præcessisset talem motum. Si prius præcessit: Ergo & tempus. Sed tempus nequit esse sine motu, vt non modo hic testatur, sed etiam lib. 2. de generat. c. 10. cum tempus motus quidam sit, & numerus motus celestis secundum prius & posterius. Ergo inde sequeretur, ante primum motum, dari aliquem motum. Quod verò tempus sempiternum sine principio fuerit, id ex communi Philosophorum consensu, excepto Platone qui in Timæo tempus cum mundo genitum fuisse asseruit, probat. Nam Democritus ideo res omnes ingenitas fuisse putabat, & omnes communiter temporis & rerum æternitatem prætendebant.

Rursus suadet Aristoteles tempus nullum penitus habuisse initium, sed semper fuisse, & nunquam desitutum. In quolibet tempore sumere licet præsens momentum quod est nexus copulaue variorum temporum, præteriti nimirum

Tertia.

Quid tempus.

Tempus initio caret ex Arist.

mirum & futuri: Est enim vtriusque temporis confinium: quoniam est præteriti temporis terminus, & futuri temporis exordium, initiumue. Ergo ante quodlibet momentum tempus fuit, & post quodlibet momentum tempus aliquod subsequetur. Ergo in infinitum procedendo retro, semper fuit sine ortu tempus, & erit sine fine. Hinc concludit Aristoteles motum necessarium esse ab æterno. Cum tempus sit numerus motus, vt dictum est; & per consequens motus affectio, vt loquitur Arist.

Tandem à parte post motum fore immortalem hac via asserit. Dictum ab illo & probatum, quod si daretur aliquis primus motus, inde sequi necessario admittendum aliquem motum primo isto priorem. Pari modo de motu futuro argumentatur: si desineret motus, vltimo motu daretur posterior: quia motu intereunte, mouens nec mobile simul interibunt, sed in rerum natura permanebunt. Ergo ijs, mouente scilicet & mobili perseverantibus, poterunt iterum motum adimplere. Nam mouens mobile cedere potest, & mobile mouentis imperum patietur, & sic daretur vltimo motui posterior motus.

Hac via Arist. motum ab æterno dari asseruit, nulla facta adhuc mentione motus celestis; cū indefinitè, vt ex eius cōtextu colligere licet, loquutus fuerit. Capite verò secundo libri octauī Physicorum Anaxagoram, & Empedoclem motus æternitate negantes insectatur, & suam adhuc confirmat sententiam, & quibusdam obiectionibus satisfacit. Capite 3. probat dari vnum primum motorem qui non mouetur, & vnum primum mobile, corpus videlicet cæleste, & alia entia quæ aliquando mouentur, & aliquando quiescunt, cuiusmodi sunt sublunaria. improbatque eodem capite Zenonis opinionem, motum è medio tollentis, & Heracliti asserentis omnia perpetuò moueri. Quarto cap. quidquid mouetur, ab alio moueri dicit: nam ipsa mens, & appetitus à rebus externis mouentur, & inde animal; suum tamen hoc dictum de omni genere motus probat; Posito illo principio, quidquid mouetur, ab alio mouetur cap. 5. & c. 6. probat primum motorem esse immortalem. Cap. verò vltimo dicti lib. probat, primum motorem esse incorporeū, indiuisibilem, & infinitæ virtutis.

Tandem cap. 7. 8. & 9. æternum illum motum localem vocat, & non alterationem, aut augmentationem; quoniam localis motus semper præcedit augmentationem, & alterationem. Augmentationem enim necessario antecedit alteratio; quia sine huius præmissione illa fieri nequit. Per alterationem quidem disponitur, & concoquitur alimentum, ex cuius appositione augmentatio fit; sed alterationem semper præcedit motus localis, id est, alimenti approximatio ad viuens, in quo est calor: imò cuiusvis agentis, & patientis vicissim approximatio debita, ad agendum necessaria est. Hinc liquet localem motum esse priorem alteratione, & augmentatione. Hic ergo solus potest esse perpetuus, tam retro, quam post. Et cum latio sit vel recta, vel circularis, hæc, & non illa æterna erit. Nullus porro motus, qui inter contraria versatur, potest esse perpetuus: Sed motus rectus est huiusmodi; nam continetur inter terminum a quo, & terminum ad quem sibi contrarios, & duobus punctis terminatos. Ergo nequit esse perpetuus. Præterea si rectus motus esset perpetuus, & continuus, maxime per conuersionem, siue reflexionem: v.g. quando idem subiectum à nigro in album, & ab albo in nigrum, aut à frigore in calorem, & è conuerſio, semper moueretur, mutareturque, talis motus non esset continuus, sed interruptus; quoniam subiectum illud semper sub altero contrariorum aliquandiu quiescit. Tandem intentum probat: Nam motus ab vno contrario in alterum contrarium,

Motus localis alteratione prior. & hæc augmentatio.
Latius recta aut circularis.

rium, sunt motus contrarij. Ergo utroque motu nequit corpus simul moueri, motu videlicet ab vno termino ad alterum, & ab hoc vice versa in illum. Repugnat pariter talem motum reflexum, pilæ v. g. ad parietem, & à pariete iterum ad me, esse continuum. Nam continua sunt (vt loquitur cap. 7.) quorum vltima sunt vnum. Sed vltima contrariorum, non sunt vnum, cum contraria, eorundemq; vltima, specie inter se discrepent: vnitas verò speciei, siue formæ, ad motus contrarietatem necessaria est, quæ vnitas inter contrarios motus nullatenus reperitur. Concludendum ergò motum rectum non posse esse continuum, nec perpetuum, nec consequenter vnicum, sed multiplicem, propter frequentes illas in reflexione interruptiones.

Solus ergo circularis motus perpetuus esse potest, & consequenter primo motori in perpetuitate æqualis. In motu enim circulari, nulla reperitur contrarietas: nam non inter contrarios terminos, & maxime distantes versatur, sicuti rectus, sed ab vno puncto in idem sine mobilis reflexione fit; ita vt accessus & recessus specie in circulari non differant, quemadmodum in recto motu. Tandem motus circularis perfectior est recto: nam figura circularis est omnium nobilissima, & simplicissima; additionem enim non suscipit, vt recta. Ergo motus circularis, debet esse prior recto, & ille solus est perpetuus, & primo motori, infinitæ virtutis, incorporeo, & indiuisibili, & immobili congruus.

*Circulari
motui, non
recto perpe-
tuitatē tri-
buit Arist.*

Et hæc est summa doctrinæ 1. 8. Phys. quâ lib. 2. de Gen. c. 10. in memoriâ reuocauit Arist. vt generationū, & corruptionum efficientē causâ statneret.

Hæc ergò via pergit Arist. generationis, & corruptionis causas tradendo. Datur vnus primus motor immobilis, & vnus continuus, atque perpetuus motus circularis eius effectus. Ergo huiusmodi motus est causa generationum & corruptionum, cum prior sit ipsa generatione: adducit enim & abducit generatuum vt incessanter generationes fiant, & corruptiones. Consequentia pater. Nam multum rationabilius est ens, siue id quod est esse causam generationis rei, quæ non est, quam id, quod non est esse causam generationis rei, quæ est. Sed id, quod fitur, siue id, quod in gyrum continuò vertitur, Cælum scilicet, semper est: Id verò quod generatur, non est: Vnde latio generatione necessariò prior est. Ergo id, quod perpetuò sine principio & fine circulariter mouetur, erit potiùs causa generationis, quâ generatio illius. Et sic motus ille circularis perpetuus erit causa generationum, & corruptionum, quas perpetuò fieri statuit.

Obiectio.

Post hæc sibi obijcit Aristoteles quæ sequuntur. Demonstratum est continuam esse generationem, & corruptionem rerum naturalium, & lationem, id est, motum circularem esse generationum causas: Sed manifestum est, vnica existente circulari latione, eius vi generationes, & corruptiones non cōtingere; quia generatio & corruptio contrariæ sunt; contraria verò ab vnica, eademque causa, eodemque modo se habente, fieri nequeunt. Ergo generatio & corruptio ab vnica, eademque latione fieri nequeunt. Idem enim (vt in contextu loquitur) & similiter se habens, semper natum est facere idē. Quocirca si vnica est latio circularis, & simili semper modo se habens, vel sola generatio erit semper, vel sola corruptio, non autem ambæ simul; cum sint contrariæ, vt iam antea dictum est, & contrariorum effectuum contrariæ debeant esse causæ: Generatio & corruptio sunt contrarij effectus. Ergo earum causæ contrariæ sunt. Et per consequens plures motus circulares contrarij admittendi sunt, vel ratione lationis contrariæ, vel alicuius inæqualitatis, quæ contrarietatis rationem habeat.

Solutio.

Re-

*Duodecim
signa.*

Respondemus cum eodem Arist. duplicem esse circulem lationem, vnā primam, quæ dicitur latio primi mobilis, & est motus primi mobilis ab Oriente in Occidentem; & rursus ad Orientem versus idem punctum, à quo incepit, & ipario viginti quatuor horarum semper perficitur; snapte velocitate, & impetu inferiores omnes cælos secum rapit; qui æque ac primum mole, etiam hoc raptu spatio viginti quatuor horarum circumuoluuntur. Hic motus primi mobilis semper est idem, & eodem modo se habet. Quare contrarios effectus, cuiusmodi sunt generatio, & corruptio, producere nequit. Ergo recurrendum ad alium motum perpetuum, qui in obliquo circulo sit. Obliquus ille circulus, Zodiacus vulgò nuncupatur, in cuius medio linea quædam à nobis concipitur, Ecliptica dicta, quæ est via ordinaria Solis; Idem Cingulum, siue Zodiacus in Duodecim portiones, quæ Signa dicuntur, distribuitur. Sol autem mense integro per vnum discurrit Signum; atque adeo duodecim mensium cursu, duodecim illa Signa percurrit: quæ signa ratione suorum effectuum frigida siccæ, calida & humida, vel frigida & humida, calida & siccæ dicuntur: horum nomina subnectere lubet. Primum ergo signum vocatur Aries, vel propter effigiem, vel dici & noctis æqualitatem, aut propter effectum quem Sol in terris edit, dum sub hoc signo mouetur, qui effectus siue qualitas Arietis naturæ correspondet. Aries enim calidum animal est: Vnde Sol hoc signum occupans calorem vberioresque influxus sublunari mundo communicat, & veluti cornibus frigus in terris prædominans fugat, & floribus, tanquam velere, campos vestire Martio mense, quo sub hoc signo moueri incipit, inchoat. Secunda Zodiaci pars siue signum Taurus nuncupatur, quia vt Taurus viribus Arietem superat, ita Sol quando sub hac Zodiaci parte suum peragit cursum intensiorem in terris edit calorem, quæ quando sub Ariete mouebatur. In hoc signo sunt Hyades & Pleiades frequētis apud antiquos commemorationis. Tertia Zodiaci pars siue signum Gemini dicitur, quoniam Sole sub hoc signo percurrente in sublunari orbe sub nostro hemisphærio, geminum exivit calorem, geminos producit fructus, dierumque longitudinem geminat. Quartum signum Cancer appellatur: Nam vt Cancer animal, retrocedere, siue retrogradum efficere motum consuevit, sic Sol sub hoc signo currens à Septentrione ad Meridiem, & alterum Hemisphærium, à nobis retrocedit: ideoque tunc, nimirum Iunio declinante, æstiuale Solstitium efficere dicitur. Quintum signum Leo appellatur; Nam quemadmodum Leo robustissimum, & feruentissimū animal est, ita Sol huic signo coniunctus, siue sub eo constitutus, intensissimū apud nos excitat æstum. Sextum signum Virgo dicitur; nam vt Virgo sterilitatem indicat, sic Sol sub hoc signo percurrentes, nihil de nouo in terra arida, & sterili, ob præcedentis temporis ardorem & siccitatem, producit. Septimum signum est Libra; quia Sol sub hoc signo peragrans, qualitatū æstiuarum, caloris videlicet & frigoris æquilibrium, & æqualitatem parit; ita vt tempus tunc temperatum extet. Dicitur etiam Libra, quia tunc diei nox adæquatur, mense nimirum Septembri declinante. Octauum signum Scorpis dicitur; quia Sol sub hoc signo ita à nobis ad Antarcticum Polum verius declinat, vt eius calore deficiente, frigus nos pungere, Scorpionis ritu, incipiat, sub finem tamen signi: Nam in principio blandè nobiscum agitur, sicuti ipse Scorpis secundum priorem sui partem mitis, & blandus videtur: in fine verò Scorpis, frigus nos pungit, sicuti ipsum animal in posteriori sui parte crudele est, & vehemens. Nonum signum est Sagittarius, quia Sol ita à nobis recedit, dum sub hoc signo discurrit, vt ær nuntio frigore,

tunc

functibus, & ventis, ac grandinibus, & niue, & consimilibus agitur veluti sagittis nos impetat. Decimum signum est Capricornus, ideo dictus, quia Sol sub hoc signo constitutus more Capræ ascendere incipit & ad nostrum verticem Decembri declinante, redire: quo tempore hyemale Solstitium fieri consuevit. Undecimum signum Aquarius dicitur, quia Sol in hoc signo harena pluuias excitat, & imbres. Duodecimum signum dicitur Pisces; quia dum Sol est in hoc signo, Pisces siue Aquatilia primum tunc pariunt oua; ideoque duo Pisces inter se sunt colligari. In hoc eodem signo pluuiæ etiam vigent.

Ex his signis sex dicuntur Septentrionalia: Aries, Taurus, Gemini, Cancer, Leo, Virgo. Sex Meridionalia: Libra, Scorpius, Sagittarius, Capricornus, Aquarius, Pisces. Hæc vltima Descendentia dicuntur, quia Sol, Luna, vel alius Planeta à Septentrione ad Meridiem per hæc descendere dicitur: Septentrionalia Ascendentia contraria ratione appellantur.

Tria sunt signa Vernalia, calida & humida: Aries, Taurus, Gemini: Tria subsequencia calida & sicca, & Æstivalia: Cancer, Leo, Virgo. Tria Autumnalia frigida & sicca: Libra, Scorpius, Sagittarius: Tria Hyemalia, frigida & humida, Capricornus, Aquarius, Pisces. Signifer enim, siue Zodiacus est locus Solis, prædictorum Signorum, & reliquorum etiam Planetarum, estq; obliquè ad mundi Polos Arcticum & Antarcticum extensus, qui obliquo hoc suo ductu temporū anni vicissitudines efficit: quatenus nimirum in eo Sol & Planeta discunt. Nam Sol est, qui propriè tempus anni varium metitur: situs tamen Zodiaci ad hoc omnino confert; quia si Sol, & reliqui Planeta in Zodiaco non mouerentur obliquè, nulla daretur temporum anni mutatio; sed tempus sibi semper simile extaret, & dies noctibus æquarentur.

Quemadmodum de combinationibus qualitatum Signorum loquuti sumus, ut doctrina hæc de Signifero fecundior euadat, Planetarum præterea, qualitatiuas combinationes iuxta Astrologos proponamus. Sol ergo & Mars illis esse effectus calida & sicca astra continentur, atque adeo ignea natura. Iupiter calidus & humidus, & aerea natura; sicuti Venus. Luna frigida & humida, & aquea natura. Saturnus frigidus & siccus, & terrea, ac melancholica natura. Mercurius quodammodo siccus est & melancholicus.

Sol ergo & reliqui Planeta discurrentes per Zodiacum, sunt causæ generationum & corruptionum in sublunari mundo: sed præcipue Sol, ex cuius recessu à nobis, rerum corruptiones succedunt; dum ad nos iterum declinat (non enim propriè reflectitur, ut in motu recto, vel semirecto contingit) rerum generationes variæ inchoantur. Licet autem Sol sit semper in se idem, contrarios tamen effectus apud nos parit; quia non eodem modo toto anni decursu nos respicit. Vna quidem & eadem causa contrarios effectus producit, si non similiter se habeat, ut testatur Philosophus lib. 2. Physic. c. 3. ut Gubernator præsens, nauis conseruationem & incolumitatem, idem verò absens tempore tempestatis, dicitur esse submersionis causa. Imò ipsa naturalis causa ad vnum destinata, contrarios etiam effectus parit; ut alibi asserit Aristot. loquendo de calore; qui licet ad calefaciendum sit à natura in lucem missus, frugificationem tamen in sua absentia causat. Sol igitur, licet semper idem & eundem perpetuò obseruet motum, ratione accessus ad nos causa generationum dicitur; quoniam tunc lumen, & calorem potenter communicat sublunari mundo: tempore verò recessus corruptionum est causa. Vnde recessus ille, & accessus Solis, cum quodammodo contrarij sint, contrarios effectus in hemisphario nostro producant.

Signa Septentrionalia ascendētia. Meridionalia descendētia dicuntur.

Signa temporum anni.

Signifer.

Eadē causa non similiter se habens, contrarios effectus producit.

Meo quidē iudicio, congruentius dicemus, Solem proximum, esse causam generationis, & à nobis remotum apud Antipodas esse causam corruptionis; quàm recessum eius esse causam corruptionis, & accessum causam generationis; quia in signo Capricorni mense Decembri incipit ad nos accedere, tunc tamen nequaquam fiunt plantarum generationes: imò quia tunc absens est, & à nobis remotus, causa corruptionis dicitur; & licet à nobis recedat, mense Iunio, Iulio, & Augusto, quia tamen prope nos est, generationum causa dicitur, æquē ac mensibus Martio, Aprili, & Maio, quibus manifestē eius approximationem notamus. Hoc notare volui, vt benē & sanamente Philosophi mens percipiatur.

Arist. tandem c. 10. lib. 2. de generat. nonnulla post propositam generationis & corruptionis causam, noranda proponit. Primum est, tempus vitæ viuentium esse finitum & determinatum; quo tempore absoluto, necessariò corrumpuntur; nam omne tempus & vita circuitu isto cælesti mensuratur. Vt ergo præsentē Sole vigorem acquirunt, sic eodem absente eundem amittunt. Inæqualiter tamen viuentia durant, vt quotidiana demonstrat experientia.

Secundum quod notat Arist. est, perpetuas esse generationes, & corruptiones rerum, quia efficiens causa .i. Solis motus, perrennis est. Cum .n. res sublunares, ob sui distantiam à prima causa, in indiuiduis proprijs perpetuitatem conseruare nequeant; sicuti cæli ei proximi conseruant, Sol tanquā generationis, & corruptionis præcipua causa, perpetuitatem earundem rerum sublunarium in specie, tanquam finem optimum intendit. Vnde singularibus vnus speciei deficientibus alia cōsimilia in horum locum sufficere nititur. Et generationes ideò, & corruptiones in modum circuli perpetuò efficit. Dum enim ex aqua aer generatur, & ex aere ignis, & ex igne rursus aqua, huiuscemodi transmutatio elementorum mutua actione & passione facta, licet recta latio sit, seu licet per rectam lationem fiat talis transmutatio, circularem tamen lationem, quæ continua est, imitatur. Nam reuertisse generationem dicimus, quia id, quod primò aqua fuit, in aquam tandem ex igne reuertitur. Circularis tamen progressus in generatione paulò clariùs hoc alio exemplo cap. 11. & vlt. 2. lib. de generat. posito declaratur: Aqua, inquit, & aer circulo generantur; quia nimirum ex aqua humida eleuantur vapores, ex quibus fit aer, & ex aere vaporoso fiunt nubes, & ex nubibus fiunt pluiiæ, & ex pluiijs terra madefit, & ex terra iterum madefacta à Sole eleuantur vapores, & ex vaporibus eleuatis iterum fiunt nubes, & ex nubibus pluiiæ. Hanc successiuam generationem per circulum factam, ait Arist. esse necessariam: Nam si nubes fiunt, necessariò erunt pluiiæ; & si pluiiæ fiunt, necessariò præcesserunt nubes; & nubes necessariò fiunt, quoniam Sol imbellem sublunari mundo communicans calorem, vapores ex aqua, & terræ madida superficie subleuantur, qui in regione media aeris vi frigoris inspissati iterum cadunt. Hac enim via terræ fecunditas fouetur, & variæ in ea, sicut in aqua, fiunt generationes. Nam dum mixtorum fiunt corruptiones, elementa, quæ in mixto potentia præluere; ad propria loca, id est, totalia elementa confluunt, seu ad cōsimilis elementi regionem. Rursus verò Sol accedens ex elementis portiones necessarias ad nouum corporum generationem, extrahit. Vapores enim & exalationes, qui facili in elementa transmutantur, deiusper cum pluiijs in terram cadunt, & aquam; & ex pluiiæ (quæ superiorum elementorum & aquæ confusum quoddam est) cum terra commixtione, & concurrente Solis propria virtute, varia procreantur mixta.

Generationes instar circuli fiunt.

mixta. Fiunt ergo generationes & corruptiones per circuitum necessariò, & perpetuò. Nam semper fit elementorum veluti quoddam confusum. Hycine quidem aer in aquam maximè còuertitur: Ignis in aerem: æstate verò sole plurimùm potente, inferiora duo elementa in superiora quasi perpetuò conuertuntur: Vel saltem cum superioribus confunduntur: cum elementa omnia prope nos, ad vsum nostrum, & ad faciliorem mixtorum generationem impura sint.

- Afferuit tamen Aristoteles per lationem rectam generationem & corruptionem non esse necessariò perpetuas; atque adeo non fieri regressum ad idè secundum speciem; quia si generationes per progressum rectum essent necessariò perennes: vel essent finitæ huiusmodi generationes, vel infinitæ. Neutrum dici potest. Nam si essent finitæ, non essent perpetuæ contra suppositionem. Quod patet, quia res finitæ facile absorbentur; & tandem nihil superesse posset ad nouam generationem absumpta tota generationis materia. Nò essent infinitæ; quia nulla esset necessaria. Necessitas enim prioris non est, vbi non est necessitas posterioris: v.g. non est necessitas fundamenti domus, nisi præsupposita necessitate domus; vt in quibuluis alijs quæ sibi succedunt, accidit. Nec etiam sequitur necessariò posterius, ex positione prioris, sicuti non sequitur necessariò positio domus, posito fundamento. In infinitis verò non datur prius nec posterius: quoniam in infinito primum nec vltimum assignabile est. Sequitur ergo quod generationis perpetuitas per progressum rectum non sit necessaria; sed potius per circularem, ad imitationem videlicet motus Solis qui continuus est, ob continuitatem sui subiecti mobilis.

Quærit tandem Aristoteles, quare generatio per circulum in quibuscumque fit, in alijs vero minimè? v.g. ex vaporibus fit nubes, ex nube pluuia, ex pluuia aqua, ex qua vapores in principio ablati sunt, & sic ad idem fit regressus in hac circulari generatione. At verò in hominibus talis progressus circularis nequitiam fit.

Quare non fit regressus ad idem secundum speciem.

Dubium.

- Respondet Arist. in his, in quibus vnum est tota materia alterius, fieri circularem & necessarium progressum generationum; vt in exemplo aquæ manifestum est; quæ aqua est tota materia vaporis, vapor nubis, & nubes aquæ siue pluiæ; at verò Pater non est tota materia filij, nec nepotis, aliorumue successorum suorum.

Solutio.

C A P V T XI.

De Peculiaribus causis generationis.

EX dictis manifestum euadit, cælestia corpora esse causas generationis, vniuersales tamen: Præter quas idè peculiare causæ requiruntur.

Vnde Aristoteles inquit: Sol, & Homo generant hominem: Sol & Leo Leonem, & sic de reliquis. Quoties tamen viuientia aliqua sine peculiari progenitore nascuntur: vt quâdo ex materia putrida lumbrici, culices, pulices, cimices, aliaq; animalia imperfectioris ordinis: anxij sunt Authores, quænam sit horum animalium peculiaris, & proxima causa; quæ proxima causa, quam summam nominat Arist. lib. 2. Phys. c. 3, debet esse curæ rerum naturalium inuestigatori, vt perfectam scientiam rei, de qua agitur, consequatur. Plures Viri docti tunc ad Deum concurrunt, quem talium viuientium

rium causam procreatricem constituunt; quia Cæli non possunt esse viuentium causæ; cum viuentia ratione animæ sint multò nobiliora cælis: Quæ sententia mihi vera videtur; Nam cæli cum sint causæ æquiuocæ respectu rerum sublunarium, deberent esse sublunaribus nobiliores. Sed non sunt. Ergò nequeunt esse causæ dictorum animalium: & præcipuè, cum non aliter possent producere dicta animalia, nisi mediantibus suis accidentibus, ut quibusdam placet. Nos autem Aristoteli hæremus, qui passim asserit omne agens naturale intendere producere sibi simile; quod iniquaquam verum esset, si substantiæ adimeretur, immediata potestas producendi substantiam.

Sed dicunt illi, accidens non in propria virtute sed in virtute substantiæ producere substantiam. Hoc tamen nihil ad rem; nam illud, in virtute substantiæ, est substantia vel accidens: si accidens semper manet difficultas: nam sic accidens produceret substantiam. Quod est absurdum; quia causa æquiuoca suum effectum nobilitate excedere debet. Sed accidens quod esset causa æquiuoca respectu substantiæ genitæ, non esset suo effectui, substantia videlicet ab eo producta, nobilior. Concludendum ergo ipsum non posse attingere immediatè productionem substantiæ; nisi quatenus subiectum ad nouæ formæ receptionem disponit. Si verò admittant aduersarij, illud in virtute substantiæ, idem esse ac substantiam, habebimus intentum, & sic substantia immediatè produceret substantiam.

Sed doctus Caietanus, ut ab hac ardua difficultate se expediat, respondet, verba S. Thomæ, accidens in virtute substantiæ substantiam producere, hoc modo interpretanda esse, ut in virtute substantiæ, idem sit, ac virtus substantiæ: ita ut qualitas agens non producat substantiam in virtute substantiæ, sed quatenus est virtus substantiæ. Meo tamen iudicio hæc interpretatio maiorem vim accidenti tribuit quam deberet. Nam inde sequeretur merum accidens, in sua virtute, & non in virtute substantiæ posse substantiam producere. Quod probo: Id omne quod se ipso producit substantiam non producit substantiam in virtute substantiæ, vel tanquam virtus substantiæ. Sed accidens qualitatiuum se ipso producit substantiam. Ergo non producit substantiam in virtute substantiæ. Probatur minor, id quod per suam solam essentiam producit substantiam, seipso producit substantiam. Sed accidens illud qualitatiuum per solam suam essentiam producit substantiam. Ergo seipso. Probatur minor. Essentia accidentis illius producentis substantiam, ut aiunt, nihil est aliud quam virtus substantiæ posita extra suas causas. Sed hac sua virtute producit substantiam. Ergo per suam essentiam, & se ipso, & non in virtute substantiæ.

Quòd autem virtus illa producendi substantiam sit solius accidentis, patet; quia, ut mihi in publicis disputationibus sæpè concessum est, calor natiuus, aut calor ignis diuinitus separatus ab omni substantia, generaret substantiā. Ergo cum aduersarij admittant accidens qualitatiuum substantiæ annexum, ab eaque separatum semper producere substantiam, illud solum substantiam procreabit. Dicendum ergo substantiam per se substantiam producere, sicuti qualitas qualitatem. Nec est maior ratio, cur accidens suum simile producat, quam substantia suum.

Ad rem ergo redeunt, statuendum, in omni generatione præter vniuersalem causam, peculiarem requiri: & quoties peculiaris in natura deficeret, Deum Omnipotentem defectum talis causæ supplere. Quod autem ad causas vniuersales cælestes attinet, eas vniuersales esse exatimo propter com-

munem concursum, quo cum sublunariis agentibus agunt; tribuendo nimirum ipsis viuitatem & robur ad agendum.

Tametsi eadem ratione venanda sint causæ mixtionis, ac generationis; cū mixtio generatio quædam sit, superest tamen, vt videamus, an ipsamet elementa in se inuicem agentia, tanquam propria miscibilia, sint causa per se & immediata mixtionis, an verò causæ vniuersales? Verior quidem sententia tenet, miscibilia non posse producere mixtum, nec esse causâ mixtionis; quia causa per se & immediata alicuius effectus debet superesse effectui, & in talis effectus productionem tendere. Sed miscibilia in se agentia non intendunt producere mixtum, sed vnumquodque in suum contrarium, vt id in se conuertat, agit: Ignis v.g. intendit aquam in se conuèrtere, & aqua ignem, & sic de cæteris, & rursus ex omnium corruptione nascitur mixtum; ita vt necessariò elementa corrumpantur, antequam ex ijs mixtum resultet. Ergo statuendum, ab aere, vel aqua, vel terra caelesti virtute impregnata inanimata mixta procreari, animata verò imperfecta, quibus non præest efficiens causa peculiaris à Deo naturæ Authore progigni; vel sanè omnia mixta ab Authore naturæ produci, ni post generationem mixti causa sublunaris sufficiens, idonea, ac superstes sit.

CAPVT XII.

Vtrum Elementa in mixto maneant integra?

Prima opinio tenet elementa cum suis substantialibus formis in mixto permanere. Philoponus lib. 1. de generat. comment. tex. 74. & Auicenna 1. Sufficient. c. 1. Auerroes lib. 2. de generat. comment. tex. 90. & lib. 3. de cælo com. 67. Thomas de Garuiio lib. 1. Summæ medicæ titulo 1. quæst. 1. Christophorus à Vega, lib. 1. de arte medendi c. 1. Iandinus lib. 6. Physic. quæst. 4. Albertus magnus de Generat. lib. 1. tract. 6. c. 7. & lib. 3. de cælo tract. 2. c. 1. & 8. Niphus lib. 1. de generat. quæst. 12. & 8. Metaphys. disput. 4. Conratenus de Element. sicuti Aquilin. lib. 3. de elementis: & tandem Ioannes Fernelius Christophori à Vega Coætaneus. Vidi enim Christophori Artem Medicam, iam 26 octoginta annis Francofurti prælo subactam; anno nimirum 1565. circa quod tempus floruit etiam Fernelius.

*Primæ
opinio.*

Horum authorum opinio Aristotelicæ doctrinæ conformis esse videtur, qui lib. 5. Metaphys. cap. de elementis ait: Elementum est id, ex quo inexistenti aliquid primò componitur. Et rursus: Elementa dicuntur corporum vltima, in quæ corpora diuiduntur. Et deinceps: Elementum est quod primo vnicuique inest. Addamus his mixtionis definitionem: Mixtio est miscibilium alteratorum vnio. Lib. etiam 2. de anima c. 4. tex. 39. Dicit, animâ in mixtis animatis detinere elementa ne ad propria loca recurrant. Lib. 1. de cælo ait, mixtum inclinare ad locum elementi in eo prædominantis. Ergo sunt actû in mixto.

Probatur hæc sententia ratione. Primò, quia si elementa in mixto actû non permaneant, mixtum erit æquè simplex compositum substantiale ac simplex elementû. Nam constat tantum materia & forma substantiali simplicibus, & quibusdam accidentibus, sicuti elementa; Sed hæc dicere esset absurdum. Ergo elementa in mixto actû remanent.

*Primum
argumentû*

Secundū.

Probat̃ur secundò; quia si elementa in mixto corrump̃erentur, non saluarentur in eo virtutes eorum: Nam in corrupto non reseruantur rei præexistentis virtutes; ut apparet in aqua in ignem conuersa, in quo aquæ corruptæ virtutes nullo modo reperiuntur. Ergo si corrumpuntur elementa in mixtione, mixtum continebit in se materiam tantum miscibilem, eo modo, quo ignis continet materiam solam aquæ, quæ in ipsum conuersa est.

Secunda opinio.

Secunda communis & verior sententia fert, elementa non permanere actu in mixto. Quod probatur autoritate Aristot. cap. 10. lib. 1. de generatione; vbi hæc habet: Videntur ergo ea quæ miscer̃tur prius ex separat̃is conuenientia, & possibilia separari rursus; neque permanent igitur actu, vt corpus & album, neque corrumpuntur, neque alterum neque ambo; saluantur enim virtutes eorum. Ex his enim & præcedenti cap. 9. eiusdem libri facile intelligitur Aristotelem velle, elementa in mixto non actu, sed virtute remanere lib. 2. de partibus animal. c. 1. eandem sententiam expressè habet. Cum itaque duplex sit compositio, prima statui potest ea quæ ex primordiis conficiuntur his quæ nonnulli elementa appellant, terram dico, aquam, aerem, ignem: sed melius fortasse dici potest, ex virtutibus confici elementorum; hisque non omnibus, sed vt ante expositum est: humiditas enim, & siccitas, & caliditas & frigiditas materia corporum sunt compositorum, ceteræ autem differentiæ eas sequuntur; vt grauitas, leuitas, densitas, raritas, asperitas, lenitas, & reliquæ id genus affectiones. Non potuit clarius loqui Aristot. vt confirmaret elementa non esse actu in mixto. Lib. 1. meteor. clarissimè adhuc rem hanc sic deducit: Dicimus itaque ignem, & aerem, & aquam, & terram fieri ex se inuicem, & vnumquodque horum in vnoquoque existere potentia, sicut & aliorum, quibus vnum aliquid & idem subijcitur, in quod etiam resoluntur vltimum.

Rationibus patet formas elementorum in mixto non permanere.

Ratione patet, eadem elementa actu in mixto non permanere; quia materia nulla naturaliter potest pluribus substantialibus formis simul informari; nam quæuis forma substantialis materiæ appetitum compefcit, eamque in determinata specie constituit. Sed si pluribus formis substantialibus eadem materia informaretur, iam non ad vnā, sed ad plures species determinaretur, & plura constitueret vnā cum diuersis illis formis indiuidua diuersarum specierum: quod est absurdum, quoniam vnum compositum esset vnum ex suppositione, & non vnum, quia formæ diuersarum specierum corporum, cuiusmodi sunt formæ elementorū, cum contrarias desiderent dispositiones, vnum compositum vnius speciei corporis construere nequeunt. Quomodo quæso possibile est, vt vna materia sit capax naturaliter frigiditatis & humiditatis, ac simul caliditatis & siccitatis, quæ tamen contrariæ dispositiones ad sustentationem formæ aquæ, & formæ ignis in materia requiruntur. Denique impossibile est, quin ignis impediret aquam, ne hæc suam formam in tali materia introduceret; & aqua vicissim ignem, ne hic suam materiam imprimeret. Si præterea nunquam sese vincerent, sed semper vtrumque agens suam retineret formam substantialem, & omnimodam integritatem specificam, in perpetuo versarentur conflictu, & neutrum illorum materiam alterius occuparet: Nec possent à Sole, aut astris commisceri, sed integra permanentia non mixtum, sed acruum variorum corporum transpositorum efficerent; vt sit in acervo tritici, hordei, auenæ & similitum. Promdeq; elementa nõ essent materia mixti, contra cõem tam antiquorum, quàm recentiorum Philosopherum opinionem. Et sic nunquam mixti forma in corpora specie diuersa, qualia sunt elementa, induceretur; quia forma nulla introitum

in materiam dispositionibus requisitis carentem, habere potest. Corpora verò simplicia integra permanentia, his dispositionibus carent.

Obiectionibus ex Aristotele desumptis lib. 5. Metaph. facile satisfit. Ibi enim elementi nomen in ampla significatione sumpsit. Vnde litterę quę elementa sunt syllabarum, & syllabę vocum, in ipso vocabulo actu insunt, & idem vocabulum in dicta elementa resoluitur. Posito tamen quod de veris elementis mentio facta sit, certum est ipsa esse in mixto, scilicet secundum virtutes eorundem; & mixtum in elementa resolui dicitur, quia ex mixtis corruptis elementa generantur, in quibus idēō potentia inerant; cum ergo quędam elementa actu & quędam potentia, vt vera elementa in composito manent, recte Aristoteles asseruit, elementa actu vel potentia in mixto remanere: materia enim & forma, quę elementa ab Aristotele dicta sunt, actu permanent, vt litterę; licet corpora simplicia elementa vulgō nuncupata, potentia tantum insint.

*Exponitur
Aristot.*

Opponebant Mistionem esse miscibilium alteratorum vnionem; atque adeo miscibilia actu in mixto remanere. Cui facile satisfit; non proinde elementa actu in mixto permanere, quia licet ea quę alterantur, cuiusmodi sunt elementa ad mixtum concurrentia, possint, quamdiu alterantur, permanere integra, secundum formas substantiales, non tamen tandem perseue ante, diuturno tempore, tali alteratione; Quare licet mixtio non excludat alterationem in fieri, tanquam principium dispositionis sui termini à quo, alterationem tamen factam intimius respicit, quę alteratio in facto esse magis proprię quam alteratio in fieri significatur per particulam alteratorum, in definitione mixtionis, quam idēō aliqui exponunt, idem esse alteratorum ac corruptorū. Alteratorum, profectō res alteratas, & non quę alterantur, proprię indicat.

Opponebant locum Aristotelis libri secundi de anima, formam mixti retinere elementa coniuncta in mixto. Cui respondemus Aristotelem locutum fuisse iuxta Empedoclis suppositionem, qui putabat elementa integra secundum substantias & qualitates nulla alia adueniente forma mixti, in mixto remanere; licet inibi expresse Empedocles de augmentatione loquatur, quam tamen ab anima procedere ait Aristoteles. Empedocles verō plantas augeri dicit, quia more terrę, radices plantarum ob grauitatem deorsum feruntur, & ignis ritu, easdem plantas sursum crescere & propagari contendit. Cui dupliciter respondet Aristoteles, primo ipsum non bene sursum & deorsum accepisse, quę non in omnibus eodem modo se habent, & in Vniuerso; id est Mundo. Nam radices plantarum se habent vt caput animalium. Vt enim animalia per os alimenta suscipiunt; ita per radices ex terra plantę. Ergo non ratione grauitatis aut terrę naturę deorsum in terra plantę protenduntur, sed alimenti hauriendi gratia. Secundō petit Arist. quid est quod ignem & terram, quę in contraria feruntur ex sua natura, sursum nimirum & deorsum, in tali societate copulatos contineret, si nulla adesset forma mixti, sine qua prohibente eorundem elementorum distractionem ab inuicem, statim segregarentur. Si verō adsit aliqua causā talem distractionem & separationem prohibens, erit necessario anima; & hæc eadem erit causā nutritionis & augmentationis, ac decretionis. Hoc fuit Aristotelis, loco citato, intentum.

Opponebant, mixtum ad locum prædominantis elementi cieri. Cui facilimē satisfit: Id verū esse. Non tamē proinde sequi elementa permanere actu in mixto: Manent enim secundum materiam & virtutes, id est, qualitates: potentia ergō motiua, quā mixtum aliquod mouetur, grauitas nimirum &

uitas,

uitas, in mixto supersunt, quia quatuor primæ qualitates, ex quarum quidem commixtione ceteræ qualitatū differentiæ, inter quas est grauitas & leuitas, generantur, vt testatur Arist. lib. 2. de part. animal. c. 1. tam antea citato; mouetur ergo mixtum à prædominante elemento, id est à potentia motiua, grauitate nimirum, & leuitate consequente præcipue materiam, qualitatem prædominantis elementi, non elementum actu, quod tale non permanet.

Obiectio 1. Obijciunt primò ratione, si in mixto actu non permanent elementa, mixtum erit æquè simplex compositum, ac elementum. Cui obiectiōni respondemus; si mixtum pro sola materia & forma substantiali connexis accipitur, abstrahendo à termino à quo & à dispositionibus requisitis ad formam mixti introducendam, esse æquè simplex corpus ac elementum. At verò si sumatur mixtum quatenus conotat suum terminum à quo, elementa nimirum, &

Solutio.

quatenus eius forma pro dispositione quatuor primarum qualitatū temperiem prærequirit, necessariò maiorem inuoluet compositionem, quam simplex elementum, quod non pro primis miscibilibus alia corpora prærequirit, sed solam simplicem materiam & formam; & eius forma pro dispositione requirit duas qualitates primas, nullatenus contrarias. Cum tamen mixtum contrarias elementorum qualitates in se contineat; quæ qualitates remissæ, & superflites, virtutes eorundem elementorum ab Aristor. appellantur, vt in præcedentibus sæpe innuimus.

Obiectio 2.

Obijciunt secundò, virtutes rei corruptæ non permanere in succedente re producta; & consequenter elementorum corruptorum virtutes nequaquam in mixto superesse. Cui obiectiōni respondemus, in quibusdam corporibus, & præcipue mixtis, virtutem rei corruptæ permanere. In Absynthio enim combusto aliqua eius virtus superstes viget; vt in Animonio, Mercurio, aliisque multis adustis, & in cinerem conuersis. Ergo cum experientia pateat, in mixtis genitis ex alijs mixtis aliquid permanere virtutis prioris mixti; hinc colligemus, in mixto genito ex elementis aliquam elementorum virtutem remanere; & maxumè, cum id experientia pateat, cumque elementa non sint mixto contraria, sed (ibi ipsis. Experimur enim in nobis mixtus inesse calorem, & alias primas qualitates: Nam partibus constamus contrarias habentibus tenetaturas. Diuersa autem est ratio in conuersione vnius elementi contrarij in aliud: Dum autem aqua in ignem conuertitur, nulla virtus æquè in igne producto remanet; sicut nec in aqua ex igne producta aliqua huius.

Solutio.

Ioannes Fernellius Vir planè disertus lib. 2. suæ Physiol. c. 6. & 8. stylum, eundemque pungentem, & nimis acutum in recentiores elementorum formas in mixto suppimentes, conuertit. Videmus, inquit, apud multos Iuniores puerilem, verèque inanem percrebruisse sententiam, qua ij veteres sprete Phylorophia decreuerunt, non elementorum substantias, sed qualitates duntaxat in nobis asseruati. Recentiorum argumenta hoc ordine disponit. Primò, calidum, frigidum, humidum, & siccum, ex quibus constamus, non substantiarum, sed qualitatū nomina. Secundò nusquam sinceras quatuor rerum naturas haberi, mixtionis expertes; neque eas, quæ nos circumfundunt, si rei gignendæ adhibeantur, species suas prætereā retinere; verum protinus euanciscere, quando nona compositi forma ex permixtione succedit.

*Fernellij
argumēta.*

Consequentiè scribens ait: Quæ tanquam absurda, vt funditis euertamus, decet sigillatim illa minutatimque exuere. Pro solutione denique primi argumenti, ait: Calidi, frigidi, humidi, & siccæ appellatione, alias

qua-

qualitates, aliàs verò corpora quibus inhærescunt, intelligantur. Corpora verò aut summis hisce qualitatibus excellunt, aut depressis prædita sunt; Quæ ex depressis constant, vario sunt ordinis, quandoquidem, & panem, & vinum, & carnem, & piper, aliaque innumerabilia calida esse dicimus, vti cartilaginem, membranam, neruum, & os sicca. At quæ qualitatibus excellunt, non ita sunt multa, sed quatuor omnino, terra, aqua, aer, & ignis, quibus qualitarum exuperantiam inesse diximus. Concludit ille, nomine calidi, frigidi, humidi, & sicci, intelligi ab Authoribus quatuor elementa. Cum ergo, inquit, ex calidi, frigidi, humidi, & sicci temperatura omnium corpora constare proditum sit, quis tam cæcus in contemplandis rebus est, vt qualitates puras animo concipiat? vt ex qualitatibus constitui corpora asseueret.

Ad secundum argumentum sic progreditur. Quod asserunt illi, sinceram nusquam haberi elementorum naturam, ridiculum sanè est, & dementiæ proximum. Nam quæ apud nos extant, impura tametsi fortè sunt omnia, sincera tamen vspiciam necesse est, quæ principia sint & veluti fontes à quibus ista fluxerunt.

Ad tertium sic procedit. Illud autem quod aiunt, elementorum formas euanciscere, cum in compositionem ea concreuerint; quantum obscurat & inquinat omnem Philosophiæ splendorem: idem. n. fieri putat in elementorum permixtione, quod in simplici rei transmutatione, vbi recès aliqua forma in subiectam materiam commigrat, pellitur vernis atque decedit: Cæterum dū ex elementorum temperatione corpus innouatur, illorum formæ nihilominus in hoc manent. Adeo vt si illis congregientibus herba nascatur, in ea seruentur illorum substantiæ, dumque rursus herba concoctione in sanguinem, tandem verò & in carnem mutabitur, licet herbæ forma intercideas, noua nascente, nequaquam tamen elementorum formæ exeunt; sed stabiles permanebunt, quoad vlla compositi ratio constabit, quamuis non vnâ, & perpetua permixtionis, proportionem. Sic enim de his statuerunt viri præclarissimi, Primus Hippocrates, qui singula quæ ad gignendum confluxerunt, talem vim, ait, in corpore retinere, qualem contulerunt: & omnia per interitum eò recedere, vnde sunt accepta; quod fieri neutiquam posset, nisi pristinas illas naturas retinuissent. Arist. rursus definitionem, s. metaph. traditam citat: Elementum est id, quod cuique composito primò inest, & in quod vltimum corpora diuiduntur. Caput etiam 3. lib. 3. de celo citat, vbi Arist. affirmat, in carne, atque ligno, alijsque similibus, ignem atque terram facultate, & (vt dicere solent) potentia inesse, hæcque ex illis manifestè segregari. Quod si illorum substantiæ occidissent, qui fieri posset, vt deum se iungerentur? Hæc sane, inquit, portentosa fuerat opinio, qua dum Iuniores veterum Philosophorum disciplinam, permixtionisque rationem assequi minimè valuerunt, ab illorum sententijs temere defecerunt.

Hactenus Fernelius, qui si paulò solidius doctrinam, quàm verborum concinnitatem & ornatum affectasset, propositam quætionem non adeo dubiam, tam ridiculis argumentis neutiquam inquinasset. Nam leuissimè omnium veritatem nostræ doctrinæ oppugnat: eamque oppugnando, præcipuis in medicina, & Philosophia viris oppedere, sola latinitatis elegantia iussul-
tas, minime veretur. Turpiter tamen; nam si quam ille doctrinam laude dignam congestit, ex vberissimis Antecessorum promptuarijs eam penè exhaustit: non tanquam ingenuus scriptor, bonæ disciplinæ parentes sæpè commemorans, sed vt callidus latro, suum iactanter faciens quidquid alijs astu-

*Fernelij te-
meritas per
linguis*

tè eripuit, & hos rursus ingratus, superbusque increpat.

Imponit quidem recentioribus, qui nunquam cogitarunt, calidum, frigidum, humidum, & siccum in mixto esse meras qualitates, sed qualitates substantiæ annexas. Dicunt enim omnes, præter qualitates elementorum restructas, & contemperatas, in mixto permanere materias eorundem elementorum. Ergo non dicunt, solas qualitates in nobis esse.

Gratias Fernelio agimus pro distinctione illa calidi (& sic de reliquis) quod aliquando pro qualitate, aliquando pro corpore cui hæret accipitur. Fingit, n. se nobis aliquid noui inuenire, cum distinctio illa vulgatissima sit apud Arist. & Gal. Multò tamen melius dixisset, calidum aliquando pro nuda qualitate accipi, aliquando pro calida substantia, non pro corpore, vt ille loquitur; nam corpus cui accidentia conueniunt, ni vnà cum accidente sumatur, accidentis denominationem non suscipit. Secundum hanc claritatem loquitur Gal. comm. 14. lib. 1. Aph. sic: Hoc ipsum igitur verbum, calidum, aliquando transferimus ad qualitatem; cuius proprium nomen est caliditas; aliquando denominatiuè totum corpus dicimus calidum à caliditate: estque hic modus loquendi plurimus in omni vita; & fuit apud antiquos, veluti Theophrastus ostendit, in eo lib. qui de calido & frigido inscribitur. Hæc Galenus, cui in claritate est inæqualis Fernelius, qui vbique Tyronibus obscuritate parere mauult, quàm exiguū eloquentiæ punctum in periodo omittere. Iterū illi gratias agimus pro alia distinctione calidi (& sic de reliquis) in calidum excellens, & in calidum remissum. Quam doctrinam habet Arist. lib. 2. de gener. cap. 7. vbi ait: calidum, frigidum, & humidum, & siccum esse simpliciter & absolute, ac intensiue talia, alia verò remisse & secundum quid. Hanc eandem doctrinam habet Gal. lib. 1. de temperam. cap. 1.

Fernelius secundum argumentum recentioribus tribuit, quos ait, elementorum in mixto integritatem denegasse; quòd elementa ipsa nullibi pura extant. In quo sanè fallitur, nec ad rem quidpiam dicit. Nam hac ratione vtitur Arist. vt probet mixtionem ex quatuor elementis fieri, & hæc simul ad illam concurrere, vt à nobis in superioribus expositum est: in aere quidem igneæ quædam exhalationes apparent, quæ nubibus commixtæ, si rursus cum pluuijs descendant, ad mixtum in terris consiciendum, vna cum reliquis erunt idoneæ. Nec solum ex elementis impuris, sed ex diuersis liquoribus, quorum quisque mixti rationem habet, agendo & reagendo in se inuicem, in mixtum quoddam temperatum desinunt; vt aqua Absynthij & aqua Portulacæ debite commixtæ: Vinum pariter & aqua. Secus de consimilibus liquoribus dicendum; qui commixti, quoniam in se non agerent, mixtum non constituerent, sed compositionem. Generatio enim ex contrarijs (vt loquitur Philosoph. lib. 2. de generat. tex. 36.) in contraria est mutatio. Generatio enim ex arte non raro procedit, quod innuit Arist. lib. 2. de generat. quando loquitur de generatione secundum naturam; quæ verba ideo ab ipso prolata sunt, vt generationem secundum naturam à generatione artificiali distinguat, teste Philopono in dictum textum.

Quòd denique vix sincera reperiantur elementa, Arist. & aliorum penè omnium est communis sententia, si superiorem & ab aere remotiorem ignis partem excipias. Proinde Arist. lib. 4. Meteor. omnia, excepto igne, putrescere affirmat; quoniam alia quæuis, mixti saltem imperfecti rationem habent. Nos quidem dubitamus, an terra in suo centro ac meditullio sincera sit; quoniam absolum videtur terram vllibi summam illam ariditatem, ad vniionem & cohesionem ineptam, retinere. Non enim loco stare posset præ tanta siccitate.

Quod

*Generatio
naturalis,
& artifi-
cialis.*

Quod tertio loco tribuit recentioribus, verum est : nam omnes in hoc consentiunt, elementorum formas substantiales in mixto non permanere. Opponit Fernelius, si hoc verum esset, nullum intercedere discrimen inter mixtionem, & simplicem transmutationem. Cui obiectioni cum ipso Aristot. iam antea satisfecimus.

Fernelius Hippocratem citauit, sed incautè nimis, ne dicam imperitè. Ait enim : Primus Hippocrates, qui singula quæ ad gignendum confluxerunt, talem vim, ait, in corpore retinere, qualem contulerunt. Mendosè fanè & parum fideliter Hippocratis verba traduxit, quæ hoc modo iuxta litteram græcam se habent : Necessarium igitur naturæ tali existente, & reliquorum omnium & hominis non vnum esse hominem, sed vnumquodque conferentium ad generationem habere aliquam virtutem qualemcunque conferebat. Ecce quomodo Fernelius negligenter omisit particulam, aliquam, pro qua Cornarius optimè ponit, quandam. Hinc liquet Hipp. è contra velle, elementa in mixto potestate & non actu permanere; vt verba illa, vim quandam habere, expiunt. Non enim affirmat ea retinere totam integramque suam virtutem in mixto, sed quædam; vt confirmat rursus particula, qualemcunque. Et hæc quædam virtutes sunt primæ qualitates præcipuè, à quibus ipsa elementa talia dicuntur, vt conformiter Arist. loquitur Gal. lib. 1. de element. c. 9.

*Fernelius
malè citat
Hippoc.*

Locis Aristotelis à Fernelio citatis, antea satisfactum est. Arist. enim manifestè affirmat, elementa non actu, sed potestate in mixto remanere; cum in carnè & ligno, ignis & terra facultate tantum, & potentia, vt confiteretur Fernelius, continentur. Quod enim est in mixto potentia, non est actu in mixto. Sed ex Fernelio elementa sunt potentia in mixto. Ergo ex Fernelio elementa non sunt actu in mixto. Potentia enim aliquid esse, ei quod est actu, opponitur; vt patet ex ijs quæ à nobis dicta sunt de calore actu ex Arist. Nam vbi calor secundum totam caloris intensiōem adest, nihil frigiditatis actu inibi continetur, sed potentia inesse dicitur, quia tale actu calidum, frigidum aliquando esse potest; sed successiuè. In Metaphysica etiam opponit esse actu, esse potentia.

Idem Fernelius cap. 7. lib. 2. Physiologiæ docet, iustè Empedoclem ab Aristotele laceßiri, quod ille affirmasset elementa exiguarum partium appositum solo permisceri. Sed incautè nimis, quoniam Arist. censuram æquè, ac Empedocles, ipse subit. Quid enim ille, præter Empedoclis opinionem de elementorum commixtione, retinet? imò difficiliorem ille quàm Empedocles opinionem format.

Primò inquit mixtionem elementorum substantias non integrè intermiscere, id est, omnes partes diuersorum elementorum non transponi inter se vi mixtionis; sed solas qualitates ita commisceri & confundi, vt æqualiter sint fusæ per vniuersum corpus mixtum.

Secundò ait, quoties elementa ad mutuum conflictum pari ferè robore cōfluunt, sese inuicem in exiguas partes, non verò in minimas interfecare, vt vna pars vnius elementi alteri alterius cohareat, & nihil sensu Visus, auditus, gustus, tactus, aut olfactus incommixtum notari possit. Hac partium elementorum transpositione facta, eedem partes in mixto, æque ac ante mixtionem suas formas substantiales sine vlla intensiōe aut remissionem conseruant. Elementorum tamen qualitates, vt paulo ante protulit, totæ totis se permiscunt, & mutua actione se ita temperant, vt in temperiem quandam & moderationē redigantur; huiuscemodi temperies tāquam simulare quid per vni-

uersum corpus mixtum diffunditur. Licet igitur substantiæ *αὐτὸ ὅλον*, id est, secundum se totas temperari nequeant, sed duntaxat continua appositione, connecti, qualitatum tamen primarum, consummata est mixtio, qua mixtione absoluta, temperamentum in toto corpore succedit, quam mixti forma illico consequitur, & inde mixtum resultat.

Tertio, elementorum portiones quæ in simplici corpore producto remanent cum suis formis subsistunt, non tamen liberè aut sui iuris, sed implicite, vinctæ, & interceptæ ob mutuam primarum qualitatum pugnam, & nobilioris formæ mixti præsentiam. Quam ob causam nec ignis vrit, nec alia elementa intensè agunt. Quare potestate tantum insunt.

*Fernelius
perstringitur.*

Sed hæc sigillatim examinare decet. Ait ille primò, quòd mixtio substantias elementorum non inserit, totas totis. In quo sanè bis peccat. Primò, quia contrarium paulò post asseruit dum ait, partes diuersi generis in mixtione sibi coherere; quæ autem ab illo dicuntur diuersa genera, sunt elementa; quamvis apud præstantiores Philosophos vnus generis cancellis cohibeantur. Sunt enim corpora naturalia in solo substantiæ genere collocata, saltem quatenus talia. Secundò grauiter peccat, partium elementorum intermixtionem siue interpositionem negans. Nam hac via omnem è natura eliminat mixtionem, quæ fieri nequit, sine aliqua partium transpositione, & approximatione, quod ipse Empedocles admisit. Si enim partium insertio, confusio, & intermixtio denegetur, necessario mixtio, quia vt hæc, & omnis generatio fiat, actiua passiuæ adhiberi debent.

Sed dicit aliquis, quando Fernelius ait, elementorum substantias totas totis non inferi, ipsum illis reniti, qui corporum penetrationem, teste Plotino, admisserunt. Quoniam percipere nequibant, quomodo sine tali corporum penetratione sudores ex integris corporibus per cutem emanarent, vel quomodo lana aut spongia aqua, aliove liquore perfundi possit sine huiusmodi penetratione, cum nulla pars lanæ aut spongiæ sine liquore extet.

Sanè, si contra talem errorem loquutus fuisset Fernelius, reprehensione dignus non esset; quia ibi penetratio corporum neutiquam fit, sed iuxta ponuntur, & per talem iuxta positionem augentur & cresunt. Verum illud verbum, inserit, quo vsus est Fernelius, corporum penetrationem non significat, sed interpositionem, vel intermixtionem quandam, siue interaccessionem, vel ordinatè interdisponere, vel intus collocare. Ergò negauit, & concessit transpositionem partium substantiæ elementorum.

Secundò confiteretur tandem Fernelius in mixtione ipsa miscibilia, siue elementa sese in partes exiguas, non verò minimas, quæ suas formas retinent, interfecare, & harum partium transpositionem fieri, & omnia sensus iudicio in mixto esse commixta; non quòd substantiæ elementorum secundum se totas temperentur, aut commisceantur, sed sufficit, vt qualitates primæ inutua inter se inuicem actione contemperentur. In quo sanè cum Empedocle concurrit, qui solam elementorum transpositionem in mixto sine eorundem corruptione asserbat. Contra ergo Fernelium Empedoclis opinionem renouantem, eo modo, quo Aristoteles in hunc modum lib. 2. de generat. cap. 7. sequentia opponamus rela.

*Empedoclis
errorē renouat
Fernelius.*

*Argumenta
contra
Fernelium.*

Primò, si elementa integra in mixto permanerent, non daretur mixtio, nec mixtum nisi apparenter tantum, & sensus imperfectionis iudicio. Probatur illa sequela; quia secundum exquisitum sensum linceum tale mixtum non esset mixtum, sed aggregatum quid, eo modo, quo domus ex lateribus, lapidibus, lignis, clauis, cemento,

Secundò, si elementa in mixto integra permanerent, simile nullum corpus admittendum esset; quod probatur: Quia id, quod componitur ex partibus heterogeneis & diuersæ omnino rationis, non est simile & homogeneum: Sed caro, & os &c. quæ partes similes communiter nuncupantur, ex huiusmodi rebus diuersæ naturæ componuntur. Ergo non sunt corpora homogenea, sed prius heterogenea. Minor patet: Partes similes componuntur ex elementis actu existentibus: Sed elementa sunt diuersæ rationis, & speciei, & magis, vel æquè saltem aliena & remota ab inuicem, quàm os & caro inter se, aut cerebrum & cor. Ergo quod ex elementis componitur, heterogeneum est, & nullatenus homogeneum. Sed similes partes communiter sic dictæ, componuntur ex elementis actu existentibus, vt vult Fernellius. Ergò similes erunt dissimiles potius quàm similes.

Tertio, si elementa actu in mixto permanerent, ex quacunque parte mixti quatuor elementa non fierent, eo modo, quo ex qualibet ceræ parte omnis figura: Vt enim ceræ, & omnis eius pars est capax figuræ circularis, triangularis, quadrangularis, pyramidalis, & aliarum omnium; ita pars similis est in potentia, vt non solum ex ea fiat aut generetur aqua, sed insuper terra, aer, & ignis. Verùm si elementa ita in mixto integra remanerent, vt Empedocles, & Fernellius volunt, in mixti solutione ex parte ignea, siue quæ ignis est, non fierent alia elementa, sicuti nec ex alijs ignis; cum tamen ex opinione Arist. & sequacium quælibet pars mixti sit in potentia, vt ex ea resultent quatuor Elementa.

Quarto, si elementa integra in mixto consisterent, nec augmentatio nec generatio in natura darentur. Augmentatio enim secundum additionem vel appositionem vnius rei alteri fieret, quod est æquiuocè augeri, vt loquitur Philosophus; quia nimirum fit per iuxtapositionem; vt si quis aquam aquæ addiderit, & fecerit ampliorem, dicere consueuimus, aquam auctam esse: pariter opus fictile per rei externæ appositionem augetur, domus, vinum, & similia. Augmentatio verò propria fit, quando alimentum alteratur, siue concoquitur, & partibus rursus apponitur, & à nutritiua assimilatur; & tandem, secundum omnes dimensiones, partes auget.

Quinto, Generatio nequaquam fieret, si elementa integra in mixto permanerent; quia generatio nunquam fit (saltem secundum ordinarium generandi modum) quin corruptio eam præcedat: Vnde illud Arist. dictum in axioma migravit: Generatio vnius est corruptio alterius, & vice versa, corruptio vnius est alterius generatio. Ergò mixtum nullo modo generaretur, si elementa incorrupta persisterent. Solum enim fieret mixtio & mixtum per miscibilibus factus, vt Empedocles apud Arist. loquitur. Et sic mixtum esset aggregatum quoddam, & non verum mixtum: nec mixtum diceretur corumpi, sed elementa separari ab inuicem, dum nostro iudicio corumpitur.

Sextò, Nihil sincerum in nostro corpore reperitur, vt Galen. lib. 6. de vsu part. autoritate Hipp. lib. de alimento, asseuerat: Omnia, inquit, omnibus commiscetur, ergo elementa actu in mixto non remanent. Si enim remanerent elementorum formæ veluti ligatæ, & feriatæ, vt placet Fernelio, frustra omnino & contra naturæ legem: nihil enim otiosum in corpore animalis extat, teste Gal. lib. 4. de vsu part. cap. 2.

Septimò, ex Fernelio c. 6. & c. ult. lib. 2. suæ Physiologiæ, elementorum formæ substantiales in mixto actu continentur, & lib. 3. c. 2. audacter asserit, quatuor primas qualitates secundum totam suam latitudinem, id est in summo gradu

gradu, in mixto permanere, donec dissoluatur. Ergo per totum vitæ decursum dabitur in corpore quouis animato temperamentum ad pondus. Probatur consequentia. Temperamentum ad pondus est temperies resurgens ex primarum qualitatum æquilibrio, & commixtione, aut contemperazione. Sed toto vitæ decursu datur talis confusio & æquilibrium. Ergo & temperamentum ad pondus. Minor patet; quia ex Fernelio fit confusio & commixtio primarum qualitatum in mixto, & præterea inest paritas & æquilibrii intensiōis earundem primarum qualitatum, cum omnes insint in octauo gradu siue in gradu supremo, atque sincero.

Octauo, si elementa permanerent in mixto integra, nec caro, nec vena, temperamento inter se distinguerentur, quod est contra Gal. lib. 7. method. c. 3. ubi ait; quamlibet partem ab alijs distingui, eò, quod calidior, vel frigidior, vel siccior, vel humidior sit, vel quod calidior simul, & humidior, vel calidior, & siccior &c. Id inquam, ex Fernelij doctrina sequeretur, quia quatuor primæ qualitates confusæ, & commixtæ æqualiter, diffunduntur per vniuersum corpus, vt illi placet. Ergo vna pars non erit altera calidior, nec siccior, aut humidior, aut frigidior. Fernelij verba sunt hæc: Qualitatum tamen consummata est permixtio. Cumq; hæc absoluta fuerit, temperamentum accipit æqualiter toti conspersum.

Nonò, non daretur nec caro nec pars organica in animali; quia non esset quidpiam vnde forma animalis mortalis educeretur, nec aliquid, ex quo tales partes generarentur. Nihil enim est in uiuente (hominē excipe) præter quatuor elementa quæ secundum suas formas in eo actu manent. Quæ elementa, cum non transmutentur, aut corrumpantur, vt ex ijs aliquid concreseat, in viuentes partes, siue similes, siue organicas migrare nequeunt. Nam ex elementis permanentibus integris nulla forma educi potest. Mixtio enim, cum generatio quædam sit, sine præcedentium corporum corruptione fieri nequit. Nam ex præcedentium formarum corruptione, sequitureductio nouæ formæ è potentia materiæ. Plenè planeque hanc doctrinam sic exponit Galen. lib. 1. de element. c. 3. Quod si prima respexeris elementa, facile fieri poterit, vt quamuis ea nullum habere sensum supponatur, modò possint in se mutuo, multifariamque agere & pati, aliquid inde multis intercedentibus particularibus alterationibus, corpus sensu præditum gignatur. Quotiescunque enim ex pluribus quidpiam componitur, si ea, quæ in compositionem veniunt, qualia sunt, talia ad extremum vsque durauerint: nunquam id profecto, nouam vllam, aduentitiamq; adipiscetur formam, quæ in his nõ præfuerit, è quibus constituebatur. Quod si ea multifariam varientur, transmutentur, & alterentur, poterit tunc in composito aliquid suboriri, quod ab his quæ prius in primis illius reperiiebantur, sit generis alterius. Galenus suo more hæc communem Philosophorum doctrinam confirmat exemplo ædificij, quæ ex lapidibus, lateribus, lignis, tegulisque constructæ sunt, & nihil prorsus consimiles ædes adeptæ sunt, quod non continebatur in ijs, ex quibus fabricatæ sunt. Nam durities, grauitas, magnitudo, figura, & color, istis omnibus sigillatim quæ ad compositionem ædificij concurrunt, adieciat. Vnde ipsum ædificium illa omnia prædicta accidentia, duritiem, grauitatem, magnitudinem, colorem, figuram, à dictis componentibus recipit, & præterea nihil amplius acquisiuit, non mollitiem de nouo, non alium colorem, nec quidpiam notatu dignum, præter solum ordinem situs eorūdem componentium. Verum figuram & magnitudinem habent ædes prædictæ; quia componentia his ipsidem pollebant.

*Ex Galen.
nonni Ele-
menta al-
terentur,
& transmu-
tentur, mix-
tum inde
fieri ne-
quit.*

Quare

Quare (inquit, Galenus.eodem cap.) nequit ex elementis, quæ suas qualitates vsquequaq; immutatas seruant, quidquam generis diuersi gigni. Sed si transmutentur, sanè poterit. Potevit enim quod hæcenus nigrum fuit per multas transmutationes medias iterum album fieri, & quod nunc album, mox fieri nigrum: quod præterea sensus expertus est, illius fieri particeps. Vnde qui ex igne, aqua, aere, & terra inuicem transmutatis, atque alteratis, & ad téperamentum quoddam redactis, gigni corpus volunt sensitrice facultate præditum, hi cõsentanea pronunciat. Qui verò ex illis, ita vt sunt, permanentibus & permixtis tantummodo, perinde ac triticum, cicera & fabæ in aceruo, hi nimirum ea quæ fieri nequeant sectantur. Nã nec prorsus quidquã interest, si dicas ex solo ignis, aquæ, aeris, terræque conuentu, corpus sentiens nasci, aut si ex atomis, quod præsci illi affirmabant. Iam enim nullum corpus quod sensum habeat, potest ex pluribus elementis constitui, simul coeuntibus, quæ tamen incompatibilia sint: cum sit monstratum, nihil in his simul compositis oriri posse generis alterius. Sensus verò est omnino è genere diuerso à figura, grauitate, & duritie, quæ atomis inerant, & ab alijs quoque, quæ igni, & terræ, aerique, & aquæ. Est enim sensus alterius cuiusdam generis a calore, sapore, & odore & cæteris tandem, quæ (vt omnia in vnum colligam) corporibus insita sunt. Non ergo, aut ex atomis corpus aliquod, quod vim sensitrice habeat, procreari poterit, aut ex igni, & terræ, aere, & aqua, quæ immutata permaneant, & talia semper, qualia ex sua ipsorum natura sunt, nihilque vnquam patiantur. Quare vel ex elementis primis quibuscumque sentienti vis insit, vel ex illis licet hac careant, ea tamen natura sunt, vt alterari, & transmutari possint, erit necesse corpus constitui, quod sensu præditum est. Varias ergò transmutationes requiri ad hoc, vt sensibile corpus euadat, rectè affirmat Galenus. Vnde plantas ex elementis nasci alibi dicit, & has ab animalibus comedi, & animalia rursus à nobis, vt in nostram substantiam conuertatur. Imò expresse lib. 8. de Placit. c. 4. affirmat, elementa in mixto non contineri actu. Postquam enim ait, eadem elemèta ab effectricibus qualitatibus appellari ab Hipp. calidum, frigidum, humidum, & siccum. Rursus inquit: Potestate siquidem in corporibus, non actu insunt. Et sub finem cap. ait, nullum sincerum elementum in corpore contineri. Comment. in lib. de natura hominis tex. 38. in mixtis exquisitum elementum mente tantum excogitari posse monet.

Visus est Galenus citatis in locis præuidisse Fernelij errorem Empedocle reprobans. Vnicuique enim patet, Galenum eodem ferè modo, quo Aristoteles aduersus Empedoclem & Democritum pugnasse. His enim illi succensent, quod omnia ex rebus intransmutabilibus consurgere putarent, Aristoteles ergo, & Galenus alterationem, & transmutationem elementorum, in se inuicem, & in mixtum rationibus varijs à nobis deductis, ritè admiserunt. Et post Hippocratem quidem, qui lib. de natura hominis commixtionem & contemperacionem elementorum tum communium, tum etiam eorum, quæ animalibus peculiariter sunt, vt sanguinis, pituitæ, bilis vtriusque, ad mixtum humani integritatem prærequirit.

Decimò, ex Fernelio quælibet pars mixti temperie ex quatuor primarum qualitatum comixtione resultante affecta est. Sed quælibet pars mixti est simplex elementum. Ergo quodlibet elementum quamdiu in mixto fuerit, temperamento, tanquam dispositione, gaudebit. Quod tamen ridiculum est: Nam elementum in rerum natura integrum esse nequit sine naturali insitaque dispositione qua ei us forma in sua materia conseruatur. Sed temperamen-

Nec ex atomis nec ex elementis actu per manentibus quidpiam fit ex Gal.

ramentum non est insita elementi dispositio . Ergo sub temperamento in-
grum stare nequit . Ergò cum elementum , ignis v.g. in mixto propriam am-
ferit dispositionem , caliditatem nimirum in summo gradu , & siccitatem in
remisso , & temperiè acquisuerit primarum qualitarum , impossibile est quin
propriam perdidit formam substantialem , & nouam acquisuerit formam
mixti dictam : Quodcumque quidem corpus proprijs formis accidentalibus
destituitur , necessariò substantiali forma priuabitur . Nam peculiaria cu-
ius corpus accidentia , sunt dispositiones , quibus forma substantialis
talis corporis in sua continetur materia . Quare cum in mixto quouis exter
sola temperies ex Fernelio , in quouis mixto erit vnica forma mixti , quæ tem-
periem tanquam propriam dispositionem exposcit .

Vndecimò , qualibet pars mixti est elementum quatuor primis qualitati-
bus , licet confusis , affectum , ex Fernelio . Ergo accidens de vno subiecto
in aliud transmigrat . Nam a parte ignea summus calor ad aqueam , & reci-
procè à parte aquea ad igneam summa frigiditas , transmittitur . Ergò contra
Philosophiam , quæ accidens de subiecto in subiectum non transire docet ,
grauiter peccat Fernelius .

Duodecimò , contrarias primarum qualitarum combinationes , impossibi-
les ab Arist. iudicatas , admittit Fernelius , etiam in summo gradu ; in ignea
enim parte summam siccitatem , summamque humiditatem , summamque
præterea caliditatem , & frigiditatem audacter constituit . Nam ait , in qua-
libet parte mixti reperiri equaliter quatuor summas qualitates . Ex quibus cõ-
stat Fernelium à Philosopho plurimum defecisse .

Et profectò mirabilis est ipse Fernelius in suis scriptis ; nam aperto Marte
in recentiores excandescit , vt probeat elementa in mixto permanere ; & qui-
dem iuxta antiquorum placita , quibus tamen , vt demonstrauius oninò
aduersatur , imò sibi ipsi , qui lib. 2. de elementis c. 7. hæc habet : Tum enim
mutua vi & effectione pugnantium qualitarum , sic illorum substantiæ totæ
franguntur , comminuanturque , sic & qualitates omnino temperatione con-
fusa se retundent , vt illa demum neque substantias neque qualitates puras
seruent & integras . Quid aliud ex his inferri potest , nisi quòd elementa
non maneant pura & integra in mixto ; & tamen in progressu contrarium
suadet . Si autem ei placuit elementorum substantiales formas refractas at-
que remissas in mixto permanere , quemadmodum voluit Auerroes , toto cõ-
lo , vt hic , aberrauit ; quia substantia non intèditur nec remittitur more qua-
litarum , ex cap. de substantia . Nam hæc non , suscipit magis & minus .

Denique in subsequentiis ait : Hinc corpus vnum prodit consimile ,
quod re ipsa simpliciter vnicum iam est : Nam contraria quæ in permutatione
iam venerant , non energia , id est efficacia , vel actu , sed potentia duntaxat
superfunt , & manent . Quid ex his Fernelij verbis etiam colligi potest , nisi
quod potentia & non actu permaneant elementa in mixto ? Et hoc est Peri-
pateticis & Galenicis planè consentire . Quòd autè ille alibi inquit , elemen-
ta manere veluti vincta secundum formas , omnino ridiculum est . Nam ex
Philosophorum communi consensu , nihil natura molitur frustra , & nun-
quam otiosa est . Cui ergo bono formæ illæ elementorum in mixto veluti
demeturæ ?

Rursus citato cap. 7. hæc habet : Ad hunc igitur modum perfectè fit mix-
tio , quæ est diuersorum in vnum atque idem concretio . Aqua aquæ , aut
vinum vino simili infusum non permiscetur ; nam licet substantiarum ,
quædam fiat in totum persusio , hæc tamen integra manent , non hebetata :
quod

*Fernelius
sibi contra
vius.*

quod enim contraria non essent; nequaquam seipsa mutauerunt. Neque si milij aut sinapis grana, aut etiam adamantem, saphirum, & margaritam plane laeua facta; contritaq; confuderis; aliam permissionem induxeris, quam quæ deprehenditur à sensu, quæ potius collocatio quædam est; & quædam exiguarum partium compositio. Rursum si lana aut spongia oleo, humoreue quopiam perfunditur, tamen non sensu modo, sed reipsa confusa sunt illa, nihilque reuera fiat, vel in minimum spongiæ quod humore conspersum non madeat, quia tamen in vnum atque idem illa non concurrunt, sed suas ipsa naturas seorsim retinent illæfas, naturali permissione vacant. Fernelius ad mixti confectionem sufficere, aiebat, partium exiguarum, non minimarum (vt Empedocli, & Democrito placuit) cohaesionem & confusionem secundum sensum; Nunc in hoc contextu contrarium dicit, inquires, milium & sinapi commixta, & læuigata; mixtum non efficere, nisi secundum sensum; cum tamen secundum sensum sint transposita, & sibi inuicem contraria, eo modo, quo terra & ignis: Dico quoad excedentes qualitates; nam sinapi, licet sit mixtum, in eo tamen calor & siccitas alijs duabus qualitatibus præpollent; vt in milio, frigiditas & siccitas. Si ergo elementa in exiguas, non in minimas portiones diuisa, transpositaque mixtum efficiunt, cur non sinapi & milium, & temporis decursu spongia paulatim comminuta, & aqua? Non enim ex elementis solis mixtum efficitur, sed ex alijs contrarijs. Quod innuit Arist. lib. 2. de generat. c. 7. hac serie: Erunt autem mixta alia ex contrarijs, aut ex elementis.

Demum Fernelius lib. 2. c. 4. sic dicit: Elementa igitur, ex quorum conuersione omnia gignuntur atque concrescunt, si conuersionibus, mutationibusque sese plurimum exagitant, debent his qualitatibus pollere. Ecce quomodo elementorum conuersionem & mutationem solemniter hic commemorat; ea tamen in mixto integra remanere contendit. Sed hæc sanè vix inter se cohererent: Nam Peripateticorum, & Galenistarum terminis vsus, elementorum conuersionem, & mutationem; ad mixti confectionem inuitus concedit; corruptionem tamen eorundem, minimè: quam tamen admittere cogitur, elementorum conuersionem, & mutationem admittens: alioquin elementorum conuersionem & mutationem explodere deberet. Ergo sibi manifestè contradicit Fernelius, vel in nostram sententiam reclinare cogetur.

Sed nobis obijciat aliquis, proprietatem ignis in mixto relucere, calorem videlicet. Vnde necessariò sequitur in mixto ignem actu foueri, ac permanere. Respondeo calorem non esse ignis proprietatem; alioquin aeri calor non inesset: nec in superficie terræ ex radiorum Solis reflexione produceretur; quemadmodum euenire quotannis æstiuâ tempestate conspicimus; maxime verò quoties Sol suos radios perpendiculariter in tractus nostros dirigit. Sol igitur virtualiter continet calorem, quia tanquam causa eminens calorem producit, non vt actu calidus. Ignis ergo proprietas est, non calor, sed calor in summo gradu, aut simpliciter & absolutè. Vnde ignis, quatenus ignis, respectu vnius corporis non dicitur calidus, & respectu alterius corporis frigidus (mixta verò è contra), Sed summè calidus, & simpliciter. Et calidum in hoc sensu, frigidum est solum potentia, vt loquitur Aristotel. lib. 2. de generat. capit. 7. Nam calidum simpliciter & in summo gradu nihil frigiditatis actu continet. Calidum verò moderatum, non est simpliciter, & intensè calidum, sed respectiue: Subiectum enim mixtum, frigoris, siccitatis, & humiditatis particeps est. Quare tale

Obiectio.

Solutio.

calidum, respectu ignis frigidum est, respectu autem alterius minus calidi, calidum. Calor ergo, frigiditas, humiditas, & siccitas in mixto elementa actu inexistere non indicant; sed elementorum refractas qualitates vnà cum materia, cui saltem ex parte antea hærebant. Hanc doctrinam præclare exponit Philoponus aiens; nomine calidi simpliciter ignem intelligendum non esse, sed id omne quod est caloris particeps. Verum si ignis ratio consistat in summo calido, hoc corrupto & remisso ignis necessario corrumpetur, etiamsi aliqualis calor supersit. Quæ doctrina Aristotelis est, qui primarum qualitatum intensiorem & remissionem admittit, mixtionemque fieri, ait, quoties ipsa contraria, siue elementa quatenus contraria inter se adæquantur & transmutantur, vt calidum sit frigidum, & frigidum calidum, & siccum humidum, & humidum siccum. Dedit rationem, cur ex ijs adæquatis, mixtum, tanquam intermedium quid exurgat; quia nimirum, cum calidū actu & simpliciter, nihil frigoris actu contineat (idē de frigido, humido, & sicco in summo gradu dicendum) sequeretur quod fortius agens, imbecillius in se transmutaret, iuxta illud, actio debet fieri, vel procedere à proportionē maioris inæqualitatis. Et sic fortius agens in se suum contrarium conuerteret. Quare excessus primarum qualitatum à se inuicem corrumpuntur, & per consequens formæ elementorū, vt tandē ex ijs aliquo modo adæquatis, exurgat mixtum temperatū, saltē quoad iusticiam. Hanc doctrinam satis clarē manifestat Arist. lib. 2. de gener. c. 7. vbi expressē habet contra Ferneliū, extrema non remanere actu in mixto, & extremorum excessus, siue intensiōne summam à se inuicem corrumpi. Si enim summa qualitates in mixto remanerent quomodo remitterentur, aut ad medium statum peruenirent? Superest ergo vt post mutuam in se inuicem actionem remissē in mixto permaneant. Datur quidem inter contraria actio & reactio secundum eandem contrarietatem, vt testatur Galen. lib. 3. de sympt. causis c. 2. & Aristot. lib. 2. de gener. c. 7. tex. 53. & cap. 19. tex. 87. & 89. quod adhuc confirmat lib. 4. de generat. animal. c. 3. vbi hæc habet: Omne agens patitur à patiente, vt quod secat hebetatur ab eo quod secatur, quod calefacit refrigeratur. Denique quodcunque mouet, excepto primo, mutuo mouetur aliquo motu: & intermedium etiam ita fit, vt quod agit, magis patiatur, quàm agat: & refrigeretur, quod calefacit; & caleseat quod frigefacit. Mutua ergo actione & reactione elementa in se inuicem necessario agent, vt suosinet excessus non solum reterundant, & refrangant, sed corrumpant, vt ex ijs contemperatis mixtum resultet; cuius forma talem contemperantiam, veluti dispositionem, exposcit: actiones verò & reactiones contrariorum non sunt tantummodo necessariae in simplici productione, siue in simplici generatione vnus corporis simplicis aut compositi, sed etiam in mixtione, quæ generationis species est. Nec inter ipsa elementa duntaxat actio & reactio admittenda sunt; sed inter contraria mixta ex quibus etiam mixtum fit, teste Aristotele lib. 2. de gener. c. 7.

Vt huic libro finem imponamus, scire decet ex Aristot. lib. 2. de gener. c. 8. omnia mixta quæcunque circa mediū locum sunt, ex omnibus simplicibus, id est quatuor elementis componi. Probat Aristot. mixta quæ circa medium mundi, id est, circa terram fiunt, quatuor elementis virtualiter constare; quia cum potentia in mixto sint, hoc corrupto, ex eo ista nascuntur. Patet autem terram omnibus mixtis inesse; quia vnumquodque mixtum in terra, veluti in proprio loco degit, in eaque conseruatur & ad eam tendit, si ab eo fuerit remotum, dummodo non impediatur. Signum ergo est quod terram virtute in se contineant mixta. Aquam etiam mixta continent, quoniam coagulari debent,

Omne mixtum ex quatuor elementis componitur.

bent, & terminari aliquibus figuris, tanquam terminis. Terra præterea impense arida est; quare sine humido consistere nequit; humidum enim est, quod ipsam stabilem, prorsusque quietam reddit. Si enim esset omni humido destituta, decideret, id est non substaret, sed in puluerem dissiparetur. Cum ergo inter quatuor elementa aqua sit facile terminabilis, ut mixtum debitis figuris terminetur, terræ, quæ difficulter alieno termino terminatur, necessario commiscebitur: quandoquidem ex sola terra, utpote arida, nihil prorsus fieret. Terra igitur, & aqua propter has causas mixto insunt. Aer autem & ignis pariter eidem mixto insunt; quoniam contraria sunt terræ & aquæ; terra enim aeris, aqua vero igni contraria est, ut contingit substantiam substantiæ contrariam esse. Quoniam igitur generationes ex contrariis sunt (Vult enim mixturem, generationem esse) inexistunt altera extrema contrariorum, necesse est, & altera inesse. Quapropter in omni composito omnia simplicia ierunt.

Secundò probat eadem quatuor elementa in mixto inesse desumpto argumento a nutritione. Nutrimentum enim cum in partes viuentes conuertatur debet iisdem elementis constare quibus ipsæ partes in quas conuertitur. Nam omnia nutriuntur ex iisdem ex quibus sunt, ut in contextu ait. Et omnia ex multis nutriuntur.

Quod probat, quia si aliquod viuens vnico solo nutriri posset, esset maximè planta; sed planta pluribus nutritur, &

non aqua sola; quod probat, quia terra est aquæ commixta;

ideo agricolæ tentant cum miscuerint hæc in summa

ariditate tempestatis æstiuæ, irrigare. Hac arte

commixtionis terræ, & aquæ plantas nutriunt

agricolæ. Sed hæc de communium

elementorum natura, numero,

sine siue usu, mixtiq; ge-

neratione, & cau-

sis suffi-
ciant.



NELLANI GLACAN

TIRCONALLIENSIS HIBERNI,

PHYSIOLOGIA.

LIBER SECVNDVS,

DE HVMORIBVS, SECVNDIS

Hominis Elementis.

CAPVT PRIMVM.

De Libri huius instituto, & humoris natura.

*Tria gene-
ra elemē-
torū in ho-
mine.*

Alenus lib. 2. de Elementis c. 1. Tria elementorum genera proponit. Primæ elementa communia dicuntur calidum, frigidum, humidum, & siccum, siue ignis, aqua, aer, & terra, quoniam communiter quibus suis mixtis, siue animatis siue inanimatis potētia insunt. Hipp. hæc communia in rerum natura admittenda esse primus probauit lib. de nat. hom. quibus positis, ad secunda elementa accedit, quatuor nimirum humores, ex communibus, mediantibus transmutationibus, in alimenta, & ex alimentis in hos, genitos. Hoc secundum genus, primo genere contractius est; quoniam solis animalibus sanguine præditis, nequaquam, verò omnibus viuentibus, aut mixtis proprium est, & peculiare: quod in quatuor humores distribuitur; sanguinem, pituitam, bilem vtramque, flauam, & nigram; quæ quidem non modo generationis hominum, sed cæterorum etiam animantium sanguine præditorum, elementa dicuntur. Tertium elementi genus, sunt corporis partes similes vocatæ, quæ solius hominis propria elementa constituuntur, vt Galen, loco citato, & lib. 1. de element. c. 6. asserit. Communem tamen aliquam, secundum has easdem partes habet homo cum nonnullis animalibus sanguine præditis, vt cum boue, cane, equo, alijsque consimilibus perfectioribus animalibus. Nam hæc omnia venas, habent, & arterias, & nervos, & ligamenta, & membranas, carnesque; attamen non omnia vsquequaque similia habent humanis partibus: imò habent hæc animalia quædam alterius cuiusdam generis ab his partibus distincta; qualia sunt ungulæ, cornua, aculei, rostra, squammæ, & cortices. Vnde, quemadmodum communia omnium mixtorum elementa, dicuntur calidum, frigidum, humidum, & siccum, ita propriæ vniuscuiusque animalis sunt partes illæ, quæ primæ sensu percipiuntur, similes communiter dictæ. Media verò elementa inter communia, & propria sunt quatuor humores, homini, & perfectioribus animalibus communes. In alijs verò quibus suis ani-

manti-

mantibus propria elementa sunt ea, in quæ mixtum sensibilibiter diuidi potest; cuiusmodi sunt in arbore cortex, lignum, medulla, folia.

Ex Gal. lib. 8. de Placit. Hippocr. & Plat. c. 4. elementa communia in nobis non actu, sed potentia insunt. Quare prima elementa, quæ in homine actu continentur, sunt quatuor humores: ex quibus propria elementa, partes scilicet similes quibusdam interuenientibus transmutationibus fiunt. Ex quatuor siquidem elementis plantarum ortus, & fructuum, & seminum existit; quæ omnia postea ouibus, suibus, capris, bobus, reliquisq; animalibus, quæ vel herbis, vel arborum fructibus, vel ramis, vel radicibus vescuntur, alimentum præstant: at hominibus hæc ipsa animalia nutrimento sunt: ex quibus quidem cibus sanguis in ipsis gignitur, & pituita, & geminæ biles. Sed sanguis plurimus; unde solus ex omnibus in venis apparet: alia pauciora creantur. Atque hic sanguis est nostræ generationis quasi materia, qui ex quatuor quidem humoribus constat; à dominio tamen ita appellatur. Gignimur quippe ex ipso, dum in utero concipimur, primamque formationem adipiscimur: editique in lucem deinceps, formatorum membrorum distinctam explanationem, incrementum & perfectionem inde accipimus: ac principio lacte educamur ex sanguine ortum habente; deinde iisdem quibus adulti cibus vescimur; unde rursus sanguis, & pituita, & flaua, & atra bilis generatur. Flauam verò, aut luteam bilem appellare in præsentia nihil interfit. Quæ porro omnia Hippoc. primus omnium quos sciamus, & Medicorum & Philosophorum, optime definiuit. Arque ideo primorum corporum agrotationes ex intemperatura fieri prodidit. Hactenus Gal. qui igni flauam bilem, terræ atram, aquæ pituitam, & correspondere ait; quia in bile calor & secicita alijs duabus qualitatibus prædominantur. Solum autem acreum elementum, inquit, in animalium corporibus iuxta naturam suam, tum in respirationibus, tum in pulsibus cernimus persistisse. Hippocrates lib. de natur. homin. paucis humorum usum in corpore, comprehendit, inquiens. Corpus hominis habet in se sanguinem, & pituitam, & bilem tam flauam quam atram; ex quibus natura corporis eius constat: & propterea dolere, & sanum est.

Ex his constat, prima elementa quibus actu constat homo esse quatuor humores; ex his hominem, tanquam ex idonea materia, procreari, & iisdem corpus nutrir, & propter eosdem contemperatos, hominem sanitate frui, ob distemperatos verò vel corruptos, eundem in morborum varia genera incidere. Hæc omnia, sine prolixiori elogio exactam humorum inuestigationem satis commendant. Sileant ergo Erasistratai, Methodici, & Asclepiadei apud Gal. lib. 2. de facult. natural. & lib. de atra bile c. 1. & Paracelsitæ pariter, qui humorum cognitionem Medico inutilem esse perhibent, quod omne commodum vel damnum, à Sale, Sulphure, & Mercurio procedere putent. Vnde subsannantes, vel ut rectius dicam, insanientes, Galenistas, Humoristas appellant. Sic enim quæ sensus uictu perspicua sunt, omni ratione destituti è medio tollunt. Nos tamen cum sapientum torrente humorum naturam, numerum, causas & usum persequemur.

Humor duobus modis accipitur. Primò latè pro omni liquore, siue pro elemento aquæ, & omni alio qui aquæ naturam, saltem quoad fluiditatem, refert. Græcè enim *υγρον* nuncupatur; & in hoc sensu ab Arist. definitur lib. 2. de generat. c. 2. Humidum autem est, quod cum facile terminos suscipiat, proprio non definitur. Secundò humor accipitur in minus extensa significatione, pro humoribus in humano corpore ex assumptis alimentis, procrea-

Qui humorum contemperationem spernunt.

Humor dupliciter accipitur.

*Chymi &
chylis acce-
ptiones var-
ia.*

tis. Nostri instituti est humores in hac secunda & contractiori significatio-
ne examinare, quæ græcè *χῦμος* chymus, vel *χῦμος* vel *χῦλος* nuncupatur; hæ
tamen denominationes non rarò variâ significat apud Gal. nam *χῦλος* accipi-
tur pro substantia in ventriculo ex cibo producta, & cremori pituitæ consi-
mili; vt patet ex Gal. lib. 4. de vsu part. c. 3. lib. 2. de facult. nat. c. 8. & alibi *χῦμος*
verò, id est, Chymus, à Gal. in fragmentis à Rabi Moise collectis, est hu-
miditas quæ reperitur in corpore animalis, & Chylus est humiditas quæ re-
peritur in fructibus, cum comeduntur vel constringuntur. Lib. verò 1. de
simpl. med. cament. facult. c. 36. ex mente Theophrasti, Aristotelis, & Mnesi-
thei Medici *χῦμος* est gustandi facultas, vel ex ipsiusmet Gal. mente, sapor.
Plato in eadem cum illis sententia fuit, vt patet ex lib. definition. medic. Sed
ea, quæ ex humido & sicco consistunt, & vi caloris concocta sunt, *χῦλος*, .i.
succus appellatur. Vel *χῦλος* dicatur humor vel succus incrassatus, tum in
animalibus, tum in plantis. Lib. de definit. Medic. hæc habentur: Chymi
appellatio apud Hippoc. (lib. nimirum de humoribus, & lib. de veteri medi-
cina prope finem & lib. de alimento) semper humoribus corporis destinata
est; ex quibus nos constituimur, sanguine, inquam, pituita, & duplici bile,
flaua & nigra. Galeodem in sensu loquitur lib. 4. de vsu part. c. 4. vbi chy-
mum pro nutritiuo humore accipit.

*Humoris
definitio.*

Humor in humano corpore cohibitus, prout omnigenum humorem com-
prehendit, est substantia humida, & vtr plurimum fluida ex ingestis cibo &
potu, vi coctionis fere semper, ad nutriendum aliosue vsus, genita. Quod au-
tem sit substantia, per se manifestum est; quia humor omnis corpus est, in
quo cum reliquis substantijs corporeis conuenit. Per particulam, humida,
à solidis partibus distinguitur. Definitioni adieci, vtr plurimum fluida, quia
quædam humoris nomine donantur, quæ licet mollia sint, fluiditatem. ha-
bent nullam vel paucissimam. Eiusmodi sunt adeps, & caro; quæ à Gale-
no humores concreti appellantur lib. 7. methodi cap. 6. & propria rursus hu-
miditas qua partes nutriuntur, quæque, ceu ros quidam per eas sparsus hu-
mor nuncupatur, & ibidem tertia humiditas; quæ sanè si fluida esset, par-
tibus non hæreret, vt ea nutrentur: Imò solidæ partes humiditatem habet
radicalem dictam, saltem æquiuallenter; quatenus nimirum vera humiditas
insita in dies reficitur. Hanc humiditatem exicari ait Galeodem lib. ca. 5.
in calce, iuxta luntarium impressionem. Mucus præterea, vel pituita viscida
humor quidam est, sed semper lenta: quare fluiditate fere caret. Ex ingestis
cibo & potu, in definitione ponitur, quia nullus inest humor, qui originè nò
habeat ex cibo, & potu, siue is humor nobis sit cògenitus, siue de nouo in no-
bis generetur. Et licet ex cibo còmuniter humores nasci dicantur, potus ta-
men, quicumque ille sit, ad humorum materiam non nihil confert. Primò
quoniam potulenta substantia, solidæ ciborum commiscetur, & à calore
natio, tum in ipso ventriculo, tum in hepate: Quare ex ijs commixtio quæ-
dam fit, & ambo feruent, vt ex ijs mixtum quoddam conficiatur. Coctri-
cis quidem subiectum in quod agit, aliud nò est quam humidum sicco per-
mixtum. Vnde Arist. sect. 2. Problem. problemmate 15. inquit, alimentum
nullum, nisi dilutum, nutrire. Plus dicit Hippocr. lib. de alimento, ad amif-
sas vires celeriter reuocandas humidum alimentum esse optimum: secundò,
quodlibet potionis genus vim quandam nutriendi in se habet. Aqua enim
ipsa nostras, impurum quoddam elementum est, vel, vt rectius dicam, mix-
tum quoddam imperfectum in quo aliquid, tamen si modicum, nostræ natu-
ræ familiare continetur. Modicè ideo sola nutrit aqua, commixta tamen
foli-

*Humidum
alimentum*

*Aqua no-
stras nutrit*

solidis elementis multò magis. Non negamus tamen maiorem aquæ partem alimento distribuendo vehiculum esse, vt in progressu amplius demonstrabimus. Tandem definitio his verbis completur, vi coëctrice genita: Lib. enim de facult. naturalib. dicemus, facultatem concoctricem esse auctorem omnium concoctionum, quæ in corpore indies celebrantur. Addidi, seîè semper, propter humores crudos, aliosque, qui coctionem effugiunt. Ad nutriendum aliosue vsus, in definitione posui, vt finem generationis humorum ostenderem, quorum maior pars nutrit: quædam portio in lac & semen conuertuntur; naturales excrementitij suos habent vsus, vt in progressu demonstrabimus. Sed hæc de humoris in vniuersum natura sufficiant. In sequentibus cuiusuis humoris natura peculiariter exponetur.

CAPVT II.

De Generalissima humorum diuisione.

Humor in vniuersum commodè in alimentitium & excrementitium diu ditur. Alimentitius humor (de radicali enim suo loco agemus) est is, quo animal nutritur, & in tres adhuc species subdiuidi potest; in chylum nimirum, sanguinem, & humores secundarios. Excrementitius humor est ille omnis, qui corpori nutriendo, non amplius conducit, quique ideo extra corpus excerni postulat. In naturalem, & nonnaturalem siue præter naturæ ordinem procreatum, optime secatur.

*Humoris
partitio.*

Ne quibusdam imperitis in hac alibilis humoris diuisione admirationi sim, triplex esse nutrimentum partium corporis humani ex Hipp. lib. de alimento præsupponere libet. Primum alimentum & quod simpliciter & absolute tale dicitur, est hoc alimentum, quod videlicet immediatè partes nutrit. Id autem quod immediatè nutrit, est id quod partibus appositum est, quodque ita idoneum est, vt vnica, eaque simplici mutatione eisdem partibus assimiletur. Vnde propriè alimentum dicitur is, quod partibus animalis adijcitur, ex comm. 17. lib. 2. Aph. Huic alimento substantiæ fluor opponitur, vt monet Gal. lib. 2. de sanitate tuenda c. 15. & ultimo sub finem. Substantiæ autem fluor est insensibilis resolutio triplicis substantiæ, partis humoralis, spiritosæ, & solidæ per cutem in ambientem aera quòtidie facta. Huic enim partium habitus corporis resolutioni, alia substituitur consimilis substantia, vt sic quod deperditum est, reficiatur. Secundum alimentum est illud, quod ab Hippocrat. veluti alimentum nuncupatur; cuiusmodi est sanguis, siue massa sanguinaria dicta, quæ quatuor humores, vt mox dicemus, complectitur, & duo rursus primi humores secundarij. Huic alimento, inquit Gal. loco citato, opponuntur tum hæmorrhagia, id est sanguinis quoduis profusum, tum omnis sanguinis inanitio siue diminutio, quæ nimirum ex inedia, aut nimia resolutione corporis, aliusue causis prouenire potest. Tertium alimentum Hippocrati dicitur id, quod est futurum alimentum. Et huiusmodi alimentum est Chylus in ventriculo confectus, vel ipsum alimentum quod concoquitur in eodem ventriculo, & ex quo chylus conficitur. Huic alimento vomitus, & licet etia quibus chylus vel cibus ingestus, vel integre vel non integre confectus euacuatur, opponuntur. Qui hanc triplicem alimenti acceptionem, prudenter perpendet, nostram diuisionem, qua humo-

*Alimentū
triplex.*

rem alimentitium in chylum, sanguinem, & secundarios humores, dissectimus, non respuet. Galen, autem lib. 4. de vsu part. c. 3. humido li quori, sed præcocto, vltiorem tamen expositulanti coctionem, chylum adsimilat, aitq; eo ventriculum ali. Ergo rectè humor alimentitius dici potest. Chylum etiam liquorem vocat lib de atra bile c. 3. sic: Cibi enim liquamen chylusue, quod ex ventriculo, & intestinis in iecur transmittitur, partim tenuioribus portionibus, partim crassioribus consistit, &c.

Chyli causa.

Horum igitur humorum causas statuere decet. Materialis enim causa chyli est ipsum alimentum assumptum; formalis est ratio constitutiva ipsius chyli, quæ est, vt non sit nimis siccus, sed mediocriter fluidus instar cremoris prisanæ: debet etiam vt plurimum si non ad plenè album, saltem ad cineritium colorem vergere, vt saltem aliquo modo colorem partis, à qua fit, imitetur. Efficiens causa est facultas concoctrix ventriculi, vna cum natiuo calore, vel si mauis, temperamento. Causa finalis est, vt in sanguinem conuertatur in hepate; licet finis postremus chylicationis sit, vt intercedentibus varijs mutationibus in partium perditam substantiam conuertatur.

Sanguinis causa.

Sanguinis pariter quadruplex est causa; chylus tanquam materia; color ruber, dulcedo, mediocris consistentia, & consimilia, formam constituunt sensibilem. Hepar efficiens causa: finis vt totum corpus reficiatur, & vt spiritus ac arterialis sanguis procreentur.

Humorum secundario- rum causa.

Humores secundarij, vix à sanguine aut partibus corporis discrepant, vt deinceps dicemus: sanguinem ergo tanquam materialem causam habent, suam consistentiam & colorem pro formali sensibili, partium facultatem coctricem pro efficiente, finem, vt in partium substantiam desinant.

Necessitas cibandi.

Quoniam verò indiuiduum viuens sine refectione diu subsistere nequit, idque ob perpetuum triplicis substantiæ effluuium, ciborum vsus protinus necessarius est. Quippe per vniuersam cutem diffatur semper aliquid à calido, quod secum etiam interni humoris non parum aufert, vt loquitur Galenus lib. 2. de temperament. cap. 5. Ergo id quod inanitum & exhaustum est, semper restaurari debet; quod aliter fieri nequit, quàm cibos quotidie resumendo. Cibi ergo, cum quodammodo dissimilares nostræ substantiæ sint, opus fuit varijs vt preparationibus, antequam in partium substantiam transmutarentur. Primò igitur cibi in ore per masticationem comminui debent, in quo primam suscipiunt alterationem, varias ob causas. Primò, quia pituita, siue saliuæ in ore contenta cibo commiscetur, & sic melius ad coctionem disponitur; quoniam hæc pituita ei commixta iam semicocta est; & calore pollet suauis, simul ac saporis. Secundò, quoniam tunica interna ventriculi non solum œsophagus, sed os ipsum vestitur. Ergo, cum in hac tunica vis insit concoquendi cibos, pars illa, quæ os interius vestit eandem obrinebit virtutem, ac prærogatiuam, quam reliquæ. Tertiò, quoniam oris caro ratione sui natui caloris, eiusdemque temperamenti in cibo manso, & in ore sic aliquandiu detento; alterationem quandam inducit: vt experientia compertum habemus, quando inter rariores dentes panis mica, aut carnis momentum hæret, sequenti die non prorsus carnis aut panis naturam hæc ostendent, sed quidpiam aliud penè coctum, & oris ipsius odorem olens. Totum enim id dissolutum est, & colliquatum & carniū animalis qualitates sibi admiscuit, seu acquisiuit, vt loquitur Galen. qui lib. 3. de facult. natural. c. 7. vt probet quod à nobis prolatum est, ait: Licet autem contemplaris, quam magna sit ciborum in ore alteratio, si mansum triticum crudis surunculis applicaueris: cernes namque id ocysimè hos mutare, &

Prima ciborum preparatio in ore

con-

concoquere : cum tamen si aquæ admisceatur, nequeat tale quicquam efficere. Nec est quod mirere ; Nam pituita hæc quæ in ore habetur & Lichenum (lichen seuuolage & dartre Gallis dicitur) remedium est , & Scorpios statim necat. Præterea multas ex ijs , quæ venenum mittunt , bestias partim protinus perimit partium tēporis spatio : omnes certè insigniter lædit : sed qui mansi sunt cibi primum quidē hac pituita imbuuntur , & cum ea miscentur : deinde carnem quoque oris omnes contrectarunt. Itaq; maiorem mutationem sunt consequuti , quam ij qui in vacuis dentium interuallis fuere im-
 pacti. Verum quanto ij , qui mansi sunt , his qui inhæserunt , magis sunt alterati , tanto etiam illis magis hi , qui deuorati sunt. Siquidem incomparabilis erit horum alterationis excessus , si & quæ in ventie est pituita , & bilis , & spiritus , & calor & tota ventris substantia æstimentur . Quod si viscera quoque quæ illi adiacent , tanquam magno lebeti plures ignis foci , pariter æstimari sint ; à dextris quidem iecur , à sinistris lien , supernè cor & cum eo transuersum septum , & leuatum & assiduè motum ; his etiam amplius omentum , quod prædicta tegit , ingentem quandam , ciborum , qui in ventriculum deuorati sunt , alterationem fieri credas . Quo autem pacto mutari facile in sanguinem possent , nisi tali essent mutatione præparati . Monstratum namq; supra est , nihil in contrariam qualitatem totum simul migrare. Ergo quoniam id ex beta , fabaue , aut reliquis id genus , nisi hæc alteram prius mutationem sint adepta . His conforme est illud Hippocratis libro de alimento . Principium alimenti , & humidi , & sicci , os , gula , ventriculus .

*Salua vir-
tus.*

*Secunda
ciborū præ-
paratio.
in ventri-
culo.*

Hactenus rectè varias ciborum mutationes , antequam in sanguinem cōuertantur , exponit. Gal. Porro in hoc potissimum nutrimentum à venenoso medicamento dissidet (vt loquitur) ; quod hoc vim corporis vincat , nutrimentū verò ex aduerso à corpore vincatur. Liceret nutrimentū , quod ex parte dissimile est , in corpus reagat , dum à corpore alteratur ; tandem tamen à corpore vincitur , & in eiusdem nutrimentum cedit . Nihil autem conueniens nutrimentum esse potest , quod ab ijs , quæ in animali sunt , qualitatibus non vincatur . Porro vinci non aliud est , quàm alterari . Partes ergo omnes corporis nostri in naturali statu positæ nutrimentum vincent ; inæquali tamen robore . Nam imbecilliores partes nutrimentum non æquè alterabunt , ac aliæ partes firmioribus viribus stipatæ . Vnde tamen si cibi in ore mansi in aliam distinctam speciem , ob alterationem in eo factam , migrate videantur , non tamen adhuc ad completam perfectionem transformatur talis cibus ; & ideo hæc ciborum in ore facta alteratio , multò inferior est cōctione , quæ in ventriculo fit , ob tunicarum nimirum ventriculi binarium numerum , ob circumpositorum viscerum vicinitatem , ob moræ alimenti spacium satis productum , ob innatum quandam calorem , & vim quandam peculiarem ventriculo insitam , ob quam Gal. alibi docuit , in ventriculi fundo cōctionem salcius celebrari , quam in superiori parte , etiam si hæc visceribus nobilioribus propinquior sit , fundus verò remotior ; ob conuenientem deniq; figuram . Instrumenti enim ratio aliquid ad alimenti cōfectionem conferre videtur ; vt expresse testatur Gal. lib. 4. de vsu part. c. 2. Ad eundem modum , & tu intellige mihi , in animalis corpore nihil esse ociosum , neque immobile , sed omnia varium expeditumq; opus efficere , cum conuenienti constructione , Diuinasq; quasdam ipsi virtutes à conditore esse inditas . Hæc ille .

*Cōctio in
ventriculo
a multis in-
natur.*

Verum alteratio siue cōcoctio sublimior , & perfectior , in venis , iecore ,

Q

cor-

corde & arterijs fit, quàm in ore & ventriculo. Mansi enim in ore cibi alterationes præparationesque hac serie celebrantur. Ventriculus per œsophagum cibos ex ore attrahit, cum quibus spiritus siue aer inter deglutitiæ adum etiam attrahitur, quo non raro gula ita repletur, vt descendantibus cibis impedimento sit; nam œsophagus distendit, impeditque, ne suo fungatur officio. Spiritus enim ille siue aer cibis commixtus sursum iterum ob suam leuitatem vergit; vnde ciborum descensum frequentissimè moratur. Postquam in hoc commune promptuarium totius corporis alimētum attractum fuit, expurgatur mundificaturque, à quibusdam saltem crassioribus excrementis vi facultatis ipsiusmet ventriculi, cuius calor & innata proprietas sese aequaliter veluti expandunt & insinuant in omnes ingesti cibi partes, vt quæ nostræ naturæ congrua sunt cogat, & coquat, quæ verò dissimilia & heterogenea, separet, & deorsum tanquam inutilia, & incocta releget. Vnde ex huiusmodi cruda substantia, duo excrementorum genera nascuntur, crassa, & humida; quæ quia simul in intestina crassa truduntur, & à calore, non vt concoquente, sed vt calore tantum non amplius gubernantur, putrescunt: materia enim idonea est ad putre actionem, quia cruda & copiosa humiditate scatens. Vt enim præparandi tritici periti, si quid terræ, aut lapidum, aut syluestrium seminum admixtum sit, quæ perniciosa corporibus esse solent expurgant, ita & ventriculi facultas aliena quæuis in quātum potest, infernè ad intestina pellit: quod vtile est retinet, & suo calore, ac conuata facultate atterit, comminuitque; & tandem in substantiam quandam cremori pitisanæ simillimam, per quandam elixationem à calore humido factam, & non per torrefactionem à secco calore, vt habet Gal. lib. 3. de facult. nat. c. 7. i. (ex Arist. 4. meteor. concoctio elixationi similis est) transmutat. Demum quod in cibis sic elaboratis optimum est, id halitus specie, & paulatim sibi attrahit, atque in tunicis suis reponit, ipsdemque adiungit. Vbi idem ventriculus abide futuratur, est, quidquid reliquum nutrimenti in chylum conuersi superest, veluti onerosum aliquid à se ad intestina gracilia præcipuè reijcit, & venis meseraicis veluti & proprijs distribuit. Quemadmodum enim baiuli in ciuitatibus repurgatum in promptuario frumentum in aliquā communem ciuitatis deferunt officinam, concoquendū, & vtile ad nutriendum mox futurum; simili modo prius elaboratum in ventriculo alimentum, venæ ipsæ deferunt ad aliquem coctionis locum, communem totius animalis, quem hepar nominamus; vt loquitur Galen. lib. 4. de vsu part. c. 2. huiusmodi venæ, quæ rami sunt venæ portæ, attrahunt sursum ad hepar veluti fugendo chylum iam confectum; & in ipsdem venis in sanguinem conuerti incipit; non quidem vi propria earundem venarum; nam ex sua natura chylum potius albidum redderent aut album seruariant quàm rubore inficerent, cum albescentes partes in suam naturam albicantem, nutrimentum albicans conficiant, vt rubræ in rubram substantiam vim ergo conficiendi sanguinem si quam habent venæ, ab hepate eam suscipiunt.

*Duplex ex
cremētum
primæ co-
ctionis.*

*Ventricu-
lus chylo
nutritur.*

*Vena vir-
tutem san-
guificandi
ab hepate
accipiunt.*

Rursus ipsum hepar, postquam id nutrimentum acceperit, à famulis iam præparatum & veluti rudem quādam delineationem, obscuramque speciem sanguinis referens, inducit eidem nutrimento postremum ornatum, ad sanguinis exacti siue meri generationem. Sed quoniam eorum quæ ventriculo continebantur, quæ quidem erant ita praua, vt in tritico lapides, & terra, syluestriumque leguminum semina, segregata fuerant. Quod autem erat velut palea, & fursus, alteram purgationem postulabat, similem quoque iterum hepar infert alimento purgationem, vt loquitur Gal. lib. 4. de vsu partium.

c. 3. Hepar igitur chylum tandem in perfectum sanguinem vi sua sanguifica ipsi soli peculiari, transmutat. Vini exemplo rem exponit Gal. lib. 4. de usu part. c. 3. Vinum igitur nuper ab vis expressum, & in dolia infusum, ab innata caliditate amplius elaboratur, concoquiturue, seuet, ac in quoddam varias naturas segregatur; ita vt quod graue est & terreum, in vasorum fundo veluti sæx subsideat, alterum verò quod leue est, & aereum, supernatet: id autem quod supernatet, flos nuncupatur, cuius magna copia subtilibus vinis extat, vt in crassioribus vinis facis plurimum subsidet. Pariter in corporibus nostris alimentum præparationes natura molitur. Distributus porro ad hepar chylus non omnino coctus sed instar musti, siue vini adhuc crudi, & confusi, & nõ omnino expurgati, licet à crassiori vuarum substantia seiuncti & expressi, ab hepatis caliditate, veluti vinum ipsum musteum, feruet, concoquitur, & in probi sanguinis generationem alteratur, præparaturque. In ebullitione autem hac ex ipsius excrementis, quod feculentum est ac crassum subsidet, innatet verò quod tenue est ac leue, & veluti spuma quædam in sanguinis superficie fluitat. Leue hoc flauumque excrementum, quod bilis excrementitia naturalis dicitur, ad vesicam felleam, quam hepatis dextræ cavitati natura imposuit, amandatur, quod verò crassum limotumque subsidet, ad splenem, huius humoris melancholici receptaculum. Postquam sic deposuit chymus, id est humor ad nutriendum animalis congruus prædicta duo excrementa, & ab innata caliditate hepatis coctionem exactam est adeptus, ruber iam, & purus sursum ad gibbas hepatis partes ascendit, portionis absterfionisque ignis in humido diuini calorem indicans; vt Plato dicebat.

Sanguinem translatum ad gibbam hepatis partem excipit maxima vena, caua dicta, & in eadem gibba hepatis parte enata, quæ ad vtramque animalis partem, superiorem scilicet versus thoracem, & caput, & inferiorem versus inguina fertur, atque protenditur. Se enim habet caua, aquæ ductus cuiusdam instar, qui sanguine plenus, riuos plurimos à se manantes, paruos quidem æquè ac magnos in omnes animalis partes distributos habet. Verum, etsi à sanguine, antequam in gibbam hepatis partem ascendisset, & in hanc venam cauam transfunderetur, duo illa excrementa, bilis & melancholia separarentur, in caua tamen extans sanguis multa humiditate tenui & aquosa plenus est: quam humiditatem Hippo. de alimentis in fine *δχημα τροφης* hoc est, vehiculū nutrimenti, simul cum appellatione usum quoque, eius ostendens vocat. Verba Hippocr. hæc sunt: *δγρασόντροφης δχημα* id est, humiditas, siue humorositas alimenti vehiculum est. Recte siue humorositatem, & non humorem more medico appellat, quod aquasitatis quàm veri humoris naturam redoleat, & quia instar feri lactis ab alimento, caseo videlicet, segregati se habet; sanguinis serum vulgò à medicis appellatur. Nequaquam enim ex ventriculo in venas chymus iam ex cibis ingestis, factus commode transfundi poterat, neque facillè pertransire venas, quæ sunt in hepate, & numerosæ & angustæ inter venam portam & venam cauam, nisi tenuis quædam & aquosa humiditas, tanquam vehiculum fuisset ei admixta. Hunc itaque usum, præstat animalibus aqua epota, vel aquea substantia quæ liquori assumpto, & ipsi cibo non nihil inest. Si quidem ex aqua (pura scilicet) nutriri nulla particula potest, teste Gal. c. 5. lib. 4. de usu partium. Cum ergò ex ventriculo & intestinis quod nutriturum erat distribui ob sui crassitiem non poterat, nisi deductum fuisset à quopiam, ita liquido talis humorositas plane necessaria fuit. Hos igitur, tenues humores, postquam suo officio, perfuncti fuerint, non oportet amplius manere in corpore onus alienum venis futuros.

Conuertitur chylus in sanguinem ab hepate.

Serum sanguinis vehiculum.

Quidquid ideo sanguinis in venam cauam transfusum est, confectum à tali aquosa substantia expurgatur, & hæc eadē transmittitur ad renes; & renes simul eam cū auiditate nimia proliciūt, qui in hunc vsum vtrinque; venæ cauæ adiacent paulum sub hepate. Hunc rursus humorem, postquam sanguineam substantiam, si quam habuit, renes sugere, eum vt inutilem ad vesicam per vteretres transfundunt. Veruntamen aquosi humoris modicum sanguini adhuc permixtum est, vt facilius ad corporis partes nutriendas tranet. Modicum sufficere cum Gal. dixi, quia ex eodem c. 5. citato lib. 4. de vfu partium, quia ex vena caua ad corporis partes per amplos ductus, & saltem ampliores venulis istis exiguis in hepate inter venam portæ & venam cauam insertis, deducitur, tum quia ipse sanguis iam magis fluxilis redditus est, postquam in venas extra hepar transmissus est: & fluiditatem hanc maiorem suscepit, quia fusus fuit à calore hepatis, & præterea cordis. Inserta enim ex parte est vena caua ad dextrum cordis ventriculū, vt cordis calor per vniuersum sanguinem permeet; permeat etiam in venas ex arterijs anastomosī, id est, orificiorum arteriarum apertione. Vnde Hippocrat. lib. de aliment. Radicatio venarum iecur, radicatio arteriarum cor: ex his oberrant sanguis & spiritus in omnia, & caliditas per hæc permeat. Demum sanguis ita confectus & expurgatus ad partes corporis nutriendas transmittitur, & ab ijsdem simul partibus allicitur: quæ gratum hunc liquorem concoquunt, sibi apponunt, & demum assimilant.

Sanguis in vena caua à calore cordis attenuatur.

Chylo & sanguine ventriculus nutritur.

Volunt aliqui chylo ventriculū non nutriri, sed mero sanguine. Nos tamen Gal. duce loco citato & libro 3. de facultat. natur. ca. 13. & lib. 6. de decretis Hippocrat. & Platon. capit. 8. putamus ventriculū chylo commode refici, etiamsi non negemus eum sanguine nutriri. Vtrumque enim Gal. doctrinæ & rationi cohæret. Gal. quidem aperte docuit, ventriculū chylo nutriri; & rectè, quoniam non est potior ratio cur alia membra in quibus coctio fit prius reficiantur re cocta quàm ventriculus; Sed alia in quibus coctiones fiunt, re in ipsis cocta restaurantur. Ergo pariter & ventriculus. Probat minor. Ex Galeno hepar prius quam aliud vllum membrum sanguine in eo, & ab eo confecto, nutritur; partes denique reliquæ ad quas peruenit sanguis, eum alterant, & sibi quod sufficiens est, prius retinent, antequàm totum sanguinem à se transire sinant. Idem autem facit ventriculus, vt ex his Gal. verbis c. 8. cit. lib. de Decretis Hipp. & Plat. constat. Constringitur enim venter ad cibos, accomodatum sibi alimentum ex illis eliciens, quoad saturatus & perfecte repletus, quidquid superat excrementi, in ieiunum expellat, attrahit etiam inde ieiuni cibum in ventre prius concoctum.

Quod denique rationi consonum sit ventriculū sanguine chylo deficiente saginari, planum est. Prouida quidem natura partibus officialibus præcipue prouidet, ne defectu alimenti languescant. Quoniam his languescentibus aut summopere deficientibus, illico animal languesceret atque deficeret. Ab his enim aliæ quæuis partes nutrimentum exposcunt. Ergò vt ad nutrimenta conficienda viribus polleant, debent præ reliquis saginari, non aliter ac illi, qui laboribus addicti plus nutrimenti exposcunt, quam alij, qui segnes in ocio degunt. Vrgente ergo fame, ventriculus chylo reficitur. Ad Laurentij obiectiones nunc respondendum.

1. Obiectio. Solutio.

Obijcit primò Laurent. multas venas ventriculi tunicis inseri: Ergò, inquit, vt sanguine nutriatur ventriculus. Respondeo concedendo, à vena porta ramos eo transmitti, sicuti ad mesenterium, aliasque partes internæ regionis inferioris ventriculi, vt nutriatur, æquè ac aliæ partes; sed huiusmodi

modi nutrimentum in venis istis inclusum non sufficere ad ventriculum nutriendum; quia cum sit communis officina vniuersi corporis, ex qua omnes, in mediâ tempore, quidquid inest, exugunt & exhauriunt modica sanguinis eiusque semicrudi portio in dictis venis superstes manet; qua deficiente, chylo ventriculus nutritur, vt testatur ipse Gal. lib. 3. de facult. nat. c. 13. vbi expressè ait ventriculum, tempore inediæ, à venis meseraicis & hepatis sanguinem trahere, imò adhuc alienis venis; licet ibidem & c. 7. eiusdem lib. asseuerauerit ventriculum chylo nutriri.

Obijcit secundo. Laurent. chylo adhuc inesse bilem, melancholiam, & serum. Atque adeo chylo ventriculum non nutriri. Respondeo leuissimum esse hoc argumentum, & si id magnificat Laurentius; falsum enim est in chylo reperiri melancholiam, aut bilem, aut serum, formaliter: sed omnia, in chylo inesse potentia, & non actu. Nam bilis, & melancholia, & serum, in secunda coctione nascuntur, & in lucē eduntur. Ideoq; illinc tanquā inutilia post sanguificationem ad propria receptacula relegantur. Vnde ab omnibus Medicis secundæ coctionis, & non primæ excrementa statuuntur. Præterea nonne in confesso est lienem ipso melancholico sanguine licet impuro nutriri, & renes ex parte feroso sanguine. Multò ergo melius chylo, præstantiori, alimento ventriculus nutrietur. Rursus, non vniuerso chylo indiscriminatim nutriri ventriculum asseruit Gal. sed præstantiori, puriorique parte; vt hæc eius verba ostendunt: Denum quod in cibis sic elaboratis optimum est, id halitus specie, & paulatim sibi attrahitur. Tandem, vt furfuraceo pane quosdam cominodè nutriri videmus, alios verò pane ex tritici polline confecto; sic corporis partes, quædam impuriori, aliæ puriori alimento, pro cuiusvis partis genio, refarciuntur. Crusta illa qua ventriculi cauitas obducitur, alimenti quo ventriculus reficitur excrementum est, vt testatur ipse Laurent. lib. 6. c. 17. Sed non potest esse puri sanguinis excrementum. Ergo chyli; cuius naturam magis redolet.

Obijcit tertio, animalia per hyemem in latibulis degentia, vt serpentes, herisonem & similia, & fatum in vtero sanguine nutriri, & non chylo. Ergo ventriculus sicuti reliquæ partes sanguine nutrietur. Respondeo talia animalia, viscidis, lentisque humoribus & non laudabili sanguine refici. Si enim sanguine nutrentur, sanguis, ponderis cuiusque animalis ad tale animal nutriendum non sufficeret. Fætus verò, vt fateor, sanguine materno copioso nutritur, sed hoc nihil contra nos concludit. Nam ventriculus in fætu officialis partis neque publici promptuarij totius corporis officium gerit, sed simplicis solummodo partis. Quare fætus, tanquam esset matris pars nutritur.

Obijcit quartò. Laurentius clisteres ex iure capi, perdicum &c. iniectos à venis intestinorum fugi, & ad hepar transportari, atque inibi in sanguinem conuerti. Tunc ergo chylo ventriculus non reficitur. Ergo necessariò sanguine in hepate elaborato.

Respondeo hoc argumentum esse nimis humile, quia satis dubium & controuersum. Præterea in ipsum Laurentium retorqueri potest, quia ille primum suum argumentum Galeni autoritate, roborare nititur. Galeni verba sunt hæc: Quicquid nutrit coctiones tres pertrāseat necesse est. Sed clister ille nutritiuus à Laurentio propositus nequaquam cōcoquitur prima coctione ergo non nutrit. Patet minor. Prima concoctio fit in ventriculo, vt idem Laurent. confitetur: quæst. 19. lib. 6. hæc habet: Chylosim non tam caloris vi quam insita ventriculi proprietate fieri, & paulo post. Chylificatio verò à

2. Obiectio
Solutio.

3. Obiectio
Solutio.

4. Obiectio
Solutio.

sola

folæ ventriculi formæ, & proprietate perficitur: neque enim alibi vspiamus quam in ventriculo chylicat calor, quantumvis validus. Sed clister ille non ascendit ad ventriculum ex Laurent. imò nec ad gracilia intestina, vt idem Laurent. contra Rassium, & Galenum affirmat, libr. 6. suæ anatomix quæst. 14. Existimo itaque, inquit, iniectos liquores ad cæcū tantū ferri, nec vltius progredi. Ergo liquor ille iniectus non subit in ventriculo primā coctionem. Ergo ex eius sententia non nutrit.

Galeno aienti libr. 3. de Symptom. causis, iniectos clisteres ita ascendere, vt vomitione reijciantur, non secus ac lethales voluulos sæpe euomuntur, respondet ille, id posse fieri malè affecto ventriculo, vt in boulimia, qua dum afficitur ventriculus, sursum attrahit, & fæces & liquores iniectos; & affectis intestinis in voluulo villi omnes transuersi quibus intestina gaudent; ita sese colligunt, vt omnem conatum sursum dirigant. Doctè sanè hæc Laurentius; sed famè naturali simul & animali in tabescentibus corporibus nimis vrgentibus, quare clister nutriendus iniectus sursum non dirigatur & simul attrahatur ad gracilia saltem intestina, in quibus aliqualis coctio fit non satis video. Tandem quid diceret ad Hipp. libr. de alim. vbi ait odores celeriter apponi ad nutriendum, non subeunt tamen tres illas celebres coctiones, quæ fiunt in ventriculo hepate & partibus; vinum etiam ita citò alit, vt tres illas completas vix subeat.

Obiectio. - Oijcit demum quinto aliæ membranæ sanguine nutriuntur. Ergò & ventriculus.

Solutio.

- Respondeo comparisonem esse satis defectuosam. Primò, quia ventriculus membrana non est, & licet membrana, seu potius tunica habeat carnosam aliquid habere videtur. Secundò, quia membranæ corporis non sunt partes officiales, tanquam promptuarium commune totius corporis, sicuti est ventriculus.

Laurentius Gal. asserente chylo ventriculum nutriri, respondet, duplicem esse nutritionem iuxta eundem Gal. Vna est perfecta, quæ est assimilatio, summum & postremum naturæ opus; altera imperfecta, veræ nutritionis æmula, quæ oblectatio quædam est ex qualitatis cognatione, lasciuiam vocat Galen. Posteriori hac chylo refici ventriculum voluit Galen. non priore.

- Esto diuisio illa, sed minimè satisfacit Laurent. sequentibus Galeni verbis a nobis superius traductis. Demum quod in cibis sic elaboratis optimum est, id halitus specie & paulatim sibi attrahit atque in tunicis suis reponit, ipsdemque adiungit. Quid obsecro ab vilo viro docto, per vltima verba, in tunicis suis reponit, ipsdemque adiungit; percipi potest, præter veram nutritionem, quæ fit nimirum quoties cibus partibus assimilatur. Superest ergò vt concedamus expressam Galeni mentem esse, ventriculum chylo nutriri posse, dum eo scilicet indiget; Galenum tamen, non rarò affirmare nos sanguine nutriri; quia ordinariè corpus tali alimento nutritur, licet indigentia tempore ventriculus puriore chyli parte; imo partes ipsæ corporis impuro sæpe & caco chymo alimento nutriuntur: vt videre licet in hydropicis, cachecticis, leprosis.



CAPVT III.

De Veri humoris natura, & diuisione.

Generalem quandam humorum diuisionem superiori capit. tetigimus. Hoc verò verorum humorum numerum exactius recensere in animo est. Verus humor chymus communiter ab Hippoc. & omnibus medicis nuncupatur. Chylo ergo omisso sitendum nobis præcipuè in ijs, qui in secunda coctione generantur, quique absolute & magis propriè humores dicuntur. Humor igitur in hoc sensu est corpus fluidum vi sanguifica hepatis ex assumptis alimentis, procreatum, alendi corporis gratia. Particula, humor, locum generis occupat, nam licet hic pro sanguine accipiat, cum quo à Galeno humior confunditur lib. de plenitudine c. 10. cum chylo tamen conuenit, quod ambo liquida corpora. Sint, fluida, & nutrientia; cum prauis humoribus aut superfluis conuenit, quòd hi fluxiles sint, licet nò nutriant: Chymi enim sunt, licet sanguis quatuor humores complectens; per antonomasiam chymus, id est succus dicatur. In circumlocutionibus enim vulgò id quod præstantius inest succus appellatur. Dicitur corpus liquidum, quia si esset solidum & crassum nequaquam ad partes corporis, per angustiores venas penetraret, imò nec ad venam cauam per angustissimas illas venulas, siue radices venæ portæ & eiusdem venæ cauæ in hepatis profundo occultas transiret. Liquidus ergò & fluidus esse debet humor nutriturus partes, tum ob dictam rationem, tum vt eò facilius corporis partes nutriantur. Vnde Hippoc. lib. de aliment. Et quicumque celeri appositione opus habent, humidum medicamentum ad reseruandas vires optimum. Quicumque verò celeriori per olfactu. Quibuscūque verò tardiori appositione opus est, solido alimento: His enim vltimis verbis prioribus non contradicit Hippoc. sed monet solidum alimentum assumendum esse, quando celeris nutritio necessaria non est; non verò negat solidum alimentum in liquidum conuerti. Rationem verò sui dicti paulo antea eodem in lib. expressit aien: Quod difficulter alteratur, difficulter consumitur, quod facile apponitur, facile consumitur. Ne igitur facile resoluator assumptum nutrimentum solidum esse debet in principio, elixatur tamen in ventriculo; & tandem in sanguinem fluidum conuertitur, & si paulò crassiores eo, qui ex tenui fluidoque alimento conficitur. Per corpus ergo fluidum, formalis causa demonstratur, In definitione ponitur, vi sanguifica hepatis, vt causa efficiens exprimitur. Vis enim illa quæ sanguinem conficit, facultas sanguifica vulgo dicitur; quæ ita carnis hepatis proprietas est. Et ideo hepar ipsum principium & causa sanguificationis, siue αἱματώσεως dicitur vbique à Gal. & præcipuè lib. 4. de vsu part. cap. 12. vbi pluribus vicibus rem hanc inculcat. Ex assumptis alimentis, in definitione ponitur, vt materialis causa chymi denotetur. Per alendi corporis gratia, finalis causa statuitur: corporis enim gratia chymus siue sanguis elaboratur. Nam hic est viuificum nectar quo fruuntur animal, & quo variè recreatur atque reficitur. Vnde succorum optimus, & maxime proprius ac domesticus, sanguis est vt loquitur Galen. lib. 2. de temperam. c. 3. Præterquam autem quod sibi corpus in substantiæ deperditæ locum chymum apponat, ex eo spiritus maiori ex parte efficiuntur; lac etiam ad alendum,

Quid humor propriè dictus

semen

semen ad generandum. Proindeque rectè Galen. post Hippocr. animalia ex quatuor humoribus fieri, formari, augeri, & nutrirī pronunciauit. Semen enim ipsum humor est, & ex humoribus quatuor transmutatum. Quare licet ex semine, & sanguine, tanquam ex duobus principiis generationis, perfecta animalia fieri dicantur, tum ab Hipp. tum a Gal.; quia tamen ex quatuor humoribus semen generatur, rectè ex quatuor humoribus absolute animalia fieri, augeri, & nutrirī pronunciauit Hippo. seminis præterea substantia exigua est sanguinis comparatione; ob exiguam igitur eius molem, respectu massæ sanguinaræ, eius mentionem non fecit Hippocras. Lib. de natura hominis, & Galen. alicubi pronunciauit, nos ferè in utero ex sanguine materno fieri.

Sanguis bifariam accipitur.

Galenus comm. 2. in 6. Epidem. tex. 38. & comm. lib. de natura homin. tex. 26. & 27. sanguinem bifariam accipi docet. Primo in vniuersum & in laxiori significatione, pro aggregato chymo ex quatuor humoribus dictis. Secundo pro quarto humore solo nullum aliū inuoluente humorem præter semetipsum purum atque sincerum, & cuiusvis alienæ mixtionis expertem. Sanguinem in hac vltima significatione in sequentibus exactius examinabimus; in primo verò sensu; quatenus quatuor humores complectitur, & simpliciter humor nuncupatur, ut paulò ante protulimus, hic inuestigandus venit. De utroque sanguine ita loquitur Gal. lib. de Plenitud. c. 10. Si res hoc pacto definitur, erit quippe venarum tumor, sanguinæ plenitudinis signū, ut tamen sanguis secundum denominationem intelligatur. Nam neque fieri alioqui potest, ut adeo sincerus in venis reperiatur sanguis, quin illi aliquid aut bilis, aut pituita, aut serosi humoris permixtum sit. Vnde & ego superius censebam, hoc eodem modo semper audiendum, quotiescunque aut sanguinem, aut ceteros humores abundare dicerem. Sincerus siquidem ab alio humore sanguis & impermixtus nusquam in venis habetur. Nos etenim alibi monstrauimus, nihil omnino referre, siue humores, vel sanguinem appelles: quotiescunque tamen is cum alijs fuerit, non utcumque permixtus, sed definita quadam proportionē seruata, in ijs nimirum animalibus, quæ ita se habeant, ut ipsa eorum natura postulare videtur. Nam cum humores omnes intra suam ex natura sibi debitam mensuram creuerint idè tunc significat sanguinis dominantis æ humorum nomen: Neque enim quicquam differt affirmare, humores augeri, ac ipsum sanguinem. De sanguine in hoc secundo sensu quatenus quatuor humores continet, ita idem Gal. comm. 4. in 6. Epidem. tex. 29. habet: Colorem alimento, id est sanguini proportionē respondentem, in peius & melius vergere inquit. Sanguinem autem nunc appellat Hippocr. omnem in vasculis inclusum succum, in quo & pituita, & bilis utraque, & tenues, serosique humores continentur. Hoc enim mixtum, & melius, & deterius redditur: in eo verò contentus humor qui propriè sanguis dicitur, & à cuius dominatu tota congeries nominatur, prauus dici nequaquam potest, perinde ut neque alium habere colorem, quæ rubrum: Gal. vltèrius sequentia Hippocr. verba exponit: Et color in peius aut melius vergit. Equum est autem, ut se habet alimentum, ita & quod extimum est, sequi. Vult enim Hippo. colorem extimi corporis sequi mutationem aut diuersitatem sanguinis quem alimentum appellat. Gal. comm. lib. de nat. hom. ait sanguinem in hac significatione non verò prout est quartus humor esse hominis naturam iuxta Hipp. sententiam.

Gal. suo more optimo, exemplo lactis probat sanguinem plura continere, seu esse ex pluribus compositum, & non esse vnum quid, ut quibusdam antiquis

riquis placuit, contra quos acerrimè egit Hippoc. lib. de nat. hom. Gal. igitur lib. 2. de element. c. 2. præsupponit tanquam certum sanguineorum animalium partes ex materno sanguine gigni, qui quidem solitarius est, & ab alterius humoris commercio immunis, iuxta quorundam opinionem, quam non improbat eodem cap. nec c. 5. eiusdem lib. Gal. Sed iuxta Hippocr. opinionem, quam sequitur Gal. compositus ex quatuor humoribus: quamuis enim purus sensui appareat in venis, id ideò contingit quia maior inest, sanguinis quanti humoris copia, quam aliorum, vt lib. 2. de Element. & lib. 8. de placitis c. 4. ac alibi passim affirmat Gal. qui Hippocr. doctrinam hac methodo sic probat. Sanguis se habet vt lac, vtrumque enim vnum & idem esse censetur iudicio sensus, cum tamen res sint compositæ. Lac enim omnium consensu serum continet & caseum; quæ duæ substantiæ sibi opponuntur. Nam serum est substantia tenuis & liquida, caseus verò e contra, crassus est, & minime fluidus. Lac verò quod ex his constat, medio modo se habet; nam nec est tenue nec crassum, sed mediocris consistentiæ. Lac ergo licet sensui res vnica & eadem appareat, in rei tamen veritate est aliquid ex contrarijs concretum. Ergo pariter & sanguis ob sui ruborem, vnū & simplex ac homogeneū corpus sensui apparens, heterogeneū erit; continet, n. in se pituitā & bilē sero lactis correspondētes, cōtinet in super limosū quid, tanquā facē, melancholicum nimirū humorē, caseo in lacte correspondentē. Sicuti verò lac quid temperatum est ex sero, & caseo, ita sanguis ipse medium quid in consistentia est inter serum suum & facem siue limum. Denique sanguis fibras quasdam habet; quæ si à sanguine detrahantur ampliùs non concresecet. Ergo sanguis non est simplex humor sed aggregatum quid ex quatuor humoribus. Vini etiam recentis siue musti exemplo quaternarium humorum numerum in massa sanguinaria contineri ostendit. Lib. 2. de facult. natur. c. 12. & lib. 4. de vsu par. ca. 3. Mustum enim in vasa repositum insignem patitur feruorem, postmodum ex eo sua secernuntur excrementosa corpora, vnum præterea in superficie spumæ instar supernatans, & flos dicitur; qui bili cōmodè assimilatur; alterū excrementum crassum, quod fax vini appellatur in vasis fundo subsidet, & melancholiæ similis. Hæc duo corpora postquā in hepate chylus efferbuit, & in quatuor humores conuersus est, secernuntur. His duobus secretis aquea quædam substantia vino inest, quæ sensim in vinum conuertitur: hoc ritu pituita in massa sanguinaria se habet, nam tandem sanguine deficiente in sanguinem conuertitur.

Sunt qui Gal. in proposito exemplo defectuositatis arguunt. Nam in sanguine quatuor humores includi affirmat, adeoque lactis exemplo rem malè demonstrat; quia in lacte tria tantum in sunt, caseus, butyrum, & serum. Ergo cum quarta quædā substantia in eo non reperiat, male eius exemplo quatuor humores corpori inesse probatur.

Responsio facilis est legenti, & intelligenti textum Gal. qui prædicto exemplo nullo modo probare contendit, sanguinem quatuor humores in se continere, sed solummodo ait sanguinem non esse aliquid simplex & homogeneum, licet talis appareat. Sicuti lac quod homogeneum apparet, & tamen ex rebus diuersæ naturæ constat. Hic est merus, ac genuinus sensus contextus Gal.

Verum posito quod sanguinem cum lacte in omnibus compararet, nequaquam à veritate deficeret. Nam præter butyrum, caseum, & serum, in sero quædam nitrositas, à qua purgatrix feri facultas manat, includitur. Vt

Obiectio.

Solutio.

colligere licet ex Gal. com. 2. in lib. 6. Epidem. loquendo de humorum ichoribus tex. 38. lib. 2. de Simplic. Med. facult. ca. 12. & peculiariter lib. 3. de alim. facultat. c. 15. de lacte manifestè quadruplicem substantiam, qua lac constat, demonstrat: caseum, nimirum, butyrum, serum, & feri nitrositatem, vel falsuginem, vi cuius purgandi potestate pollet: Facile tamen, inquit lac sic paratum (id est ferro vel candentibus lapillis vstulatum, vel coctum) in vetriculo in caseum cogitur: ob id mel illi & salem admiscemus; quoniam & aqua etiam affundere securius fuerit, ut plerique Medicorum facit. Neque mirum tibi videatur, quod sero consumpto rursus aquam infundant; non enim feri humiditas est quam fugiunt, sed acrimoniam: cuius occasione, lac omne alium subducit ex substantijs contrarijs mixtum, sero scilicet & caseo. Ad hæc tertium etiam pinguem succum habet, & ipsum quidem lac vaccarum, ut dictum est, plurimum; ideoque butyrum (quod vocant) ex eo conficiunt. Lib. etiam 10. de simpl. med. facult. titulo de lacte, caseosam, ferosam, & butyrosam substantias eiusdem lactis commemorat, & sequenti discursu de sero lactis, detergendi vim ei tribuit Gal. Detergentia verò hanc possident virtutem caloris alicuius potentia. Recte ideo monuit Gal. serum pituita & bili correspondere: pituita ratione aquositatis, bili ratione nitrosæ & calidiusculæ substantiæ qua serum imbuitur. Sed hæc Gal. calumniatores non intellexerunt.

Quod autem aliqui dicunt præfatum Gal. exemplum non esse ad rem, quia serum in lacte pituita non correspondet, quoniam, inquit, serum lactis non nutrit, ut facit pituita, ridiculum est. Nam in hoc duo committunt vitia. Primum aduersus Philosophiam, quæ monet in exemplis non requiri omnimodam veritatem, sed sufficere solum ut per ea res melius intelligantur. Si enim in omnibus concurrerent, essent pene similia, vel identica. Secundò suam in lectione Galeni negligentiam produnt. Nam hic aliqualem vim nutriendi sero tribuit. Quantum verò serum ab alia lactis natura succi bonitate superatur, tantò alia omnia quæ ventrem deiciunt serum superat. Et lib. 2. de arte curati ad Glauconem, serum copiosum pro cibo in canceris præscribit.

Prima ratio qua Gal probat quatuor humores in corpore contineri.

Ratio qua vsus est Gal. tanquam lactis exemplum commoueret, lib. 2. de element. c. 2. ut Hippocr. sententiam confirmaret, est hæc. Fetus productus ex sanguine materno, varias habet partes, easque omnes diuersi temperamenti & rationis; carnem etenim habet calidam & humidam, atque mollem & rubicundam, nervos habet albos, carne duriores; ossa autem his multo duriora & sicciora. Alias pariter habet partes temperamento secundis qualitatibus & conformatione distinctas. Ergo indicium est, quod sanguis ex quo fetus formatus & effigatus fuit, non vnicus, & homogeneus ac simplex humor sit, sed heterogeneus, tanquam ex humoribus diuersis compositus; unde secundum dispositionem & ordinem à natura institutum, pars crassior & terrestrior, quæ melancholia nuncpatur, ad ossium concretionem secedit, pars tenuior sed laxioris partis constitutionem, pars calidior ad calidioris, pars frigidior ad frigidioris, & ita de reliquis: quæ rursus partes omnes ita à se inuicem distent & expansæ, simile sibi nutrimentum ex materno sanguine eliciunt, & in lucem demum editi fetus varium conficiunt sanguinem, pro cuiusvis temperamento, & pro diuersitate naturarum partium ex quibus compactus est. Cum ergò partes corporis temperamento specie distincto, coloribus, crassitie & tenuitate, duritie, & mollitie, ac tandem for-

matione

matione siue delineatione inter se differant, necessum est, eas non ex vno eodemque ac consimili humore esse concretas, formatas, & auctas, ac nutritas: si enim ex vna fierent humore essent similes, si non conformatione saltem in temperamento, colore, durtie, mollitie, crassitie, & tenuitate ac reliquis omnibus qualitatibus secundis. Deinde Gal. c. 5. & vltimo lib. 2. de alimentis doctrinam Hippocratis lib. de nat. hom. nutritioni optimè adaptat. Nam quemadmodum stirpes & semina terræ mandata, inde eorum vnumquodque id quod suæ naturæ congruum, & affine in ipsa reperitur (terræ autem inest, & acres, & dulces & amarum, & amarulentum & falsum, & omnifarum) sed id plurimum ac primum trahunt, quod maiorem habet cum sua natura affinitatem; mox verò & alia quoque, nec secus etiam in corpore agunt assumpta cathartica medicamenta. Licet enim hoc sermone ostenderit Hippoc. medicamentum quoduis catharticum peculiarem habere vim purgandi vnum præcipue humorem; ritè tamen hæc eius sententia partium & animalium nutritioni accommodatur. Nam vis quædam naturalis vnicuique inest attrahendi ea quæ sibi conueniunt, sicuti in magnete vis est, attrahendi ferrum. Ergo partes diuersæ corporis diuersum necessariò attrahent alimentum; & consequenter diuersis nutriuntur succis; & diuersæ ipsæ dicuntur, tanquam ex diuersis natæ humoribus.

Alia Gal. ratio ex Hippoc. defumitur. In sanguine extracto variaz apparent substantiæ; nam pars eius rubra prorsus extat, altera flauescens & supernatans bilem referens; alia ad vasis fundum prorsus delapsa atra percipitur: Vnde melancholia appellatur; alia verò sub bile sanguini coheret albicans, quæ & pituita vocatur. Si autem homini dum prospera adhuc fruitur valetudine, vena secetur, huic quidem flauus effluet sanguis, ab alijs verò rubicundior, ab alijs nigrior, ab alijs tandem albior. Imò in quolibet extracto sanguine quid leue & sputosum in superficie apparebit, & in fundo semper nigrius aliquid superioribus partibus; & quauis actu aliquando alba non appareat pituita, ratione tamen inesse puriori sanguini concipitur: nam purior veliorque sanguis in medio residens, viscositatem quandam & coagulationem habet; quæque viscositas etsi leuis, ex parte à pituita, partim ex fibris quas chylus in ventriculo acquisiuit, & ipse sanguis retinet, & adhuc acquisiuit in venis, & hepatis corpore.

*Secunda
ratio.*

Diuerfitas denique colorum in pilis, tum in habitu corporis, & mollities ac durties partium eiusdem habitus corporis humorum diuerfitatem arguunt; sic pallidus vel flauus corporis color bilem prodit: liuidus aut niger melancholicum, ruber sanguinem, albicans pituitam. Siquidem color partium, externarum corporis à succis siue humoribus prouenit, vt habet Gal. lib. 4. de sanitat. tuen. c. 4. Quippe, inquit, superantibus in eo, id est, in corporis habitu, calidis succis, insolito caloris sensu, vrgetur: frigoris verò cum rigidi dominantur. Iam albiore pituita superant; pallidiores bile abundante cernuntur. Quod si meracior bilis sit, etiam planè flauiores. Si quidem color à succis prouenit, non ex solidis animalis partibus, vti que cum se succi in altum non receperunt. Videat qui volat, hunc locum in quo Hippoc. vestigijs insitit Galenus.

Tertia ratio.

Hippocrates lib. de nat. hom. hanc doctrinam paucis hoc ordine exponit: Dico autem sanguinem, pituitam, bilem flauam, & nigram, & horum primum secundum legem nomina distingui pronuncio, & nulli ipsorum idem nomen esse. Deinde secundum naturam specie à se separari; & neque pituitam vllam similem esse sanguini, nec sanguinem bili, neque bilem pituitæ. Quomodo

*Ex Hipp.
quatuor hu-
mores in
corpore ad-
mittenda.*

*Primum
argumentum.*

modo enim similia essent hæc inuicem, quæ nec colore ad visum, nec manui ad tactum similia esse videntur. Neque enim calida similiter sunt, neque frigida, neque sicca, neque humida. Probat Hippoc. quatuor distinctos humores in homine reperiri: primò secundum legem, id est, secundum hominum opinionem, quia diuersis nominibus communi consensu quatuor humores insigniti sunt: ergo iuxta legem diuersi sunt. Secundò secundum naturam, id est, secundum rei veritatem quatuor humores in homine distincti inueniuntur; quod ex ijs, quæ sensibus patent, probat; quia primò colore inter se differunt, nam sanguis ruber est; bilis flaua aut pallida; pituita alba; melancholia nigra. Pæterea, quoniam primis qualitatibus diuersis præditi sunt. Nam quidam humor tactu calidus est, ut bilis; sanguis minus calidus; pituita multò minus; atra etiam bilis non adeo calida: Licet, enim omnes actu calidi sint, potestate tamen pituita, & melancholia frigida censentur; sic quidam horum humorum potestate siccus est, ut melancholia & bilis; alter humidior, ut sanguis & pituita. Nos ad imitationem Hippocr. ex saporum diuersitate humorum pluralitatem statuere possumus. Melancholia autem parit saporem, bilis amarum, sanguis dolcem, pituita insipidum. Hi quidem omnes saporès à multis distinctis hominibus percipiuntur in statu sano æque ac morbo; imò in vno homine in ætatem mutationibus, & in diuersis anni temporibus, hæc eadem saporum varietas successiue percipitur. Ergo à distinctis humoribus quibus lingua vicissim imbuitur, huiuscemodi saporès procedunt. Possumus etiam rem vltius ex varietate consistentiæ humorum diuersitatē venari. Nam quidam humor spectu aliorum, præternuis visitur, & bilis appellatur: Sanguis mediocris est consistentiæ atra bilis crassissima est, utpote terrea; pituita crassa etiam aliquando est, aliquando tenuis.

*Secundum
argumentum*

Vltius Hippocr. suam probat opinionem, ex eo, quod si medicamentum purgans bilem quouis anni tempore propinetur, bilem primò euacuet, deinde humorem facilius fluentem; ut pituitam, tursus atram bilem demum sanguinem naturæ nectat: supposito videlicet quod medicamentum violentum fuerit, & vim habeat euacuandi vniuersam bilem. Si enim tota bilis euacuaretur homo prorsus periret. Quod de bile idem de reliquis iudicium dictum esto. Gal. lib. 3. de simpl. medic. facult. c. 23. & 28. ait: Humores, qui medicamento non sunt familiares vacuari; triplicem ob causam, irritationem ac mordacitatem, vasorum apertionem, & eorundem imbecillitatem, seu ut ipsemet loquitur c. 28. ob imbecillitatem vasculorum, osculorum laxitatem, & purgantis mordicationem; si verò quispiam iuguletur, inquit, Hippocr. sanguis primum fluit calidissimus & ruberrimus, deinde pituitosior, & biliosior. Alibi verò eodem libro ait, quod si pars aliqua saucia euadat, purum exire sanguinem,

*Tertium
argumentum*

Postmodum ait, vnum idemque medicamentum diuersis anni temporibus exhibitum etiam varios humores euacuare, pro diuersitate videlicet temporum cognatorum, quibus humores prædominantur. Hyeme ergo propinatum medicamentum pituitosissima euacuabit, vere liquidissima, ætate biliosissima, in autumno nigerrima. Quolibet enim anni tempore ut eodem lib. probat Hippocr. quidam humor tali tempori ratione temperamenti cognatus, augetur. Sic hyeme pituita accumulatur ob pluuias scilicet magnas & notitium prolixitatem; æstate contrarium ob contrarias causas accidit; ob summos quidem ardores bilis augetur: Vere, utpote temperato, sanguis; autumno tandem inæquali, & æstati succedente, melancholia, tum ob temporis frigidam & siccam constitutionem, tum quia humor cineritius ætate ob æstum

& fei-

& feruorem bilis, relictus in corpore iam frigescit; & sic melancholia vberimur prouentus autumnu aceruatur.

Rectè igitur eodem lib. de natur. homin. Hippocr. inquit: Corpus autem hominis sanguinem in se continet, pituitam, bilem vtramque & flauam, & nigram. Atque hæc sunt ipsius corporis natura, & propter hæc dolet & sanū est. Quatuor igitur humores in massa sanguinaria, tanquam sanguineorum animalium elementa continentur; hoc ordine, vt bilis sit calida & sicca, igni, ac æstati correspondens: sanguis humidus & calidus, aeri, & veri: pituita frigida & humida, aquæ, & hyemi: Melancholia frigida & sicca elemento terræ, & autumnu.

CAPVT IV.

Satisfit Fernelio, & Auicenna.

Sed Ioannes Fernelius vir omnino disertus, propriæ tamen authoritati nimium indulgens, veluti regia authoritate, hæc quatuor perfectorum animalium elementa è scholis eliminat, & suo more, aberrantes quosdam antiquos, quos Hippoc. & Hippocraëtica schola erroris damnauit, consequutus, hianti & pleno ore pronunciat solum sanguinem in sano corpore contineri; eoque solo corpus nutrir, quia, inquit, bilis non solum corpori alendo, verum etiam, alendæ ipsi vesiculæ felleque ipsam connata voluptate ad se allicit, inepta est. Sed in hoc Hippocr. prorsus aduersatur lib. de nat. hom. qui hæc habet: Cæterum mea quidem sententia, qui hominem sanguinem solum esse, & nihil aliud affirmat, is iuue demonstrare deberet eum non mutare speciem siue formam, neque omnimodè variū effici. Aut si hoc minus possit, saltem tempus anni aliquod, aut vllam hominis ætatem ostendere, quare homo vnum existens sanguis solus appareat. Verisimile enim est tempus saltem aliquod esse quo, id vnum (sanguinem nimirum) appareat. Eundem contra illos pronuncio, qui pituitam, qui bilem hominem esse asseuerat. Grauis sanè sententia, & tanto viro digna. Si enim solo sanguine constaret homo, nec sanguis, nec homo mutarent speciem siue formam; sed mutant. Ergo non sunt vnum. Patet minor. Nam sanguis varius apparet, & speciem mutat etiam in sanis, vt manifestè apparet ex rubro, flauo, & nigricante colore: flauus quidem ex parte, tum in eodem homine, tum in diuersis apparet; ruber secundum aliam partem, nigricans secundum aliam; Ergo sanguis non est simplex humor, sed ex quatuor humoribus compositus. Præterea, sanguis omnisfarius fit. i. in bilem, melancholiam, aliosque varios humores degenerat. Ergo non est vnicus humor. Rursus ex Gal. comment. tex. 39. lib. de nat. hom. ad morum diuersitatem humorum diuersitas requisita est. Animi quidem acumen & dexteritas à bilioso humore prodibit. Animi quidem acrimoniam à bile proficisci ait; primò, quia biliosi cerebrum habent calidum, & siccum; caliditas autem & siccitas simul annexæ, cunctis animæ functionibus agilitatem & promptitudinem tribuunt. Tum secundò, quia cerebrum bilioso sanguine nutritum, ipsius substantia subtilior tenuiorque & minus humida ac excrementitia euadit. Tenuitas verò ex Gal. cap. 12. Artis med. non secus ingenium acuit, ac hebetare solet cerebri crassities. Quod innuit etiam Aristot. lib. 2. de Part. animal. dicēs tenuiorem sanguinem sentien-

Hippoc. & Gal. doctrina Fernelio aduersatur.

Biliosi cur ingeniosi.

Cerebri crassities ingenium hebetat.

dis, ac

*Sanguis
crassus ro-
bur, tenuis
ingenij acu-
men conci-
liat.*

di, ac intelligendi, vim maiorem habere, crassiores verò roboris esse causam. Tauri igitur crassiori sanguine referti, membrorum soliditate & robore gaudent. Terribi ex bilioso tenuique sanguine splendidiore gignuntur Spiritus, & magis ætherei. Vnde Heraclitus ait: Splendor siccus, animus sapientissimus. Stoici pariter morum causas inuuentes, aiunt. Naturæ spiritus frigidior & humidior; spiritus verò animæ, calidior & siccior est; Vnde biliosorum oritur prudentia. Verum quia biliosi ingenio mobiles, & inconstantes, loco prudentiæ vafrities potius dicenda est: *ovretos* enim calidum & astutum potius quam prudentem apud Gal. significat.

*Melancholici corpo-
re, & ani-
mo constan-
tes.*

Ait denique Gal. ab humore melancholico, constantiam & stabilitatem prodire. Loquitur enim de parrium solidarum corporis firmitate. Melancholicos tamen stabiles esse quoad animi mores, dicere fas est. Nam illi propositum semper seruant, & si ferinos mores astu, & taciturnitate celare contentur, serina opera, utpote crudelia & inhumana, arrepta occasione, moluntur.

*Sanguinei
ingenii.*

A sanguine, inquit ibidem Gal. simplicitas ac stoliditas. Simplicitas de qua loquitur, perfecta est, & bona; quæ ideo à pituitosorum fatuitate & inscitia differt: hi enim stupidi, sanguinei verò hilares. Verbum enim *gracum*, quod iuxta quorundam translationem simplicitatem significat, ingenuitatem potius significare videtur. Nam sanguinei simplices sunt & ingenui biliosorum & melancholicorum comparatione; quorum respectu sanguineos vocatur Gal. simplices. Ob ingenuitatem ergo & morum simplicitatem, à biliosis & melancholicis facile decipiuntur; sicuti infantes, qui in ætate versantur sanguinea ab adultis.

*Pituitosi
solidi.*

Ut pituita inquit Gal. ad formandos mores inutilis sit, sed necessarium ex prima ciborum transmutatione ortum habet. Pituitosi enim verè stolidi sunt, & fatuitatis participes, ob crassos nimirum spiritus & ob excrementitium humorem, eumque crassum & lentum, quo eorum cerebrum copiose imbuitur. Vnde Hippocr. cerebrum pituitæ receptaculum statuit, ut deinceps appetiemus.

Non solum igitur ad diuersas partes fingendas, sed etiam ad diuersas morum propensiones, sanguis reliquis humoribus indiguit. Si autem sanguis esset vnicus simplexque humor, nulla in moribus daretur diuersitas, sicuti nec inter partes corporis; prout innuit Hippoc. dum in contextu ait: Non mutare speciem deberet. Si etiam sanguis non contineret plures species humoris, homo non mutaret speciem, i. non constaret partibus diuersæ speciei. Sed constat tamen diuersis partibus specie constat humoribus distinctis. Ergo & sanguis ex quo hæc partes fiunt, diuersis.

*Quatuor
humores sa-
nitatis, &
morbi cau-
sa.*

Ad maiorem confirmationem nostræ doctrinæ Hippoc. contextum aduersus Fernelium paulò altius repetere lubet. Corpus autem hominis, inquit, sanguinem in se continet, pituitam, bilem vtramque, & flauam & nigram, atque hæc sunt ipsius corporis natura, & propter hæc dolet & sanum est. Sanum igitur est potissimum, cum hæc virtute & copia inter se mediocriter habent, & præsertim si commixta sint. Dolet autem cum horum aliquod minus aut amplius enaserit, aut separatim in corpore sit, nec contemperatum omnibus. Necessè enim cum aliquid horum recesserit, & per se constitit, non solum locum ex quo recesserit, morbidum euadere, sed eum etiam ubi cõstitit, & influxerit, nimis quàm replens, dolorè laborèq; exhibere. Etenim cum aliquid horum extra corpus effluerit amplius, innatante euacuatio dolorem exhibet. Si rursus intrò euacuetur, transferatur, excernaturque ab alijs,

alijs, necesse omnino est vt duplicem, sicut prædictum est, dolorem concitet, & vnde excessit, & vbi exuperat. Et rursus.

Affirmo autem sanguinem esse, & pituitam & bilem, tum flauam tum atrā: horumque nomina primum ex lege fuisse distincta asseuero, nullique ipsorum ind tum esse nomen: mox verò & secundum naturam species esse diuersas, vsque adeo, vt pituita minimè sit sanguini similis, neque sanguis bili, neque bilis pituitæ. Nam quomodo hæc poterunt inter se mutuo esse similia, quæ neque ex inspectis coloribus similia esse videantur, nec etiam si manibus tractentur; vtpote quæ nec similiter calida sint, nec similiter frigida, nec humida nec sicca. Quum itaq; tantum inter se tum viribus distent, necesse est vnum non esse, nisi ignis & aqua vnum sint.

Quod verò ea omnia haud vnum sint, sed suam quodcunque eorum habeat tum facultatem, tum naturam, inde facile perdiscas: quia si homini medicamentum dederis quod bilem creat, bilem euomet. Pati modo atram purgabit bilem, quum ei medicamentum, quod bilem atram vacuet, exhibueris. Sin autem aliqua corporis parte vulnus infligatur, sanguis inde illi effluet. Quæ omnia tibi tota die, atq; etiā nocte, hyeme, ac æstate tandiu faciunt, quamdiu facultatē attrahendi ac vicissim reddendi spiritū (.i. quādiu vixerit) habuerit, & quoad aliquo horum quæ cognata sunt priuerit. Ac cognata sunt quæ diximus: quo enim pacto cognata non sint; cum hoc primum comperitum sit, hominem donec vixerit ea omnia in se ipso continere; deinde ex homine genitum esse cui insint hæc omnia: insuper ab homine tua habuisse alimenta (quamdiu scilicet in vtero deguit) quia ea omnia habuerit, quod diximus quæque monstrauimus.

Omnia hæc huc traducere volui, vt cuius pateat, in quem errorem se præcipitauerit Fernelius; qui sponte concedit bene ab Hippoc. dictum quod homo quamdiu viuit, quatuor præfatos humores contineat, & quod epoto medicamento idoneo ad bilem educendam bilis euacuetur, sicuti atra bilis quoties melanagogum exhibetur. Ad hæc tamen respondens, ait, non è venis necessario euacuari prædictos humores, sed bilem ex hepate & proprio folliculo, pituitam (si pituita dici debet) è ventriculo & intestinis. Melancholeum humorem è liene; in quibus locis solet eorum humorum aut potius excrementorum copia affluere. Atque propterea difficiles fieri purgationes in corporibus sanis iuxta Hippoc. decretum; quod deficient in corporibus sanis cognati humores, quos medicamenta attrahere possent; cum ergo tales sinceri humores in corpore non extent catharticum, sanguinem & carnes colliquefacit.

Ferrea sanè elocutio, sed plusquam mollis interpretatio. Primò, quia Hippoc. ait, sanguinem ipsum mutare speciem, id est, plures habere partes specie distinctas, ex quibus partes specie distinctæ concretæ sunt, & nutriuntur, iugenturque. Secundò, planè & apertè Hippoc. aduersatur, qui ait: corpus autem hominis sanguinem in se continet, pituitam, bilem vtramque, & flauam, & nigram; atque hæc sunt ipsius corporis natura & propter hæc dolet, & sanum est. Fernelius, præter humores excrementitios, nullum alium à sanguine distinctum in corpore humorem admittit. Sed excrementa non possunt esse hominis natura, cum potius eorum amolitionem quàm retentionem sana natura molietur; quod eorum retentio summopere naturæ noceat. Ergo præter hos humores excrementitios, quatuor humores naturales hominis naturam constituentes admisit Hipp. Tertiò hæc Hippoc. verba, Fernelio etiam aduersantur: Sanum igitur est, cum hæc virtute & copia inter se medio-

*Ex varijs
qualitati-
bus in pri-
mis, tum se-
cundis hu-
morū plura
litatem col-
ligit Hipp.*

*Medica-
menta va-
ria varios
eliciunt hu-
mores.*

*Fernelius
Hippocra-
ti prorsus
contrarius.*

mediocriter habent; & præsertim si commixta sint. His enim manifestè significauit Hippoc. quatuor humores esse simul in statu sano, cùm dixerat in statu sano eos esse commixtos. Ergò in statu sano quatuor humores vnà reperiuntur in venis; in quibus, vt ipse Fernel. confitetur, sanguis continetur. Si autem seorsim in corpore existerent humores, vt vult Fernel. semper homo doleret; quia ex Hippoc. contextu tunc dolet, quoties separati in corpore & non contemperati sunt quatuor humores: dum autem commixti sunt & contemperati, sanus est homo; & ne tunc humorum vnio dissoluatur, rectè monet Hippoc. corpus purgandum non esse. Purgationem ergò in statu sano prohibet aphorismo illo 36. libro 2. sana habentes corpora pharmacis purgati cito exoluuntur. vt & qui prauo vtuntur cibo, & rectè quidem; quia cum humores dicantur hominis natura, & elementa, si symmetria, & æquilibrio quibus in statu sano gaudent, vi soluentis medicamenti hunc aut illum humorem euacuantis, priuentur, necessario homo resoluatur, & imbellis fiet. Quod innuere visus est Gal. comm. textus 27. libri de natura homin. vbi ait medicamentum euacuans alterutram bilem propinatum hydropicis nocere, cum tamen medicamentum hydroticum .i. aquas euacuans piofit. Dictum suum aphorismum confirmat Hipp. sent. 39. dicti libri, sic: si aliquid eorum quæ cognata sunt in homine deficiat, fieri nequit vt ille viuat.

Quartò, lib. citato Hippoc. de quatuor humoribus disputans, ait: Ita etiam si aliquid ex his cognatis in homine deficiet, non vtiq; poterit homo viuere. Vult Hippoc. hominem non amplius viuere, si aliquis ex quatuor humoribus deficiat. Sed deficiente aliquo humore excrementitio, pituita v.g. viscida & lenta, quæ in ventriculo & intestinis stabulatur, vt fassus est ipse Fernel. homo commodissimè viuere potest. Ergo non de excrementitijs, sed de veris humoribus ex quibus massa sanguinaria coalescit, locutus est Hippoc.

Demum Hippoc. sequentibus verbis rem totam confirmat: Connata autem sunt hæc prædicta. Quomodo enim non connata sint? Primum si quidem homo hæc omnia semper quoad vita fruitur, in se manifestè continet. Deinde procreatus est ex homine hæc omnia habente. Post nutritus est in homine hæc omnia habente. Notanda sedulò verba illa, connata autem sunt hæc prædicta, vocat enim connata quatuor humores ex quibus procreati sumus, & constamus per totum vitæ decursum; ex quibus pater à quo geniti sumus, constabat, ex quibus etiam mater, in cuius utero nutriti sumus, donec in lucem prodiiuimus, constar pariter. Ex materno enim sanguine quatuor humores continente, & non ex sanguine, quarto humore solo fortasse, procreati & nutriti sumus, teste Gal. in comment. tex. 27. citati lib. de nat. hom. Porro, inquit, ex sanguine, prout scilicet quatuor humores comprehendit, priore significato, sætum formati, fortasse verum est; non ita tamen verum est, quod ex eo iuxta alterum significatum (.i. ex sanguine puro quarto humore non fit) neque enim is (.i. sanguis) solus vnquam in prægnantibus gignitur. Cur autem, fortasse, in sermone adiecerim, nequaquam vos fugere puto. In commentarijs siquidem de semine monitruimus plures nostri corporis partes ex semine gigni; cùm solæ carnosæ ex sanguine efformentur. Quoniam vero exigua est feminis in uterum injecti moles nutrimentum ac incrementum illi ex sanguine accedit: ob id ergo potest aliquis dicere, parum abesse, quin partes ex sanguine vniuersæ formentur. Quo autem & semen suum à sanguine ortum habet, eo & qui affirmauerit ex sanguine sætum gigni, non videbatur mentiri, vt tamen non ex sincero quidem sanguine, & alijs humoribus vacuo (quartum humorem intellegit) sed ex eo potius, qui sanguis per

*Sanguine
semen in
utero nu-
tritum, &
ex sangui-
ne nascitur*

excel-

excellentiā dicitur (massā sanguinariā intelligit) Nos in superioribus particulam illam, fortasse, seu potius, ferè, cum Gal. exposuimus.

Libro de atra bile c. 5. manifestè docet Gal. quatuor humores in venis contineri, sic: Quod igitur in venis & arterijs humores omnes vna cum sanguine continentur, ostendit ipsius varietas, tum in colore, tum in consistentia. Et in fine lib. de plenitud. ait: nam neque fieri potest, vt adeo sincerus in venis reperiatur sanguis, quin illi aliquid aut bilis, aut pituita, aut serosi humoris permixtum sit. Si quidem sincerus ab alio humore sanguis, & omnis admixtionis expertus, inueniri nusquam habetur. Ecce sententia Galen. post Hippoc. quaternarium elementorum numerum in venis constituens.

Concludendum ergo quatuor humores in corpore seu massa sanguinariā contineri, vt velit, nolit, concludit ipsemet Fernel. aiens: Hinc iam constitui possunt & explanari sanguinis naturalis differentia; quod alius sit substantia mediocri, & colore ruber, qui pulcherrimus & optimus appellatur: alius magis flauus, & consistentia tenuis; alius crassior atque nigrior; alius de mum liquidior & albior. Nonne hoc est nobiscum planè consentire. & sibi ipsi dissentire. Nos quidem cum vniuersa ferme schola medica bilem nutritiuitiam nominamus tenuem sanguinem & flavescentem, non verò bilem illam in vesicula fellea conclusam: quæ omnino amara est, vt pote excrementitia: quod autem in statu sano talis sincera bilis in venis non contineatur libenter admittimus. Imò adstruimus bilem alimentitiā, in venis sinceram impermixtam reliquis humoribus non contineri sed permixtam tantum, vt sic eius nimis ardor contemperetur pituitæ aduersis qualitibus, & pituitæ frigiditas, illius calore, melancholiæ siccitas austera, blanda vnitique sanguinis humiditate, & sanguinis ac pituitæ superflua humiditas, atra bilis, & flauæ siccitate. Quod enim melius inter se commiscentur & minus sinceri in venis seiuncti sint, eò salubrius redditur animal. Verum vix cum summa perfectione miscentur, quia animal perpetuo eget fomento siue alimento; atque adeo non datur sufficiens tempus, vt in venis humores quatuor contineantur ad hoc vt perfectissimam mixtionem & elaborationem consequantur.

Primarius, veruntamen humorum vsus est, vt se inuicè temperent, mutua nimirum illa contrariarum qualitatum actione, sicque temperati misceantur, in quantum fieri potest tam breui tempore. Si enim humores integras seruarent vires suorum elementorum, quibus correspondent, neque ad massam sanguinariā constituendam, neque ad partes nutriendas conducere. Licet enim quilibet humor, quod ex elementis quatuor constet, temperatus videatur, egent tamen vterius maiori contemperacione, vt hominem inter viuentia & substantias compositas temperatissimum, constituent, nutrant & augeant. Debent ergo ad sanguinem temperatum constituendum quatuor humores concurrere, & inter se commisceri, & non seorsim in venis includi. Sanguini ergo soliditatem & crassitiem seu potius substantiam crassam melancholia impertitur, pituita frigiditatem, bilis caliditatem, & tenuitatem substantiæ. Hæc quidem varietas in sanguine requiritur ad diuersarum partium generationem, nutritionem, & varios mores.

Quod autè Fernelium decepit est, quod existimauerit bilem alibilem esse omnino amaram, & debere esse separatam in venis. In quo sanè deceptus est: quia licet bilis calida, & sicca dicatur, non proinde verè amara est. Nam excrementitia sola huius est natura; quæ ideo tanquam aliquid naturæ inimicum à natura euacuatur. Denique melancholicum humorem ad lienem transmissum excrementum ille vocat, vt reuera à Galeno ipso; non tamen ita

*Cogitur
Fernelius
quatuor hu-
mores ad-
mittere.*

*Utilitas
comixtio-
nis humo-
rum.*

** Quilibet
humor qua-
tuor constat
elementis.*

excrementitius est, quia eius puriori præstantiorique parte lien nutriatur. Cur ergo, inquit, hunc humorem esse purè excrementitium? maximè cum eo splen alatur. Non ergo dulci puroque sanguine lien nutritur.

*Diuisio hu-
morum ex
Auicenna.*

Auicenna lib. 1. fen. 1. Doctrina 4. c. 1. postquam humorem definiuit corpus humidum, liquidum, in quod in primis nutriendum (id est alimentum) conuertitur, eum in bonum & malum diuidit. Bonum nominans humorem illum, qui capax est & idoneus, vt fiat pars substantiæ nutriti, siue viuentis. Malum humorem vocat, & rectè superfluitatem. Malus humor quia raro in bonum conuertitur, è corpore expelli & proijci debet. Hinc humiditates corporis in primas, & secundas diuidit. Primas vocat sanguinem, pituitam, & bilem vtrunque. Secundarum humiditatum duo statuit membra. Nam vel hæ humiditates sunt superfluitates quædam, vel non superfluitates. Superfluatorum humorum expositionem ad sequentia remittit. Non superflui ergo humores secundarios vocat illos, qui à principali dispositione conuersi membris delegati fuerunt, sed nondum alicuius membrorum simplicium operatione perfectæ pars effecti sunt. Id est humores secundarij non superflui, sunt illi qui iam sanguinis dispositionem amittunt, nouamque acquirunt, vt in partium ad quas demandantur, substantiam conuertantur. Hi humores numero quatuor proponuntur. Prima humiditas dicitur humor, in foraminibus extremitatum paruarum venarum (capillares appellantur) partibus quibusuis insertarum, contentus. Et hæ humiditas apud Auicennistas nomine caret. Secunda humiditas est humor per omnia simplicia corpora transiens, sicut ros, qui in nutrimentum partium conuertere aptus, dum corpus nutrimento caret, & vt membra humectet, quoties à vehementi aliqua causa aut motu exsiccantur. Tertia humiditas est humor, qui parum antea congelatus fuit, (i. ros) quiue in partium poros, cavitates ac rimas sparsus, ampliori coctione concreuit, & veluti congelatur; & hæc congelatione in crassiorē substantiam ros idem conuertitur, & cambium ab Auicennistis dicitur: quia cambium illud, quod per resolutionem accipitur aut dissipatur de partibus corporis, in succedit substantiæ deperditæ. Ideo Auic. ait: Et est nutrimentum, quod in substantiam membrorum, ex parte complexionis conuersum est. Sed ex parte essentiæ completæ & similitudinis nondum conuersum fuit. Vult n. cambium siue rorem congelatū esse eiusdem temperamenti cum toto, ex quo colligitur cambium animari & informari eadem forma partis, cui annectitur: licet naturam suam nō habeat omnino similem parti. Quarta humiditas Auicenn. est humor qui est intus in membris simplicibus à principio natiuitatis, per quem partium eorundem membrorum continuitas existit: cuius principium est ex spermate. Spermatidis verò principium est ex humoribus. His significat Auic. naturam quarti humoris; qui est humor positus in locum humidi radicalis, siue calidi innati partium resoluti. Vnde ait, intra substantiam partium simplicium à principio natiuitatis consistere id est hanc humiditatem esse similem naturali, qua partes inter se continuæ compactæque redduntur, & conseruantur. Vnde Auicennistis gluten appellatur. Et sanè hoc ipsum radicale humidum est natiui caloris pabulum, & verum ac legitimum partium nutrimentum.

Hæc Auicenna, cuius mentem aliqui ita exponunt, vt voluerit præter quatuor humores in massa sanguinaria complexos, prædictos quatuor humores secundarios tanquam specie distinctos statuere: Quanquam ne verbum quidem de hoc dixerit Auicenna. Recte sanè ab Auic. facta est mentio prædictarum quatuor humiditatum; quia à Galen, non recedit lib. 1. de facultat.

nat. c. 11. & lib. 7. meth. med. c. 6. Galeni doctrinam mox proponemus, si prius supposuerimus prædictas quatuor humiditates non constituere quatuor humores specie distinctas.

Primus enim Auic. humor à sanguine non distinguitur, vt ipsemet Auic. restatur c. 2. citati lib. quod parum attentè legerunt illi, qui humores omnes secundarios ex mente Auic. tanquam distinctos à sanguine constituunt. Deinde, inquit, in venis, quæ sunt sicuti villi capillaribus similes: postea sanguis ab earum orificijs resudando labitur, in membra ex parte diuina. Ecce quam explicite loquitur Auic. dum ait: sanguinem existentem in capillaribus venis partium corporis, labi in ipsa membra. Licet enim mutationem quandam huiusmodi sanguis in venulis oclusus à partibus ambientibus suscipiat, non proinde sanguinis naturam deseruit, sicuti nec multum à sanguine recedit ipse ros secundus humor iuxta Auicenn. quia ros est ipse sanguis partium cavitatibus aspersus: dum autem ex rore fit cambium non amplius à partis substantia discrepare videtur, quia temperamento partis præditum iam est cambium, & multo magis quarta humiditas, quam glutem appellant. Ergo accidentaliter tantum à sanguine, & partibus distinguuntur quatuor isti humores.

Auicenna suam hanc de quatuor secundarijs humoribus doctrinam ex Gal. hausit lib. 7. meth. med. c. 6. & in fine ca. 5. iuxta Iuntatum impressionem, vbi quatuor formaliter humiditates in corpore, præter quatuor humores vulgo dictos, enumerat, enumerando pariter quatuor siccitates iisdem oppositas. De ventriculi ergo intemperie agens, ita de re proposita loquitur: Est autem prorsus consummata (id est intemperies sicca) vbi solida similitum partium substantia reddita est siccior. Nam est & altera siccitas vtiq; cum ea, quorum substantia ex humore concreto constat, sicut caro, & adeps sunt, liquata. Etiam tertia cum propria humiditas, unde partes nutriuntur omnino est assumpta. Continetur ea in omnibus animalis partibus, ceu ros quidem per eas sparsus, de quo alibi sæpè dictum est. Hanc igitur inferere particulis, sine nutrimento non est. Ideoque difficillima est omnium eiusmodi affectuum curatio. Diuersa ab ijs siccitas est quæ in proprijs cuiusque particulæ exilibus arterijs, & venis consistit: prouenit & hæc ex sanguinis penuria. Manifestè humorem innominatum in exilibus partium vasculis contentum, rorem, & cambium, & humidum radicale his paucis exposuit Gal. Notandum tamen, carnem habere præter humiditatem concretam, & coagulatam, aliam humiditatem radicalem ratione, fibrarum &, aliarum partium spermaticarum quæ veræ solidæ sunt.

Modum quo hæc omnes alimenti alterationes sunt clarè proponit Gal. lib. 2. de facult. natural. c. 11. Itaque denuò, inquit, nobis reuocandus ad memoriam is finis est, cuius causa tot, & tales particulas natura instituit. Et nomen quidem rei, ceu prius diximus, nutritio est. Ratio verò eius nominis est ad id quod nutritur, eius, quod nutrit, assimilatio. Porro hæc vt fiat agglutinatione siue adhærentia præcedat oportet. Sicut etiam, vt illa fiat appositio. Postquam enim succus is, qui omnem animalis particulam nutriturus est, à vasis excidit, in totam eam primum dispergitur, mox adiungitur, sine apponitur, deinde agglutinat, demum assimilatur. His Gal. quinque proponit, humorem vasculorum siue venarum capillarium, rorem, roris appositionem, agglutinationem, & assimilationem. Auic. enim sub cambio tertio humore appositionem simul & agglutinationem comprehensus est. Gal. verò ait iam dicta inter se discrepare; quia ex defectu roris, aut aspersione humoris extra venulas, quæ vacuæ sunt atrophica, & tabes oritur. Nascitur enim ex sanguini

*Quatuor
humores se-
cundarij nõ
distinguan-
tur à san-
guine &
partibus.*

*Galenus
primus ad-
misit qua-
tuor humo-
res secun-
darios.*

*Nutritio
quid.*

*Appositio,
agglutina-
tio, assimi-
latio ad nu-
tritionem,
requiritur*

*Defectus
roris parit
morbos.*

*Defectus
appositio-
nis simili-
ter.*

*Defectus
agglutina-
tionis.*

*Defectus
assimilatio-
nis.*

*Assimila-
tio, & nu-
tritio sunt
synonima
in vincente.*

*Triplex
nutrimen-
tum.*

nis aut nutrienti penuria. Aliquando vero irrorantur humore partes, sed non apponitur: Vnde putrescit & corrumpitur; & rursus pustulas in cute, ac abscessus non raro efficit: sicuti & alios affectus, sed præsertim cutaneos. Adiunctio rursus siue appositio, siue agglutinatione siue adhesionem fieri contingit; vt videre est in illa hydropis specie anasarca dicta, in qua affluentis nutrimenti ad partes appositio siue adiunctio quadam sit, ad succi tamen formam sufficienter alimentum non est redactum; quare nec lentitiam, glutinisque consistentiam, quæ naturalis caloris ope potissimum provenit, adeptus est, & consequenter adhaerentiam consequi non valet; defluente nimirum ac delabente, ob tenuis & crudi humoris exuberantiam, à solidis corporis particulis nutrimento. Demum in vitilagine quæ leuce dicitur adhaerentia quidem nutrimenti facta manifestè cernitur, non tamen assimilatio. Vitilagine quidem alba caro ideo tam mollis non redditur, ac in anasarca, in qua ob agglutinationis defectum vestigia digitorum impressorum corporis partibus diuturno tempore remanent. Idum digitis medicus aut quivis alter carnem opprimit, cavitates pulpæ digitorum impressæ diu remanent in ægri corpore, antequam partes compressæ subleventur, & in altum reducantur, vt æquè ac reliquæ corporis partes promineant. In vitilagine verò siue alba siue nigra, quoniam alimentum glutinositatem, & quandam concretionem adeptum est, partes digitis compressæ subito ad sui sedem reuocantur. Assimilatio autem dum sit, solita adest partium externarum consistentia; & renitentia; soliti denique corporis colores, ni prouectior ætas impedimento sit, clarè relucet. Vt ergo proba fiat assimilatio siue nutritio, ros partibus aspergi debet, & bene apponi, & rursus adhærere, & adhuc caloris nativæ opera glutinari & concreescere, quibus factis, non difficulter nutrimentum partibus assimilatur.

Id verò quod parti actu assimilatur, propriè nutrimentum dicitur, quia actu nutrit; teste Gal. c. 1. i. cit. lib. 1. de facult. natural. Quod verò veluti nutriens est, nondum tamen nutrit, cuiusmodi scilicet est quod agglutinatur, vel quod apponitur, id propriè nutrimentum non est sed æquiuocè, vt ait Gal. Quod autem in venis est, atque hoc etiam magis, quod in ventriculo est, id tanquam nutriturum aliquando sit, si probe concoctum fuerit, nutrimentum appellatur. Ad hunc modum edulia quæque nutrimenta vocamus, non utique, quod iam animal nutrant, neque quod talia sint, qualia sunt, quæ nutriunt: Sed quæ nutritura sint, si probe sint concocta. Citat Galen. locum Hippocrat. lib. de alimento, vbi ait: Nutrimentum quod nutrit: nutrimentum quod veluti nutrimentum est: nutrimentum quod nutriturum est. Siquidem, quod iam assimilatur, nutrimentum appellavit: quod verò tale est quale illud, nempe appositum agglutinatumque genus, veluti nutrimentum: reliquum omne, siue id in venis continetur, seu ventre, futurum nutrimentum. Visus tamen est Galen. quartum admisisse, edulia nimirum, quæ quidem alimenta vulgò nuncupantur; quoniam ex his omnis succus ad corporis nutritionem colligitur, conficiturque.



CAPVT V.

De Exactissima humorum inquisitione.

Capit. 2. humorem in alimentitium & superfluum distinximus. Alimentitium humorem rursus in chylum & sanguinem; quia his animal nutritur. Humorem tamen propriè alimentitium sanguinem, quatuor humores comprehendentem nominauimus. Superfluum humorem appellamus succum animali inutilem siue excrementitium. Dupliciter enim humor superfluus dicitur. Primò pro quouis humore inutili amplius parti alimentitii. In hoc sensu chylus; postquam eo ventriculus saturatus est; superfluus humor dicitur: vnde tanquam quid sibi inutile à se ipsum propellit ad intestina. Sanguis etiam in hepate elaboratus, postquam eo hepar saturatum est, superfluus amplius hepatis est, & quia est oneri, ipsum hepar ad cauam venam relegat: & sic perpetuò proceditur in alijs corporis partibus, quæ omnes cum ratione careant sibi vnaquæq; prouidet, & reliquum tanquam onerosum quid à se propellit; imò pars quæuis ad se auide proleat, quod necessarium est. Semen pariter licet optimus succus, lac & sanguis menstruus superflui humores in hoc sensu nuncupantur, imò excrementa quia excerni, quam inutilia postulant, vti alimentum a parte satura excernitur. Superfluum humorem vel excrementitium in hoc sensu nos non accipimus, sed in strictiori, quatenus nimirum alienum quid est à nostra natura, ita diffitum, vt nec generationi, nec augmentationi, nec nutritioni propriè conferat. Excrementitius ergo humor de quo loquimur, in naturale excrementum, & non naturale diuiditur, de quibus seriatim vnà cum alimentitijs in sequentibus agemus. Caput igitur hoc in diuersas sectiones distinguemus.

*Generalis
humorum
partitio.*

Excrementitius humor duplex.

S E C T I O I.

De Sanguine, & eius excrementis.

Sanguis, Græcè *αἷμα*, est humor calidus & humidus, dulcis, & rubicundus, & mediocris consistentiæ, ex temperatiore alimenti parte, vi sanguifica hepatis, eiusque temperato calore genitus, ad corpus nutriendum, qui extra venas positus, vi fibrarum à venis præcipuè acceptarum facile concreuit. Dicitur sanguis calidus & humidus, non simpliciter, eo modo quo aer, sed comparatiuè ad alias qualitates primas quas continet, & ad alios humores, frigiditatem nimirum & siccitatem; eo pene modo quo ver à Galeno lib. 1. de temperam. respectu nimirum aliorum anni temporum, calidum dicitur & humidum; quod autem temperatum est, calidum & humidum ab antiquis dicebatur. Sanguis igitur remissus & veluti pares habens calorem & humiditatem ad vitæ nostræ propagationem, & sustentationem prorsus congruos, calidus & humidus rectè dicitur; tum quia hæ binæ qualitates frigiditatem, & siccitatem in eodem sanguine excedunt; tum quia propter has a reliquis humoribus discrepat; in quibus illæ duæ qualitates, calor moderatus

Quid sanguis.

Cur sanguis calidus & humidus dicitur.

& hu-

*Reliqui hu-
mores a
sanguine
parum co-
gnati sunt.*

& humiditas vitæ sustentandæ idonei, excedunt plurimum alias qualitates, vel ab alijs superantur. Vnde plurimū à nostra cognatione recedunt, vt bilis ratione intensioris caloris, pituita ratione intensioris frigoris, melancholia ratione intensioris siccitatis. Sanguis etenim (inquit Gal. comm. tex. 39. lib. de nat. hom.) qui temperatissimus videtur; talis propterea dicitur, quia in eo nullum ex contrarijs alterum superet plurimum, ita vt neque calidum, frigidum superius sit, neque frigidum calido, neque siccum humido, nec humidum sicco. Vbi ergo & ipse sanguis quatuor qualitatū indigens est humiditate, siccitate, calore, frigore: iam satis constat illum egere quoque vt cum alijs misceatur humoribus. Et proinde temperatissimus sanguis, pituitæ, & bilis tam fluax, quam atræ, non erit expers. Gal. enim statuit sanguinem temperatissimum esse, sed respectiue, & non temperamento ad pondus. Quod indicauit verbis istis; quia in eo nullum ex contrarijs alterum superet plurimum. Verū qui superant, sunt caliditas, & humiditas, quæ reliquis duabus præcellunt.

*Sanguis
quomodo te-
peratus di-
citur.*

*Cur medio-
cris consi-
stentia.*

Dicitur sanguis habere mediocrem consistentiam; quia si esset prætenuis & humidus, crassitie careret, & lentore, quibus tamen eget, vt partibus nutriendis hæreat & agglutinetur. Si verò nimia crassitie polleret, nequaquam facile flueret, & ad partes nutriendas tranaret; nec facile rursus in ipsarum partium exiles cavitates & cuniculos sese æqualiter insinuaret, vt per intus-fusceptionem, vt Philosophi loquuntur, augeat, & nutriat; quod autem crassitie quadam simul, & fibris egeat, id testatur Gal. lib. 2. de facult. natur. cap. vlt.

*Cur ex te-
peratori
alimento.*

Dicitur ex temperatiore nutrimenti parte generari; quia huiusmodi substantia, nostræ naturæ quam alia vlla, magis conducit, tanquam quid affine, & amicum. Ex pinguiori ergo & vnetuosiori nutrimenti parte; sanguis verus generatur; cum reliquæ partes eiusdem alimenti sint alienæ magis naturæ, quam id quod aerium est.

Cur dulcis

Dicitur dulcis; quoniam ex pinguiori temperatiorique chyli portione a temperato hepatis calore nascitur. Pinguis autē sapor saporis dulcis genus quoddam est: salsus autem & amarus idem ferè sunt, teste Arist. lib. de sensu, & sensili cap. 4. Quare quod pinguius & temperatius in chylo extat, facile in sanguinem, eumque dulcem conuertitur.

*Cur rubi-
cundus.*

Dicitur rubicundus, quia hepar rubicundum parenchyma sibi nutrimentum, in quantum potest, assimilat, sicuti faciunt & reliquæ omnes corporis partes. Vnde ossa ipsa rubrum sanguinem in albam substantiam sibi similem conuertunt, vt reliquæ omnes partes spermaticæ. Quilibet enim pars cum peculiari temperamento prædita sit, in sui naturam, & simile temperamentum alimentum transmutat. Et tali cognato temperamento colores partis transmutantis in ipso alimento transmutato tandem emergunt. Plato in Timæo, quem citat Gal. lib. 3. de decret. Hippoc. & Plat. c. 7. aliam causam rubedinis in sanguine his verbis euexit: Plurimus tamen his alimentis ruber color diffunditur à natura incisionis, abstersionisque ignis, humido procreatus. Gal. Platonem interpretans, inquit: Rubrum colorem gigni ait in sanguine ex ignis abstersione, hoc est, depositione impressioneque eius qualitatis, ac facultatis, vt ex igne elementi & humiditatis excipientis mixtione ipse sanguis efficiatur &c.

*Cur ab he-
pate pro-
creatus.*

Dicitur sanguis ab hepate, eiusque temperato calore procreari; quoniam hepar temperatum est eius causa efficiens, vt Gal. lib. 2. de facult. nat. auctoritate Hippoc. Praxagoræ Aristot. Philotini probat: Demonstratum enim ijs (dictis

(dictis scilicet Authoribus) alimentum, dum in venis ab innato calore alteratur, sanguinem quidem ex mediocri calore fieri, reliquos verò succos ex eodem immodico. Atq; huic sententiæ quæ euidenter sensibus apparent &c. Fit ergo sanguis à calore temperato hepatis, non quòd hepar diuersos contineat calores, sed quia vtp plurimum respectu materiæ temperatæ, ex quâ sanguis efficitur, temperatus dicitur. Non secus ac sol respectu quarundam regionum temperatus est, respectu aliarum intemperatus; licet consimilem calorem perpetuò producat. Ergo ratione materiæ potissimum aptæ vt conuertatur in bilem, hepar dicitur calidum, ratione materiæ quæ in pituitam conuertitur, frigidum, ratione materiæ quæ in melancholiam, siccum. Quod enim fuit in alimento immodicè calidum, vt in sanguinem temperatum conuerteretur, non erat idoneum: ergo in bilem conuersum. Quod verò nimis terreum, in melancholiam: quod nimis crudum & aqueum in pituitam. Sunt enim corpora heterogenea, quæ inter se & à sanguine distinguuntur. Hepar tamen naturaliter calidum plus bilis generat quam si temperatè calidum esset: hepar frigidum & humidum plus pituitæ: hepar frigidum & siccum plus melancholiæ.

Dicitur esse procreatus ad nutriendum corpus; quia dulci nutrimur ex Aristot. lib. de sensu & sensili c. 4. Gal. verò lib. 1. de aliment. facult. idem profert, qui tamen non ita intelligendus, vt uero dulci omnes partes nutririvouerit. Dicit enim inibi tantum id, quod nullatenus est dulcedinis participes, nutrire non posse, vt quod omnino amarum est; sed id quod à dulcedine non abest longissimè, nutrire, vnde reliqui humores nutriunt, etsi non sint dulcissimi. Sanguis verò dulcissimus, & familiare nectar, plurimum reliquos humores in copia superat. Secundo loco pituita in maiori inest copia, quam aliorum vllus, deinde melancholia, hac, in copia inferior, vberior tamen quam bilis, quæ in minori copia quam reliqui humores in statu sano luxuriat; quia pauciores corporis partes hac, quam alijs humoribus nutriuntur: tum præterea, quia exiguum extat receptaculum bilis excrementitiæ folliculi tellis vulgò dictus. Lib. tamen 5. de vsu part. c. 6. excrementum biliosum melancholico copiosius esse refert Gal. & rationem exquisitatis folliculi, siue cystis fellis inibi exponit. Et rectè quidem, quia tamen si sanguis melancholicus bilioso copiosior sit, biliosum tamen excrementum copiosius est. Sanguine ergò puriori carnosiores corporis partes nutriuntur; reliquæ verò partes humore cognato .i. sanguine pituitoso, bilioso, & melancholico, prout cuiusvis partis natura exposcit. Non .n. solo sanguine, nec solo dulci partes nutriuntur; sed dulci in lata significatione .i. perfecto vel imperfecto, vt testatur ipse Arist. c. 4. cit. lib. de sensu & sensili hac serie: Omnia .n. nutriuntur dulci vel simpliciter, vel mistim; quibus verbis indicat non puro, & sincero dulci omnia nutririv, sed cognato & familiari. Vnde absinthium suo dulci, licet amarulento, nutritur; quia id ei suaue, vtpote familiarius quam reliqua quæuis, esse constat.

Dicitur tandem sanguis extranasatus vi fibrarum concrelescere, quia sanguis sine his, & sine crassitie non concresceret, nec partibus adhæreret, & assimilaretur. Plato in Timæo post Hipp. vt refert Gal. lib. contra Iulian. c. 4. hanc fibrarum necessitatem exponit. Platonis verba sunt hæc: Caterum quæ de flaua bile disserat, post hæc attende. In corpore verò quæcunque eo quod ardeant, vranturque, inflammata dicuntur, cuncta à bile fiunt: accepto itaque hæc respiramine, omnimodos tumores foras feruens emittit: at inclusa, intus morbos gignit perurentes plurimos, huncque maximum, quoties san-

Cur nutrit corpus.

Non sincero dulci viuentia nutriuntur ex Arist.

Cur concrescit.

guine

*Fibrarū
vſus ex Pla-
tone.*

*Fibrarum
meminit
Hippocr.*

*Fibra na-
tura ter-
rea ſunt ex
Ariſt.*

*Fibroſa ſa-
guis ad irā
maſis con-
creſcit quā
non fibro-
ſus.*

Quid fibra

guine commixta puro, fibrarum genus ex proprio ordine deturbauerit, quæ ea gratia diſtributæ in ſanguinem ſunt, vt nec tenuis nimis, nec craſſus nimis eſſet, neque iam ob caliditatem: quippe qui humidius foret, ex raro corpore deſluat, neque rurfus nimia denſitate motioni ineptus, vix ſe in venis conuertat. Hanc vtrique vtilitatem fibræ naturæ generationi largiuntur, quas ſi quis emortuo ſanguine refrigeratoque inter ſe colligat, quod reliquum eſt ſanguinis, vniuerſum diffiuit. Quod ſi derelinquantur, quæ primum vna cum ambiente frigore congelantur. Hac cum præditæ facultate ſint in ſanguine fibræ, bilis, quæ natura vetus facta eſt ſanguis, cum rurfus ex carne in hunc eliquata mittitur calida, humidaque ſenſim primò inueſta ob fibrarum vim gelafcens coit, gelataque, ac reſtincto illius violenter feruore tempeſta-tes intus, tremoremque excitat: at ſi maiore ſe vi inferat, euictis a caliditate propria fibris, conſuſoque earum ordine efferueſcens, victrix euasit: &c. Fibrarum etiam meminit Hippocr. lib. de principijs, vbi de hepatis concretione agens, inquit: Quando quis victimam inactat, donec calidus fuerit, liquidus eſt ſanguis, poſtquam autem perfrigeratus eſt, congelatur. Si verò quis ipſum conquaſſet, & fibras eximat, non congelatur, fibræ enim frigida ſunt & glutinoſæ. Splen autem hoc modo conſtitutus eſt.

Ariſt. lib. 2. de part. animal. c. 4. hanc Hippocr. & Platonis doctrinam ſequutus, fibrarum naturam & vſum exponit. Quas autem fibras vocant, non omnis continet ſanguis: ſed ſunt qui non habeant, vt ceruarum ſanguis, & Dammarum. Quamobrem id ſanguinis genus nunquam ſpiſſatur. Sanguis enim qui dilutior eſt, frigidior eſt: itaque dureſcere non poteſt. Qui autem terrenus eſt, nimirum coit, cum humor euaporatur. Fibræ autem illæ terræ ſunt opificium, quoniam etiam euenit, vt nonnulla ex ijs animalibus, quæ talem obtinent ſanguinem, ſapientiora ſint: verum non ſanguinis frigiditate, ſed potius tenuitate atque munditia, quorum neutrum in terreno eſt. Habent enim ſenſum mobiliorem, quorum humor tenuior, & ſincerior eſt. Et paucis interpoſitis, ait: Quorum autem ſanguis fibris admodum multis, craſſiſque reſertus eſt, hæc terrena amplius conſtant natura, & animoſa, iracunda, proindeque furibunda ſunt: ira enim calorifica eſt. Solida autem, firmioraque omnia concalcſacta, vehementius quam humida, calefaciunt. Fibræ verò ſolida, terrenæque ſunt: itaque quaſi fomenta in ſanguine efficiuntur, feruoremque per iram accendunt. Ex quo fit, vt tauri & apri animoſi, iracundi, furibundique ſint: ſanguis enim eorum fibris reſertior eſt, & quidem taurorum ſanguis celerrimè coit & dureſcit. At ſi fibras detraxeris, ſanguis non cogetur. Vt enim ſi ex luto terrenam portionem ſemoueris, aqua non concreſcet; ita ſanguis fibris detractis, incongelabilis manet: fibrarum enim natura terrena eſt. Quod ſi non eximantur, cogitur, vt terra humida frigore. Cum enim calor exprimitur, humor vnà trahitur atque euaporatur, vt dictum iam eſt: atque ita concreſcit, non à calore ſiceſcens, ſed à frigore. Ex Hippocr. Plat. & Ariſt. ſententia conſtat fibras eſſe ſtamina quædam, ſive filamenta ex materia craſſa, & lenta concreta, quorum vi & ipſe ſanguis tandem concreſcit, quibus à ſanguine detractis, dum idem ſanguis tranſcolatur, nunquam concreſcit.

Dixi fibras illas in venis maximè procreatas eſſe, quod eſt contra Fernel. qui lib. 2. ſuæ Phyſiolog. c. 7. à ventriculo, ytpote nerueo, in prima coctione fibras naſci autumat. Suam enim ſubſtantiam quadamtenus chylo impertit ventriculus; atque adeo ex chylo formantur fibræ ventriculi ope, quemadmodum excrementa pituitoſa, craſſa, & lenta; quæ talia nobis manifeſtè viſuntur,

Suntur, quoties vomitu excernuntur, vel per secessum.

Verisimilius tamen est, fibras à venis æquè ac à ventriculo nasci; quia in his, licet virtute hepatis, (vt colligitur ex Gal. lib. 6. de Placitis c. 8.) vniuersus sanguis suam suscipit formam: Sed fibræ sunt sanguinis partes, vt ipse Fernelius fatetur, aiens, eas sanguinis formam in venis accepisse: quod etiam colligitur ex Platonis his verbis: Quas si quis emortuo sanguine refrigeratoq; inter se colligat, quod reliquum est sanguinis, vniuersum diffluit. Particula enim, reliquum, indicat fibras iuxta Platonem esse sanguinis partem. Liquet ergo fibras in venis æquè ac in ventriculo generari. Fibrosæ autem, & albæ sunt venæ. Ergo habent vim conuertendi crassiores glutinosioresque chyli partem in glutinosam, fibrosamque substantiam, eamque in se magis albicantem, quam sit reliqua pars sanguinis. Videmus ideo in fundo peluis, aut labri aqua pleni, fibras sanguinis albicantes, commixta tenuiori eiusdem sanguinis portione toti aquæ. Verùm, vt dixi, fibræ sanguinis partem constituunt, harumq; vi vniuersus sanguis concrescit, dumque tenuior sanguinis portio a fibris per transcolationem aut transfusionem segregatur, non amplius concrescit, atque adeo vt nutriat ineptus est. Nam ex Aristotele lib. 4. meteor. c. 8. partium similiarium corpora aqua & terra constant. Ergo non aqueo sanguine, sed aqueo simul & terreo nutriuntur. Simile enim simili nutritur. Ergo vt sanguis nutriat fibrosus esse debet, quidquid sentiat Aristot. de sanguine ceruorum & damarum, quem concrescere negat.

Nunc sanguinis differentias tradere par est. Duæ ergò sunt naturalis sanguinis species. Vna, quæ dicitur massa sanguinaria, quæ communiter sanguinis nomine intelligitur. Altera est sanguis quartus humor, cogitatione magis quam actu à reliquis segregatus. Fortè tamen sanguis depuratus, & ad partes purè sanguineas nutriendas idoneus, parum aut nihil aliorum humorum continebit. Cao enim gingiuarum, & aliqua musculosa, & hepatis corpus, huiusmodi puriori sanguine nutriuntur. Verùm Gal. sanguinem partium carnosarum compositum ex quatuor humoribus velle videtur, vt ex dictis patet. Nam dum Hippocr. ex vulnere parti alicui inflicto sanguinem emanare protulit, Gal. massam sanguinariam, & non purum quartum humorem interpretatur. Et, vt ex dictis etiam constat, sanguinem sine alijs humoribus, aut sero in venis vix reperiri putauit. Quod etiam confirmat lib. de Plenitud. c. 10. imò Gal. comment. tex. 1. lib. de humoribus ait, Hippocratem velle lib. de nat. hom. sanguinem nunquam sine vtraque bile, & pituita posse reperiri, quando inquit, nullum anni tempus, nullamque ætatem esse, in quibus alijs tribus humoribus sanguis est destitutus.

Sed Gal. id contingere, vt plurimum voluit. Patet enim ipsum non negasse purum sanguinem quartum humorem, quando dixit, ipsum sine alijs humoribus, aut sero in venis non contineri: Nam eum cum solo sero sine alijs esse posse statuit. Quamuis autem cum sero sit, non proinde desinit esse purus; quoniam serum vehiculum solummodo est, & non humor propriè. Præterea, cum hepar sit ex puro sanguine congestum, puriori sanguine, imò purissimo nutrir debet, iuxta Gal. sententiam: non secus ac ventriculus purissima chyli portione. Pars enim quæuis ex perlabente alimento, quod sibi familiarissimum & suauius inest, connato desiderio liguit. Sanguis naturalis adhuc diuiditur in sanguinem magis humidum, & in sanguinem magis siccum, & in sanguinem calidum, ac minus calidum: Nam frigidus sanguis nullus est, referente Gal. lib. 10. de simpl. medic. facu. t. Ve-

*Fibræ à
venis æq;
ac ventri-
culo fiunt.*

*Sanguinis
differentia.*

*Vix san-
guis quar-
tus humor
solus repe-
ritur.*

*Alia san-
guinis dif-
ferentia.*

rum sanguinem humidum non naturalem esse ostendit lib. de plenitud. c. 11. dum hoc redundante pulsum mutari autumat. Videas hoc cap. vbi dictas iam differentias exponit.

Sanguis naturalis duo deposuit excrementa in cauitate hepatis efferuescens, bilem ad vesiculam fellis, & melancholiam ad lienem, vt lib. 2. de facultat. natural. cap. vltimo, & alijs in locis demonstrat Gal. In venam quam rursus transfusus, substantiam illam liquidam, & penè aquosam, quam pro vehiculo habuit, in emulgentes venas, & rursus ad renes effundit. Hæc substantia serum appellatur, quod licet non inutile fuit, excrementum tamen sanguinis appellatur, quia si amplius sanguini cōmixtum seruaretur, eū nimis fluidū redderet, & inidoneū, vt partibus hæreret, agglutina-returq; ad nutriendum. Sua tamen copia grauamen infert, & naturam, siue expultricem facultatem proinde ad sui excretionem suscitatur. Nam quod attinet ad qualitates, nullam habet prauam, quæ naturam stimulare: donec accipiat à quolibet humore serum humoris naturam referens; quod serum ichor appellatur. Bilis ergo flauæ acerrimus ichor sanguinis sero commiscetur, huic tribuens tincturam flauescentem, vel pallidam, vnā cum acrimonia, quæ mordacitatem parit. Melancholia acidum, vel austerum contri-buit ichorem, & consequenter pungendi ac stimulandi vim. Pituita ichorem, sed aqueum magis; quàm alterius naturæ confert; imò cruda pi-tuita siue pars chyli, perfectam coctionem in hepate & venis effugiens, vnā cum vrina ad renes amandatur, in quibus, licet crassa magis quàm viscida sit, aliquando commoratur, assatur, & in calculos, aut arenas transfor-matur. Cum vrina ergò ex massa sanguinaria traiciuntur humorum omnium quiscuilibet. Vnde quamuis vrina sanguinis vehiculum & serum appelletur, augetur adhuc, & vitatur reliquorum humorum superfluitatibus; & se habet tanquam aggregatum quid, proportionem correspondens quatuor hu-moribus.

Quilibet humor peculiarē habet ichorem.

Vrina ex quatuor ichoribus quatuor humorū exur-git.

Quatuor ichorū natura.

Gal. Platonem citans comm. 2. in lib. 6. Epid. tex. 36. de his ichoribus, siue seris, fusè loquitur. Differunt autem inter se, inquit, secundum scilicet eorum humorum naturas, quorum serum esse diceretur: Et erit infestissimum atræ bilis serum: minus infestum flauæ: minus autem, quàm hoc, pituitæ: sed omnium mitissimum est sanguinis serum, & ichor: nihil enim in præsentia refert hoc, aut illo modo dicere. Lib. 4. de vsu part. c. 6. de sero vehiculo massæ sanguinariæ hæc habet: Hos igitur tenues humores, postquam suo officio perfuncti fuerint, non oportet amplius manere in corpore, onus alienum venis futuros. Huius sanè vilitatis gratia renes extiterunt instrumenta concaua stomachis, alijs quidem attrahentia, alijs autem emittentia, tenue hoc & aquosum excrementum. Vnde Gal. lib. 2. de facult. nat. inquit: Verum feri genera omnia, quæ in succis habentur, sunt excrementa, purumque ab ijs esse postulat animalis corpus.

De tribus his, quæ à sanguine secernuntur, excrementis, bile nimirum tenui, melancholia verò crassa, & sero, Gal. lib. 3. de facult. natur. cap. 9. ita loquitur: Tanquam enim stercus hominum est canibus suauissimum, ita iecinoris excrementorum aliud lieni, aliud bilis vesicæ, aliud renibus est iucundum. Inter prædicta naturalia excrementa, bilis est in minori quantitate, quàm melancholia, & serum, vt apparet ex vasis exiguitate, in quo reconditur. Bilis naturalis vsum aliquem in corpore habet. Nam per porum Cholidocum ad duodenum intestinum profunditur, vt instar clisteris naturalis intestina à mucō abluat, & huiusmodi mucus in suo transitu abstergat,

Pulchra comparatio.

Bilis excrementi v-sus.

& extorsum tandem per podicem vnà secum rapiat. Lien autem melancholiæ receptaculum, vas est satis amplum, quod sanguine ipso melancholico nutritur. Excrementitiam rursus melancholiam partim per hæmorrhoides, partim per vas breue ad ventriculi orificium, vt in eo appetitum excitet animale, diffunditur. Austerus enim vel acidulus sapor, quo humor ille frigidus & siccus pollet, ventriculum veluti corrugat & constringit, & hac compressione contrahitur orificium ventriculi, & inde animalis fames oritur.

Melancholia vsus.

Pituita nullum natura tribuit conceptaculum, quoniam sanguini verà & naturalis pituita commiscetur, quia idonea est, vt in sanguinem, hoc deficiente, conuertatur. Vnde Gal. lib. 2. de facult. nat. c. vltimo inquit: Sanè quod pituita expurger, natura nullum instrumentum condidit; propterea quod frigida humidaque est, ac veluti ex dimidio coctum nutrimentum. Desiderat igitur talis succus non vtique vacuari, sed in corpore manens alterari. Et paucis interpositis: Quod igitur in venis pituita fertur, cum sit animalibus ex vsu, nulla vacuatione eget. Pituita verò, siue mucus, in ventriculo cū chylo genitus, vnà cum crassis superfluitatibus ex quibus fæces formantur, tanquam duo primæ coctionis excrementa, ad intestina, veluti ad propria receptacula, relegantur. Primæ ergo coctionis duo sunt excrementa. Secundæ item coctionis duo, quibus serum, tanquam tertium, additur. In tertia demum coctione, quæ in partibus celebratur, duo etiam excrementa generantur: Vnum pariter tenue, & alterum crassum: illud insensibiliter euacuatur, & est humidum quid, ac prætenue feri residuum, quo partes irrorantur, & quod erat tanquam vehiculum adhuc nutrimenti eandem partium; Aliud secundum excrementum crassum est, & cuti ac camisiæ, & reliquis indumentis, quæ nostri corporis partes immediatè contingunt, adhæret, quæ omnia conspurcat. Vnde necessitas mutandi camisias, & reliqua indumenta prouenit. Nonnulla tertiæ coctionis excrementa expurgantur per nares, vt mucus; per aures, vt amara quædam substantia; per os, vt sputa, & alia consimilia.

Pituita vsus.

Quævis coctio duplex habet excrementum.

Hæ sunt naturalis sanguinis & excrementorum naturalium differentia. Nunc de sanguinis non naturalis speciebus agendum; quæ à duplici fonte defumuntur; à qualitate videlicet sanguinis vitiat, & à superflua quantitate. Sanguinis ergo excedente qualitate peccantis differentia variæ sunt, quarum quasdam proponit Gal. lib. 10. de simpl. med. facult. cuiusmodi sunt sanguis melancholicus, sanguis picrocholicus, pituitosus, & serosus, & putridus, quibus addamus flatuosum sanguinem, iuxta Gal. lib. de plenit. c. 10. vbi horum sanguinum copiam, plenitudinem ad vasa vocat. Nulla ex his speciebus, sanguis purus est, sed mixtus, ex sanguine scilicet vero, & ichore, sanieque illi permixta. Huiusmodi ergo sanguines cacochymi, & qualitate peccantes dicuntur. Sanguis ideo nimis melancholicus, melancholice morbi species, quartanam, vitiliginem nigram, vel isterum nigrum, scirros, cancerum, caninum appetitum, aliosque melancholicos morbos procreat. Sanguis picrocholicus siue biliosus, biliosos morbos; sanguis serosus hydropem, & consimiles aquosas ægitudines: Sanguis putridus synocham febrem, siue continentem, & alios innumeros morbos. Hæ siquidem sanguinis species fiunt ex chylo malè in ventriculo elaborato, propter ciborum qualitatem, vel excedentem quantitatem, vel præposterum in sumendo ordinem, vel ob exercitium immodicum, vigilias &c. Vel sanè fiunt dictæ sanguinis species ob venarum, & hepatis prauam aliquam affectionem, vt

Sanguinis non naturalis differentia.

Causæ sanguinis præter naturam.

obstructiones, intemperiem &c. aut ob imbecillitatem earundem *venarum*, aut hepatis: Atque adeo, licet sanguis in ijs conficiatur, quoniam fibrosus non est, non probè nutrit.

Quædam sanguinis non naturalis differentia à quantitate sumuntur. Nam licet sanguis aliquando in qualitate non peccet; quia tamen morborum productionem minatur, & vt eos producat in procinctu videtur, non naturalis, ratione excedentis quantitatis, dicitur. Vnde athleticum statum, quia nimio sanguine refertum, damnat Hippoc. lib. 1. Aphorism. aph. 2. Vitium hoc sanguinis in quantitate plethora, siue plenitudo à Galen. nuncupatur. Plenitudo enim est copia humorum in vniuerso corpore ex Galen. lib. de Plenitud. cap. 3. & 11. Duas habet differentias, vna est ad vasa, & altera ad vires.

*Duplex est
Plenitudo.*

*Color in cu-
re delite-
scentem
prodit hu-
morem.*

Plenitudo ad vasa dicitur illa, qua corpus & venæ ita replentur, & distenduntur, vt venæ saltem rupturæ periculum incurrant. Verum, quoniam venæ etiam flatibus aut alijs humoribus feruentibus distendi possunt, aliud indicium plethoræ ad vasa, venarum distensionem annectit c. 11. citato; ruborem nimirum, qui soli sanguini congruit, eumque naturaliter prodit. Color humorum, vbi non est humorum reciprocatio, veluti efflorescit, vt ait Hipp. lib. de humoribus in principio. Color enim, inquit in commen. Gal. non partibus, sed humoribus tribuendus. Color ergo prædominantis humoris in toto corpore, vel saltem in facie apparebit, si humores reciprocantur, id est, si propter animi passiones, aut alia accidentia, humores intro vel extrâ recurrant. A metu enim & tristitia humores introsum reuocantur, sicuti à frigore, & similibus. Extrorsum verò reuocantur à calore, moru immodico, ira, & similibus. Coloribus autem ex his mutationibus prouenientibus non credendum, sed coloribus, qui percipiuntur à nobis in homine, animo & corpore quieto, & pacato. Plethora ergo ad vasa, febrium, aliarumque ægitudinum causa esse potest.

Plenitudo ad vires, dicitur redundantia sanguinis in ordine ad vires; quando nimirum sanguis mediocris quantitatis, copiosus respectu imbelium virium non potentium eum concoquere, nec in aliti substantiam conuertere, dicitur. Talis plenitudo vasa non implet, nec distendit, sed moderata est: ob vires tamen nimia censetur; cuiusmodi est illa, qua sæpè conualescentes laborant, & senes. Sed hæc de sanguine.

S E C T I O II.

De Pituita.

*Varia
Phlegma-
ris signifi-
cationes.*

Hippocratis & Gal. lectorem varia Phlegmatis expositio plurimum iuuabit. Pituita igitur Græcis Phlegma φλέγμα dicitur. Verum hoc vocabulum non solum humorem album, siue pituitosum, frigidum & humidum significat, sed præterea inflammationem, & bilem ipsam. Inflammationem significat teste Gal. in explanatione linguarum, & comm. 2. Prognost. tex. 66. quo ultimo in loco ait, Phlegma pro flammido calore præter naturam ab igne sacro, aut phlegmone, siue inflammatione propriè dicta, procedente & causato, ab Hippoc. inibi accipi. Idem Gal. lib. 8. de placit. Hipp. & Plat. c. 6. ait, flauam bilem à Prodicto Phlegma appellari;

pellari; quia *φλέγμα* eius iudicio à verbo græco *φλεγσθαι*, quod est inflam-
mari, eam denominationem, seu appellationem habere iudicauit. Libro
denique 2. de facult. nat. c. 9. ait: Sanè Prodicus (is fuit Hippocratis magi-
ster) in opere de hominis natura, id quod vltum, & veluti supra modum
in succis coctum est, *φλέγμα* græcè nominat, à verbo *παραχθαι* quod vltum
esse significat. Et paulò post: Cæterum hoc albī colonis, quod omnes ho-
mines græcè *φλέγμα* vocant, Prodicus *βλέναν* id est, mucum appellat: fri-
gidus ille, & humidus succus est: qui tum in senibus, tum in ijs, qui ratione
qua uis sunt perfrigerati, plurimus acruatur: quem nemo mentis compos
aliud esse quidpiam quàm frigidum & humidum dicet. Arist. etiam noluit
propter dictam etymologiam, pituitam, seu massā sanguinariæ frigidam,
humidamque portionem, *φλέγμα* nominare, sed potius *ιχώρα*. Quod autem
ita frigidum est, vt sit crassum, & viscidum ad imitationem Prodicti *βλέναν*,
ἢ *μύξαν* vocat lib. 3. de hist. animal.

*Prodicus
Hippocra-
tis magi-
ster.*

Hippocrates etiam hoc sui magistri Prodicti loquendi vsu ductus, id quod
biliosum est, aliquando Phlegmatis nomine indigitat, vt in Coacis Prænotio-
nib. *φλεγματοῦ δὲ οὕτως μετακαρδιωγμῶ, δυσεντερὴν τέχαι καὶ οὐσφυαλγίαν*,
id est, pituitosa (supple egestio) verò acutè, cum oris ventriculi dolore, dy-
senteriam, fortassis autem & lumborum dolorem. Hoc in loco, pituitosa,
ex græco transfertur; cùm tamen ipsum nomen græcum, biliosa potius, quàm
pituitosa significet: quia biliosa materia est, quæ cardialgiam, siue dolo-
rem orificij ventriculi communiter dictum, infert, sicuti etiam dysenteriam
vltimum. Vnde Plato in Timæo de bile loquens, ait: At cùm minor
huius copia est, corpusque ei liquefcens reluctatur, deuicta, aut per vniuer-
sum corpus excidit, aut in inferiorem, superioremque ventrem per venas
expulsa, deque corpore, veluti, ex discordi ciuitate eiecta intestinorum la-
uitatem, difficultatemque, cæteraque huiusmodi mala affert.

*Biliosum
Phlegmati-
cum dicitur
Hipp.*

*Platonis de
bile senten-
tia.*

Idem Hippocrat. lib. de passionibus, siue affectionibus, ait: *τυρός, σίσ-
σαμα, καὶ σαρὶς κομιστικὰ καὶ φλεγματοῦ δία*: caseus, sesamus, & vna passa,
& pituitosa sunt. Hæc autem inter calida annumerantur, lib. 2. de diætâ:
Quare loco pituitosa, biliosa, vel calida vsurpanda sunt. Lib. etiam 2. de
diætâ ait: *πρῶτα τὰ μὲν ἐρῶτα διερρητικά, καὶ διαχωρητικά τὰ ὁμαδὲ καυματοῦ δία*
καὶ φλεγματοῦ δία id est, Porrum coctum quidem vrinam ciet, & secedit
(id est, aluum mouet) crudum verò æstuosum est, & pituitosum. Nemo
vel leuiter in Medicina versatus *φλεγματοῦ δία*, pituitosum interpretabitur, sed
biliosum, aut calidum, & acre. Nam quæ calida sunt, bilem per se & non
pituitam generant. Porrum verò eodem lib. 2. de diætâ, calidum est, licet
minus, quàm cæpa, vt ibidem loquitur. Eodem etiam lib. de caseo loquès,
veterem potius, & calidum, quam recentem intelligit, sicuti intellexit lib.
de internis affectionibus: Caseus, inquit, robustus est & æstuosus, & alit.
Robustus quidem, quia proximus est generationi: alit autem, quia carnosæ
reliquiæ sunt lactis: æstuosus est, quia pinguis: aluum autem sistit, quia
succo & coagulo. Vna etiam calida est. Sesamus similiter. Vox ergò *φλέγμα*
aliquando à verbo *φλέγω* .i. vro, aut inflammo, deriuatur: aliàs a verbo
φλεγμῶναι .i. tumeo: In prima significatione nomen *φλέγμα* sæpe vsurpauit
Prodicus, Hippoc. vt Plato in Timæo: in vltima communiter accipitur à
Medicis .i. pro tumeo, & pituita. Nam pituita intumescere facit.

Pituita enim est humor frigidus & humidus, vel quodammo-
do ad dulcedinem inclinans, albicansque, ex parum cocta chyli portione,
ea que crassa, ab imbecilli iecoris calore genitus ad nutriendas quaidam ani-
malis

*Pituita de-
scriptio.*

malis partes. In particula, humor, cum reliquis humoribus conuenit. Dicitur frigidus & humidus; quia elemento aquæ, & hyemi ex Gal. decreto lib. de humorib. correspondet. Denique omnes medici in hac sunt sententia cum Galen. lib. 2. de different. febrium: Quicunque humor in corpore frigidus, atque humidus fuerit, hunc nos pituitam appellamus, inquit.

*Remedium
calidum &
siccum ad-
uersatur pi-
tuita.*

*Humorum
tempera-
menta.*

Hinc est, vt Medici communi consensu pituitosis morbis, mediantibus calidis & siccis remedijs, felicissimo cum successu, indies medeantur. Imò actu frigidiora pituitosorum membra percipiuntur, facta nimirum collatione ad alios humores, præsertim calidiores. Gal. adhuc lib. de causis morb. c. 4. ait: Flaua bilis calida est; & sicca; atra verò sicca, & frigida: Sanguis calidus & humidus: pituita frigida & humida. Sexcentis alijs in locis post Hippoc. lib. de natura hominis, qui pituitam hyeme augeri ait, idem confirmat: & lib. 2. de facult. natur. c. vlt. frigidam & humidam, autoritate Hipp. lib. de nat. hom. esse statuit.

*Quo sensu
pituita fri-
gida & hu-
mida dici-
tur.*

Verùm, pituita simpliciter & absolutè non est frigida & humida, sed respectiue tantum: mixta enim ex quatuor elementis est pituita, vt reliqui humores. Hanc doctrinam apertè exponit Gal. comm. tex. 39. lib. de nat. hom. Pituitam siquidem frigidam & humidam esse dicimus, non quod contrariorum particeps non sit, sed quod hæc in ea præualeant. Porro si ea frigida tantummodo, & exactè esset, quasi glacies esset coacta. Quemadmodum si exactè esset humida, omni careret crassitie, & lentore. Idipsum etiam de vtraque bile dicas: Flaua enim sicca est; atra sicca, & terrea esse dicitur, vt tamen non omnino humiditatis sit expers: nam alioquin neque humor esset, sed durum, vt adamas, corpus: & frigida quoque eadem ratione dicitur, quod plus in ea frigoris sit, quàm caloris; quia si omnino frigida esset, quasi glacies concreveret. Pituita ergo calida est calore valde remisso, si cuti siccitate correspondente eidem calori; quia tamen in ea his prævalent frigiditas & humiditas, per has, & non per illas semper describitur.

*Inspida
inodora
sunt.*

Additur in definitione, inspidus, seu qualitatis aut saporis expers, vt loquitur Gal. lib. de humoribus τὸ δὲ ὀλεγμα ἀποινομεν πρῶτος id est, pituita autem primum est qualitatis expers; qualitas autem quæ caret, est sapor: inspida autem est, imò & odoris expers. Nam ea, quæ sapore vacua sunt, odore consequentiue carent; vt auri exemplo affirmat Arist. lib. de sensu & sensili. Alijs qualitibus pollet pituita, vt frigiditate, humiditate, albedine, crassitie &c. Ergo per ἀποιον dicitur esse saporis expers, id est, inspida. Quod autem inspida sit naturalis pituita, de qua loquimur, id testatur Gal. lib. de atra bile sic: Apparet autem pituita omnis qualitatis expers, veluti aqua; verùm naturali qualitate mutata, fit modo falsa, modo acida, modo dulcis.

*Dulcis pi-
tuita quam
insipida
magis natu-
ralis.*

Quamuis dixerat citatis in locis pituitam instar aquæ inspidam esse; lib. tamen de facult. nat. c. 9. dulcem eam refert: Sanè, inquit, aduertere hoc loco ac scire oportet, tanquam ex bilis generibus, aliud vtile, naturaleque in animalibus inest, aliud inutile, ac præter naturam: sic pituita, quod dulce est, id salutare esse animanti, & naturale; licet enim in sua natura pituita inspiditatem referat; dum tamen vltius à calore nativo coquitur, dulcedinem concipit, vt sic commodius quedam animalis partes ea nutrantur, & vt facilius in sanguinem conuertatur. Ideo addidi in definitione, quoquo modo ad dulcedinem inclinans.

Dicitur albicans, quia albedinem; quam à ventriculo & uenis contraxit, non multum deposuit; imò cum in sanguinem sincerum non conuertatur

uenæ

venæ sua vi dealbandi, ei suam conferuant albedinem, vt minori labore, à partibus albis, quæ ea nutriuntur, conficiatur. Chylus enim in ventriculo albus efficitur; licet vnus altero, pro diuersitate alimenti, albiore euadat.

Dicitur ex portione chyli crassa, ab imbelli hepatis calore fieri; quia quâuis videatur esse chyli particula nondum in sanguinem transmutata, non à ventriculo propriè suam recipit formam, sed à venis. & hepate: Hepar enim in rubram substantiam totum chylum conuertere totis viribus contendit; sed eius calor imbellis adeo est, vt frigiditatem, & humiditatem portionis cuiusdam eiusdem chyli prorsus adoriri nequeat; ei tamen quandam perfectionem, caloris sui virtute, conciliat; & licet eidem portioni ruborem perfectum, ob sui renitentiam non conferat, eam tamen comminuit, mitigat, & in saporem naturæ gratiorem reducit; & cum in venis versetur, & sanguificationis vim, in ipso hepatis corpore, seu in radicibus venæ portæ hepatis carni diffusis & immerfis, effugiat, pristinam albedinem, quam in ventriculo ex parte asciuit, non solum ad tempus obseruat, sed vi venarum perfectionem nacta est, albicansque semper, nisi bilis, aut melancholia ei commisceatur, aut in sanguinem transmutetur, permanet. Sic igitur ab hepatis & venarum virtute, & ex commercio sanguinis, & biliosi præcipuè humoris, temperatior euadit pituita, siue pars chyli in sanguinem completum non transmutata; & suam sic suscipit formam. In hepate ergo & venis pituita suam accipit complementum, licet in ventriculo suam formam suscipere inchoauerit; quia primum rudimentum coctionis in ventriculo pituita suscepit; ideo à Gal. comment. tex. 39. lib. de nat. hom. ait: Vt pituita ad formandos mores inutilis sit, sed necessarium ex prima ciborum transmutatione ortum habet.

Dixi pituitam ex crassa chyli parte, non autem ex omnino crassiori fieri; teste enim Gal. libello de humorib. sanguis, & pituita, & nigra bilis crassam habent consistentiam: bilis autem flaua est & tenuis, & leuis, & sublimipeta; quemadmodum duo reliqui humores graues; sanguis autem medius est participatione caloris. Crassum enim, si cum denso confundatur, vt fieri fortè debet, est id, quod multum materiei, sub parua tamen quantitate, continet, vt plumbum, aurum &c. tenue verò corpus è contra est id, quod paruam habet materiam, sub magna tamen quantitate extensam. Igitur cum à frigore condensatio, & crassa consequenter consistentia non raro acquiritur, licet etiam à calore non raro, non mirum, si pituita, & melancholia crassæ sint, grauesque per consequens; & sanguis mediocriter, crassus ob calorem temperatum: bilis verò propter vehementem calorem tenuis est & rara, atque leuis, & sublimipeta. Quod autem tenue est & rarum, leuitatem habet, & in sublimia vergit. Nam quod leue est, sursum suapte ingenio tendit. Bilis, quia ita continuò sursum capeffit, cerebri humores crassiores non raro attenuat; & ipsa excrementitia ad aures, tanquàm quid inutile, expurgatur: quod eodem libello de humoribus expressit, dum inquit: Flauæ autè bilis parua vesica est propria, & quod circum hepar, & per aures mouetur, id quod cuique apparet.

Notandum igitur est, melancholicum humorem, etsi non æquè frigidum ac pituitam, crassiorem esse; quia quod terrenum est, crassius est primo loco; pituita verò, utpote aquea, secundo loco; quæ tamen propter fluiditatem, quam ab aqua concepit, & propter tenuitatem, quam à bile, & ex parte ab acida melancholia, sanguini extracto supernatat, bili tamen subest.

Iterum

Sola bilis inter quatuor humores est tenuis consistentia.

Melancholia omnibus humoribus crassior.
Cur pitui-

*ta sanguini
ni superna
rit.*

Iterum notandum est, longè à veritate recedere hos, qui pituitam adeo tenuem esse credunt, vt aqua assimiletur. Est enim serum, & non pituita, quod tanta pollet tenuitate. Nam pituita crassescit vi coctionis, estque crassa, quia ex crassiori viscidiorique chyli parte generatur; debetque omni ratione crassa esse, quandoquidem in partes solidas, ad quarum nutritionem facessit, sine crassa consistentia non conuerteretur, si aquea & adeo liquida extaret. Quod enim liquidum est, partibus, vt in eas, conuertatur, nequaquam hæret; vt in hydropicis in dies videre licet.

*Partes quæ
pituita nutriuntur.*

In descriptionis sine addidi, ad nutriendas quasdam animalis partes: quia pituita, siue sanguine pituitoso nutriuntur cerebrum, spinalis medulla, nervi, ligamenta, tendines. Causa enim finalis pituitæ est huiusmodi; cui adde, quòd sanguinem contemperet, ne in bilem vertatur: & quòd tempore indigentis in sanguinem conuertatur.

Dictum à nobis in superioribus est, nullum priuatum conceptaculum pituitæ à natura concessum. Ratio in promptu est; quia, præterquam quòd frigida est & humida, & hac ratione parti, cui diutius hæreret, plurimum noceret, est alimentum semicrudum, quòd in communi officina, hepate & venis, pro urgente necessitate conseruari debet. Sic enim ineunte tempore massæ sanguinariæ commixta, sanguinis, bilisque commercio, calorisque natui ope meliùs elaboratur. Hæc doctrina est Gale. lib. 2. de facult. nat. cap. vlt. Sanè, inquit, quòd pituitam expurget, natura nullum instrumentum condidit: propterea, quòd frigida humidaque est, ac veluti ex dimidio coctum nutrimentum. Desiderat igitur talis succus non vtiq; euacuari, sed in corpore manens alterari: Et paulò post: Quòd igitur in venis pituitæ fertur, eum sit animalibus ex vsu, nulla vacatione eget. Comment. 2. in lib. de vict. rat. in morb. acut. tex. 30. ait: Causa autem cur pituitosi faciliùs cibi vsfum semel in die ferant, ex ijs, quæ antea de biliosis dicta sunt, euadit conspicua: Nam bilis humor in ipsis inedijs amarior redditur: pituita verò temporis processu coquitur, sanguisque efficitur, neutra bile in sanguinis substantiam redire valente &c.

*Dua species
es naturalis
pituita.*

Huius naturalis & alimentitiæ pituitæ duæ sunt differentia: Vna insipida, quæ verè pituita dicitur; altera dulcis, quæ ab hac ad sanguinis naturam, propter dulcedinem recedere videtur. Est & altera eius in tenuiorem, & crassiorem diuisio.

*Pituita ex
crementitia,
æq; ac
naturalis,
duplex est.*

Pituita excrementitia duplex est; vna naturalis, altera præter naturam. Naturalis varia est: nam mucus à ventriculo & intestinis, vtpote partibus nervosis & frigidis genitus, pituitosus quid est, quòd naturaliter in quauis coctione, in ventriculo præcipuè facta gignitur. Est & altera species, quæ Blenna, vel *μύξα*, id est mucus, per nares è cerebro, tanquam ipsius excrementum secretus dicitur: Est enim terciæ coctionis in cerebro factæ excrementum, cuius portio in os decidit, & per ipsum excernitur, quoties nimirum caput, tali pituita excrementitia refertum est. Ideo Hipp. lib. 4. de morb. caput pituitæ fontem appellat: sicuti Gal. fragmento de humor. ventriculum pituitæ fontem, propter copiosum mucum in eo genitum. Lib. enim 2. de facult. nat. c. vlt. mucum è capite destillantem non pituitam, sed excrementum nominandum censet idem Galenus. Non dico propterea omnem pituitam ad os delapsam, inutile excrementum nominari: Nam salina cibus masticatis commixta, alimentitia pituita est; vt ex ipsius sapore ad dulcedinem declinante inferri potest. Vt enim aqua insipida est, siue sapore carens, capax tamen & idonea, tanquam prima quorundam materia, cuiusvis speciei saporis, sic pituita aquæ

*Quomodo
caput pitui
te fons, ab
Hipp. dicitur.*

*Quomodo
ventriculus
à Gal.
salina nu
trit.*

in nobis correspondens, licet insipida sit, & veluti sapore vacua, vltiori co-
ctione nutrimentum fit, & sanguis, & per consequens dulcis. Alias ob cau-
sas, de quibus mox, acida, salsaque redditur.

Pituitæ nonnaturalis species vnà cum naturali varijs in locis proponit Gal-
lib. iam citato de humoribus, postquam pituitam qualitatis expertem propo-
suit, deinde acidam, dulcem, & salسام recenset. Lib. de atra bile c. 2. eodem
ordine pituitæ species enumerat: Apparet, inquit, pituita omnis qualitatis
expers, veluti aqua. Verum naturali qualitate mutata, non modo salsa, sed
acida etiam fit. Quin & non raro dulcem qualitatem acquirit. Lib. 2. de
facult. nat. c. 9. & vlt. aduerso ordine, eoque magis naturali pituitæ dictas
omnes species hoc ritu enumerat: Quod igitur in venis pituitæ fertur, cum
sit animalibus ex vsu, nulla vacuatione eget. Sanè aduertere hoc loco, atq;
scire oportet, tanquam ex bilis generibus aliud vile, naturaleque in anima-
libus est, aliud inutile ac præter naturam: sic pituitæ, quod dulce est, id sa-
lutare esse animanti & naturale: quod acidum, salsumque est, acidum qui-
dem omnino crudum esse, salsum computruisse. Porro omnimoda cruditas
pituitæ intelligenda est, quæ in ea concoctione incidit, quæ in venis agitur,
non autem in ea, quæ prima est, quæque in ventriculo perficitur, cum, si hac
deficeretur, ne succus quidem omnino esset. Hic enim naturalem ordinem
generationis specterunt pituitæ, contra quam citatis locis fecit, luculenter
proponit. Nam à calore exiguo pituita naturalis insipida generatur: à ma-
iori quidem calore, & ad temperatum accedente, fit dulcis. Acidus verò
sapor à frigiditate aquea procedit, & per consequens ab imbelli calore pitui-
ta acida fit: calor enim ille non potuit humidum aqueum cum terrestri sic-
co probè commiscere, nec tale compositum concoquere & contemperare,
vt deceret, vel certè aerèam portionem cohibere, & intus cum alijs cogere.
Sapor huiusmodi acidus dulci saporì vicinus est, & dulcem sæpissimè præ-
cedit, ex eoque dulcis fit. Salsus sapor fit à calido sicco, & non multum sub-
tili, sed terrestri. Ex pituita ergò dulci, salsa vi maioris assationis fit, vel
quando salsum serum eidem pituitæ nondum saltæ commiscetur.

Præter nominatas quatuor pituitæ species, aliam, citatis in locis omisam,
proponit Gal. lib. 2. de differ. feb. cap. 6. vbi hæc habet: Quicumque humor
natura frigidus atque humidus fuerit, hunc nos pituitam appellamus; tu ve-
rò, si libeat, seindapson nōmines: adeo est tibi parua nominum cura. At
non te lateat, plures esse huiusmodi humoris differentias: Vna siquidem
eius est species, frigida adeo, vt cum loco calido obstruitur, dolores maxi-
mos excitet: sapiusque multa laxioris intestini (id est, coli) incommoda,
hoc humore acuti clisteris vi enacuato, statim sedari contingit. Hic verò
humor vitri liquefacti similitudinem gerit. Est & alia pituitæ species, quam
plerique cum sereatu expuunt, sensibilem habens dulcedinem. Liquet au-
tem, quod hanc exquisitè frigidam non contingit esse, siquidem eorum me-
minimus, quæ in lib. de simpl. med. facul. diximus (ibi enim lib. 4. saporum
generationem exactè inuestigauit). Est & tertia alia pituitæ species, quæ
expuentibus videtur acida: Est autem minus frigida, quam vitrea; magis ve-
rò, quàm dulcis. Sicuti & altera species est salsa, aut propter putredinem,
aut propter saltæ feròse humiditatis mixtionem: ex qua, si quos febricitare
contingit, superueniente accessione non rigent, sed tantummodo horrent.
Acida verò, ac vitrea, si per sentientes corporis partes deferatur, sine febre
rigores generat. Quod si modica aliqua in ipsis fiat putrefactio, febrem, Epia-
lam appellatam, inducit. Quod si vehementius putrescat, rigor quidem an-
tecedit

*Enumera-
tio specie-
rum pitui-
tæ apud Ga-
len.*

*Modus ge-
nerationis
omniū spe-
cierum pi-
tuitæ.*

recedit, febris verò sequitur superata frigiditate à multitudine caliditatis; adeo vt, dum febris inualefcit, atque consistit, minimè sentiat. Fortè autem & vitrea pituita acidæ qualitatis est particeps: adeò vt eius differentiæ tres sint numero vniuersæ, acida, dulcis, & salsa.

*Pituita vi-
treæ.*

Galenus in hoc cõtextu inspidam prætermisit, & vitream pituitam commemorauit, quæ vitrea nomen à Praxagora accepit: eam verò Philippus cum alijs iunioribus medicis erudum succum absolute nominabat, sed malè, vt in cit. cap. comm. nos docuimus; vbi Gal. vitreâ pituitâ ad acidâ reduxit; & fortè ad dulcem inspidam. Vtraque enim harum naturalis est; nam ex insipida paululùm cocta, dulcis nascitur. Galen. autem loco citat. de atrabile, inspidam simpliciter naturalem vocauit; quia reuera hic est primus & genuinus pituitæ status, si in se consideretur, & prout respectum ad alios tres humores, sanguinem, bilem, & melancholiam, inuoluit. Loco tamen cit. de facult. nat. Gal. dulcem pituitam, naturalem nominauit; quia magis familiaris est animali, quàm insipida: est enim sanguini propinquior dulcis, quàm insipida; quia magis elaborata & cocta. Ratione ergò huius dulcedinis ex completiori coctione orta à calore nativo, animali nutriendo dulcis magis naturalis censenda est: licet pituita in se considerata, & in ordine ad alios humores naturaliter insipida esse debeat. Sic enim aquæ elemento, hyemique rectè correspondet, vt reliqui humores reliquis elementis & anni temporibus.

*Pituita
dulcis æq;
saltem na-
turalis, ac
insipida.*

Lib. 3. de locis affectis c. 7. mixtim prætatas pituitæ species recenset Gal. hac serie: Pituitæ quidem vnum genus est, quod quotidie vel siccando, vel vomendo, vel emungendo educitur, vaporoso scilicet spiritu plenum, vt ne sensum quidem lateat, ipsum esse dissimilarem. Alia verò pituita similis quidem videtur, licet fortasse non sit similis: qualis & est crudus humor, qui in vrinis substat, tum is, qui à Praxagora vitreus appellatur. Atque ex hoc genere esse videtur salina, quæ neque fluida admodum est, neque aquosa. Verum nec salina vnica diuinitat qualitate gustum efficit, nedum vniuersa pituita. Sæpenumero enim acrem, & acidam, & salinam in ore salinam manifestè deprehendimus: veluti cum sani maxime degimus, nulla qualitate infecta, sed perinde quasi aquosa, salina gustui offertur.

*Quinque
species pi-
tuitæ.*

Maiores ergo claritatis gratia ratione saporis, quinque in totum pituitæ species enumerare possumus. Prima est insipida, siue sapore vacua: Secunda acida: Tertia vitrea: Quarta dulcis: Quinta salsa. Licet autem vitrea, quodammodo acida sit, à vera tamen acida in consistentia, & frigiditate discrepat. Nam vitrea crassa est, viscida & frigida nimis, atque omninò inepta, vt in bonum succum conuertatur; cum tamen acida simpliciter idonea sit, vt quæ in dulcem conuertatur.

*Alia dua
species pi-
tuitæ.*

Dictis quinque speciebus duas alias, à consistentia, & minori alteratione desumptas addere libet. Hæ sunt crudus humor dictus, & ichor, siue aquosum ferofumue excrementum. Crudus quidem humor, licet pituita crassior sit, sitque potius cibi non planè cocti portio, quàm pituita, quæ flatulenta est; quia tamen albedinem quandam in ventriculo, vt totus Chylus, concepit, ad pituitam reuocatur, & à vitrea pituita differt; vt testatur ipse Gal. lib. 3. de loc. affect. c. 5. vbi ait: Alia quidem pituita similis quidem videtur, licet fortasse similis non sit; qualis est crudus humor; tum is, qui à Praxagora vitreus humor appellatur. Clarè quidem ex his constat, crudum humorem à vitrea pituita distingui. Præterea ex loco cit. de different. feb. Gal. vitream acidam esse refert: Et cum aciditas idonea sit ad appeti-

Humor
crudus à
pituita vi-
treâ difere-
re.

tum excitandum, vitrea appetitum prouocabit; cum ex aduerso crudus succus inappetentiam pariat, & somnolentos, more pituitæ, efficiat. Lib. 4. de sanit. tuen. eundem crudum succum à vitrea distinguit, aiens, crudum esse vitreo humore humidiorē; vitreum præterea esse lentum, crudum verò nequaquam. Lib. etiam 1. de aliment. facult. c. de tritico, quemuis frigidum crassumque humorem crudum nominat. Sed audiamus Galenum de crudo dicentem lib. de plenitudine cap. vltimo: At liquet etiam crudam, quæ humor crudus nominatur inter pituitæ species in præsentī sermone penendam esse. Etenim si diuersam ab illo statuamus, præter plenitudinis differentias, quas nuper retulimus, necesse est eiusdem quoque humoris discrimina apponere. Est autem humor hic pituita crassior, minusque flatulentus, qualis in vrinis subsidet, maxime ijs, qui copiosum ex voracitate sedimentum, elixis fabis simile, continent. Atqui talis humor sæpè illis vniuersim per alium ductus est, qui ab exercitijs quidem abstinerunt, cibis autem liberalissimè vsi sunt, balneisque à pastu. Imò & huic humori, sicut pituitæ, albedo quædam decolor in toto corpore subsistit. Inter reliquas pituitæ species, alia dulcis est, alia acida, alia falsa. Prior somnolentos facit, altera cum abundat, famelicos, tertia sitibundos. Cruda verò cibi fastidium parit. Aliæ pituitæ prædictæ paulò maiorem naturali somnum conciliant: at crudus humor, quemadmodum dulcis pituita, manifestè somnolentos efficit.

Humoris
crudus gene-
ratio, & lo-
cus.

Plenè per hæc crudi humoris naturam, & locum generationis eius, ac causas exponit Gal. Nascitur enim in ventriculo, ob alimenta et pioſa, & vitam desidem; ex ventriculo ad intestina relegatur, & rursus per podicem eius aliqua portio: magna eius copia in massa sanguinaria incoſecta ſtatgnat, cuius etiam pars per vias vrinæ amandatur; sed alia vnà cum sanguine ad partes corporis. Vnde cum hoc sanguine, & humore crudo nutrian- tur, albicantem colorem in cute, more pituitæ, efficit talis humor. Calor imbellis ventriculi tantam copiam alimètorum planè conficere nequit; crassitiem ergò alimètorum assumptòrum ideo obseruat. Non enim probè comminuitur, aut depuratur; quia, vt dixi, calor natiuus ventriculi imbellis est, respectu alimentitiæ copię. Licet enim ex se sufficiens sit ad moderatum alimentum conficiendum, est tamen instar naturalis impotentię, respectu copiosi alimenti, quod peruadere, & conficere nequit. I humor crudus omnibus pituitæ speciebus crassior est: humidus est, & frigidus; sed non adeo, ac frigida pituitæ species.

Pituita vitrea, siue albuminea (nam albumini oui crudo assimilatur) in eodem quidem ventriculo ab imbelli calore nascitur, & ex multis cibis, aut saltem pituitosis, aut vtramque conditionem simul habentibus. Sed viscida, lenta, crassa, cruda, & admodum frigida est talis pituita. Acida simpliciter pituita ab iisdem causis, eodemque in ventriculo generatur; tenuior tamen est, quàm vitrea; & licet ab exiguo calore procedat, non est ita frigida, sicuti vitrea. Inſipida pituita, quæ in venis sanguini commixta est, & ibidem vnà cum reliquis humoribus absoluitur, non ita frigida est, ac acida; dulcis verò à calore fortiori, & à temperato non longè recedente ibidem fit; sed omnes crudæ sunt. Pituita falsa in venis non raro generatur ex inſipida vel dulci: inde febres continuæ, & semiardentes ortum ducunt. In cerebro etiam generatur, sicuti & alijs varijs in locis, dummodo calor superaffans adſit, vel serum falsum, quod pituitæ commiscetur: viscida non raro est, & lenta, ac crassa. Pituita, aquosa dicta, seu serum humorum in venis vnà cum humoribus contentum, ad pituitam reducitur, quia aquea est, sal se-

Pituita vi-
treâ sedes
& procrea-
tio.

Acida se-
des.

Locus gene-
rationis a-
liarum spe-
cierum pi-
tuitæ.

dinis tamen aliquid continens: Ichor enim à Galeno, & Aristot. nuncupatur: Sicuti pituita aquosa.

*Nec flatus
nec gypsea
pituita pi-
uita ratio
nem habet.*

Nonnulli putabant apud Galen. lib. de plenit. flatum esse pituitæ speciem, in quo falluntur. Nam licet ex pituita aliquantisper attenuata, ut plurimum flatus generentur, non inde sequitur, flatum esse pituitam; alioquin melancholia, quæ ex pituita fit, esset pituita, quod est absurdum. Flatus denique leues sunt, & sursum, ac quoquoersum erumpunt, pituita verò ex sua natura deorsum fertur. Gypsea pariter pituita vix pituitæ speciem constituit: Nam nihil est aliud, quam pituita viscida, crassa, & lenta, indurata, & exiccata in modum gypsi; ut in dies in articulis arthriticorum videre est; in quibus ex crassa, lentaque pituita tophi generantur; qui nihil aliud sunt, quam pituita inibi concreta, & indurata, tenuioribus eius partibus vi caloris resolutis; ex eadem pituita grando in oculo, calculi in renibus, & vesica, & calli alibi nascuntur.

*Pituita se-
des.*

Ex dictis hætenus facile intelligitur Gal. dictum lib. de humoribus, ubi inquit, pituitæ locum esse lumbos, & stomachum, & per os euacuari. Voluit enim naturalem pituitam in cerebro, & spinali medulla redundare, cum ea nutriantur, & in lumbis copiosam esse, quia inter omnes spinæ partes hæc est motibus magis obnoxia. Ergo ne nimia siccitate lumborum vertebra, vna cum ligamentis indurescant, & ad motum inepte reddantur, copiosa pituita inibi ad lubricandum residere debet. In ventriculo dicitur pituita residere; quia inibi chylus, pituitæ, aut saltem crudi humoris naturam referens, procreatur. In ventriculo etiam prædictæ pituitæ species, ut plurimum, generantur. Per os verò pituita præteritis à ventriculo ascendens, velut altera à cerebro descendens, euacuatur. Reliqui tamen per podicem, vrinarios ductus, & cutem ipsam.

Causa Pituitæ.

*Causa pi-
uitæ.*

Galenus varijs in locis, sed præ alijs libro de humoribus (qui liber est Galeni, nam cum ipse citat in fine lib. 2. de facult. nat. et Galeno præterea dignus est) causas generationis pituitæ enumerat, aiens: Quemadmodum & somnus, & aquæ potiones, & marinarum, & humidarum rerum omnium, & crassarum, & viscosarum esus, pituitosum. Somnum primam pituitæ causam esse dicit: non quidem naturalem, sed immodicum.

*Quid som-
nus.*

*Quid vigi-
lia.*

*Somni cau-
sa.*

Somnus autem referente Arist. lib. de somno, & vigilia c. 1. fit circa sensum primi sensitiui. Somnus. n. inquit, passio sensitiuæ particulæ est; vinculum & immobilitas quædam: Somnus ergo vinculum quoddam est sensuum, veluti vigilia solutio, & remissio, ut inibi paulò post innuit. Sed somnus (ut loquitur c. 3. cit. lib.) non est impotentia quælibet ipsius sensitiui, sed ex euaporatione circa alimentum passio fit hæc. Necessè enim, quod euaporat, aliquo vsque impelli, deinde conuerti, & permutari, sicut Euripum. Calidum enim cuiusque animalium ad superiora natum est ferri: Cum autem, in superioribus locis fuerit, multum simul iterum reuertitur, ferturque deorsum. Et ideo maximè fiunt somni à cibo: Nam repente tunc multa humiditas & corpulenta sursum fertur: Constans igitur grauat; & facit dormire. Cum verò deorsum fluxerit, & reuertendo repulerit calorem, tunc fit somnus, & animal dormit. Signum autem horum, & somnifera: Omnia enim grauedinem capitis faciunt, & potabilia, & esculenta, ut papauer,

Somnifera

mandragorā, vinum, lolium: Et qui deorsum feruntur, & dormitant, hoc videntur pati, & non possunt leuare caput & palpebras. Et post cibos maximè talis somnus, multa enim, quæ & cibis euaporatio.

Philosophus secundum sua principia somnum fieri vult ex vaporibus crassis, sursum ad cerebrum capeffentibus; qui dum per vasa, venas videlicet, & arterias secundum crassiores partes recadunt, eadem vasa ita occludunt, vt caloris vitalis à corde ad cerebrum ascensum impediant; & consequenter sensationem omnem, quæ à corde, tanquam à primo sensorio, vt ille stabiliiuit, emanat. At verò dum tandem subtilior, & purissimus sanguis à crassis humoribus in cerebro discernitur, & crassi tandem vi caloris vincuntur, & in venas, veluti circulatione quadam, aut refluxu delabuntur crassi, & turbulentiores humores, calor natiuus sursum capeffit, vigiliamque inducit; maximè verò, quoties venæ latæ sunt; nam per has facile id, quod deorsum labitur, permeat; è contra venis existitibus exilibus, ni homines sint naturaliter Melancholici. Non solum ex cibo assumpto, sed ex colliquatis, & fufis in lassitudine humoribus, si cuti & in febricitantibus, turbulentus vapor etiam ad cerebrum transfertur; vti in prima ætate, puerili scilicet, in qua infantuli vehementer dormiunt, ob perpetuam euaporationem, & nutrimenti translationem sursum. Unde superiores partes magnitudine inferiores in puetis excedunt; & Epileptici frequenter euadunt. Et eorum profundus somnus adaugetur, si vinum ipsi, aut eorum nutrices hauserint. Differt autem nihil forsitan ipsos pueros, vel nutrices vinum bibere, vt ibidem refert Arist. Galenus in somni descriptione, non discedit ab Arist. lib. 1. de sympt. caus. c. 8. vbi inquit, somnum esse quietem facultatis animalis: Nomine facultatis animalis, mortuam intelligit, & sensitiuam præcipuè, vt idem Galenus refert comment. 1. lib. 4. Aphorismor.

Nos tamen Hippoc. & Gal. vijs insistentes putamus, hominem in somnum prolabi, non quòd venæ tantum oppleantur, sed potius, quòd omnes meatus, & neruum, per quem spiritus animalis ad instrumenta sensuum transfunderetur, penitus obstruxerit vapor ille crassus sursum ad cerebrum eleuatus: In quo quidem vapores eiusmodi maiorem frigiditatem, & crassitiem acquirunt, quam antea obtinere. Nec mirum, cum ipsiusmet Arist. iudicio cerebrum sit frigidissima corporis pars, in quo, tanquam in frigida regione aeris, omnia ex inferioribus ad id sublata frigescunt, in crassanturque. Ideoq; vapores à calore sursum ad cerebrum transmissi, ibique refrigerati, rursus deorsum reciproco motu relabuntur, & destillationes non raro pariunt. Quod his verbis, c. 3. cit. lib. de somno & vigil. expressit Arist. & iuxta Hippoc. doctrinam lib. de intern. affect. Quemadmodum igitur humidum, quod euaporat, à Solis caliditate, cum venerit ad supremum locum, propter frigiditatem ipsius refrigeratur; & cum constiterit, deorsum fertur, factum rursus aqua: Sic in euacuatione calidi ad cerebrum excrementitia quidem euaporatio in pituitam consistit, id est degenerat, & pituitæ consistentiam acquirit: ideo & destillationes videntur ex capite fieri. Nutritiua verò, & non morbosa deorsum fertur consistens, & refrigerat calidum. Hæc ille, qui quidem putabat, ad cor, vt temperaretur, retromitti à cerebro aliquid refrigerati, & superflui alimenti ad cerebrum sublati.

Vtut sit, si somnus est profundus atq; diuturnus, superiores partes, & exteriores refrigerantur, vt ipse Aristot. in naturali etiam somno concedit. Tunc ergo magna, pituitæ copia in cerebro, & in exterioribus partibus corporum

Cur è somno excitamur.

Cur defatigati, febricitantes, & pueri ad somnum proclinent.
Cur partes superiores puerorum, & inferiores gradiores, & cur Epilepsia obnoxij.

Somnus quid Galen.

Prima causa generationis pituitæ.

generabitur, esto calidiores sint internæ partes. Quò ergo prolixior erit somnus, eò maiorem procreabit pituitæ copiam; quæ, ni falsa fuerit, reciprocè somnū causabit. Qui ergò sponte somno indulgent nimio, vberem pituitæ copiam accumulabunt; quoniam etiamsi copioso nimis non vtantur alimento, cum venter & viscera in somno calidiora reddantur, maiorem efficiunt ad cerebrum euaporationem, quàm in vigilia, quando calor per vniuersum corpus dispersus est; & cerebrum ipsum exiccatur, & calidius redditur. In vigilijs ideo vapores plurimi absumentur & discutiuntur.

Secunda.

Secundam generationis pituitæ causam ponit Gal, aquam; quæ cum frigida sit & humida, non mirum, si malè commixta cibis, quorum qualitates salubriores conuincit & eneruat, pituitæ & humoris crudi copiam generet. Aquæ enim pituita correspondet. Quare cum calorem reddat imbellem, pituitam hac saltem ratione procreabit. Vinum etiam immodicè sumptum apoplexiam, & frigidos morbos generat, ex Gal. lib. 2. de causis morb. Alimenterum vel abundantia, vel inopia, aut aliena qualitas ad hunc igni modum officit; magna quidem lignorum strues, si consertim exiguæ flammæ iniiciatur, ob immodicæ quantitatæ excessum, eam suffocabit. Eodemque modo immoderata vini quantitas extinguet ventriculi calorem, cum tantus non sit, qui illud superare possit, sed quadam ex parte solum alteratum in pituitam totum mutatur. Hæcille.

Tertia.

Tertia causa pituitæ coaceruans, est esus rerum marinarum, id est, piscium, & aliarum rerum herbis refrigerantibus & humectantibus correspondentium.

Quarta.

Quarta causa sunt res aliæ humidæ, vt lactuca, endiuiæ, viola, borrago, cucumeres, cucurbitæ, citruli, melopepones, pruna, poma, pyra, mora, lac, caseus recens, et aliæque infinitæ, quæ frigida sunt, & humida: atque adeo pituitosa.

Quinta.

Quinta causa, sunt res viscidæ & crassæ, quæ ideo à natiuo calore vix confici possunt; cuiusmodi sunt animalium extrema, intestina, ventriculus, membranae, tendines, cerebrum, & neruæ partes: quæ omnia, cum probè confici nequeant, à natiuo calore leuem suscipiunt alterationem: Et ex ijs ideo non probus chylus, sed viscida quædam & pituitosa procreatur substantia. Illa enim omnia frigida sunt & lenta, & in statu sano ipsa pituita nutriuntur. Pituitam etiam procreat lac, caseus recens, caro suilla præpinguis, panis malè fermentatus, aut sub cineribus coctus, legumina, &c.

Sexta.

Sexta pituitæ causa, est senectus, siue senilis ætas; quæ quidem à quinquagesimo ad vitæ exitum protenditur. Hæc quidem ætas, cum respectu aliarum frigida sit, pituitosi humoris prouentum necessariò generat, maxime verò vltima senectus, de qua potissimum Gal. lib. de humor. inquit: Viget autem in sene pituita. Ipsa verò ætas pigra, obliuiosa, ac somnolenta. Humida enim est, & frigida; quemadmodum ætas declinans sicca & frigida: & adulescentia calida & humida: luuentis pro humore proportione correspondente, & superante, id est, calida & sicca vltimum, vel calida & humida dicenda. Dictum est senectutem, maxime vltimam, somnolentam esse, pigram, atque obliuiosam; & rectè quidem; nam somnus profundus causam habet frigiditatem, & humiditatem cerebri: naturalis verò somnus humiditatem; vt colligitur ex Gal. lib. 1. de causis sympt. cap. 8. Verùm duabus primis senectutis speciebus, vigilia potius, quàm profunda, importuna que somnolentia, magis congruit ex Aph. 3. l. lib. 3. Vide Galen. de tribus speciebus senectutis lib. 5. de sanit. tuen. c. vlt.

*Somnus natura
lis &
non natura
lis diuersas
habent cau-
sas.*

Septima.

Septima pituitæ causa est temperamentum frigidum, & humidum, quod alimen-

alimenta in similem naturam conuertit, similemque corporis habitum procreat, referente Gal. cap. 43. artis med.

Octaua.
Octaua causa est anni tempus congruum, hyems nimirum referente Hippoc. lib. de nat. hom. in qua, inquit, pituitam maximè accumulati. Hyeme autem inuadente, inquit, bilis refrigescens imminuitur; Pituita verò rursus & ex multis pluuijs, atque etiam ex longis augetur noctibus, longisque somnis; vt paulò ante retuli: & pituita quidem in homine augetur per hyemem, utpote quæ natura maximè cum hyeme consentiat: est enim humorum omnium, quibus corpus præditum est, frigidissima. Ad hyemem reducere possumus cæli peculiarem statum; cuiusmodi sunt assidui imbres; frequens natatio in aquis dulcibus: per loca niuosa, frigidaque peregrinatio: regio frigida & humida: locus frigidus & humidus.

Nona tandem causa est quies nimia, seu vita ignaua & otiosa, ex ea. 5. lib. de caus. morb. Calor enim natiuus, ne extinguatur, ventilatione eget: Ventilatio enim vniversi corporis ab exercitio, & modico motu dependet: cuius defectu corpus immobile refrigeratur, & excrementa, quæ motu expurgari possent, in corpore retenta, natiuum adhuc calorem obruunt. Adeoque crudi & pituitosi humores generantur.

Nona.
Dictas omnes causas in internas & externas discernere licet. Interna præcipua est temperamentum humidum & frigidum; minus præcipua est decrepita ætas, & infantia. Senes enim solidas corporis partes siccas habent & frigidas; ratione tamen frigiditatis pituitosum humorem accumulanti: nec mirum, cum ipsi melancholici, ratione sui temperamenti frigidi & sicci, frigidam humidamque substantiam in dies coaceruent: Vnde Hippoc. melancholici hydrotici siue aquosi appellantur. Infantia etiam, & pueritia, tametsi non lōgè à principijs nostræ generationis decesserint, & humidam calidamque temperiem ideo obtineant, pituitam satis copiosam colligunt, ob humiditatis exuperantiam, & familiarem voracitatem, peruersumque in alimentis assumendis ordinem. Reliquæ verò præfatæ omnes causæ externæ sunt, vt cuius manifestum esse puto.

Pituitosorum Signa.

Relata iam antea causæ instar signorum sunt; manifestiora tamen, quæ pituitosam naturam consequuntur, eandemque nobis tutius certiusque produnt, examinanda. Pituitosi ergo, qui tales naturaliter ob insipidæ pituitæ, dulcisue, aut vtriusque prædominium appellantur, quique consequenter crudis humoribus, nisi exacto vitæ regimine gubernentur, scatent, obesi sunt, molles, albi, glabri: venas habent exiles, quia calor natiuus est adeo imbellis in semine, vt à vi formatrice vasa dilatari non potuerint: Saliuosi sunt, & lingua eis albicat; saporem in ore insipidum, aut dulcescentem percipiunt: Mediocris staturæ sunt; nam calor in illis non fuit ita vegetus & actiuus, vt eos in nimis proceram staturam dilataret; licet non negauerim, quosdam prælongos homines pituitosos esse: ut plurimum tamen obesi sunt. In longum quidem & latum ratione subiecti mollis facile distenduntur, si calor aliquo modo vegetus sit. Vnde propter pituitæ albicantis frigidæ & humidæ copiam, molles, obesi, & albi euadunt; glabri verò, quia à calore imbelli fuligines non generantur, ex quibus capilli enascuntur. Pituitæ defluxum, siue catarrhum frequentius, quàm cæteri homines

mines patiuntur; vt colligitur ex cap. 15. & 20. artis med. Humidis frigidisq; affectibus etiam obnoxij sunt, vt tumoribus ædematosis, apoplexia, paralyfi, lethargo, & similibus; febris etiam quotidianis, & epialis ex pituita ortum trahentibus; vt colligere possumus ex comment. 20. lib. 4. Aphorismorum, alijsque locis. A frigore facili læduntur; ex aduerso æstuans tempus illis pericundum, ex comm. 8. lib. 3. Aphor. Facili ferunt copiosam pituitæ euacuationem ex comm. 2. lib. 4. Aphor. Imò talis euacuatio vt plurimum illis confert.

Quod ad actiones attinet, & primò naturales, cibum fastidiunt (qui nimirum insipida, siue semidulci, siue cruda pituita referti sunt, nam ab acida pituita, & magno frigore appetitus excitatur non exiguus): Nò æquè ac ceteri homines, biliosi scilicet & sanguinei, sui infestantur. Nauseabundi, si non sèper, sæpissimè saltè visuntur: Ingesta alimenta tardè cõcoquunt: Flatuosi admodum sunt, & borborigmm ac murmur in ventre, præsertim ex esu rei crudæ, aut aquæ potione ferè semper perferunt: Aluina excrementa, veluti vrinæ, cruda sunt.

Vitalis facultas ob ineptam materiam, & calorem remissum, spirituum vitalium magnam copiam non generat: & qui generantur, crassi sunt, ob pituitæ frigiditatem, ob quam non adeò mobiles sunt, & subtiles, ac in reliquis hominibus. Pulificam pariter non habent adeò vehementem: nam in ijs fuliginum copia non ita vrget, sicuti nec caloris vehementia: propter quæ duo contractio, & dilatacio pulsus adaugentur, tum in magnitudine, tum in celeritate, tum in frequentia.

*Cur systole
& diastole
augentur.*

Quod attinet ad facultates animales, & principes, eas habent pituitosi propter cerebri præuam dispositione valde impeditas: Ad morù ergo segnes tardique sunt, & pigri ex propria inclinatione: Sensus illis hebes; ingenium insuper obtusum; obliuiosi sunt & somnolenti. Quoad fingendos mores stolidi sunt, & quod peius est, vix bonis moribus se adaptant: Adeo sunt ceruicosi, & in sola proteruita fixi, vt in sola pigritia omnem virtutum reponant: Corporis ornatum & nutrimentum, muliebri ritu, virtutum studio præponunt: Tanta illis tum animi, tum corporis mollities: Senilem in viribus, quas ocio frangunt, fragilitatem, vt labores subterfugiant, mentiuntur, & muliebre mollitiem pro virili imitantur. In Physiognomia ignaris modesti, & in actionibus temperati iudicantur: sed vice mansuetudinis stupiditatem recolunt; cum vix præ summa inertia virtutum praxi se dedierint, incubuerintuè. Tristes vt plurimum, nisi cibus refecti, sese exhibent. Nam in hoc à melancholicis non longè recedunt. Vt enim pituita, & melancholia cognati humores sunt, ita pituitosi, & melancholici. Pituitosi enim temporis decursu melancholici fiunt: nec mirandum, cum pituita incrassata, & exiccata facili in melancholiam cedat; vt quotidiana docet experientia in hypochondriaca passione, quæ melancholiæ species est, ex pituitæ in mesenterio induratione & exiccatione orta. Scirrhus etiam, tumor melancholicus ex pituita, cuius subtiliores partes euanescent, nascitur, teste Galeno lib. 5. de simpl. med. facul. cap; 7. Propositum ideo pituitosi æquè ac melancholici obseruant: immobiles enim, & cõstantes in sua opinione, etiam praua, manent; quia indociles, & nullatenus ingenui, nec villo candore imbuti sunt. Frigiditas enim excessiua hanc parit in vitijs constantiam; cum spiritus in his incrassentur, & minùs mobiles, quàm in sanguineis, & biliosis, extent. Rectè ergo Gal. commun. in lib. de nat. hom. ait, pituitam ad bonos mores formandos inutilem esse. Vnde Collegium Sa-

Iernitanum: Ocia non studio tradunt, sed corpora somno. His ideo duo
vltimi versus Hesiodi apud Arist.lib. 1.Ethic.cap.2. congruunt.

Optimus ille potest qui ex se cognoscere cuncta.

Ille bonus, monitis qui aliorum obtemperat: at qui

Ex se nec nouit, nec quæ benè consulit alter

Percipit, admittitque animo, est ignauus, inersque.

Mendacijs indulgent, quia, mulierum more; varij sunt, mobiles, & inconstantes, nisi in pigrity, & prauis moribus: molles enim sunt, vt plenius lib. de Temperamentis dicemus. Inter loquendum sunt ira confusi, vt vix nominum rerum recordentur: Inchoato enim sermoni ita impliciti sunt, vt nunquam se inde expediant, aut sermonis finem perficiant, sed intricati orationem sermonemue exordium vix absoluant, & auditoris animum semper suspensum reliquant. Sunt auari, mulierum more.

SECTIO III.

De Bile.

Bilis *χολή* Græcis duplex est, vna excrementitia, altera alimentitia. Bilis alimentitia est humor potestate calidus & siccus, tenuis, flauescens, vel subpallidus, vel subrufus, ex subtiliori calidiorique chyli parte in hepate genitus, vt vnâ cum sanguine partes calidiores nutriat, præcipuè autem pulmones, cor, & musculosam fortè carnem; tum vt sua tenuitate sanguis adiutus faciliùs quoquoersum, ad partes nutriendas tranet, permeetq; ; tum etiam vt pituitosi, melancholicique humoris frigiditati resistat, hosque ambos humores contemperet, attenuetque. Causa efficiens est hepar, quod suo calore & vi sanguifica quatuor humores generat, & consequenter bilem; maximè verò, si calidum sit. Causa materialis est, calidior, acrior, amariorq; alimenti pars, sicuti & pinguior, si pius æquo incalescat, teste Gal. lib. 2. de facult. nat. c.8. & lib. 3. de aliment. facult. cap. 39. & lib. 6. Epid. comment. 5. tex. 14. quibus in locis inuit, pingua alimenta ab intenso calore in bilem conuerri. Causa formalis exposita est per calorem & siccitatem, tenuitatem, flauedinem &c. Galen. lib. de inæquali intemperie, bilem calidissimam humorum appellat. Lib. 2. de temperamen. c. 2. & lib. 5. de simpl. med. facult. bilem sanguine calidiorem esse testatur: quod ex eius effectibus colligere licet: calefacit enim, exiccat, & attenuat corpus, vt refert Gal. lib. 2. de facult. nat. Ergo potestate calida est, sicca & tenuis.

Hippocrates lib. 1. de morbis, bilem sanguine frigidiorē esse pronunciat. Sed respondendum, mendum irrepsisse in contextum, vel Hippocrat. intellexisse sanguinem esse bile calidiorem: calore naturali, vt benè monet Rorarius.

Finalem causam triplicem iuxta Gal. doctrinam, & Auicennæ expositionem proposui. Præcipuus finis spectat partium calidarum nutritionem. Secundus sanguinis tranationem. Tertius oppugnationem frigoris, & crassitiei humoris pituitosi & melancholici. Destinatus ergo à natura est humor seu sanguis biliosus ad nutriendum partes calidiores; ad hoc præterea, vt eius tenuitate sanguis faciliùs a parte, in partem transiliat, & vt aliorum humorum melancholix, & pituitæ frigus & crassitiem compefcat. Bilis alimentitia

*Quotuplex
bilis.*

*Quid bilis
alimentitia.*

*Bilis alimentitia
causa.*

*Obiectio.
Solutio.*

*Triplex
vssus bilis.*

Bilis alimentitia triplex.

tres habet differentias: Prima dicitur flaua; Secunda pallida: Tertia ruffa. Bilis flaua ideo dicitur, quia græcè *ξανθὴ* id est, flaua nominatur, quòd nimium tali colore, talis humor tinctus sit. Vnde fluuius quidam apud Troiam *ξανθὸς*; Latinis Xanthus, & Scamàder tali nomine donatus est, quòd oves ex eo bibentes, flauæ fierent, teste Aristot. lib. 3. de hist. animal. c. 12. & Plinio lib. 2. nat. hist. c. 10. *χολή*, id est, bilis, simpliciter dicta pro flaua accipitur, vt mille in locis Gal. nuncupat: Licet hoc nomine omnes species comprehendantur, & pallida præcipuè. Vnde comm. 3. de victus ratione in morbis acutis tex. 2. ait Galenus: Nempe medici *χολήν*, id est, bilem simpliciter, & pallidam & flauam dicere consueuerunt. Flaua ergo bilis alimentitia, est sanguis calidus & siccus ad flauedinem quandam declinans, fuluamque ac igneum colorem acquirens, dum maiorem exiccandi virtutem nacta est.

Secunda bilis species pallida nuncupatur. Quæ talis sit, quoties portioni flauæ bilis serum commiscetur. Vnde Gal. comm. 2. lib. de vict. rat. in morb. acutis, ait; Pallida bilis non est sincera, sed aquosis permixta humoribus. Hac pallida bilis nimio sero delibuta in multis cholerics mulieribus prædominium habet. Bilis pallidæ mentionem facit Gal. comm. tex. 24. lib. de nat. hom. his verbis: Omnium primum id monuisse par erit, in vsu non apud medicos solum, sed omnes etiam Græcos, vt bilem absque adiectione dicant, quoties flauam, aut pallidam indicare volunt. Sed paulè antea diximus, ambo hæc nomina eandem humoris speciem significare, sola intercedente humiditatis, ac siccitatis differentia.

Tertia biliosus sanguinis species ruffa est; quæ quidem & ratione coloris, & ratione temperamenti, media est inter flauam, & pallidam bilem, teste Gal. lib. 1. de crisib. c. 12. Ruffa enim ex flaua bile, & modica substantia aquea constat. Capite iam cit. docet Gal. flauam bilem simpliciter ad sanguinis colorem accedere, ruffam verò bilem flaua albiorem esse; pallidam verò ruffa multo albidiorum. Vide sis præfarum caput.

Bilis excrementitia duplex.

Naturalis excrementitia triplex.

Bilis excrementitia naturalis instar clisteris se habet.

Excrementitia bilis duplex est: Vna naturalis, altera præter naturam. Bilis excrementitia naturalis tot habet differentias quod alimentitia. Excrementitia hæc à sanguine segregata ad cystim fellis propellitur, ab eademq; cysti, ob quandam sympathiam, auidè, tanquam à naturali loco, prolucitur; tamen bile eadem cystis non nutriatur. Ex eadem vesica fellea, in qua forè completiorem formam bilis hæc suscipit, per meatum quandam, porum cholidocum dictum, ad intestinum duodenum protruditur: & summa quidem cum vtilitate; nam clisteris naturalis munere functa, mucosam pituitam viscidam & lentam intestinorum parietibus, vnà cum alijs quibusvis excrementis, sua acrimonia, & detergendi potestate abstergit, & tandem deturbat. Latè quidem Gal. hac de re lib. 5. de vsu part. c. 4. vbi bilem flauam acrem, mordentem, & abradentem esse affirmat; ob quas facultates quoties in ventriculi orificium exquisitissimo sensu præditum traiecitur, vomitum concitat; quoties verò ad ventriculi fundum, alui fluxum, & dysenteriam. Si ergo in ventriculum bilis flaua ex vesicula fellis quotidie effunderetur (vt fit in quibusdam picrocholis dictis, quibus ramus quidam à poro cholidoco in ventriculum porrigitur, per quem bilis in ipsum ventriculum effunditur, vnde vomitus, & ventris perturbationes) conflueretur in promptu est, ipsam omne ventriculi officium euertere a fore. Ventriculi quidem propria actio est concoctio, ex Gal. cap. 4. iam citato. Postulant autem ea omnia, quæ concoquuntur, temporis d. utunitatem, vt hac mora eadem concoquantur. Humor autem biliosus non sineret cibos ingestos in eodem ventriculo

Picrocholi.

Ventriculi actio est concoctio.

triculo morari: Nam biliosa recementa; veluti acris quæuis mordent, & abstergunt, & tandem abradunt. Rectè ergo prouida natura in primum intestinum humorem biliosum veluti manuducit, vt pituita mucosa viscidaque ab intestinis abstergetur, & vt consopita virtus expultrix intestinorum suiceretur. Quòd autem necesse sit, tum in ventriculo, tum in intestinis huiusmodi pituitam crassam & viscidam generari, id demonstrauit Gal. lib. de facult. nat. Talis humoris curatio est diuidere, incidere & abstergere; cum idem humor crassius sit, viscidus & lentus. Ob eam igitur causam (inquit Gal.) mox à principio (id est, à primo hominis ortu) natura præsidium ipsis (id est, intestinis) comparauit acrem, atque absterforium hunc succum (id est, bilem) quem omnino oportebat è corpore euacuari: non in intestinum aliquod ano propinquum, sed in primam Ecphysin, id est, duodenum intestinum ducens (*ἐκφυσις*, quasi è ventre enatum dixeris, vt interpretatur Gal. comment. 2. lib. de victus ratione in morb. acut. tex. 3. 1.) ne quod inferiorum intestinorum externo aliquando indigeret auxilio. Porrò quàm diu rectè animalis corpus gubernatur; pituitosum excrementum quotidie ipsi detergetur: at, cum ex prauo quopiam corporis affectu copiosius est collectum, nihil ad dubitant Medicorum præstantissimi, quin ilei, dysenteria, lienteria, ac tenesmi, omnium, qui ventri (aut intestinis, vt habet antiquus codex) contingunt morborum grauissimi sunt sequuturi. Non contemnendum itaque, neque translatitium quiddam natura ad sanitatem animalibus ex oportuna meatus biliosi immissione prospexit.

Ratio, propter quam natura in ventriculum non effundit humorem biliosum, sed potius in intestina, à nobis iam antea tacta est, iuxta Gal. sententiam loco citato. Licet enim in ventriculo copiosa pituita, eaque crassa generetur, quæ adhuc in eodem, vt in loco calido, cocta viscidior euadit, ad huius absterfionem licet per vas breue humorem melancholicum acidum & acerbum effundit. Adde, quòd ab antiquis Medicis ad huius humoris euacuationem, vomitus semel aut bis in mense præscribebatur, & præcipiebatur, & quidem à cibo, qui talem humorem emollit & preparat. Vnde cum huiusmodi humoris prouentus in ventriculo accumulatus appetitum non raro auerit, & nauseabundus ita homines reddat, vt bonos quosuis cibos auerferent, & sola acris, sine fructu tamen, appetant (quòd flatus solummodo supernè & infernè excitent) remedia pituitam à ventriculo abstergentia laudat Gal. dicto cap. his verbis. Quæ omnia remedia huc pertinent, vt pituita à ventriculo abstergetur; quæ, cum natura sit viscosa, multò adhuc, viscosior in huiusmodi affectibus à morà in loco adeo calente efficitur. Equidè non ui aliquando quendam eorum, qui ita laborant, qui assumptis ex oxymelle radiculis, cum incredibilem quandam crassissimæ pituitæ copiam vomuisset conrestitim sanitatem plenè recuperauerit; quamuis tribus ante mensibus neque ventriculus, neque coctiones ipsæ bellè se habuerint. Quod igitur necesse sit, tum in ventriculo, tum in intestinis eiusmodi excrementum prouenire, alibi, vt dixi, demonstraui. Hactenus Gal. qui luculenter bilis naturalis excrementaria vsum ostendit, & quid agendum, vt pituita excrementaria in ventriculo collecta abstergetur.

Nunc bilis excrementaria præter naturam species recensenda sunt. Bilis enim præter naturam est quid penitus alienum à naturali, quæ quasi semper ex ipsa naturali superaffata procreatur. Huius species vnà cum bilis naturalis species. his speciebus libello de humor. hoc ordine recenset Galenus: Bilis autem flauæ septem sunt species. Quædam enim est ilaua, quæ quidem elementi ra-

Mucus attenuationē incisionem, & absterfionem indicat.

Mucosi humoris in intestinis retentione va-rios parit morbos.

In ventriculo bilis quotidie non effunditur, ne natura ad ciborum expulsionem ante hanc coctionem stimulet.

Radix raphani cum oxymelle vomitum ciet.

In vniuersum sunt species bilis.

tionem habet: Altera pallioa: Tertia rubra: Quarta porracea: Quinta vitellina: Sexta æruginosa: Septima isatidea, siue glastea. Lib. de atra bile c. 2. easdem bilis septem species hoc ordine exponit: Est verò & alius quidam humor, qui quidem nunquam non ipsum vomentibus amarus sentitur: cæterum flauus non perpetuò, sed interim pallidus, semperque flauus pallido crassior videtur: Quò fit, vt ex his haudquaquam absurdè, qui de humoribus optimè sentiunt, tenuis humiditatis admixtione, & consistentia aquosæ, bilem pallidam flauam videri certo indicio colligant. Hanc porrò humiditatem quidam aquosam, nonnulli verò serosam nominant, eius sanè generis, ex quo vrina, sudorque proveniunt. Bilis autem flaua, vt tenui mixta humiditate, & colore pallidior, & consistentiæ humidior redditur; ita, cum diffusa ipsa admodum fuerit, crudorum ouorum vitello similis appareat; atque ob id vitellina vocatur. Ipsa ergò bilis, seu pallida, seu vitellina visatur, generationem in vasis obtinet. In ventriculo autem alia quædam porracea gignitur; sic enim eam à porrorum colore denominantes vocant: sicut æruginosam quoque, quòd ærugini similis conferatur. Est & quædam isatodes bilis dicta, ab isatide cæsiui colorem referente. Hæ omnes commune id habent, quòd inconcretæ permanent. Sic igitur & rubram nonnulli bilem nominarunt, quæ ad tenuem sanguinem consistentia proximè accedit: Sed quoniam non concrefcit, idcirco bilem eam appellant. Hæc Gal. qui disertè vtròque locorum citatorum septem bilis species admittit: Flauam nimirum; pallidam, vitellinam, porraceam, æruginosam, isatideam, & tandem rubram.

*Bilis non
concrefcit.*

Præter præfatas septem bilis species, octauam addit Gal. lib. 10. de simpl. med. facult. quam cæruleam vocat, quamque malè nonnulli isatideam vocant, cum eam ab isatidea distinguat idem Gal. vt ex eius his verbis constat titulo Chole, id est, Fel: Didicisti porrò ex more, non tantum Medicis, sed & Latinis omnibus, bilem flauam absolutè efferri bilem, tanquam subauditur, qui audiunt, coloris cognominationem; atram verò non simpliciter nuncupari bilem sed cum addito, nempe hoc toto, atram bilem: Sed & quod flauam bilem nonnunquam pallidam cognominant, nosti; & quod in vesica iecoris interdum pallidam, interdum flauam in confectionibus animalium ipsam conspiciamus: Audisti porrò flauam tanto esse pallida calidiorem, quāto & crassior: Nam seroso recremento flauæ bili commixto pallidam constitui contingit: sicut & flauam plusculum exalefactam consistentiam reddi crassam, colore autem flauam. Quin & in animalibus apparet flaua quidem ijs, quæ magis sunt calida; quæ verò minus, pallida. Et vbi calida animalia aut fame, aut siti torquentur, ad atrum colorem vergit, interim illum habent æruginosum, interim cæruleum, interim isatidis, qui quidem magis est colore brassicæ fuscus. Et post hæc habet: Et quorundam ego taurorum bilem vidi cæruleam, flaua nimirum superassata. Ex his constat, dari cæruleam; atque adeo octo bilis species admittendas esse. Cærulea enim à cæruleo dicitur; & hic color cyaneus nuncupatur; quia cyanon aqua maris dicitur, à qua cæruleus color æquè dici, ac deriuari potest, ac cyanon mare à cæruleo, teste Gal. comm. 2. prognost. tex. 39. Color autem maris cæruleus, seu cyaneus à colore nigricantis glasti distinguitur; cum huius plantæ color ad nigredinem vergat. Vnde vestes huius ope nigrore inficiuntur, & ab atra bile, colore, nec virtus, aut consistentia recedit.

*Cærulea bilis
ab Isatide
differt.*

Præterea ex eadem Gal. doctrina constat; bilem pallidam esse naturalem, quidquid nonnulli garriant, asserentes, omnem pallidam esse præter naturam.

ram. Non diffiteor sanè, ita pallidam reddi bilem, vt naturæ modum excedat, sicuti flaua; hoc tamen non prohibet, quin ipsa alimentitia, vt dictum est, aliquando flaua, aliquando pallida, aliquando ruffa dicatur; sicuti bilis excrementitia naturalis. Non diffiteor tamen, vt dixi, bilem aliquam pallidam præter naturam dari, vt colligitur ex Gal. 2. Prognostic. tex. 39. At verò, inquit, gigniur in corpore, quemadmodum crocea bilis præter naturam habentibus, ita porracea altera præter naturam. Paulò enim ante visus est croceum colorem cum pallido confundere; licet reuera maximum videatur discrimen, & ~~crocea~~ colorem pallidum significet, non croceum. Proinde in versione error est, croceum & pallidum colorem confundente.

De causis, locisque Bilis.

Non est difficile ex iam dictis, bilis causas colligere. Nam efficientem causam agnoscit calorem excedentem, si fortè pallidam excipias, & rubram, quæ potius, cum dilutæ sint, calorem amittunt, quàm accipiunt; vel remissionem occupant calorem, quàm reliquæ, quòd in ijs bilis flaua diluatur. Omnes effectrices bilis causæ, sicuti materialis hoc ordine à Gal. recensentur lib. de humoribus. Æstate enim augetur amara bilis, & maximè ætate, & temperamento, & victus ratione similibus. Præterea & ijs, quæ extrinsecus accidunt. Curæ enim, & iræ, & dolores, & labores, & exercitationes, & vigilæ, & inedia, & indigentia plurimum flauæ bilis humorem accumulanti. Paulò ante bilem flauam non mixtam alijs humoribus in calidioribus, & siccioribus hominibus generari dixit.

Bilis causa.

Ait igitur in primis, ætate bilem generari, in hoc sequutus Hippocr. lib. de natura hominis, ubi bilem ætate augeri, & pituitam remitti asserit: & meritò; nam aer circumfusus ætate calidus & siccus effectus, non solum à nobis inspiratur, sed per cutis poros transpiratur: & præterea suo contactu & vicinitate externas corporis partes prius calefacit, rursus continuatione quadam alias omnes ad internas vsque. Hinc sanguinis & spiritus inflammatio, & consequenter in bilem conuersio. Dulcia enim nimio feruore calefcunt, & in bilem assumpta vertuntur.

Ætas.

Subiungit ætatem, secundam bilis causam ætati consentientem; quæ iuuenilis, dicitur, vt ille eodem lib. de humoribus hac serie testatur: Bilis autem augetur, in iuvene, quem iracundum, & animosum, & acerbum efficit. Lib. 3. Aph. comm. 29. hanc ætatem bilis causam pronunciat. Causa autem propter quam hac ætate bilis accumulatur, est; quia ætas hæc calida, & sicca est. Proinde biliosa ætas dicitur, utpote ignea. Hoc testatur Gal. lib. 2. de different. febr. cap. 1. sic: Febris tertiana parte plurima consistit in corpore, natura bilioso, & in ætate vigoris, quæ est omnium ætatum maximè biliosa, & tempore æstiuo, quo talis humor exuperat: Itidem in regione calida & sicca, temperamento & conditione ambientis aeris tali; & vita non ociosa ac deside plurimum, sed in labore, cura, vigilijs, æstu, & victu parco, eoque calido & sicco. Ex his Galeni verbis constat, vigorem, siue iuuenilem ætatem, ratione siccitatis & caliditatis tali ætate vigentium, esse idoneam causam coaceruandi bilem. Adolescentiæ, & iuuentutis terminos sic limitat Gal. lib. 5. Aphor. comm. 9. Tèpus illud, quod est à decimo octauo vsque ad trigésimum quintum annum, non est vna ætas, si diligentius consideremus. Verùm ea, quæ est à decimo octauo vsque ad vigésimum

Dulcia bilis calefcunt in calidis corporibus. Iuuentus.

Temperamentum calidum, & siccum.

mum quintum annum, adolescentium est: Quæ autem ab hinc ad trigessimum quintum, iuuenum.

Tertia incrementi bilis causa, est temperamentum, calidum nimirum, & siccum, igni, ætati, iuuentuti, & bili analogum, siue proportionatum. Quoties sanè partes principes duæ, hepar, & cor propeinodum calida sunt, si ventriculus adhuc calet, necessariò magna alimenti copia in tenuem, calidam siccamque substantiam conuerteretur. Ex cap. 37. Art. paruæ, signum, & causa biliosi humoris est hepar calidum.

Virtus calida & siccus.

Quarta bilis causa, quæ materialis est, victus ratio calida & sicca dicitur. Victus enim hic strictè pro cibo & potu accipitur. Si ergò falsa, aromatizata, dulcia, acria, amara, & acuta sint esculenta, & potulenta, materiam præbebunt generationi bilis idoneam.

Cura.

Quinta causa, sunt curæ, in quibus homo semper, vel crebrò cogitat. In cogitationibus verò anima nostra animalium spirituum ministerio vititur, non secus ac irascibilis spirituum vitalium, concupiscibilis naturalium. Quare cum spiritus animales in assiduis cogitationibus moueantur, non mirandum, si excandescent, quibus altuantibus necessariò vitalis, naturalis & ipse sanguis, ac vniuersum excandescet arestetque corpus: Proindeque curæ, & cogitationes bilem accumulare valent.

Quid ira.

Sexta causa incrementi bilis, est ira, quæ est ebullitio, siue efferuescentia sanguinis in corde, ex Arist. lib. 1. Poster. & lib. 2. de Anima. In ira enim spiritus & sanguis in principio ad cor conflunt, in quo cor de efferuescent, & feruidi rursus turgent, & in vniuersum corpus diffunduntur; Imò & bilis, teste Nemesio Philosopho. Tunc ergò inflammatis bile, sanguine, & spiritu, non est mirum, si bilis augetur.

Quid dolor.

Septima bilis causa, sunt dolores. Dolor enim est tristis acerbisque sensus, ex Galeno lib. 2. de loc. affectis c. 2. In dolore autem spiritus, & sanguis interiùs ad cor confugiunt, & hac ex parte inflammantur. Deinde quoties homo dolet, curis & cogitationibus implicatus est. Demùm in doloribus vigilæ vigent, & corpus exiccatur. Rectè ergò dixit, dolores habere vim generandi copiosam bilem. Quamuis enim in animi dolore (tristitia dicitur) gaudio opposito, partes corporis externæ algeant, internæ tamen vrunt. Ideoq; ex sanguine inflammato bilis nascitur.

Octaua bilis causa, sunt labores, & exercitationes, in quibus articuli partium corporis, præcipuè eorum, quæ fortiter mouentur, vt extremitatum corporis, manuum nimirum & pedum, incalescunt. Articulis ita commotis & veluti collisis, more corporum durorum, necessariò in ijs calor accenditur, qui rursus tendinibus, nervis, membranis, & musculis, venis, & arterijs, ac tandem vniuerso corpori communicatur; & præcipuè cordi, ac hepati, in quibus sanguis inflamatur, & ideo bilefcit.

Vigilia bilis generat.

Nonâ incrementi bilis causa, sunt vigilæ, in quibus corpus exiccatur, ob cogitationesque vehementes & assiduas, spiritus etiam animales, & vitales, ac ipse sanguis, & tandem corpus consequutiue inflammantur: Vnde bilis tandem generatur. Hippocrates lib. 7. Aphor. 18. ait, in vigilijs fieri conuulsionem. Et cum conuulsio duplicem agnoscat causam, repletionem, & inanitionem, ex eodem Hippocr. Galenus in comm. ait, conuulsionem à vigilijs causatam fieri ob siccitatem immodicam corporis: Ex ijs, inquit, quæ maxime euacuant & exiccant, vigilæ sunt: atque ideo conuulsionem ex siccitate faciunt, immodicæ siccitatis ratione, ac propterea, quia in longis vigilijs biliosior redditur sanguis. Hæc ille. Sanè in vigilijs spiritus & calor

calor semper ad extra, & intra vicissitudine quadam reciproca efferuntur. Dissipantur ergo, & calefunt qui superstites sunt; & qui dissipantur, secum reliquam corporis substantiam humidiorē rapiunt & dissipant: qui vero superfunt, calidiores facti reliquum corpus calefaciunt; imò acriores facti & fuliginibus, ac bili commixti nervos pungunt, eo modo, quo in ardentibus febribus, quibus idē aliquoties vel tremor, vel convulsio superuenit. Non solum enim ob inanitionem convulsio in his fit, arefactis nimirum nervis, & alijs partibus, sed præterea ob fuliginēs, acresque vapores & spiritus nervos pungentes. Propter inanitionem in vigilijs fieri solitam, ait Hipp.lib.6. Epidem. Vigilia edax.

Decima generationis bilis causam sunt inedia, & inopia, siue alimentorum penuria. In inedia bilis generatur, quia calor natiuus sufficienti humido, circa quod occuparetur, & quo nutriretur, priuatus, exiccatur, inflammatur, & acrior factus in corporis substantiam agens, omnem humorem adassat aduritque; atque adeo bilem generat. Hoc vitium sponte patiuntur multi sua corpora macerantes; in quo ab indigentia, siue alimenti penuria distinguitur. Nam deficiente alimento, velimus nolimus, inediam patimur. Et hac ratione indigentia bilem generat.

Inedia bilē procreat.

His causis regionem ex lib.1. Aph.2. & cali statum addere possumus. Verum cæli statum, siue aeris constitutionem calidam & siccam, ad ætatem reuocare licet, veluti regionem calidam. Nam regio calida, & cali status calidus, seu tempus anni quoduis ætatis naturam redolens, calorem corpori conciliat, eodem modo, quo ætas circumfusus aerem calefaciendo, & exiccando; qui nos iterum triplici superius præfato modo calefacit; quod scilicet eum inaspiremus, transpiremus, & paulatim ac continuo partes corporis, suo contactu, alteratus alteret.

Causam materiale simul & efficientem cuiusvis speciei bilis assignare, iuxta Galeni loca superius citata, non erit difficile: ait enim, bilem flauam ab excedente calore, vel saltem ex parte tenuiori & calidiore alimenti generari. Postquam autem lib.2. de facult. nat. c.9. ait, id quod crassum est & terreum in alimento, à naturali calore commodè alterari non posse, ut in sanguinem couertatur, dum sanguis fit, ad lienem relegari: Rursus ait: Quod vero asium, vltimque nutrimenti est (fuerit sane hoc calidissimum in eo, ac dulcissimum, qualia sunt tum mel, tum adeps) id flaua bilis dicitur. Vult ergo ex parte chyli calidissima, aut dulcissima bilem gigni flauam. Aitque rursus loco cit. lib. de humoribus, bilem flauam esse veluti elementum, respectu videlicet aliarum specierum; quoniam ex hac omnes ferè aliæ nascuntur. Pallida quidem ex portione flauæ, & sero commixtis efficitur: Rursum ex minori copia feri, & maiori flauæ. Vitellina maiori assatione accedente, vi caloris tenuiorem flauæ partem dissipantis, nascitur: quod significare voluit Gal. dum lib. de atra bile c.2. ait: Ita, cum diffusa ipsa admodum fuerit, cridorum onorum vitello similis appareat; atque ob id vitellina vocatur. Loco autem particula, diffusa, melius alij in versione textus Galeni ponunt, quum impensius ipsa digesta, discussaque fuerit. Facit enim comparisonem in contextu inter modos generationis vitellinæ, & pallidæ. Et quemadmodum ex flaua nimio sero diluta pallidam fieri asserit, sic ex eadem flaua nimis exiccata & cocta, seu superassata, vitellinam: Ex vitellina superassata cæruleam fieri ait: Ex eadem superassata aliquando æruginosam, aliàs natiueam siue glasteam, quoddam herba glasti colorem referat, nasci etiam protulit lib. 10. de simpl. med. facult. Natidea Auicē. Zinara appellatur.

Bilis causa

Omnes bilis nō naturalis species ex naturali sunt si peraccē excipias.

*Porracea
bilis ex
prauis cibis
in ventricu-
lo fieri po-
test.*

*Bilis flaua
generatio.*

*Rubra bi-
lis.*

*Locus gene-
rationis bi-
lis.*

*Per varias
vias bilis
euacuatur.*

Rectè ergò bilis flaua, tanquam aliarum specierum elementum à Gal. dicitur; cum ex hac diluta, aut superassata omnes fiant, si aliquando excipias prassinam seu porraceam, quæ porri colorem indues ex prauis alimentis & oleribus non raro oritur, ut testatur Gal. comm. 2. Prognost. tex. 39. hac serie: At verò gignitur in corpore, quemadmodum crocea bilis præter naturam habentibus; ita porracea altera præter naturam. Constatque, quod hæc sæpenuerò in ventriculo gignatur, propter quorundam cruditatem esculentorum, aut olerum, qualia beta, cæpa, brassica sunt. Atque etiam talibus nequaquam ingestis, ratione ægrotantis in venis gignitur, ac decumbit, aut in ventrem superiorem, aut inferiorem, calorem in corpore indicans præter naturam. Tunc enim non est necesse, iuxta Gal. sententiam, porraceam ex flaua semper gigni: aliqui tamen omnes, præter rubram, ex flaua fieri hoc ordine contendunt. Lib. autem. 2. de facult. nat. c. 9. ait Gal. bilem flauam ex calidissima chyli parte gigni, eamque esse tenuem, humidam, & fluidam: quoties autem præter modum excocta est, desinit in flauum, igneum & crassum quid, vitellis ouorum persimile. Volunt nonnulli porraceam ex vitellina fieri posse, sicuti & eruginosam æris viridi similem, quoties propemodum superassatur vitellina. Ex eruginosa adhuc magis assata, isatideam siue glasteam, siue nigricantem bilem nasci volunt. Ex Gal. autem diximus, ceruleam ex vitellina etiam superassata nasci.

Rubra verò bilis ex sanguinis sero & bile quadam rubra nascitur. Proinde videtur ponenda tanquam distincta species à præfatis: nam dilutior est quam ruffa, & sanguinis colorem præferre videtur, in quo à pallida discrepat; præterquam quod pallida non est adeo diluta.

Ex Gal. doctrina superius citata satis constat de locis, in quibus bilis species generantur. Flaua enim naturalis excrementitia in hepate vnà cum melancholia generatur, & in cystis siue vesicam fellis, tanquam ad proprium domicilium, amandatur: eius quædam portiuncula cum vrina excernitur; altera sursum ad caput delata per aures expurgatur. Vnde Gal. libello de humor. ait. Flaua autem bilis parua vesica est propria, & quod circa hepar & per aures mouetur, id quod cuique apparet. In hepate enim generatur, ut ex Gal. lib. 4. de vsu part. superius diximus. Verum ut plurimum in vesica fellea, tanquam in proprio receptaculo, aliquandiu reseruatur eius precipua pars, quæ ad intestina relegatur. Cum autem vix tota in hunc locum satis angustum, cogi possit, quæ cum sanguine tranat superflua per vias, sudoresque euacuatur; & pars sursum vergens ad caput per aures, per quas sanè quotidie euacuatur; videnturque aures receptacula & viæ precipuæ, per quas protruditur. Quare cum natura per illa loca eam continuò euacuet, eius raptus ob sui leuitatem non raro in morbis fit. Propter quod ait Hippoc. lib. 4. Aphor. 25. Quibus biliosis superueniunt deiectiones, superueniente surditate cessant: & quibus fit surditas, hæc superuenientibus deiectionibus biliosis cessat. Licet enim naturaliter deorsum bilis amara propellatur, ex sua tamen natura, quatenus levis est, sursum ruit; & cum magno esset incommodo, si per os, aut per oculos, aut nares euacuaretur, per aures minus teneras partes commodissime euacuatur.

Cum ex bile flaua reliquæ omnes, excepta rubra, & porracea non raro, generentur, in venis & vesicula fellea generari debent. Rubra etiam in venis nascitur; cum hæc ut plurimum sanguinis serum sit, & tortè ichore bilioso adhuc tincta. Cum ergò sit sanguinis serum rubicundum, non ita vehemens est ac illæ species, quæ ex bile flaua superassata fiunt. Verum porra-

cēam, & vitellinam, & æruginosam, in ventriculo etiam generari voluit Gal. *Bilis præ-*
 maximè verò quoties ventriculus vnà cum hepate præcalido sunt tempera- *ter naturā*
 mento. Qui græca desiderat, hæc sunt: Flaua bilis *ἐξιδν* appellat. r. Palli- *etiam in*
 da *ω'χρὰ* Vitellina, *λεχιδν* dñs. Porracea *παρασφιδν* Æruginosa *ιδν* Isatidea *ισαταδν*
Isatidn Cærulea *κυανιδν* dñs. Rubra *ερυθρὰ* *generatur.*

De Signis Bilis Dominantis.

Corporis color citrinus est, aut flauescens, aut pallidus, veluti oculo-
 rum & lingæ, si plurimum redundat, ex lib. 4. de sanit. tuen. c. 4. In
 quo etiam casu lingæ & oris sapor amarus est, teste Gal. comm. 5.
 in no. 6. Epidem. tex. 17. Vbi etiam redundat, caloris adest acrimonia, ex
 lib. 1. ad Glauconem. Corpus biliosorum gracile est atque macilentum, ex
 lib. 4. Aphor. comm. 6. & lib. de plenit. c. 11. Biliosi denique venas arteriasq;
 habent amplas, & reliquis fortè omnibus ampliores, ex lib. 2. de temperam.
 cap. 4. Hirsuti sunt non solum in capite, sed vniuerso corpore; Capillitium
 illis nigrum, aut saltem castaneum colorem referens, si merè biliosi sunt
 (quia fuligines in his ob intensum calorem superassantur, & nigrescunt, hinc
 capillorum nigror): Nam aliquando rufi, aliquando rubri apparent, sed tunc
 bilis sero diluitur. Proceri sunt corpore.

Quod attinet ad actiones principes & animales, animi acie & acrimonia
 pollent: Vnde ingeniosi, ex Gal. comm. in lib. de nat. hom. tex. 39. vbi ait:
 Animi quidem acumen ac dexteritas à bilioso humore prodibit. Ad motum
 & actiones prompti sunt, agiles, impetuosus, ob turgentem quasi semper ca-
 lidum spiritum, & humorem. Vnde vigilēs sunt, & non adeo somnolen-
 ti, magnanimi, temerarij, & pericula non adeo, ac reliqui homines, timen-
 tes: ignis & incendiorum insomnijs, ex lib. de insomnijs: delirijs, biliosisque
 morbis obnoxij.

Quod attinet ad vitales actiones, vigorosæ sunt: spiritum vitalem gene-
 rant copiosum, subtilem & splendidum, ac veluti igneum; cūque caloris
 feruor in ijs virgeat, celerq; bilis motus, iracundi sunt, & prompti ad actio-
 nes, ex cap. 33. Art. parux. Pulsus habent vehementem.

Quod ad naturales actiones attinet, inedia ferendæ difficultatem habent,
 ex lib. 10. meth. méd. c. 5. Appetitu intenso sunt præditi, ob bilis acrimoniam
 & absterforiam vim, pituitosos humores, qui appetitum impediunt, abster-
 gentem. Verum si ad ventriculum bilis confluerit, anorexia, seu cibi fa-
 stidio, & cardiogmo, seu morfu stomachi laborant, ex lib. 1. de symptom.
 causis. Deiectiones habent biliosas, vrinas reddunt flauas, vel flauescen-
 tes, & tenues vtpurimum. Sudor illis punctilis, spūm non rarò flauescens.
 Biliosis, vt dixi, morbis obnoxij sunt, vt phrenitidi, & ardenti febri,
 quarum causa est bilis, ex lib. 1. Epid. comment. 2. tex. 73. Similiter etiam
 in biliosis pustula biliosa per vniuersum corpus erumpentes visuntur: sicut
 in erysipelas, & tertiana febris, ex lib. 4. Aphor. comm. 2.

Biliosorum notas non malè Collegium Salernitanum his carminibus
 depinxit.

Est humor cholerae, qui competit impetuosus.

Hoc genus est hominum cupiens præcellere cunctis:

Hi leuiter student, multum comedunt, citò crescunt:

Inde & magnanimi sunt, largi, summa petentes.

Hirsutus, fallax, irascens, prodigus, audax,
Astutus, gracilis, siccus, croceique coloris.

SECTIO IV.

De Humore Melancholico.

Melancholia, siue succus ater Græcis *μέλαινα*, vti de pituita, & bile diximus, duplex est: Vna alimentitia, altera excrementitia. Alimentitia est humor frigidus & siccus, crassus, & nigricans, acerbus, & parumper acidus, ex crassiore & terrestriore chyli parte ab ipso hepatis calore, & vi sanguifica procreatus, vt soliditatem sanguini addat, & partes quasdam corporis enutriet, præcipuè ossa, cartilagine, & membranas, ac lienem. Patet melancholiam esse frigidam & siccam, cum terræ, autumno, & declinanti ætati seu virili correspondeat & analoga sit, referente Gal. libello de humor. vbi de quatuor humoribus peritissimè sic pronunciat: Sanguis enim, & aer, & ver, sunt calida & humida: quamquam alijs aliter de aere videatur. Biliū autem ea, quæ flaua est, & æstas, & ignis, sunt calida & sicca. Ea verò, quæ nigra est, & terra, & autumnus sunt, sicca & frigida. Pituita autem, & aqua, & hyems frigida sunt & humida. Lib. 3. de locis affect. c. 7. & lib. 2. de facult. nat. c. 9. alijsque mille in locis, bilem atram frigidam & siccam per exuperantiam, & comparatione aliarum duarum qualitatū esse testatur. Aristot. in Problem. eandem habet sententiam. Quod etiam quotidiana com monstrat experientia, quorū melancholicis affectibus inederi volumus: nam his semper remedia opponimus calida & humida. Galenus verò loco citato de facultatibus naturalib. rectè infert, humorem frigidum & siccum admittendum, cum frigidum & siccum detur temperamentum.

Melancholicus sanguis quid.

Calida, & humida melancholia opponitur.

Color oleaceus est melancholia proprius.

Patet denique ex ipso aspectu, melancholiam esse crassam & nigram: crassam quidem, quòd ex terrestriore & densiore chyli parte fiat; nigram verò, quòd ex parte crassa & terrea, è qua vi caloris aerea substantia vti plurimum extracta est, semicoquatur; eo ferè modo, quo carnes vi caloris Solis nigrescunt, parte aerea vti plurimum extracta. Vnde ex substantia terrea, atq; aquea maximè superstitibus, & semiaffatis, nigricans obscuraq; caro emergit. Consimilis color in liene, qui melancholico sanguine nutritur, visitur, licet humor melancholicus naturalis, non ater omnino, sed oleaceus, siue coloris oleæ sit, vt habet Gal. lib. de humorib. sic: Nigræ autem bilis proprius color est oleaceus. Atque hic est, qui dicitur niger. Vult enim naturalem melancholiam esse humorem obscurum ad nigrorem vergentem; non quòd omnino nigrescat, nam hic color bili atræ præter naturam, quam naturali magis congruit.

Humor melancholicus acerbus & acidus est, teste Gal. lib. 5. de vsu part. cap. 4. quo in loco, licet de excrementitia naturali loqui videatur, hoc non impedit, quin intellexerit succum melancholicum, quo lien nutritur, his qualitatibus esse præditum. Nam humor hic excrementitius naturalis, alimentitij naturam nobis prodit. Præterea lienis substantia fragilis, eiusque sapor nobis satis manifestant, humorem, quo nutritur, esse terreum, minime viscidum, & aliquid acerbitalis & aciditatis mixtim comprehendere, licet

licet hi sapes in excrementitia melancholia maximè eluceant. Lienis nigricantem colorem, eiusque acerbum saporem à melancholia prouenire, ostendit Gal.lib.de atra bile c.6.

Ex dictis liquet, hepar esse efficientem causam humoris melancholici, veluti aliorum humorum; & eiusdem humoris finem à natura institutum, eò tendere, vt consistentiam sanguini solidiorem spissioreme, vnà cum temperantia, tribuat, & vt terrestriores, solidioresque partes, vnà cum liene enutriet.

*Melancho-
lia cause
efficientis &
finit.*

Præfatus humor sanguini vbique spissitudinem tribuit, vt melius hæreat, & solidiores partes nutriet. Vnde à Gal.lib.de atra bile c.3.in principio, ater sanguis dicitur, & ab excrementitijs distinguitur, quòd sanguis concresecat, atra bilis nequaquam. Ille humor, qui ad lienem demandatur, & ab eodem liene auidè prolicitur, se habet tanquam in tritico furur. Itaque lien calore arteriarum ei diffusarum auxilio hanc substantiam terream, quæ coctionem perfectam in icore subterfugit, vltiori elaboratione triturat, concoquit, & quod in ea amicus est, sibi copulat, in suiue substantiam conuertit; quod verò reliquum est, tanquam superfluum, & nutritioni ineptum, ad ventriculum vtplurimum effundit, vt sua acerbitate eum corruperet, & aciditate pituitam abstergat, & ambabus qualitatibus appetitum exciter. Corrugatio enim acerbitate conciliata, appetitum prouocat; cum sic iuctio, quæ animalem appetitum præcedit, necessariò fiat; aciditas vini abstergendæ pituitam ventriculo hærentem habet, ac insuper suscitandi conioptam famem, partes ventriculi sensibiles pungendo. Punctio enim ab aciditate facta, quandam efficit partis corrugationem. Nam pars omni conatu, quod acidum est & inutile, deturbat. Melancholicis ideo voracitas familiaris est. Aliqua eiusdem melancholici humoris portio in adulus saepe per hæmorrhoides euacuatur.

Nunc par est melancholiæ species recensere. Diximus in principio, humorem melancholicum in vniuersum distribui in alimentitium, & excrementitium. De alimentitio sanguine melancholico, nunc sufficienter disputatum est. Nam hic in venis & arterijs, vnà cum reliquis humoribus perpetuo continetur, teste Gal.lib.de atra bile c.5.sic: Quod igitur in venis & arterijs humores omnes vnà cum sanguine contineatur, & coloris consistentiaque ipsorum varietas indicio est &c. Excrementitia melancholia duplex est, vna naturalis, altera præter naturam. De excrementitia naturali iam diximus, quam ræci vini, aut amurcæ olei assimilât Gal.lib. de atra bile c.6.alijque in locis. Vnde sanguinis ræcem eam appellat. Hanc veluti atram bilem præter naturam, acidam, & acerbam esse testatur varijs in locis Galenus, vt lib.de atra bile c.2.& c.4.Lib.5.de vsu part.ac alibi. Verum cap.2.lib.de atra bile, ait, aliquando atrum humorem vomitu eiectum nullam habere sensibilem aciditatem, & acerbitatem, aut alium vlium saporem; quod sequenti tertio capite confirmat, dum ab atra bile præter naturam quædam nigra excrementa, vomitu & deiectionibus eiecta sine acerbitate aut acore distinguit: hæc enim nigra humores nigros, vel deiectiones, vel edulia appellari permittit: & hanc nigram materiam sanguinis subsidentiam, atque adeo naturalem melancholiam excrementitiam esse, aut quam ab atra bile cum hoc discrimine separat, quod atra bilis mordax sit, terram fermentet, & eius deiectione non melius se habeat ægrî; cum tamen ex humoris nigri, seu rei nigra deiectione melius se habeant ægrî, quod expertus est Galenus. Et ego non solum, dum talis humor per se eum aut vomitum

*Melancho-
lia excre-
mentitia
duplex est.*

*Discrimen
inter atrā
bile & na-
turalem
melancholia
excre-
mentitiā.*

mitum euacuaretur expertus sum, verum etiam per vinas in Professore quodam Legum in Vniuersitate Valentina apud Hispanos iam à viginti quinque annis. At verò quoties atra bilis vera & præter naturam est, & aceti instar se habet, supra vel infra euacuatur, lethale signum est, ex Hippocrate in Aphorism.

Libro adhuc secundo de facul. nat. c. vlt. naturalem melancholiam non atram bilem, sed atrum succum, vt mox dicemus, esse refert. Illo autem cap. postquam vini recentis feruentisque florem bili comparauit, faciem verò subsidentem melancholiæ, siue nigro succo, in hæc prorumpit verba: Quando non eandem habent hi succi speciem, cum animans naturæ opera regitur, qualem, cum præter naturam se habet, sæpè exhibent. Quippe quæ flaua est, efficitur vitellina: ita enim nominant, quoniam ouorum vitellis, tum colore, tum crassitudine sit assimilis. Rursus nigra longè malignior ea quoque, quàm quæ naturalis est, redditur. Nomen tamen tali succo nullum est inditum; nisi quòd aliqui radentem eum, vel acidum appellarunt; quoniam scilicet acris in morem aceti sit, & corpus animalis radit, & etiam terram, si supra eam sit effusus, quandamque cum bullis veluti fermentationem, ebullitionemque excitat; vbi scilicet adscititia putredo nigro illi succo naturaliter se habenti accessit. Mihiq; videntur veterum medicorum plerique id, quod è tali succo naturaliter se habet, quod & infra deijcitur, & sæpè supra fluitat, atrum vocare succam, non atram bilem. Quod verò ex vstione quapiam, ac putrescentia in acidam migrauit qualitatem, id atram nuncupare bilem. Cæterùm de nominibus habenda controuersia non est, sed veritatem sic se habere intelligendum. In sanguine generando, quidquid abundè crassum ac terreum ex ciborum natura in nutrimento fertur, nec commodè à naturali calore alteratur, id lien ad se trahit: quod verò assum (vt sic dicam) vstumque nutrimenti est (fuerit sanè hoc calidissimum in eo, ac dulcissimum, qualia sunt tum mel, tum adeps) id dum flaua bilis factum est, per fellis vocata vasa expurgatur. Est hoc autem tenue, humidumque & fluidum, non quale, cum ad vltimum est excoctum, flauum, igneum, & crassum, vitellis ouorum simile: hoc namque iam præter naturam est: alterum verò, quod priùs memorauimus, est secundum naturam. Pari modo & id nigri succi, quod nondum illam velut ebullitionem, fermentationemque terræ efficit, est naturale; quod autem in talem mutatum est vim ac speciem, id iam præter naturam est, ceu quod ex vstione nonnaturalis caloris acrimoniam asciuerit, ac veluti cinis quidam sit redditum. Sic quodammodo fax vsta à non vsta dissidet: Illa namque admodum calida est, adeo, vt carnem urat, liquet, ac corrumpat: altera, quæ nondum est vsta, ad omnia medicos vti deprehendas, ad quæ terra figurari, alijsq; quæ simul siccandi, ac refrigerandi facultatem habent. Sanè in atra bilis sic vstæ speciem, & vitellina illa subinde vertitur, quoties igneo quoque calore ipsa percocta est.

Completè hoc sermone bilis vtriusque naturalis generationem proponit Gal. & rursus generationem vtriusque bilis præter naturam, & bilium præter naturam à naturalibus discrepantiam. Quod igitur in sanguine faculentum est, & sine nimia assatione productum, melancholia naturalis est, cui lien, tanquam præcipua sedes in corpore constitutus est. Cum autem excrementum melancholicum, & amplius inutile animal, in liene elaborari, ac mutari non potuit, in ventriculum à natura per vas breue excretum est. Si hic naturalis succus à calore præter naturam superassetur iam

muta-

mutabit speciem, quia in acrem, nimisq; acidum succum aceto correspondentem migrabit. Et hic humor, licet nomine apud Antiquos caruerit, atra bilis magis propriè, propter acquisitum nigrorem dicitur, quàm succus ater naturalis, qui non adeo nigrescit, nec ferocit. Non solum ex succo melancholico naturali admodum adusto, vtpote superassato, atram bilem generari vult Gal. sed præterea ex bile vitellina superassata; ita vt duas hic constituat atræ bilis, siue bilis nigræ præter naturam species. Vnam, quæ fit ex excremento melancholico naturali, alteram ex bile non naturali, siue vitellina superassata.

*Atræ bilis
duæ species
duæq; mate-
riales cau-
sæ.*

Succi melancholici naturalis excrementitij vtilitatem Gal. exposuit lib. 5. de vsu part. c. 4. his verbis: Quod verò nullam ventriculo afferat noxam, indicat ipsa qualitas: acerbæ enim est, atque acida bilis atra, & contrahere ipsum ac constringere, non, vt flaua, subuertere nata est. Constat ergò, quòd, si quidem hæc (id est flaua) noxia esse memorabatur, propterea quòd vetaret cibos diutius in ventriculo concoqui, atram certè bilem non modo non lædere comperimus, sed & actionem insuper ipsius, adiuuare: Nam ventriculum intendit, ac contrahit in seipsum, cogitque cibos ad vnguem circumplecti, atque retinere, quousque fuerint percocti. Hactenus ille, qui vsum excrementi melancholici in ventriculum effusi, vt ei primò proffit, antequam per intestina deturbetur, dilucidè exposuit; & nos in superioribus tetigimus.

*Naturalis
melancholia
excre-
mentitia vsus.*

Melancholiæ species, naturalem nimirum, & præter naturam clarè satis exponit Gal. lib. 3. de locis affect. c. 7. sic: Sic & melancholicus humor secundum substantiæ varietatem non obscuras habet differentias: Nam alius est veluti fax sanguinis, qui admodum spissus est, facibus vini haud ab similis. Alius verò quàm superior, essentiæ est multò tenuioris; atque vomentibus eum, & olfacientibus acidus videtur: qui etiam terram radit, attollit, & fermentat, atque ampullas, quales feruentibus iusculis supernatare videmus, excitat. Sed is, quem crassæ faci similem esse dixi, in terram effusus non inducit fermentationè, nisi fortè in ardenti febre ipsum maximopere præfari contingat; neque vlla etiam acida qualitate participat: Quamobrem, & ipsum nominare consueui melancholicum succum, aut melancholicum sanguinem; hic enim meo iudicio non rectè adhuc atræ bilis appellari potest.

*Naturalis
melancholia
in ardē-
tibus febris
in atræ
bilem mi-
grat.
Dubium.*

Sanè hæc Gal. verba ambigua satis vidètur ad alia eiusdem Gal. verba lib. 5. de vsu part. c. 4. collata: Nam loco iam cit. de locis affect. naturalem melancholiam nulla aciditate prædità esse affirmat; loco verò de vsu part. cit. acerbam, & acidam esse contendit.

Hanc apparentem contradictionem sic contemperandam censeo. Loco illo de vsu par. visus est Gal. de mera excrementitia loqui: quæ sanè acerbam quādam & aciditatem, leues tamen respectu atræ bilis, habere potest: Vnde per vomitum aut secessum excreta talem saporem acidū, aut acerbum sæpenuerò non prodit, & fortè aciditatem rarò in naturali statu persistens. Loco verò cit. de locis affectis, non de puro tantum excremento melancholico loquutus est, sed de sanguine melancholico, qui sanè puro excremento dulcior est. Quòd autem de melancholico sanguine loquutus fuerit, patet, dum ait: Et ipsum nominare consueui melancholicum succum, aut melancholicum sanguinem.

Solutio.

Ex dictis constat, duas admittendas esse species atræ bilis, siue melancholiæ præter naturam; vnam, quæ ex superassato humore melancholico natu-

*Atræ bilis
duæ species*

rali

rali generatur; alteram quæ ex bile vitellina (per medias species ad isatideam transeundo (id est per porraceam fortè & æruginosam) fit. Hæc vltima, vt ex dictis liquet, malignissima est, & ipsa bile multò acrior & vehementior. Vnde Hippocr. lib. 4. Aphorism. 24. ait, dysenteriam mortiferam esse, quæ à nigra bile, acida scilicet & rodente fit. Hæc enim, quæ ex bile nascitur, eò vehementior est atra, quæ ex melancholia naturali oritur, quò bilis naturalis acrior est, & vehementior melancholia naturali.

Anxios inuenio aliquos in constitutione differentiarum atræ bilis, siue humoris melancholici excrementitij præter naturam. Nam lib. definition. Medic. quatuor humoris melancholici in vniuersum species statuuntur, his verbis: Primus est elementarius. Deinde qui ex superassata flaua bile gignitur, quem bituminosum quoque nominamus, quòd bituminis instar splendat: Et qui ex terrificata, seu putrefacta pituita: Et qui ex sæculento sanguine consistit. Libello denique de humoribus sequentia reperiuntur: Sunt autem nigræ bilis differentię quatuor. Vna enim est ex sanguinis fæce. Altera ex assatione bilis. Tertia bituminosa dicitur, eò quòd luceat bituminis instar. Quarta autem.

*Ex pituita
falsa fit atra
bilis.*

Verum, quod attinet ad quartam illam superadditam speciem lib. definition. med. ex pituita procreatam, eam ego abnuere non auderem, cum iuxta Gal. doctrinam lib. 5. de simpl. med. facult. c. 7. scirrhusus tumor, à melancholia ex pituita crassa procreata, fiat. Alibi etiam pituitam reddi falsam, & acrem monet. Ergo in atram bilem conuerti poterit; adeoque optimè inter species humoris melancholici enumeratur lib. cit. definit. med. Quòd autem falsa pituita in atram bilem conuerti possit, patet ex doctrina Gal. lib. de humorib. vbi inquit, necessum esse mutari humores in se inuicem, sicuti elementa in se vicissim. Et paulò post in hæc prorumpit verba: Testimonia autem huius opinionis sunt terreus sanguis & melancholicus, pituita falsa, quæ proximè ad bilem isatideam accedit, sicque in ipsam facile mutatur. Ecce quomodo ex pituita falsa bilem isatideam generari inquit. Ex dictis verò liquet, ex isatidea bilem atram nasci; immo verò parum abest, quin ipsa isatidea sit atra bilis.

*Bilis isatidea est ferè
bilis atra.*

Denique, siue pituita falsa propter putrefactionem fiat, siue propter commixtionem falsæ ferolitis, vt fert Gal. doctrina, siue insuper ob commixtionem humoris biliosi cum pituita, vt addit Auicenna, certum est, falsum ad amarum referri; ita vt modicum sit discriminis; nam quod amarum est, magis assatum & vltimum censetur: ita vt falsum plus humoris continere videatur; tamen si sal terra quædam sit, aut videatur, vt refert Arit. qui hanc doctrinam amplexus videtur lib. 2. de Anima c. 10. his verbis: Saporum genera colores ita imitantur, vt simplices contrarij sint dulcis & amarus. Quos sequantur, illum quidem pinguis, hunc falsus: Quibus interiecti sunt, acer, austerus, acerbus, & acidus. Et lib. de sensu & sensibili c. 4. inquit: Pinguis quidem sapor, saporis dulcis genus quoddam est, falsus autem & amarus ferè idem sunt. Hunc constat, pituitam falsam, quod in sapore ad amarum accedat, & quod corrodat, facile in isatideam bilem, atque adeo atram bilem conuerti.

*Amarum
falso siccius*

*Saporum
species.*

Sed locus citatus libri de humoribus, vbi quatuor humoris melancholici species visus est admittere Gal. examinandus est. Primò atram bilem ex bile flaua genitam bituminosam non vocat, vt fecit lib. alio de definition. medicis. Nonnulli, vt hanc dirimant controuersiam, dicunt, definitiones medicas non esse Gal.: & biem atram bituminosam, esse bilem atram ex melancholia naturali genitam.

Sed meo iudicio nihil controuersia, aut difficultatis continent loca ista: Quoniam Bituminis tria sunt genera. Vnum Iudaicum, quod purpura modo splendet, ponderosumque est, ac validum vibrat odorem: Si ergo sanguis melancholicus superassetur, hunc colorem splendentem acquirere poterit, teste Gal. lib. 3. de symptom. caus. c. 2. vbi expressè bituminosam atram bilem Iudaico bitumini similem esse asserit: Si verò nigra bilis excrementitia tantum superassetur, cum crassa sit, splendeat eo modo, quo nigrum bitumen pingue quid referens, & splendidum. Pariter etiam bilis flaua superassata, & in æruginosam aut isatideam degenerans, eundem acquirere colorem.

Datur denique tertium bituminis genus liquidum, in Sicilia quibusdam fontibus innatans, quo olei vice in Agragantino ad lucernas accensas fouendas vruntur. Si autem humor biliosus in corpore ad incendium paratus superassetur, huius bituminis colorem fortè referet: vel cum huius bituminis colorem non satis perspectum habeamus, dicere fas erit, bilem adustam, nigri bituminis supradicti speciem referre.

Secundò inuestiganda est particula, quarta, in contextu cit. libelli de humoribus. Nam textus ille truncatus est; ideoque diuinandum, quanam sit quarta illa humoris melancholici species. Quidam aiunt, quartam speciem esse atram bilem ex sanguine ortam; quia Gal. id ipsum significare visus est comm. 2. in lib. Hipp. de vict. rat. in morb. acut. tex. 30. vbi ait: Ex sanguine quidem plus calefacto flaua bilis generatur; ex eodè verò assato & adusto, atque etiam crasso, nigra. Verùm si hanc Gal. doctrinam paulò attentè animaduertamus, solummodo inde venabimur crassiorē sanguinis partem, quæ potissimum naturalis melancholia, & pituita censerī debet, in bilem atram conuerti, & subtiliorem tenuioremque eius partem, quæ biliosa simul & sanguinea est, in bilem conuerti. Sed ex hac doctrina quarta atræ bilis species neitiquam colligi potest, distincta à duabus nuper nominatis; quarum frequentem mentionem passim facit Galen. & præcipuè lib. 3. de symptom. caus. cap. 2. vbi ait, ex sanguine feruente, & immodicè calefacto nigram bilem procreari. Quia enim supra modum sanguis coctus est, vel potius adustus, pars crassior, & veluti cineritia, splendorem quendam obtinet. Frigida quidem dicitur illa cineritia pars, siue melancholia, quia terrea est: caloris autem particeps, quia se habet instar cineris & aceti. Quare, inquit Gal. ibidem, nigra bilis non fit propter refrigeratum aut concretum sanguinem, eo modo, quo thrombus. Textu etiam citat. de vict. rat. in morb. acut. nihil aliud vult Gal. quàm ex sanguine supra modum assato fieri atram bilem, bilemque flauam. Lib. 1. Prothieric. atræ bilis generationem luculenter his verbis proponit: Si generationem humorum, tum aliorum, tum atræ bilis in memoria tenueris, quod æruginosi vomitus progressu ad nigrum humorem fiant, mente concipere difficile non est: nempe atram bilem ex flaua supra modum assata, & crasso sanguine fieri nouisti. Flaua verò bilis cum supra modum assatur: primum quidem in æruginosum migrat succum, deinde in nigrum. Supra modum autem assatur propter febris magnitudinem &c. Denique lib. 3. Aphor. comm. 22. eodem in sensu hoc ordine loquitur: Nam & quartanas febres in hoc ipso tempore fieri inquit, quia scilicet ex atræ bile ortum habent, quæ duplicem habet generationem; alteram quidem ex flaua bile superassata, alteram verò ex sanguine crasso. Fiunt autem & erraticæ febres in autumno, propter temperaturæ inæqualitatem; & lienes magni ob atræ bilis superfluitatem; & aqua inter cutem

Ex sanguine assato flaua nigra bilis generatur.

Atræ bilis frigida simul & calida.

Atræ bilis ex bile, & crasso sanguine fit.

*Atra bilis
ex sanguine
crasso ge-
nitamitior
est illa quæ
ex bile fit.*

Dubij solutio.

ex liene contingit &c. Alibi etiam sequentia habet: Et item est proditum de generatione huius humoris, quæ duplex est, tum ex sanguine crassiori, qui respondet proportionem in venis subsidenti in dolio vini sæculæ: tum etiã flaua bile vehementer assata. Hæc igitur atra bilis alioqui malefica est, ac derodit partes, in quibus abunde collecta est: altera verò atra mitior quàm hæc est, sed potissimum, quoties nondum traxerit in animali moram, aut cum aliquo calore abundanti, aut præter naturam commercium habuerit. Videtur Gal. lib. de arte med. voluisse atram bilem intra sanitatis claustra contineri. Verùm ibi de sanguine aliquantum adusto in ætate consistentiæ loquitur; quo tempore veluti collimatores rerum, acerrimo pollent ingenio sanguinei.

Ex his omnibus patet, iuxta Galeni decreta, duas esse ordinarias bilis atræ præter naturam species, quibus addere possumus illam, quæ ex pituita falsa fit.

Melancholiæ Causæ, & signa.

Causa materialis & efficiens naturalis melancholiæ.

Locus.

Causa formalis.

Causa finalis.

Liquet ex dictis, quænam sint causæ efficientes & materiales, tam humoris melancholici naturalis, quàm illius, qui protinus præter naturam est. Causa materialis humoris melancholici naturalis est, pars chyli crassior. Causa efficiens, calor hepatis, qui chylū coquendo, talem humorem producit. Locus alibilis sunt venæ; lien verò locus alibilis simul & excrementitij. Viæ, per quas excrementitius expurgatur, sunt ventriculus, & hæmorrhoides. Dixi locum alibilis ex parte esse venas, quia necessariò sanguini commixta semper est melancholia, ut eius ope soliditatem capiat, & ut per venas eadem commodè ad ossa, quæ ea nutriuntur, transferatur. Tam alibilis quam excrementitia, formam habet frigiditatem & siccitatem, crassitiem, nigricantem colorem, acerbicatem quandam, & aciditatem si non magnam & sensibilem valde, saltem aliqualem. Finalis causa satis superius exposita est. Alibilis autem sanguini soliditatem tribuit, & solidiores partes ut plurimum nutrit. Dico, ut plurimum, quia ossium medulla nobis ostendit non totam sanguinis massam, sed crassiorem ad ossium nutritionem concurrere. Excrementitiæ melancholiæ naturalis finis expositus est, iuuenem nimirum appetitus, & coctionis in ventriculo, dum ad eum, à liene effunditur. Sic ergò melancholia naturalis, tam alibilis, quàm excrementitia, facultate, loco, colore, sapore, & consistentia à reliquis humoribus distinguitur.

Causæ tam materiales, quam efficientes atræ bilis præter naturam, & naturalis fortè, à Galeno varijs in locis enumerantur. Lib. de atra bile c. 4. calidum, & siccum temperamentum bilis atræ prouetum accumulare dicit, ut in sanguine nigro crassoque, ex ijs, qui tali temperamento præditi sunt, extracto luculenter apparet. Temporibus denique calidis & siccis, ut æstate, & cœli statu ætati correspondente, in regione calida pariter & sicca, in loco calido & sicco, in studio nimio, id est, in curis & sollicitudinibus, in morbis denique calidis & siccis, ut caufonibus, alijsque quibusvis aridis ardoribus, ut in longa pestilentia æstate orta, magna atrii humoris copia accumulatur. Patet enim hinc Gal. atræ bilis causas magis, quàm atrii succi naturalis causas enumerare: Nam autumnus potius, quàm æstas, temperamentum frigidum & siccum, ex cap. 59. artis parvæ, regio, cœli status, lo-

cus, lienis imbecillitas, vt habetur lib. de atra bile c. 8. & similia, naturalem melancholiam commodius procreant, quàm temperamenta calida, & sicca, tum hominum, tum temporum, tum locorum, & similibus, quæ sanguinem paulatim adurendo, melancholiam generant. Citato cap. materialem causam atræ bilis proponit, lentem, cochleas, carnem taurinam, hircinamque, maximè verò sale conditas, & aliquo tempore seruatas. Eodem lib. de atra bile cap. 6. easdem causas repetit. Ad materialem melancholiæ causam reducuntur omnia calida & sicca, frigida & sicca, quæ cibi, aut potus ritu assumuntur: præcipuè enim crassa & sicca alimenta melancholiam procreant, vt habet Gal. lib. 1. de aliment. facult. c. 13. Lib. etiam 3. de locis affect. cap. 7. postquam melancholici humoris species naturalem, & præter naturam enumerauit, causas breuiter sic enumerat: Prouenit autem huiusmodi humor in quibusdam plurimus, vel à temperie ab initio comparata, vel à cibis, qui cum in venis concoquuntur, in huiusmodi humorem transmutari solent. Pro cibis, melancholicos intelligit Galenus, pro temperamento, biliosum, & melancholicum: Ad has enim duas causas, efficientem, & materialem, omnes alix causæ reducuntur: ad temperamentum, enim melancholicum potissimam causam, reducitur alia quæuis efficiens, quæ temperamentum mutat, & melancholicum humorem accumulando efficit; vt autumnus, cæli status frigidus & siccus, ætas etiam, temperamentum calidum, quæ sanguinem adurendo, melancholiam procreant, & veræ causæ sunt.

Temperamentum frigidum, & siccum, præcipua melancholiæ causa.

Hippoc. lib. de nat. hom. de autumno loquens ait: Autumno sanguis in homine fit paucissimus; nam siccus est autumnus, & qui iam hominem refrigerare incipiat. Porro atra bilis autumno plurima est, atque plurimum viget. Curæ pariter, vigilæ, nimix exercitationes, & calidiora temperamenta; quia sanguinem veluti adurunt; sicuti tristitia, ira, furores, & studiæ varia, melancholiam efficiunt. In declinante pariter ætate succus melancholicus aceruatur teste Gal. lib. de humoribus, alijsque mille in locis. Verum, præcipua efficiens atræ bilis nonnaturalis causa, est assatio aliorum humorum ab intenso calore facta. Ideoque Gal. lib. de atra bile c. 3. atram bilem ab atro sanguine distinguit, quod atra acris sit, & feròx, & quod non possit conrescere.

Atra bilis ab atro sanguine distinctio.

Melancholici vtplurimum macilenti sunt, & sicci, liquidi, siue fusci (fuscus enim color liquidus dicitur, estque medius inter rubrum, & nigrum, teste Gal. lib. 14. meth. med. c. 9.) carnem habent densam duramque, exilesque venas. Pilos etiam nigros, ex cap. 59. artis parux. Excrementa omni tempore nigra egerunt, ex lib. 4. aphor. 21. Vrina pariter crassa, & obscura, nigricans, ex comment. 1. Prorrhetic. sed non rarò aquosa. Ictericia nigra, seu nigricans cutis color ex effusione humoris melancholici ad cutem; sicuti vitiligo nigra, pustulæ liuidæ, varices, lienis tumores, cancer, elephantiasis, tanquam melancholici affectus, melancholicis familiares sunt, ex comm. 2. lib. 4. Aph. Hamorrhoidibus etiam, alijsque melancholicis affectibus obnoxij sunt, ex comm. 30. lib. 3. Aphor. Expuratio, & secretus frequens, ob imbecillitatem superioris oris ventriculi, sepius illis contingunt, ex comment. 1. in lib. Prorrheticor. tex. 12. Copioso etiam flatu melancholici vexantur, ob natiui caloris imbecillitatem, ex commentar. 3. in libr. 6. Epidem. tex. 12. Humor melancholici euacuationem faciliè ferunt.

Quod ad animales, & principes actiones attinet, moribus agrestibus imbuti sunt melancholici, ex Gal. lib. de plenit. cap. 11. Ad motum satis tardi

Melancholiæ signa.

videntur. Vigiliæ, ob cerebri siccitatem, patiuntur, ex cap. 11. iam citato. Ob eandem rationem insomnia ijs familiaria, ex tex. 5. lib. 1. Prorrheticon. Somnus illis turbulentus est; imò horrendis somnijs agitantur, ex lib. de insomnijs. Metus, & mæstitia illis familiares, quòd mens ab atro succo, & vapore, non secus, quàm à tenebris perturbetur, ex lib. 6. aphor. 26. Vnde aliquando melancholia morbo, siue symptomate corripuntur; & maniaci euadunt, ex lib. 4. Aphor. 2. Spiritus raritas, seu respiratio rara, & taciturnitas, dum agitantur, eos tenet, ex sect. 3. lib. 3. Epidem. historia 15. Naturaliter etiam taciturni sunt, & hominum commercia effugiunt; inuidi sunt, & cupidi, fraudulentum, vatri, prauum, inimicitias, & odia diu obseruant, & nocendi occasionem solerti studio expectant. Cunctis diffidunt, sibi soli viuere intendunt.

Quod ad vitales actiones attinet, pulsus illis paruus, & tardus, qualis frigidis & siccis temperaturis conuenit, ex cap. 11. lib. de plenit.

Quoad actiones naturales, appetitu pollent eximio, ob humorem melancholicum copiosum in ventrem irruentem, qui, eundem ventrem corrogando, appetitum excitat; vt in superioribus à nobis expositum est. Ructus emittunt acidos: sitis vacuitas, saliuæ copia, & frigiditas, ex loco citato lib. de plenit. Appetitui canino, qui ex humoris aciditate procedit, ex lib. 2. Aphor. 21. & lib. 1. de symptom. causis, obnoxijitidem sunt. Expultricem facultatem pigram habent; Vnde rariùs, quàm ceteri homines, aluum exonerant: quod illis nocumento est; cum ex tali sacum & visceri muci in ventriculo & intestinis geniti retentione, prauum, fetentesque vapores sursum irruentes, ventriculi, septum transversum, cor, cerebrumque feriant, & non raro à debitis functionibus auerant. Diximus viuas esse nigricantes, & quasi turbidas, sæpius tamen claræ visuntur.

Appendix.

*Planetarum
temperamen-
ta.*

Pro coronide doctrinæ de humoribus, scire decet humorum efficientes causas iuxta Mathematicos, qui astris omnem efficientiam tribuere videntur. Planetis autem, atque duodecim Zodiaci signis vim indulgent calefaciendi, refrigerandi, humectandi, & exiccandi. Quare Saturnus frigidus & siccus, terreæque naturæ melancholiam consimilis temperamenti procurebit, veluti fortè Mercurius. Sol & Mars, quia calida & sicca astra, bilem. Iuppiter, utpote calidus & humidus, sanguinem; sicuti fortè Venus, quæ inter ætates iuuentutem vel adolescentiam habet, licet frigus & temperatam humiditatem causet, teste Alchabitio. Luna vim habet generandi pituitam; quia astrum frigidum humidumque. Clariùs fortè hoc ordine Planetarum naturas describemus. Saturnus est frigidus & siccus, melancholicus, terreus, naturæ humanæ inimicus &c. Iuppiter, est calidus & humidus, acereus, sanguineus, naturæ amicus, &c. Mars est immoderatè calidus & siccus, igneus, cholericus, &c. Sol est calidus & siccus moderatè, &c. Venus est frigida & humida temperatè, phlegmatica, &c. licet verè ad lous temperamentum accedere videatur, calida enim est & humida secundum quosdam. Mercurius in omnibus qualitatibus communis est, atque conuertibilis: Nam, cum calidis calidus, cum humidis humidus, &c. Alij tamen siccum & Melancholicum esse contendunt, vt inter alios testatur Alstedius. Luna est frigida & humida, quamuis moderatè calefaciat: magis tamen humectat quàm calefacit.

Deni-

Denique duodecim Zodiaci signa suis peculiaribus temperamentis gaudent. Vnde in quatuor triplicitates diuisa quatuor anni tempestates effor-
mant, vti his carminibus expressit Marcus Manilius.

Temporibus quoque sunt propria pollentia signa.

Æstas à Geminis, Autumnus Virgine surgit.

Bruma Sagittifero, Ver Piscibus incipit esse.

Cum a. Ver calidum & humidum dicatur, æstas calida & sicca, Autumnus frigidus & siccus. Hyems frigida & humida; Gemini, Cancer, & Leo, æstati præposita signa, calida sunt: Virgo, Libra, Scorpius, signa frigida & sicca, Autumnu efficiunt: Sagittarius, Capricornus, Aquarius, quia hyemē efficiunt, frigida: Pisces, Aries, Taurus, ver constituentia signa, calida, & humida. Vis ergo generandi sanguinem vernali tempestate vernalibus signis concedi debet: quod de reliquis tempestatum signis, & humoribus pariter pronuntiandum.

Sed Mathematici exactiori diuisione præfata duodecim signa in alias quatuor triplicitates hoc ordine distribuunt. Prima triplicitas ignea dicitur, quia Ariete, Leone, & Sagittario, quæ sunt signa calida & sicca, biliosa, amara, diurna, masculina, & orientalia, constituitur. Terream triplicitatem constituunt Taurus, Virgo, Capricornus, quæ sunt signa frigida & sicca, melancholica, acida, nocturna, feminina, & meridionalia. Aream triplicitatem efficiunt Gemini, Libra, Aquarius siue Amphora, signa calida & humida, sanguinea, dulcia, diurna, masculina, & occidentalia. Aquæ triplicitatem constituunt Cancer, Scorpius, Pisces, signa frigida, & humida, pituitosa, insipida, feminina, nocturna, & septentrionalia: Ex his conijcere licet varia signa ob varietatem temperamenti habere potestatem generandi varios humores.

Galenus cum Mathematicis diem naturalem in quatuor quartas siue quadras quatuor anni tempestatibus correspondentes dispescuit: Ita vt matutinum tempus veri comparauerit, meridianum æstati, vespertinum autumnino, nocturnum hyemi; quia hæ quatuor quartæ diei tempestatum anni naturam redolere videntur: Vt ergo vere sanguis augetur, ita in aurora diei; & sicuti in ætate bilis prædominatur, ita circa medium diem, quando Sol in altiori loco constitutus suos radios ad nos quam alijs horis rectius dirigit. Nam ob hanc maiorem directioremque radiationem calor apud nos in superficie terræ intenditur. Vespertino tempore Sole declinante melancholia, sicuti autumnino. Noctis autem decursu, veluti hyeme pituita crescit. Astrologi certis horis certum humorem prædominari aiunt. Sanguinem nimirum tribus horis ante Solis ortum, & tribus horis post ortum Solis. Sex subsequentibus horis prædominatur bilis: Alijs sex subsequentibus, tribus scilicet ante occasum, & tribus post occasum Solis melancholia: Et sex tandem vltimis, sed medijs noctis, pituitam. Vnde versiculi: Nona noctis, donec fit tertia lucis: Est dominus sanguis, sex in sequenubus horis. Est vigor in cholera donec fit nona diei: Post niger humor adeit donec fit tertia noctis. Postea phlegma viget donec fit nona quietis.

Multò adhuc minutius causas generationis humorum expiscantur Mathematici, dum inquirunt, septem hebdomadæ diebus septem planetas præfati, ita vt prima hora diei desumentis suam, denominationem ab aliquo planeta, talis Planeta prædominetur. In decursu tamen reliquo eiusdem diei semper planetæ secundum naturalē ordinem sibi inuicem succedentes prædominantur.

Duodecim signorum temperamenta.

Signorum exactior in triplicitates distributio.

Quatuor, quadre diei, quatuor anni temporibus correspondet.

Hora sanguinis, & aliorum humorum.

Prima hora diei planetæ eundem diem denotans prædominantur.

minantur, quilibet sua hora. Ordo autem naturalis Planetarum hoc versiculo cōprehenditur. Post Sim Sum sequitur, vltima Luna subest. Vox, Sim, Saturnum, Iouem, & Martem significat, vox verò, Sum, Solem, Venerem, & Mercurium: hos sex Planetas seprimus subsequitur Luna. Secundum autem hunc naturalem situm à diligentioribus mathematicis obseruatum diebus hebdomadæ seriatim nomina non sunt indita. Primam tamen Sabbati horam Prisci Mathematici, & præcipue Babylonij Saturno concedebant, secundam horam Ioui, tertiam Marti, quartam Soli, quintam Veneri, sextam Mercurio, septimam Lunæ. Octauam rursus Saturno, nonam Ioui, & sic deinceps donec peruentum fuerit ad horam 24. & vltimam. Hora autem vigesima quinta .i. i. subsequenteris diei cui Sol præficitur, à Sole gubernatur; secunda hora à Venere Solem immediatè subsequente: tertia hora à Mercurio: quarta à Luna, quinta à Saturno: sexta à Ioue: septima à Marte: octaua à Sole: nona à Venere: decima à Mercurio: vndecima à Luna: duodecima & vltima diei à Saturno; decimatertia, quæ est prima noctis, à Ioue: decimaquarta à Marte: & sic de reliquis diebus hebdomadæ procedendum.

Diei quidem Lunæ prima à Luna regitur: secunda à Saturno: tertia à

Ioue &c. Prima pariter hora diei Martis à Marte gubernatur: Pri-

ma hora diei Mercurij à Mercurio: Prima hora diei Iouis à

Ioue: Prima diei Veneris à Venere. Cum itaque ex di-

ctis constet, quem humorem quisque Planeta pro-

ducit, unicuique conspicuum erit, quis

humor quauis hora inæquali adau-

gebitur. Hic ergò huius

secundi libri de

humoribus

finis e-

sto.



NELLANI GLACAN

TIRCONALLIENSIS HIBERNI,

PHYSIOLOGIA.

LIBER TERTIVS,

DE HVMANI CORPORIS PARTIBVS,

Proximis Hominis Elementis.

CAPVT PRIMVM.

De Necesitate huius doctrinae, & definitione Partis.



Ostquam de primis, communibusq; elementis, igne, aere, aqua, & terra, libro primo, & de secundis elementis sanguine, pituita, & vtraque bile ex communibus, median-
tibus quibusdam transmutationibus, productis, libro secundo abunde disputauimus, nunc par est, vt hoc tertio lib. de partibus humani corporis ex humoribus immediate concretis, tanquam proximis hominis elementis, sedulo agamus. Tractatus hic communiter Anatomia

nuncupatur *ἀνα* enim idem sonat latine ac vtriusque, aut singulorum; aut per. *τομή* autem idem est ac sectio. Anatomia ergo, est singulorum sectio, i. sensibilis sectio separatione partium omnium corporis. Necesitatem cognitionis partium corporis innuit Hipp. lib. de offic. Med. vbi curationem a similitudine, & dissimilitudine instituendam præcipit. Vnde eius affectum morbo, sano crui conferri debet, vt recta instituatur curatio. Ob id recte monuit Aristoteles libro secundo de Anima: Rectum est index sui ipsius & obliqui. Gal. lib. 2. meth. cap. 3. eandem doctrinam his verbis confirmat: Quisquis igitur ex ijs, quæ particulis naturaliter insunt, & quæ temerè accidunt, & quæ actionis sunt causæ, distinguere non potest, quomodo credibile est, vt ipse affectum, ex quo primò læditur actio, inuenire possit? Lib. 1. de locis affect. c. 1. necessitatem dignoscendi partes, vt appositè curentur, etiam ostendit: & in meth. med. passim contra Theſſalicos, à parte curatiuum indicationem desumendam esse dilucidè demonstrat. Nos ideo hoc tertio libro partium naturam, siue temperiem, materiamque, conformationem, numerum, magnitudinem, connexionem, situm, actionem, & vsum breuiter inuestigabimus.

*Anatomia
unde deri-
uatur.*

*Anatomia
necessitas.*

Pars, particula, locus, membrum, synonyma serè sunt. Qui enim partem à par-

Pars, Particula, locus, sunt synonyma.

Mēbrum pro organica parte accipitur.

a particula distingui aiunt, latinam linguam ignorant, inquit Gal. lib. 1. Meth. c. 5. Pars dicitur locus Hippocrati, qui scripsit librum de locis in homine, id est de partibus. Gal. lib. de locis affectis, id est de partibus morbo infestatis, & libros de medicamentis secundum locos, id est, secundum partes: Membrum cum parte confundunt aliqui; sed Arist. membrum pro organica parte propriè accipit: cui Gal. ipse lib. 6. meth. consonus est, aliens, oculum, partem, & membrum licitè appellari, corneam verò tunicam partem, non membrum vocari. Auicenna. tamen, tam similem, quam dissimilem, membrum vocat. Græcis pars, μέρος dicitur: μέρος enim, siue μέροςμας, siue μερίς, idem est, ac διῆις, partior; per se enim facta diuisione obuenit. Pars etiam, aut portio μέρος μέρος, μέρος, aut μέροςον quibusdam Græcis dicitur.

Partis definitio ex Auicenna.

Definitio ex Fernelio.

In plurali partes definit Auicenna. 1. primi, doctrina 5. c. 1. hac serie: Mēbra autem sunt corpora, quæ ex prima humorum generantur commixtione; quemadmodum humores sunt corpora, quæ ex prima ciborum generantur commixtione, sicut cibi sunt ex prima commixtione generati elementorum. Verum hæc verba partium generationem solum exprimunt; quare multi cum Fernelio partem sic definiunt: Pars enim est corpus toti coherens, communique vita coniunctum, & ad illius functionem vsusque comparatum. Ab hac definitione Fernelius lib. 2. suæ Physiolog. c. 2. excludit humores, spiritus, callos, tophos, verrucas, tumorem præter naturam, pilos, vngues, adipem, medullam, oculi mediam partem, ossis fragmentum: Nam hæc omnia è numero verarum partium excludit. Sed minus rectè, quàm par est; nam pars ossis, quamdiu ossi adhæret, vera pars est, & viuit; alioquin totum os non viueret. Præterea oculi humores, cum actionem visivam vnà cum reliquis partibus edant, licet non cohereant, partes sunt, sicuti & adeps. Gal. ergò completius partem describit lib. 1. method. c. 5. hunc in modum: Quidquid enim totum complet, atque integrat, id totius, videlicet corporis quod complet, particula siue pars nominatur. Est enim pars ex ijs, quæ ad aliquid dicuntur. Quippe pars totius, integrique pars dicitur. Hæc descriptio sic clarior euadet: Pars est id, quod per se ad totius integritatem concurrat. Particula enim, per se, excludit ea omnia, quæ per accidens, & improprie partes dicuntur. Lib. 1. de vsu part. cap. 1. partes in plurali sic describit Gal. Quare quæunque corpora nec vn de quaque circumscriptionem habent propriam, nec vnde quaque coniuncta sunt alijs hæc particula vocantur. Hanc descriptionem eodem cap. præcedentibus verbis clarè exponit Gal.

Gal. definitio præstantior est.

C A P V T II.

De numero Partium.

Corporis diuisio ex Hippocrate.

Hipp. lib. 6. Epid. corpus diuidit in ἔχοντα ἰσχύμενα, ὁρμῶντα, siue ἐνορμῶντα id est, continentia, contenta, & impetum facientia. Per continentia solida quasuis partes, siue spermaticas, siue carnosas intelligit: quoniam partes solidæ humores, liquoresue omnes in se continent & comprehendunt. Per contenta, humores significat, qui à partibus solidis continentur: alioqui enim extra corpus sine mora fluerebant; raræ enim sunt partes

partes solidæ, quæ humores non contineant. Per impetum facientia, siue impellentia & incitantia, spiritus quoquouersum errantes, mobilesque ob sui tenuitatem & calorem, significauit. Verùm hæc diuisio non solum proprias, verùm etiam improprias partes, humores & spiritus complectitur, qui ab ipso nutriri dicuntur, sed hæc nutritio impropria est, quemadmodum nutritio ignis, qui potius augetur per iuxtapositionem, (vt loquuntur,) quàm per intus susceptionem. Spiritus autem, licet contineantur in suis receptaculis, corde, arterijs, cerebro, neruis, hepate, & venis, benè tamen per impellentia, siue incitantia, siue impetum facientia exponuntur ab Hippocrate, vt sic ab humoribus distinguantur, eorumque natura paulò melius exprimitur: vt nos in proprio lib.aperiemus.

Alexander non multò dispari modo, sed clariore tamen, corpus diuidit in *σερεὰ, στερεὰ καὶ πνευματώδη*, hoc est, solida, humida, & spirituosæ: Sic enim clariorem, & minus ambiguam restituit relata Hippoc. diuisionem. A spiritibus, qui aliquo modo corporis partes censentur, cum sint plurimi vsus, facilè discrepant flatus, quos fraudulentos spiritus vocat Auicen. quorum sæpè tam vehementes sunt impetus, vt maximos in naturali œconomia tumultus excitent, & videatur horum procellis ac fluctibus vniuersum corpus miserè iactari; vt benè inter alios exponit Laurentius.

*Flatus à
spiritibus
discrepant*

Secunda corporis in suas partes distributio traditur à Gal. lib. art. med. c. 9. vbi quatuor partium corporis differentias exponit. Prima differentia, siue genus, partes illas comprehendit, quæ principia nuncupantur: cuiusmodi sunt cerebrum, cor, & hepar, ac testes. Secunda differentia, siue genus continet partes illas, quæ à principijs iam dictis originem trahunt, eisdemque subministrant; vt sunt spinalis medulla, & nerui, qui à cerebro ortum habent: arteriæ à corde: venæ ab hepate: vasa deferentia semen à testiculis. Tertium genus partium continet illas partes, quæ nec aliarum gubernationi præsumt, sicuti principia, neque ab alijs gubernantur, vt partes iam dictæ, quæ à principijs reguntur; sed quæ insitas habent à natura potentias, siue facultates, à quibus reguntur: cuiusmodi sunt ossa, cartilagines, copula siue ligamentum, membrana, adenes, id est, glandulæ, & adeps. Quartum genus complectitur partes illas, quæ insitas habent facultates, vt se gubernent, ac insuper aliunde emanantes recipiunt; quæ ideo venis, arterijs, & neruis egent: cuiusmodi sunt organa sensuum & motuum.

*Secunda
corporis di-
uisio.*

Tertia partium corporis diuisio præcedente commodior, & à Gal. multis in locis insinuata, vt lib. 6. de vsu part. c. 7. est illa, qua partes communiter diuiduntur in partes nobiles & principes, & partes ignobiles, aut non principes, sed minoris notæ. Satis malè pars princeps à quibusdam definitur illa, quæ absolutè ad totius viuientis conseruationem necessaria est: Nam pulmones in homine ita necessarij sunt, vt sine his ne brevissimo quidem tempore, saltem sensibili, homo vivere queat. Pariter nec sine ventriculo, aut vesica aut intestinis multùm duraret. Multò ergò melius pars princeps definitur illa, quæ aliquam virtutem aut rem aliquam protinus necessariam ad vniuersum corpus, à se, tanquam à salutari fonte, transfundit. Triplex communiter pars princeps statuitur, cerebrum, cor, & hepar. Cerebrum enim pars princeps & omnium nobilissima censetur, quia facultatem animalem vehiculo animali spiritu, vniuerso corpori per neruos impertit: tum quia Palladis arx, & rationis, ac iudicij commodissimum domicilium esse iudicatur. Cor, licet non tam diuinas edat actiones, nobilissima tamen pars est; quia per arterias vitalem facultatem, vehiculo vitali spiri-

*Tertia par-
tium arti-
um.*

*Partis prin-
cipis vera
definitio.*

*Triplex
pars prin-
ceps.*

tu ad

tu, ad corporis partes transmittit, quæ eas penitus tuetur, & conseruat. Nisi enim vitali calore à corde in vniuersum corpus disperfo, partes quæuis veluti diuina quadam aura, fouerentur, illico insitus vniciue parti calor extingueretur; & consequenter animæ commercio, quæ sine natiuo calore in corpore nõ permanet, partes omnes priuarentur. Hepar inter nobiles partes tertium infimumque locum obtinet; quod quidem gratissimum, suauissimumque nectar, massam sanguinariam, sua virtute conficit, & vniuerso corpori alendo liberaliter distribuit, materiamque spiritui vitali generando suppeditat.

Testes sunt principia, sed nõ principes partes.

Dubio occurritur.

Partes ignobiles.

Quarta partium diuisio.

Quarta pars similis.

Gal. testes inter partes non principes vniuersi corporis, sed illas, quæ principia dicuntur, recensuit. Sunt enim testiculi in quibus semen conficitur, quod per deferentia vasa ad locum idoneum, vt rursus generatio fiat, transmittitur. Ergo cum sint principia generationis, rectè inter principia collocantur à Gal. lib. de art. parua, siue medicinali c. 9. Non tamen inde sequitur eos inter principes partes indiuidui collocandos: nam licet qualitatem quãdam vnã cum quadam tenui aura ad corporis partes transmittant, quæ ali-quale robur partibus tribuere videntur; non propterea partibus nobilibus adscribi debent: cum sine testiculis innumeri homines viuant, & quidem satis commodè. Quando Gal. placuit testes cordi nobilitate præferendos. lib. 1. de semine c. 6. speciei rationem, quæ vi testium præcipue propagatur, habuit. Testes insuper puram facultatem naturalem habent, quia generatrix naturalis est, vitalis verò superioris ordinis, ad indiuidui salutem conseruationem.

Reliquæ omnes corporis partes respectu nobilium ignobiles dicuntur: Aliæ tamen alijs ignobiliores: omnes tamen respectu nobilium infimæ conditionis; quia hæ vniuerso corpori nihil tribuunt; principes verò partes è contra, mediantibus nimirum nervis, venis, & arterijs, quæ delatoria seruitute nobilibus partibus famulatum præstant: Sicuti aliæ nonnullæ partes seruitute præparatoria; vt ventriculus, venæque meferaicæ alimenta præparant, vt ex ijs in hepate sanguis procreetur, & ita de reliquis. Sine chylosi enim diu animal viuere potest; sed sine sanguinis procreatione moriendum, vt lib. 6. de Placit. Hippoc. & Plat. habet Galenus. Ergo ventriculus non est pars nobilis, sicuti nec pulmo, qui, vt cordi refrigerium det, procreatus est, vt ex lib. 6. de vsu part. colligi potest.

Quarta partium humani corporis diuisio fit in similes, & dissimiles: & hæc est distributio Medico protinus necessaria; quoniã sic similes omnes, tanquam sensibilia corporis elementa, recensentur, & organicæ rursus ex his compositæ.

Partes similes, vocabulo *ὁμοιομερῆ*, insigniuntur ab Arist. referente Gal. lib. 6. de sanit. tuenda c. 2. & cap. 9. & lib. 8. de Placit. Hipp. & Plat. c. 4. in hoc, vt fertur, Anaxagoram sequuto, qui singularem *ὁμοιομερίαν* appellauit, quasi diceret, consimilem partem. Vnde Arist. lib. 1. de ma. animal c. 1. de similiari ita loquitur: Animalium partes, aut incomposite sunt, quæ scilicet in similes sibi partes diuiduntur, vt caro in carnes; & ob eam re similes appellantur. Eandem doctrinam habet Gal. lib. 1. meth. cap. 6. hæc serie: Homiomeros verò, id est similis pars est, sicut ipsum clarè indicat nomen, quæ vndique in similes diuiditur particulas: veluti in oculo vitreus humor, & crystallinus, & tunicarum propria cuiusque substantia. Omnes enim minimæ partes humoris vitrei sunt sibi protinus similes in materia secunda. Hæc adhuc doctrinam habet idem Gal. lib. 8. de Placit. Hippoc. & Plat. c. 4. vbi

ait: Corpora itaque, quæ vna circumscriptione clauduntur, interdum similia, eò quòd omnes partes sibi mutuò, tum toti similes habent: interdum simplicia, & prima nuncupantur. Similares enim prima corpora appellat, Platonem sequutus, qui eas *πρωτόγωνα* vocauit, eò quòd prioritate saltem naturæ compositis partibus sint puiores, & veluti prima sensibilia. corporis elementa, in quæ vltimo corpus humanum anatomica administratione resolui potest. Easdem partes simplicia appellat; quia antiqui, & præcipuè Arist. *ἁπλᾶ καὶ ἀσύνθετα μέρη* id est, simplices, & incompositas partes vocant. Partem similem, ob dictam vniformitatē, & similitudinem, totalem substantiæ materialis homogeneam nominare solent, id est, consimilem in genere: Genus enim, species, & differentia à Medicis confunduntur. Hic ergo genus pro specie capitur.

Qui a. similem partem eandē cum toto rationem habere contendunt, si de partis figura loquantur, longè falluntur; quoniam ossis frustum non eandem cum osse sorti tur figuram, sed longè diuersam. Ergo similitudo illa particule partis cum toto simili, est penes materiæ secundæ similitudinem; quæ vbique in tali toto, siue parte simili sibi similis est: & hac ratione partes partis similares, & toti parti, & sibi similes sunt. Sic enim, quælibet pars carnis caro est & dicitur: quælibet autem pars venæ toti venæ, & alijs comparibus ratione materiæ consimilis est: pars tamen quælibet non est vena.

Pars similis subdiuiditur in prima corporis sensibilia elementa: quæ *Numerus partium similiarum* sunt os, cartilago, ligamentum, seu vinculum, seu copula ossium, tendo, membrana, fibra, neruus, vena, arteria, adeps, cutis, caro, spinalis medulla, pilus, vnguis, humor aqueus in oculo, humor chrySTALLINUS, & humor vitreus: vt colligitur ex Gal. doctrina lib. de morb. different. cap. 3. & lib. 1. de element. cap. 6. Arist. lib. 2. de part. animal. c. 2. partes similes ratione diuersarum qualitatium, quibus ornantur, hac serie diuidit: *τῶν δ' ὁμοιομερῶν μορίων ἐν τοῖς ζῴοις, ἔστι, τὰ μέγιστα, καὶ ὑγρὰ, τὰ δὲ σκληρὰ καὶ στερεὰ*, id est, Partium autem similiarum alia molles, & humida sunt, alia dura & solida. Consequentiè autem in eodem cap. partes molles, & siccas sigillatim sic recenset: Humida, vel, omnino, vel quamdiu in constitutione naturæ manent, sanguis, sanies, adeps, seuum, medulla, genitura seu semen, lac, vbi haberi solet, caro, & quæ ijs proportionem respondent. Non enim omnia animalia partes has obtinent, sed sunt, quæ ad proportionem nonnullarum ex ijs constant. Sicca, ac solida inter similes sunt, os, spina, neruus, vena. Hæc partitio per se manifesta est. Id autem, quòd paulò post Philosophus profert, rationi protinus reluctari videtur, dum inquit, quasdam partes similes idem nomen cum toto retinere: vt venæ pars vena rectè appellatur. Quomodo, obsecro, venæ frustum vena rectè nominabitur, si ratio venæ consistat in vase oblongo, & sufficienter producto? Portiones, quarundam similiarum partium, vt *Partes nobiles ratione substantia propria similes sunt.* Partes nobiles ratione substantia propria similes sunt. Partis similis diuisio.

Medici partem similem in sanguineam atq; spermaticam dispescunt. Et sic à duobus nostræ generationis principijs, semine & sanguine, hanc

diuisionem eruant. Partes sanguineæ dicuntur rubicundæ præcipuè, & carnosæ, licet aliquæ sint partes carnosæ, quæ rubicundum colorem præ se non referunt. Partes spermaticæ colorem albicanti semini similem referuant; & penè solidæ sunt ac duræ, vt os, cartilago, vinculum siue ligamentum, tendo, membrana, fibra, vena, arteria, neruus, unguis, cutis ex parte. Reliquæ fermè omnes sanguineæ sunt, & carnosæ, Carnis autem differentias suo loco dicemus.

Nunc ad dissimilare partem accedamus. Partes dissimilares vocat Arist. lib. 1. de hist. animal. c. 1. *σύνθετα*, & *ἀνομοιμερή*, id est, compositas & dissimiles partes. Vtus tamen in icholis multum, vt partis organicæ nomine frequenter donetur. Dicitur enim pars composita, quia ex similibus coalescit, & nihil aliud est præter quasdam similes simul in vnum coalescentes. Dicitur pars dissimilis, siue dissimilaris, quia ex partibus diuersæ rationis. i. diuersis partibus similibus concinnatur. Dicitur etiam pars secundaria, quia ex primis partibus, similibus nimirum, coagmentatur. Dicitur organica, non quod parti similitari organi ratio deneganda sit, sed quia pars dissimilaris magis propriè organi rationem induit, & nobiliores, subtilioresque, quàm similis pars, actiones edit. Licet autem partes dissimilares nihil sint præter quasdam similes simul adiunctas, ex quibus rectè connexis exurgit debita conformatio, magnitudo, numerus, & situs (de quibus in Pathologia) rationem organi constituentes, multò tamen perfectiori modo agere videntur, quàm similes, & præcipuè, quàm illæ quæ non sunt organica. Organum tamen dissimilibus simul & quibusdam similibus commune est. Nam organum ex Gal. lib. 1. meth. c. 6. est animalis pars, quæ perfectam actionem edere potest: veluti oculus visionem, & lingua loquelam, & crura itionem. Ad eundem modum & arteria, & vena, & neruus, tum instrumenta, tum partes animalis sunt. Organum enim & instrumentum coincidunt, quare organum interpretes loco cit. vertunt, instrumentum.

Commodè dixi, rationem organi, quibusdam similibus congruere; vt ijs partibus, quæ certam quandam figuram ad peculiare officium perficiendum, exposculant: cuiusmodi sunt neruus, vena, & arteria, quæ quidem non solū naturalibus facultatibus, quibusvis partibus communibus, imbutæ sunt, sed in super alia exercent munia, sibi solis peculiararia. Neruus in virtutem sentiendi & mouendi à cerebro in vniuersum corpus deuehit: arteria vitalis virtutis ad vniuersas corporis partes sola est delatrix. Vena sanguinis in vniuersas partes vectrix, atque distributrix esse censetur. Non solū ergo attrahunt, retinent, concoquunt, nutriuntur, & expellunt, sicuti caro, verū etiam peculiari quodam officio funguntur, vt alijs etiam corporis partibus prosint. Organum etenim, siue instrumentum, est pars, quæ aliquam peculiarem, eamque perfectam actionem corpori vtilem edit.

Compositæ partes dicuntur, quæ aptæ sunt secari in partes dissimiles, non in similes: vt manus non in plures manus secatur, aut facies in plures facies, sed in plures partes diuersas: Quapropter eas dissimilares nominemus, vt loquitur Aristotel. lib. 1. de hist. animal. c. 1. qui partem dissimilarem esse ait, quæ in partes dissimiles secari potest: Imò organum secundum eius doctrinam lib. 2. part. animal. c. 1. cum dissimilari coincidit: quàm obrem, inquit, partes organica, quas officiales & instrumentarias licet appellare, ex omnibus, neruis, carne, cæterisque eiusmodi constant, non illa ex ijs. Hinc patet Arist. organum cum dissimilari parte coniungere, nec immutari:

tò:

Dissimilaris & composita idem significant.

Organum quid.

id: Nam partes similes, vena, arteria, nervus, quæ à Gal. instrumenta pincupantur, in rei veritate dissimiles sunt. Pars verò composita in quatuor ordines diffecatur à Gal. lib. de different. morb. c. 4. & alibi. Organum siue instrumentum primi ordinis est illud, quod ex solis similibus partibus coagmentatur: cuiusmodi sunt musculus, vena, arteria, veluti nervus, qui tunica exteriori, & interiori veluti medulla coalescit. Inter instrumenta secundi ordinis connumeratur digitus, qui ex primis iam dictis instrumentis, alijsque partibus refultat. Tertium instrumenti genus est adhuc magis compositum: ut pes, qui pluribus constat digitis, tarso insuper, pedio, &c. Quartum instrumenti genus tertio est magis compositum: cuiusmodi est crus, ex pede imo, sura, & reliquis partibus constitutum.

*Organum
quadruplex.*

CAPVT III.

In quo obices contra dicta solvuntur.

Objiciunt aliqui, ut Conciliator different. 34. Fernelius lib. 2. suæ Physiolog. c. 2. Fracastor, & alij, pilos & vngues à partium censu excludendos, quod ex recrementis, & non veris humoribus generentur; ut colligitur ex Gal. lib. art. med. c. 9. ubi hæc habet: Capillorum autem, atque vnguium, neque regimen ullum est, sed generatio tantummodo. Galenus his verbis ostendit, vngues & pilos naturalibus facultatibus non regi, nec consequenter nutriri. Veras enim corporis partes antea distinxit in quatuor differentias, de quibus in sequentibus, à quibus pilos & vngues secrevit. Lib. autem 2. de anatom. administrat. cap. ult. hæc habet Galenus: Verum in vngues hæc non dispensantur, eò quod pilorum more à radice exeuntes augentur. Hoc enim sermone visus est Gal. vitam, quam eodem cap. vnguibus concessit, iisdem adimere. Varijs autem in locis pilos ex fuliginibus nasci aperte docet, & præcipue lib. 2. de temperament. c. 5. ubi hæc habet: Sin veluti fuliginosus, crassusque & terreus vapor sit, subinde contingit, ut in angustis spiramentis impactus nec facile rursus intro redeat, nec vacuari possit: hunc igitur alius rursus è profundo subiens ferit, prorsumque impellit, tum hunc rursus alter, atque illum alius: ac multos mihi eiusmodi vapores fuliginosos alium super alium impactos tempore complicari, coniungere, intellige, ac vnum eiusmodi efficere corpus, quale est ea, quæ foris cernitur fuligo: nisi quod hic, quantum spissatum est, tantum etiam per transitus angustiam stipatum, in angustam prorsus reductum est formam.

1. Obiectio.

Pilorum generatio.

Quod verò nomine fuliginis, ex qua pili enascuntur, excrementum intelligat Gal. liquidò constat ex eodè cap. hoc ordine: Pueri enim admodum parvi nudi sunt pilis, quod utique nec meatus adhuc ullus illis in cute est, nec fuliginosum excrementum. Incipientes autem pubescere, paruos & imbecilles exerunt: at qui iam florent, valentiores, multos & magnos, & nigros habent, quod & frequentes iam meatus ijs facti sunt, & fuliginosis excrementis præ siccitate & calore abundant. Planè hic, alijsque innumeris in locis, fuliginem recrementum siccum & adustum vocat Gal. Multi etiam viri docti vagues ex crassis recrementis nervorum, tendinum, ligamentorum, articularum, venarumque digitorum generari contendunt. Cum

Cur pueri nuper nati pilis caret.

Vnguin generatio

*Secundum
quosdam.*

ergo ex superflua & reiectanea materia, tam vngues quàm pili nascantur, liquidum est eos vita carere, & propria accretione non augeri; nec propriè nutriri per sintussusceptionem, sed per iuxtapositionem, seu per additionē nouæ substantiæ radicibus vtrorumque. Proinde quod in pilo radix nūper erat, rursus in eodem fit medium, & tandem fit extremum eiusdem pili; cum tamen in vera nutritione & accretione res aliter succedat: Nam partes, quæ præexistebant ab initio, quæque vita fruebantur, vnde quaque nutriuntur, alimento omnibus partibus sigillatim communicato.

Solutio.

Pili & vngues ossibus frigidiore siccioresque sunt.

Pili & vngues semper generantur.

Solutio.

Sed ad locum Gal. lib. art. parua facilis est responsio, pilos & vngues nō habere ex se sufficiens regimen, nisi eorum radicibus alimentum apponatur, vi facultatis expultricis aliarum partium: sunt enim partes, quæ extra corpus ferè sunt, &que imbelles, ob maximam frigiditatem & siccitatē, quæ duæ qualitates illis fortè multò intensiùs, quàm ossibus competere videntur. Quare cum imbecilles ex se habeant naturales virtutes, necessariò quasi semper generantur. Vnde Gal. ait, ipsos generari & magis generari, quàm regi. Verùm generatio illa peculiaris nutritio quædam est, quam diu pili integri permanent: dum verò defunt, de nouo generantur, quamuis semper generentur tam pili quàm vngues, teste Gal. lib. 1. de vsu part. cap. 11.

Ad id verò quod dicebatur, vngues & pilos fieri ex recrementis, respondeo, id negando. Nam fiunt ex materia quadam viscida multumque cocta, quemadmodum & alię multę partes; vt apparet ex continuitate & optima vnione eorundem vnguium, atque pilorum. Dicitur autem pilus ex fuligine nasci, quia materia pili est probè cocta, & veluti adusta in modum veræ fuliginis; licet mera fuligo cineritia materia longè distet à materia pilorum, quæ humoris rationem habet. Vnde fæminæ, tamen si viris frigidiores, productiorem, densioremque crinem emittunt, quàm Viri; cum tamen cōtrarium accidere deberet, si ex fuligine pilus nasceretur: nam viri, vtpote calidiores fæminis, plus fuliginis, quàm illæ procreant. Demum, ossa partes ab omnibus censentur, terrea tamen sunt & ab intenso calore producta. Cur non ergo similiter pili & vngues?

Solutio.

Ad id quod dicebatur, vngues non propriè nutriri, sed radicibus apponi alimentum, Respondeo proinde non destitui vera nutritio; alioquin, dentes qui veluti à radice nascuntur, & crescunt, & per hanc suum suscipiunt alimentum, veræ partes non essent.

Solutio.

Ad id verò quod asseriebant, pilos, nec vngues propriè crescere in trinā dimensionem, Respondeo hoc falsum esse. Nam licet pili non sint valdè crassi, non proinde ijs accretio deneganda est; alioquin fibræ quæ naturaliter exiles sunt, non essent partes, sicuti nec membranæ, quæ latæ sunt, & nusquam profundæ. Pili ergo & vngues decursu ætatum sufficienter secundum trinam dimensionem crescunt: nec crescunt propriè in cadaveribus, vt quibusdam placuit, sed quibusdam crescere videntur, quia macerata & absorpta carne & adipe, partium subcutanearum, quæ tumore & eleuationem in habitu corporis, pariebant, cutis vniuersa valde deprimitur; & sic occultæ, ac imæ pilorum partes deteguntur: ac consequenter pili paulò longiores apparent; detecta nimirum radice, vt benè monet Alexander Probl. quæst. 40.

2 Obiectio.

Obijciunt secundò ratione, pilos & vngues esse corpora homogenea: atque adeo anima nō informari, nec viuere, quia anima est actus primus corporis organici.

Respon-

Respondeo consequentiam esse absurdam; quia os, cartilago, membrana &c. sunt corpora homogenea, anima tamen æquè ac reliquæ partes informantur. Concludendum ergo cum D. Thoma in 4. sentent. distinctio-
ne 44. quæst. 1. artic. 2. quæstiuncula 3. Scoto in 4. distinct. 3. quæst. vnica
artic. 7. D. Bonauentura in 4. distinctio. 44. quæst. 2. Durando eodem di-
stinct. quæst. 1. D. Augustino lib. 6. Musc. c. 3. Veiga comm. in c. 9. art. med. *Pili & un-*
Viguerio de Institut. c. 21. Iauello lib. 2. de anima quæst. 10. pilos & ungues *gues anima*
viuere & facultatibus naturalibus frui; non quòd existimem, eos quadam *rationali*
vegetatrice anima à rationali distincta informari, vti placuit Bonauenturæ *informan-*
& alijs, sed ipsa anima rationali, quæ triplicis animæ functiones manifeste *tur.*
edit & explicat.

Obijciunt terriò, adipem non esse veram partem; quia, inquiunt, à frigore veluti ab efficiente causa concrefcit, vt varijs in locis testatur Galen. *3. Obiectio.*

Respondeo adipem à calore remissiori, non verò à mero frigore decur-
su ætatum concrefcere, tanquam ab instrumentaria causa; à forma verò
totius, tanquam à causa principali. Calor autem natiuus veluti animæ
instrumentum operatur. Et hic ipse est, qui sanguinem in pinguedinē con-
uertit, teste Arist. lib. 4. de part. animal. c. 3. vbi de omento, siue epiploo, &
pinguedine inibi orta loquens, hæc habet: Item propter membranæ den-
sitatem, quod sanguinei alimenti transmissum colatumque est, id pingue
esse necesse est: tenuissimum enim hoc est, & calore loci istius concoctum
pro carnosa & sanguinea coagmentatione in seum aut adipem euadere
necesse est. Omentum ratione hac gignitur. Sed natura eo abutitur ad
cibi meliorem concoctionem, vt facilius celeriusque cibis concoquatur.
Calor enim vim habet concoquendi, pingue autem calidum est, & omen-
tum pingue est. Eandem habet sententiam Arist. lib. 2. de part. animal. ca.
5. Seum, inquit, & adeps inter se differunt sanguinis ratione: Est enim
eorum vtrumque sanguis concoctus per bonitatem enutriendi: consistit-
que ex eo, quòd in pulpam quidem animalis non absumitur, sed conco-
ctionis alimentique bonitate præditum est. Indicat id pinguedo eorum, *Pinguedo*
cū pingue inter humida, commune ignis & aeris sit. Ex his patet, pin- *coctione fit*
guedinem coctione fieri: est enim pinguedo sanguis coctus, ex Arist. ibi- *Pingue æ-*
dem. Ergò adeps & ratione materiæ ex qua fit, & ratione causæ efficien- *reum & i-*
tis instrumentalis calida erit: atque adèò à frigore fieri nequit. Et sanè do- *gnum.*
ctrina hæc à Gal. aliena non est, qui, vt ex citatis superius locis constat, *Pinguedo.*
pinguedinem & adipem coctione fieri asseruit, pinguedinemque calidam
& humidam esse protulit. Lib. autem, 16. de vsu part. et instar olei pinguis,
& concreta: Sed oleum calidum est & humidum. Ergò & adeps. Sed
calida à calido per se sunt, nunquam à frigore, nisi per accidens. Demum
Gal. lib. 4. de vsu part. c. 3. ait, ventriculum à musculis substratis & pingue-
dine sibi agnata cal. fieri.

Fernelius suum argumentum roborare nititur ex eo, quòd humor in ve-
nis non est pars. Ergò concretus vi frigoris extra venas non poterit esse
pars; alioquin grumus sanguinis congelati in ventriculo, eique adhærens,
erit pars corporis. *4. Obiectio.*

Respondeo concedendo sanguinem in venis non esse partem: negando *Solutio.*
tamen malam similitudinem, qua infert Fernel, grumum sanguinis esse
partem corporis, si adeps inter partes corporis numeraretur. Facit. n. com-
parationem inter rem corruptam & præter naturam, quæ inutile est excre-
mētum, & partem puram ac vtilem corpori: grumus enim est res toto ge-
nere

nere præter naturam; & si vis, morbus in numero addito, sicuti pus, calculus, & lumbrici. Vel esto excrementum ad libitum: Adeps verò res utilis est, corpori naturaliter cohærens, & recta ab intrinsicis facultatibus, coctrice, attractrice, expultrice &c. Estque insuper substantia corporis purissima, siquæ sit alia: generatur enim in ijs, qui benè nutriuntur, vt habet Gal.lib. 11. de simpl. medic. facul. Vnde lib. de Dynamidijs, capit. de catharticijs, non malè præcipitur, pinguedine abundantes non esse nimis purgandos. Pinguedo tandem, quia à natura regitur, non putrescit, vt grumus.

Præterea falsum supponit Fernel. adipem à frigore fieri: falsumque rursum, adipem nihil aliud esse præter sanguinem concretum ab eodem frigore. Ait enim, ipsum sola concretione sanguinis fieri; carnem verò, sicuti reliquas partes corporis, non ex sanguinis concretione, sed ex sanguine conuerso fieri. Falsa, inquam, hæc doctrina est; quia grumus est verè sanguis concretus & coagulatus, nam est extra uasatus sanguis, qui amplius vi peculiari conseruatrice venarum non regitur, nec à calore natiuo partium, in quas decubuit. At verò adeps non ita ex sanguine concreuit, sed à calore natiuo partium, quibus hæret, regitur concoquiturque: Vnde albicans color ei accessit, non verò colorem sanguinis amplius retinet. Melius ergò Fernelius cum Arist. dixisset, adipem esse sanguinem coctum, quam vi frigoris concretum, Meliusque cum Gal. lib. 3. de simplic. medic. facul. c. 4. sanguinem in adipem conuerti, tanquam in rem specie distinctam, sicuti alias partes. Gal. verba sic habent: Nec enim quicquam, ex specie in speciem mutari queat, citra excalfactionem, refrigerationem, humectationem, & resiccationem. Dico autem ex specie in speciem, velut cum ex pane, & ptisana, lente, sanguis, pituita, bilis tum flaua, tum atra: atque ex his iterum adeps, os, neruus, caro, vena, arteria, atque adeo cæterarum animantis partium vnaquæque gignitur. At si secundo nos quippiam, veluti vitrum & ensis; aut contundendo, vt lapis & plumbum; aut segregata coarctando, vt vinculum, quadamtenus partes alteret, ea haud pharmaca fuerint: quippe cum eiusmodi alterationum nullæ rerum omnium ex propria recedant natura. Etenim siue minutim panem frangas, concidasque, siue minutim concisum colligas in vnum, non tamen propriam ideo formam exuerit: neque caro ex pane fiet per cōtusionem, neque os, exempli gratia, per coarctationem. Verum dum in ventre, venisque concoquitur, in sanguinem, pituita nque abit; atque inde ex istis in os, carnem, & alias corporis partes, tota sua substantia alteratur, vtereturque naturam exiit, in aliam transiens speciem.

Ecce sicuti Gal. clarè docet adipem non esse sanguinem cōcretum, dum ait, sanguinem transmutari in res specie distinctas, vt adipem, carnem, &c. nullatenus permanente sanguinis natura; pars enim formæ præcedentis in genito non remanet, docente Gal. lib. 2. de facul. nat. c. 2. vbi hæc habet. Natura nullius materiæ veterem formam seruat. Quippe ita sanguis esset cunctæ animalis particulæ, is scilicet, qui à matre conluit ad maris semen, vna, vniufque formæ materia, cerè vice artifici subiecta. Nulla verò animalis partium pro ea ratione ex hac rubra, humidaue efficitur: siquidem os, cartilago, arteria, vena, neruus, adeps, glandula, membrana, medulla, exanguia quidem sunt, ex sanguine tamen facta. Ergò adeps à sanguine specie distinguitur, & per veram coctionem sanguis in adipem conuertitur, cum eodem modo sanguis in adipem, ac in alias partes con-

*Sanguis in
adipem spe-
cie distin-
ctam con-
uertitur.*

*Fetus for-
ma corru-
pti in geni-
to permane-
re, nequit.*

conuertatur. Ergò adeps non est sanguis concretus: nam rem esse concretam, aut in minutas, tenuesque partes diuisam, aut rarefactam, non est rem mutare speciem, aut propriam naturam; quòd optimè indicauit Gal. aiens, panem minutim fractum, aut secundum omnes minutas partes in vnum rotum coactum, non exuere formam panis, nec mutare speciem. Ergo adipis natura, nec generatio consistit in concretionem facta à frigore, vti placuit Fernelio. Nam adeps liquida, adeps est, æquè ac concreta. Fit enim ex sanguine è venulis transsudante, & roris instar disperfo supra tunicas aut partes nerueas, rursusque concocto, & trasmutato.

Sed pro Fernelio instabit aliquis, Galenum manifestè docuisse adipem à frigore concrefcere. Nam lib. 6. de anatomic. administrat. cap. 6. ait, pinguedinem à calore liquefcere, à frigiditate conseruari. Vnde in neruosis partibus semper consistit, & ijs, qui ociosam vitam agunt, abundat.

Paulò ante respondi, adipem & pinguedinem à remisso calore membranarum, neruorum, aliarumque partium spermaticarum, tamquam ab animæ instrumento concrefcere; atque adeo nomine frigidi intelligendum, esse calorem moderatum in scriptis Galen. vt sibi & veritati concors videatur.

Crediderim præterea Gal. ex sua sententia nunquam asseruisse adipem à frigidissimo fieri, vti loquitur, sed potiùs ex quorundam antiquorum sententia; vt colligitur ex lib. secundo de simplic. med. facult. c. 20. vbi Galen. nonnullorum controuersias mouet. Quidam enim oleum frigidum esse putabant, quod concrefceret, & viscidum esset. Alij è contra calidum, quia viscidum. Hac autem controuersia ortum ducit ex varijs opinionibus Peripateticorum, & Stoicorum, quorum h. aerem frigidum ponebant, illi calidum. Cum verò pinguedo ad olei naturam accedat, eam calidam esse quidam rebantur; quia, inquit, in sanis generatur. Sed quod in sanis generatur, à calida validaque natura fit, ex Philosophorum opinione. Alij ex aduerso contendebant, pinguedinem in frigidis naturis nasci. Vnde in faminis, quàm in viris, & in ijs, qui ociosam vitam transigunt quàm in exercitatis pinguedo copiosius gignitur. In frigidioribus pariter regionibus pinguescunt homines, in calidioribus gracilescunt. Præterea animalia natura calida graciliora sunt, vt canes, leones, pardales. Alij verò existimabant, adipem in alimento benè à natura confecto exurgere, licet eius pars in ipsis cibis præfuerit. A calore rursus nostro natiuo consumitur, veluti à flamma oleum: vbi verò calor natiuus infirmior factus est, adeps non absomitur, sed coacernatur. Tandem de oleo adhuc certantes, ipsum esse frigidum putabant, quòd eo madefactæ apes, muscæ, vespe, formicæque, frigida quidem animalia, intereant. Verùm licet olei naturam dicto libro satis solemmniter perscrutatus fuerit Gal. controuersiam, de pinguedine sub iudicis arbitrio indecisam reliquit. Constat ergò, ipsum ex antiquorum quorundam opinione dixisse adipem à frigido aut frigidissimo concrefcere.

Obijcit quintò Fernelius, adipem in alimenti penuria, siue inedia cedere in partium alimentum. Ergò nequit habere rationem partis.

Respondeo negando antecedens: Falsum enim est, adipem tunc in alimentum conuerti, sed funditur potiùs & colliquatur, quàm in nutrimentum conuertitur; quemadmodum & ipsa caro; vt videre est in febribus colliquantibus, & febribus hecticis, in quibus humiditas adiposa, & humiditas carnea funditur, absomiturque, teste Gal. lib. 7. meth. med. c. 6. in quo

& in

Instantia.

Solutio.

Galen. ex propria mente nunquã asseruit adipem à frigore fieri.

5. Obiectio.

Solutio.

& in fine cap. 5. quatuor siccitates quatuor humiditatibus oppositas exponit. Præterea, si tempore inediæ adeps in partium alimentum cederet, pariteret & caro: eadem enim est proportio; nam si humido solida nutriantur, humidum carneum æquè proderit, ac humidum adiposum. Vnde loco iam citato tertiam humiditatem adiposam & carneam vocat Gal. Non negandum tamen, tempore inediæ facilius adipem quàm carnem à calore digerì, ut ex his Gal. verbis c. 4. lib. 2. de temperament. colligi potest: Quicquid in sanguine pingue, leue & tenue est, id in calidioribus corporibus alimentum quoddam calido fit, in frigidioribus seruat: cumque id venæ extra se transfuserint, ubi in frigidas particulas incidit, quod genus membranæ sūt, circum eas concrefcit: in partibus verò natura calidioribus, cuiusmodi carnosæ sūt, à calore ipso absumitur, ac digeritur, nisi sicubi frigiditati temperamenti, etiam vita indulgentior accedens, ipsis carnosiss partibus adipis aliquid alliat. Hinc patet, adipem esse commodiùs caloris nativum nutrimentum, quàm carnem; quia adeps est pars pinguis ad oleosam naturam, & humidum radicale accedens: Vnde cum oleosa parte sanguinis nutriatur calor nativus, cumque adeps factus sit ex tali oleosa substantia, cui multò commodiùs eius nutrimentum, quàm caro.

6. Obiectio. Obijcit tandem sextò Fernelius: Adeps nullam habet propriam circumscriptionem aut figuram, cum tamen omnes veræ partes, siue similes, siue organicae, circumscriptantur aliqua determinata figura. Ergo adeps non est vera pars.

Solutio. Respondeo concedendo adipem nullam ex se requirere figuram; adeoque nec propriam habere; nego tamen proinde adipem non esse partem. Præterea, quando inquit, quamlibet partem, tam simplicem, quàm compositam, propriam habere circumscriptionem, aut figuram, eius negligentiam protinus admittor. Nam communis & evidens doctrina in scholis à Gal. relicta est, partes similes, quatenus simplices sūt, nihil aliud à natura obtinuisse, præter temperiem quatuor qualitatum primarum, ortam ex elementorum commixtione, & partium unionem. Vnde duo morborum genera, dictis duabus constitutionibus opposita, similibus competunt; intemperies nimirum, tanquam peculiaris morbus, ei soli conueniens, & solutio continui, quæ illi, & parti compositæ conuenit. Figura verò & conformatio, ac vera circumscriptio, soli organicae competit. Proindeque omnium Medicorum communi consensu, morbus in figura vitata soli organicae, nequaquam simplici, nisi per accidens, quatenus scilicet est pars partis dissimilatis, conuenit. Ideo Gal. lib. de different. morb. c. 3. ait, carnem, quatenus ad instrumenti complementum concurret, habere magnitudinem, & figuram. Ex se autem caro non habet propriam circumscriptionem; sed musculosa pro natura diuersorum musculorum, diuersam obtinet naturam. Idem de alijs carnis speciebus dicendum. Imò ossium non est vna, nec certa figura, quatenus similia sūt, sed quatenus organica.

7. Obiectio. Obijcies septimò, venam & arteriam, quas similes esse diximus, esse dissimiles, ut patet ex cap. 4. lib. de different. morb. ubi eas inter prima organa & instrumenta reposuit Gal. imò ibidem docet prima instrumenta ex similibus componi his verbis: Vniuersaliter enim quæcunque ex similibus vnius operationis gratia sūt constituta, inter prima instrumenta censentur. Ergo vena & arteria, quas similes esse docuit Gal. lib. de different. morb. c. 3. lib. 1. de facult. nat. c. 6. & lib. 1. de element. cap. 6. dissimiles

lares esse voluit, vt vterius habetur lib. de inæquali intemperie cap. 2. Vbi ait, venam & arteriam ex fibris & membranis esse conditas.

Respondeo cum Gal. lib. 1. de element. c. 6. venam & arteriam iuxta rei veritatem esse partes dissimilares, sensus autem iudicio esse partes similes. Partes enim quæ sensu simplices apparent, similes appellantur, ex Galen. lib. de optima corporis constitutione c. 2. Sed in venis & arterijs nullam naturæ dissimilitudinem sensus deprehendit, magis, quàm in alijs similibus: Nam eandem videntur habere consistentiam, colorem, temperiem, & figuram omnes venarum partes, omnesque arteriarum.

Obijcies octauò, si adeps est corporis pars non solum integrans, sed constituens, pariter sanguis probe coctus, & spiritus. Quod quidem visus est asserere Arist. quoad sanguinem: Nam lib. 2. de partib. animal. c. 2, sanguinem animalis partem esse statuit. Imò inter similes partes sanguinem collocat lib. 3. de histor. animalium c. 2. & c. 19. eiusdem libri sanguinem animatum esse fateatur: palpiat. in. inquit, intra venas sanguis omnium animalium, pulsusque simul vndique mouetur: & semper quamdiu vita seruatur sanguis vnus animatur & feruet. Rursus Leuitici cap. 17. dicitur anima omnis carnis esse in sanguine. Propterea fortè à S. Thoma in 4. distinct. 44. quæst. 1. art. 2. & ab omnibus Theologis communiter iudicatur in resurrectione corporum quodlibet corpus denuò habiturum quatuor humores.

Respondeo negando paritatem; nam sanguis, quantumvis coctus, pars corporis vera & essentialis esse nequit; quia à natura destinata est in massa sanguinaria, vt ex ea spiritus procreentur, corpusque nutriatur. Præterea nulli parti continua est, aut annexa, nec stabilem occupat sedem. Si deniq; esset vera pars, anima rationali informata, non esset constituta ad substantiæ deperditæ restitutionem; cum partes naturales corporis stabiles esse debeant, & permanentes. Arist. lib. 2. de part. animal. cap. 10. pronunciat, sanguinem non esse animalis partem, sicuti facit Gal. lib. de nat. hom. & lib. 2. de elementis. Hanc sententiam amplectuntur Sæctarum Principes; S. Thomas 1. part. quæst. vlt. art. 1. ad 3. Scotus in 4. distinct. 44. quæst. 4. Et rectè sanè; nam vix concipi potest, quomodo sanguis in partium nutritionem cederet, si esset pars corporis, quia nihil haberet de nouo, quod antea non habuit quoad rationem compositi. Quod patet, quia antea ex aduersarij opinionione sanguis fuit informatus anima rationali, & post sui conuersionem in partes, etiam anima rationali informatur. Ergò non conuertitur propriè in substantiam partium, cum eandem semper obtineat formam. Non enim fit conuersio, nisi cum amissione primæ formæ. Si verò concedant aduersarij, sanguinem in partium substantiam conuerti, necessariò concedere debent, eum acquirere nouam formam, id est formam totius, quam antea non habuit. Quod de sanguine dictum est, idem de ossium medulla, semine, & lacte, proportionem seruata, dicendum. Quoniam hæc omnia proprias habent formas, & non nisi impropriè & per quandam concomitantiam anima informantur, eò quod partes, in quibus hæc omnia continentur, anima informantur. Pariter etiam dicendum, spiritum omnem aberrantem, ex eodem sanguine præcipuè genitum, non esse partem, propriè dictam. Spiritui tamen insito, vitam libenter concedo; quia est portio partis cui hæret.

Ad prædicta ergò loca tam Sacræ Paginæ, quàm Aristotelis, respondetur sanguinem animatum dici, quia est causa, cur anima corpori annexa

Sol ut iv.

S. Obiectio.

Solutio.

Solutio.

maneat; cū hoc corpus vniuersum perpetuò reficiatur, foueaturque. Et quia eidem sanguini calor, & spiritus insunt, & ab animæ facultatibus, expultrice, & attractrice præcipuè regitur, non mirum, si per concomitantiam quandam viuere dicatur: Sed causatiuè tamen. Vnde Aristoteles libro tertio de historia animal. cap. 19. ait: Si multum sanguinis effluat, anima deficit: si nimium, vita interit. Si sanguis immodicè humescit, morbus infestat.

CAPVT IV.

De generali diuisione corporis.

Natura partis vniuersim. exposita, simul & varia corporis in suas partes diuisione, nunc par est alias. generales diuisiones exponamus, vt anatomico. ritu. in sequentibus progrediamur per varias subdiuisiones resoluendo. totum in suas partes, tanquam in prima elementa sensibilia & immediata, in partes. nimirum simplices. secundum sensum. Nam impossibile esset. elementorum mundi, imò. communium. anatomiam exercere; licet inter compositiones selementarem proponat Gall. lib. de differen. morb. c. 3. conformiter Arist. vbi triplicem compositionem in homine admittere visus est: Prima est partium similarium, quæ ex elementis componuntur; quia hæ partes ex humoribus, quatuor elementa complectentibus, factæ sunt: Secunda compositio est partium dissimilarium, quæ ex similaribus componuntur: Tertia compositio est totius corporis ex partibus dissimilaribus. Ab hac ergò, tanquam ab immediata diuisione totius, vsq; ad diuisionem partium dissimilarium inclusiuè, inchoabimus, analyticum siue resolutorium ordinem obseruantes. Summæ igitur partes, in quas totum diuiditur corpus (vt loquitur Arist. lib. 1. de hist. animal. c. 7.) sunt hæ: Caput, collum, thorax, brachium. duplex, crus duplex. Thoracem eam partem appello, inquit, quæ à collo ad pudenda vsque trunca pertendit. Capitis autem pars, quæ capillis innecta est, calua appellatur, &c. Diocles autem Caristius epistola ad Regem Antigonum, humanum corpus aliter distribuit, in caput videlicet, thoracem, ventrem, & vesicam, nulla facta mentione extremitatum corporis. Tertia corporis distributio multò completior, est in caput, thoracem, ventrem inferiorem, & artus, siue extrema. Caput, quod Græcis κεφαλή dicitur, est. suprema illa regio, seu semiorundum illud corpus, quod collo superiacet; quodque cerebri, sedis: rationis, memoriæ, & imaginationis domicilium, ac propugnaculum dicitur. Et quoniam cerebrum in sua capacitate includit, supremus venter à multis appellatur, cum venter capacitatem cavitatis denotet. Thorax, quem ventrem medium communiter appellant, licet ab Hipp. lib. 7. Aphor. 26. venter superior nuncupetur, dum ait: Destillationes in ventrem superiorem, græcè θώραξ appellatur, quem totius corporis truncum vocat idem Hipp. lib. de arte, dum ait, he par. in thorace contineri, & fixam habere sedem. Superne clauiculis, quibus idem thorax clauditur, terminatur: inferne vero cartilagine xiphoides, & diaphragmate. Thoracis latera duodecim costis vtique terminantur, atque complentur: anterior pars est os pectoris, Græcis στῆθος, Latinis sternum. Posti-

*Triplex in
homine da-
tur compositio.*

*Corporis di-
uisio ex Ari-
stotele.*

*Corporis
partitio ex
Diocle.*

*Optima
corporis di-
uisio.*

*Quidcaput,
Thorax, ven-
ter, & ar-
tus.*

ea pars thoracis *ῥάσπον*, id est, dorsum appellatur. Inferna cauitas, quæ ob sui magnitudinem simpliciter *κοιλία*, id est, venter dicitur, supernè septo transuerso, siue diaphragmate & xyphoide clauditur, infernè osse pubis, ilij, & ischij terminatur; posterior pars comprehendit quinq; lumborum vertebrae, & os sacrum dictum. Anterior pars, *ἐπιγαστριον*, id est superuenter Gal. dicitur; ab alijs *ἐπὶ τῷ νύδῳ*, *κεῖνω*. Suidæ *ῥάσπος*. Latinis fumen, & abdomen; Arabibus mirach nominatur. Quarta corporis pars *κῶλα*, id est artus, siue extrema corporis, sunt crura, & brachia, ad quæ commo- dè Iacobus Carpus collum, ab alijs omnibus omissum, reuocat.

Ordo sectionis corporum exoptulat, ab inferiori ventre, naturalium partium sede, exordiri. Quoniam partes in hoc occlusæ, vix ob excre- menta contenta, sanæ, & à putredine exemptæ biduo permanerent. In- fimus hic venter, abdomen, quod partes quamplurimas nutritioni corporis dicatas (ipsæ enim partes, quæ superfluum receptacula sunt, vt vtraque vesica, & crassiora intestina, nutrimenti organa etiam nominantur à Me- dicis, vt loquitur Gal. lib. 5. de vsu part. c. 13.) & quasdam generationi in- seruientes abdat, appellatur; Hippocrat. lib. de vsu humorum *ὑπογαστριον*, licet hoc vocabulum pro imò ventre communiter vsurpent Medici.

Venter hic inferior in partes continentes & contentas communiter di- stribuitur. Continentes sunt exteriores partes, quæ instar cooperuli par- tes omnes nutritioni, vt diximus, destinatas, & quasdam generationi, com- prehendunt. Vt partium contentarum situs, rectè à Medico dignoscatur, in suas tres regiones superiorem, mediam, & infimam, ventrem inferio- rem discescere lubet. Superior pars epigastrica, media vmbilicalis: ter- tia *ὑπογαστρικα*, id est, subuenter dicitur. Epigastrica regio à cartilagine xyphoide exorditur, & paulò supra vmbilicum terminatur: quæ rursus in tre s regiones, mediam, dextram, & sinistram subdiuiditur. Dextra enim, & sinistra epigastrij latera hypochondria appellantur. Media verò regio huius superioris regionis totius nomenclaturam referuat, & epigastrion, communiter nuncupatur. In epigastrio, siue media superioris regionis ventris parte bona pars ventriculi continetur, & perexigua hepatis portio. In hypochondrio dextro potissima pars hepatis continetur. In hypochon- drio autem sinistro, splen, siue lien, & maior ventriculi pars, præcipuè fundus sine basis eiusdem, vt quibusdam placet, continetur; sicuti coli intestini pars aliqua. Quoniam in ore Medicorum nihil frequentius voca- bulo hypochondrij, eius varias significationes exponere par est. Proptiè enim, & magis vsitate *ὑποχονδρία* significant latera epigastrij, quasi dice- res subcartilaginea: *ὑπο* enim, sub, significat; *χόνδρος* cartilago dicitur. Partes ergò vètri superioris superficialiæ, & continentes, quæ immedia- tè inferius consequuntur costarum notharum cartilaginee ad vtrumque, latus, hypochondria, quasi subcartilagineæ partes appellantur. Aliquan- do verò hypochondria metonymicè accipiuntur pro contentis in eis, quo in sensu loquutus est Hipp. lib. 6. Epidem. aien: Successiones hypochon- driorum considerandæ, id est partium, quæ in hypochondrij continen- tur. Inibi enim contentum pro continente accepit. Sumitur etiam anto- nomasticè hypochondrion pro solo dextro, quod ibi maior hepatis pars contineatur. Quo in sensu loquutus est Hipp. lib. 3. Epidem. sect. 1. h. st. 2. de Hermocrate. *ὑποχονδρίη ἐν τὰς ἰσλαπαρῶς*, id est, hypochondrij disten- sio molliter. Hypochondrion pro toto interiore ventre sumitur ab Hipp. libr. 4. Aphorismor. 73. Quibus hypochondria distenta murmurant. Sic

Ordo disse-
ctionis cor-
porum.

Ventris in-
ferioris di-
uisio.

Epigastrij
diuisio.

Varia vo-
cabuli hy-
pochondrij
acceptio-
nes.

*Laurentius
perstringit-
tur.*

*Hypochon-
drium non
rectè præ-
cordium di-
citur, quod
hoc sit dia-
phragma.*

enim synecdochicè totum pro parte accipitur. Arist. verò lib. 1. de hist. animal. c. 13. totam partem epigastricam supra umbilicum sitam, hypochondrium appellat, æiens: Sed super umbilicum hypochondrium est. Hypochondria, Gelfo præcordia nuncupantur; quòd circa ventriculum utrinque sint, quem veteres Græci καρδιαν appellarunt, ut interpretatur Laurentius; qui quidem, licet reliqua curiose æquè, ac eruditè iuxta Gal. interpretationem proposuerit; in hoc tamen à mente Gal. recedit, qui innumeris in locis inquit, ventriculi officium, non verò totum ventriculum καρδιαν, id est, cor ab antiquis appellari. Præcordij ergò nomen se-
pro transuerso verius meliusque, quàm hypochondrijs competit, ut Arist. interpretes communiter sentiunt, & videre licet lib. 3. de part. animalium, capite 10. & alibi passim in opere de animalibus, Plinius etiam libro 11. c. 37. testatur, id quod σπένας græci vocant, præcordia appellari. Sed per hoc sit diaphragma. σπένας omnes, & præcipuè Arist. Interpretes, septum transuersum siue diaphragma nominant.

*Vnde dici-
tur umbili-
cus.*

*Umbilica-
lis regio--
nis dinisio.*

Secunda regio inferioris ventris, umbilicalis dicitur. Umbilicus autem græcis ὀμφαλὸς ἀπὸ τῆ ὀμφνῆν à respirando dicitur: quod eius musculi, & mollis ac simplex constitutio plurimum libertati respirationis conferant. πίζα γὰρ σπός, id est radix ventris ab Arist. lib. 1. de hist. animal. c. 13. nuncupatur: Umbilicus enim ipse ab umbone dicitur. Umbo autem vel est clypeus, siue ancile, siue ancilis, siue scutum; vel est scuti prominens medullium: in quo sensu rectius umbilicus ab umbone derivatur. Umbilicalis ergò regio, quæ quinque aut sex digitorum longitudinem comprehendit (Mundinus enim ait, ventriculū quatuor digitis ab umbilico distare, & fumen infernè etiam ab umbilico latitudine quatuor digitorum: ita ut secundum ipsum umbilicalis regio sit longitudinis octo digitorum, in corporibus scilicet longis & adultis) in tres adhuc regiones separatur; mediā videlicet, dextram, atque sinistram. Media regio totum fermè ieiunum, intestinum comprehendit. Dextra pars dextrum renem, intestinum cæcum & ieiuni intestini portiunculam quandam. Sinistra regio coli & ieiuni, & mesenterij portionem unā cum altero rene. Dextra & sinistra partes regionis umbilicalis, lumbales regiones nominantur, quia ad lumbos terminantur. Umbilicalis regionis medium adhuc μεσομφάλιον, id est, medullium dicitur: eius cauum γαγγαμὸν, ab inextricabilis contortæque saggenæ specie: pelliculā rugosa γράττα, id est, anus, seu vetula, quòd corrugata senectutis indicium sit, ut eleganter describit Laurentius.

*Hypogastrii
ca regionis
nomina, &
partitio.*

Tertia ventris inferioris regio ὑπογαστρική, i. hypogastrica, seu subuenter, siue imus venter vocatur, quæ ἵππον vocat Hipp. lib. 2. Aphor. 35. ὑποκοιλία, id est subuenter alijs dicitur: νεύατα, & νεύαρη lib. de nat. muliebri nuncupatur. Hæc regio fumen, aut rumen à suum mammis appellatur, quoniā fumen mammarum ritu tumere videtur ad os vsque pubis. Hypogastrion in tres regiones, mediam, dextrā & sinistram diuiditur. Media pars nomen totius retinet, & hypogastrion dicitur; dextra & sinistra partes, ilia; quoniam in ijs intestinum ilium iacet, & vasa spermatica. Has duas regiones græci κενεῖστας, χολάδας, λαγόνδας vocant; quia laxæ sunt, & penè flaccidæ. Γαζα, cholocho, nuncupatur. Arist. lib. 1. de hist. animal. c. 13. ait: Cauum autem commune & subcartilagij, & ilium cholocho est; Partes verò caua, siue inanes inter extremas costas thoracis, & os ilium κενεῖστας & λαγόνδας vocari testatur Galen. comment. 2. Prognost. In regione media vesica interpretibus Aristotel. dicta, & Persio aqualiculus continetur, veluti rectum in-
Extre-

Extremitas siue infima pars hypogastrii in tres regiones, mediam, dextrā, & sinistram diuiditur. Dextra & sinistra Latinis iugina appellantur, Græcis *βίβρες*. Media verò pars pilis contexta *ὑποβόλαιον, ἡβή, ἐπίγειον, ἐπικτήνιον*, Latinis pecten, pubes. *ἐπίγειον* à Vassæo & Arist. int. xpretibus venit, aqua-liculus, & fortè commodius, quòd sub osse pubis vesica contineatur. Se-quentia adhuc nomina collegit. Laurentius *κνήσων, πεδίον, λεμῶνα, ἐνδίαττον, βροχτόν, χεμαρρὶν, κλιτόριον*.

*Infima par-
tis hypoga-
stris diui-
sio.*

In erioris ventris postica siue retro posita pars, sà dorsi vertebris ad ossis sacri finem excurrit; *Διάζωμα* græcè vocant; ideoque cinctum lumbos ali-j nominant. Dicta postica regio in tres regiones subdiuiditur, mediam ni-mirum, & duas laterales: Media regio spina dicitur, atque inferius dorsi si-lum fulculi instar. Laterales regiones lumbi & nates appellantur: quæ re-giones in inferiorem adhuc & superiorem regionem dirimuntur. Superior regio, quoniam carnosà est, à palpando pulpa dicitur, Græcis *ῥόα*. Inferio-ris regionis laterales partes *γλυτοὶ* Græcis, clunes natesque Latinis. Media regio inter clunes, natiūque filuram, podicem, anique rugas continens, pyga appellatur. Hæc cum viris doctis prolixè deduximus, vt rectè sciat Medicus partium contentarum in inferiore ventre regionem, situmque. Sic enim remedium aptandum vni parti, alteri non admovebitur.

*Postica
partis infe-
rioris ven-
tris diuisio*

CAPVT V.

De Continentibus partibus ventris inferioris.

REcè Mundinus ventrem inferiorem in partes intrinsecas & extrinse-cas diuidit: appositè etiam in continentes partes, & contentas; hæc sunt partes omnes in interna cavitare sub continentibus sitæ. Con-tinentes partes sunt, quæ ventrem constituunt; cuiusmodi sunt cutis, pin-guendo, panniculus carnosus, abdominis muscoli cum suis chordis, & pe-ritonæum, Arabibus Syphac. Ex his iisdem quinque continentibus parti-bus, quædam sunt toti corpori communes, vt cutis, pinguedo, & panni-culus carnosus; quædam eidem ventriculo peculiares, vt muscoli & peri-tonæum. De his omnibus, tam communibus, quàm peculiaribus partibus hoc in cap. sigillatim disseremus. Sequenti vero cap. omnium partium contentarum naturam breuiter examinabimus.

*Ventris in-
ferioris in
continētes
& conten-
tas diuisio*

De Cute.

Cutis duo comprehendere videtur, cutem & cuticulam: de hac postea: Nunc de cute, quæ Latinis cutis, alauta, & pellis dicitur, Græcis *δέρμα, δέρμα, δέρμα, δέρμα*. Hippoc. lib. de arte *δερμα* vocat; lib. de vic. rat. in morb. acut. *δερμα*; libello de Insomniis *χρόμα*. Homero *ανθρωπιν*; He-rodoto *δερμα*; alijs *δερμα*, quibusdam *δέρμα*, vt accuratè colligit doctus Laurent. Cutis est extrinsum & commune velamentum totius corporis hu-mani ex semine simul & sanguine procreatum, in primisq; & secundis qua-litatibus vtpurimum temperatum, vt externas abarceat iniurias, inter-nasque partes foueat & colligat, externum obiectum iudicet & exitum su-perflui-

*Cutis no-
mina.*

Definitio.

perfluitatibus ex habitu corporis exeuntibus cōcedat, & requisitum ingrefsum aeri. Experientia. n. constat, cutem esse commune corporis velamentum, sine operimentum, vt habet Gal. lib. 2. de vsu part. c. 6. & lib. de fetus form. c. 1. lib. 3. de anatom. administr. c. 1. & lib. 8. de vsu part. c. 1. Quod ex semine & sanguine cutis generetur, patet ex doctrina Galeni lib. 1. de temperamen. c. 9. vbi ait, cutem esse mediam quandam substantiam inter neruum & carnem. Sed neruus ex semine fit, caro ex sanguine. Ergo cutis ex semine & sanguine facta est: Et in prima quidem fetus conformatione; vt patet ex Galeni verbis lib. de fetus format. c. 1. vbi hæc habet: Ipsius v. fetus propriæ partes sunt: Prima omnium cutis, operimentum atque amiculum, a natura corpori congenitum. Hinc patet cutem vniuersam non ex carne senescente fieri, vt voluit Aristot. lib. 2. de gener. animal. nec ex superficie carnis resiccata: nec ex venarum, arteriarum, & neruorum dilataris extremitatibus, nec ex carnis & nerui textura, sed ex semine, vt dixi, & sanguine in prima hominis generatione. Et quia eius generatio ita se habet, veluti neruus sanguineus à Galeno dicitur, non quod ex neruo & sanguine aut carne sit contexta cutis; sed quia se habet ratione temperamenti & reliquorum instar sanguinei nerui, vt ostendit particula, veluti. Dum autem lib. 3. methodi med. Gal. innuit cutem ex subiecta carne produci, de cicatrice quàm de vniuersali cute forte loquutus est: Et posito quod vniuersalem intelligeret, quoad similitudinem loqueretur: Nam cutis videtur se habere instar carnis exiccata; vt in cicatricibus apparet; quæ ex exiccata quidem carne, simulque indurata nascuntur; ita vt cutis cum ijs similitudinem habere videatur.

*Aristoteli
occurritur.*

*Cutis est
veluti ner-
uus sangui-
neus.*

*Soluitur
dubium.*

*Cutis non
est mem-
brana.*

*Cutis est
temperata.*

Ex dictis præterea liquet, cutem non esse membranam, vt Laurentio, & alijs placuit. Cutem enim & membranam, tanquam duo distincta, varijs in locis commemorat Galenus. Libro enim secundo de temperamentis capit. tertio inquit; Porro omnes membranæ cute sunt sicciore &c.

Quod cutis in primis qualitatibus sit temperata, patet ex Gal. loco cit. de temperam. vbi ait, cutem esse temperatissimam in calore & frigidityte; in siccitate etiam & humiditate temperata est: in mollitie pariter & duritie mediocritatem obseruat. Nec mirum, cum sit medium quid inter naturam carnis & nerui. Temperantiam rursus ei conciliant, venæ, arteriæ, & nerui, quæ ad illam terminantur; nam hæc instrumenta, cum partes sint spermaticæ, magis frigidæ, quàm calidæ sunt; eorum tamen frigiditas sanguinis, & spirituum calore contemperatur. Ergo cutis, ad quam protensa sunt, eorum commercio temperata euadit, seu potius ipsius temperatissima natura conseruabitur.

*Quare cu-
tis magis
alba quàm
rubra.*

Cutis ex sua natu. a medium colorem inter album & rubrum expostulare videtur. Ad album tamen magis declinat triplicem ob causam. Primò, quia feminis, quàm sanguinis maior copia ad eius generationem confluxit, vt sic commodius omnes eius partes sibi cohærent, extendanturque ad totum corpus obuelandum. Secundò, quia quamplures neruos in se recipit, qui naturaliter albi sunt coloris. Tertiò, quia pituitoso sanguine nutritur ex Gal. comm. 2. Prognostic. Cum enim nerui huiusmodi sanguine nutriantur, & hi in cute fruticentur, cutis necessariò tali sanguine fruetur: licet ei purus non desit. Nam sanguis, qui ad habitum corporis confluit, si quis alius, purus est; vt pote varias expurgationes passus: Vnde Hipp. lib. de nat. hom. ait, vulnerata parte aliqua sanguinem purissimum emanare.

Quod

Quod autem cutis ab externis iniurijs corpora protegat, liquidum est. Nam sine tali indusio frigus acerbissimos in parte carnea inferret dolores. Quod quoridiè experimur in ijs, qui aliquo vulnere aut vlcere affecti frigidò aeri sunt expositi: cuius commercio partes cute orbatae, veluti mordentur: quod Hippocratem mouit, vt diceret, frigidum esse mordax vlceribus. Nec solum corpus ab externis iniurijs tuetur, sed corpus insuper fouet. Primò, quia cutis omnium partium corporis colligationem & compagem exhibet, vt loquitur Hipp. lib. de nat. ossium. Est enim cutis, quæ partium vnionem & vinculum conseruat, tueturque. Secundò, quia sine cute vniuersus calor & sanguis extrorsum diffuerent; quia ad cutem, vt dixi, vascula terminantur, venulae, arteriae, & nerui, caloris omnis & sanguinis ad partes delatorum soli vestores. Defectu enim cutis in intertrigine, vel in femoribus prope testiculos, vel alibi facta, partium humiditas extrorsum quasi perpetuò defluit, donec excoariatae partes scharam contrahant, vel litu aliquo vasorum oscula obturentur. Cutis ergò non solum, vt corpus ab externis iniurijs tueatur, vtilis est, sed vt totum corpus foueat, & vniat.

Varij usus cutis.

Dixi cutem non ob dictas solùm vtilitates connatam esse, sed propter alias tres, quas seriatim recensebo. Est enim cutis tanquam iudex tactiliū qualitatum in superficie corporis. Quòd Galenus confirmat lib. de temperam. c. vlt. aiens: Id autem genus est hominis cutis, vt pote omnium extremorum, calidi, frigidi, humidi, siccì, verè media: maximèque ea, quæ est in manu: hæc enim omnium sensibiliū veluti norma futura erat, tactus nimirum instrumentum, prudentissimo animalium proprium, ab ipsa natura preparata: quo magis eam ab omnibus extremis, calido, inquam, frigido, sicco, & humido, pari abesse interuallo oportuit. Iam utrique & constat, ex horum omnium æquis portionibus, non compositis modò, sed etiam per totas se mixtis; quòd nostrum planè nemo efficere potest, sed est naturæ opus. Statuit enim cutem esse medium inter quatuor elementa, & consequenter temperatam, sine excessu vilius qualitatis primæ; imò in durtie & mollitie est adhuc in medio statu, id est, nec nimis mollis, nec excessiuè dura; vt ibidem faterur. Verùm cutem illam interioris manus temperatissimam pronunciat.

Cutis est instrumentum tactus.

Vult igitur Gal. cutem esse tactiliū indicem, eamque idè esse temperatam & probè commixtā; quod indicat cutem esse simplicem partē in primordio generationis procreatam: Quæ quidem idoneum est instrumentum tactus in superficie corporis. Nam temperata est, simul, & neruea, atque adeò idonea ad improportionata obiecta, simul & proportionata iudicanda. Varia porro corpori quoridiè occurrunt, quæ vel ipsum fouent, vel malè afficiunt. In parte ergò exteriori exploratore eguit, qui commode posset: suauioribus occurrantibus obiectis in vniuersi corporis conseruationem, facillè consentire, & à rebus humanæ naturæ euerfionem minantibus allicò dissentire. Cutis ergò talis est Exploratrix in ambitu corporis.

Cutis est medium inter quatuor elementa.

Dixi cutem esse instrumentum tactus in exteriori parte corporis: Nam præter cutem alia etiam tactus instrumenta reperiuntur, vt in internis partibus quoridianò experimento compertum habemus in quibus varij dolores & cruciatus indies suscitantur. Dolor ergo vrgentissimus ventriculi otitio aliquando contingens, qui communiter cardialgia appellatur, satis continet nervorum propagines: ibi complicatas, esse organum præcipuum sensus tactus. Dolor colicus etiam ostendit, intestini tunica m-

Sola cutis non est instrumentum tactus.

*Caro non
est tactus
instrumen-
tum quid-
quid sciat
Arist.*

membranofam, nerueamque, esse tactus instrumentum. Dolores pro-
fundi quasi in ossibus percepti, licet supra conuexam ossis partem perci-
piantur, luculenter indicant, periostium id est, membranam, os contin-
gentem, inibi esse tactus præcipuum instrumentum. Sapores in lingua
etiam à membrana simul & neruis percipiuntur: nam gustus, tactus quidam
est. Tactus ergò instrumentum, sunt cutis, nerui, & membranæ, siue
membranosa, & fibrosa partes. Caro autem virtute membranarum, fibra-
rum, neruorum, venarum, & arteriarum, quæ sunt partes membranosa,
sentit. Vnde non rectè Arist. lib. 2. de part. animal. carnem aliquando me-
dium, aliquando tactus instrumentum constituit: nam si id veritati con-
grueret, parenchymatum caro exquisito sensu polleret; cuius tamen con-
trarium experimur. Nam hepar exiguo penitus sensu præditum est; quia
membranis, aut neruis perexiguus constat. Pulmones pariter vix ob eam-
dem rationem sentiunt.

*Cutis est v-
tilis ut per
eam excre-
menta ter-
tia coctio-
nis euacue-
tur.*

Quòd denique utilis sit cutis, ut per eam, veluti per ciubrum, vapores
fuliginosi, & reliqua excrementa, quibus corporis habitus scatet, excer-
nantur, non prolixa eget probatione; cum sudores per eam quotidè eua-
cuari contingat, & excrementa crassiora camisijs, intimioribusque amicti-
bus adhaerentia, simul atque illa, quæ per diffationem occultam euacuan-
tur. Diffatio enim occulta est, quando superflua extenuata in modum
vaporis natura euacuat; ut loquitur Gal. lib. 6. Aphor. 2. vbi hos, in quibus
frequentiùs talis euacuatio fit, commemorat, aëreas: In siccioribus secun-
dum naturam temperaturis, nulla omninò superfluitas manifesta; neque
sensibilis per nares effluit ex cerebro: sicuti neque per cutem sudor; sed il-
la, quæ à Medicis diffatio occulta nominatur, superflua extenuata in mo-
dum vaporis euacuat; Humidioribus verò naturis sensibiles fiunt super-
fluitates &c. Occulta illa euacuatio, quam Gal. commemorat, licet in
siccis temperamentis locò aliarum euacuationum fiat, tenera tamen fit in
humidis corporibus; ut ex varijs Gal. locis constat, qui in pueris euacua-
tionem concedit; & præcipuè, dum per somnum aliquando non solum
recreantur, sed criticè curantur; tamen si nulla appareat manifesta euacua-
tio. Ergò in humidis etiam corporibus, & præcipuè virtum robore fulci-
tis, præter manifestas, occulta etiam euacuatio fit: & id, quod ita insensibi-
liter euacuatur, tenue excrementum tertiæ coctionis dici queat; sicut id,
quod indusijs hæret, crassum. Sudoris verò materia eadem est cum mate-
ria vrinæ.

*Occulta e-
uacuatio
quid.*

Quòd autem cutis hunc vsu corpori contribuat, ut excrementa ad
eam transmissa recipiat, eaque rursus à se extra corpus quidem propellat,
& instar còmmunis sentinæ corporis se habeat, quotidiana comprobat ex-
perientia. Vnde Hipp. lib. de insomnijs, ait: Per cutem purgationem fieri
confert. Nisi enim natura ipsa sæpenumerò euacuationem per cutem
molita esset, Hippocr. neutiquam euacuationem per cutem fieri suasisset.
Proinde vbique euacuationem, quam ad cutem natura molitur, summo-
pere laudat Hipp. In Aphor. enim ait, meliùs esse erysipelas extiorum ab
intimioribus partibus vergere, quàm vice versa ab exterioribus ad interio-
ra. Lib. etiam 6. Aphor. 37. ait: Ab angina habito, si tumor fiat in collo,
bonum: Foras enim morbus deducitur. Galen. in commen. ait, id commo-
dè fieri; quia ex intimioribus & principalioribus partibus passionès ad cu-
tem transferri confert.

Galen. lib. 1. Aphor. comment. 21. istius Aphorismi: Quò natura vergit,
eo

eo ducere oportet per conferentia loca, ait: Sunt autem euacuationibus conferentia loca, intestina, venter, vesica, vterus, cutis vniuersa. Adhuc palatum, & nares, quando cerebrum expurgamus, vel per sanguinis profluium fit excretio. Cutis etiam transpirationem, speciem euacuationis, constituit idem Gal. lib. de arte med. c. 89. vbi loquendo de febribus putridis, ait, indicationē in his esse euacuationem & alterationē: Euacuationes autem, inquit, fiunt & per sanguinis missionem, & clysteris vsu, & per vrinæ vias; atque eam quæ per cutem fit, transpirationem. &c. Lib. autem de caus. morb. c. 6. vsus tantum gratia à natura constitutam fuisse, pronunciat. Postquam autem quatuor naturales facultates in qualibet corporis parte latitare asseruit, ait: Et cum materia ipsa superflua duplex genere existat: aut enim quantitatis ratione, aut qualitatis. Cum denique omnium corporis partium non æquale sit robur, quippe principaliores partes statim ab initio natura maiori robore dotauit: nihil mirum, si in impuris corporibus, in quibus plurima inutilis materia redundat, ad ignobiliores partes aliquid confluat. Nam superfluum humor, ut qui à partibus omnibus robustioribus expellatur, ac nullibi consistere queat, tandem ad imbecillimam omnium peruenit partem. Hæc verò alia, atque alia in diuersis corporibus existit; aut quia in prima animalis formatione eidem parti aliquis error contigerit, vel postea aliquam suscepit noxam; aut quia talis natura esse debeat, quemadmodum cutis: hæc enim (ut quæ nullam operationem habet, sed vsus tantum gratia à natura instituta est) optima ratione partibus alijs, quæ aliquam habent operationem, imbecillior est facta. Est enim quoddam veluti velamentum, atque amictus animalis cognatus, cum neque coctionem, neque alimenti digestionem, neque sanguinis generationem, neque pulsum, neque respirationem, neque voluntarium motum, neque omnino operationem aliquam afferat animali; ac præterea cum omnium aliarum partium extrema sit collocata, non absque ratione totius corporis excipit excrementa. Multa enim ab initio instrumenta, expurgandæ materiæ inutilis gratia natura molita est.

Plura notatu digna in hoc contextu exponit Gal. Primò enim confirmat cutem in prima hominis efformatione vnà cum reliquis corporis partibus fuisse productam, vti superius diximus. Secundò demonstrat cutem nullam habere actionem in commune bonum animalis. Nam coctionem sicuti ventriculus non celebrat, nec alimenti distributionem, sicuti venæ; nec sanguificationem, ut iecur; neque pulsum, ut cor, & arteriæ; neque respirationem, ut pulmo, & septum transversum, musculi intercostales &c. nec motum voluntarium, ut musculi. Habet tamen facultates naturales; imò & sentiendi. Natura enim terminauit ad eam tria vasorum genera, venas, arterias, & nervos, ut sentiat, viuat, foueatur & nutriatur. Galenus libro decimosexto de vsu partium capite decimo inquit: Nonnulla vasa exigua necessariò ad cutem peruadunt, alimentum partibus, quæ illic sunt, præbitura. Lib. 3. de loc. affect. c. 10. ait: Primò autem quoddam nervi per vniuersam manus cutem dispersi, quibus sentiendi facultas ad ipsam deferretur. Lib. rursus de nervorum dissect. c. 5. ait: Gingiuis præterea, dentibusque, ac cuti quæ circa faciem est, per hos nervos sensus est. Cutis ergò, quia ex se nervea, nervosque aliunde suscipit, vi sentiendi prædita est, ut sit proximus & immediatus tactus iudex, respectu rerum extrinsecus occurrentium: nam non est solitatum sensus tactus instrumentum, aut iudex, sed nervus potius, & quod nerveum est, ac membrano-

*Variæ viæ
per quas
fiunt euacuationes.*

Cutis à natura constituta est ad excrementorum suspensionem.

Exponitur Galeni textus.

Cutis non est unicuique tactus instrumentum.

*Ventriculi
orificium
exquisiti-
mo sensu pol-
let.*

sum: Nervus enim ad cutem, & partes internas sentiendi vim deficit, ut habet Gal. lib. 16. de usu part. c. 2. Propter nervos autem exquisitissimo sensu præditum est ventriculi orificium, de quo idem loquitur Gal. lib. 1. de symptom. caus. c. 7. hoc ritu: Caterum nullum membrorum aut ita exactum habet sensum, aut utrumque principium (id est cerebrum, & cor) unà secum afficit, sicut os ventriculi. Quod denique naturalibus facultatibus cutis prædita sit, patet, eò quod sit pars corporis. Pars autem quævis nutritur. Ergo & cutis. Tertiò, in producto contextu Galeni communem usum cutis declarat, aiens, ipsam à natura in principio fuisse productam, ut esset commune receptaculum excrementorum habitus corporis, vel sentina communis, ut alibi loquitur. Verum hic communis usus minimè excludit alios à nobis in descriptione cutis commemoratos.

*Per cutem
aer exter-
nus ingredi-
tur, quem
arterie at-
trahunt: si
cuti ex ve-
nis spiritus
naturales,
seu quod in
sanguine te-
nuitur est.*

Quod tandem cutis hanc habeat utilitatem, ut aditum externo aeri concedat, qui ab arteriis ad cutem terminatis rursus interiori attrahitur, patet ex Gal. lib. 3. de facult. nat. c. 14. sic: Ergo, si ambo componas, illum quod hic eius sit motus, tum quod omne dilatatum ex vicinis ad se trahat, nihil tibi videbitur, arterias omnes, quæ ad cutem finiuntur, externum aerem, cum dilatantur, attrahere: quæ verò parte aliqua ad venas se aperiant, quod tenuissimum, maximeque halituosum in ijs sanguinis est, ad se trahere: at quæ propinquæ cordi sunt, ab illo ipso aliquid trahere. Hic enim usus eximius est: nam aer attractus per arterias ad cutem terminatas, non solum arterijs ipsis, seu spiritui & sanguini arteriali commodum affert, sed cordi; ut patet in apoplecticis accessionibus, epilepticis, syncope ex veteri suffocatione in mulieribus, aut alia ex causa hominibus superueniente; in quibus omnibus affectibus respiratio non apparet in corporibus: vice cuius sagax natura transpirationem inolitur, ita ut per cutem tunc excrementa excerni censeantur, & ambientis aeris ad interiora attractio. Hanc enim transpirationem per animalium cutem fieri concessit ipsemet Erasistratus, teste Galeno libro de venæ sectione adversus Erasistratum capite 9. & ultimo.

De Cutis aperturis.

*Si eviden-
tibus aper-
turis care-
ret cutis,
non audiret
nec videret
homo,
nec os ape-
raret nec
per anum,
& pudenda
feces & ur-
inam ege-
reret.*

Hactenus de varijs usus cutis. Diximus tamen cum Gal. cutem esse continuam, quod sana mente intelligi debet. Nam cutis varijs constat foraminibus, magnis nimirum & parvis. Magna foramina sunt apertura oris, oculorum, aurium, nasi, ani, & pudendorum; quæ quidem magni sunt usus in corpore humano, ut cuius, etiam plebeio, innotuit. In horum ergo expositione non ulterius sistendum: cutis enim varijs in locis vtiliter perforata est, ut habet Galen. lib. 17. de usu partium cap. 1.

Secundum genus foraminum, sunt quidam exiles meatus, quibus cutis ita abundat, ut cribri instat se habeat; & præcipue in ijs, qui acriori calore sunt præditi: nam si qui sint meatus, siue spiracula, siue pori in cute, à natiuitatis exordio exiles sunt, & numero pauci: at verò ineunte ætate copiosiores, & maiores: maxime verò, ubi calor acer est; cum calor acer sit præcipuus pororum effector. Vnde biliosi, quam pituitosi multò pluribus poris abundant. Propter eundem acriorem calorem, cutis virorum rarior est feminarum cute, ut ex comment. 69. lib. 5. aphorism. colligere licet. Imo

comment. 2. in lib. 1. Epid. Gal. asserit, obturatos esse poros in ijs qui cute alba præditi sunt. Vnde pilis non scatent. Ex aduerso illi, qui pallidi aut citrini coloris sunt, cutem habent rariorem, vt apparet ex pilorum copia. Cutis enim raræ indicium est pilus, ex Hipp. lib. 5. Aphor. 69. Pororum in cute necessitatem plerisque notam esse existimo, quòd sine his tertriæ coctionis excrementa in penitioribus corporis partibus puriori succo intermiscerentur, eumque simul ac ipsas solidiores partes suo commercio inquinarent. Cùm ergò ineunte atate, & in adultis, acriora generentur recrementa, vtpote ex parte fuliginosa, sagax natura, cogente necessitate, plures in cute poros molita est. Per hæc, vt dixi, spiracula, sudores, crassa excrementa subuculis adhærentia, & prætenues quidam vapores (imo & ipsa substantia nostra a calore attenuata) quotidie euacuari consueverunt, de quibus loquitur Galen. lib. 1. de sanit. tuen. c. 12. Quoties autem eadem spiracula propter aliquam causam conuiuere contingit, recrementa euacuari solita, intus cohibita, febrem, obstructionē, aliosq; morbos progignūt. Sæpè etiam accidit ex cutis consipatione, ea quæ propè cutē sunt superflua, ad interiora, ventriculum, intestina, aliaque membra retropelli, aluique fluxum concitare. Galenus lib. 3. de facultat. nat. autoritate Hippoc. lib. 6. Epid. & lib. 4. de morbis, hanc doctrinam his verbis confirmat: Ergò quid miri est, si etiam ab vltima corporis parte, quæ ad cutem est, ad ipsa vsque intestina & ventriculum aliquid translatum peruenit? Quod ipsum quoq; Hippoc. nos docuit; scilicet non spiritum modò aut excrementum, verum etiam nutrimentum ipsum ab vltima, & summa corporis parte, eò, vnde primum ascendit, rursus deferri. Quippe minimum momentum expultricem facultatem huc, vel illuc impellit, vt quæ per transversas fibras functionem suam obeat, ocysimèq; ab eo vnde primum est, ad eum, qui contrapositus est, finem tradatur. Non est ergò nec à ratione alienum, nec eiusmodi quod fieri nequeat, si pars ea, quæ ad cutem est, in solido interim frigore subitò stipata, vbi, & imbecillior est reddita, & quem prius circa ostensam inspersum habuit humorem, vt onus potius, quàm præparatum aliquid ad nutritionem sustinet, eoque pellere à se studet: simul autem via, quæ foras fert, densitudine est interclusa: alienum, nquam, non est, si ad eam, quæ intro fert, conuertitur: itaque quod ostendit, in vicinam sibi particulam violenter coactum amittitur: atque illa rursus in eam, quæ sibi proxima est, neque id fieri desistit, quoad translatio ad interna venarum ora finiatur.

Galenus, postquam in ileo affectu, ob præclusum transitum per infernas vias, stercus vomitu excerni asseruit; idque propter vehementiam, violentiamque facultatis expultricis, quæ non rarò choleram etiam morbum, in quo per vomitum, & per alui deiectionem corpus euacuatur, efficit: rursus, ait, consimilem aliquando motum violentum à circumferentia & ambitu ad ventriculum & intestina vsque fieri, superueniente intenso quodam frigore cutem penitus contringente, & substratas simul partes expimente. Vidi enim Virum religiosum strictioris regulæ, qui ligneas soleas, quibus innitebatur calceamentorum loco, singulis diebus manè in Conuentus horto, quo se conferebat, deponens, nudis pedibus in frigidiori loco tantisper immobilis stabat: cui illic, quòd frigus esset subitò perpeffus, desiderium exonerandi aluum accedebat. Propter hybernum frigus cutis spiracula occludens homines liberaliùs quàm ætate, in qua pori plurimum referantur, metunt; idque iuxta Hippocr. & Galen. sententiam: non

Occlusis poris cutis plures superueniunt morbi.

Vomitum in ileo & cholera morbo.

Cur hyeme quàm æstate plus metant homines.

aliam quidem ob causam, nisi quia serum, quod ad cutem vergebat, intus retrogrado motu propter frigus constipans & comprimens, refertur.

*Referantia
medicamē
ta occlusis
poris con-
ueniunt.*

Quoniam igitur occlusis poris (quorum non modo reliquum corpus vniuersum, sed etiam tota cutis plena est, vt habet Gal. lib. 1. de sanit. tuen. cap. 12.) quamplurima superueniunt mala; Medicis peritioribus placuit eos remedium aperiendum ministerio; illico referare; Vnde Gal. lib. 9. de medicam. secundum locos c. 1. de Ictericis, ait, remedia conuenientia ad pororum aperiendum esse balneum aquarum potabilium (tepidum tamen) & affricum, siue litum olei discutientis, omniumque rarefacientium cutem, quale est chamæmelinum & anethinum oleum, ac cicinum, vnguentum gleucinum, crocinum, irinum, & amaracinum. Chamæmelum v. siue chamomilla summopere commendatur à Galen. lib. 3. de simplic. med. facult. c. 10. in febribus biliosis, & maxime ijs, quæ à cutis densitate oriuntur. Rectè sanè plerique medicorum, pororum, & præcipue cutis aperiendi student. Nam cutis densissima, aut præter modum rara ad sanitatem fouendam nullatenus utilis est, teste Gal. lib. 1. de sanit. tuen c. 10. vbi hæc habet: Cum namque animalis corpori duplex inflet incommodum: alterum ab externis, ac alterum ab internis occasionibus; quo rû certè rara, mollisque cutis est, ij ab extrinsecis imminen.ibus malis faciliè tētantur: quorum densa, ac dura, internis. Præstat ergò, vtrumque declinasse excessum, nec adeo densam reddidisse cutem, vt corporis trāspiratum prohibeat: aut raram, vt faciliè à qualibet extrinsecis incidenti occasione lædatur. Hoc contextu indicat Gal. morbos ordinariè ab extrinsecis, vel intrinsecis causis procedere. Extrinsecis ægritudines accedunt ratione variæ dispositionis noxiæ ambientis aeris. Ab intrinseco morbi resultare dicuntur, qui ab humoribus, quantitate, aut qualitate peccantibus, originem trahunt. Vult igitur Gal. hos, qui densa cute circumambiuntur, faciliè in morbos incidere, qui ab internis causis procedunt; quia quoties cutis spiracula, aut pori occluduntur, humores qualitate, aut quantitate peccantes, per ambitū corporis, vt naturalis ordo exposcit, non euacuantur; nec calor natiuus ab ambiente aere, qui libero ingressu caret, solito more ventilatur. Similiter illi, qui cute nimis rara & aperta præditi sunt, faciliè in morbos ab externa causa, id est, aere alterato, procedentes, incidunt: difficulter verò in morbos à causa interna ortos. Nam corpora raræ texturæ porosa & aperta facilem ingressum ambienti aeri concedunt; adeoque pro varia ambientis dispositione, faciliè, & ipsa disponuntur, ad intemperiem frigidam, si aer sit frigidus; calidam si calidus; siccam si siccus; humidam si humidus; ad putredinem si putridus; ad pestilentem statum, si pestilens &c. A causis verò internis, si non immodicis, difficulter læduntur; quia omni sp̄ perfluitati liber datur exitus per ambitum corporis, & corpus sufficiēter diffatur, vētilaturue calor natiuus. Hippoc. enim lib. de aliment. dixit, raritatem corporis, vi cuius per cutem copiosa sit euacuatio, esse salubrem: corpus autem ad transpirationem dēsū, ita vt modica fiat per cutem euacuatio, insalubrius esse profert. Verūm, qui probè perspirant, inquit, imbecilliores, & saniores, & faciliè conualescunt: qui malè perspirant, antequam agrotant, robustiores, agrotantes autem difficulter conualescunt. Ideo Hippoc. rara corpora saniora esse, & facilius ex morbo, dum aliquo corripiuntur, conualescere ait; quoniam ita ex habitu corporis eorundem per cutis poros excrementa euacuantur, vt nullis scatere debeant superfluitatibus: (ob copiosam hanc per habitum corporis euacuationem Hippocr. lib. 6. Epidem. ait;

*Qui rara
sunt textu-
ra exter-
nis iniurijs
obnoxij,
qui densa
internis.*

*Corpus per
spirabile
imbellius,
sed salu-
brius, faci-
lius con-
ualescit.*

ait: Cutis raritas, est ventris densitas: quasi diceret, alium non subduci aut fluere ijs, qui raram habent cutem: quia per cutem raram, habitumq; corporis rarum fuliginosa, biliosa, ichorosa, & falsa excrementa, quæ per secessum non raro excernuntur, per habitum corporis rarum ad ambientem aera diffunduntur. Hos eosdem imbecilliores vocat Hippocrates; quia non solum excrementa, sed insuper calor natiuus partium, humidum radicale & solida earundem substantia non leuem patiuntur iacturam: Nam hiantibus impensè spiraculis, calor natiuus extra corpus perpetuò volitans humidam & solidam partium substantiam secum suo impetu in ambientem aera rapit. Est enim de natura caloris sese à quibusvis vinculis & angustioribus locis, omni nisu expedire, & ad cognata elementa, aerem, ignemq; tendere. Nihil ergò miri, si corpora tunc imbecilliora reddantur, sique viribus non adeo polleant, ac corpora densiora, quæ, tametsi habitum non habeant à recrementis liberum, validiora sunt; quia calor natiuus non nisi modice exterius fertur, atque dissipatur. Verumtamen dum semel in morbos labuntur, curationem difficulter suscipiunt; quoniam excrementa arctè ab occlusis iocis comprehenduntur, ibidemque diutissimè, donec computrescant, referuantur; & summa cum difficultate exirus illis præparari potest.

Corpora rara caloris natiui iacturam patiuntur.

Quemadmodum ergò nimia cutis densitas vitiosa est, sic status contrarius, raritas. Nam propter excedentem cutis raritatem spiritus quiuus resoluitur, & mors necessariò succedit: vt in profusiori gaudio non raro còtingit, & in ægritudine illa epidemica, quæ sudor Anglicus dicitur, in quo ita pori adaperiti fuere, vt sanguineo sudore laborarent ægri. Cùm autem vascula numerosissima ad cutem terminentur, non mirum si his apertis sanguis serosus & tenuis per cutis poros profundatur. Quid simile huic cruento sudori vidit Gal. comm. in lib. de fracturis, vbi explicatas fascias, quibus partes etiam non vulneratæ circumuoluebantur, cruore conspersas reperit.

Gaudium causa mortis. Sudor Anglicus sanguineus.

De Cutis differentijs.

Cutis differentias desumunt multi ex pluribus capitibus. Primò à substantia: Vnde quædam mollis, tenuique & rara dicitur; qualis est cutis faciei, scroti, & penis, respectu cutis aliarum partium. Ex adu. mo cutis in capitis vertice, & plantis pedum, dura est, densaque: cutis verò volæ manus est tanquam quid medium inter duram, & mollem. Secundo à diuersa connexione cutis cum substratis partibus, vna tenacissimè hæreere dicitur; vt cutis volæ manus, quæ suppositis musculis arctissimè hæret: cutis faciei, substratæ carni; vt habet Gal. lib. 2. de vsu part. c. 6. è contra cutis thoracis, & vètris faciliè à partibus, quibus coheret, separatur. Tertio à motu: nam cutis in fròte & facie ferè vniuersa ad nutum nostrum mouetur; quia musculis mobilibus subiectis arctè cohæret: reliqua verò corporis cutis immobilis est. Quarto à sensu: Vnde cutis papillarum mulierum, radicum vngium, & extremitatis pudendi, exquisitus sensus est; quia nerui copiosi ad illa loca terminantur: vel quia partes temperatæ sunt. Contrarium verò apparet in cute plantarum pedum, quæ non ita sensibilis est, sicuti nec cutis aliarum partium. Quintò à pilis: nam cutis alicubi pilosa est: alicubi sine pilis perseuerat, vt videre licet in vola manus & planta pedis pilis expertibus.

Ex quinque capitibus cutis differentia desumuntur.

De Cuticula.

Quid cuticula.

ID', quod Græcis epidermis dicitur, à Latinis summa cutis, vel supercutis, vel cuticula appellatur. Cuticula, vt volunt nonnulli, est tenuissima efflorescentia veræ cutis, instar tenuioris pelliculæ caparum: quæ tanquam veræ cutis terreum excrementum extans omni sensu caret. Quod autem sensu careat, id probant ex Hipp.lib.de carnib. Extremum corporis, inquit, acri expositum necessariò pelliculam contrahit occurso frigidi & ventorum. Propter hanc auctoritatem pueros recenter natos, nullam habere cuticulam aiunt.

Varios vsus cuticulæ tribuunt: Primus est, vt sit mediam tactus; quia sensibile positum supra sensum, non facit sensationem. Secundus vsus est, vt veram cutem exactè sensibilem ab externis defèdat iniurijs. Tertius vsus, vt impediatur perpetuum humoris, & spirituum effluuium extra corpus, vasculorum terminantium ad cutem oscula stipando. Quartus, vt scabram & inæqualem cutem veram perpoliat, & lauiget.

Quatuor cuticula vsus.

Quorundam opinio.

Quorundam Medicorum opinio fuit, cuticulam ex roscido madore veræ cutis in prima conformatione enasci. Omnes tamen cuticulam sensu priuare contendunt. Gal. tamen non videtur omnimodum sensum cuticulæ adimere; vt ex his eius verbis lib. 5. Aphor. 77. colligitur: Sicuti enim cutis superficies (quam epidermida, id est superiorem pelliculam nominant) in scabie, lepra, atque lichenibus, tenuè quiddam remittit, quale est, quod serpentum senectam nominamus; sic vbi in partibus interioribus ea, quæ est veluti cutis tale aliquid patitur: & casus erit passioni similis. Cuticulam enim hic vocat Gal. veræ cutis superficiem: quæ superficies est externa latus, aut conuexa pars cutis: vnde sequitur, ipsam viuere, cum sit cutis, partis viuentis, particula. Præterea cuticulam assimilât Galenus pelliculæ interiori intestinorum, velicæ, vterum, venarum, arteriarumque. Sed hæc pellicula est pars viuens. Ergo & cuticula. Atq; adeò, cum tota cutis ex cuticula & cute compacta, neruea sit & viuens, cuticulæ omnis sensus non est adimendus.

Cuticula viuere videtur.

De Adipe.

Πιμηνή, σέαρ, λίπος, sæpe confunduntur à multis. Latine adeps, siue pinguedo incontinè dicuntur. Visus est Galenus ea ita confundere,

Pinguedo seuum. vt secundum magis tantum, & minus differant, vt in progressu dicemus. Commodè id ipsum magis & minus ab Aristot. distinguitur varijs in secundum locis operum de animal. *πιμηνή* igitur, licet adipem & pinguedinem ac magis, & axungiam significare videatur, magis distinctè pinguedinem axungiam minus dicitur. *σέαρ* autem idem erit ac adeps, aut seuum, siue sebum, siue sebum. De vtriusque generatione & natura loquitur Arist. lib. 2. de par. animal. c. 5. hæc seriet: Seuum & adeps inter se differunt sanguinis ratione: est enim eorum vtrumque sanguis concoctus per bonitatem enutriendi: consistitque ex eo, quod in pulpam quidem animalis non absimitur, sed concoctionis alimentique bonitate præditum est. Inter humida commune ignis & aeris sit. Quamobrem nullum ex ijs quæ sanguine carent, vel adipe

Seui & adipis generatio ex Arist.

pem habet, vel seuum; quandoquidem sanguis deest. Quorum autem sanguis corpulentior est, hæc seuum potius habent: seuum enim terrenum est. Vnde fit, vt modo fibrosi sanguinis cogatur, tam ipsum, quàm eiusmodi ius, cum parum aquæ, multum terræ contineat. Quamobrem quæ non vtrique dentata, sed cornigera sunt, hæc seuum habent. Naturam eorum refertam esse huiusmodi elemento patet, eò quòd coinnua gerunt, talosque obtinent: Quæ quidem omnia natura sunt arida & terrena. At verò genus vtrique dentatum, & cornuum expers, & multifidum, vice seui adipem habet: quæ non cogitur, nec siccitate aliqua frangitur. Quoniam eius natura minus terrena est.

Bones seu abundant Sues pinguedine.

Idem Arist. lib. 3. de hist. animal. c. 17. adipem, & sebum sequenti serie describit: Adeps autem & sebum differunt inter se, cum sebum fragile vsquequaque sit, & cum refrixit, concreseat: adeps liquidus sit, minimèq; aptus durari. Iura enim sebo opimorum concresecunt, vt ouis, vt capræ. Adipe pinguium liquida resistunt frigori: vt equi, vt suis. Locis etiam discerpant. Adeps autem inter carnem, cutemque solet consistere; sebum in fine carnis semper est. Omentum quoque adipe pinguescentibus adipem est, sebo obesius sebale. Quæ parte vtraque dentata sunt, adipe pinguescunt: quæ vna, sebo.

Seui & pinguedinis discernimen.

Locus vtri usque.

Gal. lib. 16. de vsu partium c. 2. pinguedinis generationem sic refert: Nec verò pinguedo quoque vlla in re neruos desiderat, quæ instar olei pinguis partibus animantis membranosis ac neruosis est affusa: Porro ipsius origo, atque vtilitas hæc est. Generatur ex sanguinis parte pinguiore per tenues venas, effusa autem siccis corporibus, ac tenuibus, & ea ipsa corpora pingui natio humectat, quæ celeriter in diuturnis inedijs, ac vehementibus exercitationibus, & caloribus immodicis exiccantur, atque indurescunt. Lib. 2. de temper. c. 4. sequentia habet: Quicquid in sanguine leue & tenue est, id in calidioribus corporibus alimentum quoddam calido fit, in frigidioribus feruatur: cumque id venæ extra se transmiserint, vbi in frigidas particulas incidit, quod genus membranæ sunt, circum eas concretit: in partibus verò natura calidioribus, cuiusmodi carnosæ sunt, à calore ipso absorbuntur ac digeritur, nisi sicuti frigiditati temperamenti etiam vita indulgentior accedens ipsi carnosius particulis adipis aliquid allinat. Quæ ratione etiam, quæ hyeme delitescunt animalia, non rarò inueniuntur adipe obeta. Et fæmina vni sunt pinguiore, quòd scilicet fæmina mare est frigidior, & plurimum domi vertatur.

Pinguedinis generatio ex Gal.

Fæmina pinguiore Viris, partim propter ocium partim ob frigidius temperamentum.

Lib. 1. de temperam. c. 5. & ult. in fine, adipis generationem hac serie pronunciauit Galenus: Cetero autem ipso adeps humidior, cui concretio contingit, propterea, quòd membranæ adiacet: crasso namque oleo est similis: eoque congelatur, vbi cum frigidis & exanguibus particulis coniungitur. At neque circa iecur coire potest adeps, neque circa arterias, venasque, aut cor, nec circa aliam vllam præcalidam particulam. Quoniam autem cogitur per id, quod valde est frigidum, idcirco calefacta liquatur, cæterorum coagulationum ritu.

Circa partes calidas sebum non generatur, pinguedo sic, vt circa cor.

Lib. 11. de simpl. med. facultat. idem, ac Aristoteles de adipe & pinguedine profert, hæc serie: Pinguedo & adeps, & hæc quoque communissima sunt inter animalium partes. Nam quæcunque benè nutriuntur, ea omnia aut pinguedinem, aut adipem obtinent; quæ verò macilentæ sunt, maleque nutriuntur, sæpè omnino ne habere quidem, sæpè verò pauculum, idque siccum, vt agrè vi possis, apparent. Porro differt a pinguedine adeps

*Adeps seu
seuum pin-
guedine
crassius est.*

*Adeps &
pinguedo
confundun-
tur.*

*Adeps su-
illus om-
niū humi-
dissimus:
immo oleo hu-
midior.*

*Quare ad
sedandum
dolorem in
dysenteria,
clisteribus
miscetur
caprillus
magis, quā
suillus a-
deps.*

*Quid Pin-
guedo.*

*Authorita-
ribus Gal.
& Arist.
adeps est
pars corpo-
ris.*

adeps, quod crassior sit: ac propterea animantibus totam naturam terro-
riorem habentibus adeps provenit, velut humidioribus pinguedo. Proin-
de pinguedo celeriter in ignem posita liquefcit; nec facillè, vbi liquata fue-
rit, rursus concrescit ac cogitur: at adeps nec facillè funditur, liquefcitue;
& fusus celeritè coit, ac congelatur, multòque apparet pinguedine du-
rior. Sus enim benè habitus pastusque, multam habet pinguedinem ob
naturalem temperamenti humiditatem: at boues, & capræ, & quæcunq;
id genus cornigera ob siccitatem plurimum generant. At tu, si voles, oleo-
sam & pinguem in animalibus substantiam, omnem, adipem appellato,
vt plerique Medici: Sed & pinguedinem appellare totum hoc genus licet,
non tamen citra mendacium adipem caprinum humidiorē esse dicere,
quā suum: nam hic omnium ferè aliorum est humidissimus: ac proinde
actione sua vicinam oleo vim possidens, quamquam oleo magis tum emol-
liat, tum concoquat; ac proinde cataplasmatīs, quæ ad phlegmonas accō-
modantur commisceri solet. Qui verò mordicationes perpetiuntur, aut in
recto intestino, aut in colo, ijs potius caprinum adipem, quā suillum,
inijcimus: non quod acrimonia plus obtundat (nam ex natura sua suillus
obundat magis, ac proinde miscetur medicamentis vlcera curatibus, cu-
iusmodi est pargyrum) sed quod caprinus ob crassitiem citius concrescat,
suillus autem instar olei defluat: proinde ipsum potius dysentericis, & tenes-
mōis inijcimus, quando morsum eorum mitigare consilium est.

Ex his, alijsque Arist. & Gal. locis scire oportet, Aristotelis interpretes
aliter ac Galeni, adipis nomine vsos esse: nam Arist. interpretes adipem no-
minant mollem illam substantiam albicantem cuti subiacentem, sebum.
verò id album, quod durius est, & musculorum extremitatibus innascitur.
At verò Gal. interpretes nomen adipis pro sebo frequentissimè vsurpant;
pinguedinem verò vocant mollem illam subcutaneam substantiam. Medi-
corum frequentiorē illum dicendi modum nos imposterum sectabimur.
Quia tamen adeps & pinguedo modicè inter se discrepant, communem
vtriusque definitionem proponemus.

Pinguedo ergò est pars corporis calida & humida, mollis & alba, ali-
quando dura, sub cute præcipuè genita à vi formatrice, & ab anima; me-
diantibus suis instrumentis, ex vinctuosiori præcipuè sanguinis parte ad va-
sios vsus. Dixi pinguedinem esse partem corporis, iuxta Gal. mentem, qui
lib. de arte parua c. 9. adipem inter partes, quæ à se ipsis gubernantur, enu-
merat. Lib. 1. de element. c. 6. adipem inter similes partes corporis enu-
merat; & paulò post ait; similia esse corporis elementa: & paucis adhuc
interpositis; adipem, cartilaginem, membranam & reliquas similes par-
tes, prima corporis sensibilia elementa nominat. Idem Gal. Prologo in lib.
de nat. hom. hæc habet: Nempe simile est os, cartilago, ligamentum:
est præterea similis membrana, adeps, & caro, tam ea quæ fibris muscu-
lorum adhæret, quæ & ipsæ similes sunt &c. Lib. 6. de decret. Hipp. &
Plat. c. 8. ait, arteriam in quacunque corporis parte similem semper habe-
re functionem. In talo nimirum eandem edit functionem, ac in alia qua-
uis corporis parte. Pariter, inquit, eandem ubique functionem seruant ner-
uus, vena, os, cartilago, membrana, ligamentum, & adeps. Lib. de inæ-
quali intemperie cap. 2. adipem inter partes digitorum collocat, aiens: Di-
gitorum verò particulæ sunt ossa, cartilago, ligamentum, arteria, vena,
membrana, caro, tendo, unguis, cutis, adeps. Arist. lib. 2. de part. animal.
c. 2. adipem & seuum inter similes partes reposuit. Cum ergò ex Gal.
doctri-

doctrina adeps sit pars partis dissimilaris, æquè ac caro, membrana, & cæteræ similes; cùmque suo fungatur officio, æque ac vena, & arteria, & reliquæ similes, similis pars necessariò dicenda. Patet enim à natiuitate partem basis cordis esse pinguedinem. Nemo a. sanè mentis negabit, cor esse legitimam, & principem corporis partem.

Præterea pinguedo propriè, & per intussusceptionem nutritur & crescit. Ergò est vera corporis pars. Probatur antecedens. Pars habens naturales facultates, per intussusceptionem nutritur & augetur. Sed adeps, siue pinguedo naturalibus functionibus pollet. Ergò per intussusceptionem nutritur, & augetur. Probatur minor: Pars quæ à se ipsa in corpore regitur, naturales habet functiones. Sed pinguedo, siue adeps à se regitur, ex c. 9. art. par. Ergò pinguedo naturales habet functiones.

Dixi pinguedinem esse calidam & humidam; quia autoritas simul & ratio id persuadent. Gal. lib. 1. de element. c. 6. adipem calidum & humidum ex prædominio esse dicit. Lib. 2. de temperam. c. 3. humidissimum esse ait. In fragmentis verò, pinguedinem calidam humidamque esse refert Lib. 4. de vsu part. c. 9. calidam esse experientia & ratione comprobatur: Ea enim vice olei vtimur, inquit; & cùm faciliè in flammam transmutetur tanquam ad flammæ naturam proximè accedit: Frigidum enim confestim in flammam non conuertitur. Citato cap. omentum siue epiploon; propter venas, arterias, & pinguedinem calidum esse refert. Lib. 11. de simplic. medic. facult. ait: Omnis igitur pinguedinis facultas est humectatoria, & excalfactoria humanorum corporum. Aristot. libro quarto de partibus animalium capite tertio omentum calidum esse affirmat, quia; pingue: Pingue autem, inquit, calidum est: & omentum pingue est.

Dixi pinguedinē esse mollē & albam; quia experientia cōstat, pinguedinē esse mollem, licet adeps aliqualem duritiem referat. Pinguedo alba est, quoniam à partibus spermaticis albicantibus veluti conficitur: hæret enim mēbris, & neruis, & tendinibus præcipuè.

Dictum est, pinguedinem præcipuè sub cute generari supra membranam, carnosam dictam. Pinguedo tamen, quæ adeps, siue seuum appellatur, prope interiores musculos, in epiploo, & alibi procreatur: vt experientia constat.

Adipem ex vinctuosiori sanguinis parte fieri constat, ex Arist. & Gal. cit. in textibus; lib enim 4. de part. animal. c. 3. loquendo de omento, adipis ei annexæ generationem hac serie deducit Aristot. Item propter membranæ densitatem, quod sanguinei alimenti transmissum colatumque est, id pingue esse necesse est: tenuissimum enim hoc, & calore loci istius concoctum, pro carnosa, & sanguinea coagmentatione in seuum aut adipem euadere necesse est.

Dictum est ex Arist. pinguedinis duas esse differentias; sebum scilicet, & adipem, siue pinguedinem. Galen. lib. 3. de aliment. facult. c. 11. pinguedinem, & seuum pariter, tanquam duas species proponit, vtramq; oleosam. Cum Arist. tamen sebum pinguedine siccior esse cōfirmat. Pinguedinem verò rem oleo, longa veritate incrassato, similem esse docet.

Quòd autem ab ànima, auxiliante nativo calore, adeps, quæ post ortum hominis procreatur, generetur, probatione non eget; quia naturali virtute augetur, sicuti cæteræ corporis partes; à virtute formatrice; cordis, & epiploi adeps in principio generationis producta est.

Ex locis cit. Aristot. & Galen. varius adipis vsus satis patens est; epiploium

Ratione patet adipem esse partem

Pinguedo calida & humida.

Pinguedo mollis & alba.

Locus generationis.

Materia adipis.

Pinguedinis vsus.

enim adeps ventriculum calefacit, vt felicius chylicationem percele-
bret. Cordis pinguedo magni est vsus; nam sine hac eius humidum radi-
cale exiguo tempore deperiret; cum liquidò constet ipsum cor continuo
feruore, continuoque motu agitari. Pinguedo a. articulis inserta, articu-
lorum faciliorem conciliat motum, eosdem articulos lubricando. Oculo-
rum pinguedo pariter ad eorundem motum plurimum confert. Pinguedo
autem sub cute strata instar tegumenti se habet: nam internas partes ab
ambientis aeris frigore, alijsque iniurijs, defendit. Calorem natiuum fa-
cilè resolui, ipsum interitis cogendo, prohibet, simulque intendit; va-
sculis ad cutem delatis, tanquam mollis lectulus, & tomentosum puluinar
inferuit.

*Pinguedo
non est ex-
crementū.*

Quæ de pinguedine & adipe hastenus diximus, plurimum conducent
obiectionibus de adipe superius propositis. Animaduertas tamen velim,
pinguedinem, sicuti semen, improprie excrementum ab Arist. appellari lib.
1. de generat. animal. c. 19. vbi ait pinguia animalia minus seminis habere,
quàm macilentia. Nec enim pinguedo, nec semen per se, aut proprie, ex-
crementa sunt.

De Panniculo Carnoso.

*Panniculi
carnosi de
scriptio.*

CVti, & pinguedini subest membrana quædam satis crassa atque spif-
sa, quæ satis incongruè à medicorum vulgò panniculus carnosus
appellatur; quidquid dixerit Vetalius; cum neruea magis sit, quam
carnosa. Membrana communiter Græcis *μην* nuncupatur. Panniculus ergò
hic est neruea, crassaque membrana, & consequenter frigida & sicca ex
prædominio, vniuersum corpus, non secus ac cutis, contegens; quæ qui-
dem cuti per villos quosdam, siue nerueas fibras alligatur. Quòd au-
tem frigidus sit & siccus ille panniculus, per se constat; quòd sit mem-
brana; vt tactum est.

*Primus pā
niculi vsus*

Varios habet vsus hic panniculus. Confert enim vniuerso corpori; quo-
niam veluti commune, atque completum tegumentum, inclusam carnem

*Secundus
vsus.*

& vasa, omniaque alia, amicè complectitur, & ab externis iniurijs defen-
dit. Præterea, quia exquisito pollet sensu, externas iniurias facilè perci-
pit, vt sic commodè sibi præcaueat animal. Ob hanc sensus acutiem inter-
nas etiam illatas iniurias facilè percipit, vt quotidiana nos docet experientia
in ijs qui febre intermittente rigorem habente laborant. Rigor enim ille ori-
tur ex fuliginosis acribusq; vaporibus ab interioribus partibus ad cutē de-
pulsis: qui dum hanc mēbranam pertingunt, eam penetrant, peruadunt,
atque aliquo modo dilacerant, dissoluuntque. Vnde dolor, & molestia, ob
quæ natura, in quantum potest, humorem dissecutere conatur; qui tamen ibi
ob membranæ dēstatem paulò diutius, quàm alibi, commoratur. Adde,
quòd inibi propter partis frigidam temperiem isti vapores crassescant: Ideo-
que difficilius illinc, quàm ex subditis partibus carnis, porosisque eua-
cuatur. Non mirum ergò, si, dum ab his vaporibus acribus biliosisque, aut
falsis, hæc membrana vellicatur, vniuersi corporis concussio inde oriatur.
Tertius vsus est, vt calorem natiuum protegat foveatque, eius perpetuum
impetum extrorsum cohibendo, eundemq; interius repellendo. Sic enim

*Tertius v.
sus.*

calo-

caloris natiui vis geminari videtur. Interius idè benignos vapores vnà cum calore continet, & si quid ad ipsam accedit, in pinguedinem cōuertit. Lubrica enim interius est, ne musculorum motum impediat: lubrica autē redditur propter lentum quendam humorem, qui inibi aliquo modo instar muci concreuit. Sic quidem carnem, membranas, & ossium ligamenta commodius & sine noxa conseruat. Quartus vsus est, vt venas, arterias, & neruos, qui in cutem protenduntur, fulciat, roboretque.

Quartus v
sus.

De Musculis abdominis.

DE tribus communibus partibus continentibus hactenus egimus; nunc verò de duabus partibus continentibus peculiaribus, consequutiue agendum. Cutis enim adeps, & panniculus carnosus sunt continentia communia totius corporis, & non tantum inferioris ventris. Vnde aliam figuram præterquam corporis, cui quasi coextenduntur, à natura non obtinuerunt: duo verò peculiaritè ventris inferioris continentia, musculi & peritonæum, certa quadam figura sunt prædita. Musculus enim, Græcis *μῦς*, quòd ex coriato muri assimiletur, est quadam moles ex carne potissimum, neruis, venis, arterijs, tunica, nerueis fibris & tēdine coalescens, vñ molem conficiat corpoream, & voluntarij motus sit instrumeatum. Inferioris autem ventris sine controuersia octo communiter musculi numerantur. Quos vt commodè inuenias, concipere oportet albam quandam lineam (quæ est corpus quoddam densum & exangue corij instar) quæ ab osse pubis ad sternum rectà protenditur, vt ventrem æqualiter in longitudinem distinguat, dirimatque in duas partes cōquales. Musculi ergo abdominis ita diuiduntur; vt à parte dextra lineæ albæ quatuor extent, & à parte sinistra alij quatuor: & taliter in magnitudine, figura, & numero, ac viribus æquales, vt nullum inter dextros & sinistros intercedat discrimen, aut dissimilitudo; præterquàm quòd hi quatuor sinistri, illi quatuor recti dicantur; vt colligitur ex Gal. lib. 5. de vsu partium cap. 14. vbi octo tantùm epigastrij musculos, nec plures nec pauciores dari probat; eo quòd in quolibet lineæ albæ latere vtrinque musculosæ fibræ in quadruplici differentia appareant: quædam sunt rectæ, quædam transversales, & duo obliquarum genera. Ergo in quolibet latere reperiuntur duo musculi obliqui, vnus rectus, & vnus transversus. Pro fibrarum autē positione musculi suas edunt actiones. Ergo cum diuersæ positiones fibrarum numero tantummodo quatuor ex vna parte lineæ albæ reperiuntur, quatuor vtrinque reperiuntur musculi: atq; adeo in totum octo. Sic enim à diuerso fibrarum ductu nomina musculis imposuit Gal. & non fuit Vesal. horum nominum à diuersitate ductuum inuentorum primus inuentor, vt sibi insolenter arrogat lib. 2. suæ Anatomix cap. 31. Prædictos omnes musculos citato in loco describit Galen. quem sequenti ordine cum reliquis interpretibus sectabimur.

Quid musculus.

Linea alba quid.

Octo tantum musculi abdominis.

Primi inter relatos musculos, qui sese nobis, panniculo carnosio, seu potius nerueo ablato, exhibent, sunt duo musculi obliqui, externi vulgò dicti: qui latissimi omnium censentur, cum totum ventrem inferiorem contingere videantur. Obliquos Mundinus, Auicennam sequutus, transversales appellat. Duo dicti obliqui exteriores hinc inde circa lineam albam, descendentes; communiter ab anatomicis appellantur: In quo miserè aber-

Duo musculi obliqui externi omnium latissimi.

sant, inquit Laurent. nam ortum ducunt à superiore ossis pubis & ilium parte, & à transuersis lumborum apophysis hinc sursum protensi, portione carnea in nothas omnes costas, & octauam, septimam, ac sextam veras: ferrato magno digitatim, pectinatim, & ferratim impliciti inferuntur: altera portione neruea (*αποφύσεων* vocat Gal.lib. 5. de vſu par.c. 14. id est, neruosam tenuitatem) tendineque latissimo in lineam albam feruntur. Hi duo muscoli triquetram obtinent figuram. Vtteriùs Laurent. probat, dictos musculos, descendentes malè nominari; quia inspirationi & thoracis dilatationi inferuiunt. In thoracem ergo inferuntur superius ascendentes. Perbellè sanè suo more Laurent. hæc protulit: sed dum dictos musculos ascendentes nominat, aberrare videtur; cùm ex ipsomet tendines non in pectus, sed in lineam albam desinant. Præterea alij duo musculi interiores ascendentes ab eodem Laurentio, vt mox dicemus, appellantur. Cur ergo, obsecro, omnes obliqui ascendentes, & nulli descendentes.

Laurentius perstringitur.

Musculi obliqui interiores.

Obliquis duobus externis musculis, duo interni obliqui ascendentes subiiciuntur: ideoque decussatim instar litteræ græcæ x sese interfecant, vt post Galen. & Vessal. loquitur Laurentius. Originem ducunt à superiore regione ossium ilium, nec non à transuersis lumborum processibus: hinc carnosiores, obliquè sursum prouecti, in costas inferiores quatuor, easque nothas, inferuntur; seu, vt loquitur Galenus, ab ilibus ad hypochondriorum partes extenduntur: deinde duplici tendine rectum musculum hinc inde amplexante, in lineam albam feruntur. Hoc bifido tendine, & roborantur, & comprimuntur recti, atque in medio musculorum sedent.

Duo musculi recti. Laurentius Galeno contrarius.

Dictis duobus obliquis internis subiecti sunt duo musculi recti, ab anti-pubis osse exorti (qui in homine ad medium sternum feruntur) vt loquitur Laurentius aduersus Galen. qui lib. 5. de vſu par.c. 14. rectorum exordium à sterno agnoscit, his verbis: Nam recti secundum longitudinem extensi, supernè ab vtraque parte cartilaginis ensiformis exorti ad pubis ossa sese mutuò contingentes deferuntur, rectas quidem fibras, quæ supernè deorsum feruntur, itidem habentes, æquales verò ad vnguem inter se (veluti etiam obliqui & transuersi) non modo longitudine, sed etiam latitudine, & profunditate. Duo in his annotauit Laurentius. Primum, sunt aponeuroses aliquando tres, aliàs quatuor, quibus velut internodijs & roborantur musculi, qui, ob sui longitudinem debiles sunt, & insuper abdominis figura conseruatur sphaerica. Secundum, in his musculis circa umbilicum duæ venæ coeunt; vna epigastrica ascendens dicitur, altera est, quæ per interius sternum fertur, quæque mammaria appellatur. Cùm hæ venæ in viris æquè ac mulieribus reperiuntur, vix possunt esse causa sympathiæ mammarum, & vteri in mulieribus.

Qua Laurentius in rectis obseruauit.

Duo musculi transuersi.

Subiungunt intimè dictis omnibus musculis alij duo, transuersi dicti; quia in transuersas in abdomine tendunt fibras, situmque in eo habent transuersum; de quibus Gal.lib. 5. de vſu par.c. 14. sic loquitur: Qui verò sub ijs sunt transuersi occupantes, alter quidem totum dextrum peritonæum, alter autem sinistram, æquabiles, & ipsi omnibus rebus, ac similes, submiserunt prædictis quidem duobus musculis suam ipsorum partem neruosam, alijs verò carnosam. Hi duo transuersi ab apophysis vertebrarum lumborum, ossibusque ilium & pubis oriuntur; & in fines, ac terminos notharum costarum, ac ipsam lineam albam ventrem diuidentem, in-

inferuntur: tenacissimè hi muscoli peritonæo adhærent: quare vix ab eo integri separantur, teste Gal. lib. de anatom. administrat. c. 4. Transuersorum musculorum tendines, veluti, & quatuor tendines obliquorum musculorum, (circa vmbilicum, & pubem perforati sunt: circa vmbilicum propter vmbilicalia vasa: circa pubem propter spermatica exeuntia ad testes.

Peritonæo tenaciter hærent.

Præter dictos octo musculos, aliquando reperiuntur duo exigui, triangulares, & succenturiati dicti; quia maioribus musculis opem ferunt: ab osse pubis externo oriuntur, in partem inferiorem nerueamque rectorum inferuntur. Pudendi erectioni secundum quorundam opinionem conferunt. Laurentius verò ait, eos à natura constitutos, vt sint veluti propugnaculum tendinum rectorum musculorum, ne colliderentur, utq; eorum ope infernarum ventris partium compressio commodius fiat.

Musculi succenturiati.

Vfus octo musculorum perspicuus est. Nam qui transuersi sunt, quia transuersis fibris dotati sunt, sua compressione expellunt. Proinde ad sæcum, vrinæ, & sætus expulsionem, iuuante diaphragmate, immediatè supra peritonæum sagax natura transuersos collocavit. Recti verò, quia ad suum principium in suo motu retrahuntur, etiam aliquantisper expellunt: Vnde immediatè supra transuersos extenduntur. Obliqui verò, quoniam expellendi imbellem, & validam retinendi vim obtinent, exteriorem sedem occupant. Omnes insuper abdominis muscoli respirationi plurimum inferunt; nam validam efficiunt expirationem, & magnam iridem inspirationem, spiritusque retentionem Musculi enim epigastrij efflationis, vocis, egestionis, & mictus gratia præcipuè constructi sunt, teste Gal. lib. 4. de vsu part. c. 9.

Vfus varius octo musculorum abdominis.

De Peritonæo.

Περίτεινες Græcè circumtenditur significat. Vnde περίτῆνον, id est, circumtensum dicitur membrana, qua inferior venter circumtenditur, ex lib. 4. de vsu part. c. 9. Profectò peritonæum inde nomen sumpsit, quòd prætendatur omnibus tum visceribus, tum intestinis, tum vasis, quæ inter septum transuersum, & crura habent. Ita verò & alij, quæ his interiacent, omnibus obducitur, ex quorum grege est vulua & vesica, vt loquitur Gal. lib. 6. de anatom. administrat. c. 4. Verùm non tantum absolute peritonæum περίτονον, siue περίτόνιον, siue περίτόνιος appellatur, vt ibidem loquitur Galen. sed a nonnullis peritonæos membrana, à nonnullis peritonæos tunica, ab alijs peritonæum tegumentum, Arabibus Siphac, appellatur, communi verò nomine, membrana. Cæterum peritonæum est membrana quædam prætenuis, ex numero partium similarium, ibidem referente Galeno. Membrana autem in vniuersum est pars similis spermatica, adeoque frigida, sicca, & alba, ac dura & densa, ac tandem lata, non multum crassa, sed supplex, vt partes contegat, protegatque. Peritonæum ergo est membrana tenuis & lata, araneam in tela ideo consimilis; firmamen, vt pote omnia, quæ in inferiori ventre continentur, veluti commune inuolucrum, circumtegens.

Vnde dicitur peritonæum.

Membrana est frigida & sicca. Quid peritonæum.

Est quidem peritonæum membrana duplex, vt plurimorum experientia, & præcipuè docti Laurentij, meaque etiam non raro, constat: quidquid in contrarium dixerit Columbus, qui id simplicem membranam à xyphoide ad

*Peritonæi
est duplex
membrana.*

ad umbilicum vsque esse dicit: ab umbilico autem ad os pubis duplicem, in gratiam videlicet vasorum umbilicalium, quæ inter membranæ duplicaturas deorsum ferri debuerunt. Laurentius veruntamen non solum peritonæum, sed omnem membranam duplicem esse audacter asseuerat: semperque experius est umbilicalem venam ab umbilico sursum ad hepar inter duas peritonæi tunicas protendi.

Quod attinet ad peritonæi originem, id in prima hominis generatione, vnâ cum reliquis partibus spermaticis productum fuisse, cum viris doctis, censeo; licet ipsum à ligamentis lumborum vertebrae colligantibus, & insuper connectentibus os sacrum ossibus ilium, enasci quamplurimi contendunt; inter quos est Vesalius. Fallopius tamen mauult ipsum duxisse ortum à plexu illo neruorum validissimo, qui mesenterio ortum dat; quia huic plexui ita arctè connectitur, vt illacerum inde auelli nequeat; à vertebrae autem lumborum facillè separatur.

Cur peritonæum membranosum sit. Peritonæum est membrana tenuis, ne suo pondere subiectis partibus molestum sit. Firmissimum est, ne distentum facillè disrumpatur. Distenditur enim sæpè, quoties ventriculus satietate refertus est, aut uterus satum continet. Vt enim facillè distendarur hoc commune inuolucrum, membranam esse oportuit. Verùm, quia viri non rarò sine necessitate liguntur, & ideo frequenter ijs venter intumescit, peritonæum ad umbilicum vsq; crassius habent, ab umbilico deorsum tenuius. Mulieres è contra ab umbilico ad os pubis id habent crassius, ne tumente vtero tempore satus rumpatur; ab umbilico verò sursum, tenuius.

Tunica fibrosas habet membranam neutriquam. Peritonæum, vt musculis superpositis pertinaciter hæreat, in exteriori superficie, veluti fibras quasdam habet, mediantibus quibus, musculis aligatur. Ipsum tamen peritonæum propriè fibrosum non est: nam membranæ fibræ non fruuntur; tunicae verò fibras habent, vt habet Gal. lib. 6. de anatom. administ. c. 7. Ideoque ait, peritonæum esse simplex corpus. Peritonæum verò in interiori superficie humidū lubricūque est, ne intestinis, alijsque partibus suppositis hæreat, noceatque.

Peritonæi fons. Est peritonæum commune, vt dixi, contentorum in ventre inferiori inuolucrum. Anterioribus quidem partibus ipsorum omnium prætersum est communiter peritonæum, vt loquitur Gal. lib. 4. de vsu part. c. 10. Procedit autem illinc ad dextram partem, & sinistram per ilia vsq; ad lumbi vertebrae: quò fit, vt singulis intestinis ac visceribus, tum arterijs omnibus, & venis, ac nervis circumtendatur. Quod verò ad extremitatem eius superiorem & inferiorem attinet, superior quidem internè phrenibus, id est, septo transuerso adhærescit; inferior verò ossibus pubis, & præterea ilium. Ita insertiones peritonæi citato loco describit Galenus. In superiore parte, qua diaphragmati copulatur peritonæum, tria continet foramina: Vnum pro vena cava ascendente, alterum pro aorta descendente, tertium pro œsophago. In inferiore sui parte varia habet foramina: Vnum pro ano, alterum pro vteri ceruice, alia pro venis arterijsque cruralibus, alia pro vasis spermaticis, sine præparantibus ad testes descendentibus; alia pro vasis deferentibus semen sursum ad radicem penis, & collum vesicæ. Hæc tamen posteriora foramina productiones congruè dicentur potiùs, quàm foramina; quia peritonæi portio prolongatur vnâ cum dictis vasis. In anteriori parte peritonæum circa umbilicum perforatum est in sætu; In adultis occlusum est. Sed si inibi aperiat, tunc oritur herniæ species, *omphalo-*
scelus dicta.

Galen. lib. 4. de vsu par. c. 9. quinque vsus peritonæi proponit. Prima eius utilitas est, quod omnes partes contentas inferioris ventris, quæ sub septo nimirum transuerso, ad os vsque pubis continentur, contegat. Sed hæc utilitas, inquit Gal. exigua est, cum cutis pinguedo, panniculus carnosus, & muscoli, quæ contentis partibus extrinsecus incumbunt, easdem partes satis commodè communicare possent.

Primus vsus peritonæi.

Secunda utilitas est, vt tanquam septum & paries, intestina, dum replentur præcipuè, defendat; ne scilicet intestina, præcipuè gracilia, interciderent in spacia inter ipsos musculos media: quo casu ipsos musculos premerent, & ab ijs premerentur, eosdem musculos coarctarent, & ipsa à musculis vicissim coarctarentur, dolorem efficerent, dolerent & ipsa: & ita musculorum motum prohiberent, & ipsas faeces prout res postulatet, deorsum protrudere non valerent. Qui enim vulneratum habent peritonæum, prædicta incommoda patiuntur, teste Galibidem.

Secundus vsus.

Tertia, vt siccæ alimenti excrementa citius deorsum propellantur. Nam omnibus internis partibus ventris inferioris circumtensum est peritonæum, & superioribus extremitatibus ad pectorale os, & nothis costis, in idem conueniens cum subtensis phrenibus obliquis nonnihil auxiliatur compressorio motui ventriculi, & intestinorum; quo motu subire alimenti excrementa dicebamus: velut enim duabus quibusdam manibus, & peritonæo, & phrenibus superne quidem vnitis, inferne autem distantibus, cōstricta ea, quæ in medio sunt, exprimunt, pelluntque deorsum alimenti superflua. Nam si peritonæum inferna parte cum alio quodam phrenibus assimilari coniunctum esset, superna verò distaret, circumpressorium ita motum (qui fit à transuersis illis villis musculorum transuersorum) non magis ad inferiora, quam ad superiora pellere alimentum contingeret. Hæc Galenus de hac utilitate, quem nimis malignè carpit Vesalius, aiens, peritonæum voluntario motu carere. Sed incongruè nimis, vano stimulat supercilio, vt Galen. præteratur, ei obstreperit. Qui optimè nouit peritonæum non esse muscolum, nec ex se habere vim propellendi; sed à septo transuerso, & musculis abdominis talem suscipere vim expellendi. Sed inquit Vesalius, si peritonæum recensendum est inter ea, quæ ventrem inferiorem comprimant, membrana succingens costas inter partes thoracem comprimantes pari ratione numerari deberet, quod tamen à nemine dicitur. Ergo peritonæum inter comprimentia alium recenseri non debet.

Tertius vsus.

Responderetur concedendo paritatem, si vult; nihil enim inde incommodi. Paritas tamen, tanquam vitiosa, negari potest: quia compressio inferioris ventris ita fit, vt peritonæum intestina attingat comprimatque; at verò membrana succingens costas nihil interius in cavitatem thoracis comprimit. Compressionem enim impediunt costæ, quæ non sinunt, vt cor, aut pulmones comprimantur. Si enim comprimerentur, statim animal moriretur, vt patet in illo genere supplicij, quo ferrea massa nonnulli in pectore percutiuntur, quo angustato, & intus represso statim moriuntur. Thoracis verò dilatatio fit vt aer ingrediatur; comprimitur, vt aer corruptus euacuetur: huiusmodi autem contrarij motus ab epigastrio, septoque transuerso æquè ac a thorace exercentur. Verum ergo est Galeni dictum: Nam quemadmodum res varias, & distinctas, vt grana, herba contusa, & similia, manibus sine aliquo inuolucro lineo, laneo, coriaceo, aliove con simili, comprimere coarctareque nullatenus possemus, sic con-

Vesalius satisficit.

A quibus respiratio fit.

tentorum in ventriculo compressio nulla fieret, cum perfectione saltem, ni omnia peritonæo circumuoluerentur. Est ergo id quod comprimit, eo modo, quo baculus mouens lapidem, eum immediatè mouet, non vi propria, sed vi ei à manu concessa.

*Quartus v-
sus.*

Quarta vtilitas peritonæi operimenti exactè circumtensi, & constringentis omnia, est, ne ventriculus, & partes ventriculo propinquæ promptè flatibus prehendantur. Si enim vaporoso & flatuoso spiritu ventriculus repleretur, vt sapè contingit ob comesta flatuosa alimenta, vel aliam causam, tunc concoctio celebrari non posset; quia ventriculus alimenta arctè non complecteretur. Peritonæi verò ministerio amplectuntur ea vndique ventriculus & intestina, & flatus partim in forma ructus euacuatur, partim ad inferiora intestina protruditur: & sic ventriculus liberatur, cogiturque cibos ingestos arctius, amiciusque complecti. Hic ergo vsus magni est momenti.

*Quintus v-
sus.*

Quinta vtilitas est, vt omnia, quæ sunt sub phrenibus, id est, sub diaphragmate, colligentur ab eo; & velut pelle quadam vnūquodq; priuatim tegatur. Peritonæum autem specularem tunicam cuius parti contentæ contribuit.

C A P V T VI.

De Contentis Ventris inferioris.

DE continentibus partibus inferioris ventris plenè egimus; nunc autem de contentis partibus, quas seriatim describemus.

De Epiploo.

*Vnde dici-
tur epiplo-
on.*

PRima pars, quæ sese nobis offert post aperturam ventris, est omentū, quod Græcis *οπίπλον*, & *επίπλον* nuncupatur: *επιπλίω* enim, innatat, significat: epiploon igitur dicitur; quia veluti fluctuans fundo ventriculi & intestinis apparet, ex Gal. lib. 4. de vsu par. c. 11. Vnde, quia non tenaciter hæret partibus, non rarò in scrotum hominibus, & simijs (quia præ reliquis animalibus maximum habere omentum deprehenduntur) cadit, & epiplocelen, herniæ speciem, generat; Ideoq; Epiplocomistæ, quasi omentigestores dicuntur, teste Gal. lib. 6. de anatom. administ. c. 5. *γαργαμων*, & *σαγίης*, id est reticulum, propter innumera vascula dicitur. Hipp. *δίετρον* Arabibus Zirbus adiposus nuncupatur.

*Quid epi-
ploon.*

Epiploon est pars quædam ex duplicata membrana, marsupij, aut peræ aut sacculi instar, multisque venulis, arterioliis, & neruulis, ac seuo composita, ventriculi fundū, superiora intestina tegens, & ad lienem declinans, & chylicationis gratia productū, Gal. epiploi magnitudinē, compositionē, vsum, & ortum, exponit lib. 4. de vsu part. cap. 9. & 11. & lib. 6. de anatom. administ. c. 5. Componitur enim ex duplici membrana, quæ est duplicata peritonæi portio, seuo, neruulis, venulis, & arterioliis. Ex qua compositione eius temperamentum constat: quatenus enim membrana est, frigida & sicca gaudet temperamento: frigiditas tamen & siccitas à calore & hu-

humiditate adipis, sanguinis venalis, & arterialis, spiritusque, facile vincuntur: Ita vt epiploon vim habeat calefaciendi ventriculi fundum præcipuè, & intestina. Vt ergò chylicatio in ventriculo celebretur, tale tegumentum necessariū est. Ventriculū enim calefacit, vt refert Gal. lib. 4. de vsu part. c. 9. Vnde densum est, vt intus innatam caliditatem concludat: leue autem, vt sine dolore ac compressione, aut pondere calefaciat. Non ratione duplicitatis solummodo calefacit, sed insuper ratione venarum, & articularum, atque copiosæ pinguedinis circumfusæ; quæ quidem calidiores est, cum in flammam facile conuertatur, nihilq; frigidum ita promptè comburatur, vt loquitur Galen. lib. 4. cit. de vsu part. c. 9. & probat, primæ coctionis gratia omentum à natura fuisse productum; eò quòd, postquam vulnerato cuidam gladiatori fuit præscissum, venter, facile ab externo frigore lædebatur. Vnde assiduè lanis obuoluebatur; & maxime, quòd ante acceptum vulnus gracilis esset æger; & consequenter ipauca pinguedine subcutanea, cuius ope ventriculus & intestina foueretur, fructus esset. Cum ergo post amissum omentum, frigidiorē persentiret ventriculū, minusq; concoqueret, ac plurimis operimentis extrinsecus egeret gladiator iste, indicium est, calefactionis, & concoctionis gratia productum fuisse omentum.

*Epiploon
ventriculū
calefacit.*

*Omentum
primæ co-
ctionis gra-
tiā factum
est.*

Licet omentum figuram habeat marsupij, magnitudinis terminos dubiè exposuit Galen. qui lib. 4. de vsu part. c. 9. ipsum toti ventri anteriori interiùs coextendi asserit; adeoque non ventriculi tantum, sed intestinorum omnium coctionem adiunare. Arist. lib. 4. de part. animal. cap. 3. huius est sententiæ, dum ait, omentum ventriculi fundum operire, & omnia intestina. Vnde ipsum à medio ventriculo oriri ait, deorsumque protendi. Verum hodierna experientia conpertum est, omentum rarò infra vmbilicū porrigi. Ab hac quidem doctrina non recedit ipse Galenus lib. 6. de anatom. administration. cap. 5. aiens: In quibusdam quidem animalibus, haud multò infra, quàm vmbilicus est; in quibusdam verò ad pubis vsque ossa procedit.

*Omenti figu-
ra, & ma-
gnitudo.*

Situm, & insertionem, ortumque exponit Galen. libr. 6. de anatom. administration. c. 5. Inferior ergò, inquit, eius pars, id est pars illa, quæ iuxta spinam sub diaphragmate est, ab ipsius peritonæi plicis à spina exurgentibus procedit; superior, siue anterior pars à gibba ventriculi parte, & à sinistra parte lienis ortum deducit. Intestino colo mesenterij loco alligatur, adhæret etiam pancreati, mesenterio, & intestino duodeno.

*Situs & in-
sertio oment-
ti.*

De Intestinis.

Intestina quibusdam veteribus Latinis interanea dicebantur. Proinde Medici non rarò verbo exenterare, i. intestina extrahere, vtuntur. Græcis *εντερα, καὶ ενδρια, χολᾶδες, εγχοιλια, & ἑγχεα*. Arabes Chordas appellant; quia fortè, ex his instrumentorum quorundam, muscorum fides præparantur. Intestina enim sunt corpus oblongum, rotundum, & cauum duabus proprijs tunicis, transuersis fibris, contextis, à ventriculo ad anum flexuosè porrectum, perficiendi distribuendiq; chyli gratia, fæces conferuandi, expellendique. In singulari intestina describere placuit; quoniam omnia vnum intestinum efficiunt. Rotunda figura prædita sunt intestina, vt facilius ad ea ex ventriculo chylus confectus detru-

*Intestinorū
vari a no-
mina.
Quid inte-
stinum.*

datur: vtque etiam per ea transferatur chylus; vtque impura & superflua à puro alimento secreta, ad vltima relegentur intestina, necessariò, caua, simul & oblonga esse debuerunt. Longitudo, præterea necessaria est, vt cibus in ventriculo coctus longiorem morâ in ipsis contrahat; quemadmodum fusiùs in sequentibus dicemus.

Interna in Duabus proprijs tunicis, tanquam partibus essentialibus, intestina const-
testinorum stant. Quarum interna neruosior est, vt exquisitissimo sensu intestina pol-
tunica ner leant, ad expulsionem sine cunctatione, rei acris & molestæ; bilis v.g. qua
uosior est ad intestina ex vesicula fellea amandatur, quæque eadem intestina sua mo-
externa. ra corroderet, ni ea eius acrimonia stimulata eam illico deturbarent. Ne
Crassi hu- tamen in perpetua passione (*αἰσθητικὴ* vocat Gal.) versetur homo, interna
moris quo illius membranæ exquisitum sensum paulò obtusorem reddidit natura, vni-
interna tu uersam eius internam faciem obducendo crassò quodam humore, quem in-
nica obdu- ternam intestinorum pinguedinem vocat Gal. Hic concretus humor, cum
citur vsus. pinguedinis speciem referat, lubrica reddit intestina: Atq; adeo sua hac lu-
bricitate bilem præterlabi commodè sinit, & sua crassitie, ne ad intestina
penetret, prohibet. Eadem insuper humiditas bilis vim obtundit. Inter-
na illa intestinorum tunica fibras quasdam veluti carneas obtinet: quod for-
tè Vassæum commouit, vt censeret internam hanc tunicam carnosiores
esse externa; cum tamen externa plurimorum iudicio carnosior sit. Has
duas tunicas Græci *κίχωνες* appellant; quibus ambabus natura intesti-
na muniuit, vt motum expulsiuum, quo præcipuè prædita sunt, maio-
ri cum robore perficiant, & vt ab iniurijs internis, ab acris humoribus
sæpè illatis, sese tutaentur. Exesa enim non rarò in dysenteria interna tu-
nica, sæpè curantur ægri; quia externa tunica ab omni labe seruata est. Et
sic interna exesa decursu temporis sanari poterit. Hanc duplicis tunicæ ne-
cessitatem commemorat Gal. lib. 4. de vsu part.

Vassæopi-
nio.

Duarum
tunicarum
intestinorū
vsus.

Intestina
transuersis
fibris, qua-
si solis, gau-
dent.

Quid mo-
tus peristal-
ticus.

Villi recti
intestinis
concessi vt
transuersos
inuēt, nō vt
attrahētri-
ci officiali
facultati,
qua nulla
est, infer-
unt.

Tertia in-
testinorum
tunica.

Duæ prædictæ propriæ tunicæ multis transuersis fibris intertextæ sunt: quia consimiles fibræ ad expellendum conferunt. Verùm rectum præcipuè intestinum quibusdam rectis gaudet, non vt trahat, sed vt extensione re-
ctarum circulares fibræ firmentur. Vi ergo transuersarum fibrarum, quibus
vtraque tunica dotata est, intestina motum peristalticum perficiunt; id est,
quando intestina superiora prius, & rursus inferiora, sese fibrarum transuer-
sarum ope contrahunt, coarctantq; vt tali motu à primis intestinis inchoa-
to excrementa præcipuè deorsum propellantur. Vt autem huiusmodi mo-
tus ministerio transuersarum successiuè factus deorsum, completior eua-
dat, sagax natura, rectas nonnullas fibras exterius transuersis. Supraten-
sis concessit, ut habet Galenus libro quarto de anatom. administ. rat. c. 17.
Nonnullis verò intestinorum, inquit, quidam villi recti secundum longi-
tudinem obtenduntur, ad transuersorum tutelam. Ideoque animalibus te-
nues habentibus intestinorum tunicas, aut actiones vehementiores, potissi-
mum hoc inest. Periculum enim erat, ne transuersi villi à sese mutuo
auellerentur, nisi extrinsecus à rectis, velut vinculo quodam, fuissent
deuincti. Quò sit, vt in recto intestino complures eiusmodi fuerint &c.
Gaudent vltèrius intestina tertia exteriori tunica; quam, vt reliquæ infe-
rioris ventris partes, contentæ, & præcipuè venter, à peritonæo mutua-
ta sunt, vt habet Gal. lib. 6. de anat. administ. c. 7. & lib. 4. de vsu part. c. 17.
Itaque intestina, vt sine iactura dilatari faciliè possint, dum cibo, flaribus, aut
fecibus replentur, ex substantia membranæ consistere debere; nec sua car-
ne non sint destituta.

Ed ipso, quòd intestina membranosa sint, liquidò constat, ea frigido siccoque temperamento prædita esse. Innumeras venulas à venæ portæ trunco, & mesenterico ramo intestina recipiunt: arteriolas à ramo caliacò, & mesenterico: à sexta neruorum coniugatione neruulos innumeros.

Hippoc. lib. de struct. hom. intestinis longitudinem tredecim cubitorum concedit. Resiccata intestina & statu distenta septies corporis longitudinem adæquare obseruauit Laurentius. Sed ego contrarium obseruauì, id est, intestina etiam mollia, adeoque longiora, non æquare sexies hominis longitudinem. Spinæ dorsì, mesenterij interiectu, intestina annectuntur, si colon excipias.

Et si vnicum sit intestinum ventriculo continuatum (eadem enim ventriculi, & intestinorum est natura, vt loquitur Gal. lib. 6. de anatom. administr. c. 9.) ratione tamen magnitudinis, & numeri orbium, seu anfractuum, in sex intestina illud vnum diuiditur, vt habet Gal. cap. iam cit. & lib. 5. de vsu part. c. 3. Ex latere ergò fundi ventriculi, & pyloro, siue orificio inferno ventriculi, primum emergit intestinum quod *ἐκρυσις* id est exortus dicitur; quia à pyloro immediatè oritur; in intestinum etiam vocatur, vt loquitur Gal. lib. 5. de vsu part. c. 3. quia est veluti tendentia & via ad intestina. Lib. 6. de anatom. administr. *δωδεκάδακτυλον*, rectè ab Herophilo appellari monet Gal, quia longitudinis duodecim digitorum esse censetur. Vnde ab Anatomicis communiter duodenum appellatur. Sed nostris temporibus non est tantæ longitudinis. Hoc intestinum satis argustum est, referente Gal. cap. vlt. citatò; & meritò quidem, ne retro chylus in intestina à ventriculo detrusus regurgitet, neque subitò chylus etiam deorsum labatur. Porrigitur rectà hoc intestinum in dextro latere deorsum versus spinam, sine circumuolutione, aut reflexione vlla, ad iciumum vsque. Rectà autem sine gyris protensum est, vt partibus ibi sitis cedat, locumque relinquat; venis nimirum, arterijs, neruis, pancreati, & cysti fellis, vt habet Gal. lib. 5. de vsu part. c. 2. Venæ quidem portæ à iecoris cavo exeunti cedere debuit; nam si inibi in gyros flecteretur, huius venæ productionem impediret, & nominatas etiam partes simul infestaret. Rectum etiam esse debuit, vt bilem à cysti fellis susceptam, deorsum ad intestina muco plena citius propelleret. Nullam venulam à mesenterico ramo transuersim accipit, more reliquorum intestinorum; quia ex hoc intestino chylus ad hepar non fugitur; à trunco ergò venæ portæ secundum sui longitudinem venam accipit; quæ quia rectà cum eo deorsum tendit, intestina appellatur. Proximum, annexumque duodeno intestinum Galeno lib. 5. de vsu part. c. 3. *ἰκίον*, id est iciumum, appellatur; quòd semper seicè inane sine alimento inueniatur quia, vt prædicto capite loquitur Gal, primum omnium intestinorum iciumum alimentum in ventriculo in chylum mutatum, atque concoctum accipit: positio autem ipsius est ad hepar, vatorumque multorum in sese officina continet. Ad hæc excrementum biliosum paulò supra ad ipsam ex ventriculo ecphyum, meatus bilis ducentes deferunt: Porro hepar ipsum adhuc vacuum ex hoc primo intestino sursum alimentum rapit. His paucis iciumi intestini situm, officium & rationem vacuitatis ostendit Gal. Situm enim est proximè omnium ad hepar; ita tamen, vt totam fermè vmbilici regionem occupet, & ad ilia vsque extendatur. Exorditur autem, vbi duodenum in gyrum flecti incipit. Mesenterio arctè colligatur, & in plures circumuolutiones voluitur, vt cibos paulò diutius contineat, donec à venis meseraicis, tanquam à manibus hepatis, id omne, quod vtile & tenne in chylo continetur, assugatur.

Intestina frigida & sicca.

Intestinarum longitudo.

Nexus.

Sex intestina.

Duodenum est primum

Situs.

Secundum intestinum iciumum appellatur & cur.

Situs iciumi.

Nex. siue colligatio.

Hoc intestinū vacuum ferè semper ab Anatomicis inuenitur, quia inter intestina est primum receptaculum, in quo chylus moram contrahit; vnde hepatis vacuo alimenta suggerit per numerosissimas venulas meseraicas obliquè insertas inter duas huius intestini tunicas, vt testatur Galen. lib. 6. de anatom. administ. c. 9. & lib. 5. de vsu part. c. 3. Vacuitatem etiam huius intestini auget bilis, quæ sincera ab intestino duodeno in hoc delabitur, ipsumque alluit; adeoque ad assiduam excretionem, propter sui mordacitatem, stimulat; quòd non facit eadem bilis in subsequenibus intestinis, quia eius acrimonia à mucò & reliquis excrementis retunditur. Quatuor ergo sunt causæ, cur ieiunum intestinum semper ferè inane reperiatur. Prima, quia est primum receptaculum chyli. Secunda, quia vasorum multitudine pollet. Tertia, quia proximam hepatis positionem, siue situm habet. Quarta, quia bilem in suo vigore immediatè ex duodeno suscipit. Vide sis c. 17. lib. 4. de vsu partium.

*Rationes
ob quas ie-
iunum ferè
semper va-
cuum repe-
ritur.*

*Cur aliquā-
do ieiunum
non est va-
cuum.*

Licet dixerit Gal. ieiunum esse quasi semper vacuum, id tamen non esse perpetuè veritatis ait: Primò, quando alimentum non est probe in chylum conuersum; quia tunc, vtpote crassum & incoctum, celeriter per intestinum ferri nequit; nec à venis meseraicis rapi, & ad hepar relegari. Secundò, quando sufficiens bilis quantitas acri qualitate prædita, deorsum non fertur. Tertiò, quando iecur imbellè est, aut humoribus plenum. Quartò, quando meseraicæ venæ obstructæ sunt.

*Tertium
intestinum
Ileon*

Ieiunum intestinum desinit in aliud sibi simile secundum substantiam, quod tenue appellatur; licet enim tria gracilia intestina, duodenum, ieiunum, & ileon, λεπτά, id est tenuia vocentur, sicuti σπυγῆ, id est, gracilia, simpliciter tamen & absolute tertium intestinum ita à Gal. nominatur lib. 6. de anatom. administ. c. 9. quia fortè oblongum respectu aliorum intestinorum est. εἰλεὼν etiam, & εἰλυμα ab iisdem Græcis vocatur, quòd quàm plurimis orbibus & anfractibus inuolutum sit; vt inter alios rectè monet Laurentius. εἰλεῖν enim vertere est; & εἰλίσσειν conuoluere. Vnde εἰλεὼς conuolutulus. Hoc intestinum paulo infra vmbilicum vtrinque ad ilia & coxas positum est. Vnde & ilibus ilium nomen dedit. Omnium intestinorum longissimum est; ideoque cū in inferiori ventre resideat, ipsum est, quod in scrotum facillè cadit, & intestinale herniam efficit.

Situs.

*Longissimū
omnium.*

Quoniam continua sunt, & eiusdem figuræ ac magnitudinis ieiunum, & ileon, ea ab inuicem distinguit Gal. lib. 6. de anatom. administ. cap. 9. his duabus notis: Ileon vacuum non reperitur, sicuti ieiunum; neque tot vasis scatet, ac ieiunum; quod ideo rubicundius est, quam ileon. Situ etiam differant. Vfus idem ac ieiuni.

*Ieiunum
& ileon
quomodo
discrepant.*

*Quartum
intestinum
est Cæcum.*

Quantum intestinum κύμαλον Græcis, Latinis cæcum, monoculus, saccus dicitur. De quo Gal. lib. 4. de vsu part. c. 18. sic loquitur: Principium autem eius (id est crassi intestini) est cæcum intestinum. Vbi enim tenue intestinum desinit, illinc ad dextrum quidem cæcum, ad sinistram autem colon emergit, dextra prius ilia præteruectum. Porro cæcum prorsus velut venter quidam est crassus, excrementis recipiendis appositus, cui ad proportionem colon respondet. Atque plurimis sanè auibus, propter actionis robur, cæcum intestinum est duplex: nam, si quid in transitu per tenue intestinum anadosim fefellerit, id omne diuturna in cæco mora planè exurgitur. Porro auibus ferè omnibus actiones, ventriculi atque intestinorum robustas habentibus, excrementorum receptacula bina extirerunt; ne quid, cū alimentum celeriter feratur, non exhaustum prætermittatur, &

Caci vsus.

*Aues du-
plex habet
cæcum.*

ut egestio repente, ac semel, non continuè & paulatim fiat. Verùm in hominibus, ac pedestribus animalibus omnibus vnicum cæcum intestinum natura inelita, in dextris ilibus ipsum constituit; quod locum ibi idoneum haberet vacuum, rene dextro altius appenso.

His clarè cæci naturam, situm, vsumque exposuit. Est enim veluti crassus quidam ventriculus, siue sacculus longam appendicem, contorti lumbrici formam referentem, habens, vnicumque foramen obrinens; quod quidem peruium est rei, quæ ingreditur cæcum, reique quæ egreditur; tametsi contrarium sentiat Mundinus, cæcum videlicet duos habere distinctos meatus; vnum per quem res ingreditur, alterum per quem egreditur. Quidquid enim alimenti anadosim, siue distributionem subterfugit, ex gracilibus intestinis id colligit cæcum, & in appendicem, tanquam in penum, vsque ad distribuendi tempus, reponit: rursus autem à venis mesenterij fugitur. Infantes longam habent appendicem, ob alimenti humidi vsum. In appendice illa quamplurima reseruantur ad plures vsque menses, vt cerasorum nucleis, racemorum, vel vuarum pelliculæ, acinique. Situm est cæcum in recto ilio, dum sursum extremitas ilei intestini vergit, & sub rene dextro, vel prope ipsum. Vel, vt alijs placet, cæcum prope inguen dextrum situm habet. Ad principium cæci intestini valvula deorsum terminans appositæ est, ne quidquam ex superfluitatibus præterlapsis in intestina gracilia redeat.

Vnicum cæcum tu cæcum gaudet.

Quintum intestinum omnium amplissimum; καλόν nuncupatur à καλόν vt quibusdā placuit, id est, rerardo, remior; quia fæces in eo diuturno tempore morantur. Alij à καλὰ ζέσαι, id est, à torquendo dici credunt; quia torminibus & cruciatibus præcis sæpè diuexatur; quod crudæ pituitæ veluti officina censeatur, ob sui amplitudinem; tum quia ab infernis, ano scilicet, aerem recipit, estque tanquam flatuum receptaculum, teste Gal. commen. 4. in lib. 6. Epidem. Adde, quod non scatet tot venis, & arterijs, ac gracilia intestina; quæ tum ob vasorum multitudinem, tum ob sui angustiam, & circumuolutiones facilius pituitam concoquunt, quàm crassa. Ad hæc bilis, cum sui abstergerendi virtute gracilium intestinerum anfractus peruatit perlustratque, ad crassam autem non nisi viribus ferè destituta pertingit. Non colon, sed κόλον ab alijs dicitur, quia plures habet cellulas aut concauerationes. Vnde cellulatum dicitur ab Arabibus. In his discretis cellulis fæces efformantur: stringi .n. per interualla interiùs visitur hoc intestinum, vt prædictæ concauerationes formentur, & vt in hisce formatis diutius retineatur chyli crassamentum, ad hoc, vt quidquid in eo boni succi superstes est, à venis fugatur, & ex inutiles, crassaque substantia fæces formentur. Quæ quidem diuturno tempore retineri debent, ne deorsum ad rectum deiectæ, animal ad excretionem intempestiuè cogeretur. Ad prædictarum cellularum conseruationem prouida natura coli medio densiorem concessit substantiam, instar ligamenti, adque medijs digiti longitudinem, quod colo secundum longitudinem coextenditur. Colon sui exordium habet iuxta, aut infra renem dextrum, à quò sursum protenditur ad iecoris cauum; & præcipuè, vbi folliculus fellis propendet: illinc verò ad ventriculi fundum, cui superponitur, & veluti annexitur: Inde ad lienem, cui accumbit: rursus reni sinistro alligatur: à rene in posticam partem retro gracilia intestina versus inferiores lumborum vertebrae flectitur; in hoc eius flexu duos efficit gyros, instar litteræ maiusculæ S, ne fæces vnica vice, sed vnâ partem post aliam reddamus.

Quintum intestinum colon dicitur.

Variæ coli deriuationes.

Situs coli.

Vi enim istius flexus aliquandiu sæcum pars detinetur, donec quæ fluxit, ad rectum protrudatur. Terminatur tandem, ac desinit in ossis sacri principium, vbi rectum intestinum incipit.

Coli ligamēta. Colon duo habet ligamenta zonularum instar, vt ijs mediantibus, supernis, infernisque partibus validè alligetur. Ad principium coli valvula quædam in ipsam coli cavitatem respiciens, sæpè animaduersa est, quæ instar ostioli, sæcum, aliarumque superfluitatum reflexum ad gracilia intestina prohibeat. Doctus Laurent. ob dictam valvulam, aliamque cæco tributam, asserit nihil sursum in statu naturali ex crassioribus intestinis in gracilia transferri; aitque, Rhazium lib. 9. continentis, affirmantem, clysterem impetu iniectum ad ventriculum vsq; peruenire, immo per nares sæpè reijci, & Galenum lib. 3. de symptom. caus. dicentem, quosdam iniectos clysteres vomitu reiectos fuisse, de clysteribus iniectis, dū ventriculus morbo aliquo afficeretur, loquutos. Veruntamen Gal. lib. 5. meth. de statu sano loqui videtur, dum ait, liquorem per anum iniectum vix ieiunum

Laurentij opinio. intestinum attingere: putauit ergo iniectum clysterem supra crassa ad ilium saltem ferri.

Quare colo sursum sepius instar circumtenetur. Prima ratio cur colon instar sepimenti gracilium intestinorum sursum circumferatur, ita vt in hepatis cauum deducatur, supra ventriculi fundū, supraque lienem, & versus sinistram renem, est, vt sit instar sepimenti, vt dixi; tum quia est ignobile intestinum, respectu gracilium. Vnde inter epigastrium, & gracilia intestina collocari debuit, ne ileon & ieiunum, ab hepate, ad quod alimentū deferūt, semoueat. Secunda ratio est, vt epiploa alligetur, cuius vi illud intestinum, cui optime alligatur, quodq; cooperit, fouetur, incalescit, & humectatur: hæc humectatio protinus necessaria est, vt stercore, quæ sæpè in colo indurantur, humescant: sic enim facilius detrudentur, & ipsius intestini imbecillitas emendabitur, vt alimenti residuum in colum deductum melius concoquatur. Tertia causa, ob quam supernè collocatur colon, est; quia cū sit sæcum præcipuum receptaculum, conseruator, & efformator, cūque præterea in eo coaceruetur copiosa pituita cruda, viscida, lenta, frigida, & non rarò vitrea, necessum fuit, exterius saltem vesiculam fellis in cauitate hepatis sitam, ipsum desuper contingere, vt bilis ipsum colon penetrantis, & peruadentis auxilio, facultas expultrix stimuletur ad sæcum, aliarumque superfluitatum expulsionem, detersionemque. Has tres rationes attigit Mundinus. Addunt alij aliam rationem situs coli in superioribus, ne scilicet statim ex eo excrementa, & chyli residuū cito cursu deorsum labascant. Alij ipsum sursum circumuolui putant, vt eius decubitu supra ventriculi fundum, eiusdem ventriculi virtus concoctrix iuuetur. Verū hæc ratio humilis est, quòd exiguo calore præditum sit huiusmodi intestinum.

Colo supra lienem an- gasti- us sit. Notare adhuc iuuat, colon, dum lienem cooperit, angustius effici, ne sua amplitudine, maximè dum repletur, lienem comprimeret, aut etiam renem. Propter hunc coli cum liene contactum, quoties lien in tumorem attollitur, vix status in colo oclusus ad rectum intestinum erumpit, nisi prius ipsa manu lien deprimatur. Lienosi ideo difficilius, quàm cæteri homines, sæces egerunt; quia lienis tumor colon comprimendo angustius

Stomachica syncope reddit. Notare adhuc iuuat, colon, dum lienem cooperit, angustius effici, ne sua amplitudine, maximè dum repletur, lienem comprimeret, aut etiam renem. Propter hunc coli cum liene contactum, quoties lien in tumorem attollitur, vix status in colo oclusus ad rectum intestinum erumpit, nisi prius ipsa manu lien deprimatur. Lienosi ideo difficilius, quàm cæteri homines, sæces egerunt; quia lienis tumor colon comprimendo angustius

sæpe propter affectu coli oritur. Rursus animaduertenda est lypothimix, aut synopis causa, quoties alij qui aluum exonerant, aut exonerare cupiunt. Id enim ideo fit, quia humores quidam, qui aliquando borborigum efficiunt, in colo supra ven-

triculum commoti, propter viciniam ipsum ventriculum cum suo sensibili officio alterant, lāduntque. Dum etiam colon ventriculi fundo superpositum, colico dolore laborat, ob eandem viciniam, acerbiores proritantur dolores, quando ventriculus cibo repletur, quā quando inanis est. Cuius ferè contrarium in renali dolore accidit, Dolor enim colicus, vtplurimū, à parte sinistra incipit; quia ibi colon frigidius est, quā in parte dextra, in qua vesicula fellis colon attingit. Colicus tamen dolor in sinistra parte concitatus facilè soluitur, propter viciniam recti intestini cum colo, ad quod flatus & reliquæ superfluitates à colo facilè relegantur.

Tandem obseruandum, dum clyster inijcitur, ægri debere in latus dextrum recumbere; ne videlicet intestinum colon comprimeretur, si in sinistrum latus reclinaret; nam ex hac compressione, & coarctatione intestini, clysteris introitus impediretur. Iniecto tamen clystere in sinistrum latus se voluat æger. Quoniam colon in sinistra parte frigidius est, lienique accumbit, dum colico dolore premitur, exteriora remedia ei summopere proderunt.

Sextum, & vltimum intestinum Græcis *απειδυμῖον* dicitur. Barbari longanon, aut longaon, Latini rectum vocitant; quia rectà deorsum ad ossis sacri longitudinem, ad anum vsque protenditur. Hippocrati *ἄρρος*, id est, princeps dicitur: licet hoc nomen ano conueniat, vt ex lib. 5, Epidem. constat. Quibusdam Græcis *δεντάλιος* nuncupatur. Hoc intestinum ossis sacri, mediante peritonæo, alligatur. In sui principio, id est, versus initium ossis sacri, angustum est: iuxta finem multò amplius, duas ob causas. Primò, vt liberior exitus prope anum inutilibus fæcibus concedatur. Secundò, vt copiosæ faeces inibi contineri possint. Extremitas huius intestini arctè constringitur à circumlatis quibusdam musculis (sphincteres dicuntur à *σφιγγεται*, id est, constringitur); ne nimirum innoluntariè faeces probabantur, & exeant, contra ciuilem viuendi ritum. Quoniam in viris vesicæ substernitur hoc intestinum, & arctà ideo intercedit vicinia, dum horum vnum patitur, aliad ei comparitur.

Hactenus de differentijs magis proprijs intestinorum. Multis placet intestina in superiora, & inferiora distinguere. Si situm spectemus, colon intestinum supra reliqua primum obtinet locum: Secundum, exortus, seu productus, siue duodenum: Tertium locum, ieiunum: Ileon verò, cæcum, & rectum vltima sunt. Verum ratione continuationis intestinorum ventriculo, duodenum primum dicitur: ieiunum secundum: ileon tertium: cæcum quartum: Colon quintum: rectum sextum.

Ratione situs, quem in suis locis habent, intestina (non verò, ratione figure, quoniam omnia rotunda sunt) quædam recta dicuntur, vt duodenum, & rectum dictum. Quædam verò obliqua, & varijs gyris aut circumuolutionibus contorta, vt ieiunum, ileon, & colon.

Ratione muneris & vsus à Gal. in duo intestina totum intestinum diuiditur, lib. 4. de vsu part. c. 18. Omnia enim intestina alimentorum distributioni, & excrementorum expulsionì à natura dicata sunt. Quæ autem maximè distributioni inseruiunt, ratione substantiæ tenuia, graciliaue intestina appellantur; Plauto lactes, ab antiquo verbo, lacio, id est prolicio: quoniam ex ventriculo chylum allicere videntur. Rectius. n. sic interpretadus est Plautus; quā si diceremus, Lactes. ideo dici, quia ob pinguedinem alba sunt: nam ieiunum saltem, rubicundo colore præditum est. Plinius libro undecimo eadem tenuia intestina lactes vocat. Pro tenui intestino Gal. de-

Dolor colicus in sinistra parte frequētius infestat.

Reclinet æger in latus dextrū, quoties clyster subijcitur.

Remedia externa pro colico dolore sinistro hypochondrio adhibeantur. Sextum intestinum rectum appellatur. Quare.

Situs.

Cur rectū primò angustum rursum amplius. Musculus sphincter. Intestinorum diuisio ratione situs.

Diuisio ratione continuationis. Diuisio ratione situs in proprio loco.

Diuisio ratione officij.

intinum, & ileon præcipue intelligit: ideo processum, siue exortum duode-
num dictum, in intestinum vocat; id est productum, aut tendentiam in in-
testinum gracile. Aliud intestinum, quod gracili, ratione consistentiæ op-
ponitur, crassum à Galen. appellatur, cuius principium est cæcum. Hoc
prehendit intestinum crassum in tria distribuitur, cæcum, scolon & rectum: quæ
cæcum, col- quod crassa & valida sint, ad excrementorum collectionem, pro tempore,
lon, & re- conseruationem, & expulsionem, à crassitie nomen sortita sunt; & pro-
etum. pter vsu, excrementorum receptacula. Imò ideo à quibusdam inferior
veter nuncupatur, teste Gal. cap. 18. cit. vbi de vtroque intestino, gracili, &
crasso; sic loquitur: Quemadmodum intestinum tenue distributioni desti-
natum est, eiusque gratia exitit; quàmuis etiam concoquat alimentum,
ac propellat; ita & crassum intestinum non repentinæ excretionis compa-
ratum est. Exacè quidem intestinorum gracilium vsu atque officium
exponit Galenus lib. 4. de vsu part. cap. 17. Coquitur quidem adhuc alimen-
tum, & in ipso per intestina transitu, vt in venis etiam omnibus sanguis:

*Chylus in
intestini;
sanguisque
in venis le-
ui quadam
coctione co-
quantur,
sen potius
perficiuntur.
Intestina
vi peculia-
ri, non offi-
ciali conco-
quant.*

cum tamen neque intestinorum vllum concoctionis, neque venæ sangui-
ficationis gratia extiterint; & paulò post: Quemadmodum igitur venis, cum
eas distributionis instrumenta fecisset, facultatem sanguinis generatricem
indidit, ne, dum per eas fertur, tempus ipsi alimento deperiret; ad eun-
dem modum, & intestinis distributionis in venas gratia institutis facultas
quædam concoctrix ciborum inest: quòd fieri omnino non poterat, quin
singule animalis particulæ virtutem quandam haberent alteratricem. Iam
verò intestinorum substantia, haud multum à ventriculo est diuersa: quòd
fit, vt si facultatem alteratricem ipsis quoque inditam fuisse oportuit, ipsi
ventriculo assimilem, in his quoque cibum concoqui necessariò consequa-
tur: Nam, vt in hepate est veluti officina sanguificationis, ita in ventri-
culo concoctionis. Quòd autem neque superfluum prius delatio-
nis, neque concoctionis gratia, sed, vt id omne, quod in ventriculo in-
chylum est mutatum assumatur in venas, constructa fuerunt intestina.

*Tria inte-
stinor. praci-
pue graci-
lium munia.
Primum.*

In hoc textu Gal. tria munia intestinis manifestè concedit. Primum, vt
chylum in ventriculo coctum, quadam velut vteriori coctione còpleant
perficiantur. Quòd autem vim concoquendi habeant intestina, ex duplici
capite probat Galenus. Primò, quia qualibet pars corporis vim habet al-
teratricem, siue concoctricem. Sed intestina sunt partes corporis. Ergò
vi coctricis imbuta sunt. Secundò, substantia intestinorum haud mul-
tum à ventriculi substantia differt. Ergò habent vim coctricem, siue al-
teratricem facultatem, similem facultati concoctrici ventriculi. Ac pro-
inde in ijs cibis concoquitur. Probat intestinorum substantiam non esse
multum diuersam à substantia ventriculi; quia intestina duas habent ner-
ueas tunicas, carneis quibuscumque fibris interstitas, sicuti ventriculus: Vnde

*Ventriculus
& intesti-
na carnea
instrumen-
ta à Gal.
appellatur.
Intestina
ventriculo
similia.*

à Gal. in meth. med. membræ dicuntur: Carnosa verò, sicuti ventricu-
lus, propter carneas fibras nominantur ab eodem Gal. lib. 14. de vsu part.
vbi ait, ventriculum, & intestina carnea esse, quia organa coctionis. Ita-
quæ cum intestina temperamento, colore, & tunicarum textura cum ven-
triculo conueniant, rectè dicuntur habere vim perficiendi chylum coctum
& efformatum in ventriculo. Dixi, perfici, quia cibus in ore præparatur,
in ventriculo propriè concoquitur, in intestinis autem gracilibus perfici-
tur; non quòd facultate concoctrici officiali, in vniuersi corporis gratiam,
prædita sint, sicuti ventriculus & hepar; sed quia quamdiu in ijs chylus
commoratur, propria & peculiari facultate cocture ipsum aliquantulum al-
terant.

tant: & sic eum leui hac coctione perficere dicuntur. Licet n. cum ventriculo similitudinem habeant, vt docet Galen. dissimilem tamen naturā habent tunica ventriculi, & intestinorum, vt aſſert ipſe Galen. lib. 4. de vſu part. c. 8. ſtatim in limine. Durior enim & craſſior eſt interna ventriculi tunica, quā intestinorum; quā ideo partem ventriculi non eſſe ibidem aſſeruit.

*Intestina
ventriculo
dissimilia.*

Secundum, idque præcipuum munus intestinorum (gracilium ſcilicet) eſt, vt alimentum coctum diſtribuant venis, quæ in ea inferuntur, vt hæ rurfus ad hepar idem alimentum deferant. Non enim rectè ad anum inſtina feruntur, ſed quamplurimis reueſſionibus, & ſpiris orbiculatis intorta, vt diuturno tempore cibus in iſtis anſractibus retineatur; donec totus inſtina tunicas in tam anguſta via pertingat, vt perficiatur, & tandem à meſeraicis ſugatur. Si quid verò alimenti effugerit in tranſitu per primam inſtinarum circumuolutionem, vt loquitur Gal. lib. 4. de vſu part. c. 17. per ſecundam quidem continget: quod ſi hic quoque effugerit, per tertiam, vel quartam, vel quintam, vel quamlibet ſequentium. In tranſitu igitur adeo anguſto & longo, & quamplurima inuolucra habente, omnes partes alimenti coguntur tandem verſari cum vaſorum orificijs; condensatum enim eſt in orbem omne inſtina innumerabili quadam multitudine orificiorum intro peruenientium, à quibus rapitur ſuſum, quod ex prætereunte alimento vtile eſt. Vnde fieri nequit, vt ſuccus vllus nutriendo animali idoneus effugiat, fallat, atque ex animali elabatur; quādo ſaltem lege naturæ corpora gubernantur. Inſtina autem quamplurima habent inuolucra, vt alimentum diutiùs contineatur, & corpori alendo producto tempore ſufficiat; alioquin à Philoſophia & Muſis ad cibum acquirendum genus humanum frequentiffimè recedere cogeretur, vt accidit ijs animalibus, quæ ſimplex inſtina à ventriculo ad anum vſque protenſum habent: quæ omnia inſatiabilia ac gulofa, plantarumque modo, cibo aſſiduè adhærent: Inſtinarum ergo, gracilium præcipuè, hoc munus eſt: ex quibus, licet venæ plurimum alimentum extrahant, arteriole tamen ad eadem inſtina pertingentes, & terminatæ, modicum quiddam alimentum aſſumunt, vt habet Galenus libro 4. de vſu partium capite 17. citato.

*Secundum
munus.*

*A venis
meſeraicis
chylus in
hepar rapitur.
Cur inſtina
na variè
complicata
& circumuoluta.*

*Arteriola
meſeraica
chylus aliquid attra-
hunt.*

*Tertium
munus.*

Tertium inſtinarum miniſterium eſt, vt excrementa quæuis deorſum protrudant, & inde extra corpus pro arbitrio hominis. Craſſum inſtinum, cuius principium eſt cæcum, hoc munus præcipuè obit. Colon circumuolutum eſt, ne citò labantur fæces, vt ſuperius comprehenſum eſt. Rectum in ſuo fine ſtringentes mufculos habet, ne præter voluntatis iuſſum ſtercora egeramus. Voracia quidem animalia, quæ craſſum inſtinum intortum habent, & rectum, ac in amplitudine æquale, quia aſſiduè paſcuntur, aſſiduè egerunt; vt loquitur Gal. lib. 4. de vſu part. cap. 18. Motu autem naturali, & perſtaſtico, vi fibrarum tranſuerſarum celebrato, & motu animali mufculorum abdominis, excrementa quæuis deorſum egerimus.

Nota.

*Ex qua-
tuor ſacul-
tibus fa-
mulantib⁹
officialibus
unica gau-
dent expul-
trice inſti-
na.*

Vnicam autem facultatem expultricem, vi fibrarum tranſuerſarum ſuam actionem edentem, inſtina concedit Gal. lib. 4. de viu part. c. 17. quia vnico fibrarum tranſuerſarum genere prædita ſunt; omnia enim à vetriculo & aliunde in ea expulſa, quia ea vel aggrauant, vel aliqua qualitate inſeſtant, expellere coguntur. Ergo ex officialibus facultatibus naturalibus ſolam poſſident expultricem. Attraçtrice autem, & retentrice, officialibus

bus scilicet, non indigent, ex Gal.lib. 5. de vsu part. c. 2. Ventriculus enim, quæ per os assumuntur sponte deorsum expellit. Humor biliosus à cysti tellis etiam in intestina profunditur, & sic attractiue officiali non egent; sicuti nec retentrice officiali, quia innumeras habent circumuolutiones, ad retentionem sufficientes, vice fibrarum obliquarum. Sola ergo expultrice officiali egent ad vniuersi corporis conseruationem. Alimètorum enim excrementa in inferiora intestina detrusa, quia inutilia, non amplius à calore natiuo, quatenus naturæ fouens & conseruans instrumentum est, gubernantur, sed solummodo quatenus calor igneus est. Quare non probè recta fatent: maximè verò in hominibus, qui humido, & variegato alimento cum voluptate vtuntur.

*Cur alui
excrementa
in homini-
bus fatidio-
ra.*

De Mesenterio.

Mesenterium à medio dicitur. *μεσεντέριον* à situ ideo dicitur ex Gal.lib. 6. de anatom. administ. c. 6. nam medium inter intestina situm est. Idem mesenterium ex Gal. ibidem *μεσάραιον* à peculiari substantia, qua constat dicitur. Quibusdam *λέπτον, άραιον, & σένον* appellatur. Alijs placet mesenterium esse genus ad *μεσάραιον, & μεσοκόλον*. Mesaræum est illa portio, quæ tenuia colligat intestina. Mesocolon dicitur pars, quæ crassa amplectitur. Interpretibus Arist.lib. 4. de part. animal. c. 1. mesenterion, lactes dicitur.

*In mesara
on & meso-
colō diuidi-
tur.*

Ex Gal. dictis, & ex ijs quæ ab eo dicuntur lib. 4. de vsu part. c. ult. & lib. 6. de anat. administ. c. 6. constat, mesenterium esse simplicem membranā qua parte intestina contegit, duplicem verò qua eadem intestina, sed præcipuè gracilia artè colligat circuli instat, eademque rursus lumborum vertebris. Est ergo membranosa pars duplici constans tunica à peritonæo accepta, venulis, arteriis, neruulis, pinguedine, & adenibus siue glandulis onusta, intestina, sed præcipuè gracilia inter sese, & spinæ lumbali connectens. Quod autem à peritonæo originem suscepit mesenterium, sententia est Galeni. Mesaræi autem substantia omenti substantiæ persimilis est; vt cap. 6. cit. loquitur, vbi ex peritonæo duplicato, venis, arterijs, neruisque mesaræum confici, componique ait.

*Quid mesē-
terium.*

*A perito-
næo oritur.*

Quibusdam tamen placet, mesenterium à ligamenti lumborum vertebrae connectentibus oriri, vel à plexu neruorum Fallopiano. Inde lumborum, & intestinorum sympathiam colligunt. Quod sanè facile persuasum habeo, si de insertionem mesenterij loquantur, vt ipse Galen. lib. 6. de anat. administ. c. 6. in fine restatur. Si verò peritonæum iade nasci dicant, à veritate deflectunt; cum sit pars in prima hominis generatione, reliquarum partium more, producta.

*Dubio oc-
curritur.*

Mesenterium duplici constat membrana, vt validius intestina colligare, suoque in loco continere queat, ad hoc, vt ex ijs per venulas innumeras ramis mesenterici chylus ad hepar attripiat. Mesenterium autem duplicatum est positum medium inter singulas venas, quæ in anfractum intestinorum deferuntur, vt loquitur Gal. c. 6. cit. Ramus enim mesentericus à vena porta scaturiens, in innumeros ramulos diuiditur, qui omnes in mesenterium sparsi intestinis inseruntur. Arteriolas pariter sparsas habet mesenterium, quas à superiore, & inferiore mesenterica arteria suscipit. Neruulos à sexta vaga neruorum coniugatione recipit. His vasis in suis his di-

Vsus.

*Ramus
mesenterici
sus.*

*Arteria
& neruuli
mesenterij.* mirum ramuli prætenues ab origine remoti, faciliè distrumperentur. Ina-
nibus

nibus verò spatijs inter ipsa vascula, adenes siue glandulæ adipe obductæ, ad maiorem vasculorum tutelam interfert. Hunc mesenterij vsum prolixè deducit Gal. lib. 4. de vsu part. c. 20. Præfatæ quidem glandulæ madore quodam ipsa vasa, insuper & intestina à spinæ dorsæ asperitate ex parte defendunt. Intestina enim humectant, venulas inter se ligant dirimuntque; & ne à distentis intestinis, vel ab immodica ventris compressione distumpantur, prohibent. Adeps verò ipsum mesenterium frigidum, utpote membranosum, sua amica humiditate & calore fouet.

Mesenterij glandula.

Præter vasa in mesenterio iam commemorata, Asellio Mediolanensi addere placuit venas lacteas ex intestinis chylum deferentes. In canibus, inquit, equis, alijsque animalibus à sumpto cibo apertis euidenter conspiciuntur hæ venæ albicantes propter inclusum chylum; sed in demortuis post chyli distributionem, oculorum sensum fugiunt. Sed faciliè crediderim hoc inuentum verus esse, & non nouum, & vasa illa quæ lacteum succum continent, esse arteriolas. Ratio est, quia arteriæ venis multò candidiores sunt. Denique arteriolarum intestinis insertæ aliquid chyli attrahunt, vt ex Gal. in superioribus deduximus. Tandem in dissectionibus sensum visus non rarò effugiunt arteriolarum, teste Gal. lib. 6. de anatom. administ. c. 6. sic: Porro mesenterij arteriæ, ac venæ, quæ veluti radices in concauam anfractuum partem inseruntur, inuicem coeunt, ceu in arboribus radices, ad vnum omnes principium perueniunt. Itaque venas omnes, quæ ad iecoris portas in vnum colliguntur, ex facili comperies: arterias autem non ita faciliè, vt quæ magis exangues sint, & crassiori tunica obductæ, principium habeant exangui corpori contiguum, in quo totum mesenterium cum intestinis habetur: quod sanè etiam mesenterij appendiculum nominant, ligamenti naturam habens. Vides arterias in mesenterio cadauerum difficulter percipi propter coloris similitudinem. Ex quo colligimus Asellium etiam in canibus faciliè fuisse deceptum, cum arteriolarum fictis istis laticibus assimilentur.

Asellius perstringitur.

De Pancreate.

Πάγκρεας, & καλλίπρεας est carneum corpus quod puluinaris instar ventriculo & duodeno subternitur. Inferuit pancreas ramulis venæ portæ, qui in ventriculum, duodenum, & lienem propagantur, eodem ferè modo, quo mesenterium vasculis ad intestina productis. Molli enim amplexu hæc vasa sustinet, sulcitque, & ab omni iactura defendit. Hunc vsum eleganter describit Gal. lib. 5. de vsu part. c. 2. Per ipsum corpus pancreatis ramus quidam biliaris excurrit; vt fortè maiori polleat calore pancreas ad ventriculum calefaciendum; & vt crassa crudaque substantia in itis vasculis lienis & ventriculi contenta attenuetur. Modicum enim bilis magnæ copię succi crudi commixtum non nocet.

Pancreatis vsus.

Ramus biliaris.

De Ventriculo, & Œsophago.

Ventriculus Græcis κοιλία, & γαστήρ appellatur; licet aliquando κοιλία Nomen vñ pro toto ventris interiore, aliquando pro quauis cavitatis maneat, tris multa aliàs pro exiguis accipiat. Vnde vterus lib. 2. de morb. mulieb. cōplectitur

Quid ventriculus.

Duabus proprijs tunicis constat.

Intestina sola expultrice facultate gaudent.

Eadem est interna tunica ventriculi, & oris.

Interior tunica ventriculi durior est interiore intestinorum.

Intestina quam ventriculus & œsophagus plures habent venas.

tali nomine donatur, veluti musculorum interstitia satis exigua lib. 6. Aph. 20. Ventriculi necessitatem & usum, ne plebeij quidem ipsi ignorant. Qualis terra arboribus, talis venter animalibus, inquit Hippocrates lib. de humoribus. Ventriculus est pars corporis membranosa, oblonga, rotundaque, triplici villorum genere intertexta, in medio animali posita, ad alimentorum susceptionem destinata, ut ea in chylum conuectat communis vilitatis gratia. Ventriculus enim duabus proprijs tunicis, & vna communi constat, teste Gal. lib. 6. de anatom. administ. cap. 7. & lib. 4. de usu part. c. 8. ubi clarissimè omnium ventriculi, & œsophagi, quem stomachum cum antiquis omnibus appellat, naturam & usum sequenti ordine describit: Atque hæc tunicarum natura ventriculo quidem & stomacho assimilis est; dissimilis autem intestinis. Interna namque tunica in ventriculo simul, ac stomacho membranosa existens, villos rectos supernè deorsum tendentes habet: Externa verò carnosior, transuersos, quales habent duæ intestinorum tunicae, idque meriti: Si quidem ventriculus trahat oportet ad seipsum per stomachum, id est œsophagum, cibum & potum; tanquam manibus, rectis h s villis; propellat verò transuersis: intestinis verò (attractrice enim non indigebant facultate) soli ad propellendum idonei sunt facti villi. Quin etiam continua est interna ventriculi, & stomachi, & omnium quæ sunt in ore, tunica. Siquidem id magis conferebat; tum ad attractionem contentorum in ore cibatorum; tum etiam, ut lingua deorsum trahatur cum muscularis, qui sunt ad *παροισχυα*, hoc est, tonsillas, à quorum omnium tensione sublato larynge, & turium ad epiglottida currente, obturatoque ab ea, repenti, ac simul humor in pulmonem prohibetur. At cur duriora & densiora sunt interna horum, quàm intestinorum? quia intestina quidem ad anadosin, hoc est distributionem conferunt: Ventriculus verò & stomachus, siue œsophagus, & os, ad patiendi difficultatem comparata sunt: duras enim, & magnas, atque asperas moles sæpè transglutimus, à quibus comprimuntur, & abraduntur particulae, nisi duræ & densæ extitissent. Ob id ipsum autem etiam tunica hæc communis ori, stomacho, ac ventriculo, rarior, & mollior sit paulatim, vsque ad finem ventriculi; ut si partem hanc ventriculi comparaueris illi, quæ in ore est, multò mollior sibi appareat. Instrumentum .n. quod primū omniū occurrit cibarijs, antequam ullam receperint elaborationem, consentiens fuit, omnium ad patiendum fuisse contumacissimum. Quæ etiam causa fuit, cur venæ quamplurimæ quidem ad singula intestina immittantur; paucæ autè ad inferiora ventriculi, paucæ etiam ad eius oris partes, & omnino obscuræ quædam ad œsophagum. Siquidem hic via erat solū ciborum; ventriculus verò coctionis instrumentum; ut distributionis, intestinum. Vbi verò oportuit solū coqui cibaria, omnino paucis opus fuit venis transcurrentibus, quidquid iam vtile fuerit: quod verò iam coctum est, quàm citissimè distribui conuenit: ipsi autem via cibi, pro se ipsa solū, erat opus venis. Merito igitur ipsa via, id est œsophagus, quidem paucissimas habuit venas, mediocres autem ventriculus, copiosas intestina.

Elegantius sanè, quàm mortalium quispiam, ventriculi compositionem ex duabus proprijs tunicis, & earum usum, ac à tunicis intestinorum distinctionem exposuit Galenus. Cap. verò præcedenti 7. lib. 4. de usu part. dixit, stomachum esse ventriculi partem, intestinum verò nequaquam, quod hoc modo expressit: Quare perspicuum sit, partem ventriculi quandam prælongam ab ipso extensam, œsophagum esse, non paulatim autem, sed

sed repente, & semel ex fundo ventriculi explantatum intestinum ipsius ventriculi minimè partem esse; sed aliud quidpiam ei connatum. Confirmat enim, quod cap. 8. cit. dixit, naturam tunicarum ventriculi, & stomachi, seu œsophagi, esse eandem, quia antea asseuerabat, eundem stomachum, siue œsophagum, esse ventriculi partem. Dixit præterea naturam tunicarum ventriculi, esse dissimilem naturæ tunicarum intestinorum; quia nec remotiora intestina, nec ipsum etiam duodenum ex ventriculo proximè exurgens, ventriculi partes sunt, sed aliquid ei in prima conformatione connatum.

Tunica interna ventriculi, externa membranosa est, vt commodè distendi possit, quoties alimenta in magna copia ingeruntur: villos, siue fibras habet rectas, quibus, tanquam manibus, ex ore alimentum prolecat: obliquis etiam fibris, quibus gaudet, attracta alimenta retinet: transversas etiam fibras habet, vt deorsum confectum alimentum ad intestina deturber, & sursum etiam per vomitum res noxias eiciat. Quod autem ventriculus triplici villorum, siue fibrarum genere gaudeat, est sententia Gal. lib. 5. de vsu part. c. 11, in fine; sed in principio sequentis cap. 12. ait, externam ventriculi tunicam solis transversis fibris frui, internam verò tunicam rectis quidem plurimis, paucis verò obliquis. Internæ tunicæ interna superficies, rugosa est, vt consimilibus rugis alimentum aptius circumplectatur, & quasuis alimenti partes contingat, vt suo calore ipsum peruat, comminuat, concoquatque. Ne autem venularum internarum oscula occludantur, eadem interna superficies crusta quadam obducta est; quæ, vt aiunt, ex excrementis tertie cœctionis producta est. Præfata crusta non solum venularum occlusionem prohibet, sed præterea, ne interior membrana callosa euadat, & vt eius ope ingestus cibus à ventriculo retineatur. Ministerio ergò trium generum fibrarum ventriculus trahit alimentum, retinet, expellit, sese dilatat, stringit, & in mediocri positura retinet. Iuuatur contractio ab innumeris transversis fibris; retentio ab obliquis; attractio à rectis: exterior ventriculi tunica, quam interna carnosior est; vt sic internæ tunicæ calorem foueat. Has duas tunicas exterius cooperit, contegitque tertia tunica, omnium fortè crassissima, ventriculo à peritongo concessa.

Ventriculus ergò membranosum corpus est, vtpote tribus tunicis constans, tributque villorum, seu fibrarum generibus: carnosus tamen dicitur, quia carnis fibris suas proprias tunicas refertas habet. Eandem propriæ tunicæ, quæ propriè ventriculum componunt, sunt continuatæ sursum; vt ex ijs œsophagus, seu stomachus ad os protensus construatur. Tunica verò interna ventriculi non solum ad œsophagi compositionem concurrat, verum etiam interno ori obducitur. Et meritò, cum in ore alimenta ingesta præparentur. Est enim os, tanquam explorator ventriculi: quare experiri debuit ea omnia, quæ ingeruntur, ne ingrata, & inutilia ad ventriculum commune promptuarium, transmittantur. Amaro etenim in ore conceptus propter humorem biliosum in ventriculo contentum, internæ tunicæ ventriculi propagationem ad dentes vsque commoueat. Ventriculus venas recipit varias, à trunco nimirum venæ portæ, venam quandam gastricam maiorem dictam, aliam verò gastrepiploicam, à ramo splenico gastricam minorem, coronariam, & epiploicam posticam, & vas venosum à summo ramo prope lienem. Hæ omnes venæ tenuiorem chyli portionem ad hepar transferunt, vt ex ea sanguis conficiatur.

Œsophagus est pars ventriculi intestina nequaquam.

Interna tunica membranosa externa. Triplici fibrarum genere gaudet.

Internæ tunica superficies rugosa est & crusta quadam obducta.

Externa tunica interna crassior.

Tertia tunica.

Cur carnosus dicitur ventriculus.

Ventriculi vasa.

tur: eadem etiam venæ aliquid sanguinis ventriculo afferunt, vt tempore saltem inediæ, aut deficiente chyle, nutriatur. Arteriolas quasdam comites habent dictæ venulæ, quas à cæliaco ramo ventriculus suscipit. Nervos recipit ventriculus, eosque copiosos, à sexta nervorum coniugatione. Propter par enim nervorum non mediocriter variè complicatum in orificio ventriculi, & ad eius fundum protensum solus ventriculus inter omnes animalis partes indigentia alimenti penuriam perferunt; vt docet Gal. in lib. 4. de usu par. c. 7. Famem enim animale ex suctionis sensu ottami in ventriculo liculenter exponit Gal. lib. 1. de symp. caus. c. 7. Propter exquisitum orificij ventriculi sensum varij oriuntur affectus, vt quotidiana patet experientia, qua comperimus multos laborare stomachica syncope, cardialgia &c.

*Orificij vē-
triculi si-
tus.*

*Orificia
ambo cor-
poris ventri-
culi crassio-
ra.*

Pylorus.

Supernum ventriculi orificium situm est in sinistra spine parte, circa undecimam thoracis vertebra. Hoc idem orificium multo amplius est inferiore ventriculi orificio; quia aspera multa, bolosque integros nullatenus, comminutos non raro ingerimus. Cra fiores sunt tam supernum, quam infernum orificium, quam reliquus ventriculus: quia maior alimentorum impetus in ingressu, & egressu fit, quam in ventriculi corpore.

In inferiori parte ventriculi, è latere fundi versus partem dextram ventriculus alio potitur orificio, superiori multo angustius, *πυλὸς*, id est, ianitor Græcis dictus; quia tanquam fidelis ianitor deglutita alimenta, ne ante completam coctionem prolabantur, cohibet; ideo autem sursum, ad ventriculi latus primò respicit; rursus verò ad duodenum declinat, vt chylus coctus per ipsum ad intestina propellatur. De inferno, & superno ventriculi orificio hac accipe ex Galeno lib. 4. de usu par. c. 7. Propter quam verò causam contrario modo se habent ipsæ partes ac explantationes? supernè enim, vbi ipse ventriculus est strictior, stomachus factus est amplius: infernè autem, vbi est latior explantatio ad intestinum, strictior factus est. An quod moles non tritas, duras, ac magnas, aliquando transgreditur animal, quæ vt transirent, amplam viam factam fuisse eam, quæ per stomachum fert, oportet. Infernè autem contra nihil oportet transire magnum, durum, non versum in chylum, atque incoctum: sed velut *πυλὸς*, id est, ianitor quidam iustus, est, huius meatus angustia, nulli ante, quam in chylum redactum sit, & concoctum facile concedens ad inferna transitum.

*Ventriculi
fundum.*

Præter prædicta duo orificia ventriculi, fundum, tanquam tertiam eius organicam partem statuunt Authores. Fundum hoc in medio ventris positum, est verus chyli contector. Nam congenita proprietate, temperamento videlicet, & propria specifica forma, quibus fauet & ipsa figura, chylificationem celebrat.

*Ventriculi
situs.*

Ventriculus in thorace non fuit collocatus, ne respirationem, vocisque prolationem prohiberet, neque cer sua mole comprimeret, caloremque natium copiosi vapores ex eodem ventriculo, & intestinis suscitati, suffocarent. Est ergo positus in inferiori ventre inter hepar & lienem, septum transversum, epiploon, intestina, pancreas & spinam; ita vt supernum eius orificium hepati cedens ad sinistram latus vergat; sic enim leni vicinus est, vt in ipsum succum melancholicum effundat. Ventriculi verò fundum ad dextram partem vergit, ne locus imbi extans propter altorem hepatis quam lienis situm, vacuus relinquatur: tum quia ventriculi situs

obli-

obliquus esse debet, ne alimentorum fieret regurgitatio si recta deorsum propenderet; tum etiam quia colon amplum crassumque & graue intestinum versus sinistram renem obuolutum est, ut hepatis pondus compensaretur. Sine colo autem sinistram latus dextro non adæquaretur: Nam hepar in dextra parte secundum maiorem sui portionem situm, liene in sinistro latere posito ponderosius est. Ad hæc ventriculi fundum ad dextram partem inclinare debuit, ut hepatis calore foueatur, utque citò ex eo, & ieiuno intestino alimentum attrahat. De ventriculi situ agit Gal. lib. 4. de usu par. cap. 7. & si nos in superioribus diximus ventriculi fundum ad sinistram partem vergere, ex Laurentij & aliorum sententia loquuti sumus. Ventriculus cerebro per neruos alligatur, cordi per arterias, hepati per venas, lien i per venas quasdam, reliquis partibus mediante peritonæo.

Citato lib. 4. de usu part. Gal. ventriculi figuram describit. Est enim longus propter æsophagum & duodenum: rotundus, ut sit capax recipiendi multa, & ut sese iueri commodius valeat. Cucurbitæ fructui assimilatur: vel ut alijs placet, vteri sonori, seu balbyti pastoritij, seu lyripippij figuram refert.

Ventriculi communem usum exposuit Gal. lib. 4. de usu part. c. 1. Est enim prima communis officina alimenta vniuerso corpori præparans; auxilio tamen ambientium partium antea nominatarum, ut testatur Gal. lib. 4. de usu part. c. 8. & lib. 3. de facult. nat. c. 7. ut hoc communi fungatur officio quatuor communes facultates officiales attractricem, retentricem, expultricem & concoctricem natura concessit, teste Gal. lib. 4. de usu part. c. 7. Quia tamen ventriculus hepate frigidior est, in eo alimenta elixari dicuntur: quæ rursus in hepate à maiori feruore veluti assantur; atque adeo in quatuor humores mutantur; in ventriculo nequaquam.

Ventriculi cōformatio.

Ventriculi vsus.

Præter quatuor facultates peculiare naturales, quatuor etiam officiales possidet.

De Renibus.

Renes Græcè νεφροὶ appellantur ἀπὸ τῆς πύσης, id est, à defluxu humoris: alij minus congruè ἀπὸ τῆς νεφσεύς, id est, ningere & pluere. Ren autem parenchyma est fibris non intertextum, semilunarem formam referens; ut serum, siue aqueum liquorem ex vena caua, & aorta proleçtet, & rursus ipsum per vtreteres ad vesicam propellat. Renes autem numero duos prouida natura efformauit; ut copia feri commodè euacuari possit, & ut vno deficiente, alter eius suppleat defectum. Sunt qui tres renes in cadaueribus quibusdam inuenere, aliàs quatuor, aliàs vnum. Quòd autem renes sint è numero parenchymatum per se patet; quoniam parenchymatum carnem referunt. Ipso oculorum obtuitu constat, ipsos semilunarem figuram habere, vel faseoli leguminis: fibræ enim nullæ apparent in corpore renum. Præditi sunt densa, solidaque substantia; non verò laxa, ut sic melius & diutius attractum serum contineant, neque elabatur ad vtreteres, antequam ab eo separetur quidquid cruentum & vtile ei admixtum fuit; quod ordinariè separant, & sibi apponunt iidem renes; ut clarè dicat Gal. lib. 5. de usu part. c. 7. Ne igitur, inquit, cum vrinis per aliquot foraminum, quæ in renibus habentur, quemadmodum tenuis biliosum, ita & sanguis elaberetur, densum corpus eorum fuisse præstitit. Splenem verò è contra laxum admodum, ac rarum: ad attrahendum enim è longinquo succum crassum, aprius hoc fuit. Hæc eadem densitas est in causa, cur alijs

Renum descriptio.

Ren est parenchyma.

Renis figura.

*Cur renes
densi.*

alijs vasis ad sui ipsorum nutritionem non indigeant renes, quàm istis duobus emulgentibus vena & arteria, quæ ex caua & aorta in vtrumque renem serosum sanguinem deferunt. Cap. 6. præcedenti eiusdem lib. duas spissitudinis renium causas tradit. Prima, ut faciles attrahant è vicino loco serum. Secunda, ut sanguinem prætenuem sero commixtum retineant: & in fine iam cit. cap. ait: Renum verò vterque multum flauæ bilis attrahit, ac propemodum omne id, quod venæ & arteriæ, quæ in ipsis sunt, continuerint: multum uerò & sanguinis, quod scilicet in eo est humidius ac tenuius. At biliosi quidem excrementi, quidquid non admodum crassum fuerit, cum urinis permeat: sanguis uerò carni ipsi renum aspergitur iuxta sæcis cuiusdam: inde iam paulatim uaporis modo in totum ipsum dispergitur, adhærescit, atque demum alimentum fit renibus.

Renū situs.

Renes non rectè sub hepate uersus spinam situm habent, ne uenæ cauæ & aortæ descensum impedirent. Quod ipectat ergò ad eorum situm, adiacent utrinque uenæ cauæ paululum sub hepate, ut quidquid in ipsam sanguinis assumatur, contestim purgetur, solutque postea is purus eat per totum corpus, paucò omnino ipsi admixto aquoso humore: Non enim eget ampliùs sanè hoc uehiculo; ut qui tum per amplas uias illinc feratur, tum fluxu lis magis iam infusione, seu iusione redditus sit: quod ei accidit ex calore primum quidem ipsius hepatis, deinde uerò ipsius cordis; qui etiam multò uehementior est, in nobis quidem, & quadrupedibus animalibus omnibus ad dextrum cordis ventriculum inserta vena caua. In ijs verò, quæ eiusmodi ventriculum non habent, ex anastomosi (id est orificiorum apertione) ad arterias, uenis quæ per totum animal sunt sparsæ, de calore, qui in corde est, trauimentibus, inquit Gal. lib. 4. de usu par. cap. 6. In hoc textu non solum renum situm, sed eorum usum ostendit Galenus. Cùm enim ampliùs inutile videatur serum, à sanguine in venam cauam effuso, tanquam quid inutile, maiori saltem ex parte segregatur, attrahiturque à renibus: fuit enim ueluti sanguinis uehiculum, quo non ampliùs in magna copia eget; quia à calore cordis per venam cauam ascendentem, ad vniuersum sanguinem, aut ex aorta mediantibus anastomosis, transfuso & extenso, sanguis attenuatur, fluidusque redditur; adeoque, ut ad partes omnes per exiguas etiam venulas, facie tranet, disponitur. Verum re-

*Sanguis calore cordis
attenuatur
& fluidus
redditur.*

*Cur renes
inaqualiter
siti.*

nes sibi met inæqualiter opponuntur: nam ren dexter sinistro elatior est, adeo ut plerumque hepar ipsum contingat, sinister autè sub rene dextro inferior est, teste Galeno libro quinto de usu partium capite 5. & 6. ubi istius inæqualitatis situs renum rationem reddit: Si renes aduersam æqualiter positionem haberent, alteri tractu suo in contrarium, alterius tractui moram afferret; quia simul attraherent, & unus ab alio; proindeque nullus libere attraheret; cum tamen inæqualiter siti vterque liberè trahat; ita ut sic ambo vniuersum fermè serum à sanguine extrahere valeant. Ren dexter sinistro elatior est; quia cum ex hepate omne serum attrahatur, æquum est, ut ren dexter hepatis, in dextra parte, eaque altiori regione lienis, vniuersum positi, propinquius sit. Sic autem cum geminis venæ cauæ rectitudinem obseruat, simulque locum post hepar occupat, ne omni corpore solido, humidoque vacuus sit. Hæc doctrina est Gal. loco citato. Quærit inuper Gal. lib. 5. cit. de vitu par. cap. 6. Cur quos, & non vnicum rectum renem fabricauit natura, sicuti vnicam vesicam bili expurgandæ, & vnicum lienem excremento melancholico? Huic quaesito respondet, plura vasa & instrumenta sero euacuando, quam nominatis excrementis congruere; quia

*Cur ren
dexter sini-
stro superi-
or.*

quia excrementum serofum multò copiosius est melancholico. Præterea serum liquidius est, & vnà cum eo magna copia tenuis bilis, quæ cystimfellis aufugit, & in vasa cum massa sanguinaria translata est, per renes euacuatur. Si vnicum præamplum renē in dextro latere fabricasset natura, animal æquilibrium non obseruasset, sed in dextrum latus propensum inclinasset: Ratione nimirum maioris ponderis.

Simis ergò siue concauis partibus renum, vena emulgens ex vena caua, & arteria emulgens ex aorta, tanquam feri delatores, inferuntur. Secundùm partem conuexam & gibbosam ilia respiciunt renes: lumborum musculis (quos *ῥῆες* Græci vocant) adiacent. Dicti muscoli ad ipsa extenduntur femora: vnde calculosi cruris lateris renis affecti stuporem perferunt. Exterius renes circumteguntur adipe, & membranis. Adeps, præterquam quod instar mollis culcitæ renes ambientis se habeat, eorundem renum natium calore fouet adaugetque; ne à nimio sero ex se frigido (nisi bili cōmixto) suffocaretur. Adipi subiaceret membrana exterior, quam instar inuolucris à peritonæo, renes suscipiunt. Intumius tamen altera tunica renum propria, quam à peritonæo, vel à vasis emulgentibus acceperunt, renes complectitur. Præter venam emulgentem alia vena in anteriorem renum tunicam disseminatur, quæ adiposa vulgò nuncupatur; ad quam non rarò peruenit ramulus quidam ab asigo ipsum diaphragma peruadens atque perforans. Hinc mira thoracis & renum societas. Denique nerui à stomachico orti in renes disseminantur. Hinc, vt aiunt, mirus consensus renum, & ventriculi, & tantus, vt vomitu cibique fastidio laborent ij, qui nephritidem patiuntur. Hæc sunt, quæ vnà cum parenchymate renes constituunt, si ramos vreterum his adnectas.

Communis opinio Neotericorum fert, vasa prædicta emulgentia in renes dispersa, in sinum quendam, siue cauitatem desinere; seu ex extremitatibus vasorum in corpore renis contextis, cauitatem quandam secundum longitudinem efformari, in qua sanguis à sero & bile segregatur. Aliam vero maiorem cauitatem, etiam secundum renis longitudinem, ex vreterum ramis pariter contextam, ad quam veluti in cisternam ex prima cauitate serum iam à sanguine secretum distillat, & inde in vretes propellitur, admittunt. Gal. lib. 6. de anatom. administ. c. 13. cauitatem, siue sinum quendam in animalium renibus inueniri scribit; secundum tamen meatum ab ipso vterere distinguere non videt ur.

Verùm Fallopius, Laurentius, Eustachius, & alij, prædictos sinus in renibus abnegant: quia venæ, inquiunt, in capillamenta abeunt, & non in sinum: pariter vreterum gertina in renes distributa, nullum effingunt sinum. Vrinarij ergo meatus, siue vretes, renum cauum ingressi, latiores primum euadunt, vnicam habentes cauitatem, sed non oblongam; mox venarum, arteriarumque instar in varios scinduntur ramos, nunc plures, nunc pauciores, sed tres præcipuos; qui rursus in alios disperguntur; vt sint in vniuersum nouem, aut decem fistulæ. In his ramis duo notatu digna obseruanda sunt. Primum, quòd non abeunt in capillamenta, venarum instar, sed in fine latiores sunt: Deinde, quòd non sæpè in medio sunt perforati. Vtrumque factum puto, inquit Laurentius, vt carunculas papillis mammarum simillimas admittant: nam & extremum horum vasorum quodlibet carunculam excipit, eidemque suis fibris adhæret, & quodlibet foramen papilla illa obturatur. Caruncula hæc exiguum est corpusculum, molis sferè pisi, ex renis carne efformatum, ex basi la-

*Vasa emulgentia, caui-
nis partibus
renum in-
feruntur.
Renum si-
tus & par-
tes,*

*Duas caui-
tates reni-
bus tribu-
unt cōmu-
niter om-
nes.*

*Fallopij
Eustachij
& Lauren-
tij opinio.*

riore in mucronem acutum sensim desinens, extuberat papillarum more. Per has carunculas serum à sanguine separatum transcolatur, & sensim in canales ab vretere efformatos stillat; à quibus tandem in communem ductum corriatur, & ab eo per vretes ad vesicam. Hæc ornatè Laurentius.

*Diui An-
thores resu-
rantur.*

Sed vix concipere possum, quomodo per capillares istos ramulos vasorū emulgentium, & per carunculas istas extremitates vretum occludentes, substantia cruda, crassa, & pituitosa, & corpora arida, vt sabulum, arena, calculus, ad vretes ex renibus penetrare possent, cum tamen aliquoties calculus ex renibus eò deuoluatur, ex Gal. lib. 1. de facul. nat. c. 13. Vreterem ideo paulò ante commemoratam opinionem libenter amplector.

*Quibus col-
ligantur.*

Renēs exterioris tunicæ interuentu, diaphragmati, lumbis, & peritonæo colligantur, venæ cavæ & aortæ emulgentium & adiposæ interiectu: Sexta neruorum coniugationi per ramulos, quos à stomachali, vel à tertio sextæ coniugationis furculo sub diaphragmate, fuscipiunt, connectuntur.

Renū vsus.

Renum vsum cum Gal. sæpè insinuauimus. Sanguinem, tam venosum quàm arterialem à sero, ichoribus, ac bile supernatante liberant. Quoniam insita virtute ac sympathia, serum indefinenter prolestant; & postquam ab eo sanguinolentam substantiam, & spiritum viralem, qui per arteriam emulgentē vehabatur, segregarunt, in sui quæ vsu reposuerunt, ipsum tanquam quid inutile in vretes, & vesicam deponunt; teste Galen. lib. 5. vsu part. c. 5.

*Renēs cali-
di & sic-
ci.*

Renēs calido siccoque temperamento præditi sunt, quòd carne polleant densa, duraque, atque consimili cordis carni: nisi quòd hæc fibrosa sit: renum caro sine fibris. Calor denique satis intensus renibus accedit propter sanguinem arteriosum quem per arteriam emulgentem ex aorta vnà cum sero recipiunt: quo sanguine simul & venoso nutriuntur. Quare non sine ratione renēs calidissimi euaderent, ni ipsius feri naturaliter frigidi cōtinuo commercio temperarentur.

*Glādule su-
pra renēs
inuenta.*

Eustachius glandulas quasdam supra renēs sitas, & eorundem tunicis externis cohærentes aliquoties obseruauit: vti post ipsum Laurentius. Sed quia contingentes, quod iam reperiantur, aliquando non, præfixum vsu illis concedere nefas est.

De Vreteribus.

Nomen.

MEatus siue tubulus ex sima renis parte propendens, græcè ab vrina, *ουρητήρ*, Latine vreter appellatur, teste Gal. lib. 6. de anat. admittit. c. 13. Duo ergò hæc vasa *ουρητήρας*, & *ύρας*, & *πόρος ουρητικός* id est, vasa urinaria communiter vocant. De vretum, renū, ac vesicæ vsu & officio loquitur Gal. lib. 5. de vsu part. ca. 5. hæc serie: Porro cum excrementum tenue, atque aquosum, quòd *ουρα*, hoc est, urinam nuncupamus, adhuc superesset, constructos sanè, quo quidem id secerneretur, renēs prope hepar constituit: vt verò commodè excerneretur, primum quidem receptaculum velut cisternam quandam ipsam vesicam, deinde ad ipsius sinem musculum fabricata est, qui aduigilaret, ne superflua intempestiue effluerent. Cæterum, cum vesicam in imo quidem præstaret collocare, vnde etiam alimenti superflua euacuuantur, renēs autem iuxta hepar,

*Musculi
sphincteris
vsus.*

necef-

neceſſe fuit, ex iſtis ad veſicam vias quasdam ſtruere: atque meatus quidam prælongi, fortesque extiterunt, quos *ὑπὸ τῆς*, id eſt, vrinarios, nominamus, qui renes veſicæ committunt. Sic igitur & vrinæ vi renum ſegregantur à ſanguine, & illinc per vrteres ad veſicam emittuntur, indeque excernuntur, quo ſcilicet tempore ratio ipſa iuſſerit. Hæcenus promiſcuè Gal. de vſu tum renum, tum vrterum, tum veſicæ.

Renū, vrterum & veſicæ vſus

Lib. 6. de anatom adminiſt. c. 13. ait, à quibuſdam anatomicis vrterem venam appellari, ab alijs arteriam: ille tamen concludit, exempto ipſius tegmine, ſeu ablata ipſa exteriore membrana, quam à peritonæo ſuſcepit, ipſius propriam eſſe ſimilem ſubſtantia veſicæ. Pater igitur eſſe partem membranofam; & conſequenter frigidam & ſiccam. Duabus conſtat tunicis vrter; vna propria craſſa & valida, tranſuerſis fibris contexta, vt ſic commodè vas illud diſtendi, contrahique poſſit, ſequè à ſuperuenientibus iniurijs, vt calculo, ſabulo, arenulis, pituita, & ſimilibus in veſicam deſcendentibus, commodiùs defendere valeat. Tunica, quam à peritonæo accipit, maius adhuc ei robur addit. Quilibet ren ſuum habet vrterem: ambo igitur vrteres deorſum ſupra lumbares muſculos *ῥέας* deducti, protenſique, veſicæ lateribus verſus poſteriora ceruicis obliquo ſinuofque; reflexu veluti implantantur, ſigunturque; ne ſi rectà veſicæ inſerti, vrina, & ſtutus remigrarent, remearentue, tum in vrteres ipſos, tum in renes; vt monet Gal. lib. 5. de vſu part. c. 13. vbi de mirabili hac inſertione vrterum in veſicæ corpus, & pori cholidochi in inteſtinū duodenum: ibi tamen de operculo quodam firmo meatus loquitur, vt reditus omnis rei, quæ in veſicam ſemel tranſlata fuit, ſit intercluſus.

Vrter ſubſtantia veſicæ ſimilis Ergo non rectè à Plē pro diſtincta pars ſimilariſ ſtatuitur. Compoſitio & tempus ramētum.

Situs.

Vrteres ſuas habent venulas, & arterias, neruuloſque à ſexta coniugatione ſuſceptos. Vſum diximus delationem ſeri à renibus in veſicam.

De Veſica.

Veſica omnis ſiue ſellea, ſiue vrinaria *κύστις*, & *κύστη* Græcis nuncupatur; per antonomafiam tamen veſicæ vrinarię nomen illud, adaptatur: quæ etiam *κύστις ἀποδόχος*, id eſt cýſtis vrinaria dicitur. Eſt enim veſica corpus membranofum, cauum, atque rotundum, omni fibrarum genere intertextum, ad vrinæ attractionem, pro tempore retentionem, & tandem excluſionem, & ideo inter os pubis, ac rectum inteſtinum poſitum. Conſtat veſicam eſſe corpus membranofum: nam duabus conſtat tunicis, vna comuni, quam à peritonæo recipit, altera propria, & ſingulari, eaque valida & dura, quæ triplici villorum genere intertexta eſt. Porro natura non pro instrumentorum dignitatibus, aut magnitudinibus, ſed pro cuiusque partis vſibus, operientium tunicarum craſſitiem diſtribuit, teſte Gal. lib. 5. de vſu part. c. 11. Quare, tametiſ omnium instrumentorum in inferiori ventre contentorum iecur ſit nobiliſſimum, & maximū, tunicam à peritonæo adeo craſſam ac validam non ſuſcepit, quemadmodum veſica: quin potiùs ipſi veſicæ operimentum robuſtius dari præſtitit, quòd ea ſubinde dies, ac noctes erat refarcienda, aut replenda, atque diſtendenda; poſt autem euacuanda, ac comprimenda: quòd enim commode breui interuallo modo diſtendendum ſummè, tum autem deprimendum fuerat, id validum eſſe, & viciffim tolerare poſſe vtraſque has conſtitutiones inter ſeſe pugnantes, oportuit; vt ibidem loquitur Galenus.

Nomina.

Quid veſicæ.

Veſicæ tunica valida.

*Tunicas
duas ha-
bet vesica,
& triplex
fibrarum
genus.*

*Crusta ve-
sica.*

*Vnam, eã-
que duram
tunicam
propriam
habet vesti-
ca ex Gal.
ex Laur.
duas.*

*Vena, ve-
sica, vterus
vnã habent tuni-
cam.
Vesica, di-
nisco.*

*Vesica col-
lum in vi-
ris longius
quã in fa-
minis.*

Vesica ergò duas habet tunicas, easque fortes; vnã externã, quã à peritonæo accepit, alterã internã, & validã triplici villorum seu fibrarum genere contextã. Fuit enim opus ipsã membranẽ (Hinc liquet ipsã esse frigidã & siccam.) esse, & validã, vt varijs aduersisque distensionis, & contractionis motibus obistere valeat; Vt denique varias obeat, functiones, diuersis villis contextã esse decuit: rectis nimirum, vt serum ad se proluciat: transuersis, vt receptum serum deponat: obliquis vt id retineat, donec imperio voluntatis protrudatur. Hoc triplex villorum genus vesicis, & vterò, & ventriculo concessit natura, referente Gal. lib. 5. de vsu part. c. 16. & vltimo. Quòd autem vesica non solum retineat, expellatque, vrinã; sed præterea attrahat, sententia est manifesta Gal. lib. 5. de vsu part. c. 7. & in opere de facult. nat. Idque rationi consentaneum est, cùm pluribus constet villis rectis ad attrahendum, obliquis ad retinendum, & transuersis ad expellendum. Hæc interior tunica in sua interiori superficiei crustã quadã obducitur, eo serè modo, quo interior ventriculi tunica, vt sic ab vrinã iniurijs sese tueri possit. Nec solã hæc crustã tutelæ confert, sed præterea membranæ durities, quæ eius tenuitatem simplicitatẽque compensat. Galenus libro 5. de vsu part. cap. 10. dicit vesicis vrinæ, & fellis vnica concedi tunicã, ventriculo verò & intestinis duas; quia ventriculus & intestina ad alimentĩ coctionem conferunt; tum quia ob ingesta alimenta plus patiuntur, quã vesica vtrãque, quibus excrementa ad eas prolecta quoquo modo familiaria sunt; cùm tamen huiuscemodi excrementa ventriculo & intestinis noceant. Sed Laurentius triplicẽ vesicẽ tunicã tribuit, vnã cõmunẽ à peritonæo receptã, duas ei proprias; quia, inquit, quælibet membrana quantumvis simplex, etiã pia mater, duplici constat tunica. Gal. tamen lib. 1. de facult. nat. c. 13. vesicã duabus validissimis tunicis constare affirmat, vnã scilicet cõmuni, alterã propriã, quã duplo crassiorẽ externã esse confirmat. Lib. etiã 6. de anat. administ. c. 6. vesicã & vuluam vno constare corpore docet, & lib. 3. de facult. nat. cap. 11. vesicã, vterum, & venã, vnica tunica constare affirmat. Vesica membranæ est, vt facillẽ distendi, contrahique possit. Rotunda, vt sit capax magnã vrinæ copiam retinendi. Tantisper oblonga ratione colli. In duas enim partes distribuitur. Prima & præcipua est ipsius fundum, in quo vrina conseruatur. Secunda est vesicæ collum, ad quod ipsa vesica lotiũ, siue potionis excrementum (vt loquitur Gal. cap. vlt. de vsu part.) reijcit. Fundum seu corpus vesicæ, membranosum est, vt diximus: collum verò carnosum, seu carne potiùs obductũ. In fæminis huiuscemodi collum amplum, latumue est, simulque breue; quoniam non erat necesse ipsum vterius produci, sed vnicum solummodò efficere flexum. At verò in viris oblongum est, quia vterius extra inferiorem ventrem expanditur, & iuxta peritonæũ ad virilis membri fundũ producitur, vbi secundum efficit flexum, vt in exitu fecit alterum; ita vt Romanæ litteræ S figuram referat: inde vterius ad longum, in ipsum virilis membri extremum protenditur. Cùm collum vesicæ ita extra inferiorem ventrem, veluti extra propugnaculum in viris extendatur, equum est, vt sit angustum, ne præter voluntatẽ omni tempore lotum prolaberetur.

Toti huic vrinario meatui, eique obliquo natura extrinsecus musculum circumdedit; cui musculo eadem natura varios concessit vsus. Primus est, vt contractus vndique depellat, quidquid in ipso meatu contine-

tur.

tur. Ne verò id omne, quod ex ipsa vesica compriment in meatum vrinarium tortuosum admodum incidit, diutius ibi insideat, subsistatue, musculus hunc, qui fibris transuersis refertus est, extrinsecus ipsi circumiecit, qui protinus & oris ipsius vesicæ clausioni subsidio futurus esset, vt loquitur Gal. lib. 5. de vsu par. cap. vlt. Neque enim repente aut affatim, sicuti quotidie à nobis fit; neque etiam absolute & totaliter meatum vrinarium meiendi tempore tota vrina peruaderet, pulsa à pressura seu compressione, tum vesicæ, tum musculorū epigastrij, siue abdominis, nisi musculus hunc quoq; extrinsecus natura toti meatui, qui obliquus admodū est, circumdedisset. Huius ergo musculi adminiculo quidquid in vesicæ orificiū descendit, exinde exterius traiecitur. Amplius enim ad excretionem rei in meatu vrinario contentæ, musculi abdominis siue ventris inferioris non concurrunt. Expressio ergo guttarum, quæ post mictionem eiciuntur, vel frequenter nulla præcedenti mictione, quoties scilicet vrina admodū mordax est, & stillicidium, seu stranguriam parit, ab hoc solo colli vesicæ musculo perficitur. Patet ergo, quod à superna pressione musculorum exteriorum ventris, vrina per anfractuosum, obliquumue meatum vrinarium impelli extrorsum ocyus non possent, nisi vesicæ collo cōcessus fuisset hic musculus. Secundus vsus musculi colli vesicæ, sed minus præcipuus, est, vt clausione oris vesicæ iuuet. Dixi hunc vsum esse minus præcipuum; quia vesicæ collum, sicuti vteri & ventriculi, per se angustū est. Quare non ita facile vrina ex ea prolabi posset. Denique sicut vterus & ventriculus triplici villorum genere præditi sunt, ita & vesica: quemadmodum igitur orificia horum, transuersarum fibrarum ope, aut sponte naturæ, clauduntur, quando circum ea, quæ in seipsis continent, contrahuntur; pari modo & vesicæ. Secus verò in intestinis se res habet: quæ cum fibras quidem haberet transuersas; meatum autem admodum amplum, consentaneum sanè fuit eis clausura quadam egentibus, musculus, qui id præstaret, parare: at vesica in hoc quidem genere, id est, vt claudatur, nullo admodum magno eger subsidio, cum claudi etiam sine musculo queat. Ne quid denuò à vesica sursum ad renes remeet, facit ipsorum vreterum obliqua in vesicam insertio: ne verò continua fiat excretio, præstat fibrarum ipsius vesicæ varietas, & maximè obliquarum: cum enim omnes intendit fibras, vndique ijs, quæ continet, astringitur, donec supra modum referta pondere grauat, opitulante tunc antedicto musculo, ac suppetiis ferente. Cum verò excretioni accingitur, ceteras quidem fibras laxat, solas autem intendit transuersas; quo tempore musculi quoque non mediocri ipsi ferunt auxilium; is quidem, qui ad meatum est vrinarium, suum ipsius principium, quo vesicæ annectitur, laxans: tensi verò omnes epigastrij musculi, vt intro propellant vesicam, ac comprimant: contractus postremo vndique, qui circum collum est, & premens, ac foras protrudens, id lotij, quod in meatum subierit. Hæc cum Gal. loco cit. de modo excernendi vrinam, & de discrimine inter officium musculi sphincteris ani, & musculi colli vesicæ. Siquidem ille solum claudendi meatus gratia exitit; hic verò exprimendi primario, & secundario claudendi gratia circumpositus fuit. Musculo autem hoc colli vesicæ vel nimis laxato, vel nimis refrigerato, inuoluntariè non raro excurrit vrina. Tertium tandem officium musculi colli vesicæ est, vt excernendorum celeritatem acceleret; prout antea cum Galeno exposuimus.

Ex dictis patet, vesicam esse sitam in visceribus supra intestinum rectum,

cui

Primus vsus sphincteris vesicæ.

Secundus vsus.

Obliqua insertio vreterum & oblique fibræ ad retentionem faciunt.

Discrimen inter osum sphincteris ani & vesicæ.

Tertius vsus.

Situs.

cui mediantibus quibusdam villis & membranis, connectitur. Intra peritonæi ambitum, vti reliqua inferioris ventris contenta, contineri quâ plurimi hæcenus crediderunt: nonnulli extra peritonæum: Laurent. inter duas, quas constituit, peritonæi tunicas; quod à prouida natura factum, putat propter vrachum, & arterias vmbilicales, quæ inter duas peritonæi tunicas securè ferri debuerunt. Vrachos enim è vesicæ fundo ad vmbilicum protenditur, vt per eum ex vesica, quàm diù fætus in vtero continetur, vrina deferat, vt inde in ambientem membranam allantoidem effundatur.

*Vrachi v-
sus.*

Vesica suas habet venas & arterias, vt more reliquarum partium nutriatur & viuat, teste Gal. lib. 5. de vsu par. c. 7. & 8. A propinquantibus enim vasis venas suscipit & arterias. Neros autem à spinali medulla, quæ in osse sacro includitur, & à sexta coniugatione, vt quibusdam placet. Lib. 5. cit. de vsu par. c. 10. ait, vesicæ plures, eosque magnos fuisse concessos neruos, vt noxam, quæ ex acri mordacique vrina inferri posset, illicò, antequam repleatur, declinare valeat. Ex diuturna enim mora vrinæ interna superficies vesicæ raditur; quare per interualla quòd attrahit, eijcere conatur.

*Vsus neruo-
rum vesti-
ca.**Vesica v-
sus.*

Quòd attinet ad vesicæ vsum, cum Gal. diximus ipsam à natura fuisse constitutam, vt sit tanquam feri conceptaculum: partim naturali, partim animali actione serum retinet, & expellit: quoniam propriis villis obliquis, & obliquis musculis abdominis ad retentionem vitur, veluti adhuc adminiculo musculi sphincteris: transuersis autem fibris, & transuersis abdominis musculis vrina expellitur.

De Liene.

Quid lien.

Splen, siue lien Græcis σπλήν, est corpus quoddam carnosum, quod nonnulli παρένχυμα, hoc est, affusionem, vocant (vt loquitur Gal. lib. 4. de vsu par. c. 15.) tetragonam siue quadratam, linguæ tamen bouinæ instar, figuram obinens, & in sinistro hypochondrio situm, vt innata proprietate succum melancholicum ex hepate attrahat. Manifestum est, lienis carnem esse raram, spongiosamque, vt innata vi & dispositione feculentum humorem ad se sugat, trahatque. Ipsum autem proprium lienis parenchymosum corpus est, quo facultatem habet splen ad seipsum trahendi succos melancholicos: raram admodum, ac laxum instar spongiæ, vt succos crassos faciliè & attrahat, & excipiat; vt loco cit. loquitur Galen. qui consequutiue rem vterius exponit, aiens: Vt a. talis (id est, rara & laxa) perpetuò seruetur splenis caro, faciunt arteriæ in totum viscus disseminatæ, in lienis quidem corpus sparsæ sunt insignes venarum propages, in quas diuaticata est splenica dicta, quæ à vena porta succum melancholicum ad lienem deferit: in idem lienis corpus æquè saltem insignes & notæ magnitudinis arteriæ inseruntur. Neruum quandam exilem à sexta coniugatione suscipit, & tandem tunicam obtinet satis tenuem à peritonæo acceptam, per quam neruulus ille diuaticatur. Hæc est integra lienis constructio. Lien, quia caro, calidus est & fortè siccus ratione nutrimenti, licet laxitas humiditatem denoret.

*Vasa lie-
nis.**Tempera-
mentum.*

Situs est lien in dextro hypochondrio, ne vacuus ille locus extet, & vt instar parui hepatis corpus in æquilibrio cõseruetur: dima, siue cana eius pars

ventriculū, heparque respicit: gibba verò eius pars, spinarum costarum extrema; secundū cauam sui partem ventriculo, medianibus quibusdam venulis, quas illi concedit, alligatur; veluti & epiploo. Secundū conuexam partem diaphragmati, & reni sinistro, mediante sua tunica & tegumento, & fibrosis quibusdam vinculis, ex lib. 4. de vsu part. c. 16. vbi in principio cap. hæc habet. Conuersa autem sunt lienis sima ad hepar & ventriculū: gibba videlicet sinis opponuntur. Et sima quidem arteriarum & venarum immissiones continent, & quæ ad omentum pertingit, infertionem: gibbis autem, quòd ad nothas costas, & illa secedant, nullum vas inferitur, sed quædam fibrosa vincula ibi colligant ipsa adiacentibus & c. De ramo splenico, & alijs ramulis, hinc in ventriculū & epiploon sparsis adhuc loquitur Gal lib. 6. de anat. administ. c. 10. Sic & lien in sinistra parte consistit, concauo ipsius in dextram conuerso. Atque verò quædam ex iecinore ad ipsum pertinet, cuius processus in ventriculū deriuat. Postquam ergò omnibus lienis partibus propagines sunt transmissæ, quædā pars huius venæ ad gibbum ventriculi sursum emergit, quædam in sinistram, omenti regionem diuarcatur. Hæc Gal.

Magnitudo & color lienis in omnibus animantibus non sunt æquales, teste Gal. lib. 6. de anat. administ. c. 10. Non tamen, inquit, lienis magnitudo, neque color idem omnibus inest: quippe leo, canis, omniaque fortia animalia nigrum affatim obtinent. Sus autem, humidioraque, & frigidiora, albicantem magis.

Magnitudo & color

Cur exiguus neruus lieni sufficiat rationem reddit Gal. lib. 5. de vsu part. c. 10. hæc serie: Hepar verò à quatuor instrumentis purgatur, duobus quidem renibus, tertio à splene, tum quarto vesica ipsi inharente. Quare cū nullus in eo succus malignus, & acris mansurus esset, sensu maiori haudquaquam indigebat. Porro hæc quatuor partes, quæ iecur ipsum perpurgant, quod à proprijs excrementis nihil incòmodi essent accepturæ, sensum maiorem non exposcunt; neque enim trahere huiusmodi excrementa potuissent, nisi qualitatibus quædam cum excrementis ipsis intercessisset. Siquidem, cū tot annos quodque animal superstes sit, in ea tamen cysti, quæ sedem ad iecur habet, videre est bilis flauæ còtineri aliàs plus, alias minus: quin & mortuis ipsis ablatis ab hepate vesicas simul cum bile diutissimè asseruamus, nihil tractu temporis corpore ipsarum patiente: ita unicuique quod cognatum, ac familiare est, sine dolore omnino, atque innoxium est. Ergò his instrumentis natura sensum acutiorem non adhibuit, vt quæ nihil vnquam negotij à comprehensis in sese excrementis erant habitura. At maiori vesicæ, quæ lotij receptaculum est, nisi lotium id, quod biliosius, acriusque est, repente excernatur, magnas sæpè noxas afferat: nō enim quemadmodum vesica, quæ bilem recipit, ita & huius substantia corporis, bilis qualitati est affinis, sed vrinarum duntaxat, quarum gratia à natura constituta fuerat. Hæc Galenus, ex quibus percipimus, quod ille in principio cap. dixit, motus & sensus instrumenta multis magnisque neruis egere: & partes pariter, quæ magnam passuræ forent molestiam, vt intestina, & vesicam vrinariam: quibus ideo natura exquisitum sensum, & neruos consequenter magnos concessit: aliæ tamen, partes relatæ hebetiori sensu, ob propositas à Galeno rationes, præditæ sunt.

Cur exiguus neruus lieni concessus,

Cystis fellicis à felle nihil paritur, nec vesica multū à solo sero, sed à bile, ichoribus, humoribus, salis aliisque rebus ei commixtis.

Insignium arteriarum lieni infertarum varios vsus exponit Gal. lib. 4. de vsu part. c. 15. sicuti & ipsiusmet lienis, ac rami splenici vsus, hæc serie: Demon-

Demonstratum autem est etiam hoc à nobis in lib. quos de facult. nat. conscripsimus, splenem, instrumentum quoddam esse, quod purgat limosos, & crassos, ac melancholicos succos in hepate genitos: attrahit enim hos, (vt antea dictum est) per vas venosum, tanquam per stomachum quendam: attractos autem non protinus in ventriculum excernit, sed ipse prius per multum otium conficit, atque immutat, vtens ad hanc actionem potissimum arterijs, quæ certâ multâ & magnâ sunt per totum viscus, non ab re, neque fortuito à natura ipsi tributæ, sed vt motus assiduitate, & innata caliditatis quæ ipsis à corde affluit, robore, confici, frangi, mutari, atque alterari possit crassities transumptio: tum ab hepate ad splenem succorum.

Vsus magnarum arteriarum, lieni inferarum.

Quicquid igitur eorum in succum huic visceri maximè conuenientem, translatum fuerit, alimentum id spleni efficitur: quod autem ab ea, quæ in splene fit elaboratione exciderit, neque in sanguinis tenuis, ac utilis speciem transmutari potuerit, omninoque inutile fuerit ad nutriendum, hoc ad ventriculum per alium quendam venosum stomachum splen eructat; vitilitatem, & ipsum quandam haud contemnendam præstiturum (vult. n. talem humorem melancholicum excrementitium ad ventriculum relegatum, appetitum suscitare). Eodem capite paulo post iam relato, ait: Quin & carnem visceris hæ semper (id est arteriæ) raram conseruant, quemadmodum & pulmonis: si enim rectè demonstratum est in ijs quæ de facultatibus naturalibus præcepimus, omnia quæ nutriuntur ad seipsa trahere, ex proximis vasis alimentum, ex arterijs quidem consentiens est tenuius attrahi, ex venis autem crassius: nam & tunica arteriarum, quàm venarum est densior, & sanguis qui in ipsis continetur est subtilior, & vaporosior: ex huiusmodi autem præstitit fungosam, ac laxam carnem nutrim, quemadmodum ex crassiori densam. At, qui sanguis adeo tenuis in arterijs huius visceris est, generationem habet ex crasso illo & melancholico excremento: quo fit vt & caro splenis quamuis laxa sit, à pulmonis tamen carne magno intervallo relinquatur: laxissima enim est ea, atq; leuissima, & paulò minus alba, vtpote ex spuma quadam veluti coagulata. Nutritur enim ex sanguine purissimo, flauo, subtili & spirituofo. Has omnes prærogatiuas habet is sanguis qui à corde mittitur ad pulmōnem. Splenis verò corpus, cū tanto rarius hepate sit, quanto est crassius pulmone, meritò tenuiore sanguine nutritur: qui namque attrahitur ad splenem crassior est eo qui est in hepate; at quia elaboratus ab arterijs quæ illic sunt, atq; adeo venis multo densiorem tunicam habentibus quàm sunt in hepate, non asfatim neque crassius carni splenis, sed subtilis & paulatim mittitur: Ob id caro quidem huius visceris rarior est & leuior quàm hepatis, non tamen rubicundior, aut flauior: melancholicus enim erat humor quem purgauit, eoque elaborato nutritus est: hepar verò benigno simul & crassiore nutritur, tum propter subtilitatem tunicæ venarum, quæ sunt in hepate, tum propter magnitudinem foraminum. Vt autem summam perstringam, nutritio horum trium viscerum, sic habet: Hepar quidem ex rubicundo & crasso sanguine: Splen autem ex subtili, sed nigro: pulmo ex elaborato ad vnguem, flauo, subtili, spirituofo, ac puro sumit alimētum.

Melancholia excrementitiae generationis & usus.

Sanguine tenui lieni nutritur.

Pulmonis nutrimentum.

Lienis, hepatis & pulmonum nutritio.

Præterquam quod ex hac doctrina quamplurima notatu digna innotescant, exinde lienis vsum, venarum, arteriarumque officium dilucidè percipimus. Magna ergò arteriæ lieni concessæ sunt: Primò, vt suo continuo motu siue agnatione, & calore natiuo eoq; valido quem à corde mutuata sunt melancholicum tuccum conficiant, frangant, mutant alterent, con-

concoquantur: & vt tandē id omne, quod in tali succo vi concoctrice elaboratum est, lieni apponatur; quod verò inutile est ad nutriendum, depônatur ad ventriculū, gratia excitandi animalem appetitum, & rursus ad intestina, tanquam inutile excrementum. Non solum ergo ratione sanguinis spirituosī arteriæ lienem calefaciunt, & cōctionem iuuant, sed insuper ratione continui motus earundem, qui causa caloris dicitur, & est. Citaro ideo cap. Gal. ait, arteriarum motum conseruationi caloris natiui cuiusvis partis conferre: nam diastole siue dilatatione arteriarum frigida qualitas vnā cum aere externo attrahitur; qua internum incendium minuitur & calor natiuus, qui suffocationem patitur, ventilatur, & de nouo accenditur: Systole, siue compressione, siue constrictione arteriarum ad interiora, fuliginosa excrementa calorem natiuum suffocantia, & in acrem calorem conuertentia, expelluntur. Præfatas ergo arterias multas, & magnas splen iusta concessit natura, quod in eo necessariò ex prauis crassisque succis, qui inibi elaborantur, copiosæ fulgines siue vapores adusti generentur, qui sui expurgationem manifestè indicant. Vnde cit. cap. Gal. ait: Vt enim pulmo refrigeratione vehementi, ita splen purgatione insigni indiget. Secunda vtilitas magnarum arteriarum lienis est, quod natiuam raritatem, simulque laxitatem eius conseruent. Quæ quidem duæ qualitates protinus necessariæ sunt, vt lien crassum succum faciliè recipiat, eumque rursus conficiat, & excrementitium tandem expellat. Quod sanè fieri nequit, quotiès idein lien obstruitur, aut scirrhum patitur: nam tunc sanguis melancholicus attenuari nequit, sed inidoneus, qui lienem nutriat, inalteratus persistit.

*Motus
causa calo-
ris.*

*Systoles &
diastoles
arteria-
rū in omni
parte vjus.*

Lienis vsum producto superius contextu exposuit Gal. sicuti eodem lib. 4. de vsu part. c. 4. vbi sanguinem à cysti fellis & liene expurgari docet: & succum melancholicum veluti suo pondere declinātem ad ipsum lienem, vacuum locum in sinistro hypochondrio replentem, attrahi. Vt commodius limosum crassumque sanguinem lien attraheret, sub vena porta fuit à natura positus. Ad eius ergo simam partem è vena porta excurrit ampla vena, ramus splenicus dictus, qui instar stomachi, seu amplæ fistulæ, feculentum sanguinē ad cauam eius partem transfuchit. Tanquam enim ster- cus hominum est canibus suauissimum, ita iecinoris excrementorum aliud lienī, aliud bilis vesicæ, aliud renibus est iucundum, inquit Gal. lib. 3. de facul. nat. c. 9.

Lienis vsus

Quod attinet ad lienis magnitudinem, minor magno multò præstantior est. Vnde Hippocrates lib. de locis in homine, inquit: Quibus corpus floret, his lien minuitur. E contra, quibus viscus id magnum & tumens augetur, his corpus minuit & cacochymum reddit, vt loquitur Gal. lib. 3. de facul. nat. c. 9. Splen quidem magnus magnam melancholiæ copiam indicat. Inde isteritica nigra, alijque affectus melancholici. Ex aduerso; quoties sanguis a liene expurgatur, desecaturque, lienque rursus sese ab inutili succo exonerat, ob sui puritatem homines iocundos, hilaresque reddit: vnde versiculi

*Paru^o lien
magn^o præ-
stati ier^o*

Cor sapit, & Pulmo loquitur, Fel continet iras:
Splēn ridere facit, cogit amare lecur.

De Iecore.

Quid Iecur.

Quid Parenchyma.

Laurentius perstringitur.

Figura.

Iecur, quasi iuxta cor secundum robur, & vires, Græcis *νῆαρ* appellatur; animæ, seu potius facultatis concupiscibilis sedes à Gal.lib.4. de decret.Hippoc.& Plat.statuitur. Viscus ab illo sæpè nominatur; vt videre est lib. 3. de facul.nat.c.13.& lib.4.aphor.64.& lib.de marcure. Hepar est carnea pars, rubicunda, & mediocriter mollis, calida humidaque tanquam sanguis naturaliter concretus, procreandi sanguinis gratia constructa; vtque sit venarum principium. Quodd autem corpus hepatis, seu propria eius substantia carnea sit, rubra, mediocriter mollis, calida humidaque, per se patet; nam ex crassiori sanguinis parte, tenuiori seposita, concrevit, teste Gal.lib.4. de vsu par.c.12.& lib.de fetus formatione c. 2. lib.1. de femine c.8. Vnde parêchyma, id est affusio Erasistrato dicitur, teste Gal.lib.6. de anatom. administr.c.11. Parenchyma dicitur omne viscus ex sanguine concretum in principio generationis; cuiusmodi sunt hepar, cor, renes, lien, & pulmones: quæ partes, quia carnis speciem constituunt, calidæ sunt: hepar verò calidum & humidum, quodd venosi sanguinis naturam redoleat.

Figuram rotundam hepati tribuit Arist. lunarem formam Auerroes lib. 1. Colliget.Hipp lib.de ossium natura, & 6.Epid.hepatis quinque lobos siue pinnulas, siue pinnas concedit: Veteres ferè omnes iecur fibrosum esse dicebant; Gal. tamen loborum numerum non determinauit. Experientia quiddè comprobatum est, hepar in lobos manifestos non distinguere, sed ipsum habere in medio rimam quandam seu fissuram, per quam vena umbilicalis fatus in ipsum subintat: Habet insuper hepar in posteriori sui parte versus spinam portiunculam quandam, si mam ventriculi partem implentem, ne locus inibi vacuus relinquatur, vtque coctionem alimentorum in ventriculo iuuet. Laurent. iecur informe statuit; quia inquit, figura nihil ad alterationem. Sanguificatio verò similis actio est, quæ à sola temperie inchoatur, & perficitur. Verum licet concoctio à temperamento præcipuè pendeat, figura tamen aliquid confert: Vnde Galen. de institut. art. med. c. 5. ait, actiones primò & per se esse partium similium, secundariò autem dissimilium. Sanè sine commoda figura cor spiritum vitalem, nec cerebrum animale efficiet. Præstat ergò dicere iecur ipsum esse rotundum, diuersam tamen obtinere conformationem secundum diuersas sui partes, vt testatur Herophyl. apud Gal. l.6. de anat. admin. c.8. his verbis: iecur humanum, si ad alia quedam animantia eiusdem cum homine magnitudinis conferas, perquam magnum est, & qua septum transuersum attingit, gibbum est, & læue: quæ v. ventriculū & ipsius gibbum, cauum est, & inæquale: Porro assimilatur cuidam rupium intervallo, quæ & fetibus ex umbilico vena in ipsum innascitur. Verum in omnibus non est simile, sed latitudine, crassitie, altitudinis, fibrarum numero, inæquabilitate ex anteriori parte, quæ crassissimum est, & summitate orbiculari, qua extenuatur, inuicem diuersum est. Etenim in quibusdam ne fibras quidem habet, sed ex toto rotundum est, minusque rectum, quibusdam duas, alijs plures; multis & quatuor obtinet. Hæc itaque Herophylus rectè. Præterea sinistra ipsum occupare, partim paucis in hominibus, non autem in paucis alijs animantibus verè prodidit. Hæc Galen. ex Herophylo, qui cit.

cit. cap. ait, gulofos quidem & timidos magnum habere iecur, idq; multifidum, fobrios verò & tempeatos, contrarium.

Ex Herophyli dictis conftat, hepar peculiarem, atque conuenientem habere figuram. Rectè, inquit Herophylus, hepar in homine, quàm in cæteris animalibus æqualis magnitudinis, eſſe maius; quia homo, quàm reliqua animalia, tenuiore & rariore cute, & corporis habitu potitur: unde plus triplicis ſubſtantiæ per poros amittit, quàm reliqua animalia. Vt ergò ſufficiens alimentum in deperditæ ſubſtantiæ locum ſufficiatur, ſanguinalis effector hepar notæ magnitudinis eſſe debuit. Qui autem abſolutè ex Herophylo affirmât, hepar hominis maius eſſe hepate reliquorum animalium, Herophylum non intellexerunt, nec Ariſtotelè legerunt, qui lib. 2. de hiſtor. animal. c. 17. ait, elephantis iecur quadruplo maius eſſe bubulo. Ergò cum experientia conſtet, humanum iecur bubulo eſſe minus, multò minus erit, quàm elephanticum.

*Cur hepar
magnum
hominibus.*

Iecur autem ſecundùm partem ſuperiorem lææ eſt, vt ſepti tranſuerſi motum non impediât: in quem finem aliquantiſper à ſepto tranſuerſo diſſitum eſt; nec ipſum attingit, niſi quando ab oppleto cibus ventriculo ſubtolitur, veluti compreſſione quadam, ipſum hepar; vel quando idem hepar nimio ſanguine, eoque turgente, reſertum eſt; quemadmodum in febribus ardentibus in plethoricis accenſis aliquando ante hæmorrhagiam, accidit. In his enim caſibus, ob compreſſum ſeptum tranſuerſum reſpiratio diſciliſ redditur. Cautas autem hepatis inæqualis eſt, & rupibus aſperis varia veluti promontoria conſtituentibus, non abſimilis. Iſta enim inæquas librum exitum tum cyſti fellis, tum venæ portæ tribuit. Si autem ea ex parte æquale eſſet, cyſtim & venas ita comprimeret, vt extra idem hepar prominere non poſſent; quâ ſiniſtrum latus vergit hepar non ita craſſum eſt, ſed tenuius ſeipſo in dextro.

*Gibba pars
lævis.*

*Cautas
inæqualis.*

Situm eſt hepar ſub ſepto tranſuerſo, quod non attingit, ob rationem paulò ante traditam: & vt ab externis iniurijs viſcus nobile ſeruetur, veluti quodâ ſepimento & munimèto, nothiſ coſtis, contegitur. Maiori ex parte in dextro latere ſitum eſt: eius tamen portio ad ſiniſtrum tendit, & manifeſtè ultra cartilaginem xyphoidem, etiam in adultis verſus leuam protenditur. Non enim propterea ventriculi munus plurimùm impedit in adultis; quia hepar eleuatum eſt, & ſuſpenſum; vt ventriculum non contingat. Adde quod nihil ibi præter ventriculi oriſcium contingeret: cum ventriculi fundum ad dextrum latus vergat. Experientia præterea conſtat, partem hepatis ſatis magnam ad læuam declinare.

Situs.

Lib. 4. de uſu part. c. 12. virtutem hepatis & compoſitionem, præclare expoſuit Gal. hoc ritu: Reſtat ergo id, quod eſt velut caro hepatis, quod ſanè eſt propria ſubſtantia viſceris, eſſe primum ſanguificationis organum, & venarum principium. Et quibuſdam interpoſitis: Caro namque hepatis, quæ eſt proprium ipſius corpus, primum ſanguificationis eſt organum, & venarum principium. Quapropter & venis, quæ ad ventriculum, & venteria inteſtina pertinent, ineſt facultas quadam ſanguinis effectrix, quaſi ſuccum qui ex cibus diſtribuitur, venis in ſanguinem mutare naturale eſt prius, quàm is ad hepar perueniat. Poros verò, ſiue meatus, qui iunt in veſica bilem recipient, perſpicuum eſt, gratia ſeparandæ bilis tactos eſſe. Membrana autem exterior velut cutis quadam hepatis eſt: neruus vero in ipſam interitur, ne omnimò viſcus ſit ſenſus expers: quemadmodum certè & arteria, vt caloris natui ſymmetriam, id eſt, commodationem ipſi

*Uſus ex
Gal d oclri
na.*

*Partes car
ni herentes
& inſertæ.*

*Symme-
tria. com
modatio.*

conferuet, His positis quærit Galen. sequenti cap. 13. citati libri, cur multas venas illas, quæ à ventriculo & intestinis omnibus ferunt cibum sursum ad hepar, cum vniuisset natura ad portas, rursus in quamplurimas diuisit. Siquidem vniuit eas, ac si vna indigeret: diuisit verò illico, ac si frustra vniuisset: cum posset vnum facere magnum in hoc viscere sinum sanguineum, cui infereret venas, infernè quidem eam, quæ sursum sanguinem fert, ortam à portis: supernè verò in gibbo hepatis eam, quæ esset exceptura eundem sanguinem, atque rursus in totum corpus esset perlatura.

Nemini dubium venit, venam portam quæ ventriculum, intestina, lienem, & reliqua, quæ inibi collocantur, respicit, appositè in innumeros ramulos fuisse dispersam, præcipuè, vt his tanquam manibus hepatis, chylum ad se idem hepar attrahat. Id ergò, de quo contentiosè dubitabant ex antiquis aliqui, est, quare venæ portæ caudex, quæ hepar respicit, ingrediturque, in innumeras propagines per corpus hepatis, sed præcipuè cauum, dispersas definit? cum potius multò commodiùs esset caudicem venæ portæ inibi, vbi hepatis inseritur, terminari, & ex eo chylum in hepar effundi, & in hepate cauitatem quandam, seu sinum, seu cisternam efformare, in qua sanguinis confectio absolueretur, vt inde rursus in venam cauam, ex alia parte hepatis pendentem, diffunderetur: & illinc rursus ad vniuersas corporis partes.

Erasistrati opinio. Erasistratus varias illas venæ portæ diuicationes per hepatis sinus factas fuisse à natura, separandæ bilis flauæ gratia, rebatur; quem tamen reprehendit Gal. inquit, naturam sine tam numerofo plexu superflua excernere; vt apparet in renibus, qui mediantibus paucis emulgenribus copiosum ad se prolestant serum. Ergò mediante paucis apparatus cystis fellis bilem flauam minus copiosam attrahit. Rationem ergò numerosæ discretionis venæ portæ in hepate hac serie describit Galenus: Non igitur secretionis bilis causa natura tantum plexum vasorum in hepate effecit, sed vt morans in viscere alimentum in sanguinem ad absolutionem transmutetur. Si enim vt in corde, ita in hepate fecisset vnum magnum sinum, veluti cisternam quandam, deinde in ipsum sinum per vnam quidem venam induxisset sanguinem, per aliam verò eduxisset, ne breuissimo quidem tēpore in hepate mansisset is succus, qui sursum ex ventriculo fertur, sed ipso distributionis impetu raptus peruaderet celeriter totum viscus. Vt igitur maneret diutius simul, & perfectè alimentum alteraretur (id est concoqueretur) transituum angustia extiterunt; quemadmodum in ventriculo quidem pylorus: in intestinis verò inuolucra: pari modo & ante testiculos arteria, & venæ inuoluuntur multipliciter: atque in capite sub dura meninge plexus arteriarum *πλεγμαδικοῦσιν*, hoc est plexus retiformis nominatus: vbi enim diutius voluit natura morari materias, ibi transitum ipsis difficilem molita est. Porro si vnus extitisset magnus sinus, non mansisset diutius in hepate sanguis, partemque minimam carnis eius visceris attigisset, eoque deterior vtique fieret sanguificatio: etenim si proprium corpus hepatis primum est sanguinis creandi instrumentum, quod alimentum magis vndique ipsum contigit, citius & melius speciem sanguinis erat suscepturum. Quocirca ipsas venas, quæ sunt in hepate, omnium venarum, quæ sparguntur in totum corpus, tenuissimas fabricata est: illas namque (id est, quæ extra corpus hepatis sunt) ceu minimè principio sanguificationis vicinas & resistentem iniurijs constitutionem flagitantes, meritò fecit robustas: cuius

ius rei argumentum est non minimum, quòd aliæ quidem magis, aliæ verò minus extiterunt crassæ, prout eas oportebat magis, aut minus ad patiendum comparatas esse, vt procedente sermone ostenditur: quæ verò sunt in hepate, tenuissimæ fuerunt, ceu nulli patiendi periculo expositæ (sedem enim tutissimam habent in viscere) & melius ita sanguificatione elaboraturæ. Quod autem satius fuit post venas alimentum ex ventriculo sursum ferentes, excepturis id venis poros attrahentes flauam bilem priores fuisse locatos, mihi quidem & hoc manifestum esse videtur: purgatum enim bellè iam sanguinem horum vasorum oportuna positione suscipiat vtique vena caua. Rursus in fine capitis ait Galen. æquum esse, vt pori siue ductus, per quos bilis ex sanguine in ramulis venæ portæ confecto, ad cystim fellis detrahatur, immediatè post venas portas collocentur, & ante venas recipientes (id est, radices venæ cauæ) iam elaboratum sanguinem: ne nimirum rursus vniuersus sanguis flaua bile inquinatus amarulentus, adeoque prauum nutrimentum corporis, persistat.

Cur venæ hepatis exiles.

Locus pororum attrahentiū flauam bilem ad cystim fellis.

Sed contra Gal. doctrinam dicit aliquis, si hepar est officina & effector sanguinis: Ergo aliqua sensibili cauitate in qua sanguis elaborari queat, præditum esse debet, eodem proportionem modo, quo in corde multò angustiori hepate, duo ventriculi siue sinus, dexter & sinister, conficiendi sanguinis arterialis gratia, videntur.

Obiectio.

Respondetur, Cordi, & non hepati congruè cōcessos fuisse ventriculos, quia chylus adhuc impuritatibus scatens difficulter in hepate concoquitur; vnde in angustis illis ramulis, vel radicibus venæ portæ in corpus hepatis disseminatis, melius à laxo viscere, eodem scilicet hepate, conficietur alimentum, & in sanguinem transmutabitur. At verò massa sanguinaria, cui variæ superfluitates ademptæ sunt, vt vtraque bilis, & serum, dum in ventriculū cordis dextrum ex ascendente vena caua effunditur, & illinc rursus in sinistrum ventriculū veluti transcolatur, faciliè à corde viscere semper feruente, adeoque calido & sicco, in arterialem, siue tenuiorem & calidiorem sanguinem mutatur.

Solutio.

Quærit iterum Gal. quare concessæ sunt exiguæ arteriæ simis siue cauis hepatis partibus, & non toti visceri? cui quæsito respondet, arteriolas istas non fuisse collocatas inter venas, portæ & cauæ, seu in medio hepatis, sed in simis tantum partibus, in quibus venulis venæ portæ subiacent, quia pars hepatis conuexa, gibbaue, diaphragma respiciens, motu perpetuo eiusdem diaphragmatis ventilatur, reingeriaturque. Cauæ ergò partes hepatis solæ, vt ventilentur, refrigerenturque, arteriolas egent. Iure autem, & paræ admodum fuerunt huiusmodi arteriæ, vt quæ refrigerationem solum simis hepatis partibus suppeditarent; non necesse habentes eadem arteriæ, neque sanguinem assumere (nondum enim superflua deposuit sanguis) neque vitalem spiritum multum præbere hepati, vt quibusdā alijs organis, neque nutriti carnem eius subtili & vaporoso alimento, vt loquitur Gal. Verissimile tamen est, vt eodem cap. concedit Galen. arterias illas conseruare calorem natium cauæ partis hepatis, non solum suo motu ipsum ventilando, sed fortè spiritus aliquos vitales eò deferendo.

Dubiū. 2.

Solutio.

Quærit tertio Gal. cur minimum neruum natura hepati concessit? Respondet, quia hepar animali concessit natura, non ad motum aliquem, neque ad sensum edendum, sed ad sanguinem solum modò conficiendum. Hepar enim est principium facultatis altricis: Vnde eæ actiones ipsi, tum venis ex eo ortis, concessitæ sunt, quales & plantis insunt. Plantæ autem, vt

Dubiū. 3.

Solutio.

ut suas producant actiones, motu, nec sensu egent. Ergo nec hepar pariter. Verum ut noxas tamen ei illatas obscure saltem persentiret, natura tunice illi externae quam à peritonæo suscepit, æruulum à sexta coniugatione ortum inseruit, corpus hepatis nullatenus aut vix ingredientem. Recentiores Anatomici alium ei neruulum tribuunt, qui ab illo etiam neruo sextæ coniugationis, qui per costas excurrit derivatur.

*Hepatis
nexus.*

Hepar veluti pecus quoddam agreste est, referente Platone apud Galen. lib. 4. de usu part. c. 13. Unde ratio quæ in cerebro sedem habet, velut famulam quandam atque adiutricem irascentiam accersit, quæ sibi aduersus hoc pecus auxilio sit: quo fit, ut ea tria, cor, cerebrum, & hepar, per productiones, ut puta nervos, venas, arterias, coniuncta Conditor noster machinatus sit, ut se inuicem audirent, sibiq; viciniam obsequeretur. Siquidem ijs omnibus, quæ nutriuntur, hepar colligatum esse est necesse: quare alijs partibus principibus per venas colligatum: inò verò cordi præterea per diaphragma, cui ipsum iecur annectitur, etiam colligatur, teste Gale. cap. 14. citati libri. Vice versa cerebrum mediantibus nervis, & cor mediantibus arterijs, eidem hepati copulantur: ventriculo, intestinis omnibus per venas, & colligantem tunicam. At huiusmodi vincula non sufficiebant: Proinde ipsum adhuc hepar vinculis quibusdam stabilitum, natura proximis corporibus inseruit: vno quidem maximo vinculo tunica à peritonæo oriunda, quæ ipsi pro tegmine futura erat: Quare hac futurum erat, ut omnibus etiam internis coniungeretur; omnia enim tunica hac obuoluntur. Magno præterea alio vinculo phrenibus, seu diaphragmati, atque alijs quibusdam, & membranosis & paruis, costis nothis connexum est. Verum id vinculum, quo phrenibus viscens ipsum adnecti iam diximus, est quidem & ipsum corporis substantia ipsi peritonæo assimile, quippe quod ortum habet ex tunica ambiente ipsum hepar, & ea, quæ phrenas internè succingit, quas ambas diximus à peritonæo produci: crassities autem eius, ob hancq; ipsam robur ac patiendi difficultas, permultum à peritonæo distat: neq; id immerito. Nam si recti steterimus, à phrenibus necesse est hepar pendere: quo fit, ut periculum non paruum fuerit, ne vehementioribus moribus promptè abrumperetur, repentèq; admodum animal interiret. Copulatur enim hepar non solis phrenibus ibi, sed etiam cordi per phrenas, inquit Galen. loco iam citato.

*Duo præ-
cipua he-
patis vin-
cula.*

*Vulnus
prope hepar
in regione
vene caue
lethale.*

*Genus sup-
plicij a Ty-
rannis in-
nectum.*

*Hepatis v-
sus.*

Verum duobus præcipuè vinculis suam stationem, suumque locum cōseruat hepar: illo nimirum, quo diaphragmati, & illo, quo vmbilico coniungitur. Diaphragmati, siue phrenibus primò mediante illo torti ligamento, & secundo mediante vena caua ascendente. Quoniam vena caua inibi prope iecur magna est, vulnus ei inibi inflictum mortale censetur. Cyclopem ideo inibi gladio confodere studebat Ulixes, retetente Homero. Aliud præcipuum iecoris vinculū est vena vmbilicalis, quæ, postquam fetus in lucem editus est, & non amplius per illam alimentum suscipit, in ligamentum degenerat: atque adeo hepati vna ex parte insertum est, altera verò ex parte vmbilico. Barbari nouum supplicij genus machinati, tolli sunt vmbilicum circumcidere, ut sic super ventriculum, & intestina, caderet hepar, & vnà secum diaphragma, cui appendebat, raperet, & hac via immobili factò diaphragmate, defectu respirationis homo interiret.

Quod pertinet ad hepatis usum, pauci, hætenus, dubitarunt, ipsum à

natura fuisse constitutum, vt vniuerso corpori alimentum præparet. Officialis enim eius actio est hæmatosis, siue sanguificatio, iuxta Gal. doctrinam: Non quòd hepar hoc officium in gratiam corporis præstare contendat, cum ratione careat, vt loquitur Gal, sed alimentum susceptum in sanguinem conuertere, & sibi ipsi apponere, atque debitam portionem assimilare: reliquum verò, tanquam inutile pondus, grauiamen idè ei inferens, aliorum propellere. Verum licet hepar semetipsum nutrire intendant, eius tamen commune officium atque beneficium à natura studitum est. Vnde *ιμαλίων* fons vberimus gratiosi humoris dicitur Hippocrati lib. de morb. mulier. suo enim calido, & humido temperamento vitæ propagandæ valde comodo, penum amplam conficit, & in vniuersum corpus nutriendi gratia rursus transinitit. Galenus libro 4 de vsu part. eius etiam vsum præscribens ait: Ipsum autem hepar, postquam id nutrimentum accepit a famulis iam præparatum, & veluti rudem quandam delineationem, obscuramque speciem sanguinis referens, inducit ei postremum ornatum ad sanguinis exacti generationem.

*Hepar fons
gratiosi hu-
moris,*

QVÆSTIO VNICA.

*Vtrum Hepar sit principium Venarum, &
sanguinis confector?*

Aristoteles in hac sententia esse creditur, vt vnicam partem principem admittat cor, quod non solum arteriarum, sed neruorum, & venarum principium est; ita vt sit sanguinis confector, motus animalis author, animalis, vitalis, & naturalis, siue concupiscibilis facultatis sedes, & ante hepar, cerebrumque efformatum ac vltimò moriens.

*Aristotelis
opinio.*

Nos vè vntamen cum Hippocrate, Platone, & Galeno hepar partem nobilem, vtpote sanguinis effectorem, & venarum principium esse credimus. Hippoc. lib. de alimento hepar venarum principium statuit. cor vèò arteriarum, hoc ordine: *ρίσσις φλεβῶν, ἥπαρ ρίσσις ἀρτηριῶν, καρδίη*, id est, radicatio venarum, hepar; radicatio arteriarum, cor. Opumè tanè radicationis vocabulo vsus est Hipp. vt nobis indicet, hepar non esse principium generationis seu originis venarum, sed insertionis tantum; nam, venæ æquè saltem priùs, ac hepatis caro, conformatæ sunt. Dixi, saltem; quia cum hepatis caro sit sanguis ipse concretus, rationi consonum est, vt venarum radices, circa quas ipsum iecoris corpus ex sanguine coalescit, aliquo temporis intervallo præcesserint.

*Vera opi-
nio.*

*Principiū
radicationis
quid.*

Hepar esse venarum principiū, sicuti cor arteriarum, probat Gal. exemplo plantarum lib. 6 de decre. Hipp. & Plat. c. 3. Semen maturi in in rigam glebam iactum, primò emollitur; & tegumentum, & cortex, quo quasi cute circumdatur, intumescit: mox humore insito in aerem conuerso rumpitur: inde ex illa ruptura germinatio quædam, tenuis illa quidem ac mollis egrediens in vtramque partè protenditur: in superiorem aerem versus, & inferiorem in terræ profunditatem: quam quidem & continuum incrementum accipere & ferri semper quo semel incepit, conspiciamus. Processu verò temporis, si arboris alicuius magnæ semen id fuerit, pars ea, quæ in ae-

*Primum
argumentū
quo probat
Gal. hepar
esse venarū
principiū
& sanguis
cationis au-
ctorem.*

*Pars qua
seminis
planta lo-
cū repre-
sentat ra-
dicē deor-
sū, & cau-
dicem sur-
sū emittit.*

*Radicem
extremi-
tates in
plantis ori-
animaliū
assimilan-
tur.*

*Aorta di-
uisio.*

*Arteria
venosa.*

*Vena ca-
na diuisio.*

rem subiecitur, truncus : quæ deorsum in terram penetrat, radix efficitur : atq; vtræq; si multifida arbor est, in multas scinditur particulas, vt vnum & ortus & incrementi omnibus plantæ partibus principium, locum illum esse appareat, vnde & supia trunci, & infra radicationis origo effluxerit: videaturq; inde quasi è laribus quibusdam ea, quæ arborem regit, virtus & facultas proficisci : quam quidem contrario motu agitari satis constat: deorsum in terram dum primas radices, tum scindendo diffundit, tum augendo producit: sursum dum stipites nouos & ramos progerminat, atque eos subinde in alios, in summa vsq; & minutissima, tenuissimaque flagella ac virgula diffundit. Atq; hanc superiorem partem, quæ eadem arbor est, tum sua, tum fructuum causa videtur ad hunc modum formare: inferiorem, quæ alimenti suppeditatio non desit; cū eodem munere fungatur in plantis radicum extremitas, quo in animalibus os: ac sanè fibris, siue paruis radicibus, quasi osculis multis, nutrimentum à natura fabricatum ac præparatum è terra, illæ attrahant.

Hoc exemplum cordi, & arterijs adaptat Galen. Deinde verò hepati, & venis caux, ac portæ. Dicit igitur cor esse principium arteriarum; quia è corde emergit maximus truncus arteriæ; quæ aorta dicitur, quæque in duas partes diuiditur, quarum maior deorsum versus spinam vergit, estque tāquam caudex in arbore; quod ab ea dimanent innumeri rami in minores semper dispersi, donec in exilissimas & capillares arteriolas desinat. Altera verò, eaq; minor, arteriæ pars sursum ad caput tendit; quæ pariter in varios ramulos dispergitur. Altera insuper arteria ex eodem cordis sinu exiens, quæ parti illi plantarum, quæ in terram radices agit, perquam similis, in pulmones scissa siue diuisa dispergitur. Eodem enim modo cor è pulmonibus aerem per has arterias attrahit, quo per radices plantæ ex humo alimentum omne concipiunt. Quemadmodum igitur in plantis pars ea quæ è terra eminet, truncus est, omniumq; aliarum superiorum crassissima cernitur: quæ in radices dispergitur, omnium itidem inferiorum: quæ verò media inter vtrasq; est, totius plantæ principium esse constat, et de modo illa arteria, quasi stirps omnium, quæ per totum corpus sparguntur, maxima est. Item quæ ad pulmones permeat, omnium earum, quæ in pulmone sunt latissima conspicitur: cor vero ipsum vtrarumque medium eū sit, meritò ipsas gubernantium facultatum initium censendum erit.

Eodem modo quo de arterijs & corde, de hepate & venis philosophandum docet Gal. citato capite, & iuxta Hippocratis doctrinam lib. de alimento vbi dixit: Sicut arteriarum cor, ita venarum iecur radicatione est. Radicationem autem in planta appellat Gal. partem illam inferiorem radicibus multò crassiorē, quæ plantæ origo est, & à qua crassus exurgit truncus, siue caudex, à quo rami procedunt: Cor eodem modo principium arteriarū, & hepat venarum esse sequentibus confirmat. Nam quemadmodum è plantarum radicatione, id est origine, radices deorsum aguntur, & stirps sursum oritur, eodem pacto è corde arteriæ, altera in pulmones, altera in totum corpus animalis disperguntur; è iecinore item venæ, altera in ventrem, altera in corpus vniuersum distribuuntur: atque illæ radicibus persimiles sunt venæ, quæ in ventrem pertingunt. Quod etiam idem Hippocrates declarat, ita scribens: Quod arboribus est terra, id animalibus venter est. Caua vena est, quæ trunci vice fungitur: quæ ex gibbo iecoris exorta, inde in vtramque animalis partem, tam superiorem quàm inferiorem rectā protenditur. Latissima tamen ea est ipsius pars quæ infra iecur: minus lata quæ ad præcordiū

cordia superius tendit: vtrisque autem his adhuc minor, quæ cordi applicatur. Atqui si cor esset cauæ etiam venæ, sicut est arteriæ magnæ principium, illa eius pars quæ cordi continua est, maxima conspiceretur. Hæc Galenus.

Cùm eodem, proportionem seruata, modo, venæ à iccore, ac arteriæ à corde emergant, inde recte intulit Gal. iecur esse principium venarum, sicuti cor arteriarum: vel certe si hepar nō sit venarum principium, pariter dicendum, nec cor arteriarum principium. In omnibus autem similitudinem obseruant. Nam quemadmodum aorta siue magna arteria amplissima est in suo statim exortu, & quidem secundum partem in spinam dorsī deorsum vergentem, ita pariter vena cava in suo ex hepate exortu, & secundum partem descendantem amplissima est. Pari etiam modo sicuti per ramulos venæ portæ, instar radicū plantarum, & rursus per vnicū venæ portæ tubulum alimentum ex ventre, id est, intestinis, & ventriculo ad hepar, vt sanguis exinde conficiatur, attrahitur; sic ex pulmone aer per os, dein per pulmonis arteriolas, rursus per vnicū tubulum, in quem omnes illæ arteriolæ coeunt, in cordis sinum mediocriter preparatus attrahitur: vt nimirum ex hoc, & benigniori sanguinis vapore spiritus vitalis temperatus vi vitali cordis generetur, ad fouendum resarciendumq; vniuersi corporis insitum calorem; sicuti sanguis venalis in hepate confectus est ad reficiendas partes inanitas, spiritusq; vitales in corde.

Galenus vasorum exortum vtrisque terminis, id est, radicibus, & ramis ampliorem constituit. Quare cùm venæ cauæ pars, quæ cordi inferitur, multò angustior sit illa parte, quæ prope hepar est, quæq; deorsū æq; ac sursum pretenditur; inde inferendum, iecur, & non cor esse venarum principium; cùm manifestè constet maiora minorum esse principia; quemadmodum, fons omnium riuulorum, in quos distribuitur, maior est.

Non desunt tamen, qui ea quæ à principio remotiora sunt, suis originibus maiora esse opinentur. Idque exemplo fluuiorum, qui quidem iuxta fontem, è quo scaturiunt, parui cū sint, in recessu tamen augentur.

Huic obiectioni satisfaciit Galen. cap. cit. aens, nonnulla esse flumina, quæ alia multa flumina in suum alueum excipiunt, quæq; ideo augeſcunt: nonnulla contra, quæ in riuos ceducta pristinam magnitudinem amittunt. Nullus enim fluuius reperietur, qui ex vno tantum fonte ortus caput suum exilius reliquo corpore habeat. Sed si ex pluribus fontibus colligatur aliquod flumen, nemini dubium, quin tota illa collectio singulis fontibus maior appareat.

Deniq; si minora vasa maiorum initia esse statuatur, digitus aut calcarneus, cui inferuntur venulæ, arteriolæ, & neruuli, principium erit venæ cauæ, aortæ, & spinalis medullæ. Pariter etiam arborum cacumina, & extremitatē radicū fibræ principia arboris dicerentur. Quod planè absurdum esset, cū huiusmodi fibræ sint potius principia preparationis alimentī, perinde ac venæ, quæ in ventrem pertingunt, nec non arteriæ, quæ in pulmone numerosa pullulatione diffunduntur. Adde quòd si aliquas fibras, siue exilissimas, & capillarias vasa, principia esse auique contenderent, aliquas verò fibras non esse, improbatum dubiumque fundamentum, incertamq; doctrinam statuerent. Superest ergo, vt locus, seu pars ex qua vasa & trunci, ac radices vndique oriuntur, sit verum principium eorundem, cū ex hac virtutem suscipiant, sicuti planta ex illo loco, ex quo semen primum pullulauit; quem arboris radicationem, id est, radicem & principium

Optima illatio.

Secundum argumentū Galeni.

Obiectio

Solutio

Optima reductio.

Radicatio planta est principium candidis &

radicum. pium vocat Gal. quòd ex ea truncus sursum dilateretur, sicuti deorsum in terram radices.

*Tertium
Argumentum.*

Iterum Galenus eodem lib. 6. de decret. Hippo. & Plat. c. 5. venas è iecore, & non è corde oriri probat, ex ipsa corporum dissectione; nullam enim è corde venam, neque in inferiores partes, nisi quæ è iecore sanguinem deferret, neque in superiores tendere conspiciamus: Sed caua vena è iecore rectà ad iugula vsque ascendens suum quendam ramum cordi applicat. Cuius rei manifestum indicium esse debet id, quod in magna arteria videre licet. Quod quidem spectare vnumquemque decet, atque ita demum ad cauam venam considerandam descendere. Vna enim maxima arteria è sinistro cordis ventriculo egressa in vtrasque arterias, tum eam, quæ sursum ad caput tendit, tum eam, quæ ad spinam inferius deuoluitur, euidenti scissione, siue diuisione partitur: ita etiam pari pacto debebat vena caua, si à dextro sinu siue ventriculo cordis exoritur, manifestam in vtrasque partes, tam infernam quàm supernam, distributionem exhibere. Sed huiusmodi venæ distributio è sinu dextro cordis emergere non conspicitur, sed potius è gibbo iecoris, è quo vena caua ascendens cordi ramum concedit. Ergò qui fieri potest, vt quemadmodum sinister cordis sinus arteriarum est, ita dextrum venarum originem esse existimemus. Hoc sanè Galeni argumentum à sensu ipso desumptum, contrariam sententiam protinus euerit. Adde nos possumus cum ipso Gal. esse contra ordinem naturæ, & omne in prorsus rationem, venam cauam è dextro cordis sinu emergere; quia si ab ipso cordis sinu emergeret; quare prius ramos ex phrenico ramo, eius inuolucrum susciperet? quare itidem coronarius ramus cordis basim coronæ ritu cingeret, & ad nutriendum cor sursum ex vena caua, ascendente prius protenderetur, antequam caua in dextrum cordis sinum sanguinem effundit, si ex corde originem traheret caua? Fiunt enim necessarij anguli deorsum sub corde in diuicatione istorum ramorum à caua ascendente. Ergò isti anguli denotant venam cauam ascendere à suo principio, hepate, & non à corde descendere. Anguli enim isti vel acuti sunt, vel obtusi, & lineæ, seu venæ angulos efficientes infra cor coeunt, & à parte superiori nunquam iterum copulantur. Quod argumento est, cauam venam ascendere ab hepate, tanquam à suo principio, & non à corde descendere.

*Quartum
Argumentum*

Aliud Galeni argumentum eodem cap. deductum. Multa animalia dextrum cordis ventriculum non habent: venam tamen cauam possident. Ergo in his saltem animalibus vena caua à iecore, & non cordis dextro sinu qui illis deficit, pullulabit. Galen. refert, se dissecuisse quamplurima animalia, in quorum cordibus nullus reperiebatur dexter sinus; & consensu omnium, aquatilia nominat, in quibus nec pulmones, nec dexter cordis ventriculus reperiuntur. Hinc infert Gal. animalia pulmone carentia dextro cordis sinu carere: & illa, quæ pulmonibus prædita sunt, dextro cordis sinu frui. Addit, se semper in omnibus obseruasse iecur, & venam cauam, cor & aortam.

*Quintum
Argumentum*

Deinde in ipsis animalibus, in quibus cor dextro sinu pollet, vena caua, priusquam cor attingit, in duas magnas diuiditur; vt in volucribus omnibus, & reptilibus, gressilibus item non paucis, intueri licet. Patiter in ipsis animalibus, in quibus cor dextro sinu priuatur, vena caua, posteaquàm præcordia, siue septum transversum traiecit, diuaticatur, diuiditurque, non secus atq; alibi, cum prope iugula accefferit. Hæc sunt indicia, venam cauam è iecore

iecore emergere, & in suo exortu in duos dinidi truncos, vnum deorsum, procumbentem, alterum sursum.

Præterea non tantum caua vena è iccore, & gibbosis eius partibus exit, sed altera etiam vena è concavis hepatis partibus manat, quæ à nonnullis porta iccoris, ab alijs ianitrix appellatur. Non enim totam illam venam portam esse aiunt, sed partem tantum eius illam, quæ primum è iccore exire cernitur; quæ etiam omnium aliarum partium latissima est, amplissimaque. Ex hac parte vas in duas regiones diuarcatur: distribuitur enim vna, ex parte in omnes sinas, siue cauas iccoris partes, alia verò ex parte in omne mesenterium, & intestina, ventriculum, lienem, & reliqua disseminatur. Sed nec vena porta, nec rami, aut radices cordi continuantur: vt ex anatomicis dissectionibus constat. Ergo cor omnium venarum principium dici nequit. Superest ergo, vt hepar sit principium dispensationis venarum.

Gal. c. 6. lib. 6. de decret. probat cor non esse principium sanguificationis, nec venarum: & vt intentum facilius probet, ipsius Erasistrati sui aui Aristotelis sententiam amplectentis, quædam concessa fundamenta præsupponit. Itaque in cordis basi quatuor ora reperiuntur, propter quatuor vasa eidem cordi inserta. Vnicuique scilicet ventriculo, duo. Dextro igitur cordis sinui lateraliter, seu secundum vnum latum vena caua ascendens connectitur, vt per istum ductum sanguis in sinistrum cordis ventriculum infundatur. Eidem ventriculo vena arteriosa, per quam sanguis ad pulmonum nutritionem transmittitur, etiam inseritur. Ex alia parte sinistro ventriculo inferuntur aorta, siue magna arteria, per quam spiritus, & sanguis flauescens & tenuissimus, ac spumofus in vniuersum corpus deducitur: & præterea arteria venosa, per quam spiritus vitalis portio in pulmones, & insimul superflua humiditas fuliginosa mittitur, & per quam rursus aer inspiratus, & in pulmonibus præparatus ad cor transfertur. His omnibus vasis in suis insertionibus prouida natura membranulas quasdam tanquam valvulas concessit. Valvula verò, quæ intromittentibus vasis inhaerent, de foris introrsum vergunt, ne quidpiam ex ingressis per eandem viam remeet extra. In vasis verò, quæ materias educunt extra cor, contrario modo insertantur membranulae, ab interiori scilicet parte foras versus, ne quod egressum est intus regrediat. Membranulis autem prædictis, orificijs receptaculorum, siue ductuum, siue tubulorum prædictorum insertis, ad materię tum admittendæ, tum amandandæ ministerium cor vitur: vt ipse Erasistratus in confesso habuit. Sed in orificio illo lateris venæ cauæ, per quod in cor sanguinem effundit, tres sunt huiusmodi membranulae de foris introrsum tendentes, & cuspidum aciebus structura quàm simillimæ: Vnde nonnulli Erasistratæ, vt existimat Galenus, tricuspides eas appellarunt. In arteria venosa (ita eam vocat Galen. quæ ex læuo cordis ventriculo in pulmonem dispergitur) sunt item forma similes membranæ, numero verò disparæ; nam soli huic orificio duæ adhærent. Aliorum autem orificiorum, aortæ nimirum, & venæ arteriosæ, vtrique tres membranæ *erymæ* litteram in figura imitantes. Ergo materia illa, quæ ex vena caua in cordis ventriculum dextrum effunditur, nequaquam per eandem viam amplius foras regreditur. Quoniam membranula illæ orificio venæ cauæ sanguinem intromittenti in dextrum cordis sinum insertæ, de foris introrsum vergunt; vt à sanguinis introeuntis impetu impulsæ reclinantur, atque in cordis cauitatem resupinatæ, os ipsum, siue introitus aperiatur, expeditumque aditum sanguini, qui attrahitur, præsent. Neque enim spontè materias effluere,

Sextum argumentum

Quid vena porta.

Septimum argumentum.

Quatuor vasa, duo vtriusque cordis basi annexa.

tanquam in inaninem aliquam cisternam, sed cor ipsum distendi, ac perinde, vt fabrorum folles attrahere, atque ita repleti inquit ipsemet Erassitatus; qui etiam asserit, vt paulò ante protulimus, membranas illas, quæ intromittentibus vasis incumbunt, vbi cor contrahitur, vt ora claudant, & nihil ex attractis ab eodem corde rursus foras recurrere permittant, procreatas fuisse à natura.

Erassitategi ergo, tanquam primi Peripatetici, sanguinem semel ex vena caua in cordis dextrum sinum intromissum, extra per eandem viam non regi di concedunt; quia cum Aristotele rebantur sanguinem in iecore præparari, & inde per venam cauâ in cor inuehi, in quo postea reliquam propriæ formæ absolutam recepturus perfectionem, & vltimum complementum foret.

Sic posita Peripateticorum doctrina, petit ab eis Gal, vt nobis ostendant vas aliquod, quod è corde sanguinem in se absolutè perfectum educat, atque ipsum iustus, vt aorta, spiritum in totum corpus dispense. Quod sanè ostendere nequeunt: nam cordis officia omnia sunt numero quatuor, duo in vtroque ventriculo; in sinistro vnum, quod spiritum siue aerem è pulmone attractum admittit; alterum verò (aortam dictam) quod præparatum spiritum è corde in vniuersum corpus educit: reliqua duo in dextro ventriculo, alterum quod in pulmonem sanguinem emittit; alterum quod è iecore admittit, per venam nimirum cauam. Neque vllum aliud quintum os in corde possumus inuenire, quo, è iecore admissum sanguinem, in totum corpus, distribuatur. Non est ergò dicendum, vniuerso corpori à corde & sanguinem, & spiritum transmitti, ac idem viscus esse & articularum simul & venarum principium. Superest ergo, cor esse articularum principium, iecur venarum; & sanguinem ex vena caua in cordis dextrum sinum effusum, esse sanguinis arterialis, & spiritus materiam.

*Octauum
argumentū*

Aliud Galeni argumentum eodem cap. propositum est, quod ex hepate, & non ex corde deriuatur vena vmbilicalis, ex qua progerminationes multæ in chorion siue externum fatus inuolucrum disseminatur, sicuti & aliæ multæ, quæ in interius inuolucrum, quæd amnion appellant.

*Nonum
argumentū*

Tandem, si venæ à corde orientur, pulsu iystoles, & diastoles, æquè benè ac arteriæ dotatæ essent.

*Decimum
argumentū*

Galenus lib. 6. de decret. Hipp. & Plat. c. 8. idem argumenti genus aduersus Peripateticos prosequitur. Si, inquit, primæ generationis venarum originem requiris, iecur est: Si dispensationis materiæ, qua totum corpus alitur, & facultatis principium spectas, neque ita aliud quodpià viscus inuenies, quod principium iudicari aptius possit: adde etiam, licet de naturali origine nihil agamus, si aut doctrinam tantum, aut viam, aut vtrumque demum aliter principium consideres, nihil aliud, nisi iecur magis consentaneè principij rationem suscipiet. Nam cum verum sit, & naturale venarum principium, mirandum non est. Vt intentum probet Gal, præsupponit nonnulla, quæ nos sequenti ordine proponemus.

Communis Medicorum, & Philosophorum consensus est, id omne, quod nutrit, in eius quod nutritur naturam substantiamque commutatū abire. Rursus instrumenti naturam examinās, vt iecur instrumentū conficiendi sanguinem esse probet, sequentia profert: Nam vnumquodque instrumentarium animalis membrum compositum cum sit, ex alijs simplicioribus partibus proprium quiddam in substantia ita adeptum est, vt nihil aliud

in.

in vniuerso animalis corpore simile reperiatur: Sic ventris corpus proprium quoddam diuersum ab alijs omnibus habet: sic lienis: sic cerebrum: sic renes: lingua etiam, nec non oculi, & vesicæ, & vteri simili modo se habent: arteriæ verò, nerui, & venę, communis vtilitatis instrumentis indita sunt, nonnullis membranæ, & colligamina. His verbis demonstrat Gal. id quod alibi ab eo prolatum est, in quolibet instrumento insitam esse quandam peculiarem partem, cui instrumenti actio, tanquam præcipuo & peculiari authori, tribuenda est: & cuius ministerio tale opus, & non aliud producit. Nam peculiare temperamentum talis partis est peculiari causa productiua talis effectus. Pars aulla instrumenti, quæ talem sortita est potestatem, parem aut consimilem substantiam in corpore non habet: verbi gratia tunicis ventriculi nullæ extant in corpore consimiles, nec in eodem gradu temperamenti, nec in consistentia, siue crassitie, & tenuitate, neque in figura, aut reliquis. Caro pulmonum etiam sine pari habetur: sicuti caro lienis, & caro renum: substantia cerebri: caro linguę: humor glacialis siue chrysallicus oculorum: vesicæ corpus, vteri pariter: cordis: &c. Porro qualis est pulmonis substantia, talem nullam aliam in corpore inuenies: cerebri item corpus tale est, quale nullum aliud: cordis substantiæ simile exquisitè nullum membrum aliud reperi potest: renum, lienisque natura ab omnibus alijs diuersa habetur. Quocirca in singulis harum partium, ex substantiæ peculiaris, qua polient, proprietate, propria quædam functio consequitur: proprietas illa peculiari partis substantiæ, cui alia in corpore similis non reperitur, tribuenda est.

Hinc intert Galenus, hepar esse solum sanguificationis autorem: consequitiuè ergo, præpositis iam dictis, in hunc modum loquitur: Nihil itaque mirandum, si iecoris etiam corpus ex propria sua natura functionem propriam consequutum est: maximè rubrum enim cernitur, perinde ac sanguis, nō qui ab aere frigido circūiūto spissatus, ac coagulatus fuerit, caliditate eius extrinsecta, atque inde è refrigeratione, nigrore contracto, sed qui à calore innato periciente magis, quam vitante concreuerit: vtroque enim modo, siue coagulatio, siue iecoris caro fiat, sanguis immutatur. Sed quæ in coagulationem fit mutatio, via est quædam ad putredinem: illa verò mutatio, quæ in iecoris substantiam fit, est naturæ operatio. Aded nihil quicquam tam simile sanguini inuenire possumus, quàm iecoris speciem, siue peculiarem substantiam. Neque bene id à nonnullis dictum est, cum affirmant, sanguinem, si in tepidam aquam instillaueris, carni, quæ primum recenti concretionē contiterit, esse perquam similem: cum longè maiorem efficaciam ingenti caloris congruentia ad exactè absoluteque sanguinis naturam excolendam sortita sit. Si igitur vnumquodque membrum succo substantiæ suę quàm simillimo nutriatur, cumque sibi alterando & immutando præparat, sanguinis generationem nihil aliud nisi caro iecoris procurabit; quæ quidem caro, sicut supra demonstraui, proprium corpus iecoris est; propterea ab alijs omnibus segregatum vnicum quoddam viscus, atque vniforme exitit. Hoc eodem colore cor etiam præditum est, sed non adeo, vt iecur, quod humidius corde; atque ob eam causam rubicundius, molliusque euasit: at cor siccius calidiusque iecore ideo effectum est, vt & esset durius, & quemadmodum arteria, duplici motione posset agitari: atque ita ex ea agitatione insiti caloris proportio æquabilis conseruaretur. Proinde neque proprius eius sanguis iecoris sanguini similis est, sed quò calidius viscus viscere, eò

In quolibet instrumentario membro reperitur proprium aliud quid in substantia. cui nihil simile in vniuerso corpore extat.

Cur cor durum est.

flauior sanguis conspicitur, quem colorem siccioris sanguinis, sicuti humidioris ruborem proprium esse constat.

Totam hanc doctrinam in argumenti formam reducere lubet. Nō est posterior ratio, cur alia instrumenta peculiarem edant actionem, quā iecur. Sed alia peculiarem edunt. Ergo & iecur. Minor per se patet. Nam cor conficit sanguinem flauescentem, & spirituosum, ac feruentem: Pulmones aerem, cordi præparant: Lien melancholiam attrahit, & conficit; & sic de reliquis. Maior verò probatur. Iecur est instrumentum, siue pars instrumentaria, quæ à natura frustra formata non est. Ergo peculiarem edit functionem. Probaturs consequentia. Quod habet omnia requisita ad peculiarem actionem edendam, peculiarem edet actionem. Sed iecur habet omnia requisita ad peculiarem actionem edendam. Ergo iecur peculiarem edet actionem. Probaturs minor. Iecur, vt reliqua instrumenta ex pluribus composita, habet, peculiarem quandam substantiam, & communes quasdam. Peculiaris a substantia iecoris est ipsius caro rubicunda & mollis, cui sanguis assimilatur. Ergo hæc pars peculiari sua proprietate sanguinem procreat, cum sit veluti sanguis coagulatus. Venæ verò in hepate contentæ vim genetandi sanguinem ex sua natura non habent; earum enim tunicæ non rubrum humorem, sed candidum & viscosum procreare consueuerunt: ex quo nimirum & ipsæ procreatæ sunt, & augentur, & aluntur; vt ibidem, & lib. 1. de semine loquitur Galenus. Venæ quidem, sicuti arteriæ, nerui, cartilago, adeps, & aliæ consimiles partes, quæ communiter in varijs instrumentis reperiuntur, nullam peculiarem actionem in vna parte magis, quā in altera edunt, sed communem vbiq; Ergo in iecore nec tunicæ venarum ex natura sua sanguinem procreant; multo adhuc minus arteriæ, nerui, & membranæ. Superest ergo, vt sit hepatis caro, aut cystis fellis. Sanguificationem verò cysti huic bilis colligendæ gratia procreata tribuere, ridiculum prorsus est: vt loquitur Gal. lib. 4. de vsu part. c. 12. Ergo præcipuæ actionis, quæ ab hepate editur, causa erit ipsiusmet hepatis substantia rubicunda, seu eius caro, quæ chylum in sui substantiam conuertere pro viribus nititur. Vnde eundem illi tribuit colorem, sicuti ventriculus ipsi chylo: adeoq; rubrum reddit chylum, dulcem, & benignum, vt eo sic elaborato, & in sanguinem conuerso ipsum hepatis corpus nutriatur; reliquum verò, tanquam superfluum, à se rejicit, eo modo, quo ventriculus sibi gratiorem chyli partem apposuit, & reliquum tanquam excrementum in duodenum propellit. Constringitur enim venter ad cibos (inquit Gal. c. 8. lib. 6. de decret.) accommodatum sibi alimentum ex illis eliciens, quoad saturatus, ac perfectè repletus; quidquid superat excrementi, in ieiunum expellat: attrahit etiam inde iecur cibum in ventre prius concoctum: qui non ea quidem causâ à ventre immutatur, vt iecori sup peditetur, sed vt tanquam fortius agens, alimentum vt passum, & imbellius, agens vincat, & sibi, quod in eo vtile est, apponat: ita autem alimentum victum, & in chylum conuersum gratus hepati redditur, & facilius ipsum in sanguinem conuertit. Sicut igitur ventris reliquæ iecori accommodæ sunt, eodem modo quod à iecoris alimento superuacaneum est, reliquis omnibus vtile efficitur: neq; tamen illorū causa iecur nutrimentum immutauerat: sed eo, quo dixi modo res cessit, dū immutatur & diuersificatur, habilius ad alia mēbra alenda euadit. Quemadmodū enim ipsum iecur tum ex ventre, tum ex intestinis per venas alimonia m attraxit: ita quæ post ipsum constituta sunt, per alias venas in se illam eandem è iecore exugū, tum deinceps ex his alia: atq; hoc tantisper, vsq; dum in omnia anima-

Peculiaris substantia hepatis est ipsius caro, communis substantia sunt vena, membrana &c.

lis membra alimētum digeratur; atq; ita fit, vt sequenti, continuaq; successione vnumquodq; membrum alteri sequenti materiam præparare, ac præcoquere videatur. Eodem modo iecur redditum à ventre succum sibi ipsi similem afficit, hoc est, carni, substantiæq; suæ, quæ videlicet à quibusdam Medicis parenchyma nuncupatur, quasi interfusionem dixeris.

Dilucidè seriem coctionis, quæ in omnibus partibus, tam instrumentarijs, quàm simplicibus celebratur, comprehensus est; vt inde colligat, hepar habere vim conuertendi chylum in sanguinem, tãquam in substantiam sibi omninò similem, vt ea rursus reficiatur. Omnes autem partes successiuè vim habent conuertendi alimentum in idoneã, & sibi similem substantiam. Ergo hepatis sua virtus deneganda non est, qua in rubram substantiam chylum conuertit.

Gal. cit. lib. 6. de decret. Hippoc. & Plat. c. 4. cuidam obiectioni, quæ sic se habet, occurrit: Venæ à corde facultatem suscipiunt, materiam verò ab hepate, à quo sanguis emanat.

Obiectio.

Huic obiectioni sic respondet: Si ab hepate sanguis emanat, vt ipsa obiectione manifestè refert, ergo in hepate facultas procreandi sanguinem continetur; eritque principium facultatis altricis simul, & vegetabilis. Si enim cor esset huius facultatis æquè, ac pulsantis principium, frustra à natura iecur esset formatum, cum in corde, vtpote intensiori calore prædito, cibi mutatio commodè fieri posset.

Solutio.

Sed dicit adhuc aliquis, iecur quasi ministrum ad magnum illud opus à natura cordi adiunctum fuisse, quo videlicet ipsi cordi materiam præpararet, sicut ipsum hepar à ventriculo præparatam materiam accipit.

2. Obiectio.

Respondetur. Omnia membra quæ materias alijs præparant, totas eas atque integras illis ipsis, quibus præparant, reservare solent: vt pulmones per vnicum ductum totum aerem, quem præparant, ad cor transmittunt: Ventriculus & intestina per solos ductus ad hepar tendentes chylum emittunt: ex reticulari contextu, siue reti mirabili per arteriolas ad solū cerebrum vergentes, spirituum animalium materia educitur: Vasa præparantia semen per nullum ductum aliò tendentem, quàm rectà ad testes feminalem materiam traiciunt: meatus omnes humorem biliosum colligentes, in vnum demum vas iecori annexum, folliculum fellis dictum, deferunt. Atque hinc demum ad ieiunum intestinum emergunt, nõ secus, ac renes urinam in vnam tantum vesicam transmittunt. Sed iecur non transmittit totam materiam à se elaboratam ad cor: maiorem enim sanguinis in eo confecti partem ad infernas partes corporis transmittit, vt patet ex vena cava descendente, quæ multò maior, ampliorque est ascendente, quòd maiorem corporis partem nutriet, vt ipsi aduersarij consentiant. Pars enim corporis, quæ sub septo transverso continetur, superiore maior est. Denique antequam ascendens cava ad cor pervenit, alijs partibus, vt diaphragmati, rursus verò ipsi cordi ramos communicat, sanguinem ad illas deferentes. Hinc liquet, iecur non ministrum, sed ducem, & principis partis rationem obire.

Solutio, & undecimū argumentū

Quòd etiam sanguis per ascendentem venam cavam æquè ac per descendentem, in ipso hepate, & non corde absolutus fuerit, ostendit vicinia instrumentorum purificantium sanguinem, eius excrementa proliciendo. Huiusmodi instrumenta sunt cyitis fellis hepatis annexa, renes rursus, & lien. Prope autem cor nullum appositum est excrementorum receptaculum. Ergo hepar est venarum principium, & hæmatoseos causa.

Duodecimum argumentum.

Tan-

Tandem, cum vnicus ductus ab hepate ad cor protendatur, quomodo possibile est, ut talis tubulus in medio animali positus, possit esse sanguinis puri à corde delator, & simul humoris crudi ab hepate ad cor nihil enim purum, & coctum in venis unquam contineretur: H par ergo solum, & non cor dicendum erit facultatis vegetantis principium; prout existimauit Hippocrates, & post hunc Plato, quorum auctoritatibus, sicuti & Homeri; libro sexto de placit. cap. vi. suam sententiam hætenus deductam confirmat Gal.

Aristotelis argumenta solvuntur.

*Aristotelis
varij
rex-
tus Gal. do-
ctrina oppo-
siti.*

Arist. lib. de somno & vig. c. 3. Cor venarum principium sic statuit: Nutrimētum autem est omnibus vltimum sanguine quidem præditis, sanguinis ipsa natura, exanguibus verò proportionale: locus verò sanguinis venarum, harum autem principium cor. Palam a. quod dicitur est, ex dissectionibus: forintecus quidem alimenti ingredientis insusceptiua loca fit euaporatio ad venas, ibi verò permutatum in sanguinem vertitur. Lib. 2. de par. anim. c. 9. hæc habet: Vena etiam si qua separata, nec suæ origini continua tenderet, suum sanguinem seruare non posset. Calor n. profluens ab origine facit, ne sanguis gelet. Putrescere etiam sanguis videtur, qui à suo fonte remotus est. Principium venarum cor est. Lib. 2. de gener. animalium. capite 4. ait: Alimentum autem vltimum animalis sanguis est, aut quod sanguini proportionetur, quorum vasa, & conceptacula venarum sunt. Quamobrem venarum quoque principium cor est. Eodem lib. c. 6. cor primò tanquam principium in animalibus fieri ait, & venas à corde tendi. Lib. de respirat. c. 20. ait, sanguinem primò in corde fieri: & rursus inquit: Et pulsant venæ omnes, & simul inuicem propterea quòd pendent omnes à corde: mouet autem semper cor, quare & illæ semper. Lib. 3. de par. animal. c. 4. hanc disputationem productiori sermone profecquitur. Dicit itaque inter cætera: Statim atque consistit, & generatur animal sanguine præditum, cor, & iecur in eo conspici; in ouis enim ipsis triduo cubatis, puncti iam magnitudine cor & hepar apparent: in partibus etiam abortiuis eadem, sed perquam exigua cernuntur.

Rursus asserit Aristoteles, cor esse venarum principium; quia melius est vnum admittere principium, vbi id fieri potest, quàm plura. Venarum ergo omnium vnicum assignandum principium Cor: nequaquam verò multiplex.

Secundum. Secundum argumentum, quo probat à corde tanquam à principio venas derivari, est, quòd cordis natura venosa sit. Vnde sequitur cor esse venarum principium.

Tertium. Tertium argumentum: Per cætera viscera venæ transigunt, nulla verò per cor tendit: Ergo apertum est, cor esse partem, & principium venarum. Patet consequentia. Medium cordis spissum, cauumque corpus est: Plenum etiam sanguinis est, quasi hinc venæ oriuntur. Cauum est, ut contineat sanguinem: spissum, ut principium caloris seruare possit.

Quartum. Quartum. In corde solo, sine venis sanguis continetur: cæteræ verò partes sanguinem venis contentum habent; quoniam sanguis ex corde ad

ad venas deriuatur. At verò ad cor non aliunde deuenit: cùm ipsum sit prima origo & fons sanguinis, aut conceptaculū primum: vt ex dissectione, & generatione animalium constat.

Quintum. Cor enim statim primum omnium partium consistens sanguinolentum est.

Quintum.

Sextum. Morus etiam lætitiæ, ac tristitiæ; denique omnium sensuum hinc oriri, eodemq; desinere videntur.

Sextum.

Septimum. Principium enim vnum esse oportet, vbiq; fieri potest. Aprissimus autem omnium locorum medius est. Medium autem vnum est, & tale, vt vndique attingi, vel æquè, vel proximè possit.

Septimum.

Adhæc, cùm nec pars alia sanguinea vlla, neq; sanguis ipse vim habeat sentiendi, quòd primum sanguinem habeat: id esse, quod sentiat, certum est.

Octauum.

Sensu etiam percipitur in recēs natis palpitatio cordis, quasi animal esset. Ergo est principium sanguineorum.

Nonum.

Denique. Nullum animal sanguinis compos caret corde. Ergo est principium sanguinis. Iecur etiam omnibus sanguine præditis inest: sed nemo id censuerit esse principium vel corporis totius, vel sanguinis: situm nequaquam obtinet principalem.

Decimum.

Ad hæc, vena per iecur tendit, nec vlla ex eo prouenit. Venæ etiam omnes ex corde sua initia trahunt. Ergo cor solum; & non iecur erit sanguinis principium.

Vndecim.

Hæc sunt, quæ de hoc argumenti genere ab Aristotele proponuntur quibus omnibus in superiori quæstione cum Gale, satisfecimus. Ad singula tamen summi Viri argumenta sigillatim respondebimus.

At primò, cor esse venarū principii; quia præstat vnicū principii, quàm plura admittere, vbi id cōmode fieri potest. Ad quod respondemus id totū libèter concedēdo. Sed vnicū principii in corpore tam varia munera, sanguificationis, motus, & sensus, pulsandi simul, ac conficiendi vitalē spiritū, celebrare nō potest. Primò, quia nulla est in corpore pars, nec statui potest,

Prima solutio.

tantæ molis, quæ posset neruorum, venarum, & arteriarum esse principium. Nam horum tubulorum exortus magni iuxta originem esse debent, vt copiosa materia, & spiritus in omnes corporis partes quàm celeriter, & affatim effundatur. Non enim illam eandem magnitudinem, quam in suo exortu obtinere, quoquoersum protensi obseruant; sed in plures minores ramos dirimuntur; hique iterum in alios, & illi rursus in alios, & sic deinceps fit, donec in perexiguos, ac capillares ductus, fibrarum instar, dispersi euanescent, & oculorum aciem subterfugiant. Hæc autem tubulorum istorum tam frequens in varios ramos discretio fit, vt hac multiplici diuicatione cunctis partibus idonea materia, & spiritus, ad sui nutritionem, & quasuis debitas functiones obeundas, suppeditentur. Vt ergo sufficiens materia, & spiritus ad vnamquamque corporis partem per tam numerosos ramulos siue fibras diffundatur, pars antecedens tubuli, maximè quæ origini propinquior est, ampla, & notæ magnitudinis esse debet. Alioqui insufficiens esset, quæ posset sanguinem, & spiritum in debita copia, & confertim per innumeros præfatos ductus transfundere. Cùm res ita se habeat, impossibile est, cor esse commune principium neruorum, venarum, & arteriarum: nam vt in eo venarum radicibus sufficiens insertionis locus non est à natura concessus, sicut nec crassæ ipsa medullæ, saltem prope cerebrum, spinatis est

Primum argumentū quo probatur non vnicū principium corp⁹ gaudere, sed plurib⁹.

medulla, à qua omnes nerui manifestè deriuantur, si septem paria ab anteriori cerebri parte emergentia excipias. Venæ a. præ reliquis radices innumeras ad alimentum suctionem possidere debent: cum alimentum per eas ad maiorem venam deferri soleat, æquè ac per plantarum radículas, siue fibras ad radicationem .i. ad partem illam plantæ, quæ feminis (ex quò ortum duxit) locum prope terram obtinet, exinde verò ad caudicem, & illinc ad ramos. Cor ergo tantum capax est tubulorum deferentium ad id materiam conuenientem, ex qua possit spirituosus feruensque sanguis generari, aliorumq; vasorum, quæ ex eodem materiam aliò euehunt, prout optimè hætenus à perita Medicorum schola demonstratum est.

Secundum. Secundò, venæ, arteriæ, nerui, diuersam obtinent structuram, diuersamque consistentiam: Ergo hæc eorum diuersitas principiorum diuersitatem arguit.

Tertium. Tertio, facultates agunt pro ratione temperamenti; ideoque facultates temperamenta sequi videntur, tanquam hominum essent proprietates, licet ab anima propriè pendeant. Hinc inferendum, diuersas facultates diuersa denotare temperamenta; vt innuit Galen. lib. 6. de decret. cap. vlt. Ergo cum facultas vitalis, naturalis, & animalis distinguantur, necessariò distincta temperamenta exposculabunt. Sed hæc temperamentorum varietas in vnico corde non reseruatur. Ergò in diuersis partibus, vt sana Medicorum doctrina confirmat. Quòd autem diuersa exposculent temperamenta facultas vitalis, & animalis, liquidò constat; quoniam facultati vitali conseruandæ calidum siccumque temperamentum confert: Cor ideo ab omnibus calido siccoque temperamento præditum esse fertur. Est enim calidissima totius corporis pars; quia tanquam caloris natui fons in vitæ exitum, alijs partibus calorem concedere debuit; immo nouos spiritus in deperditi locum continuò rescicere. At v. animalis facultas temperamento multò temperatiore, & frigidior egiuit, ne homo, ob nimium ardorem, in perpetua inquietudine, & motu versaretur: neque inordinatis motibus à tanto ardore agitatus præcipientes, & præter rationem edat actiones: vt in phreniticis quotidie conspicere licet: imò in ijs, qui bilioso temperamento præditi sunt: cerebrū. n. paulò siccus solito habent: Calor enim intensus ad perennem, inordinatumque motum excitat, sensus præcipientes efficit, & dictamen rationis offuscat. Prouidè ergo à natura cerebrum respectu cordis frigidum, seu minus calidum factum est. Et licet non sentiat, rectè etiam sensus author statuitur; quia tanquam iudex species impressas dignoscit, licet eas non recipiat: & communis sensus auxilio non de his tantum, sed de ipsis sensibus species recipientibus, iudicat. Facultas demum naturalis alio eget temperamento, calido nimirum, & humido, vt huiusmodi temperamenti ope gratiosus humor sanguis generetur: Vita enim non in calido, & sicco, sed in calido & humido sustinetur, foueturque. Ergò satius est harum virium facultatumue tres constituere diuersas sedes, cerebrum, hepar, cor, quam vnicum cor, quod nequit esse calidum & siccum, simulque calidum & humidum, & ifrigidum & humidum. Impossibile enim est vnicam partem tam varijs constare temperamentis, ac dispositionibus.

*Cor calidū
& siccum.*

*Cerebrum
frigidum
& humidū*

*Cerebrum
est sensus
author.*

*Hepar calidum, &
humidum.*

Quartum

Quartò, læsis actionibus animalibus, cerebro, aut partibus ab eo manantibus, cuiusmodi sunt nerui, medicamenta ad mouere solemus; ex quorum vsu, sæpissimè saltem ægri conualescunt. Ergò indicium est, cerebrū esse facultatis animalis sedem. Sanguificatione pariter læsa pro hepate

remedia propinquamus. Ergò hepar est altricis sedes. Vitali verò læsa, cordi vtiliter apponuntur remedia. Ergò cor solius vitalis facultatis sedes est.

Quintò, si cor esset vnicum principium, & omnium facultatum sedes, læso impensè corde omnes facultates læderentur. Sed tunc omnes facultates non læduntur. Ergo cor non est omnium facultatum principium & sedes. Probatnr maioris sequela. Læso insigniter functionum principio, necessariò functiones ab eo manantes læduntur. Ergo læso corde necessariò læduntur omnium facultatum functiones. Minor etiam argumenti probatur. Nam læso corde illæ sæpe numero manent aliarum facultatum functiones. Cor enim febris præcipua sedes ab omnibus statuitur. Hætica tamen febre, quæ, quàm alia vlla, eius temperamentum impensius evertitur, affectum, licet in ea summopere vitalis facultas deficiat, faciscatur, ratio tamen ad vitæ exitum integra est; sensus pariter & motus illæsi sunt. Cerebrum ergo, & non cor harum facultatum sedes statui debet. In syncope pariter, & palpitatione, quæ cordis affectus sunt, naturalis facultas illæsa remanet: sicuti quando apoplexia, catalepsi, morbo caduco cerebrum afficitur.

Sextò, cerebro refrigerato statim obrepit somnus, qui ex ipso Aristot. est primi sensorij quies. Ergo cerebrum est illud primum sensorium, & non cor; quod quidem perpetuò mouetur, nec vnquam à sua functione, quamdiu homo viuit, desistit.

Septimò, neruorum septem paria ab anteriori cerebro deriuari, proprijs oculis, & ipso tactu manifestè percipimus; sicuti à posteriori parte spinalem medullam, à qua per paria reliqui omnes nerui procedunt: nerui enim sunt ipsius cerebri portiones, quæ, quò remotius à cerebro protrahuntur, duriores euadunt: in exitu vero nerui medullofi sunt, & molles instar ferè cerebri, & exterius membranulis obducti: quod nobis manifestat eos à corde non propagari, in quo vnicus solus à sexta coniugatione neruorum dimissus inseritur, vt ipsius corpus perueniat, Aristoteles puto, rebatur ventriculorum cordis fibras quasdam à membranulis fortè disseminatas, neruos esse; cum tamen à neruis fibræ longè distent.

Ait secundò Aristoteles, cor esse venarum principium; quia cor venosam habet naturam. Sed hoc audacter negamus, tanquam experientiæ, & sensui contrarium: Cor enim carnosum est: venæ verò membranosæ, & spermaticæ; quæ ideo frigidæ, & siccæ ex sua natura sunt: cor verò calidum & siccum.

Ait tertio Arist. venas per alia membra transmitti, & propagari, per corpus verò cordis neuiquam transferri quampiam. Ad quod respondemus duo dicentes. Primum est, etiamsi venarum radices per hepatis corpus dispergantur, id nequaquam hepatis principij ratione adimere: imò potius id argumento esse, hepar esse principium venarum, & partem principem. Secundum, negamus nullam venam per cor transferri; nam vena coronaria per vniuersum cordis corpus producit. Ergo cum hoc oculis percipiatur, cor terminus à quo venarum dici nequit, hepar & reliquæ partes termini ad quos.

Ait quartò Aristoteles, in solo corde extra venas, tanquam in origine & fonte, sanguinem contineri, in hepate verò alijsque partibus extra nullum contineri sanguinem, sed ex hoc in hepar, aliaque membra deriuari. Ergo cor venarum est principium. Respondeo, negando consequentiam:

ad illud antecedens, concedo in solo corde sanguinem extra vasa tanquam in cisterna occludi; nego tamen, sanguinē illū in corde, tanquā in fonte & origine, ac primo effectore, fuisse procreatū; sed in hepate, ex quo ad cor ille dimittitur, vt ex eo in sinistro cordis sinu conficiatur spiritus vitalis, & sanguis feruidior flauiorq; ipso venali. Vno verbo, sanguis in dextro cordis sinu conclusus in hepate factus est: sanguis idē in sinistro cordis ventriculo vltterius elaboratus in corde fieri dicitur. Quod a. cor non sit principium, nec proprius locus sanguinis contenti in dextro ventriculo, patet, eō quod post obitum intra paucum tempus talis sanguis concresecat; quemadmodum etiam in ipso sinistro cordis ventriculo: in venis verò, & præcipuē hepatis, nequaquam, saltem ad longum vsque tempus. Dicendum ergo hepar venarum principium, & non cor; cū in solo hepate radices venarū portarū radicibus venarū cauarū per anastomoses quasdam committantur: non quod extremitates vltimæ radicum vtriusque venarū, tanquam os ori, aut tubulus tubulo, apponantur, sed quod obliquē transpositæ, & suppositæ aliæ alijs hiatibus quibusdam, multis antiquis incognitis, communicentur; & ita cōmodē, vt per huiusmodi hiatus sanguis confectus in radicibus portarū præcipuē, in venarū cauarū radices in quibus perficitur, transfundatur: cū tamen quamplurimi existimauerint, per corpus hepatis transfundi chylū semimutatum in sanguinem; & rursus probē elaboratum illinc in venam cauam transfundi. Libenter ergo concedimus, cor esse principium sanguinis istius feruescentis, & flauī, non verò venalis qui in hepate procreatur.

*Radices
venarū portarū
& cauarū
iuxta extremitates
transuersim
& anastomose
sibi inuicem
apponuntur.*

5. *Solutio.*

Hepar ante cor productum.

Ait quindō Arist. inter partes sanguinolentas cor fuisse primò productū, & conformatum. Ergo est principium venarum, vasorumque omnium. Respondeo negando antecedens. Nam probabilius est hepar quā cor prius efformatum esse, vt subtiliter docet Galen. Primò, quia pars est mollis, quæ ex sanguine facilius, quam alia vlla, concresecere potuit. Secundò, quia cū fetus vita plantæ prius, quā sentientis, viuat, cūque hepar sit alibilis facultatis principium, & sedes, rationi consonum est, vt hepar prius quam cor productum fuerit.

6. *Solutio.*

Ait sextò Aristot. in animi pathematibus, vt metu & mēstitia, sanguinem & spiritum ad cor refugere, & illinc in ira & gaudio ad exteriora efferri. Ergò cor est principium sanguinis & venarum. Respondeo concedendo antecedens, & negando consequentiam. Illi enim aduersi motus spirituum, & sanguinis fiunt à natura, vt internis visceribus, & præcipuē cordi, auxilio sint. Sed hoc tantū concludit cor esse irarū, aliarumque variarum passionum sedem, quod libenter concedimus, cū in eo multa oriuntur pathemata.

7. *Solutio.*

Ait septimò Arist. cor esse principium venarum; quia vnum principium quā plura admittere præstat. Sed ad hoc paulò ante responsum est, quādo diximus principiorum pluralitatem in homine necessariò admittendā, & cor non esse motus & sensus principium, sed cerebrum. Motus a. cordis naturalis est, & necessarius, Motus verò voluntarius liberē sit. Ergo nō à corde, sed à cerebro, & musculis efficitur: à cerebro, tanquam à causa transmittente facultatem & spiritum animale ad musculos, à musculis verò, tanquam instrumentis motui dicatis.

8. *Solutio.*

Ait octauò Arist. cor esse in medio positum: atque adeo ratione nobilitatis loci, ei præ reliquis partibus concessi, esse principium totius corporis, & consequenter venarum, articularum, & neruorum; vt illinc, tanquam

quam à Rege in medio sui Regni constituto, suas quaquauerfum diffundat virtutes. Respondeo primò, si loci dignitas attendatur, cerebrum esse multò nobilius corde; quia est in loco nobiliori, vtpote editiori; in capite scilicet, tanquam in cælo, & arce tutissima. Si enim par ordo in mycrocosmo, id est, in paruo mundo homine, ac mactocosmo, id est, magno mundo admittendus sit, vt ipsis Peripateticis placet, sine controuersia pars in editissimo loco constituta cuiusmodi est cerebrum, reliquis omnibus partibus corporis præstantior erit: sicuti inter elementa ignis, quia supremum in sublunari mundo locum occupat. Cælum pariter empyreum iuxta Christianorum omnium doctrinam, primum verò mobile secundum Philosophorum & Mathematicorum Ethnicorum placita, supremum inter cælos locum, qui Dei sedes statuitur, obtinuit. Cerebrum, ergo rationis sedes esse debuit, cum ipsa ratio, tanquam animæ rationalis indicium, sit id, quod in homine Deo, supremam sedem in toto mundo occupanti, assimilatur. Deus enim, vt loquitur Aristot. secundum omnium hominum, etiam barbarorum opinionem, superiorem in mundo occupat sedem. Ergo animæ rationalis præcipua sedes, in qua ratiocinatur, & suas vires, quibus ab animali distat, exprimit, caput constituendum; ex quo, veluti ex specula, toti corpori prouidet. Concludendum ergo cor ratione sedis non esse partem nobiliorem, nec esse præcipuam animæ domicilium, vt placuit Aristoteli, & Stoicis, sed præcipuè Chrysippo. Quare secundum in dignitate locum obtinet, hepar verò tertium. De principibus partibus hac serie loquitur Gal. lib. 7. meth. c. 23. Maxima igitur est cordis officij dignitas, atque ægotantibus maxime omnium necessaria: Cerebri verò ad vitam par quidem est momentum, non tamen par robur eius in ægotantibus requirimus, cum necesse omnibus non sit neruorum ac musculorum opera vti. Itaque abundè fuerit, si tantum eius seruatum sit, quo respirationis munus sit obeundum. At vero iecinoris opus omnibus particulis pernecessarium est: non tamen adeo saltem perpetuam necessitatem habet, sicuti ipsius cordis. Ad portionem autem iecinoris et iam ventriculi opus se habet. Sic enim cuiusvis partis nobilis necessitatem ad vitæ propagationem apprimè exposuit. Verum si actionum dignitatem, non verò vitæ necessitatem perpèdamus, cerebrum nobilissima omnium pars constituenda est. Eandem doctrinam exposuit Gal. lib. 6. de vtu part. c. 7.

*Partium
nobilium
necessitas.*

Respondeo secundò, cor non esse in medio animalis, sed ipsius basim in medio solummodò pectoris, eius mucrone ad laeuam partem declinante, vt cit. cap. loquitur Arist. sitam esse. Umbilicus enim, vt præclare docet Gal. medium animalis constituit; à quo tamen cor remotum est. Igitur medius locus in corporibus, præsertim longis, partem non efficit reliquis nobiliorem.

Alia solutio.

Ait nonò Arist. nullam partem sanguineam, sicuti nec ipsum sanguinem, habere vim sentiendi: atque adeò id, quod primò sanguinem procreat, quale est cor, primò sentire; & sic esse principium vnicum, non solum neruorum, sed venarum. Respondeo fundamentum huius argumenti à Medicis negari. Supponit autem Philosophus cor primò & ante alias quasvis partes sanguinè, quem continet, conficere; quod nos antea negauimus, hepar primam præcipuamque officinam, & effectorem sanguinis vnà cum venis constituentes. Negamus ergo partem sanguineam non habere vim sentiendi, quàm à cerebro suscipit.

2. Solutio.

Ait

*Decima
solutio.*

Ait decimò Arist. Cor in recens natis palpitare : atque ipsum esse sanguineorum animalium principium . Respondeo concedendo esse principium facultatis vitalis, non verò aliarum facultatum . Nam, vt diximus, hepar est principium primò effigiatū, & altricis sedes. Sed hac de re fufius lib. de fat. formatione.

*Vndecima
solutio.*

Ait, vndecimò Arist. nullum animal sanguine præditum corde carere, adeoque cor esse corporis totius, & sanguificationis, ac venarum principium; Iecur, etsi animalia sanguine prædita id possideant, à nemine dici principium, aut totius animalis, aut sanguinis; quia situm non habet principalem. Respondeo concedendo, corde prædita esse omnia animalia sanguine constantia. Sed quid inde admittere cogimur? Cor fortassis esse sanguificationis principium, & vnicum totius corporis? Nequaquam sane; nam inde æquè benè sequeretur, ventriculum esse principium totius corporis, & sanguinis, ac cor; quoniam omne animal sanguine præditum ventriculo constat, teste ipso Arist. lib. 3. de par. animal. ca. 14. Præterea omnia animalia sanguinea iecur æquè benè ac cor continent, vt ipse etiam Arist. manifestè docet; qui gratis ait, hepar à nemine dici principium aut totius corporis, aut sanguinis, quòd situm in corpore non habeat principalem; cùm Hippocr. lib. de alimen. hæc habeat: Radicatio venarum, hepar: Radicatio arteriarum cor: ex his euagatur per omnia sanguis & spiritus, & calor per hæc promanat. His enim luculenter ostendit Hipp. sanguinem è iecore, tanquam à principio, per venas, spiritum per arterias à corde, & calorem ab vtroque principio ad vniuersas corporis partes euagari ac promanare. Vnde Galenus lib. 6. de decret. Hippoc. & Plat. c. ult. iecur principium animæ concupiscibilis, & sanguinis rectè nuncupat. Postquam Hippocrat. loco iam citato iecur venarum radicem statuit paucis interpositis, sanguinem à iecore ad omnia, id est, ad vniuersum corpus per venas permeare docet. Atque ita duplici argumento iecur principium esse ostendit: & quatenus venarum radix est, & quatenus ab eo per venas sanguis ad omnes corporis partes emanat. Hippocrates denique venarum distributionem exponens, magnam venam cauiam dictam, iecorariam appellat. Plato etiam in Tymeo hepar concupiscibilis, siue altricis facultatis sedem, ac principium esse manifestè; statuit, aiens: Partem a. animæ, quæ esculenta & porulenta, atque ea demum concupiscit, quæ corporis naturæ necessaria sunt, inter præcordia, & vmbilicum collocauerunt; in toto hoc loco quasi præsepe corporis alimentum fabricati; atque ibi eam veluti agreste quoddam pecus alligarunt; quam alere corpus huius annexum, si mortale duraturum est genus, necesse est: Et paulò post, Hoc igitur cùm Deus consideraret, ibi iecoris formam constituit. Ecce Hippocr. & Plato ante Aristotelem ponentes hepar principium facultatis concupiscibilis, siue sanguificationis, vt loquitur Gal. Ad placitum ergò proprium dixit Aristot. iecur à nemine principium appellari.

Ad id, quod sæpe repetit Aristot. hepar non esse principium sanguinis, quia in nobiliori loco, id est, medio non est situm, responsum est, & de nouo respondeo, iecur in medio esse melius constitutum, quàm cor. Nam si vmbilicus corporis medium statuatur, ad hunc hepar quàm cor propius accedit. Si verò medium trunci corporis venandum sit, etiam hoc modo hepar melius quàm cor in medio esse dicetur; vt cuius vel leuiter in anatomia variato palam erit. Merito ergò loci etiam hepar venarum, & san-

*Hepar me-
diū locū,
quàm cor,
magis oc-
cupat.*

& sanguificationis principium rectè statuitur.

Ait duodecimò Aristoteles, iecur non posse esse sanguificationis principium: quia vena solùm per id tendit, nec vlla ex eo prouenit: Sed ex corde venę omnes, sua initia trahunt. Respondeo negando totum: Nam experientia contrarium demonstrat, exiles venę cauę radices in amplum tubulum coire in gibba hepatis parte, & hunc tubulum in duos ingentes ramos, venam scilicet cauam descendentem, & venam ca iam ascendentem distribui, & ascendens latus perforari iuxta cor, cui quidem artissimè colligatur secundùm istud latus, altero latere manente integro, & absque eo, quod latus perforatum, & cordis ventriculo colligatum, vllas spargat in cor radices: Quod est certum signum, cor non esse venarum radicē, sed hepar, quod non solùm venę cauę, sed venę portę radices continet, contra quam placuit Aristoteli, dum radices omnium venarum à corde oriri dixerat, quod sanè experientiæ, & sensui aduersatur.

12. *Solutio*

Ait decimotertiò Aristot. lienem non esse principium sanguinis, licet conceptaculum seu cavitatem habeat; quia reliquarum partium more sanguinem in venis inclusum habet. Quibus verbis visus est sanguificationem hepati denegare; quia conceptaculo siuè cavitare manifesta vacat. Respondemus, multò commodius esse, hepar cavitare carere ad sanguinis coctionem, quam si ea præditum esset; vt nimirum succus ex ventriculo & intestinis attractus ad radices siue venulas hepati insertas, melius intimiusque vndique ab eodem hepate comprehendatur, concoquaturque, tandemque in rubrum sanguinem conuertatur; veluti cum Galeno in superioribus docuimus. Ad omnem quidem coctionem cavitatis necessaria non est: vt in testibus videre licet, in quibus semen conficitur; cum tamen cavitare vacui sint, & quibusdam solùm plexibus ornati. Sed testium doctrina à Peripateticis non inagni fit. Verùm in mammis, in quibus lac conficitur, omnium planè iudicio nullam inuenient cavitatem, sed quosdam plexus. Ergo cavitatis sensibilis non est ad omnem coctionem requisita.

13. *Solutio*

Soluuntur Cremonini Deliramenta.

CÆsar Cremoninus, postquam Gál. manes aperta impudèntia, & immodesta garrulitate suggillauerat, in Medicos vniuersos, tanquam quidam Aristarchus, ita debacchatus est, vt eos planè ignaros, & in naturę contemplatione minimè versatos prædicet. Nugator hic dict. 93. Medicos errare ait, quòd sensui committant cognitionem principij, cum principium importet relationem ad principiatum: quę relatio non potest haberi, nisi per discursum; sensus autem non discurret: Neque, inquit, si petatur à Medicis, qualenam sensibile sit istud principium, poterunt inuenire, quid respondeant. Neque enim principium est sensibile, aut proprium, aut commune. Quocirca magnus est error istorum, velle sensum iudicare, quod non potest cognoscere. Non sic se habet de motu de quo Arist. contra antiquos; nam motus est res sensibilis, & iudicium de illius existentia non attinet ad aliam facultatē, quàm ad sensum &c.

Procacissimus nugator Philosophiæ principia euertere videtur, sensibus fidem eripiens; cum hi, tanquam ianitores, seu potius rerum exploratores, homini concedantur, quorum suppetijs rerum naturas perenni studio

*Conuelli-
tur Cremo-
ninus.*

studio venatur. Siue enim circa aliquid ratiocinemur, siue id ipsum simplici intuitu percipiamus, omnia ex precedenti sensuum cognitione molimur. Vnde illud axioma à Philosophis statutum: Nihil est in intellectu, quod prius non fuerit in sensu. Ridet ergo noster contentiosus, quod Medici sensus iudicio hepar venarum principium, cerebrum neruorum esse contendat: nec aequo adhuc animo fert, quod aliqui Aristotel. sibi fauentem commemorarent, qui expressè lib. 8. Physic. c. 3. text. 22. de motu aduersus Zenonem disputans, ait: Dimittere sensum & querere rationem esse infirmitatem intellectus, qui nescit iudicare, vnde oporteat deduci cognitionem, & vnde non. Id idè dixit; quia sensibus ipsis percipitur motus, quem Zeno negabat, ad ratiocinandum se colligens: cum tamen sensui percipienti suum sensibile obiectum, motum credere deberet, absq; vlla vltiori inuestigatione.

Cremolinus inmodestos, ingenio infelices, & fatua pronunciantes appellat Medicos, quod hunc Aristotelis locum pro se militare contendat, aitque, maximam esse disparitatem inter hanc Arist. doctrinam, & doctrinam Medicorum, quia Arist. meritò ait motum dari, cum sit sensibile, & consequenter obiectum sensus: qui idè motum sine vllò errore concipit: atque adèd relinquere sensum in hoc casu, & recurrere ad intellectum esse mentis infirmitatem. At verò Medici, veluti fatui, inmodesti, & imperiti errones, solis sensibus innitentes, posthabito omni ratiocinio, sensum statuunt iudicem principij, & principiari; quamuis de principio in communi, & de hoc principio discernere & iudicare sit solius intellectus; quia principium importat relationem, quæ relatio haberi non potest, nisi per discursum. Principium ergo iudicio sensus venari nequit, nam principium nec est proprium, nec commune sensibile.

*Cremolini-
us per-
stringitur.*

Sed has calumniatoris nugas discutere, non est operosum. Nos ille è naturalibus ad Logicam euocat, aiens, principium importare relationem, quæ ab intellectu fit: adeoque sensum non posse de principio iudicare. Ego pariter dicere possum, motum importare relationem ad mobile, vel ad terminos, & præcipuè ad terminum ad quem, ad quem essentialem dicit ordinem. Hæc doctrina ex Aristotelis sermone deducitur: Lib. autè 3. Physic. c. 2. motum hoc pacto definit: Motus est actus mobilis, quatenus mobilis est. Motus ergo ex Arist. relationem importat: quod adhuc ipse testatur cap. 1. eiusdem lib. his verbis: Est igitur eorum, quæ sunt, aliud quidem actu solum, aliud verò potentia. Et eorum, quæ sunt actu, hoc quidem hoc aliquid, illud verò tantum, aliud autem tale, & in alijs entis prædicamentis similiter. Eorum autem quæ sunt ad aliud, aliud quidem secundum superabundantiam, & defectum dicitur: aliud autem secundum actiuium & passiuum, atque omninò motiuum & mobile: motiuum enim motiuum mobilis est: & mobile à motiuo est mobile. Non est autem motus præter res. Mutatur enim semper id, quod mutatur, aut secundum substantiam, aut secundum quantum, aut secundum quale, aut secundum locum. Et longè post: Eius autem, quod potentia existit, actus, cum actu existens agit, aut idem, aut aliud, quatenus mobile, motus est. Cap. 3. eiusdem lib. motum in actionem & passionem dirimit. Sed actio ad agens passio ad passum, respectum inuoluit. Ergo motus. Hæc Cremolinus, vel ignorauit, vel non animaduertit, vel malitiosè subtrixit. Concludendum ergo eius redargutionem nullam esse. Nam vt circa principium, ita circa motum ens rationis formari potest: et si principium inuo-

inuoluit relationem, similiter & motus, qui ab actione & passione non distinguitur.

Denique, dum ait, Medicos sensum amplecti ratione relicta, imperitè loquitur; nec scit, quid dicat Galen. & quod deterius est, nec quid Aristoteles. Nam Galenus eodem modo ac Aristoteles loquutus est. Ille autem lib. 6. de placit. Hippoc. & Plat. c. 5. probans iecur esse venarum originem, ait: Verùm hæc in manibus est materia dissectionum euidentij maximè omnium indigere videtur. Nullam enim è corde venam, neque in inferiores partes, nisi quæ è iecore sanguinem defert, neque in superiores tendere conspiciamus: sed caua vena è iecore rectà ad iugula vsq; ascenderet &c. Aristoteles autem lib. 3. de part. animal. c. 4. vt probet cor esse principium sanguinis, & primum fontem, ac conceptaculum, ait: Hæc ex consfectione animalium perspicui possunt, atque etiam ex generatione. Et paulò post in eodem capite: Nec ratione tantum ita esse probatur, verum etiam sensu percipitur. Ecce Aristoteles dissectioni, siue anatomicae administrationi, & ipsi sensui vim magnam tribuens, vt inde probet, cor esse principium sanguificationis, & venarum. Ergo si Galen. eodem prorsus pacto, quo Aristot. in inuestigatione principij sanguinis, & venarum procedens, reprehendendus est, pari pacto & Aristoteles. Patet consequentia: nam eodem modo argumentantur, præterquam quod contraria statuunt principia. Aristoteles cor venarum & sanguinis principium statuens, quibusdam ratiocinijs, & cognitione sensuum mediante dissectione, vtitur. Galen. argumentis similiter à ratione deductis, & iudicio sensus media dissectione, vt contrarium probet, hepar nimirum, & non cor, esse venarum principium. Tanquam igitur ignarus eorum, quæ apud Aristot. scitu digna sunt, infeliciter Medicis notam inurens, falcem, vt loquuntur, in messem mittit alienam Cremoninus.

Si itaque quærit à Medicis, quale sensibile sit principium, proprium, an commune? id ipsum ab Aristot. cuius doctrinam ignorabat, efflagitet. Dicam tamen ipsum ineptè imposuisse Medicis, qui hepar ipsum principium non statuunt, quatenus à sensu percipitur: Sed hepar principium esse aiunt, prout ex sensu colligitur & constat; quia nimirum visu percipimus venam cauam in duos amplissimos ramos descendantem, & ascendentem dirimi in suo exortu ex hepate: & vterius conspiciamus plures radices eiusdem venæ per hepatis corpus gibbosum præcipuè disseminari, & has radices anastomotice copulari ramis, vel radicibus venæ portæ, per cuius fibras per mesenterium dispersas alimentum ad hepar attrahitur. Hæc omnia sensui patent. Et præterea sensus percipit, sanguinem habere eundem cum hepate colorem. Ex his ergo, quæ ita sensui dilucidè patent, colligere non est difficile hepar esse sanguinis, & venarum principium.

Si quærat, qualia sint ista sensibilia? non erit arduum respondere, venas esse sensibile commune; quia magnitudo sunt: rubedo autem tum iecoris, tum sanguinis sensibile proprium sensus visus; sicuti magnitudo visus simul & tactus.

Calumniator dictato 94. statim in limine quærit, cur Medici plerumq; errent in principijs suarum contemplationum, & cur in errore perseuerent? Quia, inquit, volunt facere sensum per se ipsum iudicem proprii, & non proprii obiecti, quod est impossibile. Nam huiusmodi cognitio non potest compleri sine discursu, & sine intellectu. Non mirandum ergo, si Medici in erroneas sententias lapsi fuerint. Præterea Medici student, vi

*Occurrit
Crem
nino.*

*Motus a.
quasi mate
rialiter à
sensu perci
pitur adeo
que imper
fectè: nam
cùm nō sit
permanens
memoria
eget ut pars
eius præteri
tæ futura
conferatur
hec colla
tio ad sen
sum non at
tinet; qui
multo me
lius magni
tudinem
agnoscit.*

ponant principia contraria naturali contemplationi, cum tamen Medicinæ præstantia præcipuè reposita sit, vt sit naturali Philosophiæ subalternata: Vnde subalternantis Physicæ conclusiones deberent esse in medicina. Dicebat adhuc Auerroes, determinare de principatu membrorum esse munus Philosophi naturalis, non autem Medici. Dicebat etiam, quod Medicus debet credere Philosopho naturali numerum elementorum. Quid igitur mirandum, inquit calumniator, Medicos in crassâ quandam ignorantiam incidere, cum soli sensui additi aduersam naturali Philosophiæ doctrinam statuant.

*Sensibus
fides adhi-
benda.*

Sed in his, vt in reliquis, suam impudentiam patefacit Calumniator, qui Medicis imponit, aiens, Medicos statuere sensum iudicem proprii, & non proprii obiecti, eosque ponere contraria principia naturali Philosophiæ. Quare licet per verbum, mentitur, ei sufficienter satisfaceret, ipsius imperitiam propalare æquum est. Ignorat, vt video, quod habet Arist. lib. 1. Metaph. c. 1. vbi statim in limine ait: Omnes homines natura scire desiderant: cuius signum est ipse sensuum amor. Et rursus de visu sic loquitur: Quia sensus hic ad cognoscendum maximè facit, compluresque rerum differentias declarat &c. Alexander in commen. ait, sensus diligenti non modò vsus gratia, sed cognitionis, sed & in comm. tex. 2. idem Alexander hæc habet: Apprehensio enim, quæ per sensum efficitur, disciplina quædam est. Tertullian. lib. de anima capite de quinque sensibus eum qui sensibus nostris auctoritatem denegat, Sacre paginæ verbis rectè coarguit: Recita, inquit, Ioannis testimonium: Quod audiuiimus, quod vidimus oculis nostris: quod perspeximus, & manus nostræ contrætauerunt, de verbo vitæ: falsa vtiq; testatio, si oculorum, & aurium, & manuum sensus natura mentitur; Qua igitur audacia sensibus dignoscendi vim adimit Cremoninus? cum animæ fenestræ dicantur propterea, quod innu-mera variaque rerum simulacra in mentem nostram pertrahant ad intellectiuam rerum cognitionem. Vnde errantibus sensibus, & abrogata penitus fide, nulla in scientijs certitudo reperietur. Quoniam scientiæ euidentibus principijs sola sensuum æstimatione expertis innituntur. Vnde Lucretius lib 4.

Denique vt in fabrica, si parua est regula prima,
Normaq; si fallax rectis regionibus exit,
Omnia mendosè fieri, atque obstipa necessum est:
Prauâ, cubantia, prona, supina, atque absona, recta.
Prodira iudicijs, fallacibus omnia primis.

Cum torrente ergo Philosophorum, & Sacra Scriptura, sensibus fides adhibenda: quod tritum illud adagium roborat: Plus valet ocularis vnus testis, quàm auriti decem. Quod autem dixit, medicos studere, vt principia ponant naturali Philosophiæ contraria, impudenter mentitur; quia Medici, tanquam præcipui Philosophi naturales, experientiæ lima probati, innumera Philosophorum sophismata, & errores in dies emendapt.

Postquam feliciter, vt credit, in Medicorum cætum perorauit, in eoque suam virulentiam euomit, Galeni argumentum, quo similitudine à plantis desumpta, secur venarum principium esse affirmabat, reprobat calumniator, qui hac serie loquitur: Vna igitur, quæ sit prima ratio Gal. est desumpta à similitudine structuræ venarum in corpore humano, ad similitudinem radicum in arbore, & structuræ ex radicibus prouenientis.

Fin-

Fingit post hæc se Galeni mentem assequutum, eamque ad vnguem deducere, qui tamen tantum doctissimi Laurentij discursum, quibusdam mutatis voculis, integrè refert; vt videre est apud eundem Laur. lib. 4. suæ anat. exercit. tertia.

Ad Galeni argumentum à similitudine desumptum hac serie respōdet: Hac similitudine putat Gal. probari, venas oriri ab hepate, quia habent radices in hepate. Ego libenter interrogārem Galenum, quis illum docuerit, venarum distributionem, & originem esse accipiendam à similitudine radicum arboris, & quæ congruentia aut necessitas sit in hac similitudine. Puto autem ipsum non posse respondere, præsertim quòd ista similitudo docet venas non oriri ab hepate. Plantæ habent radices in terram sparsas, non tamen oriuntur à terra: Vnde hæc vena caua, quia radices habet per hepar sparsas; ideo per hanc similitudinem erit dicenda oriri ab hepate: imò dicam ego, quòd illud est signum, venas ibi desinere, non inde nasci. In fine adhuc dictati ait, similitudinem istam Gal. Rhetoricam potius, quàm scientificam esse: & propterea nihil mirum, si dicebat Auerroes, Galenum non esse exercitatum in rationibus naturalibus.

Ex his Calumniatoris verbis satis constat, ipsum non nisi alienis oculis legisse Galenum, vel certè non intellexisse: Prima, inquit, ratio Galeni desumpta est à similitudine structuræ venarum in corpore humano ad similitudinem radicum in arbore, & structuræ ex radicibus prouenientis. Hoc sanè est ludere, & cauillis chartas implere: Nam nunquam Galen. cogitauit structuræ arborum à radicibus oriri per terram sparsis, nec venam cauam à radicibus nasci; sed ait, primam radicationem, seu principium arboris esse illam partem, quæ terræ cohæret, quæq; semini plantæ terræ attea commissa correspondet, à qua radices in terrâ promittuntur, & caudex, ac rami in superiorem aera. Cùm ergo consimilis radicatio venæ caux in hepatis parte gibba versùs superficiem conspiciatur, à qua, veluti à radicatione plantæ, radices per corpus hepatis diffeminantur, & veluti caudex ac rami ad vniuersum corpus, hepar erit venarum principium. Hæc est Gal. mens, prout ex eius verbis à nobis in mediū superius deductis liquido constat, vbi inter alia eius argumenta contra Arist. erat illud, quòd nō rectè principium siue partē nobilē venamur ex eo, quòd terminentur in ea venæ, aut arteriæ, aut nerui. Sed calumniator alium calumniatorem, æquè garrulum Auerroem coadiutorem aduocans, hæc ignorauit, & omnes ingenij vires solis congerendis contumelijs adhibuit. Hoc idem argumentum inaniter sequenti dictato 95. sic reagitat. Præterea ipse Arist. lib. 3. de par. anim. c. 4. ait, cor esse neruorum principium, quia multos neruos in se continet: Copia quoque neruorum, inquit, in corde est, idque recta ratione: hinc enim motus oriatur.

Eodem dictato 95. hæc habet: At ipsi dicent, illum qui est in venis ab hepate esse sanguinem, propterea, quia est coloris rubei. Nescio quā in schola didicerint ex colore rei substantiam constitui. Ex vsu & facultate debet sanguis accipi: vsus autem est ad nutrimentum, & facultas, vt sit aptius nutrire. Hæc ille, vt Medicorum rationem à colore sanguinis desumptam eneruet. Cum autem sanguinem venalem eundem cum hepate colorem habere Medici animaduernerint, inde cum Galeno inferunt, huiusmodi sanguinem ab hepate generari: cùm omnis pars corporis nostri pro viribus nitatur alimentum in sui substantiam conuertere. Calumniator hanc rationem spernens quærit, quā in schola Medici didicerint,

Impostura.

ex colore rei substantiam constitui? Cui respondeo, in nulla; quia à nullo hactenus Medico aliquid tale dictum fuit, sed merum est impostoris signum; quia nescit quod se vertat, dum hæc, & consimilia vrgentia argumenta à Galeno proponuntur: ad mendacia ergo recurrit. Et quod à Medicis profertur, in probatorum Philosophorum scholis tanquam sana doctrina, confirmatur. Medici enim cum Gal. & omnibus Philosophis, ex accidentibus magis propinquis & inseparabilibus rerum naturas venantur: non quod ideo credant colorem sanguinis, substantiam sanguinis constituere. Aristoteles ipse eundem procedendum mille in locis habet. Ait. n. nos dulci nutriri, qui ideo reprehensione dignus est æquè ac Galenus, si calumniatori credatur. Possumus enim secundum ipsius hebes acumen querere, in qua schola didicit Aristoteles ex dulcedine rei substantiam constitui? Nam ab accidenti sanguinis sanguis ipse denominationem suscepit apud Arist. Imò verò ipsum colorem tanquam intimum accedens, ei tribuit, dum inquit, animalia non sanguinea, eò quod sanguini correspondet, nutriri. Id autem quod sanguini correspondet, est humor suavior, & dulcior, licet rubicundus non sit.

Præterea de coruo dum fit mentio, eius nigredo tanquam accedens inseparabile commemoratur. Scio tamen apud Arist. lib. 3. de part. animal. c. 12. corui pennas, quoties frigora vrgent acriora, albas fieri. Rectè ergo Medici ex rubore, & dulcedine, & mediocri consistentia, sanguinis naturam expiscantur, cum non aliter atque ex accidentibus substantiæ detegi possint: ut communis Philosophorum & Medicorum fert opinio. Quare cum hepar sensibus appareat veluti sanguis concretus, rectè inde Medici inferunt, hepar esse sanguinis authorem: hoc enim naturale cui libet membro est, alimentum in substantiam similis coloris conuertere; ut videre est in ventriculo, qui chylum albicantem efficit: in corde quod arterialem sanguinem consimilis coloris conficit: ossa medullam consimilis pariter coloris: vbera lac: testes semen: membranae, tendines, ligamenta, nervi, cerebrum, & cetera consimiles partes, albicantem pariter substantiam accuratè elaborant, quam rursus sibi apponunt & assimilant. Ergò prærogativa omnibus partibus concessa, soli hepatis, ad quod alimentum ex ventriculo & intestinis, antequam ad cor euehatur, transferatur, denegari non debet.

*Impostura
Cremonini*

Dictato 96. ait, Medicos velle bilem, & pituitam, esse humores æquè principales scum sanguine. In quo sanè, ut in alijs innumeris, Medicis imponit, qui sanguinem principalissimum humorum constituunt, ut ipse Arist. lib. 3. de part. animal. etiam asserit.

Eodem dictato ad id quod dicit Galenus, quædam animalia dextro cordis sinu carere, respondet, id non prohibere, quin sanguis arterialis, & venosus, spiritus naturalis, & vitalis in vnico superstite sinu, vnico temperamento prædito, generari possint: sicuti ab vnico hepatis calore quatuor humores contrarij temperamenti.

Sed ille omnia confundit: nam, Galen. de temperamento cordis non loquitur: Sed inde solum infert, cor non esse venatum & sanguificationis principium, quod peruium iter, per quod à corde per venam cauam ad secur sanguis encheretur, nullum appareat, sed obcæcatum potius, obstructo nimirum, vel deficiente isto dextro sinu.

Præterea, cauillandi libidine ductus, loquitur: nam in sequentibus sanguinem à corde ad hepar non transmitti concedit. Sed ad paritatem dupli-

citer respondeo. Primò esse contra experientiam, venalem & arterialem sanguinem in sinistro cordis sinu procreari, eo modo, quo quatuor humores in hepate. Oculis enim conspiciamus, vniuersum sanguinem in arterijs contentum, & priùs in sinistro ventriculo elaboratum, esse flauescens, feruentem, & impetum facientem: Vnde Plato eum ad corpus vehementer circumfundi ait. Nullus enim in ventriculo sinistro cordis sanguis cõfiscitur, qui non sit talis natura. Ergò arterialis sanguis & venalis, quorum ille saltat, alter lente præterlabitur, ab illo calidissimo cordis temperamento procreari nequeunt. Secundò in hoc peccat, quod tenuiorem, purioremque sanguinis venalis partem sursum ascendentem cum chylo conferat: nam in hoc quatuor humores potentia extant, qui ex eo in hepate formantur, propter diuersam materiæ dispositionem: Substantia enim magis terrea inepta, quæ in verum sanguinẽ conuertatur, fit humor melancholicus, qui partim nutritiuus sanguis dicitur, alter excrementitius. Aquea verò chyli portio à temperato hepatis calore in sanguinem totaliter non mutatur, & fit pituita, quæ decursu temporis, & virgente inedia in sanguinem conuertitur. At verò vniuersa massa sanguinaria à superfuitaribus vtplurimum repurgata, in venam cauam ex hepate traicitur, & purior adhuc eius portio per ascendentem venam euecta secundum quandam sui partem in dextrum cordis sinum diffunditur: rursus in sinistram, in quo ita attenuatur & effruescit, vt vnius naturæ substantia inde resulet, sanguis videlicet arterialis, seu, vt calumniaturi satisfiat, sanguis tenuis, feruescens, turgens, & vt plurimum ad flauedinem vergens. Dixi, vtplurimum, quia referente Galeno huiusmodi sanguis aliquândo nigrescere potest. Ergo inibi sanguis crassus, qualis est venalis respectu arterialis, & sanguis tenuis, qualis est ille, qui in eodem sinistro ventriculi sinu generatur, quique claritatis gratia, arterialis dicitur, ab eodem calido cordis temperamento generari nequeunt. Pater consequentia: in liene, teste Gal. & experientia idem constitante, licet sit melancholiæ sedes, nullus humor crassus naturaliter generatur; quia inibi manifestè visuntur arteriæ alicuius notæ, quarum opera, seu ope copiosi spiritus in ijs contenti sanguis merè melancholicus omninò attenuatur. Ergo in corde caloris natiui fonte præcalido, multò facilius omnis humor attenuabitur, & turgescet. Calumniatoris ergo argumentum à paritate sumptum, nullum est.

Ceterum, quando calumniator à substantiali hepatis temperamento quatuor humores enasci profert, rem controuersam in medium profert: nam communis Medicorum, Philosophorumq; opinio est, temperamentum nullum substantiale dari, licet Christophorus à Vega cum suo Discipulo Vallesio duplex admiserit temperamentum, vnum substantiæ, & alterum accidentium. Deniq; si supponit quatuor humores in hepate procreari, nobiscum est, qui nihil aliud asserimus quam massam sanguinariam in hepate fieri.

Dictato 97. vt calumniator respondeat Galeno asserenti, omnes venas à corde non oriri (contra quàm voluit Arist.) vt apparet manifestè in vena porta, quæ radices suas ad radices venæ cavi protendit, & nullatenus à corde derivatur, hæc profert: Quantum ad hoc, quod non attingat cor, hoc Peripaterico nihil facit, & omnino est ex rei natura, vt ita sit; quia, vt aliàs diximus, principium non debet grauari. Quod subiungunt illam habere radices in hepate, est quædam illorum suppositio, & Galeni, quæ nihil ad rem. Supponit. n. Gal. radices esse principium, cum radices sint principiatum,

Perstringitur primò.

Perstringitur secundo.

Perstringitur tertio.

Quor

*Cremonini
errores mul-
tiplices.*

Quot dicta, tot errores apud calumniatorem. Immodestè enim Galenò imponit, qui nunquam radices vltimas, fibras aliàs dictas, principium propriè statuit, sed hepar principium venarum constituens, ait, earum radices per id disseminari. Sed in superioribus hanc calumniatoris imposturam exposuimus.

Deinde sensui reluctatur, nec anatomiam nouit, negans venam portam radices, vel, si mauis, ramos in hepar dimittere. Et rursus, hoc nihil facere ad rem; ridiculum sanè responsum: sicuti dicere, nihil Peripatetico facere, venam portam à corde non promanare. Hoc. n. fest tergierfari, & nobis, nolit, velit, palmam concedere: cùm respondere nequeat, nec Aristotelem sustinere, qui absolute omnes venas à corde protendi ait.

Calumniator dictato 98. contra Medicos inquit: Vbi excernuntur excrementa, ibi fit dispositio materiæ, ne impediatur generatio formæ: excernuntur in hepate. Ergo ibi non fit nisi præparatio. Suam rationem, sic confirmare nititur: Nā, inquit, si artifex vult facere aliquid artificium, prius remouet à materia, quidquid est extraneum, & potest impedire illius opus.

*Diluitur
primò.*

Vt in alijs omnibus, hic errat. Primò vtitur exemplo artificum, & non patitur Galenum vti exemplo plantarum, vt probet hepar esse venarum principium; cùm tamen Galeni similitudo allata ad rem proximè accedat, Calumniatoris nullatenus: nam dum artifices ab'assere obices quosuis remouent, vt fiat iude scamnum, non solum scamnum præparant, sed efficiunt. Alimentorum pariter in corpore præparatio, idem est ac concoctio. Sed hæc latent calumniatorem, qui eodem loco ait, alimenta in hepate præparari, non generari, quando excrementa ad cystim fellis, renes, & vesicam relegantur, aut attrahuntur. Secundò, posito quòd artifices opus non efficiunt, dum materiam præparant, maxima adest in exemplo disparitas; nam partes naturales totum alimentum, siue bonum siue malum concoquere, præparareue intendunt: id verò quod familiare & homogeneum est, edomant; quod autem inutile est, à natura, vt fieri potuit, alteratur; sed quia incapax est vt in alimentum conuertatur, ab eadem natura, tanquam quid inutile, segregatur: vt manifestè apparet in prima coctione. Chylo enim confectò, tunc maximè secernuntur excrementa in intestinis. Ergo idem fieri debet in secunda coctione in hepate, sicut in tertia, quæ fit in singulis partibus. Coctio enim alimentorum elixatio quadam est, ex Philosopho. Ergo quando à calore nativo fit, quæ heterogenea sunt, segregantur, quæ verò homogenea & familiaria, in vsum corporis reseruantur.

*Nobis con-
sentire co-
gitur.*

Dictato 99. concedit totum sanguinem in hepate confectum, venalem vulgò dictum, nō confici in corde, sed ex eius portione in cor delata fieri arterialem; & hunc arterialem nequaquā rursus per venā cauam hepati insertam ingredi. Ait præterea, portionem illam in arterialem sanguinem conuersam, à corde per arterias transmitti, & eius calore sanguinem venalem in venis contentum, & ab hepate præparatum, perfectè concoqui & generari. Hæc eius verba sunt: Non enim necessarium est, totum sanguinem, qui debet nutrire, elaborari in corde, sed sufficit perfici portionem, quæ postea distributa per arterias in omnes corporis partes, habeat vim formandi sanguinis per venas delati, qui non fuit ingressus cor, ad hoc, vt sit aptus nutrire. Et non solum ita est, sed natura si aliter fecisset,

eiffet, malè feciffet; quia nō potuiffet pro tam varijs partibus corporis habere proportionatum nutrimentum. Oportuit itaque ipsam vti sanguine venoso delato ad partes, tanquam materia, ex qua postea sanguis arteriosus ad easdem partes deductus faceret singulę cuique parti accommodatum nutrimentum. Doctrina hæc superius est ab Arist. accepta: & est illa, quam posuit Auerroes. Hactenus Calumniator.

Ad quem alludens, sine iniuria, aio: Parturiunt montes, nascetur ridiculus mus. Sanguinem ferè sudauit, omnemque mouit lapidem, vt Medicis Palmam arriperet, probando hepar non esse sanguinis & venatum principium: nunc verò manus, etiam inuitus, dat, nobis concedens sanguinem venalem in hepate fieri; quia æquum erat, cor principium nobile non grauari tanto munere, & onere conficiendi vniuersum sanguinem. Sufficit enim aliquam portionem in eo limari, sanguinem arterialem dictum, qui, ait ille, vim habet conficiendi, & elaborandi sanguinem venalem; vt fiat idoneum nutrimentum partium. Hanc esse Aristotelis, & Auerrois opinionem asserit. Nos in superioribus cum Galeno hoc argumentum deduximus. Sibi enim obiecit Galenus, sanguinem ab hepate, veluti materiam deduci per venas, sed virtute cordis fieri. Ad quod respondens ait, se intentum obtinere: nam eo ipso, quòd Peripatetici admittant sanguinem veluti materiam ab hepate per venas diffundi, illicò admittere coguntur, altricem facultatem in hepate residere. Etenim non præparandi tantum alimenti gratia, vt paulò ante ait Calumniator, sed concoquendi, natura hepar animalibus concessit; teste ipso Aristot. lib. 3. de part. animal. c. 7. hæc serie: Atque etiam iecur & lien iuuant ad cibi coctionem: quòd enim sanguinea sunt, calidam habent naturam. Renes ad excrementum, quod in vesicam secedit, opitulantur. Sed cor & iecur omnibus animalibus necessaria sunt: alterum propter caloris originem (locum enim adesse aliquem, quasi lares focumque oportet, quo naturæ fomites, & primordia ignis natiui contineantur & feruentur, eundemque tutum esse, veluti arcem corporis totius necesse est) alterum, iecur dico, cibi concoquendi gratia adest. Et quidem nullum sanguine præditum ijs duobus catere potest. Quamobrem omnia, quibus sanguis, duo hæc viscera habeat. Quæ autem spirant, tertium habent pulmonem: lien per accidens necessarius est, quomodo excrementa tum alui, tum vesicæ. Ex quo fit, vt volucrum quibusdam, quæ ventriculum habent feruentiorem, velut columbo, accipitri, miluo. Lib. 2. de hist. animal. cap. 15, eandem iecoris necessitatem commemorat: Iecur, inquit, in omnibus est, in quibus sanguis. Lien magna ex parte omnibus, quibus sanguis: sed magnæ parti eorum, quæ non animal, sed oua pariunt, lien vsq; adeo exiguus est, vt propemodum sensum effugiat: quod magna in parte auium experimur: Verbi causa in columbis, miluis, accipitribus, noctuis. Capriceps auis liene omnino caret. In quadrupedibus etiam ouiparis similis ratio est: nā ea quoque exiguum habent lienem: vt testudo, mus aquatilis, rubeta, lacerta, crocodilus, rana. Fel alijs adnectitur iecori, alijs minimè &c. Lib. 3. de part. animal. c. 12. de iecore hæc habet: Auium iecur maximè simile est iecori viuiparorum: puro enim & sanguineo colore exhilaratur, vt illud. Cuius rei causa est, quòd auium corpora diffiliari euaporarique optime possint, nec multum habeant excrementi vitiosi. Quo etiam fit, vt nonnulla ex viuiparis felle careant. Iecur enim ad temperiem, sanitatemque corporis multum confert. Finis namque eorum in sanguine potissimum

Iecur, & lien coctionem iuuat.

Iecur ex Aristotele cibi concoquendi gratia productum est.

Capriceps liene caret

Hepar puri sanguinis colore refert.

mum situs est. Iecur autem omnium viscerum, excepto corde, sanguine refertissimum est.

Hæc omnia Arist. loca clarè demonstrant, ipsum tribuere vim conficiendi venalem sanguinem iecori, quod Medici cupiunt. Si enim ille cor sanguinis confectorem appellavit, quod in se magnam sanguinis copiam contineret, hepar ex eius opinione sanguinis etiam author erit: quia omnium viscerum, excepto corde, sanguine refertissimum est, ut iam ultimo loco dixit.

Ex iisdem etiam Arist. locis perspicuum est, ipsum non tribuere tantam vim concoquendi alimentum lieni, quantam hepati; tamen utrumque viscus ad cibi concoctionem concurrere statuerit: Verum hepar secundæ concoctionis præcipuus, imò solitarius author est. Lien verò sanguinem crassum & melancholicum elaborat, & fortè vapores quosdam è vètriculo delatos, ut habet Aristot. lib. 3. de part. animal. c. 7. hac serie: Lien enim vapores vacantes diuertit, & attrahit ex vètriculo, & concoquere eos potest, ut qui sanguineus sit. Quòd si plus excrementi sit, parumque caloris habeat lien, corpus præ alimento immodico languescit: Et propter confluentium huc humoris sæpè accidit, ut lienosis ventres præduri efficiantur. Ecce Arist. concedens lieni vim quandam concoctricem, quæ vapores ex chylo in lienem delati concoquantur: Sed præterea ipsum humore melancholico, & excrementitio repleri concedit. Fortasse propter illam concoctionem chylosi vaporis, quam eidem lieni concedit Aristot. Idem lib. 3. de part. animal. c. 7. ait: De iecore & liene iure ambiges. Cuius rei causa est, quòd in ijs, quæ lienem habere n. cesse est, lien ipse quasi iecur adulteratum esse videtur: in ijs autem, quæ lienem habere non necesse est, ut exiguus admodum lien veluti nota gratia habetur, sic hepar bipartitè apertum est, & pars altera ad dextram, altera, quæ minor est, ad sinistram situm tenere expetit.

Sed ad Cremoninum redeamus. Dictato 98. eandem doctrinam Auerrois citatam hoc ordine deduxit: Ita natura debuit facere, ne totus sanguis ad nutriendum factus in corde acciperet perfectionem, postquam ab eodem corde per aliam viam poterat ipsum recipere: & propter hoc habetis doctrinam Auerrois certissimam in digestionibus explicatis. Transmittitur enim calor cordis per totum corpus, & imperfectionem huius sanguinis, qui non fuit in corde, concoquit, & reddit perfectam, non solum in via propter consocietatem, sed etiam in ipsis partibus: & sic debuit facere natura, quia principium (cor scilicet) non erat opere grauandum, & quia pro varijs generationibus nutriendis varia cœctio requiritur, quæ non potuisset aliter præstari, quàm hoc pacto disponendo. Et certè si Medici hoc intellexissent, non scripissent tot verba in hac materia. Et hoc mirum est, quia nihil faciunt mentionem de huiusmodi modo.

*Cremonini
ignorantia*

His discursibus sæpè repetitis credit Calumniator se victoriam reportasse: sed nihil planè contra Medicos concludit: imò verò pro Medicis, id ignorans, certat. Nam Medici venalem tantum sanguinem in hepate fieri contendunt, & ex eius portione in cor translata arterialem sanguinem procreari; qui rursus per arterias delatus vim suam venali communicat, & partibus corporis robur, ac vigorem. Ideo a. Medici venas & arterias coniunctum per corpus distendi autumant, ut mediantibus anastomosibus portio sanguinis arterialis & spirituum venali tribuatur: ut sic maiorem acquirat perfectionem, tum ad permeanda facilius vasa, tum ut pituitosior,

flor, & malè elaboratus sanguis perfectionem quandam acquirat. Non solum ergo tale auxilium à corde, veluti ab vberissimo caloris natui fonte, quoquoersum per vniuersum corpus spargi contendunt, sed simpliciter ad vitæ propagationem necessarium esse credunt. In hac ergo doctrina Calumniator Medicis concors est.

Verùm ille perenni insolentia Medicis ignorantiam exprobrat: quamvis ille quoties id effutit, suam, eamque intèlissimam, cunctis propalet. Summus Gal. quem immodestissimè lacerat, passim in suis operibus hanc doctrinam nobis reliquit. Lib. autem 4. de vsu part. c. 6. de renum functione hoc ordine loquens, rem hanc luculenter expressit: Adiacent autem renes vtrinque venæ cauæ (quam paulò ante maximam diximus) paululum sub hepate, vt, quicquid in ipsam sanguinis assumatur, confestum purgetur, solusque postea is purus eat per totum corpus, paucò omnino ipsi admixto aquoso humore. Non enim eget amplius sanè multo hoc, vehicuculo, vt qui tum per amplas vias illinc feratur, tum fluxilis magis fusione redditus sit: quod ei accidit ex calore, primùm quidem ipsius hepatis; deinde verò ipsius cordis, qui etiam multò vehementior est; in nobis quidem, & quadrupedibus animalibus omnibus ad dextrũ cordis ventriculũ inserta vena: in ijs verò, quæ huiusmodi ventriculum non habent ex anastomosi (id est orificiorum apertione) ad arterias, venis, quæ per totum animal sunt sparæ, de calore, qui in corde est, transfumentibus. Dictum autem est de omnibus his in alijs. Et lib. 1. de temperam. cap. vlt. de vtroque sanguine venali & arteriali loquens, ait: Sanguis verò ipse à corde suum accipit calorem. Ecce clarè expositum id, quod operosè, & iactanter à Calumniatoribus Auerroe, & Cremonino dictum est: Finxit enim Auerroes hanc doctrinam à se inuentam, quæ tamen per nouem ferè sæcula, antequam floruit, à Galeno proposita est: imò Aristoteli conformis, qui, vt ex citatis paulò ante textibus constat, asseruit iecur, & lienem, quòd sanguinea sint, calidam habere naturam: & rursus ait, iecur ad temperiem, sanitatemque totius corporis multum conferre; quia, corde excepto, omnium viscerum sanguine refertissimum est. Copioso calore pollet, vt venalem conficiat sanguinem, qui rursus à spirituoso cordis sanguine attenuatur. Vnde fluidior calidiorque euadit, nec multo eget sero, vt monuit Galenus: quare è sanguine tenes superfluum amplius serum prolestant, & non nisi modicum in sanguine superstes relinquitur.

Quamvis igitur venalis sanguis vi caloris intensioris cordis, & ratione commixtionis alicuius porcionis sanguinis arterialis attenuetur, non proinde inferendum, ipsum venalem non esse sanguinem, nec nutrire. In hepate autem, & præcipue eius gibba parte, nulla extat arteria, nec alius ductus, per quem sanguis arterialis ad ipsum feratur. Et tamen illa pars nõ desinit nutriri, vti reliquæ omnes, ad quas arteriæ propagantur. Præterea in omnibus animalibus sanguine præditis inest vena magna, aorta verò in nonnullis animalibus obscurè, aut incertè, teste ipso Arist. lib. 3. de part. animal. c. 5. Nunc quæro ab ambobus Calumniatoribus, Auerroe, & eius sectatore Cremonino, à quo sanguine arteriali tunc venalis sanguis perficitur? Si enim instrumenta sanguinis arterialis non cum certitudine reperiantur, sed sola vena magna, certum indicium erit, è corde sanguinem arterialem ad corporis vniuersas partes non transmitti. Ergo solo tunc venali sanguine corpus vniuersum nutrietur: atque adeo sanguis venalis ex se idoneus erit qui nutriet.

Calumniatorum iactantia.

In quibusdam animalibus obscure habetur aorta.

Tandem si omnis sanguis, quo partes nutriuntur, esset arterialis, ut visus est admittere cum Aueiroe Calumniator dictato 90. ubi ait: Nempe quod sanguis arteriosus si ille, qui est verè nutritivus, inde sequeretur omnes partes corporis fore raras & spongiosas more pulmonum, aut splenis, qui sanguine valde attenuato nutriuntur: & ideo ex parte spongiosi. Videtur enim Averroes velle, solum arterialem nutrire, dum ait: Qui est verè nutritivus. Cum ergo partes corporis solidiores, durioresq; aliæ alijs sint, non vñico arteriali sanguine omnes nutriuntur.

Ita satisfactum esse puto præcipuis redargutionibus, & responsionibus Calumniatoris ad tredecim argumenta à doctissimo Laurentio lib. 4. suæ Anatom. exercit. 3. eleganter deducta. Ex quibus constat Calumniatorè non fuisse assequutum nec Galeni, nec Aristotelis mentem. Nam Aristoteles, etsi cor caloris nativi fontem admittat, prout apud omnes Medicos in confesso est, non negavit tamen hepar, & cerebrum esse valde præcipuas, & ita principales partes, ut partium nobilium rationem induant. Quod ex ipso de hepate protulimus, id manifestè ostendit: De cerebro a. & corde hæc habet libro 3. de part. animal. c. 11. de membranis agens: Maximæ inter membranas & robustissimæ sunt, quæ cor, aut cerebrum ambiunt. Idque optima ratione: hæc n. præcipuam utelam desiderant. Tutela enim partibus adhibenda principalis est. Hæc a. principatum vitæ maximè obtinent (seu hæc sunt principalia, siue domini maximæ animalium.) Quid clarius? vocat Arist. non cor tantum, sed cerebrum partem principem, siue dominam. Ergo ex Aristotele cerebrum est pars princeps, ut indicant (τὰ κύρια) in textu græco posita: in plurali n. loquitur Arist. & cor ac cerebrum principes ac dominos vocat.

Denique, quamquam Arist. in rebus anatomicis deliquerit, nihil id celsitudini ingenij tanti viri admittit. Nam ille speculationi, quam anatomicæ dissectioni accuratius incubuit. Vnde Galenus rectè monuit, nihil miri esse, si in anatomia Philosophi aberrarent: cum hi, qui eidem anatomie leuem operam dant, erroribus multis sint impliciti. Quod sanè nos communissimum habemus in multis, qui anatomiam ex professo docuere simul & exercuere. Quod autem in nonnullis Arist. defecerit, varia eius loca ostendunt. Lib. enim de respirat. c. 20. hæc habet: Et pulsant venæ omnes. & simul inuicem propterea, quod pendent omnes à corde. Mouet enim semper: quare & illæ semper. Hæc ille, qui id, quod ipsi sensui contrariatur, affirmat. Videmus autem manifestè venas quiescere. Et hoc ipsi Peripatetici nobiscum affirmant. Nemo enim in hoc Aristotelem excusare potest: nam quando inquit, omnes venas pulsare, necessariò præter arterias veras venas comprehendit. Loquendo enim de vena caua à corde, ut rebatur, tanquam à principio procedente, eam venam maiorem, & absolutè venam appellat: arteriam verò aortam, aut venam minorem, ut c. 5. lib. 3. de par. animal. aspicere licet. Libro etiam 3. de part. animal. c. 5. venam magnam aorta nobiliorem statuit: cum tamen contrarium amplectendum. Aorta n. est sanguinis spirituosius vehiculum. Ergo non solum ratione constructionis, sed ratione ortus, quem suscepit à parte nobiliori, & ratione officij erit multò nobilior vena caua. Eodem etiam lib. 3. de par. animal. c. 13. ait: Differunt viscera carne non modo sua corpulentia, verum etiam eò, quod caro foris posita est, viscera intus continentur. Cuius rei causa est, quod naturam communem cum venis habeant, & partim venarum gratia sint, partim non sine venis esse possint. Hæc ille, qui

*Cerebrum
ex Arist.
est pars no-
bilis.*

*Venas om-
nes pulsare
ait Arist.*

*Venam ca-
uam aorta
nobiliorem
statuit A-
rist.*

*Vena na-
turam co-
mune[m] cu[m]
visceribus
habent ex
Arist.*

qui plurimùm deficit in eo, quod afferat, viscera habere naturā cōmunem cum venis: cūm hæ spermaticæ partes sint, albicantesq; hepar, cor, lien &c. partes sanguinæ, & tanquam sanguis concretus. Deniq; viscera omnia, propter peculiare quoddam officiū, non verò propter venas fabricata sunt.

Denique quid magis remotum à veritate, quàm id quod capit. 4. eiusdem lib. cit. refert, dextrum cordis sinum, copiosum & calidissimum sanguinem continere: Quamobrem, inquit, pars corporis dextra calidior est: Sinister verò ventriculus parum sanguinis continet, idque frigidissimum: medius ventriculus mediocrē sanguinem, tum copia, tum qualitate, sed puriorem. Admittit ille tres ventriculos in cordibus magnorum animalium. Homo autem satis magnum animal est, & duos tantum continet ventriculos. Præterea sensui constat contrarium de sanguine. Nam sinister cordis ventriculus sanguinem fetuescentem igneumque continet: in dextro autem sinu continetur sanguis ipse venalis multò remissior.

Sed in his rebus, quæ ad anatomiam spectant, condonandum Aristoteli, qui alienis oculis, & aliorum relatione magis Opus, de animalibus, quàm proprio Marte examinavit. Propterea non sine multis talentis iussu Alexandri opus illud comparatum est.

Concludamus ergo, hepar esse venarum, & sanguificationis principium. Non est autem principium generationis, siue originis venarum; quia hæ, ut reliquæ partes spermaticæ, ex semine in principio à virtute formatrice effigiatæ sunt. Est igitur hepar principium radicationis, & distributionis: Principium radicationis, uti diximus, quia maiores venæ crassiorem sui partem iuxta hepar habent. Principium *διανοητικόν*, id est, distributionis, dispensationis, officij, quia per venas communes saltem materia, alimentum scilicet, ad cætera corporis distribuitur. Est, n. facultatis altricis sedes, ut diximus, suoq; loco repetemus.

Sanguinem calidissimū continet dexter cordis ventriculus ex Arist.

Excusatur Arist.

Hepar est principium radicationis venarū.

De Vesicula Fellis.

ID quod Græcis *κύστις χοληδόχος*, Latinis folliculus felleus appellatur.

Est enim bilis conceptaculum ex retina dextri parte hepatis propendens instar bursulæ rotundæ, aur pyri oblongati, vnicæ, eaque valida constans tunica, tripliciq; fibrarum genere dotatum. A peritonæo aliam exteriorē tunicam, morē partitura in imo ventre occultarum, accipit: Venulas pariter binas cysticas nuncupatas à portæ trunco, ut nutriatur: arteriolas à cæliaca arteria, & nervulos à costali dextro. Vesicula hæc fellea fundum, quod est bilis conceptaculum, & ceruicem possidet; duosq; insuper expādit ductus: *πύρξος χοληδόχου* dictos, vñ in *ἐκφύσι* siue intestinum duodenum, per quem bilem a se deturbare consuevit; alterum in hepar, qui in numerosos ramulos inter radices venæ portæ & venæ cavae per hepatis cauum obliquè diuaticatur. Ramuli a. istij siue radices exiles sunt & obliquæ, ut nihil præter synceram bilem per eas vesicula proliciat. Ambo ductus, communem, iuxta vesiculæ ceruicem, canalem sit e tubulum habent, per quem vicissim vesicula bilem ex hepate attrahit, & ad intestina projicit. Præter præfatos binos ductus, tertius præter naturā institutum ad ventriculi fundum, ad quod bilis iniectans euehitur, aliquoties protenditur: Proinde sic malè formati bilem frequentissimè euomunt, & *πικρόχολοι ἄν.*, id est, biliosi supra appellantur: sicuti *πικρόχολοι κἄτω*, id

Quid cystis fells.

Cystis fells in fundum, ceruicem, & ductus diuiditur.

Picrocholi.

est, biliosi deorsum illi, qui talem redundantem ductum ad duodenum habent protensum. De hoc redundante ductu Gal. loquitur lib. 2. de temper. c. 8. & lib. de arte medic. c. 7.

Vesicula felleis usum in superiori lib. exposuimus: licet enim hepar totis viribus bilem, rem adeo acrem, & non solum partibus, sed sanguini obnoxiam se deturbet, cystis tamen fellea quadam insita, occultaque vi eam auidè prolestat, vt (alioquin rectè ad intestina bilis effunderetur, & non ad angulum, in quo cystis sita est, propelleretur) eius commercio aliquo temporis interstitio recreetur, & rursus ipsam ad duodenum per ductum commemoratum obliquè & tortuosè inter duas intestinorum tunicas insertum propellat; vt hoc acri excremento intestinorum mucus, & alimenti reliquiae derergantur, vtq; sua acrimonia eadem intestina ad expulsionem proritentur. Vt has functiones plenè subeat, cystis fibris dotata est varijs: rectis intus, vt bilem attrahat; obliquis in corpore, vt eam aliquandiu retineat: transuersis verò exterius, vt eam propellat. Trahit vesicula bilem quadam sympathia, & substantiæ familiaritate, teste Gal. lib. 5. de vsu part. c. 10. vbi ideo vesicam felleam felle refertam sine noxa diutissimè post animalis mortem asseruari inquit. Quod argumento est, vesiculam felleam bile, cum sit purum mordaxque excrementum, non nutririi, sed eius præsentia oblectari: sicuti succinum paleas, magnes ferrum, rhabarbarum bilem, ob qualitatum communionem, seu substantiæ similitudinem aut familiaritatem attrahunt; licet attractis non nutriantur, sed oblectentur. Galen. ideo lib. 5. de vsu part. c. 7. rectè inquit, ambas vesicas, vrinae videlicet, & felleis, venis, vt nutrentur, eguisse; quia syncerum excrementum nutritioni inutile, secus ac lien, & renes, in sui capacitatem attrahunt. Cap. 12. eiusdem libri adhuc ait, excrementa à vesicis attracta non concoqui. Ergò istis attractis non nutriuntur. Ex his manifestum sit Iouertum volentem, vesiculam bile nutririi, à veritate sanè sine fundamento declinasse. Nam licet propter sympathiam, & longam consuetudinem, bilis vesiculae non noceat, ea tamen minimè nutritur, quòd nihil succulenti habeat, purique excrementi rationem induat.

Vesicula fellea familiaritate substantia attrahit bilem.

Vesicula felleis bile non nutritur.

Iouertus perstringitur.

De Venis.

Vena Graecis *φλέψ* dicitur: *επαρσις* ab Eudoxo: *διχαμενή* ab Hesychio. Hippocrati, Platoni, alijsque antiquis *φλέψ* significat non solum communem venam, sed insuper arteriam. Venae autem, arteriae, & nerui, ab Hippoc. lib. de corde dicuntur *ποταμοὶ φύσας ανθρώπων*, id est, flumina naturalia hominis, seu flumina naturae hominis: quia per haec tria vasorum genera, tanquam per fontium riuos, diffluit in vniuersum corpus id omne, quod illis necessarium est: vt per venas ab hepate sanguis & calor: per arterias pariter sanguis vitalis: per neruos sensus, motuique, & spiritus. Quare Gal. lib. 16. de vsu part. c. 1. arteriam, venam, & neruum, communia totius corporis instrumenta appellat.

Vena, arteria, nerui instrumenta communia.

Quid vena

Vena autem, prout organica pars est, est longus & rotundus quidam tubulus, simplici tunica praeditus, & omni fibrarum genere intertextus, originem, seu initium ab hepate ducens, vt alimentum contineat, distribuatur, conficiatur, perficiaturque. Ex vna, simplici que tunica villis intertexta constat vena; quia non feruentem sanguinem, sicut arteriae, sed temperatum

cont-

continet. Villi siue fibræ sunt solidæ, & primæ, simplicesque venarum partes: substantia replens inania spatia fibrarum venarum, caro, licet improprie, nuncupatur. Venis triplex villorum genus concessit natura, vt omnem perficiant functionem sibi commissam: obliqui ad retentionem, *Triplex fibrarum ge-* recti ad attractionem, transuersi ad expulsionem conferunt. Galen. lib. 2. *de temperam.* venarum fibras cute frigidiores esse docet, venarum tamen *carne venis* carnem cute calidiorem statuit. Verum cum vena sit pars spermatica, eaq; *conceditur* sicca, temperamento gaudet frigido & sicco, licet ob sanguinis inclusi contactum calida per accidens dici possit; ob quam fortè causam, magis quam ratione carnis, vena cute calidior dicitur lib. 1. de temperam. Vena autem à membranis differt, quòd hæ simplicem quandam substantiam sine fibris *Vena à mē-* habeant: vena verò fibris, siue spermaticis filamentis è lenta quadam *brana di-* minis portiuncula procreatis, simul & carnea quadam substantia constat. *stinguitur.* Præter propriam tunicam, aliam in inferiori ventre à peritonæo, in thorace à pleura, suscipit.

Venas in quinque differētiis distribuunt Anatomici. Prima est vena caua, propter sui amplitudinem & capacitatem ita dicta, quæ ex gibba hepatis parte emergit, & ramos in vniuersum corpus diffundit. Secunda est vena porta, quæ ex caua hepatis parte procurrens, in ventriculū, lienem intestina, & epiploon diuaticata desinit. Tertia vmbilicalis dicitur, quæ à fissura, siue scissura, siue rima hepatis ad fetus vmbilicū excurrit, ibiq; inseritur, vt ex vtero alimentum fœtui euehat. Edito autem puero hæc vena tota marcescens, & vieta facta in ligamentum degenerat. Quarta, vena arteriosa dicitur, quæ venæ officio fungitur, licet ratione structuræ sit arteria; & hæc in pulmonem dispergitur. Quinta, venosa arteria nuncupatur, quia arteriæ officium, & venæ structuram habens, varios emittens ramos in pulmonem absumitur. Laurentius, & rectè, duas tantum venarum differētiis admittit, cauam, & portam. Nam vmbilicalis portæ propago est: arteria venosa venæ cauæ soboles est: Vena arteriosa suam habet cum aorta continuitatem per vas arteriosum, & arteria verè dicenda.

De Vena Porta.

E Caua hepatis parte vena non exigua molis, quæ ideo aliquādo à Galeno *μεγάλη*, id est, magna nuncupatur, prodit. Dicitur etiam *πρὸς τὰς πόδας* id est, ad portas: quia veluti hepatis porta est, vbi omnes in vnum veluti truncum prope hepar colliguntur, coeuntque meseraicæ, seu venæ mēterij; vt habet Gal. li. 6. de anatom. administ. c. 6. & vt c. 11. eiusdem lib. ostendit his verbis: Hoc namque (i. hepar) viscus venas ex mesenterio, ad concauam ipsius partem pertinentes, excipit: vocant a. hunc locum, in quem omnes venæ colliguntur, portas iecinoris. Lib. quarto de vsu part. c. 2. venarum meseraicarum officium vsuque describens, huius nominis primam inuentionem exponit hoc ordine: Hæ autem (id est meseraicæ venæ) quemadmodum baiuli in ciuitatibus purgatum in promptuario frumentum, in aliquam communem ciuitatis deterunt officinam, concoquendum, & vile ad nutriendum mox futurum: simili modo prius elaboratum in ventriculo alimentum venæ ipsæ deferunt ad aliquem concoctionis locum communem totius animalis, quem hepar nominamus. Ingressus autem in locum hūc multis angustis vijs diuisus, vnus est, quem

Vir

Vena porta.

Vir quidam antiquus naturæ opinor peritus, nominavit portas: à quo semper idem nomen in hunc diem manit. Quin & Hipp. ipse, ac cum eo vniuersa Asclepiadarum familia ita nominauerunt, laudantes sapientiam primi illius, qui dispensationem eam, quæ animali inest, ciuili assimilauit. Propter hoc venæ portæ officium ita à Gal. varijs in locis expressum, eadem hepatis manus appellatur: quia per hanc, tanquam manum quædam, chylum ad se prolestat hepar. Ob hoc idem officium, quo chylum albicatem ad hepar deferret, vena lactea ab Arabibus dicitur.

Primi ramuli à vena porta orti.

Innumera venæ portæ radices per hepatis cauum diremptæ in vnum coeunt caudicem, eo modo, quo venæ portæ, splenica, & aliæ, à parte exteriori. Ex hoc caudice propè hepar furculi quidam, numero quatuor extenduntur. Quorum primus cysticus appellatur, qui ex suprema & antica eius parte prosiliens, in collum, corpusq; folliculi fellis disperitur, in capillares penitus desinens furculos. Secundus furculus Gastricus dicitur, quod prætenues venulas in ipsum ventriculum, & pylorum transmittat. Tertium germen gastrepiploicum à Syluio & Laurentio dicitur. In fundum dextri ventriculi, & epiploon absfumitur. Quartus furculus intestinalis appellatur, quod per duodeni longitudinem excurrat.

Præcipua porta dirēptio.

Postquam quatuor illos exiles furculos truncus portæ à se expandit, in duos rursus insignes ramos finditur, quorum vnus mesentericus, alter splenicus nuncupatur. Hic tenuior, elatior, & sinister visitur: mesentericus verò humilior, ampliorque est, & in dextrum ferur. Ramus splenicus, quamuis ideo dicatur, quod in lienem feratur, quatuor tamen furculos à se diffundit antequàm eò perueniat. Primus est Gastricus, qui in gibbam ventriculi partem disseminatur. Secundus est epiploicus dexter, qui in dextram inferioris epiploi partem quosdam diffundit furculos, quosdam verò ad intestinum colon. Tertius coronarius stomachicus, omnium aliorum maximus, ad simā ventriculi partem accedens, in duos dirimitur furculos, quorum vnus supernum officium ventriculi, coronæ instar, cingit: alter furculus ad pylorum descendit. Quartus furculus à splenico proueniens, Epiploicus posterior dicitur; quia ad posticam epiploi partem, & partē intestini coli dorso commissā diffunditur. Postquam hos quatuor furculos à se splenicus diffudit, postmodum in duos finditur ramos, & hi in alios, aliosque, donec in cauum lienis partem, & tandem per varios diremptus in totum lienis corpus disseminentur. Verum, ex ramo adhuc splenico prope lienem furculus quidam diffunditur, ad sinistru ventriculi latus, vas breue siue venosum dictum. Per hoc vas succus melancholicus transfunditur ad ventriculi fundum, atque os, vt sua acerbitate, aciditateque appetitum excitet.

Rami splenici diuisio

Alia splenici distributio.

Vas breue visceris utilitas

Rami splenici vsus.

Rami splenici præcipuus vsus est, nutrimentum ad ventriculum, & ipsum lienem euehere, & vna cum nutrimento humorem melancholicum ad lienem.

Rami mesenterici diuisio.

Ramus hæmorrhoidalis eiusque vsus.

Secundus venæ portæ ramus, splenico multò amplior, mesentericus appellatur, quod ad mesenterium & intestina per innumeros diremptus dispergatur. Licet tam numerosos in mesenterium spargat riuos, hi tamen adeo exiles sunt vt nulli appareant insignes, præter tres ramos; quorum primus hæmorrhoidalis nuncupatur, qui ad extrema coli, & ad intestini recti longitudinem, ad anum vique excurrit; quem anum exilibus ramis orbiculatim circumflexis amplectitur. Huius rami vsus est talis: Lien aliquando obstructo melancholicus succus commodè expurgari nequit; quare

quare idem humor ad hunc ramum veluti tegurgitans, vel melancholici sanguinis portio non potens totaliter deorsum ad lienem descendere, secundum aliquam sui partem per hunc ad anum protruditur, & tandem orificijs referatis exterius profilit. Hæc est venæ hæmorrhoidalis internæ descriptio. Per hanc autem succus melancholicus inutilis, & redundans per lucida interualla expurgatur. Externas autem hæmorrhoidas hypogastricus descendens ramum ad exteriorem anum diffundens, procreat, & plethoram deplet. Verum hæmorrhoidalis à splenico ramo non raro ortum ducit. Secundus ramus alicuius notæ, cæcalis, quia ad cæcum intestinū excurrit, nominatur. Tertius, & præcipuus totius nomen retinens, mesentericus appellatur, innumeros diffundens ramos, qui obliquè inter duas intestinorum tunicas producti terminantur. Nequaquam enim ad intestinorum cauitatem hiant, ne sanguinem, quem in se continent, ad intestina diffundant.

Hæmorrhoides externa.

Ramus cæcalis.

Ramus mesentericus.

Venularum meseraicarum vsus cum Galeno diximus: chyli enim tenuiorem, & succulentior partem exugunt, & eique sanguificationis rudimentum tribuunt, & ad hepar euehunt. Hæ eadem venulæ sanguinem ad intestinorum nutritionem deferunt: sed quasi diuersis temporibus vicissim sua hæc munera complent. Secundum autem naturæ legem, paucū sanguinem continere debent, dum animal appetit. Quare chylus confectus quasi liberè permeat. Si verò sanguine refertæ sint, & chylus ad eas deferatur, inde variæ nascuntur obstructions, & naturalia officia non consequuntur.

Meseraica rami muni.

Radices venæ portæ, secundum maiorem sui partem, per caua iecoris sparguntur, paucæ verò per conuexa. Ex aduerso plures venæ cauæ radices per conuexa deferuntur, paucæ verò per caua hepatis. Extremitates radicum venæ portæ inferuntur anastomotice in medias radices venæ cauæ & è conuerso extremitates radicum venæ cauæ in medio radicum venæ portæ anastomotice etiam infiguntur; vt inter alios optimè animaduertit Laur. qui elegantissimè hanc venarum distributionem suo more depinxit. Verisimile ergo est, in meseraicis, tanquā portæ ramis, sanguinem præparari; in radicibus venæ portæ sanguinem confici, in cauæ verò radicibus adhuc perfici.

Anastomosis radicū venæ cauæ & portæ anastomosis in caua.

De Vena Caua.

Vena caua ideo dicitur, quia maiorem, amplioremque cauitatem quàm cæteræ omnes venæ & arteriæ, obtinuit. Vnde per antonomasiam καὶ κενὴ, id est caua, aut ventrem; aliquando verò μεγάλη, id est, magnam appellantur. Imò Galenus non magnam simpliciter, sed τὴν μεγάλην μεγάλην, id est, venam maximam appellat. Hipp. lib. 2. Epid. πνεύματι, id est, iecorariā vocat. Arist. venam maiorem, aortam minorem appellat.

Venæ caua distributionē paucis comprehendit Gal. lib. 4. de vsu par. c. 5. Sed c. 4. præcedenti bilē ad vesicā fellis, melancholiā ad lienem relegari à sanguine in caua iecoris elaborato, hac serie docet: Postquā igitur deposuit, qui apparatur in hepate chymus, hoc est, humor ad nutrimentum animalis, prædicta duo excrementa (bilē & melancholiā) & ab innata caliditate coctionem est adeptus, ruber iam & purus sursum ad gibbas par-

*Ortu vene
caua.*

partes hepatis ascendit, portionis, abiterfionisque ignis in humido diuini calorem indicās, vt Plato dicebat. Et in principio sequentis feriatim, hæc habet: Excipit autem ipsum sanguinem illic vna vena maxima, ex gibbis hepatis enata, quæ ad vtramque animalis partem fertur, superiorem simul & inferiorem: diceret sanè seu aquæ ductum quendam plenum sanguine ipsam esse, riuosque quamplurimos à sese manantes habere paruos & magnos, in omnes particulas animalis distributos. Libro 16. de vsu part. c. 2. compendiosissimè eam cum magna arteria sic depingit: Siquidem arteria vna maxima à corde est producta, velut truncus in multos palmites ac ramos diuisus. Vena autem (quam propter magnitudinem cauam appellant) ex gibbis hepatis sursum ac deorsum procedens trunco cuiusdam bifido est assimilis: propterea quod & corporis nostri alia quidem pars est hepate altior, alia v. humilior. Hipp. lib. 2. Epid. sect. 4. iudicio Galeni, eam sic optimè, sed breuiter distribuit: Iecoraria per lumbos ad magnam vsq; vertebram (os sacrum intelligit) deorsum fertur; ex hepate verò sublata, per diaphragma cor rectà, deinde iugula petit.

*Sylvius &
Laurentius
Scriptores
præcipui.*

Exactius tamen, quàm à quopiam, vena caua à doctissimo Syluio descripta est, quem nos, vti doctus Laurentius, alique ferè omnes scriptores anatomici, qui post ipsum scripserunt, sectabimur. Illi enim, & doctissimo Laurentio plus in rebus anatomicis, quàm alijs terè omnibus, debemus. Radices ergo venæ cauæ in vnum caudicem truncumue in gibbis hepati coeunt. Idem truncus ex hepate emergens, in duas partes, tanquam prægrandes ramos, distribuitur. Ramus vnus sursum ad superiores corporis partes protensus, vena caua ascendens appellatur. Ramus verò deorsum ad spinæ longitudinem excurrens, vena caua descendens dicitur.

*Vena caua
descendens
quinq; spar
git paria
antequàm in
iliacas di
stribuitur.*

Vena descendens aortæ incumbit ad initium ossis sacri vsque, & in suo descensu quasdam propagines, tanquam furculos, à se diffundit; ita vt sint quinque paria, vtrinque ramus vnus. Primū par adiposum dicitur, quia ad anteriorem renum tunicam adipe vestitam fertur. Hanc ab emulgente aliquando enasci obseruauit Laurentius. Secundum par furculorum, omniumque amplissimum, renale, quia ad renes: emulgens, quia serum ad renes deducit, appellatur. Vena hæc emulgens, antequam in renis corpus diuaticatur, in duos finditur ramos; vterque horum in alios duos, & sic deinceps, donec in capillares desinant. Venam emulgentem duplicem, triplicemque vtrinque in quolibet rene sæpè obseruauit Laurentius. Tertium par spermaticum appellatur, quod materiam semini conficiendo ad testes transfuehat. Dextra spermatica à trunco venæ cauæ oritur: sinistra verò ab emulgente exilit, non verò a venæ cauæ trunco, ne ab aorta in laeuam partem inibi declinante, suo valido motu dilatationis & constrictionis, hæc vena, quæ ei quasi obliquè accumberet, rumperetur. Vnde semen in dextro testiculo calidiùs fecundiùsque, tanquam vim habens procreandi masculum, contineri dicitur: Semen verò sinistri testiculi aquosius frigidiusque; quare femininum dicitur. Ad testiculos delatæ hæc venæ, plexus varios, reus instar, efficiunt; quia miro artificio inibi implicantur. In feminis vna portio venæ in testiculum fertur, altera in fundum ventriculi dispergitur. Quartum par lumbare dicitur, quia vtrinque ad vertebrae & spinalem medullam nutriendas fertur. Per hoc è cerebro, & spinali medulla semen deferri sinxerunt aliqui. Quintum par musculosum dicitur, quia ad lumborum musculos simul, & abdominis, nutrimentum deferret

defert. Ab iliacis ramis, de quibus postea, sæpè hoc par emergit.

Postquam caua descendens hæc quinque paria effecit, circa ossis sacri principium, in duos insignes ramos, iliacos dictos tanquam stipites dirimitur. Inibi vena magna cedit aortæ, id est, locum mutat, & vena prope os collocatur, arteriaque ei accumbit, ne duritie ossis sacri, & frequenti motu, ac plexu, qui circa illam partem fit, arteria disrumpatur, vt communiter aiunt. Vterque hic ramus iliacus quatuor à se furculos effundit. Primus, vena sacra dicitur, quia spinalem medullam in osse sacro inclusâ nutrit. Secunda vena Hypogastrica appellatur, estque omnium amplissima; quia quamplures ramos expandit ad nutriendas partes in inferiori ventre, siue hypogastrio contentas, vt vesicam, vterum, rectum ipsum intestinum, ad cuius extrema ramuli deferuntur, externas hæmorrhoides constituentes, plethoræ aliquando depletices. Tertia vena Epigastrica dicitur, quia in epigastrij musculos ad eorum nutritionem absumpta est. Maior tum eius portio per recti musculi longitudinem sursum ad vmbilicum fertur. Quidam riuuli huius venæ sursum ad mammariæ venæ riuulos, quibus occurrunt, extenduntur. Propter anastomosim, quæ in hoc occurfu fit, oritur, (vt aiunt) consensus ille mirus mammarum & vteri. Epigastrica sæpè à crurali ramo, de quo mox, exurgit. Quarta vena pudenda appellatur, quia ad viri, & fæminæ pudenda nutrimentum asportat.

Rami iliaci.

Vterq; ramus iliacus quatuor furculos expandit.

Ramus iliacus extra cauitatem abdominis prosiliens ad inguina & crura, Cruralis nomen obtinet. Vnumquodque ergo crus suum obtinet cruralem. Quamplurimis autem ramis per vniuersum crus ad digitorum pedis extrema fruticatur. Sex tamen à Syluio alicuius notæ a nimaduersæ sūt venæ. Prima est saphæna, seu vena malleoli ad glandulas inguinis nata; per internam cruris partem, inter cutem, & membranam carnosam descendit ad malleolum vsque internū, & in superni pedis cutem variè diuisa absumitur. Secunda Ischias minor appellatur, quæ e regione saphænæ in anteriorem ischij cutem, & musculos inibi contentos disseminatur.

Rami crurales.

Tertia vena muscula est, quæ in duos diuiditur ramos; quorum minor riuos varios in musculos extensorios cutis diffundit: Maior ramus profundius immerfus in femoris musculos disseminatur. Quarta est poplitea vena; quæ ex duobus ramis cruralibus coeuntibus conflata riuos aliquot in posticam cruris cutem emittit, rursusq; per medium poplitem descendens, nunc in suræ cutem absumitur, nunc ad calcem vsq; descendit, nunc ad externum malleolum fertur. Quinta est suralis, quæ in suræ musculos, & cutem tibie internæ disseminata, circa malleolum internum reflexa, latius internum pedis, & cutem pollicis, raro alios digitos adit. Sexta est Ischias maior, quæ secundum maiorem sui partem per suræ musculos deferitur, rursus in furculos decem absumitur; singulis scilicet digitis binos tribuens. Eadem Ischias secundum minorem sui portionem inter peronæ & calcem cessat: interidum medium ligamentum perforat, & rursus spargitur per musculum abducentem digitum pedis, & per cutem. Hæc cum præfatis Doctoribus.

Sex furculi à crurali orti.

Vena caua ascendens, diaphragma, cui arcuè ligatur, ne disrumpatur, statim in suo exitu ex hepate, perforat: rursus membranis interseptentibus siue mediastino in thorace, mediante tunica à pleura accepta, alligatur; postmodum cordi, cui suum lacus aperit, vt in ipsius sinum dextrum, veluti in cisternâ sanguinem ad sanguinis spirituosæ generationem, & ad pulmonum nutritionem, effundat. Huic ideo ventriculo arcuè colligatur per

Vena caua ascēdēs.

auriculam dextram eiusdem cordis, & per tres illas mēbranas tricuspidēs. Eadem vena caua supra ad iugula excurrent, ne à spinæ vertebriis læderetur, & ut utrinque ramos ad partium nutritionem tutius diffundat, à natura molle quoddam substerniculum pulvinaris instar, accepit: glandem, nimirum mollem, & notæ magnitudinis (thymus dicitur.) Sic ad iugulum vsque truncus ascendens excurrit.

Thymus.

Rami ascendētis.

Truncus hic ascendens quatuor à se spargit furculos. Primus Phrenica vena appellatur, quæ maiori ex parte in diaphragmatis corpus absumentur. Eius tamen quidam riuuli ad cordis inuolucrum sparguntur; sicuti ad mēbranas *διαπάρτερας*, id est mediastinum aut mediastina. Secundus furculus coronaria vena dicitur, Græcis *σφαρταίος*; quia instar coronæ vniuersam cordis basim cingit. Simplex vtplurimum, raro duplex visitur. Hæc vena in vniuersum corpus cordis disseminatur, sed plures furculi in sinistra eius parte, quàm in dextra cernuntur; quia cum hæc pars sinistra crassior densiorque sit, copiosiori eguit alimento, quàm pars dextra. Ad hæc, pars dextra portione aliqua sanguinis venalis in suo sinu concluso reficitur. Tertius furculus venæ cauæ ascendētis, vena Azygos, id est, sine coniugio, aut sine pari, appellatur; quia in dextrum tantum latum expanditur. Hæc vena octo ramulis fruticatur, qui in sinistram partem eque ac dextram discurrent. Vnde octo inferiores costas, earumque spacia nutriunt: œsophago insuper numerosos riuulos concedit. Vena Azygos communionem habet cum venis thoracicis, quæ ab axillari vena, de qua mox, prodeunt. Propter hunc occursum & communionem à recentioribus obseruaram, sectio venæ brachij eiusdem lateris pleuritide affecti magis cōfert, quàm sectio venæ brachij alterius lateris. Altera communio venæ azygos est cum vena adiposa, & vena emulgente, per ramulum quendam exiguum ad has dimissum. Mediante hac communione, voluit Fallopius, pus aliquando in thorace genitū per vias vrinæ euacuari. Quartus furculus cauæ ascendētis est vena intercostalis dicta, quæ nutrimentum spacijs intercostalibus trium aut quatuor superiorum costarum suppeditat. Hæc vena sæpè deficit, ut obseruauit Laurentius. Ea ergo deficiente, vena azygos rami ad superiora costarum interstitia ad sui nutritionem expādit.

Venæ cauæ ascendētis in ramos duos subclauios dimisso.

Subclauij rami dimisso.

Vena interna thoracica distributio.

Postquam vena caua ascendens quatuor enumeratos furculos effudit, bifida sit, id est, finditur in duos insignes ramos, qui subclauij nuncupantur, qui infra clauēs, siue clauiculas ossa, & iugulum, situm habent primarium. Pars horum ramorum in cavitatem thoracis recondita fertur: altera verò pars extra thoracem emergens, ad axillas deferretur: Vnde axillaris vena appellatur.

Ab illa vena, quæ in cavitatem thoracis discurrit, quinque diuariantur furculi. Primus est mammaria vena quæ per interiorem sterni partem inferius fertur, quæq; ad thoracicos musculos & mammas, riuulos quoddam transmittit. Secundum tamen maiorem sui partem ad inferiorem recti muscoli partem emergit, furculosque aliquot ad totidem furculos venæ hypogastricæ ascendētis mittit, qui ambarum venarum sibi paulò supra vmbilicum occurrunt. Secundus furculus Thymica vena appellatur, quia per illud corpus glandulosum, & per intersepientes pectoris mēbranas distribuitur. Tertius furculus est Capsularis vena, quæ per cordis capsulam seu inuolucrum pericardium vulgo dictum, fertur; & præterea Phrenicis ramulis ascendētis rami suis ramulis occurrunt. Quartus furculus est vena cervicalis, quæ per foramina apophyseæ transversarum cer-

uicis, in cerebrum percurrit, dimittens ad vicinos musculos in suo decursu ramulos aliquot. Quintus & vltimus furculus, est vena Muscularis, quæ in musculos rachitis tum ceruicis, tum summi thoracis distribuitur.

Altera rami subclauij pars, quæ extra thoracem emergit, dum ad axillas fertur, axillaris appellatur, vt paulò ante dictum est. Ab hoc ramo axillari tres venæ deducuntur. Prima Thoracica appellatur, quæ duplex est, vna quæ ad mammae & pectorales musculos, & præcipuè ad pectoralem & serratum minorem: altera verò in posticos thoracis musculos disseminatur. Harum venarum tres rami, interdum quatuor cum tribus aut quatuor venæ azygos ramis coeunt, inquit Laurentius. Secunda vena ab axillari prodiens, Basilica dicitur, Hippocrati interna, aliàs iecoraria, siue hepatica. Hanc in duos adhuc ramos dispefcunt, quorum vnus profûda basilica appellatur, alter basilica subcutanea. Profunda basilica axillarem arteriam, & tertium par neruorum ad cubiti flexum vsque concomitatur. Inibi autem in duos ramos discinditur, quorum vnus cum radio osse protenditur, quosdam à se furculos spargens; in pollicem nimirum duos, in indicem alios geminos, in medium digitum vnum. Alter profundæ basilicæ ramus ossi cubiti per tendinum musculorum anulum coextenditur, & totidem furculos expandit: in medium videlicet digitum, vnum: in medicum, siue anularem digitum geminos, & in auricularem siue minimum digitum alios geminos: Basilica subcutanea per cutem excurrens ad cubiti vsque articulationem discurrit, & inibi in duos scinditur ramos: quorum vnus ad internum cubitum delatus, cum humerariæ, siue cephalicæ venæ ramo vnitur, & ex huiusmodi coitu siue insertione oritur vena communis, Mediana vulgò dicta, Arabibus vena nigra. Alter basilicæ subcutaneæ ramus per infernum brachij latus extenditur, ramulos vicinæ cutis, subiectisque partibus concedens. Tertia demû vena quæ ab axillari procedit, est cephalica, siue capitalis; quia in affectibus capitis Medicor. iussu non rarò aperitur: ab Hipp. externa dicitur, quia per brachij exteriora diuarcatur, sicuti basilica per interna: A multis humeraria, quia per humerum priùs, quam ad brachij longitudinem porrigitur, recurrit. Hæc vena inter musculum deltoidem, & tendinem musculi pectoralis versus superficiem ad cubiti vsque flexum percurrit: inibi in duos diuiditur ramos, quorum vnus in interiorem cubitum obliquè delatus, cum basilicæ ramo coit, & venam communem, siue medianam parit: alter verò grandior ramus ad medium radij ossis descendit, illinc obliquè ad carpum fertur, & externam, manum ferè totam irrigat, ramulos vndiq; spargens; conspicuum tamen & notatu dignum furculum inter anularem & auricularem expandit, qui Arabibus saluatella nuncupatur.

Ramus subclauius, à quo axillaris vena deriuata est, quam primam supra clauas protenditur, supraclauius à Doctissimo Syinio dicitur. Hic in duos insignes ramos dirimitur, qui venæ *carotides*, id est, iugulares appellantur: quarum vna externa, altera interna nuncupatur. Externa iugularis in brutis maior, in homine minor visitur. Per cernicis latera, inter cutem & carnosam membranam abiens, in musculos vicinos ramulos quamplurimos spargit. Ad fauces delata, in duas partes diuiditur, quarum vna in musculos laryngis, hyodis, & linguae absumitur; altera, subcutanea, in labra vtraque, pinnas narium, frontem, totam ferè faciem, maiorem oculi angulum (qui scilicet iuxta nasum situs est) & partes auriû posteriores suos diffundit riuos. Iugularis interna in homine infu-

Vena extra thoracem emergentis quæ axillaris dicitur distribuitur Basilica duplex.

Mediana.

Cephalica.

Mediana.

Superclauius in internam & externam iugularem diuiditur.

gior est externa propter cerebri magnitudinem, quod idèd copioso eget alimento. Per latera ceruicis ascendens ad musculos laryngis & linguæ plures dimittit propagines: rursus per foramina cranij in duræ menyngis, siue duræ matris sinus ascendit, à quibus sinibus innumeri venarum riuuli prodeunt, vt ambæ menynges & cerebrum nutrantur. Sic cum doctissimis Anatomicis Syluio præcipuè & Laurentio, venarum omnium distributionem assequuti sumus: quarum omnium à caua dependentium vsus est, sanguinem cunctis corporis partibus ad sui nutritionè distribueret, atque conseruare.

*Vsus vena-
rum.*

Nota 1. Notandum tamen est, in maioribus crurum & brachiorum venis valvulas quasdam repertas esse, quæ nimis celerem sanguinis cursum decorsum morarentur, qui cursus in trunco venæ cauæ cohiberi non debuit.

Nota 2. Proindeque venæ cauæ ductus peruius est.

Notandum præterea internas venas cum externis, dexteras cum sinistris, infernas cum supernis, per quosdam coeuntes ramulos communionem habere.

Nota 3. Notanda rursus nonnulla cum Gal. lib. 16. de vsu par. c. vlt. Natura, inquit, summa cum æquitate partibus omnibus venas distribuit. Cum autem nutriri corpora sit necesse, quod indices vacuentur, per cutem præcipuè, per quam triplicis substantiæ effluuium sit, copiæ substantiæ quæ defluit, alimentum æqualiter correspondere debet. Defluit autem plurimum substantiæ à calidis ac mollioribus corporibus, & ijs, quæ mouentur assiduè, aut vehementer: minimum autem substantiæ à frigidis & duris, quæ moderatas obeunt actiones. Frigus autem corpora densat, cogit, ac constringit, prohibetque substantiæ defluuium. Calor vero contra, corpora rarefacit, liquat, tenuat, ac digerit. Quin etiam, & quod ad substantiam ipsam attinet, quæ durior quidem est & lapidea, permanens est, nec facile dissipatur: quæ verò humida est, ac mollis, celeriter quidem à calore in halitus resoluitur, idèdque citò perit, atque exhalat. Pulmoni igitur omnia insunt, quæ ad celerem vacationem pertinent: nam & molliissimus est, & calidissimus, motuque agitur perpetuo. Ossibus verò insunt velut ex diametro cum eo pugnantia: etenim frigida sunt, & dura, bonamque totius vitæ partem quiescunt. Ob eas certè causas perdurat ipsorum substantia, nec facile dissoluitur. Ne igitur mireris, si ijs quidem natura exiguas adeo tribuit venas, vt ne clarè quidem appareant, etiamsi animal magnū fuerit: pulmoni verò vena maxima à corde inserta est: quia copioso eget alimento. In medio autem pulmonis & ossium, sunt reliquæ partes corporis; quæ prout laxiores, durioresque, & prout quiescunt, aut mouentur, & prout frigida vel calida sunt, proportionatim exposculant alimentum. Exceptiones tamen quasdam Galenus hoc modo facit: Nonnullæ autem partes, tamen substantiæ sint duriores, vt cor, tamen propter caloris natiui copiam, alimentum copiosius consumunt: aliæ verò, quanquam sint molliores, vt cerebrum, minus tamen ob caloris inopiam digeruntur. Hæc scire iuuabit.

Adhuc animaduertendum est id, quod ibidem Galen. ait, nullam arteriam sine vena comite in corpore extare: nonnullas tamen venas ad cutē terminatas, & ad brachia cruraque extensas sine arterijs esse. In internis tamen partibus vix aut nullatenus id contingit: nam ipsæ numerosæ venæ portæ propagines ad intestina, omentum, ventriculum, & lienem, deductæ, comites habent arteriolas: quas, vt dixi, tanquam venas laterales

et eas posuit Afellius. Vfus igitur venæ cauæ est sanguinem conseruare, *Venæ causæ*
& distribuere. *vsus.*

CAPVT VII.

De Instrumentis Generationis.

Quoniam quedam partes generationi addictæ extra peritonæum pro-
pendent, distincto capite omnium naturam examinare decet. Pri-
mo autem loco vasa spermatica id est *αγγεία σπερματικά*, & *παρα-
σπασικά*, id est, præparantia occurrunt: quæ quatuor communi-
ter numerantur: duæ venæ, & totidē arteriæ. Vnde emerferint hæc venæ, paulū
ante, dum spermaticum par venarū exponeremus, dictū est. Simili modo ex
aorta geminæ prodeunt arteriæ spermaticæ. Hæc duo vasorū paria peritonæo
alligata, abdominis cauitatem tandem egrediuntur, non quidē nuda, & sine
habitu: nā inuoluta sunt productionibus quibusdā peritonæ, quas musculi
cremasterici dicti comitantur. Sic a. excurrentia deorsum hæc vasa propē
epididymides, & testes coeunt, & rursus ad epididymides, & testes feruntur
vbi varijs spiris intorta, varijsque anfractibus implicita figuram refe-
runt vitium, aut hederæ capreolifata. Vnde à nonnullis hæc vasa ita im-
plicita contortaque in testiculis, pampiniformia, & hederiformia appel-
lantur. Alij *δίκτυον διε πλεγμα*, id est, retiformem plexum vocitant. Ha-
rum arteriarum & venarum anastomosis inibi conspicua est. De his va-
sis Gal. ita loquitur lib. 1. de semine c. 12. Arteria & vena ad vtrumque tes-
tem descendere conspiciuntur, non recto itinere, vt reliquæ omnes, sed
instar capreoli aut hederæ varijs modis inuolutæ: vnde & puto, à disse-
ctionis Professoribus partim hederaria, partim capreolaris natura ipsarum
fuit appellata. In his verò capreolis, & anfractibus, quos faciunt, ante-
quam ad testes perueniant, albescere paulatim sanguinem videre licet:
tum demum, vbi iam ipsos testes attigerint, seminis substantia in ipsis
manifestè apparet &c.

*Vasorum
spermatica-
rum exitus
extra peri-
tonæum.*

*Materia
seminis in
vasis sper-
maticis al-
bescere in-
cipit.*

Horum vasorum officium est, prima rudimenta semini contribuere. Ideo
autem vasa præparantia dicuntur; quoniam in ijs multifariam implicitis
sanguis albescere inchoat per *επιρροήν* id est, irradiationem testium: sicuti
venæ in virtute hepatis faciunt. Alterum vsum istis venarum plexibus
tribuunt, vt nimirum diuturno tempore materiam semini cōficiendo ido-
neam retineant: nam si statim præpararetur, hominem ad libidinem perpetuū
stimularer. Hæc sunt venarum spermaticarum officia. Arteriæ vero
ratione caloris in eis contenti testibus, vigorem tribuunt, & seminis con-
fectionem iuuant: imò sanguis ipse arterialis venali commiscetur, & ma-
terialis causæ rationem induit.

*Vasorum
spermatico-
rum vsus.*

In vasis itaque spermaticis fit prima seminis præparatio, secunda vero in
epididymidibus. Galen. enim lib. 1. de semine & lib. 14. de vsu part. sangui-
nem in vasis spermaticis dealbari, sed magis in epididymidibus affirmat.
Controuertitur, quid sit epididymis. Archangelus Piccolhomineus Ve-
salij errorem sequutus epididyma vocat membranam in mediata testicu-
lum ambientem, ortamque à menyagibus, neruos in testes propagatos in-
uoluentibus; dicitur enim, inquit, à *διδυμῷ* id est, à testibus, quem circum-
dat;

*Secunda
seminis præ-
paratio in
Epididy-
midibus fit.*

dat, id est circa didymum. Quod attinet ad nominis etymologiam, non longe à veritate recedit; sed volens membranam illam esse epididyma, post Vesalium deceptus est, quia non ad conficiendum semen, sed ad vestiendum testiculum à natura producta est. Longè enim distat à materia feminis. Rectius ergo Galenus de epididymide loquitur lib. 1. de sem. c. 15. hac serie: Arteria igitur, & vena (spermatice scilicet) à conceptaculis dorsi (id est, à vena caua descendente & aorta) profecta per ilia dorsum feruntur, vsque dum ad testium inuolucrum, & appendicem pertingant, quam epididymidem appellant; quasi supergeminalem dicas: est autem supergeminale pars quædam animalis, gemini, hoc est testis capiti superimposita id quod nomen ipsum præ se fert: ex qua multa fistula serosa, quodam humore plenæ permeant. Epididymis igitur testiculi appendix capiti eius imposita à Galeno dicitur. Eius naturam usumque plenius lib. 14. de usu part. c. 14. & ult. hunc in modum exponit: Cur autem natura, inquit, non in ipsos testes spermaticum vas inseruit, sed nuncupatam epididymidem medium amborum locauit? quoniam laxi admodum testes, & cauiernosi ac molles cum spermaticis vasibus densis, fortibus, ac duris, coalescere tutò non potuerant. Quare hic quoque, quæ sepe iam monstrauimus, natura effecisse videtur, corpora scilicet, quæ substantiam habent contrariam, non vniuisse, sed semper in eo elaborasse, vt vinculum quoddam necessitudinis inter ipsa medium collocaret. Quantum enim robore, & densitate, & duritie epididymis à spermaticis vasibus superatur, tantum ipsa testes superat. Quin & ex partibus ipsius eæ, quæ vasibus spermaticis inseruntur, sunt durissimæ, quæ autem testibus, eæ sunt mollissimæ: quæ verò in medio sunt, omnes ad portionem inter sese exuperant: siquidē, quæ sunt vasibus spermaticis propinquiores, eæ sunt durissimæ, quæ testibus, eadem ratione sunt mollissimæ. Vult enim Gal. epididymes esse partes vasorum spermaticorum, molliores tamen. Discrepat igitur epididymis à vasibus, quòd sit illis multò mollior, tenuiorque; ratione cuius molliciei & tenuitatis magis amica laxis testibus aduenit, quam vasa spermatica, utpote duriora. Andreas Laurentius epididymes hac serie describit: Quatuor hæc vasa, spermatica scilicet, miro artificio implicata vnicum corpus effingunt, varicosum, candidum, oblongum, quod quia testis adhæret, eique incumbit, Epididymis dici solet. Anatomici fere omnes, Parastatas varicosas appellant: Parastatas, quasi adstantes testibus: varicofas, quòd varicum in morem variæ implicentur; licet Herophylo παραστάται κρυπτοῦντες, varicofoli adstantes sint vesiculæ illæ iuxta vesicam vrinariam positæ, in quas ejaculatoria vasa semen effundunt. Epididymis ergo corpus est oblongum, vtriq; testis extremo adhærens, in medio aliquantulum dehiscēs, excoquēdo & dealbando semini dicatum. Corpus hoc altera sui parte admittit præparantia quatuor; altera verò emittit deferentia duo vasa, mediamque inter vasa, & testes naturam habet: in superficie quippe membranofum apparet, sed intus glandosum est, & σπασμυδὲς. Separatur ferè totum à testibus, habet tamen per exiles fistulas cum illis continuitatē; vnde vis illa manat σπασμὰ τοῦ σπιντικῆ. Elegāter sanè suo more sed obscurè. Nam dum ait, Epididymas ex quatuor vasorum coitu coalescere, rem, vt in se est, non exponit; quoniam duo tantum vasa dextra ad dextrum testiculum, duo autem sinistra, vena nimirum & arteria ad sinistrum testiculum pertingunt. Ex duobus ergo vasibus capiti testiculi implicatus epididymis oritur, in qua semen quàm in vasibus spermaticis multò melius elaboratur,

Quid Epi-
didymis
Galeno.

Epididy-
mis usus.

Quomodo
Epididy-
mes à va-
sibus sperma-
ticis discre-
pant.

Epididy-
mes para-
stata vari-
cosæ comu-
niter nun-
cupantur.

Parastata
Herophilo
quæ.

Epididy-
mis Laure-
tio quid.

Verus or-
tus Epi-
didymidis.

ratur, albescitque; completius tamen adhuc in corpore testiculi perficitur, ad quod per exilissimos ductus ex epididyme deducitur ibidemque in ipsis exilibus vasis vi seminali testiculi, sicuti sanguis in exilibus venulis hepatis, vel in ipsa testiculi spongiosa carne, sicuti sanguis in substantia porosiore hepatis simul, & venulis, iuxta antiquorum opinionem, concoquitur.

Duplex est epididymidis vsus: primus, vt sit veluti medium inter vasa seminalia & testes: Secundus, vt in ea melius, quàm in spermaticis vasis, semen elaboretur.

Epididymidis vsus.

Post vasa spermatica peritonæum egredientia & epididymas, tertio loco testes perpenduntur. Testes a Græcis ὀρχεῖς dicuntur, ὀρχεῖδ' α, ὀλκοῖ, μέζα, μῖδ' α, πύμοι, δίδυμοι etiam ab Herophylo appellantur, quasi gemini seu gemelli. Testes communiter, quia τῶν ἀρρενότητος εἰσι μάρτυρες id est virilitatis testes sunt, varijs epithetis à Latinis ornantur: viriles globuli, colei, lanuini, cliterini. A Plauto vasa. Testium situs in maribus cuius apparet, siti enim sunt longè à pene, vt longiore mora sibi contrahente sanguine melius elaboretur; & copiosius generetur semē, vt colligitur ex Gal. lib. 1. de sem. c. 15. Testes numero duo statuuntur, vt facundius generetur semen: dexter ἀρρενογονος, id est masculinus, sinister θηλέγονος id est femininus dicitur ab Hippoc. quoniam in dextrum testiculum sanguis purior & minus ferofus ex ipso venæ cauæ trunco euertitur; ex quo ideo semen calidius, facundiusq; generatur. Ad sinistrum autem testiculum ex emulgente sinistra ferofus sanguis percurrit, ex quo semen multo frigidius, & consequenter ad feminæ quàm maris generationem aptius, generatur. Ob id Hipp. lib. 6. Epid. ait: Hircire, (i. coire) incipiens, si dexter testis intumuerit masculum, si sinister femellam portendit. Testes sunt corpora quædā mollia, cauernosa, glandulosam carnem habentia, albicantia, oblonga, rotundaq; seminis procreandi, & virium conseruandi gratia producta.

Testis nominum.

Cur testes à pene remoti.

In dextro teste calidius semen, quam in sinistro procreatur.

Semen concoquunt vi peculiaris suæ substantiæ calidæ & humidæ, laxæ, cauernosæ, & albicantis. Virtus hæc intenditur ratione rotunditatis ovalisq; figuræ quam possident: nam præterquamquod talis figura ad eorum tuitionem, ne ab externis occurrentibus occasionibus lædantur, confert, vt calor natiuus intimiùs vniatur, plurimum iuuat. Quod autem in testibus simul & vasis semen generetur, pater ex Gal. lib. 1. de semine cap. 12. 14. & 15. Et lib. 14. de vsu part. c. 10. vbi hæc habet. Vena n. superiacet, subiaceret autem arteria; vtraque flexus multos numero æquales efficiens instar capreolorum quorundam variè implexorum: quo implexu sanguis & spiritus, qui ad testes feruntur, diutissimè coquuntur, clarèq; cinas humorem, qui in primis plexibus habetur, adhuc sanguineum, in sequentibus deinceps magis magisq; albescere, quoad in omnium postremis totus albus omninò fuerit redditus: qui flexus postremi in testes terminantur. Testes verò cum sint laxi, ac cauernosi, humorem, qui in vasis captus erat, concoqui, excipientes & ipsi rursus percoquunt. Et paulo post ait, ideo sanguinem in vasis spermaticis implicatis in testibus dealbari, quia vasa illa multis gyris contorta sunt: adeoq; cum diu, imò diutiùs quàm in vlllo alio vase sanguis commoretur, à vasis albicantibus, & conantibus in sinistram substantiam conuertere sanguinem, dealbatur. Flexuositas ergo vasorum, & diuturna sanguinis & spiritus mora sunt in causa, cur in vasis testiculorum materia seminis, siue sanguis albescat. Cap. verò 14. l. 1. de semine à solis testibus semen formari negat. Nam in vasis, quæ ad testiculos

Dexter testis tumens marem, sinister tumens feminam generat.

Quid testis.

Semen in preparantibus vasis albedinem acquirit.

Flexus vasorum spermaticorum ad seminis confectionem plurimum proficiunt.

*Testes
vim habet
conficiendi
semen, &
roborandi
cor.*

*Eunuchi
mulieribus
similes.*

*Vfus testiu
apud Ari-
stotelem.*

*Galenus
Arist. con-
nellit.*

*Testium
adminicu-
la.*

*Dua pro-
pria tuni-
ce testium.*

los feruntur, continetur semen. Ergo habent vim alterandi & dealbandi semen. Præterea in capreoli forma venæ ad testes feruntur, & non in recta forma. Ergo ut elaboretur semen. Quod autem testes habeant vim conficiendi semen, & corpus roborandi, fusè probatur à Galeno contra Aristotelem lib. 1. de semine c. 15. ubi ait, testes quasi par robur ac cor, corpori tribuere. Nam qui eos amiserunt, frigescunt, veluti altera quadam caloris nativi origine priuati, omneque illis corporis robur collabitur perinde, ac si senes fuerint. Neque latè ampliùs illis venæ, neque sanguis floridus est. Arteriæ etiam parum & imbecilliter, sicuti senibus, pulfant. Vnde patet testes animalibus, & roboris originem esse, & caliditate multa totum corpus perfundere. Atque ideoque, qui ipsis priuantur, depiles non modo mento, sed toto etiam corpore euadunt, paruasque (ut dictum est) nõ secus ac mulieres, venas habent: ac quasi aliud quippiam magis, quàm animalia, sint, nulla venereorum libidine afficiuntur: ut in hoc, vel corde ipso amplius habeant testes, quod præterquam quod caliditatem & robur animalibus exhibent, generis etiam perpetuitatis in causa sint. Hæc Galen. qui maiorem vim calefaciendi testibus, quàm cordi absolute non tribuit, ut Laurentiis autumat, sed vult testes habere quandam vim roborandi corpus, sicuti ferè cor, ac insuper esse principium generationis & propagationis, in quibus geminis vsibus cor ipsum superare videntur.

Aristoteles, cuius verba citat. Galen. testes comparabat lapidibus staminibus appensis (hos lapides planas vocant, qui ponderis tantum vsum exhibent. In distentis autem telis, dum deorsum planæ trahunt, replicationem augent. Pariter testes à natura datos esse asserit, ut seminalium instrumentorum replicatio & apertura conseruetur. Lib. 5. de gener. animal. ubi de acuta & graui voce loquitur, hæc habet: Execta omnia in feminam degenerant: & quia nervosum robur in suo principio laxatur, vocem similem feminis emittunt. Laxatio a. est perinde, ac si aliquis fides intendens appenso aliquo pondere contentas reddiderit: id, quod mulieres quæ telas texunt, facere consueverunt: ubi enim stamen intendunt, ei quas planas appellant annectunt. Ita quoque testium natura seminarijs meatibus appensa est, seminarij meatus venæ, vena originem in corde habet. Hæc Arist. apud Gal. quem videas.

Facile quidem hunc Aristotelis discursum eneruat Gal. probans ea animalia quæ intus testes reconditos habent, eos huius vsus gratia non continere; ut patet in auiibus, qui appentos seminarijs vasibus testes non habent, perinde ac planas, cum intus & altiori loco siti esse cernantur, quàm sint ipsa vasa, quæ infra collocantur. Ergo progrediendi seminis gratia testiculi concessi sunt, nec est necesse ut planarum instar pendeant.

Testes venas, & arterias à spermaticis vasibus recipiunt; nervos autem à lumbaribus nervis, & nervo costali. Vterque testiculus cremastere, id est suspensorio musculo fruitur, ne vasa spermatica & deferentia comprimantur, laxentur, aut diſtumpantur: cum præterea exterius penduli prominent testes, illi musculi ab illis ad eos demissi sunt, ut sustineantur, & sint motus voluntarij participes.

Testes habent duas tunicas sibi proprias ex Galeno lib. de dissect. vuluæ, & ex lib. Introductorij Herodoti. Interna eius tunica Galeno *δύτρος* dicitur. *ἐμέρα, νευῶδῃ* vocat Rufus Ephesius, hoc est membranæ nervosam. Est autem hæc tunica dura & solida, ac crassa membrana, quæ testium substantiâ intimè immediateq; inuoluit, ut eorum mollem laxamq; carnem

carne[m] fulciat, & vt vasa spermatica ipsis adnectat. Secunda membrana hanc primam exterius ambiens Græcis *ερυθροειδής* dicitur, quia eius externa superficies rubet, propter fibras quasdam carnosas, quibus conspersa est. Alij *ελυθροειδής* vocant, quia in hac tunica, veluti in vagina, siue inuolucro, seu *ενελύτρο*, id est, siliqua, includitur ipse testiculus. Quidam duo exteriora tegumenta testiculis tribuunt: alij vnum. Nos pluralitatem amamus. Primum horum communium *ὄρχων, ὄρχη, ὄρχη, μαρσύτις*, i. bursam, Græci vocant: Cōmuniter tamen seroti vel icortum appellatur; quoniam sacculi coriacei similitudinem refert. Scortea dicebantur antiquitus ea quævis caua receptacula, quæ ex aluta aut pelle constabant. Scrotum autem nihil est aliud præter rugosam illam bursam extimam, testiculos ambos ambiens: quæ quidem nihil aliud ad sui structuram accepit, præter cutem & cuticulam. Altera tunica communis geminos testes ambiens seroto subiacet, & ortum ducere creditur ex ipso panniculo carnosio, siue nerueo.

*Duo alia
testiculorum
tegumenta.*

Quoniam alibi de semine acturus sum, eius naturā hic peculiariter nō examino, sicuti nec illius humoris serosi in glandulis procreati, & libidinem cū in viris, tum in mulieribus excitantis, & irrorantis insuper meatum vrinariū, ne ab vrinæ acrimonia corroderetur, vtq; vesicæ collum lubricum redderet, vt sic facilius ad mingendum excitetur natura. Vide Gal. lib. 14 de vfu part. 9. & 11.

Quarto loco sese nobis exhibēt *ὄροι σπερματικοί* id est ductus siue vasa deferentia, aut ejaculatoria (quæ spermatica Gal. dicuntur lib. 14. de vfu part. c. 10.) numero bina, & ab Epididymidibus quibus continua sunt (ex lib. 1. de semine c. ult.) prodeuntia, & à testium capitibus deorsum ad fundum vsque cum quibusdam gyris declinantia, & veluti repentiā. Inde rursus sursum per eandem viam, per quam vasa spermatica, ascende-
bant, eademque peritonæi productione inuoluta in abdominis cauitatem assurgunt iugrediūturque, & oblique quodam ac flexuoso ductu ad posticam, exteriorioremque vesicæ partem deferuntur, amplificantur, & in vesicas collo vesicæ & penis radici insertas terminantur. Hæc vasa in suo ex epididymidibus exortu crassa moderatè sunt, & fungosa; vt quibusdam placet; & conuoluta vt dictum est: vbi verò paululum à testibus recessarunt sursumque vergunt, videntur teretia, candida, & penè cauitatis expertia, nervisq; simillima; vt nimirum sua hac densitate tutius contineant semen spiritu refertum, adeoque turgidum: quod quidem exilem hanc cauitatem faciliè penetrat, cum igneæ aeræque naturæ sit. Vnicus est horum vasorum vfus, semen in vesiculas relatas transferre.

*Vasa de se-
rentia.*

*Vesica que
seminis con-
seruatrices
dicuntur.*

*Vasa de se-
rentia ner-
uis similia*

*Semen
igneæ ac-*

*reeque na-
tura est.*

*Prostata
glandulosa.*

Quinto loco considerandæ veniunt partes excipientes & conseruantes semen productum; quæ duum sunt generum, vt multis placet. Primum enim vtrinque ad vesicæ collum, iuxta sphincterem musculum sita sunt duo glandulosa corpora, quæ *πρωστάτας αδενειδής* id est glandulosos præfides aut adstites, vel absolutè prostates appellant: sunt enim corpora glandulosa, & candida satis, semen recipientia, idque conseruantia, iu-
crassantia, & perficientia; quæ membranula quadam obducuntur, cæcis-
que spiraculis peruia sunt, ne semen faciliè diffunderet. In ijs ergo semen perficitur & in crassatur, candidiusque redditur, cū idem semen alibi serosum fuerit. Alium præterea vsum hæc eadem corpora habent: irrigant enim vrethram, & vesicæ collum oleosa quadam substantia, ne vrinæ acrimonia eadem vrethra rodatur. Tandem coeundi libidinem

*Semen in
glandulis
prostatibus
perficitur.
Alij vjus.*

eadem vasa adaugent, quia tenuis humor, quem continuò gignunt, pruritum excitar, & tirillationem.

*Prostatæ
varicose.*

Secundum genus partium recipientium semen sunt vesiculæ quamplures, quas *παράσάτας κυρτονδής*, id est varicosos adstites appellant. Hæ vesiculæ pontæ sunt ad initium cervicis vesicæ; inter ipsam tamen vesicam, & rectum intestinum. Sunt autem deferentium vasorum extrema, vnde hæ geminæ sunt, pluribus tamen anfractibus, varicum more, implicatæ, ne videlicet vnico coitu semen exeat. Vnde quasi semper seminis aliquid continere videntur, quod tempore coitus ad vesicæ cervicem exprimunt. Dixi, has vesiculas aliquid fortè seminis semper continere, non autem semper semine prægnantes esse, vt placuit quibusdam.

Verùm hanc doctrinam aliter expendit Galenus lib. primo de semine cap. 15. Vesiculas iam dictas deferentium vasorum extremitates esse dicit, & ex his eisdem vesiculis immediatè semen in penem effundi docet: Anterioria, inquit, igitur, & vena à conceptaculis dorfi (id est, à vena cava descendente & aorta) præsertim per ilia deorsum feruntur, vsque dum ad testium inuolucrum, & appendicem pertingant, quam epididymidem appellant; quasi supergeminalem dicas. Est autem supergeminalis pars quædam animalis gemini, hoc est testis, capiti superimposita, id quod nomen ipsum præ se fert, ex qua multæ nistulæ seroso quodam humore plenæ ad testem permeant. Huic supergeminali arteria, & vena suo illo anfractu, & capiteolo, quem paulò ante dixi, innectuntur: cuique partem quandam exiguam prius quàm testibus committuntur, distribuunt. Iam verò meatus etiam genitales, quem varicosum adstitem nonnulli vocant, inde genituram hausitam ad cois radicem deferit. Et paulo post: Genitalem verò meatum sursum ferri: atque inde rursus, non tamen extra ossa pubis, sed per ipsa penetrantem, super ipsa decliuem tendere, quousque sese applicet ad cervicem vesicæ, cui coles ipse adiunctus est. Lib. 14. de vsu part. c. 12. hæc habet: Cùm enim testes vtrinque radicem *καυαῖ* (sic enim pudendum aliqui nominant) circumstent, si in vasis spermaticis aliud nihil fuisset machinata, non solum non maiora ipsa faminis effecterit, sed multò etiam minora. Longum igitur quendam viæ circuitum ipsis excogitauit, ipsa quidem prius ducens sursum ad ilia, rursus autem per interna deducens ad eum vsque locum, vnde pudendum enascitur, vbi semen erant eructura: quo loco multis flexibus ea contorsit, varicosaque effecit, vndeque plurimum, quoad licebat; amplificando, ac dilatando receptacula ea affluentia seminis comparans innumera. Ex his, & alijs Galeni dictis constat, ex istis vesiculis semen in colem deferri. Quare ergo semen istis glandulis perfici & contineri dicunt Iuniores, cùm reuera corpora illa glandulosa alterius vsus gratia constructa sint: vt ex Galeni doctrina constat lib. 14. de vsu part. c. 9. & c. 11. Primò autem loco voluptatis in coitu cautam inquirens, hæc adnectit: Accedit autem eò aliud præterea quoddam adiumentum non aspernendum à corporibus glandulosis, quæ vtraque parte colli vesicæ sunt locata: in quibus & ipsis humor quidam spermatis quidè similis, verùm tenuior longè continetur. Ecce quomodo semen ad ista glandulosa corpora non ferri indicat; sed in ipsis serosum quendam humorem ad varios vsus contineri dixit, vt cap. 11. citato clarius demonstrat.

*Deferentium
vasorum
extrema,
implicata,
& varicosa
sunt illa
prostatæ,
quæ vesicu
le à quibus
dam appel
lantur.*

*Multorum
error repri
mitur.*

hac serie: Porro qui humor illis corporibus glandulosis gignitur, in meatum vrinarium effunditur, in masculis quidem vna cum semine in ma tri

cem.

cern delatus, in feminis autem & foras in muliebri pudendū effusus. Virilitas autem eius, in vtrisque quidem, tam maribus, quàm feminis, est, quòd ad venerem excitet, quòd in coitu delectet, quòd denique meatum urinarium madore aspergat: in masculis autem propria & præcipua est, qualis feminis in feminis: sunt enim inter se specie simillima, semen quod in testibus feminarum continetur, & humor, qui in glandulosis corporibus marium est; cùm & robur, & calor masculorum detentum in his partibus humorem ita concoquat, vt nihil ei ad feminarum semen desit. Vnde opinor, & meatus, qui ex ijs corporibus proficiuntur, non dubitant vasa spermatica nuncupare: ac primus quidem Herophylus παρατάτας ἀδινιδίς ad est glandulosas prostates appellauit: & quæ testiculis exprostantur παρατάτας κερρονιδίς, hoc est, variciformes, nominare occupauit. Notam sententiam contra plures tuitus est Galen, lib. 2. de semine cap. 6. & ultimo.

Semen muliebri imperfectum & forosum, respectu feminis maris; vt demonstrat etiam Gal. lib. 2. de semine c. 1.

De Pene.

SI quid aliud in mundo nominibus ornatum, est virile membrum: nam sequentibus nominibus ex Græcis à Laurentio diligenter collectis insignitur: καυλός, σάθη, πέος, σέυμιον, τύλος, κιστρος, καλή, ἀγκυκαίον, φαλή, σέβη, σήμα, ἔμβολοι, συργγάδες, τευρον, φλέψ, γυνήμη, ὄρα, αιδώς, δέμας. Latinis variis etiam nominibus donatum. Vocatur enim hirta, muto, verpa, mentula, priapus, scapus, veretrum, coles, caulis, virga, fascinus virilis, cauda salax, neruus fistularis, genitale, virile membrum, virile pudendum.

Nomina tam graeca quàm latina.

Membrum hoc virile situm habet conspicuum, cùm extra imum ventrem pendulum cunctis visus appareat, & ad extremum vesicæ collum appositum, ex cap. 8. lib. 5. de viu part. Est enim corpus neruosum, pendulum, prælongum, cauum, ac omniuaque fistulosum (excepta ea parte, quam glandem vocant) omni humore vacuum, ad venerem concitandum, & semen excernendum aptissimum, sicuti insuper ad urinæ excretionem. Enascitur autem ex superioribus quidem partibus ossium, tanquam ex loco commodiori. Ossibus verò, & non alijs partibus mollioribus implantatum est; quia substantia neruea, & valida, & dura, duram basim, cui inniteretur, exposculabat: tum quod ad ipsius actiones tale fundamentum plurimum confert. Nam in sua erectione vt rectum, ac stabile totum pudendum seruarietur, à corpore stabili exortum esse decuit, vt docet Gal. lib. 15. de viu part. c. 1. & 2. Postquam durum simul & cauum proprium corpus pudendorum esse oportebat, ex osse quidem emergit, non aliter, quàm reliqua omnia ligamenta. Solum autem ex omnibus erit cauum, quòd utilitas ita flagitet, vt cap. primo iam citat. loquitur Galen.

Quid virile membrum

Componitur pudendum ex duobus nerueis corporibus, canali, glande, musculis, venis, arterijs, & præputio præcipuè. Eius a. præcipuæ partes sunt duo neruea corpora orta tanquam ligamenta, vt volunt, a superiori parte ossium ischij, & inferiori parte pubis, vbi inter se coeunt, & tanquàm vnum corpus ad glandem, siue balanum vsque protenduntur. Duo hæc corpora neruea, fistulosa sunt; & eorum internæ cavitates fungotæ & nigricantes, veluti atro sanguine opplere cernuntur, quasi exilibus vasorum extremitatibus intertextus essent occupatæ. Inter hæc duo corpora sita est

Situs & compositio colli.

Colis fistula est vesica collum productum.

Spadones propter curritatem balani semen rectum non emittunt. Quare nec generant.

Quatuor musculi penis. Balani natura.

Præputium.

Præputij cum glandæ nexus. Corona penis. Sutura penis est linea in inferiori parte à balano ad originem protensa. Famen. Vena, arteria, & nervi.

fatis conspicua cavitatis, canalis instar, per quam semen eiacularur tempore coitus; & quotidie vrina; unde eam *ἐπισπάρ*, aut fistulam urinariam, vocant. Hæc autem fistula est ipsius vesicæ collum productum ad extremum usque pudendi, quod nervi illa corpora omnino non pretenduntur. Galen. lib. 15. de usu part. c. 3. de hac constructione ita loquitur: In partibus enim pudendi inferioribus feminis meatus secundum longitudinem exporrectus, medius est constitutus: incubat autem huic nervus cauius: utraq; verò horum parte musculi duo, quod meatus, ceu à manibus quibusdam in utramque partem distractus dilataretur, toto pudendo stabili manente: futurum verò sanè erat, ut meatus latitudo per huiusmodi constructionem conservaretur. Utile autem est meatum, dum semen excernitur, lausissimum simul, & quam rectissimum servari, quo semen totum sibi ipsi continuum conferim, quam celerrimè ad matricem sinus perueniat.

Recentiores quatuor musculos in pene admittunt, quorum duo à superiore ossis ischij parte oriuntur, ad posteriorem penis partem in longitudinem coextenduntur ad iuvandam feminis excretionem. Alij duo musculi à lateribus ossis pubis orti, ad latera per longitudinem extenduntur, ut penem erigant, dilatentque.

Accedit, tanquam caput, corporibus nervosis carnea, spongiosaque quædam glans *κόρυς* Græcis. Mollis est, ne utrum ladat in coitu; acuminata, ut faciliè introeat. Sensu satis exquisito prælita est, ut vel levi eius pruritu ad coitum quis exciteur. In sua substantia, licet spongiosa videatur, non caua, sed solida interiùs est: membranula quædam obtegitur. Lib. Introduct. de glande hæc habentur. Cæterum summities peni: *κόρυς*, id est glans dicitur, in quam fistulosus nervus non ingreditur: ob id æqualem temper habet magnitudinem. De præputio eodem lib. & lib. 2. de semine, & 14. de usu part. hæc habentur: Cuticularis excrescentia intus caua, quæ glandem tegit, *πρόθη* appellatur: Latinis præputium, à putando. Pars prominentior præputij *ἀκροποδών*. Præputium verò est pars cutis totius penis: ut cuius inaretur. Glans præputio colligatur vinculo quodam; quod *κύν* vocant, & *κυνδέσμος*, id est, caninum vinculum. A quibusdam *κάλυος*, id est, frænum, noula. Circulus instar coronæ glandem cingens *στέφανος*, id est corona, appellatur. Interior penis pars in longitudinem vergens, *σφήν*, quasi sutura vocatur: quæ verò ad usq; sedem producitur *ταῦρος*: ut habetur lib. Introduct. Spacium penem & annum intercedens *πρωϊνῶν* Græcis, Latinis fæmen, aut interfæmineum ex Gal. lib. 1. de locis affectis, & comment. 80. lib. 4. aphorismorum. Pars autem non pendula & ventri proxima *ὀπίσθημα* dicitur: pars autem pendula, & quæ deorsum fluctatur *σήμα* nuncupatur. Plures suscipit penis venas & nervulos, ut vi sanguinis & utriusq; spiritus non solum nutriatur, reficiaturque, verum etiam, ut tempore coeundi membrum antea rugosum distendatur, quæ quidem subita distensio non nisi ab aere aut spiritu propriè fit: teste Galeno lib. 15. de usu partium c. 1. A medulla ossis sacri nervulos quosdam penis suscipit, & panniculo tandem nervo, siue carnosio, cute, & cuticula contegitur.

Gal. lib. 15. de usu part. c. 1. rationes reddit, cur penis non fuerit ex alijs partibus, quam ex prædictis nervis fistulis constructus. Si enim esset os, semper rigidus perstaret, & matrici noceret: non fuit factus ex meris ligamentis, quia hæc sensu carent, & cavitatibus: non ex tendinibus, quia non sunt excauati, nec satis duri: non est cartilago, propter huius duri-
non

non glandula, nec caro, nec cutis, propter harū molliē: non neruus; quia hic mollis, & cavitatibus expers: non vena; quia tensionem nimiam sine ruptionis periculo non tolerat: tum quia vt subitō erigeretur & flaccesceret, sanguis ad has functiones celeriter efficiēdas ineptus est: nam sanguis nec celeriter replet, nec celeriter euacuatur. Aer enim solus, aut spiritus promptē suppeditari potest aut euacuari. Quare hic solus capax est, distensionem subitanē conciliare: & eius euacuatio partium confensionem. Penis a. non fuit factus arteria, tum ob dictas rationes; tum quia perpetuo motu dilatationis & contractionis infestaretur, si esset arteria

*Solus aer
aut Spiritus
promp-
te inflat.*

Vtus præcipuus penis est semen asseruatum in prostaticis glandulis, vel potius in vehiculis supra descriptis, ibique turgens, ad vteri sinus ejaculare.

Penis usus.

De Partibus generationis mulierum.

IN mulieribus æquē ac viris quatuor præparantia vasa à vena caua descendente & aorta eodem modo protensa, reperiuntur. In testiculos integra, vt in viris, non absumentur: sed maior pars in testiculos, quē inibi epididymides flexuosas & implicitas, vt in viris, efformāt: minores verò eorundem vasorum rami ad vteri fundum disseminantur. Gal etenim lib. 14. de vsu par. c. 14. & vltimo probare videtur Mulierū testes epididymidibus carere; sed vult, vt existimo, mulierum testes non habere epididymides eminentes more testium virorum, qui multo maiores sunt mulierum testiculis. Non enim vasorum reuolutionem in testibus denegauit Gal. vt loco mox citando dicemus.

Testes mulierum, quibus inserta sunt prædicta vasa spermatica, lateribus fundi vteri vtrinque diuisi & distantes accumbunt. Situm. n. habent interiūs suprā lumbares musculos. Annexi sunt testes lib. 2. de semine c. 1. vuluis ex vtraq; parte alter, vasorum reuolutionē excipiētes similem, vt in maribus, nisi quod in eundem locum non protenditur: non enim erat opus feminæ, quemadmodum mari, extra, sed in ipsas vuluas semen effundere, vnde hæ, quasi occurrentes seminali meatui, oblongos quosdam processus à lateribus exigunt, quibus semen excipiant. Hæc Galen. cum Herophylo, cuius doctrinam à Galen. loco citat o productam viueas.

*Situs testium
mulierum.*

Mulierum testes multò minores, molliores, frigidiores, planioresque sunt, quam virorum testiculi; vesiculosi iidem, nec æquē rotundi ac virorum: nam parui sunt, & leniter pressi, glandulis persimiles; vt loquitur Herophylus apud Gal. cit. loco: & quoniam molliores sunt, quam virorum, molliores etiam habent epididymides. Vnica simplici membrana tunica vterque circumdatur, vt loquitur Herophylus; qui etiam rectē monet, eos non vno scroto ambiri, more testiculorum virorum. Carne verò fragiles sunt, perinde vt in maribus. Cum feminæ viris frigidiores sint, rectē à natura interiūs tanquam in loco calidiori ad seminis confectionem, situm habent. Quod autem semen conciant mulierum testes, per se patet: nam alioquin à natura frustra essent constructi. Denique ex suis feminis dum testes abstrahuntur, masculis castratis assimilantur, teste Gal. lib. 1. de semine c. 15. quod indicio est, testes habere vim faciendi semen; vtrumque enim semen, tam masculinum, quam femini-

*Status testiculorum
mulierum.*

*Interius situm habent
mulierum
testes, &
quare.*

*Mulierum
testes semine
efficiunt.*

num,

num, ad fetus productionem concurrir, vt lib. de genitura affirmat Hipp. qui ideo à Gal. lib. 2. de semine c. 1. citatur; hancq; Hipp. sentent à aduersus Herophilum, Arist. & Athenæum pro virili tueretur lib. eodem 2. de sem. cap. 1. & 4. licet enim muliebri semen viri semine serosius sit, coctum tamen crassumque esse potest, vt testatur Galen exemplo viduæ, de qua libro 2. de sem. c. 1. sic loquitur: Quemadmodum etiam nunc in muliere, quæ vteralibus morbis vexabatur, in vuluum prius, deinde ex ea foras & copiosissimum & crassissimum semen effluere visum est. Eodem cap. varios scæ. sinei seminis vsus ponit: Potest, inquit, natura ex eo intestinale inuolucrum constituere. Potest esse alimentum virili semini. Potest etiam ex vtrisque commixtis vnum perfectum semen conflare. Fœminæ denique vt viri sine congressu in somnis semen emittere consueuerunt. His omnibus probat Galenus fœminas semen vtile atque prolificum generare.

Varicofas prostratas, siue vesiculas in fine vasorum deferentium varicum instar in viro formatas, mulieres non continent; sicuti nec glandulosas prostratas. Nam horum omnium vice vasa deferentia sufficiunt.

Vasa deferentia.

Duo seminalia vasa, deferentia communiter dicta, à quatuor præparantibus, quibus continuantur, deorsum feruntur, & in vteri cornua absumuntur, vt tempore coitus semen illinc in vteri fundum diffundatur; vt omnes communiter docent post Gal. lib. 2. de semine c. 1. Laurentius tamen à communi hac opinione recedens ait, tota deferentia vasa in vteri cornua non oblitterari, sed in duos ramos diuidi; quorum amplior breuiorque in vteri latera, cornua dicta, fertur: alter angustior, sed multo longior per latera vterini corporis inter membranas excurrentes ad finem oris interni, vel in principium ceruicis desinit. Illo ampliori ramo semen in vteri fundum eiactulantur mulieres. Sed postquam mulier concepit, vterusque contrahitur vndique, conuietque, per minorem illum ramum, semen in ceruicem vteri effundunt, ne internum os vteri tempore coitus in prægnantibus aperiatur, & abortus prouocetur. Vnde propter longitudinem huius ductus grauidas in coitu magis oblectari putat Laurentius, quam prægravidas. Dicitque præterea hos ductus in grauidis esse conspicuos, in mulieribus autem, quæ non conceperunt, obscurissimos. Atque tandem se primò hunc ductum in vtroque vteri latere descripsisse. Sed vir alioquin doctus sibi arrogat, quod suum non est: Nam Gal. loco à nobis citato contra Herophilum ait, meatus feminarios, siue deferentia vasa, in vteri cornua absumi. Herophilus autem apud Gal. docet præfatos ductus deorsum ad vteri latera extendi ad ceruicem vique vesicæ, Herophili verba sunt hæc. Seminalis porro meatus vtrinque non admodum apparet, qui ab exteriori parte vuluæ inhæret, alter à dextro latere, alter à sinistro, reuolutusque est, quemadmodum in maribus prioremque partem, reliquamque omnem ferè varicosam vique ad finem habet: qui ab vtroque teste non secus atque in maribus, ad carnosam ceruicis vesicæ partem interitur in anteriore parte tenuis & tortuosus, quæ coxarum ossa attingit, quo etiam desinit, introque ab vtraque parte ad cunnum penetrat. Varicosus assistens in femina minimè inspectus est. Ecce Herophilus aiens vasa deferentia ad vesicæ ceruicem, & in cunnum penetrare. Ego Laurentius non fuit primus inuentor horum ductuum. Et videtur præterea velle quosdam meatus ad vteri cornua admittere, vti recit Laurent. vt indicant illa verba: qui ab exteriori vuluæ parte inhæ-

Laurent perstringitur.

ret,

ter &c. Cùm enim de exteriorē loquatur, interiorē visus est præsupponere; quia particula (exteriorē) discrimen ponit inter interiores ductus, & exteriores.

De Vtero.

GRæci varijs nominibus vterum nuncupant. Vocatur enim *μητήρ*, id est, mater, quia fatuum mater est. *ὑστέρα*, quia vltima vltimum, non genita, sed sita est. *ὑψιδυν καὶ ἀγγεῖον κυντήριον*, id est, vas fatuum conseruans aliqui appellauit. Dicitur *δελφύς*, quod germanos procreat fatus. *ἀγγεῖον*, quasi con- eptaculum vocat Hippocr. lib. 6. Epidem. Vide iis alia nomina apud Laurentium. Latine vterum, Plinius vtriculum quia in eo, tanquam in vtre, fatus continetur. Dicitur vulua, quasi valua, aut volua. Lucilius bulgam, quasi folliculū & loculum. Arist. locos, & membrum seruile.

Sita est vulua inter rectum intestinum, & vesicam, tanquam in conuenientissimo loco, utpote in quo tempore prægnationis extendi possit, & perfectum reddere fatum, semenque tempore coitus admittere, ut habet Galen. lib. 14. de vlt. par. c. 3. Eodem etiam lib. c. 14. rationem situs vteri, quem ei statuit lib. de dissec. vuluæ c. 1. & 2. reddit, aiens rectum intestinum retro vterum se habere instar substerniculi, vesicam verò à parte anteriore instar propugnaculi. Locis eiratis de dissec. vuluæ docet vteri fundū paulò altius vesica versus vmbilicum extendi, vesicæ tamen collum deorsum protensum cunnum in longitudine excedere. Hunc vteri situm commemorat Hipp. lib. de articul.

Magnitudo vteri inæqualis est ut docet Galen. lib. de dissec. vuluæ cap. 2. nam iuniores, & quæ non conceperunt fœminæ, minorem, quàm prægnantes possident vterum. Fundum habet iuxta vmbilicum: inferiorem, sui partem ad cunnum protendit. Atque locus vnde incipit ad exteriorē cunni terminum, non æqualis in omnibus: ut plurimum tamen vnde eim digitorum spatium est: in latitudinem verò ad vtraque illa suis cornibus porrigitur. Cunus est ea inanitas, quæ inter ossa pubis penetrat, extrinsecus pelliculam quandam innatam habens virorum præputio correspondere.

Figuram vesicæ vteri fundo tribuit Gal. lib. de dissec. vuluæ c. 3. ratione tamen cornuum, inquit, à vesica differt. Cornua ex Herophilo dimidiato circulo assimilantur. Anatomici communiter magni pyri, aut nucis seu pomi pinci, aut seroti inuersi figuram ei tribuunt. Soranus cuneibitæ medicæ figuram ei cecedit.

Libro de dissec. vuluæ c. 6. duas vtero tribuit tunicas Gal. Externam vnam eamque, nervosam, & validam, quam a peritonæo suscipit, & medianæ qua vteri corpus debet vicinis partibus colligatur: alteram internam, eamque propriam, quam venosam propter innumeras venas appellat, quæque carnosam communiter nuncupât. Decuit vterum membraneum esse, ut sese circa fatum colligat, distendi; pro ut necessitas exposcit, tempore prægnationis & partus, possit. Propria illa & interna tunica carnea est, ut sua caliditate fatum foueat: triplici fibrorum genere gaudet; rectis, ut semen vni è sua cervice in suum sinum attrahat vterus: obliquis fibris ut fatum retineat, reliquæque ei pergrata: transuersis, ut fatum, secundinas, men-

Nomina.

Vteri situs

Vteri magnitudo & termini.

Figura vteri.

Duplici constat tunica.

Triplici fibrorum genere constat.

menstruum sanguinem, mucum, aliasq; infestantes res excludat. Gal. lib. 14. de usu part. c. 14. hoc triplex fibrarum genus admisit.

*Crassities
uteri,*

Spissitudinem siue crassitiem vteri tum ratione ætatum, tum occasiōū examinat Galen. lib. de diffec. vul. c. 8. Cū mēstruorum purgatio instat, crassa plane vulua ac tumens apparet, utpote sanguinis humiditate irrigata: e contra tenuis & arida, dum tempus purgationum longissimè abest. Lib. 14. de usu par. c. vlt docet Gal. vterū pręgnantiū esse multo tenuiorem seipso reliquis temporibus, quod tunc profunditas in latitudinem sit assumpta, more rerum omnium quę dum dilatantur aliquid suę spissitudinis amittunt: Contra tamen hanc regulam, & communem Medicorum consensum Laurent. asseuerat tempore pręgnationis, & præcipuè postremis mensibus, vteri crassitiem ad æqualem crassitiem duorum digitorum. Pręgnantibus autem, inquit, iam non membranea videtur substantia, sed tota ferè carnosa, fungosa, spongię similis, in multas cortices fungorum, more facilè diuidua, vt sanguinis, & spirituum copiam pro fætus alimentō, & vita contineret.

*Vena &
arteria v-
teri.*

A vena caua & aorta, duę venę, & duę arterię, vna vtrinq; vena à vena, arteria ab arteria, exoriuntur: quarum altera à dextris ad dextram, altera à sinistris ad sinistram vuluę partem delata, priuſquam in ipsam ingrediatur, ramulos quosdam ad testes porrigit. Deinde in corpus ipsius vuluę vtraq; vnita, ipsum intexit. Ita Gal. lib. de diffec. vuluę c. 5. venas & arterias vteri examinans. Communiter ab Anatomicis duę quidem venę, & totidem arterię pro vtero statuuntur. Vna venarum, eaq; minor, à spermatico ramo descendit; altera, eaq; maior, ascendit, eiusq; quidam riuū cum illius riuīs committuntur. Ambę sparsim inter duas vteri tunicas excurrunt. Hypogastrica tamen, quia amplior, ampliores furculos nō solū per externas partes spargit, sed etiā ad internas, tum corporis partes, eiusq; colli superficiem promittit: quorū furculorum ora interiūs vergentia, *κατυλιδες*, seu acetabula, per quę fætus vtero iungitur, & ex quibus alimentum trahit, appellantur. Quidam riuuli huius hypogastrici rami ad extremam vsq; ceruicem protenduntur, per quos in grauidis ipsis, & *virgūculis* tantillū mēstrui sanguinis extra defluit. Par arteriarum similiter per vteri corpus disseminatur, multō tamen venis exiliores sunt. Neros quāplures à sexta coniugatione ramorum, tum à lumbari, & sacra medulla, vterus suscipit. Vnde consensus & sympathiā vteri cum cerebro, & præsertim postico, siue cerebello; Hysterica ideo passione laborantes mulieres, veluti apoplectica aliquando decumbunt.

*Hysterica
sape visun-
tur apople-
ctica.
Nexus.*

Vterus varijs partibus, mediantibus quibuidam vinculis, connectitur: Hepati, cordi, & cerebro per venas, arterias, & neruos. Tenuibus quibusdam fibris recto intestino, & vesicę; sed vesicę pluribus annectitur; vt loquitur Galen. lib. de dissectione vuluę c. 4. Sacro item ossi alligatur firmis quibusdam vinculis & neruorum & musculorum. Dependet etiā totidem nexibus ex lumborum vertebri: lumborum, n. magni musculi vtrinq; processus quosdam satis magnos promittunt qui tum in vtrasque vuluę partes, tum in ceruicem vesicę, tum in sedem distribuntur: Atque hæc vincula laxa omnia sunt: Vnde efficitur, vt latè & moueri & transtormari vulua possit. Vesicę & principi intestino, siue recto, ad ceruicem tantum membraneis, & arteriosis partibus modico cum adipe coniungitur, atq; vnitur; ita tamen, vt resolui excoriando possit: adeo verò exacta agglutinatione ea est, vt vna & eadem caro efficiatur. Testes verò & seminarios

mea-

meatus agnatos habet. Cunno a. ceruicis extremitate, committitur. Hæc Gal. cit iam cap.

Recentiores Gal. diligentiam in enumerando variam connexionem vteri cum reliquis partibus, omittentes, duo ligamentorum vteri genera proponunt; communia, & propria: communia sunt venæ, arteriæ, nervi, quibus vicinis & principibus simul annectitur. Ex tribu communium vinculo-
rum videtur esse peritonæum, quod omnia ab inferiori ventre comprehensa colligit. Propria ligamenta sunt numero quatuor: quorum duo superiora sunt lata & membranosa, quæ in vteri fundum propè, & inter cornua inferuntur, quæque ossibus spinæ eundem vterum copulant, connectuntque, ne vterus tempore prægnationis præsertim deorsum à pondroso fætu trahatur; aut dum libidinis furis agitatur, non deorsum tantum, sed extra os pubis per proprium collum ad cunnum usque rapiatur; quemadmodum aliquoties contingit in affectu illo, quem vteri lapsum vocat, qui ob nimiam ligamentorum laxitatem contingit. Verum cum dicta duo vincula ad coercendos omnes violentos vteri motus, non sufficerent, natura aliud vinculum par concessit: exiguos scilicet musculorum istos à Galeno commemoratos, qui cum subrubri sint musculorum ritu, musculi vterini cremasteres à quibusdam dicuntur nam veluti suspensorij sunt, ascendentes ab vteri lateribus ad inguina, perforantes in suo ascensu peritonæum, & extrema musculorum abdominis, donec tandem in ipsa pubis ossa feriantur, & in adipem ad membranas ossa inuestientes oblescant. His non raro nimium dilatatis bubonocèle mulieribus superuenit. His autem vinculis in hysterica passione, qua vterus iam ad latera, nunc verò ad hepatis & supernas partes vergit agitaturque, veluti foris, reseratur.

Vterum tandem in varias partes distribuunt. Antiqui in fundum & collum dispeſcunt; Recentiores minutius in quatuor partes: Prima est fundum vteri: Secunda internum os vteri: Tertia est collum ipsum, siue ceruix. Quarta est externum colli os quod pudendum cunnumue appellant. Fundum vteri est ipsius corpus, seminis receptaculum, & fætus conseruatorius locus. Est enim in hoc vteri corpore capacitas continendi fætum, non solum vnum, sed geminum, imò triplicem. Vidi enim Tolosæ vxorem pistoris Mastori, quæ vnico partu tres grandes filias enixa est. Comitina Hollandiæ olim tot peperit fætus, quot sunt in anno dies. Galenus lib. 14. de vsu partium cap. 4. cunum, & suum matricibus varias cavitates pro numero fætuum tribuit; quibus fætibus exterius mammarum numerus correspondet. Pariter duos in mulierum vteris admittit sinus, dextrum vnum, alterum sinistram: fecit enim sagax natura, ut vult, numerum sinuum aequalem numero mammarum, ex quibus fætus in lucem editi lac ad sui nutritionem exugunt. Sic enim ex numero binario mammarum in mulieribus geminum in vtero admittit sinus Gal. Qui, ut opinor, iuxta communem antiquorum doctrinam loquutus est. Ordinariè autem vnicum fætum mulieres edunt, aliquando plures, ut dixi. Ex numero ergo vberum numerus cellularum matricis non est colligendus. Vnica enim cavitate prædita est; quæ tamen linea quadam, velut inserto vistrum, in dextram & sinistram partem diffinitur, de quibus Hippoc. lib. 7. aphorism. 48. ait; mares in dextris, fæminas in sinistris contineri. Idem inuit aph. 38. eiusdem libri de geminis agens.

Secunda vteri pars est eius internum os *στόμα τῶν ἐσπεῶν* id est vteri orificium Hippocrati dictum. Angustum hoc est & præcipuè conceptionis

Duo ligamentorum vteri genera, iuxta recentiores

Vteri lapsum unde procedit.

Bubonocèle mulierum.

Vteri distributio.

Fundum vteri.

Proles multiplex.

Interpretatio verborum Gal.

Vteri orificium.

tempore, vt statuit Hippocr. Alijs etiam temporibus semper conuiuet nisi quando aliquid recipit, vel excludit. Exterior huius orificij pars virili glandi, siue balano assimilatur; vt docet Gal. Tinchæ pisci, aut ori canis secundum aliorum sententiam.

*Vteri col-
lum.*

Tertia vteri pars est collum siue ceruix, instar vaginæ virile membrum tempore coitus suscipiens, & tempore partus fatui exitum tribuens.

Hymen.

*Verum
hymen sūt
quatuor
caruncula*

In medio ceruicis vteri membranam quandam transversim sitam & in medio perforatam multi cum antiquis statuunt; quæ Græcis *ὑμὴν* Latinis hymen, & virginale claustrum appellatur: quoniam ea dilacerata in primo coitu venulæ eius disrumpuntur, sanguis exit, & virginitas amittitur. Sed multi oculatissimi, vt Pineus, Laurentius, & alij, nec in puellis, nec ipsis fatibus fæmineis, talem inuenere membranam: Quatuor ergo carunculas iuxta externū orificium sibi arcte colligatas virginitatis claustrum statuunt. Vñ & constitutionem colli vteri ad amussim prosequitur Galenus lib. 14. de vsu partium c. 3. vbi plura notatu digna refert.

*Ceruicis
orificiū vul-
gō cunni,
& eius di-
stributio.*

Quarta tandem vteri pars, est colli siue ceruicis orificium, muliebri pendendum dictum, Græcis *αἰδοῖον* *ὑποκρίνον*; vocatur etiam nomine vuluæ, & laruæ. Circa cunnum plures partes considerandæ veniunt: Prima exterius pubes, Græcis *κτῆς* *τριχόσις*, *ἐπιστήριον*, Latinis pecten, monticulus Veneris, aut mons Veneris, aut collis Veneris protuberans & pilis ornatus. Secunda pars primò occurrens, est duplex pudendi labrum, cutaneum, spongiosum tamen, & adipe non paucò repletum: Vtrinque ad magnæ rimæ latera iacent. Tertia pars est magna rima, eaq; cōspicua Græcis *σχίσμα*, Latinis scissura, pudendi fissura. Sursum ad pubem, & deorsum iuxta anum protenditur: estque longior ipso pudendi collo; quia in partu collum, vtpote membranofum, facile dilatatur: imò si penis oblongus est, in coitu prolongatur, decurtatur verò, & obuium fit, quoties mentula breuior est. At v. fissura, quia cutacea est, in partu sine laceratione distendi ampliariue non posset: quare prouidè ab authore naturæ ei concessa fuit idonea longitudo in adulta ætate, ne eius breuitas partui obsteret.

*Prima pars
latitans.*

*Alarū v-
lus.*

Prima latitantium pars sunt *πτερυγία*, seu *πτερυγώματα*, Latinis alæ; quæ statim at que pudendi labia separantur, conspicuæ occurrunt; spongiosæ naturæ sunt, & ita aliquandò prominent, penilesque exterius apparent, vt cogantur interdum, præ earum prolixitate, mulieres eas scindere decurtare: Quod præcipuè faciunt Egyptiæ mulierculæ. A natura institutæ sunt, vt ab externis iniurijs, aeris præsertim, vterum vesicamq; defendant. Alium præterea vsum habent, vt exterius è rimæ fundo vrinam, tanquam inter duos parietes, euehant, deducantque: quæ alioquin pudendi labia conspurcarent, si ea meiendi semper tempore contingeret: alæ autem sæpè prohibent, ne ea vllatenus pertingat. Dicuntur autem Nymphæ, quia aquis præfunt, id est, ex meatu vrinario per has vrina, quæ aquea substantia est, veluti euehitur. Secundò, sub alis in virginibus occurrunt quatuor exiguæ carunculæ, valvularum instar, quæ mediantribus quibusdam membranulis inter se coeunt: Harum vna vesicæ orificio præest; in inferiori parte ano proximior altera sita est caruncula: alæ verò duæ lateraliter sitæ sunt, id est, vna vtrinque veluti fixa; formam exterius referunt garyiophylli hortensis, seu floris veronicæ nondum explicati: & virginale claustrum, & vetū hymen constituunt Pineus, atq; Lauren. sed hic præcipuè. Laceratis a. istis membranulis carunculas colligantibus; & at-

*Secunda
vna qua-
tuor carun-
cula.*

*Verum hy-
men.*

tritiss

nitris in eodem primo coitu eisdem carunculis, flos virginalis deperit, & sanguinis guttulæ exeunt. Vnde post coitum dictæ carunculæ seorsim satis conspicuæ sunt. Vfus habent varios hæc eadem carunculæ. Primus est, ut vnâ meatum vrinarium tegant. Secundus, ut omnes impediunt introitum aeris, alteriusue rei puluerulentæ in uterum & vesicam. Tertius, in venereo congressu virile membrum suauiter titillant, & quia spiritibus tunc refertæ turgidæque sunt, idem virile membrum, tanquam manu, satis arte comprehendant. Tertio tandem in superiore anterioreque vuluæ apice sese exhibet particula quædam oblonga, ex duobus ligamentis cauis ab ossibus pubis ortis constans; partes illæ caux intus spongiosæ sunt, & atro crassoque sanguine refertæ, eo modo, quo membri virilis fistulæ: exiles præterea musculos, quatuor numero, habet. Istis ligamentis imposita est glandula quædam virili glandi consimilis; & ut glans virilis, præputio contegitur, ita & hæc. Et in hoc tantum à membro uirili hæc pars discrepat, quod non emitat semen, ut virile. Penis autem famineus, aut mentula muliebris Laurentio, Clitoris Fallopio, Tentigo Albucasi, Albatia Aui-cennæ, Amor, & dulcedo Veneris Columbo dicitur. Vsum habet consopitam uenerem excitare, quoties perficitur. In quibusdam mulieribus extra rimam pender instar penis: quare multæ mulieres, præsertim quæ uirili coitu carent, sese mutuo perficiant, & ueluti coeunt. Vnde fricatrices, seu uribades appellantur. Latitat maiori ex parte in pinguiore pubis parte. Hactenus de partibus in imo uentre contentis.

*Caruncula
rum usus.*

*Tertia
pars laci-
sans.*

*Clitoris u-
sus.*

CAPUT VIII.

De Thorace.

DVm corpus in suas regiones varias diuiderem, Thoracis naturam breuiter exposui. *Θώραξ* enim a *θώρα* id est salio, deriuatur, ut aiunt; quia cor in eo contentum extrorsum intorsumque vicissim saltare videtur. Stoici ideo dici, quod mentem, Diuinam animi partem, contineat, asserunt: à quibus non multum recedere videtur Aristoteles, qui cor omnium facultatum præcipuam sedem, & solitariam partem principem constituit. Thoracis naturam & usum declarat Gal. lib. 8. de anat. administ. c. 1. lib. 6. de usu part. c. 2. lib. 7. eiusdem operis cap. 20. Thorax autem est totum illud, quod a costis comprehenditur, ut locis citatis de anatom. administ. loquitur Gal. qui etiam citat. cap. 2. lib. 6. de usu partium eum paulò prolixius describit. Quod igitur à costis utrinque circumscribitur, pertinetque anteriore quidem parte ad pectorale os, ac septum transversum; declinat verò posteriore ad spinam, ac reflectitur, hoc totum spacium Medici consueuerunt appellare thoracem. Elatior, siue superior thoracis terminus, clauiculæ vulgò dictæ existunt; quemadmodum denitior, siue inferior pars, septum transversum, quod *σπέραι* & *διασπέραι*; Græci nominant. Vtrumque thoracis latus duodecim costis cum musculis varijs, venis, arterijs, nervisque, & pleura constat. Sedes omnibus costis duplex est: prior *στέρνον*, id est pectoris os, posterior vertebræ sunt: quæ totidem numero præterea, quot & costæ, habentur, Thoracis latera *πλευρά* appellantur, *παρίσπαρα* pariter, siue costæ: anterior pars

*Thorax
unde dici-
tur.*

*Quid tho-
rax.*

*Termini
or partes
thoracis.*

σῆθος, id est, sternum & pectus, quod cartilagine ensiformi ad ventriculi orificium tendente terminatur. Posterior pars πῶτον, & ὑποταχυλίον, id est dorsum & tergum. Superiora tergi latera ἀμοπλοῖται & πτερυχία, id est scapulæ, & alæ. Thorax cordis conferuandi gratia, tanquam conueniens munimentum, constructus est.

Vsus.

*In continē-
tia & con-
tenta diui-
ditur.*

Thorax, non secus ac venter inferior, in continentes, & contenta diuiditur: continentium partium quædam sunt communes & quatuor numero, vt cutis, cuticula, pinguedo, panniculus carnosus, aut nervosus: membrana communis musculorum additur; aliæ sunt propriæ, vt musculi, ossa, cartilagines, membranæ, quibus addamus diaphragma. De musculis, ossibus, & cartilaginibus, suis in locis, hic peculiariter de diaphragmate, & pleura. Contentæ thoracis partes sunt, cor, pericardium, arteriæ, pulmones, mediastinum, thymus, œsophagus, vena cava ascendens, de qua egimus; sed de reliquis contentis deinceps.

Vsus.

Thoracis, siue medijs ventris vsus est, vt sit cordis tutela. Est enim eius tutissimum domicilium, teste Gal. lib. 6. de vsu par. cap. 7. Cor illinc ad infernas supernasque corporis partes calorem liberaliter diffundit, vt cuiusvis partis insitus calor, eo foueatur, reddaturque ad functiones suas obeundas idoneus. Thorax, quoad partes osseas & cartilaginofas præcipuè, ab externis iniurijs. hunc vberitimum caloris natij fontem tuetur. musculorum ope ipsum calorem expurgat, refrigeratque. Quod vt clariùs percipiatur, in memoriam reducere par est, calorem natium duplici via resciri, atque conferuari; transpiratione nimirum, & respiratione. Transpiratio fit dilatatione, & contractione arteriarum, quæ in cutem desinunt; quæque in diastole siue dilatatione externum aërem attrahunt, vt calor natius aeris frigiditate contemperetur, & pars eius, quæ à fumoso vapore, & ob defectum flabellationis suffocatur, ventiletur, reaccendaturque. Eadem arteria in sua systole siue contractione, constrictioneue fumosos, fuliginososque vapores spiritus accedentes, & calorem natium, sed præcipuè influentem, suffocantes, extrorsum deturbant. Transpiratio ergo habitus corporis, calorem hac via conferuat. Archigenes apud Galenum arterias in systole siue constrictione attrahere, & consequenter repleti aiebat; in diastole verò, siue dilatatione euacuari, & excernere: quia dum labia angustantur & nares, tunc inspiratio fit. Sed

*Archige-
nes per-
stringitur.*

deceptus est: nam aliqualis illa angustatio labiorum & oris fit, quando thorax dilatur, & attrahit: sicuti in digitis fit, qui dum attrahuntur à musculis versus originem, tota manus maiorem cavitatem parit. Illa ergò labiorum, & narium aliqualis angustia fit, quia eorum musculi ad suam originem retrahuntur, tum quia magna aeris ingredientis copia, suo impetu, dum attrahitur, labia naresque claudit, vt in rebus inanimis, & mollibus fieri cernimus. Respiratio autem cordis causa fit, vt habet Galenus lib. 6. de vsu par. ca. 2. Est enim motus animalis dilatatione thoracis, & constrictione constans, vt cordis calor conferuetur. Thoracis dilatatione inspiratio fit: eiusdem contractione expiratio. Inspiratio itaque, & expiratio sunt respirationis partes; quæ non more transpirationis, ope motus naturalis arteriarum factæ, perficiuntur, sed motu animali, musculorum ad suam originem retractione. Effervescens cordis calor aere frigido inspirato temperatur, attractione mediante dilatatione refrigeratur, ventilaturque; & ex eodem aere, & tenuiori sanguinis parte spiritus vitalis de nouo generatur. Expiratione autem, quæ thoracis & diaphragma-

*Respiratio
quid.*

*Spiritus
vitalis ge-
neratio.*

us.

tis constrictione fit, quidquid in corde feruet, & quasi combustum, ac fuliginosum est, ex ipso thorace per trachæam arteriam effunditur. Respirationis instrumenta in triplici sunt differentia. Prima sunt mouentia, quæ sunt musculi numero sexagintaquinque, qui thoracem distendunt, ut aer inspiretur, & contrahunt, ut fuliginosi vapores excludantur. Diaphragma musculis annumerandum. Secundum genus instrumentorum respirationis, deducuntur dicuntur: & sunt larynx, ac trachæa siue aspera arteria. Larynx n. est asperæ arteriæ caput, & veluti cooperculum, cuius rimulæ superponitur epiglottis. Tertium genus instrumentorum respirationis, excipientia dicuntur, & sunt pulmones, qui aerem recipiunt exterius, & vaporem humidum à cordis ventriculo sinistro. Vnde cor, pulmo, & thorax principalissima spiritus, i. respirationis instrumenta dicuntur lib. 8. de anat. adm. c. 1.

*Tria respi-
rationis in-
strumenta.*

De Diaphragmate.

Teste Galeno lib. 5. de locis affect. c. 3. Plato primus fuit, qui *διαπράγμα*. *διαπράττειν* id est diuidere appellauit, id quod Hippocrates lib. de Virginitum morb. *διαπράξις* dicitur. Aristoteles *διαζωα*, *ὑποζωα*, & *σπρίζωα*, Latinis cinctus, cingulum. Celfo septum transuersum; septum, quod naturalia membra à vitalibus, parietis instar, diuidat; transuersum, quod trans corpus ab anteriore ad posteriorem partem, & ad latera extendatur: Vnde ab Hippocrate in coacis prænot. *διάτασις* appellatur. Prisci tamen cum Philosophi tum Medici, & præcipue Hippocrates, tum Poetæ *σπένος* à *σπένειν*, id est prudenter se gerere, aut à nomine *σπένω*, quod mentem significat derinari putabant: non quod prudentiæ aut iudicii particeps; sed quoniam tantam cum cerebro habet sympathiam, ut eo, inflammatione præsertim affecto, cerebrum delirio, eoq; continuo, tanquam ipsummet inflammaretur, afficiatur. Diaphragma, quod cordi præsit, præcordia appellatur.

Nomina.

Diaphragma est musculus Rhaia piscis figuram referens, & obliquè, ac transuersim pectoris ossi, notharum costarum extremitatibus, & superioribus lumborum vertebis, medianibus duobus, tendinibus alligatus, ad varios usus edendos. In duos dirimitur circulos, in internum, siue medium, eumque membraneum atq; nerueum, fibras quamplurimas ad partem carneam, versus circumferentiam, emittentem; & in externum circulum, eumque carneum. Internum circulum communiter principium, & caput Anatomici statuunt, à qua tamen opinione Laurentius defecit, dictum circulum finem & caudam constituens: cui libentius hærerem, si cum alijs non dixisset, supremis lumborum vertebis duorum tendinum interiectum diaphragma annecti: tendines autem, omnium Medicorum communi suffragio, musculorum fines & caudæ appellantur: medium ergo diaphragmatis, caput, & origo, quàm cauda, conuenientius dicitur. Quod confirmat fibrarum tendentia à medio circulo ad exteriorem: ut ipse Laurentius fateatur. Superior diaphragmatis superficies, cor, pulmonesque respiciens à pleura membranam recipit: inferna concavaque superficies à peritonæo suam suscipit, ex Galen. lib. 7. de usu part. c. 21. Ab ascendente venæ cavae trunco duas venas, phrenicas, idèò dictas, suscipit; veluti duas arterias dictis venis coniugatas: duos similiter nervos ad quodlibet sui lateris à spi-

*Quid Dia-
phragma.*

*Eius divi-
sio.*

*Laurentius
notatur.*

Vasa.

mal.

Tria foramina.

nali medulla, extra quartam, quintamque dorſi vertebraſ emergentes, donec in nerueum circulum chordarum inſtar deſinant, in ſuos vſus ſentendi mouendique recipit. Duo aut tria in eo viſuntur foramina, vnum pro ſtomacho ſiue œſophago; alterum pro vena caua aſcendente; tertium pro aorta deſcendente, quamvis Laurentius hoc vltimum neget, exiſtimans, aortam inter ſpinam & diaphragma deorſum protendi, ſine vlla eiufdem diaphragmatiſ perforatione.

Plures eius vſus.

Variuſ eſt diaphragmatiſ vſus: Præcipuuſ tamen, quòd ſit primarium reſpirationiſ inſtrumentum. In inſpiratione coextenditur, in expiratione verò coarctatur; còtrahiturque. Quòd laxetur coarcteturque in expiratione, patet in mortuiſ, quibꝰ laxuſ reperitur; quia expiratione vita terminatur. Secunduſ vſuſ eſt, vt ventriſ inferioriſ parteſ, & præcipuè conuexum hepatiſ vtiliter. Tertiuſ vſuſ, vt ſæceſ deorſum in teſtina comprimendo deturbet: vnde eiꝰ obliquitaſ, teſte Galen. lib. 7. de vſu part. c. 21. & lib. 5. c. 15. & lib. de reſpiratione, quæ loca vide, & præcipuè cap. 15. lib. 5. vbi ait: Muſculus eſt quidaſ magnuſ, ac rotunduſ, quem iure diaphragma nominant, vt qui ſpirituſ inſtrumenta διαράττει id eſt, diſcludit ab alimentuſ inſtrumentuſ: Siquidem hiſ ſuperior eſt omnibuſ, illiſ autem ſubiicitur. Lib. 5. de anat. adm. c. 5. hæc habet. Vnuſ itaque thoſaciſ adhuc muſculus ſuper eſt haud viliſſimuſ Phrenes appellatæ. Et poſt: Inter omneſ quos dixi muſculoſ ad reſpirandiſ functioneſ animaliſ ſunt vtiliſſimæ. Et lib. 7. de vſu part. c. 21. Cæteruſ de iſſ thoſaciſ particulis, quæ haud ipſæ quideſ habent actioneſ, ſed aliſ habentibuſ ſuſſeruiunt, deincepſ tractabimuſ. Propria quideſ ſepti tranſuerſi ſubſtantia muſculus eſt: tunica v. ipſi duæ ſunt, &c. Diaphragmatiſ vſuſ ex Platone eſt, vt iraciſibilem animam à concupiſcibili ſecernat. Ex Ariſtot. prodeſt, ne prauuſ vaporeſ ex alimentuſ offiſcina ſublata, ad cor penetrent. Ex Plinio diaphragmatiſ menſiſ ſubtilitaſ acumenue tribuenduſ; eſtque omniſ hilaritatiſ, ac riſuſ ſedeſ, vt eiꝰ titillatuſ conſtat. Ob hoc, inquit, in præliſ, gladiatoruſque ſpectaculiſ, morteſ cum riſu traiecta præcordia attulerunt.

Nota.

De Pleura.

Simili officio ac peritonæuſ, ſungitur.

Membrana illa, quæ thoſaciſ vniuerſam cavitatē inueſtit, Græciſ *μωρός*, & *πλευρα* nuncupatur, Latinis membrana coſtaſ ſuccingens: quæ & ſubſtantiaſ peritonæo ſimiliſ compoſ eſt, & eundem vſum oiaſibuſ ſpiritualiſbuſ inſtrumentuſ (pulmo, cor, & thoſax principaliſſima ſpirituſ inſtrumenta ſunt, vt loquitur Gal. lib. 7. de anat. adminiſt. c. 1.) veluti peritonæuſ inſtrumentuſ cibum conſcientibuſ, teſte Gal. lib. 6. de anat. adminiſt. c. 2. Præterea, vt peritonæuſ, illuſ à Græciſ verbi etymologia dicitur, quòd alimentuſ vafiſ prætendatur: ita hæc ſuccingens, quia coſtaſ totaſ inſinſecus ſuccingat, vt ibideſ loquitur Gal. qui ait, inſuper pleuraſ membranaſ ab eſſentia nominari; quia araneæ telaſ modo ſibi ſimiliſ coſtaſ ſuccingit; tunica ab vſu appellatur, quia induſtumentuſ eſt, ceu tunica quedam oiaſiuſ ſpirationiſ inſtrumentoruſ. Quemadmoduſ ergo peritonæuſ inferioriſ ventriſ contenta comprehendit, ſinguliſque partibuſ tunicaſ diſtinctaſ concedit, ſic pleura omnia contēta in thoſace immediatūſ, quāſ reliquæ thoſaciſ parteſ circumambit, & ſinguliſ contentiſ ſingulaſ tunicas communeſ tribuit, quibuſ meliꝰ

melius colligantur. Et hic est primus eius vsus. Secundus est, vt eius interuentu pulmones à costarum, cartilaginumque duritie defendantur; Vnde interna eius superficies madida, laxiusque à natura constituitur. Nec solum, qua parte costas regit, pulmones ab iniurijs defendit; sed qua parte mesopleuria, id est, spacia inter costas media succingit, musculis intercostalibus, & vasis prodest: nam musculis tunicam dat, vasaque omnia, fulcit. Tertius vsus, vt prohibeat, ne pulmones, dum per inspirationem eleuantur, & latera contingunt, sese in intermedia spacia insinuent. Sic enim eorum motus tardior, quàm par est, euaderet, propter moram quam in istis interstitijs contraherent. Hæc membrana à vena azygo & intercostali ramos suscipit arterijs coniugatos: à spinali medulla, & sexta coniugatione suos recipit nervos. Non mirum ergo, si propter nervos, & membraneam substantiam sensu polleat, & dolore infestetur acuto, dum aliqui superflui humores, vt in pleuritide accidit, ei tenaciter adherent.

Varij vsus

Vasa

De Mediastino.

Mediastinum substantia à pleura non distinguitur, sed est eadem cum illa, quamuis ratione situs, & officij separentur. Quando enim pleura ad medium ferè thoracis versus spinam peruenit, ex utroque latere duplicatur, & ad medium ferè os pectoris sternum dictum, vtrinque pars duplicata extenditur, eique alligatur; & quia hæ membranæ ita duplicatæ mediam partem thoracis ab altera dirimunt, mediastinū, vel mediastina potius, (Græci *διαπάρηστας*, id est, intersepientes appellant) nominantur. Harum membranarum vsum & situm hac serie exponit Gal. lib. 6. de vsu part. c. 3. Medius autem thorax valentibus membranis, secundum ipsius longitudinem supernè deorsum tendentibus, dirimitur, ac intersepitur. Validè autem insiguntur, parte quidem posteriore spinæ vertebris, anteriore verò ossi medio pectoris, cuius ora quidem inferior est, quàm Græci *χόνδρος ἐπίενδρῆς*, i. cartilaginem ensiformem, nominant, quæ est prope os ventriculi, iuperna verò clauium compago. Porro membranarum utilitas prima quidem & maxima est, vt ventres duos thoracis efficiant: vt si fortè magno vulnere in alterutram eius partem accepto (vt in lib. de motu thoracis, ac pulmonis ostendimus) respirationis munus eius partis perierit, reliquus venter incolumis dimidium saltem actionis retineat. Quocirca à magnis vulneribus intrò in alterutram thoracis partem penetrantibus repentinè animans, parte dimidia, tum vocis, tum respirationis priuatur: voce autem, atque respiratione planè destituitur, si venter vterque fuerit confossus. Primus vsus mediastini ex Gal. præfatis verbis est, vt thorax in duos ventres medium & sinistrum dirimatur, ne labefactato vno ventre, aut contentis in eo, alteri labes communicetur. Secundus vsus ibidem ab eo positus est, quòd illæ membranæ contenta in suis sedibus contineant, vasaque colligent, fulciantque.

Vnde dicitur.

Vsus

De Pericardio.

Περικάρδιον idem sonat ac supra cor: vsus tamen ita inualuit, vt cordis muolucrum, capsula, capsulae à Latinis vocitetur: quia cor vndique, nisi

*Vasa.**Vsus.*

nisi ubi vasa ab eodem corde emergunt, hac membrana obductum est, sed è longè. Cordis turbinatam figuram obtinet; nam instar, vaginæ se habet: Unde Hippocrates κελειν vocat. Ortum habet à membranis quatuor vasorum cordis basi interiorum, quæ vasa sunt vena caua ascendens, vena arteriosa, aorta, & arteria venosa. Substantia eius membranea est & crassa: eius basis in medio thoracis sita est: eius mucro in laeuam declinans sterni cartilagine attingit, & nerueo diaphragmatis circulo arctè colligatur. A phrenicis, & à ramo subclauio venulas suscipit; à recurrente sinistro nervulos. Præcipuus eius vsus est, vt aquam, siue serum quoddam ex vaporibus inibi concretis, vt quibusdam placet, vel fortè à principio genitum contineat; vt eiusmodi feri ope cor perenni motu & proprio calore excandescens refrigeretur: vt libro de corde testatur Hippocrat. qui illum liquorem per trachæam arteriam ex porulenta substantia delabi putat.

De Corde.

Nomina.
Quid est.

Cor Chrysippus καρδιαν quasi κρατιαν id est, principium, nominat. Alij καρδιαν à κραδαίνεσθαι, id est vibrare; quia perenni cietur motu. Cor est rotundum oblongumque parenchyma, pineæ nuci nõ abumile; cuius basis, quam caput vocant, in medio thoracis sita est (Reliquum enim eius corpus mucronatim in sinistrum latus, anterioremque partem sub pupilla definit) vt veluti caloris natini fons vberissimus quoquo- tierum calorem ad partium corporis conseruationem diffundat. Rotundum est, vt capacius euadat. Oblongam, pyramidalemque figuram obtinuit, vt facilius moueatur: vtque systolen & diastolen aduersos motus facile perficiat, mediocris est magnitudinis. Animalia, quibus magnum inest cor, timida sunt; quod in magno vase calor magis quàm in paruo refrigeretur. Animalia huiusmodi sunt, asini, lepores, cerui, mustelæ, pantheræ &c. Sola basis cordis in medio thorace imposita est, vt æqualiter à sterno & spina distet, sicuti à iugulo & diaphragmate, à costis demum dextris atque sinistris. Medius ille situs ad quatuor vasorum implantationem plurimum confert. Turbinato rursus mucrone pars reliqua corporis antiorsum, sinistrorsumque, vt dixi, porrigitur. Antiorsum, vt pars anterior, ad quam fit motus animalis, dum mouetur, calidior reddatur, tum ne dura ossa basis pertingat, & lædatur. Sinistrorsum varias ob causas cor inclinat. Primò, quia si in dextrum latus, in quo hepar maiori ex parte collocatum est, porrigeretur, corpus æquilibrium non serueret, sed ratione maioris ponderis totum dextrorsum declinaret. Præterea venæ ascendentes ascensum impediret. Tandem si recta deorsum porrigeretur diaphragmati accumberet, & respirationem prorsus compesceret, vel saltem imperfectam redderet. Cor calidum & siccum, respectu aliorum viscerum, censetur. Carnem possidet duram, densamque, ac solidam, vt continuis validisque motibus renitatur, & tenuissimos vitales spiritus arctè cohibeat. Pars mucronata propter omne fibrarum genus in eam terminatam basi durior est: ne ab osse, dum id in sua systole cor contingit, sensibilem noxam patiatur. Triplici villorum genere fruitur. Rectis namque fibris ab eius basi ad mucronem protensis in sua diastole (in qua abbreviatur ampliaturque) ex vena caua in suum dextrum sinum

Triplici fi-
brarum ge-
nere gau-
det.

sanguinem venosum, & per arteriam venosam ex pulmonibus aerem in sinistrum sinum attrahit. Obliquis fibris, vt attracta retineat, vtitur. Transuersis, quibus ipsum, eiusq; sinus siue ventriculi accinguntur, vtitur, vt harum ministerio in systole siue contractione coarctatum, fuliginosos vapores per arteriam venosam deturbet, sanguinem per venam arterialem ad pulmonum nutritionem, & per aortam siue magnam arteriam spiritum vitalem ad vniuersum corpus. Extrema corporis superficies leuis est, atque polita, licet tantillum inæqualitatis ei asferre videantur adeps, & venæ, ac arteriæ, coronales dictæ. *separata*, id est coronalis, dicitur vena, eaque vtpurimum vnica, quæ cordis basin cingit, plurimosq; ramos quouoquerum, sed ad sinistram partem, vtpote maiori egentem alimento, propter maiorem eius densitatem soliditatemq; dimittit, vt sic probè nutriatur: arteriam pariter coronariam, sæpeq; duplicè ab aorta accipit. Nerviulos etiam à sexta coniugatione. Tunica obducitur peculiari, vt firmius, obsistat per eam motui. Eius tota ferè superficies copioso adipe obducta est, ne incendio conflagret propter motum perennem, copiosumq; eius calorem.

Cor duos habet sinus, siue ventres, siue specus: Dextrum vnum: sinistrum alterum. Dexter non ita longus est ac sinister. Sanguineus appellatur, quòd sanguinem in sui dilatactione ex vena caua attrahat, in suisq; anfractibus attenuet, vt partem vnam per venam arteriosam ad pulmonum nutritionem emittat: alteram verò per septi exigua foramina ad sinistrum ventriculum, vt in eo probè elaboretur, ex eaque sanguis arterialis, spiritusque vitalis conficiatur. Sinister venter, siue sinus, arteriosus dicitur, atque aeris; quia spiritum arteriosum conficit, continetque, & aerem insuper attrahit. Vnde eius exterior paries triplo crassior est: pariete dextri, & ad finem coni, id est ad mucronem vsq; cordis deducitur vterque venter, sed præcipuè sinister; foveas habet plurimas: vnde internæ superficiei inæqualitas, asperitasque. Septum quoddam medium ambos ventriculos ab inuicem separat. Lateri externo vtriusque ventriculi propè basin extat substantia quædam mollis & carnosa, tanquam membranosa appendix, quæ propter figuræ similitudinem, auricula dicitur. Externa superficies vtriusque læuis est, & quoties oppletur, ita tumet, vt gibbositatem contrahat: è contra quoties non oppleta, concidit, rugosaque apparet. Interior superficies inæqualis est propter foveas varias, variosque fibrosos amplexus. Dextra auricula, sinistra grandior, ostio venæ cauæ cordi inserta præiacet. Sinistra auricula venæ arteriosæ orificio præposita est; estq; dextra minor, quia crassum sanguinè, vt illa, non concipit, sed aerem tantum. Harum auricularum vsus est, vt sanguinis & aeris impetuosis ingressus retardetur: nam alioquin hæc corpora magno impetu ingredientia cor opprimerent, constringerentque vndique, & calorem eius natium suffocarent. Secundus earum vsus est, vt impendant venæ cauæ cordi annexæ, & arteriæ venosæ in violentis moribus rupturam, dum cor videlicet auidè sanguinem & aerem per dicta vasa, virgente necessitate, prolecat. Tertius vsus, vt instar follium, cor refrigerent, referente Hippocrate libro de corde. Quartum vsum aliqui adducunt, vt in ijs sanguis & aer præparentur; vt ex ambobus conficiatur spiritus vitalis. Hæ auriculæ, dum implentur, distenduntur; cor v., quando distenditur, simpletur.

*Duo cordis
ventriculi*

*Auriculæ
cordis*

Vsus vari

Cordis basi quatuor hærent vasa, duo sinui dextro, vena caua ascendens,

*Quatuor
vafa cordi
inferta.*

& vena arteriofa; duoque ventriculo finifiro, aorta fiue magna arteria, & arteria venofa. Vena cava afcendens fuum latus apertens, cordi eni lateraliter tantum copulatur, fanguinem copiofum fubminiftrat, qui paululum in dextro finu attenuatus, partim in pulmiones per venam arteriofam ad eorum nutritionem, partim per feptum cordis in finiftrum ventriculum, ad arterialis fanguinis confectionem diffunditur. Vena arteriofa, vena ab officio dicitur, quia venarum more fanguinem ad pulmonis nutritionem defert. Arteriofa dicitur, quia arteria denfam ftructuram habet, vt fanguinem venalem in dextro cordis ventriculo elaboratum attenuatumque fine iactura contineat in illo perpetuo pulmonum motu. Arteria venofa tertium eft vas, in dextro cordis finu confpicua. Arteria, dicitur ab officio, quia per totum pulmonis corpus ramulatum fparfaulline, aerem inſpiratum, & in eodem pulmone preparatum, in finiftram cordis finum euehit, & viciffim fumidos vapores ex eodem finu ad pulmiones, vt per tracheam arteriam, & os tadem, mediante expiratione, deturbentur, defert: fimulque fpiritus aliquos vitales ad pulmonum continuum vsum. Venofa tamen dicitur propter venae ftructuram, quam poffidet. Non enim aliarum arteriarum ritu, fanguinem arteriale in magna copia continet. Quarta vafa, eft Arteria illa magna, aorta dicta, quae eft fpiritus vitalis, fanguinisque arterialis in finifiro cordis ventriculo ex venali fanguine & aere mixtum elaboratorum, amplum conceptaculum, quod varios fpargens ramos ad totum corpus, fluminis à fuo fonte dimanantis modo, fpiritum illum vitae ad vniuerfum corpus, irrigandum, refarciendumque diffundit, teſte Hippoc. libello de Corde.

Valuula.

Quatuor illa vafa in fuis orificijs iuxta cor, membranulas, tanquam valuulas aut oſtiola, numero vndecim poffident: vena nimirum cava tres valuulas exterius apertas, & intus in cordis ventriculo claufas, ne fanguis ex ea in cor effufus extra regrediatur, habet: & haec valuulae tres tricuspides funt. Arteria venofa, orificio fimiliter duae tricuspides valuulae foris patentes, & intus claufae, committuntur, ne aer in pulmonibus praeparatus, & à corde prolektus, extra rurfus remeare poffit. Verum ſagax natura duas tantum orificio huius vafis conceſſit portas fiue valuulas, ne omnino aut plurimum impediatur fuliginofus vaporis, & fpiritus cuiusdam vitalis per eafdem exitus ad pulmiones. Sed aduerſo ordine poſitae funt valuulae tum venae arteriofae, tum aortae: nam utraque in fuo exitu & orificio tres valuulas intus patentes apertasue habet, vt liber concedatur exitus fpiritui vitali per aortam, & fanguini subtili attenuatoque per venam arteriofam. Exterius verò vtriuſque orificij valuulae exacte ocluduntur, ne fanguis arterialis iterum ad cordis finiftrum finum remeat, aut fanguis ex vena arteriofa in dextrum finum.

Valuulas orificij aortae ſemilunares eſſe volunt, ſicuti valuulas venae arteriofae ſemicirculares. De his tum vafis, tum valuulis ſuperius pagina 253. cum Eraſiſtrato apud Gal. nonnulla protulimus. In cordis diſtole ſiue dilatatione valuulae omnes extendi volunt quidam Anatomici; quonia tunc tricuspides multas efficiunt rimas ad ſuum munus obeundum; ſemilunares autem orificia fuorum vaſorum claudunt in ſyſtole ſiue contractione cordis omnes illae valuulae contrahuntur, & tricuspides rimulae clauduntur: Semilunares verò in hac corrugatione fiſſuras efficiunt, per quas fanguis liberè permeat, & exit.

Multi multa de cordis motu dicunt. Auerroes cordis motum ſentien-

te anima, instigante appetitu, fieri docet. Aristoteles, quem Thuringianus Monachus sequitur, lib. de respirat. existimat continuum cordis pulsus à feruore & frigore fieri: dilatationem scilicet à sanguine feruescente, & ampliores locum occupante, constrictionem verò siue contractionem eiusdem ab impetu aeris refrigerantis, & ingredientis. Cum torrente tamen Medicorum dicendum cor ideo repleri, quia dilatur, non verò dilatari, quia repletur. Id manifestè in foliis conspicitur, qui dum dilatantur replentur. Quòd autem ab appetitu, & anima sentiente non moueatur cor, vt placuit Auerro, patet; quia talis motus liber esse debet, debetque à musculo exerceri, & ad placitum cohiberi, aut excitari: motus enim liber & animalis est talis naturæ, teste Gal. lib. 2. de motu muscul. c. 5. At verò motus cordis naturalis est, non eo modo, quo motus grauium & leuium, simplicem mixti formam consequens, nec quatenus naturalis motus dicitur, qui violentò opponitur, sed quatenus naturalis motus animali aduersatur: quo in sensu docet Galenus libro 2. de motu muscul. c. 5. motum cordis, & arteriarum esse naturalem, & non animæ: & lib. 7. de usu part. c. 9. cordis motum à natura fieri asserit, thoracis verò motum ab anima. Præterea cor musculis caret, qui motus voluntarij instrumenta sunt. Ergo naturaliter mouetur. Quòd denique à facultate dependeat tam systole, quàm diastole cordis, non verò à feruore & frigore; aut dilatatio à feruore, constriction à pōtēre cordis in se concidentis, vt quibusdā placuit, patet; quia cor omni fibrarum genere præditum est: rectis enim, contractis cor abbreviatur versùs basim, & sanguinem tunc ex vena cava, aerem per arteriam venosam regulariter attrahit: transuersis autem fibris constringitur cor, magisque prolongatur, quàm in dilatatione, & tunc per aortam spiritum vitalem quoquoque sum diffundit, sicuti tenuem calidumque sanguinem ad pulmones per venam arteriosam.

Cordis motus est naturalis.

Motus cordis a facultate procedit.

De Arterijs.

Arteria Græcis ἀρτηρία, quasi sanguinis arterialis a reula dicitur: Alij ἀρτηρία παρὰ τὸν ἀρτηρῆν, quod est aerem ducere vel παρὰ τὸ ἀρπάζειν, quod est attollere, quia dilatando sese attollit, dici putant. Arteriæ nomen æquiuocum est: nam in laxiori significatione asperam arteriam, arteriam venosam, & aortam comprehendit: sed de magna arteria, quæ vena antiquitus dicebatur, eiusque ramis nobis agendum. Est enim pars similis, albicans, frigida & sicca, ex quadam portione seminis ductili, & lenta genita. Quatenus verò instrumentum & non partis similis rationem induit, sic describi potest: Arteria est ductus siue tubulus membranofus, rotundus & cauus, duplici tunica varijs fibris intertexta constans, ad sanguinis arteriosi ac spiritalis quoquoque sum delationem, vt reficiatur, contemperetur, expurgeturque calor insitus partium corporis. Arteria caua est, oblongaque, vt sensibus patet; rotunda etiam, vt motui facilius cedat, & capacior euadat. Duas habet tunicas. externam vnā camque simplicem: internam alteram, illa quintuplo crassiores, vt docet Herophylus. Crassa enim, & valida esse debet, ne in motu perenni distringatur, aut à prætenui feruidoque sanguine perforetur, dilatetur, aut etiam rumpatur. Externa tunica multas habet fibras rectas, & nonnullas obliquas: interna verò tunica transuersas quâ plurimas ad expellendum distribuendumque, obliquas autem, & rectas

Quid arteria et pars similis, & vt instrumentalis.

Tunica.

Fibra.

Vfus.

paucissimas. Interna tunica instar cuticulæ aut crustulæ aliam tuniculam, aranearū tela consimilē, habere conspicitur. Quartam tunicam in thorace accipit arteria à pleura, in imo ventre à peritonæo; arteriæ tamen in visceribus occultatæ communem nullam habent. Arteriarum vsus conspicuus est. Primus, vt sint caloris influentis à corde, & facultatis vitalis ad vniuersum corpus delatores. Per corpus enim ipsam arteriarum facultas æquē benè, ac per canalem excurrit. Secundus Arteriarum vsus, est caloris natiui temperatio, nutritio, & expurgatio. Namque dum contrahuntur arteriæ, foras exprimunt fuliginosum omnem vaporem, ne ex eius retentione calor natiuus suffocetur. Dum arteriæ dilatantur externæ per insensiles ductus, poros dictos, & per exilia sua oscula in cutem terminantia, ambientem aera attrahunt, vt calor natiuus ventiletur secundum partem quæ extinguitur, & in suo ardore frigidi commercio temperetur, foueaturque, qui non ardet: internæ verò arteriæ in sua dilatazione spiritum vitalem à corde, tanquam caloris influentis vehiculum, attrahunt: vapores etiam, vt sint spiritus vitalis pabulum: ac demum ex vicinis venis per anastomoses sanguinē ad sui nutritionem. Tertium arteriarum vsum addunt, quod pluriimum conferant ad singulorum partium nutritionem, & spiritus animalis generationem. Venosus autem sanguis ad partes delatus vt nutriantur, ex arterioso sanguinis commercio, atque commixtione splendorem quendam non exiguum acquirit. Animalis v. spiritus arterioso sanguine in plexibus illis cerebro adnexis perpetuò fouetur atque reficitur.

*Aorta in-
ascenden-
tem & de-
scendentem
diuiso.*

*Antequā
in ilacos de-
scendens di-
uidatur, no-
uam spar-
git propagi-
nes.*

*Intercosta-
lis.*

Phrenica.

Cœliaca.

Mesenterica.

Renalis.

Spermatica.

Mesenterica.

ga.

Lumbaris.

Muscula.

Descendēs

in ilacos di-

uiditur quo-

rum quinq;

quinq; sur-

culos emit-

tit.

Sacer.

Aorta, siue magna arteria à sinistro cordis sinu emergit, & in suo hoc exortu statim ramulum ad cordis basin dimittit, quem coronarium appellant, qui quæ aliquando geminus deprehensus est. Rursus, instar venæ caux, in duos prægredientes stipites, ascendentes scilicet, & descendentes, dirimitur. Arteria magna descendens ad laeuam paulisper, vt vengauæ in lumbis cedat, vergit; quia tamē arteria nobilior est vena, profundiorē, tutiorēque locum obtinet; sed prope os sacrum, ne ab excarneo ossis arteria lædatur, conscendit, & venæ accumbit, rursus verò descendit, & solitam locum sub vena occupat. Ante descendens arteria in iliacos ramos diuisionem, varias spargit propagines. Prima est intercostalis maior in interstitia octo inferiorum costarum sparsa. Secunda est Phrenica in diaphragma dispersa, & ad pericardium ramulos spargens. Tertia cœliaca (sic dicta, quod ad *κοιλίαν* i. ventriculū ramos mittat) à qua ramus quidam in ventriculū, pylorū, & omentū excurrit alius in hepar, & folliculū fellis: tertius, isq; insignis, in lienē. Quarta est mesenterica superior, quæ in superiorē mesenterij partē, quæ gracilia intestina cōnectit, & colī magnam partem dispergitur. Quinta est renalis siue emulgens, quæ in corpus renis excurrit, vt vitalem deferat spiritum, & vt serum, quo magis sanguis arterialis abundat, quàm venalis, expurgetur. Sexta est spermatica, quæ in testes labyrinthis plexibus prius efformatis, inseritur. Septima est mesenterica inferior, quæ in inferiorē mesenterij partē, colon, ac rectum intestinum spargitur. Octaua est lumbaris, quæ ad spinalem medullam ascendam per lumborum vertebra transit. Nona, & vltima, Muscula appellatur, quia in lumbares musculos disperditur. Postquam descendens truncus dictos sparsit ramos, in duos insignes iliacos dictos dirimitur. Vterque ramus quinque furculos emittit. Primus Sacer dicitur, quia ad ossis sacri medullam fertur. Secundus, & omnium maximus hy-

pogastrius, quia hypogastrij omnes partes irrigat. Tertius vmbilicalis, quia ab vmbilico emergit, & eo fetus in vtero vivit, & transpirat. Postquam in lucem editus est fetus, hic victus est, sicuti ourachos, & vena vmbilicalis. Quartus Epigastrius appellatur; quia per Epigastrij musculos excurrit. Quintus & postremus, pudendus est; quia ad pudenda, & præcipuè ad caua illa penis corpora deferitur, ibique multipliciter, & variè implicatur, vt plexum generet: quoribus spumofus sanguis, aut flatulentus spiritus in his arterijs redundat, penis distenditur, erigiturque. Ramus iliacus ad crura delatus cruralis dicitur. Diuaticatur eodem ferè modo, quo vena cruralis, nisi quòd ad cutem minores rami huius, quàm venæ ferantur.

*Hypogastri-
sticus.
Vmbilica-
lis.
Epigastri-
cus.
Pudendus.
Causa ere-
ctionis pe-
nis.*

Arteria ascendens descendente minor ad iugulum vsque protenditur, ibidemque in duos insignes ramos subclauios dictos dirimitur. Subclavius dexter quinque spargit furculos. Primus intercostalis superior appellatur; quia spacia inter tres aut quatuor superiores costas, eò repens alit, fouetque, sicuti & vicinos musculos. Secunda arteria dicitur mammaria, quæ per anteriorem sterni partem excurrit, mammis ramulos concedit. Quidam riuuli huius mammaria occurrunt totidem riuis arteriæ epigastricæ ascendentis paulò supra ipsum vmbilicum. Tertia arteria muscula nuncupatur, quæ in posticos ceruicis musculos disseminatur. Quarta ceruicalis (quæ Spigelio vertebralis dicitur) quia per foramina processuum transuersorum ceruicis ascendit, & duriores membranam, quæ spinalem medullam contegit, penetrat, perforatur; caluariæ rursus cauitatem ingreditur, moxq; cū alio consimili pariq; ramo alterius lateris oppositi copulatur, fitque tunc ex ambabus arterijs vna, quæ sub media basi cerebri repit, vsquequo ad sellam sphenoides peruenit, vbi glandula illa porosa, & bibula insidet: ibique in duos ramos diuiditur, quorum vnus ad dextrâ partem, alter ad sinistram excurrit. Vterque horum ramorum variè distribuitur per duram, piamque matrem, ascenditque rursus ad superiores cerebri ventriculos, vbi rete mirabile dictum, quod *κορταιδι* vocant, effingit, cum portione etiam carotidum; ita vt videatur illud rete ex quatuor arterijs efformatum. Quinta arteria *ληθαργική*, & *αποληντική* dicitur, quia intercepta, aut quouis modo obstructa, spiritui vitali, ex quo & aere, tanquam ex materia, animalis generatur, aditus in ventriculos cerebri denegatur. Indeque carus, aliquando apoplexia. Communiter hæc arteria carotis dicitur: quæ vnâ cum arteria iugulari interna ascendens antequam cranium ingreditur, innumeros ramusculos in laryngis, hyodisque ossis musculos, glandulas amygdalares, maxillam inferiorem, mentum, labia, processus etiam mammillares, vicinosque musculos, linguæ radicem, mæsteteres, musculos temporales, dentium cauitatem, & vniuersas nares spargit. Reliquum carotidis arteriæ per suum foramen inter sphenoidè, & os temporis, siue petra, ad sellam conscendit, vbi sub dura matre latens in brutis infinitas propagines, instar retis effingit; in hominibus tamen non ita perspicuas emitit, quæ rete mirabile efficere possiat, vt contra Gal. animaduertunt Columbus, Fallopius & Laurentius. Hinc sursum ascendens hæc arteria duram matrem perforat, arterias distribuit opticis neruis, musculis mouentibus oculos, & musculis temporalibus: rursus supra sellam præterui quadam membrana surculum versus posticam partem, supra infraque, & ad latera dispensatur. Demum ad superiores cerebri ventriculos conscendens variè & multipliciter implicatur, & cum ramu-

*Ascenden-
tis diuiso.
Subclavi-
us uterque
quinque
spargit ra-
mulus.
Intercosta-
lis.
Mamma-
ria.
Muscula
Cervicalis.*

*Letbargi-
ca.*

*Subclauia
sinistra.*

lis cervicalis plexum illum labyrinthum efformat. Subclauia sinistra eodem ferè modo, quo iam dextra distribuitur, præterquam quòd carotidem non emittat, sicuti dextra. Nam sinistra carotis à trunco oriri videtur.

*Axillaris
diuisio.*

*Thoracica
partitio.*

*Basilica
distributio.*

Reliquum rami subclauij, postquam thoracem penetràuit, & ad axillas peruenit, axillaris appellatur: quæ thoracicam arteriam, atque basilicam à se dimittit. Thoracica arteria, duplex est; vna quæ in anticos thoracis musculos distribuitur: altera verò in posticos eiusdem thoracis musculos. Basilica pariter duplex est, vna profunda in brachij musculos absumpta, altera subcutanea, etiam quamplurimos riuos à se diffundens. Ramus ille, cuius pulsus in carpo quotidie percipimus à subcutanea basilica oritur. Varij hinc rami, sicuti ab interiori arteria ad digitos, & vnam manus excurrunt, de quibus minutim, & doctè Spigelius. De vasis vmbilicalibus libro de fetus formatione agemus.

*Nota sedu
lo.*

Post omnia notare iuuabit, ascendentem arteriam œsophago attensam inter asperam arteriam & venam cauam, ac mediastinum suum ferri. Frigida ergo, qualis nix, & glacies, pectori inimica sunt, tussès mouent, sanguinis eruptiones & destillationes, inquit Hippocrates libro 5. Aphorismor. 24. Quia præterquamquòd nix & glacies sua frigiditate cerebrum comprimant, & defluxiones sic concitent, & venarum ruptionem in pectore propter nimiam compressionem minentur, per os tamen assumpta tracheam arteriam, & œsophagum spermaticas partes, & consequenter arteriam interpositam refrigerant: Et sanguis ac spiritus ex ea in cor repercutiuntur: rursusque cum impetu in caput sursum transmittuntur: ipsumque replentes hemorrhagiam variasque fluxiones in pectus, & alias subiectas partes concitant. Non mirandù e gò si post violètos corpo ismoros, multi qui frigidam hauserunt, mortui fuerint. Nam sanguis in aorta, & corde ipsis congelatus est, syncopemque, illicò ac mortem experti sunt. Vnde cum secta vena sanguis crassissimus ægerimè talibus hominibus exiret, nullum magis præsentaneum remedium inuentum fuit à Spigelio, quàm illud, quod ratione tenuitatis partiù vi. n. habet dissoluendi grumos, cuiusmodi sunt acida quæuis, vt oxymel, syrupus acetosus, oxysacchara, oxycratum, succus limonum, acerum &c. Ob viciniam huius ascendentis arteriæ cum gula, & lingua, linguæ nigredo & difficultas deglutiedi in febribus ardentibus ex parte oritur. Vt benè monet idè Spigelius.

De Pulmonibus, & Aspera Arteria.

*Vnde dici-
tur.*

*Quid pul-
mo.*

Pulmonem Græci πνεύμων, à πνέειν, id est spirare, aut à πνεύματος, appellant. Latini cordis flabellum, & ventilabrum vocant. Hippocr. λεπρόν, id est tenerum & molle, libr. de internis affect. vocat. Auicenna cordis culcitram; quoniam pulmonibus utrinque adiacentibus; tanquam puluino, cor accumbit. Pulmo est pars dissimularis, carne leui, rara atque spongiosa, calida humidaque ut plurimum consistens, vnguium bouis, aut alterius animalis bisulci figuram referens, situmque habens diuisim in thorace, id est, hinc inde circa mediastinum, seu intersepientes membranas, vt inspiratum aerem præparet, sul ignes suscipiat à corde, & vocis generationi inseruiat. Quòd pulmo sit pars dissimularis pater ex eo, quòd sit parenchyma, siue affusio sanguinis spumosi,

peculiarem obtinent figuram, variæque partes continent. Testudinis figuram ei tribuit Hippocr., sed dexter & sinister inter se collati, bubuli pedis figuram referunt: pulvis, dexter, dextram; sinister, sinistram. thoracis cavitatem inter membranam interseptentem, & costas, metu vacui, replet. Ab ore remoti sunt pulmones, ne inspirato aere statim infestentur: sunt leues, ut sint ad motum idonei: moventur ad motum thoracis: nam in inspiratione, dum thorax dilatur, hunc motum thoracis metu vacui consequuntur: dum thorax contrahitur, pulmones pariter; & tunc flaccescere videntur, non omnino, ut in morbo; quia semper aliquid aeris continent. Cato pulmonum rara est, & spongiosa, ut aer copiosius, follium more, in thoracis dilatatione hauriant, & fuligines denique ex corde facile suscipiant. Sunt magnæ molis pulmones, ut copiosum sufficientemque aerem ad plures cordis pulsationes obeundas comprehendant: alioquin spiritum nunquam cohibere possemus; sed ad singulas cordis pulsationes inspirare aerem in longa oratione, in cantu, quoties sub aquis natamus, aut prauos odores declinamus, cogere. Thoracis, aut membranæ interseptentibus, aut alijs partibus pulmones nequaquam nectuntur, ut liberè moueantur. Suspenso ergo trachæis arterijs, & vena arteriosa, ac arteria venosa ne labantur perstant. Collo tamen & dorso per asperam arteriam, sicuti iterum, & vertebris, mediastini interiectu connectuntur. Septrò transuerso quibusdam nexibus ortis à parte pleuræ, qua idem septum contegitur: qui nexi si breuiore sint, incurabilem dyspnæam pariunt; ut optimè inter alios notat Spigelius. In fatu rubicundi sunt coloris, ponderosi; tum quia tunc immobiles, nec aere replentur, tum quia puro venali sanguine nutriuntur: nam sola transpiratione vivit fatus. At verò fatus in lucem edito, quia spiritu refertus, & assidue moventur, subflauo, aut roseo colore affecti videntur. In antea sui parte maximè lobos habent (fibras, pinnas, alasque vocant) ne dum homo antrosum flectitur, comprimantur, aut dum retrorsum, distumpantur, aut fatiscant; vel ut facilius dilatentur, vel ut sic maiorem aeris copiam attrahant, vel ne vno lobo affecto alter afficiatur.

Pulmones membranula prætenui atque porosa, à communi vasorum ingredientium tunica orta, obducuntur: tenuis est ne suo pondere gravamen pulmonibus afferat, eorumque motum impediat. Mollis est, ut pulmonibus mollibus sit amica: porosissima est, ut per eam pus, aut sanguis, aut quidvis à natura alienum & in thoracis cavitatem contentum peruadere permeareque ad pulmonem usque bronchia possit. In hac tunica siue membrana sparsi sunt perexiles neruuli à sexta coniugatione orti, corpus pulmonum nullatenus ingredientibus. Pulmones quidem parcissimo sensu tactus præditi sunt, ne forte perpetua molestia animal afficeretur; cum perpetuo aerem externum sensibili aliqua qualitate semper affectum, attrahant.

Tria continent pulmones vasorum genera: Asperam arteriam, venam arteriosam, & arteriam venosam. Aspera arteria à faucibus deorsum per medium pulmonum decurrit, in variosque ramos scinditur. Est autem trachæa arteria (quæ absolute arteria antiquis dicebatur, ex lib. 6. de placitis c. 9.) fistula capax, & oblonga ex cartilaginibus rotundis, membranisque duabus sibi inuicem connexis efformata, quæ in humiliori faucium parte sita, gulæ incumbit, deorsumque in pulmonum corpus diuaticata, dispergitur. Superior eius pars, quæ est eiusdem caput, *ἀσπυζ* dicitur,

Figura.

Nexi.

Dyspnæa.
Color in fetu.
Color in adulto.
Lobi.

Membrana porosa & mollis quare.

Vasa.

Quid trachæa arteria.

καρὰ

*Quid La-
rynx.*

παρὰ τὸ λαρυγγίζειν, quod gutture latius diducto vociferari significat. Ab Anit. lib. 2. de hist. animal. c. 12. *φάρυγξ* appellatur, sed improprie nimis, quoniam hoc vocabulum fauces, siue partem laryngi antepositam significant. Inferior trachææ arteriæ pars *βρόγχος* appellatur, à *βρέχεσθαι*, quoniā veteres potum ad pulmones ferri putabant. Larynx situs est in medio collo, secundum posticam sui partem subsidet paulò depressior; secundum anteriorem sui partem veluti acutè extuberat. Ex quatuor componitur cartilaginibus, quarum tres mouentur à musculis, vna immobilis manet; hæc annularis dicitur: rimam habet supernè semper apertam, per quam aer ingreditur, & fuliginosus vapor extra thoracem egreditur, quæ glottis dicitur. Ne tamen cibus aut potus per fistulam, siue cannam ad pulmones cadat, ista apertura, quæ ligulæ formam habet, tempore deglutitionis epiglottide cooperitur, donec retro in gulam transferatur. Epiglottis enim cartilagosum corpus est, quod præter dictum vsum, alium habet; nam vocem modulatur, quia aerem à pulmonibus leni impetu repulsum percutit. Credunt aliqui, inter quos est Laurent, glottidem, siue laryngis rimam nunquam ita exquisitè ab alimentorum pòdere in deglutitione occludi, quin portiuncula quædam potus per eam in trachæam siue asperam arteriam deceret. Suas habet larynx venas & arterias, suosque nervos, à recurrentibus acceptos, & musculos. Laryngi adhuc adiacent duo glandularum paria. Primum par Anatomici, tonsillas vocant, chirurgi amygdalas, Græci *παρσίδουλα*, & *αμυγδαλῆς*, quæ ad elatiorem laryngis sedem & gargarionis latera, circaque linguæ radicem vtrinque in ore collocantur, & humiditatem à cerebro delabentem in salivam conuertunt. Ad humiliorem Laryngis sedem alia duæ glandulæ, thyroïdi, siue scutiformi cartilagini incumbentes, sitæ sunt. Quoniam in plerisque mulieribus, ob nativum temperamenti frigiditatem, hæ glandulæ humoribus refertæ sunt; inde fit, vt eadem mulieres collum semper habeant teres, & æquale: at verò quoniam in viris, præsertim siccioris temperamenti huiuscemodi glandulæ defectu humoris staccescunt, anterior laryngis pars euidenter instar pomi extuberat: vnde pomum Adami ab inerti vulgo dicitur; quòd credat frustum pomi ab Adamo contra præceptum manducati, faucibus hæsisse. In deglutitione larynx sursum eleuatur; quia œsophagus contrahitur: in inspiratione è contrà larynx deorsum retrahitur, & œsophagus ascendit.

Iuxta laryngè duo glandularum paria sita sunt. amygdalæ siue tonsillæ; aliaque minores. Cur mulieres collum teres habeant.

Fistula.

Compositio

Pars inferior trachææ (id est asperæ) arteriæ, est fistula ex cartilaginibus, dupliciq; membrana constans; Exterior eius membrana à pleura oritur, quæ cartilaginum vinculis tenacissimè hæret: interior, illa multò densior, ab oris tunica, siue tunica palatum succingente, oritur, fibrisq; rectis prædita est, humoreq; vinctuoso perfusa: estque exquisito sensu donata, vt minimum quoduis in trachæam arteriam illabens perferat, tussique rursus eiciat. Cartilagines inter vtramq; denominatam membranam consistunt: nonnullæ harum cartilaginum rotundæ sunt, integrum tamen non perficiunt circulum, quia quarta pars versùs œsophagum eis déficit. Vnde à figura literæ, C, à Græcis *tygmoides*, à Latinis signiformes appellantur. Fistula incipit statim à cricoide, siue annulari laryngis cartilagine, rectèque deorsum tendens angustior fit, & mediante quadam membrana, secundum posticam sui partem, œsophago hæret. Postquam ad quartam thoracis vertebra sub iugulo peruenit, in duos dirimitur ramos, quorum dexter in dextrum pulmonem inferitur, sinister verò in sinistrum. Hi rami

statim atque in pulmones ingressi sunt, vterque in duos ramos diuiditur, & hi rursus in alios, & illi in alios, & sic deinceps, donec in minores tandem desinant & ad externam vsq; superficiem protendantur. Hi rami per substantiam pulmonum sparsi, bronchia vel bronchi appellantur, & non signiformibus annulis, vt fistula; sed ex integris constant, diuersæ tamen figuræ: nam quædam cartilaginee sunt quadratæ, aliæ triangulares &c. Præfati rami sibi sunt in medio ramorum venæ arteriosæ, & arteriæ venosæ. A posteriori namque parte venæ arteriosæ propagines pulmonum corpori immixtas, vicinas habent; ab anteriori parte arteriæ venosæ ramos. Interdum tamen obseruatum est, bronchia prædictis vasis accumbere, vel succumbere. Sed ordinarius est situs inter arteriam venosam, & venam arteriosam: nam ab hac sanguinem recipit, & eius oscula cum osculis arteriæ venosæ ita coeunt, vt ex hac faciliè fumosos vapores suscipiant bronchia, & vice versa, ramuli arteriæ venosæ attractum aerem. Trium a. prædictorum vasorum rami ad pulmonum superficiem vsq; præscripto ordine porriguntur.

Dictorum duorum vasorum vsum iam antea pronunciauimus: sicuti ex parte trachææ arteriæ: quæ quidem tria potissimum munia obit. Nam aerem in pulmones deducit, fumosos vapores ex pulmonibus, vt per os exhalent, recipit: & ad vocem edendam omninò necessaria est. Ob huc vltimum vsum cartilaginea vix plurimum facta est, & præcipuè secundum superiorem sui partem, quæ larynx dicitur: quæq; ideo circulis integris, glottide siue lingula, & epiglottide cõstat, vt aer inter cõsimilia solida corpora, dum quodam leui impetu ex pulmonibus efflatur ad vocis prolationem, collidatur; & quoniam integris constat circulis, ne vicino æsophago noceat, hoc elatior est: fistula tamen in posteriori parte membranosa est, ne si ibi cartilaginosa esset, æsophagum læderet, & ciborum præcipuè durorum bolorum deglutationem impediret. Aspera arteria non est nimis humida, ne vox rauca ederetur, nec nimis arida, ne vox clangosa euadat, vt in hecticis & senibus, ob humiditatis defectum accidit. Vt autem larynx præcipuè temperantiam in humiditate, & siccitate obseruet, vasa habet, vt reliquæ partes, quibus nutritur: & fortè desuper semper aliquid roris insensibiliter suscipit. Quod voluit Hipp. lib. de corde, dum inquit, potus portionem in guttur ac arteriam & pulmones delabi, quod non negat Galen. lib. 2. de simplic. medic. facult. nec lib. 8. de Placitis, vbi hanc Hippocr. Platonis, aliorumq; antiquorum, Aristotele excepto, sententiam examinans ait, quòd si multa portio ad præcoria, id est confertim, in pulmones influat, vt spirationis vias occupet, tussim excitabit, vocem intercipiet, & difficilem spirationem pariet: prout sentit Hippocr. ipse, lib. 4. de morbis; idque rationi consonum est: nam quoties pulmones obstruuntur, & immodicè inadescunt, moueri liberè nequeunt, nec thoraci obsequuntur, vt in astmate, orthopnæa, apnæa, & dispnæa videre licet. Verum si sensim per latera asperæ arteriæ in pulmonem potionis portio feratur, nec tussim, nec vllum irritationis sensum excitabit, vt citato loco loquitur Galen. qui ob hanc causam in methodo, med. vt asperæ arteriæ vlcus curetur, vult ægrum supinum decumbere, & medicamenta diuturno tempore in ore retinere, & omnes musculos, qui inibi sunt, remittere, id est, ne guttur moueatur, æger non nisi leniter respirare debet, vt sic deorsum remedium cadat ad asperam arteriam: quod quidem sensim, & commodè tunc eò delabatur, quia glottis, siue rima illa laryngis.

*Bronchia-
rum pulmo-
num situs.*

*Oscula
branchio-
rum, arte-
riæ venosæ
osculis oppo-
nuntur.*

*Trachææ
arteriæ v-
sus.*

*Humi di-
tas super-
flua rauca
efficit vocē
nimia siccitas
clangosa.*

*Modicum
portionis
medicamē-
torum be-
chicorum
siue contra
tussim per
trachæam
arteriam
labitur in
pulmones.*

linguæ similis semper hiat, nisi tempore deglutitionis alimenti, quo gravitate eiusdem alimentî supra glottidem epiglottis deprimitur, ut ex Anatomicis constat. Sed de his satis.

*Pulmonum
usus varij.*

Quod attinet ad pulmonum usum, quibus aspera arteria ramulatum inseritur, eum superius innuimus. Pulmones autem in pulsationis cordis subsidium constructi sunt. Nam copiosum aerem attrahunt, eumque aliquo tempore conservant, & cordi paulatim dispensant. Secundus usus, ut cor viscus semper æstuans, flabellorum instar refrigerent. Tertius, ut ad vocem edendam concurrant: nam quæ pulmone carent, vocem non edunt. Quartus, ut instar sustentaculi prohibeant, ne cor ad spinam, aut ad os pectoris allidatur, dum animal ira concitatur, aut subitaneis passionibus infestatur. Quintus usus est, ut in ijs aer attractus alteretur, præpareturque: ut ex eo simul, & vaporoso sanguine in cordis sinistro ventriculo spiritus vitalis generetur.

De Oesophago.

Quid Oesophagus.

DE hoc sufficienter, dum de ventriculo ageremus. Est enim ductus quidam rotundus & amplius, instar intestini, à faucibus ad os ventriculi, cui continuatur, protensus, ut ad ventriculum cibis, & potus, linguæ varijs agitationibus, & motibus in eum detrusus deferantur. Duas possidet proprias tunicas; quarum interna crassa est, & nervosior externa: linguæque, & ori, & palato communicatur. Rectis gaudet fibris, ut alimenta ad ventriculum trahat. Externa carnosa est, & rubra, transversisque constat fibris, ut deorsum alimentum comprimendo propellat, & materiam inutilem sursum per vomitum, quoties transversorum circulo-
rum contractio à ventriculo exorditur. Obliquis fibris caret; quia si alimentum in eo remaneret, respirationem impediret. Tertium suscipit tegumentum à ligamentis vertebrarum, vel potius à pleura. Nervos accipit à sexta coniugatione, stomachicos ideo dictos. A caua vena venas suscipit, sicut à coronaria ventriculi: arterias à descendente aortæ riuulis. In ipsius medio ductu glandulæ sitæ sunt, instar pulvinaris, ne in alterutrum latus facilè voluatur; tum ut his glandulis madefiat, lubricusque ad faciliorem alimentorum siccorum deglutitionem reddatur. Musculi duo è lateribus cartilaginis scutiformis orti ipsum circa medium amplexantur, ut deglutitioni inserviant, eamque ad animalis arbitrium impedian. Oesophagus asperæ arteriæ subrensus est, rectaque deorsum ad quintam usque dorsi vertebram porrigitur, ibique, ut aortæ cedat, ad dextram partem tantisper declinat: mox tamen arteriæ accumbens, oblique ad laevam declinat hepatis cedens, ibidemque diaphragma perforans, ventriculi orificio continuatur, atque in ipsum desinit. De thymo, dum de vena cava ascendente, egimus.

Interna tunica rectis fibris gaudet.


Externa tunica transversis fibris fruitur.

Tunica communis.

Vasa.

Glandulae.

Musculi.



CAPVT IX.

De Ventre Supremo.

Supremus venter est caput, Rationis præcipuum domicilium, Sacraque Palladis arx ideo dicta. Græcis κεφαλή, κέριον, & κερήνιον appellatur.

Caput, ideo Lâtinis dicitur, quia ab hac regione sensus initium capiunt. Duobus modis caput à Medicis accipitur. Primò, in laxiore significato, pro suprema mole, quæ inter primam colli vertebram, & summum verticem intercedit. Secundò angustiori, pressioriue significato caput sumitur pro solo cerebri domicilio, ac propugnaculo. Caput orbiculari figura tornatum est, vt capacius sit ad continendam magnam cerebri molem; & quia hanc molem capit, non malè ideo caput dicitur. Secundò, rotundum est, vt sic validius, ictibus, alijsque iniurijs occurrer. Tertiò, vt facilius quoquoersum moueatur. Rotundum est caput, inquit Platonici, quia est animæ domicilium. Cum autem ex cælo rotundo anima nobis infusa sit, in nobis ei rotundum domicilium præparari debuit. Caput tamen naturaliter exquisitè rotundum esse, non debet, nec acuminatum, aut turbinatum; quale fuit Therfitis: Nam illud stupiditatis, hoc impudentiæ signum est.

Caput ergo naturaliter formatum, debet esse aliquantisper oblongum, ad latera mediocriter compressum, duplici vertice, aut prominentia, vna ante supra frontem, altera supra posticam partem, ornatum. Debet enim caput figuram habere globi cerei in medio leniter compressi, ita vt supersint duæ prominentiæ, vna ante, altera retro, vt lib. de arte medic. docet Galenus. Anterior prominentia in fronte liberum concedit exitum processibus mammillaribus, in quibus iuxta Gal. sententiam sit odoratu; sicuti & septem paribus neruorum inde procedentibus ad organa sensuum. Pars posterior extuberans esse debet, vt cerebellum & initium spinalis medullæ, & neruorum, ac vltimum cerebri ventriculum liberè complectatur. Qui autem capite mediocris magnitudinis, & talis figuræ præditi sunt, iudicio pollent & ingenio. Caput ergo oblongum, hominem duræ, ac difficilis conuersationis demonstrat. Caput sphaericum, quale est Turcarum, timidum, insensatum, absque memoria & iudicio est. Caput habentes cum temporum prominentijs, genisque tumentibus, sunt iracundi. Caput in postica parte prominens, robur indicat: in antica parte depressum, & sine prominentia, insensatum hominem significat. In postica parte depressum, roboris & memoriæ defectum. Caput ante, & retro depressum, & sine prominentijs, insensatum, & memoria priuatum demonstrat. Caput paulò maius solidò, sagacem, prudentem, studiosum, magnanimum hominem ostendit. Caput nimis paruum, insensatum & pessimum; maximè verò, si frons angusta fuerit: nam in tali capite loca, quæ spirituum elaborationi conferunt, nimis angusta sunt: Adeoque omnes animales principesq; actiones defectu patientur. Caput. n. ex Miletio Philosopho propter cerebrum factum est, & in supremo loco propter oculos situm, ex Galeno. Ergo vt hominis cerebrum, quod est ratiocinandi, memorandi, imaginandique commoda sedes, commodum conseruet

Nomina.

Duplex capitis acceptio.

Figura.

Rotunditas capitis stupiditatem, acumen impudentiæ arguit. Debita capitis figura

Vitiosa capiti forma.

Caput mediocriter magnum optimum, Caput paruum pessimum.

Caput propter cerebrum factum

temperamentum, conuenientemq; formationem, caput probè effigiatum esse debet.

*Prima ca-
pitis diui-
sio.*

Caput in duas dicimur partes: Vna est capillata: altera capillis priuata. Pars capillis recta, *τρίχων* Aristoteli, Latinis caluaria nuncupatur. Pars pilis carens *πρόσωπον*, & *πρόσωψ*, qua solus homo ante prospicit, Græcis appellatur, Latinis facies, & vultus. Circumferentia capillata *στέφανος*, & *στέφανη*, i. corona nuncupatur. Anterior pars *βρέγμα*; quia humidissima & mollissima est, Latinis sinciput, quasi summum caput, appellatur. Postica pars *ῖνιον*, quòd fibrosa sit & neruosa, dicitur. Media pars *κορυφή*, *μεσόκρανον*, vertex Latinis, quia ibi crines in gyrum vertuntur, vocatur. Partes laterales *κρόταροι*, Latinis tempora dicuntur; quia hominum ætatem ratione canitiei ibi incipientis, produunt.

*Secunda
diuissio in
continen-
tes, & con-
tentas.*

Alia diuisione distribuitur caluaria in partes continentes & contentas; vti in alijs duabus regionibus fecimus. Continentes communes sunt pili, cutis, panniculus carnosus. Propria, pericranium, cranium ipsum, & duæ meninges. Contentæ partes sunt cerebrum, atq; cerebellum. Pili communes partes dicuntur, quia in toto ferè corpore crescunt; licet soli capitis, superciliorum, & palpebrarum sint congeniti, alij omnes postgeniti. Pili Græcis *τρίχες*, quia sectioni obnoxij, dicuntur: Persio *κρίπὴ ἀ κείρο*, id est incido. Cæsaries etiam à frequenti cassione viris dicitur: coma mulieribus à cultu; nam *κομῶ* idem est ac curo. Linea illa, quæ à vertice ad frõtem protenditur, quæque æqualiter capillos ad capitis latera procumbentes sepa rat, *λύσσημα* & *λύσση*, id est solutio vel discrimen, æquamentum Aristoteli dicitur. Pilorum cumulus in frõte *πρόκωττα* dicitur: cumulus in occipitio *κράυτε*, id est iuba, & crines. Primus pilorū exortus in temporibus *ἐλαος* id est lanugo appellatur: qui iuxta aures pendent *παρωτίδες*. i. cincinni, dicuntur, maximè verò si contorti fuerint. Radices pilorum, *ῥίζες* aliqui nominant.

*Cuticula
& cutis.
Quare cu-
tem capi-
tis tantum
ad nutum
monemus.
Quid peri-
cranium.*

Cuticula in capite crassior est, quàm alibi: cutis alijs in partibus, quàm in capite, acutiori pollet sensu; quia alibi membranæ neruose superitrata est, in capite verò musculosæ membranæ: ideoque capitis cutem tantùm ad nutum mouemus. Exiguus adeps in occipitio tantùm reperitur.

Pericranium, quod & periostium dici potest, est crassa solidaque membrana totum cranium cooperiens, ortumque à dura matre trahens: quæ quidem fibratum plurimarum interiectu, commissuris siue futuris cranij firmiter hæret, & extorsum circum cranium vniuersum coextenditur, nisi vbi sunt muscoli temporales, crotaphitæ dicuntur: nam inibi supra musculum crotaphitam extenditur. Quoniam pericranium crassæ menyngei arctissimè hæret, & fortè continuatur: eam sub cranio suspensam, præsertim propè futuras, detinet. Hæc membrana simplex est, sed crassa: in duasq; fortè partes scindi potest, sicuti & ipsæ menynge.

*Cranium.
unde dici-
tur.*

Os capitis, caluaria, vel calua vulgo dicta, cranium appellatur: *κράνος* idem est ac galea: cùm ergo instar galeæ hoc os cerebrum contegat teste Gal. lib. 8. de vsu part. c. 9. meritiò hoc nomine donatur. Crassum est hoc

*Cranium
octo ossibus
constat.*

os in cerebri tutelam; rarum tamen, vt vaporibus sursum eleuatis, & cerebrum inebriantibus exitus concedatur. Cranium octo constat ossibus. Primum, os frontis, siue os puppis & inuerecundum (quia frons pudoris indicium est ex Arist.) Græcis *μετωπον* dicitur. Hoc os caluariæ anteriorem, & faciei superioreim partem constituit. Aliquando geminum est, quoties scilicet ad intercilium, & narium radicem Sagittalis futura protenditur.

Semi-

Semicirculari figura gaudet. Secundum, & tertium, sunt duo ossa parietalia, aut sincipitis, aut verticis, Græcis ossa *βρέγματος*, quia cerebrum sub illis humidissimum est. Quadrilatera sunt. In nuper natis anterior eorum pars membranæ est, deinde cartilaginea fit: tandem ossea euadit. Quartum & quintum os, ossa temporum dicuntur, quia temporibus ad aures subter ossa bregmatis quedam ossicula rotunda apponuntur; quæ quia durissima, petrea siue petrosa; & quia secundum superiorem partem squamea, squamosa appellantur. Sextum est occipitis os quinquelaterum; licet triquetra figura supernè præditum sit. Septimum os sphenoides dicitur; quia cunei modo sese inter omnia capitis & genæ superne ossa insinuat. Basilare etiam appellatur, quod in basi capitis situm sit: Os colatorij alijs, quia illi adiacet glans illa spongiosa, pituitaria dicta, quæ cerebri superfluitates instar spongiæ recipit, imbibitque, easque rursus paulatim in palatum instillat. Octauum os *σπονδυοειδές*, id est spongiosum, & *κρηνοειδές*, id est cribriforme, appellatur, quod in media frontis basi situm est. Per multiplicia illa foramina, licet angusta obliquaq; aerem admittit ad spiritus animalis generationem, & expurgationem; odorumq; species præterea ad processum mammillares una cum aere inspirato. Alter vsus dictorum foraminum est, vt per ea sese exonerare possint superiores præcipue cerebri ventriculi, quoties superfluitatibus searent, licet vniuersim & ordinariè superuacanci cerebri humores per illud infundibulum ad pituitariam glandem deerrent. Hæc octo capitis ossa inter se connectuntur immobili compactaque quadam articulatione, quasi pectinatim, aut dentatarumerrarum more; quæ connexio futura communiter dicitur. Ossa autem petrosa aut squamosa sola, ritu squamarum & imbricatim, vt aiunt, copulantur. Nulla ergo capitis ossa inter se per diarthrosin iunguntur. Sutura capitis veræ sunt tres: Coronalis, quæ os frontis à parietarijs diuidit: Sagittalis, quæ instar sagittæ ad longitudinem capitis protenditur à coronali ad lambdoidem, quæ tertia est, quæque os occipitis ab alijs diuidit: Duæ aliæ suturæ ossium petrosorum squamosæ dicuntur, & spiriæ. Sunt aliæ tres, communes dictæ, quæ sphenoidem, ethmoidem, & genam superiorem à calua discludunt.

Octo suturæ.

Sub caluaria collocantur membranæ duæ, quas Arabes matres, Græci *μηνίγγες* appellant: quæ circumquaque cerebrum ambiunt. Exterior tamen quæ prope caluariam est, dura mater appellatur, quia est tanquam mater, cum cerebrum vniuersum ambiat, & mediantibus vasis, quæ ad id transmittit, nutriat: dura dicitur, & crassa, immò cuticularis; *σκληρά*, & *μαχέα*, quia est membrana omnium durissima, & crassissima, & vbique duplicata, licet vnica sit. Caluariæ figuram habet, quia caluariæ intus ita adhæret, vt omnes eius cavitates, sinusque impleat: seque habet in capite eo modo, quo pleura in thorace, & peritonæum in inferiori ventre. Caluariæ basi tenaciter hæret; cranio, vt superius protuli, villorum interiectu alligatur, qui per suturas rursus exeuntes, & quoquoersum expansi, pericranium procreant. A superiori cranij parte aliquantulum distat, vt impediatur ne cerebrum in suo motu sursum, duram ossis substantiam, à qua læderetur, attingat. Pia matri per venas copulatur, & his iisdem, ac sinibus processibusque mediantibus, cerebro. Multis foraminibus peruia est dura mater, vt venis atque arterijs, nutrimentum, & spiritus ad cerebrum deferentibus, introitum concedat, septem verò paribus neruorum, spinali medullæ, & infundibulo ac processibus mammillaribus exitum.

Dura mater.

Prope

*Dura mater
ius proce-
sus.*

Prope os n. spongiosū cribri instar perforata est, te te Gal. vt per processus māmillares extuberātes, & rursus dicta foramina expurgari possit illuuius humorum superiores partes cerebri, superioresque ventriculos infestans. Propter varias huius membranæ reflexiones duos efficit processus. In capitis ergo vertice reduplicata in cerebri corpus rectā ad medium vsq; sub sagittali futura, immergitur; & quia messoriae falcis figuram exprimit, falx vulgò appellatur, cerebrumque in duas partes, dextram, & sinistram, ad medium vsque diuidit. In postica verò cerebri parte hæc membrana quadruplicata alium generat processum, seque intus ita insinuat, vt cerebellum à cerebro maiori ex parte diuidat.

*Quatuor
sinus quos
dura ma-
ter effor-
mat.*

Inter duas iā dictas duræ matris *διπλῶς* siue duplicaturas, quatuor videntur efformati tubuli, tanquam ductus & vasa, licet vas sis paulò latior, quos sinus appellant. Instar a. aquæ ductus sanguinem, qui in eos ex vasis effunditur, quoquoersum in cerebri substantiam, vt nutriatur, spiritusque animalis generetur, deducunt. Magna quidem cerebri moles copioso eget nutrimento: Ergo cum magnæ venæ ad ipsum non fuerint protensæ, rectè ex venarum, arteriolarumque osculis in amplos illos ductus à natuta fabricatos, tanquam magnorum vasorum vicarios, sanguis continuò effunditur.

*Duo primi
sinus.*

Duo laterales sinus dexter & sinister oriri incipiunt à basi capitis iuxta magnum ossis occipitis foramen, vbi primum iugularibus internis ingressus conceditur; illinc obliquè per posteriora ascendentes, circa cerebelli apicē, & ad futuræ lambdoidis principium coeunt, angulumque efformant: & ex hoc eorum conitu tertius sinus, canalis instar, nascitur; imò & quartus, vt mox dicam. Tertius ille omnium longissimus sursum repit, & ad longitudinem futuræ coronalis decurrens ad narium ossa, vel cristam galli, vt alij loquuntur, fertur. Herophilus *ἄθρον*,

*Tertius si-
nus.*

Torcular.

id est torcular, appellauit; quoniam ex eo sanguis, quem a iugularibus vasis, & præcipuè à maioribus ramis iugularium internarum, & minoribus ramis arteriæ carotidis accepit, tanquam ex torculari & cisterna in vniversum cerebri corpus exprimitur. Alij verò torcular appellant quatuor sinuum *συρρομήν*, siue concursum, coalitumue. Ab hoc tertio sinu quamplurimæ venulæ in tenuem membranam, siue piam matrem ad huius cerebrique nutritionem sparguntur.

*Sola frons
inflammationi obnoxia.*

*Quartus si-
nus siue
ductus.*

Quoniam hic sinus ad frontem vsque perducitur, Hippocr. de fract. capitis ait, solam frontem, si percutiatur, inter omnes capitis partes esse inflammationi obnoxiam. Quartus tandem sinus omnium breuissimus, ex suprascripto duorum primorum sinuum concursu oritur: & quemadmodum tertius ille sinus sursum vergebat, ita hic quartus deorsum; nam inter cerebrum, & cerebellum ad nates, glandulamque pinealem dictam rectā tendit, variosque spargit ramos sursum deorsumq; ad testes, & ventriculos etiam anteriores vsque. Hic sedulò notandum venas, & arterias in cerebro nullo coniugio, vt in reliquo corpore, copulari, sed venarum orificia deorsum respicere, vt cerebrum sanguine irrorent; arteriarum verò orificia seorsim supra respicere; quia ex ijs spiritus prætenus faciliè ad cerebrum, & membranas exit.

Vsus varij

Duræ matris primus vsus est, vt cerebrum contegat & spinalem medullam ab externis iniurijs defendat. Secundus vsus, vt cerebrum in dextrum & sinistram, posticum & anticum diuidat. Tertius est iam antea expositus: vt nimirum sit omnium vasorum caluariam ingredientium receptaculum. Vide Gal. lib. 8. de vsu part. 9.

Duram matrem consequitur *λεπτή*, siue tenuis meninx, quæ tenuis, mollisque à natura facta est, vt facilius sese in quosuis cerebri sinus insinuet, neque suo pondere cerebro molesta sit, vtque vasa omnia à dura matre deducta per vniuersum fortè cerebri corpus deferat: Vnde *χοροειδής*, id est secundina appellatur; quia vt secundina fœtui incluso nutrimentum ab vtero acceptum distribuit, sic pia mater cerebro, quod à dura accepit. Quoniam hæc membranula immediatè cerebrum obuolat, in intimosque eius recessus, èt ventriculos, non deorsum, sed sursum porrecta, peruat, pia matris nomen meruit. Ita enim pia mater cerebrum continet & constringit, vt hac priuatum idem cerebrum faciliè diffuset atque dissoluatur, vt habet Galenus lib.8. de vsu partium ca.8. & de eadem capite sequenti 9. sic loquitur. Siquidem meninx Choroeides innatum est cerebri tegumentum, vt in animali cutis.

Pia mater.

De Cerebro.

Cerebrum atque cerebellum, quia tot relatis inuolucris obducuntur, & intimiorè in capite sedè occupant, meritò contenta appellantur. Cerebrum Græcis, quia in capite continetur, *εγκέφαλος* dicitur: Platoni *μυελός*, id est medulla, propter similitudinem, quam cum medulla habet. Quibusdā, qui ipsum medullam esse crediderunt, *μυελός εγκέφαλίτης*, i. medulla in capite contenta, ad distinctionem *μυελὸς τῆς ραχίδος*, id est, medullæ spinæ, nuncupabatur. Si tamen veritatem amamus, vix medulla dicendum: quoniam à vera medulla longè distat. Nam ossium medulla, pinguedinis more, aduentu caloris liquefcit, fluxilisque redditur, nec tunicis obducitur, nec arterijs, & venis intertexta est, nec ipsi vlla cum musculis aut neruis intercedit communio, vt medullæ cerebrali; vt loquitur Gal. lib. 1. de motu musculorum cap. 1.

Nomina.

Cerebrum itaque est substantia quædam mollis & alba, crassa, viscida, frigida humidaque, ex puriori spirituosi feminis parte, ad præstantissimos vsus generata. Cerebrum molle est, vt rerum imagines facilius recipiat, eique hæc facilius imprimantur: tum vt nerui ab eo propagati, sint flexiles: tum ne, si durum esset, suo pondere totum corpus aggrauaret, & ne à suo naturali motu ipsummet cohiberetur. Cerebrum album est, licet non perfectè; quia est pars spermatica; tum quia talis substantia conueniens est ad limpidissimos spiritus generandos; qui atrii in melancholicis, quibus cerebrum atro humore refertum est, procreantur. Quia cerebri substantia alba est & friabilis more glandium, cerebrum glandi simile esse monet Hippocrates lib. de glandulis. Et sanè glandis munus quotidie subit, cum vniuersos vapores ex corpore sursum capeffentes, spongiosarum glandularū ritu, absorbeat: à quib⁹ retētis infestatur, liberatur vero, quoties liberè per caluariam in suis futuris dehiscentem, dictæ superfluitates euanescent. Crassa est cerebri substantia, vt calor in eo melius vniatur, idoneumque ad spirituum animalium æthereorum generationem, simulque conseruationem, sit. Viscida & glutinosa aliquo modo est cerebri substantia ob eundem nunc relatum finem; tum quia est substantia mollis & spermatica, frigida humidaque. Decuit autem cerebrum frigido humidoque temperamento præditum esse, ne in perpetuis cogitationibus arefceret, & contereretur (quemadmodum tadem in senectute fit, teste Hipp.

Quid cerebrum.

Cerebrum glandi simile.

Vfus.

Elogia.

*Cerebrum
passivè nō
sentit, sed
sensum effi-
cit.*

*Cerebri
motus est
naturalis
& multo re-
missior mo-
tu cordis.
Vnde spi-
nalis me-
dulla, nec
nerui mo-
ventur ad
ipsius mo-
tum.*

*Magnum
hominis ce-
rebrum.*

*Calvaria
figuram a-
emulatur.*

*Cur? mala
in interlu-
nio & non
alijs tempo-
ribus sa-
munt.*

*Cerebri di-
visio*

in Epid.) & vñ cum tenuissimo animali spiritu accenderetur, spiritusque tandem resolveretur: neque phreniticorum mōre temerarias sine rationis ductu actiones ederet homo. Cerebrum non est à natura tam artificiosè fabricatum, vt cordi tantum refrigerio sit, sicuti contra Aristotel. docet Galen. lib. 8. de vsu partium c. 2. & 3. & alibi passim; sed vt sit præcipuum instrumentum, & sedes facultatum principum, & animalium. Vnde à Platone diuinissimum membrum appellatur; ab Homero *ἱεραὸν κάλον*, quod instar primi mobilis præsuppositas partes illustret: quæ illustrata, tum facultate animali, tum spiritu, moventur & sentiunt. Quoniam cerebrum est communis sedes, de omnique sensu iudicat, non sentit passivè, sed energia solummodo; quia sensuum omnium auctor est. Oculi autem pars videns sine colore est, vt colores videat. Cerebrum eo fere modo, quo cor, naturali motu dilatationis & contractionis agitur; qui motus ipsi proprius est (communi præterea motu arteriarum agitur) vt in sua diastole ex plexu mirabili spiritum vitalem præparatum, & ex naribus aerem attrahat ad spiritus animalis generationem: in sua systole siue contractione interiores suos sinus coarctat, & spiritum animale ex superioribus ventriculis in tertium, quantumque inferiores, simulque in sensuum motuumque organa diffundit: imò quidquid in eo superfluum est, siue fumosum, siue cuiusvis naturæ, à se pro viribus deturbat. Hoc ergo suo contractionis motu spiritus animales expurgat, & sufficientes ad sensuum & motuum organa deturbat: mediante dilatatione materia spirituum generationi idonea in ventriculos superiores priùs attrahitur, & attractione aeris iam genitus contemperatur. Quoniam in cerebro principes facultates, & animales sedem habent, tot functionibus obeundis necessaria fuit pars notæ molis. Quare hominis cerebrum ita magnum est, vt duo boum cerebra in mole excedat: hæc moles calvariæ longulam rotundāq; figuram exprimit; sicuti in lateribus depressam.

Fallopium in profundis capitis vulneribus observavit, cerebrum in plenilunio turgere, subsidere autem decresciente Luna. Hinc in interlunio varia incommoda frequentius, quàm in plenilunio occurrunt: Et in capitis ictibus præcipuè; quia decresciente Luna maius intervallum inter cerebrum & duram matrem intercedit, quàm in plenilunio. Quare venæ, quæ à dura matre in cerebrum deinittuntur, ruptionis iacturam patientur; quia tunc magis, quàm alijs temporibus, dilatantur propter maiorem suspensionem cerebri à dura meningē. Et quoniam tunc cerebri partes magis extendantur, & eius humores acredinem accersunt, atrabiliarij præcipuè suas melancholicas accessiones in novilunio patiuntur; imò & ipsa Epilepsia, quæ ab humore melancholico aut pituitoso oritur, suas etiam in novilunio repetitiones habet. Humores quidem omnes in plenilunio mitescunt: partesque omnes temperiores euadunt. Non mirandum ergo, si in interlunio cerebrum propter maiorem intemperiem, & humorum benignorum penuriam dictis morbis sit obnoxium. Tunc autem imbellior facta pars quævis minùs causis morbisicis resistit.

Licet nomine cerebri tota illa mollis massa, calvaria comprehensa intelligatur; illa tamen moles in cerebrum diuiditur & cerebellū: tertiumque diuisionis membrum aliqui addunt, principium spinalis medullæ. Moles illa anteriorem, superioremque capitis partem occupans, simpliciter cerebrum dicitur: posteriorem verò, & inferiorem portiunculam à cerebro secundum diuisionem, cerebellum, & *πρῶτον κέφαλον, δεύτερον κέφαλον, ὅχιον* appellant.

Ce-

Cerebrum superius antcriusque in dextrum & sinistrum à falce mesforia diuiditur. Externæ superficiei color subcineritius est; figuram habet gracilium intestinorum gyris similit, si epiploon illis dematur. Infinitos habet anfractus, & circumuolutiones, quarum multæ in ipsius substantiam interius penetrant. Ideoque hæc cerebri pars varicosa dicitur, *κίρσοειδης* Græcis. Hi varijanfractus siue gyri à natura constructi sunt, vt per eos sese pia mater, nutrimentum intimiùs, mediantibus vasis, ad cerebri nutritionem deferens, insinuet. Hi gyri, iuxta aliorum sententiã, formati sunt, vt ex eorum vsu cerebrum leuius reddatur, & ad motum magis dispositũ. Alije eos constructos aiunt, vt cerebrum molle, & consequenter initabile, meliùs in proprio loco fulciatur. Alije eos constructos aiunt, vt sanguis & spiritus liberè quoquouersum per cerebrum deerrent: proindeque in plenilunio, quo tempore humores augentur, & spiritus, calor natiuus à suffocatione in istis anfractibus liberatur: sicuti etiam in cerebri dilatatione siue diastole in ipsdem anfractibus meliùs conseruatur. Quidam dictos gyros factos putant, ne assiduo cerebri motu venæ, & arteriæ disrumpantur. Superficie hac cerebri cultro ablata, sectoque sic cerebro ad spissitudinem duorum, aut trium digitorum, illicò se exhibebit altera cerebri pars multò candidior, duriorq; sine venis, aut artijs, aut membrana; quæ pars ob sui duritiæ Græcis *τυλῶδες σῶμα*, vel *τυλλοειδὲς σῶμα*, id est callosum corpus appellatur: hic terminatur illa cerebri diuisio in dextrum & sinistrum. Hæc pars cerebri medulla dicitur, quia in medio cerebri & capitis inter parrem supernam, & infernam, anticam, & posticam sita est, & more medullæ probè elaboratæ albicat. Ablato maiori ex parte hoc corpore calloso mox occurrunt duo cerebri ventriculi, anteriores à Galeno, ab alijs superiores nuncupati. Sed quoniam in medio penitus cerebri, & capitis situm habent, rectiùs forrè vnus dexter, alter sinister dicitur: nam collateraliter siti sunt; suntq; multò ampliores reliquis duobus, quòd spiritum contineant multò crassiorẽ. Æqualis sunt magnitudinis, & ab inuicem septo quodam dirimuntur, quod corpori calloso à parte superiori, fornici à parte inferiori vnitur. Hoc septum laxa rugosaque substantia est. Explicata tamen, tensaque donec rugas amittat, si inrer oculos, & claram lucem, aut candelam pura flamma accensam interponatur, eodem ferè modo, quo vitrum, transparet. Vnde ab Anatomicis communiter septum lucidum, speculum lucidum, & lapis specularis dicitur. Est enim hoc septum, quod ventriculos ita ab inuicem discludit, portiuncula ipsius cerebri à natura affabrè formata, vt veluti lucem spiritibus conciliet. Præfati duo ventriculi figuram exprimunt Lunæ falcatæ, aut mediæ partis circuli. In medio autem angustiores euadunt, à parte verò priore latiores. Dum inferiùs ad se inuicem conuertuntur, ad tertium ventriculum tendunt, à quo parum distiti sunt. Prætenui, quadam membranula exquisitissimo sensu prædita, & ab infundibulo sursum deducta interiùs secundum suas concauitates hi ventriculi succinguntur. Plexus quidam in his ventriculis, in vtroque vnus, i vt quibusdam placet, vel inter hos ventriculos & fornici, vt alij volunt, reperiuntur; qui *πλέγματα*, aut *ουτέμματα χοροειδή*, id est choroides, vel chorioformes, quòd *χορίον* membranæ, quæ ietum in vtero inuoluit, assimilantur, appellantur. Hi autem plexus à vasis nominantur; quoniam sunt venularum, arteriolarumque infiniti labyrinthei contextus siue complicationes per tenuem membranam ascendentem excurrentes; ita vt hac membranula fulciantur.

Cerebri ab solut à disti diuisio.

Superfici ei externa cerebri anfractus.

Corpus callosum.

Duo ventriculi anteriores cerebri.

Septum lucidum.

Duorum ventriculorum figura

Plexus ventriculorum, quos rete mirabile quiddam appellant.

*Plexum
& ventri-
culorum
anteriorū
vſus.*

tur. Hæc vafeula partim à quarto ſinu, partim à ſurculis carotidis arte riæ oriuntur. In his plexibus animalé ſpiritum concoqui, præparari, atque attenuari ſtatuunt. Vnde eos in dictis duobus ventriculis generari communiter aſſerunt. Huius ergo generationis ſpiritum gratia, & illi plexus, ſimulque ventriculi bini à natura potiffimùm cōſtructi ſunt: Hiquē quidem gemini, vt læſo vno ventriculo, alter ad functiones principes & animales obeundas ſufficiat. Galenus geminitatis huius vſus exponens lib. 8. de vſu part. c. 10. ait: Nam admirabile illud ſpectaculum, atque incredibile, quod Smyrne in Ionia accidit, aliquando ſumus conſpicati adoleſcentem vulnere in alterum anteriorum ventriculorum accepto, ſuperſtitem fuiſſe, Dei (vt videbatur) voluntate: ſed ne temporis quidem momentum viuere potuiſſet, ſi vtrumque ſimul vulnus violaeſſet. Alios binos ventriculorum dictorum vſus ibidem Galenus proponit. Proſunt igitur ad inſpirationem & expirationem cerebri: & ad odores ſuſcipiendos: ad quæ duo munia, proceſſus mammillares perforati inſeruiunt. Galenus loco cit. hæc ſic expoſuit: Antiores itaque duo ventriculi inſpirationem & expirationem, efflationemque ex cerebro efficiunt: Nec minus quoque demonſtrauiumus, quod prius quidem conſciunt, ac præparant ipſi cerebro ſpiritum animale: atque etiam, & quod infernis ſuis partibus, quæ ſpectant ad nates, ſimul quidem olfactorium ſunt inſtrumentum, ſimul autem veluti ductus quidam ac canalis, ad ſuperfluorū effluſionem accōmodus, paulò ante indicauimus. Proceſſus autem hi mammillares ſunt duo quædam tubercula, papillis mammarum perquam ſimillima, quæ ab ima parte, vel ſaltem vicina dictorum ventriculorum, ad narium oſſa cribroſa, cribri ſimiliter inſtar perforata protenduntur. Pia tantùm matre, & non dura, conteguntur. Per hæc enim aer, & odorum ſpecies ad cerebrum tranſuehantur: ideoque odoratus inſtrumenta ſtatuuntur. Per hos eoſdem proceſſus cerebri mucoſa illuuiēs non rarò expurgatur, per nareſque ſtillat, ſicuti fuliginofos vapores in cerebri compreſſione, ſiue ſyſtole. Sub duobus præſatis ventriculis duos quosdam ſinus admittit Arantius, quos hypocampi, ſeu bombycini vermis effigiem referre vult. Laurentius tamen ſuperiorum ventriculorum portiones eſſe autumat.

*Proceſſus
mammilla-
res.*

*Quid pro-
ceſſus mam-
millaris.*

Subſequitur *σῶμα φαλλοειδές*, vel *φαλλοειδές*, id eſt corp⁹ camerę ritu cōſtructum, & tribus quaſi columnis ſuſtultum: parte qua ſupremos duos ventriculos reſpicit hæc camera, ampla eſt, deorſum tamen paulatim anguſtatur, & intenuem quaſi apicem deſinit; ita vt trianguli Iſocelis formam occupet. Quoniam fornicum ædificiorum vſum exprimit hæc concameratio. Græcis *καμφοριον* dicitur, ſicuti, & teſtudo *φαλλίδα*, vt habet Galenus lib. 8. de vſu part. c. 11. vbi huius cameræ, quam rotundam, & orbicularem eſſe vult, vſum ſic exponit: Vſus ſanè illius *φαλλοειδὸς* corporis nullus alius eſt, putandus, quàm *φαλλιδῶν*, ſid eſt fornicum in ædificijs. Quemadmodum n. fornices ad incumbētia onera ſuſtinenda ſunt quauis alia figura aptiores, ita & hoc corpus partem cerebri omnem incumbentem citra moleſtiam ſuſtinet. Fornix autem totum cerebrum ſupra ſe poſitum ſuſtinet, impeditq; ne tertium ventriculum ſuo pondere comprimat, atq; coarctet. Sicut ergo in aſibus fornices teſtum ſuſtinent, reliquasque partes ſuperiores, ſi inferiūs conſtruantur, vt quoties cella vinaria inſtar forniciſ effingitur, ſic deſcripta camera ſuperius cerebrum. Huic cameræ ſubditus eſt tertius ſinus, ſiue ventriculus, qui eſt duorum ſuperiorum concurſus, & communis cavitās. Medius venter à Galeno

*Forniciſ
ſiue teſtu-
diniſ vſus.*

appel-

appellatur, vel quia inter superiores, & quartū situs est; vel quia in medio frontis, & occipitij collocatus. Hic tertius ventriculus duos à se expandit ductus siue meatus: vnus, isq; insignis atque conspicuus, ex humiliori sede per corpus cerebri tanquam exsculptus antrosum, deorsumque rectā ad eiusdem cerebri basim porrigitur. Versus finem huius ductus infundibulum *χράνιον*, siue pelium *πύλον* conspicies. Infundibulum est ductus quidam siue cauitas, sub tertio ventriculo ex pia matris portione instar infundibuli constructa: nam primum latior ampliorque est, rursus paulatim angustatur, donec ad glandulam quandam ei substratam, definat. Quæ glandula pituitaria vulgò dicitur; quia, tamen si portione pia matris obducatur, spongiæ tamen ritu spongiosa est, atque bibula, vt cerebri pituitam per infundibulum, veluti per manicam Hippocratis prius transcolatam, excipiat; rursusq; per cunei ossis foramina in palatum paulatim instillet. Sita est hæc glandula in quadrato illo sinu ossis cunei, qui in medio fellæ veluti exsculptus cernitur: ab hoc sinu alij quatuor deriuantur excurruntque; quidam versùs anteriora ad secundum foramen eiusdem ossis cunei in radice sedis ipsius oculi positum: alij verò excurrunt ad posteriora ad inæquale & asperum foramen, quod est eiusdem ossis quintum. Circa latera prædicti sinus, in quo glandula pituitaria sita est, siue ad latera apophyseon, clinoidon, vt inquit Lauren, plexus quidam membraneus conspicitur innumeris arterioliis variè complicatis, plurium retium sibi superstratorum instar, intertextus; *δίκτυοειδὲς πλεγμα*, id est retiformis plexus Gal. dicitur: Recentioribus, vt ait Spigelius rete admirabile. Hunc plexum à Galen. descriptum Vesalius in hominibus inueniri negat, Spigelius tamen & alij stant à parte Galeni, sustinentque non in vitulis tantum, bubus, & alijs grandioribus animalibus sed etiam in homine, conspicui. Lauren. cum Recentioribus, vt ait, non huic plexum sed plexum choroideum qui in superioribus ventriculis cernitur, rete mirabile appellare mauult. Sed profectò mirabiles sânt hi scriptores: nam Spigelius plexum retiformem à Galeno descriptum cum recentioribus rete mirabile appellat: Laurentius non hunc, sed plexum ventriculorum anteriorum rete mirabile appellat. Alter tertij ventriculi ductus ad quartum sinum siue ventriculum retro dirigitur: Estque priore iam descripto, qui ad glandulam pituitariam excurrit, amplior, inquit Laurentius, sed multò angustior, vt interdum reperiri nequeat, vt inquit Vesalius, cui Spigelius cōtertio ventriculo ad quartum sese primo loco offert glandula quædam pinealis dicta, quam Græci *κροειδὴ* & *κονάριον* appellant, quia figuram habet turbinatam, nuci pineæ non absimilem. Glandulosam quidem substantiam, licet duriusculam, refert: eius apex ad superiora dirigitur, basis verò deorsum spectat. Hæc glandula ita in principio fermè huius ductus sita, more aliarum glandularum, tulerum est atque fulcimentum venularum atque arteriarum, tum vt liber pateat introitus spiritibus animalibus à tertio ventriculo in quartum, tendentibus, tum vt inibi diu foueantur, rescianturque iisdem; tum vt illa pars interna cerebri nutriatur, foueaturque. Glandula rursus præfata illam viam siue ductum à tertio ventriculo ad quartum patentem conseruat, patentemq; quartum ventriculum, vt à superioribus spiritum suscipiat. A tergo conarij siue glandulæ præfate pinealis vtrinque, siue ex vtraque parte, statim visuntur, duo quædam corpuscula rotunda & duriuscula, quæ etiam cerebri portiunculae sunt; quæque, quia natum siue clunium figuram

Duo sinus ductus à tertio ventriculo excurrunt.

Infundibulum quod Glandula pituitaria.

Quatuor sinus à sinu ossis cunei deducuntur.

Rete mirabile quale.

Laurentij & Spigelij repugnantiæ.

Secundus ductus à tertio ventriculo procedens.

Vesalio aduersatur Laurent.

Glandula pinealis.

Vsus varij.

Nates.

amulantur. *νατία* id est nates appellantur. Sub his duæ aliæ particulæ testium figura exprimentes visuntur. Vnde *αρχης* & *διδυμοι* dicuntur, Spigelius, contra quam Laur. testes priores constituit.

*Testes.**Quartus ventriculus.**Calamus scriptorius. Cerebellū.*

Succedit tandem quarrus ventriculus omnium minimus, rotundus tamen, interque cerebellum & spinalis medullæ principium situs; qui strictior paulatim factus, in acumen desinit instar calami scriptorij. Vnde calamus scriptorius ab Herophilo dicitur. Cum enim paulatim spinalis medulla exilior euadat, ventriculo aut multum parenti ductu non eget, vt per eam spiritus animalis omnium tenuissimus transcurrat.

Figura, continuas, & color.

Secunda cerebri portio, eaque decupla minor anteriori cerebro iam antea descripto, cerebellum siue paruum cerebrum instar appendicis iudicatur, Græcis *παραγκεφαλis*. In cerebri autem subsidium factum est, vt nimirum spiritus animales in alijs tribus cerebri ventriculis elaboratos conseruet, adque spinalem medullam ad sensum tactus in vniuerso corpore, & animalein motum edendos, tanquam ex promptuario, & officina transmittat. Lari globi parum longi aut profundi figuram æmulatur. Inferiori cerebri parti continuum est, alijs idem suis in partibus pia duraque matre, vt cerebrum ipsum, obducitur. Subcineritio colore, & aliquando flauescente infectum est: durius denique crassiusque est ipso cerebro: in suis externis partibus gyros habet & anfractus. Situm habet in illa occipitis (quod non totaliter occupat) parte, quæ duabus fossis circumscribitur. Totum cerebellum ex quatuor partibus componitur, quarum dextra & sinistra globulorum figuram exprimentes, laterales. Aliæ duæ partes in medio sitæ sunt, vna anterior, & altera posterior, quæ cerebelli processus nuncupantur: & quia vermium, qui vetera, cariosaque ligna depascuntur, formam exprimunt, *σπινθηροειδεις*, id est processus vermiformes appellantur. Anterior extuberantia meatum à tertio ventriculo ad quartum apertum seruat. Posterior pars spinalis medullæ posticæ parti accumbit, & ad quartum sinum, siue ventriculum, quem apertum seruat, excurrit.

*Situs.**Compositio*

Cerebellum sequitur *μυελος ραχίτης*, id est medulla spinalis, quam nonnulli cerebri processum, aut cerebrum prolongatum appellant; quia est ipsius cerebri atque cerebelli portio, pia, duraque matre, æquæ ac ipsa, obducta, quæ per magnum occipitij foramen exiens, deorsum, vertebris vndique dorsi, tanquam firmis, validisq; sepimentis, circumdata, ad coccygis ossis sedem, exilior duriorque semper euadens quò magis à cerebro producitur, excurrit. Medulla hæc spinalis à quatuor radicibus oritur, (vt Varolius primus omnium animaduertit) quarum duæ maiores à cerebro, duæ minores à cerebello pendent. (Ex posteriori ventriculo spinalem medullam produci testatur Galen. lib. 8. de vsu part. c. 10.) Quæ omnes inter se coeunt spinalem medullam, tanquam cerebri caudicem constituunt. Caudex hic in internam partem caluariæ adhuc inclusam, & externam, quæ extra caluariam egreditur, diuiditur. Ab interna eius parte septem neruorum coniugationes, & processus mammillares oriri, cum alijs vult Laurent. non verò ab anteriori parte cerebri, vt antiquis placuit. Septem coniugationibus Spigelius octauam pro odoratu addit. Pars spinalis medullæ, quæ extra caluariam excurrit, rotunda est, duraque, eique pia mater, per quæ vasa innumera, venæ, & arteriolæ ad eiusdem medullæ nutritionem, sparguntur, arctè cohæret; dura verò non ita. Medulla in principio sui exortus crassa, ampla; paulatim, vt diximus, exilior fit, donec tandem

*Spinalis medulla.**Ortus.**Spinalis medulla diuisio.**Septem partia neruorum.*

tandem in dorsum finem perueniens, tota in varios funiculos & filamenta caudam equinam exprimentia, desinat. Itaque neruuli, qui ab ea sparguntur, innumeri sunt, atq; incomprehensibiles. Quoniam tamen quamplurimi, dum vertebrarum foramina egrediuntur, coeunt, ut neruos visibiles atque corpulentos effingant, Anatomici ad certum numerum neruos reuocare contendunt. Varij igitur villi à spinali medulla prodeuntes coeunt, tenuique membrana vestiuntur arcte, ut ex ijs neruus exurgat; qui dum ad vertebræ foramen accedit, dura membrana à dura matre producta, vestitur, formaturque ex ijs omnibus perfectus neruus; qui postquam foramen egreditur, in varios rursus funiculos, & capillamenta, ut antea, antequam ex ijs neruus coiret, separatur. Cum ergo quælibet vertebra bina possideat foramina, geminos consequenter emittet neruos, vnum ad quoduis latus. Erunt ergo triginta neruorum paria spinalis medullæ extra caluariam productæ. Septem medullæ cervicalis propter septem cervicis vertebra: duodecim dorsalis medullæ, quæ duodecim vertebra: cõtègitur: quinque lumbaris, quæ quinque vertebra: & sex medullæ ossis sacri; quodlibet benè connexum vbiq; sex vertebrarum rudimenta exhibet. Septem neruorum coniugationes sequentibus à Columbo comprehenduntur.

Optica prima (videt); oculos mouet altera; tertia gustat; Quartaque; quinta audit; sexta vaga; septima lingua.

Notare par est, neruum multipliciter accipi. Neruos *τόνους*, & *νεῦρα* Græci vocant. Erotianus in Onomastico existimat *τόνους* apud Hippocr. de venis, arterijs, ac neruis simul dici: cuius rei exemplum habetur libro de vñu humidorum. Ruffus Ephesus arterias neruos vocari testatur. Hippoc. lib. de locis in homine, ligamenta ossium neruos appellat aieni: Nerui colligant premuntque articulos, & ossibus adhærent. Et lib. de Arte: Nerui protensi ad ossa, ligamentum sunt articulorum. Arist. lib. 3. de hist. animal. ossa omnia neruis ligari vult. Gal. lib. 1. de motu muscul. Lib. de ossib. & alibi passim, tria statuit neruorum genera, quæ exanguia, & sinu, siue meatu carentia apparent. Quorum quidam ex ossibus prodeunt: alij ex musculis: alij verò ex cerebro & spinali medulla deriuantur. Quæ ex ossibus prodeunt, sunt ligamenta, vsusque ita inualuit, ut neruorum cognomen retineant. Proinde Anatomicis omnibus *συννερῶδες* vocatur illa articulationis species, quæ ligamentorum interuentu persoluitur. Pariter etiam degeneratio musculi in tendinosam naturam *συννερῶδες* communiter appellatur: vesicæ denique ambæ, vterius, ventriculus, membranæ, propter similitudinem quam cum neruo habent, neruæ partes dicuntur. Id verò quod communiter nomine nerui venit, à cerebro, & dorsali medulla dimanat, teste Gal. lib. de dissect. neruorum cap. 1. & lib. 1. de motu musculorum capite secundo tria præfata neruorum genera à se inuicem hac serie distinguit. Quod igitur mixta quædam natura tendinum sit ex ligamentis, & neruis, dictum quidem hoc ante. Tendo autem durior est neruo, quanto ligamento mollior: quin & meile corporis talis ut qui ex ambobus maximè factus sit. Et ligamentum quidem omne insensibile: neruus autem omnis sensu præditus: tendo verò neque insensibilis, quia etiam est nerui particeps: nec ita sensibilis, ut neruus: non enim neruus est tantum. Quatenus igitur particeps est ligamenti naturæ, & eatenus hebetatur acrimonia sensus. Quin etiam, quia nascitur quidem tendo ex fine musculi: inseruntur autem in caput ipsius & neruus, & ligamenta, deinde in totum

Nerui ex tenuibus spinalis medullæ villis coalescunt.

Triginta septem neruorum paria.

Varia nerui acceptio.

*Ligamenti
tendinis &
nerui di-
stinctio.*

*Quid ten-
do.*

*Tendo ex
neruis, &
ligamentis
fit.*

*Quid ner-
uus.*

*Nervus est
pars dissi-
milaris.
Tendo pars
dissimila-
ris.*

*Capitis ad-
minicula.*

tum musculum disperguntur, rationabile est ex ambobus tendinem esse factum. Rectè sanè ligamentum, tendinem, & nervum ratione originis, sensus, & molis, ac habitus à se inuicem distinguit Galenus. Nervus autem ex cerebro, & dorsali medulla originem traxit: ligamentum verò ossi alligatum est, nec aliunde originem deducit: tendo autem est tanquā finis & cauda musculi, originem habens ex nervis simul & ligamentis. Nervus exquisito pollet, sensu; ligamentum nullo: tendo, quia vtriusq; princeps, sensus acrimonia non pollet, sicuti nervus, nec est insensibilis ut ligamentum: mediocri ergo sensu donatur. In magnitudine rursus discrepant: nam nervus exilis est, tendines sexies aut decies crassiores. Quoad habitum rursus differunt; nam nervi sunt molles, tendines duriores: ligamenta verò tendinibus multò duriora. Quod tendines ex ligamentis & nervis generentur, demonstrat Galenus eodem cap. Nervus & ligamentum capiti musculi inferuntur: tendo est musculi cauda. Ergo ex vtriusque, & non solo nervo fit. Nervus enim in caput musculi inferitur, rursus in musculorum ventres disseminatur, & in membranas atque prætenues fibras definit; postmodum hæ particule siue prætenues fibræ inuicem coeunt, ac nervos mole quidem prioribus in musculi ventre dispersis maiores, cæterum numero pauciores generant. Quoniam verò in fine musculi nervus in tendinem definit, & tendo aliquoties est decuplo maior nervo prius capiti musculi inserto, inde inferendum, tendinem illum non ex solo nervo, sed ex nervo simul & ligamentis caput musculi percurrentibus, & in eiusdem deinceps musculi corpore plenè sparsis, rursusq; circa finem musculi coeuntibus coalescere.

Sed ad rem redeo. Nervus, propriè dicitur pars spermatica, instar funiculi rotundi, ex cerebro, & spinali medulla deducta, per quam spiritus animalis ex eodem cerebro in vniuersas corporis partes sensibiles ad sensum, & voluntarium motum edendum diffunditur. Licet enim sensibilibus nervi perforati non appareant (si opticum par excipias) capaces tamen spiritus animalis delatores æstimantur. Quoniam spiritus hic tenuissimus est, nervique medulla (quæ nervum verè constituit) spongiosa est, facileque tenui spiritu permeabilis. Nervus enim, more cerebri, medulla conitat albicante, quæ est propria nervi substantia: duplici iterum membrana tegitur, dura scilicet, & tenui, quemadmodum & cerebrum ipsum. Vnde nervus pro toto hoc aggregato ex duabus membranis, & medulla compacto acceptus, pars verè dissimilaris æstimandus. Si verò sola medulla spectetur, pars similis. Et fortè non malè sentiet, qui ipsum tendinem dissimilarem in rei veritate dicit. Nervus propriè accepti etymologiam ex Galeno libro 1 de motu musculorum cap. 1. sic accipe: *Νεῦρον* autem, id est nervus, & *τόνος*, ex cerebro, aut spinali medulla oriuntur. Nuncupatur autem ab ipsis operationibus vnum instrumentum duobus nominibus; eò quòd *νεύειν*, id est nutare, seu flectere: & *τείνειν*, id est tendere, natum est. Substantia verò corporis eorum ea est, ac si intelligas stipatum, & densatum; ideoque duriusculum factum cerebrum. Est etiam & spinalis medullæ corpus simile cerebro compacto, & ob id duro factum: nam & ipsius cerebri posterior pars, quæ medullæ spinali continuatur, durior est anteriori. Reliqua de nervis vide apud Gal. lib. de nervorum dissectione. Hoc solum observa, nervum vasculis tenui membranæ hærentibus

nutiri.

Quædam capitis adminicula sunt sensuum organa, ut processus mam-

mil-

millares odoratus: oculi, aures, lingua & palatum. De processibus egimus. Oculus in conspicuo est, & visus organum dicitur: Cuius anatomiam, sicuti, & cæterorum organorum, artuum pariter, musculorum, ossium &c. quibus apud Anatomicos percipiet, nos a. trium ventrium doctrinam utpote difficiliorem, & medicis absolute necessariam hæcenus, qua potuimus diligentia, inuestigauimus: ne verò liber hic in immensum crescat, intactas partes hisce subsequenribus lineolis accipe.

Caro Græcis *σαρξ*, *κρέας* quadrupliciter accipitur. Primò propriè pro substantia illa rubicunda & molli, quæ ex sanguine, mediocriter exsiccatò in fibrarum interstitijs, & circa easdem fibras generatur. Et hæc pars sanguinea propriè dicitur: estque caro musculorum, cui adduntur glans membri virilis, & gingivarum caro. Musculus est motus voluntarij instrumentum, vt habet Galenus libro primo de motu musculorum & alijs in locis passim; per ipsum n. discurret neruus, qui è cerebro, aut spinali medulla spiritum desert animale ad motum eundem voluntarium, & simul sensum. Retracto autem ad sui originem imperio voluntatis neruo, retrahitur: & totus musculus, qui tendine tanquam cauda consistat. Eius origo caput dicitur, media eiusdem pars, venter. Secunda, species carnis est caro viscerum, vt hepatis, renum, cordis, lienis, & pulmonum. Parenchymata quasi affusiones ab Erasistrato dicebantur. Est & tertia species carnis glandulosa dicta, quales sunt glandulæ omnes, & pancreas. Quarta species carnis est illa, quæ est vnicuique parti propria, quæque villos siue fibras ex se ingenerabiles infarcit: cuiusmodi est caro œsophagi, ventriculi, intestinorum, vteri, vesicæ tam vrinæ, quam fellis, vt lib. 10. methodi testatur Galenus. Carnes descriptæ contra frigus & æstum, profunt: Substerniculi itidem vicem pro partibus spermaticis gerunt. Quælibet tamen caro suos habet peculiare vsus; vt ex dictis satis constat. Hipp. lib. de carnibus ipsam genituram septem dierum carnem nominat.

Caro propriè quid.

Caro quadruplex est.

Os Græcis *ὀστέον*. Est pars vniformis & similis omnium siccissima & frigidissima, ex seminis crassiori, terrestriore, & pinguiore parte vi formatrice, sed caloris natiui ope genita ad totius corporis stabilimen, & peculiarem figuram conciliandam, & conseruandam. Temperamentum frigidum & siccum est ipsius forma accidentaria præcipua, tanquam substantialis instrumentum. Generatur os, non ex parte glutinosa & ductili, ex qua vasa omnia, membranæ, fibræ, tendines ligamenta effigiantur, sed ex crassiori, & pinguiore, ex qua vi caloris superastata os à vi formatrice, tanquam ab efficiente causa efformatur: Et in varios fines in descriptione propositos. Sine ossibus autem animal non ambularet, sed tanquam rudis indigestaque moles humi semper decumberet.

Quid os.

Cartilago Græcis *χόνδρος*, est pars similis frigida & sicca non adeo ac os, ex crassa seminis portione genita vi formatricis facultatis, & caloris ad motuum varietatem, & ad externos internosque impetus omnes eludendos. Vnde cartilagine vbiq; læues visuntur ad promptitudinem motus, & ossium tutelam: Plicabiles. n. sunt, ideoque ex magis ductili viscidaq; materia quam ossa productæ sunt.

Quid cartilago.

Ligamentum Græcis *συνδεσμός*, Latinis copula, & vinculum, est pars similis frigida siccaque ex ductili, & viscida seminis portione a facultate formatrice, ope caloris, producta, sine sensu, ne in perpetuo dolore articuli versarentur, & mediæ consistentiæ inter neruum & cartilaginem,

Quid ligamentum.

vt articulos colligent, contineantque, musculosq; firmiores in suis capitibus reddant. Ligamentum ideo validum, vt motibus varijs renitatur, esse debet: flexile tamen more neruorum & tendinum, vt motibus musculorum obsequatur. Licet ligamentum sensu careat, illud tamen, quod in exteriori articulorum parte membrana obducitur, ratione huius sensu pollet. Vnde articularis dolor in periostio siue membrana ossa & articulos ac ligamenta tegente, & in tendinibus fit. Ligamenta duo membri virilis sensibilia sunt, sicuti inter cartilagineas eæ quæ palpebras cōstituunt, & inter ossa dentes, vt quibusdam placet.

Quid membrana.

Membrana Græcis *ὀμλιν*, & *μλιν* dicitur, sicuti tunica *χιτὼν*. Aliquando tamen idem significant. *μλιν* tamen tenuiorem sicciorēque substantiam continet, *χιτὼν* crassiorem. Membrana est pars similis frigida & sicca, lata, densa, & tenuis, ex ductili lentaque seminis parte genita vi facultatis formatricis & caloris ope, exquisito tactus sensu prædita, quæ partes subiectas vestit, colligat, custoditque.

Quid fibræ

Villi siue fibræ, Græcis *ῥιγες*, vel *κνιδόρες* sunt partes similes frigida, & sicca, ex ductili seminis portione vi facultatis formatricis, & caloris genita, albidæ quidem, solidæ, & filamentorum instar productæ, ad motum & carnis custodiam. Et hic tertij libri finis esto.



NELLANI GLACAN

TIRCONALLIENSIS HIBERNI,

PHYSIOLOGIA.

LIBER QVARTVS,

DE TEMPERAMENTIS.

CAPVT PRIMVM,

Quid Temperamentum?



Alen. comment. in librum de natura hominis refert Hippocratem fuisse primū authorem huius nominis temperamenti. Quoniam hoc partium similarium sensibilibus forma censetur, de eo post tractationem de partibus commodius quā post elementa agendum. Est enim, ut dixi, tanquam partium forma, & natura: Eius ideo disquisitio medico protinus necessaria. Natura dicitur

Temperamentum, est partium similarium forma.

apud Hippoc. lib. de vict. rat. in morb. acut. ut Commen. 2. tex. 47. testatur Gal. exponens hæc verba: Quas item natura nostra, habitusque singulis &c. Pariter lib. 2. aph. 34. pro natura accipitur, teste Gal. dum Hipp. inquit: In morbis minus periclitantur, quorum naturæ, & ætati, & habitui, &c. Lib. etiam 3. aph. 2. Naturarum hæc quidem ad ætatem, hæc verò ad hyemem, benè maleue se habent, vide Gal. in comment. qui etiam lib. 1. de vsu part. c. 9. hæc habet: Insunt autem primū, & maxime temperamenta, quippe quæ propriam particularum substantiam complent: corpus enim tale natura est, propterea, quod caliditate, frigiditate, humiditate, siccitate sic commixtum est: nam carni esse carnem, & neruo neruum, & aliorum vnicuique id esse, quod est, ob qualitatū quatuor prædictarum certam quandam temperaturam contigit. Hæc igitur secundum substantiæ rationem insunt; consequuntur autem necessariò odores, sapores, colores, durities, mollities: alia verò, necessariò accidunt, positio, magnitudo, connexio, conformatio. Vtcrius lib. 1. Meth. med. c. 6. Quippe ostensum est, vnamquamque rerum talem esse, qualis est, propter calidi, frigidi, humidi, & siccī temperamentum. Eandem doctrinam repetit lib. de vtilitate respir. c. 5. & vltimo. Comment. cit. 2. lib. 3. aphorism. Galen. eandem sic posuit doctrinam: Natura hoc in loco dixit Hippocrates secundum principalissimum & proprium significatum, quod secundum ipsam maxime substantiam naturæ est. Dicebamus autem in præcedentibus ipsam esse temperaturam quatuor elementorum, humidi, siccī, calidi, & frigidi.

Est natura

Temperamentum est actionū partium si miliarium aut hor.

Secundum caput ex quo necessitas doctrinæ de temperamentis colligitur, est, quod temperamentum sit veluti auctor omnium actionum naturalium, ut ex varijs Gal. locis constat. Lib. 1. de facult. nat. c. 3. hæc habet: Ac mihi quidem tam vena, quam reliquarum particularum singulæ, ob certam quandam temperiẽ, quam ex quatuor qualitatibus sunt nactæ, hoc vel illo modo agere videntur. Lib. etiam de different. morborum, docet omnes actiones à temperamento procedere. Item lib. 5. de locis affect. c. 7. ait: Secundum temperamentum proprietatem particula agit. Antiqui autem Philosophi, & medici temperamentum mixti formam agnoscebant. Rectè ideo tantam ei virtutem tribuit Galenus.

A temperamento indicatio desumitur.

Tertium, ex quo necessitas doctrinæ de temperamentis colligitur, est, quod à temperamento indicatio inter curandum desumatur, siue temperamentum pro viribus partis, aut corporis sumatur, siue pro eo quod mixto primum inest: Nec mirum, nam in temperamento qualitate sanitas consistit ex Gal. lib. 1. de sanitate tuenda. Comment. etiam 2. in lib. 1. Epidem. ait, temperamentum esse causam, cur facile, vel difficile homo patiatur: Quod autem temperamentum inter curandum indicet, patet ex lib. 1. de compos. medic. secundum locos, & lib. 7. meth. c. 23. ubi à temperamento partis affectæ indicationem desumi ait: & c. 3. inquit; Qui tueri actionem vult, temperamentum earum custodiat oportet.

Vnde dicitur.

Definitio tradita ab Auicenna.

Temperamentum Græcis *ὑπόμειξ* quasi concordia plurimorum, quæ antea discordabant, dicitur: licet propria vocis significatio sit mixtio, siue mixtura & temperatura. Variè à varijs describitur. Ab Auicenna fen. 1. primi doctrina 3. c. 1. hoc ritu: Temperamentum, seu complexio est qualitas, quæ ex actione & passione contrariarum qualitatū in elementis repletarum insurgit, cum elementorum partes ad tantam inuicem paruitatem redactæ sunt, ut cuiusque earum minimum contingat minimum alterius. In hac definitione particula (minimum) debet accipi pro minimo formali, ut volunt, non verò materiali: Nam elementa miscentur secundum, minima formalia, id est in quibus, & non minoribus partibus forma retineri potest. Loco particulæ (minimum) quibusdam in versionibus habetur (plurimum.)

Fernelius oppugnat Auicennam.

Fernelius cap. 1. lib. 3. suæ Physiol. de temperam. quadam cum acrimonia aduersus Auicennam insurgit, quod ex mutua effectione primarum qualitatū quintam qualitatem, eamque simplicem emergere confirmet: quæ vna superstes, reliquis in congressu pereuntibus, omnium vires potestate complect, easque quasi suo sinu complexuque recipit. Subabsurdum ideo commentus est definitionem Auicennas, & absona dicit: nam inquit Fernelius, fieri nequit, ut omnes qualitates pereant, & præsertim illa, quæ tanquam validior confictus principia dedit. Præterea, posito, quod perirent omnes qualitates exorto temperamento, tunc in genito corpore nulla erit contrariorum repugnantia. Nulla per singulas ætates fieret temperamentorum conuersio. Nullaque inerat infra morbi, senij, vel interitus causa. Neque tandem in corruptione mixti corpora simplicia, ad sua elementa recurrerent, qualitatibus omnibus destituta. Est ergo vanitas quædam opinionis, nouam illam opinionem inuere. His, tanquam penetrantibus flagellis, Auicennæ definitionem à Scholis explodit Fernelius.

Sed miror tanti viri errorem in redarguendo, & accusando Auicennam vanitatis, cum ipse prorsus vanum, ne dicam ignarum, omnibus diligens.

ligentioribus scrutatoribus verborum Auicennæ se præbeat. Impugnat enim gratis Auicennam, qui licet in alijs à Gale. plurimum defecerit, ne per somnium hic cogitauit quod ei à Fernel imponitur, vt ex his eius verbis constat: Complexio est qualitas, quæ ex actione ad inuicem, & passionem contrariarum qualitatū in elementis inuentarum, quorum partes ad tantam paruitatem redactæ sunt, vt cuiusq; earum plurimum continet plurimum alterius, prouenit. Cum n. ad inuicem agunt & patiuntur suis virtutibus, accedit in earum summa qualitas in toto earum similis, quæ est complexio. Et quoniam virtutes primæ, quæ sunt in elementis prædictis, sunt quatuor, caliditas, frigiditas, humiditas, & siccitas: tunc manifestum est, quod complexiones in corporibus generatis, & corruptis sunt per eas.

Videat vnusquisque quomodo, vel quo ingenio ductus Fernelius ex dictis Auicennæ intulit complexionem esse simplicem qualitatem genitam, ex quatuor primis qualitatibus corruptis, cum contrarium planè cum vniuersa Schola censeat Auicennæ: ait. n. hic, ex quatuor primis qualitatibus complexionem fieri, vt omnes cum Galeno fatemur. Quod autem non existimauerit Auicenna, primas qualitates in temperamenti exortu corrumpi, patet; quia primò nihil tale citato in loco vbi expressè de temperamenti, dixit. Secundò nobiscum ait, temperamentum ex quatuor primis qualitatibus fieri. Tertiò temperamentum nomine complexionis donauit: quia complexio plura complectitur, ad quæ respectum quandam dicit. Particula autem illa, virtutibus, & particula, summa, hanc veritatem indicant. Cum enim ad inuicem agunt (inquit) & patiuntur quatuor elementa, suis virtutibus, id est qualitatibus primis accedit in earundem virtutum summa, id est collectione (non autem corruptione, vt perperam nonnulli interpretantur) qualitas quædam in toto corpore similis cum earum, aut ipsdem virtutibus: Quæ qualitas est complexio. Ait autem in toto id est in corpore resultare qualitatem quædam complexionem dictam similem ipsis primis virtutibus, siue qualitatibus primis; sic indicans ipsas qualitates in temperamento inclusas esse cõsimiles qualitatibus, quæ præfuere, aut præcessere: similes, inquam; quia non sunt omninò eadem, cum remittantur vel intendantur in gènito: quoties autem vnum mixtum ex alio fit, possunt remitti, aut intendi qualitates: quoties verò mixtum ex quatuor elementis producitur, tunc necessariò primæ qualitates remittuntur. Vltimis tandem verbis ostendit in mixto temperamentum, siue complexionem talem dici per primas qualitates, non verò ratione grauitatis, & leuitatis, asperitatis, & lenitatis, quæ actionem, & passionem, & elementorum confusionem æquè benè sequuntur, ac ipsum temperamentum.

Sine ratione ergo Fernelius, pariter & Vallesius lib. 1. Controuersiar. c. 6. incongruis epithetis Auicennam lacerant. Sed illis tam in his, quàm in alijs multis, quæ præter rationem in suis scriptis spargunt, condonandum; quia cum Fernel. Galliarū Regis Protomedicus esset, Vallesius Hispaniarum, veluti Regia autoritate, plerosque, etiam doctissimos, contemptui habuerunt. Sed nomine Auicennistarū sequentes proponuntur obiectiones, quibus satisfaciendum.

Quemadmodum ex substantijs quatuor elementorum corruptis oritur quædam forma substantialis, virtualiter corruptas continens, sic pariter ex quatuor primis qualitatibus corruptis nascitur noua quædam forma.

*Fernelius
perstringitur & Auicenna
defenditur.*

*Fernelius,
& Vallesius
cur alios despe-
xerint.*

1. Obiectio

accidentalis, seu qualitas quædam à primis distincta, potens tamen producere effectus varios, quos producerent primæ qualitates, quasi has virtualiter contineret.

Solutio. Respondeo negando paritatem. Numerosis autem argumentis probauimus libro de elementis, elementorum substantiam, seu potius substantiales formas in genito mixto non remanere; qualitates autem solas, tanquam eorum virtutes vnà cum materia superstites esse. Experientia autem patet oppositum confictum in mixtis quotidie inter calorem & frigus, siccitatem, & humiditatem fieri. Ex quo liquet qualitates actu inesse. Et si aliquis instaret, generationem vnius esse corruptionem alterius, referente Philosopho lib. 1. de gener. & corrup. tex. 17. atque adeo generationem temperamenti esse corruptionem primarum qualitatum; responsio facilis est, primas qualitates, quæ sunt veluti proprietates elementorum, corrumpi taliter, vt proprietatis rationem non amplius habeant: manere tamen quatuor portiones quatuor primarum qualitatum, quæ vnà contemperantur, & ex quibus simul resultat temperamentum.

Obijciunt secundò, impossibile esse tot varios effectus in viuētibus productos à sola primarum qualitatum proportionem produci. Ad quod respondet, id tanquam falsum negando: nam in viuētibus quælibet pars ratione proprii temperamenti agit: ita vt si duæ partes eodem penitus temperamento præditæ essent, consimilem producerent effectum: vt si ventriculus esset idem ac hepar, eundem pareret effectum: & si in talo esset ventriculi temperamentum vnà cum figura & auxilijs, talus chylum efficeret.

3. Obiectio. Obijciunt tertio. Si ratio temperamenti consisteret in proportionem, consisteret in indiuisibili, & sic nulla daretur firma sanitas: nam calor, aut aliqua alia prima qualitas intenditur, vel remittitur in continuo confictu.

Solutio. Respondeo, rationem formalem temperamenti non esse proportionem. Et posito quòd esset, licet Arithmetice latitudinem non haberet, Medice tamen, & Geometricè haberet. Nam sanitas latitudinem habet, nec in indiuisibili eius ratio consistit. Vix enim, aut nunquam perfectissima apparet: sed morbus nunquam censetur adesse, donec actiones sensibilibus lædantur.

Hæc nostra responsio Fernelio aduersatur, qui lib. 3. suæ Physiologiæ cap. 1. temperamentum non missionem, sed missionis rationem (formam vt puto intelligit) esse dicit. Et rursus ait: Poterit & id earum, quæ in mixtis elementis sunt principum qualitatum harmonia, & concentus definiri. Eandem sententiam habet Vallesius lib. 1. controuers. cap. 6. vbi ait, temperamentum nihil esse præter proportionem calidi, frigidi, humidi, & sicc.

1. argum. Verùm ambo viri docti à veritate desleant. Primò, quia loco generis deberent ponere aliquid, in quo temperamentum conueniret cum alijs qualitatibus. Secundò, genus ponunt terminum geometricum, proprio omisso: nam temperamentum qualitas dicitur ab ipso Galeno. Tertio, proportio est quædam relatio, quæ omni agendi vi destituta est, temperamentum verò efficiendi vi pollet, cum sit actionum præcipuus auctor.

Iacobus de partibus & Ferdinandus persurgunt. Quare à veritate declinauit Iacobus de Partibus super Auicennam, veluti Epiphanius Ferdinandus lib. 1. Theoremata Medicor. & Philosoph. dicente temperamentum esse qualitatem, quæ non est nec actiua, nec passiva, quia ponitur in prima specie qualitatis. Licet enim non agat propriè temperamentum, quatenus est habitus, prout tamen est naturalis po-

tentia potens producere calorem, frigiditatem &c. vim habet agendi, sicuti etiam vim producendi passiones sensui tactus tangentis, quatenus est patibilis qualitas. Logica ergo ratio habitus non adimit temperamento physicam agendi virtutem, quam in se connatam habet, & sine qua actionum effectori à Galeno non diceretur; nec à Philosopho lib. 2. de generat. animal. c. 1. caro diceretur instrumentum sensus. In principio autem dicti capitis ait Philosophus partes similes ex elementis confici; sed melius fortasse dici potest, inquit, ex virtutibus elementorum confici. Præcipua autem elementorum virtus sunt primæ qualitates. Ergo temperamentum ex his conflatum virtus erit actiua, & non experta actiuitatis aut passionis, ut voluere præfati Authores.

Quartò, Temperamentum vnum est alteri contrarium, & vnum temperamentum calidum in frigidum mutatur, & è contra; humidum in siccum, & vice versa. Contrarietas autem relationi non competit. Ergo temperamentum non erit relatio.

4. argumentum.

Quintò, Quatuor qualitatibus temperatis & remissis materia disponitur ad formam mixti suscipiendam. Ergo cum hæc dispositio sit ipsum temperamentum in mixto perseverans, non erit relatio, nec simplex qualitas, sed composita.

5. argumentum.

Sextò, Si temperamentum esset proportio, cum hæc sit res quædam simplex & ab elementis distincta, videremur in illorum sententiam relabi, qui temperamentum aliquid simplex à quatuor qualitatibus distinctum esse volunt. Si autem huiusmodi proportio est eadem cum quatuor primis qualitatibus remissis, est id ipsum quod nos volumus; sed non sub ratione relationis.

6. argumentum.

Septimò. Si temperamentum in proportionem relatiua consisteret, non communiter hoc temperamentum calidum appellaretur, illud frigidum alterum humidum, aliud verò siccum: quo modo temperamenti species à Galeno recensentur lib. 3. aphor. comm. 2. Præterea intenditur & remittitur temperamentum: nam suscipit magis & minus. Proportio a nequaquã.

7. argumentum.

His tamen non obstantibus minimè inficior, temperamentum proportionem, & symmetriam appellari, non quod illius essentia in hac proportionem consistat, sed quoniam hoc temperamentum proportionem connotat necessariò: nam non possumus rectè dicere temperamentum esse quatuor primas qualitates, nisi sub certa proportionem. Quocirca tamen si temperamentum sit vera qualitas, symmetria tamen claritatis causa dicitur à Galeno comment. 2. lib. 1. Epidem. tex. 46. de coctione agente, hac serie, Curari autem prius, inquit, quam suam virtutem solida ipsa corpora recuperauerint, quæ in symmetria posita est, calidi, frigidi, sicci, & humidi. Vnde & ipsa etiam sanitas solidorum corporum in horum posita symmetria est. Ut nihil interesse videatur, bonam similiarum partium temperaturam dices sanitatem esse, an elementorum, ex quibus generati sumus, harmoniam. Ritè quidem Galen. perspicuitatis ergo temperamentum, harmoniam, & symmetriam appellat, quoniam sine hac temperamentum consistere nequit: proinde etiam comm. § 1. lib. 2. aphor. ait, in elementorum commoderatione naturam consistere.

Galen. claritatis ergo temperamentum harmoniam appellat.

Dicamus ergo temperamentum esse qualitatem compositam, ut innuit Galen. lib. 1. de element. c. 6. ubi de elementis, & mixto agens hæc habet: Simplex namque qualitas compositæ qualitatis, & simplex corpus, corporis compositi est elementum: ut enim nomine compositi corporis mixtum intelligi-

telligit, sic nomine qualitatis compositæ temperamentum, vt in libri decursu, & lib. de nat. hom. imò eodem cap. satis manifestè innuit.

Ex hac Galeni doctrina constat, non rectè sentire Valleriolam, qui pari vehementia in Auicennam, ac Fuchsius, & Vallesius, licet iniuste, debacchatur: ait enim temperamentum esse congruam mixtionem calidi, frigidi, humidi, & sicci, ad actiones obeundas. Putat enim hanc esse Galeni sententiam lib. i. de temperam. c. i. & Hippoc. lib. de nat. hom. Vnde post allatam Auicennæ definitionem Auicennistas, ipsorumque Principem damnat, quòd dixerint temperamentum à qualitatibus primis fieri; cum deberent dicere à substantijs elementorum in se inuicem agentibus fieri.

*Valleriole
occurritur.*

Sed Valleriola iniquo procedit animo: mixtionem enim cum temperamento confundit, in quo planè errat: nam mixtio propriè conuenit elementorum substantijs, contemperatio verò elementorum qualitatibus, vt voluit Hippoc. & Gal. locis ab illo citatis. Necesse enim est, elementorum substantiæ ita misceantur, vt vniscuiusque plurimum contingat plurimum alterius, vt optimè monuit Auicenna. Resultante autem tunc ex quatuor primis qualitatibus temperamento mixti forma educitur, & elementorum substantiales formæ intereunt. Doctissimus Vega eandem, ac Valleriola definitionem commentus est. Eadem ergo censura dignus: Nā mixtio non dicitur calida, nec frigida, nec humida, nec sicca, veluti temperamentum: sicuti nec melancholica, biliosa, pituitosa, sanguinea, vt hoc. Denique licet nomen *μῆξις* mixtionem significet, non proinde temperamentum ita propriè dicendum mixtio, nisi causatiuè, id est, quatenus vi mixtionis educitur.

*Tempera-
menti defi-
nitio.*

Temperamentum ergo, siue temperies, siue temperatura, siue complexio rectè, & iuxta Galeni doctrinam sic definitur: Temperamentum est forma accidentalis mixti, ex primis qualitatibus vi mixtionis, aut actionis ac reactionis constituta, ad actiones naturales partium obeundas. Dixi temperamentum esse formam accidentalem mixti, quia in ratione formæ cum forma substantiali conuenit: dicitur accidentalis, quia reuera accidens est, idque quale, cum ex quatuor primis qualitatibus resultet; & in hoc à substantiali forma differt. Dicitur forma mixti; quia reuera cum ex elementorum virtutibus componatur, elementorumque substantiales formæ pereant, necessariò erit forma mixti ex elementis conflati. At verò quatenus idem mixtum est naturale corpus, nos cum Peripateticis ei substantialem formam concedimus. Reliqua in definitione posita per se patent. Temperamentum ergo est qualitas composita, quæ à quatuor primis qualitatibus simul sumptis non distinguitur, à singulis tamen seorsim, sic. Omne autem temperamentum mixto correspondere debet. Ergo cum Petrus sit vnicum mixtum, vnico totali temperamento præditum erit, licet partiales plures habeat, ratione diuersitatis organorum. Vt ergo mixtum ex simplicibus corporibus componitur, ita & temperamentum ex quatuor qualitatibus primis simplicium corporum; cum hoc tamen discrimine, quòd qualitates elementorum restructæ, & remissæ in temperamento actu remaneant: temperamentum enim est contemperatio quædam orta ex cõfusione istarum qualitatum tanquam conueniens instrumentum animæ ad actiones omnes obeundas. In hunc certè finem introducitur, vt sit debita dispositio corporis, ad animæ susceptionem & detentionem in eodem corpore, vtque eiusdem animæ sit veluti coadiutorium; sed instrumentale.

*Quid tem-
peramentū*

*Tempera-
menti vsus.*

Obijcit cum suo Magistro Vega Vallesius lib. 1. controuerf. c. 6. quos te-
quitur Mercatus, omne temperamentum non esse accidens. Tempera-
mentum, inquit, duplex est, substantiæ vnum (quemadmodum Stoici
dicebant) quod modum substantiæ vocant. Alterum est temperamen-
tum quatuor qualitatum primarum, vt Peripatetici concedunt. Modum
illum substantiæ dicunt esse factum ex proportionem substantiarum elemē-
tarium, esseque habitum naturalem, & omnium facultatum fundamen-
tum: in quo sensu loquutus est Galen. lib. 6. de placit. Hipp. & Plat. Præter
hanc proportionem substantiarum elementarium secunda datur propor-
tio, quæ ex illa prima proficiscitur: & est proportio ipsarum qualitatum
elementarium, caloris, frigoris, humiditatis, & siccitatis: quæ quidē se-
cunda proportio mutatur leuissimis ex causis centies in singulis horis.
Atqui hoc temperamentum qualitatum est dispositio quædam corporum
temperatorum.

*Vega, Val-
les. Mer-
catus du-
plex admit-
tunt tempe-
rumentum*

Respondeo, negando temperamentum substantiale; quia temperamē-
tum, vt ipsa vox denotat, est disco rdia temperantia: at inter elementorum
qualitates, non verò substantias, discordia & contrarietas versatur. Ergo
inter has solas dabitur temperamentum.

Solutio.

Præterea, temperamentum illud substantiale esset æquè inconstans, ac
illud accidentale, quod solum admittimus; quia singulis momentis sit
triplicis substantiæ nostræ, etiam solidæ, effluuium. Ergo singulis mo-
mentis mutatur, quod Sacra confirmat pagina: Nunquam in eodem statu
permanet.

Denique falsum est, totum hominis temperamentum illicò dissolui, li-
cet à varijs causis alteretur. Non enim nisi à causis vehementibus & pau-
latim euertitur: & dū leue accipit damnum, id totum ab ipsa natura mixti
resarcitur; quæ, dummodo obices auferantur ad natium vigorem, vt
poteft, temperamentum reducit: non tamen integrè: nam statutum est
omnibus hominibus semel mori; & naturaliter ex paulatina resolutione
corporis.

Obijciunt iterum Galenum, qui lib. 11. meth. c. 1. & lib. 12. ca. 5. ait, ad
cuiuscunque similis corporis constitutionem duo esse necessaria, certam
scilicet temperamenti qualitatem, & iustam substantiarum elementorum
molem. Lib. insuper de nat. hom. tex. 19. duplicem elementorum symme-
triam, vnā in quantitate, alteram in qualitate statuit. Ergo duplex tem-
peramentum.

Obiectio.

Respondeo, substantiæ molem non esse temperamentum, sed iustam
debitamque mixti materiam. Et quamuis inter substantias elementorum
in mixto symmetria inueniatur, non proinde substantiæ temperamentum
admittendū; quoniam primò temperamentū non est symmetria. Secundò,
posito, quòd esset, non ideo omnis symmetria esset temperamentum, sed il-
la sola quæ inter qualitates intercedit. Galenus inquit, iustam elementorum
molem esse necessariam, vt pars similis sit vnita: nam ad eius constitutio-
nem, non solum temperamentum, sed primò vnio partium requiritur.

Solutio.

Obijciunt terriò, duplex dari actionum genus. Vnum occultarum, cu-
iusmodi est concoquere, attrahere &c. alterum manifestarum, vt cale-
facere, refrigerare &c. Ergo hæc duo genera diuersas agnoscent causas.

Obiectio.

Respondeo, duplex illud actionum genus non arguere duplex tempe-
rumentum. Actiones a. totius substantiæ à toto temperamento acciden-
te fiunt, vel à facultate aliqua, quæ temperamenti proprietas à Galeno di-
citur

Solutio.

*Exponitur
Galen.*

citur. Est enim facultas quævis qualitas quædam occulta à rerum essentia dimanans, quæ ideo non nisi per effectus à nobis dignoscitur: actiones verò manifestæ non à toto temperamento, sed à qualitate aliqua excedente, vt calore, frigore, humiditate, aut siccitate, fiunt. Et in hoc sensu loquutus est Gal. lib. 6. de decret. Hipp. & Plat. Quamuis autem referat Galen. lib. 1. de vsu part. c. 9. temperamentum constituere, aut complere parrium substantiam, non proinde credendum, dari temperamentū substantiæ: nam Galen. antiquorum vestigia sequutus, non aliam formam in mixto, quàm temperamentum admisit; ideoque secundum illam sententiam, quam innuit libr. 1. de elemen. c. 6. de igne loquens, cordatè loquutus est.

C A P V T II.

Quotuplex est Temperamentum.

S E C T I O I.

De differentijs temperamenti iuxta Galen.

*Calidum
tripliciter
accipitur.*

*Calidum
in concreto
nunquam
dicitur in
abstracto.*

VT clarius procedatur, prænotandum est ex Galeno lib. 1. de elemen. c. 6. calidum multiplex habere significatum. Primò enim significat qualitatem nudam, eo modo quo album significat colorem, id est albedinem. Secundò significat corpus, quod ea qualitate summa siue intensa affectum est, ignem scilicet. Tertiò calidum accipitur pro eo, in quo calor reliquas qualitates primas excedit. Sic allium, caryophyllus, & similia, hoc modo, per exuperantiam scilicet, calida dicuntur: non autem simpliciter & absolutè, sicuti ignis, sed respectu aliarum qualitatum eiusdem mixti, seu respectu contrarij frigoris, quod exuperat. (libro 1. de temperam. c. 7. ait, quod verum est, calidum pro sola qualitate acceptum posse dici caliditatem in abstracto; calidum verò pro corpore calido acceptum nunquam congruè caliditatem dici). Libro 1. de temper. c. 1. docet calidū corpus duobus, vltimis modis iā dictis accipi. Primò pro eo, quod est in summo gradu, & absolutè calidum, vt est solus ignis. Secundò pro eo, quod non est absolutè calidum, sed solummodo tale nomen sortitur à qualitate, quæ in mixtura præpoller; vt iam dictum est de alio, & reliquis, in quibus calor reliquas qualitates primas excedit. Pariter philosophandum de frigido absolutè in aqua, & de frigido mediocriter, ac per exuperantiam in mixto. Idem etiam dicendum de sicco absolutè, quale est terra, & de sicco per exuperantiam, quale est absynthium ponticum, aliq; innumera. De humido pariter absolutè, quale est aer, & aqua, vt loquitur Galenus, in principio capitis (texti eiusdem libri; & de humido per exuperantiam, qualis est malua, buglossum, & consimilia.

Rursus ex eodem Galeno lib. 1. de temperam. cap. 5. calidum corpus tripliciter dicitur. Primò, pro syncero, simplici, & inmixto; cuiusmodi est

est ignis. Secundò, pro eo, quod in mixtione suum contrarium superat: v. g. calidum in aliò, frigidum suum contrarium vincit. Tertiò dicitur aliquid calidi temperamenti, in ordine ad aliud minùs calidi temperamēti. Vt allium, vel cæpa calida est respectu Borraginis, chamomillæ, & similium. Hac etiam ratione animantia veteribus calida & humida dicta sunt; non propriæ temperaturæ gratia, nec absolutè, sed solummodò in ordine ad stirpes, & ad demortua corpora collata: quippe demortuis & stirpibus animantia calidiora humidioraque sunt comparatiuè & genericè. Quin etiam ex animantibus ipsis speciatim inter se collatis canis siccior, homo humidior: at, si formicæ, vel api canem conferas, illas sicciores hunc humidiores inuenias. Ita idem animans, vt ad hominem, siccum, vt ad apiculam, humidum fuerit; rursus ad hominem collatum, calidum; ad leonem, frigidum erit. Sic igitur contraria de vno corpore ad diuersa collato prædicari possunt. Canis ideo ad hominem collatus, calidus, ad leonem frigidus: pariter ad hominem collatus, siccus erit, ad formicam humidus. Calidus etiam est, vt viuens; cum mortuus, frigidus. Pariter etiam quidam canis alteri cani collatus, frigidus erit, vel saltem non calidus. Hac quidem omnia per collationem inter se dicuntur. Quæ verò, vt in animantium genere conferuntur, alia ratione, sicuti etiã quæcunque in aliqua animalium specie. Canis namque ad formicam & apem collatus, humidus est: in animantium genere est siccus: rursus ipsorum speciatim canum, hic siccus, ille humidus, alius temperatus. Hanc tertiam calidi significationem, ex comparatione ortam, ab antiquis omisissam fuisse narrat Gal. cuius doctrinam iam allatam, clariori methodo sic accipe. Aliquid comparatiuè calidum (idem de frigido, humido, & sicco dicendum) duobus modis dicitur. Primò fit comparatio ad quodlibet obuium, idque quadrupliciter; primò quando genus generi comparatur, vt animal calidum est & humidum respectu plantæ. Secundò quoties species generi confertur, vt homo stirpi; aut speciei eiusdem generis, vt equo; aut speciei generis diuersi, vt ficui. Tertiò quando indiuiduum confertur alieni generi, aut speciei eiusdem speciei, aut diuersæ speciei. Quartò tandem, quando idem sibi ipsi aliter affecto confertur, vt Franciscus viuus sibi in mortuo.

Comparatiuè calidum, aut frigidum, aut siccum bisariam dicitur.

Secundus comparationis modus est, quando comparatio fit ad medium generis vel speciei: vt canis dicitur calidus comparatione facta ad mediū temperatum generis animalis; quod medium est homo. Vel fit comparatio ad medium eiusdem speciei: vt idem canis comparatus cani temperato in specie canis, calidus etiam diceretur. Obseruandum tamen est cum Galeno, ea quæ talia dicuntur ad medium generis, vel speciei, bisariam dici posse; absolutè, sed per exuperantiam; vt canis sine vlla comparatione verè calidus est: Secundò non absolutè, sed facta comparatione, vt dictum est ad medium generis vel speciei.

Galenus omissa illa significatione calidi synceri, aut frigidi synceri, aut siccis, aut humidis, quæ solis elementis competit, duas vltimas significationes ad hanc de temperamentis disputationem peritiles esse tenet.

His sic præhabitis Galen lib. 1. de temperam. c. 2. mentionem facit eorū, qui duo tantum temperamenta admittebant, frigidum scilicet & humidum, calidum & siccum. Temperamentum verò calidum & humidum excludere, putantes humiditatem cum abundante copioso calore consistere non posse. Nam à calido exuperante humiditas necessariò absorbitur.

Qui duo tantum temperamenta admittunt.

*Non male
ratiocinati
sunt .*

tur ; ideoque calidum simul & siccum corpus euadet . Quòd etiam non possit dari temperamentum frigidum & siccum hac uia comprobant : ubi imbecillus in corpore calor est , & consequenter intemperies frigida , incocta imperfectaque manebit necessariò eadem humiditas , nec poterit absumi : quo fit , ut calido vincente sequatur necessariò siccitas ; frigido superante , humiditas . Atque hi quidem Authores his rationibus nixi duas tantum esse temperamentorum differentias opinari sunt .

*Tempera-
mentum
calidum ,
& humidum
eucraton
ab Athe-
nestis di-
cebatur .*

Athenæi sectatores quatuor iam nominata temperamenta admiserunt . Hos tamen , ut reliquos antiquos , redarguit Galen . cap . 3 . quòd temperamentum Eucraton siue ad pondus omiserint : acriterque reprehendit Athenæi sectatores , quod sub temperamento calido & humido eucraton comprehensi fuerint , exemplo aeris , qui calidus & humidus est , temperatus tamen dicitur . Optimum enim esse temperamentum calidum & humidum confirmabant ; quia vita in calido consistit , & humido . Vnde temperamentum calidum & humidum erit omnium optimum , omniumque temperatissimum . Sed cap . 4 . hos erroris damnat , dum de aere vernali loquuti sunt , cui comparabant temperamentum optimum calidum & humidum . Talis enim aeris constitutio , inquit , pessima est , & pestilentie obnoxia . Ergo temperamentum calidum , & humidum non est eucraton , cum pessimum sit , & putrefactioni , quam aliud vilius , magis obnoxium . Præterea Eucraton est in medio qualitatum , ita ut nulla qualitas alteram excedat : Temperamentum verò calidum & humidum à præpotentibus qualitatibus appellatur : Signum ergo est , quòd caliditas & humiditas , frigiditatem & siccitatem in eo superant .

*Athenai-
sta refutan-
tur .*

*Novem te-
peramenta
concedenda .*

Gal . ergò cap . 8 . eiusdem libri , temperamenti nouem species admittendas censet ; aitque , ut res clarius euadat , calidum , syncerum , frigidum , pariter , humidum , & siccum , esse genitorem omnium & pereuntium , siue corruptorum elementa ; reliqua verò corpora , mixta scilicet cuiusvis naturæ , siue sint animalia , siue plantæ , siue metalla , siue lapilli , in medio prædictorum quatuor simplicium corporum collocata esse . Quoniam , nullum mixtum intensè calidum , aut frigidum , siccum , aut humidum , elementorum more extrahitur . Ergo quoduis mixtum , cum sit medium inter quatuor elementa , æqualiter ab iisdem tanquam ab extremis distabit , vel inæqualiter , accedendo nimirum magis ad vnum extremum quam ad alterum . Si mixtum huiusmodi fuerit in medio planè duarum contrarietatum frigiditatis & caliditatis , humiditatis & siccitatis , dicetur affectum temperamento temperato , & æquali , quod temperamentum ad pondus communiter nuncupatur . Quia æqualiter à quatuor primis intensisque qualitatibus differt . Est enim in medio calidi & frigidi , quia non est corpus magis calidum , quàm frigidum , nec magis frigidum quàm calidum : similiter , nec magis humidum quàm siccum , nec magis siccum quàm humidum . Si verò mixtum inæqualiter versetur inter quatuor qualitates primas intensas , ita ut magis accedat ad calidum quàm ad frigidum , aut viceversa , vel magis ad humiditatem quàm siccitatem , aut è contra , tunc tale mixtum dicetur affectum temperamento inæquali : quod tamen temperamentum ad iustitiam appellatur .

*Mixta in
medio ele-
mentorum
collocantur .*

*Tempera-
mentum
ad pondus .*

*Tempera-
mentum
ad iustitiam .*

*Æquali-
tas ad pon-
dus est pe-
nes quali-
tates ele-
mentorum
non quan-
titates .*

Æqualitas relata ad pondus idè dicitur , quia tale temperamentum est æquè distans ab extremis ; id est in medio summarum qualitatatum æqualiter collocatur . Æqualitas ergo temperamenti nequaquam à pondere æquali molis , aut substantiæ quantæ elementorum desumenda : nam corpora alicuius molis ex terra & aqua potissimum coagmentantur ,

refe-

referente Philosopho, & etiam Gal. comment. in librum de natura hom. tex. 15. exemplo ficus. Eandem doctrinam innuit lib. 1. de temp. c. 1. dum ait animalium corpora quatuor elementis constare, sed inæqualiter. Quando videtur asserere ad temperatam naturam requiri parem portionem elementorum lib. 2. de temper. c. 1. intelligendus est de paritate artificiosa de qua loquutus est cap. ultimo. lib. 1. de temper. dum inquit ex pari portione glaciæ & aquæ feruentis aliquid medium inter calidum & frigidum resultare, & ex pari portione cineris & aquæ quid mediū inter humidum & siccum. Lib. aduersus Lycum c. 6. æqualitatem molis admittit.

Gal. 1. de temper. c. 3. probat admittendum temperamentum ad pondus, siue symmetron, seu eucraton, his verbis: Vnum igitur & primum, id est, quod temperatam naturam, quæ tamen non virtute modo, sed etiam viribus, reliquis præstat, non aduerterunt; imò tanquam nulla sit prorsus omiserunt: quanquam ne loqui quidem de reliquis aliquid sine hac potuerunt. Quippe, quod vel in calida temperie calidum præualeat frigidum: vel in frigida temperie frigidum præstat calido, id ne intellexisse quidem est, nisi prius ponatur eucraton, siue temperata; neque enim aliò quàm ad hanc temperatam naturam sunt intenti; cum sanitatis tuendæ gratia victum inuestigant, calidius iusto corpus iubentes refrigerare, vel frigidius excalfacere, vel rursus humidius siccare, vel siccius humectare; scilicet quò temperatum quendam mediocremque statum efficiant, id quod minus est, ei quod exuperat, semper æquant. Ergo quem assidue sectantur & quò semper respicientes intemperatos status corrigunt, hunc ego quidem primum omnium statuum censuerim ab ipsis dici. Lib. 2. de temper. c. 1. eandem naturam temperatam siue statum æqualem ad pondus admittit: Est, inquit, omnium prima virtute, potentia, cognitionisq; ordine. Lib. de Arte medic. c. 15. eandem adhuc sententiam inculcat. Galeni rationes paulò clariùs hoc ordine producere lubet.

Primò. Id quod virtute, id est bonitate aut perfectione, viribus, id est facultatibus, quæ validas edunt actiones, reliquis præstat, non est omittendum. Sed natura temperata, siue temperamentum ad pondus, virtute & viribus reliquis temperamenti præstat. Ergo non est omittendum.

Secundò. Ordine cognitionis natura temperata est prima & necessaria; quia si hanc cognitam habeas, tibi doctrina de temperamenti incerta erit. Nam nulla esset norma aut regula temperamentorum inæqualium. Ergo cum respectu huius temperatæ naturæ hoc temperamentum dicatur calidum; illud frigidum, alterum humidum; hoc tandem siccum, necessariò eadem natura temperata, in ordine ad quam hæc talia dicuntur, admitteri debet.

Tertiò. In quouis genere id quod perfectius est, tanquam norma, admitteri debet, veluti in genere substantiæ Deus. Ergo in genere temperamenti dari debet optimum, quod est temperamentum ad pondus, siue temperata natura.

Quartò. Sine temperamento ad pondus ars tuendæ sanitatis nulla esset; quia ad sanitatis tuitionem quisque Medicus victus rationem præscribit idoneam, vt excessū cuiusvis qualitatis exceedētis auferat, reducendo semper quantum potest, inæquale temperamentum ad medium, siue temperatam naturam, in qua pares sunt ac æquales quatuor primæ qualitates. Calidum v.g. temperamentum emendat, calorem exuperantem per suum contrarium reprimendo, & ita de reliquis temperamenti inæqualibus.

*Datur tem-
peramentū
ad pondus.*

*Primum
argumentū
quo proba-
tur dari tē-
peramentū
ad pondus.
Secundum
argumen-
tum.*

*3. Argumē-
tum.*

*4. argumē-
tum.*

Ergo cū temperata natura sit scopus, ad quem respicit Medicus sanitatem conseruans, necessariò admittenda erit: velars illa è medio tollenda. Sed nota Galeni verba, tuenda sanitatis: vult enim scopum Medici cōseruantis tantū valerudinem esse temperamentum æquale, ad quod omnia inæqualia reducere conatur. At verò medicus, qui præsentem morbum profligaturus est, non naturam temperatam, sed naturam propriam ægri, quam de nouo restaurare intendit, scopum habet. Si v.g. æger calido & sicco temperamento naturaliter præditus sit, medicus, morbum auellendo, eum ad pristinum temperamentum calidum & siccum reducere debet; idque curatorio more, & iuxta præceptum Gal. lib. 7. meth. c. 3. vbi monet, contra quam Fuchsius opinatur, quamlibet partem ad proprium temperamentum esse reducendam.

*Nota hæc
praxi infer
uientia.*

*5. argumen
tum.*

*Zimara
gerstringi
tur.*

Quintò Dato in rerum natura vno contrario, admittendum & alterum, teste Philosopho libro primo de Cælo textu quadragesimo quarto, veluti libro secundo. Sed datur vnum contrarium temperamentum, inæquale videlicet. Ergo æquale, quod est alterum contrarium, admittendum. Zimara Philosophum sic interpretatur. Quoties vnum contrarium positum in natura datur, admittendum & alterum: verbi gratia dato frigido, admittendum est calidum. Sed in contrarijs priuariis non ita res se habet: quoniam admissio finitum non est admittendum infinitum; nec admissio pleno, admittendum vacuum: nec concessio inæquali admittendum æquale quod priuationem inuoluit. Verum hæc expositio non aridet: nam ex Arist. in Postprædic. ea, quæ priuariæ opponuntur non sunt ad inuicem. Sed æquale ad inæquale dicitur. Ergo huic non opponitur priuariæ. Adde quod, iuxta hanc eandem interpretationem, æquale; magis positum est quàm inæquale, si finitum; magis quàm infinitum licet reuera falsum sit infinitum esse ens priuarium; alioqui Deus qui solus infinitus est, esset ens priuarium, quod absit: cum ille solus sit maximè positius. Præterea id quod est perfectius est magis positum, quàm id quod imperfectius. Sed temperamentum ad pondus est perfectius temperamento inæquali, cum perfectam arguat mixtionem. Ergo temperamentum ad pondus est magis positum, aut æquè saltem, quàm temperamentum inæquale ad iustitiam.

6. argum.

Sextò: temperamenta in sua contraria mutantur. Ergo aliquando transiunt per medium. Et consequenter in puncto isto medio quatuor qualitates erunt æquales. Id patet in transitu infantie ad decrepitam ætatem. Infantes æ calido humidoq; temperamento præditi sunt; senes verò frigido & sicco. Ergo in transitu à temperamento calido & humido puerorum ad contrarium frigidum & siccum senum, necessariò fiet transitus per medium: & tunc omnes quatuor qualitates erunt æquales. Arque adeo dabitur temperamentum ad pondus. Adde quod vnica sola qualitas aliquo tempore excedere potest suam contrariam, alia contrarietate existente, æquali illi autem excessus remitti potest; ergo ex hac remissione sequitur temperamentum ad pondus.

7. argum.

Septimò: nō est potior ratio cur reperiatur æquale medium in transitu facto inter motum incrementi siue augmentationis, & decrementi siue diminutionis, quàm in motu alterationis inter contrarias qualitates. Sed in transitu incrementi & decrementi deuenitur tandem ad punctū medium æqualitatis. Ergo pariter in alteratione, quæ sit inter contrarias qualitates, ad medium deuenitur.

Tandem ex nullo capite repugnat dari temperamētum quo ad pondus. 8. *argum.*
 Ergo admittendum est. Qualitas autem intensior in mixto potest remitti,
 & remissior intendi, donec omnes ad æqualem intensiōem deducantur.
 Licet enim temperamētum in mixtis, Dei, & naturæ opus sit, Galen. ta-
 men lib. 1. de temperamen. cap. vlt. quibusdam exemplis tale temperamen-
 tum ad pondus, seu naturam temperatam, dari posse ostendit: Medium
 autem temperamentum in omni genere, maximèque in vniuersa substan-
 tia, inquit, ex mixtione extremorum conflatur. Misceantur ergo ea quæ
 sunt calidissima, & frigidissima, vt ignis, aut aqua feruentissima, & gla-
 cies aut nix, in pari tamen mole. Quod autem ex his ambobus, glacie
 scilicet & igne, aut aqua feruentissima resultat mixtum, pari intervallo
 ab utroque extremorum aberit, & ab eo quod vrit, & ab eo quod frigore
 stupefacit, aut enecat: Nam tactu tepidum percipitur huiusmodi mixtum.
 Similis artificiosa commixtio ex altero contrariorum genere, siccæ videli-
 cet & humido confici potest: v. g. si terram quæ siccæ est, vel cinerem, vel
 tale aliquid, quod planè sit aridum, pari aquæ moli imbueris, medium
 in siccæ humidique oppositione opus effeceris: tactu enim & visu, tunc
 id, quod mixtum est mediocriter inter siccum & humidum percipitur.

*Artificio-
 se quid tem-
 peratum
 fieri potest
 ut moner
 Gal.*

Ex dictis hætenus constat, tale temperamentum ad pondus admitten-
 dum, esseque in medio extremorum elementorum, ad quod omnè id, quod
 excessuum, aut inæquale est, tanquam ad Polycleti statuam Astragaliz-
 ontem, respicit. Fuit autem statua illa Astragalizontes, veluti canon ac
 regula Sculptorum, aliorumque artificum. Vnde Plastæ, Pictores, Sta-
 tuarii, alijque fictores, qui dum exemplar aliquod propius accedens ad
 huius statuæ naturam effingebant, alijs sapientiores censebantur. Medi-
 ci pari ratione excessum corporum, quorum sanitati tuendæ præsumt, per-
 petuò emendant, vt, quo fieri possit modo, affine temperamento æquali
 ad pondus reddant.

*Tempera-
 mentu ad
 pondus est
 instar sta-
 tuæ Poli-
 cleti.*

Galen. lib. 2. de tempera. c. 1. duplex admittit temperamentum medium
 siue eucraton. Vnum, quod simpliciter & absolutè tale dicitur, & est il-
 lud quod æqualiter in medio elementorum extat. Aliud eucraton dicitur
 id, quod est medium in aliquo genere, vel specie. Eucrati simpliciter, &
 absolutè dicti exemplum ponit Eufarcum, siue quadratum, id est, medio-
 criter carnosum, benè formatum, nec mollem aut durum, nec ad extre-
 mos intensosue colores accedentem, sed inter album, & rubicundum,
 medium. Ex partibus hominis temperatam indicat cutem, sed præcipuè
 internæ volæ manus & pulparum digitorum. Medium eucraton, siue tem-
 peratum, in medio generis, aut speciei tale dicitur in ordine ad ea quæ
 sunt intemperata in eodem genere. Vide citatum caput libri primi
 de temperam.

*Eucraton
 duplex.*

Sic à nobis exposito temperamento ad pondus, nunc ad aliud membrum,
 quod respectu illius inæquale dicitur, accedendum. Temperamētum hoc
 inæquale dicitur, quia à temperie æquali ad pondus recedit. Dicitur etiam
 temperamentum ad iustitiam, quia natura cuius generi, & speciei, ac in-
 diuiduo mixti corporis congruum, commodumque ad suas opera-
 tiones edendas temperamentum concessit. Mixta quidem omnia tempera-
 mentum exposculant suæ naturæ congruens, & si contingat aliquod habe-
 re temperamentum ad pondus, id ipsum ad iustitiam dici potest; quia tale
 mixtum illud possidēs, tale temperamentum ad suas actiones edendas re-
 quirit. Sed quia ferè omnia temperamentum inæquale postulant, tale tem-
 pe-

*Tempera-
 mentum
 ad iustitiā.*

peramentum simpliciter ad iustitiam dicitur. Vnde propter hanc iustitiam distributiuam Auctoris naturæ, talia temperamenta à quibusdam æqualia dicuntur; quanquam in rei veritate, si cum æquali ad pondus conferantur, inæqualia prorsus sint. Proindeque mixta hæc ad iustitiam, naturas intemperatas appellat Gal. lib. I. de temperam. c. 8. vbi inquit, ab eo, quod in corpore præpoller, idem corpus denominationem fortiri. Quoties ergo calidum & humidum reliqua duo, frigidum & siccum superant, tale corpus calidum, & humidum dicitur. Quoties ex aduerso frigidum & siccum prædominantur, corpus id pariter frigidum & siccum dicitur: Similiter vbi calidum & siccum, corpus calidum & siccum: vbi frigidum, & humidum, corpus frigidum humidumque. Et ecce quatuor temperamenta composita ad iustitiam. Quemadmodum enim in elementis nondantur combinationes calidi & frigidi, humidi & sicci, similiter nec mixta ex elementis composita talis naturæ reperiuntur. Sed supersunt adhuc simplices excessus in vna qualitate; quando calidum solum præpoller, aut solum frigidum, aut humidum tantum, aut siccum tantum; quæ quatuor simplicia temperamenta communiter appellantur: quia tres qualitates videntur veluti pares in corpore, & vnica sola relucet, quæ suam contrariam exuperat. Vnde temperamentum calidum, temperamentum frigidum, temperamentum humidum, & temperamentum siccum denominantur. Quæ quoniam in vnica qualitate excedunt, dicuntur à Galeno media inter quatuor composita, & temperamentum ad pondus. Ad huius enim naturam propius accedunt, quàm temperamenta composita: nam hæc secundum duas contrarietates, & per excessum duarum qualitarum, à temperamento ad pondus remouentur: temperamenta autem simplicia in contrarietate vna, & vnus qualitatibus excessu distant.

Quatuor temperamenta composita à pluribus admittebantur: simplicia tamen omnes omiserunt; quæ admittenda esse probat Galen. quoniam frigidum; vt illi concedunt, potest esse cum humiditate, potest & cum siccitate. Ergo dū fit transitus à siccitate ad humiditatem, aut vice uersa, ab humiditate ad siccitatem, aliquando reperietur frigiditas illa in medio siccitatis, & humiditatis. Adeoque cum frigiditas suum oppositum calorem excedat; cumque temperata sit alia oppositio humidi & sicci, inde concludendum, posse aliquando inueniri simplex temperamentum frigidum. Eodem prorsus modo de reliquis philosophandum. Nam calor, & humiditati & etiam siccitati copulari potest, dum suum contrarium frigidum exuperat. Siccitas item suum contrarium superans, calori connectitur, & aliàs frigori. Humiditas similiter sicco præpollens, iam frigori, iam calori copulatur. Dantur ergo, inquit Gal. nouem temperamenta, vnum temperatum, octo intemperata. Temperamentum videlicet æquale ad pondus, & temperamentum ad iustitiam, quod octuplex est, quatuor composita, & quatuor simplicia: Composita, calidum & humidum, calidum & siccum, frigidum & humidum, frigidum & siccum. Simplicia, calidum, frigidum, humidum, & siccum: quæ sanè, cum momentanea sint & parū durantia, more temperamenti ad pondus, non statim medica æquè, ac composita ponderantur.

*Quatuor
composita
tempera-
menta.*

*Quatuor
simplicia
tempera-
menta.*

*Simplicia
tempera-
menta inter
composita
& tempera-
tum.*

*Probat Ga-
len. dari
quatuor si-
mplicia tem-
peramenta.*

S E C T I O II.

De alijs diuisionibus Temperamenti.

Aliæ minus præcipuæ diuisiones temperamenti à quibusdam excogitate, sequenti ritu se habent. Temperamentum est naturale, vel adscititium. Illud est, quod à primâ conformatione partibus omnibus, tanquam primus & radicalis habitus, insitus est. Acquisitum temperamentum est illud, quod decursu temporis, ex usu rerum non naturalium, aut propter morbos aliquo, acquiritur.

Item temperamentum in partiale, & totale distribuitur. Partiale in animatis corpora heterogenea possidentibus, non vero in inanimatis propriè reperitur. Est ergo partiale in homine illud, quod alicui parti peculiari à natura concessum est. Et cum plures sint partes diuersæ naturæ, plura insunt temperamenta partialia. Temperamentum ideo totale dicitur illud, quod ex his omnibus partialibus conflatum est, & toti mixto, non uni tantum parti, competit.

Denique temperamentum Barbaris in sanguineum, biliosum, pituitosum, & melancholicum diuiditur, & ita composita temperamenta nominare malunt, quàm calida sicca, calida humida, frigida sicca, & frigida humida. Quoniam tales denominationes biliosi, sanguinei &c. conueniunt corporibus ob redundantiam humoris alicuius succrescentis immodicè; eas improbat Fernelius, pariter & Vallesius, qui Galeno adhaerentes malunt ab ipso qualitarum primarum prædominio temperamentorum differentias colligere, quàm ex humoribus. Verùm hi viri graues à quibusdam impetiti, redarguuntur: quoniam non ab humoribus post ortum genitis tales differentiæ desumuntur, sed ab humoribus, ex quibus homo, tanquam ex elementis, constitutus est: Fit enim homo ex semine & sanguine, quæ duo quatuor humoribus constant. Ergo quoties aliquis calido & sicco præditus est temperamento, melius diceretur biliosus, quàm calidus & siccus, quia retinuit temperamentum bilis, quæ in semine & sanguine prædominabatur. Vnde cuiusdam placuit definire temperamentum per proportionem, quandam & symmetriam quatuor humorum corpus humanum in sui primordio constituentium.

Vt in eum in hac lite interponam iudicium, existimo Galeni vestigijs insistentum. Cur obsecro temperamentum, quod est partium solidarum dispositio, definitur per temperamentum humorum præcedentium corpus? licet enim non negauerim puerum redolere naturam materiæ ex qua fit, putotamen temperamentum melius definiti in ordine ad subiectum in quo est, quàm in ordine ad id, quod non est: humores autem, ex quibus compactus & effigiatus est fœtus, non amplius sunt; sed corpus solum in quod tales humores transmutati sunt & conuersi. Ergo cum humores non amplius extent, nec conueniens sit accidens de subiecto in subiectum transmigra:re temperamentum melius definitur in ordine ad suum subiectum corpus, quàm in ordine ad humores ex quibus hoc factum est: quemadmodum temperamentum ferri in ordine ad ferrum, & non materiam, ex qua ferrum nascitur, aptè dicitur.

Temperamentum est naturale, vel acquisitum. Temperamentum partiale & totale.

Fernelius, & Vallesius rectè sentiunt cum Gal.

Temperamentum est qualitas partium solidarum & nõ sensus & sanguinis mèstui.

*Plempio
satisfit.*

Neque video, qua ratione ductus Plempius inquit, temperamentum biliosum, quàm calidum & siccum (idem de reliquis dicendum) magis medicè pronuntiandum; & Galenum ita loquutum, comm. 3. prognost. tex. 16. Lib. 2. de temperam. cap. penult. & ult. Galen. tamen loco citato Prognost. nihil tale habet, sicuti nec cap. penult. lib. 2. de temperamen. & c. ult. eiusdem lib. non dicit corpora prædita esse temperamento bilioso, melancholico &c. Sed è contra expressè temperamenta calida & sicca, frigida & sicca in medium profert. Etenim, inquit, si quis ab initio siccior frigidioreque temperamento statim fuit, is non melancholicus est, sed utique pituitosus, ab excrementis. Quòd si ex habitus mutatione frigidus siccusque est redditus, necessariò hic talis iam etiam melancholicus est: v.g. si quis ante calidus & siccus ex sanguine viendo plurimam generauit atram bilem: est. n. is, præterquàm quòd siccus est & frigidus, protinus etiam melancholicus. Ecce Galen. clarè distinguens temperamentum frigidum à temperamento melancholico, quod ex copia humoris melancholici dignoscitur.

*Ex aqua
& terra
componi-
tur.*

*Quatuor
temperamen-
torum dif-
ferentia.*

Quando rursus ait, commodiùs temperamentum ab humoribus denominari, quòd non sint ita remota elementa, ac communia mundi, nihil contra nostram doctrinam astringit. Imò nobis fauet qui dicimus temperamentum multo commodiùs à proximis corporis elementis, partibus nimirum, quàm ab humoribus magis remotis; & communibus elementis denominari. Adde quod nec humores, nec partes temperie gaudent, nisi in virtute elementorum, qua necessariò pollent corpora nostra: Vnde Philosophus lib. 4. meteor. c. 8. inquit, ex aqua igitur & terra simularium partiù corpora constant, & in plantis, & in animalibus. Ergo partibus similibus, & toti ex ijs resultanti tribuenda sunt temperamenta frigida & sicca, calida & sicca, &c.

Hugo Senensis quatuor differentias temperamentorum proponit. Primum temperamentum est illud, quod insitum siue innatum est, quodque ex contemperatis elementis resultat. Secundum temperamentum influens dicitur, quod è principibus partibus in singulas corporis deriuatur. i. est temperies, quam partes corporis accipiunt ratione sanguinis, & spiritus transmissorum à principibus partibus, corde, cerebro, & hepate. Tertium temperamentum est illud, quod ex ambobus iam dictis, insito innatoue, & influente caloribus conflatum est; ita vt insitus se habeat tanquam materia; influens veluti forma; insitum perficiens; adeoque mixtum quid ex dictis caloribus censetur. Compositus hic calor singulis corporis partibus inest; eiusque virtute quælibet pars suas edit naturales functiones, cor spiritum vitalem, cerebrum animale, hepar sanguinem, chylum ventriculus, & ita de reliquis. Quartum temperamentum est illud, quod totale seu vniuersale, & per coalternationem nominant, quodque ex omnium partium corporis temperamentis conflatum est; iuxta Galen. doctrinam, lib. 1. de temperam. cap. 9. & lib. 2. eiusdem operis cap. 1. Ex omnibus enim membris calidis fit veluti vnicum totale temperamentum, ex omnibus partibus frigidis, temperamentum totale frigidum; ex temperamentis partium humidarum, vnicum totale humidum; & ex omnibus temperamentis partium siccarum, vnicum totale siccum.

Alij quintum addunt temperamentum substantiale, quia Galen. lib. 1. meth. c. 1. dixit, vires nostras consistere in spiritibus, substantia solida, & carnosa; & ex ijs fieri temperamentum, quod substantiale vocant. Aiunt

Gale-

Galenum lib. de plenit. c. 3. & lib. 1. de præfagit. ex puls. c. 4. & lib. 1. de simplic. medic. facul. cap. 1. de hoc eodem temperamento loquutum. Imò Hippocr. lib. de nat. hom. tex. 11. & libr. 1. aphorism. 15. Vocauit enim calidum innatum naturam corporis, quod secundum eundem Hippoc. vr loquitur Galenus, animal efformauit, adauxit, & tandem ad morrem vsque nutriuit. Sed superius hunc errorem nos refutauius, negantes dari temperamentum substantiale. Sextum addunt temperamentum ex actione & passione elementorum ortum. Et hoc temperamentum sanitatem vocauit Gal. lib. 4. aphor. comm. 39.

Substantiale non datur.

Sextum reperiuntur

Galen. lib. 1. de temperam. c. ult. temperamentum diuidit in temperamentum energia siue actu, & in temperamentum potestate. Temperamentum actu calidum v. g. est id, quod actu calidum persentitur: temperamentum potestate est illud, quod nondum est id, quod dicitur, sed facile id fieri potest; quia è potentia in actum reduci potest. Hac de re fusiùs Gal. lib. 3. de temperam.

Temperamentum a. Et, & temperamentum potentia.

S E C T I O III.

Obiectiones diluuntur.

A Viceana fen. prima. 1. doctrina 3. c. 1. Auerroes 1. parte cantic. tract. 1. c. 19. & lib. 2. Colliget c. 22. & lib. 1. de celo tex. 7. lib. 10. metaph. tex. 23. & libr. 4. meteoror. tex. 10. lib. 2. de gener. & corrup. tex. 48. existimant nullum dari in rerum natura temperamentum ad pondus. Suam hanc sententiam probant primò ex Arist. lib. de motu animal. Actio non fit nisi ab inæquali præualente, id est, vt communiter in scholis loquuntur, actio fit à proportionem maioris inæqualitatis. Ergo si quatuor primæ qualitates essent æquales in generatione mixti, nullum produceretur mixtum temperatum ad pondus; quia nulla esset actio & passio inter istas qualitates propter earundem æqualitatem. Nam quæ æqualis sunt virtutis, in sese inuicem agere nequeunt.

1. Obiectio.

Respondeo, illud axioma de ijs intelligendum, quorum vnum in alterum conuertitur. Omne quidem agens sibi assimilare nititur patiens, in quod agit, ex Arist. lib. 1. de generat. cap. 7. Quare generatio inter duo fieri nequit, quin vnum alterum vincat, corrumpatque. Hac enim via simplex generatio fit, sed mixtio nequaquam: vt loquitur Arist. lib. 1. de gener. c. 10. tex. 88. ideo, inquit, gutta vini decem millibus congijs aquæ nõ miscetur. Soluitur enim eius forma & mutatur in vniuersam aquam. Alter agendi modus est, quando plura agentia concurrerint ad productionem rei alicuius ita sunt æqualia, vt nullum eorum habeat plenam potestatem conuertendi aliud in se: sed omnia in conflictu vincunt & vincuntur. Ex huiusmodi pugna quatuor elementorũ inter se mixtum resultare creditur, ex Arist. lib. 1. de gener. & corrup. tex. 89. ex actione a. & reactione contrariorum elementorum producitur aliquid mediũ. Et in tali generatione nequaquam requiritur proportio maioris inæqualitatis: Nam elementa inter se ad compositionem mixti agunt eodem proportionem modo, quo quidam Luctatores, qui etsi viribus æquales sint, agunt patiunturque, neuter tamen victor euadit.

Solutio.

Duplex a- Dicendum ergo quatuor qualitates primas, quia contrarias, in se inui-
qualitas in cem agere, siue sint in pari gradu, siue in impari. Paritas autem siue æ-
qualitati- qualitas qualitatum dupliciter inesse potest. Primò quando qualitates sunt
bus primis in pari gradu. Secundò quando virtutes agendi sunt æquales, gradus ta-
consideran men inæquales: v.g. vnus gradus caloris æquè fortiter aget, ac duò frigoris,
da. tres humiditatis, & tres aut quatuor siccitatis. Itaque non solum mix-
tum dicetur affici temperamento ad pondus quoties primæ qualitates sunt
in æquali gradu, sed etiam quando ipsæ qualitates primæ sunt in æquali
gradu virtutis, licet ipsæ actui inæquales sint, quo ad sui intensiorem. Hoc
ultimo modo corpus humanum, vt pote heterogeneum, quàm primo mô-
do, facilius temperamento ad pondus afficietur; quia eius partes (si cutem
fortè excipias) nunquam æquali gradu caloris & frigoris, siccitatis & hu-
miditatis afficientur. Nam cor ventriculo, ossibus, & cerebro semper ca-
lidius est: in eoq; calor semper frigus excedit.

2. *Obiectio* Obijciunt secundò: Si æquales in misto concurrerent primæ qualitates,
vt ex ijs oriretur, temperamentum ad pondus necessariò admittenda esset
æqualis portio substantiæ omnium elementorum, quæ qualitatum æquali-
tati corresponderet. Sed hoc dici nequit; quia si in misto aliquo elemen-
torum substantiæ essent cœquales, tale mixtum non esset neque graue,
neque leue. Et per consequens nullum haberet in mundo locum in quo
naturaliter stare posset.

Solutio. Respondeo, negàdo æqualitatem molis elementorum esse necessariam
ad æqualitatem qualitatum constituendam; quoniam, vt iam antea com-
prehensum est, modicum ignis, & aeris sufficiens est ad contemperan-
dum plurimum aquæ & terræ. Proinde Arist. lib. 4. meteor. in superiori-
bus citat, cap. 8 rectè monet. Ex aqua igitur, & terra similiarium partium
corpora constant, & in plantis, & in animalibus. Et quæ metalla sunt,
vt aurum, & argentum, & quæcunque alia talia. Et alibi eodem lib. Ideo
animalia in terra, & aqua solum degunt, in aere autem, & igne nequa-
quam; quia corporum materia hæc, id est terra & aqua. Imò cap. 1. eius-
dem lib. dum ait, omnia putrescere præter ignem, dixit aerem, aquam,
Omnia pra- & terram esse materiam igni. Dato ergo temperamento ad pon-
ter ignem dus, corpus mixtum, temperatumque in certo deget loco: in terra nimi-
putrescunt. rum, aut aqua. Temperatum tamen corpus rarum est; & in similiaribus
corporibus, si æqualitatem graduum qualitatum perpendamus, quàm in
heterogeneis corporibus, potius reperietur.

Instantia. Sed instabit aliquis cum Marsilio lib. 2. de generat. & corrupt. quæst. 15.
& Alberto Saxonia, ac alijs, dari æquale ad pondus in motiuis qualitati-
bus. Ergo concedenda erit æqualis mensura substantiarum elementorum.
Pater antecedens: nam oleum, & lignum secundum qualitates motiuas
videntur æqualia ad pondus, cum aquæ supernatent: Sic enim in medio
quatuor elementorum esse videntur: Et inde arguitur, par in illis esse pon-
dus substantiarum eorundem elementorum.

Solutio. Responderetur, falsum esse, oleum, ligna, & similia supernatantia aquis
Ligna, & esse æquè leuia, ac grauiora. Sunt .n. multò grauiora quàm leuiora; super-
oleum licet natere tamen videntur ratione plurium pororum, quibus abundant, & in-
magis gra- quibus copiosus aer includitur; cum nullum detur in natura vacuum.
uia, quàm Oleum verò præter porositatem, aut raritatem, viscosum est, & tenax; vn-
leuia, cur de melius vnitur, meliusque supernatat. Ligna verò poris carentia, cu-
supernatant iusmodi est Guaiacum, in fundum aquæ cadunt; buxum pariter lignum.

Ob defectum hunc pororum, ait Aristot. lib. 4. meteor. tex. 41. hebenum nō supernatate aquis: vt inter multos retulit Epiphanius Ferdinandus lib. 1. theoremat. medic. & philosoph. theoremat. 17. cum quo vltcrius descendū, quōd si in natura daretur æqualitas inter istas qualitates secūdas, leuitatem & grauitatem, æqualitas ad pondus inter primas alterantes nō occurreret, sed mera inæqualitas. Nam minor frigiditas multō maiorem parit grauitatem, quā maior calor leuitatem. Quare vt tāta sit leuitas, quanta grauitas, debet esse multō plus caloris: vt patet euidenter in ferro candenti, vbi plurimus calor minimum leuitatis inducit.

Instabis adhuc: qualitates secundæ sequuntur vires primarum qualitatum. Sed primarum vires sunt æquales: Ergo & qualitatum secundarum, è quarum numero sunt leuitas, & grauitas: nam leuitas sequitur calorem, grauitas frigiditatem.

Respondeo distinguendo maiorem: vires secundarum qualitatum sequuntur vires primarum, tanquam suas causas, concedo; in æquali gradu in mixto, nego. Præterea vbi adest intensus calor, remissa siccitas, & materiæ raritas, vt in igne, ibi leuitas necessariō adest: vbi verō frigiditas remissa, intensa siccitas, cum densitate, ibi grauitas summa reperitur, vt in terra. In mixto verō temperato, cum calor non excedat siccitatem, nec raritatem notabilem comitem habeat, leuitatem nisi exiguam non parit; sed mixtum ob prædominantem terram, graue sistit.

Obijciunt tertio cum Athenæi discipulis. Vita in calido & humido cōsistit. Ergo in viuētibz caliditas, & humiditas alias excedunt qualitates oppositas: atque adeo in viuētibz nunquam æqualiter concurrent quatuor primæ qualitates.

Respondeo, vt in superioribus cum Gal. viuētia dici calida & humida respectiue ad se ipsa demortua. Præterea viuētia dici possunt calida, non quōd calor gradu semper excedat, sed tantummodō ratione virtutis, & officij, quæ calor in ijs exercet: nam caloris est permiscere, permeareq; & illustrare omnes mixti partes. Vnde viuētiū calor ab Aristot. lib. 2. de Anima c. 4. tex. 50. vitalium functionum, administer & opifex dicitur. Diximus antea temperamentum ad pondus ratione virtutis magis quā graduum admittendum in viuente.

Obijcies quartō. Si vires elementorum æquo pondere in mixto contemperarentur, nullum esset in tali mixto internum corruptionis principium.

Respondeo, negando mixtum non habere interna corruptionis principia; quia constat contrarijs, quæ quidem modico tempore temperantiam obseruant. Nam temperamentum illud ad pondus cogitatione potiùs, quā actu extat. Et si casu contingat ipsum alicui corpori aduenire, momentaneum est, & fugax. Galen. autem lib. de optima corporis constit. c. 3. corpus temperatum ad pondus imaginatione potiùs, quā actu dari asseuerare videtur. Et ipsius signa, ac existentiam tradidit Gal. vt esset veluti norma aliorum temperamentorum. Quamplurimi tamen ipsum admittendum putant in omni ætate, & Galen. lib. 6. de san. tuen. c. 2. in ipsa adolescentia potissimum reperiri iudicare videtur: quando nimirum calor & humiditas pares cum frigiditate & siccitate euadunt: Optimam namq; inquit, temperiem in adolescentia corpus obtinet. In cute tantū volē manus tale temperamentum reperiri credunt; quia corpori similari temperamenta omnia propriē & per se conueniunt. Verū si corporis temperamentum accipere licet pro totali, id est, quatenus omnes partiales comprehendit

aqua & alijs liquoribus.

Hebenum hodie vocant nonnulli Galienum.

Instantia.

Solutio.

3. Obiectio.

Solutio.

Calor naturalis ex Aristotele.

4. Obiectio.

Solutio.

Temperamentum ad pondus propriē simile

*vi corpori
conuenit :
heteroge-
neo facta
collatione
omnium si-
miliarum
calid. fri-
gidarum,
humid. &
ficcarum,
ad inuicē.*

hendit, temperatum ad pondus admitti potest: v. g. si considerentur omnes partes calidæ, quatenus vnicum totale temperamentum calidum constituent; & omnes frigidæ, quatenus frigidum; & omnes humidæ, quatenus humidum; & omnes siccæ, quatenus siccum; sique rursus hæc omnia in corpore nostro parem obseruent proportionem, vt tandē ex ijs vnicum dicatur fieri temperamentum, procul dubio tale temperamentum æquale dici poterit; licet in quauis parte æquale non sit, sed facta comparatione inter omnes in toto corpore.

Pater ergo aduersus dictos Authores dari aliquo pacto temperamētum ad pondus: Idque ipse Auicenna, etiam coactus, admittit: qui vix à Galeno declinat, tum in hoc, tum in reliquis, quæ de temperamentis proponuntur: Licet ei tribuerint quidam Philosophi hanc opinionem, quod temperamētum sit simplex quædā qualitas à primis qualitatibus distincta. Sed liber ille primus Sufficientiæ ab illis citatus à nobis adhuc desideratur: Et doctrina ipsius expressa de temperamentis obseruatur.

§. Obiectio.

Obijcies tandem contra simplicia temperamenta: Victoria primarum qualitarum pendet à victoria & prædominio alicuius elementi: Ergo cū quoduis elementum duabus sit præditum qualitatibus, ambæ semper in mixto excedent, neutra nunquam. Atque adeo nunquam dabitur simplex temperamentum, sed semper compositum.

Solutio.

Huic obiectioni satisfecit Gal. dum inquit, calorem copulari siccitati, & humiditati: Proptereaque solum calorem aliquando frigori præpollere, æqualibus persistentibus humiditate, & siccitate. Dicendum præterea obiectionem esse verissimam vtplurimum. Quoniam non nisi breuissimo tempore, eoque fortassis imperceptibili, vnica sola qualitas in mixto reliquis prædominatur.

C A P V T III.

De Temperamentis partium.

*Cutis tem-
perata est,
& respectu
illius om-
nes partes
intempera-
ta dicun-
tur.*

*Partes sper-
matica fri-
gidæ, san-
guineas ca-
lidæ.*

Galenus lib. 1. de temperam. c. vlt. cutem, sed præcipuè volæ manus, & pulparum digitorum temperatissimam omnium partium constituit, quod ab omnibus extremis, calido inquam, frigido, humido, & sicco, pari interuallo absit. Nec solum in primis qualitatibus temperata est, sed ipso sensu mediocris inter molliem & duritiem percipitur; quia media est inter neruum & carnem. In ordine igitur ad cutem partes corporis frigidiore, frigidæ dicuntur: calidiores, calidæ: humidiores, humidæ; sicciore, siccæ. Gal. igitur lib. 2. de temperam. c. 3. præsupponit, omne exangue esse frigidius eo, quod est sanguine præditum; id est, partes sanguineas esse partibus spermaticis calidiores: Vnde quo pars sanguinolentior est, eò calidior; & vice versa, quod minùs sanguine pollet, eo frigidior. Respectu cutis, tanquam normæ Polycleri, lib. 1. de temperam. c. vlt. cor calidissimum viscus constituit hac serie: Sanguis verò ipse à corde suum accipit calorem; quippe id viscus natura tum omnium animalis particularum maximè sanguineum, tum verò calidissimum est: proximum illi iecur est. Caro etiam cute calidior est. Lib. 2. de temperam. cap. 3. inquit: Nam cordis caro omnibus his tanto est sicciior, quanto est durior.

Cali-

Calidior verò non modo his, sed etiam omnibus planè corporis particulis; *Cor calidi-
fima par-
tium.* ut ex ipso tactu constat. Carnem verò omnem calidam esse innuit. Caro apud ipsum citat. cap. & 11. method. triplex est; pura, quæ à musculis vix, nisi cogitatione, separatur: parenchyma; & caro cuiusvis partis. Lien ergo, pulmo, renes, & caro ipsa musculosa, cute calidiores sunt. Hinc liquet Conciliatoris error, qui differentia 24. ausus est affirmare cor esse frigidum & sicci temperamenti, eò quòd combustioni resistat. Ceterùm Auicenna, fen. 1. primi doct. 3. c. 2. satis clarè nobis Gal. doctrinam exposuit, aiens, id quod in corpore nostro calidius extat, esse spiritum & cor, à quo ille procedit. Deinde verò sanguis minus his calet, hepate tamen calidior; quia magis continuus, seu potius contiguus est cordi quàm ipsum hepar: quare maiorem calorem à corde suscipit, quàm idem hepar: sanguine hepatis remissiùs calet; quia cum sit sanguis veluti congelatus, tenuioris & magis spirituosus sanguinis portionem amittit. Hepate caro simplex minùs calet, quia nervorum villi siue fibræ ex sua natura frigida per ipsam disseminantur. Minoris adhuc caliditatis sunt muscoli propter fibras in hos insertos; quæ fibræ sunt nervorum & ligamentorum particulae, ut loquitur Gal. lib. 2. de temper. c. 3. qui hoc sedulo animaduertit, ut ostendat fibras, quibus caro cordis circumhæret, esse alterius naturæ, & soli cordi proprias, æquè scilicet, ac tunicae venarum, articularum, intestinorum, ventriculi, uteri, & utriusque vesicæ, suas habent sibi peculiares, & específicas. Musculis minùs calet splen propter fecem sanguinis in eo semper contentam, quæ fex, vitore terrea, frigida est. Splene minus calent renes propter paucitatem sanguinis, & copiam aquosi humoris, quo si non nutriuntur, saltem delectantur. Renibus succedunt arteriarum tunicae, quæ tametsi ex sua natura sint temperamenti frigidi, calida tamen iudicanda propter calorem continuè eis communicatum à contento in eis sanguine & spiritu. Sequuntur ordine venæ, quæ propter inclusum sanguinem calida sunt, licet ex sua natura frigida. His annexere possumus peculiarem partium carnem, & glandulosam, sed præcipuè testium. Tandem succedit cutis temperata, præsertim verò cutis interna manus.

Nunc pari ordine describendæ sunt partes frigida, quarum omnium frigidissima est pituita, ut inquit Gal. lib. 1. de temper. c. ult. Postea pili: deinde ossa: rursus cartilago: postea ligamentum: deinde tendo: membrana: post membranas nervus: post hunc nucha siue spinalis medulla: post spinalem medullam, cerebrum: deinde adeps: post pinguedo; & tandem venæ ac arteriæ ratione propriæ constitutionis, veluti fibræ: tandem cutis, quæ temperata est.

Humidissima omnium partium est pituita; postea sanguis: pinguedo; adeps; cerebrum: nucha, siue spinalis medulla: caro manillarum, & testiculorum: pulmo: hepar: renes (qui sanè sicci dici possunt:) muscoli: cutis tandem temperata est.

Siccissima partium corporis est pilus ex Auicenna, postea os; cartilago; ligamentum; tendo, siue chorda: panniculus, siue membrana: arteriæ: venæ: nervi mortui: cor: renes: nervi sensus: tandè cutis, quæ in sicci & humidum, calidi & frigidi medio est ex Gal. atque adeo ab extremis equaliter distans.

Obijcies 1. sanguinem esse calidissimum, pituitam verò frigidissimam, ut loquitur Gal. lib. 2. de temper. ca. 3. Præterea ex lib. de inæquali intemperie, bilis est calidior reliquis omnibus, quæ in corpore extant: Tandem

*Examen
partium calidarum.*

1. Obiectio.

Solutio.

ex Auicenna spiritus corde calidior est. Respondeo, bilem calidissimam esse rerum omnium quæ in corpore extant, ratione caloris acris & mordacis: sanguinem verò dici calidissimum calore natiuo; in quo sensu ipse Hipp. libro primo de morbis ait, sanguinem esse bile calidior, calore scilicet temperato: plurimus enim spiritus ei commiscetur, qui ipsa bile multò temperatior est, cum sit ipsius sanguinis temperatus vapor: unde sanguis ratione copiosi spiritus, etiam calidissimus dici potest. Gal. comm. tex. 36. & 39. lib. de nat. hom. temperatum vocat sanguinem: calidum tamen & humidum in ordine ad cutem esse cit. iam loco statuit, vt cum ipso diximus ex libr. 4. de vsu par. cap. 6. & confirmat lib. de format. fætus, his verbis: In sanguine qui in venis est, absque cordis calore, tepida quædam caliditas insita est, & propterea etiam in iecore. Cor verò quasi quendam ignis focum animalia sortita sunt. Sine corde enim sanguineorum animalium calor persimilis est caliditati, quæ in domibus æstatis tempore

Sanguis dicitur temperatus, calidus & humidus, & calidissimus.

perferuntur: sed quemadmodum domus incenso in ipsa igne calidior redditur, ita animalium corpus ex corde caliditatem maiorem acquirit, quam ea sit, quæ in venis & iecore insita est, & sanguine etiam, qui in venis & iecore continetur. Hæc Galenus c. 3. cit. lib. ex cuius doctrina colligitur sanguinem dici in se quasi temperatum, quia calor & humiditas non immodicè in eo excedunt: humidus & calidus dici potest in rigore, & præterea in ordine ad cutem, aliasque partes non sanguineas. Calidissimus autem appellari potest, vel calore natiuo, vel propter copiosum spiritum, quem à corde suscipit; vt c. 9. lib. 1. de temperam. docuit. Auicenna rursus non absolute pronunciauit, spiritum esse corde calidior, sed inquit: Quodd autem in corpore est calidius, est spiritus & cor, à quo procedit. Hæc enim verba non concludunt spiritum esse corde calidior, sed spiritum influentem, & cor, à quo efficitur, esse calidiores totius corporis partes. Vnde rectè Galen. cor, caloris natiui fontem, calidissimam partium appellauit, in hoc Hippocratem sequutus lib. de principiis, vbi spiritum calidum esse ait: cor tamen omnium, quæ in corpore sunt, calidissimum appellat, idque, vt ex contextu colligitur, ratione spiritus.

Cor dupliciter accipitur.

Vt doctrina hæc clarior euadat, notandum est cor duobus modis accipi. Primò pro aggregato omnium partium heterogencarum, ex quibus coalescit; cuiusmodi sunt ipsa cordis caro, fibræ, membranz, venæ arteriæ, ligamenta, &c. Secundò cor accipitur pro sua propria carne, parte similari, spiritu insito copiosoque luxuriante & referta. In prima significatione cor spiritu frigidius est, minusque calet: Et sic Auicenna interpretandus est, si volunt ipsum dixisse spiritum esse corde calidior. At verò in secunda significatione cor æquè calidum est, ac spiritus influens, quia spiritus ille à corde fluens est eiusdem ferè naturæ cum insito cordis spiritu, aut saltem cum ipso, quo cordis spiritus insitus rescitur. Primò a. cor elaborati in eo spiritus sufficientem copiam apponit, reliquum rursus, tanquam superfluum, à se per suos ductus arterias, quoquoque suum diffundit, pari pacto ac hepar, quod sanguine in se confecto saturum, reliquam rursus eiusdem sanguinis ipsum aggrauatis per suos tubulos venas, in corpus vniuersum effundit. Vno verbo, cor cum suo insito spiritu ignis carbonum instar se habet: Spiritus ab eo aliorum transmissus est instar ignis flammæ; & quia mobilis ac facile permeans penetransque, calidior omnium à quibusdam dicitur; impetum faciens ab Hippocr. inio calidum illi

illi dicitur, sicuti Platoni ignis in situs siue natiuus. Spiritus porro tanquā ignis quidam, agitur, accenditur, & ad alias partes à corde instar flammæ pabulæ, tam crasso, quā aereo enutritæ, transmissus, summa cum pernicitate penetrat, omnesq; partes illico calefacit, fouetque. Ideoq; à pluribus, vt tactum est, ipso corde calidior censetur.

Quidam Auicennæ expositores aiunt, Galenum dixisse sanguinem esse calidissimum omnium, non absolute, sed humorum tantum respectu, bilem verò inter partes siccas esse calidissimam. Sed à veritate deficiunt: Nam inter partes humidæ bilis calidissima est. Præterea absolute cum veteribus capite secundo libro secundo de temperam. de sanguine loquutus est Gal. quia absolute de pituita; vt patet ex cap. 3. lib. 2. vbi ait: Frigidissimum ac humidissimum omnium quæ in animali habentur pituita est; vt ipso tactu & visu constat.

Obijcies secundò: lien iccore rarior est, pluresque atque maiores habet arterias. Ergo iccore calidior. Respondeo ratione arteriarum splenem esse hepate calidiorem; hoc ramen multò frigidior propter humorem melancholicum quo semper scatet; quiq; suo commercio non solum corpus lienis, sed ipsasmet arterias refrigerat.

Obijcies tertio, venas & arterias non ita accedere ad naturam temperatam cutis ac carnem. Respondeo, has in contrarietate caloris & frigoris esse carne temperatiores; quia ex se frigida sunt, à contentis tamen temperantur. Sed in altera contrarietate siccitatis & humiditatis non sunt æq; temperatæ ac caro.

Obijcies quartò, Pulmones frigidos esse, eorundemque frigiditatem indies ex inspirato aere augeri, veluti ex continuo contactu ramorum trachææ arteriæ partis spermaticæ & frigida; vt habetur libro de corde. Gal. præterea lib. 3. de alim. facul. c. 12. ait pulmones pro cibo exhibitos frigidū pituitosumq; humorem gignere.

Respondeo, pulmones esse calidos, quia parenchyma sunt; tum quia sanguine calidissimo, spiritusq; pleno nutriuntur; tum quia cordi vicini. Ab aere tamen externo, ab humore pituitoso è cerebro delabente, & à trachææ arteriæ ramis per accidens refrigerari possunt, licet à quibusdam censeantur hepate calidiores. Propter nimiam sui raritatem post mortem animalis omnem fermè spiritum & calorem facile amittunt; plurimumque à bronchijs refrigerantur: Non mirandum ergo si pituitosum gignant humorem, vt optimè monuit Gal. Sed hæc de partibus calidis.

Quod attinet ad partes frigidas (partem enim in fusiori significato accipimus) nonnulli autumant Galenum simul & Auicennam de vitrea pituita, vtpote frigidissima, loquutos fuisse; quia naturalis pituita sanguini propinqua, cum in sanguinem facile cōuertatur, frigidissima esse nequit. Sed longè falluntur, quoniam naturalium partium dispositionem ex professo inuestigat Galenus. Et licet pituita, quæ aquæ elemento correspondet, in sanguinem facilius quàm aliquid aliud conuerti possit, proinde non desinit esse frigida, non intensè, sed comparatè.

Dictum est pilos esse minùs calidos pituita, quia fuliginosi censentur. Ossa his minùs frigida, quia medulla & sanguine manifestè nutriuntur, canes nutriunt, & in ignem coniecta luculentam flammam excitant. Non proinde tñ calida cēsenda, vt Empedoc. apud Arist. lib. 1. de anima c. 5. tex. 77. consentire visus est, aiens, ad ossis compositionem duas aeris, & aquæ partes, quatuor ignis, & duas fortassis terræ partes concurrere. Alber-

Cor instar carbonis, spiritus instar flammæ se habet.

2. Obiectio
Solutio.

3. Obiectio
Solutio.

4. Obiectio.

Solutio.

Dubium.

Solutio.

Dubium.

tus Magnus in eius opinionem inclinauit, affirmans ossa esse calida: His fauere videtur Hippoc. lib. de Principijs, vbi ossa vi caloris ex materia pingui, parū humoris continente, ea; adusta fieri voluit. Plato in Timæo ossium productionem assimilat materiæ igni iniectæ & adustæ. Galen. libro primo de semine capite 10. calorem ad ossium procreationem maximè concurrere docet.

Solutio.

Verū nec Hippoc. nec Plato, nec Gal. vnquam existimauit ossa esse igneæ naturæ, sed ea ex crassiori, adeoque terrestriori, frigidaque seminis parte vi caloris concoquentis, & pinguedinem, si qua fuit, absumentis, fieri. Calor autem ille partis spirituosæ seminis, tanquam opifex, non tanquam aduens in omnibus operatur, & ex crassiori, terrestrique seminis parte, ossa, concurrente facultate formatrice, producit: Ex glutinosiori verò parte eiusdem crassamenti partes ductiles, vt fibras, membranas, venas arterias, neruos, tendines, ligamenta, & feruè cartilagines, effingit. Hippoc. lib. citat. ossium hanc productionem sic exponit: Eadem ratio & ossium est: vbi quidem non inerat glutinosi, verum pinguis & frigidi, citius exulta sunt propter pinguitudinem: arque hæc ossa durissima & rigidissima existunt. Demum eo ipso, quod ossa spermatica sint, si, ex parte terrestriori, non verò subtiliori & calida producta, frigida, & non calida dicenda. Si rursus supponerent ossa esse torrefacta, frigida esse concedent, quia adusta calorem amittunt insitum. Sed hæc obiter.

*Spinalis
medulla
frigidior ce
rebro.*

Quod nucha siue spinalis medulla, & consequenter nerui ab ea deriuati, frigida sit, experientia comprobatur: Nam dorsum non ob vertebra tantum, sed propter spinalem medullam præcipuè frigori obnoxium est, ab eoque faciliè læditur. Vnde cerebro frigidior dicitur à Galen. lib. 2. de temperam. c. 3. Licet autem Galen. ibidem asserat spinalem medullam & cerebrum esse eiusdem generis: & lib. 3. de aliment. facult. cap. de medulla, eandem spinalem medullam esse cerebro continuam, & eiusdem naturæ cum ipso, cerebro tamen frigidior est eadem spinalis medulla; vt patet ex rigoribus, qui à dorso semper auspicantur; tum quia sanguine & spiritu, respectu cerebri, non nisi parcissimè fruuntur. Aristoteles tamen lib. 2. de part. animal. c. 7. de medulla, & lib. de somno & vigilia c. 3. contrariam sententiā amplexus est, medullam cerebro calidiorē affirmans imò cerebrum esse frigidissimum omnium partium alibi fatetur. Requidem diligenter examinata dicendum cerebrum in sua substantia esse temperamenti frigidi; sed si id ipsum ratione influentis caloris, & non insiti tantum spectetur, est calidi temperamenti. Hoc manifestè colligitur ex innumeris venis, & magnis arterijs ad ipsum delatis, quæ sanguine, & spiritu turgidulæ, cerebrum sufficienter, imò in multis impensè calefaciunt. Ex ipso præterea sensu tactus, æstuans cerebrum, cranio sublato, percipitur; quod mouit Galenum ad affirmandum, cerebrum esse multò calidius quouis aere, etiam æstiuo, vt videre est lib. 8. de vsu part. vbi dicta argumenta, ac alia nonnulla contra Aristot. peritissimè deducit; & inter alia, quod perpetuus eius motus, vel agitatio ipsum calefaciat. Pia rursus mater continuo pulsatur, utpote venis, arterijsque repleta. Cæterum si ipsum cerebri corpus per se tantum consideretur, vt fortè voluit Aristoteles, non erit absurdum, ipsum esse frigidum in excessu: in quo sanè sensu ait Hippoc. libro de principijs. Cerebrum metropolis est frigidi, ac glutinosi.

*Adeps &
pinguedo
calida.*

Cum quibudam Arabibus inter partes frigidas adipem collocauimus, simul & pinguedinem. Sed vt mea fert opinio, inter calidas reponendæ sunt,

sunt, quemadmodum superiori lib. probauimus. Idem de ossium medulla dicendum; quæ quidem non est superfluum excrementum, vt Aristot. placuit, sed ossium alimentum, vt docet Hippoc. lib. de alimento. Si enim esset excrementum, statis quibusdam temporibus, more aliorum excrementorum, per patentes aliquos ductus euacuaretur.

De Ventriculi temperamento nec Græci, nec Arabes distinctè loquuti sunt. Ex Gal. tamen lib. 2. de temperam. c. 3. colligitur ipsum esse cutem, multò calidiore; quia certam fibrarum speciem cum propria, peculiatique carne, ijsdem fibris circumnata, venarum atque arteriarum tunicis, itemque intestinorum, ventriculi, vteri, & vesicæ vtriusque concedit. Liqueat ergo ventriculum multò carnosiores recentis partibus, si fortè vterum excipias, excedere quidem cutem in calore. Quia tamen fibras habet innumeras, inter calorem & frigiditatem ambigit, ad calorem tamè, vt reor, magis inclinat.

Fibra enim pars est prætenuis atque gracilis instar fili, alba quidem, quia ex tenaciori ductilique seminis parte producta, vt sit fulcimen, atque firmamentum partium contextarum, & tanquam motus naturalis auxiliũ. Stamina dicuntur, quia circum eas facultas formatrix tanquam textrix texere solet, earum spacia carne aliqua replendo: non quòd omnis caro fibris circumdata sit, vt caro gingivarum, caro balani villis carent: caro etiam vlceribus supererescens villis non effulcitur; quia cum fibræ sint partes spermaticæ, ampliùs, post pueritiam saltem, regenerari nequeunt. Villi n. quia veluti seta aut capillamenta apparent, ita dicuntur. Quia etiam filis exilibus non sunt (quoad consistentiã) dissimiles, filameta nuncupantur. Fibræ, n. inquit Hipp. lib. de princ. frigida sunt & glutinosæ, quia ex materia glutinosa & ductili procreantur. Gal. loco cit. de temperam. ait, quasdam fibras esse frigidiores cute; alias calidiores, alias sicciore, alias similes. Quòd sanè sit propter partium fibrosarum diuersam temperiem. Nam fibræ cordis cute sunt multò calidiores; fibræ vesicæ frigidiores sicciore, quia hæc parum carnea est; fibræ musculorum humidiores cute ratione carnis; fibræ fortè venarum temperatæ, vt cutis. Fibræ quidem ex sua natura frigidiores sunt, vt docuit Hippocrates, docuitque Aristoteles libro secundo de partibus animalium capite quarto, vbi sæpe eas terreas nominat.

Neruos frigidos esse constat ex Hippoc. lib. 5. Aphor. 18. vbi ait, frigidum esse inimicum ossibus, neruis, cerebro, spinali medullæ, calidum vero vtile. Sequenti aphor. 19. idem confirmare videtur aiens: Quæ refrigerata sunt, ea excalfacere oportet &c.

Quod attinet ad partes humidas, aliqui contra Galenum libro primo de temperamentis capite vltimo statuunt sanguinem, vt pote fluidiorem, esse pituita humidior. Sed longè falluntur, si pituita acidam, mucosam, & viscidam excipias: nam pituita naturalis, quæ aquæ correspondet, antequam in sanguinem conuertatur, necessum est incrassetur. Ob defectum incrassationis in leucophlegmatia, siue anasarca, hydropis specie, partibus non adheret. Ergo sanguine multò fluidior est. Care enim in anasarca & pituitosis ideo mollior est carne sanguineorum. Pituita ergo quia fluidissima & humectans in corpore, rectè humidissima dicitur. Quo ad solidiores adeps omnium humidissima, secundo post hanc loco est carnosum genus, vt loquitur Gal. 2. de temperam. c. 3.

Gal. lib. 2. de temper. c. 4. ait, cerebrum & pulmones ratione humiditatis

*Ossium me-
dulla non
est excre-
mentum.*

*Ventricu-
lus cute ca-
lidior.*

Quid fibra

*Diuerfa fi-
brarum tem-
peramenta*

*Fibræ in-
se frigida.*

*Nerui fri-
gidi.*

*Partium
humidarũ
examen.*

*Sanguis
non est pi-
tuita humi-
dior.*

tatis, ad adipis temperamentum accedere, vt ex eorundem mollitie colligitur. Propinquā verò naturam his habet medulla, inquit: Medulla inibi indefinit, non verò pro ossium medulla, aut spinali accipitur, vt placet Leonardo Fuchsio. Meo tamen iudicio spinalis medulla intelligenda est: cū manifestè asseuerauerit Gal. eam esse proximam cerebro, & pulmonibus in mollitie: nam cerebro paulò durior est, ossium verò medulla est omnium ferè partium mollissima (si pinguedinē excipias). Auicenna pulmonum corpus iecori conferens, pulmones secundū naturalem constitutionem iecore sicciores constituit; quia bilioso sanguine flauescente, subtili, & spirituosius nutritur; eorumque caro laxissima est, leuissima, & paulò minus alba, vtpote ex spuma quadam velut coagulata, vt loquitur Gal. lib. 4. de vsu part. c. 15. pulmonum carnem lieni conferens. Iecur verò multò crassiori & rubicundo sanguine nutritur, vt ibidem monet Galenus. Cū ergo sanguis biliosus spirituosusque siccior sit sanguine quo nutritur hepar; inde infert Auicenna, nec malè, pulmones esse hepate sicciores. Ne tamen Auicenna Galeno aduersetur, docet pulmones hepate humidiores, quia molliores, vt Gal. asseruit, nō secundū naturalem humiditatem, sed secundū acquisitam ob vapores copiosos ē corde ad ipsos ascendentes, & fluxiones siue catharos ē cerebro ad eosdem delabentes: tatione quorum nimis madescunt, & molliores euadunt: & sic iecore humidiores. Addamus nos aliam mollitie & humectationis causam, portionem potus, insensibiliter delabentis per glottidem, siue rimulam laryngis, seu gutturis, semper ferè apertam.

Pulmones hepate sicciores, per accidēs tamen humidiores euadunt.

Partium siccitatum examen.

Quod attinet ad partes siccas, Auicenna pilos omnibus sicciores statuit, quia ex fuliginoso vapore concreto & atefacto, pilus fit: os verò ex sanguine multò humidore nascitur. Inter partes humidās corporis situm est: possum in cucurbita cum alembico superposito, plus aquæ, & olei reddit quàm pilus: & tandem os nutrit, pilus verò nullū animal nutrit, præter, fortassis, vespertiones (aut scarabæos, vt fert alia versio) qui eis delectantur. Aliqui tamen Auicennæ aduersantur dicentes, pilum non esse osse sicciorē; quia sine ruptione flectitur; os v. nequaquam.

Gentilis.

Huic obiectioni respondent aliqui apud Gentilem, pilos propter subtilitatem, quam possident, esse flexibiles. Sed hæc responsio Gentili non placet: Idcirco pilos flexibiles censet propter modum permixtionis humidi cum siccō, propter quem res humida aliquādo fragibilis est, vt patet in glaciē, & vitro, & chrystallo: aliquando verò res sicca complicabilis, vti est as. Mallem tamen cum Galeno lib. 2. de temper. c. 2. ossa dici sicciora ijs, quæ in corpore extant. Capite 3. eiusdē lib. hæc habet: Os verò omnium, quæ cutis operit, durissimū est. At eorum, quæ ex cute extant, siccissimus est pilus: deinde cornu: mox ungues, & ungula, & calcaria, rostra &c. Licet autem in ossium poris & canitatibus liquidior humiditas quàm in pilis contineatur, os tamen pilo siccius est, cū sit durissima pars, & minùs complicabilis totius corporis. Ex duritie autem naturali partium earundem siccitatem venatur Gal. Vnde cor inter siccas partes ab Auicenna repositum est propter sui duritiem. Liene, iecore, & renibus siccius esse docet Galen. lib. 2. de temperam. c. 3. Libro tamen 1. de temperam. cap. vlt. inquit: Itaque etiam humidius quàm cutis cor est, quanto scilicet est mollius. Concludendum ergo os esse siccissimam partium internarum, pilum verò partium externarum; & non simpliciter, & absolute, vt voluit Auicenna.

Os internarum partium pilus externarum siccissima est. Occurritur difficultati.

CAPUT IV.

De Temperamentis ætatum, & sexuum.

ÆTas Græcis *αἰς*, nihil est aliud, quàm naturale, & debitum vitæ curriculum in animalibus secundum propriam cuiusque dispositionem: vel est mutatio natiui temperamenti calidi & humidissimi in frigidum & siccum. Vita hæc sumitur pro continua periodo, quæ ab ortu animalis auspicatur, & meræ senectutis termino clauditur. Ætas, ut dixi, inæqualis est propter inæqualem dispositionem animalium: unde aliqua diutius viuunt alijs. Hominum ergo ætas hæc non accipitur pro sæculo, sicuti apud Ouidium, dum Nestorem commemorat: Vixi bis centum: nunc tertia, viuitur ætas.

Ætas variè à varijs diuiditur. Aliquibus placet ætatem in duas tantum distribui, adolescentiam scilicet, seu iuuentutem, & senectutem. Iuuentutem, incrementum siue ascensum vocant: senectutem v. ei aduersam, declinationem. Qui has tantum binas ætates posuerunt, ex incremento, & decremento corporis eas desumi statuerunt, non verò ab humoris, calorisq; insiti varietate: quoniam à primo conceptus tempore ad interitum vsque humor & insitus calor in continuo sunt decremento, & nunquam crescent, nec in vllò aequali statu permanent. Proinde concludunt, à corporis incremento, & decremento, ætatum varietates desumi. Arist. tamen lib. 3. de anima c. 12. textu 59. tertiam ætatem addere videtur, aiens: Necesse est enim, quod generum est, augmentum habere, & statum, & decrementum. Ecce sicuti Aristoteles ex crescenti ætate, & decrescenti, tertiam addit consistentiæ, siue status, siue vigoris.

Verum ætatum distributio multò commodiùs, ut opinor, à varietate actionum, & mutatione temperamentorum, quàm aliunde venanda est: sic enim minutius distributa ætas in varias partes, siue partiales ætates, plurimum conferet ad victus rationem constituendam, teste Gal. cōment. 13. lib. 1. aphor. vbi inquit Hippoc. Senes facillimè ieiunium ferunt: secundo loco, qui ætatem consistentem habent, minus adolescentes: omnium, minimè pueri, præsertim qui inter ipsos sunt viuidiore. In commen. Gal. quintam ætatem ab Hipp. omissam, iuuentutem scilicet, quam inter adolescentiam & consistentem seu potiùs subsistentem, collocandam censet, admittit, atque Hippocratem huius non meminisse, quia omnibus nota atque manifesta est. Idem Hipp. lib. 3. aphor. numerosiorem ætatum partitionem proponit, quoniam minuta ætatum partitio cognitioque plurimum confert ad morborum, talibus ætatibus cognatorum, dignotionem: nam quædam ætates quibusdam morbis peculiariter obnoxie sunt. Vtilis præterea est hæc inuestigatio ad temperamentorum cognitionem; quoniam quævis ætas suum habet temperamentum sibi, & non alijs proprium. Vtilis pariter ad prædominantium humorum cognitionem. Vtilis ad prælagiendum, ut colligitur ex Gal. commen. 2. in lib. 1. Epidem. tex. 85. Pariter ad sanguinem mittendum, & euacuandum, purgantibus. Galenus ideo libro 5. aphorismorum, commen. 7. inquit: Verum Hippocrates nunc solum eius meminit mutationis, quæ ex æta-

Quid ætas.

Ætas duplex.

Arist. tertiam ætatem addit.

Quatuor ætates admittit Hippocr. quintam addit Gal.

Vtilitas minute divisionis ætatum.

te it: à qua docti & formam victus, vna cum medicinis inuenimus.

Prima ætas.

Primam ergo ætatem aph. 24. lib. 3. sic cum suis familiaribus morbis exponit: In ætatibus autem talia contingunt: paruus, & nuper natis puerulis oris vicera (quæ aphtæ vocantur) vomitus, tussis, vigilie, pauores, id est, timores, vmbilici inflammationes, aurium humiditates. Hæc ætas septimo mense terminatur; quo tempore pueruli loqui, seu potius balbutire incipere videntur.

Secunda ætas.

Secundam ætatem cum suis morbis indicat Hipp. sequenti aphorif. 25. eiusdem lib. 3. In progressu verò, cum iam dentire incipiunt, gingivarum pruriges, febres, conuulsiones, alui profluvia, & maxime cum caninos edunt dentes, & ijs præsertim pueris, qui crassissimi sunt, & aluos duras habent. Hippoc. nec huius ætatis, nec præcedentis limites determinat, nec Galen. in commen. Extenditur tamen plurimorum iudicio hæc dentientium ætas à septimo mense vsque ad septimum annum inclusuè; quoniam septimo anno dentes priores cadunt nouis iterum profliliëtibus, atque regenerantibus.

Tertia ætas.

Tertiam ætatem sequenti aphor. 26. cum suis cognatis morbis proponit Hippocr. hac serie: Cum verò magis adoleuerint, consilla, & vertebræ quæ in occipitio, ad interiora luxationes, anhelationes, quas Græci asthma vocant, calculi, lumbrici rotundi, ascarides, verrucæ, quas Græci acrochordonas appellant, satyræ, strumæ, & alia tubercula, sed præcipuè antedicta. Galen. in commen. hanc tertiam ætatem ad duodecimum, & decimum tertium annum extendi docet, eamque mediam inter ætatem dentientium, & ætatem proximam pubertati nominat.

Quarta ætas.

Quartam ætatem pubertati proximam cum cognatis morbis hæc serie Hippocrat. deducit sequenti aphorif. 27. Grandioribus autem, & iam accedentibus ad pubertatem, plurima ex his, & febres diurnæ magis, & ex natibus profluvia sanguinis. Galstatim in côm. hanc ætatem exponens ait: Incipiunt quidem pueri pubescere post annum quartumdecimum. Qui verò prope hanc ætatem accedunt, sunt qui duodecimum, aut tertiumdecimum, aut quartumdecimum feriam agunt annum. Neque enim est vnus omnium certissimus terminus pubertatis propter caliditatem, & frigiditatem temperaturæ. Calidi enim citius, frigidi verò tardius pubescunt.

Quinta ætas.

Quintam verò ætatem, pubertatem scilicet, lib. 5. aphor. 7. commemorat his verbis. Quibuscumque morbi comitiales fiunt, ante pubertatem, mutationem accipiunt: quibuscumque autem vigesimoquinto, commemorantur. Gal. autem in comment. Hippoc. mentem aperiens ait: Vnde liquet quòd pubertatis tempus vsque ad vigesimum quintum annum extendi arbitrat, sumens initium post secundam septimanam. Galen. ergo post secundam septimanam, id est post decimum quartum, (bis autem septem anni, duas efficiunt hebdomadas, aut septimanas, vt aiunt) iuxta Hippoc. sententiam refert, pubertatem inchoare & ad vigesimum quintum protendi. Pubertatis autem & præcedentiam ætatem mentionem facit idē Hippoc. consequutiue aphorifm. 28. lib. 3. aphorifm. Plurimæ autem passionis diutina puerulis iudicantur: vt nonnullæ quidem in quadraginta diebus; nonnullæ septem mensibus, nonnullæ verò in annis septem, quædam verò iam ad pubem accedentibus. Quæ verò permanferint, nec in pubertate finierint puerulis, aut feminis, cum menstrua erumpunt, consuetudine consueuerunt.

Sub pubertate adoleſcentiam comprehendit.

Sextam ætatem cum familiaribus morbis commemorat Hippoc. lib. 3. *Sexta ætas.* aphor. 29. hoc ordine: Iuuenibus autem sanguinis spuritiones, tabes, febres acutę, morbus comitialis, & alij, sed præcipuè antedicti. Galenus in comm. miratur, quomodo adolescentum ætatem prætermiserit Hippocrates, quæ medium locum obtinet inter puberes, & illos qui consuetis ætatis vigorem habent; cum tamen primas ætates ad pubertatem vsque minutissimè diuiderit. Sed omissionis rationem dat Galen. aiens, ex alijs ætatibus quas tetigit, licere de adolescentia conijcere: quæ in multis quidem communicat illis ætatibus, quæ ex vtraque parte ipsam circumstant. Sed hoc habet peculiare in maribus adolescentia, sanguinis ex naribus profusionem, cuius meminit Hippoc. in illis qui sunt propè pubertatem. Nam hic casus, seu hoc symptoma incipit in illa ætate apparere, sed maximè in adolescentibus, deinde subsistit in viris. Adde Hippocrat. memuisse adolescentiæ aphorism. 13, lib. 1. eamque exprimit in prognost. aiens: Magis quidem expectare oportet sanguinis quidem profusum in ijs, qui nondum triginta quinque annos attingere. Iuuentutis ergo in hoc aphorismo meminit Hipp. quæ ætas à vigesimo quinto ad trigessimum quintum inclusivè extenditur. Vnde Galen. comm. sequentis aphorif. 30. inquit: Iuenum enim ætas quinta septimana terminatur.

Septima ætas, declinans dicta, iuventutem subsequitur: quæ ad 49. terminatur, vt ex Galeno comment. iam cit. colligitur: Nam quæ iuuenibus ætas continuatur, ad duas sequentes septimanas extenditur, in qua ætate omnia munia æquè atque iuuenes, siue illi, qui in viginti ætate consistunt, conantur peragere; non tamen eodem modo ad labores sufficiunt. Hippocr. de hac, eiusque cognatis morbis sic loquitur: Vltra hanc ætatem (id est, iuventutem) asthmata, id est anhelationes, morbi laterales, pulmonū inflammationes, lenthargi, phrenitides, ardores, diuturna profluuia, cholera, difficultates intestinorum, laxitates intestinorum, hæmorrhoides: addit Galenus melancholiam. Hæc ætas declinans dicitur.

Octauam ætatem cum suis morbis commemorat Hippoc. eodem lib. 3. aphorism. sequenti aphor. 31. & vlt. sic: Senibus spirandi difficultas, destillationes cum tussi, vrinæ stillicidia, vrinæ difficultates, articulorum dolores, renum passiones, vertigines, apoplexiæ, mali habitus, pruritus totius corporis, vigilix, alui, oculorum, & narium humiditates, visus obtusus, glaucedines, auditus graues. In comment. senes à senioribus distinguui, secundum quosdam Hippocr. Sectatores, monet Galen. Nomen seniorum vltimæ ætati tribuunt. Senes in priori ætate, id est, senectute, statuunt ætatem mediam inter iuuenes, & seniores: & prima senectus, aut declinans ætas appellatur. Galen. tamen asserit Hippocratem hoc aphor. appellare senes eos, qui extremam agunt ætatem.

Relatæ ætatum in minutas species diuisiones sunt apud Hippoc. solemniore. Communiter tamen à Gal. genus ætatis in quatuor subalterna diuiditur genera, in puericiam nimirum, adolescentiam, florentem ætatem, & senectutem. Has tantum enumerat lib. 2. de temper. c. 2. Libro autem de humoribus, cuius meminit ipse Gal. in fine lib. 2. de facultat. nat. quatuor ætates, adolescentiam, iuventutem, primam senectutem, & senectutem appellat. *Ætas iuxta hanc diuisionem, quatuor anni temporibus, quatuor humoribus, & quatuor temperamentis correspondet, vt lib. de humoribus fusè exposuimus. Auicenna, alijque Arabes, & scriptores communiter hanc diuisionem sequuti sunt. Primam adolescentiæ ætatem.*

ad trigesimum annum extendit Auicenna: Secundam consistentiæ & pulchritudinis ætatem ad 35. aut 40. annum. Tertiam minuendi, in qua virtus non amittitur, ad 60. Quartam, in qua virtus manifestè diminuitur, ad exitum vsque vitæ.

Adolescentia dupliciter accipitur.

Sed hic obseruandum est adolescentiam dupliciter à Gal. accipi: Primò pro solo illo spacio, quod inchoat à decimo octauo anno, & vigesimo quinto terminatur, vt testatur Galen. lib. 5. aphorism. comment. 9. Secundò pro spacio temporis ab ortu ad dictum annum vigesimo quintum vsque. Et in hoc sensu adolescentia has subsequentes ætates complectitur: quarum prima est infantia, quæ septem mensibus completur: Secunda dentitium, quæ septem annis: Tertia est media inter dentitium ætatem, & ætatè proximam pubertati, quæ ad 12. protenditur annum ex Gal. Quarta est illa, quæ est proxima pubertati, & producitur ad annum 14. Quinta est ætas pubertatis à 14. aut 15. vt loquitur Gal. ad 18. Sexta est mera adolescentia à 18. ad 25. vel 30. secundum Auicennam. Aliqui omnes ætates, quæ pubertatem præcedunt, in duas diuidunt, in infantiam & pueritiam. Infantia ad septimum mensem, vel annum extenditur. Pueritia ad 14. annum. Sed hæc duæ ætates commodè in solam pueritiam coeunt; ita vt ambæ pueritia vocentur.

Infantia & pueritia

Secunda ætas.

Secunda ætas, secundum Auicennæ diuisionem, iuuentus, seu florens ætas dicta ad 35. extenditur, ex commen. 9. lib. 5. aphorism. vel ad 40. vt vult Auicenna.

Tertia.

Tertia ætas declinans, siue consistens, siue subsistens, siue virilis vocatur, & protenditur ad 50. vel 60. annum; sed hæc ætas cruda senectus à Gal. appellatur comment. 2. Prognost. tex. 69. vbi hos, qui in hac sunt ætate, medios inter iuuenes, & senes collocat; & seniores, non senes simpliciter vocat Hippocr. & ille, qui est in hac ætate, Græcis Mesopolios, id est semicanius dicitur, diciturque viridis ætas, de qua Virgilius libro sexto Æneidos.

Senes à senioribus differunt.

Quarta ætas.

Iam senior, sed cruda Deo, viridisque senectus
Quarta & postrema ætas est senectus quæ à 50. ad finem vsque vitæ producitur, & à Galen lib. 5. de sanit. tuen. c. vlt. in tres diuidi videtur: Prima est cruda, & viridis; quia qui hanc peragunt, ciuilia negotia commodè subire possunt. Secunda pars simpliciter senectus appellatur, de qua Homerus.

Vt lauit, sumpsitque cibum, det membra sopori.

Namque hæc iusta seni. ----

Pro, lauit, balneauit intelligit. Protrahitur hæc ætas ad 70. aliquando ad 75. aliquando ad 80. Tertia & vltima, senectus, decrepita appellatur, & durat ad exitum vitæ.

Frigidiores citius, quam calidiores moriuntur.

Inæqualiter ratione temperamenti, aut cæli, aut regiminis in victu homines viuunt: Nā qui frigido & sicco, aut frigido & humido præditi sunt temperamento, citò suas percurrunt ætates, celeriterque senescunt, teste Gal. lib. 5. de sanit. tuen. cap. 12. & vlt. E contra calidiora temperamenta diutius vitam produciunt, dummodo inordinato rerum nonnaturalium.

Ægyptij longæui.

vsu non perturbentur. Propter clementiam aeris Ægyptij Europæis longæuiiores sunt. Propter obseruantiam in victu Gorgias Empedoclis discipulus, & Isocratis Præceptor, robusto corpore, sensibus integris, integra memoria, vegeto perspicacique ingenio annum excessit 108. Nam,

Gorgias diu vixit.

nihil vnquam voluptatis causa fecit, vt ipse referebat. Auenzoar pariter Medi-

Medicus Arabs regulariter vitam agens 135. annos vixit, teste Auenzoar lib. 6. Colliget c. 40. Medicinam verò exercere incepit anno suæ ætatis quadragesimo. Herodiacus etiam Vir nimis infirmus, referentibus Plat. & Aristotele, vitæ idoneum regimen obseruans, centesimum ferme annum adimpleuit. Vita ergo hominum varias ob causas inæqualis est longitudo.

*Auenzoar
135. annos
vixit.*

Astrologi septem ætates, septem Planetis correspondentes, statuunt. Infantia igitur, quæ ideo dicitur, quòd pueri fari nequeant, aut quoniam res explicare non valeant, teste Cicerone lib. 3. de Oratore, septem annorum curriculum complectitur. Et quoniam est ætas humida & mollis; Lunam habet patronam. Secunda ætas ad 14. annum protrahitur; cui patrocinatur Mercurius, tanquam studiorum & musicæ parens: Vnde hæc ætas studijs apta videtur. Tertiæ ætati à 14. ad 18. annum Venus præest, quia hac ætate pubertatis venerea libidine flagitare incipiunt, tum viri, tum feminae. Quartæ ætati ad 24. annum Sol præficitur; quia vt Sol reliqua astra splendore superat; ita adolescentia reliquas ætates: nam in hac ætate, animi corporisque splendor viget, magnanimitas elicitur, & fortitudo ratione virum firma apparet, licet ratione habitus corporis in iuuentute firmior constantiorq; videatur. Quinta ætas Iuuentus, siue vigor, siue status, siue florida ætas, siue ætas consistentiæ, seu constantiæ, ætas Martis appellatur; quoniam in ea potissimum gloriam & honorem, diuitias, victorias, & arma ambire solemus. Sexta ætas, quæ declinans, ætasque subsistendi melius, quàm consistendi diceretur aphor. 13. lib. 1. quia hæc sub consistente siue florète ætate subsistit, ætas Iouis à Proclo dicitur; quoniam dum in hac ætate versamur, sinceræ veritatis, & iustitiæ studio incumbimus, Politicam, ciuilemque vitam sollicitè & prudenter recolimus. Septimæ ætati, frigida & sicca, id est senectutis, Saturnus astrum melancholicum patrocinatur; nam: Assiduus gemitus ægra senectus habet. Non enim ampliùs rebus iocosis hæret, sed trititia quæuis meditatur. Sed hæc de ætatum differentijs.

*Septem ætates ex
Astrologis.*

Gal. lib. 2. de temperamen. c. 2. antequam ætatum temperamenta proponat, præsupponit sanguinem & semen, res calidas & humidas, esse principia ex quibus omnes partes factus in vtero concresecunt, & efformantur, & ex his ipsis magis magisque siccescētibus primò efformari membranas, tunicas, viscera, venas, atque arterias, & neruos: secundo autem loco, tanquàm vltima perfici ossa, cartilagine, & vngues. Ex dictis omnibus partibus in vtero perfectè efformatis fit infans, qui in lucem editus molliissimus est, quia summè humidus, veluti maris alga, aut muscus. Vnde non solum carneæ partes, sed ipsa ossa præmollia sunt, & ceræ molli ritu formari effingique à nutricibus ad nutum possunt. His præhabitis Infantiam calidam & humidam statuit Galenus; quia nimium non longe distat infans à principijs generationis calidis & humidis: senectutem verò è diametro infantie oppositam, frigidam ponit & siccam: inter medias verò ætates, prout ad vnum horum extremorum accedunt, eò talis extremi sunt participes; & è contra, quò diutiùs ab vno extremo procedunt, eò minùs talis extremi naturam redolent. Ætates ergò infantie propinquiores, alijs ad senectutem vergentibus, sunt humidiores; quò propinquius ad senectutem accedunt, eò sicciores. Vnde ætas florida, quæ media est inter infantiam & senectutē, omnibus alijs temperatior est in duabus oppositionibus, humidi scilicet & siccitate, caliditate & frigiditate.

*Principia
generatio-
nis, & ordo
efformatio-
nis partium*

*Infantia
calida &
humida.
Senectus
frigida &
sicca.*

Florida ætas temperatior sapit naturam.

Sed

*Utrum se-
nes sint fri-
gidi & hu-
midi, an
frigidi &
sicc.*

Sed quaerit Galen. cur aliqui celeberrimi Medicorum cum ipso Hippoc. lib. x. de diata, senium humidum esse prodiderunt: cum senium sit frigidissimum & siccissimum, utpote à principijs generationis, semine & sanguine, remotissimum. Responderet Gal. antiquos illos Medicos deceptos fuisse propter copiam humorum excrementitiorum, quos in senum corporibus redundare animaduertunt. Quippe senibus tum oculi lachrymis suffunduntur: tum nares destillatione manant, seu grauedine implentur: tum in ore eorum saliuæ copia exuperat: adhæc, tum tussunt; tum excreant pituitam, scilicet pulmones, quoque hac esse reteros indicantes. Venter quoque illis est pituita plenus: tum, singuli articuli quodammodo mucosi. Cæterum nihil horum obstat, quo minus senum corpora sicca, censentur; quoniam senû partes solidæ, in quibus, temperamenti ratio defumitur, ut docet Gal. sicca sunt: nā licet in suis superficiebus dictis recrementis madescant, in suis tñ interioribus partibus ardescant, quia nec intus trahere nutrimentum valent, nec eo sufficienter frui, propter caloris imbecillitatē. Vnde partes corporis senis ratione excrementorum superfluum humiditantiū quasuis superficies & cavitates partium, humidæ dicuntur (& senectus, præsertim decrepita, ideo humida): in sua tamen substantia considerata siccissimæ sunt; cum tamen in infantia ipsa ossa essent præmolliā. Fit enim transitus ab infantia ad senium, sicuti à nouellis stirpibus molli- bus & humidis ad easdem marcescentes. Vnde Arist. senium marcescenti stirpi assimilāt. In senibus autem cutis corrugatio conspicitur, articulorum rigiditas, & in motu difficultas, propter contractionem ligamentorum, tendinum, & neruorum, qui duriores facti motum impediunt. Quod autem senes frigidi sint, nemo hactenus dubitauit. Nam & tangenti senes frigidi apparent, & facili in frigidum statum mutantur: & nigri, & limidi fiunt: & frigidis morbis facili capiuntur, apoplexia, neruorum resolutione, siue paralyti, stupore, tremore, conuulsione, destillatione, raudine. Ipsorum sanguis, & floridus color perire. Omnes facultates, & actiones, tam naturales, quàm animales, plurimum in ipsis hebetantur.

*Utrum pue-
ri sint iuue-
nibus cali-
diores.*

*Argumē-
ta proban-
tia puerū
esse calidio-
rem.*

*Quæ pro-
bant iuue-
nes pueris
esse calidio-
res.*

*Alia argu-
menta pro
calore in-
cremēti pue-
rorum.*

Aliam litem ab antiquis motam dirimit Galen. Quidam enim existimabant pueros esse iuuenibus calidiores; alij ex aduerso iuuenes pueris calidiores. Vtramque opinionem ob validas rationes vtrique propositas approbat Galenus. Patet pueros esse calidiores iuuenibus; quia fatus immediatē fit ex sanguine calidissimo omnium quæ in corpore continentur; ut patet ex colore rubicundo omnium eius partium, etiam ossium, reliquarumque spermaticarum. Ergo cum puer fatui propinquior sit iuueni, & consequenter principijs generationis, erit iuueni multo calidior. Præterea fatus sanguinem continet copiosum syncerissimum, & calidissimum. Ergo & puer ei vicinus.

Altera ex parte, qui in florenti ætate sunt constituti, pueris calidiores æstimabantur; quia copiosiore fruebantur sanguine, cuius indicium est frequens hæmorrhagia. Deniq; humor biliosus sanguine multo calidior, florentibus ætate plurimus inest. Ergo hi pueris calidiores censendi.

Cæterum qui pueros florentibus ætate calidiores statuerunt, inquirunt, naturales functiones in pueris esse validiores: nam plura alimenta, quàm corporis eorum moles ferre potest, appetunt, conficiuntque. Insuper incrementum continuò suscipiunt: Quæ omnia sunt intensioris caloris indicia.

His aduersa secta respondet, pueros augeri quidem, non vi caloris, sed humi-

humiditatis potius occasione in ipsis redundantis. Et concoctione nō modo florentes non vincere, sed etiam longē ab ijs pueros vinci. Nam & vomitiones pueris ex incoctis cibis accidere videmus, & deiectiones siue alui profluuiā, cū ipsi cibi adhuc humidi sint, asperique, nec adhuc in chylum mutati, aut à calore nativo subacti.

Ad id quod dicebatur, pueros plura alimenta appetere, respondent, id caloris copiam, aut robur non indicare, sed potius instrumenti appetitus, id est orificij ventriculi, frigiditatem. Deinde plura appetunt alimenta, pueri non ad nutritionem tantū, sed etiam incrementum.

Insuper reliquis functionibus vniuersis, etiam non obscurē inferiores esse pueros ijs, qui florenti sunt ætate, vt qui nec ingredi, siue ambulare, nec currere, nec portare, nec quicquam in summa functionum actiuarum similiter obire queant, patet: cū florentibus, tū sensum omnem, tum intellectum ad summam perfectionem, bonitatemque peruenisse conspicuum sit. In summa, puerum adhuc imperfectum esse aiunt: florentem verò, animal perfectum: in perfectis rationabile est maximē actiuum, maximeq; princeps elementum, id est ignem prepollere. Quin somno quoque plurimo deditos pueros videre licet; contra minimo florentes esse contentos. Et hæc sunt rationes, quæ vtrunque ab aduersis sectis Medicorum, de propositarum ætatum temperie afferuntur. Tamen si vtramque opinionem probabilem existimer Gal. in fine tamen capitis 2. citati, iudicio ipsius tactus æqualiter calidos puerum & ætate florentem, si idem puer sibi ipsi in florenti ætate constituto & eodem victu semper vso conseratur, siue puer vnus macilentus iuueni macilento, & quadratus puer quadrato alteri iuueni, statuit. Est tamen, inquit, puerorum calor magis haliuosus, & copiosus, & tangenti blandior; florentium calor subacre quiddam habet; ac non suaue. Qualitate igitur, & non copia inter se differunt. In fine, rursus capitis, ait: Itaque neuter eorum simpliciter videtur altero calidior, sed alter multitudine eius, quod diffatur, alter acrimonia: quippe insiti caloris puer plus habet, eiusque blandioris, siquidem ex sanguine, & semine ortum habet: in florentibus ætate exiguus, & siccus, nec similiter suaui calor tangenti occurrit. Propter diuersum modum, quo vterque calor tangētis tactum afficit, vtrumq; calorem iuuenis & pueri à se inuicē distinguit Galen. subiecti tamen diuersitas non impedit quo minus similes sint in gradu. Nam calor in aqua & aere æqualis esse potest, immò & in lapide, ac aqua idem. Vno verbo, pueri plus habent calidæ substantiæ, quàm iuuenes; Vnde Gal. comment. 3. Prognost. tex. 34. Cū enim tres vires in genere existant, ex quibus corpus gubernatur: duabus quidem pueri, quàm cæteri fortiores existunt: vna verò debiliores, quæ in neruis innexa est: & ob eam rem promptissimē conuelluntur: & rursus ad habitum naturæ facillimē remeant &c.

Dum verò Galen. lib. 6. Epidem. comm. 5. iuuenem puero calidiorem esse ait, intelligendus est de nuda qualitate, id est de acriori calore, non verò de calido in concreto, siue de quātitate substantiæ calidæ, quæ in puero maior est, vt ipse ait lib. 3. de simplic. med. facult. c. 2. & 1. aphorif. comment. 14. Quando verò Aristot. sect. 10. Problem. inquit, hominem esse calidissimum omnium animalium, de caloris etiam quāritate loquutus est, id est de calidi innati materia, sanguine scilicet, & spiritu.

Quod attinet ad sexum, mares sunt fæminis calidiores, ratione calidi innati ex Gal. comment. 1. in lib. de vict. rat. vnde lib. 2. de temper. c. 4. fæmi-

*Responso-
nes ad eos,
qui pueros
calidiores
statuant.*

*Puerorum
& iuuenū
calor aqua-
lis.*

*Pueri plus
habent ca-
lide substā-
tia quàm
iuuenes.
Exponitur
Galenus.*

*Mares fa-
minis cali-
diores.*

is viris frigidioreſe eſſe docet & lib. 3. de cauſis pulſuum cap. 2. hæc habet: Quandoquidem calidior & ſiccior femina mas eſt, vt præſtantiſſimi quique ſenſerunt veterum Medicorum & Philoſophorum, noſque aliàs demonſtrauiſus.

*Vir calid⁹
& ſicc⁹ re
ſpectu ſa-
mina. Hæc
autem fri-
gida & hu-
mida re-
ſpectu viri.*

Eſt autem vir calidus & ſiccus: Mulier frigida humidaque. Ergo virorum vires æſtate inſiſtantur, mulierum corroborantur, & videntur per compensationem qualitatis contrariæ, ex Ariſtot. quæſt. 26. ſect. 4. Problem. Hippocrates lib. de genitura eandem poſuit ſententiam: Et quidem tanquam rationi conſonam. Nam mares ex ſemine & ſanguine calidioribus procreantur: citiùs enim in vtero mares efformantur, mouenturque quàm femina; quod accedit propter intenſiorem calorem principiorum generationis, ex quibus mares ſunt. Poſt ortum etiam mares viuidiori colore quàm femina potuerunt. Præterea ad motum impigri ſunt; latiores habent venas: pulſus habent magnos: barbam inſuper viri emittunt propter actiorem copioſioremque calorem, fuliginofam materiam procreantem, cutemque laxantem, aperientemque. Iudicio etiam viri copiuſi pollent, mulieres verò procaces impudenteſque.

*Quadam
mulieres
poſt ortum
viri ſunt
calidiores.*

Non eſt tamen denegandum quaſdam feminas quibuſdam viris eſſe calidiores; id tamen propter aduentitium calorem accidit, qui provenit vi laboris, & exercitiij, aut ratione calidioris viſtus: in quo caſu mulieres quædam effeminatis hominibus calidiores viſuntur. Aliquo etiam naturæ errore femina calidior eſſe poteſt, ſicuti contingit in Androgynæis, dum feminina natura ſine pudendum, maſculinam ſuperat. Dicuntur etiam femina viris calidiores à quibuſdam, ſecundum partes infernas corporis: Homo verò ſecundum ſuperas ſemper calidior; ideo fortè inquit Gal. poſt Hippocr. comment. 1. Epidem. tex. 11. Fæminæ quidem non tantum calent ratione partium ſuperarum. Vnde non tam inſeſtatur calidis egri- tudinibus, ac viri.

*Textus
Hippocra-
tis exponi-
tur.*

Quando igitur Hipp. lib. 1. de morb. mulierum, dicit feminam eſſe viro calidiorem, id ideo proferri, ratione quantitatis ſanguinis menſtruatim euacuat, non verò, quòd calor fæminarum natiuus virorum calore abundantiore, copioſioreque ſit; vel certè de morboſo & aduentitio loquitur: vel locus corruptus eſt. Nam iuxta Galeni doctrinam, & rei veritatem, quilibet homo vegetiori pollet calore, quàm vlla femina; quòd manifeſtè patet ex productione membri virilis, & teſtium pendulorum extra corpus. Quod non aliter contingit, niſi ob vigorem caloris natiui pullulantis, & producentis dictas partes extra corpus. Præterea validiores igniculos quiuiſ homo, quàm femina vlla, percipit. Vnde inferendum puto

*Femina
ſecundum
partes infe-
riores ſunt
frigidioreſe
viriſ.*

fæminas etiam ſecundum partes infernas eſſe viris frigidioreſe: indicio ſunt menſtrua purgationes, quæ fæminis ſuperuenire ſolent, quòd copioſum ſanguinem in iuuentute procreatum, in ſui ſubſtantiam conuertere nequeant, ſicuti faciunt viri.

*Temporū
anni, & re-
gionum tem-
peries.*

Quoad anni tempora, ver temperatum, vel, vt quibuſdam placet, calidum & humidum eſt: æſtas calida & ſicca: autumnus frigidus & humidus: hyems frigida & humida. Quoad regiones, quæ ſub polo ſunt Arctico, frigida: quæ verſus Antarcticum, calida: quæ mediæ, temperatæ.

CAPVTV.

De Temperamentorum signis.

GAL, libro de arte med. c. 8. optimæ constitutionis corporis signa è duobus capitibus desumenda esse monet; ex ijs videlicet quæ secundum essentia rationem insunt: & ab ijs quæ ex necessitate consequuntur. Quæ secundum essentia rationem insunt, est commensuratio quatuor primarum qualitatum partium similiarum, temperamentum dicitur; quod mixtorum corporum forma, & essentia ab antiquis dicebatur. Instrumentarijs partibus insunt quantitas, numerus, conformatio, & situs. Vtrisque verò communis est vnitas, quæ earum continuas dicitur. Quæ ex necessitate consequuntur quatuor primarum qualitatum commensurationem, sunt actiones, & qualitates secundæ. Qualitates sub tactum præcipuè cadentes sunt mollities, & durities: ad aspectum læuitas, hispitas siue hirsuties, gracilitas, & crassities, colores, &c. veluti odores, qui ad sensum odoratus pertinent, & sapores qui ad gustum. Quæ verò instrumentarias partes consequuntur, sunt commensuratio, & pulchritudo omnium instrumentorum corporis, cum perfectione actionum eorundem.

Præter hæc reperamus cum Gal. lib. 1. de temperamentis c. 9. calidam temperiem (idem de reliquis dicendum) esse duplicem: vna dicitur esse energia siue actu, altera potestate: de hac tertio lib. de illa dignoscenda lib. 2. in cuius c. 2. pluries repetit tactum esse iudicem calidi, frigidi, humidi, sicci que. Cap. verò 3. ait: Ergo calidi frigidique corporis solus tactus est iudex: humidi autem & sicci vnà cum tactu ratio. Cum a. duo sint rerum iudicandarum conuenientissima instrumenta, sensus, & ratio, pro varia rei inuestiganda natura, nunc hoc, nunc illo vti oportet. Rectè ergo monuit solo tactu calorè & frigus percipi: quia hæ qualitates ita validæ sunt, vt sui species illicò tactus instrumento imprimant. Humidum verò mediante mollitie, siccum mediante duritie. Præterea, licet omne siccum durum prorsus sit, & à tactu agnoscatur, non tamen si quid durum est, idem statim & siccum est. Mediantibus ergo sensu & ratione temperamenta omnia dignoscuntur. Et sensus tactus auxilio præsertim ipsa temperies moderata aut immoderata percipitur, & in toto corpore, & in parte quauis. Alij tamen sensus suo modo concurrunt; & præsertim visus.

Temperati ergo hominis, qui est medium in specie propria, in genere animalis, & viuens is, & substantiæ corruptibilis, signa proposuit Galen. cap. citato 8. de arte medic. vbi inquit, ipsum esse benè forinatum, mediocrem in statura inter crassum & macrum, &c. Completiùs multò temperati signa hoc ordine describit lib. 2. de temperamentis c. 1. Verùm maximè temperatus is est, qui corporis habitus horum extremorum apparet, gracilitatis, crassitudinis, mollitiei duritiei, itemque caloris & frigoris: inuenias enim cuiuslibet hominis tangendo corpus, vel mitem & halituosum calorem, vel igneum & acrem, vel horum neutrum, immo frigiditatem quandam præpollentem: frigiditatem a. præpollere, vt in animalis corpore (i. noui vt aqua intensè frigidam) intelligere oportet, eoque tum sanguine prædito, tum humido. Ac corpore quidem talis homo est

*E duobus
fontibus si-
gna tempe-
ramentorū
hauriuntur.
Qua tem-
periem &
vnitatem
consequun-
tur.*

*Duo instru-
menta di-
gnationis
rerum.*

*Signa tem-
perati.*

*Tempera-
menti ad
pondus si-
gna.*

temperatissimus. Idem animo quoque medius omnino est audaciæ & timoris, cunctationis & præcipationis, misericordiæ & inuidiæ: fuerit verò talis alacer, amicorum amans, humanus & prudens. Et temperatissimus quidem homo ex his primum potissimumque agnoscitur: his accedunt non pauca eorum quæ ex necessitate sequuntur. Quippe edit bibique moderatè (ni laboribus opprimatur:) Et nutrimenta non solum in ventre, sed etiam in venis, & tota corporis mole, probè concoquit: omnesque (vt semel dicam) tum naturales, tum animales dictas virtutes inculpatas habet: cum & sensuum facultatibus, & membrorum motibus optimis sit præditus: tum viuido colore semper sit: tum ad perspiratum excrementorum (transpirationem, quæ per cutis poros fit, intelligit) benè comparatus: item medius inter somnolentum & peruigilem, inter glabrum & hirtum, inter nigrum colorem & album: pilosque habeat, cum puer est, magis rufos quam nigros, cum in flore est, contra.

*Gracilis
quis.*

*Habit^o cor-
poris quid.*

*Duplex
gracilitas,
& eius cau-
sa.*

Hominem temperatum nec gracilem nec crassum, imò nec pinguem esse monet Gal. quia calore præditus est moderato, moderatoque fruitur nutrimento. Gracilis ille dicitur qui habitum corporis habet macilentum & tenuem, propter carnis defectum. Habitus enim corporis ex Gal. lib. de arte medicina. c. 55. sunt maximè illæ partes, quæ primæ oculis subijciuntur, quales sunt muscoli qui essentialiter ex simplici carne & fibris componuntur. Gracilitas hæc vel est naturalis, vel aduentitia: Naturalis gracilitas ab excessu caloris & siccitatis, vel ab excessu siccitatis tanquam ab efficientibus causis fit. Dignoscemus autem naturaliter macilentiam à calore & siccitate procedere, si quis habeat venas latas. Nam quibuscunque latiores venæ sunt, hi calidiores natura sunt: quibus angustiores, magis frigidi. Caloris namque opus est has dilatare, flatuque extendere: vt habet Hippocrates lib. 2. & 6. Epidem. quem citat Galen. lib. 2. de temperamen. c. 4. hoc argumenti genus discutiens, vbi ait, contrarium habitum, id est pinguem & crassum à natiuitate esse cum venarum angustia. Si verò pinguis & corpulentus siue crassus cum laxitate & amplitudine venarum nobis aliquis appareat, is occasione alicuius consuetudinis, non natura pinguis est redditus, id est, vel quia prolixiori vitur somno, vel saltem otio sine curis, victu humido & refrigerante ac copioso: sic autem temperamentum illud calidum & siccum in humidius commutatum est propter consuetudinem, id est propter otiosam, ac delicatam vitam, curarumque vacuum. Quamplurimi è contra naturaliter pingues, graciles facti sunt, commutato nimirum eorundem temperamento, humido in siccus propter vitam multis laboribus & curis continuè expositam, tum ob immodicè tenuem victum. Cur naturaliter propter intensiorem calorem graciles fiant homines & propter frigus ac humiditatem pingues, capto non est difficile. Nam, vt loquitur Gal. c. 4. lib. 2. de temperam. quicquid in sanguine pingue, leue, & tenue est, id in calidioribus corporibus alimentum quoddam calido fit, in frigidioribus seruat: cumque id venæ extra se transmiserint, vbi in frigidas particulas incidit, quod genus membranae sunt, circum eas concrescit: in partibus verò natura calidioribus, cuiusmodi carnosæ sunt, à calore etiam absumitur ac digeritur, nisi sicubi frigiditati temperamenti etiam vita indulgētior accedens ipsis carnosissimis particulis adipis aliquid allinat. Vult his Gal. id quod vaporosum

*Graciles
pinguescunt.*

*Pingues
gracile-
scunt.*

*Adipis ge-
neratio.*

*Caloris pa-
bulum.*

& pingue in sanguine est, esse tanquam caloris natiui pabulum; atque adeò talem vaporem ab intenso calore, id est à calore temperatum excen-

dente, & naturalem intemperiem constituente, prorsus absumi: vbi v. frigiditas in corpore calorē excedit, huiusmodi vapor non absumitur, nec dissipatur ab imbelli calore, sed extra venas dimissus prope membranā vtpotimum, partem spermaticam, & consequenter frigidam, concre- scit: indeque pinguescunt animalia. Quod à frigore tanquam ab efficiē- te causa adeps generetur prebat Gal. ex eo quòd quædam animalia hyeme in latibulis degentia non raro ad pe obarsa reperiātur. Famina ēt viris sunt pinguiore, quòd scilicet fama est mare frigidior, & plurimum domi versatur. Habitus ergo frigidus corporis adipis efficiens causa constituitur à Gal. Et talis frigiditas siue remissior calor est naturalis, vel aduenti- tius: si naturalis & humiditati coniugata, pinguedinis magnam copiam ex benigniori copiosoque vapore generat; si verò cum siccitate annexa fuerit in faminis etiam gracilibus & ociosis modicum pinguedinis pro- creat: in viris verò, qui se exercent paucissimum; Si autem ex ocio nascatur temperamentum frigidum humidumque, inde pariter obarsitas proce- dit. Pingues verò propriè obars nominantur. Licet enim crassities siue corpulentia videatur esse genus ad pinguedinem simul & crassitiem, cor- pulentia tamen siue crassities conuenientiùs carnem molli, quàm adiposam conuenit. Ideoque Gal. expressè corpulentiam exprimens c. 4. citati lib. 2. de temperamentis, postquam adiposam siue pinguis substantiam causas tam materialem, quàm efficientem exposuit, eius etiam ambas causas mate- riam & efficientem propalat. Quibus verò, inquit, humidum abundat, & calor à mediocritate summa non longè abest, hi corpulenti, siue carnosii sunt. Corpulenti rursus sunt, qui natura sunt temperati, cæterum desides, & otiosi viuunt: quippe dictum à veteribus commodissimè est, consuetu- dinem esse acquisitam naturam; Vult a. carnositatem accedere ijs qui ca- lorem habent paulò intensiorem temperato, quiq; vnà cum calore humi- ditatem .i. qui temperamento calido & humido præditi sunt, carnosii euadūt. Calor a. paulò excedens temperamentum ad pondus, idoneus est qui pos- sit solidiorem magisq; coctam substantiam pinguedine procreare; maximè verò quoties humor vnà cū ipso prædominatur, quod voluit dum ait: Qui- bus verò humidum abundat: pro humido, sanguinem intelligit, quod se- quentibus verbis ostendit, inueniens: corpulentia, siue carnis abundantia ex sanguinis copia nascitur. Calor porro excedens tenuem sanguinis par- tem, tanquam pabulum absumit, & reliquam solidiorem copiam valida vir- tute cogens, in carnem conuertit, prout animæ instrumento conuenit. Cæ- terum, nonnulli corpulenti plus adipis quàm carnis habent; alij è contra plus carnis quàm adipis: alij æqualiter adiposi ac carnosii. Quibus æquali- ter carnosia substantia & adeps augentur, supra temperatam naturam tan- tum humoris habent, quantum frigoris: Et consimiles homines non ex- tra vsù nominabis sanguinophilęmaticos, siue sanguinopituitosos. Quo- ties pinguedo carnem exuperat, frigidum in corpore humiditatem præpo- let, seu plus in est frigidi, quam humidi vt loquitur Gal. Quibus verò ca- ro plenior est, ijs inest magna humoris siue sanguinis copia, vnà cum ca- lido nativo copioso & non multum à temperato recedente: talis quidem calor copiosi probique sanguinis author est: & consequenter corpulentiam siue carnositatis; & homo carnosus ideo *μυσάροϛ* Græcis dicitur.

His præpositis rectè monuit Galen. temperamentum hominem non esse nec corpulentum, nec macrum siue gracilem, sed eusarcon, id est, mediocri car- ne, siue habitu corporis præditum; quia in eo nullius qualitatis excessus

inest:

Frigus siue remissior calor causa pinguedinis.

Famina mare frigidior.

Pingues & corpulenti siue carnosii, differunt.

Consuetudo est altera natura.

Triplex: corporis, moles.

inest : & cum non sit siccus, aut humidus, in medio extat duritiei & mollietiei : Nam durities vera & naturalis in mixtis siccum consequitur temperamentum ; mollieties vera cum tepore humiditatem . Neutra harum in Eufarco siue mediocriter carnosio & temperato apparet ; ni in otio degat . Tunc autem à temperantia temperatus declinans corpulentus fit, & obesus . Temperatus pariter vaporosum calorem, vt sanguinei, non perspirat siue transpirat, nec acrem vt biliosi, nec pauciferum vt melancholici & pituitosi ; sed mediocrem, vt à manu tangentis percipitur . Melancholici, & pituitosi, frigidi, mediocriter tamen, quàm calidi sapius persentiuntur . Frigidi homines comparatiuè dicuntur : nam cum summo frigore animal viuere nequit ; quia vitæ, calor & humilitas semper annectuntur ; & sine his esse nequit, si vitam pro mansione animæ in corpore intelligas .

Docet præterea Gal. temperatum hominem esse in omnibus facultatibus & actionibus mediocrem : licet certum sit nonnulla animalia in quibusdam actionibus præcellere : vt Aquilam visu, canem odoratu &c. Vnde versiculi .

Nos aper auditu, Lynx visu, simia gustu,
Vultur odoratu, præcellit aranea tactu .

*Tempera-
ti actiones
omnes me-
diocres.*

Est medius in facultate irascibili (quam hic animam, alibi animosam vocauit ;) quia non est audax, vt corde præcalidi, nec timidus vt frigidi : nec cunctans vt cerebro & corde frigidi ; nec præceps sicuti pariter corde, & cerebro calidi : nec valde misericors, vt corde humidi : nec inuidus vt sicci corde . Sed medius, id est, ab omni perturbatione remotus : fortis est : fortitudo inter audaciam & timorem media est : Est amicorum amans, & humanus, quoniam humanitas est medium inter misericordiam & inuidiam . Est prudens, quia prudentia est medium cunctationis & præcipationis . Prudentia autem non cordis tantum, sed cerebri bonam temperiem denotat . In concupiscibili pariter temperatus est : nam venrem moderatè amat : cibum pariter non vt gulosi, sed mediocriter appetit . Potum non auersatur, sicuti illi qui humido, aut frigido ventriculo præditi sunt : nec præter modum sitibundus, vt illi qui sicco calidoque ventre fruuntur . Actiones naturales bonas habet, vt coctionis exemplo, demonstrat Gal. licet struthiochamælus ferrum digerens quemuis hominem in coctione superet . Infans coctionem quàm adulti perfectiùs celebrat . Lib. 3. de sympt. cau. qualitatis alicuius excessum in actionibus laudat : vt caloris ad concoctionem, humiditatis ad assimilationem . Vitales & animales actiones inculpatas edit : moderatum ideo pulsus tum in corde, tum in arterijs habet : iudicio pollet : nec somnolentus, nec vigil apparet ; quæ probam cerebri temperiem indicant .

In exteriori corpore, quæ temperamentum sequuntur, mediocritatè indicant . Color bonus est inter rubicundum & album . In pueritia rufum capillitium est, propter quandam ætatis humiditatem . in iuuentute ob siccitatem & maiorem quandam adustionem, nigricans visitur . Temperatum corpus non est glabrum siue pilis orbatum ; quia non est nimis frigidum aut humidum : in frigidis namque humor non torrescit, sicuti nec in humidis : quare pili vix ijs nascuntur : pori præterea præampli in cutis talis corporis frigidi, defectu actis caloris, non generantur . Vnde cutis in se concidit atque coalescit præ mollietie, aut frigore constringitur . Hirsuties à vehementi acrique calore excitatur . Sed hæc de signis temperati corpo-

corporis, de quibus Gal. citatis in locis, & c. §1. artis med.

Ex his temperamenti ad pondus notis bene conceptis non erit difficile aliorum temperamentorum notas, facta collatione, colligere. Claritatis tamen gratia cuiusvis temperamenti signa breuiter ex sequentibus accipe.

Galen. lib. 2. de temper. cap. 6. monet non ex vna sola parte colligendū esse temperamentum totius: v. g. licet caluities siccitatem denoret, non inde inferendum totum corpus calui esse siccum: & si solum pectus hirtum sit (quod est indicium cordis calidi) inde non inferendum totum corpus esse calidum. Totius ergo corporis temperamentum sequitur principum præcipuarumque partium temperiem, vt monet Galen. lib. de arte medicin. vbi cap. §2. corporis calidioris signa proponit, veluti lib. 2. de temp. cap. §. Quæcūque autem corpora in caliditate à medio siue temperato habitu recedunt, in siccitate tamen & humiditate inædiocritatē seruant, calida à tantis pro excessu caloris acris, percipiuntur. Tanto verò magis hirsuta sunt quanto & calidiora, & minus pinguedinis habent quàm temperatus habitus. Colorem in facie rubrum, capillosque nigros habent: Sed in pueritia capilli flauescere debent. Venas habent latas; vigiles sunt, magnanimi, à rebus calidis facillè læduntur, in actionibus alacres.

Signa calidi temperamenti.

Calidæ & siccæ intemperiei (omnes temperies ad iustitiam, quia paululum à temperata natura declinant, intemperies, sed sanæ à Gal. appellantur lib. 2. de temper. cap. 4. quæ plurimum recedunt, intemperies morbosæ) signa proponit Gal. lib. de arte c. §6. veluti lib. 2. de temperam. c. §. Sunt ergo tali temperiei affecti calidiores, sicciores, hirsutiores, habitu corporis duriores, graciles, pinguedine carentes. Nigros habent capillos. Si verò multum in caliditate excedat tale corpus, niger quoque color illi adest. Addamus pilos non rarè crispis in illis esse: Venas habent latas, iracundi sunt, audaces, rixarum amatores, vani, implacabiles, vigiles, alacres, præcipientes. Pulsus habent magnos. Tamen si coquendi virtutem validam habeant, non tamen omnes æqualiter appetunt. Ordinariè tamen multum comedunt, & citò cresunt. De his, quia plurimum substantiæ ab eorum acri calore dissipatur, loqui videtur Hipp. lib. de vict. rat. in morbis acutis, vbi inquit, biliosos in ediam non facillè ferre, quod etiam in aphorismis innuit loquendo de viuidiore pueris, qui biliosi censendi sunt. Ait n. viuidiore pueros vix in ediam tolerare. Galen. etiam lib. 8. methodi med. c. 8. contra diatritarios clamans, & lib. 10. meth. c. §. & comment. 2. text. 29. citat, lib. de vict. rat. docet homines calidos siccosque propter inediam facillè in morbos acutos & tandem in hecticam febrem incidere. Itaque quanquam biliosi venas habeant latas quæ plurimum sanguinis contineant, quia tamen triplicis substantiæ plurimum in ijs dissipatur, in ediam tolerare nequeunt.

Intemperies sanæ, & agra.

Signa temperamenti calidi, & sicci.

Biliosi in ediam difficulter tolerant.

Sed quid dicemus ad Galen. qui c. 4. lib. 2. de temper. ait, Hippocratem, urgente fame, modum præscribendi victum desumere non ex corporis habitu gracili, aut crasso, sed ex latitudine aut angustia venarum: Quippe, inquit, qui angustas habent venas, exigui sunt sanguinis, nec longam in ediam ferunt: quibus latæ, his copia sanguinis est, & citra noxam cibo abstinent. Hinc inferendum biliosos posse in ediam tolerare, cum venas habeant latas. Verùm Hippocrat. text. cit. 29. comment. 2. de Picrocholis secundum partem superiorem loquitur, aienis: Talia verò molestius ferunt qui parte superiore picrocholi existunt. Vult Hippocrates picrocholos parte superiori, pituitosis molestius difficiliusque ferre subitam digestionem

Obiectio.

Solutio.

Picrocholi.

tionem à victu ad abſtinentiam: & meritò, quoniam picrocholi parte ſuperiori ſunt illi, qui ramum habent pori cholidoci ventriculi fundo inferum, per quem frequentiffimè bilis in ventriculi fundū effunditur: ideoq; frequenti vomitu moleſtantur. Hoc affectu laborabat Paulus ille Rhetor qui, referente Galeno comment. citati textus, toto corporis habitu pituitoſus erat, diebus tamen ſingulis ſupernatabat in ventriculo bilis flaua, primamque ipſam vomebat à lauacro non paucam: aluina excrementa pauciſſima bile inſiciebantur. E contra Eudemus Philoſophus roto corpore bilioſus deorſū ad inteſtina biliem copioſam exercebat, rarò per vomitum: Bilis igitur amara ventriculi oriſcium magis magiſq; lædit, quò diutiùs à cibo abſtinent illi, qui ſunt picrocholi in parte ſuperiore, aut qui parte ſuperiore, id eſt, ventriculo, & roto corpore ſimul. Vnde nec Hippocrates, nec Galenus mentionem fecit venarum citatis in locis, ſed bilis ſolummodo inſeſtantis. Certum tamen eſt quòd illi, qui latioribus venis, raròque & macilento corporis habitu præditi ſunt, quiq; impenſè bilioſi, multò difficiliùs inediaſerunt quàm illi qui pituitoſi, craſſique & pinguis habitus ſunt. Sed illi qui venas habent latas, corporis habitū denſum craſſumque, cuiuſmodi ſunt multi ſanguinei, quibus pituitæ mediocriſ vbertas ineſt, multò faciliùs inediaſerunt, quàm illi qui frigido temperamento pollentes venas habent anguſtas; maximè verò quoties venarum exilitas corporis mollietatem atque raritatem comitatur. In vniuerſum ergo quoties illi, qui exiles venas habent, non ſunt pituita reſerti, cibis plus indigent, quàm illi qui latas poſſident venas, etſi non ſint picrocholi ſurſum: aut nimia bile reſerti. Tunc autem non tam ſanguine quàm bile ſcarent.

*Practican-
tium com-
munis er-
ror.*

Hinc patet vulgariū medicorum error continuus, qui primo aſpectu & ſine vlla diſtinctione, ijs, qui craſſo ſunt corporis habitu, inediaſe impetant, victum verò copioſum eumque non rarò ſolidum macilentis, etiam latas venas habentibus. Vtinam doctrinam medicam, antequam operi tam audacter manum adhibent, exactiùs à peritioribus didiciſſent. Sed hæc impudentiores ſoli ferè audacia innixos minimè moratur.

*Signa ca-
lidi & hu-
midi tem-
peramenti.*

Gal. lib. de arte med. c. 57. calidæ & humidæ temperaturæ ſigna proponit. Qui tali præditus eſt temperamento, mollior, & calidior, & carnoſior eſt temperato, quantum vtriſque qualitatibus, calore ſcilicet & humiditate, magis gaudet. Quòd ſi plurimum hæc calida & humida temperies augeatur, citò à putredinis morbis corripitur; quoniam & humorum vitio promptè laborat huiuſcemodi temperies, id eſt, humor calidus & humidus, iſque copioſus, in loco calido & non perſpirabili poſitus, facile putreſcit, referente Galeno libris de differenti. febr. Si verò hæc temperies in humiditate parumper naturam temperatam excedit, in caliditate verò plurimum, molliores quidem parum huiuſcemodi ſunt, qui tali temperie afficiuntur, his qui bonam habent temperaturam, & magis carnoſi; multò tamen hiruſiores, & tangentibus calidiores. Nigri verò eis capilli, eorumque caro pinguedine notabili caret. Si è contra calor modicè naturam temperatam excedat, humiditas autem plurimum, mollis hiſ caro eſt, & multa, & color cõmixtus eſt ex albo & rubro, & tangentibus paulò calidiores temperatis percipiuntur: hæmorrhagiam frequenter patiuntur, quia ſanguine abūdant, & venas ſatis latas habet. In actionibus præcipientes aliquando viſuntur, hilares ſunt & placabiles, poſtquam ad iram concitati ſunt. Ingenio iudicioque optimo ineuante ætate pollent. Ad ſomnum & concupiſcentiam præcliuſe ſunt.

Fri-

Frigidi temperamenti signa proponit Gal. lib. de arte medic. c. 53. Frigidioris a. temperaturæ indicia sunt pilorum carentia, glabrities dicitur, pinguedo, & frigiditas, quæ tangentium manibus obuiat. Color autem vnà cum capillis etiam rufior propter humiditatem serosam, & vbi multa frigiditas adfuerit, liuidus quodammodo existit, quem nonnulli medici colorem plûbeum appellant. Thorax frigidis angustus est, & venæ exiles & quasi imperceptibiles, propter imbellem calorem qui dictas partes sufficienter dilatate non potuit, sicuti in calidis. A frigore faciliè leduntur frigidi: in motu tardi, & segnes visuntur timidi pariter, tristesque. Plus cibi appetunt quàm concoquant; quia ventriculi orificium, in quo animalis appetitus concitatur, vi excedentis frigoris contrahitur, & quasi dinellitur, inde fames; cum tamen ob remissum ventriculi calorem non nisi alimenti modicum conficere queant. Sunt multò pinguiore, quàm hi qui calido & sicco, & calido ac humido temperamento gaudent.

Frigidæ & humidæ temperiei signa tradit Gal. lib. de arte med. c. 58. Qui tali temperatura fruuntur, sunt glabri, albi, molles, crassi, & pingues, si modicæ duæ præfatæ qualitates augeantur: Si verò paulò plus adhuc excesserint duæ præfatæ qualitates, color vnà cum capillis rufus erit: quem admodum, si plurimum vtraque qualitas augeatur, liuidus. Si verò dictarum duarum qualitatum augmentum fuerit inæquale, eius quæ super-excesserit indicia eminebunt. Liuiditas quidem intensioris frigoris indicium est. Crines habent rectos & mites. Simples sunt & ferè stupidi tales homines; hebeti tardissimoque sunt præditi ingenio, iudicioque immaturo in cunctis procedunt. Segnes, & igraui nimis, taliuosi, timidi, somnolenti: valde glabri. Aduerte pilos in hac temperatura ad albidum colorem quàm rufum magis declinare; quia rufus color aliquod vigorosi caloris in corpore indicat; quod fieri nequit, quories duæ illæ qualitates impensè vigent. De coloribus capillorum sic loquitur Gal. lib. 2. de temperamen. c. 5. Fit a. niger pilus, cum deusto vi caloris vapore, excrementum in exactam fuliginem mutatur: flauus verò, cum minùs vapor torretur; quippe quod tum est impactum, flauæ bilis, non nigræ sæculentum excrementum est: albus verò pilus ex pituita nascitur: rufus, sicuti coloris flauis albi que est medius, sic eius generatio ex pituitosa, biliosa que facis media quadam natura prouenit. Crispi pili fiunt, vel propter siccitatem temperamenti, vel propter meatum in quo radicanter. Et propter siccitatem quidem ad eū modum quo corrigiæ, quæ igni plus iusto siccatur. Et quid corrigiariū meminisse est opus, cū ipsos pilos vbi igni propius sunt ad in ori, protinus intorqueri videas? Atque ita quidem omnes Æthiopes sunt crispi. At propter meatum, in quibus radicanter, naturam, ad hunc modum. Exhalatio quidem sæpè imbecillior existens, quàm vt rectam viam sibi, moliri possit, pro modo, quo inflectitur, etiam meatum suum figurat: interim verò exhalatio satis valens est; sed duriore quàm par est, cutis natura recta ferti regione prohibita in latus flectitur, ita vt extrinsecùs videre licet non halitum modò, aut fumum, sed etiam flammam ipsam, cum sursum agi vetatur, diuisam vtroque versùs in obliquū agi. Sic igitur corporis exhalatio, vbi in aliquo loco remoratur, prorsumque agi prohibetur, obliquum sibi transitum sub cute molitur, donec lōgiore temporis spatio collectam aliquid eam vrgeat & foras efflatu agat. Est, quando ambobus coeuntibus, & primæ exhalationis, quæ meatum finxit, imbecillitate, & cutis duritie, obliquitas pilorum radicibus con-

Signa frigidi temperamenti.

Fames quomodo fit.

Signa frigidi & humiditatis temperamenti.

Liuiditatis causa.

Causa varietatis colorum in pilis.

Causa crispitudo pilorum.

tingit: quales a. in radice finguntur, tales rationabile est perpetuò fore: neque enim durorum, & siccorum corporum quippiam, nisi priùs molliatur, fingi in rectam potest. Atque hæc est pilorum generatio.

*Hirsutiei & glabri-
rici causa.* Ad pleniorē huius rei notitiā prima verba citati c. 5. sic accipe: Calida igitur & sicca intemperies hirsuta est, verum ea in summo mediocriter autem, quæ calida quidem est, sed in altera contrarietate mediocritatem habet: similiter & quæ sicca quidem est, sed in calido & frigido media est temperie, est enim ea quoque modicè hirta. Nuda pilis sunt frigida omnia temperamenta, siue ea mediocriter se habent in humiditate, siue immodicè; cæterum ad summum glabra est frigida temperies & humida; minus hæc, quæ frigida est, sed in altera contrarietate temperata: adhuc minùs, quæ frigida & sicca.

*Pilorum
meridiona-
lium status
Pilorum
septentrio-
nali um sta-
tus.* Ex dictis omnibus infert Galen. statum pilorum variatum nationum & ætatum. Ergo, inquit, Ægyptij, Arabes, & Indi; omnes denique qui calidam & siccam regionem incolunt, nigros, exiguique incrementi, siccos, crispes, & fragiles pilos habent. Contra, qui humidam frigidamque regionem habitant. Illyrij, Germani, Dalmatæ, Sarmatæ, & omnis Scythica plaga, modicè auctiles, & graciles, & rectos, & rufos obtinent. Qui verò inter hos temperatum colunt tractum, siue regionem, hi pilos plurimi incrementi, & robustissimos, & modicè nigros, & mediocriter, crassos, tum nec prius crispes, de omnino recti sedunt.

*Ætatum
pili.* Et in ætatibus ad eundem modum. Infantium quidem pili Germanis: florentium ætate, Æthiopibus: epheborum, & puerorum ipsi, qui temperatum locum incolunt, in robore, crassitudine, magnitudine, & colore ad portionem, id est, proportionem habent. In corporum quoque naturis, siue temperamentis, ad ætatum, & regionum portionem pili se habent. Pueri enim admodum parui, nudi sunt pilis, quod utique, nec inætas adhuc ullus illis in cute est, nec fuliginosum excrementum; & cætera, quæ ibi aspicere poteris. Quæ omnia perfectè doctrinam de pilorum generatione declarant.

*Signa frigi-
da & sicca
& temperati-
ra.* Galenus libro de arte medic. capite 50. frigida & sicca temperatura notat proponit. Si autem, inquit, frigiditas vnà cum siccitate aequaliter augeatur, natura durum, ac gracile, & glabrum corpus habent, & tangentibus frigidum; Pinguedo tamen ipsis, etiam graciles sint, per carnes dispersa est. Capilli autem & color frigiditatis modum ac proportionem sequuntur. Vbi verò calida & sicca temperatura in tempore decrementi, siue declinantis ætatis in frigidam & siccam labitur, tunc horum habitus gracilis quidem similiter est, & durus. Est verò etiam melancholicus, & ob id niger simul & hirsutus. Vbi igitur altera qualitas multum dominatur, altera verò parum à mediocritate recedit, superabunt eius, quæ dominatur, exilia autem erunt alterius qualitatis indicia. Reliqua prædicti cap. valde proficua videas ibidem.

*Sicci tem-
peramenti
signa.* Signa sicca temperaturæ à Gal. proponuntur c. 54. citata art. parua, siue medic. Sicciior a. temperatura, inquit Gal. tanto gracilior est & durior bona temperatura, siue temperamento ad pondus, quanto maior est siccitas: in reliquis autem eodem modo se habet.

*Signa hu-
midi tem-
peramenti.* Capite 55. humidi temperamenti signa ponit carnositatem, & molli-
tiem, maiores quàm in natura temperata. Et hæc de signis temperamen-
torum. Quoniam vniuersalis corporis temperaturæ à temperamento principio-
rum

rum dependent, videas earundem partium, cerebri videlicet, cordis, & testiculorum varias temperies apud Galenum, & quæ peritè ac prolixè descriptas libro de art. medic. à capite 13. vsque ad caput 49. inclusi-

uè, ac insuper signa variorum temperamentorum, ventriculi à cap. 60. vsq; ad 64. & signa temperamentorum pulmonis in sequen-

tibus duobus cap. 65. 66. Et

hic huius quarti

libri finis

esto.



NELLANI GLACAN

TIRCONALLIENSIS HIBERNI,

PHYSIOLOGIA.

LIBER QVINTVS,

DE CALIDO INNATO, ET SPIRITIBVS.

CAPVT PRIMVM,

De Calidi innati dignitate.

*Quid gene-
ratio & vi-
ta.*

*Vis calo-
ris nativi.*

Aloris nativi contemplationem nequaquam contemnet ille qui ipsius usus varios, dignitatemque, apud Præfatos tam Philosophos quam Medicos diligenter examinabit. Tanti enim apud Stoicos fiebat, ut ipsum animam communi suffragio vocitassent: Et tamen si animam quid distinctum à calore nativo lib. 2. de anima tex. 50. & lib. de respiratio. cap. 10. agnouerit summus Aristot. non definit tamen vitam per calorem definire libro de vita & morte, & de respiratione capite decimo octauo aiens: Generatio igitur est prima participatio cum calido nutritiuæ animæ. Vita autem mansio huius. Iuuentus autem est primæ refrigeratiuæ particulæ augmentatio. Senectus autem huius decrementum. Status autem horum medium. Mors autem & corruptio, violenta quidem, calidi extinctio & maior. & alibi putredinem describens ait, esse corruptionem innati caloris. Ecce uti generationem, vitam, ætates tres quas statuit lib. 2. de anima, & tandem ipsam mortem per calorem nativum definit. Vnde, Cicero lib. 2. de natura Deorum ait: Omne enim quod vivit, siue animal, siue terra editum, id vivit propter inclusum in eo calorem. Divinus etiam Hippoc. lib. 1. de diætâ testatur, sine aqua & ignis interuentu viventia nec generari, nec ali posse. Inibi autem ipsum calorem animam appellat: Galen. comment. 15. lib. 1. aphor. de eo sic loquitur: Neque enim aliud quicquam animal ab initio efformavit, sicut neque rursus adauxit, aut usque ad mortem enutrit, præterquam iste calor innatus, de quo nunc habetur sermo. Hic igitur, cum sit omnium operum naturalium causa, quia copiosior est hyberno tempore, idcirco cibi appetentiam intendit, coctiones auget, & plus sanguinis accumulat, & crassius corpus efficit, & ut superfluitates excernantur, providentiam habet. At calor circumfusus (id est, ad habitum corporis & entis poros expansus, ut æstate contingit) non modo superfluitates, sed æqualiter omnia euacuat, materiam inutilem, &

ea etiam, quæ in corpore secundum naturam continentur, vñà dissoluens per eam, quæ à Medicis occulta difflatio per cutem nominatur, quam calor innatus operatur. Neque enim aliud quicquam est natura animalium, præter hoc calidum, secundum Hippoc. opinionem. Ostensum autem à nobis est in commentarijs de viribus naturalibus, naturam non solum appetere, conficere, agglutinareque singulis partibus proprium alimentum, sed & huius quoque superfluitates diffilare (id est, per cutis poros resolvere & euacuare:) ac, quantò fortius extiterit calidum innatum, tantò magis difflatio effugit sensum, quia à fortiori calore in. minutiores partes vapor superfluum diuiditur, & viæ melius aperiuntur. Aristoteles lib.4. meteor. c. 2. coctionem describens, eam ex parte à calore fieri, inquit, aiens: Concoctio igitur est perfectio à natura, & proprio calido ex oppositis passivis. Lib.2. de Anima c.4. tex. 50. hanc doctrinam confirmat aiens: Omne autem alimentum necessarium est concoqui posse. Operatur autem coctionem calidum: vnde omne animatum habet calorem. Lib.2. de part. animal. c.3. caloris nativi in corporibus virtutem etiam extollit. Cum igitur omnium consensu, sit præcipuum facultatû animæ instrumentum, eius natura sedulò à nobis inuestiganda, post doctrinam de temperamentis.

CAPUT II.

Quid calor natiuus?

Sicere iuuabit quasdam voculas apud Græcos reperiri, quæ communiter calorem significant. *Θερμός* autem aut *Θερμασία* idem apud illos est, ac nudus calor in abstracto sumptus. *Θέρμους* verò est calor in concreto, i. est calidum, siue substantia quædam calida. Loco igitur vocis *Θερμότητος* vix vsurpant vocem *Θέρμους*, tamen si *Θέρμους* vtrumque significatum habere videant. Arist. in Categorijs cap. de qualitate hanc loquendi normam exactè vsurpauit. Hippocrates, tamen si vix nisi de calore in concreto, id est de calido ageret, quia tamen lib.6 Epid. sect.6. t. 11. non de calido innato, sed de alieno calore & fortè in abstracto loquebatur, vsus est voce *Θερμότητος*, aiens: *ἢ Θερμότης Θερμότητος σημεῖον*, id est, calor est acrimoniæ signum. Dum etiam lib. de natura humana prope finem pituitam à loci caliditate calefieri & dealbari diceret, idem verbum vsurpauit: veluti quando pueris calculum ob loci caliditatem generari pronunciat. Galen. disertè hanc doctrinam ponit comm. 14. lib. 5. aph. Hoc ipsum igitur verbum, calidum, aliquando transferimus ad qualitatem, cuius proprium nomen est caliditas: aliquando denominatiuè totum corpus dicimus calidum à caliditate: estque hic modus loquendi plurimus in omni vita, & fuit apud antiquos, veluti Theophrastus ostendit in eo libro, qui de calido & frigido inscribitur. Galenus viriusque calidi quasdam proprietates proponit eodem comment. quando enim in concreto sumitur calidum, aut frigidum, aut humidum aut siccum, tunc corpus intelligitur, quod tali qualitate afficitur, & calidum v. g. tunc dicimus esse multum vel paucum, ad quantitatem substantiæ epitheta referentes. At respectu qualitatis congruentius loquimur quando dicimus magis calidum corpus, quàm plus calidi inesse. Nam multum & paucum soli quantita-

*Nomina
varia.*

*Calor in
abstracto
& concreto
sumitur.*

Morbi omnes magni, aut parui dicuntur, licet substantia non sint. Caloris naturalis substantia proprie conuenit. Abusuè tamen omnes morbos, magnos aut paruos nominant, quamuis substantia non sint. His positis paulò post Gal. calidi naturam exponens, ait: Nam substantia innati caloris aerea est & aquea, sicuti ex semine licet coniectari, quod paucam omnino terrenam substantiam participat, plurimum autem aeris calidi humidique in seipso continet, quemadmodum in comm. nostris de semine ostendimus: Iam verò & alteri generationis principium sanguis menstruus, humidum natura est. Cum igitur magis terrestre efficitur animalis corpus (tale autem quotidie efficitur, dū augetur) tunc licet valde vehementer calidum existat & igneum (præsertim in iuuentute;) substantiam tamen innati caloris paucissimam habet: alioqui febricitantes diceremus plurimum habere calorem innatum, qui ne dum plus, sed nec priori æqualem habent. Bene enim temperata est caloris innati substantia: ignea autem est substantia aduentitij. Sed & effluxus, qui è toto corpore fiunt, caloris quidem aduentitij sunt fumei, fuliginosi, aridi & acres: contra verò, vaporosi, suaues & bene temperati, caloris natiui. Hæcque ipse potest tactus discernere: nam sanorum calor vaporosus est, atque suauis & tactu cōueniens, nihil triste, nihil asperum, nihil mordax præ se ferens: eorum verò qui febricitant, & præcipuè hecticis febribus, aut ijs, quæ ex putredine humorum ortum habent, acris est, & insuaui, ac mordax, & nostrum corrodens tactum. Salubris verò eius qualitas in pueris exquisita habetur: sicuti plures eorum, qui in ætatis vigore consistunt, inuenire contingit calorem habentes mordacem, & non amplius humidum & vaporosum, neque æreum. Neque mirum hoc videri debet. Oportet enim defluxum similem esse subiectæ substantiæ: ut quando humida atque aerea substantia existit, tunc quod ab ea defluxit, vaporosum est, atque suaue: cum verò terrestris, atque arida, tunc & quod defluit, fumeum, fuliginosumque est, & acre, quod & in rebus exterioribus euenit. Nam, quæ ex aqua dulci, & calida euaporant, optima sunt, & vaporosa: quæ verò ex aliquo corpore solido exulto, fumea sunt, & acris. Hinc colligit Gal. pueros, cum suauius expirent calidum, plus calidi innati habere, quam iuuenes, qui triste mordaxque calidum transpirant. Hic enim exponit Gal. illum aphor. Qui crescunt, plurimum habent calidi innati &c.

Discrimen inter calorem innatum & aduentitium.

Calidi innati origo.

Calor aduentitiuus.

Prædicto discursu calidi innati naturam nobis sufficienter declarat Galen. Docet enim calidum innatum, siue substantiam calidam, qua constat, ex aeris & aquæ potissimum commixtione exurgere, quia calidum nostrum connatum ex semine pareatum fluido, & consequenter humido, spirituosum, & aereo, parumque terreo, nobis relictum est. Partim etiam genitum est, aut relictum ex altero nostræ generationis principio, sanguine mēstruo sua natura humido atque seroso. Rursus docet Gal. præter calorem natiuum, siue insitum, nobis acquisititium, siue alienum calorem superuenire, ut quando in febrem incidimus, & ad iuuentutē accedimus. Nam incunte ætate calor aduentitiuus semper acquiritur, & natiuus amittitur. Quod patet ex ipso tactu: quoniam manus tangens corpus febrile, aut iuuenis, effluxum, id est, vapores exeuntes ex habitu corporis per cutis poros, acrem atque insuauem percipit: nam vapor ille fuliginosus, & aduitus sic tactum feriens, ab igneo calore, non natiuo, procedit. Qui natiuo calido siue substantia calida, eaque natiua, referti sunt, sua uena transpirant effluxum, id est, madidos tepidosque vapores potius quam adu-

stes ex habitu corporis per poros emittunt, qui nullatenus tangentis manum feriunt, sed è contra suauitatem quandam ei contribunt, eo modo, quo vapores ex aqua tepida eleuati, manui superpositæ. Contrarium accidit manui, aut corpori superposito vaporum fumoso calcis nouiter extinctæ, aut lapidis candentis acerrimo aceto extincti.

Quamuis dixerit Galenus calidum innatum ex substantia aerea, atque aquea coalescere, non proinde igneam, terreamque substantiam exclusit, vt in eodem commentario hac serie demonstrauit: Qui crescunt, etsi æqualem habeant substantiam calidam, atque igneam cum ijs, qui in ætatis vigore consistunt, aquosæ tamen atque aeræ substantiæ plus habent: Et paulò ante in eodem commentario: Sic quidem infantes recenter nati substantiam calidam & aquosam plurimam participantes, plurimum dicerentur habere calorem innatum. Hæc enim vltima verba protulit, postquam in præcedentibus ait: Cum quatuor sint elementa, ex quibus omnia corpora sunt temperata: puerile quidem corpus multum in se ipso continet aeræ, atque aquosæ substantiæ, minimum terrestri: contra verò eorum, qui in ætatis vigore consistunt, à terrestri siccitate vincitur, deficit autem aquosa, atque aerea substantia: adeo vt, si quantum in vtrisque elementum, ignem scilicet, pari portione posuerimus, atque æqualiter calida corpora esse vouerimus: non tamen similem substantiam calidam in ipsis esse dixerimus: cum puerorum quidem substantia humida sit, eorum verò qui ætatis vigore consistunt, sicca. Humida enim secundum innatum calidum maxime, quia ex humido nostra est generatio: sicca verò substantia secundum aduentitium calorem. Sic quidem infantes recenter nati substantiam calidam, & aquosam plurimam participantes, plurimum dicerentur habere calorem innatum, qui verò ætate vigent, et iam declinat, quantum istæ deficiunt substantiæ aqueæ & aeræ, terrestris verò superabundat, tantum habere minorem substantiam natui caloris putarentur. Quod verò ex aquosa & aerea substantia plus diffuere sit necessarium, quam ex terrestri, etiam si ambæ sint æqualiter calidæ secundum qualitatem: neminem arbitror dubitare. Quòd autem ex humidis puerorum corporibus per cutem copiosius fiat triplicis substantiæ effluuium, siue copiosior euaporatio, quam è iuuenum corporibus, id exemplo externorum corporum demonstrat Gal. nam ex aqua & oleo mediocriter calefactis plurimum defluit, atque dissoluitur: è ferro verò, & ære, atque lapidibus minimum: adeo vt si tibi libuerit exponere ad Solem calidissimam aquam (si ita contigerit) & ferrum æquo pondere, deinde transacto die ambo perpendere: aquam quidem inuenies multò seipsa minorem effectam, ferrum verò æquale. Sic, & si velis oleum æri, & ferro, & lapidi comparare: illud quidem absumpit inuenies, hæc vero æqualem substantiæ molem retinentia. Rectè inde intulit Galenus, multò magis diminui humida puerorum corpora propter maiorem euaporationem ex ijs factam, quam iuuenum, posito etiam, quòd æquali gradu caloris vtrorumque corpora afficiantur. Quare, inquit, optimè Hipp. docuit, pueros aut crescentes plurimum habere calidi innati, id est, substantiæ aeræ atque aqueæ, ex se euaporabilis; ac proinde puerorum corpora plurimum aerea & aquea, propter copiosam euaporationem in ijsdem factam, plurimo egere alimento: Iuuenum verò corpora duriora, & multò minus mollia, ob aeræ & aqueæ substantiæ penuriam, minori copia indigere ob minorem factum in illis triplicis substantiæ effluxum. Hæc doctrina plurimum praxi confert; quia etiam

*Calidum
innatum
quatuor
elementa
probe com-
mixta, com-
prehendit.*

*Maior fit
euacuatio
per puerorum
cutem
quam per
iuuenum.
Calor enim
æqualiter
præui bonumque
succum per
habitum
corporis re-
soluit.*

inter ephēbos, & iuuenes, qui molliores sunt, & rarioris habitus corporis, facilius multò resoluuntur, & minuuntur, quàm alijs durioris solidiorisq; constitutionis

*Gal. Hippocrati con-
formis.*

*Hippoc. ex-
ponitur.*

Nata-

*Galen. post
Hippoc. ex
quatuor ele-
mentis ca-
lidum in-
natum fie-
ri docet.
Seminis &
sanguinis sta-
tus.*

Sed vt ad institutū regrediar, conformiter Hipp. lib. 1. de diætā loquutus est Galenus, calidi innati naturam tradens. Nam Galenus aerem & aquam ad calidi innati constitutionem concurrere ait: Hippocrat. verò ignem & aquam, quasi æqualiter concurrentes, ex quibus aliquid medium & temperatè calidum exurgit, vt docuit Galenus lib. 1. de temper. cap. vlt: dum ex paribus portionibus ignis aut aquæ feruentissimæ, & glaciæ, velut mixtum quoddam temperatum ad pondus exurgere asseruit. Hipp. verba hæc sunt: Cæterum anima hominis, quemadmodum etiam antea à me dictum est, ignis & aquæ temperamentum habens, partem a hominis, irrepit in animal, quod sanè spirat, itemque in omnem hominem, & iuniorem, & seniore. Hippocr. a. non vult hoc in loco mixtum animatum solis constare aqua & igne, cum lib. de natura hom. differè docuerit mixtum quoduis ex quatuor elementis exurgere, sed docet calidum innatum, siue spiritum, quem propter similitudinem quandam siue analogiam, animam vocat, ex calido & humido probè commixtis & temperatis potissimum fieri; quemadmodum ipse in eodem libro 1. de diætā sic optimè expressit: Porro de animæ sapientia, ac desipientia, hoc modo res habet: Quod humidissimum est in igne, & siccissimum in aqua, si in corpore temperamentum acceperint, sapientissima sunt. Quia ignis quidem habet humiditatem ab aqua, aqua a siccitate ab igne: vterque a. sic sufficientissimus est. Neque ignis alimenti indigentior multum procedit, neque aqua motus indiga multum leuis redditur. Sic itaque vtræque & per se sufficientissima sunt, & inter se permixta. Quod enim minimè vicinis indiget, hoc maximè præsentibus obtemperat, velut ignis qui minimè mouetur, non præ necessitate: & aqua, quæ maximè, non præ violentia. Ex his a. anima temperata, sapientissima est, & memoria valentissima prædita. Si verò aliquò ascitamento vtens, alterutrum horum, augeat, aut contabescat, desipientissima redditur, propterea quod quam sic habeant, sufficientissima existunt. Si a. ignis synceritissim, itemque aquæ temperamentum anima sortiatur, sit a. ignis paulò inferior ac defectuosior, quàm aqua, sapientes quidem sunt etiam hi, verum defectuosiores, quàm in priore temperamento: propterea quòd ignis ab aqua superatus, & tardior motum faciens, segnius sensibus allabitur: contrātes a. cum mansuetudine sunt eiusmodi animæ, ad quamcunque tandem rem animum applicuerint. Galen. a. non negat calidum innatum ex ignea constare substantia, vt ex eius supradictis constat, & ex lib. 1. de sanita. tuen. c. 2. vbi inquit, generationis nostræ primordia esse semen, & sanguinem; & hunc quidem tanquam materiam, semen verò instar opificis: vtrumque horum quatuor elementis constare ait, sed temperamenti mēsurā dissidere. Siquidem in semine plus est ignea substantia ac aerea: in sanguine aqueæ terreæq; quamquam præpoller in hoc quoq; sanguine, scilicet, & calidum frigido, & humidum sicco. Vtrumque tamen horum principiorum fluidum esse dicit, tametsi semen sanguine siccus sit. Cum ergo asserat calidum innatum ex semine potissimum tāquam à primā origine, & sanguine menstruo veluti extractum aut genitū, vult cum Hippocr. præfatum calidum innatum non solum ex aquea & aerea, sed etiam ignea generari; qui quidem Hippocr. hoc modo rem intellexit, dum eodem

dem lib. 1. de dicta masculos siue mares esse calidiores siccioresque fami- *Famina vè*
nis, feminas verò humidiores ac frigidiores vitis. Propterea quòd ab ini- *ris frigidio*
tio generationis vtrique in talibus geniti sunt, id est mares ex femine & *res.*
sanguine calidioribus atque siccioribus; feminæ verò ex principijs humi-
dioribus frigidioribusque. Eodem loco senes frigidos humidosque vocat *Senes frigi.*
propter ignis recessum, & aquæ seu pituitæ accessum siue generationem. *di & humi*

Ex dictis non est difficile calidi innati originem, naturamque expiscari. *di.*
Ortum enim duxit ex femine & sanguine principijs nostræ generationis: *Calidi in-*
vel ex quatuor elementis, sed præcipuè leuioribus, & fluidioribus, ac fa- *nati origo.*
cile permeantibus, vt aqua, aere, & igne, probè commixtis, & transmuta-
tis. Quare si substantiam per se mobilem, & semper mobilem ipsum. *Definitio:*
calidum innatum intelligas, haud errabis, vt loquitur Gal. lib. de tremore,
palpit. conuuls. & rigore c. 6. vbi calorem natium primigenitum, & in-
situm, non verò acquisitum, neque animalis generatione posteriorem,
vocat: imò naturam, & animam, iuxta multorum antiquorum prolatio-
nem; qui omnes tametsi eorum quamplurimi caloris natiui naturam igno-
rarent, hoc tamen vnum omnes concedunt, esse aliquod secundum na-
turam in vnoquoque animante calidum, in conuenienti mensura æstima-
tum, vt loquitur Gal.

Si caloris natiui, quatenus qualitas est, naturam scire velis, scias non
esse merum calorem; prout optinè binis cit. comment. 14. & 15. aphor.
lib. 1. exposuit Gal. calorem febrilem in solo igneo calore consistentem à *Calor nati*
natio distinguens. Si enim ratio caloris natiui in igneo solo calore con- *uus non est*
sisteret, calor natiuus non esset omnium actionum idoneus opifex. Nam *pure igneus*
ex Aristot. lib. 2. de generat. animal. cap. 5. calor naturalis est fecunda tas- *sed temper-*
ciens. Ignis autem calorue igneus non fecunda facit, sed omnia deuorat, *ratus, sine*
destruitque. Superest ergo, vt calor natiuus sit calor igneus, atque *temperies.*
aereus contemperatus frigiditate & humiditate, seu vt verbo dicā, est ipsa
temperies quatuor primarum qualitarum: quæ quidem calor natiuus potius
quàm siccitas, aut frigiditas, aut humiditas appellatur; quia inter quatuor *Calor nati*
qualitates primas, calor princeps est, omnia perlustrans, permeans, perfi- *uus est tem-*
ciensque, dummodo aliarum qualitarum commercio cohibeatur, con- *peries.*
tempereturque eius vehementia. Hæc sententia est Gal. lib. 8. de placit.
Hippoc. & Plat. c. 7. Melius tamen erat non ignis, sed insiti caloris fontem

dicere in corporibus nostris esse: vt Hippocrates vbique appellauit. Nam *Digestio nō*
si ab igne ciborum concoctio, digestio, sanguificatio, & nutritio fieret: *est propriè*
melius, & citius etiam febrientibus omnia hæc conspicerentur absolui: *concoctio,*
sed insitus calor temperatus cum sit, substantia quidem in sanguine, & pi- *sed distri-*
tuita, seu potius spiritu subsistit, qualitate est congruè ex caliditate, & fri- *butio.*
giditate contemperatus, Platonem enim ibi reprehendit, quòd non calo-
rem, sed ignem vocitauerit calidum innatum; cum tamen innatus calor sit
omnium operum causa, vt Hippocratis testimonio lib. 6. Epid. affirmat. Et
quamuis lib. 2. de natura hum. Hippocr. docuerat, in prima ætate homi-
nem esse calidissimum, sicut frigidissimum in extrema, quæ est senectutis,
monet Gal. non absolutè calidissimum esse nuper natum infantem, quem-
admodum in ardentibus febribus, sed insito calore tantum. Libro
de tremore. Palp. conuuls. & rigore manifestè ostendit Galen. calorem
natiuum in temperamento consistere, aiens: Verum ad superiora exte-
rioraque lationem, & vt ita dicam à suo principio explicationem, quòd
natura calidus sit, expertur: Intro autem fertur, & deorsum, hoc est ad

propriū principium viam init, quoniam frigidi aliquatenus particeps est: quippe ex calido & frigido temperatus est. Prima sanè calidi ratione sua sponte mouetur: atque hoc potissimum ad actiones indiget: Magnum tamen ipsi vsum, & frigidum exhibet. Solet enim calidum in sublime attolli, ac cum eo alimentum adducere: si autem frigidum non obstaret, etiā longissimè procederet. Fit autem frigidum huiuscemodi caloris motui impedimento, ne dispersus aboleatur: quippe periculum est, ne ipse præleuitate & impetu sursum à corporibus discedat, sed frigidum retinet impeditque, & vehementiam nimij huius motus tollit: Ecce quā prolixè Galen. orationem deduxit, vt probet calorem natium esse quid temperatum ex calore & frigiditate, & consequenter humiditate & siccitate: vt clarè tum ex sua, tum ex Aristot. sententia asserit lib. 1. de semine cap. 15. his verbis; semper sanè is, vel insitum calorem, vel spiritum innatum, vel bonam temperaturam, firmitatis ac roboris membrorum causam esse statuit Aristot. Hippocrates ipse, præsertim lib. de natura hominis, visus est non alium admittere calorem natium, quā temperamentum. Morç Aristot. ipse Gal. lib. 5. de simplic. med. facult. c. 9. calorem natium spiritum, id est, substantiam tenuem calidamque, appellat.

*Ex Arist.
calor nati-
uus est tem-
peramentu*

Præter summorum virorum prælatas authoritates rationi consonum est temperamentum esse calorem natium; quia virtute temperamenti diuersi diuersa corporis partes sua munia obentit varia atque distincta. Est sententia Gal. lib. 2. de facult. natur. c. 9. vbi temperamentum actionum causam statuit. Et lib. de constit. art. c. 5. inquit à partium similitudine temperamento operationes prodire. Auicenna Galenum sequutus sen. 1. primi doct. 3. cap. secundo ait. Deus dedit temperamentum conueniens suis operationibus.

Dei què, ex Galeni doctrina satis constat calorem natium & temperamentum idem esse. Libro autem 2. aphorism. cap. 51. & alibi, vt ex dictis hætenus constat, docet naturā in quatuor elementorū commoderatione consistere. Per commoderationem temperamentum intelligit, ac calidum innatum, quod lib. de marcore & alibi, etiam naturam vocat; vt nos cap. 1. lib. 1. monuimus. Vtrumque verò, calidum nimirum innatum, & temperamentum ipsidem dotibus adornat. Nam quoties de calidi innati virtutibus agit, id omnium naturalium actionum auctorem constituit. Què admodum authoritatè Hippocratis docet lib. 8. de Placitis c. 7. & comment. 5. in sextum Epid. Idem attributum temperamento concedit, vt ex superioribus libro, & nunc præcedentibus constat. Monuit quidem lib. 2. de facult. natur. c. 9. actiones naturales à similitudine partium temperamento dependere. Lib. 3. de causis puls. c. 9. coctionē à calore natuo fieri. Temperamentum eiusdem coctionis effectorem statuit, dum de prima coctione agit lib. 3. de sympt. causis c. 1. aiens: Hæc igitur omnia nobis indicauit concoctionis modus præcognitus. Scientes enim quod quatuor elementorum certa quædam temperies, quæ proprietatem corporis ventriculi effecit, mutationis ciborum est causa, tum quod plurimam in id vim, calidum elementum confert. Perspicue sanè his verbis ostendit temperamentum esse calorem natium; Nam calorem natium, vt tactum est comment. 14. & 15. lib. 1. aphorism. & alibi temperatum ex calore & frigore esse vult, agendi tamen vim potissimam calori tribuit. Idem, nunc disertè docet; dum inquit quatuor elementorum certam peculiaremque temperiem esse chylicationis in ventriculo causam, calorem tamen reliquis

*Eadē sunt
caloris nati-
ui, & tem-
peramenti
attributa.*

quali-

qualitatibus contemperatum præcipuè habere vim. Nec mirum, cum temperamentum constituat ipsius corporis essentiam naturamque. Vnde lib. 1. de usu part. c. 9. ait: Insunt autem primum & maximè temperamenta, quippe quæ propriam particularum substantiam complent: corpus n. tale natura est; propterea quod caliditate, frigiditate, humiditate, siccitate sic commixtum est: nam carni esse carnem, & neruo neruum, & aliorum unicuique id esse, quod est, ob qualitatum quatuor prædictarum certam quandam temperaturam contingit. Hæc igitur eis secundum substantiæ rationem insunt: consequuntur autem necessariò odores, vapores, colores, durities, mollities; alia verò necessariò accidunt positio, magnitudo, conformatio: Et paulò post. In primis disquire per quod actionem nactum fuerit organum: magna enim ex parte per propriam substantiam inuenies &c. Hic enim situm partium, magnitudinem, connexionem, atque conformationem necessariò accidere docet Gal. sed in ordine ad temperamentum (quia partes similes sunt tanquam instrumetalium elementa.) Nam si sermo sit de mera partis organicæ constitutione, iam dicta primariò in ea considerata veniunt; Et secundum essentiæ rationem insunt: vt superiori libro, & c. 1. lib. 1. huius operis cum Gal. diximus. Rursus Gal. libr. 5. de simpl. medic. facult. c. 9. calidum innatum primum animæ instrumentum vocat. Sed hoc encomium temperamento congruit, quòd primum ab hoc operationes procedant, teste Gal. citato superius c. 5. lib. de constit. artis med. & lib. 1. meth. c. 6.

*Calidum
innatu pri
mū animæ
instrumen
tum.*

Sed aduersus expositam hætenus doctrinam obstrepūt nonnulli apud Albertum Mag. lib. 10. de animal. tract. 2. qui quandam cæli substantiam, quam calidum innatum vocitabant, in viuentibus reperiri contendebant. Hæc ipsa cælestis substantia est quam non in viuentibus modò, sed in omnibus mixtis, tanquam quintam essentiam, nostri sæculi Chymici fingunt. Calorem natiuum viuentium cælestem, & specie ab elementari distinctum admittebant inter alios authores Conciliator differ. 48. & 59. Marcellus lib. 2. de anima cap. 143. Picus Mirandulanus libro 3. contra Astrologos. Bartholomæus Anglicus de rerum proprietatibus lib. 3. c. 1. Niphus lib. 1. meteor. & tandem Fernelius lib. 4. suæ Physiol. c. 1.

Primum illorum argumentum est Aristotelis autoritas, lib. 2. Physic. cap. 2. tex. 26. vbi habetur, quòd Sol & homo hominem generant. Ergo Sol cælestem calorem materiæ fetus tribuit, vt idem calor tanquam Archigonon, id est, primigenium (sic enim calidum innatum appellat Galen. lib. contra Lycum c. 7.) omnibus præsit actionibus tum in semine, tum deum in ipso viuente. Lib. 2. de gener. animal. c. 3. ait, animantium caloré qui vitam tuetur nec igneum esse, nec ab igne orrum ducere; sed in spiritu cælitus delapsum insidere.

1. Obiectio

Ad hæc facilis est responsio. Primò citando Aristotelem plurimum peccant omnes, sicuti & ipsi Conimbricenses; qui licet nobiscum sentiant calidum innatum non esse cæleste, habent tamen citata iam verba: sed in spiritu cælitus delapsum insidere: Talia quidem verba apud Arist. cit. cap. non habentur: sed sic loquitur, Inest enim in semine omnium, quod facit, vt fecunda sint semina; videlicet quod calor vocatur. Idque non ignis, non talis facultas aliqua est, sed spiritus, qui in semine, spumosoque corpore continetur, & natura quæ in eo spiritu est proportionem respondens elemento stellarum. Quamobrem ignis nullum animal generat, neque constitui quicquam densis, vel humidis, vel siccis videtur. At

Solutio.

verò Solis calor & animalium non modò qui semine continetur, verùm etiam siquid excrementi quasquam diuersum à natura, tamen id quoque principium habet vitale. Caterùm calorem in animalibus contentum, nec ignem esse, neque ab igne originem ducere, apertum ex his est. Nemo inter hæc verba inueniet calorem natiuum esse caelestem. Secundò præfati authores peccant in citati textus interpretatione. Nam quando Aristoteles inquit naturam spiritus, qui in semine est, respondere proportionem elemento stellarum, loquitur propriè de virtute seminis formatrice, simul fortè & alteratrice, nos verò propriè loquimur non de calido innato seminis & sanguinis, sed de calido innato relicto ex semine & sanguine in partibus, in quas semen & sanguis lege generationis transmutantur: cum generatio vnius sit alterius corruptio. Sed de hac re, vt dixi, non est amplius quaestio. Nā tamen si virtutē illam formatricē in semine latitudinem vocet sapissimè Galenus quid diuinum, & calor natiuus copiosus in eodem semine extet, difficultas tamen est de virtute à semine relicta in partibus genitis; quæ quidem virtus non est ampliùs, sicuti in semine fecunda. Quoniam in semine duplex viget facultas; alteratrix nimirum, & formatrix. Hæc autem est quæ admiratione digna censetur; quæ tamen in corpore ex semine & sanguine genito non ampliùs elucet; cum de nouo in corporibus partes non efformentur, sicuti in prima eorundem corporum generatione, si dentium regenerationem excipias. In viuente ergo genito potissimùm alteratrix superstes est. Ergo dispar est principiorum (seminis scilicet & sanguinis) & corporis ratio. Cum principiorum integræ virtutes nunquam in composito siue naturali, siue artificioso, dummodo in hoc debitè commisceantur, remaneant. Denique, posito quòd Aristoteles de viuentium calido innato loqueretur, præfati Doctores non exactè ipsum intellexerunt, quia solummodo inquit, naturam spiritus, qui in semine est, proportionem respondere elemento stellarum. Ergo noluit naturam spiritus, qui in semine est, esse portionem calis, aut calorem è cælo in corpus viuens desuper trāslatum. Nam quæ proportionem correspondent diuersæ naturæ sunt, diuersiq; generis, aut saltem speciei, Vt pes montis proportionem dicitur correspondere pedi animalis, & tamen hi duo pedes analogicè tantum conueniunt. Aristoteles semper ita loquitur, & inter alia exempla libro. 2. de partibus animalium cap. 5. hæc habet: Caro autem & quod carni proportionetur vini obtinet sentiendi. Ecce quomodo carnem manifestè distinguit ab eo, quod carni proportionatur.

Quæ proportionem correspondent non sunt eiusdem speciei.

Calor noster duas ob causas cælestis dicitur.

Caterùm rectè docet Arist. calorem qui in semine est non ab igne nōstrate vehementi, qui vix dicitur, originem traxisse; nec etiam à solo ignis elemento, eiusue solo calore, qui nihil solus generat, sed à generante quatuor primis qualitatibus simul contemperatis dotato; ita vt hoc modo suauis Solis calori in superficie terræ ex reflexione radiorum luminis productus, & à Luna noctu contemperato, in virtute respondeat. Eius etiam virtus Solis caloremque influxu caloreque intenditur: proindeque rectè inquit Arist. Solem & hominem generare hominem. Solis porò calor, qui in sublunari tantum mūdo producit, est eiusdē speciei & naturæ cum ipso sublunari: Duobus itaq; modis calor noster cælestis dicitur. Primò, quia à calore Solis vi refractionis radiorum eius in terris factæ, tanquam à generali & mediata causa, disponente iuuatur. Sol tamen in se nec calidus est, nec primis vllis qualitatibus præditus. Secundò, quia vt cælestis calor

lor conseruare dicitur & operari, ita, & calor noster suauis in nobis operatur & omnia peruadit. Hippocrates in hoc sensu loquutus est, dum ait lib. de principiis calorem nostrum cœlestem esse: non enim ex solo calore ignis, vt diximus, calor noster cōstat, sed quatuor primis qualitatibus simul contemperatis. Vnde à nudo calore febrili & igneo specie distinguitur.

Obijcies secundò. Serpentes, Salamandra, sunt animalia magis frigida quàm calida, sicuti inter plantas cicuta, papauer, mandragora, lactuca, hyoschyamus. Ergo si in eis non contineretur aliqua caloris cœlestis portiuncula, quæ sua virtute mirabili, tanquam opifex, omnibus operationibus præset, vix momento temporis durarent; quia frigus in eis igni præpollens, illicò calorem igneum extingueret.

Respondeo, concedendo in prædictis viuentibus frigus in gradu excedere calorem; sed in virtute agendi nequaquam. Nam, vt superiori libro diximus, vnicus gradus caloris est æquè actiuus, ac duo, aut tres frigoris. Atque adeò, cùm minori copia calidi quàm frigidi prædicta viuentia viuere possunt. Nam licet frigus sit copiosius, non est tamen multò intensius calore in ratione operandi. Calor enim est naturæ præcipuus minister actiuus, frigus verò per se ad opera naturæ non concurrir, nisi caloris vim cohibendo, & contemperando: Namque non solus calor, sed temperamentum, quod est calor natiuus, agere dicitur.

Obijciunt tertio Arist. qui lib. 5. Politicorum c. 8. mortem definit per extinctionem caloris natiui in humido; quod indicium est calori natiuo frigus non opponi. Respondeo negando consequentiam. Nam siue calor natiuus depereat per suffocationem, aut resolutionem, aut defectum partium, aut à nimio frigore, semper frigus in corpus introducit, prout calor diminuitur. Vnde licet febrili ardore corpus aestuet, cor tamen deficiente calore natiuo refrigeratur, præcipuè imminente morte, vt habet Galenus lib. 6. Epidem. & confirmat Hippocratiens, spiritum frigidum, id est, aerem frigidum expiratum, esse mortis indicium. Quod sanè in ijs, qui ob febrem ardentem moriebantur sæpè notauimus.

Concludendum ergo calorem natiuum non esse cœlestem: quoniam, si cœlestis esset naturæ, viuentia nequiquam interitui obnoxia essent: Rector quidem & opifex, cui nihil aduersatur, in omne æuum durabilis est, ni Deo beneplacito aboleatur. Sed calor natiuus post animam in viuentium corporibus est omnium operationum Rector & opifex, eique nihil aduersaretur si cœlestis naturæ, cui nihil aduersatur, portio esset. Ergo semper ex se durabilis esset. Proindeque nos homines à quouis interitu declinaremus, quod duplici eoq; immortalis Rectore, nostræ quævis operationes regerentur. Anima quidem immortalis corporis humani substantialis forma, eiusdem corporis primum regiminis clauum obtinet: Calor ille cœlestis, ex aduersariorum decreto, secundo loco cuncta in nobis moderatur: Et hæc ambo, tanquam actiua, nobis insunt. A quo ergo corpus nostrum corrumperetur: Nam omnia reliqua in corpore, tanquam subiecta, ab his conseruaretur: dicta verò agentia anima & calor cœlestis eadem subiecta nunquam destruerent; quia in ea, nulla cum aduersitate, agunt; sed potius rerum sublunarium custodiam moliantur. Hinc inferendum homines saltem, in perpetuum duraturos. Sed contrarium experientia docet. Ergo præfati authores experientia relictantur, & solida doctrinæ Hippocratis, Galeni, & Aristotelis gratis, & sine fundamento aduersantur. Hippocrates autem lib. de natura hominis omnia mixta ex qua

2. Obiectio

Solutio.

Frigus non
aggreditur
opus natu-
ra.

3. Obiectio

Solutio.

Quatuor
modi calor
natiuus de-
perit.

Calor nati-
uus non est
cœlestis.

Omnes calores sunt eiusdem speciei, sicuti omne frig.

quatuor elementis contemperatis fieri manifestè docet. Plato calidum innatum ignem vocauit. Aristoteles lib. de respir. & alibi, animam mediante igne operari disertè docet. Lib. 2. de anima c. 4. tex. 49. & 41. ignem animæ concausam statuit. Idem etiam Aristoteles in meteoris docet generationem, quæ animalibus & stirpibus inest à quatuor elementis fieri. Galenus totus est vt probet ex quatuor elementis fieri calidum innatum. Calor ergo natiuus elementalis est, & non caelestis. Nec rem bene definiuit Langius dum lib. 1. Epist. medic. epist. 13. calorem triplicem constituens, vnum elementarem, alterum caelestem, tertium ex vtroque compositum: Ad quid, obsecro, illa multiplicitas, cum vni frigori specie, vnicum specie debeat contrarium calidum.

CAPVT III.

Quotuplex est calor natiuus?

Datur calor natiuus.

Sex species caloris ex Mercato.

Perstringitur Mercatus.

Duo calores à quibusdam positi.

PRæter aliquem mente captum, nemo negabit in nobis calorem insitum includi, cum sensu tactus, ipse, ipsiusque varij motus percipiantur. Nonnulli multiplicem eum calorem statuunt, vt paulò ante ex Langio deduximus. Mercatus lib. 1. de pulsib. tract. 2. c. de pulsum vsu, sex caloris differentias in nobis admittit. Primus calor est elementalis mixtis omnibus communis. Secundus est calor ex semine & sanguine in perfectis animalibus relictus. Tertius est calor temperamenti cuiusque partis ex vtroque præfato, resultans. Quartus est acquisititiuus extraneus, & aduentitiuus dictus ætatum decursu contingens. Quintus calor est influens. Sextus est actiuatus, vegetus, & viuificus, quem temperiem ex influente & innato constitam, totique corpori communem appellat. Sed hæc diuisio vaga est & superflua. Primo, quia de extraneo acrique calore natiuo, superuenienti non agimus, sed de solo natiuo. Secundò in hoc indiuiduo viuente frustra tot indiuidua caloris admittuntur, cum vnicum temperamentum tanquam omnium actionum concausa sufficiat.

Alij calorem nostrum in duos diuidunt, in innatum Græcis *ἐμφυτον*, & connatum *σύμφυτον*. Innatum calorem siue *θερμὸν ἐμφυτον* vocant Peripatetici calorem ortum ex causa nobilissima, calis nimium, à quibus paterno semini infunditur, elementoque quinto, calò scilicet, correspondet; talis calor in corde sedem habet. Et hic calor formalis à quibusdam dicitur, quia se habet tanquam connati forma: & commune temperamentum dicitur, eiusque extinctio mors appellatur. Calorem verò connatum *θερμὸν σύμφυτον* Græcis, materiale quid vocant, & proprium temperamentum constituit: nam postquam caelestis ille calor deperit, & mortuum consequenter est animal, proprium tamen temperamentum in cadauere superest, donec putredine corruat. Hac via Langij sententiam à nobis in fine præcedentis capitis tactam, quidam ita tanquam ex se speciosè promittunt, & post eam tumidè expositam, Galenum impudenter arguit quod nuspam calidi innati originem disertè exposuerit. O demens doctorule, quia tibi assuetum est Sanctos Patres & Ecclesiæ Doctores in rebus fidei quotidie tuæ sectæ more reprehendere, tuas ineptias adhuc in Galenum, quem non legisti, expuere audes. Nihil habes præter rapsodias, Galenum aliquando per tabulas Brasauoli paginatim citas; alioquin planeticè, more quo-

rundam semper. Nos iam à nonem & decem annis deliram illam doctrinam de substantia caelesti, quam in corporibus viuentium inueniri autimant, contra quandam Chymicum agentes fusè refutauimus.

Quare vnicum admittimus in toto corpore Petri calidum innatum, ipsius nimirum temperamentum. Verùm claritatis ergò calidum innatum duplex cum Galeno statuemus, vnum insitum, alterum influens. Vtrumq; calidum spiritus dicitur, vnus insitus, alter influens. Spiritus insitus est calor cuique parti à primo ortu insitus. Spiritus influens dicitur calor seu potius calidū à principib; partib;, & præcipuè à corde in quasuis corporis partes diffusū, vt spiritus implātatus siue fixus reficiatur, foueaturq;. Spiritus ille influens fixus est & innatus ratione partis in qua est, fluens tamē, quando à parte principe aut præcipua aliò transmittitur. Sed spiritus natura paulò altius reperenda.

*Calidū in
natum du-
plex.*

Cū facultatū in vniuersum corpus diffusio vehiculo spiritu fiat, sciendum quid spiritus? Spiritus nomen diuersimodè ab antiquis sumitur. Primò pro omni re spiritali, seu pro substantia immateriali. Secundo ab Hippocr. lib. de principijs, sumitur pro aere: Spiritus, inquit, est qui vocem edit. Lib. de flatibus etiam aerem spiritum appellat. Tertiò eodem lib. ventū spiritū nominat. Quartò expirationem appellat spiritum in Prognosticis, aënis; Spiritus frigidus est prænunciū mortis. Quintò Gal. lib. 1. Epid. comment. 3. ait, Hippocr. nomine spiritus intellexisse respirationis differentias, flatus etiam, & ructus. Hippocrates in prognosticis pro eadē respiratione difficili spiritum sumit, dum inquit; Spiritus autem qui creber est dolorem significat, aut inflammationem in regionibus quæ supra præcordia sunt. Pro eadem respiratione eum accipit libro de victus rat. in morbis acutis: Spiritus, inquit, paruus est. Et rursus: Spiritusq; renulsiō frequens.

*Spiritus est
facultatū
vehiculū.*

*Spiritus
quintupli-
citer accipi-
tur.*

Verū nos spiritum, cum torrente Medicorum, accipimus pro substantia quadam tenui calidaque, quam calidum innatum dicimus, pro vt nos docuit Gal. lib. 5. de simplic. medic. facultatib. c. 9. vbi hæc habet: Sed nos dicta Hippoc. haud perperam capere oportet: ac cognoscere innatum dixisse calorem, quem in quoque animantium, & natiuum spiritum nominamus, de quo, & Arist. scriptum reliquit. Verū nihil prohibet, sanguineam substantiam, simulque aeream, aut seminalem vnā cum spiritu calidum inaudire innatum. At Stoici quidem hunc ipsum spiritum, animæ esse substantiam autimant. Nos sanè de animæ substantia non admodum pronuntiare audemus, & ad præsens superuacaneum arbitramur; quanquam nos iam ante spiritum innatum, etiamsi non sit animæ essentia, saltem primum eius. esse instrumentum in commēn. de Hipp. & Plat. placitis demonstrauius. Et certè dicimus eum spiritum in omnibus animantis contineri partibus, sed non vndequaue esse sui similem, veluti nec sanguinem esse necesse: Rectè sanè calorem natiuum cum spiritu confundit Gal. vnā cum Arist. alijsq; veteribus. Sed nomine spiritus, insitum intelligit, quem complantatum appellat lib. de theriaca ad Pisonem c. 17. & cap. iam citat. lib. 5. de simpl. medic. facultatibus; vbi eam mentem aperiens, expressè inquit; Et certè dicimus eum spiritum in omnibus animantis partibus, sed non vndequaue esse sui similem, veluti nec sanguinem, esse necesse. His, enim clarè demonstrat spiritum illum implantatum, siue calorem natiuum partium corporis à principijs nostræ generationis, semine & sanguine fuisse in partibus relictum, sed inæqualiter:

Quid spiritus.

*Stoici spiritū
in animā
vocant.*

*Calor nati-
uus & spi-
ritus con-
funduntur*

*Spiritus in
suis non
est in omni-
bus parti-
bus eiusdē
naturæ.*

nam partes ex spirituosiore seminis & sanguinis portione genitæ, calorem innatum, siue spiritum implantatum probèque elaboratum obtinent; partes verò terrestriores, & aeræ ac igneæ substantiæ minus participes, multò minorem copiam continent, & frigidiori temperamento gaudent. Talis naturæ sunt ossa, cartilaginee &c. Primæ conditionis sunt cor, hepar &c. Hunc spiritum implantatum cuilibet parti insertum ipsius seminis portionem esse multi statuunt. Sed existimo calidum innatum non esse semen, nec seminis portionem, sed esse aliquid redolens seminis, & sanguinis naturam. Nam corpus est aliquid ex semine, & sanguine productum, vi Archigoni, siue primigenij caloris, non autem ipsa semen, & sanguis. Indicauit Gal. cap. illo 9. lib. 5. de simpl. med. facul. calidum innatum non malè appellari substantiam quandam sanguineam, aeream, atq; spirituosam. Exponit .n. calidi innati substantiam, sicuti fecit comm. 14. & 15. lib. 1. aphor. alijsque locis superiùs à nobis cit. in quibus ait, calidum innatum esse substantiam, aeream, & aqueam. Et verisimile est ipsum loquutum fuisse de archigono siue calido primigenio seminis & sanguinis principiorum generationis.

*Quid cali-
dum inna-
tum.*

Non leuis est controuersia de constitutione calidi innati, siue spiritus complantati. Nam quidam existimant, sicuti doctus Fernelius, calidum innatum esse quid aggregatum ex calore, spiritu, & humido radicali: Vnde sic calidum innatum definit, inquit. Ergo si quæ illius pronenda est definitio, calidum innatum est humidum primigenium, insito spiritu, & calore vndique perfusum. Id nempe humidum, cui spiritus & calor ab ortu est inditus, in quo saluus viget & conseruatur. Tribus ergo illis coniunctim calidum innatum continetur, quamquam hoc ipso nomine quidam spiritum ingentum appellant, at rariùs, nec satis propriè. Calorem igitur, spiritum, humidum primigenium, & crassamentum partium solidarum ex semine relinqui putat Fernelius, carnosam verò substantiam à solo sanguine materno processisse; humidum tamen oleosum, non verò carneum, nec aqueum, aut alimentitium, vnà cum spiritu & calore, calidi innati substantiam essentiamue constituere. Doctè sanè: sed vt Galeni doctrinæ adhæream, dicere malo, tenuiorem illam substantiam aqueam, aeream, atque igneam, in rigore loquendo, spiritum appellari, qui quidem cum prætenui substantia & calore constet,

*Humidum
radicale
quid.*

immediatè humido illi oleoso, radicali dicto, tanquam immediato subiecto, seu potius pabulo, insidet: humidum enim illud instar olei, est id, quod calidum innatum suo gremio fouet, licet vtrumque insit parti similari, tanquam pars partis similis. Nam quamuis quæuis pars similis sit ex quatuor elementis commixta, quia tamen immediatè sit ex principijs nostræ generationis, triplici adhuc parte constabit, solida nimirum, quæ potissimum ex aqua & terra conficitur, substantia oleosa, ac demum spirituosa. Cum ergo humidum radicale, & spiritus implanta: us concurrant ad compositionem partis similis, anima informantur, & viuunt; quamdiu nimirum fixam & stabilem partem componunt: nam si à partibus segregentur, vix viuentis partis rationem obtinent. Veteres illi Academici animam quodam perlucido corpore vestiri, antequàm crassum corpus attingat, infortetq; rebantur. Propterea Alexander Aphrodis. spiritum vocat animæ & corporis vinculum perquam idoneum, ratione videlicet operationis; quia cum spiritus sit animæ instrumentum, tam diu permanebit anima in corpore, quamdiu durabit spiritus. Vel secundum Academi-

*Spiritus
& humidū
radicale
viuunt.*

eos loquutus est, quia spiritus propter sui tenuitatem & splendorem, ad animæ substantiam, licet incorpoream & protinus spiritualem, quam crassum corpus magis accedere videtur; quia tamen idem spiritus corporeus est, etiam crasso corpori familiaris est. Et sic non incongruè dicitur medium quid inter animam, & corpus opacum.

Si aliquis curiosius quærat, quodnam sit caloris natui subiectum? respondemus esse vniuersum corpus; ne tamen extinguatur, semper hære- *Totum cor-
pus una cū
humido ra-
dicali est*
re suo pabulo, humido radicali; quod etiam cunctis corporis partibus inest; in quo, tanquam in oleo, calor natuius instar flammulæ accensus est, donec tandem idem humidum radicale deficiat. Certum tamen est, quod calor natuius humidi radicalis vltimam guttam non absumit; etiam in naturali morte: nam in senio ob excrementitios humores extinguitur, antequam integrum humidum radicale digerat resoluaturque. Et sic in ca- *caloris na-
tui subie-
ctum,*
dauere superest calidum aliquod æreum, sed parum igneum, vsq; ad perfectam cadaueris putrefactionem.

Quoniā spiritus insitus faciliè exolueretur, & euanesceret, & à recrementis extingueretur, someto eguit, & spiritu influente dicto. Spiritū in vniuersū, quemadmodum iam antea fecimus, diuidunt authores in spiritum insitum, & spiritum influentem. Spiritum insitum, siue complantatum, siue calorem natuium, fusè exposuimus. Spiritus influens est ille, qui à principibus partibus in vniuersum corpus diffunditur, vt nimirum sit delator & vector facultatum, siue virium earundem partium principum, quibus egent reliquæ corporis partes ad sua munia perficienda. Spiritus hic influens vnicus ab Aristotele constituitur, quia vnicum principium omnium facultatum cor esse dixit; atque adeo secundum Peripateticos dabitur vnus spiritus vitalis, qui vitam, motum, & sensum, partibus vniuersis afferet. Hic ipse animalis diceretur, quoties animales functiones inuat: naturalis quoties naturales. Alij magis liberales duplicem admittunt spiritum, vitalem, & animale. Alij tertium his addunt naturalem spiritum. Hippocrates lib. 1. de Dieta docet calorem omnia peruadere: Et cum legibus Philosophiæ obster accidens de subiecto in subiectum transferri, rationi consentaneum fuit calorem cito motu aliorum ferri vehiculo spiritui, subiecto prætenui, & penetrante corpora. Hoc totum vocatur ab omnibus spiritus; quem omnes admittunt, præter nouatorem quendam, Simonem Acampum, qui inquit: Nam spiritus animales, & vitales dicti, sunt figmentum quoddam Stoicorum, & nihil omnino sunt in rerum natura. Dicit ideo Galenum errare libro de vsu pulsum, capite vigesimo tertio, & libro de formatione fætus capite tertio, alijsque in locis, in quibus asserit, calorem aliquem naturalem influere, ac proficisci à corde in alias animalis partes, vt excitet, augeat, toneatque aliarum partium insitum calorem, qui ideo caloris insiti actus & perfectio dicitur. Verum mordax hic vir parum rectè philosophatur: nam si vnquam riguit ex frigore vehemente, aut propter febrem intermittentem, aut si verecundum se vnquam exhibuit, expertus est calorem natuium, non insitum, vt loquitur Gal. sed influentē intro ad viscera ferri. E contra si gaudio vnquam perfusus est, aut ira commotus, necessariò persensit calorem fluentem à visceribus ad extrema corporis recurrere. Ergo cum veteribus satius est spiritus influentes admittere, quā cū Acampō aberrare. Omnes admittunt vitalem spiritum influentem, quo natuius partium calor perficitur, & excitatur, ad omnia eiusdem partis munia obcunda: & præcipuè ad vitam par-

*Spiritus in-
fluentis ne-
cessitas.*

*Spiritus in-
fluentis qui-
dē quatuor-
plex.*

*Acampio-
ror.*

ris conseruandam, Argenterius & alij credunt spiritum animale non nisi quibusdam accidentibus à vitali differre. Decipiuntur tamen, quoniam si non differrent essentialiter inter se spiritus animalis & vitalis, nunquam in apoplexia, epilepsia, & similibus morbis, sensu & motu priuarentur homines; quia spiritus vitalis in vniuerso corpore tunc non deficit. Ergo si spiritus vitalis non differt ab animali, sensum & motum omni tempore in corpore iuuabit. Sed in apoplexia, quantumuis abundet in corpore spiritus vitalis, videmus ligari facultates motricem & sensitiuam, quod minus edant suas actiones. Ergo quia spiritus animalis à vitali distinctus à cerebro per neruos ad partes corporis non transfunditur. Præterea cerebrum habet plexum coroidè, & rete mirabile, non alium ob finem, nisi vt in ijs ex spiritu vitali, & aere per nares attracto elaboretur spiritus animalis, qui in superioribus cerebri ventriculis perfectus, in vltimum ventriculum, vt per neruos deinde defluat, relegatur. Fit ergo à vi alteratrice ipsius cerebri, tanquam ab efficiendi causa, ad dicta munia mouendi & sentiendi in varijs corporis partibus obeunda. Sicuti igitur spiritus vitalis tanquam instrumentum & vehiculum facultatis vitalis, corporis partes fouere dicitur, sic spiritus animalis è cerebri gremio ad easdem corporis partes delatus, erit sensus & motus instrumentum.

Spiritum naturalem omnes non admittunt. Primò propter auctoritatem Gal. qui lib. 11, meth. med. c. 5. tres partes corporis, principes enumerat, vitalem, animalemque spiritum clare concedit. Dubiè tamen de naturali loquitur, dum ait: Quod si naturalis quoque aliquis spiritus est, vtiq; is quoque in iecore & venis continebitur. Præterea cum partes omnes habeant insitam facultatem se nutriendi, spiritu naturali tanquam vectore facultatis nutritiue, & aliarum naturalium, ab hepate non egent; ex Gal. lib. de loc. affect. c. vlt. Tertiò in hepate, sicut in corde, & cerebro, nulla est cauitas, in qua commodè elaborari possit. Demum, si daretur talis spiritus, venæ pulsarent, & fieret ex materia tenui, & aerea, sicuti reliqui spiritus. Hæc Marardus lib. 15, Epist. epist. 1.

Sed responsio facilis est: nam Gal. licet dubitauerit ex opinione quorundam, propterea ipsum non negauit. Quia non est ita tenuis, acereus, splendens, ac calens, sicuti ceteri spiritus quin commodè in venis, & iecore, dum sanguis concoquitur & seruescit, generatur. Est enim spiritus naturalis sanguinis vapor subtilior tenuiorque, qui quidem necessariò admittendus est, vt ex eo, simul & aere generetur spiritus vitalis, quemadmodum ex spiritu vitali & aere alterato spiritus animalis. Vt præterea reficiat, nutriatque spiritum insitum, qui alioquin defectu pabuli citò extingueretur. Spiritus autem insitus, cum sit pars partis similis, nutrirì debet & foueri. Fouetur & intenditur à spiritu vitali. Ergo nutrirì debet spiritu naturali, vt potè miti, aereo, temperato, & consimili humido radicali, quod indies hoc spiritui reficitur, sicuti spiritus insitus vitalis spiritu influente. Omnia enim proportionatis refici debent. Ergo cum spiritus insitus spiritu vitali reficiatur, & pars solida corporis nutrimento solido crassoque, necessariò admittendum erit aliquid reficiens humidum radicale, siue oleum corporis. Sed nihil illi magis proportionatum quam spiritus naturalis. Ergo necessariò admittendus. Licet enim non sit ita feruens, vt motum in venis concitet, in sanguinis tamen missione celebrata, etiam in sanis, propter talem spiritum sanguis non guttatim exit cadendo, sed aliquo modo saluando. Sanguini tenuitatem & fluiditatem conciliat hic spiritus. Quamuis facul-

Admittendus est spiritus naturalis.

facultates naturales partibus quibusvis insita sint, aduentu tamen spiritus naturalis nutritio partis augetur; licet quoad calorem sufficienter existeretur ad agendum à calore vitali fluente. Quamuis ergo spiritus naturalis reliquis sit multò crassior, ad præfatos vsus implendos necessarius est, & fertur è gremio iecoris partis principis, (& cavitatibus venarum) in qua plurimum viget calor natiuus, sicuti vitalis è gremio cordis, & animalis ex cerebri sinibus.

Quartum genus spirituum aliqui admittunt, spiritus nimirum, quos testes ad vniuersum corpus diffundere videtur. Sed huiuscemodi spiritus ex femine iam confecto quàm ex testiculis conuenientius effluere videntur. Sed hic huius libri quinti finis esto.

DE FACULTATIBUS ET ACTIONIBUS
CAPITULUM PRIMUM
De sensibus



NELLANI GLACAN

TIRCONALLIENSIS HIBERNI,

PHYSIOLOGIA.

LIBER SEXTVS,

DE FACVLTATIBVS, ET ACTIONIBVS.

CAPVT PRIMVM,

Quid est anima?

*Quare dixit Galen.
anima cognitionem
non esse
necessariam
medico.*



Ordo seruandus.

Motu & sensu animatum ab inanimato differt.

Nimæ cognitionem Medico necessariam esse negat Gal. comment. 5. lib. 6. Epid. Et fortè, quia ipse ingenuè confessus est se animæ essentiam ignorare: vel quia temperamentorum cognitionem medico sufficere existimauit. Vnde scriptus ab illo liber, *Quod animi mores sequantur corporis temperamentum*. Hoc autem cum antiquis, tanquam mixti formam, ille proluxa oratione perseruatus est. Nos tamen, quoniam animæ naturam ex operibus cognoscimus, ac insuper nostræ immortalitatem credimus, videmusque ab ipso Galeno librum conscriptum de cognoscendis, curandisque animi morbis, quos perturbationes vocant, animæ definitiones ab Aristotele propositas, postquam de animæ instrumento calore natiuo peregrinamus, libenter exponemus: vt rursus animæ facultates, & harum actiones magis perspectas habeamus; præposita cognitione causæ earundem, ipsius scilicet animæ. De actionibus autem separato libro non agemus, propter arctam coniunctionem quam cum ipsis facultatibus habent. Perdifficile quidem est facultatem sine sua actione, aut hanc sine sua facultate commemorare, Coniunctim ergo de his hoc libro.

In nulla re Philosophorum animi ab inuicem magis distracti, quàm in animæ cognitione, deprehensi sunt. Omnium fermè opiniones proponit Arist. lib. 1. de anima, vbi cum omnibus veteribus concedit, Animatum ab Inanimato in duobus maximè differre, motu scilicet, & sensu. Ex quibus simul, vel ex alterutro, tanquam rebus manifestissimis, animæ sensitiuæ & rationalis, cuius naturam potissimum inuestigabant, quidditatem eruere conati sunt. De naturali quidem motu, quo mixtum ratione prædominantis elementi sursum deorsumue inclinatur, præfati Philosophi non sunt intelligendi, sed de motu locali in quemuis locum pro voluntatis arbitrio, aut appetitus impetu, instinctiue.

Animam ergo desiniebant aliqui, id quod maximè & primò mouet aliquid,

quid, ita tamen, ut moueatur. In hac sententia fuit Democritus cum Leucippo, qui animam rotundas & volubiles, ac inquietas atomos esse putabant, instar illorum corpusculorum quæ perpetuò moueri videntur in radijs solaribus: Cum n. huiusmodi corpuscula rotunda & fortè ignea perpetuò agitentur in viuientium corporibus, idonea sunt quæ suis continujs motibus mouere possint reliquum corpus. Sic ergo animæ naturam in istis rotundis corpusculis collocabant isti Philosophi. Sed malè, nam cum omnia corpora, ex ipsorum sententia, atomis constent, inde inferri posset, omnia corpora esse animata: quod tamen experientiæ & veritati relictatur.

Visus est Democritus in Heracliti sententiam incidisse, præterquam quod Heraclitus animam continuū quendam ignem esse putauit: Democritus verò corpuscula rotunda quæ in vacuo segregata spaciabantur, & corporis molem ad motum concitabant. Quidam ex Pythagoricis putabant animam esse corpuscula illa, siue ramenta, siue puluerulenta, quæ perpetuò in aere voluuntur: Alij animam dicebant causam continuæ conuersionis istorum, indiuiduorum corpusculorum; quia talia puluerulenta corpuscula sunt in continuo motu, & agitatione; etiam in ipsa aeris tranquillitate, in qua nulli spirant venti. Seipsis autem talia mouentur. Ergo & anima, cum motus sit illi maximè proprius; cumque sit id quod se mouet, & alia: ut Platoni, Xenocrati, & Aclmæoni tribuit Aristoteles; à cuius tamen iniurijs Platonem Philoponus, cum alijs, supra Aristotélẽ, tuitus est. Anaxagoras dixit animam aut mentem esse id quod mouet. Archælaus etiam dixit mētē, aut intellectū mouere totum, siue vniuersū mundum: & sic motum esse proprium animæ putat. Intellectum enim ab anima distinxit; Democritus nullo modo. Hi fuere præcipui qui ex motu animæ essentiam venari sunt, Et Alcmaeon ex perenni animæ motu eius immortalitatem collegit: nam corpora cælestia, inquit, quia perenni motu circumaguntur, immortalia sunt.

Nonnulli animaduertentes animal sentire & cognoscere; inde intulerunt ipsam animam nihil aliud esse quàm rerum principia, & elementa; siue quid ex his compositum, ut similitudine portionum elementorum ex quibus resultat, cuncta etiam reliqua dignoscere possit. Simile enim inquit, suo simili dignoscitur. Ut ergo antiqui de principiorum numero senserunt, sic de animæ determinauerunt. Nam qui vnicum rerum omnium principium posuere, animam vnico principio constare dicebant: & ita reliqui, quisque secundum suam opinionem. Empedocles itaque, quoniam quatuor materialia rerum principia, terram videlicet, aquam, aerem, & ignem: factina verò duo, contentionem videlicet, siue discordiam, siue litē, & amicitiam, siue concordiam; quæ materialibus tanquam Domini, & rerum omnium factores præ sunt, posuit; ex his iisdem principijs animam componi confirmat. Imò vnumquodque elementorum animam esse dixit, ut testatur Aristot. Empedocles suam sententiā his carminibus declarauit:

Terreæ vis terras, vis humida percipit vndas.

Aether ab æthere sentitur; ab ignibus ignis.

Pax pacem monstrat, litē his aspera sentit.

Alia versio sic se habet:

Terram nam terra, lymphæ cognoscimus vndam:

Ætheraque æthere, sanè ignis dignoscitur igne;

*Democriti
opinio de
anima.*

Cicero lib.

1. Tuscul.

quæst. de

Democr.

seguacibus

inquit: Ni

hil enī est

apud istos,

quod non

atomorum

turba con-

ficiat.

Heracliti

opinio.

Pythagori-

corum opi-

nio.

Anaxago-

ra opinio.

Archalæi.

Empedo-

clis opinio.

Sic & amore amor, ac tristi discordia lite.

Anaxagora sententia. Videtur Plato eandem habere sententiam in Tymæo. Anaxagoras mentem, siue intellectum, tanquam principium rerum omnium, admit- tens, forte animam mentem esse voluit, vt loquitur Arist. lib. 1. de anima cap. 2. Thales non aquam, sed quid mobile, esse dixit: vnde magnetem, quia, ferrum attrahit, animatum esse voluit. Diogenes Appolloniates, & Anaximenes animam aerē esse dixerunt: sicuti Anaximader & Anaxagoras, & Varro, teste Lactantio Firmiano lib. de opificio Dei. Hippon animam aquam esse pronunciauit. Critias animam sanguinem esse dicebat; quia sensu exquisito anima pollet, & propter sanguinem, seu quia sanguis est: vnde Poeta 9. Æneid. Purpureā vomit ille animā. Cor à quibusdā animus dicebatur apud Ciceronem 1. Tusculan. quæst. vnde excordes concordesc- que multi dicuntur. Ibidem Cicero Empedocli tribuit; animam esse san- guinem cordi suffusum. Alij cerebri quandam portionem. Aristoxenus Mulicus, harmoniam corporum, siue temperamentum. Hippocr. spiritum vocat tenuem per totum corpus diffusum, & lib. de corde, in sinistro cordis ventriculo, tanquam in domicilio instrum esse docuit. Vide sis istum libellum. Zeno non multum remotus ab Heraclito, animam con- cretum corporis spiritum vocat. Dycenarchus dixit animam esse nihil. Aristoteles entelechiam, id est, continuatam motionem, vt loquitur Ci- cero, qui cit. loco sic concludit: Huius sententiarum quæ vera sit, Deus aliquis viderit. Nonnulli existimant Galenum velle animam esse tempe- ramentum. Sed longè falluntur; quoniam ex sua sententia nunquam de- terminatè quidpiam de anima dixit. Sed iuxta quosdam Peripateticos, & Stoicos iam temperamentum, nunc verò spiritum appellat, vt videre licet lib. Quod animi mores sequantur corporis temperamentum, & ali- bi passim.

Varia in- terpreta- tiones vo- cis Entele- chia. Ceterum his omnibus nugis omissis, animam corporis formam sub- stantialem esse credimus, quæ ab Arist. lib. 2. de anima c. 1. tex. 6. sic defini- tur: Anima est entelechia prima corporis naturalis potestate vitam ha- bentis, & talis planè corporis, vt partes ipsius sint instrumenta. Prima definitionis particula, Entelechia, authorum animos passim torquet. Boe- tius, & Gaza dicunt *εντελέχεια* significare actum primum. Cicero conti- nuatam motionem esse vult: ita vt hoc attico vocabulo cum, T. vsus fuerit Aristoteles pro *εντελέχεια* cum, S. quæ vltima vox cum, S. dici- tur *απο τῆς εντελέχειας*, id est, vt Latini vertunt, continuatio aut perennitas, siue assiduitas. Verbum enim *εντελέχεια* idem est ac assiduus sum, conti- nuus sum. Cum S. Nemesius hanc significationem animaduertit lib. de nat. hom. cap. 2. planè asseruit Aristot. voluisse animam non esse substan- tiam: motio enim actio quædam est à causa aliqua efficiente procedens. Propter hanc etiā significationem vocis *εντελέχεια*. S. Gregorius Nizenus lib. 2. de anima c. 4. Iustinus pariter Martyr in oratione parænetica ad gen- tes existimant Aristotelem velle animam rationalem esse mortalem more vegetatricis, & sensitiuæ: in quo Sancti Viri Galeno fauent, qui ita Ari- stotelem & Platonem interpretatus est. Philoponus comm. in prædictum cap. ait, *εντελέχεια* significare perfectionem, & autoritate Alexandri ait, *εντελέχεια* latius patere forma; quia præter formam ipsas operationes si- gnificat. Sic enim vult duas significare perfectiones, primam videlicet formam; & secundam, ipsas operationes. Themistius c. 1. lib. 2. de anima *εντελέχεια* perfecti habiam vocat; quia videlicet forma vim habet ac pote- sta-

statem perficiendi materiam. Propterea in notationibus cuiusdam in cap. citatum Themistij sic dicitur: Entelechia dicitur, ait Philoponus; ab eo quod est *ἐν καὶ τὸ τέλειον*; καὶ τὸ συνέχειν, hoc est unum, & perfectum: & simul habere: nam forma causa est materię; & unionis & perfectionis. Simplicius autem ait: *εντελέχεια* est uti perfectio, & *ἐν τελειότητι*, hoc est, in perfectione habens, esse, & veluti per se ens, & in perfectione compositum continens.

Ex hac lubrica vocis *εντελέχεια* etymologia, communiorē in scholis feligemus; dicentes *εντελέχεια* esse actum: qui actus duplex est, primus, & secundus. Primus est ipsa anima; Secundus sunt operationes animę. Ut igitur cōarctetur *εντελέχεια*, siue actus ad animam, additur particula, primus; sic enim distinguitur à secundis actibus. Anima verò dicitur actus, ut distinguatur ab ipsa materia, quę pura est potentia, nec non ab omni alio subiecto. Per eandem particulam, actus, cum alijs omnibus formis, quę generici actus species sunt, conuenit. Additur, corporis naturalis, ut distinguatur ab Angelis, qui nobis ipsis, & cælestibus corporibus quę mouent, assident; sed non informant. Sunt. n. entia completa nullatenus destinata, ut vna cum alio quidpiam per se componant. Quare actus compositi meliùs, quàm simplices dicuntur.

Duplex est actus.

In præfata definitione animę, corpus pro materia organizata & benè disposita ad receptionem animę accipi debet, ut colligitur ex Aristotele cap. definitione primo libro 2. de anima textu. 4. vbi hæc habentur. Quare corpus omne naturale particeps vitę, substantia est, & ita substantia, ut composita. Atque cum tale etiam sit corpus, id est; habens vitam, corpus profectò non erit anima. Corpus namq; non subit rationem eorum, quę sunt in subiecto, sed ut subiectum potius est, & materies. Necesse est igitur animā substantiam esse, perinde atque formam corporis naturalis potentia vitam habentis. Substantia verò actus est: talis igitur corporis est actus. Sed cum actus bifariam dicatur, ut diximus, (quidā n. est ut scientia, quidam ut contemplatio) patet animam esse actum, ut sciētiā. Nam ex eo, quia anima est, & somnus est, & vigilia; atq; vigilia quidem contēplationis, somnus a scientiæ operatione vacanti similis est. Altera a alteram in eodem, scientia, inquam, contemplationem generatione præcedit. Quapropter anima primus est actus corporis naturalis, potentia vitam habentis. In hoc contextu clarè ostendit corpus pro materia accipi, dum ait: Corpus non est eorum quę in subiecto sunt, sed magis sicut subiectum & materia. Dixit præterea corpus completum ex materia simul, & anima coalescere: & tex. 7. materiam pro corpore vsurpat.

Angeli nō sunt forma simplices.

Corpus in definitione materiam significat organizatam.

Corpus pro materia accipitur.

Si autem in animę definitione corpus animatum intelligeretur, procul dubio definitum in sua definitione collocaretur; ita ut verum esset dicere animam esse actum primum corporis animati; id est, materię & animę copulatarum. Adde quòd eadem anima esset ex parte sui ipsius subiectum: Corpus enim cit. cap. dicitur Aristot. animę subiectum. Vnde & materia organizata, simul & anima essent eiusdem animę subiectum: cum tamen ex corpore, atque anima; tanquam ex partibus componentibus, vnū coalescere confirmet Aristot.

Contra ad versarios.

Ad illos qui dicunt corpus in definitione animę accipi pro corpore animato, respondemus id negando; nam quamuis corporis inibi dicatur potestate vitam habere, materia organizata intelligi debet, quę quidem quamprimum animā informat, in potentia est, ut vitę actiones edat.

Diluantur duo dubia.

Quando

Quando rursus aiunt, animā ab effectu formali esse definiendam, more ceterarum formarum, id libenter concedimus; sed negamus hunc effectū formale esse corpus animatum, sed esse id, quod corpori animato dat esse animatum, ita ut possit agere.

Vita bifariam accipitur.

In definitione facta est mentio vitæ, quæ bifariam accipitur: primò pro vita substantiali, siue radicali dicta; quæ radix est & origo omnium facultatum & actionum vitalium. In hoc sensu vitam accipit Aristotel. libr. 2. de anima tex. 36. aiens: Vivere viventibus est, esse: quasi diceret ipsam substantiam, siue animam, per quam, tamquam per formam, viventia dicuntur, esse per se vitam; quia est vitæ manifestæ fundamentum & causa. Secundò vita accipitur pro ipsa vitali operatione, quæ ab anima, tamquam à radicali principio, & à facultate vitali simul dimanat. Huiusmodi vita est nutritio, augmentatio, &c. & vita secunda, ac accidentalis dici potest, cum ipsæ operationes non substantiæ, sed accidentia sint. Hoc in sensu de vita loquutus est Aristot. libr. 2. citat. c. 1. tex. 3. aiens: vitam autem dicimus, quæ per ipsum fit nutritionem augmentationem, & diminutionem. His duabus vitæ acceptionibus tertiam annexere possumus ex Aristotele libro de respiratione capite 18. ubi sic ait: Generatio igitur est prima participatio vegetatricis animæ cum calore. Vita verò est motus eius. Verùm hæc vitæ significatio à priori non multum recedit: nam est ipsa anima, non quidem simpliciter accepta, prout indifferens ad animam separatam, & coniunctam, sed quatenus corpori copulata.

Tertia accipio.

Si corpus organicum in animæ definitione pro materia, simul & anima sumatur, vita in eadem definitione pro radicali, & substantiali accipi nō potest: nam corpus animatum non potentia, sed actu includit animam. Proinde (potentia vitam habentis) idem est, ac esse in potentia ad vitam, accidentalem, id est, ad operationes vitales, ab anima velut à prima radice dimanantes. Verùm iuxta alteram opinionem, quæ vult corpus in definitione animæ idem esse ac materiam organizatam, & dispositam tum in temperamento, tum in reliquis ad animæ receptionem; vita non pro actionibus, sed pro ipsa anima accipi debet; ad cuius receptionem corpus organicum omnibus dispositionibus ornatum, aptum est atque completè idoneum; nondum tamen in potentia proxima ad operationes edendas; cum in potentia proxima tantum extet ad ipsam animam. Ergo in remota tantum ad actiones. Iuxta utramque igitur superius prolatam opinionem, sic vita in definitione animæ intelligi potest.

Post verò definitionem animæ, vel in ipsius fine posuit hæc verba Aristoteles: Et talis planè corporis, ut partes ipsius sint instrumenta: ut ostenderet corpus naturale, de quo antea loquutus est, quodque animæ subiectum constituit, non esse homogeneum, cuiusmodi sunt elementa, lapides & similia; sed corpus tantum organicum, & heterogeneum; cui anima, utpote cunctis reliquis formis præcellens, ad varias functiones edendas veluti compositi compars annexitur.

Secunda anima definitio. Notum est aliquid dupliciter.

Aliam animæ definitionem à posteriori desumptam hoc modo proponit Aristot. eodem libr. 2. de anima c. 2. Anima autem id est, quo vivimus, & sentimus, & movemur, & intelligimus primò. Ut autem rectè intelligatur hæc definitio, in membram nonnulla reuocanda ex eodem Aristotele: libr. 1. Physic. ait, bifariam aliquid esse notum. Quædam enim notiora sunt natura, nobis verò minùs nota: alia verò è contra sunt nobis notiora, secundum naturam tamen minùs nota; cuiusmodi sunt ea quæ sensibus per-

cipiunt-

eipiuntur, siue corpora sensibilia. Idem Arist. lib. 1. Poster. c. 7. docet aliquid tribus modis definiri, vel per formam solam, vel per materiam tantum, vel per utramque causam. Per materiam definitio fit, quando dicimus: domus est compositum ex lignis, lapidibus, cæterisque materiæ, ex qua domus fit, partibus. Per solam formam definitio traditur hoc ritu: Homo est compositum physicum, anima rationali præditum. Per utramque materiam scilicet, simul & formam, definitio hac via traditur. Homo est compositum physicum corpore & anima rationali constans. Hæ omnes definitiones essentielles simpliciter dicuntur; quia per partes essentielles, materiam & formam, traduntur. Definitiones verò quæ per finalem, aut efficientem causam designantur, causales appellantur. Per finalem sic: Domus est compositum artificiale, factum ad cõseruandum hominẽ ab omni temporum, latronum, animalium, & similibus, iniurijs. Per efficientem verò causam sic: Eclipsis est inæpositio terræ inter Solem & Lunam. Tertio adhuc modo definitiones designantur per materiam & formam, & finalem, aut efficientem simul, vt: Homo est compositum physicum corpore & anima rationali constans ad Beatitudinem destinatum.

His præhabitis, ostendit Arist. in assignanda animæ definitione, se à notioribus nobis ad notiora nature, nobis verò ignota, progressurum: incipit n. à corpore animato, quod nobis cognitione confusa notius est quàm aia; quia totum notius est sua parte. Dicit igitur animatum ab inanimato, per vitam differre, & in eodẽ corpore animato, quatuor esse vitalium operationum, siue vitæ genera, quales sunt vegetatio, sensatio, motus progressiuus, & intellectio. Vegetatio, inquit, omni cõpetit viuẽri, & aliquando sola est sine reliquis, vt in plantis: vegetari. n. est, à principio intrinseco nutriri, & augeri, per intussusceptionem scilicet. Ex his quatuor operationum generibus colligit idẽ Aristot. quatuor vitæ gradus. Primus gradus vitæ est eorum viuentium, quæ solummodo, nutriuntur & augentur; cuiusmodi sunt plantæ. Secundus gradus vitæ est ipsorum viuentium, quæ præterquam quod vegetantur, sensu saltem tactus prædita sunt: cuiusmodi sunt bruta omnia, quorum nonnulla loco non mouentur; cuiusmodi sunt pisces quidam marinis rupibus tenaciter hærentes, & testaceo corpore à parte exteriori cooperti. Tertius gradus vitæ est eorum animalium, quæ præter vegetationem, & sensum, motum obtinent progressiuum è loco in locum: cuiusmodi sunt perfectiora animalia. Quartus vitæ gradus est illorum animalium, quæ præter vegetationem, sensum, & motum progressiuum, quantum habent, his longè perfectiorem; & hic gradus intelligendi vel ratiocinandi dicitur, quo, supra omnia viuentia, homo fruitur. Cum sic animatum ab inanimato per opus vitæ ab anima, veluti à principio effectiuo procedẽs, distingueret, & exinde quatuor viuentium genera propter quatuor distinctas operationes colligeret, animam, vt supra, sic definit. Anima est principium, quo viuimus, sentimus, & mouemur, & intelligimus primò. Posuit autem particulam (primò) vt ostenderet nos per animam primò viuere, secundò verò per operationes vitales. In fine præfati cap. visus est per hanc definitionem demonstrasse primam, aien: Anima autẽ id est, quo viuimus, & sentimus, & mouemur, & intelligimus primò. Ergo anima est ratio quædam & forma corporis, sed non vt materia, & subiectum.

Ex hac Arist. doctrina satis constat animam esse formam, eamque substantialem: eam enim rationem appellauit & speciem: id a. quod in composito ratio, & species dicitur, nihil aliud est ex omnium interpretum

*Modus dõ
finiendi tri
plex.*

*Primus ef
fentialis dõ
ciur.*

*Secundus
modus est
causalis;
quo primus
probat.*
*Tertius de
finiendi mo
dus.*

*Totum sub
parte no
tius.*

*Quatuor
operationes
vitales.*

*Quatuor
gradus vi
ta.*

*2. Defini
tio anime.
Particula
primò, ex
ponitur.*

*Anima est
forma sub
stantialis.*

sententia; quam id, quod ipsius essentiali constituit, ipsumque tanquam specie distinctum a reliquis omnibus efficit. Præterea citatis duobus cap. sed præsertim primo, ut animæ essentiali erueret, clarè præsupposuit, substantiam esse triplicem, materiam, formam, & ex his ambabus compositum. Ergo voluit Arist. animam non solum vegetantē & sensitiuam esse formam substantialem compositi organici, verum etiam animam rationalem. A quo iudicio rationē formę substantialis tribus animabus concessit, cum animā in vltima definitione exposuerit per id quo primò viuimus, sentimus, loco mouemur & intelligimus. Sic. n. plātę anima fruūtur vegetatiua, quod nutriatur; animalia sensitiua, quod varias sensatiōes vi animæ edant: similiter homo anima rationali tanquā forma, quod ratiocinetur & intelligat.

Obiectio.

Nec obstat quod dicit Arist. cap. 1. lib. 2. de anima tex. 11. vbi diuersas partes, siue species animę distinguens, ait, quasdam esse à corpore inseparabiles; cuiusmodi sunt anima vegetatiua & sensitiua; quæ quidem ideo inseparabiles sunt, quia sunt actus corporis; actus autem inseparabilis est à corpore cuius est actus. Intellectiuam animam à corpore separari statuit, quia, inquit, nullius corporis est actus. Vnde inferunt animam rationalem non esse actum corporis; adeoque nec formam. Sed, ut dixi, locus ille non obstat: quoniam Aristoteles per diuersas partes animæ non intelligit subiectiuas, siue species animarum, sed partes potestatiuas, id est, diuersas animæ potētiās. Non negat ergo cit. in loco Arist. animam rationalem esse actum primum, siue formam corporis organici; sed solummodò cupit intellectum animæ rationalis potētiā, non inhaerere vlli peculiari parti corporis; more potētiarum animæ sensitiuæ, quæ peculiaria organa in corpore affectant, ut in ijs suas exerceant operationes: intellectus autem pro subiecto habet ipsam animam, ut patet in anima separata, cui tanquam subiecto hæret intellectus. Sic Aristotelem interpretatur & Thōmas, aliique quamplurimi Authores graues. Et textus ipse citatus nullam aliam significationem habere videtur. Posito tamen, quod Aristoteles veller animam rationalem non esse actum corporis, quia à corpore separabilis est, non proinde sibi contradiceret; quoniam verissimum est animam rationalem non esse actum corporis more reliquarum

Anima separata est forma aptitudinaliter.

Omnis anima est actus & forma substantialis.

animarum, vegetatiuæ & sensitiuæ, quæ sine sui corruptione nequāquam à corporibus separantur. Anima verò rationalis separatur, seorsimque sine corporis adminiculo existere potest: semper tamen post ipsam separationem, aptitudinem & respectum ad corpus suam compartem obferuat, ita ut ex se semper idonea sit ad idem corpus, dum in modo debitis dispositionibus affectum fuerit, informandum. Cit. cap. 1. lib. 2. de anima manifestè ostendit animam omnem esse substantiam, & actum siue formam. Postquam autem tex. 2. substantiam genus quoddam entis in materiam, formam, & compositum diuise, ait, materiam esse potētiā, formam verò actum. Actum rursus duplicem ponit: vnus est ut scientia, & anima sic se habet; quia ut scientia speculationem antecedit, sic actus primus, id est anima, actus secundos, id est operationes, ut textu 6. diserte exponit. Alter actus secundus appellatur, quia à primo, dum operatur, emanat. textu 3. corpora maximè substantias esse docet, eaque in ea quæ vitam habent, & in ea quæ non habent distinguit. Vitam a. dicimus; inquit; quæ per ipsum fit, alitionem, augmentationem, & diminutionem. Quare omne corpus naturale participans vita, substantia erit: Substantia a. sic, ut composita. Tex. 4. sequenti hæc

habet. Neceſſe eſt ergo animam ſubſtantiam eſſe ſicut formam corporis naturalis potentia vitam habentis. Tex. 5. ait: Subſtantia a. actus, huiusmodi igitur corporis actus. Tex. 7. Si a. aliquid cōmune in omni anima oportet dicere, erit utique primus actus corporis naturalis, inſtrumentalis Tex. 8. Vniuerſaliter igitur dictum eſt quid ſit anima: ſubſtantia enim eſt quæ ſecundū rationem, hoc a. eſt, quod quid erat eſſe huiusmodi corporis. His declarat Ariſt. ſe animā in communi, prout tres animæ ſpecies comprehendit, definiuiſſe, & omnem animam eſſe ſubſtantiā & actum primum, ſive formam corporis; Omne enim corpus Phyſicum materia conſtat & forma ſubſtantiali. Nam omne corpus Phyſicum, & naturale, eſt ſubſtantia compoſita. Ergo & homo.

CAPUT II.

Quotuplex eſt anima.

Ariſt. libr. 2. de anima cap. 3. tres animarum ſpecies ſtatuit, quatuor gradūs animatorum, & quinque genera potentiarum. Animā igitur in vniuerſum in tres ſpecies, à quibus realiter non diſtinguitur, ſeparatur. Vna, eaque ordine prima, vegetatiua dicitur, quæ plantis ineſt. Secūda ſenſitiua, quæ animalibus. Tertia rationalis quæ homini. Vegetatiuam in plantis non admittebant Stoici, referente Plutar. lib. 5. de Placitis Phyloſophorum cap. 26. quia plantæ appetitū carent. Sed plurimum decipiuntur, cum manifeſtè genereantur, augeantur, nutrianturque plantæ, quæ ideo è terra euulſæ areſcunt, & moriuntur. Sæpe etiam ſcripturæ authoritas hanc ſententiam confirmat. Prima enim ad Corinthios 15. ait Paulus. Quod ſeminas non viuificatur, niſi prius moriatur. Et Ioannis 12. Niſi grānum frumenti cadens in terram mortuum fuerit, &c. Plato in Timæo, teſte Theodoro lib. 5. de curandis Græcis affectionibus, ex aduerſo ait, plantas non ſolum viuere, ſed inſuper ſentire obtuſum tamen & dormientem ſenſum reſpectu animalium habēt. Nam hæc acutiori vigilantique ſenſu prædita ſunt. Magis adhuc liberaliter præter vitam & ſenſum, mentem ſeu intellectum illis concedunt Empedocles, Democritus, & Anaxagoras; vt lib. de plantis c. 1. habetur. Ratio Platonis eſt, quia plantæ videntur bonos ſuccos ſeligere, & attrahere, præterea verò reſpuere. Rurſus quædam arbores fructum nullum reddunt niſi ſeſe inſtat matris & ſemina proxime ſaltem reſpiciant. Pythagorici addunt quafdam arbores punctas, vel ſeiſſas lachrymas propter dolorem illatum effundere. Manichei præter ſenſum rationalem animam plantis concedebant; vt teſtatur Sanct. Auguſt. lib. de hæreſibus Manichæorum hæreſi 46. hanc opinionem ille impugnatur libro 2. de moribus Manichæorum c. 17. eamque ruſtica nam impietatem appellat lib. de quantitate animæ cap. 35.

Relata quidem ſententiā nulli innititur fundamentō, & experientiæ aduerſatur. Nam arbores, & quæuis plantæ re aliquā acutā punctā, aut ſeiſſā nullum edunt doloris ſenſum; cum tamen imperfeciſſima animalia, quæ motu progreſſiuo carent, & dilaſionis, ac contraſionis tantum motu gaudent, puncta, doloris ſenſum prodant; vt videre licet in ſpor-

*Numerus
animarum,
animatorū,
& potentia-
rum.*

*Planta vi-
uunt.*

*Qui ſta-
tunt plan-
tas ſentire,
& intelli-
gere.*

*Perſtringū-
tur tribuē-
tes ſenſum
plantis.*

*Zoophyta
quid.*

*Propter an-
tipathiam
viti Lau-
rus & bra-
sica nocet.*

Obiectio.

Solutio.

*Tria dan-
tur anima-
rum gene-
ra.*

*Motus pro-
gressiuus
quando fit.*

gia, ostreis, alijsque imperfectioribus animalibus; quæ Zoophyta, quasi animalopiantæ, appellantur. Somno rursus & vigilia carent. Pater ergo plantas sensu carere, & sola frui anima vegetatiua dicta: quæ cum vitalem edat actionem, potentiam habet attrahendi familiares vilesque succos, cum quibus sympathiam habet, & reiiciendi alienos tanquam inutiles, inconuenientesque. Propter quandam pariter sympathiam, non propter sensum vllum aut rationem, quædam plantæ sibi vicinæ instar maris & faminæ, quàm à se distat melius nascuntur. Hæc anima vegetatiua, sola atque separata à reliquis animabus in plantis reperitur; sicuti sensitiua sola in animalibus; & rationalis sola in hominibus.

Cæterum sicuti duas tantum animas sensitiuam & rationalem admiserunt Stoici, quatuor animarum genera concedunt Caietanus & Ægidius: quia inquirunt, cum animatum per animam tale constitutur, & ex Arist. quatuor dentur animatorum gradus: hinc necessario inferenda quatuor animarum genera.

Sed non erit difficile his authoribus respondere. Libenter enim concedimus animatum per animam constitui. Negamus tamen allatam paritatem, quæ fuit, danda esse quatuor genera animarum, eò quòd Aristot. quatuor animatorum concederet; dispar enim vtroque est ratio: quoniã diuersimodè constituuntur ab Arist. tria genera animarum, & quatuor genera animatorum. Nam animarum genera ex ipsa primaria & radicali animæ essentia in ordine ad suas operationes, ad ternarium numerum reducit: animatorum verò generum sine gradus viuèrium ex ordine quodam ad ipsam et subiecta siue animata, in quibus seorsim vitales gradus elucet. Genera itaque animarum desumuntur à diuersis operandi radicibus, quibus omnis anima suas exerit vires. Quare cum anima tribus solùm modis generalibus seu vniuersalibus, dici possit, vitalium operationum radix, tria tantum constitui debent animarum genera. Primus modus est, quo anima sublimiori operatione, quia vitali, quàm inanimata, minori tamè cognitione quàm reliqua viuèntia, suos producit effectus: & sic anima per modum naturæ est principium per se constitutum ad multiplicandum, conseruandum, & augendum. Multiplicat enim generando sibi simile. Illud simile vitale per generationem productum, nutritione conseruatur: idemque tandem vitale augmentatione augetur. Anima igitur illa, quæ generationis, nutritionis, & augmentationis principium est radicale, dicetur primùm genus animæ, quæ communiter vegetatiua appellatur. Anima autem quæ est radicale atque internum principium operationum vitalium cum quadam imperfecta cognitione, secundum animæ genus constituit: & talis anima sensitiua dicitur, & aliquo modo cognoscens, licet imperfectè. Cognitionem quidem habet sufficientem, vt inde appetitus sensitiuus excitetur ad bonum aliquod acquirendum: rursus mediante tali cognitione, & appetitu sensitiuo fit motus progressiuus, aut saltem dilatationis, ad boni desiderati acquisitionem. Tertium animæ genus constituit internum, illud, atque radicale principium vitalis operationis, quæ se habet ad modum perfectæ cognitionis non elicitæ ope organi corporei, sed immediatè ab ipsa anima, quæ rationalis dicitur; quæque in solis hominibus reperitur; sicuti sensitiua in animalibus, & vegetatiua in plantis. Vegetatiua anima, inquit Aristotel. cap. 3. libri secundi de anima, se habet ad sensitiuam, eo modo quo trigonus siue triangularis figura se habet ad tetragonum siue quadrangularem; & sensitiua ad rationalem sicuti tetragonus ad pentago-

num siue figuram quinquangularem. Nam vt trigonus virtualiter in tetragono continetur, sic similiter vegetatiua in sensitiua. Et quemadmodum tetragonus virtualiter in pentagono, ita sensitiua in rationali. Licet enim sensitiua vegetatiuam sub se non contineat, quatenus vegetatiua generis distinctum animæ constituit, & in plantis tantum reperitur; quia tamen sensitiua nobiliori quodam modo generationem, nutritionem, & augmentationem efficit, sicuti rationalis etiam nobiliori quodam modo animæ vegetatiuæ, simul & sensitiuæ opera; Sensitiua anima vegetatiuam animam, & rationalis vtramque continere dicuntur; quamuis ipsæ potentie vegetandi, sentiendi & ratiocinandi verè inter se distinguantur. Distracti inter se sunt authores de modo quo sensitiua vegetatiuam continet, & rationalis gradum vegetatiuum, simul & sensitiuum: nam lauellus lib. 2. de Anima. Caietanus 1. part. q. 75. art. 4. D. Thomas 1. p. q. 76. art. 4. videntur velle gradum vegetatiuum in sensitiuo virtualiter atque eminenter tantum contineri; quia aliquid contineri eminenter est posse ab alio agente perfectiori produci; quo modo lux dicitur continere in se calorem eminenter, quia per aliquod esse perfectius, & diuersæ rationis à calore, quod in se habet, calorem producere potest æquè benè, aut multò nobilius quàm calor ignis calorem igneum. Alij vero existimant posteriores animas priorum gradus formaliter continere: Nam aliquid continere formaliter, nihil aliud est, quàm in se habere esse eiusdem rationis formaliter cum esse rei productæ, vel saltem similes operationes præstare: V. g. calor produciens alterum calorem, dicitur formaliter continere illum alterum, quia sunt consimilis essentia & rationis ipsi duo calores: vnde eodè modo suas edunt actiones. Nonnulli putant animam sensitiuam, gradum vegetandi, atque ipsam animam vegetatiuam continere tum formaliter, tum eminenter: pariter animam rationalem gradum vegetatiuum, simul & sensitiuum, atque vtramque animam, vegetatiuam scilicet & sensitiuam: ita vt anima rationalis sit anima vegetatiua, & sensitiua, non solum eminenter, sed insuper formaliter, quoniam saltem æquè benè illarum actiones producit ac ipsæmet. Sed de his fusiùs in lib. de anima.

Nunc sciendum Aristotelem aliter instituisse quatuor animatorum siue viuientium gradus; nam ex ordine ad ipsa subiecta animata dictum numerum quaternarium deduxit. Cum ergo animaduerneret, quatuor esse animata, in quibus diuersæ potentie vitales seorsim reperiuntur, quatuor distinxit viuientium gradus, licet animarum tria tantum extent genera, quæ quidem, vt paulo ante protuli, ex sola ratione essentiali & radicali quas suas edunt operationes colliguntur. Hi verò quatuor vitæ gradus in ordine ad diuersa subiecta, simul & diuersas operationes vitales quas in diuersis subiectis produciunt. Primus ergo vitæ, siue animatorum, siue viuientium gradus est ille in quo tantum vegetatiuæ potentie, sine sensitiuis & intellectiuis, reperiuntur. Secundus gradus est ille qui sensitiuis dicitur, & hunc continent animata illa in quibus sensitiua simul & appetitiua potentie, absque loco motiua, insunt. Viuentia imperfecta, cuiusmodi sunt Zoophyta, dicuntur habere hunc gradum sensitiuum, à quo duæ potentie vitales, sensitiua simul & appetitiua emanant. Et quoniam hæ duæ potentie in eodem gradu sensitiuo coniunguntur, appetitiua nouum vitæ gradum non denotat; sed ad eundem gradum sensitiuum pertinet. Quod probat Aristot. citat. cap. 3. lib. 2. de anima, postquam appetitus diuisionem præmisit. Appetitus in rationalem & sensitiuum distinguitur. Ra-

Vegetatiua anima quatenus genus animæ constituit, nulli subest.

Diuersæ opiniones: de modo quo posteriores animæ priores continent.

Vnde quatuor viuientium gradus designantur.

Appetitus duplex est.

rationa-

*Appetitus
semper pra
cedit cogni
tio.*

*Quid appe
ritus.*

*Appetitus
sensitiuus
duplex, con
cupiscibilis
& irascibi
lis.*

*Appetitus
sensui an
nexus est.*

*Sapor a. v.
nū quoddā
est tangibi
lium, fames
a. & sitis
concupiscē
ria: & fa
mes quidē
calidi &
sicci: sitis
a. frigidi &
humid: sa
por v. v. cō
dimentum
quoddam.
Arist. cit. c.*

tionalis appetitus est ille qui cognitionem intellectus consequitur. Appetitus sensitivus est ille qui sensus cognitionem. Omnis porro appetitus cognitionem aliquam semper sequitur. Nam appetitus in se est potentia vitalis caeca quae per quandam inclinationis modum in bonum totaliter fertur. Quod fieri nequit, quin ei prius proponatur idem bonum a potentia cognoscente: Et si talis praecedens cognitio tale bonum representans fuerit intellectiva, appetitus consequens rationalis, siue voluntas nominatur: Si verò praecedens cognitio sit sensitiva, appetitus consequens sensitivus appellatur, qui necessario cum potentia sensitiva copulatur: Vnde ad gradum vitae sensitivae pertinet. Hic appetitus duas habet partes, concupiscibile scilicet & irascibile: per concupiscibilem in bonum tendere dicitur, ipsumque amplectitur: per irascibilem omnia remouet impedimenta quae sese in prosecutione talis boni offerunt: Bonum illud ut plurimum consistit in alimentis & Venere.

His praesuppositis duplici argumento probat Arist. appetituum necessarium cum sensitivo copulari. Primum argumentum est: Omne sensitivum, ut minimum, sensu tactus fruitur, etiam si ceteris sensibus careat. Sed sensum tactus ex necessitate consequitur appetitus. Ergo in eodem gradu sentiendi potentia sensitiva, & potentia appetitiva copulantur. Maior ab illo probatur rei naturam declarando: Omni viventi ad suae vitae conservationem, alimentum est necessarium. Quare cum omne sensitivum vivat, & in omnibus suis operationibus ipso sensu ducatur, necessario debet cognoscere atque discernere appropriatum atque congruum alimentum, ut ipsum in sui usum reponere possit. Sed solo sensu tactus tale conveniens alimentum ab inconuenienti discernit. Ergo necessario omne sensitivum sensu tactus saltem pollet; qui propter conveniens alimentum cognitionem, sensus alimenti dicitur. Minorem etiam probat Arist. quia tangendo, ut experientia patet, dolorem perferimus aut voluptatem, qui quidem sunt actus appetitus. Quare appetitus necessario cum sensu connectitur. Quod ulterius probat, quia qualitates primae & propriae alimenti sunt, caliditas, frigiditas, humiditas, siccitas, & quaedam qualitates secundae, suntque obiecta sensus tactus. Ergo a tactu conveniens alimentum ab incongruo discernitur. Gustus enim ipse tactus quidam est ex Arist. sententia. Secundum Arist. argumentum est de eodem alimento. Quibus congruit alimentum assumpti, usus, iisdem convenit fames atque sitis, quae circa idem alimentum versantur. Ergo omni animali insitae sunt a natura fames & sitis, ad sui conservationem; quia ipsorum substantiam calor ipse nativus perpetuo depopulatur: fames a. est appetitus cibi, sitis verò appetitus potus: quocirca omni animali inest a natura appetitus: atque adeo appetituum a sensitivo alium gradum viventis distinctum non constituit.

Tertius animatorum siue viventium gradus est ille, qui ultra vegetationem, sensum & appetitum, in quibusdam animalibus potentiam producit progressivam, siue loco motivam dictam, qua possunt ad nutum animalia sese e loco in locum impellere. Et huiusmodi potentia in animalibus solummodo perfectis, Zoophytis, quae motu dilatationis solummodo & contractionis moventur, minimè, reperitur.

Quartus gradus vitae, siue viventium, siue animatorum, est eorum animalium, quae ultra praedictos gradus, gradum habent intellectuum, quo discurritur & intelligitur: & ad hunc gradum pertinent homines, ut loquitur Arist. ac insuper si quid est aliud altius, aut melius, homine: haec

ultima verba addidit Aristoteles in gratiam quorundam veterum existimantium cœlos esse animatos, & intelligentias, siue angelos corpore preeditos esse.

Tribus generibus animarū, & quatuor animarū præcognitis, non erit arduum ex eod. Arist. lib. 2. de anima, c. 3. quinque potentiarū vitaliū genera seriatim deducere; vt sic præcipua fundamenta totius doctrinæ de facultatibus, & actionibus stabiliantur. Diuisio hæc potentiarū ex eodem, vel diuerso modo operandi desumitur: quæcunq; ergo potētia eundem operandi modū habent, vni idemq; genus potentiarum constituunt. Sed quinque reperiuntur diuersi modi operandi totales potentia vitaliū. Ergo quinque tantū genera potentiarū, ad quæ omnes species reducuntur, admittenda sunt. Prima ergo potētia est vegetatiua, cuius omnes species ad eundē tendunt finem, productionem & conseruationem in diuini. Eundem hæc omnes habent operandi modum: nam generatrix, nutritrix, & auctrix eodem modo, id est, sine ulla cognitione, more ferē rerum inanimatarum agunt. Secundum genus potentiarum constituunt omnes potētie sensitiue, quia in modo operandi cum quadam imperfecta cognitione, mediantibus quibusdam speciebus intentionalibus, quas ab obiectis recipiunt, vt ad operandum incitentur, conueniunt. Tertium genus potentiarum est appetitiua potētia; quæ quanquam sensitiue copulata sit, diuersum tamen omnino operandi modum à sensitiua habet; quia hæc cognoscitiua est; adeoque operatur per modū attrahendi ad se, obiectum; appetitiua verò est contra, non est cognoscitiua, & in bonum sensibile inclinatur feruntur; ita vt ab hoc attrahatur, non hoc ab illa. Ergo potētia appetitiua, sensibili annexa, est quid distinctum ab eadem potētia sensitiua simpliciter dicta. Cæterum quoniam appetitus sensitiuus, & appetitus rationalis eodem modo in bonum, ille præcedente cognitione sensus, hic præcedente cognitione intellectus, feruntur, & inclinant, idem genus potentiarum vitalium constituit. Quartum genus potentiarum, constituit potētia loco motiua; quæ diuersum habet operandi modum, tum à præcedentibus, tum ab ipso intellectu. Nam motrix facultas membra corporis animæ auxilio non mouet, nisi præcedentibus sensitiua & appetitiua quæ ad motum animal concitare videntur. Quintum tandem vitalium potentiarum genus constituit potētia intellectiua, quæ quamuis in cognitione cum sensitiua conuenire videatur, diuersum tamen habet operandi modum; quia non est potētia organica. Præterea cognitio sensitiua fit mediantibus speciebus materialibus, & corporeis, quibus nihil spirituale, aut vniuersale percipit, sed res solummodo, singulares atq; sensibiles. Intellectus verò solus spiritualium rerum cognitionem acquirit, vniuersaliaque ad scientiarum contemplationem, necessaria mira sagacitate efformat. Estq; ideo intellectus & non sensus scientiarum capax. Rectè ergo anima rationalis huius potētiæ spiritualis subiectū, indiuisibilis & immortalis cōmuniter dicitur, quidquid dixerit Cremoninus, qui longè ab hac veritate, quam fides confirmat, Aristoteles docuit, & ratio persuadet, deflexit. Clarè quidem eam à materialibus animabus vegetatiua, & sensitiua, est potētia materiæeductis, distinguit Arist. lib. 2. de gener. animalium cap. 3. his verbis. Retta igitur, vt mens sola extrinsecus accedat, eaque sola diuina sit: Nihil enim cum eius actione communicat actio corporalis. Cum euidam iuueni Philosopho magis loquaci, & garrulo quàm erudito hanc doctrinam opponerem, dicebat Arist. non

*Dantur
quinque ge-
nera poten-
tiarum.*

*Sensus spi-
ritualis, nec
vniuersalia
percipit.*

*Anima ra-
tionalis est
indiuisibi-
lis, spirita-
lis, tota in
oto corpore,
& tota in
qualibet
eius parte.*

de anima sed de Deo loquutum fuisse. Verum in hoc, vt in alijs multis suam incertitiam demonstraui: nec Aristotelem sedulo perlegit, qui postquam de vegetatiua & sensitiua anima disseruit, relata verba statim proculit, non de alia anima quam rationali.

CAPVT III.

De facultatibus in vniuersum.

Synonima

Prima opinio negat animam habere facultates, nisi nomine, à se distinctas.

Secunda opinio concedit distinctionem formalem.

Mixtae sunt varietates opinionum de animae facultatibus siue potentijs, siue potestatibus, siue virtutibus, siue viribus. Quoniam quorundam opinio est, nullam dari potentiam, siue facultatem animae ab ipsamet anima distinctam; sed id quod potentiam vocamus esse ipsam animam, prout hoc vel illo modo agit: v.g. anima dicitur intellectus, quatenus intelligit; voluntas prout vult: appetitus prout appetit: auditus prout audit; & sic de reliquis facultatibus dicendum. Ita Gregorius in 2. distinct. 3. q. 12. art. 3. Ochanus distinct. 16. q. 24. & 26. Gabriel ibidem quaest. vnica art. 2. concl. 2. Marsilius q. 7. art. 3. Buridanus c. 3. lib. 2. de anima. q. 6. Saxonia lib. 2. de anima q. de distinctione potentialium animae, & vniuersa ferè nominalium schola.

Scotus in 2. distinct. 16. quaest. vnica. S. Bonauentura in 1. distinct. 3. q. 3. Henriques quodlibetto 3. q. 13. Thomas de Garuio in summa tract. 5. q. 2. art. 3. alijque nonnulli credunt potentias ab anima non distingui realiter, sed formaliter. Putant enim tum hi, tum praecedentis opinionis auctores, animam nullis egere superadditis accidentibus ad suas vitales actiones edendas. Omnes suam opinionem probant autoritate Aristot. qui lib. 2. de anima, cap. 2. animam ab effectibus definiuit, aiens, ipsam animam esse principium quo viuimus, sentimus, mouemur, & intelligimus. His enim verbis ostendit animam per suam naturam & essentiam esse praedictarum operationum immediatum principium; absque eo quod inter animam & praedictas actiones accidentia intercedant vlla, tanquam noua adminicula, ad praefatas actiones completè edendas. Ab Aristot. ne latum quidem vnguem recedit S. Augustin. lib. 10. de Trinit. cap. 11. vbi memoriam, intelligentiam, & voluntatem esse vnicam tantum vitam, & non tres vitas, & vnam mentem, non tres mentes docet; quasi diceret relata omnia esse ipsam animam rationalem, Lib. de spiritu & anima. c. 10. hanc doctrinam sic expressit: Dicitur anima dum vegetat, spiritus dum contempletur: sensus dum sentit; animus dum sapit; dum intelligit, mens: dum discernit, ratio: dum recordatur, memoria: dum vult, voluntas. Ista tamen non differunt in substantia, quemadmodum in nominibus. Quoniam omnia ista vna anima est, proprietates quidem diuersae, sed essentia vna. S. Bernard. tract. de interior. domo c. 67. ait intellectum, voluntatem, & memoriam esse vnam animam, non secus ac Pater, Filius, & Spiritus Sanctus sunt vnus Deus.

1. Ratio.

Ratione suas opiniones praefati omnes auctores probant. Primò, si facultates ab anima distinguerentur, entia sine necessitate multiplicarentur, quod est absurdum. Secundò, materia per suam puram potentiam nullo intercedente accidente sufficiens est ad receptionem formae. Ergo anima

2. Ratio.

quæ

quæ forma est, sufficienter se sola suas producer operationes. Tertiò, ex opinione eorum qui potentias realiter ab anima distingui consentunt, eadem potentia ab anima tanquam à principio efficiente proximè & naturaliter emanant per quandam actionem, cum eductio actio quædam sit, ad quam anima non solum passiuè, verum etiam actiuè concurrit. Ergo pariter anima per suam substantiam, & immediatè alias suas actiones elicere poterit absque aduentitijs accidentibus, tanquam adminiculis. Quartò, si darentur potentia realiter ab anima distincta, possent separatim ab anima conservari, suasque edere actiones; & sic intellectus seivntim intelligeret, voluntas vellet. Quintò, forma substantialis generantis est principium immediatum generationis. Ergo poterit esse principium immediatum nutritionis; cum nutritio sit peculiatis generatio.

3. Ratio.

4. Ratio.

5. Ratio.

Tertia tamen opinio binis propositis aduersatur; nam facultates siue potentias animæ ab eadem anima, & à se inuicem distinctis admittit. Ita Lombardus in 1. distinct. 3. S. Thomas 1. p. q. 77. art. 1. qui non solum in anima, sed in Angelis id verum esse affirmat q. 54. art. 3. Alensis 2. p. q. 65. membro 2. Albert. Magn. in 1. distinct. 3. art. ult. & lib. 2. de anima q. 7. Iandunus quæst. 9. Henricus quodlibet. 1. q. 9. Capreolus in 1. distinct. 3. q. 3. art. 2. Marfilus Ficinus lib. 10. de Theolog. Plat. in Tymo. Probatur hæc sententia ex Arist. lib. 1. de anima tex. 11. vbi expressè protulit intellectum qui est animæ potentia, non esse actum, siue formam corporis: imò ait, intellectum non informare ipsum corpus, nec ullam eius partem. Ergo voluit Aristot. intellectum distingui realiter ab anima. Ceteroquin cum anima sit actus corporis organici, ut ipse statuit lib. 2. de anima c. 1. intellectus similiter, si cum anima identificaretur, & solo nomine ab ea differret. Hanc doctrinam confirmat idem Arist. lib. 1. Ethic. c. 6. vbi hæc habet: Quemadmodum in corpore est visus, sic in anima est mens; & aliud sicut in alio. Vult enim mentem siue intellectum ab anima distingui eodem modo, quo visus à corpore. Sed visus à corpore distinguitur realiter. Ergo & mens ab anima.

Duo præsupponunt authores huius sententiæ, primum quod naturalis potentia operatiua alicuius actus ponitur in secunda specie qualitatis; ut cap. de qualitate docet Aristot. Secundum quod præsupponunt est, quod potentia sumunt suam speciem ab actibus, id est, per ordinem ad illos actus diuersas species constituunt, teste Aristot. lib. 2. de anima c. 3. quod etiam manifestè patet, quia potentia siue facultates per se primò ad actus, tanquam ad finem ordinantur: nam ad hos actus eliciendos à natura rebus concessæ sunt. Ergo talem habent naturam potentia, qualem habet actus. His præsuppositis ratione suam sententiam probant.

Primò: Potentia vitales, ut nutritiua, sensitiua, & rationalis, sunt operatiua alicuius actus, vitalis scilicet operationis. Ergo ponuntur in secunda specie qualitatis; Atque adeo sunt realia accidentia animæ superaddita; & ab anima, quæ substantia est, penitus distincta. Secundò, patet potentiarum distinctio ab anima rationali; quæ, quia substantia spiritalis, identificari nequit cum organicis & materialibus potètijs; cuiusmodi sunt potentia sensitiua, & sensationes in homine: quæ organis peculiaribus corporis immersæ sunt, ut visus oculis, auditus auribus: ideoque ipsarum potentiarum operationes fiunt mediante speciebus corporeis à speciebus sensibilibus productis in iisdem potètijs, quæ easdem recipiunt. Ergo potentia illæ, corporeæ ab intellectu, qui potentia incorporea est

*Rationes
pro tertia
sententia.*

eiusdem animæ rationalis, sicuti voluntas, realiter distinguuntur. Ergo realiter ab anima. Si enim identificarentur cum anima, similiter cum intellectu & voluntate. Sed hoc est falsum. Ergo distinguuntur. Tercio: Omnes substantiæ corporeæ potentijs superadditis, quæ accidentia sunt realiter ab ipsis distincta, ut suas edant operationes, eger, ut videre est in elementis, & mixtis quibusvis. Ergo quoduis mixtum animatum peculiaribus potentijs tanquam accidentibus superadditis eget; cum quælibet anima, etiam rationalis, sit forma corporis.

*Anima
immediatè
concurrit
ad effectum
producen-
dum.*

*Potentia
per actionem
distinctam
à genera-
tione &
creatione
educuntur.*

Hæc vltima sententia nobis summo perè placet, nisi in hoc, quod potentias tanquam accidentia superaddi credat, ut immediatè ab his, in virtute tamen animæ, vel compositi, omnis effectus etiam substantiæ pro-ducatur: mediatè verò & improprie ab ipsa anima, aut composito. Existimo enim potentias suo modo & minus præcipuè concurrere ad productionem effectuum; animam tamen, aut suppositum etiam immediatè concurrere ad productionem eiusdem effectus, quia anima, aut suppositum per se & immediatè producit ipsas potentias, quæ quidam effectus eius sunt. Ergo similiter ad alios quosvis effectus producendos concurrer. Nec valet quod aliqui dicunt, animæ potentias per veram actionem non educi, sed per veram resultantiam ex generatione, aut creatione: Quoniam reuera anima per veram actionem à corporis generatione, aut animæ creatione distinctam, suas producit potentias, passionesque; quia ab anima, aut composito producuntur efficienter. Ergo per veram actionem. Sunt autem potentiæ effectus compositi, aut animæ. Effectus verò non nisi mediante actione communiter producuntur. Ergo potentiæ animæ non per resultantiam, sed per veram actionem educuntur.

Vt sit, veritati consensum est potentias animæ ab anima, & à se inuicè realiter distinguere, & ad operationes vitales eliciendas, unà cum anima immediatè concurrere; ita ut iam anima, quàm potentiæ immediatè operentur.

1. *Solutio.*

Ad authoritatem Arist. ab authoribus primæ & secundæ sententiæ oppositam, facilis est responsio. Voluit enim nobis animæ essentiam significare per effectus, dum ait, animam esse principium quo primò viuimus, & sentimus, mouemur, & intelligimus; quia anima est causa efficiens harum operationum vitalium: non proinde tamen negauit facultatem vegetantem, sentientem, & intellectiuam, ab anima distinguere. S. Augustinus primo loco citato voluit memoriam, intelligentiam, & voluntatem esse, vnā vitam in radice, id est, ab vna anima procedere: alio autem lib. de spiritu clarè ostendit potentias à se distinguere, inquit: Quoniam omnia ista vna anima est; proprietates quidem diuersæ, sed essentia vna.

2. *Solutio.*

Ad secundum argumentum à ratione desumptum respondetur concedendo mutuam esse respectum inter potentiam passiuam, & actiuam, seu inter agens, & passum mutuam dari correspondentiam. Sed inde nihil concluditur contra nostram opinionem: nam licet materia, tanquam potentia passiuæ aut passum per se, aut suam meram potentiam pateretur, non ideo deneganda sunt accidentia superuenientia animæ, ut scilicet corpori annexa suas eliciat operationes. Plura enim adminicula requiruntur ad agendum, quàm ad patiendum. Addamus & his falsum supponi à dictis authoribus dum inquirunt, materiam nullis egere accidentibus, ut passi rationem obeat. Nam sine quantitate, eius coæua proprietate, nullam recipere formam, nullamque haberet rationem passi plus quàm substantia, quædam spiritualis: materia quippe omni mole destituta non nisi mente, aut cogitatione perceptibilis est.

Ad

Ad primum argumentum respondetur, concedendo animam per se & immediatè concurrere ad vitales actiones edendas: falsum tamen est animam sine potentiaturum apparatus posse omnes operationes aggredi atque perficere. Solius enim Dei est ita omnipotenter & absolutè per suā substantiam cuncta producere. Creaturæ ergo quæ infinitè Deo imperfectiores sunt, accidentibus tanquam adminiculis, ad quosuis effectus ordinariè producendos egent. Non diffiteor tamen in prima creatione animæ rationalis, ipsammet solam concurrere ad productionem intellectus, tanquam intimæ proprietatis. Ne autem detur progressus in infinitum, ita sine accidentium adminiculo fieri decuit. Ex his pater solutio primi argumenti. Constatque sufficienter animæ facultates admittendas esse.

Facultas, Græcis *δύναμις*, cum potentia confunditur à Galen. lib. 1. de simpl. med. facult. c. 9. & lib. 3. de temper. cap. 1. ubi energiam cum actu confundit. Lib. 1. de causis puls. c. 2. ait quamlibet facultatem à facultate faciendi dici. Est. n. facultas alicuius facultas, ita ut relationem dicat, inuoluatur. Essentia eius nobis incognita est, inquit ibidem. Lib. 1. de simplic. med. facultat. c. 2. facultatem causam quandam effectricem esse docet. Lib. 4. meth. med. c. 4. docet facultatem in temperamento consistere. Idcirco lib. 3. de sympt. caus. c. 5. ait, læso temperamento actionem & coctionem ventriculi lædi. Lib. 2. de loc. affect. iubet ad tutandas facultates temperamentum seruari debere. Hinc nonnulli colligunt facultatem esse solam partium temperiem, prout adhuc velle viderat Galenus lib. 1. simplic. capite 1. & 1. de præfag. ex puls. cap. 1. & lib. Quod animi mores &c.

Verùm hi à Gal. mente longè discedunt, qui temperamentum vbique qualitatem manifestam appellat, facultatem verò qualitatem nobis incognitam, nisi à posteriori, & ex effectibus, & adhuc nimis obscure, Præterea facultas est simplex qualitas, temperamentum verò composita. Rursus Galenus lib. de plen. cap. 3. & 2. de præfag. c. 8. essentiam facultatū temperamentum qualitatem appellat, vel si mauis, proprietatem.

Quoniam facultatem per actionem, & actionem per opus dignoscimus referente Arist. lib. 2. de anima, & Gal. lib. 1. de facult. nat. cap. 2. explicanda sunt hæc verba (nam ad *δύναμιν*, id est facultatem *ἐνέργειαν*. i. actio, & *ἔργον*, i. opus, respectum dicunt) vnà cum motu. Motus, inquit Gal. est prioris status immutatio; quies ei contraria, est prioris status conseruatio: omnem enim actionem motum quendam esse cum Arist. dicit. Motus triplex est, alteratio, latio, accretio, & diminutio. Opus est id, quod completum, & factum est per actionem; ut sanguis est iecoris opus. Actio est motus actiuus seu motus efficientis. Facultas est causa à qua procedit actio. His positus c. 1. lib. 1. de facult. nat. actionum duo tradit genera, vnum naturæ, alterum animalis. Genus actionis naturæ comprehendit actiones animæ vegetatiuæ, siue plantarum. Genus actionum animæ aut animalium, sensum continet, & motum. Principum verò actionum non meminit Galenus cit. libr. 1. de facult. nat. quia præcipuè Medici de actionibus & facultatibus animæ vegetatiuæ, quam naturam cum Stoicis appellauit, & animæ sensitiuæ, agunt. Nos igitur insistentes Galen. vestigijs, naturales & animales tum actiones, tum facultates paucis sequenti capite examinabimus, eas prius in suas species diuidendo, Aliquid etiam de principibus obiter dicemus.

Facultas non est temperamentum.

Quid motus, & quies. Actus est triplex. Quid actio

Actio duplex est.

CAPVT IV.

De Facultatibus & Actionibus speciatim.

*Triplex est
facultas in
vniuersum:
naturalis,
vitalis, &
animalis.*

*Facultas
vitalis vn-
de dicitur.*

Cum sentum effugiat facultas, ex operibus & actionibus numerus facultatum colligendus est. Diuersitas enim facultatum ex diuersitate modi operandi desumitur: vel ex habitudine, & intrinseco ordine quem ad suos actus, & obiecta dicunt. Cum itaque diuersæ exent facultatum sedes, diuersa instrumenta, & diuersæ operationes ac opera, & obiecta, unum est euidentissimum, dari diuersas in rerum natura facultates; quarum generica quæuis in suas species subdiuiditur. Prima facultas dicitur naturalis, quia non solum in animalibus, sed in plantis reperitur. In animali sedem habet præcipuam iecur, instrumenta venas, actiones sanguificationem, nutritionem &c. opus sanguinem, quem per venas omnes partes, vt nutriantur, remittit. De hac loquitur Hipp. libr. de alimen. inquit: Facultas omnia auget, & nutrit, & germinare facit. Secunda facultas vitalis dicitur in corde residens: & ideo dicta est, non quia vniuerso corpori vitam tribuit (nam omnes partes facultatibus sibi congenitis animæq; plantarum ritu viuunt) sed quia calorem natium vitæ præcipuū instrumentum conseruat & fouet mediatis arterijs, per quas emittit sanguinem & spiritum ad suscitandas omnes animæ functiones. Tertia denique facultas in cerebro residens animalis dicitur; & sentiendi ac mouendi vim vniuerso corpori, mediatis nimirum neruis per quos spiritus animalis & facultas disfluunt, imperit. Sed hæc facultatum diuisio est magis medica quàm Philosophica. Quoniam in rigore vitalis facultas naturalis est, & sub naturali continetur; vt docet Galen. libr. 1. de symptom. causis, dum naturalis facultatis, & animalis tantum mentionem fecit. Sicubi etiam testium generandi vim inculcat, eorum dignitatē ostendere voluit, non quòd facultatem totalem generatricem à naturali distinctam continerent.

*Vnde simi-
tur faculta-
tum specifi-
catio.*

Naturalis ergo facultatis, quæ animæ vegetatiuæ proprietas est, communem naturam cum Galeno in generatricem, nutricem, & auctricem diuidimus. Paulò ante comprehensum est vnitatem atq; specificam distinctionem facultatum desumi ex intrinseco respectu, siue ordine & habitudine quem dicunt ad suos actus adæquatos & obiecta; nò quòd actus & obiecta sint de earundem facultatum essentia, sed quia intrinsecus ille respectus secundum dici, vel transcendens, quem continent facultates in se absolutæ, est habitudo necessariò denotans actus, & obiecta earundem facultatum; licet actus, & obiecta sint res omnino à facultatibus diuersæ. Hæc doctrina in Arist. fundamentum habet, qui libr. 2. de anima, c. 4. vbi de actibus, & obiectis potentiarum prius quàm de ipsismet potentijs agendum docet: vt scilicet scientificè potentias dignoscamus: Si a. inquit, oportet dicere quid vnumquodque ipsorum; vt quid intellectiuium, prius adhuc dicendum quid sit intelligere, & quid sentire. Priores etenim potentijs actus, & operationes secundum rationem sunt. Si autem sic, his autem adhuc priora obiecta oportet considerasse, de illis primum vtrique oportebit determinare propter eandem causam, vt ali-

mento, & sensibili, & intellegibili. Quare primum de generatione, & alimento dicendum est. Vegetatiua a. anima & alijs inest, & prima, & maximè communis potentia est animæ secundum quam inest ipsum viuere omnibus. Cuius sunt opera generare, & alimento vti. Naturalissimum enim operum quæ in viuentibus, quæcunque perfecta, & non mutilata sunt, aut generationem & spontaneam habent, est facere aliud, quale ipsum animal quidem animal, plantam quidem plantam, vt ipso semper, & diuino participant, secundum quod possunt. Omnia enim illud appetunt, & illius causa agunt omnia quæcunque agunt secundum naturam. Ipsum a. cuius causa, duplex est: hoc quidem cuius, illud verò cui. Quoniam igitur communicare non possunt, ipso semper, & diuino continuatione, propterea quod nihil contingit corruptibilem idem, & vnum numero permanere. Secundum quod potest participare vnumquodque, sic communicat. Hoc quidem magis, illud v. minus. Et permanet non ipsum sed quale ipsum, numero quidem non vnum, specie a. vnum. Hanc Arist. sententiam amplectitur D. Thom. alijque viri grauissimi; quanquam cum Scoto multi reclament, dicendo potentias animæ more aliarum rerum intrinsecis differētij ijsq; absolutis specificari. Sed meo iudicio vix Scotus à nostra opinione deflectit. Quoniam ille ait, nos à posteriori vnitatem & distinctionem specificam potentiarum per actus, quos eliciunt circa obiecta propria, cognoscere: eas tamē à differentijs intrinsecis intrinsecam specificationem desumere. Hoc enim est quod volumus: Nam dicimus intrinsecam habitudinem potentiarum, qua actus, & obiecta connotant, esse id à quo specificantur. Arist. cap. cita. respectum hunc exprefit in alio & alimento, inquires: Quoniam nihil alitur non participans vita, animatum vtique erit corpus quod alitur, in quantum animatum. Quare & alimentum ad animatum est, & non secundum accidens.

Galenus ne latum quidem vnguem ab hac Aristotelis doctrina discedit. Vnde postquam c. 4. lib. 1. de facult. naturalib. ait, opera omnia ab actionibus procedere, & actiones à causa, capite s. sequenti ex operationibus varijs, operibusque facultatum varietatem eruit. Opera igitur naturæ, id est, facultatis vegetatricis recensens, à generatricis opere exorditur: atque, dum in vtero animal fingitur ex sua materia generatricis opus esse, id est, animal iam productum in vtero est generatricis opus. Editio verò in lucē animal, sicuti in ipso vtero aliud naturæ siue facultatis naturalis opus accedit, debita earundem partium in trinam dimensionem magnitudo; tertium verò opus naturæ est resectio substantiæ partium deperditæ; seu appofita de nouo substantia partibus corporis exinanitis; vt sic diutius animal perduret. Vnicuique horum operum peculiaris correspondet actio per quam educitur: generatio partibus corporis de nouo in vtero genitis. Auctio, siue augmentatio, siue accretio, quantitati, siue moli productæ tum in vtero, tum extra vterum, donec ad vltimam debitamque magnitudinem peruenerit animal. Nutritio est actio mediante qua ijsdem partibus fit alimenti appofitio sine ampliatione. Nam ampliatio corporis ab accretione fit. Cuiuslibet istarum actionum correspondet peculiaris facultas: Generationi generatrix: Accretioni auctrix: Nutritioni nutritrix.

Primum de generatione agit Gal. c. 6. lib. 1. de facult. naturalib. vbi de ipsa actione loco facultatis, primò loquitur. Generatio enim ex alteratione, & formatione constat: Semen enim animalis in vterum proiectum (idem de semine plantæ terræ commisso intelligendum) primò alteratur,

*Naturalis
simū opus
viuentis est
producere.
sibi simile*

*Scotus S.
Thomæ non
aduersatur*

*Vegetati-
ua facultas
triplex.*

*Generatio
duabus par-
tibus con-
stat, altera
tione & for-
matione.*

vi scilicet calefactoria, frigefactoria, humectatoria, & exiccatoria. Ut autem os, cartilago, nervus, vena, arteria, cæteraque sensibilia elementa, siue partes similes, debite formentur, secundum videlicet figuram, posituram, & cauitates quasdam, aliaque adnata, debent prius esse alterata: rursus à formatrice ex humectatoria, exiccatoria, calefactoria, & frigefactoria facultatibus alteratricibus mixtis, vel potius ex nobiliori origine genita partes ipsæ efformantur. Itaque prout vna alteratrix facultas aliam superat, pars est talis temperamenti & non alterius. Ideoque in ossæ relictum est temperamentum frigidum & siccum; & sic de reliquis. Vnde tot erunt alteratrices in semine, quot sunt partes similes in corpore: Nam hæ omnes sunt diuersi temperamenti. A latenti autem & diuina quadam virtute in semine latitante quæ ex mixtione frigidi, calidi, & humidis, ac sicci oritur, partes eadem dispositæ variè efformantur. Hanc formatricem facultatem temperamenti proprietatem appellat Galenus dum ait: eam fieri ex mixtura frigidi, calidi, humidis, & sicci: Et sicuti tot admittit alteratrices facultates in semine, quot sensibilia elementa, siue partes similes in genito corpore extant; sic pariter varias, pro numero partium, facultates formatrices ponit, ossificam, neruificam, cartilaginificam, membranificam, vnam pro cerebro, alteram pro corde, distinctam pro hepate, pro liene, &c. vnica tamen totalis inest.

Materia partium, & subiectum alterationis ac formationis sunt seminis crassamentum & sanguis menstruus, siue qui menstruatim euacuari deberet, vnà tamen cum reliquo sanguine. Semen est humor albus & mediocriter viscidus, spirituque abundans, adeoque spumescens, ex sanguine vi testium elaboratus, procreationis gratia. Albicat enim vi vasorum spermaticorum & testium: Lentorem medicrem ex proba coctione contrahit: Propter copiosos spiritus à partibus nobilibus ei concessos, & propter motum simul feruoris & eiaculationis spumescit. In testibus autem generatur, vt lib. de partibus ostendimus; non verò ex cerebro descendit tempore coitus; nam præterquam quod nervi sunt adeo densi vt per eos permeare, ratione sui lentoris & crassitie, non possit, tam breui tempore per spacium à capite ad vasa deferentia descendere nequiret. Semen ab utroque sexu in coitu eiaculari debet post pubertatem vt generatio fiat. Duo semina virile & femineum in utero probè commixta ab eodem utero complectuntur, continenturque; paulatimque sanguine materno ex venis in uteri cauitatem descendente irrigantur. Semen duas habet partes, crassam & spirituo-

Quid semē.

Materia partium corporis.
Semen duas habet partes.

Quatuor tēpora fetus.

Tēpus formationis, & partus.

fam; ex illa potissimum & sanguine materno partes omnes formantur: pars spirituoſa seminis est inſtar præcipui opificis; nam in ipſa continetur vis generatrix. Primis conceptionis diebus quādiu ſeminis ſpecies retinetur, genitura dicitur id quod in utero eſt. Quādo partes præcipuè principipes, rudem quādam delineationem acceperant, dicitur conceptus. Quādo tria principia exquiſitè apparent, Embrio. Dum omnia membra abſoluuntur, puer. Mas intra 30. aut 35. diem formatur; ſæmina verò complerè effingitur intra 40. aut ſummum 50. diem. Puer maſculinus tertio mēſe mouetur: puella quarto. Partus perfectus nono mēſe excluditur. Septime tres tamē viuunt: Et in Ægypto, ob cæli clementiam, Octimeſtres. In ſætu tria conſideranda veniunt; partium figuratio, motus, & partus; tempus enim motus daplum ſit ad tempus figuratiōis; tempus partus triplum eſt ad tempus motus, iuxta doctrinam Hippocraticam. Computo autem omnium tēporum factō, vniuerſum prægnationis tempus novem mēſes comprehendit.

Si corporis compago ad trigésimum aut 35. vsque diem non compleatur, vt fert Hippoc. sententia, non video quo viuunt fundamento illi qui audent dicere semen humanum tertio die rationali anima informari; cum tamen semen non sit corpus organicum, anima verò actus corporis organici. Semen quidem vniiforme est & simile sensus iudicio, eo modo quo corpus aliquod simile. Quomodo ergo tertio die poterit esse sufficienter organizatum ad animæ receptionem? Sed fortassis huius sententiæ assertores quadam reuelatione talem sententiam nacti sunt. De hoc argumenti genere fusi sunt libro de satus formatione.

Aristoteles c. citato, & c. 1. lib. 2. de generat. animal. plenè docuit matrem & feminam propter generationem & speciem propagationem in reuè natura esse. Cum enim animantium natura in indiuiduo sempiterna esse nequeat, viuientia in ætate conuenienti; vt homines post pubertatem, vim habent generandi & producendi sibi simile specie. Illud simile luci datum, in genere animalium, incremento eget, vt omnes operationes debite exerceat. Quare Auëtrix siue crescitrua facultas huic operi, mediante augmentatione, quæ est eius actio, à natura præficitur. Huius enim solius est corpus solidum in trinam dimensionem, lóngitudinem, latitudinem, & profunditatem dilatare. Ars è contra dum vnã addit dimensionem, alterã minuit. Auëtrix à nutrice distinguitur, quòd huius terminus sit substantia, auëtriciis verò quantitas. Præterea nutrix ad exitum vsque vitæ operatur, auëtrix solum ad statum vsque perfectum animalis. Rursus febricitantes crescunt si sint pueri, parce tñ nutriuntur. Verũ tñ est nutricẽ auëtrici inferuire. Nã mediante nutritione; & calore ampliante partes solidiores, accretio fit. Viuentibus, inquit Gal. lib. 1. de facul. natur. c. 7. quæ augentur, necessaria est nutritio: Quippe si extendantur eiusmodi corpora, non tamen resciantur, speciem quandam falsam augmenti præbuerint, verum augmentum, adepta non fuerint. Quinimo distendi in omnem partem ea tantum possunt, quæ per naturam ipsam sunt adaucta: quæ enim à nobis extensa (sicuti vesica inflata, quæ tamen in sua substantia attenuatur, licet augeri videatur) sicuti vna dimensione id patiuntur, ita reliquis minuuntur. Neque enim est inuenire quicquam quod continuitate sua seruata, minimèq; diuisa, extendi in tres dimensiones possit. Solius igitur naturæ opus est, corpus quod continuitatem suam, & speciem, siue formam quam prius habuit, vniuersam seruet, in omnem partem extendere: atque ea res auctio est, quæ sine nutrimento affluente, adhærenteque fieri nequit. His clarè demonstrauit Gal. sicuti exemplo vesicæ, veræ augmentationis naturam, & nutricem facultatem ei famulari; sicuti in principio capitis inquit. Postquam autem docuit auëtricem & nutricem esse necessarias ijs quæ in vtero gestantur animalibus, easque esse generatricis, ex alteratrice & formatricis compositas, ministras; inquit: Vbi verò perfectam magnitudinem animal est adeptum, toto postquam editum est tempore, vsque ad ætatis vigorem auëtrix virtus dominatur: auxiliatrices autem & veluti ministræ eius sunt alteratrix, id est, concoctrix, & nutrix. Propter hanc nutricis facultatis necessitatem, vt auctio fiat, aliqui vnica actione tam substantiam quàm quantitatem produci putarunt. Galen. dilucide exposuit Auëtricem facultatem suo fungi munere ad vigorem vsque, id est, ad vigesimum quintum annum, quem vigor siue status excipit. Licet enim auëtrix sit animæ facultas, necessariò tamen feriatur, & veluti extinguatur reliquo vitæ tempore; quia est facultas ab organis ex parte dependens. Organa ve-

*Semen ter-
tio die ani-
marationa-
li non infor-
matur;
quia subie-
ctum nō est
dispositum.*

*Auëtrix
facultatis
murus.*

*Auëtrix
& nutrix
differunt.*

*Auëtrici
necessaria
est nutritio*

*Accretio
solius natu-
ra opus.*

*Nutrix &
auëtrix sunt
generatrici-
cis mini-
stra.*

*Auëtrici-
ministra co-
coctrix, &
nutrix.*

*Post adole-
scentiam
feriatur au-
ëtrix.*

rō siue partes in omnem dimensionem, prout res exposulabat, & earum natura sustinere potuit, dilatatz sunt: Postmodum verò induratz non amplius distensionis capaces sunt; immò magis magisque in dies frigefactæ & exiccatæ contrahuntur. Nam partes quę in omnem partem dilatari explicarique in augmentatione debent, vt vera subsequatur augmentatio, sunt spermaticæ & solidæ, simplices, ac similes, cuiusmodi sunt arteriæ, venæ, nerui, ossa, cartilagines, membranæ, ligamenta; denique tunicæ omnes, vt citaro capite proponit Gal. & prudenter sanè, quoniam carneæ partes aliæque molliores etiam in senectute augeri possunt.

Quid nutritrix.

Nutritio à generatione discrepat.

Generatio, & nutritio sub alteratione continentur.

Mod⁹ quo fit nutritio

Assimilatio ab agglutinatione differt.

Appositio ab agglutinatione distinguitur.

Austricem facultatem sequitur nutritrix ordine nobilitatis, licet necessitatibus, prima Gal. lib. 1. de facul. nat. c. 5. nutritionem sic describit: Nutritio a. ijsdem partibus appositio quædā est, sed sine ampliatione. Cap. 8. ait: Quod n. in nutrimenti affluit specie, cū id corporis eius, quod nutritur, omni parti affigitur, actio ipsa nutritio est: causa verò huius, ipsa facultas. Exactius tñ c. 11. vbi fermè sic ait: Nutritio est assimilatio eius quod nutrit, ei quod nutritur: vel est assimilatio nutrimenti cum eo, quod nutritur. Nutrix est nutritionis causa. Nutritio fit, dum ei quod iam genitum est, aliquid in substantiæ deperditæ locū, inq; materiæ modum apponitur. Quod fit dum alimentum ritè confectum, & dispositum, vt in substantiam partium conuertatur, suam formam amittit, subitque leges totalis formæ animæ, quæ eiusmodi substantiam denuo informat. Vnde nutritio generatio quædam est: non tamen vera, quia, quamuis alimentum, postquam partium temperiem acquisiuit, in earundem partium substantiam confectum desinat, de nouo forma talem substantiam informans non est producta, sed præfuit: in vera a. generatione forma nouiter procreatur. Præterea in generatione totum productum est; vt os, cartilago &c. vt loquitur Gal. c. 8. cit. in nutritione verò ei, quod iam factum est, id quod affluit, efficitur simile, vt loquitur ibidem Gal. id est, in locum deperditæ substantiæ, simile quid sufficitur, atq; adeo fouetur pars iā genita per nutritionem, non verò producitur. Vnde rectè monuit Gal. vtramque actionem, generationem nimirum & nutritionem, sub alteratione, tanquam genere, contineri, dispari tamen conditione: Nam generatio simpliciter alteratio dici potest, nutritio a. melius assimilatio. Vt assimilatio fiat, agglutinatio siue adhærentia alimenti præcedat, oportet: sicut etiam, vt illa fiat, appositio. Postquam enim succus is, qui omnem animalis particulam nutriturus est, a vasis, id est, venis excidit, in totam eandem particulam roris ritu primum dispergitur, mox adiungitur, deinde agglutinatur, demum assimilatur. Probat Gal. c. 11. cit. assimilationem ab agglutinatione exemplo vitiliginis distingui. Vitiligo a. siue Leuce duplex est, alba vna, altera nigra: in vtraque fit alimenti agglutinatio, non tamen assimilatio: vnde caro apparet alba vel nigra propter alimentum non conuersum in suam substantiam sed retinentem colorem alimenti. In leuce quidem alba agglutinatur alimentum: vt patet ex densitate & duritie ipsius partis. Probat rursus Gal. appositionem ab agglutinatione distingui exemplo anasarce speciei hydropis qua vniuersum corpus intumescit, & in qua alimentum partibus apponitur; vt sensu tactus, qui partes molles reperit, quia madidæ sunt, percipitur. In anasarca tamen siue leucophlegmatia non fit alimenti agglutinatio; vt patet etiam ex sensu tactus & visus, quibus percipimus partes habitus corporis fluidas; Nam quoties digitis mollem, tumidamque carnem comprimimus, in ea foueæ digiti impressæ duntur-

no tempore conspicuæ visuntur, quia humores partibus quidem apposti, sed non agglutinati, illo compressu ad vicinas partes veluti fluunt. Molle enim ex Aristotel. libro 4. meteor. cap. 4. est id quod in seipsum cedit secundum superficiem: durum quidem quod non cedit in seipsum secundum superficiem. Cum ergo mollities vera eaque insignis ei insit, qui anasarca laborat, necessariò in habitu corporis humidus erit facilèque fluidus: quia affluens alimentum aquosum adhuc est, nec caloris natui ope lentitiam, glutinisque consistentiam adeptum est, ut rursus adharèntiam cum partibus assequi valeat. Anasarca aduersari videtur atrophica, siue alimenti defectus; quia in hoc affectu partibus, propter alimenti penuriam, nihil apponitur.

Quemadmodum auctrix & nutritrix facultates generationi, nutritrix a. auctrici suppetias terre consueuerunt, sic quædam aliæ facultates nutritrici subministrant; ut probat Gal. lib. de facult. nat. in quibus plenè aduersum antiquos demonstrat nutritionis gratia admittendas esse quatuor famulatricas facultates: quarum prima alimentum attrahit, ideoque attrahitrix nuncupatur. Secunda alimentum in instrumeto coctionis, ut ventriculo, hepate, &c. nec non in partibus quibusuis, donec probè concoctum alteratumue fuerit, retinet; & retentrix dicitur. Tertia alimentum ubique alterat concoquitque, & concoctrix appellatur. Quarta, quæ excrementa & quiduis onerosum, aut molestum à parte, siue officiali, siue particulari, expellit, expultrix. Harum ope nutritio, quæ alteratio quædam est, teste Galeno, ad vnguem perficitur. Attrahitricem, & expultricem dari probat ille lib. 1. de facult. natur. c. 13. & sequentibus ad finem vsq; libri contra Asclepiadem, Erasistratum, & Epicurum. De coctione & distributione ac nutritione toto libro 3.

Ex hæcenus dictis constat facultatē vegetantem esse illā quæ circa indiuidui procreationem, nutritionem, incrementū & conseruationem, versatur, atque sollicita est. Generatrix autem speciem auget, & conseruat: auctrix & nutritrix indiuiduum iam productum. Facultas generatrix sedem habet in testibus, vasisque spermaticis. Aliæ omnes naturales cuius parti insitæ sunt: Nutritrix tamen, quamuis in qualibet parte fixa sit, prouisorie in hepate radicem sedemque stabilem occupat. Quoniam hepar alimentum omnibus partibus distribuit. Generatio, auctio, & nutritio prima naturæ operum, ac veluti capita sunt. Itaque etiam effectrices horum facultates primæ principesque tres sunt: desiderant tamen, tum ipsarum inter se, tum aliorum ministerium, inquit Gal. lib. 1. de facult. natural. c. 9. Diximus cum Gal. actionem esse motum actiuum à facultate procedentem. Quare generatio animalis perfecti est actio à facultate simul & anima procedens, mediante qua ex semine & sanguine in vtero efformitur & producit animal simile generanti. Homo nec eius semē vim habet procreandi animā rationālē: homo tñ hominem generare dicitur; quia materiā sœui tribuit, efformationem, & toti composito viuionem. Accretio siue augmentatio est naturalis actio à facultate simul & anima procedens, qua corpus genitum debitam quantitatem acquirit: Decretio ei opposita, est qua minorem, vel ob alimenti defectum, vel ob imbecillitatem facultatis concoctricis, & caloris natui. Nutritio est naturalis actio ab anima simul & facultate dependens, qua alimentum in aliti substantiam conuertitur: ut quod dissipatur, in dies reparetur. Ad huius perfectionem variæ requiruntur præcedentes transmutationes, aliæque facultates. Nutritio

*Quatuor
ancillares
facultates
nutritionis*

*Facultatē
naturalis
munera.*

*Quid gene-
ratio.
Homo ani-
mam non
generat.*

*Quid aug-
mentatio.*

*Quid nutri-
tio.
Assimila-
tio quid.*

assimilatio dicitur; quia hæc fieri dicitur, quoties alimentum sapius per varias præcedentes coctiones transmutatum, tandem ad partis nutriendæ similitudinem accedit. Ut prosit alimentum corpori, primò attrahi debet à facultate attractrice: Secundo retinetur à retentrice: Tertio concoquitur à concoctrice: quartò excrementa ex alimento in partibus relicta

*Attractio
quid.*

*Retentio
quid.*

*Concoctio
quid.*

*Tres con-
coctionis
species.*

ab expultrice facultate expelluntur. Attractio est actio famulatrix ab anima simul & attractrice facultate dependens, qua partes conueniens alimentum attrahit. Retentio est actio ministrans à retentrice facultate simul & anima dimanans, qua alimentum attractum comprehenditur atque retinetur, usquequo probè concoquatur, partibusque hæreat. Concoctio est actio famulans à concoctrice simul & anima procedens, qua simul & ope natui caloris alimentum alteratur, ut tandem probè elaboratum in partium substantiam facillè cedat: huius quidem ope utile ab inutili segregatur. Coctio in vniuersum in tres distribuitur species. Prima chylicatio, siue alimenti in ventriculo coctio dicitur; opus inde relictum chylum appellatur. Secunda species, sanguificatio, quæ ab hepatis virtute procedit: cuius opus sanguis ex chylo factus. Tertia coctionis species est illa quæ in singulis partibus fit, quando alimentum in sui substantiam conuertere intendunt. Coctio Aristoteli lib. 4. meteor. c. 2. est perfectio à natura & proprio calido, ex oppositis passiuis. Hic Arist. proprio calore omnia cōcoqui vult. Existimo tñ concoctionē siue alterationē alimentorum potissimum vi caloris partis, & facultatis fieri, non autem vi proprii caloris eorundem alimentorum. Vnde ipse Arist. c. 3. eiusdem libri, ait, ciborum concoctionem in corporibus elixationi similem esse: dicitque præterea concoctionem diuidi in maturationem fructuum, elixationem, & assationem: & has posteriores artificiosè fieri. Maturatio tamen fructuum vera concoctio est: & hæc verè fit ope caloris, natui probè commiscantis humidum sicce, & absorbentis humorum superfluitatē. Sic enim opposita passiuæ coquat: Et fortè de maturatione loquitur Aristoteles. Expulsio est actio procedens à famulatrice facultate expultrice, simul & anima, qua id omne quod quātitate aut qualitate praua parti molestum est, aliò deturbatur. Tandem nutritionem promouet excitatque appetitus calidi & sicci, qui fames dicitur; & appetitus frigidi & humidus, qui sitis. Nam calido, sicco, frigido, & humido probè commixtis & elaboratis, partes inanitæ & consimilis naturæ reficiuntur. Fames autem & sitis naturales, in partibus omnibus sine sensibili suctione, aut vellicatione contingunt: in ventriculo, & præcipuè eius, orificio animales fames & sitis, quæ ambæ mediātē suctione alimenti facta à partibus ad ventriculum usque, medianteque rursus vellicatione fibrarum & nervorum ventriculi, sed præcipuè eius orificij, fit. Fames enim animalis est suctionis sensus, facta in orificio ventriculi. Sitis vltimum pari modo fit; licet ob humorem salum, amarum in ventriculo oclusum, aut pulmonum inflammationem, non rarò oriatur: veluti fames ab humore melancholico, aut ventriculi corrugatione vi frigoris facta. Sed huiusmodi sitis & fames, non naturales, sed præter naturam sunt. Et hæc in supplementum dictorum de facultatibus naturalibus, quarum instrumenta lib. de partibus fusè ostendimus.

*Vitalis à
naturalis di-
scernitur.*

Dictum à nobis in superioribus est vitalem facultatem ad naturalem reuocari, distinctionem tamen inter illas admittit Galenus lib. 4. de præfag. ex pulsc. 12. aiens: Non eadem est facultas vitalis quam vocant, &

nutritiua. Vitalis hæc dicitur absolute, eò quòd calor natiuus in corde vberimus ac præcipuum animæ instrumentum aliarum partium vitam foueat. Aliæ tamen facultates animæ, quia à principio vitæ, id est, ab anima emanant, vitales æquè ac illa nominantur. Vitalis facultas cordis duplex est; vna quæ sanguinem arterialem & spiritum vitalem alterando siue concoquendo generat. Hæc facultas à concoctrice cordis non distinguitur. Quare rectè naturalis dicitur. Altera species pulsifica dicitur: & primæ iam dictæ subministrat, veluti & ipsa respiratio: Nam arteria dilatatione, sicuti inspiratione, aer ambiens corpus nostrum ingreditur; & caloris ardorem remittit; aliquaque eius portio in spiritum conuertitur. Arteriæ constrictione, & expiratione in qua thorax comprimitur, fuligines in corde potissimum genitæ deturbantur. Facultas pulsifica, licet duplici constet motu, vnica est. Facultas vitalis non solum vnà cum spiritu per arteriæ cauitatem fertur, sed per ipsum arteriæ corpus irradiatione quadam, sicuti animalis facultas per neruum. Per corpus arteriæ ferri docet Gal. lib. an sanguis in arterijs contineatur. Nam arteriæ carne denudata, & in longitudinem scissa, immixtoque in illa calamo vrinque aperto, iniectoque rursus vinculo, partes arteriæ supra vinculum & versùs cor pulsant: inferiores, siue partes arteriæ quæ vinculum sequuntur, immobiles vituntur.

Omnes facultates animæ sunt vitales.

Vitalis facultas duplex.

Nunc superest ventilanda facultas animalis, quæ ideo dicitur; quia actiones edit solis animalibus, vt experientia constat, competentes. Hæc facultas in duas classes distribuitur: in principes nimirum, & non principes. Principes in homine sunt numero tres; Imaginatrix, ratiocinatrix siue intellectus; & voluntas: in animalibus autem vnica est imaginatrix, ad quæ communis, & æstimatiua reuocantur, tum in illis, tum in hominibus. Cum his porro ambabus coincidit, & vnâ omnes efficiunt. Secundam classem efficiunt facultas motiua, & sensitiua, quæ verè animales, & non principes dicuntur. Omnes illæ sublimiores facultates actionum diuersitate, objecto, & subiecto distinguuntur. Ab infimiori, sensitiua scilicet, exordior; quia sensus in animali sunt animæ exploratores. Sensitiua ergo facultas est animæ potentia quæ res sensibiles primò à nobis percipiuntur. Sensitiuam duplicem faciunt, internam vnâ quam sensum communem vocant: Sed verum sensum vulgo dictum nos descripsimus, & in quinque subdiuidimus species: Vtium, auditum, odoratum, gustum, tactum.

Secundæ classis facultatum animalium.

Potentia sensitiua duplex.

Potentia visiua est illa, quæ colorem, & lumen, mediantibus quibusdam speciebus siue imaginibus, percipit. Eius organum siue subiectum congruum est oculus in quo visio fit, & præcipue in humore crystallino: non autem in pupilla, vt voluit Arist. nec in opticorum neruorum coitu, vt Auenazzæ placuit; nec in ipso cerebro: Nam rationi magis consonum est in humore crystallino in medio oculi rotundi corporis sito, quàm alibi visionem heri: omnes tamen partes oculi, ipsiq; nerui optici ad visionem concurrunt; quia species intentionales colorati, aut lucidi per medium diaphanum instar rei spiritualis, & non corporeæ ad oculum pertinent in pupilla & membranis, & aqueo humore refranguntur, optimèque in crystallino recipiuntur; & rursus, dum in opticis vniuntur, perfici videtur visio, quæ tandem à sensu communi in cerebro percipitur. Itaq; dum species rerum ad oculum tanquam ad organum peruenerunt, & aliqui spiritus animales occursum eis præbent, visio fit; quæ duo dicit: Primum, passionem in organo ob specierum qualitarum sensibilibus receptionem, & con-

Sensû quinplex.

Visus organum.

nexionem cum animali spiritu: Secundam, actionem, quando ipsa facultas visua vnà cum spiritu animali, seu potius organum facultate dotatū, in qualitatem illam obiecti, speciem sensibilem siue intentionalem dictā, veluti reagit, eamque subiugat, sibi que amicē adnectit; vt ea tanquam mediante exploratrice, obiecta ē quibus dimittitur, primo occurſu, & sine ulteriori examine cognoscat. Hac via visio, seu actio facultatis visus suum percipit obiectum, coloratum, & lucidum.

Variæ opinionones de modo quæ visio fit.

Vtrum visio sola intussusceptione specierum intentionalium, fiat, vt Aristot. lib. 2. de anima, & lib. de sensu, & sensili placuit, an verò per extramissionem radiorum in forma pyramidis ad obiecta, vt Optici volūt; aut per extramissionem luminis ad obiectum, ita vt luminis rursus ad oculum reflexio ab obiecto terminante, sequatur, vt fert Pythagoræ opinio? an per radiorum simul & luminis emissionem, vt decreuerunt Empedocles, Hipparchus, & alij? an per solam luminis extramissionem non integrè ad obiectum, sed ad certum quoddam spaciū, vt Platonis doctrina refert? an per atomorum susceptionem rerum imagines ad oculum deferentium, quemadmodum Leucippo, Democrito, & sequacibus visum est? an iuxta Stoicorum, & præcipuè Chrisippi opinionem, auxilio cuiusdam spiritus ē corde ad pupillam transmissi, & rursus ab oculo ad ipsum obiectum? non leuis est controuersia. Nos Aristotel. sententiam non improbamus; Sed Platonis sententia magis placet: Nam si spiritus quem fortè lumen vocauit Plato, paulò extra oculum obuius speciebus intentionalibus non exiret, non esset potior ratio cur res ante positas, quàm retro perciperemus; cum res retro & à latere positæ suas species quoquouersum circa nos emittant. Præterea basiliscus suum per aera venenum ad nos visque ex oculis, vt fertur, quo rursus inficimur, spargit. Deinde lupus nos primò videns qualitatem aliquam qua rauici simus, ad nos transmittit, vt quotidiana docet experientia. Et ait Poeta: Nescio quis teneros oculus mihi fascinat agnos. Mulier tandem menstruata speculum conspiciens coinquinat, eique perspicuitatem adimit. Et hæc omnia, quia ex oculis, vt creditur, aliquid extramittitur. Ergo nos extramittendo, & intussuscipiendo simul videmus.

Reliquorū sensuum sensationes sicuti visio fiunt.

Quod de visu dictum est, idem de reliquis sensibus proportionem dicendum: omnis autem sensus suam sensationem per quandam sui passionem & actionem explicat. Quemadmodum ergo medio humore aqueo in humore cristallino fit visio, modo antea descripto, sic similiter in nerno auditorio mediante aere vernaculo & interno, fit in aure auditio ab auditu: reliquæ tamen partes tam internæ quàm externæ auris ad soni auditionem aliquo modo concurrunt. Sonus autem est auditus obiectum. Eodem modo medio osse eribroso nasi, & tunica interiori odoratio seu olfactio, quæ est actio sensus odoratus, in processibus mammillaribus fit. Odoratum verò est sensus odoratus obiectum. Sensus gustus, gustationem mediante salua in linguæ spongioso corpore primariò efficit, secundariò in membrana os interius vestiente. Sapor autem est gustus (qui quidam tactus est referente Philosopho) obiectum. Tactus tactionem in cute, mediante cuticula, vt volunt medici, efficit. Eius præcipuum obiectum sunt, quatuor primæ qualitates: minus præcipuum, secundæ qualitates, asperitas, leuitas, mollietas, durities. Sed in interno corpore tactus præcipuum organum sunt nerui, membranæ, fibræ, & quæ ex his constant. Vt à sensibus in suis instrumentis aut organis sensationes fiunt dum obiecta sese

sefe offerunt, & illi attentè operantur, necessarius est spiritus animalis è cerebro per neruos ad eadem instrumenta vnà cum animali facultate defluxus: vt Arabibus placet, licet videatur Gal. solam facultatis motricis irradiationem sine spirituum descensu, nisi ad oculos, & spinalis medullæ principium, admittere. Verùm qui hanc opinionem Galenò tribuunt longè falluntur. Nam ille nec spirituum, nec facultatis descensum abnegat.

Nec obstat quod aliqui dicunt omnes partes esse animatas; adeoq; omnibus facultatibus instructas; & ideo solo egere spiritu, nequaquam facultatis sensitiua aut motrix transmissione per neruos. Hoc, inquam, minime obstat; quia cum facultas ex Gal. sit temperamenti proprietaria, irradiatio seu vis illa è cerebro per neruos ad partes transmissa, partem apprime ad sensationem, motionemque disponit: sicuti sua irradiatione per arterias partibus quasi de nouo vitam impertit cor: & sua irradiatione per venas, hepar naturales partium facultates refocillat. Si enim facultate quadam partes principes reliquas corporis partes non fouerent, sed sola materiæ spirituosæ transmissione, pulmo, qui aerem inspiratione attractum præparat, cordiq; transmittit, esset pars nobilis; similiter ventriculus, qui alimenta probè concoquit, & ijs satiatus ad hepar rursus dimittit. Præterea quando sensum & motum animæ proprietatem ponunt, vix intelligunt quid dicant. Nam hæ facultates sunt organicæ, & ab animâ nostra prorsus distinctæ & separabiles.

Altera animalis facultas, motrix dicta, motum in corpore vel parte ad pabulum acquirendū, vel ad aliud vitæ commodū, in partibus excitat. Vis n. aliqua, seu totius substantiæ alteratio quædam vnà cum spiritu è cerebro ad musculum, qui solus est motus voluntarij organū, per neruos transfertur. Hæc facultas vnica est, nā vnico gaudet instrumento, musculo; qui dum ad libidinē in suā originem, facultate & spiritu instructus, retrahitur, motum edit. Facultatem hanc motricem communiter à facultate sensitiua authores distinguunt, tum ob diuersa instrumenta vtriusque: tum quia motus & sensatio sunt actiones longè diuersæ, vt vnicuique experientia edocto sufficienter constat: In dormientibus præterea respirationis motus sine sensu referuatur: Pereunte etiam sensu aliquoties motus superstes est, vt in Pausania comprobauit Gal. Nonnulli tamen aiebant motricem & sensutricem facultatem esse vnā eandemque, quæ tamen in diuersis instrumentis diuersas edit actiones. Huius opinionis est Vallesius lib. 2. controuers. c. 24. Verùm cum ille lubens admittat propter instrumentorum diuersitatem facultates præfatas distingui, id vnà cum reliquis sufficit, vt plenè distinguantur ab inuicem; cum sufficienter facultates actionibus, instrumentis, & operibus varijs discrepent. Licet autem animalis facultas simul & sensitiua, per neruos deferantur, duriores tamen motui, molliores sensui magis inseruiunt.

Ex dictis patet cerebrum esse facultatis animalis principium; quia est neruorum origo; & eo affecto, præsertim obstructione, aut frigore, extraordinario, statim afficitur motus & sensus simul, aut horum alteruter. Ne ui a. aliqui motum deferunt, alij sensum tantū, alij vtrumque, vt habet Galenus lib. 1. de Plac. c. 9. Cause dum tamen à Fernelij doctrina, qui duplicem animalis facultatis è capite influxum admittit: vnum ab ipso cerebro, qui motum deferit, non verò sensum, quia cerebrum non sentit: alterum influxum è menyngibus ad sensum edendum derivari putat.

Ca-

Obiectio.

Solutio.
Partes principes solis
instar irradiatione
quadam seu
rotius substantiæ
alteratione
fouent.

*Facultas
motrix.*

*Obiectio.**Solutio.*

*Cerebrū est
principium
facultatis
animalis.*

*Fernelius
perstringit.*

Cauendum tamen, vt dixi, ab hac doctrina: nam si idē cerebrum non tribueret vim sentiendi partibus, quia insensibile est, inde inferendum esset, ipsum non tribuere vim mouendi, quia motu animali non mouetur, licet naturali. Præterea scissa menynge dura non perit sensus: at verò cerebro ad ventriculos vsque colliso motus & sensus simul pereunt.

Sensus communis in toto cerebro, sicuti memoria, resdet, duplex q̃ se ipsius munus. Ad principes facultates nunc accedendum: quarum prima est sensus communis dictus; cuius munus est duplex: Primum, sensuum externorum actiones cognoscere: Secundum, eorundem obiecta distinguere. Hæc est eadem cum Phantasia, aut imaginatione, & cum æstimatoria. Sensibilia a communia, magnitudinem, figuram; numerum, quietem, motumque percipit, montesque aureos concipit, sicuti res absentes.

Intellectus sine mens. Secunda, eaque nobilissima facultas, intellectus dicitur, qui ope phantasmatum rei cuiusvis naturam curiosè inuestigat, causamque sollicitè inquirat. Huius solius, vnà cum anima rationali, est ratiocinari. Qui a. promptè ratiocinantur, ingeniosi vulgè nuncupantur: qui a. sol dē, & cum præmeditatione, iudicio pollere dicuntur.

Memoria. Tertia facultas, est memoratrix, cuius munus est præteritorum recordari. Est a. duplex, vna quæ rerum intelligibilium, altera quæ sensibilibium meminit. De voluntate in superioribus sufficienter dictum est. Quare hic esto Libri sexti, & totius Physiologiæ finis. Quæ de Fœtus formatione, promissimus, fauente Numine, secluse libro, ne in immensum hic crescat, præstabitur.

FINIS.



I N D E X

Rerum Memorabilium.

A

A Bdomen octo musculos habet
pag. 211.

Acampi error circa spiritum
385.

Acida omnia abstergendi vi prædita
171.

Actio quid 403. duplex est ibid.

Ad actionem plura requiruntur, quàm
ad passionem 402.

Actus duplex est 390.

Adeps caprillus ad sedandum dolorē
in dysentericis melior quàm suillus
208.

Adipis materia 209. eius vsus varij
210. in otiosis abundat 191. adeps
substantia est corporis purissima
190. adipis & seui generatio ex Ari
stor. 206. adeps suillus omnium hu
midissimus 208. oleo humidior ib.
adipis renum utilitas 233. adipis ge
neratio 365.

Admiratio inentionis scientiarū cau
sa 4.

Adolescentia secunda ætas 357.

Adolescentia à Sole gubernatur 359.

Ægri antiquitū ad publicum forum
vehebantur 5.

Aer alteratus nos alterat 3. aeris tempe
ries 80. cur facili mutetur ibid. eius
dem diameter ibid. cur aliquando
humida exiccet 83.

Æsculapij mors, eiusque templum 5.

Ætas quid 355. eius variae diuisiones
ibid. ætatum distributio vnde petē
da ibid. ætatum cognitio ad quid in
feruiat ibid. ætas præcipue octu
plex 356. ætas commodissimè in qua
tuor diuiditur 357. ætas florens, ter
tia est ætas 357. ætates quatuor hu
moribus, & quatuor anni tempori
bus correspondent ibid. ætatum
omnium terminus 358. ætatis virilis
terminus ibid. ætati declinanti Iup-

iter præest 359. ætatis florida tem
peramentum 359.

Æthiopes omnes capillos crispōs cur
habeant 369.

Agens primum, quid 83. agens vlti
mum quid ibid. agens omne repati
tur 114.

Agglutinatio ad nutritionem necessa
ria 408.

Ala pudendi muliebris 298. Earum
vsus ibid. cur Nymphæ dicatur ibi.

Alimentum quid 119. triplex eius ac
ceptio ibid. alimenta in ventriculo
elixantur, in hepate verò assantur
231.

Amarum parum à falso differt 174.

Analeptice quid 25.

In anasarca cur foueæ digitis impres
sa maneant 409.

Anatomiae necessitas 181. eius definitio
ibidem.

Anatomiae credendum 265.

Angeli non sunt formæ simplices 390.

Anglici sudoris causa 205.

Animæ definitio 390. alia 392.

Anima rationalis sine corpore existe
re potest 394 quibus propria 365.
anima sensitua quibus conueniat.
ibid. vegetatiua quibus insit ibidē
animæ quomodo sese inuicem cō
tineant 397. anima immediatē con
currit ad effectum producendum
402. Est causa efficiens operatio
num vitalium ibid. à potentijs rea
liter distinguitur ibid.

Animalia sanguine carēntia nec seuū
nec adipem habent 206. animalia
frigida pingua 207. animalia vorā
cia cur continuò egerant 225. ani
malia aliqua dextro cordis sinu ea
rent 250. animalibus sanguine præ
ditis necessarium est cor 262. ani
malia magno corde prædita, timida
304. animalia cur tantum in aqua &

I N D E X

- terra degant 346. Animalia, quæ nos in acutie quinque sensuum superet 366.
- Animalis facultas duplex est 411.
- Animatū sensu & motu differt ab inanimato 388. Animata sola aluntur 405.
- Anonimus quidam institutionista modernus perstringitur 382.
- Anorexia quid 169.
- Antiquorum variorum variaz opinionones de anima 389. 390.
- Antiquorum variaz opinionones circa numerum elementorum 61. 62. 63. 64. 65. Eorundem argumenta solvuntur 70. 71. 72. 73.
- Aortæ diuisio 248. Aorta est; sanguinis spirituosus vehiculum 274.
- Apollo cur sic dictus s. cur Pœan & Osyris vocabatur ibid.
- Appetitus duplex est 397. semper præcedit cognitionem 398. Appetitus sensitivus duplex ibid.
- Appositio nutritioni est necessaria. 408.
- Aqua quæ optima 79. Aquæ profunditas 81. quomodo ab aliquibus aere humidior dicatur 82. Aqua nostras mixtum quoddam imperfectum est 118. sola parum nutrit ibid. Aquæ frigida potus æstuante corpore lethalis 310.
- Argumenta probantia hepar esse venarum principium 249.
- Aristotelis error 198. Galeno aduersatur 256. malè cor venarum principium statuit 256. eiusdem argumenta solvuntur ibid. & 257. 258. 259. 260. 261. 262. 263. Arist. ipse cerebrum partem nobilem vocat 274. Idem malè omnes venas pulsare ait ibid. In rebus ad anatomiam spectantibus excusandus 275.
- Arteriarum lieni insertarum vsus varij 240. Arteriarum motus calor est causa 241. Arteriaz venosæ vsus ibid. Arteriaz varia nomina 307. est pars similatis, & organica ibid. eius temperamentum ibid. eiusdem descriptio, vt est pars instrumentalis ibid. eius figura ibid. composito, ib. arteriarum vsus varij 308. arteriaz ascendens diuisio 309. axillaris diuisio 310. arteria thoracica duplex ibid. arteria basilica duplex ibid.
- Artus quid 195.
- Asellij Mediolanensis venæ lacteæ reijciuntur 227.
- Assimilatio ab agglutinatione differt 408. ad nutritionem est necessaria. ibid. assimilatio quid 409.
- Astra qualia sint corpora 74.
- Astrologi ætates statuunt 359.
- Attractio bilis, & naturalis excrementitie melancholiz differentia 171. attractio bilis acetosæ excretio lethalis 172. attractio bilis vehementia ib. eius duæ species 173. earundem generatio ibid. attractio bilis quæ mitior 176. eius variaz causæ 176. 177. ab atro sanguine differt 177.
- In atrophiam nulla fit appositio 409.
- Attractrix nutritioni famulatur 409.
- Attractio quid 410.
- Australis facultas generationis est ministra 407.
- Actio æquiuoca quæ 109.
- Auditus quomodo fiat 412. eius obiectum ibid.
- Auerrois falsa arrogantia 273.
- Aues plurimæ duplex habent intestinum cæcum, & quare 220.
- Augmentatio quid 409. augmentatio propria, quando fiat ibid.
- Auicenna ferè primus Physiologiæ partes in ordinem redegit 55. à Fernelij iniurijs vindicatur 331.
- Auricularum cordis figura 305. earum vsus ibid.
- Autopsia quid 5.

B

- B** Alanos quid 292. cur mollis & acuminata ibid.
- Basilica vena duplex est 283.
- Basiliscus quomodo nos inficiat 412.
- Bilis duplex est 161. Bilis alimentitia quid ibid. eius causæ ibid. Bilis alimentitia triplex est 162. Bilis vsus tri-

I N D E X

triplex 163. quas partes nutriat ibid. cur non quotidie in ventriculum effundatur 163. Bilis causæ variæ 165. 166. 167. Bilis excrementitia duplex 162.

Bilis excrementitia naturalis triplex ibid. eius receptaculum quale ibid. vsus ibid. Bilis facultatem expultricem excitat 163. Bilis flaua ex quo generetur 168. bilium generatio mutua ex se inuicem ibid. Bilis isatidea parum ab atra differt 174. Bilis nomen commune 162. Bilis nonnaturalis omnes species ex quibus generentur 167. Bilis octo in vniuersum sunt species 163. earundem nomina 164. Bilis pallidæ generatio 162. porracea ex quibus fiat 168. Bilis prædominantis varia signa 169. Bilis rubra ex quo nascatur 168. bilis ruffa ex quibus cõstet 162. inter flauam & pallidam media est ibid. bilis sola inter 4. humores est tenuis consistentiæ 151. Bilis vitellina vnde dicta 172.

Biliose deiectiones surditatem curant 168. Biliosi in ediam cur difficulter ferant 367. cur ingeniosi 133. quib' morbis obnoxij 169. eorundem mores ibid. pluribus poris abundant quàm pituitosi 102.

Boues seuo abundant 207.

Brassica viti inimica 396.

Bronchia quid 313. eorum situs ibid.

Bubonocetes mulieribus vnde proueniat 297.

Buxum cur aquæ non supernatet 346.

C

Cæliaca vena vnde enascatur. pa. 308.

Cæsaries vnde dicta 316.

Calculosi cur stuporem cruris lateris affecti patiantur 233.

Calidi nomine quid intelligendum. 114.

Calidum tripliciter dicitur 336. eius multiplex acceptio 337. actiuus est frigidus 346.

Calidum innatum quid 1. eius idem perpetuus motus duplex ibidem quando accendatur & extinguatur ibid. quatuor in se continet elementa 375. eius definitio & origo 377 est primum animæ instrumentum 379. est duplex 383. calidi innati definitio Ferneliana expoditur 384.

Calor natiuus aereus est & igneus 2. eius recursus ad cutem vsque prodest ibid. cur à natura frigidus temperetur ibid. eius ad interna recursus utilis ibid. varijs modis extinguitur 3. 381. quibus reficiatur 300. eiusdem vis 372. hyeme est copiosior ibid. eius varia nomina 373. ab aduentitio differt 374. eius substantia & origo ibid. calor innatus & temperamentum sunt idem 379. cur cælestis dicatur 380. à febrili calore specie distinguitur 381. non est cælestis ibid. Caloris variæ diuisiones 382. eius subiectum quale 385.

Calor inter quatuor qualitates primas est princeps 377. Calor nõ est ignis proprietas 113.

Caput quid 194. eius varia nomina ibidem & 315. dupliciter accipitur 315. eius figura ibid. cur rotundum ibid. eiusdem debita figura quæ ib. capitum diuersæ figuræ explicatio physiognomica ibid. cur efformatum ibid. cur in summo positum ibid. eius diuisiones 316.

Capriceps auis liene caret 271.

Cardiognus quid 169.

Caro propriè quid 327. est quadruplex ibid. eius vsus ibid. ex Gal. triplex est 349.

Cartilago quid 327.

Caruncularum pudendi muliebris vsus 299.

Causæ generationis quatuor 92. Causatum numerus quaternarius vnde eliciatur ibid. earum definitiones ibid. causa efficiens duplex ibidem. Causa vna quomodo contrarios effectus possit producere 97. Causæ

G g g

mor-

I N D E X

- morborum alię extrinsecę, alię intrinsecę 204. Causa morborum extrinsecorum, & intrinsecorum ibidem.
 Cephalicę venę ortus 283.
 Cerebelli compositio 324. cur à natura factum ibid. eius figura & situs ibid.
 Cerebrum cur frigidum & humidum sit 258. 319. est sensus author ibid. ratione loci corde est nobilius 261. eius varia nomina 319. Cerebrum quid ibid. cur molle ibid. eius substantia qualis ibid. Cerebrum humanum omnium animalium maximū ibid. Interlunio cur magis morbis infestetur 320. motu systoles atq; diastoles gaudet, vt cor ibid. eius diuisio ibid. duos ventriculos habet 321. est principium facultatis animalis 413.
 Chirurgia quid 29. illam Machaon & Podalirius exercuere ibid. Medicina pars est 30.
 Chyli definitio 118. eius causę quatuor 120. ventriculi est nutrimentum 122. quomodo ab hepate in sanguinem conuertatur 123.
 Chymus quid, eiusque vsus 118.
 Chymicę utilitas 21.
 Cibus corpus reficit 2. cur animali necessarius 120. quomodo in ore præparetur, & alteretur ibid.
 Clitoris varia nomina 299. eius vsus & situs ibid.
 Coctionis primę duplex excrementum 122.
 Cognitio appetitum præcedit 397. Cognitio sensitiva à quibus fiat 399.
 Color in cute delitescētem prodit humorem 148.
 Cometę ex quo generentur 80.
 Conceptio quid 406.
 Concoctio quid 416. tres eius species ibid. quomodo fiat ibid.
 Concoctrix facultas nutritionis est ancilla 409.
 Conditiones ad elementorum mutuā conuersionem quę 77.
 Contactus triplex 83.
 Continuitas qualis ad generationem mixti requiratur 84.
 Contraria contrarijs curantur 57. 67.
 Contrarietas quę requiratur ad generandum mixtum 77.
 Conuulsionis duplex causa 166.
 Cordis duritię causa 273. non potest esse neruorum, venarum, & articularum commune principium ibid. cur calidum & siccum esse debeat 258. corde læso non omnes facultates leduntur 259. præcipua febrium sedes ibid. non habet venosam naturam ibid. cuius sanguinis principium 260. itę, aliorumque parthematum est causa ibid. eius varia nomina 304. figura & temperamentum ibid. cor quid ibid. triplici fibratum genere constat ibid. eius superficie cur adiposa 305. eius varię partes 305. & 306. motus illius est naturalis 307. quomodo spiritu frigidius 305. est calidissima pars in animalibus 349.
 Corporis varię diuisiones 182. 183. 194. eius diuisio optima 194. corpus densum in morbum incidens difficulter conualescit 204. corpus perspirabile imbellius, sed salubrius, faciliusque conualescit ibid. plura principia ad obeunda munia habet 257. est animę subiectum 391.
 Corruptionis nostrę varię causę 2. & 3.
 Cranium vnde dictum 316. octo ossibus constat ibid.
 Cremonini infiniti errores 58. 263. 264. 267. 268. 269. 270. 272. 399. Laurentij Simia 267.
 Cutis nomina & definitio 197. eius materia 198. à membrana differt ibid. est temperata ibid. eius varię utilitates 199. 202. sola non est instrumentum tactus ibid. cur à natura facta 201. cur venis, neruis, & arterijs donata ibid. cutis nutritur 202. cute alba præditi obruratos habent poros, nec pilis scætant ibid.

I N D E X

cutis nimis densa, & rara ad sanitatem inepta 204. cutis capitis tantum ad nutum mouetur 316.
Cuticula quid 206. eius usus, & materia ex qua constat ibid. vinit ibid.
Cystis fellea à felle nil patitur 239. Cystis fellis quid 275. eius diuisio ib. eius usus. & eiga bilem sympathia 276. non nutritur sed tantum deletatur bile ibid.

D

Decretum Dei de termino vitæ humanæ præfixo medicinam non eliminat 3. & 4.
Dataugati cur ad somnum procliues 157.
Definiendi triplex modus 393.
Diaphragmatis varia nomina. 308. eius cum cerebro sympathia ibid. connexio eiusdem cum alijs partibus, diuisio, vasa ib. eius tria foramina quibus partib' destinata 302. eius varij usus ibid. hilaritatis & risus est causa ibidem.
Diafoles causa 307.
Diei in quatuor quadras diuisio 179.
Diei quatuor quadræ quatuor anni temporibus respondent ibid.
Dies è planetis denominantur 180.
Dilatatio occulta quid 200.
Digestio propriè quid 377.
Dispnæ incurabilis causa 311.
Doloris duæ potissimū causæ 66. Dolor quid 166. Dolor colicus cur frequentior in sinistro latere 223.
Dulcia in corporibus calidis facillè bilescunt 165.
Dura mater cur ita dicta 317. eius figura ibid. cur perforata ibid. eius processus & sinus 318. eiusdem usus varij ibid.

E

Elementorū doctrina ad quid Medico necessaria 56. 57. Elementum vnde deriuatur 58. dupliciter accipitur 59. eius variæ definitiones

59. 60. eius definitio Ferneliana exploditur 60. vera definitio 61. Elementum actiuus à resistantia formali debilioris elementi retunditur 78. Elementa cur creata 77. Elementorum figura ex Hipp. 75. Eorum formæ non permanent actu in mixtis 102. Elementa iuxta nos impura sunt 90. Ex elementis impermutatis nullum mixtum generari potest 110. eorum locus 69. 70. mixtis cur insint 115. Elementorum motus duplex 76. Elementa prima cur communia appellata 116. Elementorum pluralitas vnde petatur 67. Elementorum quaternarius numerus ex Aristotel. 66. Elementum quodlibet duabus primis qualitibus gaudet & quare 77. Elementa secunda, quæ, & quomodo ab Elementis communibus differant 116. Elementorum societas, & dissidium cur necessaria 77. Elementa solius hominis propria quæ 116. Elementa aliorum animantium propria quæ ibid. Elementa symbola facilius ex se inuicè generantur quàm dissimibola 78. in Elementis cur vna qualitas remissa, altera intensa ibid.
Elephantiasis remedium 13.
Embrion quid 406.
Empirici recte opera naturæ sequuntur 13. Empiricæ sectæ principes 15. cum methodicis in quibusdam conueniunt, in alijs discrepant ib. soli innituntur experientiæ 12.
Entelechia quid 390.
Epidydimis quid Galeno 286. Eius usus ib. Epidydimides parastatè communiter appellantur ibid. eorum ventrus ortus ibid.
Epigastrica, ventris inferioris superior regio 195. Epigastrii diuisio ibidem.
Epiglotis quid 312.
Epiplooh est prima pars ventris inferioris. contenta 216. vnde dicatur ibid. Epiploon quid ibid. Eius temperamentum ibid. ex quibus componatur. Eius utilitas 217. eius figura,

I N D E X

gura, magnitudo, situs, & insertio
ibidem.

Error quorundam circa exortum me-
senterij 226.

Euaeuatio quot modis fiat 201.

Eunu. h. de piles sunt, paruisque ve-
nis præditi 288.

Euclice quid 25.

Excitatio ex somno cur fiat 156.

Excrementa cur generentur ex alimē-
tis 2. nimis diu retenta nociua ibid.

Excrementa aluina cur in homine
magis fatida 226.

Experientia & ratio medicinam con-
stituunt 22.

Expulso quid 410.

Expultrix facultas nutritionis famula
409.

F

Facultates pro ratione temperamen-
ti agunt 258. [Facultatum diuersi-
tas diuersa temperamenta arguit ib.
Facultas relationem dicit ad aliam
facultatem 403. eius essentia nobis
incognita ibid. à téperamento dis-
fert ibid. nonnisi à posteriori inno-
tescit ibidem. est triplex 404. Facul-
tatum specificatio vnde sumatur
404.

Facultatis animalis domicilium & in-
strumenta quæ 404. facultates ani-
males principes quot & quæ 411.
non principes quæ ibid.

Facultatis auctricis munus 407. à nu-
trice differt ibid. nutritioni necessa-
ria ibid. generationis est ministra
ibid. cur post adolescentiam ferie-
tur ibid. Facultas concoctrix & nu-
trix auctrici famulantur 407.

Facultatis generatricis sedes 409.

Facultatis naturalis sedes, est hepar
404. plantis etiam inest ibid. eius in-
strumenta, & actiones ibid. Facul-
tas naturalis est triplex ibid. Facul-
tatum naturalium munia 409. Fa-
cultas nutritiua quid 407.

Facultas vitalis cur ita dicta 404. eius
sedes, & instrumenta ibid. eius uti-

litas ibid. à naturali differt 410. Fa-
cultates omnes animæ sunt vita-
les 411. Facultas princeps est tri-
plex 414.

Famina cur viris pinguiore 207. te-
stes & semen habent 293. in som-
no semen emittunt 294. cur collum
illis teretius vitis 312. earum tem-
peramentum ibid. cur aliquando vi-
ris calidiores 361. Faminæ forma-
tio quot diebus absoluitur 406.

Fæus multiplicis dux historix 297.
fæus masculinus & fæmineus quā-
do moueatur 406. quomodo nutria-
tur 125.

Fames quid 398. 410. vnde oriatur
ibid.

Febricitantes cur ad somnum procli-
ues 157.

Fernel. varij errores 107. 108. 109. 135.
182. 186. 190. 332. 413. eius negli-
gentia 192. impostura 106. astutia
107. pro nobis militat 106. iniuste
iuniores carpit 104. magis latini-
tati, quàm doctrinæ deditus 105.
Hipp. & Gal. aduersatur 133. 135.

Fibra quid 144. 328. 353. Fibrarum di-
uersa temperamenta 353. earum v-
sus ex Plat. 144. Fibrarum cordis v-
sus 305. Fibrarum triplex genus
229. earundem officium ibid.

Figura circularis perfectissima 95.

Finitum quid 72.

Flatus à spiritibus differunt 183.

Fornix cerebri, eiusq; vsus 322.

Frigus caloris est frænum 2. 378. Frigi-
dum quibus partibus inimicū 310.
Frigidiores citius moriuntur quàm
calidiores 358.

Frons percussa inter capitis partes so-
la cur inflammetur 318.

G

Galenus à defectu sitate vindica-
tur 129. Eius contradictio con-
ciliatur 173. Fernelij errorem præ-
uidit 111.

Gaudium nimium mortis causa 205.
Generatio quid 106. 409. duplex est
106.

106. ex quibus constet 405. generatio simplex quomodo fiat 345. Generatio vnius est corruptio alterius 380. Generatio & corruptio quid Democrito 62. ab vno solo non potest fieri 67. vt generatio fiat quæ requirantur 68. Generationis & corruptionis perpetuæ causa 95. In omni generatione, præter vniuersalem causam particularis requiritur 100. à nutritione differt 408. Generatricis facultatis sedes 409. eius ministræ 407. Genitura quid 406. Glabritiei causa 370. Glandulæ aliquoties supra renes reperiuntur 234. Glandularum œsophagi vsus 314. Glandula pituitaria quid 223. eius vsus, & situs ibid. Glasti herbæ vsus 164. Gracilis quis 364. Gracilitas duplex est ibid. vtriusque causæ ibid. Gradus animatorum vnde desumantur 396. quadruplex est 398. Quai acum lignum cur non supernatet aquæ 346. Gulo sis hepar magnum est 243. Gustus quomodo fiat 412. eius organum & obiectum ibid. Gyrorum cerebri vsus 321.

H.

Habitus intellectus sunt quinque 36.

Habitus practicus quid 46.

Hæmorrhoidalis vena duplex 279. eamundem vsus ibid. Hæmorrhoides sunt melancholiæ viæ 176.

Hepar cur exiguo sensu polleat 200.

Hepar quid 242. eius figura ibid. concupiscibilis facultatis est sedes 242. 262. eius partes & situs 243. Vsus ibid. & 246. cur magnum in hominibus 243. cur plures à natura venas receperit 244. eius cum alijs partibus nexus 246. sanguificationis est principium 247. venarum est principium 247. 260. 262. 275. humidius est corde 253. quæ eius

peculiaris, & communis substantia 254. æquè primò ac cor generatur 256. cur calido & humido temperamento præditum 258. magis in medio positum quàm cor 262. eius color 271. facultatis altricis est sedes 275.

Herniæ omphalocæles causa 215.

Hirsutiei causa 370.

Homo sine aere nequit viuere 76. animam non generat 409.

Horæ à Planetis denominantur 180.

Humidum radicale quomodo absumatur 2. Humidum radicale quid 384. vita præditum est ibid. Humidum quid 117. Humidum alimentum qua ratione viribus reficiendis aptum 118. Humiditas qua ratione qualitas actiua dici possit. 91.

Humoris duplex acceptio 117. eius natura & definitio 118. eiusdè diuisio generalis. 119. Humoris elementitij definitio. & subdiuisio ibid. Humor excrementitius quid, & quotuplex ibid. Humor secundariorū quatuor causæ 120. Humoris veri natura & definitio 127. Humorū pluralitas vnde colligatur 130. 131. 132. Humorū quatuor temperamentum 133. Humores sunt sanitatis, & morbi causæ 134. eorum commixtionis vtilitas 137. quilibet humor quatuor elementis constat ibid. Humores quatuor secundarij quid, eorumque nomina 138. quomodo à sanguine & partibus distinguantur 139. quilibet humor peculiarem habet ichorem 146. Humor crudus à pituita vitrea differt 155. eius generatio & locus ibid. Humoris melancholici differentia 173. Humorū singulorum motus quibus diei horis fiat 179. Humor ad imbecilliores semper partem propellitur 201. Humoris crassi in intestinis contenti vtilitas 218.

Hygieine quid 28. circa quid versetur ibid.

Hy-

I N D E X

Hypochondrij varia acceptio 195.
Hypogastrica tertia ventris inferioris regio 196.
Hypogastrij diuifio ibid.

I

Icteritiæ causa 241.
Ignis elementorum omnium purissimus 70. Ignis in Lunæ concauo cur reliqua inferiora non absumat 74. Ignis noster semper pabulo fouendus 75. Ignis motus est circularis ex Aristot. ibid. Ignis elementaris cur non egeat pabulo ibid. non vrit 76. eius diameter 80. Ignis proprietates quæ 113. absolutè est calidus ibidem. non putrescit 346.
Infantes recèter nati cur sine pilis 186.
Infantia vnde dicta 359. eius terminus 358. à Luna gubernatur 359. eius temperamentum ibid. quomodo calidissima dicatur 377.
Ignorantia cuiusdam Medici, & Iuris consulti perstringitur 29.
Instrumentum quodlibet peculiarem edit actionem 254.
Intellectus solus sciētias percipit 399. est animæ rationalis intima proprietas 403. eius munus 414.
Intemperies duplex est 367.
Intercostalis venæ ortus 308.
Intestitus nostri causa 23.
Intestinum quid 217. quotuplex 219.
Intestinorum varia nomina 217. cur rotunda ibid. cur longa 218. duas proprias tunicas habent ibid. eorū tunica interna cur neruosiior ibidē.
Intestina cur lubrica ibid. cur vilis rectis prædita ibid. tertiam tunicam à peritonæo accipiunt ibid. eorum temperamentum 219. longitudo & nexus ibid. Intestinorum variorū diuisiones 223. ad quid constructa ibid. Eorum substantia ventriculi substantiæ est similis 224. cur plura habeant inuolucra pluresque anfractus 225. cur tantum facultate expultrice indigeant 226. Intestinorum qualenam sit tactus instrumentum 200.

Intestinum cæcum quartum est ordine 220. eius varia nomina ibid. vsus ibid. situs 221.
Intestinum colon quintum est ordine 221. eius varia nomina ibid. situs, & vsus ibid. duo ligamenta habet 222.

Intestini crassi vsus 224.
Intestinum duodenum primū ordine 219. eius ortus & situs ibid. cur angustum ibid.
Intestinorum gracilium munia 224.
Intestinum ieiunum cur ita dicatur 219. secundum est ordine ibid. eius situs, & colligatio ibid. cur ferè semper vacuum 220. ab ileo differt ibidem.
Intestinum ileon tertium ordine 220. cur ita dictum ib. eius situs & vsus ibidem. est omnium longissimum. ibidem.
Intestinū rectum sextum ordine 223. cur ita dicatur ibid. eius situs ibid. eiusdem cum vesica in viris sympathia ibid.
Ioubeiti error 276.
Ira quid 166.
Iuuenes quomodo pueris calidiores 360. Iuuentuti Mars dominatur secundum Astrologos 359.

L

Lac omne aluum subducit 130.
Larynx quid 112. eius situs, compositio, & partes ibid. cur anterior eius pars pomum Adami dicatur ibid.
Latio duplex est 94. Latio circularis duplex 96.
Laurentij diligentia in colligendis vocabulis Græcis 197. eius varij errores 196. 198. 212. 222. 234. 242.
Lien quid 238. eius figura, partes, situs, temperamentum, & vasa ibid. cur in dextro hypochondrio situ, ibid. est succi melancholici receptaculum ibid. & 147. eius connexio cū alijs partibus 239. eius color & magnitudo 339. cur magnas arterias ha-

I N D E X

habeat 240. eius nutrimentum ibid.
 cur paruo sensu prædictus 239.
 Ligamentum quid 327. sensu caret
 328.
 Lignum cur supernatet aquæ 346.
 Linguae nigredinis in febribus arden-
 tibus causa 310.
 Liniditatis causa 368.
 Loborum in pulmonibus necessitas
 311.
 Locus generationis bilis 168.
 Lumbaris venæ ortus 308.
 Lumbricorum generationalis causa
 proxima 100.
 Lupus primò nos videns cur raucos
 reddat 100.

M

Mammæ cavitatibus carent 263.
 Mares fæminis cur calidiores
 361. Maris formatio quor diebus ab-
 soluatur 406.
 Materia ex quibus partes corporis ge-
 nerantur, quæ 406.
 Maturatio quomodo fiat 410.
 Medianæ venæ exortus 283.
 Mediastinum quomodo à pleura di-
 stinguatur 303. vnde dictum ibidè
 eius vsus ibid.
 Medicamentorum compositio neces-
 saria est 11. Medicamentum sim-
 plex non sufficit ibid.
 Medicamēta poros aperiētia 204. Me-
 dicamenta in dolore colico vbi ap-
 plicanda 223.
 Medicus bonus quis 58. aliter, ac
 philosophus elementa considerat
 57. Medici multi fuere ante Hip-
 pocrat. 7. Medicorum dissensio ar-
 tem fædat ibid. Medicorum garni-
 torum & imperitorum reprehensio
 17. 18. Medicos honorari iubet Sa-
 cra pagina 5. Medicus imitator est
 naturæ 32. Medicis mercedē Deus
 constituit 8. Medici officium 20.
 Medicorum sectæ variæ 11. 22. Me-
 dicorum diuersæ scholæ 7. Medici
 scopus valetudinem conseruaturi,
 & morbum profligaturi 340.

Mediciniæ antiquitas 8. à Deo data
 ibid. Medicinæ Clinicæ inventor
 fuit Hipp. 6. Medicinæ definitiones
 variæ 33. eius vera definitio 34. 10.
 medicina demonstrationes plurimæ
 fieri possunt 39. 40. Medicinæ in-
 varias partes diuisio 27. Medicinæ
 duo crura experientia & ratio 41.
 Medicinæ quis finis 31. eius neces-
 sitas 3. Medicinæ obiectum quale
 26. eius variæ partes 27. philoso-
 phiæ est subalternata 41. 58. Medi-
 cina practica quomodo dicatur 46.
 Practica simul & speculatiua est 45.
 Medicina in quo consistat 32. Me-
 dicina est scientia 35. id quomodo
 probetur 36. 37. 38. Medicina spe-
 culatiua dicitur scientia ob tres
 rationes 48. Medicina vñ dicta 32.
 Medicinæ varij inuētores 5.

Medulla non est ossium excrementū
 353.

Melancholia duplex 170. Melancho-
 liæ alimentitiæ descriptio ibid. cur
 crassa & nigra ibid. melancholiæ
 causa efficiens. 171. eius variæ aliæ
 causæ 176. Melancholia extremē-
 titia duplex 171. eadem est acida
 & acerbata ibid. Melancholiæ excre-
 mentitiæ naturalis vsus 172. Me-
 lancholiæ naturalis color verus 170
 famem excitat 171. in liene perfici-
 tur ibid. cur à natura producta ibid.
 eius necessitas 176. Melancholiæ
 var j vsus 147. 171. .

Melancholicorum corpus quale 177.
 eorundem morbi qui 177. 178. eo-
 rum mores 134. 177. Melancholico-
 rum signa 178. cur voraces 171.

Mēbrana oīs cute siccior est 198. Mē-
 brana quid 328. eius temperamen-
 tum ibid. est pars similis ibidem
 Membranularum tricuspidum v-
 sus 251.

Membrum vnumquodque instrumē-
 tarium auium quid ab aliorum
 membrorum substantia habet 253.

Memoratrix facultas duplex est 414.
 Memorix munus ibid.

Mercurius cui ætati præsit 359.

Me-

I N D E X

Mesenterium quid, & vnde dictum. 226. eius compositio, diuisio, ortus, & vsus ibid. cur glandulis præditum 227. Mesentericæ duplicis venæ origo 308.

Meseraicarum venarum officiū 277. 279.

Methodus triplex 55. Methodus compositiua quid ibidem. quid methodus definitiua ibid. quid resolutiua ibid.

Miscibile quid 84. duplex est ibidem. quid vtrumque 85. 86. miscibilium conditiones 85.

Mixtionis definitio 85. eius conditiones ibid. ab alteratione & augmentatione differt 88. qua ratione à generatione discrepet 87. 91. quomodo dicatur generatio 91.

Mixtum artificiosum fieri potest 341.

Mixtum quō & ex quibus fiat 86. 345. à quo moueatur 104. quō simplex corpus dici possit ibid. mixta omnia ex quatuor elementis constant 106. aliquid virtutis rei corruptæ retinent 104.

Modus cognoscendi morbos 54. Modus inueniendi remedia 14.

Molle quid 409. Mollescantibus in quibus morbis vtendum 40.

Morbij singulis ætatibus communes qui 356. 357. Morborum melancholicorum remedia qualia esse debent 170. Morbi partium dissimilariū 40. Morbis omnibus qualia remedia applicanda ibid.

Morticis facultatis officium 413. à facultate sensitiua differt ibid. vnico instrumento gaudet ibid.

Motus æternitatem quomodo probe Aristoteles 93. Motus circularis perfectior est recto 95. Motus localis a latione & augmentatione est prior 94. Motus primi mobilis 24. horis absoluitur 95. nunquam variatur ibid. Motus peristalticus quid 218. Motus progressiuius quādo fiat 396. Motus quid & quorūplex 93. 403. Mouentium diuersitas 83.

Mucus quid 118. in intestinis contentus mucus quos morbos pariat 163 quæ eius indicatio [in curatione] ibid.

Musculus quid 211. vnde dicatur ibidem. Musculorum abdominis numerus & situs 211. eorundem vsus & nexus 213. musculorum succenturiatorum abdominis utilitas ibid. Musculorum œsophagi vsus 314. Musculorum cremasterum in testibus vsus 288. Musculæ venæ exortus 308.

N

Naturæ acceptiones variæ 50. 51. 52. 53. 54. eius vera significatio 54. duplex est 50. nil frustra molitur 112.

Necessitas est causa inuentionis scientiarum 4.

Nephritici cur cibi fastidio & vomitu laborent 233.

Nerui acceptio varia 325 ex quo fiant ibid. Nerui dures motui dicati, molliores verò sēsui 413. partes sunt dissimilares 326. Nerui propagines in cardialgia sunt præcipuum tactus instrumentum 199. Nerus quomodo à ligamento & tendine differat 326. eorum temperamentum 353.

Norus duplex est 392.

Nubes cur in aere non concresecant 75. earundem generatio 98.

Numeri septenarij effectus varij 63. Numeri ab antiquis elementa rerū statuebantur 63. 64.

Nutritum triplex est. 139.

Nutritio quid 139. 405. 409. eius conditiones 139. Nutritio & assimilatio sunt synonyma ibid. à generatione differt 408. quomodo fiat ibid. eius facultates ministræ quæ 409.

O

Obiectum adæquatum medicinæ quale 26.

Odo-

I N D E X

Odoratus obiectum quod 412. quomodo fiat ibid.
 Oesophagus cur paucis venis præditus 228. eius constructio 229. est pars ventriculi ibid. Oesophagus quid 314. quot fibras, & tunicas habeat ibid. cur fibris obliquis careat ibid. eius partes ibid.
 Oleum cur aquæ supernatet 346.
 Operationes vitales sunt quatuor 393.
 Opiniones variæ de medicinæ obiecto 26. opiniones variæ de modo quo fit visio 412. opiniones diuersæ de facultatibus animæ 400.
 Ordo Authoris in tradenda physiologia 56. Ordo dissectionis corporum 195.
 Organum quid, & quotuplex 186.
 Organum & instrumentum idem significant ibid.
 Orificia duo sunt ventriculo 230. eorundem situs ibid. cur ipso ventriculo crassiora ibid.
 Os in communi quid 327. Ossium instrumentum tactus est periostium 200. cur frigida & sicca 352. Ossium cranij nomina 316.

P

P Anchreas quid, eiusq; vsus 227.
 Panniculi carnosii descriptio 210. eiusdem locus, vsus, & temperamentum ibid.
 Papauer somnum excitat 157.
 Parenchyma quid 242.
 Partes contentæ, & continentes quæ sunt 182. Partium definitio ex Auicenna & Gal. 182. Partium diuisio in similes & dissimiles 184. Pars dissimilis quid Arist. 186. cur composita vocetur ib. eius variæ significationes ibid. Partes ignobiles quæ 184. Partes impetui facientes quæ 183. Partes nobiles quomodo similes 185. earum necessitas 261. Partes oēs vim habent conuertendi alimentum in sui substantiam 255. Pars princeps quid & quotuplex 183. Partes

principes quomodo reliquas partes foucant 413. Partes proximioræ sunt corporis elementa quàm humores 344. Partes sanguineæ quæ 186. Pars similis quid. 184. eius varia acceptio, & diuisio. 185. Partium similarium numerus ibid. Partibus similaribus duo morborum genera competunt 192. Partes similes non dari quomodo probari possit 109. Partes spermaticæ quæ 186. Partium calidarum, frigidarum, humidarum, & siccarum ordo 349.
 Pathologia quid 27.
 Penis varia nomina 291. Penis quid ibid. eius situs & compositio ibid. cur partibus ossibus insertus ibid. eius partes variæ 192. cur ex neruis fistulis compositus 293. vsus ibid.
 Pericardij nomina 303. eius exortus, figura, substantia, vasa, & vsus 304.
 Peritonæum vnde dictum 213. eius necessitas 216. eius temperamentum ibid. Peritonæum quid ibid. duplici membrana constat ibid. eius origo, & situs 214. multis in locis perforatum est ibid. cur membranofum ib. eius vsus 215. 216. 222.
 Pericranium quid 316 eius exortus ibid.
 Pharmacia quid 29.
 Phlegma quid 148. varia illius significatio ibid.
 Phrenicæ venæ origo 308.
 Pia mater cur ita dicta 319. cur mollis & tenuis ibid. eius necessitas ibid.
 Pierochoi qui 175 368.
 Pilorum generatio 187. 354. sunt partes corporis 187. ossibus frigidiores & sicciores sunt 188. Secundum trinam dimensionem crescunt ibid. anima rationali informantur 189. Pilorum varia nomina 316. cur flexibiles 354. cur diuersicolores, & crispi 369. Pilorum varietas secundum ætates & regiones 370.
 Pinguedinis causæ 365. Pinguedinis definitio 208. eius differentia 209. eius generatio ex Gal. 207. ab anima generatur 209. non est excrementum.

I N D E X

mēnū 210. **Pinguedo** pars est corporis 208. eius substantia & temperamentum 209. eius vsus varij 210. quomodo à feuo distinguatur 206.
Physiologia quid 27. 50. eius subiectū 55. circa quā idem subiectum versetur ibid.
Pituita acceptiones variæ 148. 149. eius multiplex causa 156. 157. 158. 159. eiusdem vera descriptio 149. alia naturalis, alia excrementitia 152. **Pituita excrementitia** duplex est ibid. **Pituita** fons quomodo caput dicatur, & ventriculus 152. **Pituita acidæ** sedes, & locus ubi generatur 155. aliarum specierum **pituitæ** generationis, locus ibid. specierum **pituitæ** varij effectus ibid. **Pituita** variæ species 154. earundem nomina ibid. eadem quomodo & unde generentur 153. **Pituitæ** sedes 156. eius temperamentum 150. vsus 147. quas parte nutriat 152. **Pituita** falsa facili in atram bilem mutatur 174. **Pituita** duobus modis falsa creditur ibid. **Pituita vitrea** quid 154. eius generatio, & sedes 155.
Pituitosi tandem fiunt melancholici 160. eorum mores 161. 162. morbis quibus obnoxij 160. **Pituitosorum** signa 159. **Spiritus crassos** habet 160. cur stolidi 134. cur venis exilibus præditi 159.
Planeta elementari virtute pollēt 74. eorum magnitudo n ordine ad terram 75. eorum temperamenta 97. 178. eorundem ordo quoad dies & horas 180.
Plantæ cur radices in terra habeant 103. facultate naturali gaudēt 404. sensu carent 385. earum mutua sympathya 396.
Plempij error 344.
Plenitudo quid & quotuplex 148.
Pleuræ nomina 302. peritonæo similis ibid. exquisito sensu pollet 303. eius varij vsus ibid. **Pleuriticis** ubi secanda vena 282.
Pluviarum generatio 98.
Policleri statua multorum artificum

regula erat 341.
Poti cutis oclusi varios morbos patiunt 203.
Potentia sunt animæ effectus 402. à se inuicem realiter distinguuntur, ibid. **Potentia** necessaria sunt animæ 403. **Potentia** sensitiua duplex 411. **Potentia** visiva quid ibid.
Praxis quid 46.
Principiorum pluralitas cur in homine admittenda 260.
Processus mammillares quid, eorumque vsus 322.
Prodicus Hipp. Magister 149.
Prophylactice quid 25.
Prostatarum gládulosarum vsus 289.
Prudentia quid, & quomodo ab arte differat 49.
Pudendi muliebris variæ partes 298.
Pueri cur ad somnum proclines 157. cur epilepsia obnoxij ibid. cur partes superiores habeant grandiores ibid. quomodo iuuenibus calidiores 360. cur per puerorum corpus plus euacuetur, quàm per iuuenem 375. **Pueritia** prima est ætas 357. eius terminus 358.
Pulmones cur dilatentur & comprimantur 215. unde dicti 310. eorum descriptio ibid. eorundem figura, situs, substantia, connexio 311. cur magni ibid. sensu exiguo cur præditi ibid. eorum vasa ibid. eorundem vsus varij 314. cur frigidi, curque calidi dicantur 351. **Pulmonibus** cōpressis mori necesse est 215. **Pulmonum** nutrimentum 240.
Purgatio in statu sano nocet 41. 136.
Pylorus unde dictus 230.

Quantitas est materiz coeua proprietatis 402.
Quaternarius elementorum numerus quomodo probetur 69.
Quatuor anni temporum temperamēta 362. **Quatuor** conditiones ad generationem necessariae 82. **Quatuor facultates naturales** in qualibet cog

poris parte sunt 201. Quatuor fa-
tus tempora 406. Quatuor vitæ
gradus 393.
Quies quid 403.
Quinque cutis differentiarum 205. Quin-
que potentiarum vitales animæ 395.
399.

R

Radicatio quid 248.
Ramus biliaris pancreas excutrit
227. Rami crurales 282. Rami he-
morrhoidalis utilitas 278. Ramo-
rum iliacorum surculi 281. Rami
mesenterici origo 226. eius distri-
butio 278. Rami splenici diuissio
& usus ibid. Ramus subclauis quas
venas producant 309.
Raucedinis causa 313.
Reges etiam fuerunt Medici 11.
Regionum temperamenta 362.
Remedia contraria morbis semper ad-
hibenda 40. Remedia grumos san-
guinis dissoluentia 310.
Renalis venæ ortus 308.
Renes unde dicti 231. eorum descri-
ptio, figura, & substantia ibid. cur
densi 232. eorum situs, situsque
causa ibid. cur duo à natura forma-
ti ibid. Renum variarum partes 223.
nexus cum alijs partibus 324. eo-
rum usus & temperamentum ibid.
Res naturales quot & quæ 27. Res non
naturales quæ 28. cur ita dictæ. 28.
earum vis ibid.
Resistētia quid, & quoduplex 89. quid
vtraque ibid. Resistētia positīua
quid & quoduplex 90.
Respiratio quid, 300. eius instrumenta
301. à quibus fiat 215. Respiratio-
ne deficiente, natura transpiration-
em molitur 202. corpus reficit 2.
Rete mirabile 321.
Retentio, quid 410. a quibus fibris
fiat 229. Retentrix facultas nutritio-
nis est ministra 409.
Rhabarbarum bilem purgat 41.

SAlchymicè extractum Galen pro-
batur. 22. Salutaris virtus 121.
Salubre & insalubre triplex est 33.
Sanguificationis officina, est hepatis
142. ea lesa cui parti remedia appli-
canda 248. Sanguis ab adipe specie
distinguitur 190. in adipem quomo-
do conuertatur ibid. Sanguis anima-
tus cur dicatur 193. ubi attenuetur
124. calidior bile quomodo dicatur
ab Hipp. 161. calorem suum unde
accipiat 348. Sanguinis descriptio
141. eiusdem descriptionis explana-
tio ibidem & 142. 143. duobus mo-
dis accipitur 128. duplex est 145.
Sanguis extrahatur cur concre-
scat 146. eius excrementa quibus
partibus utilia ibid. Sanguis fibro-
sus cur magis ad iram concitet 144.
Sanguinis naturalis causa quadru-
plex 120. eiusdem variarum differentie
145. Sanguinis nonnaturalis cau-
sæ & differentiarum 147. qua ratione
in corde occludatur 260. cur in
phlebotomia saltans effluat 368.
Sanguis cur solus & impermixtus
vix reperiatur 145. Sanguinis utili-
tas 143. eius temperamentum 141.
Sanguinei cur ingenui 134
Sanguinophlegmatici qui 365.
Sanitas aliquando finis aliquando sco-
pus medicinæ dicitur 31. Sanitas in
quo consistat 41.
Saporum species 174.
Saturnus cui ætati præsit 359.
Scientia quid 36. quoduplex 45. vtrius-
que finis 47.
Scirrhus pituitosus quomodo melan-
cholicus fiat 160.
Scrotum quid 289.
Secta quid 12. Secta empirica unde
dicta ibid. Secta Iatrosophistarum
quæ 17. Secta Methodica quæ 15.
eius principes 16. à Gal. damnata ib.
Secta Paracelsistica quæ 18. unde di-
cta ibid. qualia principia habeat 20
Sectæ rationalis Authores 23. circa
quæ versetur ibid.

I N D E X

Semen quid 406. cur album 287. 407. unde calorem suum accipiat 380. cur non possit ex cerebro descēdere 406. eius facultates quę 380. 406. Semen est humor 128. eius materia quę 136. Semen muliebri imperfectius est masculino 291. eiusdem vsus 294. feminis natura quę 289. eius necessitas 406. Seminis præparationes ubi fiant 285. cur sit spumescens 282. 406. Semen testiculi sinistri frigidius est 280.

Senectus quarta est ætas 357. eius terminus 358. Senum temperamentum 360.

Sensus & ratio duo rerum dignoscendarum instrumenta 363. Sensus communis duplex 414. Sensus externus quintuplex est 411.

Septum lucidum 321.

Seri vsus 123.

Seui, & pinguedinis discrimen 207. eius locus ibid. cur non generetur in locis calidis ibid.

Siccitas quomodo qualitas actiua dicatur 91.

Signa hominis temperati 363. 365. 366. Signa singulorum temperamentorum 367. 368. 369. 370. Signa temperamenti ad pondus 364.

Signa Zodiaci, eorum nomina, & numerus 12. 96. Eorundem multiplex distributio 97.

Similia similibus conseruantur 41. Simile sibi generat simile 305.

Sit niotica quid 27.

Sitis quid 398. 410. unde oriatur ibidem.

Sol cui ætati dominetur 359. Generationis & corruptionis præcipua est causa 98. Sol varietatem anni temporum efficit 97.

Solititium æstiuale quando fiat 96. hyemale quando contingat 97.

Somnus quid 156. 259. eius causa ibi duplex 159. Somni non naturalis causæ ibid. Somni nimij & profundi effectus 157.

Spadones cur non generent 308.

Spermatice venæ exortus 308.

Sphincteris musculi vsus 234. 237.

Spinalis medullæ ortus & diuisio 324.

Cerebro est frigidior 352.

Splen quomodo calidior, & frigidior hepate dicatur 351.

Spiritus quid, & quoruplex 383.

Spiritus animalis necessitas 413. eius sedes quę 320. à vitali differt.

Spiritus insiuens, quid & quoruplex 384. eius necessitas ibid.

Spiritus naturalis quid 386. eius sedes & vtilitas ibidem reliquis spiritibus est crassior 387.

Spiritus vitalis ex quo generetur 360. eius locus ubi elaboratur 305.

Spiritus, & calor natiuus interdum confunduntur 383. Spiritus facultatum est vehiculum ibid. Spiritus frigidi exspiratio lethalis 381. vita præditus est 384.

Stellarum numerus 75.

Sterilitatis causa 68.

Struthiocamelus ferrum digerit 366.

Substantia non intenditur nec reimititur 112. Substantia per se producit substantiam 100.

Sues pinguedine abundant 207.

Surculi varij ex vena porta enascuntur 278.

Sutura capitis octo, earumq; nomina 317.

Systoles & diastoles causa 307. cur augeantur 160.

T

Actus quomodo fiat 412. eius obiectum duplex est ibid.

Temperamentum author est omnium actionum naturalium 330. unde dicatur ibid. eius definitio ex Auicenna ibid. eiusdem definitionis explicatio 331. Temperamenti vera definitio 334. Temperamenti varia diuisio 343. 345. Temperamenti variae differentie 344. Temperamenti disquisitio Medico necessaria 329. cur de eo post tractationem partium agatur ibid. Temperamenti equalitas in quo consistat 338. Tempe

I N D E X

ramentum calidum ad longiorem
 vitam aptius est frigido 358. Tem-
 peramenta composita quatuor 342.
 Temperamētū eucraton duplex est
 341. Temperamentū eur Harmonia
 à Gal. dictum 333. Temperamenta
 in se inuicem mutantur ibid. tem-
 peramentorum numerus 338. Tē-
 peramentum simplex quid, & quo-
 duplex 242. Temperamentum du-
 plex qui statuerunt 335. Qui tan-
 tū duo admiserunt 337.
 Temperamentum ad iustitiam quid
 338. cur ita dicatur 341. cur inæ-
 quale appelletur ibid. octuplex est
 342.
 Temperamentū ad pondus quid 338.
 110. Temperamentum ad pondus
 dari quomodo probetur 339. 340.
 341. cui corpori propriè cōueniat
 348. imaginatione potiùs datur quā
 actu 347.
 Tempus quid 93. initio caret ex Arist.
 ibid. Tempus formationis fetus,
 motus, & partus 406.
 Terræ ambitus 81. eius diameter ibid.
 respectu calis est punctum 74.
 Tendo quid, & ex quibus cōstet 326.
 est pars dissimilans ibid.
 Testes quid 288. eorum figura, no-
 mina, & situs, ibid. vsus 288. semen
 generant ibid. Testes cor roborant
 ibid. cur concessi ib.
 Testium muliebrium figura, situs,
 causa situs, eorumq; status 293. Te-
 stis sinister cur frigidius semen ge-
 neret 287. quomodo à Galen. cordi
 præponantur 184.
 Therapeutica quid 28. eius partes 24.
 Thorax quid 299. vnde dicatur ibid.
 eiusdem partes ibidem. cur con-
 structus 300. eius diuisio, & vsus
 ibid. Thoracis partes quæ conti-
 nentes, & contentæ ibid. Thoracis
 & renum sympathia 233.
 Thymi utilitas 282.
 Timidis secur magnum est 243.
 Trachæa arteria quid, eiusque partes
 311. eius compositio & diuisio 312.
 eiusdem vsus 313.

Transpiratio corpus reficit 2.
 Triplex datur anima 395. Triplex cor-
 poris moles 365. Triplex morbus
 ex Methodicis 15. Triplex sanitas
 24. 25. Triplex substantia cuiusvis
 partis quæ 1.
 Triplicis substantiæ resolutio vnde
 procedat 2.
 Tubuli cur in varios ramos diuidan-
 tur 257.
 Tunicarum intestinorum vsus 218.
 cur fibris transuersis gaudeant ibid.
 Tunica ventriculi interna cur mem-
 branosior quàm externa 229.

V

V Alleriolæ error 334.
 Vallesij error circa aerem 79. Ga-
 leno imponit 80.
 Vasis brevis exortus, & utilitas 278.
 Vasorū eiculatoriorum numerus, &
 vsus 289. Vasorū spermaticorum fi-
 gura, numerus, & vsus 285. Vasa
 cordis vndecim valvulis prædita,
 306.
 Vegetatiua facultas triplex 405.
 Vena quid 276. Venarū varia nomina
 ib. Venarum compositio, & distri-
 butio ibid. Venæ triplici villorum
 genere pollent 277. Vena quæ pars
 similis & dissimilis 193. Venæ
 axillaris distributio 283. Venarum
 ab aorta descendēte prodeuntium
 nomina 308. Vena caua cur ita di-
 cta 279. eius diuisio ibid. vnde oria-
 tur 280. duplex est ibid. in duos ra-
 mos iliacos dirimitur 281. Vena ca-
 ua ascendens quot furculos à se
 spargat 282. eorundem furculorum
 nomina ibid. Venæ cauæ ascenden-
 tis cōnexio cum alijs partibus 281.
 Vena caua descendens quot furcu-
 los à se spargat 280. Venæ crurum
 quot, earūq; nomina 281. Venæ e-
 pigastricæ etymologia & ortus ibi.
 Ven. hypogastricæ origo ibid. quas
 partes nutriat ibid. Venarum mese-
 raicarum officium 225. Venæ in re-
 core cur exiles 245. Venæ portæ no-
 mina

I N D E X

mina & exortus 277. eius distributio 278. vsus 244. Venæ pudendæ exortus 281. Venæ sacræ exortus 281. quam partem nutriat ibid. Vena umbilicalis edito fœtu marcescit 277. eiusdem exortus ibid. Venarum à vena thoracica ortarum nomina 282.

Vēter inferior quid, eiusq; duplex diuisio 195. alia diuisio Mūdini 197.

Vētriculi variæ acceptiones 227. chyli-
ficationis est instrumentum 228. eius compositio & descriptio ibid. eius facultates quæ 231. Vētriculi necessitas in animalibus 228. Vētriculi nexus cum alijs partibus, & vsus 231. eius partes, situs, causa, situs, & vasa 230. eadem vasa vnde accipiat ibid. Vētriculi temperamentum 353. quot eius tunicæ 229.

Vētriculi interna tunica cur membranosior externa ibid. eadem cur rugosa ibid. eius nutrimentum 122.

Ventriculorū cerebri figura 321. eorum vsus 322.

Venus cui ætati dominetur 359.

Vesalius refutatur 215.

Vesicæ nomina 335. Vesica quid ibid. cur validiorem à peritonæo suscipiat tunicam quàm hepar ibid. eius fibræ & tunicæ 336. interior eius tunica cur crustosa ibid. Vesica cur membranca, eius diuisio & figura ibid. Vesicæ collum cur in viris longius quàm in fœminis ibid. idem, collum cur angustum ibid. Vesica à quibus humoribus lædatur 239. Vesicæ situs & vsus 238.

Viæ varię per quas fiunt euacuationes 201.

Vigilia quid 156.

Vires nostræ in quo consistant 344.

Virorum temperamentum 362. Viri rariorē habent cutem fœminis 202.

Visus organum, & subiectum quale 411. visio quomodo fiat ibid.

Vita in quo consistat 258. Vitæ longæ exempla. 358. 359. Vitæ triplex ac-

ceptio 392. Vitalis facultas duplex est 411. Eius viæ per quas fertur ibid.

Vlcus asperæ arteriæ quomodo tractandum 313.

Umbilicus vnde dicatur 196. Umbilicalis regionis diuisio ibid. est secūda ventris inferioris regio ibid.

Vnguium generatio 187. sunt partes corporis ibid. eorum temperamentum 188. qua anima informantur 189.

Voēs clangosa & rauca causa 313.

Voluptas in coitu vnde proueniat 290.

Vomitus in ileo & cholera morbo vnde oriatur 203.

Vrachi utilitas 238.

Vreterum varia nomina 234. eorum compositio, situs, temperamentum & vsus 235. cur obliquè Vesicæ inserti 237.

Urina quid, & ex quibus generetur 146. Urina cur hyeme copiosior quàm æstate 203. eius inuoluntarius fluxus vnde fiat 237.

Vteri varia nomina 295. eius figura, fibræ, magnitudo, nexus cum alijs partibus, situs, sympathia cum cerebro, & tunicæ ibid. eius variæ partes 297. 298. Vteri lapsus causa 297. Vteri qui ad concipiendum inepti 68 eius cum mammarum sympathia vnde oriatur 281.

Vulnus prope iecur in regione venæ causæ cū lethale 246.

X

X Anthus fluuias ones flauas reddit 162.

Z

Z Enon omnia quiescere iebatur 94.

Zodiaci distributio 96. Zodiaci signa cur animalibus comparata ib. Zodiaci Signorum temperamentum.

179

F I N I S.

NELLANI GLACANI

Tirconalliensis Hiberni

REGIS CHRISTIANISSIMI CONSILIARII, & IN ALMA
Vniuersitate Tolosana quondam Professoris Medici, nec non
in celeberrima Bononiensi Academia, Studiorum
Matre, Primarij, ac Eminentis Professoris.

C V R S V S M E D I C I

PARS SECVNDA.

Pathologia communiter nuncupata,
IN TRES LIBROS DIVISA.

In quorum Primo de Morbis : in Secundo de Morborum causis :
& in Tertio de Symptomatibus, sive Morborum
accidentibus, agitur.

OPVS MEDICIS, ANATOMICIS, CHIRVRGICIS,
ac Tyronibus apprime utile ac proficuum.

SVPERIORVM PERMISSV AC PRIVILEGIO.



B O N O N I Æ. M. DC. LV.

Sumptibus. Sebast. Combi, & Ioan. Lanou.

NEILANI GLACANI

Theophilus Libani

REG. CAROLINENSIS CIVITATIS & IN ALIA
VIRIDITATE, QUODAMmodo, in hunc modum
in hunc modum, in hunc modum, in hunc modum
in hunc modum, in hunc modum, in hunc modum

C. V. R. & S. MEDICI
1877 RECENSIO

Pathologic constitutis nuncupat.

1877 LIBER 20 DIVISA

In hunc modum, in hunc modum, in hunc modum
in hunc modum, in hunc modum, in hunc modum
in hunc modum, in hunc modum, in hunc modum

1877 LIBER 20 DIVISA

1877 LIBER 20 DIVISA



BONONIE MEDICA

1877 LIBER 20 DIVISA

Studioſo Lectori.



Non est præteritus annus (Studioſe Lector) ex quo Prima Pars
Curſus Medici meo nomine in lucem prodijt. Parùm pro-
deſſet illam euulgaſſe, ſi ei hanc ſecundam Partem non
copularem: Quoniam ambæ Medicinæ prima fundamen-
ta conſtituunt, ſeſeque mutuis reſpectibus, etſi contrarijs,
reſpiciunt. Etenim vt in illa naturalis humani corporis
ſtatus exponitur, ita in hac aduerſus ſtatus præter naturam, in morbum,
morbi cauſam, & ſymptoma ſiue accidens morbi, diuiſus. Quocirca quid-
quid Medicinam ſapit, ad alterutram partem neceſſariò reducitur. Nam
Medici præcipuus ſcopus in exacta diſpoſitionis naturalis corporis humani
conſeruatione, & aduerſæ diſpoſitionis præter naturam, iam antea in tria
membra diuiſæ, depulſu, repoſitus eſt. Modum conſeruandi naturalem di-
ſpoſitionem curioſe inſagat, docetque ea Medicinæ Pars, quæ Hygieine
nuncupatur: Curandi verò abigendique res præter naturam, morbum vide-
licet, morbi cauſam, & ſymptoma ſeu morbi accidens, Pars altera, quæ Pa-
thologia particularis, ſiue Therapeutica, ſiue Curatrix, ſiue Praxis commu-
niter dicitur. Vt hæc vniuerſali Pathologiæ, quæ hoc Volu. en efficit, ſu-
biicitur, ſub alternaturque, ita Hygieine Phyſiologiæ: Et quia Tertia Me-
dicinæ Pars, quæ Simiotica appellatur, ſigna ſtatus naturalis, & ſtatus præ-
ter naturam copioſe examinât, vtramque Partem æmulatur: ideoque ad il-
las neceſſario reuocatur. Hanc noſtram Vniuerſalem Pathologiam, quam
his vacationibus Diſcipulorum gratia compoſuimus, præloque ſimul com-
mitti curauimus, in tres libros diſtinximus: In quorum Primo, Morbi natu-
ram, & ſpecies: in Secundo, cauſæ morbificæ naturam, & ſpecies: in Tertio,
Symptomatis, ſeu accidentis morbi, naturam, & ſpecies, diſſuſe ſatis, curren-
ti licet calamo, expoſuimus. Tibi, Studioſe Lector, Prima Pars Curſus Medi-
ci ſuperiori anno luci expoſita (vt intellexi) placuit: placeat obſecro, & hæc
Secunda Pars, quæ ab eodem emerſit Parente. Non enim virulento Zoilo,
non ſtolidæ imperitorum turbæ, nec Vmbraſticis Sophiſtis, qui garrula, &
impudenti procacitate præter ſuam prætenuem, & inſtabilem cogitatio-
nem, præſtantiora quæuis immodeste criminantur, ſcribimus; ſed Tibi inge-
nuo, & ſyncero; cui æquè ac mihi, Aſopi ſolemnis innotuit fabula, quæ Senis,
Pueri, & Aſini exemplo neminem omnibus arridere, lepidè oſtendit. Nupe-
rum Opus Phyſiologicum, ſat ſcio, non multis ſolum Viris omni bona litte-
ratura ornatis, ſed Doctiſſimis Principibus Cardinalibus, & præſertim Emi-
nentiſſimis Fachenetto, & Roſetto, aliqua laude dignum cenſebatur. Ean-
dem in hac ſecunda Curſus Parte, quam in illa, methodum obſeruauimus:
Sed fuſius fortè, quam alij multi morbi naturam, cuius exactam cognitio-
nem Medico neceſſariam putauimus, examinandam duximus. Cæterum ſi
quid in toto Opere tuo ſapit palato, Authorem non deſpiciens, Tibi reponere.
Interea Vale.

De-

Defensio Authoris.

Mvsarum tranquillitatem, & scriptio-
num tuarum serenitatem, ob Lectorum
maleuolorum obreclationem, quid obumbrare cogitas? suam potius famam
denigrant, qui alienam genij claritatem obscurant; sed qua nisi summos
homines petit inuidia; Hoc splendet inuidiose Litteratura clarior glo-
ria. Eate res erigat huius communis sortis habere socios: Etenim qui libris euulgandis
operam nauare consueuerunt, sapissime falso accersuntur: verum ad nigricantem luoris
bilem, tanquam ad lydiū lapidem probatur scientia veritas. An vero tu magis opportu-
num arbitreris abuti litteris quam nominis leui offendiculo periclitando, ad commune li-
teratorum commodum ingenij specimē efferre? Quotusquisque hominum est, qui de publi-
cis rerum visibus bene merere volunt, eos maleuolentia alea periclitari semper nec esse est.
Iuris prudentie moderator aequissimus, ut sacrosanctae iustitiae mandata euulget ex officio,
non citra sui nominis odium apud improbos gentibus leges edicit. Militaris disciplina
strenuus: Imperator non citra iniurias infestantium Hostium, & insultus, ad suorum orna-
mentum, & armorum militibus praescribit officia: nec literaria Reipublica iam satis consu-
lit, & Studiosorum rebus citra cuiusdam Aristarchi criticam virgularum opimus Scrip-
tor. Eia age alacri animo, neglectis Misocolorum blateramentis, manuum nebulonum
delusis insomnijs, Zoulorum inuidentium protritit uirgulis, quo cepisti, cursum scribendi ad
Litteratorum usuram adurge, disseminaturus cum insigni doctrina ad posteros nomen eter-
num. Tuam olim Physiologiam ab exedra, ad numerosum, Tibique plausibile Audito-
rium, ab ore pronunciatum pluries, prorsus auribus excepi, eamque tunc temporis typis edi-
tam a Te ad Bonorum utilitatem, summa cum attentione iterum iterumque relege: qua
nil melius dictum, nil scriptum doctius, Deo teste, germane fateor. Etenim est quid in te
praestantissimum: quod facit, ut tua nunquam apud me, aliosque contra virulentos, conuicia-
tores, & nasutulos tibi aequissime patrocinantes, frigeat memoria, puta studium tersum,
politum, immaculatum, atque a nullis nisi sciolis momisque inuisum; quo medius fidius
Phylodicos, Doctorumque Virorum contemptores suis Armis exarmasti, & viperinam
linguam infirmasti, qui de Asini umbra sese misere afflictores, eus rufas appellitan-
dos. Hibelissimum inscitiae, & inertiae patrociniū nacti, demorati ad Galenum expli-
candum interpretationem relinquunt: Tu vero Medicinae lucubranda bene natus, inter
ceteros vnus, & precipuus, non semel, sed ad nauseam (si dixerim) Galenum regustasti, &
regustatum soluto sermone, venusto tamen, & germana Atticorum elegantia explicatis-
simum reddidisti, nec tamen poenitendam de sudasti operam, ut praeclara fama Vir excel-
lentissimus atque in Archigymnasio Medicinae Professor Eminens plurimos Artistas me-
cum in tuam congregaueris laudem qui, & ipsi euulsis maleuolorum herbis noxijs, norunt
segetem discernere a cespite. Quare felici animorum auspicio, & communis beneuolorum
consensu, & studentium admiculo exaratae Pathologiae in lucem iam tandem euul-
ges, ut presenti prolusoria epistola peto: sic mutua tui erga me, & alios amoris significatio-
ne, hoc (lenidense licet) animi mei monumentum aequis oculis inspectum, ut aequi bonique
consulas volo. Vale, iterumque vale, paleudinis dogmaticum ararium.

Hac tuenda veritatis gratia posuit

Bartholomaeus Mastarius in Vniuersitate Bononiensi
Publicus Medicinæ Professor.

NELLANI GLACAN

TIRCONALLIENSIS HIBERNI

P A T H O L O G I A .

LIBER PRIMVS.

De Morborum Differentijs.

C A P V T I.

De morbi, & sanitatis notione, & essentia.



T Libri titulus probè percipiatur, præsciendum est apud Medicos, Genus, Differentiam, & Speciem, ut plurimum confundi, uti suis in operibus, & præcipuè lib. 11. methodi c. 1. lib. ad eos, qui de typis scripserunt c. 4. testatur Galenus, qui lib. de generibus morborum, titulum

præponit, de Differentijs morborum; licet inibi de generibus, & speciebus morborum egerit, eadem genera in suas diuidens species specialissimas Physicas vsque. Primò enim morbi notionem & essentiam inuestigat: Secundò simplices morbi species, tanquam compositorum morborum elementa, tradit: Tertiò compositos ex simplicibus exponit. Nos eandem obseruabimus Methodum, desumpto exordio ab ipsius morbi notione & essentiâ, sine quibus aditus ad vniuersam doctrinam de morbis perdifficilis & confusus foret. Nam rectus clarusq; docendi ordo expostulat, ut rei quam exponere conamur, communem notionem, naturam seu essentiam, & definitionem ante omnia proponamus, ut faciliùs deinceps eiusdem rei differētias aut membra, ceteraq; omnia, quæ in posterum de tali re dicenda sunt, intelligere valeamus; ut optimè monet Gal. lib. 1. meth. med. c. 5. his verbis: Quoniam omnis morbi curationem inuenire propositum est, necesse est morborum numerū priùs sciri. At quoniam fieri nequit, ut aut differentias generis vllius, aut species inuenias, ipso, quod

*Methodo
compositi-
ua in Pa-
thologia
usus, est
Galenus.
nā à sim-
plicibus
ad compo-
sitos, mor-
bos proce-
dit.*

*A rei no-
tione sem-
per exor-
diendum.*

diuiditur, non planè explorato, oportet profectò nunc etiam, quid morbus sit, narremus, quo sic diuisionem eius ritè adæamus. Eodè cap. veluti c. 2. lib. de differ. morb. & lib. 4. de different. puls. c. 2. præcipit vt de notione ipsa cuiuscunque rei priùs conueniat, cùm sine hac proposità rei substantiam siue essentiam, naturamue inuenire nō liceat. Morbi igitur notio ab aliquo principio euidentissimo, & ab omnibus hominibus concessio desumitur; cuiusmodi est hoc: Omnes homines tunc se sanos existimant, cùm partium corporis ministerio, ad eas quæ in vita sunt necessariae actiones sine aliquo vitio perfungi potuerint. Quod si cuiuspiam partis operatio offensa sit, illam eandem partem ægrotare arbitrantur. Hoc enim principium, omnium consensu approbatum est atque receptum, & notum; atque adeo certissimum ac euidentius; quia à sensuum cognitione, & experientia desumitur. Est ergo æquè certum ac illud: Omne totum est maius sua parte. His quidem notionibus siue definitionibus nominis, tanquam euidentibus, communibusq; principijs, ad id, cuius naturam inuestigamus, veluti manūducimur, (licet rei essentiam nō detegant) exemplo vestigij leporis, vt benè monet Gal. de Opt. Sect. c. 3. Vestigium autem leporis non est eiusdem leporis principium, sed accidens quoddam, siue signum, quod se habet tãquam principium inuestigationis naturæ leporis, quæ à tali vestigio remotissima est. Sanitatis notionem, priùs quàm morbi, citatis in locis optimo iure proponit; quoniam ea quæ præter naturam sunt, cùm naturæ & sanitati sint contraria (vt c. 2. lib. de differ. morb. & lib. 1. meth. med. c. 7. docet) benè percipi nequeunt, nisi priùs dignoscantur ea quæ secundùm naturam sunt; vt monet Gal. lib. 2. meth. c. 4. & cap. etiam 3. in quo ait nos non posse morbos inuenire, nisi prius noscamus corporis elementa, & reliqua omnia quibus consistit, aut constat.

*Rectum
est index
sui ipsius
& obliqui.
Morbus
inueniri
nequit,
quin prius
corporis
elementa,
& reliqua
quibus con-
stat dignos-
camus.*

Ex posito illo axiomate, siue euidenti principio, Gal. sanitatis & morbi essetiam colligit. Cuius rationes in argumenti formam sic redigere lubet. Sanus ab omnibus hominibus dicitur ille quiuis, qui rectè suas functiones, siue actiones exercere potest. Vel ergo sanitas constituenda est in ipsis naturalibus actionibus, quæ rectè, & debito tempore producuntur & fiunt, vel in constitutione naturali ipsorum instrumentorum siue partium, quibus rectè

& com-

& completè actiones perficiuntur. Sed sanitas non est constituenda in ipsis operationibus, quæ fiunt actu. Ergo in præfata partium natiua constitutione, quàm naturalem fabricam vocat Galenus. Minorem probat ex eo, quod in dormientibus, & alijs, qui in ocio, & umbra degunt, interdum contingit, vt nulla ipsorum pars moueatur, neque ab externo sensuum obiecto sensus ad percipiendum afficiantur aut excitentur: cùm tamen iidem homines, & dormientes, & in ocio ac umbra degentes inculpati fruuntur sanitate. Hinc infert Gal. sanitatem nullatenus in actionibus ponendam esse, sed potius in naturali partium constitutione, seu in illa potentia à qua naturales (hic. n. actiones naturales appellantur illæ omnes nobis congenitæ, siue sint animales actiones dictæ, vt sensatio & motio, siue veræ naturales) actiones prodeunt. Quæ quidem potentia, siue facultas agendi, ab illa naturali partium constitutione, quæ prædictarum actionum completa causa est, dependet. Vt a. operari possimus, inquit Gal. lib. de differ. morb. c. 2. structura efficit naturalis. In hac igitur consistit sanitas: vnde & hæc ipsa ad operationem vim obtinet causæ. Siue igitur naturalem omnium partium corporis constitutionem sanitatem appellare libuerit; siue operationum causam, in idem vterq; incidit sermo. Quoties hîc aut alibi naturalium actionum causam structuram partium vocat Galen. de sola partium organicarum structura non est intelligendus, sed de omnis partis, siue similis, siue dissimilis, constructione. Vnde cùm mediante temperamento, tanquam naturali quadam forma, partes similes suas edant actiones, temperamentum dicitur naturalis structura partis similis. Et quia vnio iuuat tam similiarium quàm dissimiliarium partium actiones, etiam in structuræ censu collocanda.

Sanitas non in actionibus, sed in naturali corporis constitutione consistit.

Structura, aut constitutio, similis, æq; ac dissimilibus partibus conuenit. Temperamentum est partis similis structura, vnà cum vnione. Morbus est constitutio præter naturam.

Ex essentia sanitatis iam ostensa, morbi essentiam colligit hoc ritu Gal. Sanitas est constitutio secundum naturam, seu integrarum atq; laudabilium actionum causa. Morbus verò sanitati contrarius est. Ergo morbus erit constitutio præter naturam, vel læsæ actionis siue operationis causa; non autem ipsa actio læsa, aut vitiata. Contrariorum a. eadem est ratio: nam ex Arist. in Cathégor. sub eodem genere, etiamsi diffita sint, collocanda sunt. De eadem contrarietate loquitur Gal. lib. 2. meth.

c. 4. lib. de differ. morb. c. 2. & lib. 1. meth. c. 7. vbi agens contra Theſſalum, manifeſtè dicit ſanitatē & morbum eſſe contraria; datq; propterea contrariorum definitionem. Quòd morbus in actione læſa non conſiſtat, patet ex eodem Gal. lib. 1. & 2. methodi, & præcipuè c. 1. lib. 2. vbi ab eo quatuor enumerantur, quæ corporibus noſtris accidunt, dum eadem corpora à ſtatu naturali ad ſtatum præter naturam recedunt: Primum eſt functio, ſiue actio vitiata: Secundum eſt affectus actionem incommodans: Tertium eſt cauſa huius affectus: Quartum eſt ſymptoma hunc affectum morboſum conſequens; quod ſymptoma eſt functionum actionumue vitium, vt ibidem loquitur Gal. qui luculenter morbum in affectu, aut conſtitutione præter naturam, nequaquam, verò in actione læſa, aut actionis vitio, ſiue ſymptomate collocandum cenſet; tametiſi antiqua fuerit de hac re controuerſia, non inter Medicos modò, ſed inter Philoſophos. Suam hanc ſententiam probat Gal. lib. de different. morb. c. 2. & lib. 2. methodi c. 3. Quia affectui, & non actioni læſæ, adhibentur remedia. Nemo. n. inquit, claudicationem ſanat, ſed affectum, qui hanc efficit; veluti phlegmonem, ſi huius vitio claudicatur. Libro de different. ſympt. c. 5. diſtinctè inquit: Noxæ actionum ſymptomata ſunt; & cauſæ noxarum morbi.

Morbus non conſiſtit in actione læſa.

Cum optimo fundamento innixus probaret Galen. morbum non eſſe actionem læſam, aut ſymptoma, ſed affectum, ſiue conſtitutionem præter naturam, acriter toto libro 1. & 2. meth. contra Themilonem, Theſſalum, & Olympicum, alioſq; methodicos morbi eſſentiam imperitè, & negligenter inueſtigantes inuehitur. Sed omnimodæ negligentiæ reum damnat Iulianum ſibi Alexandria notum, qui viginti annorum ſpatio Inſtitutiones Medicas ſapè renouatas docens, prorfus ignorabat, quid eſſet morbus.

Iulianus docens ignorabat morbum.

Morbum vocauit Gal. non ſolùm conſtitutionem, ſed inſuper affectum ſiue diſpoſitionem lib. de different. morb. c. 2. lib. 2. meth. c. 3. lib. de differ. ſympt. c. 1. Primò autem loco ait: Liqueat a. quod ſi etiam diſpoſitionem præter naturam dixeris, cum eo quòd nomine vteris antiquo, idem quoq; ſignificabis. Secundo a. cit. loco inquit: Morbus eſt affectus præter naturam qui actioni incommodat. Comment. etiam 1. in lib. de Officina Medici hæc habet: Nihil autem in ſequentibus intererit, habitum noſtro-

Diſpoſitio & affectus idem ſunt.

Quid morbus.

rum corporum naturali administrationi contrarium, morbi, vel affectus vocabulo nuncupare, sicut Græci omnes consueuerunt interdum *νόσος*, interdum pathos hoc genus vniuersum appellantes. Sed paulò altius, dum definitionem mox tradam, constitutionis, & affectus verum sensum exponam.

Ex dictis luculenter constat longè à veritate defecisse Andrea illum Platerum, qui sanitatis & morbi subiectum ipsa Contenta esse refert; cùm contentis, id est humoribus, sanitatem, & morbum adscribi autemet. Doctus Massarias humorum vitia morbos esse vult; quia vitiatas humoribus partes vitiantur. Donatus Antonius ab Altomari, alijq; nonnulli ab hac opinione non longè recedunt. Sed hi viri docti Galeno prorsus aduersantur, qui morbum appellat structuram, siue habitum, siue dispositionem partium vitiatam. Humores a. qui vulgò contenta ab Hippoc. & Gal. censentur, non sunt partes corporis, vt in Physiologia fusè demonstrauimus. Ergo humores non sunt propria morbi subiecta, sed potiùs morbi causæ, quoties quantitate redundant, aut aliena qualitate deprauantur. Præterea facultates omnes continentibus, & non contentis hærent; quia continentes siue partes verè animatæ sunt: nutrimentum verò, quousq; partibus assimiletur, nequaquam. Sed humores sunt nutrimentum. Ergo donec parti assimilentur, non sunt propriè animati. Atq; adeo animæ facultatibus non sunt instructi. Et cùm facultatibus animæ careant, actionibus pariter vitalibus. Eorum ergo vitia, causæ morbi, vel symptomata potiùs, quàm morbi dicentur. Sed ad morbi vltiorem inuestigationem accedamus.

*Platerus
Massaria
& Altomari
perstringuntur.*

C A P V T II.

Quid est morbus?

QVoniam in Scientia Medica nulla extat celebrior controuersia, quàm quæ circa morbi essentiam, eiusq; definitionem versatur, nonnulla hac de re accuratiùs, quàm à quibusdam fit, proponemus. Superiori cap. cū Gal. definitionem quid nominis, quam notionem appellant, & definitionem rei, seu ipsius morbi essentiam breuiter exposuimus; diximusq;

musq; ipsa sensuum apprehensione, & experientia, morbi & sanitatis notionem elucescere. Nam quoties citra offensam omnium corporis partium actiones obeunt homines, ita vt nulla actio partis vitiata sit, valere se tunc dicunt, & minimè egere Medicis putant, vt loquitur Gal. c. 5. lib. 1. Meth. Vbi verò naturalium corporis actionum quampiam senserint vel malè geri, vel prorsus non geri, & agrotare se illa parte corporis existimant, cuius actionem læsam vident, & Medicum de remedio consulunt. Deinceps citatis superiori cap. locis essentiam sanitatis in naturali partium constitutione posuit Gal. morbi ei aduersi essentiam, in constitutione corporis præter naturam; seu in causa lésionis actionum. Hæc a. brevis morbi definitio sufficiebat Gal. lib. de different. morb. c. 2. vt exinde morborum species colligeret. Sed quoniam nō exactissimè breui illa definitione morbi essentia exponitur; nec per eam dilucidè morbus à sua causa distinguitur, perfectior ex alijs Galeni locis eruenda nobis est. Fuit enim (inquit Gal. lib. 2. meth. c. 1.) antiqua de hoc controuersia, & hodie dissident inter se omnes non modò Medici, sed etiam Philosophi, alij ipsius actionis vitia, alij affectum vnde actio procedit, morbos nominantes. *Olympicus* igitur (vt refert Gal. cap. cit. & c. 7. lib. 1. Meth.) dicebat sanitatem esse actionem, robur, & constantiam; morbum v. esse mutationem à naturali statu in affectum stabilem præter naturam. *Hæc fuit Thessalicorum opinio* quam locis cit. refutat Gal. Quoniam absurdum est dicere, sanitatem ponendam esse in actionibus naturalibus, & morbum in constitutione præter naturam: Contraria n. in eodem genere esse debent. Atqui morbus & sanitas sunt contraria. Ergo in eodem genere collocari debent. Adeoque si morbus est constitutio præter naturam, similiter, & sanitas erit constitutio secundum naturam: & per consequens eius essentia in actionibus non consistet. Aut è contra, si sanitas in actionibus secundum naturam posita est, vt illi fatentur: Ergo & morbus in actionibus præter naturam.

Aduersarij occurrunt.

Olympici Sectatores morbum, & sanitatem contraria esse negant, quia inter morbum, & sanitatem datur medium, status neuter dictus. Sed hoc argumentum facilè à Gal. erroris conuincitur. Nam calidum, & frigidum sunt contraria, & tamen inter ea datur medium, tepidum. Ergo quamuis inter sanitatem, &

mor-

morbum detur medium, id eis contrarietatis rationem non adimit cū ab omnibus contraria dicantur, quod vnum actiones edat, alterum easdem actiones lædat.

Rursum, morbi definitionem ab Olympico traditam rejicit Gal. quia mutatio à naturali statu, non magis morbo, quàm causæ morbificæ, & Symptomati conuenit: Statui autem naturali, siue sanitati, morbus, morbi causa, & symptoma contrariè opponuntur, quod hæc omnia corpus sanum infestent; quoduis horum suo modo. Vnde rectè à Medicis res præter naturam communiter appellantur, aliàs res contra naturam: Quæ ambæ particulæ, præter naturam, & contra naturam, per hæc verba, *παρά φύσιν*, à Græcis exponuntur: & viceuersa à Latinis græca illa, per, præter naturam, nunc per, contra naturam, exponuntur. Fernelius ab

Res omnes præter naturam sanitati contrariatur. Contra naturam, & præter naturam idē sunt.

hac doctrina discedit, qui lib. 1. suæ Pathologiæ c. 2. affectum corporis nonnaturalem distinguit in affectum præter naturam, & in affectum contra naturam. Præter naturam, inquit, qui tametsi ex naturæ præscripto non est, illi tamen nullam vim infert: eiusmodi est fædus ictericorum color, & qui Solis ardore contrahitur, & faciei lentigo: omnis præterea leuior affectus, & præ exiguitate adeo obscurus, vt neq; nostris, neq; laborantium sensibus animaduerti possit. Sic vlcusculum, quod neq; sensum mouet, neque functionibus obest, præter naturam esse dicimus, nec tamen contra naturam, nec morbum: Licet enim idein sit species, atque ingens vlcus, ad quod efficientium causarum continuatione peruenirèt (nam simile cū sit, non vt domus quæ exedificatur, incremento aut magnitudine speciem mutat) quia tamen non perspicuè functionem lædit, contra naturam dici haudquam debet. Contra naturam affectus est, qui non modo naturæ limites excessit, sed & illi vim infert, eiusq; vires & functiones interturbat; atq; id modò proximè, modò alterius interiectu facit. Hactenus Fernelius, qui Auerrois doctrinā Philosophicā non aptè rei Medicæ adaptat. Auerroes varios ignis motus varijs insignit nominibus Eius motum spontaneum sursum, naturalē appellat; motum deorsum, contra naturā; motū deniq; eiusdem ignis circularē à celorum circulari motu factum, præter naturā; quia nec est ignis naturalis, nec cōtra ipsius naturam. Sed hoc exemplo nō rectè utitur Fernelius; quoniam omne vlcus quantumuis exiguum, est res

Fernelij opinio.

Fernelius perstringitur.

præter

præter naturam, & Phycè loquendo, morbus est; quia tamen paruus, medicè morbus non dicitur, sed pathos, aut symptoma. Si autem pluribus vlculis corpus affectum fuerit, morbo laborare dicetur, eoq; cutaneo; vel saltem vlculula illa symptomaticis rationem induent, internam significantia intemperiem. Fernellius insuper non est Aristoteli conformis; quia apud hunc *παρὰ φύσιν* accipitur pro re violenta: vt pro descensu ignis, & ascensu terre, vt videre est lib. 8. Phyc. 3. & reuera hoc violentum propriè contra naturam dicitur. Altero modo *παρὰ φύσιν* idem videtur significare ac declinationem ab eo quod secundum naturam est, lib. 2. de cælo 17. *ἐκστασιν* vocat, Simplicius *παρέκβασιν*: Eodem ideò lib. 10. particula 37. in hoc sensu senectutem, & tabem *παρὰ φύσιν* esse ait, veluti omnes impotétias: Morbus autè hoc secundo modo est præter naturam: nam naturaliter secundum intrinsicæ principia homo in morbos incidit, vt in senectutem, & mortem, ex Philosopho lib. 5. Phyc. 56. & ex Gal. 1. de sanit. tuen. cap. 1. Primo etiam in significato morbus in soluta vnitæte, alijque varij præter naturam dicuntur. Præterea Fernellius doctrinæ Galeni aduersatur: nam Gal. & omnes Medici Græci non alio vfi sunt verbo quàm *παρὰ*, idest, præter, dum morbum, morbiq; causam, & morbi symptomata, quæ omnia res contra naturam à Medicis dicuntur, exprimunt. Vnde communiter hæc tria, res præter naturam, aut contra naturam, indiscriminatim, appellantur. Et hanc dicendi regulam obseruat ipse Fernellius, qui lib. 4. suæ Pathologiæ c. 1. febrem calorem præter naturam è corde in omne corpus effusum, vocat. Et paulò post inquit: Calor præter naturam naturali aduersatur: Et tamen ipse Fernell. lib. 1. c. 1. suæ Pathologiæ, morbum in hunc modum definit: Morbus est affectus contra naturam corpori insidens. Ex his constat Fernellium, etiam inuitum, Galeni vestigijs insistere, vel certè ipsum sibi manifestè contradicere: Nam si morbus ex illo est contra naturam; & id quod est præter naturam, non est morbus, nec actiones lædit, incautè nimis, & sui oblitus, febrem, quæ verè morbus est, calorem præter naturam appellat: nec semel tantum, sed sexies, aut septies in dicto cap. febrem, morbum maximum, & vniuersalem calorem præter naturam appellat, non verò contra naturam.

Ioannes Varandæus Fernelij sententiam sequutus, ait, ipsum met Galenum posuisse discrimen inter id quod est toto genere præter naturam, & id quod est præter naturam: Nam ait sanguinis excretionem esse toto genere præter naturam. Ergo, inquit Varandæus, præter naturam est leuis quædam offensio, vt fædus ictericorum color: & contra naturam erit id quod omnino lædit actiones. Sed parùm rectè hic Scriptor loquitur: nec Galeni mentem assequutus est: nam Gal. lib. 3. de sympt. causis c. 2. (iuxta Iuntarum impressionem) vbi sanguinis excretionem, præter menstruam purgationem, toto genere præter naturam esse ait, non ex professo discrimen ponit inter id quod est contra naturam, & id quod est præter naturam; vt legenti planum fiet: sed dicit tantummodo, sanguinis euacuationes plusculas esse toto genere præter naturam, menstruam v. euacuationem mulierum quantitate tâtum Sed hoc nihil contra communem, & veriore sententiâ Galeni, quam amplectimur, concludit.

*Varandæus
refellit.*

Nunc ergo varias morbi definitiones spargere liceat. Morbus (vt ex superiori cap. constat) est constitutio, vel affectus præter naturam, qui actioni incommodat. Lib. 2. de Crisib. c. 2. eodem fere modo sic definitur: Morbus est dispositio quædam præter naturam actiones lædens. Lib. 1. methodi c. 8. sic: Morbus est affectus corporum præter naturâ se habens, cum actione aliquam vitiât. Lib. 1. methodi c. 5. & lib. de different. morb. c. 2. dicit morbum esse sanitati contrarium, & per consequens esse constitutionem præter naturâ, seu læsæ actionis causam. Sed quoniam præfatæ definitiones causæ morbificæ aliquatenus conuenire videntur, quod causa actiones, morbi licet interuētū, lædat; Gal. lib. de differ. sympt. c. 1. exactius quàm vllibi, morbum hoc ritu definit: Morbus est diathesis, siue status, siue dispositio, siue affectus præter naturam, à quo primùm actio læditur. Supradictis autem in locis rudi quadam Minerua morbum descripsit, vt morbi à sanitate differentiam statueret: loco autem iam citato morbum plenius definiuit, vt eum à sua causa, & symptomate, quæ, pariter ac ille, sunt res quædam præter naturam, distingueret. Morbus dicitur affectus, (seu constitutio, seu dispositio) vt cum sanitate conueniat. Affectus n. locum generis occupat, & à Gal. variè usurpatur. Primò, pro quauis re quomodolibet corpus nostrum

*Quid mor-
bus.*

*Optima
morbi de-
finitio.*

*Affectus
varia si-
gnificatio-
nes.
Prima.*

afficiente. Sic n. affectus sanorum, ægrorum, & neutrorum corporum veri affectus ab affici dicuntur lib. de arte medic. vt dilucidè exponit Gal. lib. de different. symptomat. c. 1. hac serie: Ergo dictum est morbum esse corporis statum quendam præter naturam, à quo functio læditur primùm; constat a. etsi eum esse affectum quendam præter naturam dixerimus, à quo actio læditur, idem dicturos: siquidem omne quod est, siue id sanum sit, siue ægrum, siue neutrum, quodammodo afficitur. *Affectus derivatio.* A *διαιθεσίαι* verò, id est affici, *διαθεσις*, id est affectus nomen quodammodo est ortum: atq; in hunc vsum non ab antiquis modò Philosophis, sed etiam alijs Græcistractum. Et affectus quidem tum eorum, qui sani, tum qui ægri sunt, tum neutro modo se habentium, omnium, est commune. Etenim & cantus, & harmoniæ, & orationis, & dictionis affectio quædam esse videtur. Morbus a. sanitati contrarius. Dissidet autem ab vtriusq; (veluti Plato ipse definiens prodidit) quod græcè pathos & pathema dicitur, latinè passionem appelles: quidquid n. patitur quis, pathos siue passio est appellandū. Eodque arbitror sensuum quoq; alterationes, pathemata, siue passionem appellauit: in visu quidem eas, quæ ab albo, nigro, flauo, & ceteris coloribus fiunt: in tactu, quæ à calido, frigido, humido, & sicco, molli, duro, ceterisq; id genus, ad eundem modum, & in singulis reliquorum sensuum. Neminat a. is & voluptatem passionem, omnemq; in summâ motum, quicumq; ab altero fiat in alterum: quippe agentis motus, actio est: eius verò quod ab eo est quodammodo affectū, passio: in summâq; ipsum affici idem quodammodo quod pati est. His clarè ostendit Gal. affectum, siue constitutionem, Græcis diathesin, in prima lataq; significatione accipi pro quauis passione; siue passio hæc ad naturæ conseruationem, siue destructionem conferat. Secundò, nomen affectus, magis strictè pro quacunq; mutatione, quæ fit à naturali statu in statum præter naturam: in qua significatione initio cap. 1. lib. de sympt. different. & lib. 1. ac 2. methodi passim, morbum, morbi causam, symptoma, affectus esse docet Galenus. Tertiò *Actio est motus agentis. Passio quid.* nomen, affectus, strictius adhuc, & magis propriè accipitur pro eo quod in re aliqua quæ patitur permanet, postquam alterans quieuit: vt docet Gal. c. 1. lib. de different. symptom. & lib. 2. meth. c. 3. in qua significatione affectus in præsentī definitione morbi accipitur.

Diatheſis ergo, ſiue affectus (vocatur, vt dixi, conſtitutio; imò compositio, non illa ſola quarta ſpecies morbi in conformatio-
ne; ſed qualitas quædam quæ ad modum formę corpus diſponit,
vt deinceps dicemus) in præfata morbi definitione; generis locū
obtinet. Nam per hanc particulam morbus cum ſanitate, & neu-
tro ſtatu conuenit. Per particulam (præter naturam) à ſanitate, &
neutro ſtatu diſtinguitur, & cū ſymptomate, & cauſa morbi con-
uenit: ſicuti in particula affectus, ſi in duabus primis ſignificatio-
nibus accipiatur, vt accipi poteſt. Per particulam (primò) morbus
à ſua cauſa diſtinguitur: Nam quamuis cauſa dicatur actiones læ-
dere, non tamen immediatè, ſed mediante ſemper morbo: cuius
propriū eſt immediatè, ſiue primò, ſeu per ſe (hę particulæ idem
ſignificant apud Gal. lib. 10. meth. cap. 10. & lib. de ſympt. dif-
fer. c. 1.) actiones lædere, aut impedire, & turbare. Per parti-
culam (actiones lædens) morbus à ſymptomate diſcrepat: nam
hoc, quatenus tale, actiones nequaquam lædit; quia eſt ipſa po-
tius læſio. Traditæ definitioni rectè addere poſſumus particulam
(ſenſibilitèr); quia ſi actiones inſenſibiliter tantū læſę fuerint,
adhuc morbus non percipitur; vt notat Gal. lib. 1. de locis affect.
& lib. de different. morb. c. 4. Lib. de arte Medic. c. 88. hanc
doctrinam clarè confirmat Gal. aiens, actiones à morbo lædi ſen-
ſibiliter, & læſionem ſenſibilem diſtinguere ſanitatem à morbo.
Si v. diſpoſitionis humanę qualitatem, aut leuem quamlibet
mutationem reſpiceremus, neceſſariò admitteremus perpetuam
αἰσθησιμότητα. i. paſſibilitatē; cū nullus reperiatur homo qui ope- *Perpetua*
rationes optimas habeat. Capite etiam 8. eiſdem lib. ait, corpora *paſſio.*
ęgra à ſanis diſtingui ratione ſenſibilis læſionis actionum.
Libro deniq; de ſympt. diff. c. 2. docet ad morbum duo neceſſa-
riò requiri: Primum, vt ſit in genere affectus. Secundum, vt lædat
actionem. Lib. de different. morb. c. 4. ait, exiguas à medio, ſeu
exquiſita moderatione, declinationes, nondum eſſe morboſ.,
quoniam ſenſilem alicuius actionis noxam non inferunt. Libro
2. de temperamentis c. 5. quid ſimile refert, aiens: Ceterum
intemperamenti, quod intra ſanitatem habetur, ſufficiens nota eſt
quòd nulla animalis functio manifeſtè adhuc ſit læſa. Et lib. de
conſtitutione artis, ait: Quū ſanus quiſpiam imbecilliores qui-
dem, quàm alius ſecunda valetudine præditus, functiones obit,

nondum v. lēſas, intemperantior ſanē eſt, ſed nondum egrotat. Lib. 3. de ſymptomatum cauſis c. 1. de febre loquens ait: Cæterum omnes intemperies, ſi magnę fuerint, facultatem deiiciunt. Et paulò poſt: Omnibꝯ a. vt dictum eſt, commune eſt, vt in ijs ſit maxima à naturali conſtitutione mutatio. His omnibus oſtendit minimum morbum pro nullo reputari, quòd ſenſibiliter actiones non lædat.

*Morbus
Physicus.*

Quāquā morbus ſenſibiliter actiones, medicē loquendo, lēdat, realiter tamen & Phyſicē denegandum non eſt, etiam à minima alteratione actiones lædi, licet inſenſibiliter. Quælibet ergo actionum læſio etiam parua, morbum prodiit, quamuis adhuc nobis ſenſibiliter ignotus ſit. Nam alterationes paulatim, & non affatim fiunt; quia vna pars poſt aliam. Prima ergo pars primi gradus caloris præter naturā æquē actiones lædit, ac vltima eiufdem gradus pars; & primus gradus æquē ac ſecundus, licet neutra pars ſe ſola ſenſibiliter actiones lædat. Ita Gal. lib. cit. 1. de locis affect. c. 2. hæc ſerie: Quòd enim tempore ad affectuum generationem ſit opus, inter omnes conuenit: an verò, quemadmodum, cū domus ſit, nondum eſt domus, ſed totum hoc ſimul, ſiens domus: eodem etiam pacto quilibet affectus, dum ſit, ſiens quidem ſit, nondū tamen exiſtat haud ab æ quæritur. Neq; n. omnium, quę fiunt, eadem natura eſt: quippe res ſimilares, nullam naturalem figuram requirentes, protinus ab initio eadē conſtant eſſentia: diſſimilares verò, & quibus varia eſt forma, eſſentiam generatione poſteriore habere poſſunt. Neq; n. cū domus conſtruitur, ſimul fiunt fundamenta, parietes, ſaſtigiū, tegulæ, ianuæ, fenestræ, ex quibus omnibus eo modo compositis, atq; in vnā formā reductis, domus ipſius eſſentia cōpoſita eſt: morbus verò, & calidus, & frigidus, & humidus, & ſiccus, protinus ab initio, cū primum corpus temperaturæ, quæ bonæ valetudini debetur, limites exceſſerit, eandem ſibi ipſi naturam habet. Quamuis n. interdum adeò ſit exiguus, vt neq; à nobis co-
gnosci, neq; à laboratium ſenſu percipi poſſit, nihilominus tamen propriam habet ſpeciem. Haud aliter inflammatio quoque in quacunque animalis parte conſtiterit, ſiue maxima, ſiue minima fuerit, vnus atq; idē eſt affectus, non ſpecie quidem, ſed magnitudine varius. Cæterū, quòd poſſint aliquæ affectiones in

*Morbus
intempe-
rici ſtatim
ab initio
ſuam ac-
quiſiuit
eſſentiam:
tumores
pariter.*

corpore consistere, quæ ob exiguitatem nondum appareant, argumento est gutta longo temporis tractu saxum excavans, de qua rectè carmen hoc proditum est.

Mollior assiduus saxum cauat ictibus vnda.

Neque n. vel vnus, vel duo, vel tres, vel quatuor ictus saxū ferientes, cum ne centesimus quidē sensibilibiter videatur, saxū excavare; neq; ēt fieri potest, vt primo nihil efficiēte alter aliquid faciat, quippe qui habet eandem, quam primus ictus habuit, ad saxum rationem. Ergo si secundus ictus in saxū quippiā effecerit, ipsum à primo ictu mutatum quid fuisse necesse est, vt non omnino idem, quale ab initio fuerat, permanserit; etenim si ipsum vndequa; idem permaneat, atque agens in ipsum quoq; causa, nempe aquæ stilla, necesse est quemadmodum à primo ictu non affectum est, ita neq; à secundo: quod si fateare, neque tertius quoq; ipsum afficiet: haud secus de quarto, & quinto, & reliquis deinceps omnibus dicendum est; quippe de omnibus eadem est ratio: Etenim quoad eodem modo se habente saxo eadem quoque causa accesserit, nihil amplius efficietur. Quod si à millesimo ictu sensibilis videatur in saxo concauitas, ad singulos ictus, affectus in saxo nunc primum sensibilibiter apparentis, millesima pars referenda est. Quum itaq; causæ agunt in corpus, species affectus ab initio est eadem, tamen ob exiguitatem non apparet. At verò huiusmodi affectus, qui adeo sunt exigui, separatis causis facientibus, illicò finiuntur, natura videlicet ipsos sanante: quippe illi duntaxat externo egent auxilio, quos ob magnitudinem natura vincere non potest. Igitur hac ratione, cum primum mordax humor aliquod intestinorum deraferit, quamuis id, quod factum est, nondum videatur; nihilominus dispositio ipsa sub dysenteriae specie comprehenditur. Quemadmodum igitur natura parua quædam vlcera, quæ nonnunquam eueniunt, nullo adhibito medicamento sanauit, ita & intestinorum abrasiones. Hac ergo ratione neq; verum est omnino, quod à quibusdam dicitur, nullum per huiusmodi symptomata in corpore relinqui affectum. Quod si verum esset, tamen intestina tum fuisse affecta haudquam negandum est: cum ab acredine eorum, quæ deiciuntur, corrosis intestinis, dolor notatu dignus, euenire percipiebatur.

Galenī hac doctrina grauis est, & utilis. Fuere n. ex antiquis

Medi-

*Affectus
qui à natura
vinci
nequeunt,
non verò
exigui,
curatione
egent.*

*Sorites
quid.*

Medicis, & Philosophis quamplurimi, sed præcipuè Chrysippus Stoicus, & reliqui eiusdem Sæctæ ad ipsius imitationem, qui illo argumenti genere, quod Sorites dicitur, vsi, omnia confundebāt. Σωρίτης quidem aceruatio, vel coaceruatio communiter dicitur, Ciceroñi acervalis: estq; argumentandi genus quoddam captiosum; in quo vno concessō ad inultas conclusiones connexas, & se inuicem quodam veluti filo consequentes deuenitur. Σωρίς enim, à quo σωρίτης dicitur, idem est ac acervus, & cumulus: argumenta ergo, quæ semper in cumulum ascendunt assurguntue, rectè soritica appellantur. Cicero lib. 2. Academic. quæst. Soriten captiosissimum, lubricum, & vitiosum interrogandi genus, quod minimè in Philosophia probari solet, esse docet, cum aliquid minutatim, & gradatim additur, aut demitur. In Soritis à Chrysippo Stoico inuentis, multi fuere rursus, tum Stoici, tum noui Academici ab Archesilao, & Carneade in deprehendendo, quæ sunt multa, pauca, magna, parua; longa, breuia, lata, angusta; vt copiosè cit. iam loco ostendit Cicero, & eruditè refert Tubingensis Germanorum Galenus. Hoc argumentandi genus τὸ πρὸς μίαν ἀπὸν appellat Galen. loco cit. post Aristotelem lib. 1. Priorum ca. 35. Fit autem, cum addendo vel demendo cumulo, nusquam sistitur, sed illud nec confici vnquam, nec destrui probatur. Sic sanè acervum tritici singulis granorum, nec effici, nec destrui, in hunc modum interrogando, collegerunt. Si vnum granum acervum non efficit; igitur nec duo. Si neque duo, profectò nec tria: Si nec tria, certè nec quatuor, nec quinque, nec sex, nec septem, nec octo, & sic de ceteris, proportionē seruata, dicendum. De cauda equina pariter philosophantur, aientes: Si vnus pilus non efficit caudam equinam, ergo nec duo: Si neque duo, profectò neque tres, quatuor, quinque, sex, septem, & ita de reliquis. Pari modo de guttis aquæ lapidem excauantibus interrogabant: Si vna gutta non efficit cavitatem; igitur nec duæ: Si neque duæ, certè nec tres, nec quatuor, nec quinque, neque sex, nec decem, nec mille, nec millio millionum, nec vllus alius numerus, quantumvis infinitus guttarum. Hinc Medici sua etiam effingebant sophismata: Putabant n. nōnulli morbum fientem nullum esse, nullamq; corporis partem affici, nisi quando affectus iam stabilis est; adeoq; sensibiliter apparens. Argumentum ideò sic deducit.

*Sophisma
ta Soriti-
ca.*

deducebant : Si vnici^{us} motus, impetusue causæ efficientis non facit pathema, siue malum in parte aliqua; ergo nec secundus: Si neq; secundus, certè neq; tertius: Si neq; tertius, neque quartus; & ita deinceps.

Medici quidā sophismata Soritica à Stoicis mutuati sunt.

Hoc tamen argumenti genus, quòd multis rebus ad vitam utilibus, vt loquitur Gal. ambiguitatem pariat, improbandum est: spinosum enim est, nimisq; inuolutum. Nam illi qui hoc vtuntur argumenti genere, terminos qui in diuisibili consistunt, in puncto, atq; adeò momento quo aliquid iam factum est, & non amplius fit, collocari volunt, vt inter ceteros optimè exponit doctissimus Tubingensis. Quemadmodum ergo vnum granum sæpè repetitum, aceruū facit; & vnum granum sæpè ademptum, aceruū destruit: sicuti etiam vnus pilus sæpè repetitus, caudam facit equinam, & sæpè ademptus caudā equinam destruit; ita pariter qualibet morbi particula iam genita aliquid morbi facit, & omnes morbi partes, morbum faciunt sensibilem, quamuis quælibet pars per se non faciat: sicuti vnū granum non facit aceruū, sed acerui partem; aut vnus pilus caudam equinam, sed omnes simul.

Sorites à Gal. improbat.

Causa quidem efficiens aliquid morbi semper efficit, non simul, sed paulatim, eo modo, quo gutta aquæ sæpè stillans lapidem excauat: prima gutta aliquid fecit, sed non sensibile; secunda gutta æquè ac prima operata est: & prima æquè ac millesima, licet post millesimam cavitās apparere incipiat. Sicut ergo temporis momento gutta cavitatem non parit, sed cavitatis aliquid; similiter causa efficiens non sensibilem morbum, sed aliquid morbi, decursu verò temporis sensibile. Habet ergo morbus protinus ab initio suam essentiā, etiamsi tunc sensibiliter non lædat actiones. Nam morbus non est dissimilaris, sicuti domus, sed res similis, & naturali figura carens: est enim vnus eiusdemq; formæ ac speciei. Quare suam essentiam generatione posteriorem non habet, sicuti domus, sed protinus ab initio eadem constat essentiā, prout in morbis partis similis, partisq; dissimilaris ostendit Galenus. Morbus verè similis est quauis intemperies, quæ quoties sanitatis terminos excedit; iam à tēperaturā naturali recedit, actionemq; lædit; licet ita insensibiliter vt nec ab agrotantium sensu percipi, neq; à Medico dignosci queat. Habet enim tunc propriam speciem quantumvis exigua intemperies, & differt tantum

Morbus gradatim fit.

Minima parte morbi intraducta, morbus ipse sua essentiæ partē acquisiuit.

*Phlegmone
in princi-
pio aq; ac
statu Phle-
gmone di-
citur.*

*Discri-
men inter
paruum &
magnum
morbum.*

*Fernelius
perstrin-
gitur.*

*Morbus
fiens est
morbus.
Morbus
paulatim
fit.*

ab intensissima intemperie, quòd hæc maior sit, illa minor: sed ma-
gis, & minus non mutant speciem. Ergo nec primi gradus calo-
ris præter naturam particula à secundo gradu differt specie. Aliud
exemplum proponit Galenus, Phlegmonem, quæ est morbus in-
strumentarius, seu potius partis dissimilaris morbus: hæc autem
in quacunq; animalis parte constiterit, eadem semper est. Nam
si parua sit, Phlegmone dicitur: Si magna, similiter phlegmone,
magnitudine tantum, & non specie varians ab illa, vt testatur
etiam Gal. lib. de tēporibus morb. c. 1. Id autem discriminis est
inter paruos & magnos morbos, iuxta Gal. doctrinam, quòd par-
ui ab ipsa natura, dummodo efficientes causæ auferantur, faci-
lè curentur: magni v. morbi medica egent industria, vt à natura
vincantur: quæ non rarò, etiam adiuta, morbi vehementiæ aut
magnitudini succumbit.

Ex hac Galeni doctrina constat falsum esse quod dixit Fernelius, exigua tubercula non esse res contra naturam, sed præter naturam. Sunt autem non solum res præter naturam, sed contra naturam: nam à magnis tumoribus non specie, sed magnitudine tantum distant. Tuberculum a. à sanguine proueniens eiusdem est speciei cum magno tumore ab eodē sanguine facto: Si tamen ad tuberculum non amplius fuit sanguis, facile à natura sedatur: diciturq; ideo sponte cessare, sicuti dysenteria quæ incepit, sedatur, si humor exulcerationē in intestinis efficiens nō amplius ad hæc percurrit: vel quia per sudores, aut vias vrinæ euacuatur; vel quia ob sui paucitatē iam excretus est per eadem intestina, vel quia eius acrimonia mitigata est cibi, & potus congruentium vfu.

Patet ergo omnem morbum esse factum, quoties aliqua eius pars introducta fuerit in corpus humanum, licet ratione partium, quæ introducuntur, idem morbus fiens dici consueuerit. Patet etiam morbum non esse generatione posteriorem, eo modo quo domus. Quoniam, licet omnis morbus generetur, quauis eius pars morbi nomen speciemq; habet: at verò fundamenta domus nō sunt domus, sicuti nec parietes: Sed omnes partes simul domū complentes, domus dicuntur: nec partes etiam multę domus dicentur, donec vltima eius pars cōplebitur. Quiuis ergo morbus, etiam exiguus, physicè lædit actiones, licet Medicè dicatur ille affectus

fectus morbus, qui manifestè & sensibilibiter lædit actiones. Morbus ergo Medicè, optimè definitur, Affectus præter naturam, *Completa morbi definitio.* primò, & per se, ac sensibilibiter actiones lædens. Ex hæcenus citatis Galeni locis, ex parte, hæc definitio collecta est, sicuti ex cōment. 1. in lib. Hippocr. de humoribus, ubi inquit: Morbus est in corpore quædam affectio, quæ non ex accidenti, sed primò, & per se actionem lædit. Particula autem (per se, & non per accidens) excludit impedimenta quædam actionum, cuiusmodi est compes, quæ per accidens tantum ambulationem impedit: licet facultas ambulandi, & actio illas se sint. Zeno apud Gal. lib. 1. de Decretis Hippocr. & Plat. capite 2. morbum sic definit: Dicitur *Definitio morbi ex Zenone.* a corporis morbus eorum, quæ in ipso sunt calidi, & frigidi, sicci, ac humidi inequabilitas quædam. Sed hæc definitio angustior, quàm par est, videtur: quia morbum intemperiei tantum completur. Eo tamen modo, quo sanitas ab Hippocr. & Galen. dicitur in temperamento consistere: morbus aduersa ratione in præfata inequabilitate quatuor primarum qualitatum consistit. Plato in Sophista apud Gal. lib. 4. de Decretis, siue Placitis Hippocr. & Plat. c. 2. morbum in hunc modum definit: Morbus est rei natura cognatæ ex aliqua corruptela dissensio. Hæc definitio vix, nisi *Definitio morbi ex Platone.* verbis, a Galenica definitione differt. Sed nunc ad lites ab Authoribus motas accedamus.

CAPUT III.

In quo predicamento ponendus est morbus?

Plerique Medici, dempto Argenterio, supradictam morbi definitionem à Gal. traditam lib. de symptom. different. c. 1. & comment. 1. cit. in lib. de humorib. libenter admittunt. Se diu qua serie cathgorica collocandus sit morbus ambigitur. Nonnulli Scriptores Medici, quia doctrina Philosophica leuissimè, vel nullatenus imbuti, hanc controuersiam tanquam inutilem reiiciunt. Quorum tamen profunda ignorantia admiranda potius, quàm imitanda. Quoniam impossibile est methodicè praxin Medicam exercere, nisi præcognita morbi essentia: Cæteroquin axioma illud Medicum, Contraria cōtrariis curan-

Quid Indicatio.

tur, inutiliter, tanquam principium, in Medicina obseruaretur: frustra etiam indicatio curatiua diceretur comprehensio iuuantis vnà cum comprehensione nocētis sine experientia aut analogismo. Nam vis & facultas remedij, manifestè saltem operantis, colligitur ex contraria vi, & facultate morbi. Ergo vt dilucidè remedij essentiam dignoscamus, præcognoscenda est morbi essentia. Quare sciendum necessario, in quo genere rerum ponitur, quemadmodum doctè à quamplurimis inuestigatū est, vt à Tubingensi, Fernelio, Fabio Pacio, Christophoro à Vega, Vallesio, Comite Montano, & alijs. Hoc solum vitio vertendum. Comiti Montano, quòd in Galeni Sectatores, vt Iulium Alexandrinum, & alios extra Italiam, acerbior mordaciorq; fuerit, quàm in Gal. aduersarios Argenterium & discipulos; cum tamen Galeni imitatore se prædicet, & quod odio dignum est, se solum Galeni verum interpretem iactet. Sed lima veritatis rem examinabimus, omnium opiniones in medium deducentes.

Opinionis Tubingensis relatio, & refutatio.

Tubingensis opinio.

Germanorum Galenus libro de different. morb. c. 2. lib. de differ. sympt. c. 1. & parte 3. instit. Medic. c. 1. id quod genus est in definitione morbi, diathesim nimirum, quam affectum, structuram, habitumq;, siue constitutionem interpretatur, in diuersis prædicamentis substantiæ & qualitatis collocandum putat. Tubingensem visus est sequi Trincauellius lib. 1. Epistol. medic. epistola ad Ioannem Cananiam, & Fabius Pacius Vicentinus comment. in lib. 1. methodi c. 9. Omnes hi sentiunt morbum ex Gal. sententia esse id omne, quod naturalem corporis temperaturam, & structuram immutat, ac destruit, siue hoc ipsum qualitas, siue substantia sit: sicque docent morbum esse quid transcendens ad plura prædicamenta. Vnde consequenter affirmant, falsum sentire existimantes morbum esse qualitatem tantum. Suam sententiam probat in primis Tubingensis ex diuersitate acceptionis nominis, diathesis, apud Arist. &

Primum. Gal. Nam Arist. diathesim pro qualitate tantum, quæ facilè à subiecto dimouetur, accipit. Galenus verò pro constitutione. Patet Galenum accipisse diathesim siue affectum pro constitutione,

ali-

aliterq; ac Aristotelem, alioquin non rectè libris de morb. different. causis, & symptom. & lib. 2. meth. c. 3. causā morbificam inter affectus præter naturam connumeraret, vtpote quam non rarò esse substantiam constat. Proinde vt constitutio duplex est, ita etiam affectus, nempe naturalis, & præter naturam. Naturalis affectus est partium corporis natiua temperies, & structura; adeoq; sanitas. Præter naturam v. affectus siue morbus, est omne id quòd natiuam partium temperaturam, ac structuram turbat & demolitur, siue id ipsum qualitas, siue substantia fuerit. Hinc est quòd Galen. non tantùm immodicum calorem, siue febrem, actionem lædentem, sed & lapidem in vesicâ, suffusionem, & pterygium lib. de differ. morb. c. 8. morbos appellat. Quod certè facere haud posset, si morbus, vt pleriq; falsò putant, perpetuò qualitas esset. Nemo enim rationis compos lapidem vesicæ structuram turbantem, qualitatem nominabit: neq; erit, qui suffusionem, humoremue lentum ac glaciæ modo inter corneam, & cristallinum concretum, visumq; remorantem, qualitatem appellabit. Aut quem tam stupidum inueniemus, qui pterygium, siue neruosam adnatæ membranam, visum impediens, qualitatem vocare audeat? Neminem arbitror. Vt hinc omnibus palam fiat, de Galeni sententia, affectum præter naturam esse, quicquid naturalem corporis temperaturam, & structuram immutat ac destruit, siue hoc ipsum qualitas, siue substantia sit. His Tubingensis rationibus addere possumus morbos in magnitudine, siue quantitate adaucta, qualis fuit moles illa Nicomachi Smyrnæi, quæ ipsum impediabat, quo minùs ambularet, aliaque sua exercitia prosequeretur. Moles a. illa carnea, substantia est, & non qualitas. Phlegmone pariter, Scirrhus, Oedema, & erysipelas, alijq; tumores ex his compositi, substantiæ sunt. Deum, Galenus vt morbum exprimeret, non solùm vsus est voce, diathesis, quæ affectum significat, verùm etiam nomine *καταστροφή*, quod constitutionem & structuram significat: quod indicat aliter diathesim à Galeno, aliter ab Arist. acceptam. Tubingensem adhuc imitari voluit Fernelius lib. 1. suæ Patholog. c. 1. hac serie: Quæ Græcis est *διαθesis*, affectus nobis appellatur, non ea quidem præcisa, argutaque significatione, quàm Aristoteles usurpauit, sed admodum ampla, & multiplici verbi potestate,

*Secundum
Argumentum.*

*Tertium
argumentum.*

*Tubingense
si hæc e
Fernel,*

Fernelius

que omnem corporis cōstitutionem contineat, siue in substantia, siue in qualitate, & temperamento, siue in conformatione & figura, siue in magnitudine, siue in numero ea consistat. Fernelius his verbis Tubingensis opinionē sua ampliavit eloquentia: nam Tubingensis mentionem fecit substantię, & qualitatis tantum, licet non negauerit morbum in magnitudine, numero, & situ, vt suo comment. in lib. de different. morb. concedit. Fernelius autem præter morbos qualitatis, & substantię, morbos relatos i. numero, magnitudine, figura, & situ vltteriū enumerat. Hinc liquet non rectē Comitem Montanum reprehendisse Tubingensem quod enumeratos à Fernelio morbos excluderet, cū eiusdem Mōtani testimonio hos eosdem alibi citato in libro admitteret Tubingensis, qui solū conabatur morbum nō coerceri limitibus Prædicamenti Qualitatis: & fortē Auerroem (quem tamen, sicuti nec ceteros barbaros, adamabat) tacitē sequutus, qui lib. 3. Colliget c. 13. morbum in pluribus prædicamentis collocandum his verbis ait: Et dicimus quod iam dictum est in principio primi; quia sanitas membrorū officialium, quę est in quantitate, qualitate, & positione, & colligantia: quia hæc species colligantię est inseparabilis, & non reuertitur ad alias species, quas dixerunt Medici, & intrat prædicamentum habitus: sicut panniculi, & cutis, intrant prædicamentum habere. Ergo tria genera ægritudinum intrant quinque prædicamenta: hoc est in qualitate, quantitate continua, & discreta, & habitu, & vbi, & habere. Et postea inuenitur hæc res in prædicamento quando .i. in prioritate & posterioritate. Sed ordinatio membrorum officialium, & prioritas, & posterioritas plus ponēda est in sex sequentibus prædicamentis. Turisanus Monachus Cartusiensis visus est paulò clariū loqui, videnturq; Tubingensis & Argenterius ipsum ex parte consequi. Nam lib. 3. super Artem Medicam comment. 59. paragrapho, Dubitabit autem aliquis &c. hæc habet. Quare rectius videtur dicere Gal. quod non omnis ægritudo est in prima specie qualitatis, nec omnino in qualitate. Et tunc non videtur esse vnum commune cuiuslibet speciei ægritudinis, ex generalissimis scilicet generibus. Propter quod fortassis Gal. cū ægritudinem definiret in libro suo de morbis, & accidentibus, non dixit quod sit dispositio vel habitus, sed compositio præter

*Auerroem fuit
sequutus
Tubingē-
sis.*

*Turisanus
opinio.*

natu-

naturā, nocens operationi. Est a. in quolibet genere membrorum aliquis modus compositionis, per illud fit operatio, sicut ostensum est in summa de corporibus: Sed compositio videtur vni quēdam. Vnum a. non est in genere, sed transcendens omne genus. Haftenus Turisanus, qui parū rectē, equē ac Auerroes philosophatur, quibus ideo, Tubingensem refutando, satisfiet facile.

Tubingensis stupidos appellat hos qui aliter ac ille sentiunt. Sed vir alioquin doctus, plurimum à veritate, & Galeni sententia, quā vbiq̃ue pro virili tuetur, deflexit. Galenus autem cōment. 14. lib. 1. aphor. hęc habet: Verum non hīc solum, sed cū in alijs multis quę fiunt in vita, tū in ipsa arte Medica eiusdem committitur verborum improprietas, & loquendi abusus. Omnes siquidem morbos, magnos appellāt, aut paruos, cum tamen ipsi substantię nō sint: Febrem. n. magnam, febrem paruam: apoplexiam magnā, apoplexiā paruam: sic & pleuritidem, & phrēnitidem, & peripneumoniam, & omnes itidem alios morbos. Ecce Galen. manifeste asserens omnes morbos non solum partium similiarium, sed dissimiliarium, esse qualitates; substantias v. nec quantitatem, nisi abusuē, & improprie, nequaquam. Citato quidem comment. de qualitate & substantia verba faciens Galenus, ait, qualitates aliquando dici paruas, aliquando magnas, licet ratio magnitudinis & paruitatis quantitati substantię competat: & vt omnem futuram controuersiam terminaret, dixit morbos non esse substantias, sed qualitates: Hocq; absolutē sine vlla exceptione expressit, per particulam (omnes) quę vbi ponitur, nihil excipit, sed omnia quę de tali re dicuntur, significat: vt quando dicitur. Omnis homo est rationalis, nullus est homo rationis expers, sed quoduis indiuiduum humanum est rationale. Ergo similiter ait Galenus: Omnes morbos, magnos appellant, aut paruos, cū tamen substantię nō sint, voluit n. nullum morbum esse substantiam. Quod confirmauit libro de temporibus morb. c. 1. vbi inquit, morbos esse corporum accidentia: imò loquendo de erysipelate, febre, & inflammatione, ait: Hęc accidentia quę nullam figurationem expetunt vt corpora, primo aditu protinus generationem simul acquirunt, & ad incrementum festinant. Quę autem hoc capite dixit, conformia sunt ijs quę commentario cit. 14. docuit,

*Morbus
nō est sub-
stantia.*

*Morbi
sunt cor-
porum ac-
cidentia.*

*Apople-
xia quid.*

cuit, vbi apoplexię meminit; quę, cū præcipuè in vëtriculorum cerebri obstructione ab humore crasso facta consistat, necessariò iuxta Tubingenſis opinionem eſſet morbus in ſubſtantia: nam humor obſtruens cerebri meatus, ſe habet eodem fermè modo ac lapis in vreteribus, aut collo veſicę, aut in renibus; eſtq; equè ſubſtantia ac lapis. Ph legmone pariter ſecundū Tubingenſem eſſet morbus in ſubſtantia, & tamen citato iam capite à Gal. accidens dicitur. Nec ab hac Galeni ſententia abhorret Ar iſtoteles, qui manifeſtè ſanitatē & morbum in prima qualitatis ſpecie collocat, diſpoſitioneſq; appellat. Galenus etiam lib. 1. de ſanit. tuend. c. 5. ſanitatē in temperamenti qualitate ponit. Ergo morbus ei contrarius qualitas erit. Quod autem de ſanitate partium ſimilarium dixit, idem de reliquis dixiſſe coniicimus.

*Sanitas
eſt tempe-
ramenti
qualitas.*

Deniq; quòd morbus in diuerſis prædicamentis non ſit collocandus, probatur. Omnes morbi participatione vnius generis vnum ſunt. Ergo omnium morborum vnicum datur genus; atq; adeo quidam morbi non ponuntur in vno prædicamento, & alij in alio, ſicuti nec Socrates rationalis, & Plato irrationalis, ſed neceſſariò omnes ſingulares homines ſunt rationales; quia participant de ratione communi & vniuoca hominis. Hęc doct̃ina eſt Galeni lib. 2. meth. c. 7. vbi ſequentia habet: Quippe neceſſe eſt omnes morbos vnius eiufdemq; participatione morbos appellare, veluti arbitror, & hominem, & bouem, & canem, & reliquorum ſingula. Vnum namq; idemq; in omnibus hominibus habetur, cuius gratia omnes eandem appellationem hominis ſortimur. Pari modo canibus vnum idemq; omnibus ineſt, cui cogitatione (vult n. vniuerſale ab intellectu fieri, & non eſſe à parte rei, aut nemine cogitante) innitimur, cū canem intelligere volumus. Similiterque in omnibus equis vnū idemq; ineſt, propter quod omnes equi dicuntur. Ex hac Gal. doctrina liquet, omnes morbos participatione vnius vnū eſſe, eo modo quo omnes homines participatione vnius, ſunt vnum quid. Sed omnes homines propter vnā illam rationem communem, in qua conueniunt, ponuntur in vno prædicamento. Ergo & omnes morbi in vno eodemq; prædicamento. Loco iam cit. Gal. oſtendit ſe de vniuoca ratione omnium morborum loqui, quando de hominimis, vt de canibus, loquitur, quos in vna ratione communi (ſed nomi-

*Omnes
morbi
participa-
tione vni-
us vnum
ſunt.*

*Vniuerſa-
le nō eſt à
parte rei.*

nomine tenus) non conuenire affirmat, aiens: At marinis illis rapacibus belluis, quas ipsas quoq; canes appellamus, vnum, rursus idēq; inest, quod terrestribus nō est; ita, vt his cum illis in canum natura nulla sit, nisi tantum nominis conuenientia. Vt vltcrius exemplis ostendat Gal. omnes morbos participatione vnus rei vnum esse, ait ipsos pueros semel monitos de speciebus generis, genus cognoscere. Simili, inquit, genere, si equum vnum puero indices, aut camelum, vbi alium rursus equum, aut camelum aspexit, non rogat, quod animal id sit, sed illum equum, hunc camelum nominat: atq; illum quem prius, cum hoc quē nunc cernit, eundem esse dicit, quāuis fortassis alter iam mortuus sit, alter (hic videlicet quem cernit) superfit. Iam vinum homines heri, hodieq; idem se bibisse dicunt, nempe specie idem: interim tria se vina hodie bibisse narrant, aut etiam vnum, ad speciem scilicet in omnibus his sermonem referentes. Adeoq; est euident, ac omnibus natura insitum, tum hominibus, tum brutis, vt aliud quid ceu in substantia subiectum, aliud ceu specie vnum intelligant, vt vel asinorum (qui tamen omnium brutorum stupidissimi videntur) aliud esse specie vnum, aliud numero, notitiam non fugiat. Conspecto namq; camelo, asinus se retrahit, & fugit, ac timet, si nunquam antea camelum conspexit. Sin a. videre iam assuevit, quāuis aliam, aliamque illi demonstrares, tamen propter consuetudinem non amplius timet, sed veluti vnā speciem intuetur, & illam, cui insuevit, & hanc, quæ nunc primum apparet. Ad eundem modum nec homines timet propter consuetudinem, sed hos quoq; veluti vnā speciem videt. Verum, si curatorem inspexit, non solum vt hominem, sed etiam vt hunc hominem agnoscit, & micat auribus, & caudam quatit, & rudit, & lasciuit, cum eum aspexit, vtique indicans se familiarem agnoscere. Hunc itaque tum vt hominem, tum vt familiarem nescit: cum autem quem primum iam videt, vt hominem similiter, vt familiarem non similiter. Quare non nos modo, verum asini quoq; iam aliud vt numero idem tum vident, tum etiam nesciunt, ac meminerunt: aliud vt specie. Hac Galeni verba concludunt omnes morbos in eodem collocari genere, quia omnes morbi participatione vnus rationis sunt vnū quid, non æquiuocum, sed vniuocū. Ea enim omnia dicuntur, vnum, quo-

Asini adulatione.

Aristot. quorum ratio, quæ quidditatem dicit, indiuisibilis est, vt loquitur Arist. lib. 5. Metaphys. c. 6. Ergo cum ex Galeno morbi omnes participatione vnius vnum sint; hoc vnum erit morborum, quidditas indiuisibilis, seu est vna essentia, cuius membra eandem equaliter participabunt. Quare, iuxta doctrinam Philosophicam, vna morbi species nequit in vno collocari prædicamento, & altera in altero. Eundem loquendi modum habet Porphyrius cap. de specie, vbi ait plures homines participatione speciei esse vnū hominem, id est, vt interpretatur Caietan. c. 4. de Ente & Essentia: Idcirco plures homines participatione speciei dicuntur vnum; quia secundum se non sunt diuisi in essentia hominis: imò sunt in ea similes, participantq; eandem vnitatem formalem in specie. Quare morbi omnes eandem habebunt vnitatem formalem: Et in vno qualitatis prædicamento ponentur.

Substantia nihil contrarium morbo sic. Tandem Tubingensis, cum suis sectatoribus, ab Arist. cap. de substantia deficit. Ibi enim habetur, substantiæ nihil esse contrarium; nec suscipere magis, & minus, vt ipse Tubingensis comment. in 2. cap. lib. de different. morb. confitetur. Sed morbo cōtraria est sanitas, ex Arist. & ipso Gal. lib. de differ. sympt. c. 1. & magis ac minus suscipit; morbus n. vnus altero maior, siue intensior est. Ergo in prædicamento substantiæ poni nequit, sicuti nec in prædicamento quantitatis, aut relationis. Et hæc contra Tubingensem, quem Vallesius lib. 4. controuers. c. 1. appellat Virum diligentem magis in legendo, quàm acutum in enarrando. Ego tamen, licet alienam à mea habuerit opinionem, varijs in rebus, Virū appello doctum, & Germanorum veluti Galenum. Idem Vallesius indigna responsionibus iudicat ea, quæ à Tubingensi cōtra particulam (affectus) allata sunt: ne tamen quidpiam intactum à nobis omittatur:

Ad 1. argumentum Tubing. Ad id quod dicebat, affectum in definitione morbi non accipi à Galeno eodem modo, ac ab Arist. Respondeo id negādo: nam expresse cap. 2. lib. de different. morb. & lib. de different. sympt. c. 1. docet Galen. se nomine constitutionis intellexisse id, quod antiqui vocabant diathesim, id est, dispositionem, siue affectum. Inter antiquos non solum Hippocratem, sed Platonem, Arist. & Theophrastum, Viros omni laude dignos, semper recensuit Galenus. Itaq; cap. 1 iam cit. lib. de different. symptom. postquam dixit

dixit morbum esse constitutionem præter naturam, perindeque esse, siue constitutionem, siue dispositionem dicas, subinde rationem reddit, cur morbus, sanitas, & neuter status dispositiones vocentur. Hæc ipsius sunt verba: Ergo dictum est morbum esse corporis statum quendam præter naturam, à quo functio læditur primum. Alia versio sic se habet: Morbus quidem dicitur constitutio quædam præter naturam, à qua primum actio læditur: Subdit Galenus: Constat a. si affectum quendam præter naturam, à quo actio vitatur, dixerimus, idem nos dicturos. Siquidem omne quod est, siue id sanum sit, siue egrum, siue neutrum, quodammodo afficitur. A *διακρίσει* verò, id est, affici, *διαθέσει*, id est, affectus nomen, quodammodo est ortum; atq; in hunc usum non ab antiquis modò Philosophis, sed etiam alijs Græcis tractum. Et affectus quidem, tum eorum qui sani, tum qui egri sunt, tum neutro modo se habentium omnium, est commune: etenim & cantus, & harmoniæ, & orationis, & dictionis affectio quædam esse videtur: morbus a. sanitati contrarius. Ab utrisq; vero (.i. sanitate & morbo) differt id quod pathos & pathema (id est, passio) nominatur; vt etiam Plato ipsum definiens dixit. Quicquid n. aliquis perpeffus est, pathos appellandum. Vnde arbitror, & sensuum alterationes, pathemata nominauit: in visu quidem eas quæ ab albo, & nigro, & flauo, & alijs coloribus fiunt: In tactu eas, quæ à calido, frigido, humido, sicco, molli, duro, cæterisq; id genus. Ad eundem modum & in singulis reliquorum sensuum. Nominat a. is & voluptatem passionem; omnemq; in summa motum, quicumq; ab altero fiat in alterum: quippe agentis motus actio est; eius verò quod ab eo quodammodo est affectum, passio: in summaque ipsum affici, idem quodammodo quod pati est: differtque passio, ab affectu, affectioneue, motu. Quippe cessante eo quod alterabat, alteratio quæ iam in eo, quod perpeffum est, permanet; eius quod perpeffum est affectus est: ita scilicet vt in ipsa conuersione, mutatione, alteratione, ac motione, pathos generationem habeat. In eo a. quod manet, & quod seruetur in subiecto corpore, affectus consistit. Iam vero & ipsum permanentem affectum Græci pathos nominant; veluti etiam id quod egit, nec etiamnum agit, causam. Quamquam neq; hoc simpliciter causam, neque permanens affectus simpliciter pathos est: Sed si quis ac-

Qui d morbus.

Diatheſis deriuatio.

Morbus sanitati contrarius. Pathema à morbo differt.

Voluntas est passio. Quid actio & passio.

Pathema est motus, affectus est permanens.

curatè loqui velit, factum pathos est, cum amplius non sit pathos. Hoc in textu Galenus morbum definiens vsus est græca voce *κατασχειν*, id est, constitutione, & statim subdit (vt paulò antea docuimus): Constat autem, si *διάθεσιν*, id est affectum quendam præter naturam, à quo actio vitatur, dixerimus, idem nos dicturos. Docet ergo Galen. se dispositionem, siue affectum, cum statu, siue constitutione hìc confundere; & nomine constitutionis se nihil aliud intelligere præter dispositionem siue affectum; veluti expressit lib. de different. morb. c. 2. aiens: At si hæc sanitas est, manifestum quod eius contrarium, morbus erit; nempe vel constitutio præter naturam, vel vitiatæ actionis causa. Liquet a. quod si affectum præter naturam dixeris, nomine vsus fueris antiquo & idem significaueris. Constitutionem pariter, & dispositionem pro eodem accipit lib. ad Thrasylbul. c. 12.

*Constitutio
& affectus
seu dispositio
confunduntur.*

*Vnde diathesis
deriuatur.*

Postquam Galen. varia illa nomina, constitutionem scilicet, & affectum, in morbi definitione synonyma esse ostendit, *διάθεσις* etymologiam præbens ait, affectum, siue diathesim à *διαθίω*, id est affici, deriuari, subdiditq; affectum ad sanos, & ægros, neutrosq; quos *δυσανισθημένους*, c. 2. lib. de differ. morb. appellauit, extendi: nam sanus affici dicitur, sicuti morbosus; imò neuter: neutros a. vocat lib. 1. de simplic. med. facult. cap. 21. hos qui non sunt aliquid duorum extremorum contrationum.

*Harmonia
quadruplex.*

Monet præterea Galenus, non solum Medicos, sed antiquos Philosophos, affectus nomen, inanimis rebus adaptasse: nam cantui, & harmoniæ, & orationi, & dictioni affectum tribuunt. Harmonia Latinis modum siue modulationem significat: & quadruplex est huiusmodi modus. Phrygius, qui furorem, & pugnas excitat. Lydius, qui lamentationes. Doricus, qui honestatē. Ionicus qui iucunditatem. Voce autem *μέλος* vsus est Galen. cit. tex. quæ vox, vt optimè notat Tubingensis, membrum propriè significat: tantum verò metaphoricè. Quemadmodum enim numerosa corporis membra, quanquam diuersum situm ac motum fortiuntur, varijsq; funguntur muneribus, nihilominus tamen ad vnum tantum cooriuntur, concurruntq; vnumq; finem habent; ita etiam concentus, qui communiter à Græcis *μέλος* dicitur, ex vocū diuersitate coordinata consurgit ac constituitur, ad vnumq; finem tendit: vt citatus loquitur Tubingensis.

Postquam deinde morbū sanitati cōtrarium esse vnā cū Arist. docuit Galenus, pathos siue pathema, siue passionem, tam à sanitate, quàm à morbo distingui ait: eò quòd pathos siue. pathema, id est passio, dicatur id omne quod aliquis patitur, eiusq; essentia in motu, non actiuo ab efficiente procedente, sed passiuo in subiecto recepto consistat: affectus verò est passionis terminus productus in subiecto; ita vt passionis essentia consistat in fieri, & affici, & consequenter in motu; affectus verò in re impressa, & permanente, ac producta, mediante passione. Improprie tamen affectus ipse aliquando cum passione confunditur.

Pathos siue pathema à sanitate & morbo distinguitur

Galenus ab Aristotele in sua expositione minimè recedit; nā cap. de qualitate dispositiones describens ait: Dispositiones autem sunt, quæ faciliter dimoueri, mutariq; possunt, vt caliditas, frigiditas, sanitas, morbus, & quæ sunt hisce similia. Aristoteles reddens rationem, cur iam dicta dispositiones dicantur, ait: Nam his ipsis homo aliquo modo disponitur, & facile quoq; mutatur, ex calido frigidū subiens, & ex valetudine morbum, & in cæteris etiam simili modo. Hinc patet Aristotelem velle dispositionem esse qualitatem benè vel malè afficientem subiectum; (quæ tamen facile dimoueri potest, vt definiunt Interpretes): Et hanc eandem qualitatem, mediante passione, tertiâ qualitatis specie, produci, esseq; passionis terminum aut finem. Passio enim qualitas est breui transiens, & quæ sensum mouet, aut à motu fit, vt rubedo ex verecundiâ contracta, & ex metu pallor: dispositio verò passionem sequitur. Vnde Boethius amplificatam passionem, in affectionem transire monet; & augmentatam affectionem in habitum: Et Simplicius, cum reliquis Interpretibus, passionem, atq; patibilem qualitatem in motu, & alteratione, mediantibus quibus dispositio siue affectus generatur, collocandas censet. Vnanimiter ergo Aristoteles, & Galenus aiunt, morbum esse diathesim, seu dispositionem, seu affectum; quia afficit, aut disponit suum subiectum.

Quid dispositio apud Aristotelem.

*Dispositio mediante passione produci-
tur.*

Quid passio.

Dispositionem tamen, siue affectum, in definitione morbi accipi vellem, non in stricta illa significatione quâ eadem dispositio ab habitu distinguitur, sed in latiori, quâ dispositionem, simul & habitum comprehendit (omnis enim habitus dispositio est, non tamē necessariò omnis dispositio habitus, vt testatur Aristoteles)

Morbus est dispositio latè sumpta.

teles) febris hectica; arthritis, & alij multi morbi diu perseuerantes habitus sunt, & non levis dispositio, quæ facile deleri potest.

*Ad secundum argumentum
Tubingensis.*

Ad id præterea quod dicebat Tubingensis, causam morbi inter affectus à Galeno numerari, eandemq; causam non rarò esse substantiam, respondeo, concedendo causam morbi sub affectu in latioribus affectus significationibus, vti superius monuimus, contineri; non proinde tamen affectum in definitione morbi, & strictè sumptum, esse iam substantiam, iam accidens: quia tantquàm genus ad morbum, & sanitatem præcipuè in præfata definitione se habet. Atque adeo nobis sufficit, quod ipse morbus, & sanitas sint qualitates, etiamsi causa morbi substantia esset. Et posito, quod affectus in definitione morbi causam adhuc comprehenderet, & in affectu conuenirent; inde non inferendum; morbi causam esse substantiam: nam causa morbum introducit, & morbifica est, non vt substantia, sed quatenus quale aliquid morbum procreans, ratione alicuius prauæ dispositionis siue qualitatis: lapis v. g. siue calculus renum, aut vreterum, aut vesicæ, non quatenus substantia est morbum procreat; sed quia figuram accepit inconuenientem, vt rotundam, vnâ cum duritie, ratione cuius morbum, obstructionem dictum, parit; & dum soluit continuum, ratione angulorum, vel asperitatis id exequitur: sicuti gladius, quia acutus, continuum soluit: Quamuis ergo ea quæ lædunt, corpora sint, ratione qualitatis præcipuè actiones lædunt. Sic humores obstructiones causantes ratione qualitatum obstruunt: vt humor viscidus mediante visciditate, & lentore, & crassus ratione crassitiei: multus ratione impulsus quem sequitur distensio. Vnde rectè Thadaeus Florentinus in Ioannitium c. 40. inquit, omnem causam morbificam esse incorpoream: quia omnis morbifica causa qualitas est, licet corpori, aliorum accidentium more, annexa sit. Corpora a. per ea quæ incorporea sunt. i. per formas, agere patiq; dicuntur, vt habet Alexander cōment. in lib. de anima. Cum ergo de qualitatum actionibus præcipuè agat Medicus, quod qualitates sint formæ sensibiles, commodum incōmodumue afferentes, dicendū, & rectè, omnē dispositionē actiones lædentem siue mediatè, siue immediatè, esse qualitatem. Constat igitur substantiam ratione sui nunquam subire dispositionis

tions

tionis rationem, nec actiones propriè, nisi per qualitates ledere; licet non negauerim substantiam immediatè ad substantiæ productione concurrere. Dispositio itaq; in definitione morbi idem est ac affectus, & affectus idem ac constitutio: & affectus generi- *Dispositio idem est ac affectus.* cè acceptus, morbum, causam morbificam, & tertium saltem symptomatum genus, quod in qualitate mutata consistit, comprehendit: quod hæc omnia qualitates quædam sint: Primum autem symptomatum genus, actio scilicet læsa; & secundum, excreta, & retenta, passionies quàm qualitatès melius, fortè, dicentur.

Auerroi, Turisano, & Fernelio satisfi.

EXponentes Tubingensis opinionem, horum Scriptorum opiniones in medium deduximus; quas nunc conuellere paruo negotio decernimus: & vnica quidem solutione, quam ex Simplicio in expositione formæ, & figuræ, quartæ qualitatis speciei desumemus. Ait enim, licet qualitas distinctum prædicamentum à reliquis nouem constituat, per reliqua diuagari, eisque veluti arcto nexu copulari: ita vt quodlibet suam habeat annexam qualitatem. In ipsa enim substantia qualitas est; eius naturam nobis paulò manifestius referens: vt in homine humanitas, quæ ab hominis substantia seiungi nequit, sicuti nec hominis substantia ab eadem qualitate. Similiter dicendum de corporeitate in corpore, equinitate in equo, asininitate in asino, Petreitate in Petro; & sic de cæteris, simili serie, loquendum. Quantitas sua non priuatur qualitate: nam sua semper fruitur figura. Vnde rectitudo & curuitas, lineæ qualitates dicuntur: veluti planities & asperitas, superficiæ. Profunditas, corporis. In discreta quantitate qualitas etiam reperitur: nam numerus vnus quadrangularis est, alter triangularis: imò in Metaphysica, si memoria me non fallit, quartam qualitatis speciem, quantitatis veluti proprietatem statuit Philosophus. Ex ipsa etiam qualitate alia videtur exurgere qualitas, & taliter, vt qualitatis qualitatem aliquo modo admittere cogamur: v.g. color albus disgregationem in visu parit, sicuti niger congregationem. Relatio suam continet qualitatem, habitudinem scilicet: datur enim *συστοιχη*, *sive* *Qualitas quantitatis.* *Qualitas qualitatis.* *Qualitas relationis.*

Qualitates actionis & passionis.

Qualitas Quando.
Qualitas Vbi.

Qualitas Situs.

Qualitas Habitus.

siue habitudo dupli ad dimidium, patris ad suum filium, & in reliquis pariter. In prædicamentis Actionis, & Passionis, qualitates reperiuntur, quæ agibiles, & patibiles dicuntur. In prædicamento Quando, quamplures qualitates, vt occasio, opportunitas &c. In prædicamento Vbi, vt quando dicimus aliquem locum esse aeris temperati, alterum intemperati. In prædicamento Situs, vt rectè esse collocatum, vel non rectè esse collocatum. In prædicamento tandem Habere: vt rectè esse circumiectum &c. Hac præsupposita doctrina, facilis est ad præfatos Authores responsio, morbum esse dispositionem, veramq; qualitatem, substantiam verò, quantitatem, & reliqua prædicamenta suis frui familiaribus qualitatibus, ratione quarum illa morbi dicuntur. Nam nec substantia, nec quantitas, per se morbus est, sed dispositio illa præter naturam, cuiusq; necatur prædicamentali enti, est id quod verè morbi rationem fortitur. Morbus ergo, etiam in figura, est dispositio in prima qualitatis specie posita: nam figura non est quæ morbum constituit, sed mala, & indebita figuræ dispositio. Superficies pariter non est morbus, sed indebita superficiæ dispositio, aut qualitas, vt loquitur S. Thomas 1. 2. q. 43. art. 2. in responsione ad primam obiectionem, vbi ait, morbos in superficie non esse morbos substantiæ, aut quantitatis. Vnde morbi partium organicarum, de quibus mox, rectius dicuntur morbi in figura, in quantitate, in numero, in situ, quàm morbi figuræ, cauitatis, superficiæ, quantitatis, numeri, situs. Secus verò de qualitatibus primis excedentibus pronunciandum: morbus n. intemperici calidæ, quando calor excedit, rectè sic dicitur; quia ipsa intemperies calida est morbus: At verò numerus additus aut deficiens non est morbus, sed dispositio inde resultans est quæ morbi rationem habet; quia talis dispositio, in manu v.g. ob sextum digitum superflue reliquis coherentem, aut ob quintum deficientem, est quæ manus actionem, id est, debitam cōprehensionem impedit. Sic puto satisfieri præfatis doctissimis Viris.



Christophori à Vega opinio examinatur.

Non meliori titulo Tubingensis Germanorum Galenus, & Ioannes Fernelius Gallorum item Galenus, quàm Christophorus à Vega, Vallesij Præceptor, primus Galenus Hispanorum censendus, qui lib. 2. Art. Med. cap. 7. & ult. Lib. 3. eiusdem Art. Med. cap. 1. Lib. 1. de febrib. comment. in cap. 4. & in Præfatione ad comment. de Vrinis, mordicè tenet morbum nullatenus in prædicamento Qualitatis, sed in prædicamento Relationis, seu ad aliquò collocandum. Hanc opinionem ex parte sequitur Comes Montanus, qui existimat morbum habere sedem in prædicamento Qualitatis, simul & Relationis. Montanum sequitur Marcus Oddus in exiguo quodam tractatu, quem de morbi essentiâ edidit. Quæ Vega sparsim citatis in locis proponit, nos ad breuiorem; quandam clarioremq; methodum, sequenti ordine reducemus.

Galenus lib. 1. de sanit. tuenda cap. 5. docet sanitatem esse symmetriam, morbum verò ametriam: Neque enim adeo stupidus eris (vt loquitur Galenus) vt in alio genere sanitatem, & in alio morbum statuas. Idem Galenus lib. de differen. morb. c. 2. morborum genera ex sanitatis generibus venatur, his verbis: Adducamus itaq; hoc quoque in loco solidum principium, quod apud omnes homines in confesso est: nempe id, quod naturale est, moderatum esse: quod verò à naturali habitu recedit, immoderatum. Proinde sanitas symmetria: quædam erit, morbus verò, à iusto modo declinatio. Rursum idem docet, dicens: Proinde si meatuum symmetria sanitas est, eorundem à debito modo declinatio, morbus erit. Si verò calidi, & frigidi, humidi, & sicci temperies sanitas est, ipsius contrarium morbum esse necesse est. Hinc sic argumentari licet: Symmetria, & ametria ponuntur in prædicamento Relationis. Sed sanitas est symmetria, & morbus ametria. Ergo sanitas, & morbus ponuntur in prædicamento Relationis. Maior patet: nam symmetria, & ametria est commensuratio, & incommensuratio; seu symmetria est proportio, ametria disproportio: quæ quidem, communi consensu, in respectibus consistunt. Minor est Galeni doctrina. Ergo conclusio

clusio benè sequitur. Galeni autoritate lib. 2. meth. probat morbum in eodem prædicamento cum sanitate collocari. Nemo tandem (inquit Galen.) adeò fuit stupidus, vt in alio genere poneret sanitatem, in alio morbum. Et rectè quidem hæc Galenus; quoniam morbus, & sanitas sunt contraria: Contrariorum autem eadem est ratio, ita vt ea sint, quæ sub eodem genere maximè distant. Aliam Galeni autoritatem ex lib. 8. Methodi in sui fauorem in medium sic deducit: Nam cum febricitantes ex intemperie laborent, necesse est sanationem quoque eorum intemper-

*Febris est
abundantia caloris
ex
Gal.*

rantia depulsionem esse. Et rursus ibidem: Est autem febris intemperantia excessus in caloris abundantia. Vult enim Vega secundum Galenum, calorem naturalem esse proportionem, intemperiem verò siue excessum caloris, improportionem: vel potius, vt loquitur comment. in cap. 4. lib. 1. de febrib. calor natuius est causa proportionis; calor verò præter naturam causa improportionis, siue disproportionis, siue incommensurationis, quæ ratio est. Aristotelem sibi fauere credit Vega, aiens: Hac prorsus ratione Aristot. lib. 7. de Physicis auscultationibus cap. 3. dicit ad sanitatem, & morbum non esse per se motum, quia ad proportionem, & improportionem non est per se motus. Hinc colligit Vega morbum in prædicamento Relationis, non verò Qualitatis collocari. Nam ex eodem Arist. ad qualitatem datur motus. Ergo cum ad morbum non detur motus, morbus non erit qualitas, sed relatio, cum ex Arist. citato, sit improportio, sanitas verò proportio.

Vnum ex præcipuis Vegæ argumentis à ratione erutum, est hoc: Si namque constitutionem quæ genus est, in morbi definitione totam ipsius amplitudinem comprehendens, non ad aliquid, sed in Qualitatis prædicamento colloces, dices quoque morbum consistentem in qualitate esse qualitatem, veluti cum qui consistit in caliditate esse caliditatem, atque febrem esse calorem. Quod si morbus in caliditate aucta consistens est ipsa caliditas, morbus in quantitate aucta, erit ipsa quantitas. At verò quantitas non est qualitas: morbus igitur in quantitate aucta non erit morbus; quod nemo fatebitur. Hæc Vega: quæ clariùs in hunc modum disponi possunt. Si constitutio, siue habitus, siue affectus, siue diathesis in definitione morbi, secundum totam suam latitudinem

poni debeat in prædicamento Qualitatis, inde sequitur, morbum in qualitate consistentem esse qualitatem: v.g. calorem excedentem esse febrem: Hoc a. semel concessio, cogemur pariter dicere; morbum in quâtitate esse ipsam quantitatem, siue molem adauctam; quod est absurdum. Nam in Tubingensis sententiam, affirmantis substantiam, siue corpoream molem adauctam, esse morbum in substantia, necessariò incidemus, vel inuiti fatebimur morbum in quantitate aucta non esse morbum; cùm tamen contrarium omnes Medici censeant. Vt ergo hæc incommoda vitemus, dicendum morbum in Prædicamento Relationis collocandum. Alia quamplurima proponit Vega, vt suæ opinioni robur aliquod addere videatur: quorum quædam prolixius à Vallesio examinantur lib. 4. controuers. c. 1. quibus, quia futilibus, superfedendum puto.

Limæ ergo veritatis minimè correspondet præfata Vegæ sententia. Nam ex Arist. cap. de Qualitate, sanitas & morbus sunt in prima specie qualitatis; quod non diceret Aristoteles, si censeret sanitatem & morbum esse relationes. Contrarium n. hæc eius verba ostendunt: Nam his ipsis (id est sanitate, morbo, &c.) homo aliquo modo disponitur, & faciliè quoque; mutatur ex calido frigidum subiens, & ex sanitate morbum, & in cæteris etiam simili modo. His n. manifestè docet Arist. morbum qualitatem esse, & ad eundem morbum dari motum, seu morbum terminare motum, siue mediante motu produci; vt dilucidè demonstrant verba illa textus: Et faciliè quoque; mutatur (homo scilicet) ex calido frigidum subiens, & ex sanitate morbum.

Præterea idem Aristoteles in Postprædicament. cap. 10. de oppositis, oppositorum quatuor genera tradit: relatiuè scilicet opposita, contrariè, priuatiuè, & contradictoriè: & horum exempla proponens, inter exempla cōtrariè oppositorum, sanitatē & morbum expressè ponit: quod non fecisset, si morbum relationem esse existimasset: cum enim inter exempla relatiuè oppositorum commemoraret, & non inter contrariè opposita; quæ toto cælo ab oppositis relatiuis separantur; vt ibidem testatur Aristoteles in hunc modum: Quæ igitur, vt ea, quæ sunt ad aliquid opponuntur, ipsa id quod sunt alterum esse, aut aliquo alio modo vicissim dicuntur. Ea v. quæ vt contraria opponuntur, nullo pacto legem

Primum argumentum contra Vegam.

Secundum argumentum contra Vegam.

*Totum
esse rela-
tionis.*

*Occur-
tur diffi-
cultati.*

*Vera re-
latio con-
trarieta-
te caret.*

hanc subeunt: neq; n. bonum mali dicitur bonū, sed contrarium: neq; album nigri dicitur album, sed contrarium: quare oppositio- nes hę differunt. Hęc Aristoteles, qui hoc loco definitione rela- tiuorum ab antiquis tradita contentus, oppositionem relatiuam omnium minimam ab oppositione cōtraria distinguit, aiens, vt- rumq; relatorum alterius esse, id est, totum esse vnius correlati p̄sertim mutui, est se habere ad aliud: v.g. totum esse patris, sub ratione paternitatis, est se habere ad filium: & viceuersa, totum esse filij, sub ratione filiationis, est se habere ad patrem. At v. con- traria non ita se habent: nam album non dicitur nigri album, nec nigrum albi nigrum, sed dicuntur esse contraria. Cū ergo ibidem sanitas & morbus inter contraria ab Arist. enumerentur, morbus non dicitur sanitatis morbus, nec sanitas morbi sanitas, sed contraria, & per consequens nunquam cogitauit Aristoteles morbum esse relationem nisi in laxiori relationis significatione. Et si instaret aliquis, Aristotelem tribuisse relationi cap. de rela- tione, hanc proprietatem, suscipere contraria, id facile diluitur: nam Aristoteles simile attributum concedit quibusdam tantū relationibus qualitatiuis, & secundū dici, non verò relatio- ni secundū esse dictę, & prædicamentali: vt patet ex exemplis ab Arist. ibidem traditis, inquit: Virtus namq; vitio contra- rium est, quorum vtrumque ad aliquid est, & ignorationi scientia. Non tamen vniuersis contrarietas inest: duplo namq; & di- midio, & similibus, contrarium est nihil. Omnibus enim notum est, Aristotelem posuisse virtutes in prima specie qualitatis, velu- ti Scientiam. Ergo qualitates sunt, quę contrarietatis fiunt par- ticipes. Relationes autem secundū esse, & prædicamentales dic- tę, contrarietatem non habent, cuiusmodi est illa, quę reperi- tur inter duplum & dimidium. Cū ergo cap. de relatione, relationis naturam in laxiori significatione, & iuxta antiquorum placitum Aristoteles inuestigauerit, non est mirandum si quibus- dam relationibus improprie dictis cōtrarietatem tribuerit, quam tamen veris relationibus non concessit: vt patet ex cap. de Quantitate, vbi loquendo de paucis, & multo, paruo, & magno, ait, siue pro quantitate sumantur, siue pro relatione, non esse contraria. Ibi enim de relatione absolute dicta loquitur.

Ex Galeno adhuc patet morbum esse qualitatem: lib. 1. & 2.

Methodo

Methodi, quosdam morbos in habitu esse dicit, cuiusmodi sunt febres hectice, phthisis &c. alios v. in dispositione, dum de breuiter durantibus morbis loquitur, cuiusmodi sunt ephemera febris, tertiana, & consimiles morbi, modico tempore durantes. Habitus & dispositio sunt prima qualitatis species, ex omnium sententia cum Arist. cap. de Qualitate. Sed ex Galeni sententia morbi sunt dispositio & habitus. Ergo in prima qualitatis specie collocantur: atq; adeò nequeunt esse relationes.

Libro deniq; de different. morb. cap. 4. manifestè docet Gal. morbos proprios partium similiarium esse meras qualitates. Age *Morbi si-
miliarium
sunt quali-
tates.* igitur, inquit, sint prima elementa numero quatuor, calidum, frigidum, humidum, siccum, quibus inuicem moderatè confusis sanum fit animal; immoderatè, egrotum: erunt consequio agritudines quatuor: prima, caliditas, quæ naturalem excesserit symmetriam: secunda, frigiditas: tertia, humiditas: & quarta, siccitas. Hi sunt iuxta secundam suppositionem morbi vniuersi earum partium, quæ similes appellantur, qui sanè & simplices omnino esse videntur. Libro rursus 2. Methodi cap. ult. ait: Febris *Febris est
calor.* igitur est calor tantus, quantus iam possit lædere operationes.

Sed Vega ad locum Galeni lib. de different. morb. respondet, Galenum velle, calorem, frigiditatem, humiditatem, & siccitatem, esse materiale morborum, & non formale: Formale autem morbi, inquit Vega, est ipsa ametria: materiale verò morbi est relationis fundamentum, & causa continens in morbis qui fiunt ex additione, quales sunt omnes ad qualitates actiuas attinentes: causam autem continentem separari posse à morbo, nunquam Galenus existimauit.

Licet hæc doctrina aliquid acuminis præ se ferre videatur, longè tamen à veritate distat: Nam velle calorem præter naturam, siue intensum esse relationis fundamentum, morbum verò relationem inde resultantem, eundemq; calorem esse causam continentem, est ludere; quoniam falsam supponit doctrinam, morbos partium similiarium esse morbos factos ex additione, siue ex compositione causæ continentis, & relationis inde emergentis; cum earundem partium similiarium morbi sint simplices qualitates, in quibus potissimum nulla datur causa continens, vt sequenti libro de causis, de causa continente agentes, clarè demō-

*Relatio
non agit.*

strabimus. Præterea relatio nullam habet agendi vim. Sed ex vnanimi Medicorum consensu cum Galeno, morbus actiones lædit. Ergo morbus nequit esse relatio. Sanitati autem aduersatur contrariè: contrariorumq; eadem est ratio. Sed sanitas ex Arist. lib. 2. de Anima tex. 24. est forma. Ergo pariter, & morbus ei contrarius. Quòd autem sanitas forma sit, id his verbis docet Arist. c. 2. tex. iam cit. Quoniam autem id, quo viuimus, quoue sentimus, bifariam dicitur, perinde atq; id quo scimus, & id etiam quo sani sumus, atq; valemus (quoddam enim scientiam, quoddam animam dicimus.) Quippe cum utroq; scire dicamus: & aliud sanitatem, aliud partem corporis aliquam, vel totum dicimus corpus: atq; horum vtrumq; tam scientia, quam sanitas, forma quædam, & species est, & ratio, & tanquam actus suscipientis, &c. Vult Aristoteles his verbis ostendere, nos duobus viuere, anima nimirum vt actu siue forma, & animæ subiecto; sicuti sani duobus dicimur, & ipsa sanitate veluti forma, & parte aliqua corporis, vel vniuerso corpore tanquam sanitatis subiecto. Constat ergo ex Arist. sanitatem esse actum, siue formam, siue speciem, vt loquitur, non substantialem: Ergo accidentalem, quæ non in alio prædicamento, quam qualitatis poni debet. Vega autem, vt supra vidimus, cum Galeno consentit sanitatem, & morbum in eodem collocari prædicamento. Ergo cum sanitas sit species, siue forma, eaq; accidentalis, in Qualitatis prædicamento sita, morbus ei contrarius, vt docuit Arist. in eodem Qualitatis prædicamento ponetur.

*Sanitas
ex Aristotele
est forma,
eag; accidentaria.
Ergo, &
morbus ei
contrarius
erit forma
accidentalis.*

Replicat adhuc Vega, & dicit, relationem non habere agendi facultatem, esse tamen primam & immediatam causam, ob quam actiones læsæ proueniunt. Calor n. cerebri, inquit, hominem delirare facit, non tamen efficit imaginationes læsas. Siquidem omnis imaginatio, sicuti & omnis animalis actio, aut perfecta, aut læsa, ab anima procedit, non à morbo: morbus tamen immediata causa, ac prima lésionis imaginationis est; ob quam læsa imaginatio procedit. Hæc a. est ametria, & inconcinnitas primorum elementorum.

Occurritur obiectioni.

His tamen nihil contra nos concludit Vega, qui plurimum deceptus est loquendo de calore præter naturam: nam calor præter naturam lædit partium similium actiones primario: secundario

autem

a. actiones animales dictas. Nam caloris opus est calefacere, & suum contrarium vincere frigus, & omnimodam sic inducere intemperiem calidam. Phrenitis a. inflammatio est meningum cum affluxu humoris: vnde humores præcalidi & acres, præterquamquod spiritus animales incendunt, continuum insuper solvunt. Vno verbo, calor intensus actiones lædit: Et licet omnis actio animalis ab anima procedat, læsio actionum à morbo. Vega dixit omnem actionem vitiosam ab anima procedere, & tamen ignorat quid Galeno respondeat dicenti lib. 2. de Sympt. causis, palpitationem, & conuulsionem esse distinctos motus, à tussi, sternutatione, ructu, tremore, & rigore, quod conuulsio, & palpitatio à solo morbo fiant, alij verò iam relati motus, siue actiones, à natura, sed à causa præter naturam irritata. Cum ad hæc nesciuerit respondere Vega, planè deferendus est: dicendumq; calorem præter naturam ledere coctionem partium, quando aliquis feblicitat: cum ad hunc sedandum, & nō relationem, omnes Medici vnanimiter contraria remedia frigida, & humida præscribere soleant.

Phrenitis
quid.

Conuulsio & Palpitatio à solo morbo fiunt.

Quod attinet ad authoritatem Aristotelis à Vega in sui fauorem ex lib. 7. Physicor. deductam, nihil illi contra nos prodest, qui libenter admittimus, in morbo, vt correlato, non dari per se motum; quia morbus est dispositio in laxa dispositionis significatione: in habitu verò & dispositione non datur per se motus, sicuti nec in figura. Corpus autem ad patibilem qualitatem mouetur, in qua datur motus, ad calorem v. g. frigus, humiditatem, & siccitatem, mediante nimirum alteratione, quæ motus est ad qualitatem. Calor autem frigiditas, humiditas, & siccitas, quatenus tales, vtpote patibiles qualitates, morbi rationē non induunt, sed quatenus intensæ, & præter naturam. Licet ergo ad quantitatem, qualitatem, & vbi, tantum detur per se motus, vt habet Arist. lib. 5. physic. c. 2. non proinde dicendum in omni qualitate dari per se motum quatenus relationem inuoluit: nec inde inferendum, id omne in quo non datur motus, esse relationem: cum in habitibus qui qualitates sunt sub ratione relationis, non detur alteratio, vt ipsemet Arist. testatur lib. 7. Physic. c. 3. Ex quo Aristotelis verba huc traducere lubet, vt cuius innotescat Vegam eius mentem non fuisse assequutum: Præterea, inquit, di-

Perstrin-
gitur Ve-
ga.

emus

cinus virtutes omnes in his quodammodo esse, quæ ad aliquid referuntur. Namq; eas quæ sunt corporis, vt sanitatem, & bonum corporis habitum, in calidorum, & frigidorum, aut internorum inter se, aut ad continens temperamento, & commensuratione ponimus. Similiter pulchritudinem, & robur, & alias virtutes, atq; etiam vitia. Vnaqueq; enim, & vnumquodque quodammodo ad aliud refertur, & ad proprias affectiones aut bene, aut malè cum, qui eis præditus est, disponit. Propria autem sunt, à quibus gigni, atq; corrumpi aptus est. Cum igitur quæ ad aliquid referuntur, nec sint alterationes, nec eorum sit alteratio, nec generatio, nec vlla omninò mutatio, perspicuū est, neq; habitus, neq; habituum abiectiones, & assumptiones, alterationes esse, sed generari quidem fortassè, & interire eos quibusdam alteratis necesse est, quomodo & speciem, ac formam, veluti calidis, ac frigidis, humidis, aut siccis, aut ijs, in quibus primis insunt. &c.

Exponitur Aristoteles.

In hoc cōtextu animi, & corporis habitus exponit Aristoteles, aitq; circa illos non esse alterationes; quia virtutes perfectiones quædam sunt; tum quia virtutes, & vitia in mediocritate, & excessu consistunt. Mediocritas autem, & excessus in genere relationis habentur. Verum relatio, de quâ loquitur Arist. non est prædicamentalis, sed secundum dici, quæ non adimit virtutibus, & habitibus rationem entis absoluti, & qualitatis. Morbus ergo, & sanitas, sicuti virtutes, qualitates sunt, sed inuoluentes non integram, sed aliqualem relationem, prout manifestè verba illa Aristotelis ostendunt: Præterea dicimus virtutes omnes in his quodammodo esse, quæ ad aliquid referuntur. Si enim Aristotelis intentum esset, virtutes animi, & corporis esse absolute relationes, non adiecisset textui particulam (quodammodo), sed absolute secundum suam sententiam dixisset ad aliquid, sine moderatione, referri. Eandem doctrinam eodem in textu 17. repetit, aiens: Vnaqueq; enim, & vnumquodque quodammodo ad aliud refertur: iterum enim repetijt particulam (quodammodo); quoniam reuerà sanitas, & morbus, pulchritudo, robur, alique corporis, & animi affectiones, qualitates sunt. Et sanè Aristoteles lib. 7. cit. voluit sanitatem, & morbum, habitusq; vniuersos non esse alterationes, sed alterationum terminos, & res altera-

tera-

terationibus perfectiores, stabiliioresque: idq; ex cit. cap. colligitur, ubi ait per alterationes produci. Et manifestius adhuc id dixit cap. sequenti tex. 32. ubi clarè admittit sanitatem per alterationem induci: Alteratio autem, inquit, quonam pacto alteri æquè est velox? certè si sanari est alterari, fitq; vt alius celerius, alius tardius, aliqui etiam simul sanentur, alteratio erit paris celeritatis: tempore namq; æquali alterati sunt. &c. Si sanitas, vt vult Aristoteles, alteratione restituitur, estq; alterationis terminus: Ergo pariter, & morbus ei contrarius. His addamus, corporis & animi affectiones, diuersis sub rationibus in diuersis prædicamentis collocari posse; vti ipse Aristoteles capite de Qualitate docet, in quo habitum, & dispositionem, primam qualitatis speciem constituere ait, postquam habitum, & dispositionem antea in Relationis prædicamento collocauit. Licet ergo morbus sub ratione improprietatis ponatur in prædicamento Relationis, id non impedit, quin, tanquam causa læsionis affectionum, & vt morbus est, sit in prædicamento Qualitatis. Et posito quòd, prout qualitas est, imperfectā quamdam inuoluat relationem, non ideo relatio dicendus.

Ad sanitatem & morbum datur motus quatenus qualitates sunt.

Morbus sub diuersa ratione in diuersis ponitur prædicamentis.

Sed instabit aliquis: Inter sanitatē, & morbum non datur medium ex Arist. cap. de oppositis. Ergo sunt relationes. Respondeo qualitates quasdam more relationum non habere medium, vti ostendit Arist. cap. de oppositis, agendo de contrarijs. Atqui contraria quidem, inquit quæ talia sunt, vt ipforum alterum necessariò rebus ijs insit, in quibus aptū est fieri, aut de quibus prædicatur, ea nullum prorsus medium habent: quorum autem alterum inesse non necesse est, inter hæc aliquid omninò medium cadit: veluti sanitas ac morbus in animalis corpore fieri apta sunt, atque alterum insit animalis in corpore, sanitas inquam, aut morbus, necesse est. Et de numero par atq; impar prædicatur, & alterum par, aut impar insit numero necesse est: atq; nullum inter hæc aut inter par, & impar, aut inter sanitatem ac morbum medium cadit. &c. Ecce Aristoteles asseuerans inter sanitatem, & morbum corporis affectiones non dari medium, etsi sint contraria, & quidem qualia, sicuti nec inter par & impar, quæ verè correlata sunt. Et si vellet aliquis dicere relationem suscipere magis & minus, vt loquitur Arist. cap. de relatione; atq; adeo inter relata

Solutio dubij.

*Dubio ac-
curritur.*

lata dari medium: Responsio facilis est, Aristotelem loqui de relatione secundum dici, vel de fundamento relationis; cui contrarietas sapissimè conuenit. Qualitates ergo quædam cum vera relatione in hoc conueniunt, quod non habeant medium. Excessus n. quantumuis minimus in corpore, morbus est, sed Physicè loquendo: nam Medicè datur medium, uti supra fusè probauimus, & concedit ipse Vega libro 2. de arte med. cap. vlt. ubi morbum ametriam, & incommensurationem appellans, ait, morbi terminum esse sensibilem læsionem actionum; quasi diceret morbum non esse censendum illum affectum, qui sensibiliter actiones non lædit: Eius ergo terminus non erit illa minima exiguaq; læsio, quam intellectus assequi posset, id est, quam sola cogitatione concipere possemus. Foret enim (ut Galen. inquit) dogma perpetuæ passibilitatis, estq; Logica consideratio, quam sequitur Arist. & Plato in Alcibiade 2. cum dixit, inter sanitatem & morbum non esse medium. Neuter ergo status admittendus ex ipsius Vegæ doctrinâ, qui per hæc in nostram, velit, nolit, sententiam inclinare cogitur. Si morbus n. & sanitas essent veræ relationes, medium non admitterent.

*Morbus
non est
ametria
proprie,
sicuti nec
sanitas
symmetria.*

Ad Galeni authoritatē à Vega deductā, respondeo, morbum dici ametriam, utpote recessum à naturali statu, sanitatem verò ametriam, quod intra naturæ cancellos cohibeatur, sitq; naturalis partium corporis dispositio. Voluit ergo Gal. claritatis gratia sanitatem vocare symmetriam, morbum ametriam, esseq; relationes improprie dictas: uti ostendit lib. de different. morb. c. 2. & lib. 1. de sanit. tuen. c. 5. & alibi, morbum non absolutè appellans ametriam, sicuti nec sanitatem symmetriam, nisi postquam addidit, more Aristotelis, particulā (quandam). Ideoq; cap. iam cit. de sanit. tuen. ait, sanitatem suscipere magis, eamque in temperamenti qualitate (ut ille loquitur) ponendā esse, cum perpetuò mutetur; quod relationibus non conuenit, quæ stabiles saltem aliquo tempore esse debent. Vnde in sanitate & morbo vnicā & eādē horā darentur mille relationes distinctæ specie, aut numero saltem, ut benè monet Vallesius.

*Solutio
præcipui
argumen-
ti Vegæ.*

Ad præcipuum Vegæ argumentum Respondeo, sequelam cōcedendo, & paritatem negando, id est, posito (quod verum est) quod constitutio aut diathesis, siue affectus in definitione morbi secun-

secundùm totam suam latitudinem sit in predicamēto qualitatis, concedimus morbum consistētem in qualitate adaucta esse qualitatem: negamus tamen malam paritatem, morbum in quantitate adaucta esse quantitatem, sed qualitatem. Si tamen paritas rectè fiet, concedenda est hoc modo: Quemadmodum morbus in qualitate adauctâ, in calore v. g. intensiore facto, est qualitas, sic pariter morbus in quantitate adauctâ est qualitas. Lingua enim adaucta loquelam prohibet, non quòd quantitas illa adaucta actiones lædat, sed linguæ mala dispositio, ex tantâ mole resultans. Vnde Galenus varijs in locis morbum appellat calidum, frigidum, humidum, & siccum, nunquam verò morbum quantum, siue quantitativum; aut morbum numerosum, figuratum, aut situalem: sed morbum in numero, quantitate, figura, & situ, de quibus deinceps. Calor a. excedēs, quatenus excedens, & præter naturam, dicitur optimè morbus calidus.

Sed pro Vega obijcitur adhuc. Sanitas & morbus sunt contraria. Ergo in eodem genere poni debent, vt lib. 1. & 2. methodi docet Galenus. Atqui sanitas non est calor, nec frigus, nec humiditas, nec siccitas, sed horum omnium moderatio. Ergo morbus erit eorundem immoderatio. Respondeo primò concedendo, sanitatem & morbum esse cōtraria, & in eodem collocari genere, sanitatemque dici moderationem, eo modo quo exposuimus. Respondeo secundò, sanitatem & morbum, vt dispositiones sunt, esse cōtraria. Præterea in exēplo citato morbū posse dici calorem excedentē, sanitatem v. calorem temperatum, siue moderatū, siue temperamentum nativum: Quoniam in tali casu calor excedens opponitur sanitati tanquam extremum medio; non v. tanquam extremum extremo: hoc n. pacto calor excedens excedenti frigori propriè aduersatur, tanquam patibilis qualitas qualitati passibili: Sunt n. tāquam duo extrema vitia, eo modo quo avaritia & prodigalitas: quæ ambæ liberalitati aduersantur. Intensa ergo caliditas intensæ frigiditati, quatenus qualitates sunt patibiles, sibi ipsis aduersantur: quatenus v. præter naturam, sanitati. Nam vt sanitas est dispositio secundùm naturam, ita illæ qualitates, vt excedentes, dispositiones præter naturam. Et sic, prout sanitas est dispositio secundùm naturam, & morbus dispositio præter naturam, sunt contraria; licet eo modo, quo diximus sint contraria, tan-

*Difficultati
satisfit.*

*Sanitas
opponitur
morbo tan
quam ex
tremum
medio.*

quam tamen extremum & medium. Aliter respondet Vallesius, quem videat, qui volet.

Ioannis Argenterij opinio examinatur.

Non rectius inuidus Zoilus Homeromastix, quàm Io. Argenterius Galenomastix dicendus: qui vanæ gloriæ nimis cupidus, maledicendique pruritu percitus, Gal. ubique insolenter & omni semota modestia obstreperit. Sic enim suum nomen, quod aliàs in obscuro lateret, diuulgari facilius prætendit. Multis hic cauillis Galenum reprehendere statuit, etsi ab eius garrulitate Galenus adhuc illæsus feruetur. Variè ergò definitionem morbi à Gal. traditam arguit lib. quem edidit de generibus morborum c. 1.

*Primum
Argenterij
argumen-
tum.*

Primò enim Galenum inconstantia arguit, quèd morbum variè definiuerit: Nam morbum appellat id quod actionem laedit: aliàs morbum dicit esse constitutionem præter naturam: & magis explicans morbi naturam, ait, morbum esse affectum præter naturam, primò actiones lædentem; vt habetur lib. de differ. symp. c. 1.

Solutio.

Sed responsio facilis est. Galenus autem completè morbum definiuit lib. de differ. sympt. c. 1. Alijs autem in locis sufficienter, prout à sanitate distinguitur, cum quâ in particula (constitutio, aut affectus) conuenit: discrepat autem, quòd actiones lædat. Stupiditatem, aut garrulitatem alicuius circa definitiones allatas præuidens sagaciter Gal. hæc effundit verba lib. de symptom. different. c. 1. His ita se habentibus, ac definitis, quoniam morbus affectus quidam est præter naturam, qui actioni incommodat: morbum autem ipsum præcedere potest affectus alter, qui etiam præter naturam sit, non tamen suâ ipsius ratione actionem labefactet, sed morbi interuentu: talem affectum non morbum, sed causam, quæ morbum præcedat, appellabimus. Quo in loco diligenter animum ad eos aduertamus oportet, qui illum quocque affectum lædendæ actionis causam dicunt: Non enim per se, aut primùm, sed ex accidenti, & secundò, impediri offendique per eum actionem dicemus: à morbo verò ipso primùm, & secundum ipsius substantiæ rationem. Itaque cum dicitur, morbus est corporis affectus, qui actionem impediatur, ijs, qui ita-

statim subaudiunt, quòd primùm, & ex se ipso id facit, sufficiens est definitio; siqui verò vel minùs dexterè, vel contentiosius inaudiunt, ijs adiiciendum in oratione est, primùm, quo talis sit finitio: Morbus est affectus corporis actionem aliquam impediens primùm. Quotquot igitur affectus hunc præcedunt, ij morbi non sunt. Quòd si vlli alij cum his affectus incidunt, qui ipsos veluti vmbra sequantur; nec hos morbos vocabimus, sed symptomata. Ita non statim, quicquid est in corpore præter naturam, morbum vocabimus: sed id, quod primùm actionem vitiat, morbum; quod hunc præcedit, morbi causam, nondum autem morbum. Quòd si quis alius affectus in corpore morbum sequitur, is symptoma dūtaxat dicetur. Quomodo quæso clariùs, & distinctiùs morbi naturam exponere posset Mortalium vllus?

Secundò, dicit Gal. malè vsum esse nomine affectus, quòd cum multis in locis (& præcipuè lib. de differen. symp. c. 1. vbi ait, dispositionem in subiecto corpore permanere, & seruari) pro re permanente accipiat: & tamen lib. 1. Methodi c. 9. idem Galenus Iulianum, & Olympicum reprehendit, quòd dicerent morbum necessariò esse rem permanentem, aut eum habere permanentiam. Insuper Gal. lib. 1. de locis affectis c. 2. dicit affectum significare rem permanentem, stabilem, fixamque: Lib. tamen 8. Method. dicit febrem diariam esse morbum, qui non est stabilis, neque fixus affectus, quòd vnius diei naturalis spatium terminetur. Idem de Apoplexia, & Tetano dicendum: sunt autem affectus breui durâtes. Hinc liquet affectum esse ambiguum nomen apud Gal. nunc rem permanentem significans, nunc autem rem fugacem; quæ quidem vltima significatio Aristoteli familiaris est, qui dispositionem ab habitu distingui statuit, quòd dispositio sit qualitas facilè mobilis à subiecto.

*Secundū
argum.*

Respondeo affectum apud Galenum, ceterosq; Medicos rem permanentem significare, & ephemeram esse rem permanentem alterationisque terminum æquè benè, ac hecticam febrem: quia licet breui duret, habet tamen suas partes, suamque naturam iam productam, & extra causas positam. Olympicum & Iulianum meritò reprehendit, quòd hi morbum rem permanentem in ordine ad tempus, & non in ordine ad suas partes iam in rerum natura productas statuerint. Ephemera enim, vt dixi, non secus,

Solutio.

ac animal illud quod ætatis est vnus diei , à quo hæc , vt volunt , denominatur , suas habet partes permanentes , vt dixi , æquè ac morbus longus. Ergo est ens permanens. Quando ait, ex Aristotele, dispositionem esse qualitatem facilè mobilem à subiecto, verum refert, prout ab habitu distinguitur: Sed parum accuratè Aristotelis doctrinam examinat , nec sciuit, vt video, duplicem dispositionis significationem apud Aristotelem , cuius laxiorem nos selegimus: quatenus nimirum dispositio dispositionem simul & habitum comprehendit. Ignorabat denique controuersiam illam à multis Philosophis agitatam : vtum videlicet habitus & dispositio re an ratione distinguâtur ? Ob Logicæ ideo defectum in quàmplurimos incidit errores Argenterius.

3. *Argum.* Tertiò , dicit Argenterius , Galenum malè morbi naturam ex actione læsa eruere , cum lib. 1. de locis affectis c. 2. asseuerauerit morbum statim à principio suam habere essentiam, quamprimum à naturali statu deflectit . Contrarium tamen docet lib. 1. de fanit. tuen. c. 5. aiens illum tantum affectum esse morbum , qui actiones lædit.

Solutio. Respondeo Argenterium non intellexisse Galenum, qui locò citato de locis affectis, tantum dixit, morbum statim ab initio habere suam essentiam; quia exiguus calor præter naturam eandem cum intensiõri habet essentiam , sicuti vlusculum , exiguumue vlus eandem essentiam cum magno vlcere : idq; quidem secundum leges Philosophicas, quas Argẽterius ignorabat, peritè pronunciauit: Nam magis & minus non mutant speciem . Galenus tamen minimum à naturali statu recessum, morbum , Medicè loquendo , non appellat ; quia etiamsi actiones tantisper vitare videatur , non tamen sensibiliter : Quare solus recessus à naturali statu sensibiliter actiones lædens, morbus ab illo dicitur , loco citat. de fanit. tuenda, & alibi.

4. *Argum.* Quartò, Galenum taxat, quòd vocem (primò) in morbi definitione posuerit, vt per eandem particulam morbum à sua causa distingueret . Nam eo ipso quòd morbus dicatur affectus , sufficienter à causa distinguitur : quoniam causa non est affectus , vt patet ex eodem Galeno lib. de different. sympt. c. 1. vbi inquit: affectum esse alterationem permanentem. Sed causa non est alteratio . Ergo non est affectus . Præterea affectus est res absoluta, causa v. ad aliquid dicitur.

Re-

Respondeo negando causam non esse affectum, cum affectum esse statuatur Galenus lib. cit. de sympt. different. c. 1. ubi hæc habet: Omnis igitur corporis affectus, qui à naturali statu recessit, vel morbus est, vel morbi causa, vel morbi symptoma &c. Argenterius adhuc Galeno imponit, quando ait Galenum dixisse, affectum esse alterationem permanentem. Nam Galenus, ut passionem ab affectu distinguat, dicit passionem in motu consistere; & cessante, inquit, eo quod subiectum alterabat, alteratio quæ in subiecto remanet, affectus eius est: ita scilicet, ut in ipso verti, & mutari, & alterari, & moveri, pathos siue passio generationem habeat: in eo verò quod manet, & in subiecto corpore reseruatur, affectus constat. Ecce Galen. clarè dicens alterationem permanentem, id est, alterationis terminum, ut postea exponit, esse morbum. De hoc n. tanquam causæ effectum, mediante alteratione productum, & non de causa loquutus est. Malè ergo hinc infert Argenterius Galenum voluisse omnem affectum præter naturam esse alterationem permanentem; cum de solo loquatur morbo à sua causa productum; quem nō nisi improprie alterationem vocat, quando addidit (permanentem.) Alteratio n. nunquam est permanens, cum sit motus, & ens successiuum. Quando rursus ait, causam esse ad aliquid, affectum v. quid absolutum, fallitur. Nam morbus est æquè ad aliquid, ac causa; quoniam est causa læsionis actionum.

Pathos: ab affectu differt.

Quintò ait Argenterius, dictionem (Primò) frustra in morbi definitione poni; quia morbus non lædit primò actiones, sed mediante facultate læsa: Nam sicuti sanitas mediantibus facultatibus actiones secundum naturam exercet, pariter & morbus sanitati contrarius, actiones mediantibus facultatibus læsis, lædet. Facultas n. quasuis actiones siue bonas, siue malas edit, teste Galeno lib. 1. de facult. nat. Ergo morbus prius facultatem quàm actionem ab ea dimanantem lædet: Vitiò n. facultatis concoctricis ventriculi alimentum susceptum non debite coquitur.

5. Argum.

Respondeo, concedendo tã facultatē quàm actionem à morbo prius immediatiusq; lædi. Sed quia facultas (aut gradus, siue status temperamenti) nobis siue in statu sano, siue egro, non nisi per dimanantem actionem innotescit, per eandem actionem læsam, veluti per rem magis cognitam, & planè patentem, ac manifestam,

Solutio.

festam,

*Medicus
est Philosophus
sensibilis.*

festam, morbum Galenus apprimè definiuit. Idq; consultissimè; quoniam Medicus est Philosophus sensibilis, qui res cunctas sensuum iudicio manifestare pro ingenij viribus consuevit. Ex sensibili ergo, atque manifesta actionum læsione conijcit facultates esse læsas. Quod dixit Argenterius facultatem edere actiones siue integras, siue læsas, verum & hoc est: Sed falsum, læsionem actionum ab alia prouenire causa, quàm à morbo, cuius est lædere actiones, non edere: cùm hoc vltimum facultatis, non morbi munus sit.

*Riolanus
reijcitur.*

Riolanus ad hanc obiectionem respondet, morbum lædere actiones, & non facultatem, eo modo quo quies motum eripit & tollit, nō eripiendo facultatem. Sed hæc doctrina Galeno aduersatur, qui morbi essentiam in actionum cessatione minimè reponit; quia inde sequeretur, vt supra in huius libri principio diximus, morbis nos affici, quoties in vmbra otiosi degimus, aut dormimus: quod tamen falsum est; cùm perfecta tunc fruamur sanitate, etiamsi in quiete positi nihil agamus. Præterea ex Riolani sententia sequeretur, dum compedibus aliquis ab ambulatione impeditur, morbo laborare. Rursus (posito quòd quies sit res positina) actiones non eripit, nisi facultates prius ligando. Vnde merito somnus, qui quies vulgò dicitur, sensuum ligatio à Philosopho nuncupatur. Ligatio autem à morbo facta, est actionum læsio. Actio autem læsa est, aut, ne fiat, impeditur, à mala corporis aut partis dispositione. Si n. dispositio partis in sua permaneret integritate, actio nullatenus læderetur. Vnde rectè Philosophus: Si senex haberet oculum iuuenis, videret vt iuuenis. Ergo impossibile est partem vllam morbo infestari, quin partis facultas lædatur. Addamus & his actionem à morbo non eripi, eo modo quo quies motum aufert: nam quies motum omninò tollit; morbus verò, vt libro de differētij symptomatum dicemus, non semper motum aut actionem abolet, sed sepius diminuit, & deprauat.

Abrahamus Frambesarius Disput. 3. Doctore 3. libelli cui titulus, Scholę Medicę, dicit falsum esse facultatē prius lædi quàm actionem in morbis organicis. Quia, inquit, vsus instrumenti impediri potest nulla facultate læsa: vt apparet in vena, aut neruo obstructo, vbi impeditur distributio, illeſis remanētibus facultatibus.

Sed

Sed hæc responsio non videtur vsquequaque rationi consona. Nam quemadmodum cōstitutio, siue sanitas partis similis, consistit in temperie, sic partis dissimilis constitutio naturalis, siue sanitas, consistit in formatione, numero, quantitate, & situ. Ergo cū constitutio nerui nihil aliud sit quā optima cōformatio, magnitudo debita, situs etiam debitus, ac nexus, quoties his carebit, facultas eius læsa erit. Quoties n. neruus obstruitur, morbo laborat, nec suo ideo munere fungitur; adeoq; in obstructione, & consequenter in mala conformatione, facultas, qua præditus est, læditur; alioquin actiones integras facultas illæsa ederet: vel certè pars, vt dixi, morbo non afficeretur, sed tanquam vinculo prohibita actiones non ederet. Facultatem animæ per se quidem vix lædi puto; ratione tamen instrumenti lædi dicitur, maxime v. illa quæ organica est; quæq; ab organo ita dependet, vt sine organo deficiat. Vnde anima nostra sensitiuis istis facultatibus post obitum veluti priuatur, id est, cū defint ampliùs instrumenta, non edit anima vnà cum suis facultatibus solitas actiones sensitiuas, aliasq; animales, & naturales. Concludendum ergo, Galenum rectè censuisse lib. 1. de facult. nat. c. 2. dum ait, hæc tria, sese inuicem consequi, facultatem scilicet, actionem, & opus: à facultate actiones, communiter loquendo, proueniunt: ex actionibus opus emergit: opus autem est id quod iam factum atq; completum est per facultatem actionem. Quomodo ergo morbus lædet actionem, nisi priùs facultas, à qua prouedit, lædatur?

Ad pleniorē huius rei intelligentiam, obseruanda est Galeni doctrina lib. 1. de facult. natural. cap. 3. vbi hæc habet: Ac mihi quidem tam vena, quàm reliquarum partium singulæ, ob certam quandam temperiem, quam ex quatuor qualitatibus sunt nactæ, hoc vel illo modo agere videntur. Sunt tamen non pauci, non incelebres, nec Philosophi modò, sed etiam Medici, qui calido, & frigido actionem tribuunt: siccum, & humidum pro patientibus ijs subiiciunt. Ac primus quidem Aristot. particulare omnium causas referre ad hæc principia est aggressus: sequuta cum postmodum Schola Stoicorum est, &c. His verbis Galenus ostendit, facultatem ampliùs fusiùsque accipi in re Medica, quàm ab ijs, qui facultatis nomine animæ tantum facultatem intelligunt. Facultatem ergo Galenus, vt in Physiologia

*Facultas
latè sumi-
tur a Gal.*

diximus, temperamenti proprietatem appellauit: ideoque certo cuique temperamento vim tribuit agendi distinctam. Vnde cap. 4. lib. 1. de facult. natural. ait; Ac quod agentis causę substantiam ignoramus, facultatem eam, siue potentiam appellamus in venis quidem potentiam quandam sanguinis facturicem dicentes, in ventriculo coctricem, in corde pulsificam: ac in singulis reliquarum particularum propriam quandam eius, quam edunt actionis. Itaque si certa ratione & viâ, quot & quę facultates sint, inuenturi sumus, incipiendum nobis ab ipsis operibus est. Singula namque opera ab aliqua procedunt actione: hanc verò omnino aliqua præcedit causâ. His verbis Galenus ostendit naturalem cuiusvis partis virtutem esse facultatem. Vnde facultas

*Quid facultas
apud Galenum.*

*Vena non
habet vi
conficiendi
sanguinē.*

*Facultatis
laxa
significatio.*

*Ob certā
temperiem
partes
agunt.*

*Facultas
à morbo
læditur.*

ab illo laxè sumpta, est quęvis potentia, & virtus, qua pars vnaquęque pollet. Propterea ait Galenus facultatem quamuis respectum includere, dum in principio eiusdem cap. inquit: Ceterum potentia ea facultas in venis, quam sanguificam appellant, atque etiam alia quęvis facultas, in relatione ad aliquid intelligitur. Venę quidem insitam habent facultatem conseruandi sanguinem, non verò efficiendi, vt in Physiologia diximus. Nam virtute hepatis, non venarum sanguis fit: à venis tamen tanquam idoneis instrumentis, conseruatur. Propterea debita venę dispositio facultas quędam est: cuius defectu sanguis in venis putrescit; vt videre est, quoties venę obstruuntur, & debitâ cauitate frustrantur. Pro solâ ergo animę facultate, in Medicinâ, facultas non accipitur; sed pro instrumenti naturali dispositione, simul & facultate. Proinde cap. 3. lib. 1. de facult. nat. inquit Galenus, venas, reliquasque corporis partes, ob certam quandam temperiem agere. Concludendum ergo, vi morbi facultates, aut naturales dispositiones prius lædi, quàm actiones: vt adhuc testatur Gal. lib. 3. de sympt. causis c. 1. vbi ait: Ergo omnium quę virtutibus nocent, inueniendarum causarum caput est, modi quo per sanitatem operabantur, cognitio. Voce autem (virtutibus) intelligit Galenus facultates: nam facultas, & virtus, vt in nostra exposuimus Physiologia, synonyma sunt. Clarè ergo docet Galenus, nos debere attendere ad ea, quę facultates lædunt. Citato iam cap. facultatem (quidquid illa sit) lædi clarè pronunciat, aicens: Ac prima quidem duo genera frustrationis sunt: alterum

ex facultate ipsa læsa, alterum ab externo quodam errore pro-
ueniens. Et paulò post: Verū quæ in facultatis substantia noxæ inci-
dunt, intemperies quædam sunt actiuarum qualitatum &c. Quid
clarius à Galeno dici posset in nostri fauorem? Et paulò post hæc
habet: Ac horum quidem omnium occasione venter malè con-
coquit: ipsa scilicet facultate eius concoctrice læsa, in tempera-
menti quidem vitij propria eius substantia labefactata. Gale-
nus etiam lib. 1. de locis aff. c. 3. dum de ventriculi affectu ver-
ba facit, dubium proponit, vtrum causæ, alimenta verbi gratia, læ-
dant facultatem coctricem. Ergo Galeni mens est, facultatem,
aut partium naturalem dispositionem vnà cum actione à morbo
lædi. Libro 3. de sympt. causis cap. 1. ait. Ceterum omnes
intemperies si magnæ fuerint, facultatem deiiciunt. His n. mani-
festè docet facultatem primariò à morbo lædi. Lib. 1. de locis
affec. c. 2. eandem doctrinam roborare videtur, inquiens: Sitq;
hoc initium methodi qua inueniri debent sedes affectæ, nullam
actionem vnquam lædi, nisi pars, quæ ipsam facit, affecta sit. Vult
n. Galenus actiones non lædi nisi læsa prius dispositione partis,
quæ est naturalis causa actionis. In principio eiusdè capituli idem
docet. Imò inflata intestini substantia, etiamsi tota eius cauitas
nō sit obstructa, eius facultas expultrix læditur: Quare fæces dei-
cere nequit quoties tumore afficitur; nam tunc transuersæ fibræ
contrahi nequeunt.

Sextò Argenterius Galenum ignorantia taxat, quòd definitio *Sextum*
morbi ab ipso allata alijs à definito conueniat. Quod probat *argument.*
Argenterius: quia causa aliqua, citra vllum morbum, primò ac-
tionem lædit: v.g. nimius cibus assumptus ventriculi actionem
præcipuam, coctionem, primò, & per se, nullo intercedente mor-
bo, lædit: quod testatur ipse Galen. lib. 3. de sympt. caus. c. 1.
vbi concoctionem in ventriculo labefactari asserit, non ob mor-
bos tantum quibus afficitur, sed etiam ob alias causas; vt hæc
eius verba testantur: Rursus ventre ipso (ventriculum intelligit)
minimè affecto, non concoquit animal, vel propter cibi, ac po-
tionis immodicam copiam, vel propter qualitatem alienam,
vel propter intempestiuitatem, vel incongruum ordinem, vel vi-
tiosum excrementum, vel somnum exiguum. Verum quæ à vi-
tiosis ciborum qualitibus, & excrementis, quæ in ventre haben-

tur, consistunt, cum corruptione sunt inconcocta: Sicut interim quæ parum conuenienti ordine, & intempestiuè sunt sumpta. Dico autem parum conuenientem ordinem, si mala, v.g. cotonea, & punica, primo loco sumantur, olera ex oleo, & garo, vltimo loco: Intempestiuitatem verò, si manè, antequam prior cibus descenderit, vel paulò ante exercitationem prandeatur. Porro corruptelæ, quæ quidem nidorose sunt (tunc enim ructibus emittitur fumidum quid, sicuti fit post comesta oua frixa in sartagine) ex calidioribus, magisq; biliosis veniunt cibus: acidæ verò (id est acidi fumi ructibus sentiuntur) ex ijs cibus, qui frigidiores sunt natura, magisq; pituitosi. Similiter a. & in excrementis, fit: acidas quidem creant, quæ pituitosa sunt, & frigida, nidorosas, quæ calida, & biliosa.

*Duplex
causa læ-
sæ coctio-
nis.*

His demonstrat Galenus facultatē coctricem ventriculi à scopo aberrare, eiusq; actionem à duplici causa lædi: vel à morbo, vel ab errore externo. Frustratio facultatis alteratricis, siue concoctricis causatur à morbo partis similis, intēperie nimiiū simplicis, vel cōpositæ, vel à morbo instrumentali, de quibus ambobus deinceps. Dum natium vētriculi tēperamētum vitio laborat, concoctrix facultas læditur; quia propria facultatis substantia, tunc labefactari dicitur, vt loquitur Galenus. In cæteris morbis, qui tantū sunt instrumentales, vt morbus in figura, in quantitate; numero, situ, ac connexu, facultas duntaxat impedita est, non verò in se læsa. Verūm his binis modis actio lædi aut impediri dicitur. Secunda causa læsionis actionum, aut frustrationis facultatis concoctricis, siue alteratricis ventriculi, de quo

*Triplex
est error
externus
coctionem
lædens.*

*A cibo, &
potu qua-
druplici-
ter error
contingit.
Intempe-
stius ali-
mentorū
usus du-
plex est.*

exempli gratia loquimur, est error externus: qui triplex est, cibus, excrementum, & somnus, ex Galeni doctrina loco citato de symptom. causis. A cibo, & potu error quadrupliciter prouenit. Primò, quoties cibi, & potus in magna quantitate assumuntur, coctio vitatur. Secundò, quoties alimenta assumpta praua qualitate disposita sunt, ventriculi coctio etiam vitatur. Ex hoc censu sunt raphanus, blitum, beta, allium, capra, rapa, faba, lens, & similia. Tertiò ventriculi coctio vitatur culpa intēpestiui vsus cibariorum: Intempestiuus hic vsus dupliciter accidit. Primò, quoties paulò ante exercitationem cibus assumitur, seu, quod eodem recidit, quando statim à cibo corpus exercitio aut labore

agitatur. Exercitatione siue motu huiusmodi corpus inuer-
sum agitur, unde partes eius vi motus calidiores factæ, ante
debitum tempus crudum alimentum ad se ex ventriculo, & venis
prolestant, rapiuntq; iuxta illud vulgare axioma Medicum, calor
& dolor attrahunt. Inde obstructions, & putredines nascuntur
in vasis. Cibi ergo assumptio exercitium præcedere non debet,
sed viceversa, exercitium cibum, iuxta illud Hippocratis lib. 6.
Epidem. parte 4. sententia vltima: Labor cibum præcedat oportet.
Quies ergo post cibum imperanda: nam coctionem quies
iuuat, teste Galeno. Secundò, alimentorum vsus intempestiuus
est, quando prioris cibi ingesti coctio non expectatur ante assump-
tionem noui cibi: Nam infecto priore cibo, & nondum in al-
uum, id est, intestina, descenso, nouus cibus necessariò crudita-
tem pariet; adeoque ventriculi coctio vitabitur. Inde tot mor-
borum monstra, & agmina exurgunt.

*Exerci-
tium non
post, sed
ante cibum
fiat.*

Quartò demum ventriculi actio vitatur, propter inuersum,
siue præposterum ordinem, quo alimenta assumentur: v.g. præ-
posterum ordinem obseruat ille, qui mala cotonea, aut punica,
aut hæc ambo, aliaq; astringentia, vt sorba, & mespilos, & glân-
des statim in principio pastus assumeret, in fine v. olera garo, &
oleo præparata, aut iusculum, aliudue humidum fluidumq; ali-
mentum, quod ventrem lubricum efficeret. Præposterus hic ordo
dicitur, quoniam humidiora alimenta, quæ aliuum lubricare
valent, in secunda mensa post astringentia assumpta, diutius
quàm par est, in corpore detenta, corrumpuntur. Facile quidem
concoquuntur; quare dum per pylorum, siue ianitorem, siue in-
fernum ventriculi os exire nequeunt, propter astringentia præ-
assumpta, & difficilis ex se coctionis, idemq; orificium sua stiptici-
tate constringentia & occludentia, necessariò in alienam natu-
ram à natura chyli transmutantur. Vnde Gal. lib. 2. de alimē-
torum facult. cap. de fycaminis, & capite de perficis, in ciborum
assumptione hunc ordinem præcipit obseruandum, vt primùm
alimenta humidiora præcedant, deinde alimenta solidiora sequā-
tur. Nec valet quod dicit aliquis aduersus hanc doctrinam, ci-
bos quosuis deglutitos vi caloris ventriculi cōmisceri: perindeq;
idè esse, siue liquidum, siue astringens in principio ingeratur.

*Præposte-
rus ordo.*

*Ordo as-
sumendi
alimenta.*

*Dubio oc-
curritur.*

Hoc, inquam, rationi reluctatur; quia calor noster non est adeò

vehemens, vt inftar caloris ignis carnem in ollâ coquentis, cibos assumptos concoquat.

Secundus error aliunde ventriculo accedens, e' usq; coctionem impediens, ab excrementis in eo contentis prouenit. Quæ excrementa vel generantur in ipso ventriculo, vt sunt pituita, præsertim mucosa, bilis porracea, & æruginosa: vel excrementa aliunde ad eundem ventriculum confluunt: vt docet Gal. lib. 7. meth. med. c. 11. Perspicuè in multis ventriculi coctio læditur à bile in ipsum ex hepate effusa, aut à pituita è cerebro in eum delabente.

Excremēta in ventriculo generantur, aut ad vētriculum fluunt.

Tertius error extrinsecus vētriculo accedens, ex defectu somni contingit. Vigilia a. immodica cruditatem parit, omnium Medicorum consensu: Somnus ex aduerso coctionem summoperè iuuat. Vnde Hippocr. lib. 1. Aphor. aphor. 15. ait: Ventres hyeme ac vere naturâ calidissimi, & somni longissimi. Per ea igitur tempora plus cibi dare oportet: Siquidem plus natiui caloris habent. Quò fit, vt copiosiore alimento egeant. Argumento sunt ætates & Athletæ. Placuit hæc in longum deducere maioris claritatis ergo, tametsi ab Argenterio non ita accuratè proposita fuere.

Vigilia cruditatem parit: somnus coctionem iuuat.

Antequam ad singula capita respondeam: Dico falsum esse causam vllam morbi posse immediatè lædere actiones. Est doctrina Galeni lib. de sympt. different. c. 1. Ad id quod obijcitur, cibi quantitatem lædere immediatè ventriculi actiones, nullo interueniente morbo, Respondeo id etiam negando; Nam supposito, quòd tunc læsa sit actio, à morbo immediatè, non à causa damnum accipit. Nam ex nimia ciborum ingestorum copia morbus in superficie, simul & in cavitare procreatur. In superficie; quia ventriculus immodicè distenditur, atque dilatur: vnde plicæ, & rugæ internæ eius superficie, quæ ad arctè complectendum & continendum cibum à natura statutæ sunt, quasi deperduntur; & sic quod corrugatum naturaliter erat, immodica extensione læuigatur, planumq; euadit; indeq; morbus in mala conformatione emergit: læuigatio scilicet, quæ naturali corrugationi interioris superficie, tanquã dispositio præter naturâ, dispositioni naturali cōtrariatur Nequit n. tunc ventriculus, veluti rugis plicisq; internis priuatus, cibum amicè complecti. Præter illum

Causa nō lædit immediate actiones. Prima solutio.

lum morbum in superficie (de quo, & reliquis morbi differentijs in sequentibus) adest & alter in mala conformatione morbus, qui morbus in cauitate dicitur. Cauitas etenim ventriculi immodicè, & præter naturam amplificata est; proindeq; cibum amicè amplecti nequit, vt cum commodè examinet, concoquatque. Si ergo coctio læsa est post ingesta copiosa alimenta, à morbis iam relatis, & non alimentorum immodica mole, læsio prouenit.

Secundò respondere possumus, actionem ventriculi alimento referti nondum esse læsam; quia inter ventriculi actionem, & immodicam alimenti copiam, iam ingestam, non est proportio. Quare ventriculus dicitur potius impotens ad tantam cibi copiã domandam coquẽdamq;, quàm verè læsus. Hæc responsio videtur doctrinẽ Galeni conformis, qui sequentia habet lib. 4. de sanit. tuen. c. 3. Siquidem nec omnis cibus in cuiusvis animantis ventriculo cõcoquitur: sed cognatio quædam ei quod concoquit cum eo quod concoquitur esse debet. Quod igitur omninò alienum est, nulla fieri ratione potest, vt id naturæ suæ gratiam recipiat: sed educere id quamprimum est tentandum, æquè certè vt quę in vtre prorsus corrupta sunt, ea vel vomitione, vel deiectione expelli profectò est optimum. Licet igitur ventriculus noster nec acinos, nec ferrum, nec humores prauos, nec copiosa alimẽta, nec alimenta praua etiam qualitate prædita, nec alia quam plurima in chylum conuertere possit, non proinde dicitur læsus; quia deficit proportio & cognatio, quæ necessariò inter cibum & ventriculum intercedere debent. Rerum enim Conditor, naturæq; creatæ moderator sapientissimus, & nunquam deficiens, cui libet rerum ordini agendi certos limites indidit, quos præterire aut excedere nequit. Ventriculus ergo licet minimè concoquat res fetidas, putridas, ferrũ; & alimenta quãtitate excedentia, non proinde dicitur læsus; sed illa omnia dicuntur incocta, aut non cocta, vt loquitur Galen. lib. 1. de locis affect. c. 3. & 4. vbi plenè dictam controuersiam hac via proponit: Quippe corruptionis ciborum tres primę, ac veluti generalissimæ sunt differentiæ, vna quidem fit per proprios ventriculi morbos, altera à vitiosis humoribus in ipso accumulatis: tertia ab alimentorum qualitate inducitur. Hæc igitur, cum suapte natura, aut nidorosa, aut acida, aut fætori, aut putredini, aut omninò corruptioni fuerint obnoxia,

*Secunda
solutio.*

*Cruda,
æquè ac
corrupta,
statim va-
cuanda.*

*Corruptio
nis ciborũ
tres disse-
rentiæ.*

aut

*Varia
opinionēs
de latione
facultatis
coctricis
ventricu-
li.*

*Itria pa-
rabantur
ex pane
cum oleo,
& melle;
vt hodie
parantur
placenta.
Insperge-
batur illis
semina, vt
sesama, &
papauis
erratici.
Loco (ra-
dículas)
aliqui po-
nunt rap-
hanos; qui
radices. e-
tiam dicū-
tur; quia
est struthi-
um, vulgò
lanaria.*

aut ex præparationis modo ad huiusmodi aliquã dispositionem deducta, certum est ea in ventriculo corrumpi: atq; hoc modo incocta esse fortasse dixeris. Sed oritur protinus discordia, nunquid affecta sit tum ob hæc concoquendi facultas: quippe nonnulli per huiusmodi inconcoctiones eam haudquaquam affici contendunt, alij verò è contrario. Atq; inuenitur tertia quoq; Secta eorum, qui huiusmodi alimenta non dicant inconcocta esse, sed solum non concocta esse: tanquam non sit idem per negationem aliquid enunciare, aut per priuatoriam vocatam à Dialecticis dictionem. Idem intellexisse Erasistratum puto, quum acinos, & sesama, & reliqua omnia, quæ omninò inputria, & immutata deiiciuntur, nullam dixit indicare in animalibus factam esse inconcoctionem, sed hoc ipsum dūtaxat, quod non essent concocta. Postquam tres opinionēs de statu ventriculi, dum inidonea non concoquit, proposuit citato c.3. sequenti c.4. accuratiori scrutinio quæstionem sic enodat: Esto vt quispiam manè exurgens dicat nidorosum se ructum emittere, aut aliquid huiusmodi, vt ab ouis frictis, aut alia quapiam re magis fetente & putri. Ille itaq; quia nidorosum ructum percepit fateatur se à cana placentam nidorosam comedisse, quales sunt, quæ ex oleo, & itrijs, & alijs huiusmodi præparantur: alter verò confiteatur fricta oua ingessisse, atq; nunc illorum nidorem cructare: Deinde alius complures radículas comederit, vt fetens putrisq; ab eo exeat ructus. Igitur cibos in ijs non fuisse benè concoctos nemo negat: quamuis ex hac re ventriculus haudquaquam fuerit affectus: neq; etiam, quod ad ipsius rationem pertinet, circa actionem errauerit, veluti neq; vbi quis integros acinos per aluum deiecerit. Si enim humani ventriculi officium esset acinos transmutare, accusarem ob hoc ventriculi corpus, ipsumq; vitiatum esse putarem: cum verò id sui muneris non sit, sed acinorum essentię accadat, vt concoqui nequeant, haud ab re dicemus, hos quidem non esse concoctos, ventriculi verò corpus naturaliter se habere: Quod sanè, & nosse, & definire ad Medicum haud inutiliter pertinet: Sed quærere, an dicendum sit actionem ipsius, per huiusmodi deiectiones fuisse læsam, an contra, ad Medicę Artis opera, superuacaneum est. Age rursus, vt quispiam nidorosum ructum emittat, nihilq; nidorosum comede-

mederit, nimirum huic igneum quendam calorem in ventriculo esse dicemus. Ac deinde rursus distinguendo inuestigabimus, vtrum ab intemperie corporis ipsius ventriculi hoc eueniat, aut à flaua bile, eaq; vel in ipsius spacio contenta, aut in tunicas, ita, vt vix abstergi possit, demissa. Ac ne hîc quidem consistemus, sed queremus, an iecinore malè suo officio fungente huiusmodi humor accumulatur, an is ex vniuerso defluat corpore, an etiam in ipsomet gignatur ventriculo? Hęc sunt cognitu perquam necessaria, sed quæ Viro indigent spectatæ rationis &c.

Galenus his ostendit coctionem ventriculi impediri ab ipso ventriculi morbo, vel ob humores prauos in ventriculo generatos, vel ad eum aliunde transmissos, vel quia ea, quæ assumuntur, sunt praua qualitate prædita. Humores enim prauis ingestis commixti coctionem impediunt, quia sua commixtione alimenta ipsa deprauant, eaq; ne in nutrimentum conuertantur, reddunt inidonea. Alimenta pariter prauis succi, vt in probum succum conuertantur, inepta sunt. Aliquando tamen prauis humores diutius in ventriculo contenti, eiusdem ventriculi intemperiem generant: Veluti somni defectus: nam vigilia cruditatem parit, quia in ea immodica, calor natiuus ventriculi plurimum labefactatur; nam calor influens, siue spiritus vitalis, dissipatus est, atq; impensè resolutus: Et sic antequam reficiatur, calor insitus vetriculi refici nequit. Ex his manifestum est, causam non lædere immediatè actiones, sed semper morbi interuentur: Et in omni impedimento, à causa proueniente, coctionem non lædi.

*Vetriculū
coctio tri-
pliciter læ-
ditur.*

*Vigilia
immodica
cruditatē
parit.*

*Obiectio
septima.*

Obijcit septimò Argenterius ineptam esse definitionem morbi à Galeno allatam; quia si morbus esset affectus præter naturam actiones primò lædens, inde sequeretur colorem prauum oculi esse morbum, quia est affectus præter naturam primò visionem lædens. Sed color oculi deprauatus, ex Gal. non est morbus, sed symptoma. Vnde sequitur morbi definitionem, etiam secundum Galeni doctrinam esse ineptissimam, quod non solum morbo, sed insuper symptomati conueniat.

Respondeo, dicendo colorem prauum oculi esse symptoma in qualitate mutata, vt lib. de different. sympt. fusius exponeamus, negandoq; eundem colorem lædere oculi actionem, visionem scilicet. Nam id, quod actionem lædit, est morbus in obstru-

Solutio.

ctio-

ctione, & intemperies simul. Oculusenim flauescit propter humorem biliosum, quo eius pori obstruuntur, eiusq; substantia intemperantior redditur; Vnde color ille flauescens non est qui visionē propriè deprauat; sed humor obstruens oculi superficiariā saltem partem, cuius occasione obiecta quęuis flauescencia ab imaginatrice facultate iudicantur. Vel, supposito quòd nulla adesset in profundis meatibus obstructio, dic humorem illum superficiei adiacentem esse morbum in numero addito. Colores denique alieni ab ipsa intemperie procedunt, teste Galeno libro de symptomatum differentijs.

Difficultati occurritur.

Quoniam censuit etiam dolorem, qui symptoma est, utpote actio læsa, ledere primò actiones, Respondeo, negando dolorem ledere actionem vllam, sed intemperiem, aut solutionem continui, quę sunt causę doloris, actiones ledere; lęsionem tamen abusiue dolori tribui.

Sed acriter, & immodestè ab Argenterio sub nomine cuiusdā sui discipuli, Reineri, vel ab hoc eodem contra Iulium Alexandrinum Virum disertū, ac modestum, disputatum est. Argenterium modestis studijs Alexādrinus reprehēdit, quòd dixerat actionem ledere aliam actionem immediatè: Argenterius sub nomine Reineri copiosa conuitia in Alexandrinum summa cum licentia & procacitate expuit; quod illi sanè condonandum esset, si à conuitijs fuisset auspicatus Alexandrinus, aut si ijs, muliebri ritu, potissimū inter disputandum innisus esset. Argenterius itaque in

Actionē ab actione lædī affirmat Argent.

sua persistens opinione, semper ait actionem posse aliam actionem immediatè ledere; adeoq; non soli morbo conuenire primò & immediatè actionem ledere. Comes Montanus mediatorem agens, Argenterium ubiq; carpit, quòd Galeno reluctetur, nec minùs acriter in Galenistas, & præcipuè in Alexandrinum irruit. Et ne Medicis extra Italiam fauere videatur, Argenterio in hoc, quàm Alexandrino, herere mauult. Et ne ipsi Galeno vllatenus faueat, ait perperam ab eo positam fuisse particulam (primò) in morbi definitione; quia, inquit, actio vna aliam actionem primò, seu immediatè, & nullo intercedente morbo, ledit. Suam hanc simul & Argenterij sententiam autoritate Galeni probare nititur, qui lib. de different. sympt. c.4. sequentia habet. Diligenter animaduertas velim, quòd sepe numero symptomatum al-

Argent. contra Alexandrinum haret Moranus.

terum

terum sequitur ad alterum : nam ad imbecillum complexum interim fluctuationes, interim inflationes sequuntur. Et paulò post in eodẽ capite: Ac fortasse non ab re fuerit, omnia, quæ ad nutritionis functionẽ pertinent symptomata prosequi: nempe ea quæ vètri, ac reliquis partibus omnibus sunt cõmunia: ita enim facilius erit lectori sermo, & clarius explicabitur id quod nuper dicebamus, symptoma symptomatis esse causam: nam atrophiam, siue vniuerso animantis corpori acciderit, siue vnam aliquam partem occupet, licet vnicum sit symptoma, complura præcedunt symptomata. Hoc est vnicum Montani fundamentum, quo singulariter vtitur, vt omnibus persuadeat, vnũ symptoma, actionem nimirum læsam, primò lædere aliam actionem, nullo penitus interueniente morbo: conaturque Galeni adhuc exemplo totam rem confirmare. Quis enim neget, inquit, ex mala concoctione celebrata in ventriculo oriri improbam sanguinis generationem in hepate, etiamsi hepar nullo afficiatur morbo, & postremò malam membrorum nutritionem, etiamsi membra nullo sint morbo correpta? Ac quod diximus in superiori obiectione, hoc potest demonstrare; nam si in ventriculo cibi ob nimiam copiam, obq; malam qualitatem malè concoquuntur, aut non concoquuntur, etiamsi ventriculus sit sanissimus, quid prohibet, quin & in hepate ex improbo chylo improbus gignatur sanguis, licet hepar sit sanum, & membris etiam sanis, licet, malum apponatur ex malo sanguine nutrimentum? Parum certè considerauit hanc difficultatem, quæ tot celebres viros ad hanc vsq; ætatem torsit, & torquet, cum tam facilem inuenit solutionem. His Comes Montanus credit se omnem nodum dissoluere, addens tamen postea cum Galeno, licet vnum symptoma ab alio oriatur, omnia tamen à morbo per se dependere, nequaquam verò per accidens.

Meo tamen iudicio Montanus à veritate in hoc discessit: Nam primò, nimis licenter à morbi definitione, tot millibus Medicorum hætenus probata, particulam (primò) excludit; cum hac voce idoneè à causa morbus distinguatur. Secundò Galeni mentem non nisi superficie tenus assequutus est. Concedimus quidem Galenum dixisse, symptoma symptomatis causam esse: sed nomine causæ inibi, non efficientem, sed occasionale intellexit Gale-

*Comes
Montanus
conuellitur.*

*Causa la-
tè sumpta.*

nus: Quasi diceret prauā coctionem in ventriculo factam ab eiuſdem ventriculi intemperie, eſſe occaſionem cur in hepate ex chylō illo iam corrupto, aut incoſecto, proba ſanguificatio fieri nequeat, nec in partibus corporis poſtea ex ſanguine illo prauo, aut incoſecto, proſpera nutritio. Ridiculum n. eſt velle actionem læſam, ventriculi; malam coctionem dictam, habere poteſtatem lædendī ſanguificationem, quæ eſt actio hepatis, & ſanguificationem malè factam eſſe ruruſ ſeſe nutritionis cauſam: cū nulla tunc in hepate ſit leſio. Hepar enim probum ſanguinem non efficit, non quia eius actio leſa ſit; ſed quia chylus malè coſectus, non eſt materia idonea, quæ in ſanguinem tranſmutari poſſit: pariter ſanguis malè coſectus, non eſt materia capax nutritioni celebrandæ. Ipſe Montanus poſt varios diſcurſus, tandem viſus eſt in hanc ſententiam inclinare. Donec ergo aliquis affectus in ipſo hepate productus fuerit, qui eius præcipuam actionem, ſanguificationem dictam, lædat, ab actione ventriculi malā nullum patietur per ſe damnum. Dico, per ſe; quia per accidens, & mediatè, poteſt eſſe occaſio leſionis ſanguificationis: Nam cruditas ventriculi, aut actio eius concoquendi leſa, ab intemperie v.g. frigida, & humida, eſt id, mediante quo fit chylus crudus; qui chylus eſt nature, ſed iam leſæ, opus. Ad venas itaq; meſentericas tranans, ab hepate allicitur, in quo obſtructionem morbum parit: imò non rarò intemperiem frigidam in hepatis corpore, intemperiemque calidam in venis, dum eius aliqua portio putreſcit. Inde aliquando cachexia vniuerſalis, & hydrops naſcitur.

Quid cauſa.

Ne videar gratis Galeni mentem Montano obijcere, videatur caput primum lib. de ſymptom. different. vbi inter cætera hæc habentur: Ita ſanè & morbus cōſtitutio corporis eſt extra naturam, vitiatæ actionis cauſa: vel breuiùs ad hunc modum: Morbus eſt affectus præter naturam, qui actionem impedit; paſſio, motus in materia, qui ſit ab agente: ipſe v. agentis motus, actio. Quod autem ex ſua natura ei, quod ſit, partem aliquam ſuę generationis conſert, cauſa ipſius dicitur. Porro huius multa ſunt genera: nam & materia, & vtilitas, & ſcopus, & inſtrumentum, & vnde motus initium: ſingula n. horum, ei quod ſit, perfectionis aliquid conferunt, quæ v. nihil conferunt, ſed tamen ab ijs, quæ conferunt, ſeiungi

feiungi non possunt, hæc eius, quod sine quo non, rationem obtinent. Ex his conspicuum est causam latissimè à Galeno accipi, dum ait, symptoma esse symptomatis causam. Apud omnes n. in confesso est, si facultas retentrix ventriculi non bene & debito tēpore cibos ingestos retinet, facultatem concoctricem eiusdem ventriculi non benè concoquere. Ergo retentio alimenti est cōditio sine qua cibus deglutitus non concoquitur: (pōsito quòd ventriculi concoctrix facultas non fuerit lēsa): Nam vt cibus concoquatur à corpore ventriculi, ab eo attingi debet, diuturnoque ac conuenienti tempore moram in eo contrahere; sicuti quotidie in igne instruendo accendendoq; fieri videmus. Si n. ligna igni non approximentur, conuenientiq; tempore prope eum detineantur, nunquā ex lignis ille accendetur: nullus tamen bonus Philosophus inde inferet ligni approximationē, aut morā prope ignē, esse ignis accensi causā, sed conditiones sine quibus ignis nō fieret; qui semper suam habet efficientem causam ab istis conditionibus distinctam. Simile dicendum de concoctione ventriculi, quæ quidem non fit, quando alimenta deglutita in ventriculo non continentur debito tempore; nec idcirco retentio lēsa dicenda est vera causa coctionis lēse, sed veluti aliquid ad lēSIONEM conferens, aut occasio quēdam: quemadmodum cap. illo 4. lib. de differ. sympt. à Montano citato, post citata etiam verba, his verbis ostendit Galenus: Atrophiam enim, cū vnum symptoma fit, siue ea in toto fiat animali, siue in vna eius particulā, multa præcedunt symptomata. Cū enim quod probè nutriendum est, & trahere ad se conueniens nutrimentum debeat, & id, quoad tum alterauerit, tum assimilauerit, retinere: praterea, quod superuacuum est, pellere: est autem id duplex genere: aut enim quantitate superuacaneum est, aut qualitate; necesse omninò est particulam, quæ atrophiam laborat, vel vnius prædictorum alicuius occasione id pati, vel plurium. Ecce Galenus clarè proferens præcedentē actionem lēsam esse occasionē, cur non fiat, aut malè fiat sequens actio sequentis facultatis: v.g. atrophiam, siue defectus alimenti, aut nutritionis in parte aliqua, aut toto corpore fit (vnde sequitur manifesta partis, aut totius corporis consumptio & diminutio) quando facultas attractrix partis, aut totius, non attrahit, aut si attrahit, facultas excretrix siue expul-

*Vnde fit
atrophia.*

trix partis, aut totius plus alimenti euacuat, quàm deceret: aliquando verò atrophìa contingit ex defectu facultatis retentricis, quæ alimentum non retinet. Galenus dicit istas actiones læsas, aut illarum aliquam debere antecedere nutritionem defectuosam, non verò propterea esse causas læsæ nutritionis, sed veluti occasionē læsionis, aut defectus nutritionis; quod c.vlt. eiusdem lib. iam cit. dicere his verbis voluit: Constat igitur nos haud obscure demonstrasse id, quod propositum erat; quippe omnium symptomatum naturam, vt morbi præcedant necesse est: vtq; sepe numerò symptomata inter sese deinceps in ordinem quēdam redigantur, vt primū symptomata morbum sequatur; deinde à primo dependeat secundum, rursus ab hoc tertium, mox ab hoc quartū. Vult a. Gal. omnia symptomata cuiusvis generis à morbo dependere; vt dicti lib. de diff. sympt. vlt. capitibus in omni symptomatum genere probat, prout nos tertio etiā huius operis libro dicemus.

Actio læsa actionē non lædit.

Quod vna actio læsa aliam primò & per se non lædat, colligitur adhuc ex Gal. cit. lib. de different. sympt. c. 1. vbi ait, causam morbi sua propria ratione non lædere actionem, sed morbi interuentu: adeoq; per accidens tantum & secundariò; eo modo quo digitus mouet secundum lapidem primo lapidi adnexum. Positis n. duobus lapidibus, alijsue corporibus iuxta sese, digitus per se lapidem quem attingit, mouet; sed alter lapillus, lapidi, quem digitus per se mouet, contiguus, secundariò & per accidens à digito moueri dicitur. Morbus a. per se, & ratione suæ essentiæ actionem lædit. Ergo hæc proprietas lædendi actiones per se, & ex sua essentia nequit cōuenire symptomati: ni placeat symptoma sumi pro omni affectu præter naturā: in quo quidem sensu accipi potest iuxta Galeni doctrinam c. 1. cit. lib. de diff. sympt. in eodemq; sensu verum est, vnum symptoma esse propriè alterius symptomatis causam. Causa v. g. morbifica est morbi causa, & morbus est causa symptomatis: & symptoma vnum ordine sequitur alterum; licet omne à morbo producat.

Difficultati occurritur.

Concludendum ergo nullam actionem læsam per se lædere actionem: nam quemadmodum non datur actio actionis, pariter nec læsio læsionis. Læsio a. non est, quæ lædit; sed morbus. Nec dolor ipse in pleuritide lædit actionem, respirationem scilicet, sed ipsa potiùs pleuræ inflammatio est quæ lædit. Nec color simili-

ter

ter actionem lædit, quod symptoma sit ab aliqua intemperie pro-
natum; vt ait Gal. vel ab humore aliquo corpus inficiente; vt su-
pra de oculo flauesciente diximus.

Octauo obiicit, morbum per actionem læsam malè definiri;
quia multarum partium actio non rarò læditur partibus ipsis ille-
fis persistentibus; ita vt actio illa læsa, non à mala partis disposi-
tione, sed ab actione læsa alterius partis primariò laborantis læ-
datur: v. g. obstructis neruis opticis, visio quæ est oculi actio lædi-
tur, illæso ipso oculo: nerui n. optici, & non oculus, morbo labo-
rant in obstructione. Pariter illæso vocis instrumento, larynge
videlicet (larynx n. & præcipuè ligula, est præcipuum vocis in-
strumentum teste Gal. lib. 1. de loc. aff. c. 6.) vox ipsa læditur.
Similiter læsus est sensus trium digitorum manus, illæsis tamen
ipsis digitis, teste Gal. cit. iam capite. Ex aduerso oculi aliquem
affectum suffusioni similem aliquando patiuntur, ipsis oculis il-
læsis, affecto tamen ventriculo, aut aliqua alia inferiori parte
corporis. Similiter propter affectum ventriculi, aut partium in-
fernarum, capitis dolor suscitatur, capite tamen nulla egritudine
affecto.

*Obiectio.
octaua.*

Respondeo actionem nullam lædi, quin pars quæ talem actio-
nem lædit, aliquo modo affecta fuerit. Est sententia Gal. lib. 1.
de loc. aff. c. 2. vbi ait: Quælibet in animantis corpore actio pe-
culiarem habet particulam, per quam perficitur; ideòque actio-
nem lædi necesse est, instrumento ipsam efficiente quomodolibet
affecto.

Solutio.

Vt hæc doctrina clarior euadat, prænotandum est ex Gal. lib.
1. de loc. aff. c. 3. & 6. & lib. 3. c. 1. dupliciter partem morbo la-
borare: per se & propriè nimirum, vel per consensum. Per se, &
propriè aliqua pars morbo laborare dicitur, quando morbus in
ea permanens est: v. g. quando visionis defectus, siue læsio, ab ip-
sius oculi intemperie aliqua, aut tumore, aut vlcere, aut vera
suffusione prouenit, tunc oculus per se, & propriè morbo labora-
re dicitur. Similiter si ob intemperiem calidam cerebri, & mem-
brarum eius, caput doleat, aut phrenitide eger laboret, tunc
primariò, vel potiùs proprio affectu, caput laborare dicitur.
Morbus per cõsensum dicitur ille, quo pars aliqua laborat pro-
pter alterius partis verum affectum: v. g. oculus visione priuatus
propter

*Morbus
per se, &
per con-
sensum.*

propter neruorum opticorum obstructionem, per consensum morbo laborare dicitur; quia nimirum eius actio, visio, læditur consecutiue ad proprium morbum neruorum opticorum.

*Morbus
per consen-
sum dupli-
citer ori-
tur.*

Prenotandum iterum, morbum per consensum dupliciter ori-
ri: vel propter defectum, vel propter superfluitatem. Propter
defectum rei aut materiæ, quæ alicui parti suppeditari debet, pars
aliqua per consensum affici dicitur; v.g. obstructis neruis opticis
spiritus animalis, & facultas simul, oculis denegantur; quia à
cerebro ad oculos permeare amplius propter obstructionem ne-
queunt. Larynx similiter, & reliquæ partes ad vocis prolationem
concurrentes, etiam si sanæ in se videantur, per consensum tamen
morbo laborare dicuntur, quando vocem edere nequeunt, pro-
pter defectum materiæ vocis, quæ est exsufflatio spiritus, siue

*Materia
vocis.*

materiæ aeris impetu quodam sursum ad laryngem impulsæ, me-
diante musculorum intercostalium motu: Vehemens illa spiritus
ad laryngem efflatio, expirationis interuentu, fit à musculis inter-
costalibus thoracem comprimantibus, atq; constringentibus.
Vox enim inspirando non fit, sed expirando. Si igitur musculi
intercostales aliquo morbo ita laborent, vt thoracem comprime-
re nequeant ad aeris antea inspirati exsufflationem, vox fieri ne-
quit. Si etiam thoracis musculus aliquis ita perforatus fuerit, vt
totus aer per tale vulnus, aut vlcus exeat, tunc etiam materia
laryngi ad vocis prolationem denegatur. Dum verò crura re-
solvuntur, seu motu priuantur, & musculi similiter thoracis com-
pressioni inferuiētes moueri non possunt, ob spinalis medullæ in-
flammationem, tunc crura, & thorax per consensum laborant;
crura non mouentur, nec musculi thoracis hunc mouent, quia
per neruos à spinali medulla ad has partes expāfos facultas ani-
malis non solito more percurrit, propter originis, spinalis me-
dullæ scilicet, inflammationem. Affectis autem sic thoracis mu-
sculis vox per consensum læditur: quia licet guttur, cum vox ab-
lata est, non omnino spiritu priuetur, cum respirare animal vi-
deamus (vt loquitur Gal. lib. 1. de loc. aff. c. 6.) exsufflationem
tamen amittit, quæ sanè est multi spiritus extra animal per guttur
affatim facta emissio: vt ibidem loquitur Galenus. Similiter vox
aliquando læditur, quando nerui vocales, aut recurrentes, in gut-
ture scissi sunt, aut laqueo, aut frigore compressi: facultas enim

*Quid ex-
sufflatio.*

motrix amplius ad musculos gutturales, qui ipsum guttur mouet, non defertur. Idem dicendum de tribus manus digitis, qui sensu priuati sunt; quia facultas sensitiva per neruum à prima dorsi vertebra descendente, propter tumorem scirrhosum phlegmonæ succedentem, descendere nequibat. Homo enim quidam qui vehiculo Romam contendit, ex vehiculo cecidit, & dolorem postea in principio dorsi percipiens trium digitorum manus sensum paulatim amisit: Galen. accitus, post exactum examen, causam lésionis sensationis nactus est scirrhum succedentem phlegmonæ: & sic obstructo neruo nequibat descendere facultas sensitiva, quæ sensationem in digitis edere posset.

E contra aliquoties pars per consensum lædi dicitur, quando ad eam aliqua res aliena transmittitur. Sic oculi suffusione laborare videtur, quoties superflui fumosiq; vapores è ventriculo ad cerebrum sublatis, ad oculos secundum aliquam partem transmittuntur, qui sic per oculum vagantes vnà cum spiritu animali, ne obiecti visibilis species debito more in pupilla recipiantur, impediunt: & sic erroneam siue deprauatam quandam visionem pariunt; redundant n. & tanquam aliquid supra numerum ab Authore naturæ in oculo constitutum censendi sunt. Vapores similiter fumosi caput replentes, & membranas distendentes, aut pungentes, aut inflammanes, aliquando fugacem pariunt dolorem, & nō raro paraphrenitidē, siue nō veram phrenitidem: quæ, sicuti dolor ille fugax, & suffusio illa pariter fugax, affectus per consensum, & non per se propriè dicitur. Quando ita aliquæ partes per consensum afficiuntur, quia materiam aliquam aliunde suscipiunt, magis affici dicuntur à Gal. quàm illæ partes, quæ per consensum laborant, quia aut facultatem, aut materiam solito more non recipiunt. Verùm illæ eadem partes quæ per consensum laborant, quia aliquid superfluum acceperunt, melius affici, quàm affectæ dicuntur, teste Gal. cit. in locis. Constat ergo ex Galeni doctrina per sympathiam (sympaschein idem est ac per consensum affici, inquit Gal. c. cit. 6. lib. 1. de locis affect.) tripliciter partem aliquam affici. Primò quando aliquid transmittitur à parte per se, & propriè ægra ad aliquam aliā partem, quæ per consensum partis illius per se lésæ, affici dicitur. Secūdo, quando facultas solita partibus communicari, non amplius eas-

Sympathicè tripliciter pars afficitur.

dem partes suo splendore irradiat; sicuti contigit illis, qui ob inflammationem spinę dorsi in eiusdem dorsi principio ortam, vocem edere nequibant, nec crura mouere. Vocem proferre non potuere, quia muscoli intercostales thoracem comprimentes suo non fungebantur officio; nam, propter illam inflammationem spinalis medullę, nerui dictis musculis inserti à facultate animali non fuere irradiati: Crura eandem ob causam non mouebantur. nerui n. crurum musculis (à quibus crura mouentur) inserti, eadem facultatis animalis radiatione priuati sunt: sicuti etiã nerui sensitiuã potentiã tribus digitis manus deferentes, in illo qui ex vehiculo aut curru cecidit, dñ Romam cõtenderet. Tertiò, quando partes aliquę facultate simul, & spiritu priuantur, vt oculi, quoties nerui optici obstructione laborant.

Solutio.

His sic præpositis, dicimus nunquam lædi actionem alicuius partis, quin pars ipsa quę actionem edere solebat, afficiatur aliquo morbo. Hęc doctrina ab ipso Argenterio vix abnegatur in parte proprio morbo affecta: nam partis sic affectę actio læsa à morbo quo afficitur manifestè læditur. Dum etiam actio alicuius partis per cõsensum læditur, læsio ab affectu eiusdem partis prouenit. Hęc doctrina ab ipso Gal. admittitur in ijs partibus, quę alienũ quid recipiũt: ait n. has affici magis quã partes, quę ob defectũ rei debite laborant. Si n. morbo in factũ esse non laborat, saltẽ morbo in fieri: imò morbo in numero addito. Patet etiam partes re aliqua destitutas, morbo in numero deficiẽte laborare. Oculi v.g. facultatem visuam, & spiritus à cerebro, propter obstructionem neruorum opticorum, non accipientes, verè destituuntur re aliqua ipsis debita ad suas obeundas functiones. Naturalia siquidem instrumenta cõnatam virtutem edendi suas actiones habent: animalium v. actionũ instrumenta talem virtutem sibi insitã non habent, sed aliunde, à cerebro videlicet (instar Solis splendore suppeditantis) mouẽdi sentiendiq; vim accipiunt: vt n. lapidi magneti vis inest ferrum attrahendi, ita partibus naturalibus vis inest naturalis attrahendi alimentum: secũs fit in instrumentalibus; vt habet Gal. lib. 2. de loc. aff. c. vlt. qui ideo, tum ibi, tum lib. 1. de loc. aff. cap. 6. dicit actionem partis organicę lædi illęsa eius essentia; contra quam fit in partibus similaribus. Sed eodẽ cap. 6. affirmat Galen. alteram opinionem, quam

pro-

proposuimus, sicuti hanc, esse probabilem. Quanquam verò dixerat Galen. actionem partis instrumentariæ lædi, illæsa eiusdem partis essentia, nomine essentiæ instrumenti requisitam organizationem cum forma partium similarium, intellexit: non verò totale complementum organi: Nam vt brachium verè organum censeatur, debet posse moueri, atq; adeò vim mouendi possidere, quam non ex se habet, sed aliunde recipit: & hæc virtus perpetuò in statu naturali è cerebro, & spinali medulla ad musculorum nervos fluens, vltimò instrumentum perficit. Læ-

Quomodo læsio per se à læsione partis per se læse, quòd statim emendetur, & cesset, cessante læsione, quæ per se fit à morbo proprio, & per se. Affectus ergò per consensum curatur ad curationem affectus per se. Et concludendum contra Argenterium, nullam actionem lædi, quin pars, quæ actionem edit, morbo afficiatur per se, vel per consensum.

Obijcit nonò, Galenum malè per læsionem actionis, tantum definiuisse morbum; quia non solum actiones, verum etiam excrementa, & affectus corporis lædit: Quod patet: quia morbus non solum actiones lædit, sed naturalia excrementa, imò & ipsa alimenta, in aliena, & præter naturam mutat, generatque: & sic excrementa æquè ac actiones lædit. Similiter alienas qualitates à naturali statu recedentes corpori conciliat morbus. Vnde tria symptomatum genera, vt lib. 3. demonstrabimus, communiter statuuntur: Actio læsa: Excreta: & qualitas mutata.

Respondeo, concedendo morbum non solum actiones lædere, sed etiam excrementa, & affectus corporis, qualitates mutatas dictas, insuper ab eo produci: optinè nihilominus Galenum definiuisse morbum per actionem læsam, tanquam per symptoma præcipuum, & magis ordinarium, nobisq; magis conspicuū. Adde quòd actio læsa videatur semper præcedere reliqua duo relata symptomatum genera, teste Galeno, libro de oculis, Galeno digno. Insuper qualitas mutata aliquando mutatur ab alia causa, quàm à morbo; vt dum cutis ex ardore Solis nigrescit; ex nucum viridium contrectatione manus non rarò nigrore satura percipitur: excreta similiter à naturali statu dissita videntur, nullo interueniente morbo; sed quia alimenta antea

Obiectio nona.

Solutio.

I inge-

Actio læsa morbum prodit, & morbus vicinè læsionem læsam de- notat.

ingesta ex sua natura corruptibilia fuere; vt sunt olera multa, & similia. At verò actionis læsio nunquam, nisi morbi interuentu, accidit: ita vt actio lædi nequeat, quin ponatur morbus, nec morbus esse potest sine actionis, aut actionum læsione: & ablato morbo, actionis læsio aufertur; ablataq; actionis læsione necessariò morbus demitur. Propter hanc morbi, & actionis læsæ connexionem, ex antiquis Medicis nonnulli, morbi rationem in actionibus læsis statuere non vercbantur. Solam actionem læsam, & non alia duo genera, insigne symptoma appellat Galen. c. 3. lib. 1. Meth. alia duo genera vocat symptomata propria, & familiaria: aut nec propria, nec familiaria. Vnde cit. lib. c. 3. monet Galenus non hos, qui suas actiones integras possident, vocare Medicos, sed illos, quorum actiones sunt læsæ. Cùm ergò actio læsa sit princeps ac insigne symptoma, morbum quamprimùm ac immediatè consequens, quodque egros maximè sollicitos reddit; reliqua verò duo genera non statim, sed decursu temporis eundem morbum consequantur, optimè Galen. per actiones læsas, & non per tria simul symptomatum genera, morbum descripsit. Libro autem cit. de oculis, ait alia duo genera sequi læsionem actionum: & lib. de differ. sympt. c. 2. manifestè docet genus symptomatis in excretis, & retentis sequi ad actionem læsam.

Argentarij imbecillitas.

Hæc sunt magis acuta Argenterij tela, insulsis & malignis cauiillis ab ipso congesta. Sed quidquid ille garriat comment. in artem Medicam, sanitatis & morbi naturam inuestigans, infelicitè & malignè multa congerit: Nam cùm ex se nullam habuerit, quam exhiberet doctrinam, necessariò ad Gal. lib. 1. c. 8. meth. recurrit. Sed vt nouam doctrinam inuenisse videatur, quæ Gal. cit. iam cap. habet, ille inuertit, confundit, detruncat, & quædam aliena verba detractis substituit. Ait itaq; morbum esse vitium præter naturam naturalis constitutionis. Quæ definitio ex Gal. doctrina eruta est, plurimùm tamen à definitionibus à Galeno traditis remota. Est enim ita imperfecta, vt nullas habeat bonæ definitionis conditiones: Verum quidem est sanitatem in perfectione cōstitutionis naturalis consistere, & morbum esse eiusdem perfectionis vitium præter naturam; sed hoc non est morbum definire, sed morbum esse aliquid præter naturam, sicuti morbi

cau-

causā, & symptoma, quæ ab omnibus Medicis dicuntur res præter naturam. Optimo ergo duci Galenō harendum, hoc caluillatore spreto.

Fernelij opinio proponitur, & rejicitur.

C Vin vidisset Fernelius, inquit Comes Montanus, definitionem morbi à Galenō traditam tot virgeri incommo-
dis, vt ea declinaret, pulcherrimum machinatus est cō-
mentum: Aliam enim inuenit, quæ verbis diuersa videtur à Ga-
leni definitione, re tamen eadem est, eos imitatus, qui deprehēsi
mutatis vestibulis conantur effugere. Hic lib. 1. suæ Pathologiæ
c. 1. dixit, morbum esse affectum præter naturam corpori insidē-
tē. Cap. 2. eiusdem lib. distinxit affectus, vt alij sint naturales:
alij nō naturales; non naturales esse aut præter naturā, aut contra
naturā: ac affectus, cōstitutionesq; præter naturā esse ait, quæ tam-
etsi ex naturæ præscripto nō sint; illi tamen nullā vim inferunt; ve-
luti fædus ictericorū color, & qui Solis ardore contrahitur: sic vl-
cusculum quod neque sensum mouet, neque functionibus obest,
præter naturam dici ait. Affectum contra naturam esse pronun-
ciat, qui non modo naturæ limites excessit, sed & illi vim infert,
eiusq; vires, & functiones interturbat, atque id modò proximè,
modò alterius interiectu facit. Quod igitur contra naturā vnum
atq; idem est, atq; præter naturā actionem ledens. Ex hac Fernelij
distinctione, atq; interpretatione idem est dicere, morbus est affe-
ctus contra naturā corpori insidens, ac morbus est affectus præter
naturam actionem impediens: quare est eadem re quæ Galeni de-
finitio. Cū verò alijs verbis, sit explicata quàm Galeni defini-
tio, subterfugit Argenterij calumnias. At si paulò ante statuit,
quod præter naturā est vim naturæ non inferre, nec ledere actio-
nes, implicat controductionem, statuere, esse aliquid præter na-
turam & actiones ledere; & esse aliquid contra naturam, quod
etiam præter naturam sit: quomodo enim stare simul possunt, quæ
ledunt, & nō ledunt actiones, & quæ vim inferunt, & nō inferunt?
certè nullum vidi Scriptorem, qui primo aspectu maiorem præ se
ferat grauitatem, & re ipsa leuior reperiatur, atque inconsidera-
tior. At si contra naturam per se idem est, quod præter naturam

actionem lædens, cur obscure profert quod planius pronunciare poterat? certe nullam aliam ob causam, nisi quia timuit Argenterij obiecta. Verum si hæc definitio eadem est cum definitione Galeni, iisdem est obiecta criminibus, & suis etiam quibusdam proprijs: nam Argenterius in comment. in Art. Medic. visa hac eius distinctione, ita eum interrogat: dicat mihi quo auctore, quæue ratione de his nominibus statuat: & optimo iure sic interrogat: nullo enim auctore, sed de suo contra Veterum usum hæc finxit Fernelius, & præcipue contra Galenum.

Hæc ad longum deduxi, non ut aliorum verbis meas impleam chartas, cum mihi mea verba sufficiant, ut meos explicem conceptus, sed ut huius viri doctissimi opinio de Fernelij doctrina omnibus appareat, neq; solus ego videar multa Fernelij inuenta erroribus passim inspersa deprehendere. In mea autem Physiologia me abstinere non potui, quin aliqua ex ijs quæ quadam cum iactantia, & in aliorum contemptum exarauit, pluribus authoritatibus & argumentis diluerem. Malignus ideo quidam in quorundam Bononiensium aures garriens id mihi passim crimini vertit, quod male Fernelium tractauerim; quasi mihi illicitum esset nihil contra Fernelij doctrinam proferre. Sed longè posthabito, & spreto hoc nugatore, Dico, Morbi definitionem à Fernelio traditam esse censura dignam, dupliciter. Primò, quia eodem vitio, quo definitio ab Argenterio proposita, laborat: non enim est definitio, sed insinuat tantum morbum esse rem præter naturam: quod idem dicere possumus de causa morbi & symptomate, quæ pariter res sunt præter naturam corpori insidentes, & quæ ac morbus. Secundò, quia enigmatico velamine rem à Gal. planè declaratam contra promissum obscurat: in exordio a. cit. lib. iactanter ait: Obscura illustraui, etsi rectius diceret, clara obscuraui, contra leges bonæ definitionis, quæ definito clarius esse debet, ut ex Arist. colligitur lib. 2. poster. tex. 83. Hic ergo Author, ut mirabilis videatur, obscuritatē in dicendo semper affectat: quidquid boni habet, ex auctoribus (non nisi rarissima horum facta mentione) hausit, & sua fecit: vana quedam & futilia ex suo capite fingit, ut nouarū rerū inuentor videatur: sed hæ nouitates sunt veluti tenebræ, res claras obscurantes. Quis obsecro mortalium possit naturam morbi, ex eius allata definitione concipere? Ad Gale-

*Fernelius
perstrin-
gitur.*

num ergo doctiorem, clarioremq; , tanquam ad interpretem optimum, accedendum; qui morbum per actionem læsam, tanquā signum manifestissimum, non solum Medicis, sed ægris notum, tradidit. Pulcherrima ergo, completissimaq; definitio ab illo tradita, sola Viris Medicis, alijs omnibus posthabitis, amplectenda.

Actio læsa est morbi indicium.

Vera Sententia.

H Actenus grauissimorum Virorum varias sententias exposuimus, & quibus potuimus argumentis, refutauimus: concludendumq; non dubitamus, morbum esse qualitatem in solo Qualitatis prædicamento, eiusque primæ specie collocandam. Hanc sententiam amplexi sunt Viri doctissimi, Franciscus Vallesius lib. 4. Controuers. Medic. & Philos. c. 1. Ludouicus Mercatus lib. 1. de feb. essentia, & alij quàm plurimi: eamq; ego Tyronum captui faciliorem, & rei naturæ maius consonam esse existimo. Nam cum morbus, præsertim intemperiei, vi polleat actiua (quod nostro damno frequentissimè experimur nostras lædendo functiones) necessariò debet esse substantia, aut qualitas: quia hæ solæ vim habent agendi. Sed non est substantia, vt contra Tubingensem asseruimus. Superest ergo, vt sit qualitas in prima qualitatis specie, vt ab initio diximus, posita; licet sub ratione agentis, & lædentis actiones magis, quàm ratione dispositionis, in tertia qualitatis specie sub patibili qualitate collocari commodè possit. Authoritates variae, & rationes hanc sententiam astruentes, & roborantes, in morbi interpretatione, & aliarum sententiarum reiectione fuisse à nobis deductæ sunt.

Morbus in prima & secunda qualitatis specie collocandus.

Ex hæcenus dictis satis constat morbum non esse quid priuatum, contra quàm quibusdam insensatis Medicis placuit. Quomodo autem priuatio, quæ negatio quædam est, actiones lædere posset? A ratione quidem priuationis longè dissitus est calor febrilis, qui potentissimè actiones naturales, simul & vitales lædit. Est ergo morbus qualitas vt dictum est, & quatenus contrarij rationem inuoluit, sanitatiq; sic opponitur, priuatiuum quid, sed improprie nimis, dici potest: eodem fere modo, quò frigus

Morbus non est priuatio.

frigus dicitur caloris priuatio, & nigredo albedinis.

Obiectio.

Sed dicet statim aliquis solutionem continui esse morbum, eandemque nihil esse aliud præter vnionis priuationem. Ex quo liquet, si non omnes, saltem quosdam morbos, esse priuationes.

Solutio.

Respondeo solutionem continui non lædere actiones sub ratione priuationis, sed sub ratione dispositionis præter naturam in parte affecta introductæ. Sic paulò prolixè agitatis ijs opinionibus præcipuis, quæ circa morbi essentiam, & definitionem proponuntur, nunc tempus est eiusdem morbi genera & species, debita serie deducamus,

CAPVT IV.

De morborum generibus.

*Triplex
in corpore
compositio.*

Præsupponenda est Galeni doctrina lib. de differ. morb. c. 3. in quo triplicem in nobis compositionem admittit. Prima compositio est partis similis ex quatuor elementis. Secunda compositio est partium dissimilariū ex similibus. Tertia compositio est totius corporis ex ambabus: etsi rectius dicatur, corpus ex dissimilibus immediatè coalescere, sicuti dissimilares ex similibus; & has ex elementis. Quid sit pars similis, quid dissimilis, in nostra Physiologia sufficienter exposuimus. Si duæ primæ compositiones rectè se habeant, tertia compositio totius corporis benè & integrè se habebit. Quâquam ergo homo dicatur egrotare, quoties oculus, aut auris, aut pes, aut alia pars corporis morbo afficitur, quòd denominationes sint suppositorum, Medici tamen tunc de partium morbis peculiari-ter agunt. Ideò

Præsupponendum secundò in dictis partibus nonnulla perpendenda. Pars n. similis, vt in Physiologia plenè exposuimus, mediantibus quibusdam transmutationibus ex quatuor elementis coalescit. In parte ergo similari duo requiruntur. Primum, vt sit vnum quid ex elementis resultans. Secundum, vt id vnum ex quatuor elementis resultans sit temperarum quid in quatuor primis qualitibus. In parte similiter dissimilari duo consideranda veniunt, vt suâ sortiatur essentiam. Primum, vt sit vnum quid.

Se-

Secundum, quia ex similaribus concrefcit, vt debitam habeat compositionem, secundum conformationem, numerum, magnitudinem, & fitum. Quamdiu has dotes in prima hominis conformatione vtrifq; partibus concessas, retinuerint, homo sanus subsistit. Ex contrarijs ergo dispositionibus morborum genera venanda veniunt: Idoneè igitur morbum in sex species, siue genera diuidit Gal. lib. 2. meth. c. 6. Primum genus est proprium partibus similaribus: & intemperies nuncupatur. Quatuor sunt genera propria partibus dissimilaribus. Primum in conformatione: Secundum in numero: Tertium in magnitudine: Quartum in situ: Sextum genus nulli partium proprium est, sed tam simili, quàm dissimili commune: ideoq; commune dicitur. Eandem doctrinam habet Gal. comm. 4. de aliment. Breuius morbus in communi partiri potest in morbum partis similis, & morbum partis dissimilis, ac in solutionem continui vtrifq; communem: de quibus seriatim in sequentibus.

SECTIO I.

De morbis proprijs partis similis.

Diximus in Physiologia, experientia, & autoritate, ac ratione, mixtum ex quatuor elemētis cōponi, & quoduis elementum quandam qualitatem primam sibi peculiarem possidere: terra, verbi gratia, siccitate in summo fruitur: aqua frigore: aer humiditate: & ignis caliditate. Hæ quatuor primæ qualitates in mixtione retinentur, franguntur, & contemperantur; vt ex ijs vnum quid, temperamentum nuncupatum, exurgat. Si aliqua harum qualitatum sola vltra statum naturalem, aut cum aliqua ceterarum intendatur, tunc pars similis, cui primariò, propriè, & per se temperamentum congruit, non amplius temperata dicitur, sed intemperata, quia temperies in intemperiem transijt. Cum itaq; primis quatuor qualitibus refractis & contemperatis constet temperamentum, quod est forma accidentalis, quatuor modis tēperamentum vitari potest, & in intemperamentum siue intemperiem mutari. Nam vel solus calor nature limites excedit, ita vt reliquas qualitates, & se ipsum exuperet, & sic intemperies

*Quatuor
morbi pro
prii partis
similariis.*

*Intempe-
ries est
vniuersa-
lis, aut
peculia-
ris.*

*Peculia-
ris intē-
peries.*

*Intempe-
ries pecu-
liaris, id
est vnius
partis, fe-
bris dici
potest.*

*Calor
præter
naturā,
& intē-
peries idē
sunt.*

*Remissa
intempe-
ries vix
dignosci-
tur; sola
intensa
facile.*

peries calida dabitur, quæ morbi rationem induit. Si vero solum frigus excedat, tunc dabitur alter morbus, intemperies frigida dictus. Si sola humiditas, intemperies humida. Si sola siccitas, intemperies sicca. Et sic post Hippocratem quatuor primas, simplices, & proprias morborum differentias partis similariis colligit Galenus lib. de differ. morb. c. 4. vbi ait tot esse primos morbos partium similarium, quot sunt elementa, iuxta Hippocratis sententiam.

De his iisdem simplicibus morbis agit Galen. lib. cit. de different. morb. c. 5. vbi inquit, intemperiem quamcunque siue calidam, siue frigidam, siue humidam, siue siccam, esse in duplici differentia: vna est vniuersalis, altera peculiaris. Intemperies calida vniuersalis est illa, quæ vniuersum corpus occupat, & febris dicitur: altera intemperies peculiaris dicta, est, quæ aliquam occupat partem; veluti in cruribus accidit, cum quis nimium ea ambulando fatigauerit; aut in manibus, cum remigando, aut agrum fodiendo, siue aliquid tale faciendo, ad lassitudinem vsq; peruenerit: tunc enim & ijs ipsis, qui labore oppressi sunt, & alijs tangentibus, feruidiores sentiuntur; vt experientia constat, & vt loquitur Gal. lib. de different. morb. c. 5. Manus enim & pedes ob motum violentum plurimum incalescunt, adeoq; calida intemperie laborant: & tunc lassitudo adest.

Ex hac Gal. doctrina colligere possumus, calidam peculiaris partis intemperiem febrem etiam appellari posse: nam febris à ferueo dicitur, & manus ac pedes, lassitudine affecti, feruidiores sentiuntur, & quidē ab omnibus personis, & astantibus attingentibus. Ex eodem denique capite constat calorem, siue caliditatem præter naturam, & intemperiem calidam, idem esse: At, inquit Galenus, quos morbos sola intemperies primarum qualitatum committit, ij non omnibus ita patent, nisi cum plurimum à naturali habitu pars recefferit: tunc enim facile affectus ipse ab omnibus deprehenditur; veluti, qui, superante caliditate, ac totum obsidente animalis corpus, febris nuncupatur. Eadem v. caliditas quandoq; in singulis animalis partibus sensui subijcitur, veluti in cruribus &c. quæ paulò antea produxi. Hanc n. Galeni doctrinam animaduertere prodest, propter quorundam errorē, qui calorem præter naturam (idem de frigore, humiditate, & siccitate dicendum) non intemperiem calidam, sed causam con-
nentem

nentem intemperiei calidæ esse volunt . Sed de hacre fusiùs sequenti libro.

Quod dictum est de duplici intemperie calida, idem de frigore dicendum , quod vniuersum aliquando occupat corpus, vt sæpè notatum est iter agentibus in valido frigore : nam pleriq; ex his in ipsa via commoriuntur : pleriq; verò, antequàm domum perueniant, ad hospitium algidi, ac semianimes deferuntur . In morbo autem attonito, & Comitali (primum Apoplexiam, alterum Epilepsiam Græci vocant) & tremore, & distentione nervorum (quam Græci spasmus appellant , Latini Conuulsionem), talis sæpè accidit dispositio, idest, intemperies frigida totius corporis. Nam & ij, quos in itinere vsque ad mortem frigus oppres-
sit, talibus rigoribus corripuntur , (hinc manifestum euadit, rigorem, qui est vniuersi corporis concussio, posse sine febre contingere) quales Græci Emprosthotonos, Opisthotonos, ac Tetanos appellant : quoniam modò in anteriorem partem , modò in posteriorem, modò in nullam flectitur, sed rectum, atq; immobile corpus intenditur . Nonnulli autem his , quas congelationes nominant, affliguntur: alij simile quid ijs, qui morbo attonito laborant, patiuntur. Hæc sunt exempla intemperiei frigidæ vniuersalis totius corporis à Galeno cit. cap. exposita : in apoplexiâ autem vniuersum corpus, saltem exterius, impensè refrigeratur: in epilepsiâ pariter, siue morbo comitali, siue caduco, siue sacro, siue Herculeo: in omni pariter conuulsionis specie ; vt in empro-
sthotono, in quo caput ita curuatur versùs pectus, vt mentum ipsum pectus attingat : in opisthotono , in quo ex aduerso postica capitis pars, occiput communiter nuncupata, ita retrò inclinatur, vt dorsi principium aliquando contingat : in tetano , in quo vniuersum corpus rigidum est , & fixum, ac inflexibile retrorsum, aut antrorsum. Qui autem hac conuulsionis specie laborant, in eo ab ijs, qui catalepsi vexantur, differunt, quòd videant, reliquorumque sensuum ministerio fruuntur : Cataleptici verò non solum rigidi, sed sensuum usu priuati iacent . Prædictæ autem conuulsionis species à vehementi frigore non rarò oriri solent. Corpora quidem præ nimio frigore sæpè congelantur : imò quid simile apoplexiæ patiuntur, vt ait Galenus. Nam vt in apoplexiâ fit sensus, & motus priuatio, ob spiritum animale, propter obstru-

*Rigori
sine febre
contingit.*

*Empros-
thotonos
quid.
Quid opi-
sthotonos.*

*Quid te-
tanus.
Catalep-
sis quid.*

*Quid apo-
plexia.*

ctionem, interceptum, ita in impensè refrigeratis fit etiam sensus motusq; priuatio, non propter obstructionem, sed propter caloris natiui, & spiritus influentis ac insiti extinctionem, sanguinisq; veluti congelationem, & neruorum, ac omnium ductuum cōdensationem: ita vt per eas ampliùs animalis spiritus recurrere nequeat. Propter similem condensationem, tam spirituum, quàm instrumentorum, ipsi senes ad suas functiones obeundas segniores visuntur. Vnde morbis frigidis præfatis obnoxij sunt: Adde, *Timidi refrigerantur.* quòd paucos contineant spiritus. Tremulis, inquit Gal. id est timidis, & metulentis, contingit non rarò corpus vniuersum frigeri; quia scilicet spiritus, influens scilicet, & sanguis, interiorius recurrunt, & habitum corporis maximè deserunt.

Quod attinet ad intemperiem frigidam partium, satis constat, præ frigore sepiusimè manus, & pedes, aliasue partes corporis, frigida intemperie laborare. Citato capite Gal. ait: In extremis quādoq; partibus, vsq; adeo patens dispositio contingit, vt ipsæ emortuæ decidant: Pro extremis partibus pedes præcipuè, & manus intelligit Galenus. Vidi enim nonnullos ex equitibus exercitus Principis Hugonis Odonelli, cognomento Ruffi, quibus pedum pollices prorsus refrigerati, & amissi rursus sunt, quòd media hyeme, iam à 48. annis, aut circiter, è Tirconallia, parte Vltoniæ, Prouinciæ Septentrionalis Hiberniæ, ad Meridionalem Kinnfaliaam vsque oppidum maritimum Hispanis aduenientibus auxilium allaturi contenderent. Germanorum Galenus in commentario supra Galenum, aliud affert exemplum cuiusdam miseri in vinculis diu, in scio Magistratu, à Clauigero siue Custode detenti, vt idem Clauiger miseri illius vxore potiretur. Caro a. crurum vniuersa istius miseri, iam ob calorem natiuum vi frigoris extinctum, spontè decidit.

Simili modo, quo intemperie calida, & frigida, partes humida, siccaq; afficiuntur: etiam sine affluxu humoris ad partem, aut corpus. Quædam enim corporis partes aliàs visæ sunt aridæ, vt salitæ, aut sale conditæ apparent. Sic ossium quoq; marcidorum quædam, sabuli instar (præ nimia siccitate) apparent, taliter, vt lignis vetustate corruptis, quæ cariem contrahunt, assimilentur. Quædam etiam corporis partes adeo mucidæ, & laxæ, humidæque non solum tangentibus, sed & insipientibus apparent, vt si

ali-

aliquas ipsarum particulas manibus tractare tentaueris, illicò effluant, & è digitis, haud aliter quàm aqua, excidant. Huius rei exemplum affert Ruellius lib. 1. de natura stirpium c. 45. vbi dicit, se vidisse militem lue venerea laborantem, cuius crurum, ac brachiorum ossa in tantam peruenire mollitiem, vt instar cere obsequiosa flecti possent, in quam liberet partem.

Ruellius.

Galenus distinctè quatuor simplices intemperies, tanquàm simplices morbos, citatis c. exposuit: alias verò quatuor compositas intemperies, etiam proprios morbos partis similis, dilucidè proposuit cit. lib. de differ. morb. c. 12. Quatuor enim sunt primarum qualitatum possibiles combinationes; vt in Physiologia diximus. Ergo cum quatuor elementis corpus constet, quatuor compositis intemperiebus laborare poterit: & reuerà his frequentissimè laborat; simplici v. non nisi quasi tēporis momento. Primus ergo morbus compositus, erit calidus & siccus: Secundus calidus & humidus: Tertius frigidus & humidus: Quartus frigidus & siccus. Libro 3. de loc. affect. c. 4. octonarium morborum propriorum partis similis numerum his verbis innuit: Sciens itaque octo intemperantię genera in qualibet particula posse consistere, quatuor simplices, & quatuor compositas. Capite cit. 5. lib. de different. morb. docet Galenus, morbos partium similium esse in duplici differentia. Nam aut partes alterantur duntaxat solis, & nudis qualitatibus, aut ad easdem partes aliquis humor confluit, primas qualitates continens, quas deinde parti communicat. Hic secundus modus, quo pars similis intemperie laborat, tumores causat præter naturam: Vnde à Neotericis communiter dicitur morbus materialis; sicuti primus morbus, immaterialis. Galenus verò passim primos morbos, intemperies, nudas vocat: Secundi generis morbos, id est tumores præter naturam, intemperies cum affluxu humoris. Capite 12. cit. lib. de different. morb. docet Galenus dari quatuor intemperies compositas cum affluxu humoris, æquè ac sine humoris affluxu. Erunt ergo, iuxta Galeni computum, sedecim morbi proprii partis similis; octo intemperies sine affluxu humoris, & octo cum affluxu: & utræq; octo in quatuor simplices, & quatuor compositas subdiuiduntur.

Octo intemperiei species, quatuor simplices, & quatuor compositas.

Sedecim species intemperiei, octo cum affluxu humoris, & octo sine affluxu.

Sed Galeni doctrina sano modo intelligenda est, quando ait,

*Quatuor
genera tu-
morum
præter na-
turam.*

partes similes proprio morbo laborare, dum humores ad eas fluunt, & tumores præter naturam generantur; vt phlegmone, quæ à sanguine procreatur: Erysipelas, quod à bile: Oedema, quod à pituita: & scirrhus, qui à melancholia. Nam hi morbi, qui tumores præter naturam appellantur, sunt potius morbi partium dissimilium, quàm similium, si quantitatem spectemus; quia morbus in magnitudine adaucta est morbus in quantitate, & consequenter partis dissimilis; vt deinceps dicemus. At verò in eadem Phlegmone, præter tumorem, adest intemperies, quæ ab humore generata est; & in hoc tantum hæc intemperies ab intemperie, quæ à causa externa, aut ab extensione caloris procedit, differt; quòd hæc extensio non habeat pro causa humoris fluxum: illa verò, quæ est in tumoribus, ab humore fiat, & foueatur.

*Non nisi
manifesta
intempe-
ries à no-
bis digno-
sci potest.*

Galenus cap. 5. cit. dicit difficile esse morbos intemperiei nudè deprehendere atq; dignoscere, nisi cum pars plurimum in id, quod præter naturam est, deflexerit, vt ipse loquitur; id est, nisi intemperies notabilis fuerit, & paulum intensa: dum enim qualitas aliqua prima, aut qualitates, alias plurimum excedunt, tunc pars aliqua affecta, aut totum corpus, manifesta intemperie laborat, quæ ab omnibus nullo negotio dignoscitur; quia manifestè sensibilis est. E. contra, inquit Galen. secundus modus, quo partes similes tumoribus præter naturam afficiuntur, facile dignoscitur, & à nullo Medicorum ignoratur. Neminem enim latere possunt phlegmone, erysipelata, edemata, scirrhi, scabies, strumæ, &c. nam oculis patent, & tactui. De tumoribus præter naturam fuisse Galen. lib. 13. & 14. meth. med. & lib. de tumoribus præter naturam; nec non lib. 2. de arte curat. ad Glauconem.

*Duo ge-
nera mor-
borum ex
Epicuro,
& Ascle-
piade.*

Posita hac doctrina Hippocratis, & Galeni, iuxta eorundem principia, qui quatuor elementa transmutata, & contemperata in mixto posuerunt, non erit extra rem, morborum numerum iuxta Epicuri, & Asclepiadis principia proponere. Hi autem duas tantum morborum species, siue genera, admittebant, & in partibus quidem dissimilibus, non verò similibus: atq; adeo sunt morbi in compositione, iuxta illorum sententiam; quamvis necessariò hi morbi ab illis constituti, partibus, quas similes appellamus, conueniant, teste Gal. lib. de differ. morb. c. 4. vbi, sicuti sequenti cap. 5. de his morbi speciebus agit. Hæ duæ mor-
borum

borum species in latitudine meatuum, & angustia repositæ sunt. Vnde caro, os, cartilago, neruus; ligamenta, &c. rariora facta, quàm par est, morbo in latitudine meatuum affici dicuntur: morbo in densitate, huic aduerso, eadem partes laborabunt, quoties densiores euadunt: nam sic morbo in angustia meatuum afficiuntur: sicuti morbo in latitudine, aut ampliacione, quoties rariiores euadunt, vt iam antea dictum est. Has solas morbi species præfati authores admittebant; quia non alia in nobis agnoscebant elementa, quàm Leucippi, & Demòcriti atomos: in quibus, vtpote incorruptibilibus, vt aiebant, nullus datur morbus, sed potiùs in eorumdem compositione: quando nimirum vel inter se arctè cohærent, vel à se inuicem longiùs, quàm decet, remouentur. Et sanè Methodici illi Romæ, Plinij, & Galeni temporibus Medicinam exercentes hanc doctrinam amplexi sunt. Nam duo in medendis morbis statuere remedia: vnum, quod condensatas immodicè partes laxaret: alterum, quod ex aduerso partes præter naturam laxatas constringeret. Vtraq; harum specierum duplex (ex Gal. c. 5. cit.) ab Epicuro statuitur: nam constrictio fit in toto corpore, quando vniuersum corpus in se concidit, aut contrahitur; aut quando corporis pori tantum obturantur. Pariter latitudo dupliciter fit: vel quando vniuersum corpus secundum omnes partes extenditur: aut quando pori tantum. Verum, cum experienciâ compertum habeamus, quatuor in nobis contineri primas qualitates, satius est subiecta harum elementa, quàm atomorum confictum acervum admittere. Propter varias autem alterationes primarum qualitatum in corporibus nostris, varia percipimus quotidie nobis illata damna. Vt ergo saniora amplectamur principia, nobis necessum fuit, diuersas plurimorum de elementis opiniones in nostra Physiologia, iuxta Hippocratis, Galeni, & Aristotelis methodum, examinare. Quod si intellexisset quidam, non inter suas contumelias protulisset, ad Medicum, dum sua docet, non spectare de rebus Physicis decernere. Hæc enim prolatio, ex rei, de qua agitur, ignorantia procedit. Nam ablata Physicâ, nullam præter imperfectam Empiriam haberemus. Quare rectiùs Aristoteles, vt in nostrâ diximus Physiologiâ, docuit, Medicos differtos solere de naturâ agere.

Duo tantum remedia, quatuor genera statuere Methodici.

Methodici cum Epicuro conuelliuntur.

SECTIO II.

De Morbis Partium dissimilarium.

Hanc doctrinam fusè prosequitur Galenus lib. de differ. morb. c. 4. 6. 8. 9. 10. Postquàm enim numerum morborum propriorum partis similis, iuxta Hippocratis, & probatissimorum Medicorum opinionem, statuit; Partium dissimilarium proprios morbos, pari inuestigatione venatur. Dicit igitur cap. 4. cit. nullum instrumentum fortuitò ex quibuslibet rebus còpositum esse, sed ex quibusdam à natura rectè coordinatis. Instrumentum ergo, quod hìc idem est, ac pars dissimilis, vt idoneum sit ad debitas actiones obeundas, quatuor ad sui perfectionem continere debet, tanquam ea, quibus perficitur. Primò enim in instrumento certa còformatio, aut delineatio requiritur. Secundò, certus quidam numerus. Tertiò, debita magnitudo, Quartò, certa quædam partium componentium instrumentum, connexio, & situs. Experientia patet quamlibet partem instrumentariam, has dotes, ei à natura concessas, habentem, rectè suas obire functiones. Quoties ergo eius conformatio, aut numerus, aut quantitas, aut situs & connexio, aut hæc omnia, à naturali statu recedunt, naturalis eius constitutio vitiabitur, & constitutione præter naturam afficietur. Morbus ergo partis dissimilis quadruplex est. Prima species dicitur morbus in formatione, qui nimirum accidit, quando debita instrumenti delineatio à naturali statu recedit. Secunda erit morbus in numero, quãdo nimirum numerus completus eorum, quæ ad partis dissimilis còstitutionem concurrunt, non est ex præscripto naturæ, sed augetur, aut diminuitur. Tertia species morbi partis dissimilis emergit ex quantitate eiusdem partis dissimilis, vel aucta immodicè, vel diminuta. Quarta species consistit in vitiato partium situ, & nexu. Non autem aliter, quàm his quatuor modis, partes dissimiles à naturali statu recedunt. Nam licet partis dissimilis actio aliquando propter vitium partis similis lædatur, non proinde morbo intèperiei per se laborare dicitur pars dissimilis, sed per accidens; quia non vt pars dissimilis tunc afficitur, sed quatenus

*Quatuor
ad instru-
menti cò-
plemētum
requisita.*

*Morbus
partis dis-
similis
in qua-
tuor gene-
ra diuidi-
tur.*

*Morbus
partis si-
milaris,
per acci-*

nus

aus constat parte similari, cui, per se, & propriè morbi intemperiei competunt. Experientia autem patet, instrumenti actionem nō semper à morbo partis similariis lædi. Hectici enim motu vtūtur, & sensatione, quæ duo sunt partium dissimilariū actiones, etsi morbo intemperiei calidæ, & siccæ laborent. Superest ergo, vt tantum admittantur quatuor species, aut genera subalternata, morborum simplicium, & priorū partis dissimilariis, quarum quælibet in suas species, appositis exemplis, à nobis subdiuidenda erit: & quidem iuxta Galeni solidam doctrinam, à quo, tanquam ab optimo Medicinæ Parente, ne latū vnguē discedimus.

Capite 4. lib. de different. morb. veluti c. 7. Galenus diuidit morbum in mala formatione in quatuor species, quas varijs exemplis illustrat. Prima species dicitur morbus in figura: Secunda, morbus in concavitate, & meatu: Tertia, in asperitate: Quarta, in læuitate: sed hæc duæ vltimæ species vnicā comprehenduntur, quæ morbus in superficie communiter nuncupatur.

Morbus in figura est vitium partis dissimilariis actionem lædens, propter figuræ naturalis recessum à naturali statu. Si n. caput naturaliter semitotundum, præter modum reddatur, aut planum, aut oblongum, aut omninò rotundum, vitio in formatione laborabit: & ob tale vitium, eius actiones læduntur. Vide-

mus enim communiter hos, qui oblongo, & acuminato capite præditi sunt, ad scelera pronos, impudentes, audaces, loquaces, mendaces, instabiles, impatientes, superbos, voraces, vinosos. Breue verò, & sphericum caput, insipientem, seu sapientia & sensu vacuum, arguit. Concavum caput in anteriori, aut posteriori sui parte, dolosum arguit, atq; iracundum. Caput in suis lateribus circa regionem medij ventriculi cerebri compressum, spiritum animale in eodem ventriculo vnit, & consequenter perficit. Quare qui tali figura capitis potiuntur, componunt, diuiduntq; optimè quæ conceperunt: vno verbo, virtus cogitativa in illis ad componendum, & ad diuidendum est prompta: Iudicio ergo tales homines pollent. Caput v. benè formatum, eo modo, quo in nostra Physiologia diximus, hominem arguit liberalem, ingenio excellentem, ac perspicacem. Caput enim benè formatum debet esse instar globi cerei ambabus manibus vtrinq; mediocriter compressi: quoad magnitudinem, mediocris esse debet,

& re-

*dens est
morbus
dissimila-
ris.*

*Morbus
in mala
formatio-
ne in qua-
tuor speci-
es subdi-
uiditur.*

*Quid mor-
bus in fi-
gura.*

*Oblongi
& acumi-
nati capi-
tis vitia.
Brevis at-
que rotū-
di vitia.*

*Concavi
capitis in
anteriori,
aut post-
eriore
parte
vitia.*

*Caput in
lateribus
compressū.
Caput be-
nè forma-
tum.*

*Caput re-
tro & an-
te oblongū
instar no-
ui mallei.*

& reliquo corpori correspondens. Caput retrò, & ante, id est, in occipitio, & anteriori eius parte paulum oblongum instar mallei, prouidum & circumspectum hominem indicat. Malleus enim, cui caput ita assimilant Physiognomi, est ille quo fabri ferrarij supra incudem ferrea instrumenta tundunt: talis malleus in vtraque extremitate planitiē habet nō perfectā (saltem in principio, antequam vsu complanentur extremitates) sed prominentem.

*Caput in
syncipite
depressū.*

Caput ergo in anteriori, & posteriori sui parte ita prominens, cum debita figura eius verticis, hominem iudicio plenum arguit. At verò caput in syncipite depressum, sensus & imaginationis diminutionē significat. Cerebrū enim inibi depressum non perfectē rerum imagines siue species comprehendit. Adde, quòd anteriores, siue superiores vētriculi non sunt ita capaces & liberi, vt spiritus animalis in ijs conficiatur. Imaginatio enim & sensus communis, vt quibusdam placuit, in anteriori cerebri parte

*Caput in
superiori
parte de-
pressum.*

sedem habent. Caput in mediā sui parte superiori depressum, rationis & cogitationis defectum indicat: nam in media cerebri parte ratiocinationem fieri multi credunt: quare depressio capite iuxta medium, cerebrum pariter comprimitur: nec tanta eius portio in medio continetur, quanta contineri deberet. Caput

*Caput in
occipitio
depressum.*

in occipitio depressum; hominem indicat instabilem, vitiosum, timidum, luxuriosum, iracundum, eneruē, immemorem, vanū, imprudentem, incōstantem, pertinacem siue obstinatum.

*Caput an-
te & retro
depressū.*

Caput depressū in syncipite simul & occipite, hominem denotat sensu, imaginatione, intellectu, memoria, virtutibus, & viribus, quasi, vacuum. Caput vnā cum lata facie hominem indi-

*Caput cū
lata facie.*

cat stupidum, & obtusi ingenij, auarum tamen siue cupidum, infidum, malè morigeratum, ignarum siue insciū, suspiciosum, animosum tamen. Caput grossum & deformē siue malè formatum & delineatum, cum collo grosso aut crasso, hominem indicat hebetis ingenij, imprudentem, atq; adeò parum prouidum, incōstantem siue varium, moribus rudem, ad vitia quàm ad virtutes magis procliuem. Caput habens tēpora vtrinque caua, pes-

*Caput gro-
ssū & de-
forme.*

*Caput tē-
pora ha-
bens cōca-
ua.*

simum hominem significat, vtpote dolosum, siue vafum, pertinacem, trucem, & malignum vltorem. Caput, in cuius temporibus venæ sunt sitę ita amplę, ac sanguine refertę & turgidę, vt manifestē appareant, hominem denotat iracundum, & semiin-

sanum,

fanuin , vanum , superbum , impatientem , instabilem , insolentem , parum iudiciosum , imprudentē , mordacem , libidinosum , voracem . Quoties in collo alicui venæ ita tument , hominem designant implacabilem , & ad vindictam summè procliuem . Caput in superiori sui parte humile adeo , vt quasi planum appareat , hominem denotat insolentem , & penitus dissolutum : adeoq; permodicè , aut nullatenus circumspectum . Caput ineptè oblongum , siue prolixum , & in organis suis obliquum , hominem significat impudentem , simul & impudicum . Caput prolixum siue oblongum vnà cum longâ facie , magna , simul & deformi , hominem etiam impudentē , simul & impudicum denotat . Quod si caput magnum adeò fuerit , vt præ sui magnitudine & pondere ad humeros vergat , hominem præ se fert impensè stolidum , stultum , improbum , sensu vacuum , sicut omni virtutis vsu ; se- gnem & somnolentum . Magnum caput cum latâ fronte , atq; ei- ganteo fermè vultu , hominem indicat indocilem , pertinacemq; , inertem , inscium , stolidum , ad actiones parum promptum , paci- ficum tamen , & fortem . Caput magnum cum diuersa figura , aut delineatione , & cum collo , tam quoad ossa , quàm quoad car- nem , gracili siue subtili , & viuidò , hominē significat improbum , mendacem , varium , sensuq; carentē , seu vt communius loquun- tur , malè sensatum . Caput magnum cum paruo collo , fatuum , stolidumq; , indicat : non enim seruata est proportio à virtute formatrice ob inobedientem materiam , aut ob sui imbecillita- tem , & impotentiam : aut ob vtrumq; simul . Caput magnum , sed concinnè rotundum , id est , debitè delineatum , vtī superius diximus , & non omninò rotundum , hominē denotat discretum , stabilē , officiosum , secretū , sagacem , magnanimū , prudentē , vir- tutibus omnibus idoneum , vtpotè ingeniosum , & optime ima- ginationis , ac tandem laboriosum , pacis amatorem , modestum , & verè capacem rationis : maxime verò si tale caput reliquo cor- pori correspondeat , ita vt collum mediocriter grossum forteq; esse debeat , & satis validis grossisq; neruis munitum . Verum si ca- put magnum collo & corpori improporcionatū fuerit , stolidum , eneruem , inscium , indocilem , imprudentem , & malè morigera- tum significat .

Caput valdè exiguum , aut minimum , hominem arguit malè

*Vene col-
li tumen-
tes.*

*Caput in
superiori
parte pla-
num.*

*Caput ob-
longum.*

*Caput lon-
gum cum
longa fa-
cie.*

*Caput ma-
gnum ad
humeros
declinās.*

*Magnum
caput cu
lata fron-
te.*

*Caput ma-
gnum di-
uerse figu-
ratum.*

*Caput ma-
gnum cu
paruo col-
lo.*

*Caput ma-
gnum be-
ne forma-
tum.*

*Caput ma-
gnum cor-
pori impro-
portiona-
tum.*

*Caput mi-
nimum.*

*Caput par-
uum.*

omninò sensatum, & ad munia rationalia obeunda minime idoneum. Caput paruum, indicat hominem indocilem, impatientem, irascibilem, superbum, luxuriosum, enervum, seu inualidum, infidum, instabilem, pusillanimum, dolosum, bilinguem, mendacem, inuidum, imprudentem, malignum, malèdicum, insipientem, obliuiosum nisi in malis: nam receptæ offensæ est valde memor: ut res malè imaginatur, ita & conceptus suos malè disponit; temerarius est, & inconstans, ac summè malignus. Ab homine tali, tanquam ab hoste & peste, fugiendum præci-

*Caput par-
uum cum
collo gra-
cili.*

piunt Physiognomi: maximè verò si cætera membra minuta habeat, & exilia nimis. Caput paruum cum gracili gula, in mulieribus significat solers Studium Palladis, & Veneris: nec non ad omnia obeunda, promptitudinem. Tale caput cum tali gulâ in maribus si adsit, peiores, ut aiunt, mores decernit: nam ad supradicta iâ studia inclinat homo tali capite & gulâ præditus. Caput paruo paulò maius, hominem indicat ingeniosum atq; pruden-

*Caput par-
uo maius.*

*Caput ma-
ius me-
diocri.*

*Caput ni-
mis mobi-
le inter*

loquendū.

*Caput im-
mobile in*

*ter loquē-
dum.*

*Caput nu-
ci pina si-
mile.*

*Caput in-
synciput*

prominēs.

In medio

prominēs.

In occiput

prominēs.

In occiput

*& synci-
put.*

At verò caput immobile inter loquendum, vel non inordinatè aut frequenter cum reliquo corpore motum, hominem significat optimi intellectus, bonæ dispositionis, saniq; consilij. Caput oblongum & pineatum, seu formam pomi pinei referens, hominem indicat superbum, vaniloquum, iniuriosum, arrogantem, impudentem, imprudentem, impatientem, irascentem, indocilem, falacem, rapacem, temerarium, gulosum, inquietum, & prorsus malè morigeratum, nisi validos adhibeat conatus ad sua vitia refrenanda; alias enim eius, tanquam pestis, conuersatio vitanda est, nisi quis rixas amet. Caput in synciput prominens, hominem indicat sensitivum, & imaginantem, sed insolentem & vecordem. Caput in medio prominens, significat hominem optimè cogitantem, & conuenientem. Caput prominens in occiput, hominem prodit valdè memorem, sapientem, prudentem, robustum, & non timidum. Caput in occiput, simul & synciput prominens, hominem arguit memorem, prudentem,

inge-

ingeniosum, virilem, atque rerum repertorem, siue inuentorem.

Caput adeò rotundum, vt sphericum videatur, hominem indicat superbum, infidum, avarum, iracundum, impatiente n., instabilem, siue incòstantem, immemorem, multa pollicentem, & è conuerso se habentem, importunum, inuidum, malignum, procacem, de præsenti tantum cogitantem, exigui verò iudicii & discretionis: cui tanquam verè perfido, nihil confidito, præsertim si cholericus fuerit, aut melancholicus. Homo tali capite, præditus, si dominium haberet, tyrannus esset crudelis; depredator rapacissimus, & homicida. Caput volubile hinc & illinc, hominem indicat fallacem, inuidum, mendacem, malignum, vanum, mordacem, instabilem, stultum: & parum fidum.

Caput
valde ro-
tundum.

Caput
quod per-
petuo mo-
uetur.

Hæc cum Physiognomis ad longum produxi, vt his indicem, naturalem etiam defectum delineationis aut cōfigurationis partium, esse causam defectuosarum actionum. Nec minùs adhuc actiones à morbis post conformationem fætus vitiantur, ledunturque.

Alia exēpla vitiatę figurę proponit Galen. lib. de differ. morb.

c. 7. Qui enim Græcis βλαῖοι, Latinis Valgi & Vacix dicuntur, morbo laborant in figura, quia in his crura, quę rectam obseruare deberent figuram, obliquam habent: Valgi enim crura habent contorta versus partes externas. E contra illi qui Græcis

Valgi qui.

ῥαῖοι, & Latinis Vari nominantur, versus partes internas, igna-

Vari qui.

uorū more, crura habent contorta, ita vt genua ipsis inter ambulandum sese contingant. Hi denique, qui Planci appellantur, pedum figuram vitiatam habent: nam planci dicuntur qui pedes

Planci
qui.

habent præter modum planos in modum tabellarum planarum, quę plançę Latinis appellantur. Ploti etiam & Plauti vocantur:

Plauti
qui.

Vnde propter pedes planos, quos habuit Poeta Comicus Marcus Actius Sarsinates, primùm vocatus fuit Plotus, deinde Plautus, vt referunt annales virorum illustrium. Figuram etiam vitiatam habent multi, quibus ossa fracta fuere, & rursus malè recōcinnata: qui enim ita affecti sunt, tali membro, ad debitas actiones obeundas, uti, minimè possunt. Perperam quoq; agunt illi, quibus ob vehementiam doloris arthritici membra luxata sunt, & distorta seu euerfa. Similiter & malè agunt illi, qui luxatos habent articulos propter ossium supercilia (supercilia ossium sunt

labra offium cavitatem extremam augmentia) iam fracta: nam os, seu caput offis tunc ex articulo & cavitare alterius faciliè egreditur. Prædicta omnia vitia, vti gibbositas, & similia, iam nato homini aduentitia sunt, inquit Galenus. Nonnulla tamen vitia à prima generatione homini connata sunt.

Morbus in cavitare dupliciter contingit.

Secunda species morbi in conformatione est morbus in cavitare, qui fit propter vitium multitudinis, aut magnitudinis. Vitium magnitudini cavitatum accidere dicitur, vbi cavitates amplæ sunt, & afficiuntur: cuiusmodi sunt cavitates ventriculi, intestinorum, vesicæ, vteri. Vitium in multitudine accidit multis cavitatibus; vt contingit cavitatibus, siue ventriculis cerebri, qui plures sunt. De morbis in cavitare loquens Gal. c. 7. cit. ait: Iam

Vitium in cavitare accidit, quoties ampliatur aut angustatur.

verò cavitatum omnium quæ partibus debentur, tum magnitudo, tum multitudo, nisi seruetur, necessariò eorum occasione læderetur actio. Cuiusvis cavitatis vitium duobus modis accidit; vel quando laxatur cavititas, vel quando angustatur. Quinq; modis cavititas angustior fit: Primò, quando cavitatum latera præter naturam coalescunt: vt quando oris labia ob vlcera quædam eorundem labiorum veluti conglutinantur vtrinque: Simile quid mulierum pudendis virulentis vlceribus à lue venera ortis cõtingit: in ano etiam, ob vlcera quædam ibi inducta, simile quid aliquando oritur. Cavitates inter digitos à natura constitutæ aliquando deperduntur propter vlcera, aut præhumidam scabiem dictarum partium. Secundò, oritur meatuum angustia ab humoribus multis siue copiosis (etiãsi sint tenues); aut viscidis, aut crassis, vt habet Gal. lib. 9. meth. med. c. 1. Tertiò fit angustia cavitatũ, quando partes vehementer exiccantur, & seipsis longè aridiores fiunt: vt testatur Gal. cit. lib. 9. meth. c. 1. Propter siccitatem enim pars contrahitur, & in seipsam concidit, non aliter ac in corrigijs, fidibusq; plurimùm exiccatis contingit. Hanc

Marasmus quid.

ob causam, qui multum desiccantur, & marasmo laborant (est enim marasmus valde sicca, & frigida, aut calida, corporis intemperies) chylosas patiuntur deiectiones; quia chylus ad hepar deferri nequit, propter venarum meseraicarum, per quas deferri consuevit, nimiam siccitatem, & consequenter densitatem; vnde chylo via præcluditur, & vnà cum excrementis necessariò per intestina ad podicem vsque defluit, & veluti ventris fluxum concipiat.

tat.

tat. Quartò fit angustia aut condensatio cavitatum ob partē aliquā vicinā, quę in partes cavitatē pręditas incidit, easq; comprimit, meatusq; necessariò angustiores reddit; quod perpetuò in partu accidit, vbi mulieres nec fęces, nec vrinam reddere valent; quia & rectum intestinum, & vesicę collum, plurimum à fetu ad vteri, siue matricis orificium descendente, comprimuntur; adeoq; tam vrinę, quàm fęcum via propter dictarum partium compressionem, pro illo tempore, veluti deperdita est. In mea autem

Dum pręgnantes pariunt vix vrinā aut fęces reddunt.

Physiologia, libro de partibus corporis, dixi, vterum seu matricem inter vesicam, & rectum intestinum naturaliter collocari. Vnde matrice fetu repleta atq; distenta, necessariò vesica, & rectum intestinum comprimentur: ideoq; pręgnantes vltimis gravidationis mensibus, fetu magis magisq; crescente, frequentius vrinam reddere coguntur: Nam cum tunc perpetuò comprimatur vesica, vrinam ex renibus per vtreteres, ad eam, delatā, nequaquam diu retinere potest. Quintò, cavitates densantur, constipanturue, quoties partes cavitatibus pręditę indurantur, & simul aliquando comprimuntur. Tripliciter autem induratio fit ex Gal. lib. 5. de simpl. medic. facult. c. 5. Primò, quando humiditas rei alicuius exhauritur, & absumentur. Secundò, quando res aliqua distenta est, quia nimis repleta, vel quia nimis extenditur. Tertiò, quando res aliqua concrescit, vt aqua in glaciem concreta dura percipitur. Durities verò, de qua hęc Gal. loquitur, fit ob distentionem partis factam à repletionem: vnde nascitur tumor præter naturam, qui vndiq; comprimit vicinas ei partes, partemq; ipsam in qua est. Tumor autem ad internas cavitates extenditur, & meatus sic obstruit. Partium Phlegmonę

Triplex est duris.

(seu inflammatione cum affluxu sanguinis) affectarum cavitates hoc ritu obstruuntur; vt videre licet in dolore ileo, orto in intestino ileo, in quo ipsum intestinum obstruitur propter inflammationem siue phlegmonem eiusdem intestini. Talis autem inflammatio, siue tumor sanguineus, ita intestini cavitatem replet, & obstruit, vt excrementa nullo pacto descendere queant: inde perpetuus ferme vomitus, tam ciborum, quàm excrementorum. Nec sola intestini cavitates tunc obstruuntur, sed ipsius inflammatae partis intestini meatus, & vasa: nam omnes exigui quique partis meatus tunc humore in partem fluxu immodicè replentur, & ob-

Dolor ileus.

struunt-

struuntur : Inde periculum suffocationis caloris natiui partis trāspiratione priuata. Vnde in corruptionem sēpissimē degenerat, vt videre licet, in tumoribus in abscessum, aut gangrænā, & sphacelum, seu mortificationem partis, aut scirrhū tumorem durum & parū sensibilem degenerantibus. Eodem pacto, quo à phlegmone, cavitates & meatus obstruuntur ab alijs omnibus tumoribus præter naturā. In gangrænā tamen, ob partis affectā corruptionem, meatus omninò pereunt. Verū omnes tumores non solum partem, quam afficiunt, obstruunt, sed vicinas ali-

Exemplū. quando cavitates, vicinas partes comprimendo : vel vicinas cavitates replendo. Vidi enim iam à tredecim annis, Anno nimirum 1635. hominem senem, atrabilarium, cui in clune sinistra superuenit cancer non vlceratus, qui ita creuit vt ad podicem extenderetur, & perinæum, id est spaciū illud quod inter anum, & pudenda interiacet : Perinæo affecto vescicæ collum à cancro adeo compressum est, vt æger vrinam reddere nequiret : similiter & anus occlusus est, sed partim quòd ani caro musculosa cancro afficeretur, quo ani cavitates replebatur, sicuti cavitates intestini à phlegmone quæ ileum affectum parit : partim quòd ipsius intestini recti extremitatem comprimeret. Propter compressionem arteriæ in aliquā parte phlegmone affectā fit pulsatio frequens, & dolor, pulsatorius dictus : non enim liberè tunc arteria dimouetur ; quare creberrimus est eius motus, & dum comprimitur, & suo vicissim motu vicinas partes comprimit, dolor inde oritur pulsatorius dictus : de quo Gal. lib. 2. de locis affectis.

*Dolor
pulsato-
rius.*

Quoniam hæc doctrina plurimum lucis asferre potest ijs, qui morbos distinctè dignoscere satagunt, oportet vltèrius cum Gal. c. cit 7. libri de differ. morb. examinare tumorem parientem obstructionem : vtrum videlicet tumor partis alicuius obstructionem pariens, qualis est phlegmone intestini ilei, eiusdem intestini cavitatem replens, vnicus sit morbus, nec ne ? Huic quæsito cum distinctione respondet Gal. Quando, inquit, aliqui meatus ob tumorem præter naturā obstruuntur, duplex aliquando in parte est affectus, obstructio nimirum, & id quod obstructionem efficit, tumor scilicet. Aliquando v. vnicus adest morbus, obstructio videlicet. Pars igitur, seu corpus, vt loquitur Gal. quod tumore præter naturā afficitur, si nullam habeat propriam actionem,

*Soluitur
dubium.*

nem, vnicus tunc erit illius morbus, obstructio videlicet: nam tumor erit illius obstructionis causa, non morbus. Si v. pars illa, quæ in tumorem attollitur, veram, & propriam habuerit actionem, tunc in eadem parte duplex aderit morbus, cum duplex adsit actio lesa diuersarum facultatum: duplex ille morbus est obstructio, & tumor. Rem duobus illustrat exemplis idem Galenus. Si enim ita contigerit vt patiente tunica venæ, quæ, exempli gratia, est in concavis hepatis partibus, is meatus, per quem ad ea quæ in gibbis receptacula, mittitur sanguis, reddatur angustior; duo hac ratione erunt morbi; alter ipsius venæ affectus, alter meatus obstructio. Impedit autem venæ quidem affectus sanguinis optimi generationem obstructio verò distributionem: vtraq; verò operatio animali est necessaria. Nam pro confessio habetur, quod quæcunque dispositiones primò lædunt operationes, morbi nuncupantur. Si verò nihil ipsa patiente vena, lenti tātur modè, & crassi humores impaëti meatibus, distributionem impederint, vnus tantum erit visceris (id est hepatis) morbus, puta obstructio. Idem euenit intestino, si sola adsit obstructio, vnus tantum erit morbus: eodem verò intestino inflammationem patiente, & propterea interioris spatij obserante spatium, ita vt excrementorum descensus prohibeatur, duo erunt morbi. Sæpius *Morbis* n. ex morbo alter contrahitur morbus: vt in ijs quos nuper dixi *morbum.* *generat* mus, facile constat: nec minus vbi inflammationi, erysipelati, herpeti, carbunculo, vel tali cuiquam morbo, febris adiungitur. Non nunquam v. effectus ipse morbi est operationis oblectio, quàm deet passionem & symptoma appellare: eiusdem a. causam, ipsum morbum: veluti obstructio causa est, ne alimentum digeratur: refrigeratio verò vt quis sensum habeat difficilem, in causa est: atq; ita morbus symptomati originem præstat. Cum verò ipsa dispositio operationem primò impederit, eiusdē a. dispositionis causa nullam attulerit primò offensionem, dispositionem quidem morbum: quod autem ipsam facit, causam morbi dicere oportet: veluti in lentis humoribus, atque obstructione contingit: ipsa siquidem obstructio est morbus, humores verò morbi causa. Quicunque igitur morbi concavitatibus adueniunt, cum præter modum obstruuntur (cauitates scilicet) vel laxantur (i. nimium aperiuntur), omnes ad formationis genus referuntur; in his siquidem

dem omnibus formatio naturalis quodammodo vitiatur . Hætenus Galenus.

Ex hoc Gal. contextu, quàm ex Galeni interpretibus, clariùs percipitur doctrina proposita. Dixit autem Gal. quòd si pars tumore affecta nullam habeat propriam actionem, eam unico affici morbo. Nomine propriæ actionis intellexit actionem instrumentalem: nam actione communi, vt coctione, retentione, attractione, & expulsionem, ac nutritione, omnes corporis partes fruntur. Nomine deniq; tumoris non intellexit Galenus tumorem, magis propriè sumptum, quatenus quatuor tantum species comprehendit; phlegmonem, quæ fit à Sanguine; erysipelas, quod à bile: edema, quod à pituita: & scirrhum, qui à melancholia; sed tumorem accipit pro eleuatione aut inflatione alicuius partis; siue in talis partis corpore, aut substantia, nullus sit imbibitus humor, siue secus. Tumor in hac laxiori significatione comprehendit veros tumores iam nominatos, qui proueniunt ex humore extrauafato, fluxuq; ad partem aliquam (vt plurimum: nam aliquando ex congestione humoris superflui eiusdem partis nascitur) & in ipsa partis substantia imbibito, sed insuper corpora inflata. Vnde ventriculus nimio cibo tumescens, dicitur in tumorem attolli, etiam si eius corpus non sit vllò superfluo humore refertum: imò, quia tunc distenditur, attenuatur, & nullatenus tumescit in sua substantia. Venæ similiter ob plenitudinem humorum, aut humorum simul & flatuum, in tumorem attolluntur: ideoq; vnum ex signis plenitudinis in aliquo corpore est venarum nobis apparentium, vt frontis, colli, manuum, & pedum, tumor. Quoties pariter intestina fecibus, humoribus superfluis, aut flatibus, replentur, in tumorem attolluntur. Vesica etiam vrina repleta in tumorem attollitur; & propterea imus venter propè os pubis, vbi latet. Vniuersus etiam venter inferior solus tumidus fit in duabus illis hydropis speciebus, tympanite, & ascite: quia in tympanite copiosi flatus & aqua simul cauitatem replent inter peritonæum & intestina: in ascite aqua magis quàm flatus eandem implet cauitatem. In his omnibus tumoribus tunica dictorum instrumentorum in sua substantia attenuatur: vniuersum tamen instrumentum tumere dicitur; quia eius cauitas nimis repleta est. Tumores autem humorales, & proprii, sunt, quoties partis substantia

*Propria
actio.*

*Tumoris
species.*

*Plenitudinis
indicium.*

*Tympani-
tes, &
ascites.*

tia, seu corpus, superfluo humore repletur.

His positis, dicendum, partem in tumorem eleuatam propter molem superfluam in sua cavitare contentam, vnico solo morbo obstructionis laborare: duplici v. quoties corpus partis propter humores superfluos in eo imbibitos intumescit: Tumor. n. huiusmodi dilatatur & extenditur ad interiorem instrumenti cavitatē, quam obstruit: & præterea ipsius instrumenti corpus in se afficitur; quia adest intemperies cum affluxu humoris, & solutio continui, si non manifesta, saltem occulta, propter separationē particularum partis ab inuicem. Dum phlegmone, scirrho, & edemate, aut erysipelate corpus intestini, ventriculi, venæ, arteriæ, aut alterius instrumenti caui, afficitur, instrumentum tunc duplici morbo laborat. Verum si pars aliqua non habens manifestas cavitates tumore afficiatur, tunc talis pars non dicitur laborare morbo in cavitare, licet pori, exilesq; meatus partis obstruantur, sed morbo potius in magnitudine, intemperie, & solutione continui. Sic ergo intelligendus est Galenus, quem non exposuere nisi leuiter & obscurè tres illi interpretes, Tubingensis Germanorum Galenus, Valleriola, & Segarra, qui tantum, quod sciā, prouinciam exponendi Galeni Pathologiam susceperē.

Subiunxit Gal. in cōtextu, morbum vnum esse aliquando causā alterius morbi: Tumor v.g. intestini est causa obstructionis: causa febris sepè est phlegmone: talis tamen febris symptomatice dicitur apud Gal. lib. 1. de Arte cur. ad Glauc. c. 3. Nā cum tollatur febris illa ad ablationem primi morbi, symptomati assimilatur, et si actiones ipsa lædat: in quo longè à symptomate recedit. Monet ergo Gal. id, quod morbum ordinariè sequitur, esse noxam siue vitium actionis, quæ noxa tum pathema, tum symptoma appellatur: pathema; quia est motus seu aliquid quod est semper in fieri: dicitur symptoma; quia sequitur morbum, vt vmbra corpus. Causa huius symptomatis morbus dicitur. Id autem quod morbum generat, causa appellatur: Obstructio v.g. venæ, quæ ordinariè ab humoribus glutinosis, & crassis, vel à crassis tantum, fit, est morbus. Humores autem obstruentes sunt causa: Vitium verò distributionis, obstructionem consequens, est symptoma. Obstructis autem venis, sanguis partibus corporis nutriendis solito more non distribuitur; quia via præcluditur propter humores

Difficultatis solutio.

Morbus vnus est causa alterius.

Pathema.

Symptoma.

*Transpi-
ratio re-
spirationi
correspon-
det.*

fixè hærentes & obstruentes venas. Venarum obstructionem sequitur adhuc trãspirationis retentio; vt habet Gal. lib. 11. meth. med. c. 9. Retentio autem transpirationis idem est, ac trãspiratio-
nẽ, quẽ respirationi correspondet, in obstructis & stipatis partibus lædi: atque adeò calorem natiuũ partium stipatarũ nõ ventilari, sed partim extinguì, partim à vaporibus fuliginosis retentis suffocari: inde calor putridus nascitur. Obstructionẽ varia sequuntur symptomata: transpirationis vitiũ siue læsio, quã mox sequitur fuliginosi vaporis retentio, quod vitium est symptoma in retentis; vt suo dicemus loco, libro videlicet tertio huius operis. Propter obstructionem alimentum nõ digeritur, aut distribuitur per venas: vt iam antea dictum est. Sed hæc de morbis in cavitatibus, & meatu sufficiant.

*Morbus
in superfi-
cie.*

Tertia species morbi in formatione est illa, quã dicitur esse in superficie. Natura autem prouida nonnullas corporis partes ob insignem earundem vsum laues conformauit: vt sunt fauces, articuli, trachæa arteria, lingua, quædam ossa &c. Alias verò partes ex aduerso efformauit asperas, vt ventriculũ, & intestina, quẽ rugis quibusdam in interna superficie ad ingestorum retentionem fruuntur. Duplex ergo est morbus in superficie:

*Morbus
in asperi-
tate qua-
lis.*

Vnus in læuitate: alter in asperitate, aut inæqualitate. Morbus in asperitate est dispositio orta in partibus naturã suã læuibus ex introducta asperitate: fauces enim exasperatæ ob humorem è cerebro fluxum, iisdemq; tenaciter hærentem, vel propter exco-
tationem in eis ab humore salso aut acri factam, alimentorum deglutionẽ impediunt: vox inde rauca fit, tussisq; excitatur. Lingua similiter in ardētissimis febribus exasperata est; & adeò scabra, vt imperfectam loquelam faciat. Morbus in læuitate est dispositio præter naturam in superficie partium ex sua natura asperarum, aut inæqualium, ab adueniente læuitate orta: Consimili morbo non raro laborat ventriculus, & intestina, dum præter naturam læuigantur: tunc enim alui fluore laborat homo; quia ventriculus rugis, quibus ingestum alimentum, tanquam sinibus & plicis, complectebatur, priuatus, & in interna superficie læuigatus, amplius quidpiam comprehendere, aut retinere nequit: & tunc affectu illo, qui Lienteria appellatur, homo laborat. Lienteria autem idem est, ac intestinorum læuitas, ob quam alui fluor accedit: ali-

*Morbus
in læuita-
te.*

*Lienteria
quid.*

menta.

menta enim incocta, instar excrementi, antequàm in chylū conuertantur, per podicem deijciuntur. Sed hic affectus non rectè lienteria appellatur, quia ob læuitatem ventriculi præcipuè oritur, teste Galeno.

Animaduertendum ex Gal. partes naturaliter læues, immodicè læuigatas, morbo affici in superficie, veluti partes naturaliter rugatas, si immodicè exasperentur.

Tandem post dicta addit Gal. cit. cap. quæ sequuntur de figura & cauitate: Illud quoq; hoc in loco agnoscere oportet, quòd sæpius figura particulæ oblæsa, aliquem simul meatum offendit. Veluti in naso aliquando vsu venit, quòd ex ictu violento resimatus, adeò internum compressit meatum, vt vel nullo modo, vel egrè per ipsum respiraret. Constat igitur, quòd in huiusmodi affectibus angustia meatus est morbus: nam primum ipsa spirandi officium impedit: Causa verò præcedens, simitas nasi, quæ naturalem eiusdem figuram deprauarit. In genere igitur formationis cùm tantum à naturæ modo discessum fuerit, vt operatio lædatur, quæ nuper dicta sunt, morborum discrimina fient. His visus est Gal. ostendere morbum in figura non semper esse morbum, nisi quando immediatè lædit actiones: Nam, inquit, quando figura vitiata est, contingit vnà cum illa dari morbum in meatu: id quod in naso facile conspicitur. Cùm enim propter violentum ictum sinus est factus, internum meatū adeò adstringit, vt per ipsum vel nulla omninò, vel admodum difficilis fiat respiratio. Ibi enim patet, meatus constipationem esse morbum, qui primò respirationis functionem obturbat, & impedit. Causa autem huius constipationis est resima nasi figura, seu simitas, quæ naturalis figuræ vitium est. Voluit ergo Gal. morbum hunc in figura non esse morbum eo modo, quo ordinariè morbus accipitur. Nam talis communiter dicitur, quòd lædat actiones. In casu autem iam posito actiones non lædit; sed alium morbum inducit: & quia tunc causæ rationem habet, vitium illud in figura, morbi, simpliciter loquendo, rationem habere non videtur: nisi dicamus morbum esse morbi causam.

*Morbus
in figura
causa ra-
tionem
aliquando
habet.*

De morbo in numero.

*Quid mor-
bus in nu-
mero.*

HOc est secundum genus morbi partium dissimilari-
um de quo differtè Gal. lib. de differ. morb. c. 8. Morbus
in numero est affectus præter naturam actiones lædens
propter redundantiam, aut defectum numeri partium compo-
nentium instrumentum. Est igitur morbus in numero duplex:
Vnus in numero addito; alter in numero deficiente. Vtrumque
hoc genus in duas species dirimitur: & primum quidem genus in
numero abundantis est illud, quod est ex genere eorum, quæ se-
cundum naturam sunt, vt sextus digitus, aut septimus, & octauus
simul: duæ manus in eodem brachio &c. Sextus autem digitus
est eiusdem naturæ cum reliquis digitis; cum carne, neruis, venis
arterijs, ossibus, & reliquis partibus, quibus alij digiti fruuntur,
constet; eandemq; fortiatur compositionem, ac illi. Sextus autem
digitus comprehensionem rerum, quæ est manus actio, lædit; seu
potius dispositio inde resultans est quæ verè lædit; Idem dicen-
dum de vngue, siue pterigio in oculo. Est enim vnguis membra-
na quedam, adnatæ similis, quæ in eadem tunicâ adnata super-
crescens à maiori oculi angulo ad coronam, seu iridē ita aliquā-
do extenditur, vt pupillam cooperiat, & visum impediat. Germe
pariter, seu tuberculum, seu polypus, nares aut narem obstruens,
est morbus in numero addito, seu potius causa morbi, obstru-
ctionis scilicet: Est tamen substantiæ nasi persimilis. Caruncula
etiam in vrethra, seu meatu urinario, huius est census, id est mor-
bus in numero addito, & causa obstructionis. Caruncula etiam
vera in naso, à polypo diuersa, est etiam numerus additus.

*Morbus
in numero
duplex.*

*Morbus
in numero
addito, du-
plex.*

*Primum
eius ge-
nus.*

Pterigiū.

Polypus.

*Caruncu-
la in mea-
tu urina-
rio.*

*Secundum
genus mor-
bi in nu-
mero re-
dundan-
te.*

Lumbrici.

*Meliceri-
des.*

Secunda species morbi in numero redundante oritur ex addi-
tione alienarum rerum, quibus nihil simile in corpore naturali-
ter extat. Et res tales numerum augentes, dicuntur res toto ge-
nere præter naturam à Gal. quia præter dispositionem præter na-
turam, quam in parte, cui adueniunt, efficiunt, in se sunt res om-
ninò alienæ à natura hominis. Lumbrici in intestinis, ventriculo,
aut alijs partibus geniti, sunt huius tribus: Ascarides pariter, ver-
mium minorum genus: Melicerides, siue tumores illi toto ge-
nere præter naturam, in quibus materia quædam melli non absi-
milis

milis continetur: Atheromata, seu tumores in quibus materia pulti similis reperitur: Steatomata tumores, in quibus aliquid seu no simile cōcluditur: Lapis in vesica, renibus, vreteribus, aut alibi; Grando, & suffusio in oculis: Pus, & cuncta quæ in abscessibus reperiuntur, vt sunt pili, ligna, lapides, limus, testæ, carbones; vt habet Gal. lib. 14. meth. med. cap. 12. Acrocordones pariter; sunt enim verrucæ pensiles, seu pendentes, sic dictæ, quod pendeant ob colli aut pediculi longitudinem. Vitiligo etiam, quæ est affectus quidam in habitu corporis, ortus ex deprauata alimenti assimilatione. Duplex autem est: vna vitiligo alba nuncupatur; quia color albicans in cute percipitur, propter prauū humorem, quo partes subcutaneæ nutriuntur. Vitiligo nigra est nigricans cutis color, natus ex prauo etiam nigricanteq; nutrimento. Lepre sunt in hoc ordine; idem enim significant apud Græcos ac scabiem. Vnde Græcorum hæc lepra distat longè à lepra Arabum, quæ Elephantiasis communiter dicitur. Calli etiam sunt res toto genere præter naturā, & morbum in numero addito efficiunt. Quæ autem ex dictis omnibus actionem primò lædunt, aut impediunt; sicuti vnguis crescens immodicè (Græcis pterygion) & pupillam obtenebrans, suffusio etiam, morbi censendi sunt. Quæ autem actiones non lædunt, causæ rectius, quàm morbi dicuntur, vt loquitur Galenus. Vnde polypus, vel carneum germen, nares obstruens, causa dicitur; quia obstructionem parit: & hæc immediatè actionem lædit, respirationem scilicet.

Atheroma.
Steatoma.

Acrocordones.

Vitiligo duplex.

Polypus.

Secundum genus morbi in numero dicitur illud, quod ex defectu nascitur: communiterq; morbus in numero deficiente nuncupatur: & hoc genus in duas diuiditur species. Vna est, in qua pars aliqua integra instrumenti sublata est: Altera in qua pars solummodò partis ablata est. Deficientium autem partiū nonnullæ quidem funditus abolitæ sunt, nonnullæ verò ex dimidio præcisæ, ac mutilatæ, vt loquitur Gal. Neq; autem obscurū est multa talia vitia animantibus in ipso protinus ætero, primaq; sui conformatione solere contingere: Nam mutilatos multos nasci videmus. Iam verò in lucem editis atq; perfectis animantibus, ossa quidem sæpius tota eximuntur è digitis, & artubus, & capite, & costis. Nonnunquam verò & digitus aufertur, & pes, & extrema manus, & tibia, & cubitus. Extrahuntur etiam venæ varicosæ, &

Morbus in numero deficiente in duas species diuiditur.

ſe, & glandulę induratę, & dentes exefi. Aufertur pariter & gurgulio, & omentum, & præputium, & aliqua verendorum particula: nonnunquam & penis integer, quemadmodum & testes. Quidam enim couulfione, ſeu diſtentione neruorum, ſeu ſpaſmo laborans (vt notauit Galenus) linguę partem anteriorem mordicis abſcidit: qui demum ex ſpaſmo ſanitati reſtitutus, minùs facilè ſermonem potuit explicare. Huius generis ſunt ea omnia, quę mutilationes appellantur, labiorum, narium, aurium: & quęcumq; partes carnulentę, vel vi auulſę, vel putrefactę, ex toto reſectę ſunt. Nam in his calamitatibus omnibus numerus partium naturalis non impletur, ſiue vna, ſiue duę, ſiue plures partes deſecerint, ſiue integram paſſę abolitionem, ſiue partim ſublatę fuerint. Non eſt difficile propoſita exempla duabus propoſitis à nobis ſpeciebus adaptare: nam pars naſi, aut digiti, aut portio venę, aut muſculi, aut offis, aut nerui adempta, morbum in numero deficiente parit, non abſolutè, ſed ex parte; quia tota pars ablata non eſt. Similiter oſſa digiti ablata, reſpectu digiti, ſunt partes, etſi tota eximantur: Et digitus integrè abſciſſus eſt pars pedis, aut manus abſciſſa; licet in ſe conſideratus ſit inſtrumentum. Pes autem ablatus, licet in ſe inſtrumentum ſit, magni tamen pedis pars eſt. Pars verò integrè ablata manifeſtè morbum parit in numero deficiente.

Quęcumque, inquit Gal. ex his, aut conſimilibus vitijs operationem impediunt, ſimili ratione (ac morbus in numero addito) inter morbos locabuntur: Quęcumq; verò aliquam aliam partem operationis effectricem refrigerant, aut parcè alimentum diſtribunt, ſunt morborum cauſę. Quędam verò vtramq; rationem complectuntur, & morbi, & cauſę. Vult enim Gal. quarundam partium ablationē morbum generare: quarundam verò ablationem eſſe cauſā morbi: & quarundam ablationē, morbum ſimul, & morbi cauſam eſſe. Affectus autem habens rationem morbi, ſimul & cauſę morbificę, emergit ex gurgulionis amiſſione. Nam gurgulio radicatus exſectus vocem lędit: & ſic morbus rectè dicitur; cū relicta diſpoſitio poſt eius ablationem, vocem, quę vera actio eſt, lędat. Quatenus autem talis diſpoſitio ex amiſſo gurgulione orta, aeris ambientis ſine morā & præparatione ingreſſum ad pulmones permittit, cauſa dicitur refrigerationis

*Gurgulio-
nis abla-
tio morbum
procreat.*

nīs pulmonum & pectoris. Nam ante gurgulionis integram ablationem, aer attractus aliquandiu in ore detinebatur, & tepidior sic factus pulmones subinde suā frigiditate non infestabat: sicuti nec vniuersam thoracis cauitatem, aut immediatē ipsum cor, caloris natiui fontem. Consimilis intemperies frigida ventriculo accidit ob omenti defectum, vt monet Gal. lib. 4. de vsu part. c. 9. vbi historiam gladiatoris enarrans, dicit hunc omento carentem, frigidum deinceps habuisse ventriculum, qui ideò perpetuo fomento, lanā, aut alterā re congruente, facto, indigebat. Deniq; alimenti defectus est morbi causa: qui defectus aliquando nascitur ex venæ alicuius ablatione. Nam, abscissā venā, partes ad quas per eandem venam sanguis deferebatur, non benè nutriuntur: imò aliquando nullo modo reficiuntur, si præcipuæ venæ, quæ ad tales partes protendebantur, abscissæ fuerint. Si verò quintus digitus manui adimatur, inde morbus nascetur solam actionem manus, comprehensionem scilicet, lædens.

Gurgulionis ablatio est causa morbi.

Omenti ablatio.

Vt hæc doctrina clarior euadat, notanda sunt quæ docet Gal. cit. c. 9. lib. de differ. morb. ait enim se docuisse lib. de facult. nat. & lib. de vsu part. nonnullas animalis partes vtilem operationem toti animali conferre: & hæc quidem sunt partes illæ, quæ principes dicuntur: nam hæc rem aliquam toti corpori vtilem tribuunt. Sunt tamen aliæ quædā partes, quæ nihil agunt sed vsum aliquem agentibus partibus afferunt: hæc autem partes quæ vsum præbent, sunt partes alicuius instrumenti, quæ quidem actionem instrumenti non edunt, sed vsum quendam parti præcipuæ, quæ actionem edit, præbent. Verum si huiusmodi partes instrumenti in se considerentur, prout similes sunt, reuera actiones edunt vt habet Gal. lib. 2. meth. c. 6. Nam cum nutriantur, vim habent coëtricem, retentricem, attractricem, & expultricem. Sub hac tamen consideratione ad instrumenti actionem nullo modo concurrunt, sed quatenus vsum solummodo præbent. Huius rei exemplum habemus in oculo visionis instrumento, in quo præcipuus visionis author est humor crystallinus, reliquæ autem oculi partes huic humori vsum præbent, vt in eo visio debite fiat. Ille ergo est præcipuus visionis author, primaq; causa: reliquæ verò partes illū præmuniunt, & fulciunt: Vnde cum omnes oculi partes requiritæ sint ad visionem edendam, humor crystallinus tanquam pri-

Partes principes quæ.

Partes vsuales instrumenti, nisi quatenus similes sunt, actiones non edunt.

ma præcipuaq; causa, reliquæ oculi partes tanquam vsum præbētes, totus oculus visionem edere dicitur: quia crystallinus, sine aliarum oculi partium adminiculo, visionem non ederet. Instrumentum autem est animalis pars, quæ perfectam edere actionem potest, veluti oculus visionē, crura itionem, & lingua loquelam, vt loquitur Gal. lib. 1. meth. cap. 6.

Quid instrumentū.
Sciendū insuper duo esse peculiaria parti præcipuę instrumenti, quę edit actionem: Primum est, vt nullam in corpore consimilem habeat partem, vt habet Galen. lib. 4. de vfu part. c. 12. & lib. 6. de decretis Hipp. & Platon. c. 8. Secundum, vt illa pars præcipua instrumenti proprium & adæquatum temperamentum ad actionem instrumenti accommodatum habeat: vt docet Gal. lib. 1. meth. c. 6. & lib. cit. 6. de decretis. His positis

Partis præcipua instrumenti due conditiones.
Dicit Galenus, quod affectus, qui veram instrumenti actionem lædunt, morbi sunt: at verò affectus, qui vsum aliquem subtrahunt tolluntue, non morbi, sed morborum causę censentur. Hanc doctrinam fusè exposuit Gal. lib. de differ. morb. c. 6. vbi exemplo rem perlustrat. Si autem humor crystallinus morbo afficiatur, visio necessariò læditur: Si verò reliquę oculi partes vehementer egrotauerint, actionem, visionem scilicet, impediunt: Idq; dupliciter, vel prout dicti affectus sunt causę, vel prout veri

Affectus morbus, & affectus causa.
morbi. Inflammatio v.g. tunicę adnatę, ophthalmia communiter Gręcis dicta, si visionem impediat, quatenus noxam infert humori crystallino, causę præcipuę visionis, causa morbi qui lædit visionem, non autem morbus visionem lædens dicetur; quia eadem inflammatio per se visionem non lædit, nisi mediatę, morbum nimirum in humore crystallino intröducendo, qui morbus, siue fuerit nuda intemperies, siue intemperies cum affluxu humoris, est qui immediatę visionem lædit. Morbi tamen aliqui aliarum partium à cristallino possunt reuera visionem lædere, etiamsi tunc crystallinus illæsus fuerit: Vnguis v.g. ad coronam vsque extendi potest; & tunc non solum adnatę tunicę, verum etiam corneę morbus erit; visionemque, eam impediendo, lædet, nullū interea humori crystallino damnum inferens. Suffusio pariter propè pupillā, & remotè à crystallino fit, visionemq; lædit. Vnde quiuis morbus, siue partis vsualis instrumenti, siue partis præcipuę, qui actionem per se lædit, verè morbus dicetur.

In corpore nostro nonnullæ extant partes, quæ duplicem actionem, imò plures, & aliæ quæ duplicem vsum habent. Quare sæpè hæ in vnica offensione duplicè subibunt, vel causæ, vel morbi rationem. Cor v.g. vim habet generandi spiritum vitalem, & vim dimouendi seipsum, & arterias. Læso ergo corde hæ duæ actiones læduntur: & sic morbus, quo cor afficitur, duplicem morbi rationem habebit; cùm duplicem lædat actionem. Idem de ventriculo dicendum, prout etiam est instrumentum: Nam quatenus tale, vim habet attrahēdi ex œsophago, & ore alimentū; aliā habet vim retinendi alimenta iam attracta: habet insuper illam actionem, quæ alteratio, & concoctio alimentorum ingestorum dicitur; ac tandem vim expellendi idem alimentum, & excrementa ad intestina. In Physiologia diximus ipsum attrahere mediantibus rectis fibris; retinere mediantibus obliquis, concoquere vi peculiaris temperamenti, figurę, ac reliquarum eius dispositionum; expellere vi transversarum fibrarum. Quoties ergo morbo aliquo ventriculi corpus afficitur, necessariò hæ omnes actiones læduntur; & talis morbus quadruplicis morbi rationē subibit. Quod de corde, & ventriculo dictum est, idē de reliquis partibus instrumentarijs dicendū. Partes pariter, quæ duplicè præbent vsum, dum afficiuntur, causam continent morbificā duplicis causę rationē habentem. Trachęa v.g. arteria vsum præbet partibus, quę loquelam edunt, partibusq; insuper respirationē efficiētibus. Vnde hęc affectā, aut excisā (nam de morbis in numero deficientibus hęc agimus) vna aderit causa duplicis causę rationem obiēs. Idem dicendum de dentibus incisorijs amissis, qui vsum præbent partibus quę loquelam edunt, & concoctioni ventriculi. His ergo exemptis, vox & coctio læduntur.

Diximus adhuc cum Gal. dari partes aliquas, quę actionem edunt, & vsum alijs partibus præbent: quibus abscissis resultat affectus actionem lædens, & instar causę morbum in alijs partibus producens, quia his vsum præbebat. Exempli gratia de gurgulione loquuti sumus, qui eradicatus siue ablatus, quia vnā cum alijs vocem edebat, morbum post se relinquit: quatenus aerem inspiratum preparabat, calefaciebatq; ante eius ad pulmones ingressum, tunc causa intemperiei frigidæ pulmonū censetur: Nam non ampliùs aeris frigidi ingressum impedit, cùm deficiat, & non

*Partes
quedam
plures e-
dunt actio-
nes.*

*Quadruplex ven-
triculi ac-
tio.*

*Morbus
vnus ven-
triculi
quatuor
actiones
lædit; imò
ipsam de-
mum nu-
tritionem.*

Phtifis.

amplius adfit. Talis autem affectus multis Phtificis accidit propter aeris, falsiue humoris è cerebro in trachæam arteriam assiduam fluxionem. Nam humor huiusmodi continuò fluens gurgulionem corrodit, consumitq; nō rarò: inde vocis defectus multoties contingit.

*Vua.**Columella.**Gargarëo, seu gurgulio quid.**Dubio occurritur.**Incisorij dentes.*

Quoniam aliqui dicere contenderent morbum in numero deficiente, in parte ablata consistere, non verò in remanente; Galen. c.8. cit. lib. de different. morb. docet morbum illum in parte remanente contineri, exemplo gurgulionis, & amissorum dentium. Gurgulio autem seu columella, seu vua (vnam vocat Gal. cit. cap. etsi tunc ratione morbi cuiusdam ad vuæ similitudinem introducti, ita dicatur, sicuti columella propter alium affectum: quando nimirum aequaliter instar columnæ inflatur) gargarëon Græcis nuncupatur: Estq; caro fungosa oblongaq; , è palato iuxta narium meatum in os propendens; & superiori quidem parte iuxta radicem latior, inferiori verò in modum pyramidis acuta, & multò subtilior. Hinc liquet gurgulionem esse partem quandam lati spatij oris; quod spatium palatum communiter appellatur. Vnde exciso gurgulione aliquid palato deficit. Ergo excissa columella morbus in palato extat, & non in parte decisa, sed mutilata. Nam morbus est id quod lædit actiones. Sed actio (vox nimirum) tunc in palato læditur. Ergo in palato tunc (abscissa nimirum columella) est morbus. Palatum autem, deficiente gurgulione, est pars mutilata, & viuens: Quare in hac, & non in parte abscissa, & iam demortua, morbus consistit. Similiter & respiratio læditur ab intemperie frigida pulmonum causata, ob defectum gurgulionis in palato, proinde mutilato. Simile dicendum de dentibus qui decidunt; nam tunc vox læsa in ore, non in amissis dentibus, vt cuius constat, percipitur. Si autem molaris dens, qui ad mandendū munus idoneus est, deficit, mandendi actio necessariò læditur. Si incisorij dentes deficient, mandēdi, simul & loquendi munus offenditur: nam ad has ambas actiones, diuidentes illi dentes conducunt. Idem dicendum de linguâ, totaliter, aut secundum partem abscissâ; sicuti de reliquis omnibus vniuersi corporis deficientibus partibus.

Occurrit præterea Gal. alteri dubio, quod alicui difficultatem pareret, circa ea quæ dicta sunt: Nam morbi in numero defi-

cien-

ciente videntur contineri sub morbo in quantitate diminuta: deficiente enim parte alicuius instrumenti, videtur eiusdem instrumenti quantitas diminui. Galenus hoc dubium sic diluit: In lingua, omento, obſcenis partibus, arteriâ, venâ, neruo, cute, adipe, membranâ, carne, vuâ, venis varicofis, ex parte amputatis, aut abſciſſis, ſicut in ipſis instrumentis ex parte etiâ mutilatis, reperitur aliqua magnitudinis diminutio: Sed propterea totum animal diminutum non adeo cenſetur, vt mutilatum eſſe dicatur: id eſt, quamvis à parte instrumentariâ aliquid tunc abſtractum fuerit, quod illam antea augebat; talis defectus propter ſui exiguitatem non meretur nomen morbi in quantitate diminuta; quia totum animal tunc mutilatum, aut notabiliter diminutum non dicitur: ſed instrumentum tantum illud, à quo deciditur aliqua pars ſimilaris totaliter, aut ſecundum aliquam ſui portionem, diminutum dicetur: ſicuti quando ab eodem instrumento, lingua v.g. aliqua eius portio demitur. Tunc enim aliquis numerus partium componentium instrumentum erit ablatus, inquit Galenus. Rectius ergo præfati affectus morbi in numero deficiente, quàm in quantitate diminuta appellandi ſunt. Si tamen instrumentum aliquod magnâ ex parte deficiat, vt crus, brachium, manus, & ſimilia, tunc morbus aderit in magnitudine, ſimul & numero: in numero; quia partes conſtituentes instrumentum deficiunt, quales ſunt ſimilares, in magnitudine; quia instrumenti debita moles deficit, ob quam animal merito mutilatum dicitur, cum defectus ille, ſenſibilis, & magnus ſit. Tanta eſt horum morborum in numero, & quantitate deficientibus cognatio, vt in eodem prædicamento collocari poſſint, vt Galenus refert. Non enim vult morbum in numero deficiente, & in quantitate diminuta, poni abſolutè in prædicamento quantitatis; cum omnes morbi participatione vnius generis, vnum ſint, & in prædicamento Qualitatis collocatum. Sed dicit tantum dictos morbos ratione molis deficientis, & numeri, poſſe in prædicamento Quantitatis collocari.

Hinc liquet Argenterium ſatis infeliciter aſſerere, membrum diminutum non eſſe morbum in numero diminuto, ſed in diminutâ quantitate; quia, inquit lib. de morbi generibus cap. 9. nulla tunc pars ſimilaris integrè deficit, ſed ex parte tantum.

Dubio occurratur.

Argenterius conuelliſſetur.

Parum, inquam, rectè hæc protulit; quia Gal. morbum in numero deficiente duplicem posuit: Vnum qui resultat ex parte integrè ablata: Alterum, qui ex ablata particula partis: Et sic duplex emergit morbus ex instrumenti mutilatione: vel vnicus morbus duplicis morbi rationem habens. Præterea, vt defectus partis magnitudinis instrumenti morbum in magnitudine diminuta constituit; sic defectus partis numeri morbum in numero deficiente: Sed defectus partis aut portionis instrumenti morbum efficit in quantitate diminuta: Ergo defectus portionis numeri morbum efficit in numero deficiente. Par enim est vtroque ratio.

De Morbo in Magnitudine.

*Morbus
in magni-
tudine du-
plex.*

*Atrophia
est morbus
in quanti-
tate dimi-
nuta.*

Morbus in magnitudine dicitur affectus præter naturam, actiones primò lædens, qui ex vitio quantitatis emergit. Duplex est: Vnus qui ex quãtitate adaucta resultat: Alter ex diminuta. Morbi in quantitate adaucta pueris, vt potè crescentibus, & ratione calidi innati vegetioribus, frequentius, quàm adultis accidunt: Sed his quàm pueris morbi in quãtitate diminuta; vt constat ex ijs qui frequenter atrophiam laborant. Atrophiam autem, id est alimentum defectum (Phtisin, id est tabem nonnulli nuncupant) totum corpus, aut aliquod membrum non rarò laborat, vt quotidiana nos docet experientia in multis, quorum corpora, aut membra aliqua ita marcescunt, vt omni carne exuta videantur. Et hoc est exemplum morbi in quantitate diminuta, & in corpore toto, & in parte. Addere possumus linguam fuisse alicui ita diminutam, vt non potuisset præ exiguitate ad omnes oris partes extendi.

*Smyrnei
magna
moles.*

Varia morbi in magnitudine adaucta exempla proponit Gal. lib. de differ. morb. c. 9. Nicomacho autem Smyrneo, inquit, ad tantam molem corpus increuit, vt loco moueri non posset: Sed hunc aiunt ab Esculapio curatum. Nos autem vidimus, inquit, cuiusdam linguam supra modum absq; vlllo doloris sensu excreuisse, substantiam eiusdem linguæ nullatenus viciatam. Nam nullo afficiebatur dolore præter naturam: non oedemate; quia nullus adfuit tumor albicans, aut mollis, in quo digitorum impressorum

vesti-

vestigia remanebant: Non afficiebatur scirrhus; quia non aderat durities, aut insensibilitas, aut liuiditas: Nec afficiebatur phlegmone; quia nullo torquebatur dolore, nullaque adfuit renitentia. Fuit ergo lingua solummodo adaucta ratione veræ nutritionis copiosæ, & non aliter, sicut creuit Smyrnæus, & crescunt in dies ratione ocij, & alimenti boni succi, mulierculæ multæ, multiq; ex Epicuri grege luxui, & delicatulæ vitæ addicti. Partes viceratæ, dum mundantur, augentur propter carnem superflue crescentem. Priapismus similiter, seu inflatio & inuoluntaria tensio membri virilis, est morbus in magnitudine adaucta istius partis. Strumæ etiâ, seu scrophulæ sunt ex hoc genere, sicuti testiculi aucti, & mammæ, seu vbera impensè aucta, vt actioni incommodent. Et ex eodem etiam sunt genere angulorum in oculis immoderationes, seu immodicum augmentum, ex quo resultat affectus ille, qui Enchantis appellatur. Ex diminutione eorundem angulorum nascitur quidam affectus, qui rhæas dicitur.

Priapismus.

Enchantis.

Rhæas.

Tumores præter naturam in hoc genere morbi in magnitudine adaucta collocantur, tametsi in ijs sit aliquid in numero addito, materia scilicet purulenta, si ad suppurationem, aut abscessum, aut mortificationem partis terminentur. Ad pleniorē huius doctrinæ intelligentiâ notanda est Galeni doctrina, cit. c. 9. lib. de differ. morb. in quo inquit, hoc esse discriminis inter morbum in magnitudine, & morbum in numero; quod in magnitudine non mutetur naturalis figura, in morbo autē numeri sic. Hæc veritas manifesta euadit in exemplis iam allatis à Galeno. Nicomachus autem Smyrnæus in tantâ molem crescens, corporis humani figuram non amisit. Lingua similiter immoderatè aucta, aut diminuta morbo laborat in magnitudine adaucta, aut diminuta, figuram tamen non mutat, sicuti nec virile membrum in priapismo. At verò ubi adest morbus in numero, figura necessario vitatur. Quare ab inuicē manifestè distinguuntur morbus in quantitate, & morbus in numero: & rectè quidē: nā morbus in numero fundatur in quantitate discretâ; morbus in magnitudine in quâritate cōtinuâ.

*Tumores præter naturam sunt morbi in magnitudine ad-
aucta.*

Sed hoc discrimen à Gal. positum inter dictos morbos, debet intelligi de morbo in magnitudine tantum; qui reuerâ seorsim à morbo in numero reperiri potest. Verum quoniam plerumque morbus in quantitate annectitur morbo in numero, vt superius agen-

agentes de morbo in numero cum Gal. docuimus, quidam morbi in quantitate, morbo in numero annexi, figuram partis mutatam habent annexam: v.g. vbi adest sextus digitus in manu, morbus adest in numero addito, simul & quantitate adaucta, vnà cum naturali manûs figura vitiata: deficiente quinto digito adest morbus in numero deficiente, quantitate diminuta, & figura simul. Tumores omnes præter naturam sunt morbi in quantitate adaucta, in quibustamen partis figura vitiatur: sed adest tunc morbus in numero addito: imò ipsa carnis excrescentia, quæ in vlceribus non rarò contingit, & quam, tanquam exemplum morbi in magnitudine adaucta, affert ipse Gal. figuram partis vitiat. Quando ergo Gal. dixit morbum in magnitudine non habere, comitem figuram vitiatam, intelligendus est, potissimum de quantitate adauctâ ratione nutrimenti, & diminutâ ratione atrophix; Sed Priapismum excipe, qui à flatibus, aut ab arteriarum dilata-tione dependet: de quo Gal. lib. 6. de loc. affect. cap. vltimo: Licet autem tunc non nutriatur immodicè virile membrum, naturalem tamen non amittit figuram.

De Morbo in Compositione.

Hoc est quartum, & vltimum genus morbi partium dissimilari-um: Et duplex est: Primum genus dicitur in situ, seu positu: Secundû genus constituit morbum in consensu, seu connexu. Morbus in situ nascitur, quando instrumenti pars aliqua naturalem sedem mutat: vt fit in ossium luxatione, & commotione: In hac enim sedem suam omninò articuli non mutant, sed modicè tantum: in luxatione verò ossa suam sedem, vel integrè, vel ex parte mutant. Omentum in scrotum cadens sedem similiter mutat, & tumorem insuper in scroto generat; quem Epiplocele vocant. Intestinum pariter ileon in scrotum descendens propriam mutat sedem, & affectum generat, qui Enteroccele nuncupatur: tunc peritonæum rumpitur, & nascitur alius morbus, in solutione continui dictus, de quo mox.

Morbus in consensu siue connexionem fit, quoties aliquod vinculum, seu ligamentum, quod partes necit, vitiatum est. Hoc vitium in ligamento tripliciter accidit: aut quando ligamentum indu-

induratum est, aut quando è contra nimis laxum; aut quando omninò ruptum est, & decisum. Ligamentum verò quod sub lingua est, quando à natiuitate est tensum, aut etiam post natiuitatem induratur & tenditur ob cicatricem ex vlcere relictam, impedit quò minùs lingua versus omnes oris partes dimouetur ad vocis prolationem, & manducationem; quæ duæ actiones tunc læduntur. Ob pudendi pariter vinculum (quod sub balano est) tensum, aut induratum, & consequenter breuius factum, virile membrum curuum efficitur: propter quam curuitatem, meatus per quem semen eiacularur, contortus redditur: Ideoq; non potest, qui ita affectus est, tempore coitus semen directè in mulieris uterum trajcere, nec per consequens generare: Vnde sic affecti, Spadones Latinis, & Græcis nominantur. Ad hanc speciem morbi in coalitu attinet labiorum oris, aut vteri connexio præter naturam facta, propter præcedentia quædam vlcera. Ob quædam pariter vlcera, palpebræ, digiti, sedes seu anus, sæpè coalescunt; cōtra quàm sit, dum ossium aliarumque partium vincula prorsùs disrumpuntur.

Ligamenti vitium tripliciter accidit.

Spadones.

SECTIO III.

De Morbo Communi.

HActenus cum Galeno duo prima morbi genera, eaque propria partibus similaribus, ac dissimilaribus, fusè satis exposuimus. Diximus enim intemperiem esse morbum proprium parti simili, cuius simplices, compositasque species sufficienter enumerauimus. Morbum proprium parti dissimili, qui in vniuersum mala conformatio, aut morbus in mala conformatione commodè dici potest, in quatuor adhuc genera subalternata, malam conformationem, vitium in numero, vitium in magnitudine, & vitium in situ, diuisimus, simulq; exposuimus. Nunc denuo tertium genus morbi, nulli parti proprium, sed tã dissimilaribus, quàm similaribus commune, explicandum: vt sic completè omnia morborum genera innotescant.

Galenus lib. 9. meth. cap. vlt. ait, se fuisse primum, qui hunc morbum communem, solutionem continui appellauit. Et lib.

*Morbus
communis
solutio cō-
tinui ap-
pellatur.*

13. meth. c. 1. repetit, se dedisse huic morbo nomen solutionis continui. Capite 88. Art. med. hanc solutionem continui, communem morbum vocat: Reliquum igitur, inquit, adhuc id morbi genus est, quod & similibus, & instrumentarijs partibus cōmune existit, solutio scilicet continuitatis. Et alibi: Nos genus id lucidioris doctrinæ causâ vnitatis solutionem appellauimus: nec refert, si continuitatis solutionem voces. Lib. de differ. morb. c. 11. continuitatis similiter solutionem appellat morbum communem. Morbus communis, vt constat, dicitur; quia partibus similibus, & dissimilibus cōuenit: non quidem quòd semper vtrisque simul, sed quòd nunc vni parti, iam vtrisque simul conueniat. Quoties arteria, aut ligamentum diuellitur, morbus vtrisque communis nascitur. Adest tunc instrumenti morbus; quia ligamentum, aut arteria omninò (idem de reliquis instrumenti partibus dicendum) lacerantur. Et sic morbus hic instrumento, simul ac similari parti conuenit. Diuulsio eiusdem ligamenti, aut arteriæ secundum partem, dicitur morbus partis similis; In præfata ergo ligamenti alicuius, aut arteriæ, aut alterius partis instrumenti integra diuulsione duplex inuenitur morbus, partis dissimilis vnus; alter similis. Datur solutio continui in parte similari tantum, quoties non integrè, sed secundum aliquam sui partem secatur: vt si media pars venæ secaretur, quod sæpè fit, dum iussu Medici vena ægris scinditur, non totaliter (saltem maiores venæ) sed secundum vnum tantum latus. Tum a. solutio continui est morbus per se partis similis, vt docet Gal. cap. 11. lib. de differ. morbor. & lib. 2. methodi c. 6. Est autem per accidens morbus partis dissimilis; in quantum scilicet vena est ex numero partium componentium instrumentum.

*Varia so-
lutionis cō-
tinui spe-
cies.
Fractura.*

Libro de differ. morb. c. 11. varia nomina solutionis continui pro varietate partium proponit Gal. Solutio continui in osse, quod in sua natura durum est *καταγμα* Græcè, Latine fractura dicitur; quæ quidem rebus duris conuenit, eò quòd in partes magnas multasque rumpantur: vt docet Arist. lib. 4. Meteor. cap. 9. Solutio continui in parte carnosâ seu carne, communiter vlcus nominatur, Græcis *ἔλκος*. Ideo addit Galen. particulam (communiter); quia solutio continui in parte carneâ, propriè loquendo, est vulnus, Græcis *τραῦμα*; quod tamen, quia nō diu tale re-

Vlcus.

Vulnus.

manet,

manet, sed statim in vlcus definit, sub vlcere vulgò continetur atq; comprehenditur: prout indicauit Gal. voce illâ, communiter: Vnde apud Hippocratem & Galenum vlcus, & vulnus veluti confunduntur communiter. Solutio continui in carnosis partibus sine vulneratione facta, quando videlicet fibrę diuelluntur, aut diuiduntur à violentâ aliqua attritione, collisioneue, aut repentinâ & confertim factâ tensione, *ρήγμα* Græcis, Latinis ruptio vocatur. Diuisio partium neruolarum sine vulnere facta, cōuulsio communiter, Græcis *σπασμός*, nuncupatur: fibrę autem tum in his, tum in neruosis partibus, sæpè ita rumpuntur à violento ictu, aut nimia tensione. Auulsiones a. Græcis *ἀποσπασματα*, sunt propria pathemata instrumentalium partiū. Hactenus cum Gal. de simplicium morborum cūctis differentijs, siue generibus, & speciebus, egimus. Sequenti Sectione de compositis ex præfatis simplicibus paucis dicendum.

Ruptio.

Convulsio
siue spas-
mus.

SECTIO IV.

De Morbis compositis, tam similarium, quàm dissimilarium partium.

De compositis similarium.

Primâ sectione præsentis capitis morbos simplices ac proprios partis similis exponentes, compositos etiam proprios proposuimus. Diximus autem simplices partis similis morbos esse tantum numero quatuor: intemperiem nimirum calidam: intemperie frigidam: intemperie humidâ, & intemperie siccâ. Sic autê ordine cōpositionis vsus Gal. postquàm simplices species morbi partis similis exposuit, cōpositas ex præfatis, pari numero quaternario proponit: quia, vt in nostrâ diximus Physiologiâ, quatuor sunt possibiles cōbinationes primarū qualitatum. Prima calidi & sicci: Secunda calidi & humidi: Tertia frigidi & humidi: Quarta frigidi & sicci. Quatuor ergo similes intemperies compositæ frequentissimè hominum corporibus accidere cōpertum habemus, vti sect. 1. diximus. Erunt ergo quatuor mor-

bi compositi partis similis in qualitate nudâ. Si denique fluet ad partes similes aliquis humor superfluus, aliâ dabuntur quatuor coniugationes, cum quatuor dentur humores, quorum quilibet duas habet primas qualitates prædominantes. Ex bile ergo fluxa, aut congesta in parte, nascetur intemperies calida & sicca: ex sanguine, calida & humida, in principio saltem: ex pituita,

Morbi proprii compositi partium similium sunt tantum quatuor. frigida & humida: ex melancholia, sicca frigidaque. In rigore quidem, partes similes non nisi quatuor compositis essentialibus intemperiebus afficiuntur: sed quia hæc eadem intemperies sine humoribus esse possunt, aliâs cum humoribus, quatuor enumerantur intemperies compositæ sine affluxu humoris, & aliæ cum affluxu: quia hæc ab humore fluxu causantur, illæ autem sine humorum affluxu esse possunt. Verum, ut dixi, octo intemperies passim admittuntur: quatuor simplices, totidemque compositæ: ut testatur Gal. ubique, quoties de intemperiebus simpliciter loquitur. Vnde lib. 9. meth. med. cap. ult. ait: Quare cum octo intemperamenta sint, octo etiam erunt morborum, quibus simplicia corpora sunt cænoxia, particulares indicationes. Alijs in locis eodem in sensu loquitur: Nam de intemperie cum affluxu humoris raro, nisi factâ mentione tumorum præter naturam, verba facit.

Quoniam solutio continui est morbus communis partibus similibus, & dissimilibus, morbum efficere potest compositum in vtrisque partibus, si morbis proprijs earundem partium implicetur, uti sæpius accidit. Pars enim aliqua vlcere laborans, affici potest simplici intemperie calidâ, aut frigidâ, aut humidâ, aut siccâ: aut etiam composita, ut sæpius contingit. Vnde pars vlcere, simul & inflammatione laborans, tribus modis à naturali habitu recedit: Nam propter vlcus pars suam unitatem amittit; ob inflammationem pars calidior humidiorque redditur: & sic una cum vlcere duæ adfunt intemperies; una calida, altera humida. Denique si tumor, qui cum inflammatione est, in tantam attollatur magnitudinem, ut propter eam membri actio lædatur, iam morbus censeretur debet. Si verò idem tumor exiguus fuerit, symptoma, & pathos dicendus. Si vero tumor ille in magnam molem excrevit: adest adhuc quintus morbus, in figura dictus; quia membri figura vitatur.

Tumor pathos, & morbus.

Præcedenti discursu inflammationem non accepimus eo sensu, quo Antiqui eam accipere consueuerunt : id est, pro feruore in corporis partibus, aut parte aliquâ accenso, qui Phlogosis illis dicebatur, & nobis febris totius, aut partis; sed pro tumore calido, rubescente, renitente, atq; dolorifico, qui per consequens inflammatio seu Phlegmone cum affluxu humoris communiter nūcupatur. De quâ expressè Gal. lib. 2. de Arte curat. ad Glauc. c. 2. vbi duplicem præfatâ phlegmones significationem exponit, veluti 13. meth. fusissimè.

*Febris
partis est
eius intē-
peries.
Phlegmo-
nes du-
plex acce-
ptatio.*

Ad rem redeunt, Phlegmone & Erysipelas simul cum vlcere, partem aliquam infestare possunt; sed rarò erysipelas solum cum vlcere; quia sæpius sine vlcere est, teste Gal. lib. 14. meth. c. 1. Licet autem erysipelas sit tumor ardens à bilis fluxu ad partem aliquam causatus, vix, si solum est, & sine annexa phlegmone, tumorem, aut vlcus parit; quia bilis potissimùm in cute stabulatur, & ob sui tenuitatem facilè resoluitur, & in pus sola non conuertitur: quare nec abscessum parit, nec vlcus, nisi sincera.

*Erysipela-
las quid.*

Carbunculi sunt morbi compositi: Nam carbunculus est vlcus crustosum cum magna partium vicinarum inflammatione, vt docet Gal. lib. 6. aphor. comment. 45. Vel carbunculus est tumor à sanguine vehementer feruescente ortus: in quo ideò multò intensior feruor quàm in Phlegmone, reperitur; quoniam sāguis veluti adurit. Vnde ad partem fluxus, & tumorem in eā efficiens, in ipso tumoris augmento ita feruet, vt partem adurat, vesiculamque in medio tumoris excitet; & sub vesiculâ crustam. Vesicula enim rupta, liquor exit biliosus & calidissimus, qui in humoris ebullitione ad superficiem eleuatus est, & vesicam quasi ignis alter excitauit. Crassior autem sanguinis pars, instar ardentis carbonis, partem carnosam cuti suppositam ita adurit, vt in crustam duram aut scaram eadem pars degeneret: & sic vlcus crustosum inducitur. Carbunculi in Pestilentia numerosissimi sunt. Vidi autem hominem qui vniuersum dorsum carbonibus quasi aspersum haberet, dum pestiferos ægros actu inuiserem, & tangerem iam à viginti annis in Gallia, Anno nimirum 1628. 1629. 1630. & 1631. Carbunculus itaq; est morbus compositus: nam adest solutio continui, adestq; inflammatio vehemētissima, orta, tum ab atra bile, & flaua simul. In hos enim duos

*Carbūcu-
lus quid.*

*Carbones
in pestilē-
tia frequē-
tes.*

humores sanguis vehemēter feruens tunc degenerat & conuertitur. Vterq; ergo humor intemperiem calidam, & siccam intro-
ducit: & sic præter morbum in magnitudine, qui partibus diffi-
milaribus competit, ad sunt intemperies calida simul, & sicca,
ac continui solutio: imò & morbus in numero addito, propter
crustam: & morbus in numero deficiente, & in magnitudine
diminuta, ratione deficientis carnis, aliarumq; particularum,
quæ demortuæ in crustam degenerârunt. Sed de Carbunculo
fusiùs iam à nouemdecim annis in meo de Peste Libro peregi.

Cancer Cancer, qui est tumor durus ab atrâ bile procedens, sicuti
quid. Herpes tumor biliosus, vtpote ex nimis acri, & syncerâ bile pro-
Herpes ueniens, sæpenumerò vlcera sibi annexa habent: teste Gal. lib.
quid. de tumorib. præter naturam. Postquàm enim cap. 6. de Carbu-
culo egit, sequenti cap. 7. de Cancro verba facit, aiens: Ipsa
verò sine feruore atra bilis, cancros efficit, eosq; cum vlcere,
si acrior sit. Eodem lib. c. 9. de herpete, & erysipelate loquens,
ait: Cùm igitur biliosus fluor decubuerit, qui exactus quidem
est, cutem vlcerat: qui verò aquosâ sanie, sanguineue mixtus,
minus est acer, magisq; in tumorem attolit partem, quàm vlce-
Erysipe- rat; hoc quidem erysipelas nominatur: alterum, Herpes. Vult
las. ergo Gal. herpetem à syncero humore bilioso fieri, qui ideò par-
tem, ad quam fluxit, corrodit: erysipelas à dilutiori bile, aut bile,
ac modico sanguine.

Posito tamen, quòd omnes nominati hæctenus morbi sine
vlcere infestarent, compositi meritò dici possunt, teste Gal. lib.
de differ. morb. c. 12. Primò, quia quilibet tumorum fit ab hu-
more habente duas qualitates excedentes. Phlegmone videli-
cet à sanguine, calido, & humido: Erysipelas à bile, calidâ, &
Causa tu- siccâ: Ædema à pituita, frigida & humida: Scirrhus à melan-
morum. cholia, frigida, & sicca. Binæ autem qualitates excedentes mor-
bum compositum efficiunt: inde communiter intemperies cali-
da, & humida: calida, & sicca: frigida, & humida; frigida, &
sicca. Secundò, tumores præfati compositi dici possunt, quòd ab
humoribus fiant actu calidis, licet nonnulli sint potestate sicci; vt
vtraq; bilis; melâcholia, & pituita potestate frigida. Tertia ratio,
propter quâ dicti tumores morbi compositi dicuntur, est; quia vix
vllus ex ijs à syncero humore fit, quin præcipuo humori aliquis
alius

alius fuerit commixtus. Sic rara est Phlegmone, quæ non sit erysipelatoſa, aut ſcirrhoſa, aut œdematoſa. Idem de reliquis tumoribus dicendum.

Scire iuuat, Galenum non negare in dictis tumoribus præter naturam, alios morbos, præter iam dictos: nam manifestè molem nonnaturalem, & alienam figuram in parte tumida percipimus. Sed quoniam morbus in magnitudine, & morbus in figura parti diſſimilari per ſe, ſimilari verò per accidens conueniunt, hos meritò omiſit. Deniq; , etſi non appareant in tumoribus ſolutiones continui manifeſtæ, occultæ tamen, quæ à nobis non percipiuntur, neceſſariò extant: nam humor extrauaſatus in parte, cui hæret, neceſſariò locum ſibi vi facit, cùm non detur penetratio corporum, nec poſſint naturaliter diuerſa corpora in vno eodemq; loco conſiſtere. Proinde pars tumet; quia impodice dilatatur. Congruè ideo Guido de Cauliaco in tumoris præter naturam definitione ait: Tumor eſt morbus compoſitus ex triplici genere morborum &c. Vult enim, & rectè, tumorem omnem habere ſolutionem continui, intemperiem, & magnitudinem ſaltem.

De Morbis compoſitis Inſtrumentorum.

PArtibus diſſimilaribus æquè, ac ſimilaribus, compoſiti accidunt morbi. Galenus lib. de different. morb. c. 13. & vlt. nonnulla exempla hac de in medium deducit. Conſtingit enim non rarò membris quibuſdam, vt pedibus, manibuſque luxatio ſeu demiſſio articulorum extra propriũ ſitum, ſi non integrè, ſaltem moderatè. Luxationem ſequitur ſæpiſſimè inflammatio, ideſt Phlogofiſ, aut intemperies calida, & feruor articuli, partiumq; articulum ambientium. Inflammatio eſt morbus inſtrumenti per accidens; quia eſt morbus per ſe partium ſimilarium, vt oſſium, ligamentorum, &c. Quare inſtrumento cõpetit, quatenus partibus ſimilaribus conſtat. Luxatio verò per ſe inſtrumento conuenit. Et ſic poteſt inſtrumentum morbo compoſito infeſtari: Verùm ſi phlegmone illa, quæ phlogofiſ eſt, fluxionem accerſat, & in veram phlegmonem degeneret, tunc erit morbus inſtrumenti per ſe; quia non ſolùm ſimilares partes in-

Inflammatio.
tio.

ſtrui-

*Modus
generatio-
nis Phleg-
mones.*

*Vasorum
dolores.*

*Phlegmo-
ne, quid.*

strumenti intemperie calida tunc laborant ; verum etiam instru-
mentum mole immòdica infestatur. Tumor autem sua mole
infestans, morbus est in magnitudine adaucta, & per consequens
instrumenti; vt innuit Galenus exemplo strumæ immodicè cre-
scentis, lib. de differ. morb. c. 9. Lib. deniq; de inæquali intem-
perie c. 3. Phlegmonem musculi morbum appellat : musculus ve-
rò instrumentum est. Quippe, inquit, calida fluxio, vbi in mu-
sculum procubuit, primum maiores arteriæ, venæq; opplentur,
ac distenduntur : ab ijs minores : atq; ita res procedit, donec ad
minimas sit peruentum. In ijs vbi valenter impacta fluxio est,
nec ampliùs contineri potest, pars eius per ipsarum ora, pars per
tunicas colata foras transmittitur : tum verò spatia ipsa vacua,
quæ inter prima (id est inter partes similes instrumenti) sunt
corpora, fluxione implentur. Sic omnia ab humore, omniq; ex
parte incalescunt, ac perfunduntur. Ea sunt nerui, ligamenta,
membranæ, caro ipsa : anteq; hæc venæ, & arteriæ, quæ scilicet,
& primæ, & præter cætera vario dolore afficiuntur. Quippe in-
teriùs à fluxione tum excalescunt, tum distenduntur, ac diuellun-
tur : exteriùs non modò excalescunt, sed etiam premuntur, ac de-
grauantur. Reliquæ particulæ aliæ incalescendo solùm, vel com-
primendo, aliæ vtroq; genere laborant; appellaturq; morbus ip-
se phlegmone : est autem inæqualis intemperies musculi : feruet
enim iam qui in eo est sanguis. Ex his Gal. verbis constat in
phlegmone verâ, id est intemperie cum affluxu humoris, duos
comprehendi morbos : intemperiem scilicet partium similium
instrumenti, ipsiusq; instrumenti molem adauctam. Dum enim
spatia valde exigua, quæ inter partes similes instrumenti extât,
nimium replentur, partes distenduntur, & in molem tolluntur,
nam humor extra vasa positus est. Et sic nascitur triplex ille
morbus, ex quo tumor componitur, teste Guidone de Cauliaco:
intemperies calida partium, sed primò venarum, & arteriarum,
ex quibus feruens humor in ambientes partes effunditur ; secun-
dò reliquarum partium ambientium vasa : Solutio quædam con-
tinui, & moles, seu morbus in magnitudine : quibus addere
possumus morbum in figura.

Galenus cit. cap. 13. lib. de differ. morb. in oculo morbum
compositum statuit. Lippitudo, inquit, est inflammatio mem-
branæ,

branæ, quæ adnata est corneæ tunicæ, ex accidenti verò est totius oculi morbus. Contingit verò nonnunquam, ut tunica, cornea appellata, profundum habeat vlcus, quæ tunica deinceps exesa tota, aliquid ex ea tunica procidat, quæ secundo post corneam ordine sita est, vuea appellata: & ipsa pupilla vnà diuulsionē patiatur. Atq; ex his tribus omnibus quælibet passio oculi existimatur, quānuis vlcus, & erosio ad solam corneā pertineat, procidentia ad vueam, & diuulsio siue distorsio ad pupillam. Sed, ut diximus, similariū partiū morbi, ex accidenti toti instrumento attribuantur. His exemplis Gal. morbos multiplices partiū similariū instrumenti vocat morbū compositū eiusdem instrumenti; licet per accidens. Nam cū instrumentum quoduis ex partibus similaribus necessariò componatur, similarium morbi secundariò, & per accidens toti instrumento adscribi possunt; primariò autem, & per se iisdem similaribus affectis. Inflammatio igitur oculi, siue ophthalmia, si solam consideremus intemperiem, non verò tumore manifestum, est morbus tunicæ adnatæ: Vlcus ab humore corrodeute in cornea tunica factum, est solutio continui corneæ. Exesa autem cornea tunica ad internam vsq; partem, ita, ut vlcus eandem corneam tunicam penetret, necessariò ad illam aperturam delabitur vuea tunica, quæ pro sustentaculo corneam habuit. Ex hoc autem tunicæ vueæ, siue ragoïdis, lapsu, nascitur necessariò pupillæ diuulsio siue distorsio. Pupilla autem est ipsius vueæ tunicæ foramen: quando ergo vuea ad vlcus pupillæ labitur, distorsio fit: vlcus autem & erosio sunt morbi corneæ tunicæ: procidentia siue lapsus, morbus vueæ: distorsio, morbus pupillæ: inflammatio, morbus tunicæ adnatæ. Inflammatio verò, vlcus, & erosio, sunt morbi partium similarium; qui toti tamen oculo attribuantur. Procidentia vueæ est (ut existimo) morbus in situ: sicuti distorsio pupillæ, morbus in situ, aut in figura.

*Pupillæ
quid.*

Si verò aliquando contingat vnā partem duplici morbo affici, duplex ille morbus instrumento tribuetur: ut si tunica adnata ophthalmiā, simul & vngue, afficeretur, diceretur morbus compositus oculi. Siue ergo singulæ instrumenti partes distinctis morbis afficiantur, siue vna pars instrumenti pluribus morbis, instrumentum morbo composito laborare diceretur. Monetq; Gal. perinde esse hos omnes morbos vocare compositum, & veluti vnum oculi

*Varietas
indicatio-
num inter
curandū
exactè ob-
seruanda.*

oculi morbum, ac plures morbos, dummodò exactè & distinctè
varietas indicationum curandi morbos obseruetur; cuius rei gra-
tiâ, omnia quæ in hoc libro continètur, ita curiosè inuestigantur.
Probabile enim est dicere prædictos omnes oculi morbos, esse
morbum compositum. Probabiliter etiam dicere possumus, eod-
em esse plures oculi morbos: vt docet Galenus. Præcipuè tamen
obseruari debet varietas indicationum curatiuarum: nam vnus-
quisq; dictorum tolli per sua contraria indicat; vt fusè in meth.
med. docet Galenus. Ex iâ dictis faciliè vnusquisq; morbos quos-
uis compositos partis similis, simplicibus præcognitis, seipso
colliget, dignoscetque.

*Diligenter
huic doct-
rina incu-
bendum.*

In fine citati cap. 13. & ult. lib. de differ. morb. Galenus à
Medicinæ amatoribus expostulat, ne oscitanter, quæ in hoc lib.
continentur, addiscant: quoniam ex ipsius leui, & parum atten-
tâ lecturâ, parum, aut nihil vtilitatis fructusue reportabunt. Hec
cuius accipe verba: Proinde si semel duntaxat ea quæ in hoc ope-
re conscripsimus, perlegeris, nihil vtilitatis reportabis, nisi exa-
ctâ diligentia crebro in ipsis te exercere studueris. Sed nostri tē-
poris Medicinæ Studiosi, imò multi Medici actu Medicinam
exercentes, parum curiosè (egrorum licet damno) Pathologiæ
incumbūt, cum tamen peculiarium morborum, tam simplicium,

quàm compositorum, in praxi cognitio ab hac doctrina de-
pendeat: Nam Praxis Medica, Pathologiæ peculiaris
est; de indiuiduis morbis agens; qui morbi in-
diuidui sub infimis differentiis, aut spe-
ciebus essentialibus morbi continen-
tur. De quibus speciebus hoc in li-
bro à Galeno curiosè tractatum
est. Nam sine exacta ha-
rum cognitione Medi-
cus non Dogmati-
cus & rationa-
lis, sed Empiricus eua-
deret.

CAPVT V.

*Soluuntur obiectiones, quæ contra doctrinam de
Differentijs Morborum à quibusdam
proponuntur.*

Genus morbi in vniuersum in tria genera diuifimus : in morbum nimirū partis ſimilariſ : morbum partis diſſimilariſ : & morbum communem vtrique parti. Quodlibet horum generum iterum in ſua ſubalternata ad vltimas eſſentiales ſpecies ſeparauimus . Sed quamuis exactè Galen. hæc omnia tradiderit , non deſunt tamen quidam Medici , qui vt ſui ingenij felicitatem , & acumen oſtentent , nouitatumq; Authores ſalutentur , ea , tanquam incompleta , redarguunt : Nam quidam morbis enumeratis alios addunt ; alij verò quosdam demunt .

DVBIUM I.

Precipuus aſſertor pluralitatis ſpecierum , aut generum morbi , eſt Ioannes Fernelius , Vir eloquentiſſimus , qui præter morbos intēperiei , parti ſimilari proprios , alia adhuc duo genera eidem parti peculiaria ſtatuit : Vnū nimirum genus , quod morbus materię ab illo nuncupatur : alterum morbus formæ . Itaq; non vnicum genus proprium morbi partis ſimilariſ , vti Galeno placuit , admittendum eſt , ſed triplex : vnum intēperiei : alterum materię : tertium formæ . Hanc ſuam ſententiam prolixa ſerie Dialogiſtica pro viribus roborare conatur lib. 2. de abdit. rer. cauſ. cap. 9. 10. & ſequentibus : nec non lib. 1. ſuę Pathologię cap. 7. vbi hac ſerie loquitur : Horum (id eſt , morborum) veī ſuperiora genera ſpecieiſue verę ac proprię , ex vitiorum quę contra naturam parti inſident , ducuntur generibus , ſeu ex modis quibus pars vnaquęq; de optimo & naturali ſtatu decedit . In parte ſimilari tria ſpectantur , materia , temperamentum , & forma , quę totius eſt ſumma perfectio . Horum

*Tres proprij morbi
partis ſimilariſ ſe-
cundum
Ferneliū.*

P

trium

trium naturalis constitutio & symmetria sanitas est: vniuscuius-
 uis igitur immoderatio & ametria, quæ contra naturam euase-
 rit, morbus censeatur. Materię morbus, est immoderatio; tem-
 peramenti, intemperies; formę, corruptela: atque hæc in simila-
 rem partem incidunt. Huius proinde morbi tres existunt, ma-
 terię immoderatio, intemperies, & formę seu totius substantiæ
 corruptela. Tria quidem in similari parte distincta contineri, to-
 tamq; substantiam à materiâ, & à temperamento secerni, propria
 esse vniuscuiusq; vitia, tres hinc oriri similis morbi differentias,
 alio opere (id est locis citatis de abditis rerum causis) pluribus de-
 monstrauimus. Iam verò intemperies octo numerantur, quatuor sim-
 plices, calida, frigida, humida, sicca; conjugatę totidem, calida
 & sicca, calida & humida, frigida & sicca, frigida & humida:
 quę quum exuperant, actionesq; manifestè ledunt, morbi fiunt.

*Morbi
intemperiei.*

*Morbi
materia
ex Ferne-
lio.*

Alias hæc purę existunt, alias ex humorum vel intemperatorum,
 vel putridorum vitio prodeunt. Materia immoderata, mollis
 est aut dura, laxa aut astricta, tenuis aut crassa, rara aut densa:
 hæcq; illius vitia morbi sunt. Totius verò substantię nomine
 & insitum spiritum, & diuinum illius calorem, & facultates, ip-
 samq; formam complectimur. Totius substantię morbi sunt qui
 partium substantiam primū, & per se oppugnant. Horum alij
 manifesti sunt, alij occulti. Manifesti, qui partium corporisq; sub-
 stantiam manifestis ex causis demoliuntur: eiusmodi sunt vlcera
 maligna, phtisis, iecoris, lienis, aliarumq; partium putredo, ex
 primarum qualitatum intemperie nata. Et spiritus innati disso-
 lutio per vigilias, labores, inedias, atrocesq; dolores: & natiui
 caloris extinctio in strangulatu, vel in penetrabili extremoq; fri-
 gore.

*Morbi
forma, seu
totius sub-
stantia
sunt ma-
nifesti aut
occulti.*

*Morbi oc-
culi.*

*Venenati,
contagiosi,
& pestilen-
tes.*

Occulti morbi sunt qui cecis ex causis totam substantiam
 oppugnant. Eorum alij venenati, alij contagiosi, alij pestilen-
 tes. Hi ex aere cęlestium corporum viribus inquinato suscitantur,
 vt febris pestilens, vt carbunculus, vt pestilens bubo: hique
 grauiiores appellantur. Sunt & alij leuiiores, vt exanthemata
 tum rubra, tum purpurea, quę summā cute maculis minimè ex-
 tuberantibus efflorescunt: ecchymata, quę pituitę eruptiones di-
 cuntur: atq; vtriq; consueti sunt. Pręter hos nonnunquam emer-
 gunt insolentes, nouis & inauditis ex causis orti: vt paraplegia
 quędam Hippocrati dicta, vrentes ardores, grauedines anhelos.

ſe, ſudorifica febris (Sudor Anglicus dictus) quibus noſtro ſeculo regiones plurimę percuſſę, & afflictaę ſunt: alios verò alia ſacula protulerunt, qui veterum obliuione obruti extinctiue iam ſunt, alios futuris ſæculis poſteritas animaduertet, cùm nouę ſyderum concurſiones, permiſſionesq; illorum effectrices obringent. Contagioſi morbi externi cuiuſdam veneni occuſu, & contagione inferri ſolent, vt ſtupor à torpedine piſce, vel ab opio, & hydrophobia, & qui Scorpionum beſtiarumq; viru' entarum morſu, aut telori miſcibus inſiguntur. Huius quoq; claiſſis ſunt lues venerea, elephantiaſis, quiq; ex horum confuſione ori poſſunt. Venenati morbi ex veneno, aut intus genito, aut aſſumpto originem ducunt. Ex intus genito morbus comitialis, ſtrangulatus vteri à putri ſemine, ſyncope ex putrido ſanguinis grumo, cordis quædam palpitatio. Ex aſſumpto veneno morbi eius veneni naturam imitantur, quod totius ſubſtantiaę diſſidio nobis eſt inſenſum: eiuiſmodi ſunt, quos aconitum, taxus, ephemereum, cantharis, lepus marinus, huiusque claiſſis plurima intulerunt. Haſ quidem differentias omnes ſimilaris morbi geſus vnum complectitur, quas à Veteribus magnâ Artis iacturâ, aut prætermiſſas, aut perperam ad intemperiem, ſimplicemue putredinem relatas fuiſſe miror.

Haecenus ornatè omnia deduxit Fernelius; qui ſanè nimis iactanter inſinuat, magnâ Medicinæ iacturâ, hæc ab antiquis omiſſa fuiſſe: In quo profectò non parùm peccat. Nam Hippocrates occultos admiſit morbos, dum ait, in morbis eſſe quid Diuinũ. Galenus lib. 5. de ſimplic. medicam. facult. medicamenta proponit alexiteria, & alexipharmaca, quæ occulta proprietate morbis medentur occultis. Varia de hoc argumenti genere varijs in locis proſert: vt paulò poſt plenius à nobis dicetur.

Præcipuum Fernelij argumentum, vt triplex illud morbi geſus admittatur, eſt hoc. Tria ſunt ex quibus pars quæq; ſimilaris conſtituitur; temperamentum videlicet, materia, & forma. Ergo per hæc tria ſubſiſtit pars, & cõſeruatur. Vnde ſanitas in bona horum trium conſtitutione conſiſtit, in malâ verò, morbus. Exinde in hunc modum argumentum colligo. In quorum natiuâ legitimâq; conſtitutione ſanitas conſiſtit, in eorundem conſtitutione præter naturam conſiſtit morbus. Atqui ſanitas conſiſtit in con-

*Magna
Fernelij
iactantia.*

*Iactantia
conuelli-
tur.*

*Præcipuũ
Fernelij
argumen-
tum.*

stitutione, seu dispositione natiua legitimaq; materiæ, formæ, & temperamenti. Ergo morbus sanitati contrarius cōsistit in dispositione & constitutione præter naturam materiæ, formæ, & temperamenti: Et per consequens, cū tria sint, in quibus sanitas partis similis consistit, morbus etiam in tribus contrarijs constituetur: triplexque erit partis similis morbus: nam à naturali statu decedēte forma, dabitur morbus formæ: decedēte materia, morbus materiæ: decedente temperamento, morbus in intemperie.

Minor propositi argumenti ab eo varijs exemplis probatur.

Cor, inquit, & pulmones ratione temperamenti ab inuicem non multum discrepant, multum tamen ratione materiæ: nam cor dura compactaq; carne constat, pulmones rara, & molli, leuique: renes, & cor materiam habent compactam; illi tamen frigidi, cor v. calidum. Ergo materia temperamento substrata habebit differentias, quibus multę corporis partes ab inuicem distinguuntur. Quare, non ratione temperamenti tantum distinguuntur.

Quod deniq; forma, seu species sit quid diuersum à temperamento, & à materia, ex Aristotele probat, qui dicit rationem eam, qua caro, aut os est, non dependere à primis elementis, sed à semine, & diuiniore principio nasci: non igitur à temperamento; cū ab hoc non constituatur os tale, sed à sua propria essentia, & forma.

Ex his colligit Fernelius, sanitatem in tribus prædictis consistere, dum naturaliter se habent: & in ijsdem, quoties aliquod eorum à naturali constitutione deuiat, morbum consistere. Quare triplex erit partis similis morbus. Nam actio naturalis partis similis, quamuis propriè à forma eiusdem procedat, ad illam tamen materia atque tēperamentum, maximum habent momentum, quorum ope destituta pars, nihil forma sit effectura. Quod autem temperamentum ad actionum robur conferat, & intemperies temperamento contraria easdem per se impediat, satis superq; notum est.

Probat dari morbos materiæ.

Morbum materiæ lædere actiones, sic probat: Permulti sunt optimo temperamento præditi, qui neq; calorem, neq; frigus, neque laborem, neq; vllam exuperantiam perferunt. Ventriculus deniq; nonnullorum ab aceto, sinapi, pipere, alijsq; mordaci-

bus

bus facillè leditur. Quorundam etiam cerebrum non facillè perferit odores. Hac autem vitia non sunt in temperamento, sed in materia; quia rarum, molle, & laxum est corpus, quod tale factum est; quia ex imbecillo semine procreatum, vel ex molliore, *Molles qui.* delicatioreq; vita: ob quam molles à Priscis Latinis dicuntur homines, qui ea fruuntur. Plurimi è contra videntur intemperati, vt rustici & agrestes, qui tamen validi sunt, & multò faciliùs externas perferunt iniurias, eò quòd partes singulas, omnesq; fibras solidas habeant atq; densas; ex quibus compactum corpus firmum atq; robustū euadit, ad omnia perferenda comparatum. Tale quidem corpus vel est ex robustiorum parentum copioso, validoq; semine procreatum, vel exercitatione, consuetudine, & vsu factum est tale.

Ex Galeno suam sententiam confirmat, qui quamvis tēperamento, tanquam præcipuæ causæ, omnem corporis actionem tribuat, lib. tamen 9. & 11. meth. med. fatetur, partis materiam, atq; substantiam, non parum ad robur pertinere.

Præterea quando idem Galenus morbis medetur, ventriculi, hepatis, & consimilium partium, quæ vim & vsum habent toti corpori communem, iubet, à laxantibus medicamentis abstinendum, & amplectenda astringentia, quæ vim & robur parti laxatæ conciliant. Libris adhuc de sanit. tuen. duras frictiones artus corroborare dicit, quòd illorum substantiam atq; materiam compactiorem firmioremq; reddant.

Quòd species, siue forma, parti robur addat, probat Ferrelius. Vt enim, inquit, Strutiocamelus non elementorum calore, *Probare conatur dari morbos, forma.* non insito temperamento, sed totius substantiæ natura, ferrum exierit & concoquit, ita & quæcunque in nobis sunt partes, totius substantiæ vi, concoctionem, nutritionem, harumq; administras functiones obeunt, quemadmodū motum atq; sensum. Pro se Galenum citat lib. 2. ad Glauc. c. 2. vbi sic loquitur. Quæ immoderatè laxant, soluunt robur, quare & partis virtutem. Quæ autem supramodum refrigerant, natium calorem extinguunt, qui fortassis (vt nonnulli arbitrantur Philosophi, ac Medici) substantia virtutum existit: aut si non hoc, saltem primum, & maxime necessarium earum instrumētum. Iam verò & qualitates quædam extraneæ virtutes dissoluere possunt. Hac oratione, (inquit

Ferre-

Fernelius) Galenus læsarum virtutum causas tres, vel inuitus fate-
tur, relaxantia, refrigerantia, & alienas qualitates: quidq; horum
singula in parte similari innutent, & labefactent, atq; relaxantia
materiam, refrigerantia temperamentum, extraneas qualitates
facultatum substantiam demoliri.

Suum hoc dictum exemplis confirmare nititur. Idipsum vi-
dimus, inquit, in milite quodam ossa crurum, brachiorum, &
femorum ex morbo tam mollia & flexibilia euasisse, vt cerę mo-
do facillè sequerentur, quocunq; torqueres: quę tandem balnea-
rum naturalium vsu (eiusmodi erant aluminosæ) in pristinum
vigorem roburq; restituta sunt. Hęc ex Ruellio deduxit: Et
rursus ait: Puellam cernimus nostrā viciniā articulorum vincu-
lis adeò laxis, vt quocunq; velis, artus inuertas, quod illi ab ortu
vitium est. His qui argentea vasa inaurant, solius hydrargyri
vapore nerui edusq; emolliuntur, ac si paralyfi laborent: quam
idcirco non pauci è iunioribus Medicis neruorum mollitiem, alij
neruorum dissolutionem appellarunt. Hęc vitia in nulla intem-
perie, nullo vel conformationis, vel quantitatis, vel numeri, vel
sitūs errore comitabantur. Quocirca nec intemperamenti, nec
instrumenti, sed vnius materiæ morbi existimari poterant.

Demum cap. cit. 9. lib. 2. de abditis rerum causis, ex curandi
ratione suam opinionem confirmare nititur. Nam dantur me-
dicamenta, quæ vi primarum qualitatum agunt, morbisq; ideo
intemperiei medentur. Alia medicamenta vi secundarum qua-
litatum operantur, & inmoderationi materię succurrunt. Alia
medicamenta qualitates habent, tertias, & quartas dictas, quæ
morbis formæ, siue totius substantiæ, medentur.

Sequenti autem capite 10. lib. 2. de abditis rerum causis, mor-
bos totius substantiæ admittendos probat: consequentibusq; ca-
pitib. varia genera morbi totius substantiæ prolixè satis exponit:
quæ sufficienter paulò ante ex cap. 7. lib. 1. Pathologiæ Fernelij
produximus.

Verum, licet plurimum gloriatur Fernelius se huius doctrinæ
authorem primum extitisse, eamque prorsus necessariam Medi-
cis esse contendat, parum tamen, aut nihil, post longos discursus,
probauit. Nam satis superq; contra ipsum, & contra Tubin-
gensem probauimus, morbum substantiæ nō esse admittendum.

*Fernelius
perstrin-
gitur.*

For-

Forma enim substantialis, aut substantia, non potest intēdi, aut remitti: nam rerum essentia est veluti numerus, qui in indivisibili consistit, ex Philosopho. Quare forma auferri nequit, quin totum auferatur, & corrumpatur. Ergo non datur substantiæ morbus, formam, aut materiam corrumpens: Quoniam corruptio illa, quæ ponitur à Fernelio, vel est in facto esse, vel in fieri: Si in facto esse, iam non est morbus, vt ipsemet Fernelius loquitur, sed potius, rei interitus, & integra destructio, vt patet in Gangranæ, & similibus: in parte autem viuente, & non mortuâ, tunc est morbus, non in substantia, sed in numero, aut quantitate deficiente: aut in ambobus simul. Si corruptio est in viâ, seu in fieri, nihil aliud erit quàm alteratio, quæ corruptionem præcedit, vt habet Arist. lib. 1. de Generat. & corrup. ac alibi passim. Alteratio verò est motus qualitativus, seu motus inter duas qualitates contrarias, aut extremum, & medium. Qualitas a. quæ *Alteratio quid.* per alterationem istam à qualitatibus primis inducitur, est morbus intemperiei, & non vera corruptio, sed via & dispositio ad corruptionem. Vt Fernelij argumenta diluantur,

Notandum est, rerum compositionem, & constitutionem, esse in duplici differentiâ: Aut enim essentialis est, aut accidentalis. Essentialis compositio est illa, quæ fit ex partibus physicis compositum componentibus, ex materiâ videlicet, & formâ unitis. Accidentalis constitutio est illa, quæ compositam substantiam, *Duplex est compositio, vna essentialis, & altera accidental.* adornat, munit, & ad agendum efficacem reddit. Sanitas verò & morbus non ponuntur in primâ constitutione, seu essentiali, sed in accidentalî tantum; quia sanitas, & morbus sunt accidentia contraria, quæ possunt adesse, & abesse sine formæ corruptione, si fuerit animal: aut sine separatione formæ, si subiectum sit homo. Videmus etenim quotidie vnum hominem iam sanum, mox egrum: talis tamen homo, ita variè mutatus à statu contrario accidentalî in alium statum sibi contrarium, manet integer: & vice versa, dum à morbo ad sanitatem fit regressus. Sanatio autem motus quidam est, & tanquam alteratio quædam. Vnde *Sanatio quid.* Gal. lib. 9. meth. med. cap. 14. ait: Neque enim aliud est ipsa sanatio, quàm præsentis in corpore vitiosi affectus in naturalem habitum mutatio: cum autem contrarij hi affectus sint, necesse est per contraria fiat eorum alterius in alterum translatio. Atq;

ita

*Vnica da-
tur gene-
ralis indi-
catio cura-
tina.*

ita rursus vna sola erit curationū maximè generalis indicatio, nè-
pe contrarietas. Sanatio ergo, & egrotatio, sunt alterationes quæ-
dam, iuxta Galeni sententiam, & rei veritatem. Alteratio enim
ex Arist. lib. 2. de Generat. & Corrupt. c. 4. tunc fit, quando alte-
ratur subiectum manens integrum. His positis.

Ad minorem primi atq; præcipui argumenti respondeo, ipsam
negando: Nam quamuis verum sit, in parte vnaquaq; similari tria
reperiri, materiam videlicet, formam, & temperamentum: non
ideo sequitur, tria dari morborum genera parti similari propria;
quia sanitas & morbus sunt in constitutione accidētali corpori s,
nec ad sanitatis essentiā attinēt materia & forma vnite, quæ corpus
humanum constituunt, & nō sanitatem: non secus ac albedo non
est de essentiā sui subiecti, quamuis subiectum aliquod requirat,
vt insit, à quo potest abesse, adueniente suo contrario, nigredine:
quarum vnaquæque aliam expellere potest ratione dispositionis
corporis, cui inheret.

*Soluitur
præcipuū
Fernelij
argumen-
tum.*

Quod attinet ad illa omnia à Fernelio proposita, vt morbos
formæ, aut totius substantiæ astrueret, inania sunt, atq; futilia.
Nā quæuis ab eo cōgesta probant dari facultates occultas, quæ to-
tius substantiæ proprietates dicuntur, & per consequens morbos
occultos esse admittendos; quod nos etiam vltro concedimus: il-
la tamen proprietas non est forma substantialis, sed facultas quæ-
dam occulta, & omnibus hætenus incognita, quæ mixti alicuius
substantialem formam, & peculiarem elementorum mixtionem
cōsequitur; non secus ac à formis elementorum dimanant, pro-
ceduntq; qualitates manifestæ. Occultæ autem hæ proprietates,
quæ qualitates sunt, faciunt vt res permultæ dicant, & habeant
ad inuicem antipathiā, & sympathiam; non aliter ac ignis aque
aduersatur ratione qualitatum manifestè contrariarum: terra au-
tem cū aqua quādam habet sympathiam ratione frigiditatis, cum
igne ratione siccitatis: aer cum igne ratione caloris consentit, cum
aqua in humiditate: sed terreis qualitibus omninò contraria-
tur: veluti ignis aque. Quod dentur facultates quædam occultæ
medicamentorum, patet ex Galeno passim in lib. de simplicium
medicament. facult. & præcipuè lib. 5. cap. 18. vbi ait, omne me-
dicamentum purgans duplici virtute euacuare, & ratione caloris,
& ratione facultatis occultæ. Idipsum confirmat Galenus lib. 1.

*Vnde sym-
pathia, &
antipa-
thia.*

de femine c. 16. dum ait, minimam particulam humoris lethaliū venenorum, quæ deleteria appellantur, vbi animalis corpus ingressus fuit, totum id momento temporis immutare (quod enim venenosum est, intendit reliqua in sui naturam mutare, vt alia omnia, quæ antipathiam dicunt), sibiq; simile affectione alterare. Hippocrates etiam lib. Epid. & lib. de Aere, Aquis, & locis, eandem doctrinam non rarò innuit: Vnde quid Diuinum in morbis esse docuit, quod ille *ῥό θείον* appellat. Verum igitur est dari tales morbos venenosos & occultos; qui tamen qualitates sunt, sed occultæ: de quibus ideò non egit Galenus; quia non tam methodo, quàm experienciâ curantur: nam huius ope medicamenta, occultâ qualitate prædita, ad talium occultorum morborum depulsionem adinuenta sunt: cùm tamen omnem Medicorum, methodicè curantium industriam, tales occulti morbi fugiant. Quod sæpè compertum habui, dum pestiferos ægros iam à viginti annis in varijs Galliæ Prouincijs, & Ciuitatibus, sed præcipuè Tolosana, tractarem. Cùm autem remedia ab innumeris authoribus pro peste curandâ experiri volui, ne latum vnguem à doctissimorū Virorum præceptis discedere viderer, quâplurima, sed incassum, propinaui. Vnde nonnullorū remediorū virtutem probare volens, aliqua inueni ad meum scopum pertinentia, prout in libro meo de peste prælo commissso Tolosæ Anno 1629. declarauī. Et quoniam pestiferos tunc ægros æquè familiariter per triennium, ac alios alijs ægritudinibus laborantes, inuiseram, meus præfatus Liber Latinè conscriptus, à diuersis Medicis in vulgare idioma translatus est, & prælo alibi subactus. Vidi ipse, & emi nonnulla exemplaria Lemouici.

Cur de occultis morbis fuisse non egit Gal.

Quæ Fernelius lib. 2. de abditis rerum causis cap. 2. ex Galeno pro se citat, nihil contra nos, sed nostram potiùs sententiam confirmant. Ex cap. 2. lib. 1. de simplic. Medicament. facultat. hunc textum deduxit, inquiring: Ostensum est medicamēto naturam esse alterandi, aut vna quapiam qualitate, nempe aut calefaciendo, aut refrigerando, aut humectando, aut exiccando, aut dictorum coniugatione quâpiam: aut totâ suâ substantiâ; sicuti complura lethalium venenorum, nec pauca alexiteriorum, seu amuletorum, & purgantia omnia, & multa quæ vocant attrahentia. Nihil enim in hac doctrinâ cōtinetur, quod nobis repugnet, cùm omnia nobis sint cōsona.

Inanis Fernelij obiectio.

Q

Nunc

*Fernelius
Aristote-
li, & Ga-
leno cōtra
rius.*

Nunc par est respondeamus ijs, quæ de morbis materiæ proposuit Fernelius, qui à Philosopho, & Galeno deficiens, secundas qualitates materias vocat: cum tamen qualitates sint à primis dimanantes, teste Arist. lib. 4. Meteor. tex. 20. Neceffe enim est, inquit, quod ex humido, & sicco, aut durum esse, aut molle. Vult enim durum sequi siccitatem, & mollitiem consequi humiditatem. In dicti libri progressu, maximè verò sub finem, eandem doctrinam inuehit. Libro 2. de Partib. animal. cap. 1. ex mixtionē frigiditatis, caliditatis, & humiditatis, & siccitatis, grauitatem, leuitatem, densitatem, & raritatem, resultare dicit. Libro 2. de Generat. & Corrupt. c. 2. postquam primas qualitates descripsit, ait: Tenue autem, & crassum, viscosum, & aridum, durum & molle; & ceteræ differentiæ ex hisce (id est ex primis qualitibus) sunt. Libro 2. de Animâ eandem habet doctrinam. Libro 7. Physic. cap. 2. densitatem, & raritatem inter qualitates tactiles posuit. Galenus lib. 4. & 5. de simplic. medicament. facult. passim eandem insinuat doctrinam.

*Fernelius
non si bi
constat.*

Veniamus ad ipsum Fernelium, qui lib. 2. suæ Physiologiæ c. 4. de tactilibus qualitibus agens, ait: Ex harum autem genere aliæ sunt principes, aliæ ex his ortæ. Principes calor, frigus, humor, siccitas. Ex his ortæ quæ in molli, duro, crasso, tenui, læui, aspero sunt corpore; quæ variæ dicuntur, & quasi multifformes. Ecce Fernelius post multos sudores coactus in communem Philosophorum, & Medicorum sententiam descendere. Sui ergo oblitus, in Pathologiâ morbum in mollitie, & duritie, crassitie, & tenuitate, raritate, & densitate, materiæ exuperantias dixit. Experientia enim constat mollitiem veram ab humiditate provenire, veluti duritiem veram à siccitate; vt testatur Galen. lib. 5. de simpl. medic. facult. Mollities autem, & laxitas omnium partium infantulorum, ab humiditate nimia procedit; veluti durities, & densitas partium in iuuentute, à siccitate.

*Fernelius
perstringi-
tur.*

Superius deniq; deduximus Fernelij argumentum quo probat dari morbum materiæ: Ait enim qualitates primas medicamentorum opponi intemperiei, & qualitates secundas morbis materiæ. Mirandus sanè in hoc Fernelius, quod morbo substantiæ, qualis est morbus materiæ, qualitates secundas opponat: quasi qualitas materiæ esset contraria: cum qualitas qualitati contraria sit.

fit. Vnde necessariò cogitur admittere morbos illos qualitati-
secundis oppositos, esse veras qualitates, non materias: veluti
morbos substantiæ, aut formæ, vt loquitur, quibus tertias, &
quartas qualitates; cum admittat vltro morbos priuinis qualitati-
bus medicamento contrarios, esse veras qualitates.

Qualitates itaq; præfatæ secundæ diuersimodè cõsideratæ pos-
sunt dici morbi, causæ morbificæ, & iymptomata. Morbi *Qualita-
tes secunda
excedentes
sunt morbi*
dici possunt partium dissimilariū, non verò similariū, ,
quamuis ex primis qualitibus nascantur (sic enim læuitas, &
asperitas dicerentur morbi partium similariū, vt Ferneliū eue-
xit). Rarum enim ex lib.4. Phisic. c.9. est quod sub magnis di-
mensionibus parum habet materiæ. Quare pori, & meatus pa-
tentes præter modum sunt: quia mutatur veluti partium situs: Et
sic est morbus in cavitare, ob quem partium actiones læduntur;
& generatur occasionaliter alter morbus, ab hoc distinctus: Aer
enim frigidus permeans patentes meatus morbum in intemperie
inducit. Idem de mollitie dicendum, cū hac raritatem habeat
annexam, & ab hac ex parte procedat. Molles enim partes pe-
netrari facilè possunt: Vnde à raritate, vt dixi, aliquo modo
prouenit, non secus ac leuitas, vt habet Arist. c.9. cit.lib.4. Phis-
ic. Idem denique de tenuitate, & laxitate dicendum. *Rarum
quid.*

Contrariæ qualitates dictis sunt morbi in densitate. Densum *Densum
quid.*
enim ex cap. iam cit. est, quod sub paruis dimensionibus multum
materiæ cohibet: Vnde quoties nostra corpora impensè conden-
santur, pori & meatus ita constringuntur (quia in se meatuum
omnium latera coincidunt, seseq; contingunt), vt vaporum fu-
liginosorum egressus impediatur, veluti ambientis aeris necessa-
rius introitus. Inde quotidie nascuntur variæ febres, vti suo lo-
co docuimus. Inde ergo nascitur morbus in cavitare. Idem
de adstrictione, de duritie, ac crassitie, quod de densitate dixi-
mus, proferendum. Hæc omnia aliquo modo morbos in situ no-
minare possumus; quia in his fermè omnibus, siue partes conden-
sentur, siue amplificentur, suum situm mutant. *Densitas
causa fe-
bris.*

Præfatos terminos exponit Gal. lib.2. de sanitate tuen. cap.5.
Dicit enim durum, & molle per se omnibus esse conspicua. Nos
cum Aristotele in nostra Physiologia hos terminos exposuimus.
Durum enim est, quod renititur, & in se non concidit, aut cedit, *Durum
quid.*
dum

*Molle
quid.
Rarum
quid.*

dum ab alio corpore tangitur. Proinde citius ossa frangentur, quàm cedent, & foueam admittent, dum comprimuntur. Molle è contra est, quod faciliè cedit. Rarum dicitur id, quod meatus, quos Græci $\pi\acute{o}\rho\alpha\varsigma$ vocant, magnos per totum obtinet: sicuti è diuerso densum, quod eosdem meatus paruos habet. Laxo, & coacto seu constricto, iam dictæ dispositiones congruunt. His sic expositis, Galenus affirmat in capitis calce, molle, & durum similibus partibus conuenire: at verò instrumentarijs partibus meatuum vitia, quæ densum, & rarum dicuntur, congruere. Quod de densò dicitur, de coacto aut constricto idem fermè dicendum: hâc tamen intellectâ distinctione, quòd omne densum coactum est, siue compactum, siue constrictum; omne tamen constrictum non est densum propriè: nam quæ laxa sunt, dum comprimuntur, aliquo modo densa videntur, sed parum propriè.

*Qualita-
tes secun-
da sunt
symptoma-
ta.*

Cæterùm, si dictæ qualitates, vt sensu tactûs purè obijciuntur, considerentur, erunt symptomata in affectu corporis, morbos in intemperie simpliciter consequentia: vt docet Galen. lib. de different. symptomat. Sed tunc per se actiones lædere non dicuntur.

*Fernelio
satisfit.*

Ex his cuius constabit, non esse difficile exemplis à Fernelio, instar obiectionum propositis, satisfacere. Miles enim ille, cuius crura ob mollitiem flexibilia adeò fuère, vt ambulare nequireret, morbo laborabat instrumentario, & simul fortè simulari: nam mollia, & porosa simul fuère istius militis ossa.

*Satisfit
Fernelio.*

Qui faciliè mordicationem in ventriculo persentiunt, tam ab assumptis per os, quàm ab humoribus mordacibus aliunde confluentibus, naturali impotentiâ præditi sunt, & non morbo: Vel dic, tales exquisitissimo sensu tactûs pollere in orificio ventriculi: debet enim talis esse exacti sensûs pars illa, vt homo famem & defectum alimenti sine ullâ morâ persentiat. Vnde idem ventriculi orificium famis animalis sedes statuitur. Quòd autem partes nerueæ, neruiq; ipsi exquisito sensu polleant, non est materiæ vitium, sed potius id laudi vertendum: cum, vt exactè persentiant, à naturâ constituentur, & quidem ad animalis conseruationem.

*Satisfit
Fernelio.*

Quod dixit Fernelius quosdam optimo temperamento prædi-

tos non facile ullam exuperantiam caloris, aut frigoris, aut alterius qualitatis perferre: id non probat dari morbum materiæ. Nec illi, qui solidiori corpore præditi sunt, dicendi perfectiores his temperatis & mollioribus. Nam licet temporum iniurias facilius perferre possint hi, qui solidiore corpore gaudent: non ita, tamen ingeniosi sunt, ac illi, qui raram teneramq; constitutionem habent: Hi etenim omnium ingeniosissimi sunt. Præterea, partium soliditas nobilitatem & aptitudinē maiorem ad agendum non tribuit: alioquin ossa essent nobilissimæ corporis partes: cum tamen ignobilissimæ sint.

Quod dixit de struthiochamælo qui ferrum digerit, nihil contra nos, qui id operationis ad facultatem occultam referimus. *Fernelio satisfi.*

Quod deniq; astringentia partibus apponi iubeat Galenus, ut earum virtus (idest calor natiuus, & spiritus influens) conseruetur, quid ad rem? Anne ob hoc placet Fernelio laxitatem, & densitatem esse immoderationes materiæ? quæ tamen qualitates sunt secundæ. Si autem tale quid esset materiæ immoderatio, nos quotidie materiam immoderatam efficeremus; quod ab omni veritate remotum est, cum materia ingenerabilis sit, & incorruptibilis.

Tandem prædictæ qualitates secundæ, morborum causæ aliquoties esse possunt. Vnde qui denso corporis habitu præditi sunt, morbis procedentibus à causis internis multò magis obnoxij sunt, quàm hi, qui corporis raro gaudent habitu: Nam in densis, & constipatis corporibus fuliginosi vapores, prout usus requiritur expostulat, non euacuantur. Quare detenti in corpore varios procreant affectus, præcipuè verò febrem. In corporibus verò raræ constitutionis contrarium accidit: quoniam hæc à fuliginosis istis recrementis benè expurgantur. Sed quoniam talia corpora porosa sunt, & aperta, externis iniurijs faciliè contaminantur. Parum ergo rectè raritatem, aut densitatem, materiæ immoderationes vocat Fernelius, cum sint qualitates quædam.

Qualitates secundæ aliquando sunt morborum causæ.

DE VBIUM II.

FRANCISCUS VALLESIUS lib. 4. Controuers. cap. 2. conatus est, præter morbos à Galeno descriptos, aliquem alium ab eis distinctum esse admittendum: & sic contendit, omnes morbos

bos non fuisse à Galeno comprehensos. Existimat Vallesius colorem præter naturam humoris aquei, qui inter humorem crystallinum, & tunicam corneam, situm habet, esse morbum; quia eodem quo afficitur prauo colore, omnia obiecta hoc eodem colore veluti tincta & imbuta videntur: Estq; hoc symptoma actionis læsæ; nam visio est deprauata. Claritatis gratiâ exemplo rem illustremus. Ictერიკი vniuersum oculum flauo colore tinctum habent; propterea omnia quæ ab illis conspiciuntur, flaua apparent. Quòd autem talis color morbus sit, & non comprehendatur sub villo ex tribus generibus præfatis morborum, probatur ex lib. 1. de sympt. caus. vbi præfatum vitiosum colorem inter morbos reponit Galenus. Non est tamen morbus in intemperie, neque in formatione, neq; in situ, neq; in solutione continui. Ergo nõ continetur sub trimembri illo morborum genere à Galeno proposito.

*Vallesius
perstringi-
tur.*

Sed ad hæc facilis est responsio. Falsum enim est, colorem istum deprauatum oculi à Galeno inter morbos reponi: imò verò lib. cit. cap. 2. (quod non est ausus citare Vallesius) expressè dicit Galenus, esse symptoma, & quidem intemperiem, aut obstructionem consequens. Quare & Vallesius, & Argenterius Galeno nimis audacter imponunt.

Obiectio.

Sed dicet adhuc aliquis, Galenum lib. 1. de vsu part. cap. 9. docuisse partes similes (quibus actiones debentur) interdum exercere suas actiones propter temperamentum, interdum verò propter id, quod consequitur temperamentum: sicuti in oculis actio visiva fit propter colorem. Itaq; si oculus videt propter colorem, color deprauatus naturali contrarius, erit causa actionis læsæ, & per consequens morbus.

Solutio.

Respōdeo Galenum citato loco voluisse quasdam esse partes, quæ solo temperamento, vt plurimum, sine qualitatibus secundarum iuuamine, suas actiones edunt: Renes v.g. ad suas actiones obeundas nullo egent colore. Aliæ autem reperiuntur partes, quæ, præter suum temperamentum, alijs multis qualitatibus secundis ad suas actiones edendas egent. Sic humor crystallinus visionem quidem edit ratione peculiaris temperamenti: perlucidus tamen, & purus color in eodem humore necessarius est; vt docet Gal. lib. 1. meth. c. 6. Color ergo deprauatus non est dicendus

causa

causa visionis læsæ, sed intemperies propriè & per se vt optimo exemplo Socratis lapidem baculo mouētis commonstrat Fabius Pacius lib. 2. methodi, Disputatione de differentijs morborum.

De hoc argumenti genere quamplurima proposuit Argenteus, ad quorum singula respondere prolixum nimis esset. Ex dictis tamen facilè cuius innotescet modus respondēdi ad quæuis eius contra Galenum deliramenta.

DUBIUM III.

PRecedentibus dubijs, de opinionibus illorū, qui alios morbos, præter trimembre genus à Galeno expositum, euexerunt, peregrinus. Nunc descendamus ad alios, qui ex aduerso omnes morbos à Galeno positos, non admittunt. Dicunt enim nonnulli, nullum genus morbi admittendum præter solam intemperiem; quia hæc sola est; quæ efficienter actiones lædit. Ergo hæc sola est, quæ morbi nomen meretur.

Obiectio.

Sed respondeo, concedendo quidem solam intemperiem propriâ manifestâq; efficientiâ lædere actiones, alios tamen morbos, quandam habere efficientiam, licet obscuram, & ad modum impedimenti: Claudicatio v.g. proueniens à luxatione ossium in genu, videtur produci à morbo in situ: cum recta ambulatio proueniat à mēbris suum situm obseruantibus. Qui volet tamen alios morbos præter intemperiem esse impedimenta per se actionum læsarum, ei non contradico. Nam mihi sufficit, quòd sint causæ per se actionum læsarum. Ex hac tamen doctrinâ non rectè quispiam inferret, morbum esse relationem; quia relatio nec actiue lædit actiones, nec actionibus impedimento est.

Solutio.

DUBIUM IV.

Nonnulli autumant, vt est apud Vallesium lib. 4. Controuerf. c. 2. morbum nullas habere species: atq; adeò morbum in genera, aut species non posse diuidi. Ratio illorum est; quia morbus suo contrario, sanitati, correspondere debet. Sed sanitas non habet species. Ergo neq; morbus ei contrarius. Probatur minor. Medium in plura mediâ, tanquam

Obiectio.

in

in species, diuidi nequit. Sed sanitas est medium. Ergo sanitas in plura media, tanquàm species, diuidi nequit.

*Solutio
prima.*

Respondeo negando minorem argumenti: negandoq; pariter maiorem probationis, aut secundi argumenti. Sanitas enim æquè latè patet, ac morbus, etiamsi medium sit. Quod autem sanitatis, & morbi species sint æquales, patet ex Galeno, in Arte medicinali, cap. 8. sub hâc verborum serie: Vitiorum verò genera eadem sunt cum his, quæ virtutem perficiunt: temperatura quidem in similaribus: numerus autem, & formatio, & magnitudo, & situs, in instrumentarijs: vtrisque verò communis vnitas, quam continuitatem appellamus.

*Solutio
secunda.*

Respondeo secundo, tamen si sanitas sit medium, non esse medium specificum, sed genericum, & cum latitudine, plures sub se continens species. Quælibet enim natura suum habet medium, à medio alterius naturæ distinctū: vt videre est in temperamentis diuersis, in quibus potissimum sanitas consistit. Quodlibet autem temperamentum ab altero specie distinguitur. Ergo & sanitas in his consistens, in plures diuiditur species: Temperamentum enim, quod est bonum bilioso, non est congruum pituitoso, sed morbosum potius. Itaque cum sanitas, quæ medium est, in plures diuidi possit; multò melius morbus, qui extremum est. Vnde quamuis vnica in vno corpore sanitas, tanquam vnum medium, admitteretur, plures tamen morbi in eodem corpore admitti debent: Nam omne bonum fit ex integra causa; malum verò ex quocunque defectu. Sanitas autem, & morbus opponuntur, vt medium & extremum, non tanquam duo extrema. Quare in vno corpore plura extrema dari possunt, etsi vnicum insit medium, sanitas. Nam

Mille modis morimur Mortales, nascimur vno:

Sunt hominum morbi mille, sed vna salus.

*Multi
morbi
multaq; op
positæ sani
tates.*

Verùm morbis etiam peculiaribus in corpore sanitates peculiare opponi possunt: vt vnitas continui, solutioni continui: temperies, intemperiei: debita figura, figuræ vitiatæ: situs legitimus, dislocationi: quantitas congrua, incongruæ quantitati: numerus completus & debitus, indebito. Quia tamen denominationes sunt suppositorum, non dicitur hæc pars, & hæc altera sana, sed totum corpus. Multò verò frequentius partes dicuntur morbis

labo-

laborare. Vnde Hippocrates in aphorismis: Vbi dolor, ibi morbus: vbi calor etiam, aut sudor, ibi etiam morbus.

DVBIVM V.

CAuillator Argenterius cap. 2. lib. de morbi generibus, stupidos appellat omnes, qui calorem præter naturam, frigus præter naturam, siccitatem præter naturam, lapidem in vesicâ, vnguem in oculo, quem Græci pterygium vocant, magnitudinem, numerum vitiatum, solutionem continui, & similia, morbos appellant. Quia, inquit, calor excedens malè dicitur intemperies; cùm hæc duo inter se distinguantur: nam calor excedens, siue præter naturam, non est morbus, sed causa temperiei calefactæ: Intemperies verò est temperamentum calefactum. Conatur ille fuco veritatis hanc suam doctrinam persuadere: Nulla, inquit, daretur proxima causa intemperiei, si intemperies in calore præter naturam consisteret.

Obiectio prima.

Sed facilis est responsio ad hanc Argenterij doctrinam. Negamus enim calorem præter naturam, & intemperiem, esse res inter se distinctas. Nam prout intemperies temperiem connotat, seu prout aliquo modo ipsam includit, non est morbus, sed partis natura, & dispositio: at verò prout intemperies accipitur pro excessu caloris insuavis, nihil est aliud, quam calor adueniens, & temperamento superadditus; qui calor, quia temperamentum connotat, intemperies dicitur: temperamentum verò ipsum nullo modo morbi rationem ingreditur. Nam ex cap. 9. lib. 1. de usu part. temperamentum est partium natura quâ actiones omnes fiunt. Ergo non potest esse morbus.

Solutio.

Dum inquit, calorem præter naturam esse intemperiei proximam causam; Respondemus, id negando: Nam intemperies nullam habet causam continentem, vt sequenti libro dicemus: Causam tamen proximam habere possunt febres putridæ, putredinem: Hæctica verò, & Ephemera, sine coniunctâ causa, vtplurimum, reperiuntur,

Temperamentum est partium natura.

Obijcit secundo, Temperamentum vitiatum à calore est id, quod lædit actiones, non verò ipse calor. Ergo calor est causa, & non morbus. Respondeo falsum esse, temperamentum læ-

Obiectio secunda.

Solutio.

dere actiones: cum idipsum sit, quod actiones vnâ cum animâ edat.

*Obiectio
tertia.*

Obijcit tertio, morbos partium dissimilariū esse totam structuram vitiatam instrumentorum; quia morbus est constitutio, ad quam requiritur diuersarum rerum compositio: quæ compositio non reperitur in vllō ex assignatis morbis in conformatione, magnitudine, numero, & situ; cum numerus, magnitudo, situs, & conformatio, sint res simplices. Ergo numerus, magnitudo, mala conformatio, & situs, erunt causæ morbi organici, qui in structurâ consistit.

Solutio.

Respondeo, negando morbum esse necessariò quid compositum; licet sanitas, quæ in temperamento consistit, res composita aliquo modo dicatur: Nam sanitas, & morbus opponuntur, vt medium, & extremum; quæ quidem sub eodem genere proximo non continentur, quemadmodum duo extrema, sed sub eodem genere remoto. Quare malè dixit Argenterius, numerum, magnitudinem, &c. esse res compositas, prout morbi sunt. Structura autem partis non potest esse morbus, sed potius partifunctura, quæ actiones nullatenus lædit, sed edit: morbus autem est, qui easdem actiones lædit. Addamus & his, numerum, magnitudinem, situm, & malâ conformationem, non esse morbos, sed malas dispositiones, & vitia ex his contingentiâ, & immediatè actiones lædentiâ, morborumq; rationem habentiâ.

Denique ipse Argenterius sibi contradicit: Nam lib. de morbi generib. c. 1. vbi morbi definitionem tradit, ait morbum esse constitutionem, siue compositionem præter naturam, & hanc compositionem non esse rem compositam, sed qualitatem quandam ex rebus compositis resultantem. Hæc eius sunt verba: Caterum constitutionem hoc loco intelligere oportet, non pro quarto genere constituente partes instrumentarias (id est, connexu seu cōiunctione) quemadmodum cum diximus eas ex conformatione, magnitudine, numero, & compositione similariū constitui; sed generalius pro constitutione ipsâ, & vt compositionis nomen omnibus significat formam, & qualitatem quandam, quæ ex mixtione componentium nostrum corpus resultat. Ex his constat Argenterium contentioni, non veritatis ergo, plura contra Galenum suscitare.

*Argenterius
sibi
contrarius.*

DVBIUM VI.

Galenus lib. de different. morb. c. 5. vñsus est simplicem intemperiem cum affluxu humoris admittere : quæ doctrina dubitandi ansam multis præbuit; quoniam c. 12. eiusdem lib. de different. morb. ex sententiâ Hippocratis, docet, admittēdas tantū quatuor intemperies compositas cum materiâ aut affluxu humoris. Hinc nōnulli colligunt, nullā dari simplicē intemperiem ex humoris fluxu procedentem. Ratio eorum est; quia vnusquisq; quatuor humorum duas habet qualitates excedentes, vt in nostrâ docuimus Physiologiâ: Sanguis ideò calidus humidusq; dicitur: Pituita frigida & humida: Bilis calida & sicca: Melancholia sicca frigidaq;. Ergo quoties aliquis horum humorum ad partem aliquam fluxit, in tali parte, non simplicem, sed compositam necessariò generabit intemperiem.

Obiectio.

Respondeo, concedendo antecedens, & distinguendo consequentiam. Verum quidem est, quemuis humorem duabus qualitatibus alias duas excedentibus frui. Verum etiam est, humorem fluxum, & alicui parti hærentem, tumoremq; efficientem, cōpositam intemperiem generare; vt docuit Gal. cit. cap. 12. vbi ait, in tumoribus præter naturam compositam intemperiem reperiri. Sed fieri tamen potest, vt simplex intemperies, siue excessus vnius qualitatis primæ, inueniatur in parte, ad quam humor fluxit. Datur enim fluxus compositi humoris, sanguinis v.g. & pituitæ, qui ambo humores humidi sunt: si verò cōtingat eos æquali portione ad partem aliquam influere, pituitæ frigiditas sanguinis calorem temperabit; atque adeò sola humiditas suam contrariam qualitatem siccitatē excedet; & tunc dabitur simplex intemperies cum affluxu humoris.

Solutio 1.

Alio exemplo rem illustrare lubet. Habeat aliquis ventriculum sicco frigidusq; temperamento præditum, quale familiare est melancholicis, & senibus: defluat rursus humor pituitosus ex capite ad ventriculum, vt non rarò accidit. Ex humiditate humoris è cerebro in ventriculum lapsi, & siccitate ventriculi, resultat quædam temperat̃ia, & æqualitas. Superest ergo, vt tunc fiat solius frigiditatis excessus in eodem ventriculo, quamuis ad eum

Ex duabus interiectionibus, temperatum quid resultat.

fluxerit humor. Ergo cum affluxu humoris reperietur excessus vnus qualitatis primæ, seu intemperies simplex: frigiditas humoris fluxi è cerebro, & præexistens frigiditas ventriculi suum contrarium calorem excedens, permanent, caloremq; ventriculi vincunt: & reliquæ duæ qualitates, siccitas, & humiditas, temperatæ manent. Ex duobus enim temperamentis immodicis vnum moderatum resultat, ex Galen. lib. 3. Meth. c. 2. Vnde illi, qui ardente febre laborant, etsi ventriculi orificium calidum habeant & siccum, vnde sitis, nequaquam tamen aliquando sitiunt; quia humor quidam aqueus è cerebro, roris ritu, delabens, os vniuersum, æsophagum, & ventriculum irrigat, sitimque sic sedat. Sitis enim ex siccitate prouenit, vel ex calore, & siccitate simul. Humor autem delabens aqueus, frigiditate, & humiditate excedentibus, gaudet.

Solutio 2.

Ad propositam obiectionem iterum hæc viâ respondere possumus: Quamuis quiuis humor duas habeat qualitates excedentes suas contrarias, vna tamen harum qualitatum excedentium, citius, faciliusque in parte introducitur, quàm alia. Bilis v.g. ad partem fluens, prius calefaciet partem, quàm exiccabit; quòd eadem bilis actu, & potestate calida sit, sicca verò potestate tantum. Siccitas præterea qualitas est pigra, & lentè agens. Vnde ab Arist. 2. de Generat. passim, passiva qualitas dicitur; quamuis, in rigore loquendo, actiua sit, vt in nostra Physiologia docuimus.

Quod attinet ad Galeni doctrinam, non solum citato loco habetur, sed etiam lib. 2. Methodi c. 6. vbi aduersus Erasistratum, ex Aristotelis filiâ natum, manifestè probat, dari octo intemperies sine affluxu humoris: octo verò cum affluxu; quatuor simplices, & compositas quatuor. Hæc ipsius sunt verba: Siquidem vbi sanguis in finibus arteriarum impactus actionem vitiat, id arterias ipsas, quatenus instrumenta sunt, malè habet: vt verò similes particule sunt, octo quidem secundum nudas qualitates intemperies habent, octoq; rursus cum fluxione.

Ad hunc Galeni contextum aduersarij respondent, eum esse deprauatum. Sed hoc esto, nunquid ideò alia omnia Galeni loca erunt deprauata? nequaquam, opinor. Quod autem citato iam loco de intemperierum numero docuit, alijs in locis confir-

mat.

mat. Nam lib. 8. de Medicament. secundum locos c. 1. ait: Cum octo sint in singulis partibus corporis intemperaturæ: atq; hæc omnes aut circa solas nudas qualitates, aut alicuius humoris complexu fiant; intemperiem quidem siccam humectare oportet. Eandem doctrinam habet lib. 7. Meth. cap. 11. & lib. de inæquali intemp. Ergo cum hæc omnia Galeni loca, citato loco lib. 2. Meth. congrua sint, citatus hic locus verus erit.

*Sedecim
intēperies.*

Existimo tamen simplicem intemperiem, tam sine affluxu humoris, quam cum affluxu, esse momentaneam, si datur; quoniam non solum humores quatuor habent qualitatum coniugationes, verum etiam elementa; & licet una qualitas suâ sociâ, & comite qualitate manifestius eluceat, ut exemplo bilis ostendimus, & ut in quolibet elemento compertum est, vix exuperat, quin sociâ qualitas excedat. Proindeque, quamvis calor cum humiditate naturaliter esse possit, in corporibus nostris, si idem calor est præter naturam, & igneus, ut sæpè contingit, sine acquisitâ siccitate esse nequit. Quare dum fit transitus caloris ab humiditate ad siccitatem, veluti momentaneus, aut imperceptibilis est. Humiditas enim, & siccitas, non ita diu æqualitatem compatiuntur, quin statim alterutra alteram excedat. Idem de siccitate, quæ frigiditati, & calori copulari potest, dicendum. Calor enim, & frigus ratione maioris actiuitatis, quâ possident, minus adhuc æqualitatem, quam humiditas, & siccitas compatiuntur. Quod de siccitate dictum est, idem de humiditate dici debet.

*Simplex
intēperies
non diu
perseue-
rat.*

DE VBIUM VII.

D Vbitandi ansam dat Galeni doctrina lib. 7. meth. c. 6. & lib. de different. morb. cap. 5. Nam utrobique intemperiem humidam sine affluxu humoris statuit: Contrarium enim quibusdam visum est. Nam, si daretur, inquirunt, nulla intemperies humida sine affluxu humoris; inde sequeretur, quod marasmus, seu ingens ariditas corporis, emendari posset, possetque per consequens retardari senectus, cum siccitas senectute acquisita emendaretur. Sed hoc dicere est absurdum. Ergo non datur intemperies humida sine affluxu humoris.

Obiectio.

Respondeo negando sequelam maioris. Licet enim humida

Solutio.

in-

intemperies, eo modo quo præcedenti dubio diximus, detur; non proinde marasmus, aut siccitas senio acquisita, sanari posset. Ratio est; quia humiditas, quæ in marasmo, & senectute absumitur, est natiua partium, quæ originem ex principijs nostræ generationis, semine nimirum, & sanguine menstruo, traxit. Vnde, quamuis partes solidæ humidâ intemperie afficerentur, non inde sequitur, siccitatem illam extremâ, in quâ humidum radicale absumptum est, posse sanari: quia humiditas illa natiua non potest ab intemperie humida, quæ res præter naturam est, foueri aut regenerari. Rectè ideo Galen. Philosophum illum Sophistam irridet, qui librum de vitæ, non solum propagatione, sed perennatione, scripsit: Nam si modum scirèt perennandi vitam, suam præ alijs perpetuâ fecisset. Sed statutum est omnibus hominibus semel mori: & rectè quidem; cum à priuatione ad habitum, humanâ industriâ, non detur regressus: In locum enim humidi radicalis in dies perditum, nō humor radicalis, sed radicali multo imperfectior sufficitur. Humiditates alię à radicali distinctæ quotidie reficiuntur; humiditas scilicet carnea, & adiposa, ros, & sanguis in exilibus, & capillaribus venulis contentus: de quibus nos fusè cum Galeno in nostra Physiologia tractauimus.

DE VBIUM VIII.

DVbitandi occasionem præbet Galeni doctrina lib. de different. morb. cap. 6. vbi de morbis partis dissimilari agens, ait, in quolibet instrumēto inueniri aliquam partem similem, quæ est præcipua causa, & author actionis talis instrumenti: aliæ autem instrumenti partes vsum præbent isti parti præcipuæ, vt melius & facilius actiones edat. Hinc duplex nascitur difficultas. Primò enim, visus est Galenus parti simili præcipuæ instrumenti, actionem totius instrumenti tribuere: vt humori crystallino in oculo visionem: adeoque humoris crystallini temperamentum, ex Galeni sententiâ, erit visionis author: & dum læditur visio, ab intemperie temperiei contraria lædi debet. Ergo morbus partis similis est morbus partis dissimilari. Et quidē ex aduerso constat, cutem, partem similem, obstructione lædi, cum obstructio partis dissimilari morbus sit.

Secunda difficultas, quæ ex præfato Galeni loco, tum ex alijs oritur, est, quòd debemus admittere morbum vsûs. Nam læsis partibus vsûm præbentibus parti præcipue instrumenti, læditur vsûs. Ergo dabitur morbus vsûs. Patet antecedens: in oculò enim, si lædatur aliqua pars à crySTALLINO humore distincta, lædatur vsûs. Pariter læsâ cute, quæ est communis sentina corporis, per quam fuliginosi vapores euacuantur, læditur vsûs corporis: Et consequenter admittendus est morbus vsûs.

Ad primâ difficultatē respondeo, cōcedendo temperiæ humoris crySTALLINI esse quodāmodo visionis authorē, sed nō solitariū: Nam & figura eiusdem humoris, & consistentia, & reliquæ partes oculi, quælibet suo modo, ad visionis productionem concurrunt. Intemperies ergo humoris crySTALLINI lædit visionem, totius oculi actionem: quamuis enim per se sit morbus partis similis; per accidenstamen est morbus totius instrumenti: quatenus nimirum conuenit parti similari, non prout simpliciter similis est, sed prout humor crySTALLINUS est instrumenti pars. Pari pacto obstructio cutis est morbus, non quatenus cutis est simpliciter pars similis, sed prout est magni instrumenti animæ, i. totius corporis, pars. De cōpositione corporis ex partibus vniuersis loquutus est Galen. lib. de different. morb. c. 3.

*Primæ
difficulta-
ti satisfi-*

Ad secundam difficultatem respondeo, negando dari morbum vsûs: itaq; quoties pars aliqua, vsûm præbens, læditur, actio tunc lædi dicitur; quia omnes instrumenti partes simul ad actionis productionem concurrunt, & vsûm actioni omnes præbent adequatè; ita vt actio ab omnibus simul sumptis dimanet. Partes instrumenti, quæ vsûm actioni edendæ præbent, aliquo ex tribus modis eundem vsûm præstant: aut primò, ratione temperamenti: aut secundò, ratione eorum, quæ temperamentum sequuntur: v.g. durities ossis magnum præstat vsûm deambulationi: aut tertio, ratione eorum, quæ parti accidunt; cuiusmodi est debita compositio, seu conformatio, quæ quatuor requirit, vt perfecta euadat: decentem nimirum particularum numerum: earundem particularum debitam magnitudinem: decentem formationem: debitamq; cōpositionem, seu situm & connexū. Visio v.g. quæ in oculo fit, lædi potest his omnibus modis, vt suo loco superius diximus; vbi inuimus instrumēti actionem lædi, quoties partes vsûm præbentes lædun-

*Secundæ
difficultas
diluitur.*

*Partes in-
strumenti
vsum præ-
bent tripli-
citer.*

lęduntur. Instrumęti autem actio læditur ab affectibus partium
vsum pŕeŕbentibus; mediatę, vel immediatę. Diximus cum Gale-
no cap. 6. lib. de different. morbor. maximę, & pŕecipuę instru-
menti actionem lædi, quādo pars pŕecipua instrumenti ægrotat:
v.g. læditur maximę, & immediatę visio, quādo humor cryŕtalli-
nus male afficitur: reliquę verò partes, quę vsum actioni tribuunt,
si vehementer ægrotauerint, visionem impediunt. Et quidem du-
pliciter harum partium vsualium affectus eandem visionem læ-
dunt: vel prout causę sunt; vel prout veri morbi: v.g. si inflamma-
tio tunicę adnatę humori cryŕtallino communicetur, ita vt visio
propter cryŕtallini intemperiem lędatur, tunc eadem inflamma-
tio tunicę adnatę se habebit, tanquam mediata causa lęsionis vi-
sionis. At verò aliquando aliarum partium oculi morbus, illęso
cryŕtallino, visionem per se, & immediatę lędit: vt videre est in
vngue adnatę, & corneę tunicę morbo: pupillam enim
vnguis sępę cooperit, & visionem consequenter impedit. Con-
cludendum igitur nullum dari morbum vsūs partium vsualium,
sed morbum actiones, lędentem; quia partes instrumenti vsum
sui gratiā non sunt sortitę, sed gratiā actionis totius instrumenti.

DVBIVM IX.

Non leue dubium oritur ex cap. 7. lib. de different. morb.
vbi Galenus inquit, vitia quędam, seu morbos in figu-
rā, esse aduentitios, alios verò natiuos, seu congenitos.
Vnde ex Galeni sententiā morbi congeniti, hæreditarij vulgò di-
cti, admittendi sunt.

*Dubio oc-
curritur.*

Sed responsio facilis est. Cōcedimus enim morbos illos, quos
hęreditarios vocant, admittendos: veros tamen, propriosq; mor-
bos, non esse congenitos, prout morbi communiter accipiuntur.
Nā verus morbus est affectus pŕetēr, aut contra naturā, primò, per
se, & sensibiliter actiones lædens. Sed nihil tale est connatum:
Ergo nullus verus morbus est cōgenitus. Probatur mino r. Quod
est contra, aut pŕetēr naturam, non est connatum. Sed morbus
verus est cōtra naturam. Ergo morbus verus nō est cōnatus. Mor-
bus ergo ille, hęreditarius dictus, est pŕetēr naturam communem
hominis; non verò pŕetēr naturam eius, cui congenitus est. Ar-
thritis

thritis ergo à natiuitate non est præter naturam peculiarem eius, qui eâ afficitur; quia est illi quid proprium, vtpote dimanans à naturâ seminis decisi à parente arthritico. Similiter sextus digitus à natiuitate, de quo Galen. lib. 14. Meth. cap. 14. est morbus solummodò præter naturam communem; quia, si alteri talis digitus superueniret, dispositio inde resultans actionem læderet: at verò propriam naturâ eius, qui à natiuitate sexto fruitur digito, minimè lædit; quia talis dispositio ei naturalis est; etsi, ordinariè loquendo, morbus dicatur.

DVBIUM X.

DVbitandi occasionem dedit doctrina Galeni lib. de different. morb. c. 7. & 8. quibus in locis lapidem in vesicâ, humorem impactum ductibus, meatibusque, quos obstruit, tuberculum in naribus, morbos visus est appellare. Turingensis, & alij, quibus placuit, morbum esse nunc substantiam, nunc qualitatem, existimant impactum lapidem esse obstructionem, non verò obstructionis causam. Quod probant; quia ablato calculo, aut humore obstruente, aut narium tuberculo, statim cessat morbus; qui tamen, cum sit ens permanens, non cessaret, si esset quid distinctum à calculo, humoribus, & narium tuberculo.

Respondent aliqui, humorem impactum, calculum similiter impactum, & obstruentem, esse morbos in obstructione: humores consideratos, quatenus sunt viscidi, crassi, aut multi, esse obstructionis causas. Vnde ablatis humoribus impactis aufertur morbus: quia humores impacti meatibus, quatenus impacti, morbi rationem habent: non verò simpliciter, quatenus viscidi, aut crassi, aut multi sunt; quia humores consimiles esse possunt absque, quòd impacti sint.

Licet hæc responsio non sit inepta, si rem attentius consideremus, lapis, & lumbrici, & consimilia, morbum efficiunt in numero addito, eoq; toto genere præter naturam. Quare Galeno herentes, melius fortè dicemus, calculum, vt impactum, esse obstructionem: & vt rem alienam à naturâ, esse morbum in numero addito: & sic morbum vnum esse causam alterius morbi.

DVBIUM XI.

Galenus lib. de diff. morb. c. 11. ait, solutionem continui esse morbum communē similari, & dissimilari parti. Argenterius solito more Galenum mordet, dicens ex codicē Galeno, solam intemperiem ledere partis similis actiones; quia omnis actio partis similis à temperamento prouenit. Ergo omnis lesio actionis partium similium ab opposita intemperie.

Solutio.

Respondeo, unitatem partium ad actionum productionem, esse necessariam; & taliter, ut sine hac temperamentum non posset esse actionum author, aut eas villo pacto edere. Quare cum temperamentum unitatem partium præsupponat, unitatis solutio erit necessariò morbus. Idem Argenterius cap. 12. lib. de generib. morb. confitetur adhuc solutionem continui partis similis aliquo modo eandem similem offendere.

Difficultas.

Olim in Scholis proponebam quandam difficultatem circa solutionem continui in partibus dissimilibus, hac serie: Solutio contigui nō est solutio continui. Sed solutio cōueniens parti dissimilari est solutio contigui. Ergo solutio conueniens parti dissimilari non est solutio continui, sed contigui: atq; adeò falsa, erit Galeni doctrina statuens, solutionem continui morbum cōmunem, tam similari, quàm dissimilari. Quod attinet ad maiorem argumenti, ad eam aliqui respondent, dicentes, solutionem continui comprehendere non solum veri continui solutionem, sed insuper contigui. Sed meo iudicio Philosopho hoc responsum parum consonum est: Nam continua, iuxta eius doctrinam, sunt ea, quorū extrema sunt vnū: Cōtigua v. seu tangentia, è contra ea, quorum plura extrema sunt simul. Ergo sicuti album non comprehendit nigrum, similiter nec continuum contiguum. Patet consequentia: Ideò album non comprehendit nigrum; quia album & nigrum sunt opposita. Sed continuum, & contiguum sunt pariter opposita. Ergo sicuti album non comprehendit nigrum, pariter nec continuū contiguum. Patet minor: Quæ oppositas habent definitiones, sunt opposita. Sed continuum & contiguum oppositas habent definitiones. Ergo continuum, & cōtiguum sunt opposita. Patet minor: Nam continuum per vnum definitur,

Inepta quorundam responsio.

con-

contiguū per duo, aut plura. Ergo oppositas habent definitiones: cūm vnum, & plura, opponantur ex Philosopho in metaphysica.

Hinc patet veritas Minoris superioris primi argumenti, quæ est: Sed solutio conueniens parti dissimilari, est solutio contigui. Quod enim est tāquā aggregatum quid ex rebus diuersæ naturæ, non potest esse continuum, sed contiguum. Ergo solutio talis aggregati nequit esse solutio continui, sed contigui tantū. Et sic concludendū, morbū in solutione continui soli parti similari, quæ sola in nobis cōtinua est, conuenire: & morbum solutionis partis dissimilariis esse morbū in situ tantū. Atq; adeo solutio continui erit morbus proprius parti similari. Solutio autē cōtigui erit morbus partis dissimilariis, & quidē ei proprius: quia solutio contigui, aut separatio partium similarium, ex quibus constat instrumentū, est morbus in situ, & nō in solutione continui. Sed morbus in situ est proprius parti dissimilari. Ergo & solutio cōtigui, quæ est mutatio situs partium similarium componentium instrumentum.

Hæc sanè omnia mihi facilè persuaderent, solutionem continui non esse morbum communem, nisi valde improprie, si sola Galeni autoritas non mihi, remore instar, esset: Nam ipsemet c. 11. lib. de different. morb. vbi expresse communis morbi, quem cōtinui solutionem appellat, naturam examinat, veram cōtinui solutionem communem morbum vocat; vt hæc eius verba dilucidè demonstrant: Cūm enim diuellitur ligamentum, vel arteria, cōmunis est, & totius instrumēti, & diuulsæ particulæ morbus: nam vtriusque soluta est continuitas: totius quidem instrumēti, cūm partes non amplius coherent, neque vniuntur: ipsius verò particulæ diuulsæ, quoniam non amplius est vna, sed in duas diuisa est partes. Quod si non ex toto diuulsa fuerit, sed parte aliquā tantū, non erit totius instrumenti morbus, nisi ex accidenti, quoniam videlicet aliqua ipsius particula patiat: sed ipsius tantū patientis particulæ proprius, ac peculiaris erit morbus.

Ex his Galeni verbis constat, non leuiter errasse illos, qui ad obiectionem propositā non aliter respondent, quā solutionem contigui esse solutionem continui apud Medicos. Miror sanè quod ausi fuerint nonnulli Medici, vt suam protegant ignorantiam, hanc ineptam doctrinam Medicorum eruditæ Sectæ tribuere: cūm hæc interpretatio longè à Galeni doctrina distet, qui ma-


*Ineptæ
responsio.*

*Galenus
fauet no-
stræ senten-
tiæ.*

nifestè pronunciauit, diuulsionem arteriæ, & ligamenti, esse morbum communem parti similari, simul & dissimilari. Si enim ligamentum, aut arteria, diuidatur integrè; tunc, inquit, aderit morbus communis parti similari, & dissimilari simul. Hic autem morbus communis est vera continui solutio; alioquin per se non cõueniret parti similari. Loquutus enim est Galenus de vnicâ continui solutione, quæ diuersimodè considerata, dicitur morbus partis similaris, atq; dissimilaris simul. Solutio v.g. ligamenti violenter fracti, & diuulsi, aut aliquâ re acutâ scissi, est verus morbus ligamenti, quod est pars similaris. Est etiam morbus partis dissimilaris; quia omnes instrumenti partes non cohærent, sicuti antea. Si verò ligamentum secundum aliquam sui particulam fuerit solutum, aut diuisum; ita, vt instrumenti partes adhuc sibi cohæreant, tunc tanquam pars similaris, & non tanquam pars partis dissimilaris, solutione continui laborat. Sententia ergo Galeni est, veram continui solutionem esse morbum, non autem solutionem continui accipiendam pro verâ solutione continui, quæ similari parti competit, & simul pro solutione contigui, quæ parti dissimilari: Solutio autem contigui est morbus potiùs in situ mutato, quàm morbus communis. Stet ergo argumentum à nobis propositum, tanquam optinè concludens: Est enim Aristotelis, & Galeni doctrinæ prorsus congruum.

Obiectio. Sed instabit aliquis, solutionem continui esse morbum proprium partis similaris, perinde ac intemperiem: Atq; adeò nō, nisi per accidens, solutionem continui esse morbum partis dissimilaris, sicuti intemperiem.

Solutio. Respondeo negando paritatem: nam valde per accidens intemperies dicitur morbus partis dissimilaris: quia potest adesse, absq; eo, quòd partis dissimilaris functio lædatur: at verò integra solutio continui alicuius partis similaris nunquam fit, quin toti instrumento damnum inferatur. Quare solutio continui meritò partis dissimilaris, æquè fermè ac similaris, morbus dicenda est.



CAPVT VI.

De Accidentalibus Morborum Differentijs.

S Atis fusè cum Galeno genus morbi ad infimas vsque species diuissimus . Sed quoniam essentialia morbi differentias, vtpotè à naturâ rei desumptas, potissimum lib. de differ. morb. inuestigauit Galenus ; aliquid nobis dicendum de accidentalibus, & vsualibus quibusdam differentijs : quæ quidem, quia ad faciliorem dilucidioresq; curandi methodum plurimum conducunt, vsuales meritò dicuntur : Huius enim rei gratiâ à Medicis adinuentæ sunt ; & iuxta hanc legem de accidentalibus morborum differentijs diffusè Galenus libris Methodi Medendi, & libris de locis affectis, & libris de medicament. secund. loc. peregit. Accidentales enim differentiæ dicuntur, quia vel à subiecto, aut motu, causâue, aut alijs cõsimilibus desumuntur. Vsuales verò appellantur propter allatam paulò ante rationem . Calor enim præter naturam ex se, & natura propria, est infima species : at verò diuiditur in febrem, quæ est intemperies calida totius corporis, & in peculiarem vnius partis intemperiem : Et rursus febris diuidi solet in febrem hecticam, diariam, & humoralem . Intemperies calida partium, iterum diuiditur in intemperiem cum affluxu humoris ; & in intemperie sine humoris affluxu . Et intemperies calida cum affluxu humoris diuiditur in phlegmonè, & erysipelas ; & hi rursus tumores in alias species ; & hæ in sua tandem indiuidua . Physicè loquendo, intemperies calida in vniuersum, est vnica species specialissima, indicans refrigerationem : Sed quoniam hæ refrigeratio, non nisi circumspectè, & methodicè, fieri debet, plurimum iuuat eandem intemperiem in plures accidentaliter distinctas differentias dispescere . Nam licet phlegmone, & erysipelas, sint intemperies calidæ cum humoris affluxu, diuerso tamen modo curantur, vt docet Gal. lib. 13. & 14. meth. med. Similiter, licet phrenitis sit inflammatio, & pleuritis pariter inflammatio, diuersimodè tamen curantur . Proinde Pathologia particularis, id est illa, quæ de morborum curatione agit, non solum essentialibus morbo-

rum

*Morbi
vsuales
cur ita di
cti.*

*Morbi
accidentales.*

*Intemperies
calida vni
uersa diu
siones.*

*Intemperies
calida est
species spe
cialissima
Physicè lo
quendo.*

rum differentijs constat, verumetiam accidentalibus, & vsualibus dictis. De quibus omnibus prolixum esset hîc agere, cum ad meram praxin pertineant. Quasdam ergo differentias sparsim ab Hippocrate, & Gal. in suis operibus traditas hîc exarabimus: vt sic facilius ad praxin detur aditus.

Morbi distincti.
Còplicati.

Morbi itaq; quidam distincti dicuntur, qui scilicet in diuersis corporis partibus sedem habent. Alij dantur morbi complicati: quando scilicet in vnâ eâdemq; parte plures extant morbi.

Morbi quidam sunt simplices: alij verò compositi; de quibus fusè in superioribus cum Galeno.

Morbi consequentes.
Connexi.

Aliqui morbi dicuntur consequentes: quando nimirum vnus in alium definit: vt pleuritis in empyema: apoplexia in paralyfin.

Cònexi morbi dicuntur illi, qui quasi necessariò còiunguntur: vt pleuritis, & febris. Hæc enim, quia pleuritidem consequitur, tanquam symptoma, morbus symptomaticus appellatur.

Sed accidentaliores morborum differentiæ à morbi accidentibus necessariò eius essentiam consequentibus, desumendæ. Accidentia necessariò consequentia morbum, sunt magnitudo, aut paruitas, motus, & mos, ac futurus euentus.

Morbus magnus.

Morbus magnus est ille, qui magnum naturæ damnum infert: seu est magnus à naturali statu recessus. Et tripliciter magnus morbus dicitur. Primò, quia ex suâ naturâ talis est: vt magnum vulnus, apoplexia, angina, & similes. Secundò, quia symptomatica magna sunt. Tertiò, quia causa maligna est. Vnde pestis, & morbi à veneno, magni dicuntur. Sic enim placuit quibusdam morbum magnum diuidere. Sed Galeni doctrinæ conformitè morbos magnos ratione symptomatum ad morbos magnos ex propria essentia reuocabimus: & tertiū genus morbi magni constituemus, morbos partium nobilium. Morbus paruus est ille, qui magno opponitur.

Morbus paruus.

Motus morbi.

Quatuor tempora morbi.
Principiū quale.

Motus morbi nihil est aliud, quàm morbi cuiusuis peculiaris duratio: quæ quidem in quatuor tempora, tanquàm in quatuor ætates, diuiditur. Primum tēpus, siue ætas alicuius morbi, principium dicitur: estq; totum tempus cruditatis, id est tempus, in quo vix vlla apparent signa coctionis in excrementis. Alij principium morbi accipiunt pro toto tēpore, in quo nulla seuiunt symptomata. Vnde Hippoc. lib. 2. aphor. 30. In principio, & fine

omnia sunt imbecilliora: id est, in principio morbi, & fine, seu declinatione, omnia accidentia siue symptomata sunt mitiora.

Alij sic aphorismum vertunt: Circa initia, & fines morborum remissiora sunt omnia: vigentibus verò vehementiora. Augmentum morbi est illud tempus, quo symptomata sequi incipiunt: & si morbus salutaris sit, aliqua coctionis signa apparere. Status, seu vigor morbi est, quando morbus maximè intensus est, & sequit taliter, vt tunc symptomata quæuis magis, quàm alijs temporibus, eluceant: tunc enim naturæ & morbi maximus est conflictus, & si signa cruditatis hoc tēpore perseuerant, æger in manifesto versatur discrimine. Quartum morbi tempus est declinatio: quando nimirum sanationem suscipit æger. Omnis quidem morbus hæc quatuor tempora non habet, sed ille solus, qui sanabilis est: Nam in lethalibus morbis egri moriuntur, vel in statu, vel in augmento seu ascensu, seu incremento morbi, aliquoties in ipso principio: vt lib. de crisib. cum Galeno docuimus. Hæc quatuor morbi tempora, vniuersalia dicuntur: accessionum verò tempora, particularia: v g. paroxysmus febris tertianæ quatuor habet tempora, principium, incrementum, statum, & declinationem, quæ particularia tempora dicuntur: quæq; non solum in febrilibus accessionibus, sed in epilepticis, apoplecticis, & consimilibus alijs reperiuntur. At febres intermittentes, præter particularia illa tempora, sua habent vniuersalia.

*Augmen-
tum.
Status.*

*Declina-
tio.*

*Quatuor
tempora,
peculia-
ria.*

A duratione vniuersalis motus morbi duæ accidentales differentię desumuntur: quarum vna in quantitate durationis consistit: altera in modo durationis. Propter quantitatem, aut durationem temporis, morbus dicitur brevis, aut longus, seu chronicus, seu diuturnus. Morbus brevis est ille, cuius motus adeò velox est, vt breui tempore finem, seu declinationem, attingat. Huius naturæ est febris ephemera, seu diaria, seu vnius diei; quia, vt plurimum, spatio vigintiquatuor horarum suum cursum perficit, atq; terminatur. Diuturnus autem morbus est, qui in plures menses, & non rarò annos protrahitur: cuiusmodi est phthisis, podagra, quartana, epilepsia, & alijs consimilis naturæ morbi. In talibus autem tardus est motus, & lentè ad finem fit progressus: vt ait Galenus lib. 2. de Crisib. cap. 12.

*Morbus
brevis, &
longus.*

Quoties morbo veloci, seu celeri, nota aliqua magnitudinis
(quæ

*Morbus
acutus.*

(quæ ex symptomatum sæuitiâ colligitur) additur, non solum
velox, sed acutus dicitur: Nā acutus, & brevis, & acutus est. Omnis
enim acutus brevis est, sed non omnis brevis acutus: vt exemplo
ephemeræ febris ostendimus, quæ nequaquam magnus morbus,
nec acutus, dici debet.

*Morbi
acuti diui
sio.*

Morbus acutus est morbus cū celeritate periculosus: & in mor-
bum peracutum, & acutum diuiditur à Gal. lib. 2. de dieb. de-
cret. c. 12. Vterque in duo adhuc membra subdiuiditur. Mor-
bus peracutus vel est exactè peracutus, aut non exactè peracutus,

*Morbi
peracuti
diuisio.*

sed peracutus simpliciter. Morbus exactè peracutus, seu morbus
perperacutus, vt quidam loquuntur, est, qui quartum diem non
transgreditur: vt apoplexia, tetanus, cholera morbus, angina, &
consimiles. Morbus non exactè peracutus, seu morbus peracutus
simpliciter, dicitur ille, qui septimum diem ex suâ naturâ non

*Morbi
acuti speci
fici diui-
sio.*

transcendit: vt febris synocha, & consimiles. Morbus acutus ge-
neris nomen retinens, in duo itidem membra subdiuiditur: in
exactè scilicet acutum, & non exactè acutum. Exactè acutus est,
qui ad decimumquartum vsq; diem extenditur: vt febres non ra-
rò ardentes, pleuritis aliquando; alijque consimiles. Vnde Hip-
poc. lib. 2. aphorif. 23. ait: Morbi acuti quatuordecim diebus
iudicantur. Non exactè acutus morbus est, qui ad vigesimum
diem protrahitur. Quintam addunt speciem morbi acuti: talis
est morbus acutus ex delapsu, seu decidentiâ, vt loquitur Gal.

*Quinta
species
morbi acu-
ti.*

loco cit. de dieb. decret. quando nimirum morbus aliquis acu-
tus propter aliquam causam ad quadagesimū aliquando diem
peruenit. Sextum addunt morbi genus, & morbus acutus ex cō-
uersione dicitur: quando nimirum morbi acuti ita protrahuntur;
vt morborum chronicorum naturam redoleant. Sic febres ali-
quando ardentes ad sexagesimū, aut octuagesimū, aut centesi-
mum, aut centesimum vicesimū diem extenduntur. Aliquoties
autem in morbis acutis, nominatis diebus 40. 60. 80. 100. &
120. fiunt crises, teste Hippocrate, quem sequitur Galenus.

*Sexta spe-
cies morbi
acuti.*

Ex modo motus quædam morborum differentiæ statui solent.
Cuiusmodi sunt morbi continui, & morbi intermittentes: vt fe-
bres cōtinuæ, quæ cōtinuo motu perseuerant; quia in venis maio-
ribus, aut saltem magnis, suam habent causam, vaporem scilicet
adurentem, qui ad cordis ventriculos perpetuò fertur. Febres

*Morbi cō-
tinui, &
intermit-
tentes.*

quæ-

quædam è contra intermittentes dicuntur ; quia continuo motu non infestant, propterea quòd ipsarum causa, non perpetuò, sed per interualla mouetur . In intermittentibus considerandus venit primò Typus, qui est ordo intensiõnum & remissionum, seu ordo accessionis, & remissionis, siue interualli, quo ægri à morbo vacui sunt. Secundò, in ijsdem intermittentibus consideratur periodus, quæ est tempus intensiõnis, & remissionis . Tertio, intensio ipsa, seu paroxismus, seu exacerbatio, seu accessio . Quartò, remissio, seu tempus ab accessione liberum. Non solum in intermittentibus febribus, sed alijs intermittentibus morbis, cuiusmodi est epilepsia, mania, & consimiles, hæc quatuor consideranda veniunt.

*Typus
quid.*

*Periodus
quid.
Paroxis-
mus.
Remissio.*

A more morbi quædã differentia emergunt: quales sunt morbi benigni, & maligni. Benigni, seu mites, seu blandi, sunt morbi, qui omni periculo vacant, & in quibus nullum apparet symptoma ægrum nimis infestans : vt tertiana, ephamera, &c. Maligni morbi sunt illi, in quibus adeò symptomata sæuiunt, vt ægri in discrimine versentur. Hi maligni, vel ex suâ naturâ tales sunt, vt pestis, morbiq; omnes venenati; vel ratione symptomatum superuenientium. Vnde tertiana, quotidiana, & quartana, morbi ex suâ naturâ benigni, dum in eis seua infestant symptomata, maligni morbi tunc nominandi, quia prauos mores induunt.

*Morbi
benigni.*

*Morbi
maligni.*

*Malignus
duplex.*

Maligni morbi lethales appellantur, quoties absolutè mortifera signa ad sunt: non lethales, & salutiferi, si inter infestantia, symptomata, præcipua appareant signa salutis . Et sic morbi ad mortem tendentes, & morbi maligni non tendentes, ex futuro euentu, seu fine, salute, aut morte, denominatione sumunt.

*Maligni
lethales.
& non le-
thales.*

Ratione causæ nonnullæ morborum differentie constituuntur: vt epidemij, siue populares morbi, qui propter aliquam communem causam, qualis est aeris infectio, multos populos vno eodẽque tẽpore infestant: cuiusmodi sunt morbi pestilenciales, aliq; vulgares, de quibus in meo de peste libello fusiùs iam à 19. annis, anno nimirum 1629. dum Tolosæ in Galliâ pestiferos egros intrepidè inuiferem.

*Morbi
Epidemij.*

Endemius, siue patrius morbus, dicitur ille, qui alicui patrie, vrbi, aut tractui communis est : & ratione alicuius causæ tali tractui communis, patrius dicitur.

*Endemius
morbus.*

*Morbus
Sporadi-
cus seu dis-
persus.*

Morbus sporadicus est morbus dispersus, & ideo dictus, quod non vnius, sed multiplicis naturæ sit. Morbus hic dispersus morbos diuersæ naturæ complectitur; quales sunt ordinarij, quos frequenter infestare conspiciamus. Non enim vnicam habent omnes causam; sed quiuus suas peculiare, quæ, dum adsunt, suos quæque producant: v.g. causa frigida, per se frigidum morbum gignit, per accidens verò, & rariùs, morbum calidum. Vnde per loca niuea profectio, sæpè frigidam intemperiem ita intendit, vt præ frigore homines extinguantur. Esus insuper rerum frigidarum, vt lactucæ, & consimilium, frigidam pariter intemperiem producit: veluti haustus gelidæ in magnâ copiâ, & confertim. Proinde Galenus lib. 9. meth. med. c. 5. ad febrium synocharum (quæ præcalidæ sunt, atq; continuæ) extinctionem, aquæ frigidæ liberalissimâ potionem vnâ cum missione sanguinis, tanquam præstantea remedia, præscribit. Esus copiosus alliorum, cæparum, aliarumq; rerum calidarum, veluti vini meracioris & veteris, aut aquæ ardentis, seu vitæ, liberalis haustus, intemperiem calidam efficit: res sicca siccam, & res humida humidam.

Ex præsentia, aut defectu internæ causæ exurgunt quædam differentiæ: Nam si ab interna causa, vt ab humore, aliquis morbus foueatur, materialis dicitur. Si verò à nulla interna causa morbus foueatur, immaterialis nūcupatur. Febris ideo ephemera, quæ ex sola spirituum inflammatione, aut intemperie calida & sicca (vt comment. in Galeni libros de febribus probauimus) nascitur, immaterialis rectè censetur, veluti febris hectica: At febris putrida, quia ab humore putrido fouetur, materialis merito appellatur.

*Morbus
materialis, & im-
materialis.*

*Morbus
legitimus.*

Quoties aliquis morbus à suâ syncrâ causâ dependet, morbus legitimus nuncupatur: sicuti tertiana pura, quæ à purâ bile. Si verò à suâ ordinariâ causâ totaliter nō generetur, sed ab hac, & ab alia simul, spurcius, seu nothus vocatur. Idcirco tertiana notha dicitur illa, quæ à bile, simul & pituitâ, aut melancholiâ generatur.

*Morbus
seu spurcius*

*Ascititus
morbus.*

Ratione causæ congenitæ, aut ascititæ, nascuntur morbi hereditarij, & ascititij.

Ratione subiecti, morbi quidam dicuntur vniuersales, quod vniuersum corpus occupant; cuiusmodi sunt febres, & aliæ in-

tem-

temperies vniuersales : Quidam particulares , qui vnā tantū partem occupant.

*Morbi
vniuersa-
les & par-
ticulares.*

Quædam differentię morborum ab ætatibus , sexu , & temporibus desumuntur : quas videre licet apud Hippocratem lib. 3. & 4. aphorism. & alibi.

A partibus, & potentia, quædā differentię desumuntur: vt Pleuritis à pleura: Phrenitis à mēte: Podagra à pedibus: Gonagra à genibus : Arthritis ab articulis : Enterocœle ab intestinis lapsis in scrotum : Ophthalmia ab oculo ; est enim inflammatio oculi , seu potius tunicæ adnatæ. Non solum has differentias à subiectis partibus desumptas, sed alias à rebus externis Galenus accuratè deducit lib. 2. cit. Meth. c. 2.

*Differen-
tia morbi
à partibus
desumptæ.*

Quatenus morbi in corpore producti sunt, vel semiproducti, & adhuc à suâ causâ dependentes , differentię quædam nascuntur: Vt morbi in factō esse, si iam radicati fuerint , & plenè producti: & morbi in fieri , quando leuiter producti sunt , & à causâ vltèriùs producuntur , & pendent . Has differentias plenè exposuit Galen. lib. 1. de locis affect. cap. 2.

*Morbi
facti &
fientes.*

Morbi radicati sunt protopathici , seu primarij , & deuteropathici, id est secundarij . Verum siue sint primarij , siue secundarij , proprij , & per se , morbi censentur. E contra morbi per consensum, seu sympathici , dicuntur morbi nondum radicati ; sed à morbis per se , dependentes . Hanc doctrinam fusè exponit Galenus lib. 1. de loc. affect. cap. 3. Sed horum terminorum genuinam expositionem scire iuuabit : Protopathia est primaria passio: Deuteropathia est secundaria passio: Isteropathia posterior passio: & Sympathia compassio . Et hic huius Libri Primi Pathologiæ , de Differentijs Morborum , finis esto .

*Protopa-
thia.*

*Sympa-
thia.*



NELLANI GLACAN

TIRCONALLIENSIS HIBERNI

PATHOLOGIA.

LIBER SECVNDVS.

De Causis Morborum.

CAPVT I.

Quid, & quotuplex est Causa?



*Scire
quid.*

Aturæ ordo postulabat morborum causas prius, quàm ipsos morbos, examinare: cùm causæ sint tanquàm fontes, è quorum gremio, & virtute res omnes emergunt. Vnde Philosophus, sci-
rè, propriè descripsit, rem per causam cogno-
scere. Et lib. 2. Physic. c. 3. ait: Scire autem

*Causa
prima
que.*

aliquid non prius putemus, quàm propter quid vnūquodque sit, sumamus: quod quidem aliud non est, quàm causam primam sumere. Nomine causæ primæ, non primum motorem, aut primam causam, Deum, vt lib. 8. Physic. & in libris de Cælo, & Metaphisicâ, sed proximam ac immediatam cuiusvis rei causam intellexit Aristoteles. Attamen doctrinæ ordo exposcit, vt à manifestioribus ad minùs nota procedamus. Vnde ipse Arist. inter quatuor illas quæstiones, quæ circa rem quamq; versantur, videlicet, an sit res, quid sit, qualis sit, & propter quid sit, quæstionem quid sit, præposuit quæstioni propter quid sit. Rectè ergo cum Galeno, prius inquisiuimus, an esset morbus, quid esset, & qualis, antequam eius causam inuestigaremus.

*Quatuor
quæstio-
nes.*

*Multi
causam
negabant.*

Ex Antiquis aliqui causas denegabant, vt habetur apud Aristotelem lib. 2. Physic. c. 7. Ex Medicis verò Erasistratus, Herophilus, causas procatarcticas prorsus excludebant, quos ideò acriter perstringit Galen. lib. de causis Procatarct. cap. 1. 2. 3.

& 4. Et recta quidem cum ratione: Nam si non essent causæ procatarcticae, cur nosmetipsos tantâ cum sedulitate ab externis iniurijs, vt ardore Solis, hyemisque frigore, defenderemus? Non enim opus esset vestibibus, & calceamentis, ac pileo, ad varia aeris incommoda arcenda. Necessariò ergo causa concedenda est: cum non fortuitò, sed propter aliquam causam omnia eueniant. Galenus, quàm quispiam, causæ definitionem meliùs exhibuit lib. de differ. sympt. c. 1. Causa, inquit, alicuius rei est id, quod suapte naturâ inducere potest ei, quod fit, aliquam suæ generationis partem. Particula (suapte naturâ) excludit causas omnes per accidens, & causas per se complectitur. Causa per se est, quæ primò, seu suâ naturâ, & vi, aliquid producit: vt calor calorem, frigus frigiditatem. Causa per accidens est, quæ secundariò, & indirectè, seu alio mediante, rem producit: v. g. frigus sæpenu- merò est causa caloris: nam licet ex suâ naturâ non nisi frigus generare valeat, quia tamen corporis superficiem constringit, porosq; ideò occludit, fuliginum euacuationem impedit, fuligines in corpore retentæ suo calore spiritû, & sanguinem, ac deinceps vnuersum corpus calefaciunt. Ex aduersò res calidæ frigidum affectum per accidens procreant. Vnde Rhabarbarum ex sua natura calidum siccumq; febrem biliosam, calidam siccamque, extinguere potest; euacuando nimirum humorem biliosum, talem febrem fouentem: etiamsi id, quod refrigerandi potestatem habet, solum potens sit per se febrem compescere. Causa ergo, per se, erit id, quod verè fluit in effectum, producendo scilicet vero influxu eius aliquid: quod causæ per accidens nequaquam faciunt.

*Causa de-
finitio.*

*Causa per
se.*

*Causa per
accidens.*

Aristoteles lib. 2. Physic. c. 3. & 7. quatuor genera causarû statuit, efficientem, formalem, materialem, & finalem. Galenus lib. de Caus. Procatarct. & lib. de Sympt. diff. materialem, instrumentalem, finalem, & efficientem admisit. Libro autè de Causis Procatarct. finalem ponit duplicem, vtilitatem scilicet, & scopum, seu potius finem, & scopum, vt idem loquitur Galen. qui c. 1. lib. de Sympt. diff. causas sic enumerauit: Porriò huius, idest causæ, complura sunt genera, nempe materia, & vtilitas, & scopus, & instrumentum, & vnde principium motûs (idest causa efficiens).

*Quatuor
genera
causarum
ex Aristo-
tele.*

*Numerus
causarum
ex Gale-
no.*

Vix tamen differt Galenus in enumeratione causarum ab Aristote-

Instrumentalis causa ad efficientem reducitur.

Aristotele. Nam instrumentalis, quam Galenus adinist, ad efficientem in doctrinâ Aristotelis reducitur. Est tamen ita efficiens instrumentum quoddam, vt quasi omnem agendi vim à principali agente suscipiat. Arteria v.g. est instrumentum facultatis vitalis ex Gal. lib. 1. de Caus. Puls. vbi eandem arteriam inter causas pulsus enumerat. Aristoteles verò, instrumentariam causam inter veras recensuit; quia, vt plurimum, suam vim agendi, quâ in effectum fluit, verè, & per se ab efficiente præcipuo mutuatur: vt iam in arteria comprehensum est; licet calor, substantiæ instrumentum, per se, & vi propria agat.

Formalis causa morbi est ipsius essentia.

Formalis verò causæ non meminit Galenus; quia existimabat ipsam non distingui ab essentiâ rei, quæ constituitur. Vnde i. l. Metaph. causas exactè satis perpendens Arist. formâ principium potius, quàm causam rei, quæ fit, nominat. Causa enim à re, cuius est causa, distinguitur. Præterea idem Aristot. lib. 2. Physic. cap. 7. testatur, formam, & finem rei, esse vnum & idem. Nos superiori libro fusè satis cum Galeno de morborum formis, idest essentijs, seu differentijs, seu speciebus, egimus.

Vtilitas & Scopus ad finem reuocantur.

Scopus, & finis confunduntur.

Quod attinet ad vtilitatem, & scopum, ad finem reducuntur; cum vtilitas sit bonum aliquod, saltem apparens, quod sufficit, teste Aristotele lib. 2. Physic. vt agens moueatur ad rei vtilis acquisitionem. Galenus lib. de Caus. Procatarct. scopum, & finem, non differre docet, sed vnam eandemque rem istis varijs nominibus donari. Nam prout res mente concipitur, potest dici propositum, seu intentio, Græcis $\sigma\kappa\omicron\omega\delta\epsilon$: quatenus verò est res, agens ad sui acquisitionem alliciens, finis appellatur. Finis autem duobus modis consideratur, aut in intentione, aut in executione. Finis in intètione est prima inter omnes causas: in executione verò est vltima omnium. Et tamen tam in intentione, quàm in executione, est vna & eadem res, diuersimodè tamen concepta, duæ. Nam, vt est in intentione, scopus dicitur: quamprimùm scopus ille completur, ac acquiritur, ipsius acquisitio, finis à Galeno appellatur. Vnde scopus, & finis, vix inter se discrepant: videntur tamen inter se differre, tanquam propositum, & propositi finis: quo in sensu loquutus est Galenus libro de optima Secta ad Thrasybul. cap. 5. dum ait, sanitatem esse propositum, seu scopum Medicinæ, finē verò eiusdem sanitatis acquisitionem. Verum

præ-

præfata distinctio levis est; cum ipse scopus, & finis, ut dixi, confundantur; ut fecit Aristoteles lib. 6. Ethic. ubi scopum, siue propositum, *τὸ λελυμένον*, id est finē, manifestè nominat. Rectè ergo Gal. lib. de Caus. Procataret. c. 1. scopum cum fine cōfundit. Ibidē manifestè causas à se propositas exponit. Ex dictis liquet, Aristotelē, & Galenum, vix in causarum constitutione à se inuicem differre.

CAPVT II.

*Vtrum quatuor Causarum genera morbo
competant?*

PRæsciendum est, morbum duobus modis accipi: Primò, prout est ens cum bono conuertibile: Secundò, ut est accidens quoddam naturā infestans, destruensq;. His positis.

*Morbus
dupliciter
accipitur.*

Dico morbum primo modo sumptum formali causa carere; quia, cum sit qualitas, formæ rationem habet. Cum itaq; non detur forma formæ, morbi non dabitur formalis causa. Causam tamen habet materiale, subiectum nimirum, cui heret. Finale habet causanti; quia, ut docet Arist. lib. 2. Physic. cap. 8. & 9. quodlibet ens naturale agit propter aliquem finē. Humor ergo putridus in corporibus nostris generatus, alios quosuis humores in sui naturam conuereere nititur. Calor febrilis à tali humore, genitus, calorem natium in sui naturam, frigiditatem quamcūque vincendo, conuereere conatur. Vnūquodq; enim ens naturale subluare sui propagationem, contrarium domando, procurat. Inde quotidiane generationes, & corruptiones. Quod morbus efficientē habeat causam, per se manifestum est, cum nihil à se fiat.

*Morbus,
ut ens, fi-
nali frui-
tur causa.*

Morbus in secunda significatione proposita acceptus, finali causa caret. Quod patet primò; quia id quod temerè, & casu cōtingit, sine caret, ex Galeno lib. de Caus. Procataret. & Aristotele lib. 2. Physic. c. 9. Atqui morbus, prout malum quoddam est, temerè, & casu fit. Ergo, prout malum quoddam est, sine caret. Patet secundò; quia finis est perfectio quadā. Ergo ea solū, quæ propter aliquam perfectionem facta sunt, finem habent: ut sanitas, quæ est primum bonum in nobis, secundum Platonis placitum.

*Morbus,
ut malū,
sine caret.*

*Sanitas
est primum
bonum.*

tum lib. 6. de Republica , & lib. 1. ac 2. de Legibus . Morbus ergo, qui imperfecta res est, & malum quoddam, sine caret. Vltimum verò cum sine confundi non debet. Vnde Philosophus lib. 2. Phisic. cap. 2. Poetam (Euripidem scilicet , vt quibusdam videtur) non immeritò reprehendit, quod diceret , aliquem habere finem, idest mortem, cuius gratiâ, inquit, homo genitus fuit. Aristoteli, inquam, hæc doctrina minimè placuit, vt ex his eius verbis liquet: Non n. omne, quod vltimum est, finis est, sed id quod optimum. Ex his Aristotelis verbis minorẽ sic inferre possumus: Atqui morbus non est quid optimum; cùm hominis naturam destruat . Ergo sine caret: seu, dum in homine generatur , non ob vllum bonum finem producitur: Sanitas verò, morbo contraria, conseruatur, & introducitur , vt animal diutius viuatur . Sanitas ergo sine non caret , sicuti morbus . Et si enim vltionem , aut sectionem in corpore procuret Medicus , non tamen sub ratione morbi, sed tanquã remedia, talia præscribit. Quare & bono sine.

Nō gratia mortis homo genitus est.

Morbus causa materiali caret.

Morbus causa materiali caret; quia qualitates , inter quas reponitur morbus , nulla constāt materia. Morbi enim omnes accidentia sunt, & non corpora , vt loquitur Galenus lib. de temporib. morb. c. 1. Pro materia ergo habent subiectum corpus, cui hærent.

Obiectio.

Obstabit aliquis , Morbos communiter in materiales , & immateriales diuidi . Ergo dabuntur aliqui saltem morbi materiam habentes .

Solutio.

Respondeo, diuisionem illam lubens admittendo : sed negando morbum vllum includere in se materiam . Quidam tamen morbi rectè materiales vocantur ; quia ab efficiente causa materiali procreantur : Febris putrida v.g. ab humoribus putridis efficitur : Morbus in magnitudine adaucta ab excedente mole carnea: & ita de reliquis morbis, à materiali, & efficiente dependentibus , dicendum . Nonnulli morbi immateriales appellantur, quòd à causa efficiente immateriali generentur : Febris v.g. ephemera sæpè à solo ardore Solis, aut ignis, gignitur. Hæctica pariter à solo calore externo generari potest.

Morbus materialis.

Morbus immaterialis.

Formali causa caret morbus.

Paulò antea diximus, morbum non habere causam formalem distinctam à propria essentia ; quia morbus est qualitas, & consequenter forma . Quare cùm non detur forma formæ , nec dabitur forma morbi, qui forma quædam est.

Su-

Supereſt igitur, vt, propriè loquendo, morbi habeant ſolam efficientem cauſam: de quâ ideo præcipuè egit Galenus lib. d. *Sola effici-
citi cauſa
morbis.
fruitur*
cauſis morb. & lib. de Cauſ. Procatarct. quamq; ſolam multi ex antiquis Philoſophis admittebant, vt videre eſt apud Senecam Epistolâ 66. & apud Plutarchum Dialogo de Pulchro.

Cauſa efficiens morborum ſolemni diuiſione in Procatarcticâ, ſeu præincipiètem, ſeu primitiuam; & in internam diuiditur. *Cauſa
morbis du-
plex.* Primitiua, vt nomen ipſum indicat, eſt primitiua, & externa cauſa: v.g. Solis, aut ignis ardor, eſt cauſa primitiua, aut externa febris. Cauſa interna eſt, quæ in ipſo corpore nata eſt: vt plenitudo, ſeu ingens copia ſanguinis ad vaſa, aut ad vires, cacochymia, ſeu prauus ſuccus, & ſimilia: de quibus clariùs in ſequentibus.

CAPVT III.

De Cauſa Procatarctica.

INter Authores dubitatur, in quo conſiſtat cauſa procatarctica; quia Galenus inter procatarcticas, ſiue externas, res internas corpori enumerat: vt bubonem, mærorem, iram, vigilias, cibi repletionem, & ſimilia, quæ in corpore continentur.

Duas hac de re inuenio opiniones. Prima eſt Chriſtophori à Vega, quæ ſequitur ſuus Diſcipulus Valleſius lib. 3. Controuerſ. cap. 3. qui ambo, ſequuti Cornelium Celſum Hippocratem Latinum, exiſtimant cauſas procatarcticas non eſſe illas, quæ extrinſecus tantum adueniunt, ſed alias adhuc in ipſo corpore contentas. Nomine ergo cauſarum procatarcticarum apud illos intelligendæ veniunt quæuis cauſæ manifeſtæ & euidentēs, ſiue ſint extra corpus, ſiue in ipſo corpore. Internas illi cauſas appellant occultas & abditas. Suam hanc opinionem confirmant ex Galeno, qui lib. 1. de different. febr. c. 7. docet, inſeparabile ſignum, febris diariæ eſſe, vt fiat à cauſâ procatarctica. Atqui ſepè fit à bubone, irâ, triſtitia, vigilijs, cibo & potu aſſumptis: quæ cauſæ internæ ſunt. Ergo hæc omnia ſunt cauſæ procatarcticæ. Quare cauſa procatarctica non debet accipi pro ſola externa, ſed pro euidente, & manifeſta, ſiue hæc interna fuerit, ſiue externa. *Opini-
Vega.*

Sed meo iudicio altera ſententiâ, ſtatuēs irâ, triſtitiâ, cibum & potum, *Secunda
ſententiâ.*

tum, & similia, esse causas procatarcticas, & externas, verior est. Hanc acriter defendit Fabius Pacius lib. 1. Methodi, disput. de Causis morborum. Et quidem pro hac sententia ratio plenè militat. Nam quamuis causæ manifestæ & procatarcticæ à Galeno lib. 1. cit. de differ. febr. c. 7. confundi videantur, reuera tamen procatarcticæ causæ non semper manifestæ sunt, sed vtplurimum, & frequentissimè in quo sensu loquutus est Galenus. Aer enim est causa verè procatarctica, & externa: nō tamen adeò euidentis est, vt oculis percipiatur, sicuti nec ira percipitur: imò multæ causæ procatarcticæ, quæ sensibus manifestæ sunt, occultæ & ignotæ nobis sæpenuerò exhibentur. Afficiatur, exempli gratiâ, Petrus febre diaria, seu vnius diei naturalis, post magnum, celeremque cursum, & post perpeßum frigus, & post iram: perarduum fanè, atq; difficile est diuinare, quænam ex his manifestissimis causis procatarcticis, sit causa diariæ febris, qua Petrus infestatur. Ex aduerso multæ causæ internæ sunt manifestissimæ: vt apparet in defluxu humoris salis à capite ad pulmones, à quo, decursu temporis, eorundem pulmonum vlcus siue Phtisis generatur. Lapis etiam in vesica obstructionem pariens, luculenter ab eo, qui oblongum digitum, in agri, & præsertim pueri, anum indit, percipitur. A Medico, alijsq; astantibus, sapissimè sonus aquæ, hydropem ascitem causantis, persentitur. Vnde si pro causa procatarctica intelligeretur causa illa, quæ est euidentis, & pro interna, ea quæ est occulta, profectò multæ causæ internæ essent procatarcticæ seu externæ, & vice versa multæ externæ essent internæ, quod esset absurdum.

Concludendum ergo, prænominatas causas, iram videlicet, tristitiam, vigilias, bubonem, &c. quæ in homine reperiuntur, & procatarcticæ à Gal. appellantur, esse veras causas externas: & externas causas esse illas omnes, quæ extra corpus sunt, .i. esse illas, in quibus reperitur externum principium motûs. Si v.g. tristitia, bubo, & ira, à causa externa excitentur, tunc causæ externæ rectè appellantur. Rem manifestauit Gal. lib. 4. aphor. comm. 5. 5. vbi ait, febres diarias (.i. quæ sui ratione vna die durant) ex bubonibus, qui ex causis externis nascuntur, generari. Bubones autem ab externis causis aliquândo in inguine nascuntur à baculi ictu, & rei aliquius duræ violento cōtactu. Tunc a. glandula in tumore eleuata

*Febris
diaria à
bubone.*

dolo-

dolorem aliquando, & febrem diariam generat. At verò si bubones non ab illis externis, sed ab internis, vt à viscerum inflammationibus, gignantur, febres inde ortæ non diariæ, sed malæ, quia putridæ, eeq; continuæ, oriuntur. Ideoq; rectè aphorismum sic pronunciauit Hippocrates: Ex bubonibus febres omnes malæ, præter diarias. Vigiliæ pariter, quæ propter aliquas occupationes, immodicè contingunt, sunt vera causa externa, febris diariæ: nam principium easdem vigilias excitans est causa externa. Verùm si eædem vigiliæ ab interna causa, vt doloribus, ardore febrili, corporis ariditate, & similibus, proueniant, non ampliùs externæ causæ rationem subeunt. De ira, ac tristitia idem protinùs pronunciandum. Quod attinet ad cibum & potum, nullatenus dubitandum, eos inter causas externas collocari. Animi passiones & motus, externas causas aliqui ideò nominant, quòd ab anima, quæ non est de corporis essentia, proueniant. Sed hæc interpretatio frigida satis videtur, cùm Medici non de cadauere, sed animato corpore semper agant: cùmq; anima sit multò intimior corpori quod informat, quàm humores vitiosi; qui tamen causæ internæ ab omnibus censentur. Rectiùs ergo tenendum contra Vegam, & Valesium, iram, tristitiam, vigilias, & bubonem, non solùm esse causas manifestas, sed insuper externas; quoties nimirum à causa externa excitantur. Prolixum foret, ea, quæ ab Argenterio hac de re immodicè proponuntur, referre.

Febris à bubone procedēte à causa interna.

Cur animi passiones inter externas causas alii quando enumerantur.

CAPVT IV.

De Causa interna, & præcipuè Continente.

Post causam externam interna nobis inuestiganda est. Causa interna, vt antea comprehensum est, dicitur illa, quæ in corpore est, & generatur. Et est triplex Prima, antecedens, communiter nuncupatur, quæ scilicet, ni sedetur, morbum generare & fouere valet: cuiusmodi sunt plenitudo siue plethora ad vasa, & ad vires, cacochymia, & similia: quæ, quamuis aliquo tempore in corpore esse possint antequam morbum inferant, diu tamen perseverantia necessariò aliquem producant. Causæ quidem antecedentes ideò dicuntur, quia in potestate vim habent ge-

Causa interna quid, & quod triplex Causa antecedens.

*Causa cō-
iuncta.*

nerandi morbum. Secunda species causæ internæ, coniuncta cōmuniter appellatur; quia ita immediatè morbum fouet, vt inter eam, & morbum, nihil intercedat: vt putredo, seu potius humor, vaporue putridus ad cordis ventriculos sublatus, putridam febrem actu generat, fouetq; & quidem tam diu, quàm diu aliunde tales vapores ex putrefactis humoribus eosdem ad ventriculos transferuntur, eadem febris putrida perseverat. Euidens est exemplum in febre tertiana, cuius accessiones, siue paroxysmi, nascuntur à prouentu humorum biliosorum, putridorumq; in foco putredinis, hepate scilicet, feruentium, & illinc ad cor transcurrentium, in quo febrem accendunt, fouentq; donec integrè dissipentur, absumenturq;.

*Causa cō-
tinens.*

Tertia species causæ internæ, continens causa nuncupatur, cui non solum competit, quòd inter illam, & morbum nulla alia intermediet causa, quæ est cōditio causæ cōiunctæ, sed præterea morbi essentiã cōtineat: ita vt auferri nequeat, quin morbus auferatur, nec poni possit, quin effectus, idest mor-

*Continens à cō-
iuncta di-
scrimen.*

bus, ponatur: in quorū primo à causa coniuncta discrepat. Nam cōiuncta auferri potest morbo adhuc permanēte: vt in putredine, aut humore putrido conspicuum est. Humor enim putridus in accessione v.g. febris tertianæ, etiam dissipatus, & resolutus, morbosam intemperiem calidam adhuc in partibus post se relinquit: quidquid cum Argenterio dixerit Daniel Sennertus cap. 1. part. 2. lib. 2. Institution. Medic. qui vltro confitetur, post ablationem putridi vaporis calorē adhuc extraneum in corpore remanere, cū temporis momento sedari nequeat: negat tamen eun-

*Sennertus
conuelli-
tur.*

dem calorem habere vim morbi. Sed meo iudicio parū rectè: Nam quāuis febrilis accessio tunc sit in sua declinatione; non proindè morbi, seu intemperiei calidæ rationem excludit; cū ipsa declinatio sit pars febrilis accessionis, nō secus ac principium imbecillius, aut saltem æquè imbecille, ac ipsa declinatio. Principium verò, & declinatio, sunt veræ partes accessionis febrilis. Vniuersus similiter morbus, principium, & declinationem, tanquam veras sui partes, possidet. Ergo causa coniuncta, quæ in morbis humoralibus præcipuè reperitur, potest tolli permanente adhuc morbo: Atq; adeo causa illa coniuncta, putredo videlicet, nō est causa continens, contra quàm voluere Argenterius, & Sennertus. Eodem modo respondendum ad id, quod de humoribus

*Difficultas
occurrit.*

qui

quibusvis, intemperie efficientibus, opponunt: Nam etiam ablati humoribus, impressa ab eis intemperies adhuc superstes visitur.

Tanta est orta lis inter superioris sæculi viros doctos, ut nonnulli libros integros de causa continente scripserint. Professor ille percelebris Scholæ Tubingensis, Germanorumq; doctissimus Galenus, librum scripsit singularem, in quo causam antecedentem tantum dari iudicat, continentem verò, quam coniunctam appellat, prorsus repudiat: contra quam suus contemporaneus Franciscus Valleriola fecit, qui in omni morbo causam admisit continentem. Franciscus Vallesius libro 4. Controuersiarum, c. 3. quâdam utitur non contemnendâ distinctione: ait enim, omnem causam proximam & imediatam, coniunctam vocari. Unde omnem causam continentem, coniunctam esse vult; non, tamen è contra, omnem coniunctam, continentem; quia coniuncta ablata morbus adhuc manet: at verò continente sublatâ tollitur necessario morbus. Tubingensis verò, & Sennertus, nullum inter coniunctam, & continentem, ponunt discrimen: in hoc tamen discrepant, quòd Tubingensis nullâ talem causam admisit; Sennertus verò eam in omni morborum genere, non tamen in singulis, admittit. Sed ut omnis dirimatur controuersia, causæ continentis natura, aliquâ cum sedulitate, nobis inuestiganda est.

Omnis causa continens est coniuncta; sed non è contra.

Gal. lib. contra Iulian. sub finē cap. 8. & ult. causam continētem hanc serie describit: Est causa continēs ea, à qua aliquid fit, ac cum ea pariter cessat. Alia definitio ex hac eruitur, estq; Galenicę definitionis explicatio; quæq; sic se habet: Causa continens est illa, quâ posita ponitur effectus, & quâ sublatâ tollitur effectus.

Causa continens de finitio.

Hæc definitio, ab omnibus fermè recepta, Vallesio, lib. 4. Controuers. cap. 3. non arridet: qui existimat sufficere ad constitutionem causę continentis, ut ea sit, quâ sublatâ tollitur statim effectus: atq; adeò aliâ definitionis partem esse superfluum: nempe quòd eâ posita ponatur effectus. Vallesij fundamentum desumitur ex lib. 1. de caus. Puls. c. 1. vbi Galenus tres causas continentes pulsus constituit: Primam, instrumenta seu arterias: Secundam, vitalis facultatis speciem, sphymicam Græcis, Latinis pulificam dictam: Tertiam; vsum, cuius gratiâ pulsus fit: Atqui posita harum aliqua non ponitur pulsus. Ergo frustra in definitione causę continentis collocantur hæc verba (quæ posita ponitur effectus)

Vallesij obiectio.

fectus) cùm hæc conditio non sit de essentia causæ continentis. Minorem probat; quia posita arteria non ponitur pulsus, vt in demortuis videre licet, in quibus superstes est arteria, sed sine pulsu.

Vallesij Sed hoc *Vallesij* acumen facilè diluitur. Nam Galenus tres præfatas causas pulsûs, copulatiuè, non verò disiunctiuè proposuit: Vnde positâ facultate, arterijs, & vsu simul, ponitur pulsus: quamuis non è contra, posita sola arteria ponatur pulsus; quia malum sequitur ex quocunq; defectu; bonum verò ex integrâ causâ: Præterea cadaueris arteriæ, nonnisi impropriè valdè, & metaphoricè, arteriæ dicendæ. Nam cadauer non est ampliùs animæ instrumentum: Atque adeò nec illæ cadaueris arteriæ, instrumentum, aut causa pulsûs.

Obiectio Iterum contra allatam definitionem causæ continentis, aliqui sic instant: Posito risibili ponitur flebile, & sublato adhuc risibili flebile aufertur, & tamen risibile non est causa flebilis. Ergo definitio allata conuenit alijs à definito. Respondco, posito risibili poni flebile, vt oppositum: at verò positâ causâ continente ponitur aliquid vt effectus, non vt oppositum.

His præhabitis, inuestigare par est utrū detur causa continens in morbis? (hic de causa continente formali, quæ est ipsius morbi essentia constitutiuâ, nec de materiali, quâ caret, sed de efficiente, summâ, primâ, & proximâ dictâ, tantum agimus.)

Prima opinio Leonardi. Prima opinio fuit Professoris Scholæ Tubingensis, qui in suis comment. in librum Galeni de Causis morb. & lib. 2. Paradoxorū Medicinæ, prorsus extirpat, abnegatq; causam continētem, quam coniunctam vocat. Suam hanc sententiam astruere nititur. Primò, quia Galenus nullibi huius causæ meminit: Liber autem introductorij, qui Medicus etiam dicitur, in quo huius causæ fit mentio, non est Galeni, sed Herodoti.

Secundum argumentum. Secundò suam confirmat sententiam adamantino, vt ait, argumento, desumpto ex Galeni doctrinâ cap. 88. Artis Medicin. vbi hæc habentur. Iam enim factam, atq; existentem ægritudinē curare oportet, sed quæ nōdum quidem est, sed futura est, prohibendum est ne fiat ab eâ quæ est in corpore dispositione. Eius autem quæ adhuc fit, quod quidem factum est, curare opus est, quod autem futurum est, prohibere ne fiat. Prohibebitur autem

sub-

sublata ea dispositione, quam sequi natura apta est: talis verò dispositio, causa antecedens appellatur. Facta autem ægritudo curabitur solutâ eâ dispositione, à quâ primùm ea, quæ secundum naturam est, læditur operatio; quam quidem & ipsam morbi essentiam dicimus esse, &c. Tubingensis hinc sic arguit. Morbus curatur ablatâ ipsius essentiâ. Morbus etiam curatur sublata, causa continente. Ergo, posito quòd daretur causa continens, nihil aliud esset, quàm ipsius morbi essentia. Sed hoc dicere absurdum est: Nam causa alicuius rei à tali re distingui debet.

*Tertium
argumen-
tum.*

Tertiò, ratione suam sententiam corroborat. Causa continens rei à se productæ essentiâ continet. Sed hoc non contingit multis saltem morbis, qui adhuc, ablatâ eorum proximâ causâ, superstites visuntur; ut in febribus putridis videre licet, quæ quidem per aliquod tempus, ablatâ putredine, earum proximâ atque immediatâ causâ, perseverant. Ergo causa continens, seu prima, seu summa, seu immediata & proxima, in morbis non semper saltem reperitur.

Quartò: Morbus est res constans, stabilis, ac permanens. Sed non esset talis naturæ, si daretur eius causa continens. Ergo non datur.

*Quartum
argumen-
tum.*

Quintò, Tubingensis sequaces sic arguunt: Si daretur causa continens morbi, inde sequeretur, à morbo curatricem indicationem non esse desumendam. Sed hoc est falsum. Ergo non datur causa continens. Probatur sequela maioris ex lib. methodi med. passim. Indicatio enim curatiua nunquam desumitur ab eo, cuius essentia pendet omninò ab alio. Sed si morbus haberet causam continentem, eius essentia dependeret ab alio. Ergo non haberet curatricem indicationem per se, sed per accidens tantùm. Maior patet, ex eo quòd à symptomatibus ideò non desumantur indicationes curatiuæ, quia omninò à morbo dependent. Galenus lib. 12. Methodi cap. 1. hanc doctrinam sic confirmat: Ut enim in summa dicam, nullum symptoma, quæ symptoma est, nec curationis rationem indicat, nec primùm immutat: monstratum enim est ex morbis ipsis curationis indicationem præstari, veluti ex causis ipsis, prouidentia. Libro 2. meth. cap. 3. dicit primùm ac maximè id Medicos studere, idque ferè eorum proprium munus esse, ut morbos adimant: quippe simul

*Quintum
argumen-
tum.*

cū hoc nō actionis modò vitiū euanescit , sed etiā reliqua omnia symptomata tolluntur. Et paucis interpositis ait: Caterū non functionis vitio, sed morbo ipsi, id est, affectui præter naturam, qui actioni incommodat, applicamus remedia. Ex his omnibus facilè colligitur, curatiuam indicationem à morbo nō esse desumendam, si à causā continente, quæ eius essentiam contineret, omninò dependeret, eo modo, quo symptoma à morbo: ad cuius curationem symptomatis curatio sequitur: id est ablato morbo, sine nouis remedijs, symptomata desinunt esse, & veluti spōtè cessant.

*Secunda
opinio
Vallerio-
la.*

Secunda opinio, præcedenti, veluti è diametro, opposita, est Francisci Valleriolæ Commentario capituli secundi, lib. de Causis morborum, & in enerrationibus Medicinalibus, Christophori à Vega lib. 1. de different. febrium c. 4. & alibi; Ioannis Argenterij lib. de Caus. morb. c. 9. aliorumq; multorum ponentium in omnibus morbis causam continentem. Potissimum Argenterij argumētum desumitur ex principio, à semet ipso constituto. Statuit enim, vt superiori libro plenè exposuimus, morbum esse compositionem vitiatam partium: & sic ipsius materiale erit causa continens.

*Tertia sē
tētia Val-
lesij, eaque
verissima.*

Tertia sententia est Vallesij lib. 4. Controuerfiar. cap. 3. & Thomæ Roderici à Veiga lib. 1. de loc. affect. pag. 200. aliorūque multorum, admittentium causam continentem in morbis tantum partium organicarum, qui ex additione fiunt, vt in morbo in numero addito, in magnitudine, & in cauitate, &c. Et hæc sententia mihi verior alijs antea præpositis videtur. Quòd non detur causa continens in vllis alijs morbis, nisi in ijs qui ex additione fiunt, per se constat. Et quidem quòd non detur in morbis partium simularium, hoc argumento probatur. Nulla qualitas, quæ per motū generatur ex remissione contrarij, & habet factum aliquid, potest ex causa continenti pendere. Atqui omnis morbus in intemperie est talis qualitas, & habet aliquid factum. Ergo nullus morbus intemperiei potest dependere à continenti causa. Probatur maior; quia quando adest motus alterationis, aliquid necessariò factum est in re quæ alteratur: illud autem quod factum est, etsi minimum, debet etiam motu alterationis auferri. Hic autem motus in tempore fit, etiam dum qualitas cor-
rumpi-

*Validum
argumen-
tum.*

rumpitur . Ergo sublata causâ durabit effectus per aliquod tempus . Si enim Deus tolleretur omnes causas febris , febris tamen durabit , quamdiu durabit motus corruptionis caloris , antea vi causæ impressi . Ergo in intemperiebus nulla datur causa continens , contra quam placuit Valleriolæ , Argenterio , Vegæ , Senerto , & alijs , qui existimant febrem saltem putridam habere causam coniunctam , seu continentem .

Præfati enim Authores credunt calorem esse causam continentem febris , & illud , præter naturam , se habere instar formæ eiusdem febris , vel intemperiem calidam esse morbum , & calorem præter naturam esse causam morbi , qui intemperies calida nuncupatur . In quo sanè decepti sunt . Nam ipse aduentitius calor est febris , & qui actiones lædit ; vt dilucidè testatur Galenus lib. 2. de facultat. natural. cap. 8. aduersus Erasistratum : At , inquit , si nocet actioni calor qui præter naturam est , nec id facit ex accidenti , sed ipsâ suâ substantiâ , ac vi , vtique cum ex primorum morborum sit numero . Atqui de numero primorum morborum esse nequit immodicus calor , nisi actio ex commoda nascatur temperie . Neq; enim alia de causa potest intemperies primorum morborum esse causa , nisi quòd commoda temperies est corrupta . Cum enim ab hac manent actiones , necesse est prima earum vitia ex hac dimanare corrupta . His enim clarè demonstrat Galenus , calorem præter naturam , seu intemperiem calidam , esse morbum , & causam lésionis actionum ; sicuti viceuersâ , temperiem naturalem , actionum causam , & Authorem . Dicit enim , calorem præter naturam suâ substantiâ , id est suâ essentia , lædere actiones . Ergo ipse calor excedens est morbus , & non causa morbi . Patet consequentia ex morbi definitione : est enim affectus p.n. per se , & nõ per accidens , actiones lædens . Sed calor ille est affectus , per se , & non per accidens , actiones lædens , vt patet ex iam allatis Galeni verbis . Ergo calor ille est morbus , & non causa : cum hæc non nisi mediata , morbi scilicet interuentu , actiones lædat . Quare cum calor sit , qui verè lædat , morbus erit dicendus , & non causa morbi .

A multis tamen annis quidam Professor eruditus , meusque dum in viuis esset , Collega dignissimus , contra quem in publicis Scholis , dum publicæ disputationi Tolosæ præesset , argumen-

*Occurrit
tur diffi-
cultati.*

tatus sum, Valleriolæ sententiam tuitus, respondebat, Calorem præter naturam esse causam continentem intemperiei, intemperiem verò ipsam esse morbum. Sed dum Galenum, confunden- tem calorem præter naturam cum intemperie, ei opponerem, manus dare coactus est. Galeni verba lib. 1. de different. febr. c. 3. sic se habent: Sunt igitur suppositiones hæc: calidum, frigidum, humidum, & siccum, esse corporum elementa, primasque ex eorum intemperaturis cõstitui egritudines; ex quarum numero febris est vna, quando in corde quædam præter naturam caliditas generatur. Libro etiã 9. Methodi cap. 14. sic loquitur: Eorum igitur, quæ in simplices incidunt partes, vnum est intemperies ea, quæ in calido consistit: hæc, cum in totum diffusa est corpus, febris nominatur. Loco citato contra Iulianum inquit: Et quòd minimè vult, calidum esse morbum aliquem, & frigidum, & siccum, & humidum, dicere cogetur. Ex his, & alijs Galeni locis à me præcedenti libro citatis, constat calorem præter naturam, & intemperiem calidam, esse vnã & eandem rem: sicuti calorem excedentem, & calorem præter naturam. Calor enim excedens, aut præter naturam, est qui lædit actiones: & illud, præter naturam, nullatenus à calore lædente actiones distinguitur. Vnde necessariò calor ille, qui lædit actiones, erit morbus, & non morbi causa. Concludendum ergo, in morbis intemperiei nullam inueniri causam continentem: sicuti nec in solutione continui iam factâ, saltem ferro, aut re consimili. Quod de intemperie calida, & calore dictum est, idem de alijs intemperiebus, & qualitatibus, à quibus denominationem suscipiunt, dicendum: vt de excedente frigore, & intemperie frigida: de humida intemperie, & humiditate: de siccitate, & sicca intemperie.

Intemperies calida totius corporis, & calor præter naturam eius, idẽ signifi- cant apud Galenum.

Morbi intemperiei causa continens carent.

Morbi ex additione habent causam continentem.

Diximus in morbis partium organicarum ex additione factis dari causam continentem, contra Tubingensem, & sequaces. Galenus autem eam admittit lib. 1. de Caus. Puls. c. 1. vbi ait: Nam triplex quidem est causarum genus, non in pulsibus modò, sed & in alijs cunctis: Vnum quod primum est, & præcipuum, quod quidem etiam continens appellant: cuius inde appellatio deducta est, quòd illorum essentiam contineat, quæ (vt modò diximus) generationis est causâ. Libro 6. Epidem. parte 3. Commentar. 20. ait: Ostensum est autem haud minùs quæ de prima-

riò affectis locis, & per vitij communicationem laſis, ſcire, & ex-
 quiſitè dignoſcere in ægris oporteat : quemadmodum & de cau-
 ſis, quas anteincipientes vocant, & quas antegreſſas, & quas con-
 tinentes, &c. Libro illo Introductorij, qui Medicus dicitur , c.8.
 clarè admittitur cauſa continens : veluti lib. de Optima Secta. c.
 7. & lib. de plenitud.

Iacobus Segarra, Tubingenſis partes tenens, ad omnia Gale-
 ni loca reſpondet, Galenum non de continente, ſed de coniun-
 ctâ loquutum fuiſſe. Sed decipitur ; quoniam Galenus lib. 1. de *Segarra*
 Cauſis Pulſuum, & lib. Definition. Medic. dicit cauſam continen- *cōnellitur*
 tem eſſe eam quæ rei eſſentiam continet: quæ conditio omni cau-
 ſæ coniunctæ non competit; cùm hac ſublata affectus ſtare poſſit,
 vt in putredine, & calore ab hac producto oſtendimus.

Sed vlt erius inſtabit aliquis, Galenum confundere cauſam *Obiectio.*
 continentem, & coniunctam, lib. 1. de cauſ. ſymptom. cap. 5. *Solutio.*
 Reſpondeo Galenum de ſtupore inibi optimè loquutum: qui ſtu-
 por cauſam habet continentem : Et cùm omnis cauſa continens,
 coniuncta ſit, licet non è contra, meritò Galenus cauſam illam
 ſtuporis, iam continentē, iam coniunctam indifferenter appellat.

Ratione denique probatur, in morbis partium diſſimilariū *Ratione*
 ex additione, dari cauſam continentem . Poſitis humoribus in *conſtat*
 cauitate ſeu meatu, ponitur obſtructio, & ſublatis iſdem humo- *in partiu*
 ribus auferitur obſtructio. Ergo datur cauſa continens obſtructio- *diſſimila-*
 nis. Tubingenſis Comment. in cap. 7. libri de differ. morb. re- *rium mor-*
 ſpondet, humores cauſantes obſtructionem eſſe humores antece- *bis ex ad-*
 dentes, qui ſunt in corpore, quique obſtructionem minantur . *ditione ſa-*
 Sed hæc interpretatio longè diſtat à Galeni mēte, qui aliam cau- *elis dari*
 ſam obſtructionis, præter antecedentem, quæ nondum obſtruit, *cauſam cō-*
 admittit . Nam lib. cit. de different. morb. cap. 8. ait Galen. tu- *continentem.*
 berculum in naribus eſſe cauſam obſtructionis narium . Ergo *Leonar-*
 pariter, quando dicuntur humores cauſæ continentes obſtru- *duſ Tu-*
 ctionis, illi, qui actu meatu obſtruunt, intelligendi veniunt . *bingenſis*
 Quòd autem tuberculum narium ſit cauſa obſtructionis, & non *cōuel litur*
 obſtructio ipſa, per ſe patet : Nam narium tuberculum eſt mor- *Tubercu-*
 bus in numero addito, vt loco iā citato docuit Galenus: & obſtru- *lum na-*
 ctio eſt morbus in cauitate, diſtinctus ſpecie à morbo in nume- *rium eſt*
 ro. Ergo tuberculum corpulentum narium erit cauſa continens *cauſa ob-*
 ſtructionis *Tubercu-*
 lum nariū *lum nariū*
 eſt mor- *eſt mor-*
 bus, & *bus,*
 morbi cau- *morbi cau-*
 ſa.

*Humor
nō est pars
tumoris.*

obstructionis. Et similiter humor obstructionem efficiens, quamvis ut sic sit morbus, ut humor tamen à quo obstructio immediate pendet, erit causa continens obstructionis. Quod adhuc probatur ex Galeno lib. 13. Methodi c. 2. ubi inquit, indicationē curatiuā in omnibus tumoribus præter naturam esse euacuationem humoris contenti in parte tumore obsessā: qui humor in parte contentus, est causa continens. Non enim potest esse, nisi improprie, pars tumoris, aut partis in molem adauctæ, sed potius ipsius magnitudinis causa: Hoc namq; integrè euacuato, cessat tumor, & eo posito extra vasa, seu venas in partibus, ponitur tumor; ut euidenter docuit Gal. lib. de inæquali intemperie. c. 3. ubi modum, quo phlegmone fit, exactè scripsit.

*Ad Ar-
genterium.*

Quod attinet ad Argenterium, ipsi superiori libro satisfecimus, ubi diximus morbum non esse quid compositum ex partibus affectis, seu structurā affectā, & temperamento affecto. Galenus præterea morbos in intemperie calidos vocat, aut frigidos aut siccos, aut humidos, ut videre est cap. ultimo libri contra Iulianum superius cit.

*Entia qua
ui sūt per
manentia
aut succes-
sua.*

*Entia per
manenti a
qua.*

*Ens succes-
siuum du-
plex.*

Nunc superest, satisfaciamus Professori illi Tubingensi, Germanorum meritissimo Galeno: cuius argumenta ut dissoluantur, Notandum est, res omnes, vel esse permanentes, vel successiuas. Res permanentes sunt illæ, quæ, postquam à suis causis productæ sunt, sua se tuentur constitutione, absq; eo quòd ad sui cōseruationem, vel durationem, ope aliena indigeant. Res verò successiuæ dicuntur illæ, quæ non solum, dum generantur, aliūde manant, sed &, nisi perpetuo causæ defluxu conseruentur, adeò sunt fragiles, ut confestim aboleantur. Successiuarū rerum ratio & natura duplex est: Aliæ enim idè continua causæ actione egent; quia partes, & essentiam, simul non obtinent: ut motus, loquutio, ambulatio. Cùm enim huiusmodi res omnes suas partes non habeant simul iunctas, sed vnā acquirant, alia præcedente pereunte, ita ut vna pars iam lapsæ succedat, tamdiu durant, quamdiu causa eas producens est in efficientia, & actione: Vnde cessante causa statim abolentur. Aliæ dātur entia successiuæ, quæ suas partes simul iunctas habent, temporis tamen momento, nisi, quamdiu causa ea fouens adest, non durant; sed confestim ablatā causā abolentur: ut extensa, aut flexa manus, lux, & alia consimilia. His ita præpositis.

Ad

Ad primum Tubingenſis argumentum reſpondeo, negando Galenum non meminiffe cauſæ cōtinentis; vt ex citatis à nobis varijs Galeni locis conſtat. Libro autem de Plenitudine cap. 3. ait, nomen cauſæ cōtinentis à Stoicâ Sectâ prius introductum fuiſſe. Ponebant enim in vniuerſo, rebusque omnibus, duo: cauſam videlicet cōtinentem, ne omnia perirent, eamque ſpiritum, ſeu ſpirituofam ſubſtantiam appellârūt; alterum quod ponebāt, materiam, & contentum nominabant. Quocirca aerem & ignem, cauſam cōtinentem vocabant: terram, & aquam, contenta. Nam vi ignis, & aeris, qui has ambiunt, eaſque peruiant, conſeruātur, & vnitæ ſecundū ſuas partes permanent. Dilaberentur autem ac diffuerent aqua, & terra, niſi aliquid eſſet, quod eas contineret, atque compeſceret. Hæc ſatis perſpicuè oſtendunt, Galen. cauſæ cōtinentis naturam perſcrutatum fuiſſe: vt c. 1. citato lib. 1. de Cauſis Pulſum, alijsque locis à me citatis, manifeſtauit.

Ad primum argumentū Leonardī

Ad ſecundum argumētum ex Galen. authoritate deſumptum reſpondeo, Galenum cap. 88. Artis Paruæ, rectè confundere indicationem curatiuam morbi cum indicatione cauſæ cōtentricis; ita vt huius non meminerit propter arctiſſimam, quam cum morbo habet, ſocietatem. Cum enim ab hac morbus omnino ſuſtineatur, hæc ablata, illico morbus eſſe deſinit. Præterea, cum in quibusdam tantum morbis detur cauſa cōtinens, non mirum ſi eius mentionem non fecerit Galenus, qui curſim & compendioſè tantum floſculos quosdam ex facultate Medica in vnum opuſculum reduxit. Sed propterea non rectè inferitur cauſam à ſuo effectu non diſtingui: nam reuera humor obſtruens, quatenus viſcidus, aut craſſus, aut multus, ab obſtructione diſtinguitur. Nam licet humor, vt obſtruens, cum obſtructione confundatur, ſub iam dictis rationibus diſtinguitur: quoniam humor, antequam obſrueret, erat viſcidus, aut craſſus, aut copioſus. Calculus pariter, antequam meatū vrinarium obſtruit, fuit talis, qualis eſt etiam obſtruens.

Ad 2. Argum.

Ad tertium argumentum reſpondeo, concedendo, cauſam cōtinentem, quaſi rei à ſe productæ eſſentiam continere: & eam non niſi in morbis ex additicne tantum reperiri, vt antea expoſuiſus.

Ad 3. Argum.

Ad quartum argumentum reſpondeo, morbum eſſe rem permanen

Ad 4. Argum.

manentem, vt benè monuit Galenus lib. de differ. sympt. cap. 1. alijsque multis in locis; morbum tamen ex additione esse rem permanentem, sed successionem aut continuationem notantem; adeoque esse in secundo genere rerum successuarum, modo superius à nobis exposito.

Ad quintum argumentum.

Ad quintū argumentum respondeo, negando sequelam maioris. Licet enim causa continens dicatur continere morbi essentiam, hanc tamen continet dependenter tantum, non quod eius essentia cum essentiā morbi confundatur, cum ipsa se habeat, tanquam efficiens causa; morbus verò, tanquam effectus ab illā protinus distinctus. Lapis enim meatum vrinarium obstruens, ab obstructione distinguitur: Et ab obstructione reuera sumitur curatiua indicatio: nā obstructio deobstructionem indicat; quia tamen semota causa continente, calculo v.g. confestim tollitur obstructio, videntur causa continens, & morbus, habere vnicam indicationem curatiuam, eo fermè modo, quo morbus, & suum symptoma: Hoc tamen est discriminis inter morbum dependentem à causā continente, & symptoma; quod symptoma sit res successiua primo modo, & habens suum esse in fieri, morbus verò ex abundantia, res successiua secundo modo. Obstructio autem, à calculo v.g. facta, habet suum esse morbificum completè, tametsi à calculo foueatur, qui morbus est in numero addito, & vt sic, ab obstructione planè distinctus.

Obiectio.

Obijciat tandem aliquis locum citatum Galeni lib. 1. de causis Puls. vbi ait, non in pulsibus modò, sed in alijs cunctis reperiri causam continentem: atque adeo in morbis

Solutio.

Respondeo, concedendo eam reperiri in pulsibus, & alijs cunctis pulsui similibus; quæ nimirum habent suum esse in generatione, & motu, sicuti pulsus. Et hæc de Causis in communi.

CAPVT V.

De Causis Intemperiei calida.

DE Causis in genere hætenus: nunc verò causæ cuiuslibet speciei morbi peculiariter indagandæ sunt cū Galeno lib. de Causis morb. qui capite 2. à causis morbi calidi

lidi summa cum ratione auspicatur: quia intemperies calida frequentius, quàm reliquæ, ægros torquet, Medicosq; ideo frequentius sollicitos reddit. Præterea, calor inter quatuor qualitates primas primatum obtinet. Cum ergo ordine dignitatis reliquis prælatus sit, eius causæ primo loco tradendæ. Quinq; causæ excedentis caloris, siue intemperiei calidæ, tam in animatis, quàm in inanimatis mixtis; alijsque omnibus, quæ seipsis plus satis incalescunt, à Galeno proponuntur lib. cit. de Caus. morb. cap. 2. Prima, est motus. Secunda, putredo: Tertia, vicinia rei calidæ: Quarta, stipatio, seu constipatio, seu occlusio meatuum. Quinta, assumptio, aut permixtio rei calidæ. Vt autem hæc doctrina clarior euadat, de omnibus recēsitis Causis sigillatim disputabimus.

*Quinque
sunt causæ
intemperiei
calidæ.*

Motus causa caloris.

Galenus libro citato de Causis morb. cap. 2. & lib. 1. de different. febrium c. 3. motum inter causas caloris enumerat. Vnde inter causas febris diarię, cit. iam libro, & lib. de caus. procatare. cap. 1. laborem, & motum reponit. Plato autem in Theæteto minimè dubitat, motū esse causam caloris. Aristoteles eandem sententiam amplexus est lib. 2. de Cælo c. 7. tex. 42. Lib. 1. Meteor. cap. 3. Sectione. 5. Problematum quest. 13. & 14. Loco autem cit. de Cælo, hæc habet: Caliditas autem ab ipsis (stellis scilicet, de quibus inibi loquitur) lumenq; ideo fit, quia aer ab illarum motione fricatur: motus enim, & ligna, & lapides, & ferrum, ignire solet. Et paulò post: Quale fit & in sagittis, quæ feruntur: hæc namq; adeo igniuntur, ut ipsum plumbum, quod est in ipsis, lique scat, atq; cum in ipsis hoc fiat, circumdans etiam ipsas aer hoc patiatur, necesse est. Hæc igitur ideo calefiunt; quia in aere feruntur; qui quidem ob ictum motione fit ignis. Manifestè docet Aristoteles, stellas ratione motus, & luminis, calorem in aere igni propinquo generare. Idq; exemplis probat: Nam ex attritu, conflictuque vehementi durorum corporum, ignis quotidie elicitur, ut videre est in duobus lapidibus durioribus, qui, si frequentibus ictibus confricentur, non solum calefient, sed igneas scintillas producent. Ex affricu pariter silicis, & chalybis, quotidie ignem excitari conspici-

*Varijs exē-
plis constat
motū esse
causam ca-
loris.*

mus.

mus. Ipsa etiam ligna non solum incalescunt, sed aliquando nimio motu aduruntur: curruum enim axes sæpè igniuntur. Ossa etiam Leonum ita dura sunt, vt ex ijs cōcussis ignis elidatur, perinde ac è silice: vt habet Aristoteles lib. 3. de historia animalium c. 7. Sagittas motu incendi compertum est; & adeò, vt plūbum eis annexum liqueceret, sicuti plumbeos globos è tormentis bellicis explosos; & molas farinaceas inardescere; equorūq; soleas cum lapidibus confricatas scintillare. Serra etiam, dum eā ligna secantur, impensè incalescit. Ergo cūm hæc omnia motus operā incendātur, aut calefiant, pari modo aer igni immediatè suppositus ob motum spheræ astrī, & præcipuè Solis, incalescit.

*Corpus hu-
manum
motu cale-
fit.*

Nec solum aer, & præfata enumerata corpora motu incalescunt, verū etiam humanum corpus: quod quidem locali motu (de hoc autem solo nobis sermo est) quotidie incalescit; vt experientiā compertum habemus. Nam in motu, articuli, ipsiq; muscoli qui iuxta articulos sedem habent, calefiunt: muscoli etenim, & articuli, sunt motūs voluntarij instrumenta; quare primo loco incalescunt articuli, siue capita ossium, propter attritionem: muscoli propter motum extensionis, & reflexionis; & quidem facilius quàm ossa frigida, quia in se spiritus, & sanguinis, qui faciliè accenduntur, copiam continent: ossa verò per modico spiritu illustrantur. Si calor hic à motu excitatus, in ipsis articulis, & circumambientibus musculis, partibusq; sistat; ita vt vltèrius per corpus non dispergatur, aut diffundatur, antequam in totum soluatur, aut esse desinat, Lassitudo appellatur. Si verò calor ille in articulis ex motu concitatus, per vniuersum corpus fuerit diffusus, vniuersalis in corpore aderit intemperies calida, quæ febris nuncupabitur. Calorem enim vniuersalem corporis

*Lassitudo
quid.*

*Febris &
calor vni-
uersi cor-
poris coin-
cidunt.*

*Motus
animi si-
ne passio-
nes eius
calorē ex-
citant.*

intemperiem vocat Galenus lib. de Caus. morb. c. 2. Febrem n. ibidem expressè definiens, dicit eam nihil esse aliud, quàm totius animantis, immodicum quendam calorem. Nō tantum exercitium, aut immodicus corporis motus, sed insuper animæ, calorem efficit. Vnde variæ animæ passiones febrem inferunt; vt ira, teste Galeno lib. 1. de different. febr. cap. 4. & 5. meror similiter, & metus. Hæ siquidem animæ irascibilis passiones, sanguinē, spiritumq; mouent, agitantque: ex qua agitatione manifestè incalescunt. Calor ille cordi communicatus rursus in vniuersum

corpus diffunditur, & sic febrem parit; calorem videlicet præter naturam in vniuersum corpus, ni quidpiam prohibeat, diffusum. In irâ enim totus sanguis, & spiritus circa cor, propter appetitum vindictæ, feruent: inde febris excitatur, non solum diaria, sed hæctica; vt ex citatis constat capitibus. In timore pariter, & tristitiâ, febris accenditur; quia spiritus influens, & sanguis, interius ad cor, tanquàm ad principium nobilissimum, atq; tutissimam arcem, recurrunt, ibiq; conculcati fumum edunt, & postmodum incendium, à quo febris suscitatur. Gaudium etiam, febrem aliquando, sed aliter ac timor, parit. Motus similiter animæ concupiscibilis in hepate residentis, qui circa cibû, & potum, atq; res Venereas versatur, calorem adauget.

Constat omnibus, motum esse caloris causam: sed quomodo calorem producat, non omnibus notum est. Vnde in varias sententias, easque quamplurimas, Authores distracti sunt. Prima sententia est S. Thomæ, Comment. in cap. 7. lib. 2. de Cælo: vbi ait, motum localem habere prærogatiuam producendi calorem; quia est omnium motuum primus: vt docet Aristoteles lib. 8. Physic. cap. 7. tex. 55. Id autem quod primum est in quolibet genere, reliquorum causa censetur: teste Aristotele lib. 10. Metaphysic. cap. 4. tex. 7. Ergo motus localis debet esse causa aliorum motuum: Et consequenter alterationis, ac præsertim primæ, ac nobilissimæ: cuiusmodi est calefactio.

Sed hæc doctrina non exponit modum, quo motus calorem efficit: Et quanquàm motus localis sit prior alijs motibus, non tamen proinde est aliorum motuum causa. Aristoteles enim loquutus est de primo efficiente, & de eo quod est primum in genere causalitatis. Motus verò localis in casu nostro non est primus in genere causæ efficientis: sicuti nec temperamentum ad pondus, etsi dignitate alijs temperamentis præferendum sit, horum est causa. Præterea si motus ideò gignat calorem, quod sit primus, atq; præcipuus omnium motuum, diceretur similiter causa omnium præcipuarum qualitatum in quouis genere: v. g. dulcedinis in genere gustabilium, cum hæc sit inter has qualitates gustabiles prima atq; præcipua: Viriditatis in genere colorum, & sic de reliquis. Sequela illa patet: quia non est potior ratio, cur motus sit causa potissimæ qualitatis tactilis, quàm potissimæ gustabilis, visibilis,

Quid febris.

Prima sententia de modo quo motus calorem producit.

Refutatio 1. sententia.

bilis, odorabilis, & audibilis. Vel certè, si non est causa harum qualitatum, quia his prior est, similiter nec causa caloris, quia calorem antecedit.

Sententia 2. Secunda sententia est, ex attritu chalybis, & filicis v.g. calorem concitari, & ignem; quia vi talis attritionis, ignis intus in istis corporibus delitescens foras motu illo attritionis extrahitur. Ita Thomas Garbius in Summa Medic. lib. 2. tract. 2. q. 6.

Rejicitur. Sed hæc expositio veritati minimè congruit; quoniam supponit præfatus Author, ignem, & reliqua elementa, actu in mixto permanere: quam opinionem nos lib. de Elementis in nostra Physiologia diffusè refutauimus.

Sententia 3. Tertia sententia est Durandi in 2. distinct. 15. quæst. 3. quem ex recentioribus nonnulli sequuntur. Vult enim calorem motu excitatum à calore virtuali, corporibus quæ fricantur inherente, oriri.

Reprobatur. Hæc sententia in mixtis corporibus nõ esset absurda. Sed cum corpora simplicia, siue elementa, calorem virtualiter non contineant, in ijs nullo modo est admittenda. Glacies autem durissima, & quidem, siquid aliud, frigidissima, dum equorum soleis, aut lapidum ictibus vehementer percutitur, calore aliquali afficitur: aer pariter motu ignescit in fulgure, & tonitruis. Hæc ergo sententia non est vniuersaliter vera.

Sententia 4. Quarta sententia est Alberti Magni lib. 1. Meteoror. tract. 1. cap. 2. qui ait, motum excitare calorem, quia collisorum, & attritorum corporum partes distrahuntur, & rarefiunt. Vult enim rarefactionis interuentu calorem excitari; quia rarefactio est præuia quædam dispositio ad calorem introducendum.

Exponitur Albertus Magnus. Si Albertus Magnus pro corporibus rarefactis intellexit illa corpora dura solidaque, quæ colliduntur, vix capio, quomodo temporis momèto talia corpora calefieri possent, aut in ignem conuertere. Silex autem, aut alius quiuvis durus lapis, & ferrum, sunt corpora ex suâ naturâ frigida, densaque. Quare non video, quomodo ex vnica attritione, eorundem partes adeò attenuarentur, ut in ignem illicò desinerent. Mallem ideo dicere, aerem violenter motum, & rarefactum, calefieri, & in ignem conuertere. Nam cum ex ipsò aere per se calido facile excitetur ignis, tum in fulgure, ac tonitruis, tum in alijs violentis eiusdem aeris motibus,

credi-

credibile est, aerem impensè, ratione motûs, rarefactum, adeoque ad naturam elementi ignis proximè accedentem, calefieri, & in ignem conuerti. Motus enim localis, ex se, & formaliter, non est calidus: Nam quatenus localis, non ad calorē, sed ad Vbi, terminatur: vt constat ex doctrinâ Arist. lib. 3. Physic. c. 3. Motus enim alterationis, qui calefactio dicitur, est qui per se ad calorem terminatur, vt ex cit. iam cap. constat. Quare superest, vt motus, calorē, mediâte attenuatione, & rarefactione, producat.

Obijciunt tamen aliqui, rarefactionem aeris esse qualitatem secundam: atque adeo ignauam, & impotentem producere qualitatem primam, calorem: cùm à calore raritas procedat.

Obiectio

1.

Respondeo, rarefactionem non esse causam caloris, sed dispositionem quandam; quæ calorem aliquando antecedit, aliàs verò eundem subsequitur: eandemque rarefactionem non solum ab igne, sed etiam à motu dependere.

Solutio.

Obijciunt secundò, liquida motu refrigerari. Ergo motus non erit causa caloris.

Obiectio

2.

Respondeo, liquida motu aliquando refrigerari; quia partes calidiores rarioresque liquoris tunc euolant, & partibus permanentibus frigidioribus aer frigidior commiscetur. Videmus pariter aerem flabello refrigerari, non quòd motu aer refrigeretur, sed quia vi flabelli aer calidus nos circumambiēs à nobis amouetur, & remotior ac frigidior ei succedit.

Solutio.

Obijciunt tertio, Aquas quietas paludum, & stagnorum, melius incallescere, quàm aquas præterlabentes fluminum, quæ tamen perpetuo motu agitantur.

Obiectio

3.

Respondeo, aquas immotas non à quiete calefieri, sed à radiorum Solarium continua reflexione: quæ quidem maiorem virtutem in aqua quieta, quàm in fluente, producit; quia aqua quieta in eodem loco eadē semper manet: secus in fluminibus fit. Quare citius faciliusque aquæ immotæ, quàm fluentes, calefiunt. Sed, vt dixi, à quiete non procedit calefactio; alioquin hyeme æquè, ac æstate, immobiles aquæ calefierent: cùm tamen citius faciliusque, quàm motæ, concrecant, & in glaciem degenerent.

Solutio.

Putredo causa caloris.

*Definitio
putredinis
ex Aristo.*

Putredo apud Aristotelem lib. 4. Meteororum cap. 1. hunc in modum definitur: Putredo autem (quæ fortè putrefactio commodiùs dicetur , vt aliqui benè vertunt , cùm in textu Græco reperiatur vox *συνίε*) est corruptio propriæ , & naturalis caliditatis in vnoquoque humido existentis , ab extranea caliditate . Hæc autem rei continentis est . Galenus libro 11. Methodi medendi , capite octauo , putredinem his verbis describit : Putredo est mutatio totius putrescentis corporis substantiæ ad corruptelam , à calido externo . Non enim perfectò à proprio calore , inquit , corrumpitur quicquam ; imò contra prorsus , quicquid in rebus subsistit , id gliscit (seu augeatur) roboratur , sanum est , ac viuit , dum proprio calore regitur . Veluti nimirum ipsa animantium corpora , tametsi plurimam substantiæ suæ portionem humidam , & calidam sunt sortita , magnum tamen annorum numerum , sine putredine , ac sana , viuæque exigunt , si feruetur (vt monstratum est) eorum proprius calor , in cordis quidem corpore , per respirationem : in reliquis omnibus partibus , tum per communitatem , quam habent cum corde : tum per aliam quandam respirationis speciem , quæ per totam agitur cutē , & transpiratio , perspiratione dicitur : His verò lesis , vnà & naturalis calor læditur . Alter verò quidam alienus , ac præter naturam , in corporibus excitatus , primum quidem ipsos succos , propter humiditatem , & putrefacit , & corrumpit ; spatio verò tum adipem inuadit , tum etiam carnem . Tanquam igitur in ijs corporibus , quæ non viuunt , ac putrescunt , primum quātum eorum iam computruit , separant ; dein ei quod reliquum est , in frigidum aerem sublato , perspirationem refrigerantem moliantur : ita utique & putredinem , quæ in viuīs est orta , sanabimus , id scilicet quod iam corruptum est , omni ratione vacuantes , quod reliquum est , moderatis motibus , & refrigerante perspiratu , ad exactam symmetriam reducentes .

*Textus
Galenī ex
positio.*

Ex his Galeni verbis constat , putredinem in animantium corporibus non à calore natiuo , qui omnia conseruat , atque gubernat , tanquam præcipuum animæ instrumentum , sed a calore

præ-

præter naturam, seu alieno, fieri. Et quidem, quoties aer purus non probè inspiratur; & fumosus vapor ampliùs inutilis non expiratur, quotiesque perspiratio, seu transpiratio fieri nequit.

Respiratio autem est motus musculorum thoracis, ac septi transuerfi, quo aer ambiens interiùs per os, & nares, aut per alterutram viam attrahitur, & fuliginosus vapor rejicitur. Constatq; duplici motu, quorum vnus inspiratio dicitur, & fit potissimùm

*Respiratio
quid.
Quomodo
fit respira-
tio.*

auxilio septi transuerfi, seu diaphragmatis: alter, expiratio nūcupatur, quæ ope musculorum intercostalium, thoracem depriimentium, efficitur. Inspiratione itaque aeris ambientis, calor natiuus à fuliginibus in corde semper accensus, artemperatur, & eius pars, quæ suffocationem patitur, ventilatur, & antequam extingatur, veluti reaccenditur. Eiusdem aeris inspirati aliqua portio ad spirituum vitalium generationem confert: Mediante autem expiratione, fumosus, seu fuliginosus vapor, calorem natiuum, & omnem succum inquinans, euacuatur. Verùm quia aer inspiratione attractus vix vniuerso corpori communicatur, prouida natura, ne homo singulis momentis iacturam patiatur, alium motum, respirationi correspondentem, vniuerso corpori concessit: Et transpiratio, perspiratione appellatur; quia trans,

aut per ipsum corpus, attrahentibus arterijs ad cutem terminatis, mediante earum diastole, siue dilatatione, & corporis calore,

*Transpi-
ratio quo-
modo fit.*

externus aer pertrahitur, vt sanguis arterialis, & spiritus vitales, contemperentur, & calor natiuus partium ventiletur, reaccendaturque. Aer autem attractus per exiles cutis meatus primùm subintrat, feseq; arteriarum dilatatione facilè insinuat: rursum ad intimiora recurrit. Et hic motus inspirationi correspondet. Alter motus arteriarum huic succedit, & est excrementorum habitus corporis ad cutem, mediante potissimùm arteriarum compressione, expulsio. Respirationis ergo, & transpirationis liberæ ministerio, præsuppositis alijs euacuationibus, quæ per aluum, & vrinæ ductus fieri consueuerunt, calor natiuus purus, syncerusque in corpore seruatur; ideoque potens regere mixtum, cui præest, & à caloris extranei insultibus defendere. Quamdiu enim corpus transpirabile manet, putredo nullum in corpore suscipit incrementum. Nam licet humores corporis, utpote calidi, & humidi, putredinem facillimè conciperent, à putredine

*Sine ob-
structione
non fit pu-
tredo.*

liberantur, donec transpiratio aliququaliter prohibeatur. Cæterum, respiratione & transpiratione læsis, calor natiuus non idoneè reficitur, ventilatur, aut à recrementorum impuro commercio liberatur. Quare tunc in corpore alienus calor vires acquirit, & humidum à sicco separat, & viles substantias contaminat, atque corrumpit: & sic fit putrefactio, iuxta Galeni doctrinam.

*Galénica
definitio
ab Arist.
nō differt.
Aristoteli
ca putredini,
definitio
exponitur.*

Ex ijs, quæ Galenus in definitione dixit, colligere possumus, eum ab Arist. minimè dissentire. Definitionis igitur Aristotelicæ partes, vt putredinis natura elucescat, examinandæ sunt: Putrefactio dicitur corruptio, quæ particula generis locum occupat: Nam licet putrefactio simplici generationi sit maximè commune contrarium, vt loquitur Arist. cap. 1. cit. lib. 4. Meteororum, sola tamen putrefactio non est corruptio, sed insuper adustio, & alia consimilia, vt optimè per particulam (maximè) significauit Aristoteles, quemadmodū in citati iam textūs commentario exposuit antiquus ille Philosophus, Olympiodorus Alexandrinus, hâc verborum serie: Generationi ei quæ substantiarum est, maximè opponitur quæ à putrescendo corruptio existit. Probè autem addidit Arist. verbum illud, maximè (inquit Olympiodorus) propter interitus, & corruptiones corporum, quæ de repente fiunt ab igni, à suspendio, & à gladio: ipsæ enim perrarò eueniunt: in vsu autem magis est, & communior apud naturam; quæ à putredine, & à senio, naturaliter ad animantes proficiscitur. Hanc Olympiodori expositionem Aristoteles ipse in contextu admisit, dum ait: At simplici generationi contrarium maximè commune est, putrefactio. Omnis namque interitus, qui est secundum naturam, via in hoc est: velut senectus, atq; exarefactio. Nam cæterorum omnium finis est, putredo: nisi fortè vi interierit aliquod

*Generatio
ni contraria
est putrefactio.*

*Interitus
est via ad
putrefactionem.*

*Corruptio
interitum
naturalē,
quæ est
putrefactio,
& interitum
violētum
comprehendit.*

de ijs, quæ natura constant. Siquidem licet, & carnem, & os, & tale quidpiam exurere, quorum finis interitus, qui est secundum naturam, putrefactio existit. Inter hæc Aristotelis verba notanda sunt hæc (nisi forte vi interierit, aliquid de ijs, quæ naturâ constant.) Vult enim Aristoteles, omnem interitum, qui est secundum naturam, esse viam ad putrefactionem, veluti in animalibus seu animalibus senectutem, exarefactionem autem in plantis. Vtræque enim, id est senectus, & exarefactio seu ariditas, sunt putrefactiones, vt in comment. testatur Alexander.

Pro certo ergo statuendum, corruptionem habere plures species, seu corpora naturalia mixta dupliciter corrumpi: naturaliter, vel violenter: naturaliter corpora corrumpuntur, dū insensibiliter, & sine violentia à principijs intrinsecis, & sex rerum nō naturalium vsu, ita cōsumuntur, donec solvantur, & in quatuor elementa desinant. Et huiusmodi corruptio, putrefactio nominatur. Corruptio verò violenta, à putredine distincta, est quę vi quadā & violentiā fit: Estq; hæc multiplex: nam vsio, violenter, & breui tempore, rē destruit: incisio pariter, contusio, suspensio, aliaq; varia genera vim habentia destruendi mixtum ante debitum terminum.

Bisariam mixta corrumpitur.

Post particulā (corruptio) sequuntur hæc verba (caloris proprii & nativi); quia natiuus est qui primò resoluitur & dissipatur: Vide turq; in definitione, materiæ locum occupare. Nam circa hūc primò corruptio versatur, vt deinde facilius mixtū corrumpatur, & in elementa trāsmutetur. Mox modum corruptionis exponemus, dūmodo prius dicamus conuersionem mixti in elementa, esse finalem causam, à naturā intentam; si fas est, corruptionis, quę destructio quādā est, finalē causam constituere. Nam rem destruere vix intendit natura.

Ante omnia calor natiuus corrumpitur

In præfatā definitione habentur hæc verba (in vnoquoq; humido:) quibus ostendit Aristoteles, caloris subiectum esse humidum, & corruptionem naturalem, seu putredinem, fieri circa humida, circa sicca verò vix. Rectè ideo Galenus lib. 1. de differ. febr. alijsque in locis passim, ait, corpora calida, & humida esse maximè putredini obnoxia. In nostra Physiologia, libro de Temperamētis, hanc eius doctrinam contra quosdam Antiquos, qui pro temperamento ad pondus, calidum & humidum temperamentum admittebant, produximus. Lapidēs enim in loco debito, id est sicco, seruati, non putrescunt; quia paucam humiditatem sortiti sunt: Metalla ob hanc rationem egrius, quàm reliqua corpora, putrescunt.

Caloris natiui subiectū est humidum.

Lapides vix putrescunt.

In definitionē tandem posita sunt (ab alieno calore); quibus Calor alie verbis efficientem putredinis causam enucleauit Aristoteles. Calor enim, aut naturalis est, aut præter naturam: Calor naturalis dicitur cuiusvis rei, siue animatæ, siue inanimatæ, temperies calorem moderatus & familiaris, cuius munus est passiuā coercere, & vnita conseruare. Passiuæ autem dicuntur, humidum, & sic-

Calor alienus est causa efficiens putredinis. Duplex est calor. Quid naturalis.

cum

*Humidū,
& siccum
passiva
sunt, cali-
dū & frigi-
dū actiua.*

*Aqua, &
terra sunt
mixtorum
materia.*

cum Aristoteli libro 4. Meteororum cap. 1. actiua verò, calidum, & frigidum. Hanc doctrinam ipse repetit cap. 8. eiusdem libri in principio, hac serie: Ex his autem manifestum est, quòd à calido & frigido coguntur corpora, & hæc autem incrassantia, & cogentia faciunt operationem suam. Propterea autem quòd ab his cõdita sunt, in omnibus inest caliditas, aliquibus autem, & frigiditas, quã deficit. Quare, quoniam hæc quidem insunt, propterea quòd faciunt: humidum autẽ & siccum, propterea quòd patiuntur: participant ipsis communia omnia. Ex aqua igitur, & terra, simularium partium corpora constant, & in plantis, & in animalibus. Et quæ metalla sunt, vt aurum, & argentum, & quæcunq; alia talia, & ex ipsis, & exhalatione ea, quæ vtrisque inclusa, sicut dictum est in alijs. Alia versio textûs Aristotelis sic se habet: Ex his manifestum est, à calido & frigido coagmentari corpora. Hęc autem crassitudinem inducendo, & cogendo, opus suũ peragunt. Quoniam verò ab his formantur, in omnibus est calor: in quibusdã autem & frigus, quatenus deficit. Quare cùm hæc sint ad agendum, humor autem & siccitas ad patiendum, participabunt illis omnibus ea, quæ communia sunt. Ergo ex aqua & terra, simplicia corpora constituuntur, & in plantis, & in animantibus; & metalla, vt aurum & argentum, & omnia alia huiusmodi, quæ ex eisdem cõstant, & expiratione quadam ab vtrâq; expressa, vt alio loco dictum est.

*Causæ ele-
mentorum
dicuntur
quatuor
primæ qua-
litates
Aristoteli.*

Quoniam Aristoteles libris de Generat. & Corrupt. mixta quæuis ex quatuor elementis coalescere statuit, hoc in textu, quẽ admodum cap. 1. lib. 4. Meteor. quatuor elementorum in generatione mixti varia ostendit officia. Capite autem proximẽ citato dicit, se quatuor elementorum causas proposuisse alibi, id est lib. 2. de Generat. & Corrupt. cap. 2. & 3. Causas elementorũ intelligit Aristoteles quatuor primas qualitates, calorem, frigus, humiditatem, & siccitatem; quia harum qualitatum adminiculo elementa agunt, atq; patiuntur, causæq; sunt cur elementa in sese mutuò transmutentur, & mixta ex ijs generentur: Vel causæ dicuntur, iuxta Alexandri expositionem, quia elementa in sua specie constituunt, tanquam essent eorundem elementorum formæ; Caliditas v.g. & siccitas sunt, quæ ignem specificant, aut talem speciem constituunt, & sic de cæteris. Harum causarum duas po-

nit efficientes, calidum videlicet, & frigidum: duasque patibiles, humidum, & siccū. Quod autem ex quatuor iā dictis causis quædam sint efficientes, calor nimirum, & frigus: quædam patibiles, humiditas scilicet, & siccitas, probat argumentis, tum ex inductione, tum ex ratione definitiua, desumptis. Ex inductione autem sic: Apparet enim in omnibus (rebus naturalibus, seu compositis physicis) caliditatem, & frigiditatem terminare, coalere, vel conglutinare, & mutare, tam quæ eiusdem, quàm quæ diuersi generis existunt: itidemque & humectare, & ficcare, & durare, siue exasperare, & emollire. At sicca, & humida terminata, siue circumscripta, & reliquas passiones & affectiones, quæ dictæ sunt, patientia ipsaq;. Et quæcunque communia ex ambobus corpora constituta sunt. Aristoteles per, terminare, hîc intelligit (vt Alexander loquitur) colligere, & condensare, vel concrescendo ita cogere, vt ea, quæ antea formâ propriâ, figurâque carebant, ob fluentem humiditatem, semperq; à solo circumfuso aere formabantur, propriam formam, figuramq;, recipiant, proprijsque finibus terminentur. Vocantur autem ea, quæ nullo termino proprio circumscripta sunt propter humorem fluitantem, & exorbitantem, Græcis ἀόριστοι: veluti ea, quæ terminata sunt, quæ nimirum propriam familiaremque formam obtinent; & non à circumdante tantum aere figurantur ὁρισμένα. Quod autem calor & frigus res figurent, & finibus terminent, easq; coagmentent, & mutant, quotidiana docet experientia. Aquæ enim, quæ ex se interminata & indescripta est, terminatur atque describitur, dum à frigore coagmentata percipitur: & sic propriam quandam à frigore capit figuram. Vnde Olympiodorus in Commentario rectè ait: Carterum, & frigidi vis terminat ipsum humidum, dum coactum & concretum crystallum facit. Calor etiam res coagmentat, figuratq;, ita vt proprijs terminis se continere queant. Ita ouum, ex se fluidum, vi caloris concrescit, & condensatur, vt sine cortice amplius stare possit. Calor etiam mel cogit dum coquitur, etsi mel fluidum ex se sit. Nec solum hæc, sed aliâ quævis consimilia que per elixationis opus conspissescunt, formam propriam recipiunt, vt ipsa non amplius à circumdante cōfigurentur. Videmus autem quotidie gelatinam, & consummatum, vi elixationis à calore procedentis, ex brodijs, siue iuribus carnium ita concrescere, vt cultro

*Probat
Arist. calidum & frigidum esse causas efficientes; humidum & siccum esse passiuas.*

Frigus res coagit figurat, & mutat: calor similiter.

scindi queant, & per se posse consistere absq; vlllo externo continente. Rursùs caloris & frigoris virtute res multas cohære & concreescere perspicimus: quanquàm tamen ipsius calidi vis efficiat, vt ea sola sibi cohæreant, quæ eadem specie cognata inter se sunt, atque familiaria. Quæ verò dissimili specie simul existunt, vt concrecant, & in vnum coeant, facere nequit. Ratio est; quia quorum dissimilis species est, subsidunt, & in aliam partem inclinant, neque in vnam naturam concrecant. Hinc est quod argentum ab auro fecernit & deducit calor: nec solum argentum, sed æs, aliasque res omnes alienæ diuersæque naturæ ab eo amouet, secluditque. Frigidi verò vis, tam ea quæ eiusdem sunt speciei, quàm quæ diuersæ, conglutinandi facultatem habet. Vnde in niue festucæ quoq; concretæ inueniuntur: in glacie, & gelu, aqua, & terra, & ligna, & lapides, & pili, & festucæ, aliaq; quamplurima discreta, quæ simul sunt ante concretionem gelu & glaciei, quæq; sunt diuersi generis, in: Sed hæc omnia in vnū cogit frigus.

*Calor sola
homogenea
cogit,
dissimilia
separat.*

*Frigus heterogenea
cogit, vnit
que.*

*Calor &
frigus vim
habent
mutandi
corpora.*

Concretionem enim, vt iam dixi, quæcunque simul aliud alij adposita iacent, vnit, coagmentatque vehemens illud frigus siccum. Denique calidum, frigidumq; mutandi facultatem habent, vt cuius, duce experientia, constat. Etenim humectant, & siccant, & durant, exasperant, soluuntq; corpora. Calor enim humectat, quia diffundit, soluitq; Ferrum enim, ceteraque metalla, ignis vi liquefieri conspiciamus. Calor etiam, aperiendo meatus corporum, humectare potest; quia reſeratis ductibus quicuius humor contentus facile diffluit. Frigidum verò humectare dicitur, quia humorem intercipit, & intercludit, omnia nimirum cogendo, & constipando. Calidum vim habet exiccandi, vt patet in humidis vestibis, quæ Solis, & ignis calore quotidie exiccantur. Frigidum quoque idem præstat: nam vestes humore grauatas in ipso frigore sicco, & flante potissimum Aquilonari Vento, exicari conspiciamus. Quòd autem calidum exasperandi vim habeat, patet in quouis elixatis: patetque in corporibus febre ardenti ad Hæcticam tendente, & multis alijs igni apposis, quæ exasperantur, & corrugantur. Frigidum etiam exasperat; vt in cryſtallo videre licet. Calidum demum emollit, vt videre est in lignis, & cornibus ex ingenito humore diffuso. Frigidum quoq; eadem habet vim; quia humiditatem interseptam tenet.

Ceterum

Ceterum si rectè omnia, quæ ab Aristotele dicta sunt de efficientia calidi & frigidi, perpédamus, dicendum necessità, omnes præfatos effectus ab eis secundariò tantum produci: quoniã primariã effectione calor calorem, frigus frigiditatem, procreat.

*Nota
Aristote-
lis sensu.*

Postquàm inductione probauit Aristoteles, calidum, & frigidum, esse efficientes rerum causas, probat vlteriùs humidum, & siccum, esse passiuas, atq; veluti materiales causas. Nam quemadmodum calidum & frigidum terminare, & in vnã naturam res cogere videntur, itemque ipsas rursus mutare: ita rursùm humidum & siccum hosce effectus, (concretionem nimirum, configurationem, & mutationes varias in crassitudinem, tenuitatem, exiccationem, humectationem, & similia) perpeti videntur: ob hanc scilicet causam; quia hæc, quum passiones antea propositas patiantur, suo quæque termino circumscribuntur, ac terminantur. Terminatur enim humidum densatum atque concretum. Emollescit porrò durum & aridum, quum ipforum vis aspera remittitur. Concrescit autem humidum, atq; coagulatur. Nec solum ipsa elementa passiuã ita vi caloris & frigoris dictas passiones patiuntur, sed mixta ex his elementis composita.

*Humidũ
& siccum
sunt passi-
ua.*

Tandè ex definitionibus calidi, frigidi, humidĩ, & sicci, probat Aristoteles, calidum, & frigidum habere vim efficiendi: humidum, & siccum, vim patiendi. Calidum enim est quod habet vim cogendi, & concrescendi res affines, & eiusdem nature. Frigidum etiam est id, quod tam ea quæ sunt eiusdem nature, quàm quæ diuersæ, congregat. Cogere autem, & disgregare, est efficere. Ergo calidum & frigidum sunt causæ efficientes. Humidum denique est, quod ægrè suo, facilè alieno termino terminatur. Siccum, è contra, quod difficulter ab alio terminatur. Ægrè autem, & difficulter terminari, est pati. Ergo siccum & humidum sunt materiales & patibiles causæ.

*Quid cali-
dum.*

*Frigidum
quid.*

*Humidũ
quid.*

*Siccum
quid.*

His sic positis, statuit Aristoteles cap. 1. cit. lib. 4. generationem fieri, vbi & agens causa, & patiens, modo & ratione inter se conueniunt: ita vt hoc quidem agat, illud verò patiatur, & hoc superet, illud verò superetur, vt loquitur Olympiodorus in commentario. Agentes autem causæ, sunt calor & frigiditas, vt iam expositum est; patientes, humidum & siccum. Quoties ergo inter agentia & patientia præfata, talis seruatur proportio, vt a-

*Quomodo
fit genera-
tio.*

gentia superent patientia, & hæc omninò patiantur, subigantur, vincaturq; ab illis. generatio mixti commodissimè & naturaliter perficietur; vt ipse Aristoteles his verbis significat: Generat autem calidum, & frigidum, quò superant materiam ipsam. Vbi verò non superauerint, particulatim quidem fædatio & immaturitas oritur. Pro materiâ, intelligit Aristoteles humidû & siccum; quæ, si commisceantur, castigentur, & omninò ab efficientibus vincantur, benè res quæuis in quâuis generatione procedet: Secùs verò, si contrarium accadat; id est, si humidum & siccum actiuas causas superent: Nam inde varia nascùtur incommoda; quia res tunc corrumpi inchoant: vt testatur istis verbis: Vbi verò non superauerint, particulatim quidem fædatio & immaturitas oritur. Nomine fædationis, contrarium elixationi intelligit, teste Alexandro in Comment. qui ait: At fædationem quidem intelligit, quæ in rebus elixis efficitur, quoties non vincit, neq; superat ipse ignis. Fædatur enim, neq; elixatur, vt paulò post docebit. Cruditatem, *κωψιάν*, porro accipit eam, quæ in alimentis animalium efficitur: quotiescunq; à calore, qui inest, ad hoc munus, substitutus, non superantur, neque debellantur, sed potius corrumpuntur. Vult enim Alexander, & appositè, carnem v.g. in ollâ, aut alio vase igni apposito, imperfectè elixam, affectum illum pati, qui fædatio dicitur: quæ quidem nascitur ex languore ignis nò potentis sufficiètem calorè humori & carni cōmunicare. Vt autem humorè, cui calor immersa est, ipsâq; cōsequenter carnè, domèt ignis, utrūq; examinare & permeare suo calore debet: idque complet, quoties eius virtute ea, quæ in vase includuntur, impensè feruent, & quidem sufficienti tempore. Quoties autem ignis exiguus est, eius calor contentis communicatus, seu in ijs productus, ita languidus euadit, vt aquam frigidam humidamque nequaquam vincere queat. Cùm ergo humidum frigidum tunc vincat, impossibile est probam celebrari carnis elixationem; sicuti nec coctionè debitâ alimentorū ingestorum, si ventriculi calor languidus fuerit, vt quotidiana docet experientia. Magna enim est analogia inter elixationem, & concoctionem ex Philosopho lib. 1. Meteor. c. 3. vbi ait: Aflatio quidem, & elixatio fiunt quidem arte; tamen hæc summatis generis, vt statuimus, similia sunt ijs passionibus, quæ per naturam fiunt, sed sine nominibus

*Fædatio
quid.*

*Cruditatis
quid.*

*Quomodo
fit fædatio*

Cruditatis.

sunt: Arsenim naturam imitatur. Nam & cibi in corpore concoctio elixationi similis est, etenim à calore in humido & calido fit: Et quædam cruditates leui concoctioni sunt similes. Vult enim Aristoteles, ingestorum alimentorum concoctionem in ventriculo esse naturalem quandam elixationem. Nam quemadmodum elixatio est concoctio à calore humido procedens, ita & concoctio in ventriculo, imò & reliquo corpore, facta. Quoties ergo caro v.g. non probè elixatur defectu caloris, fadari & pollui dicitur: quoniam per illam imbellem elixationem non sufficienter emollitur, nec suauem dulcemue saporem debito more acquirit: Similiter nec alimenta in ventriculo leuiter cocta in suauem, dulcemue sanguinem conuertuntur: adeoque nec huiusmodi sanguis vniuerso corpori gratus futurus est, nec corpus probè nutriturus; quia ex crudo, aut modicè cocto chylo nonnisi improbus sanguis efficitur: Nam cruditas concoctioni, seu confectiioni alimentorum in ventriculo contraria est, ex Arist. c. 2. lib. 4. Meteor. Est. n. cruditas, inquit, imperfectio ob defectum proprii caloris. Elixationi pariter contraria est fadatio, ex eodem Aristotele cap. 3. citati libri 4. Meteoror. vbi ait: Lenis elixatio cruditas quidem est, sed elixationi contraria. Caterum, etsi hæc, aliaque cuncta, de quibus Aristoteles citato libro 4. Meteororum, Medico protinus necessaria videantur, ad institutum tamen redeundum.

Diximus calidum & frigidum habere vim efficiendi, humidum & siccum illorum actiones recipere, & in his ab illis passionibus fieri: Atqui caloris potissimum regimine mixtionem perfici; mixtaque cuncta, quamdiu calor in eis viget, vnita, atque integra seruari: quoniam huius est, opposita patibilia, in arcto perfectoque commercio edomare, atque in ordinem redigere. Alter enim calor, qui viuentia ad corruptionem disponit, præter naturam, aut alienus, aut extraneus appellatur: Et efficiens putredinis causa, tam ab Aristotele, quam à Galeno, statuitur: nam effectus contrarios effectibus caloris natiui semper producit. Calidum enim in mixtione est id, quod primario, & potissimum, mouet, miscetq; omnia: frigus verò non tot officia, ac calor, inter operandum subit. Quæ autem in mixtione præcipuè mouentur, sunt humidum, & siccum. Calidum ergo per se penetrat,

*Concoctio
elixatio
quædam
est.*

*Cruditas
concoctio-
ni contra-
ria.
Elixatio-
ni fadatio
contraria*

*Calor præ-
ter naturam
naturali
contrarius
Calor ma-
gis quàm fri-
gus opera-
tur in mix-
to.
In mixtio-
ne humi-
dum siccum
que mouetur.*

*Caloris of-
ficia.*

*Frigoris
officia.*

*Modus
quo fit in-
teritus.*

*Exponi-
tur Arist.*

commiscet, coercesq; materiam humidam siccamq; : Præcipuum
verò frigidi in mixto opus est, calidum temperare, & mate-
riam humidam siccamque coagulare, condensareue. Calidum
ergo & frigidum, vt agentia, omnia colligata, & vnita retinent.
Caterum, quotiescunque calidum imbellius seipso euadit, neces-
sariò patibilia, humidum & siccum, dissoluentur, & consequen-
ter vniuersum mixtum. Dissoluitur autem à calore excedente,
qui primò calidum innatum, mixti veluti cogens vinculum, &
rectorè, dissoluit; & consequutiue humidum à sicco separat. Ca-
lor enim immodicus aeris ambientis, quosuis meatus, etiam an-
gustiores, corporis, immodicè aperit; & rectori corporis calori
natiuo patentem exitum præparat, calorque tandem natius su-
perstes adeò imbellis euadit, vt non ampliùs passiu cogat, coer-
ceatue. Passiu illa duo, humidum & siccum, molem corpo-
ream præcipuè componentia, cum actiua, & maximè calorem
natiuum, excedant superentque, ab inuicem segregantur, sece-
duntque: Humidum enim resolutum calorem natium conse-
quitur, & extra corpus contendit: Et quod superest tandem pu-
trefacti corporis, siccum, aridumque apparet. Et sic dum pati-
bilia vincunt, & nō vincuntur ab actiuis, necessariò mixti veluti na-
turalis putredo & interitus succedit. Hanc doctrinam posuit
Aristoteles lib. 4. Meteor. cap. 1. vbi post hæc verba (quibus finis
naturalis interitus est putredo) consequutiue hoc ritu loquitur.
Quamobrè quæ putrescunt, primùm humescunt, demùm siccita-
tē contrahunt: Ex his enim formata sunt, & siccitas humido cir-
cumscribitur, ijs, quæ vim agendi habent, operantibus. Interi-
tus quidem contingit, cum id quod finibus describitur, id vice-
rit, quod finibus describit, propter ipsam rem contingentem. His
verbis Arist. generationem simul & corruptionem mixti innuit.
Vult n. putrescentia corpora primùm humescere, demùm siccita-
tem cōtrahere. Non n. particulā (primùm) intelligit putrefactio-
nē à separatione humidi à sicco suū desumere exordium: sed di-
cit, humiditatē exorbitantem, & manifestè apparentem, esse pri-
mū indicium, siue signū putrefactionis: siccum verò, quod tādē
post humidi separationē superstes apparet, esse secundum, vlti-
mūq; perfectæ putrefactionis signū. Quod in putrefactione secū-
dum rei veritatē, etsi nō sensibus appareat, primum locū occupat,
est

est dissipatio caloris natiui facta ab ambientis aeris calore; quia cum hic domestico calore sit vehementior, quod eo intensior, illū ad se allicit, eo modo quo Solis ardor in aere productus exiguus ignis aut flammæ calorem ad se attrahit. Hinc oritur & flammæ & igniculi citissima extinctio, sicuti flammulæ candelæ iuxta ardentissimum luculentissimumq; ignem. Dictum enim antea est calorem natiuum peculiariter commiscere, efformare, & circumscribere mixtum ex humido & sicco coalescens, frigusq; aliquid ad operis complementum conferre: humido enim, tamquam glutine, sicci partes colligantur, & terminantur; sed caloris operâ potissimum id fit. Quare caloris natiui parte dissipatâ per cutis poros, portio eius adhuc inexistens, siccum, & humidum secundum primam sui descriptionem & terminationem non sufficienter cohibet, aut vincit, sed viceversa siccum & humidum, agentem causam, calorem, vincunt: ideòq; non amplius recta, separantur. Propter hanc partium mixti, idest elementorum, separationem à sese, inquit Aristoteles: Enimvero putredo in ijs propriè dicitur, quæ per partes corrumpuntur, cum suâ ipsorum naturâ distracta sunt. Idcirco reliqua etiam omnia, vno igne excepto, in putredinem delabuntur. Loquitur enim hic de elementis non puris, sed impuris, & aliquo modo mixtis: nam de mixtis, & non de elementis, expressè libro illo 4. Meteor. disputat. Verum, cum ignis sit calidus & siccus, etiam si impurus apud nos sit, putredini minimè obnoxius est.

*Optima
cōparatio.*

*Exponitur
Aristoteles.*

*Ignis, quia
calidus
& siccus,
non putre
scit.*

Postquàm Aristoteles putredinis definitionem tradidit, aitq; eam esse passionem, tum proprii frigoris, tum caloris alieni, modum quo fit putrefactio, iterum inculcat, aiens: Ob eam enim rem putrida omnia sicciora fiunt, & tandem terra, & cinis. Proprio enim calore exolescente naturalis humor vnà cum eo per vaporem emittitur; neque postea res, quæ humorem allicit, adest: allicit enim trahens proprius calor.

Docuit hætenus Aristoteles, res quasuis, quæ in putredinem abeunt, propter innati familiarisq; caloris inopiam corrumpi, & corruptionem ab externo calore, tanquam efficiente, perfici. Dum enim huius vi domesticus calor foras euaporat, atque in auras diffilatur, cum ipso simul humidum quoque insitum educitur & expiratur; neque amplius vllum aliud intus in corpore re-

*Omnis
putrefa-
ctio ob na-
turi calo-
ris penuriam ori-
tur.
Modus
putrefac-
ti.*

manet, quod in se humidam auram trahat. Namque domesticus in quâq; re calor, humoris extrinsecus attrahendi potestatem habet: vt interpretatur Alexander: attrahit enim, humoremque ad se adducit familiaris calor, vt ipse Philosophus in contextu loquutus est: Nam calor natiuus sine humore esse nequit. Cùm ergo natiuus calor dissipetur, nō amplius partium humorem vni- tum seruat, nec externum aerem per cutis poros attrahit, sed po- tius vnâ secum extra corpus, dum dissoluitur, humidum radicale rapit.

Quoniam ab ambientis aeris ardore natiuus calor corrumpi- tur, citato c. 1. lib. 4. Meteor. docet res omnes putredini minùs ob- noxias esse in frigoribus, quàm æstiuo tempore. Nam hyeme in circumdante nos aere, & in aquâ, paruum calidum existit: qua- re, inquit, nihil pollet, id est aer frigidus, aquaque frigida, calorem natiuum extra corpus non eliciunt, sed potius in intima corporis concentrant, coguntque. At verò in æstate calidum vberius grassatur. Quare tunc mixta corruptioni magis obnoxia sunt. Cæterum non omnia hac tempestate putrescunt: Non gla- cies v.g. quia magis friget, quàm ambiens aer caleat: vt autem, aer calidus aliquid putrefaciat, eius calor virtutem resistētis cor- poris superare debet. At verò nullus æstiuus calor glaciei frigus superat, cùm hac frigidissima sit, & hac ratione calorem ambien- tis vincat. Quod etiam feruet & calidum est, pari pacto non pu- tret; quia aer ambiens multo minori calore, quàm res feruens & præcalida, affectus est. Quare aer calidus in tali casu non vincit, neque vllius mutationis ad corruptionem causa est, vt cit. cap. lo- quitur Philosophus; qui in sequentibus verbis, ait, ea quæ mo- uentur, seu quæ motu agitantur, minùs esse obnoxia putredini, quàm ea quæ quæta & fixa manent. Hanc fortè ob causam Bononienses communiter sua vina è dolijs in dōlia bis in anno, circa Festum scilicet Diui Martini, & mense Februarij, trans- mutant: Cùm autem omnia vina apud illos cum aquâ con- ficiantur, timendum ne ex eiusmodi commixtione, æstiuo ardore accedente, putredo oriatur. Aquosa quidem vina, non ita suo calore natiuo tuentur ab iniurijs æstûs, quemadmo- dum vina generosa, quæ ob intensiorem calorem extraneo po- tenter renituntur: Vina ergo imbellia, humana corpora, alia- que

que cuncta, motu, quàm quiete, citius à putredine conseruantur; quia in motu res dilatantur, aperiunturque; adeoque ventilatæ, putredinem declinant. Addamus & his ambientis aeris æstus rebus non fixè hærentibus, minùs communicari. Aquarû fluentium exemplo hanc doctrinâ confirmare possumus: hæ enim vix putrescunt, paludosæ autem, & lacustres, quia immotæ, & stabiles, multò faciliùs, quàm illæ, corrumpuntur: Propterea quòd, vt loquitur Alexander, in aquis agili cursu labentibus calida vis existens, cum ex motu vigeat, & vitam habeat, in aere dominans vix inualefcit calor. Consequutiùe adhuc Arist. inquit: Hac eadem causa est, cur magna etiam res minùs putrescat, quàm parua: maiori enim in re ignis proprii, & frigoris, continetur plus: ob eamque causam facultates in circumiecto aere positas vincere potest. Propterea mare in partes corruatum breui tempore putrescit, totum verò minimè. Alia item aquarum genera eodem modo. Dixit paulò ante, res motas minùs putrescere, quàm res stantes, & immotas; quia vi motûs, res, quæ mouentur, maiorem acquirunt calorem, & ventilantur. Dixit pariter, res fluentes, quàm stantes, & immotas, minùs putrescere: Aqua. n. fluens præter calorem aliqualem, quem in se continet, quia non est pura, sed aliquo modo mixta, in virtute motûs maiorem acquirit. Quare multò magis putredini obstat, quàm aqua immota, quæ remissiori calore, quàm fluens, fruitur: Vnde facile eius imbellis calor ab ambientis aeris calore exhauritur; eoque quidem faciliùs, quòd radorum Solis reflexionem plenius recipit. Propter maiorem, aut minorem calorem, similiter res magnæ, & paruæ, putredinis causæ efficienti magis, minusue resistunt. Idcirco ait Aristoteles, res magnas, quàm paruas, tardiùs putrescere; quoniam res magnæ intensiori calore præditæ, fortiùs externo calori, quàm res paruæ, quæ minorem calorem sortitæ sunt, reluctantur: ideoquæ meliùs magnæ, dummodo perspirabiles sint, quàm paruæ, sese tuentur. Facilius enim ab aeris calore paruus calor, quàm magnus & vnitus, obruitur. Pomum autem integrum calori meliùs fortiùsque resistit, quàm pomi portio: nam virtus vnita est fortior seipsâ dispersa. Nec solum ob intensiorem calorem res magnæ meliùs quàm paruæ, putredini obstant, sed insuper propter frigiditatem

*Res motæ
quàm sta-
biles mi-
nus putre-
sunt.*

*Aqua sta-
bilis citi-
us, quàm
fluens pu-
trescit.*

*Magnæ
moles quàm
parua tan-
dius putre-
scit.*

maiores, quæ quidem putredini potenter obstat. Aer enim externus calore à Sole producto affectus, permodicè friget; quia, præterquàm quòd nouum suscepit calorem, naturaliter calidus est. Non mirandum ergo, si fortiter eius calorem eludant res magnæ, duas qualitates actiuas, calorem & frigus, continentes, ac non rarò siccitatem, quæ dictis qualitatibus coniugata, non exiguum robur resistendi putredini addit. Verùm quia de liquidis tantùm loquutus est Aristoteles, actiuarum qualitatum, caloris scilicet, & frigiditatis, tantùm meminit, dum inquit: Eadem autem causa est, quare res immensa, minùs, quàm parua, putredine corripiatur: hæc videlicet, quòd in re ampliori amplior quoquè familiaris ignis existit: & frigidi quoquè maior vis inest; quàm vt ambientis aeris virtutes victoriam consequantur. Ideoque & mare ipsum in partes diuisum, dissectumque, putredini statim succumbit, totum autem mare minimè succumbit.


Totū mare non putrescit, partes vero sic.

Paludes itaque, ac stagna, inquit Alexander, ab ipso mari seorsum interclusa facili negotio putrescunt: totum autem mare non putrescit. Simili quoque ratione & reliquarum aquarum quæcunque minores humores habent, eę propensiores ad putorem sunt, quàm aquæ copiosæ, & ingentes. Quòd autem de igne proprio compositi loquutus fuerit Aristoteles, id non probat ignem actu in mixto contineri. Nam ignis nomine, calorem, seu igneam virtutem, intellexit; quamuis reuerà in contextu, ignis mentionem fecerit, dum ait, ἔστι δὲ πῦρ οὐκ ἐόν, idest, est ignis proprius.

Ignis non est actu in mixto.

In Capitistandem calce ait, animalia fieri ex ijs, quæ putrescunt, propterea quòd, quæ segregatur caliditas naturalis existens consistere facit segregata. Quasi diceret, dum calor natiuus dissipari inchoat, à parte superstite caloris, & principijs passiuis, nasci vermes, muscas, culicesque. Sed hæc de naturâ putredinis, & expositione Capitist. lib. 4. Meteor. sufficiant. Superest; vt variæ difficultates, quæ circa hanc doctrinam versantur, breuiter, atque dilucidè discutiantur.

Animalia ex re putrescente nascuntur.



Diluuntur Obiectiones.

Objicies primò, Calorem, & frigus, ambo esse causas efficientes putrefactionis, vt constat ex Aristotele cap. 1. lib. 4. Meteor. vbi ait: Quare, cùm caloris defectu patientur, & omne quod eiusmodi facultate id frigidum sit: certè ambo sint causæ. Atque putredo communis passio sit, tum proprij frigoris, tum alieni caloris. Ergo non solus calor extraneus, sed insuper frigiditas est causa putredinis: adeoque in putredinis definitione frigiditas interna, æquè ac calor extraneus, poni debuit.

Obiectio I

Respondeo, verum esse, quod Aristoteles calorem, & frigus, putredinis causas vocauerit; vt patet ex textu Græco *αὐτοῦ ἀντὶ τῆς αἰτίας*: id est, ambæ vtrique causæ erunt; sed causam inibi in laxiori significatione accepit; prout videlicet proprias, & minùs proprias comprehendit. Calor enim, vt diximus, & frigus, sunt causæ efficientes: Calor tamen actiuior est; ideoque qui extraneus dicitur, mixtum destruit: internum verò frigus secundum locum obtinet: nam post caloris natiui euaporationem, aut euerisionem, frigus subcrefcens & exuperans, reliquias eiusdem caloris natiui extinguit, nec ampliùs humidum, & siccum, mixta, vnitaque cogit. Proindeque putredinis causa, licèt minùs præcipua, dici potest. Quanquam mixta ex suâ naturâ frigida difficulter putrescât, prout ex doctrinâ Aristotelis superiùs prolata constat; quam etiam vbique passim tenet Galenus, qui lib. 1. de different. febr. alijsque varijs in locis docet, corpora calida, & humida, & non difflata, sine magna morâ putrescere. Vnde è cōtrariò quæ frigida sunt, & sicca maximè putredini renituntur. Ad rem ergo redeunt, frigida ex sua natura, sicuti calida & sicca, multum putredini resistunt; & frigida quidem, non quòd calorem natiuum vehementer renitētē calori extraneo habeant, sed qui a eorum frigus ambientis calorem superat, & à calore ambientis non vincitur, aut sensibiliter alteratur, nisi summa cum difficultate: at verò corpora quæ putrescunt, & post resolutionem, aut euerisionem caloris natiui, frigidiora ideo euadunt; talia sunt; quia iam alterata, & victa sunt ab extraneo

*Solutio**Frigida
difficulter
putrescunt**Calida &
humida
facile
putrescunt.
Frigida
& sicca
putredini
maximè
obstant.*

*Quæ putra-
scunt calo-
re alieno
calent, &
caloris na-
turi defe-
ctu frigi-
da dicun-
tur.*

*Aceti ge-
neratio*

*Frigus
causa pu-
tredinis.*

*Humidi-
tas verè
causa pu-
tredinis.
Obiectio 2.*

calore; adeò vt hoc eodem calore extraneo actu alterentur, dū natiuus calor resoluitur, licet frigida dicatur, quia natiuo calore destituta: vt apparet manifestè in aceto, quod ex vino putrefacto oritur. Quāquam enim ex vino, dum in acetum migrat, vi caloris extranei extractum fuerit calidum innatum, in eo tamen caloris putredinosi, & præter naturam aliquid cum aquea substantia remanet: Et superest ideo acetum non leui quidem acrimoniâ prægnans. Frigus ergo dicitur, modo à nobis exposito, causa putredinis: & quidem, quia immediatè, exolutionem calidi innati consequitur. Sed si verum amamus, humiditas interna, imò & externa, corpora ad putredinem, vt Gal. passim docet, multò magis, quàm frigus, disponit.

Obijcies secundo, Aristotelem malè exposuisse causam præcipuam putredinis, calorem scilicet alienum, dum ait, cum esse calorem continentis, id est aeris ambientis, & continentis omnia, prout Alexander, & reliqui fermè omnes Græci exponunt; cum tamen etiam niinio frigore vigente res putrescant; vt patet in ijs, qui propter summum algorem quasdam corporis partes, prius emortuas & putrefactas, amiserunt, vt pedum, manuumq; digitos, ipsosque integros pedes, integrasque manus non rarò; prout monet Gal. lib. 2. de locis affect. cap. 2. & vt cōpertum habemus in multis hominibus, qui postquàm in aquam frigidam hyeme casu cecidèrè, febre, eaque putrida, non rarò afficiebantur. Ergo solus ambientis, seu continentis calor non est causa putredinis, contra quàm voluit Aristoteles.

Solutio. Respondeo, lubens concedendo putredinem non à solo ambientis aeris calore effici: nec Aristotelem vnquam contrarium decreuisse: qui, posito quòd solum calorem aeris ambientis putredinis causam efficientem diceret, intelligendus esset, vt plurimum, & ordinariè putredinem inde nasci; non tamen semper. Nam in ipsis frigoribus corpora nostra non rarò condensantur adeò, vt amplius per cutis poros fuliginosi adustique vapores, qui in nobis perpetuò generantur, in ambientem aera exire nequeant: Quare, in corpore detenti, natiuum calorem suffocant, dissipant, & in suam naturam conuertunt: & quia præcalidi sunt, ac ignei, in corpore vniuerso calorem præter naturam suscitant, naturalemque populantur. Atque adeò vni-

uerfum corpus, calidum innatum paulatim amittit; quia ab hoc extraneo, & præternaturali calore in auras partim resoluitur, partim suffocatur, partimque in igneam naturam conuertitur. Vnde corpus calore natiuo priuatum, naturaliter friget, licet præter naturam calefiat à fuliginum adustarum fumosarumque calore. Quamuis autem fuligines in corpore procreentur, earum tamen calor à nostrâ naturâ nimis alienus, atque remotus est: & extraneus alienusque ideò rectè dicitur, sicuti calor sæcum, quæ manifestâ putredine afficiuntur: vt cuius satis notum est. Proinde Aristoteles non dixit, vt ei absolutè imponitur, calorem ambiētis aeris esse causam putredinis, sed calorem attingentem, siue sit in ambiente aëre, siue in ipso corpore generetur, vt constat ex contextu Græco in quo ait: *Σὴ ψῆς δ' ἐστὶ ἐξ ὅ-
ρα τῆς ἐν ἑαυτῷ ὑγρῷ ἰσχυρίας καὶ κατὰ φύσιν θερμότητος, ὡς ἀλλο-
πρίας θερμότητος: αὐτὴ δ' ἐστὶν ἡ τῆς περιέχοντος* id est, Putrefactio autem est corruptio eius, in vnoqueque humido propriæ & secundum naturam caliditatis ab aliena caliditate: Hæc autem est quæ ambiētis. Omnes ferimè interpretes, *περιέχοντος*, interpretantur, ambiētis, aut continentis, in quo damnandi non sunt: Nam *περιέχει* idem est ac contineo, comprehendo: male tamen statuunt, solum aerem nomine continentis, aut comprehendētis intelligi; quoniam omni rei comprehendenti, siue sit aer, siue quiduis aliud, continet. Quare, quamuis nomine caloris alieni putredinem efficiētis, Arist. calorem ambiētis aeris, vt plurimum, intellexerit, non tñ hunc solum, sed alium quemcunq; alienum à naturâ rei quæ putrescit. In nostris a. corporibus excremēta indies fetida generātur: huiusmodi sanè putrefactio calori immo dico aeris ambiētis tribui nequit, cum tēpestare etiam frigidissimâ fæces hominis putridę excernātur: quæ putredo inde nascitur, quod à natiuo calore alimētorum superfluitates vinci nequeant. Vnde vrinę, & alui egestiones, & distillationes, crudę dicuntur Arist. lib. 4. Mete. c. 3. Et licet inibi cruditate in prò tenuitate rei accipere videatur, putrefactionē illam sub cruditate comprehendit.

Obijcies 3. rectius putredinem definiri per separationē humidi à sicco, quàm per corruptionē caloris natiui ab alieno; quia sic cōmodè ab vñtione distinguetur, quæ quidē, nisi hāc viā, à putrefactione nō differt; cū sit caloris natiui ab alieno calore corruptio
siue

*Definitio
putredinis
ex Ars
floreto.*

*Cruditates
excremen-
torum.*

Obiectio 3

siue interitus, æquè benè ac putredo. Hinc inferendum, rationem formalem putredinis consistere in separatione humidi à sicco, & rationem formalem vstionis in consumptione calidi & humidi.

Solutio.

Respondeo maximum esse discrimen inter putredinem, & vstionem; quoniam putredo est resolutio caloris natiui in humido existentis: Vstio autem est mutatio, qua corpus aliquod in ignem conuertitur, & protinus absumitur: in putrefactione verò non ita absumitur humidum à calore, sed potius calor aut calidum euanescit, aut euertitur, & frigus rursus exuperat, & humidum omne non absumitur, sed separatur à sicco.

Solutio.

Quoad id, quod dicebatur, rationem formalem putredinis consistere in separatione humidi à sicco, respondeo consistere in dissipatione aut euersione caloris natiui, simulq; in separatione humidi à sicco. Hæc autem separatio, seu potius mutatio mixti in elementa, corruptio nuncupatur: quæ quidem per se corpori conuenit, satis improprie calori; quia tamen ad amissionem caloris natiui necessario sequitur corruptio corporis, per corruptionem caloris Aristoteles putrefactionem definiuit.

Obiectio 4

Obijcies quartò, putrefactionem esse calefactionem; atque adeò non rectè per corruptionem definiri, quòd corruptio longè distet à calefactione, quæ alteratio quædam est à calore alieno procedens.

Solutio.

Respondeo, multò consultius ab Aristotele, & Galeno, putredinem dici corruptionem, quàm calefactionem; quia quamuis calor alienus, siue sit externi aeris, siue acquisitus corporis, corpus quod ad putredinem disponit, calefaciat, non in hoc sistit, sed vterius calor natiuus dissipatur, humidum à sicco discernitur, & corpus putrescens necessario sic corrumpitur. Proinde humores putrefacti, quia amplius in corpore inutiles, nec ad pristinum statum reduci queunt, euacuationem indicant, teste Galeno lib. 4. Aphorismor. 17. Si verò cōtingat humores non putrefieri, sed calefieri tantum, tunc alteratione, & non euacuatione indigent.

Obiectio 5

Obijcies quintò, definitionem putredinis à Galeno propositam non coincidere cum Aristotelicâ, cum hæc perfecta, Galenica prorsus vitiosa sit, vt audacter affirmat Iacobus Zabarella lib. 3. de misti generatione & interitu, capitibus 1. & 2. in quorum

rum illo dissentiens est, nec malè, ab ijs qui aiunt Galenum definiuisse putredinem in facto esse, Aristotelem verò per corruptionem, tanquam per viam ad putredinem: consentiens cum his est qui dicunt Galenum definiuisse putredinē per viā ad interitum, eodem pacto quo Arist. quoniam reuera Galenus putredinem per mutationem, tanquam per viam ad interitum, definiuit, æquè benè ac Aristoteles, qui per corruptionem, tanquam per viam ad eundem interitum, putrefactionem exposuit. Hactenus cum Zabarellā sumus concordēs, etsi sententia illorum, qui asserunt Galenum definiuisse putredinem per eius terminum, non sit omninò improbabilis: nam perfectam, & imperfectam simul putredinem dicta definitione comprehendit Galenus; vt varijs in locis suorum operum ostendit.

*Galenus
Aristoteli
conformis.*

*Zabarellā
notatur*

Ceterum, ea quæ contra Galenum Zabarella c. 2. iam citato comminiscitur, vt parum veritati consona, non admittimus. Dicit enim Galenum in definiendo putredinem errare; quia definitio ab eo allata conuenit vstioni. Sed Respondeo, Zabarellam, reprehendendo Galenum, turpius errare; quia primò fingit se aliquid noui inuenire, quod Galeni doctrinæ opponeret, cum obiectio ab eo producta fuerit aliorum inuentum contra definitionem ab Aristotele nobis relictam: cui obiectio nos paulò ante satisfacimus. Secundò errat quando inquit, non sufficienter excludi combustionem à putredine, per hæc verba (corporis putrescentis): Sed instat ille his verbis: Hoc enim esset putredinem à combustionem seiungere per semetipsam, non per aliquam essentialē differentiam: Quemadmodum si quis definiret hominem per animal bipes, deinde, ad hominem ab auibus separandum, adderet humanum, dicens, Homo est animal bipes humanum: sic enim nullam inter hæc differentiam poneret, nisi quòd homo est animal bipes, quod est homo, animal verò est animal bipes, quod est auis: Sic etiam hic sensus esset, putredo est illa mutatio ad totius substantiæ interitum à calore externo, quæ est putredo: combustio autem est mutatio ad totius substantiæ interitum à calore externo, quæ est combustio. Ponit igitur Gal. in definitione rem differentem; at differentiam, quā differt, non ponit: idè in eum quoque errorem lapsus est, quòd in definitione definitum nominauit, vt partem definitionis.

Urget Zabarella.

Za-

*Zabarella
la notatur*

Zabarella, re relicta, Logicum agit, sed parum acutè; vt enim Galenum obruere videatur, terminos confundit, & figmenta ad placitum assuit. Confundit enim abstractum cum concreto, eoquè connotatiuo. Putredo enim, aut putrefactio, est quid abstractum, & putrescens quid concretum & connotatiuum. Galenus putredinem definit, & in definitione posuit, putrescentis corporis; vt manifestius significaret id quod putrescit, quodque est putredinis subiectum. Cum itaque apud Logicos concretum, idque connotatiuum, ab abstracto distinguatur, hisque terminis Galenus vsus fuerit, Putrefactione nimirum, pro definito, & putrescente corpore, in definitione pro putrefactione, quatenus subiectum respicit, in magnum errorem lapsus est Zabarella, non autem Galenus. Id erroris ex Zabarella verbis dilucidè colligitur, dum ait: Sic etiam hic sensus esset; putredo est illa mutatio ad totius substantiæ interitum à calore externo, quæ est putredo. O quàm prudentius fuisset à tali prolatione abstinere, quàm in turpem errorem sese præcipitare: ad Logicam confugit, & terminos tamen Logicos indistinctè vsurpat. Loco putrescentis corporis, quæ sunt verba Galeni, ille vititur voce, putredo, quæ vox est terminus, vt Logici loquuntur, abstractus. Sinistrè ergo Galenum interpretatur, & reprehendit. Nam fanæ mentis nemo ex Galenicâ definitione colliget, putredinem definiri per putredinem, sed per mutationem corporis putrescentis ad corruptelam ab extraneo calore.

*Zabarella
Aristotelem
contra
rursus.*

Denique Zabarella Aristotelem deferuit, qui capite de qualitate, qualitatem sic definit: Qualitatem verò dico, quâ quales quidam dicuntur. Ecce Aristoteles qualitatem, terminum abstractum, definiens per suum effectum formalem, quale: quoniam effectus omnes, & præsertim effectus formales accidētium, peculiari titulo nobis magis, quàm eorundè causæ, innotescunt. Quoniam concreta nimirum nobis notiora sunt abstractis, teste Ammonio super textum citatum Aristotelis. Sunt enim concreta, ideo notiora abstractis, quia à sensibus nostris percipiuntur, abstracta verò ab intellectu. Denique compositum nobis, quàm simplex, magis notum est, vt docet Auerrões libro 1. Phisic. commen. 3. Sed cōcretum est compositum, abstractum quid simplex. Ergo concretum nobis notius est, quàm abstractum. Nam

*Concreta
abstractis
notiora;
quare.*

con-

concretum, subiectum, simul & formam ei inhærentem significat: vt quale, quod qualitatem, simul & rem qualem, seu qualitate affectam significat: album, albedinem simul & rem albedine infectam: putrescens, putredinem simul & rem putrescentem, aut putredine affectam. Abstractum verò est id, quod solam formam significat, absque eo quòd subiectum vllum connotet; vt albedo, nigredo, putredo, & similia.

*Abstractum
quid.*

Cùm ex his constet, Philosopho, & sequacibus, familiare esse abstracta in suis definitionibus per concreta exprimere, cur Galeno succenset Zabarella? Galenus enim concreto, eoque connotatio, vsus est. Concretum connotatiuum est illud, quod duo significans vnum exprimit, tanquàm alteri adiacens & innixum. Talia sunt adiectiua omnia, & participia: vt calidus, frigidus, putrescens, carpens, & similia. Galenus de putrescente corpore in definitione putredinis rectè loquutus est; quia sènsibus nostris rem putrescentem percipimus, putredinem verò in abstracto minimè. Debuisset ergo Zabarella hæc omnia diligenter perpendere, antequam Galenum, nullâ reprehensione dignum, carperet.

*Galenus
Philosopho
conformis.
Concretum
connotati-
uum.*

Sed Zabarella adhuc stylum in Galenum directum prosequitur: ait enim in perfecta cuiusvis accidentis definitione tria requiri, genus nimirum, subiectum, & causam. Quod ad subiectum attinet, Galenus nullum proprium subiectum putredinis expressit, nisi totam corporis substantiam, quod nimis amplum & commune est, neque in eo vlla apparet ratio putrescibilitatis. Aristoteles verò hanc expressit, dum dixit, in vnoquoque humido: nam omne humidum est putrescibile, & quatenus est humidum, dummodo mistum sit. Cæterum his verbis nihil succi comprehendit Zabarella; sed, vt se magnum iactet Philosophum, Galeno verbis tantum, iisque ieiunis, aduersatur. Quid enim magis à ratione diffitum, quàm negare Galenum non statuisse certum putredinis subiectum, cùm tamen dixerat, putredinem esse mutationem corporis putrescentis. Putredo enim ex Philosopho generationi mixti aduersatur: cùm ergo sit via ad interitum, totum corpus, & non res peculiaris, est eius subiectum. Nam mixtum vniuersum in quatuor elementa resoluitur, & transmutatur mediante putredine. Quando Aristotelem laudat, quod hu-

*Zabarella
la urget.*

Diluitur

midum, tanquam peculiare subiectum, constituerit, ignorat quid dixerat Galenus, qui passim in suis operibus idē pronūciat, aiens, humida corpora, quā sicciora, putredini esse magis obnoxia: Quanquā mixta etiam sicca, seu in quibus siccitas plurimum præualet, quādam putrefactione, vt rubigine, carie, & similibus, intereant.

Omnia mixta ali quali putredine pereunt.

Urget Zabarella.

Perstringitur.

Pergit deniq; Zabarella, & ait, Galenum perperam constituisse mutationem pro genere: Nam mutatio est valde commune genus, cū alterationem, & combustionem comprehendat. Equidem summoperē admiror hunc Zabarellæ philosophādi modū, vtpote nimis remotum ab Aristotele, qui generationem, & corruptionem nomine mutationis comprehendit, vt eas à motu distinguat. Parum igitur consonanter Philosopho loquitur Zabarella, dum Galenum Aristotelicē docentem reprehendit: & parum memor doctrinæ Aristotelicæ, alterationē, quæ motus est, sub mutatione contineri affirmavit. Mutatio ergo in definitione Putredinis est genus: quia competit generationi, simul & corruptioni: & si loquamur de sola mutatione quæ ad corruptionem tendit, est genus in ordine ad putredinē, vstionem &c.

Urget Zabarella.

Adhuc magis mirabilem se præbet Zabarella, dum ait, Galenum errare in tradendo efficientem putredinis causam: Ait enim Galenū meminisse caloris extranei, qui est causa remota, & accitē talis putredinis: meminisse Aristotelē causæ proximæ, caloris videlicet extranei corrūpentis calorem natium. Licet hæc Zabarellæ cauillatio responso minimē egeat, dicere tamen cogor ipsū cauillantem recti ratiocinij immemorem esse, dum laudat Aristotelem ponentem calorem extraneum putredinis causam; Galenū verò vituperat, non aliam ob causam, nisi quia Aristoteles mentionem fecit caloris naturalis, qui ab extraneo immediatē corrūpitur: corruptio verò caloris naturalis, est effectus immediatus caloris extranei, & hunc effectū sequitur separatio humidi à sicco, & hæc tadē insequitur totius substantiæ corruptio. Ex hac suā inani loquutione infert Galenum assignasse causam remotam putrefactionis; quia assignat calorem extraneum, causam corruptionis totius substantiæ.

Perstringitur.

Sed profectō mirum in modum à rectā ratione, & vero, Zabarella in his proferendis declinauit. Nam supponit, alterationem caloris

caloris natiui esse corruptionem: cùm tamen à se inuicem longè distent mutatio, sub quâ corruptio comprehenditur, & alteratio primarum qualitatum, quæ motus est. Supponit præterea falsū, dum inquit, post separationem humidi à sicco, insequi tandem totius substantiæ corruptionē. Hoc, inquam, à veritate remotum est: Nam totius substantiæ corruptio consistit in separatione calidi à frigido, & sicci ab humido: quoniam hanc segregationem factā, nunquam ad pristinum statum mixtum regreditur. Ad quid ergo vltiorem corruptionem mixti comminiscitur? Cùm itaq; de vera mixti corruptione, tam Galenus, quàm Aristoteles, in putrefactionis definitione loquantur, rectè Galenus putredinem per mutationem substantiæ ad corruptelam definiuit, nullā factā mentione alterationis, quæ non est de essentiā generationis, aut corruptionis, vt ex ipsius Aristotelis doctrina, libris de Generat. & Corrupt. constat. Et sanè sic clariùs, iuxta Aristot. doctrinam, visus est Galenus putredinem descripsisse, quàm ipse Aristoteles, qui paulò obscuriùs putredinem per corruptionem caloris natiui exposuit: cùm tamen caloris natiui corruptio non sit putrefactio, aut vera corruptio substantiæ, si de solo calore loquamur. Nam post corruptionem caloris natiui sequitur vera substantiæ corruptio: quæ per alterationem aut corruptionem caloris natiui ab ipso Aristotele nō definitur, sed per mutationē generationi cōtrariam. Libro n. 5. Phys. c. 1. ait corruptionem generationi opponi, & eam non esse motum: & motū solum fieri ad quantitatem, qualitatem, & vbi: ac corruptionem esse mutationem ex subiecto in non subiectum: generationem verò simplicem, & veram, mutationem è non subiecto in subiectum.

Ex his constat, Galenum iuxta ipsius Aristotelis doctrinam, optimè descripsisse putrefactionem, quæ est naturalis rei corruptio, & generationi opposita. Quanquam verò alteratio necessariò substantiæ corruptionem præcedat, corruptio tamen, nec generatio, propriè in alteratione consistunt, sed potiùs in ipsa mutatione substantiali.

Obijciunt aliqui sextò, non esse verum quod dixit Aristoteles, putrefactionem simplici generationi mixti opponi; eamque esse naturalem corruptionem eiusdem mixti. Nam animata naturali morte pereunt, & tamen, dum moriuntur, non sunt

*Corruptio
in quo cō-
sistit.*

*Corruptio
non est mo-
tus.*

*Motus ad
tria prædi-
camenta
termina-
tur.*

*Corruptio
quid.*

*Alteratio
non est
de essentiā
generatio-
nis, aut
corruptionis.*

putrida. Quare non erit verum, putrefactionem esse finem omnium naturâ constantium; licet Aristoteles hoc statuerit.

*Solutio
quorum-
dam.*

Respondet aliqui animata naturali morte desinere, & hanc mortem non esse putrefactionem: quia illa animati mors est corruptio animati, ut animati, non verò ut mixti. Mixtum verò post obitum animati naturali putredine soluitur; cadaver v.g. post seiunctionem animæ factam per mortem naturalem, putrescit, & in elementa resoluitur. Aristoteles ergo, ut aiunt, dixit senectutem, & arefactionem, ad putredinem ducere; quia post interitum animatorum, putredo corpori mixto necessario accidit.

*Præcedens
solutio rei
citur.*

Sed meo iudicio parum rectè huius doctrinæ assertores loquuntur: Nam ex eorum sententiâ duo sequuntur absurda. Supponunt enim ante mortem calorem nativum à calore alieno non obui: atque adeò in suo vigore semper ad mortem usque persistere. Si hoc admittant, unde, obsecro, naturalis mors eveniret? Si idem calor natiuus paulatim, donec animal naturali morte perierit, minuitur; necessario corpus quod antea regebat, pedetentim putrescet, ut ex Aristotelicâ definitione à nobis superius exposita, colligere licet. Siue enim velint calorem nativum ante mortem non labefactari, siue paulatim decursu annorum minui, in absurdum incident: Nam si calor natiuus ante mortem naturalem non comminueretur, homo semper vivere posset, quod tamen non est admittendum; ut in nostris Prolegomenis Physiologicis fusè diximus. Si verò admiserint secundum, id est calorem nativum ante mortem labefieri, necessario putredinem, quam ante mortem negant, admittent. Secundum absurdum, quod ex illorum doctrinâ sequeretur, est, non dari putrefactionem animatorum in fieri. Si autem dicant putrefactionem cadaveris esse primò in fieri, deinde in facto esse; nihil ad rem: Nam cadaver est quid distinctum ab animato.

Vera solutio.

Mallet igitur dicere iuxta Aristotelis, & Galeni doctrinam, corpora etiam animatorum, annorum decursu putrescere. Hæc doctrina dilucidè inferitur ex hæcenus dictis: Nam putredo tunc fit quoties calor natiuus in humido corpore paulatim minuitur à calore alieno. Sed incunte ætate talis mutatio fit: ut videre est in iuuentute, & subsequentibus ætatibus. In iuuentute autem calor acquisitus, & alienus, maximè acquiritur, qui paulatim

Vnà cum reliquis causis calorem natium absumit, donec tandem in senectute quasi definat. Dico, quasi, quia homo, nobile animal, corrumpitur ante integram resolutionem totalis caloris natui: nam vt anima nostra verè spiritualis, atque indiuisibilis, vniuersum corpus informet, tantillum caloris natui non sufficit. Quod autem quædam in senibus fiat putrefactio, constat ex expiratione, quâ graecolens quidam spiritus excernitur; prout à vicinioribus altantibus persentitur. Multa denique circa cutem, & intus in corpore, recrementa senes indies colligunt. Constat ergo, ætatum decursu corpus humanum paulatim putrescere, licet ad integram putredinem nō perueniat ante animę separationem, quæ, vt corpori coniugetur, copiosum, aut sufficientem calorē, vt idoneum instrumentum, in corpore expostulat.

Obijcies septimò, Aristotelem esse sibi contrarium, dum ait putredinem fieri à causâ externâ, calore nimirum alieno: cū contrarium sentire videatur lib. de respirat. cap. 17. vbi duplex mortis genus referens, in hæc prorumpit verba: Est igitur omnibus animalibus commune generatio & mors; modi autem differunt specie. Non enim indifferens corruptio, sed habet aliquid cōmune. Mors enim est hæc quidem violenta, illa autem secundum naturam. Violenta autem, quando principium extrinsecus fuerit: Secundum naturam autem, quando in ipso, & partis consistētia ex principio talis, sed non aduentitia aliqua passio. His verbis Aristoteles visus est asserere, putrefactionē naturalem, cuius finis est interitus, aut quæ in facto esse videtur ipse interitus, fieri à principio intrinseco, etsi ab extrinseco principio, calore scilicet alieno, eam fieri ex professo docuerit cap. 1. lib. 4. Meteor. Violentam verò mortem ab extrinseco principio, vt gladio, vstione, suffocatione, & consimilibus externis causis causari ait.

Obiect. 7.

Sed facilis erit horum locorum conciliatio. Nam reuerà mors violenta ab extrinsecâ causâ, vtplurimum, prouenit, nulla concurrente interna. Dixi, vtplurimum, quoniam aliquoties apoplexia violentam infert mortē, licet à causâ intrinsecâ procedat. Præterea commodè Aristotelem interpretabimur dicendo, ipsum nomine causæ externæ comprehendisse cuiusvis mortis violentæ causam: siue talis causa sit extra corpus, siue intra; dummodo nō sit de intrinsecâ ratione eiusdem corporis. Vnde mors à quāuis

Solutio.

uis ægritudine orta, violēta est; & eius ideo causa, externa, idest extra naturalem corporis constitutionem rectē dicitur. At verò mors naturalis ab extrinsecā causā, simul & intrinsecā procedit. Extrinseca est calor alienus, naturalem, vnā cum sex rebus non-naturalibus dictis, perpetuò euertens. Et sic rectē Aristoteles loco cit. Meteor. ait, putredinem à calore alieno, tanquam à præcipuò efficiente, produci. Eadem mors naturalis intrinsecam habet causam, frigiditatem succedentem amisso calori natiuo, iuxta doctrinam ab eo positam loco cit. Meteor. vel intrinsecam habet causam, ipsum calorem natiuum, qui suum pabulum absumit, & triplicem substantiam dissipat; etsi naturalis, & congenitus sit; prout in nostris Prolegomenis Medicis in principio Physiologiæ, iuxta Galeni doctrinam lib. de rigore, conuuls. &c. monuimus. Quòd autem calor natiuus sit interna causa mortis naturalis, patet ex Aristotele cap. cit. 17. lib. de respirat. in quo vitæ, & mortis causam dilucidè exponit, vt ex citatis iam verbis, & alijs immediate sequentibus, quæ hoc ordine ponuntur, constat: In plantis igitur ariditas in animalibus autem vocatur hæc, senectus. Est autem mors, & corruptio omnibus similiter non imperfectis, his autem assimiliter quidem alio autem modo. Imperfecta autem dico, vt oua, & semina plantarum, quæcunque sine radice. Omnibus igitur corruptio fit propter calidi defectum: perfectis autē in quo substantiæ principium, hoc autem est, quemadmodum dictum est prius, in quo sursum, & deorsum copulantur. Plantis quidē mediū germinis & radice: animalium autem, sanguineis quidem cor: exanguibus autē proportionale. Horū autem quædā potentia multa principia habent, non tamen actu. Quapropter & insectorum quædā diuisa viuunt. Et sanguine prædicatorum quæcunq; non viuacia valdè sunt, multo tēpore viuūt exempto corde, vt testudines, & mouentur pedibus adhuc existētibus pusillis, propterea quòd non cōposita sit natura ipsorum benè, similiter insectis. Principiū autē vitæ deficit habentibus: cū nō refrigeratur calidū cōmunicans ipsi: quemadmodum enim dictum est, multoties contabescit ipsum à seipso. Quando igitur his quidem pulmo, illis autē branchiæ obdurescunt, propter temporis longitudinem desiccatis illis quidem branchijs, his autem pulmone, & factis terrestribus, non possunt has partes mouere, neque eleuare, & contrahere.

*Omnia de
fectu calo-
ris corrū-
puntur.*

*Multa a-
nimalia,
exempto
corde viu-
unt & mo-
uentur.*

Tandem autem facta intensione marcescit ignis. Quapropter & paruis passionibus aduenientibus, in senectute, celeriter moriuntur. Propterea enim quòd paucū est calidum, velut plurimo evaporato in multitudine vitæ, siqua vtiq; intensio fiat particulę citò extinguitur, quemadmodum momentanea & parua in ipso flamma existente propter paruum motum extinguitur. Quapropter & sine dolore est, quę in senectute mors: nulla enim violenta ipsius passione cōtingente moriūtur, sed insensibilis animæ absolutio fit omninò. Et morborum quicunque faciunt, pulmonem durum, aut tuberculis, aut excrementis, aut caliditatis egritudine, aut excessu, quemadmodū in febribus crebrum spiritum faciunt, propterea quòd non possunt pulmonem longè tollere sursum, & deprimere: tandem autem, quando non ampliùs possunt mouere, moriuntur expirantes.

Calor natiuus si p- su destruit

Senes leui de causa ob caloris imbecillitatem moriuntur. Mors in senectute est sine dolore

Pręclare, suo more, multa notatu digna, hoc cap. comprehendit Aristoteles. Mortem autem violentam, vocat animalium interitum siue corruptionem, quæ à principio extrinseco fit, idest, quæ à re aliqua non cōcurrente ad naturalem partium constitutionem, causatur. Mortem naturalem ex aduerso appellat eam, quæ à principio intrinseco concurrente ad cōstitutionem corporis. Tale principiū est calor natiuus, quo corpus cōsistit, cuiusq; defectu corruptio in omnibus fit, vt in contextu loquitur Philosophus. Calidum enim innatum multoties à seipso contabescit, propter duplicem videlicet motum, quo agitur: vno nimirum ad humidum radicale, suum pabulum, interiùs: altero extra corpus, quo triplicē substantiam nostram, spirituosam, humoralem, & solidā, secum rapit. In perfectis animalibus calidi innati principium statuit esse cor, quo supernæ, & infernæ simul eiusdem corporis partes fouentur, & veluti vniuntur. In plantis verò inferior substantia radice & germinis, cordis vicem gerit. Quando naturaliter natiuus calor contabescit, & ad interitum acceditur, talis accessus in animalibus senectus, in plantis ariditas appellatur. Animalia autem ipsa in senectute arescunt: sed hæc ariditas, senectus, vt à plantarum ariditate distinguatur, commodiùs appellatur.

Vita expiratione terminatur.

Mors violenta, quæ

Mors naturalis quæ.

Duplici de causa calor natiuus contabescit.

Cor plantarum.

Rursus ait, principiū vitæ, in perfectis scilicet animalibus, cor, in imperfectis id quod cordi correspondet, deficere, quoties calor

Quoties calor natiuus nō debite venti- latur, prīcipium vitia- tam respi- rationem calor natiuus defi- cit.

Ob tran- spirationis defectum calor natiuus labe- factatur.

lor natiuus ventilatione debita, & expurgatione fuliginum, non refrigeratur. In senectute autem refrigerari debite nequit propter instrumētorum respirationis ineptudinem ad motum. Pulmones autem, & tracheæ arteriæ rami pulmonibus inserti, propter siccitatem, quam ex quotidiana humidi radicalis amissione contrahunt, ad motū inepti fiunt: duriores enim in dies euadunt; atq; adeo ad motum parum suplices & idonei. Nam quæ dura sunt, contrahi & dilatari vix possunt. Quare nec pulmones, aut pulmonum branchiæ siue tubuli, per quos aer inspiratur, & fuligo in corde genita expiratur, nec intercostales muscoli, aut septum transuersum, respirationis instrumēta, in senibus pro rei exigentia moueri possunt. Nec solum ob instrumentorū respirationis ineptitudinem calor natiuus labefactatur, sed in super ob transpirationis defectum, quæ ex cutis densitate in senibus oritur. Proinde fuligines per cutis poros non sufficienter expurgantur, nec aer externus liberè per eosdem poros occlusos ob ariditatē, & adhærentia excrementa, permeat, ingrediturque. Propter dictos respirationis, & transpirationis defectus calor natiuus non debite ventilatur, non excernuntur fuliginosi vapores, nec facultates suis functionibus rectè funguntur. Ita labefactato calore natiuo, humani ædificij debitum regimen peruertitur, & calor alienus possessionem iniens, cuncta deprauat. Hinc paulatina inualescit putrefactio, quam graueolentia quædam, in senum corporibus, præsertim neglectis, insequitur.

Nota.

Quod de Corde testudini ablato dixit Philosophus, animaduersione dignum est contra hos, qui vnicum in corpore animalis principium ponunt, Cor scilicet, quod vitæ, motus, & sensus, ac sanguificationis principium statuunt: cum tamen ex ipso Aristotele sine corde longo tempore viuat, & moueatur testudo; quod non accideret, si daretur vnica in animalibus pars princeps. Sed de hac Disputatione in Physiologia prolixè egimus.

Haftenus de solemnioribus obiectionibus, quæ contra Putredinis definitionem proponi possunt. Vtrum putredo à sola obstructione procedat, Commentario in lib. 1. de febr. diffusè discussimus. Superest tantum, vt animaduertatis exempla quædam putredinis à Galeno deducta lib. de Caus. morb. cap. 2. & alibi: hinc enim, veluti lib. 3. de Temperament. cap. 2. testatur, stercus columbi.

Iumbinum ob putrefactionem exarsisse in Myfiâ, Asiæ parte. Capite enim cit. de Caus. morb. inquit: Ex putredine calefiunt, tum corpora reliqua omnia, tum maxime semina, aut stercora. Equidem vidi columbarum stercora ob putredinem accensa arsisse.

*Stercora co-
lumbinũ
pra putre-
dine exar-
sit.*

Capite 2. cit. lib. 3. de Temperament. testatur domum quandam in Myfiâ occasione stercoreis columbini putrescentis conflagrasse. Modum combustionis inibi videte, vbi Galenus curiosè modum, quo Archimedes hostium triremes speculis combussit; & medicamentum, quo Medæa hominum corpora accendebat, innuit. Eandem hanc doctrinam inculcat Galenus libro 2. de differentiis febrium cap. ultimo. Aliud exemplum à Gal. propositum sunt plantarum semina; quæ, quia calida, & humida, maxime putrescunt:

& dum putrent, fumum quendam emittunt, qui, si oculos peringat, eos mordet, feritq;. Quoniam in rebus ab hominum corporibus distinctis, putredo calorem excitat immodicum, eundem effectum in humanis corporibus necessariò pariet: vt exemplo tumorum præter naturam ostendit. Galenus lib. 2. de Caus. morb. cap. 2. Humor enim extravasatus, & in parte aliqua collectus, tumorem præter naturam efficit; & quia talis humor alienam induit naturam, quod non amplius à calore nativo plene regatur, alienum calorem concipit, paulatimq; putrescit: Putrescens partem, in quâ includitur, veluti accendit: sicuti partibus obstructione laborantibus accidit: Et si exinde putridi vapores ad cordis ventriculos eleuentur, putridam excitabunt febrem, & consequenter vniuersi corporis calorem præter naturam, vt testatur cit. in loco Galenus, veluti lib. 1. de differ. feb. c. 5. quo in loco etiam docet, tumores præter naturam dum humor in ijs contentus putrescit, diarias aliquoties, non verò putridas, procreare febres; quoties nimirum putridi vapores ita in parte tumida coercentur, vt nequaquam ad cor deferantur. Nam tunc humores parti impacti, & putrescentes, calorem extensione quâdam corpori reliquo, sed præcipuè cordi communicant. Primò autem pars tumida incalescit, & rursus hæc vicinam partem accendit: hæc accensa vicinam inflammat, & sic continuatione quadam partes omnes vicissim æstuant, donec tandem cor accendatur: quo semel accenso, vniuerso corpori calor præter naturam communicatur.

*Cur semi-
na planta-
rum putre-
dini obno-
xia.*

*Tumores
putredine.*

Sed febris hoc modo excitata non tam putredinem, quàm vicinam

*Febris occa-
sione tu-
morum ac-
censa.*

niam rei calidę (vt mox dicemus) causam agnoscit. Ex buboribus hęc vltimā viā non rarò diaria, seu vnius diei naturalis, febris nascitur. Et de hęc loquutus fuit Hippocrates lib. 4. Aphorism. 55. dū ait: Ex bubonibus febres omnes malę, præter diarias. Vult Hippocrates, vt in comment. huius aphorismi testatur Galenus, febres quę vno die durant, quęq; à bubonibus ex causa manifesta, ortis, modo iam dicto dependent, periculo vacare: at verò febres, quas bubones concomitantur, aut consequuntur, esse periculosas; quia hæ non à causa manifesta, sed à viscerum inflammatione fiunt. Vnde febres, quę habent bubones comites, aut sequaces retro aures (hi bubones, parotides vulgò nuncupantur) dicuntur à vitio cerebri procedere, vt bubones sub alis, siue in axillis, à vitio cordis; & bubones in inguinibus à vitio hepatis: Nam glandulę dictis in locis à naturā constitutę, dicuntur istarū partium nobilium emunctoria, & veluti superfluitatum non sufficienter per alias vias euacuatarum receptacula. Sed hęc obiter: & his Disputatio de putredine, claudatur.

Bubones.

Vicinia rei calida causa caloris.

Nemo vnquam dubitauit, viciniam rei calidę, seu rem calidam vicinam, habere vim calefaciendi, & generandi in corporibus nostris calorē præter naturam. Id quotidie ex ignis, & Solis viciniā æstiuali tempore experimur. Vnde immodica ignis, & calidi balnei calefactione in febrem sæpè incidimus. Ex ambustione etiam, seu vstione, febre corripimur. Ambustionē exponit Galenus lib. de Caus. morbor. cap. 2. his verbis: Ceterum qui in apricis locis diu morantur, si nudi sunt, tota interdū cutis calidior redditur. Si v. vestiti, caput dūtaxat calorē afficitur. Atq; hic affectus, ambustio vocatur: calor verò per totum corpus occupans, febris est. Vult Galenus, corporis nudi, aut capitis calorem ab ardore Solis ortum, ambustionem appellari: calorem verò alienum, qui in corpore, mediante illa, aut intemperie cutis, aut capitis, procreatur, febrem nominari. Quibus sanè verbis manifestè ostendit, calorem extraneum in corpore vniuerso productum non distingui à febre, & calorem illum extraneum non esse causam continentem febris, sed ipsammet febrem: quam doctrinam

Ambustio

nam

nam ille confirmat lib. 8. Methodi c. 1. aiens: Est autem febrilis intemperantiæ excessus in caloris abundantia. Ambustio verò est ipsa capitis, aut cutis, aut vtriusque partis, calefactio immodica, seu intemperies ab ardore Solis relictâ propter diutinâ sub Sole moram: talis affectus Typhoides Galeno dicitur lib. de diff. morb. c. 5. Quoties autem ambustio magna est, & ad cor vsq; mediantibus spiritibus, aut continuatione quadam propagatur, febrem inducit: secus verò accidit, si ei cor, & reliquæ partes renitantur.

*Ambustio
seu vstio
quid.*

Propter viciniam rei calidæ dicit Galenus tumores calidos febrem in corporibus excitare, non putredinem tunc cordi communicando, sed calefaciendo paulatim partes positas inter partem tumore vexatam, & cor. Hanc doctrinam his verbis exponit cit. cap. 2. lib. de Causis morb. Quippe in bubone, phlegmone, erysipelate, & omnibus ad eò calidis morbis, pars ipsis proxima continuaq; inprimis calore afficitur, quem deinceps vicinæ parti tradit. Atq; hæc rursus illi parti, qui ipsam sequitur: ita perueniente intemperie ad fontem insiti caloris (cor scilicet), non ita multò post totum corpus principij (idest cordis) pathema percipit. Hæc expositione non egent.

*Tumores
calidi pro
pter vicini-
am fe-
brem exci-
tant.*

Obseruandum cum Galeno lib. 1. de different. febrium cap. 3. calorem, ex viciniâ rei calidæ, tripliciter, rei, quæ calefit, communicari. Primus modus est, quando calefaciens virtualiter operatur, & calorem producit. Sic Sol virtute calorē continet, quem potenter generat, & aeri nos ambienti communicat; seu potius propè superficiem terræ in aere ipso producit. Et aer ita ardens, corpus, in locis potissimum apricis constitutum, suâ viciniâ & cōtactu impensè calefacit. Secundus modus calefaciendi est ille, quo res potentiâ calidæ calefaciunt. Ita suâ viciniâ calefacit euphorbium, piper, & similia; quæ antequam è potentiâ in actum à calore nostro reuocentur, nullum corpori calorem communicant. Tertius calefaciendi modus est, quo calefaciens, actu calidum, calefacit: hoc modo ignis calorem vicinis corporibus impertit, aut eum in his producit.

*Calidum
triplex est*

Sed obijciat aliquis: Ea, quæ vi rei putridæ calefiunt, id propter viciniam rei calidæ, qualis est res putrida, patiuntur. Ergo putredo, & viciniâ rei calidæ, non sunt duæ distinctæ causæ in-

Obijciat.

temperiei calidæ, contra quàm voluit Galenus, sed vnica & indistincta.

Solutio.

Respondeo, putredinem, & viciniam rei calidæ, longo intervallo à se inuicem distare: Nam res multæ calidæ non sunt putridæ, vt sunt ignis, piper, & similia. Deniq; putredo nō calorem tantum, sed putridum calorem inducit: nec putridus calor semper ex vicinia rei calidæ nascitur: vt videre est in ijs, qui in aere frigido, ab omni igne remoti, versantur, & nimio otio corpora tradunt, in quibus quidē copiosa putredo nascitur: imò & internarum partium inflammationes. Rectè ergo Galenus putredinem à re calida vicinā distinxit: cum illa secundam, hæc tertiam intemperiei calidæ causam constituat.

Constipatio causa caloris.

Prima accipio constipationis

Nomine constipationis intelligenda venit occlusio pororū externę superficie, aut partium immediatè soppōitarū alicuius corporis. Hæc meritò quarta intemperiei calidæ causa à Galeno statuitur. Quartum, inquit cap. 2. lib. de Causis morb. genus eorum, quæ insitum calorem accendere possunt, in constipatione consistit. Constipatio in laxiori significatione, non solum pororum insensibilium cutis obturationem; sed vasculorum capillarum partium cuti subditarum, imò & ipsarum venarum internarum, quæ amplæ sunt, & sensibiles, comprehendit. Sed venarum arteriarumq; constipatio, obstructio propriè dicitur, vt in nostris commentarijs in duos Galeni libros de febribus abundè diximus: quæ quidem calorem putredinosum quotidie generat, & consequutiue febrem. Constipatio ergo hîc à Galeno accipitur pro occlusionē pororum cutis, & aliorum insensibilium meatuum partium cuti subiectarum. Cæterum constipatio, etiam in hec contractiori significato, non accipitur pro sola occlusionē pororum, aut exilium meatuum subditorum cuti, procedente ab humore, aut alio corpore dictos meatus replente & obturante, sed insuper à constrictionē cutis, & pororum conniuentia. Ideoque constipationis cutis, & exilium meatuum, varię extant causę. Vera enim constipatio oritur à redundante aliquo humore, aut qualitate indebita affecto. Copia humorum

Secunda accipio.

Obstructio.

in plethoricis, siue ijs, qui copiosis humoribus, etiam laudabilibus, utpote succulentis, referti sunt, non solum vasa, idest venas, & arterias manifestissimas, replent infarciuntque, verumetiam capillares musculorum, aliarumq; partium prope cutem venu-

Varia constipationis causa.

las, arteriolasque, & ipsius cutis extimę insensibiles poros. Ex huiusmodi cōstipatione fit vaporum superfluatorum, qui continuā euacuatione per cutis poros egent, retentio. Ex hac vaporum, in corpore detentione calor præter naturam excitatur: præcipuè quoties isti vapores fuliginosi sunt; qui tunc acri suā caliditate spiritus quosvis incendunt, & calorem præter naturam in corpore producant. Si tamen eiusmodi vapores retenti acrimoniā & mordacitate careāt, ut in corporibus sanguineis, & pituitosis, frequenter contingere solet, talis detentio à constipatione orta, non febrem, sed vltiorem plethoram efficit; teste Galeno lib. 1. de different. febr. c. 3. & lib. 8. Methodi med. cap. 2. inò tamen corpus pituitosum & sanguineum actu plenitudine non laboret, dummodo habitus corporis, aut ipsa cutis leniter constipetur, plenitudo frequenter nascitur: maximè, quoties corpora otiosa alimentis boni succi saginari consueuerunt. Tunc autem sanguis frigidiusculus, & pituitosus in copia generatur, & cutis paulò frigidior, defectu motus, euadit. Cum enim pituitosiori alimento eadem cutis nutriatur, pituita superfluitates excrementitias, ob motus defectum, discutere nequit: atque adeò cutis meatus faciliè obturantur, & simul vi frigoris constringuntur.

Non solum à copiā humorum, seu plenitudine ad vasa exiles meatus obturantur, sed præterea à qualitate humoris, crassitie videlicet, aut visciditate, & lentore. Humores ideò melancholici, quia crassi, etiam si in mediocri fuerint quantitate exiles meatus, tum cutis, tum partium subiectarum; faciliè replent, occluduntq;. Similiter humor pituitosus, etiam paucus, si fuerit viscidus, ob sui tenacitatem, & lentorem meatibus hæret, eosque constipat. Exigui ergo meatus à quantitate, & crassitie, ac visciditate & lentore humorū obstruntur: ab his iisdem causis in patentibus vasis obstructions nascuntur, teste Galeno lib. 9. Meth. med. c. 1. & lib. 11. c. 8. Meatibus, cutis, dictis tribus modis occlusis, fuliginosa recrementa, siquæ sint in corpore, quasi omnia retinentur, & calorem præter naturam pariunt.

Multitudo, crassities, & visciditas constipationem, & obstructionem pariunt.

Mea-

Friſtio ſicca, & fortis, cauſa conſtipationis.

Meatus aliquoties occasione cauſarum externarum obturari ſolent. Friſtio enim fortis, & ſicca cutis; ideſt friſtio ſine liquore, facta cum ſola manu, aut pulueribus quibuſdam, aut pannis lineis, ſi violenta fuerit, euacuat quidem humorem in parte conſiſtentem, quia hūc attenuat, caleſcitque ratione motus, poroſque, vt euacuetur, aperit: Sed eius virtute maxima humorum copia ab internis partibus ad partem conſtrictam, & caleſactam attrahitur: Hęc verò tam magna humoris attracti copia non euacuatur, ſed ſibi viam præpediens obſtructionem parit in exilibus meatibus, quos facile permeare nequit; atq; adeò meatuum cutis, & partium ſubiectarum, conſtipationem generat.

Cōſtrictio meatuum ſit à frigore.

Cutis meatus aliquando conſtringuntur abſque eo, quòd villo alieno corpore repleantur. Et talis meatuum occluſio magis propriè conſtrictio, & eorundem conniuentia, quàm conſtipatio, appellatur. Frigus hoc pacto cutis poros ſiue meatus claudit: nām cutem condensat, & eandem cutem comprimendo non ſolū fuligines euacuari ſolitas interiùs cohibet, ſed intus ſuccū quemuis repercutit. Frigida .n. & ſicca repercutiēdi humores retro, vnde veniunt, vim habent, teſte Galeno lib. 5. de Simpliſ. medicament. facult. cap. 17. vbi de attrahentibus ex alto ſiue profundo corporis medicamentis agens, ait: Igitur attrahentes res ſunt, quę ex alto vehementiùs extrahunt: repercutientes verò, quę in altū (ideſt profunditatem) occurrentes ſibi ſuccos repellunt. At eſſentia illis (ideſt attrahentibus medicamentis, aut rebus) quidem calida eſt, & tenuium partium: his verò (ideſt repellentibus ſiue repercutientibus rebus) frigida & craſſarum partium. Attrahit enim perpetuò calidum, repellit verò frigidum: verū quod cum caliditate coniunctam habet partium tenuitatem, trahit vehemētius: quod verò cum frigiditate partium craſſitudinē, veluti adſtringens, id violentiùs propellit. Ex hac Galeni doctrina ſatis cōſtat, nō ſolū frigida ſicca, quę craſſarum ſunt partium, repellere; ſed frigida humida. Quoties ergo res aſtringens, ſiue frigida fuerit, ſiue calida, cutem aliquandiu attingit, poros occludit, fuligines in corpore coercet, & calidam intemperiem procreat. Eſt quidē fuligo vapor quidam terreſtris ex immodicè aſſis rebus ortus: fumus autem eſt mixtio quędam ex terreſtri, aqueaq; ſubſtantiā, exque rebus ſemiuiſtis ortus, vt colligitur ex Galeno lib. 8. Meth.

Attrahēs remedium quid. Repercutiens remedium quid.

Duplex virtus attrahentis remediij: duplexq; repercutientis.

Quid fuligo, quędam mixtus.

med. cap. 5. Tam fuligines, quàm fumi, vt comprehensum est; à rebus adstringentibus in corpore coercentur. Iuuenis enim ille apud Galenum lib 8. Meth. med. cap. 2. in febrem incidit, qui se lauerat in aquis aluminosis (quæ Albula vocant) non longè ab Vrbe Româ. Alumen, quamquàm calidum sit, siccum tamen est, & potenter constringit. Non mirandum ergo, si iuuenis ille febre correptus fuerit propter natationem in Albulis factam. Stipant verò cutem (vt ante finem citati cap. loquitur Galenus) tùm quæ adstringunt omnia, veluti paulò supra memorauimus de Albulis aquis: tùm quæ lentitia, crassitudineue sua, exiguis meatibus inhærent. Hanc ob causam in fine eiusdem cap. ait, vitanda esse alimenta glutinosa, & crassa, quæ glutinosum crassumq; succum generant; qui rursus paruis meatibus inhærens transpirationem moratur. Aliquando autè ipsius cutis immoderatio siccatas exiguos ipsius meatus densat. Rectè quidem siccatatem, causam occlusionis pororum insinuat; quia reuera siccatas cutem corrugat, densioremq; reddit. Vnde Hæctici vix sola hæctica febre laborant, quin vltèriùs putridiuscula febris in eis foueatur, propter fuliginis verè acrium & mordacium retentionem. His quidem ob calorem, & manifestam corporis siccatatē, cutis aridior asperiorq; euadit; quemadmodum senibus ob humidi radicalis partium corporis amissionem: licet in eis siccatas sola non sit conuiuentiæ exilium meatuum causa, sed præterea recemēta crassa, & viscida cuti hærentia, quæ iisdem senibus, ob falsedinem, pruritus sapè excitāt. Corpus pulueribus siccis obductum etiam in superficie occluditur: Solis ardor ambustionem siue vstionem efficiens, cutem etiam immodicè desiccat, porosq; constringit. Vnde Galenus in fine cit. cap. inquit: Non solùm igitur hæc omnia vitanda ijs sunt, qui humidum & fuliginosum è corpore exhalant, sed etiam quæ glutinosum, & quæ crassum gignunt succum: quando hæc paruis meatibus inhærentia, transpirationem morantur. Retinent non minùs (vt dictum est) transpirationem, quæ cutem immodicè siccant. Multos siquidem talium, cùm Sole vterentur: alios verò, cùm vberiore nitro: alios, cùm sale, aut exercitatione multâ, aut frictione durâ, præterea frictione sicca (xerotribian vocant) & calidis fomentis, & puluere, & horum occasione quotannis ægrota-
rent. Præter dicta enumerat oleum lentiscinum, & oleum Hispanicum

Adstringentia cutem constringant.

Alumen est adstringens.

Lenta, & crassa constringant.

Siccatas cutem stipat.

Hæctici putrida febricula semper laborant.

Senum cutis stipatur.

Cōfricatio cum pulueribus siccis cutem stipat: sicuti Solis vstio.

Frictio sicca, aut cum nitro vel sale, calida fomenta.

Olea omnia astringentia, & reliqua quævis huiusmodi natura cutem dēfiant.

nicum, omphacinum dictum. Est enim oleum ex immaturis olivis extractum: quod ideo adstringens est. Oleum rosaceum, myrtinum, cydoniorum, de absynthio pontico, & alia cuncta adstringentia, quacumq; forma cuti applicentur, vim habent obturandi cutis meatus.

Quædam duplici virtute fiunt.

Sed nonnulla adhuc circa dicta notanda sunt. Primò enim scire oportet quædam ex propositis duplici virtute poros occludere, v t frigida humida, quæ ratione frigiditatis cutem condensant, porosq; constringunt: ratione humiditatis fluiditatisq; sese in poros insinuant, & sic eosdem constipant, obstruuntq;. Casus in aquam frigidam hac duplici via febrem non tarò introducit. Olea pariter, & vntuosa quævis, siue frigida sint, siue adstringenti virtute prædita, his iisdem cutem constringunt; & quia poros permeant, cutē verè obturant. Pulveres quidam vi adstringente, & obturante poros occludunt.

Triplici via Solis ardor caloris causa enadit.

Secundò scire decet, Solis, & ignis ardorem duplici etiam ritu intemperiem calidam generare: & propter viciniam rei calidæ; & quia cutem exsiccat; & tertio, quia aer calidus inspiratur: Sol enim in aere calorem inducit: aer calidus, propter sui cum corpore arctam viciniam, corpus calefacit. Aer præterea calidus omnem fermè humorem ex cute haurit, dissipatq; inde cutis siccitas, hinc eius corrugatio, & pororum conniuentia. Fuligines ideo detentæ intensiorem in corpore ex vicinia aeris calidi æstuante, calorem efficiunt. Aer deniq; calidus inspiratus intemperie augeat.

Localia remedia ante vniuersalium usum adhiberi non debent.

Tertio sciendum, ipsa medicamenta calida, tenuium partiū, & quæ attrahentia dicuntur, habere vim obturandi poros; quia plus humoris ad eosdem poros attrahunt, quàm resoluitur. Proinde rectè monet Galen. lib. 3. de loc. affect. cap. 3. topicis siue localibus remedijs (de attrahentibus præcipuè, & resoluventibus loquitur) ante vniuersales euacuationes, sanguinis scilicet missionem, & purgationem vniuersalem, non vtendum; quia remediū resoluens humorem parti alicui impactum, si corpus humoribus refertum est, copiosos humores ad affectam partem attrahit, & morbum partis sic aggrauat, minimè lenit. Frictiones duræ, siue fortes, fomentationes calidæ, & frictiones siccæ, idem nocumētum eodē modo pariunt. Facultas expultrix aliquādo cutis stipitationem efficit: vt patet in icteritia flaua, & nigra, in quibus bilis, &

Facultas expultrix constipationis causa.

melancholia ad habitum corporis diffunditur: in tumoribus pariter præter naturam, qui, ob humores obstruentes partis meatus, oriuntur.

Sed obijciat aliquis contra ea, quæ de cutis cōstrictione à frigore diximus: Si frigus cutem constipat, & febrem generat in ijs qui in prato humido, aut vmbratili loco obdormiuerē, aut qui in aquam, vel paludem lapsi sunt: Ergo hyeme omnes febricitabunt; cūm hyeme intensum vigeat frigus.

Obiectio.

Respondeo negando consequentiam. Nam, licet hyemali tempore fiat calor natiui ad interiora retrocessus, propter maiorem scilicet cutis constipationem hoc tempore, quàm alijs, à vigente frigore factam, non proinde necessario homines febricitare debent; quia cōstipatio cutis hyeme facta nō est tāta, nec tāliter facta, quæ posset febrē accendere, eò quòd non subito, sed paulatim, mediante autumnali tempestate, quæ inter æstatem, & hyemem, sibi contrarias, intercēdit, accidit. Pori ergo omnes non occluduntur hyeme, sed à prouidā natura partim aperti relinquuntur, partim semiconniunt: satis idē patētes sunt pori, vt per eos superflua fuligo, aut fuliginosus vapor debite excernatur: Cuius contrarium accidit in constipatione subito factā à frigore, aut re aliqua adstringente: tunc enim subito humorum, & spirituum ad internas partes recessu facto, spiritus cōculcati partim extinguuntur, partim accenduntur, & humores, propter ventilationis defectum, putrescunt: Et inde febres accenduntur putridæ. Retrogressus itaq; humorum tunc ad intima corporis factus, non calorem præter naturam, sed naturalem adauget. Vnde Hippocrates lib. I. aphor. 15. ait: Ventres hyeme, & vere naturā calidissimi sunt, & somni longissimi: quare per ea tempora alimenta copiosiora sunt exhibenda. Etenim tunc calor innatus copiosior est: vnde pluribus egent alimentis: indicia sunt ætates, & Athletæ. Galenus in Comment. ait: Ventres itaq; hyeme, & Vere calidissimi sunt, non simpliciter, sed calido naturali. Causam verò, ob quam hic idem calor hyeme augeatur, (& in principio veris, quod hyemi assimilatur) etiam Aristoteles explicuit. Refugit enim propter circumstantem extrinsecus frigiditatem; sicuti rursus æstate ad sibi affinem præterditur. Atq; ita contingit dissolui quidem ac dissipari eius sub-

Solutio.

*Calidum
innatum
hyeme co-
piosum.*

*Nutritio
quid.*

stantiam tempore æstiuo: contineri autem ac cohiberi, & in profundum secedere hyemali. Nutritio igitur, quæ est eius, quod euacuatur, repletio, vt in eodem comment. loquitur Galenus, melius commodiusq; hyeme, & principio veris, quàm alijs temporibus, celebratur; quia tunc calidum innatum, siue substantia calida, augetur; non autem calor præter naturam: nam vbi hic prædominium habet, ciborum concoctio infæliciter perficitur. Vnde Hippocrates lib. 7. aphorif. 62. ait: Si quis cibum febricitanti dederit: vt sano robur, sic laboranti morbus. Vult. n. Hippoc. cibum augere, aut efficere robur in sanis; ægris verò, morbum augendo, nocere. Quare si calor præter naturam, & febrilis, hyeme in corporibus dominaretur, non robur seu vires corporis augeret, sed morbum potius intenderet. Cuius tamen contrarium accidere experientiâ compertum habemus.


*Cibus fe-
brē auget,
sed sanis
robur ad-
dit.*

*Indicia fe-
bris ex cō-
stipatione
cutis.*

Non est prætereunda doctrina Galeni lib. 8. Meth. med. c. 4. vbi indicia constipationis hâc serie proponit: Ergo cum suspicio erit cutem esse ex obstructione occlusam, (id quod tum ex eo conijcies, quod nō fuerit in primæ accessionis remissione vacuatio satis magna, tum quod similis sibi perdurauerit remissio) si homo ex nulla manifesta febricitauit causa, etiam certius argumentum obstructionis habet: sin ex euidenti aliqua causa, fieri potest, vt duæ simul coierint causæ: nam si altera tantum causarum, nempe quam externa impressit, subesset, imminuta remissio fuisset, cum sensibili alicuius expulsiōe. Vult enim Galenus constipationis cutis causam esse externam, veræ obstructionis vasorum, internam. Non proinde tamen negat Galenus, cutem aliquando constipari posse ab humoribus multis, crassis, & viscidis, sicuti cōdensari à febre heclicâ exiccante vniuersum corpus: sed vult cutem, vt plurimum, ab externâ causâ constipari.

*Cutis si-
pari potest
à multis,
crassis, at-
que visci-
dis humo-
ribus.*

Quod autem cutis constipatio calorem immodicum generet, experientia patet, & similitudine constat. Ignis enim accensus in ædibus, rimis, & foraminibus vacuis, maiorem excitat calorē, quàm si in rimoso camino, & apertâ vndiq; domo, accenderetur. Et hæc de quartâ causa intemperiei calidæ.



Assumptio rei calida causa caloris.

Galenus cap. cit. 2. lib. de causis morb. quintam intēperiei calidę causam statuit in nobis, ea quę per os assumuntur: Inter illa, inquit, quę immodicum calorem inducere possunt, quintum locum obtinent alimentorum qualitates acres, & calidę: eiusmodi sunt allia, porri, cępę, & reliqua id genus: nam qui ijs immodicę vtuntur, febre nonnunquam laborant. Eiusdem generis sunt potiones calidę, vt vinum vetus & acre, si imbecillo corpori liberaliüs ingeratur. Item medicamenta acria, qualia sunt & amuleta, & venena; quippe quę febrem excitare possunt. Hoc in contextu rectę Galenus de assumptis calidis, non verò de assumptis temperatis, verba facit. Nam alimenta temperata assumpta in nutrimentum conuertuntur, & calidum innatum, idest substantiam calidam & spirituosam, adaugent: & hæc adauctio nequaquam vitiosa est, sed optima, ac salubris. Calidum enim innatum à circumfuso ambiētis aeris calore vnā cum reliqua substantia per habitum corporis in ambientem aera continuo euacuatur, vt testatur Galenus comment. 14. libri 1. aphorismor. At calor, inquit, circumfusus non modò superfuitates, sed æqualiter omnia euacuat, materiam inutilem, & ea etiam, quę in corpore secundum naturam continentur, vnā dissoluens eam, quę à Medicis occulta difflatio (insensibilem superfuitatum per cutem euacuationem intelligit) nominatur, quam calor innatus operatur. Paulò enim antea ex omnium communi consensu asseruit, corpora animalium etiam hyeme difflari, eā difflatione, quę fit per foramina sensui occulta. Hęc difflatio non solum superfuitates, seu fuligines, & fumi euacuantur, sed præterea triplex substantia nos constituens, spiritiosa, humoralis, & solida. Propter hanc continuam euacuationem, quę quidem maior est vigente æstu, animalia alimento egent. Si n. nihil à corporibus nostris efflueret, sed semper æqua moles substantiæ reseruaretur, nulla foret alimenti necessitas: & quoties difflatio illa, aut effluxus, ad exteriora parcus est, copiosum alimentum corporibus non est necessarium. Quoniam tamen difflatio, seu euacuatio per cutem semper fit, etiam ex densioribus corpo-

*Acria
queuis im
modice as
sumpta fe
brem exci
tāt. Vmū
pariter ge
nerosum
in imbelli
bus.*

*Triplis
substantiæ
continua
fit effluuiū
inde ali
menti ne
cessitas.
Vbi par
cus fit per
cutem ef
fluxus par
cū aliimē
tū sufficit.*

*Nutritio
quid.*

*Calidi in-
nati dotes.*

ribus, similibus refici corpus debet: ideoq; nutritio est eius, quod euacuatur, repletio. Alimenta probi succi debite assumpta triplicem substantiam reficiunt: atq; adeo calidum innatum, quod omnia ob ita munera instar diligentis solertisq; Oeconomi, ut ex cit. comment. 14. constat. Neque enim aliud quicquam, animal ab initio efformauit, sicut neq; rursus adauxit, aut usque ad mortem enutriuit, præterquam iste calor innatus, de quo nunc habetur sermo. Hic igitur, cum sit omnium operum naturalium causa, quia copiosior est hyberno tempore, idcirco cibi appetentiam intendit, coctiones auget, & plus sanguinis accumulat, & crassius corpus efficit, & ut superfluitates excernantur, prouidentiam habet. De ijs autem, quæ calorem innatum adaugent, non est loquutus Galenus loco cit. lib. de causis morb. quoniam talia naturæ robur addunt, & non demunt, sanitatem fouent, & non frangunt. Ergo comprehendit alimenta quædam intemperata & præcalida, sicuti alia consimilis naturæ, quæ omnia vim habent generandi non suaue calidum innatum, sed calorem acrem & mordacem, ac vno verbo, intemperiem calidam. Ideo allia, porrum, & cæpas, ac vinum vetus, tanquam rerum calidarum exempla, nominauit, ad quæ reducuntur omnes res calidæ quæ per os assumi possunt. Et hæc de quintâ intemperiei calidæ in nobis causâ. Loquendo de rebus inanimatis, stipulam siccam, quæ igni apposita eum illico intendit, exempli gratiâ commemorat, veluti ligna viridia, quæ tardius accenduntur, & sicca quæ citius.

Obiectio.

Sed suo more garrit Argenterius lib. 2. de causis morb. cap. 2. ubi Galeno obstrepens ipsum reprehendit, aiens, omnes intemperiei calidæ causas ab eo non enumerari: Omisit. n. mærorem, iram, timorem, atq; lassitudinem, quæ febrem non raro accendunt. Ob hæc Argenterius morbi calidi causas omnes ad quatuor capita reuocandas censet, & quidem, ut putat, cum ipso Galeno, ad faciendâ nimirum, ad mouendâ, educendâ, & assumendâ.

Solutio.

Respondeo, Argenterium non intellexisse Galenum, vel solâ maledicendi scabie ductum, in Galenum excanduisse. Lassitudo enim sub motu continetur. Nam vel accipitur pro ipso motu, siue exercitio, vel pro motus effectu, qui est intemperies calida articulorum, & musculorum, ac partium circumambientium.

Si primo modo, ad motum necessariò reuocatur: Si secundo, est ipsa intemperies calida, quæ causam habuit, motum. Perfectissimè ergo suo more Galenus peculiaries intemperiei calidæ causas ad quinque capita reduxit, motum scilicet, putredinem, viciniam rei calidæ, constipationem, & permixtionem calidæ substantiæ.

*Quinque
causæ intē-
periei cali-
dæ.*

CAPVT VI.

De Causis Intemperiei frigidæ.

E Adem methodo, qua cap. 2. lib. de caus. morb. morbi calidi causas, cap. 3. eiusdem libri, morbi frigidi causas inuestigat Galenus. In rebus enim eidentibus, & ab homine distinctis, primò causas intensi frigoris exponit. Secundo easdem causas homini immodicum calorē interre ostendit.

Sex enim numero proponit morbi frigidi causas. Prima causa, est, frigidorum, seu rerum refrigerantium vicinia seu propinquitas. Secunda causa, est ciborum, potuumq; quantitas, ac qualitas. Tertia causa est stipatio. Quarta, est raritas. Quinta, est otium. Sexta, immodicus motus. Quippe eiusmodi occasionibus, siue causis, ignis ipse, rerum omnium calidissimus, extinguitur. Nam si exiguæ prunæ, seu paruo carboni ardenti multum niuis aut glaciei superimponas, aut plurimam aquam frigidam superinfundas, ipsam illicò extingues. Item si aer nos ambiens summo frigore afficiatur, veluti hyberno tempore iuxta Istrum accidit, videbis non solùm lucernam sub dio expositam, verùm etiā omnem exiguum ignem, protinùs extingui: atq; sic vincit ignem, siue flammam, siue prunam, viciniā & contactus rerum præfrigidarum.

*Sex sunt
causæ intē-
periei fri-
gidæ.*

*Prima
causæ extē-
tionis: i-
gnis, & cō-
sequenter
prima in-
temperiei
frigida.*

Secunda causa, est alimentum, seu materia frigida. Licet .n. secunda hæc causa à Gal. alimentum dicatur, commodiùs fortè materia dicetur; quia id quo ignis fouetur augeturq;, materia combustibilis, quàm alimentum congruentiùs appellabitur. Alimentum tamen ad placitum dicatur: quod quidem tripliciter refrigerat. Primò ratione immoderatæ quantitatis: vel secundo propter immoderatum eius defectum: vel tertio propter eiusdē

*Secunda
causa.*

*Tripli-
ter ali-
mentum res-
frigerat.*

ali-

alimenti qualitatem. Exēplo materiæ ignis hanc doctrinam declarat. Si enim exiguæ flammæ magna strues lignorum ad incendium benè dispositorum, cōfertim iniiciatur, ob immodicę quantitatis excessum eandem flammulam protinùs suffocabit, & extinguet. Ex aduerso, si nulla penitùs, aut pauca admodù ligna suppeditaueris, marcescere flammam videbis: idque ob alimentum, seu materiæ combustibilis, totalem defectum, vel paucitatem. Si tertiò ligna in mediocri copia, sed viridia, & aquâ, aut glacie, aut niue aspersa, igni apposueris, igniculum eundem suffocabis. Idem exemplum in lucernâ clarè apparet. Nam vbi à iusto modo flammæ lucernæ alimentum deficit, eadem flammæ minuitur, extinguitur. Siue .n. nimis parcè, aut nullo modo, oleum adhibeas, siue affatim plurimum infundas, noxam non vitabis. Nam nimia copiâ flamma suffocatur, & nimia penuria contabescit. Tertiò, flamma etiam minuitur, extinguitur, si oleum qualitate aliquâ deprauatum fuerit. Vnde oleum aqueum, aut argillosum, in debitâ licet quantitate ellychnio affusum, flammam minuet, aut extinguet.

*Tertia
causa.*

*Duplex
cōstipatio.*

Tertia causa morbi frigidi est cōstipatio, quæ quidem diuersimodè accepta, & calidum, & frigidum morbum procreat: calidum, quoties bona ex parte, sed non totaliter, & omnimodè, res constipata est. Et in hoc sensu eam statuit causam morbi calidi Galenus. Si verò res integrè constipata fuerit, tunc meritò causa intemperiei frigida dicetur constipatio. Id apparet in cucurbitula Medica corpori apposita: quæ quidem stupam, aut candelulam accensam iam affixa extinguit; quia ita completè constipat, vt penitùs flamma stupæ, aut candelæ ceræ accensæ, externi aeris commercio priuetur: cum tamen eodem aere, vt conseruetur, eadem flamma indigeat. Causam indigentia paulò post, de cōstipatione in homine acturi, dicemus.

*Quarta
causa.*

Quarta frigiditatis causa, est rarefactio: quæ si immodica fuerit, ipsum ignem extinguit: vt videre est in exiguo igne in locis apricis sub ardore Solis accenso; qui quidem, quoniam à fortiori Solis calore nimium rarescit, dissipatur, & contabescit: sicuti candelæ flamma propè ardentissimum ignem, aut sub ardore Solis posita.

*Quinta
causa.*

Quinta frigiditatis causa, est quies, quâ etiam ignis ipse extingui-

guitur. Videmus enim flammam defectu mediocris motûs, aut ventilationis, contabescere.

Sexta causa frigiditatis, est motus. Diximus enim superiori capite cum Galeno, motum esse causam caloris: Sed huiusmodi motus non debet esse excedens valdè, aut immodicus: nam immoderatus, frigiditatis causa est: vt apparet in flammâ, quæ, licet aduentitio motu foveatur, motu tamen externo immoderatiùs irruente, agitur, dissipatur, & omninò discutitur, ac tandem extinguitur.

Sexta frigiditatis causa.

Vicinia rei frigida causa frigoris.

Evidenter sex relatæ causæ in alijs rebus ab homine distinctis, frigiditatem inducunt: eodem pacto eadem causæ igniculum nostrum, sine calorem natium extinguunt, frigusq; intendunt. Primæ causa, quæ est vicinîa rei frigidæ, frigidus morbos procreat, siue res hæc vicina actu frigida fuerit, vt aqua frigida, & aer frigidissimus; siue potestate talis sit, vt lactuca, hyosciamus, mandragora, papauer, & similia. Varia morbi frigidi ex rei frigidæ, vt niuis, & aeris prægelidi, vicinîa orti, producit Galenus lib. de different. morb. cap. 5. vt tetanum, & alias conuulsionis species, quid simile apoplexiæ, gangrænæ, & similia. Libro de Caus. morb. cap. 3. de eodem argumenti genere sequentia refert: Igitur primæ causæ species frigidum morbum inducet, si frigida res, quæcunque illa fuerit, extrinsecus acciderit, siue solo contactu, siue potentiâ id efficiat. Sic natantes in aqua frigida, aut infelicitè loti, aut per loca frigida ambulantes, periculum subiêrunt: quippe nouimus quosdam, qui, priusquam domum reuerterentur, extincti sunt. Hæc enim Galeni doctrina experienciâ comprobatur ab omnibus per loca niuosa, aut gelida, iter agentibus.

Aliquid est frigidum actu, vel potentia.

Materia frigida causa frigoris.

Secunda causa est materia, actu, vel potentiâ frigida, quæ, quoties assumitur, frigidus morbos procreat: vnde cit. c. Galen. inquit: Præterea tum cibi, tum potiones, suapte

na-

*Non frigi-
da solus,
sed calida
immodera-
te sumpta
frigidus
morbus in-
ducunt, ut
optima ali-
menta,
& vinum.*

naturâ frigidiore, ipsi quoq; inter frigidorum morborum cau-
sas numerantur: cuiusmodi sunt papauer, mandragora, hyoscia-
mus, cicuta, quæ quidem præ nimio frigore mortem quoq; in-
ducunt: vt etiam confirmat Galen. lib. 3. de temperam. cap. 4.
& lib. 5. de simplic. medicament. facult. c. 18. vbi iam dicta
simplicia quantitate deleteria esse docet: sicuti lactucam. Nec so-
lùm ea, quæ deuorantur, & ex suâ naturâ frigida sunt, frigidum
morbum generant, sed quæ calida sunt, si in magnâ copiâ assu-
mantur. Vndecitato capite Galenus inquit; Iuxta verò se-
cundam causam, aut morbum attonitum(id est apoplexiam),
aut comitialē(id est Epilepsiam) aut motus sensusque læsionem,
ex ebrietate aliquis subiit: quanquàm vinum modicè hau-
stum, vt quod maximè proprium alimentum sit, natiuum ca-
lorem adauget. Sic, & optimi cibi; quique plurimum animali af-
ferunt nutrimentum, supra modum assumpti, morbos frigidos
generât. Rectè sanè monet Galenus, vinum in magnâ copia hau-
stum frigidos morbos gignere: Nam immodica ab imbelli calo-
re ventriculi non domatur, sed potius eundem calorem natiuum
domat & obruit, & veluti suffocat. Quare cùm coqui nequeat,
cruditates parit, & cerebri varios affectus. Præterquam. n. quòd
non concoquitur, & calorem natiuum veluti obruit, atque adeò
inde multa nascantur excrementa; vaporosum est, ideòq; cerebrū
replens, morbos frigidos, & fluxiones varias a capite ad infer-
nas partes parit. Nam copiosi vapores ad cerebrum sublati cere-
bri frigore refrigerâtur, & crassiores facti ad suppositas corporis
partes faciliè relabuntur. Copiosi similiter cibi in magnâ copiâ
assumpti à natiuo ventriculi calore non superantur, sed potius
ventriculum obruunt, nec concoqui ideo possunt: quare crudi ad
iecur delati non nisi in crudum sanguinem, & copiosa excremen-
ta desinunt. Cibi ergo euchymi, seu boni succi immoderatè in-
gesti, nostra corpora, calorem natiuum suffocando, refrigerant:
non secus ac vinum immodicè haustum, licet inter omnia alimē-
ta maximè nobis amicū sit, & maximè familiare, facillimèque
concoquatur, & in nostram transmutetur substantiam, si modicè
hauriatur, teste Gal. lib. 3. de temperamēt. c. 3. moderatè enim
sumptū à natura nostra vincitur: sed immoderatè, nos vincit.
Non solùm cibi, & potus, ex sua natura frigidi, aut temperati,
sed

sed in magna copia assumpti, frigidos producant morbos, sed *Cibus frigidus, ci-*
 præterea defectus cibi, & potus. Quanquam autem fames, aut *bis copio-*
 inedia, & sitis, febrilem calorem aliquoties inducere possint, & bi- *us, & ci-*
 lem in corpore adaugeant, natiuum tamen calorem diminuunt: *bis parci-*
 atque adeò, licet calore extraneo corpus tunc ferueat, in calore *ssimus, au-*
 tamen natiuo refrigeratur. Qui enim atrophiam laborant, mani- *inedia, fri-*
 festè refrigerantur, etiamsi non raro calore acri, & præter natu- *gidus gi-*
 ram, afficiantur. Fieri enim potest, ut calore præter naturam *gnant mor-*
 partes afficiantur, quanquam secundum naturalem calorem fri- *bos.*
 geant; ut cum Aristotele loquitur Galenus lib. 2. de temperam.
 cap. 6. Quippe id quoque optimè ab Aristotele in multis est tra-
 ditum, estque illi, si alteri vlli, attendendum: ac in singulis cor-
 poris partibus æstimandum, suone & proprio, an adscititio ca-
 lore incaleant: quæ enim putrescunt, omnia adscititio calor
 sunt calida, proprio frigent. Qui meridianam plagam incolunt,
 adscititio calore sunt calidi, proprio frigidi. Iam apud nos quo-
 que naturalis calor hyemæ est vberior, adscititius minor: æsta-
 te contrà adscititius maior, naturalis minor. Hæc Galenus.

Vt ergo calor natiuus conseruetur, cibus moderatus necessa-
 rius est, isque temperatus: tametsi intemperata quædam in par-
 ua quantitate non interimant, nec frigidam intemperiem intro-
 ducant. Galenus cap. cit. 3. lib. 3. de Simplic. Medicament. fa-
 cult. expressè docet, quæ naturâ frigida sunt medicamenta, quæq;
 deleteria nuncupantur, interimere, si in notabili copiâ ingerantur.
 Talia sunt, quæ iam antea nominauimus: Papauer nimi-
 rum, hyosciamus, mandragora, cicuta, lactucæ succus, meco-
 nium, hoc est succus papaueris. Quæ omnia iam ingesta, cum
 potestate frigida sint, postquam è potentiâ in actum à calore no-
 stro reducuntur, impensè partes omnes solidas refrigerant: Et
 postquam solidæ partes præter modum refrigeratæ sunt, actio-
 nes omnes cessant, & mors sine mora succedit. Non enim des-
 perata salus est, antequam solidæ partes immodicè refrigerint:
 Nam hæc sunt, quæ animantium actiones perficiunt, ut loquitur
 Galenus cit. iam Capite. Partes ergo solidæ solæ morbo laborant;
 cum ab his actiones omnes perficiantur, & morbus dicatur cau-
 sa immediata lésionis actionum.

*Cur solæ
 solida par-
 tes morbo
 laborent.*

Modum, quo frigida medicamenta, quæ ingeruntur, è poten-

*Frigida
potentia,
potentia
in actum
à calore
nostro re-
uocantur;
sicuti etiā
calida po-
tentia.*

tiā in actum reuocantur, docet Galenus, cap. 20. lib. 3. de Simplic. Medicament. facult. hac serie: Quamobrem eius quoq; nunc protinus meminisse oportet, veteres medicamenta natura frigida, potestate dixisse frigida: nam ea quoq; quadamtenus refrigerandi potentiam à nobis accipiunt, sicut excalefaciendi calida. Quòd si alio modo illa, alio verò ista, nihil utique refert: generale enim idem, communeq; vtrisque est, nempè alterationis principium, ex passuro corpore in acturum medicamentum procedens. Nam quæ potestate quidem sunt calida, alterantur eò duntaxat, quòd incalescant à nobis: at, quæ naturā frigida, tum quòd comminuantur, tum quòd adscititium accipiant motum. Cùm itaq; ipsis, tanquam frigidis, agere absque corporis patientis auxilio non licet, iure potestate frigida dicuntur: nam vt actus nos refrigerent, nō prorsum ex sese obtinent, verū à nobis prius perpetiantur, vt refrigerent, oportet: etenim in minuta conteri, & aduentitiū motū accipere, affectus sunt medicaminū. Attamen sicuti libeat ea actū frigida nominare, haud equidem repugnem, modò omnis in verbo dissensio sit, res autem vtrisque confessā: siquidem (quod paulò supra monuimus) id genus omnia calidum corpus, quo agere possint, postulant. Eapropter meconium, hoc est succus papaueris, & cicuta, si vino mixta bibantur, ocysus necant; licet non quouis temperata modo. Si enim ipsa paucissima plurimo vino misceantur, prorsū deuinci possint: si verò pauculo vino multa, deducuntur quidem ad cor, vinci autem nequeunt. Siquis, verò papaueris succum, quantus interficere potest, hauserit, ac etiamnum tamen supersit, recta ratione, & hunc quoq; sanabit largè epotum vinum vetus, magisq; etiam, si generosum fuerit; nā id quoq; magis calefacit. Quòd verò cor nondum admodum refrixerit, liquet, quandoquidem adhuc homoviuuit: tum autem digestionis in corpus tarditate quadamtenus mutatum iam à corpore esse medicamentum, sicuti lignum viride, vbi proximè ignem aliquandiu iacuerit, neque id quidem obsecurum est. Calidum itaq; id temporis vinum ebibitum præsentissimum est remedium: nosque etiam quendam extremè iam refrigeratum vini Lesbij potione seruauimus. Potestq; idem Falernum, Surrentinum, Aruifium, Molites austerum: ac quotquot calida simul exquisitè vinosa fuerint vina, eundem cum Les-

Vinū exiguum immodicè frigida tanquam veniculum ad cor adducit, & sic nocet; Sed vinū largè tunc sumptum prodest.

bio præstare valent effectum . In summa quod tenui perlucidaq;
substantia est, colore vermiculo aut flauo, odore gratum, quodq;
dum temperatur, plurimam exposcit aquam, id tum admodum
excalefacere est natum, tum faciliè vndiq; per corpus vniuersum
deferri . Tale ergo natura vinum, ætate vetus, ineracius tempe-
ratur, eos etiam qui refrigerati iam sunt, persanat, nec solum
à papaueris succo, aut alio quopiam refrigerantium medicami-
num, verumetiam qui in nobis, aut ex stomachi, aut ex cordis
affectu, syncopam patiuntur . At, quod cum refrigerantibus me-
dicamentis, quo celeriores mortem afferat, bibitur, id nec mul-
tum est, nec generosum, sed quod comminuere ea, ac distribu-
tionis sui impetu in cor perducere modò valeat.

*Vini ge-
nerosi do-
res.*

Placuit hæc ad longum ex Galeno mutuari; quia utilem do-
ctrinam, & proficua documenta comprehendunt. Ostendit enim
Galenus ea omnia, quæ à nobis ingeruntur, & potentiâ calida
sunt, aut frigida; à nostro calore insito in actum reduci. Calida
enim potentiâ, dum à nostro calore incalescunt, iam eorum
conspita & latitans seu potentialis facultas calefaciendi susci-
pita est, & in vsum reuocata. Postmodum suo hoc calore actiuo
in nos agunt. Similiter ea, quæ potestate frigida sunt, refrige-
randi potentiam à nobis aliquo modo suscipiunt: id est, è potes-
tia in actum à calore nostro reuocantur. Hæc reuocatio hoc mo-
do fit: Res frigida ingestæ à nostro calore alterantur, seu inca-
lescunt, in minutas deniq; portiones conteruntur, & sic cōminu-
tæ, calefactæq; faciliè mouentur ab eodem calore: hæc eadem res
ita calefactæ, comminutæ, & ad motum dispositæ, idoneæ sunt
vt in corpora nostra reagant, & suam omnem vim exerant: ma-
ximè verò si aliquis liquor calidus, & tenuis, vt vinum, aqua
ardens, & consimilia, in parua quantitate eis commisceatur. Mo-
dicum verò vini instar vehiculi est; & tunc citiùs ad cor res frigi-
da ingesta pertingit, corq; ac vniuersum corpus refrigerat: aut
si res ingesta quantitate deleteria fuerit, citiùs interimit: Nam à
modico vino, cui commiscetur res intensè frigida, minimè vin-
citur aut superatur. Verum, si cum magna copia vini generosi
res impensè frigida ingeratur, bibaturq; idem vinum ad satieta-
tem vsq; post eiusdem rei frigida assumptionem, non interimet;
quia à Vini generosi calore frigiditas illa temperantior euadit,
& tandem vincitur.

*Potestate
calida ope
caloris no-
stri actiuo
calida fi-
unt.*

*Reuocatio
frigidorū
è potentia
ad actum.*

*Res frigi-
da ingesta
citiùs ad
cor in cor-
poribus ca-
lidis quàm
frigidis
transfer-
tur.*

*Sola par-
tes solida
sunt fun-
ctionum
anima ef-
fectrices.*

Cæterum, sedulò animaduerti debet, quod in contextu innuit Galenus, inmoderatè frigida citiùs ad cor accedere, si tantillum vini eis commiscèatur; quia hoc est instar vehiculi, & eius vi res frigida & crassa, ex se ad motum tarda, ad motum habilis redditur, & citiùs ad cor euehitur. Propter hanc eandem rationem Galen. cap. 18. lib. 3. de Simplic. Medicament. facult. docet in corporibus calidis res frigidas assumptas citiùs ad cor peruenire, quàm in corporibus frigidis. Hæc sunt Galeni verba: Sanè ad opera eiusmodi non mediocriter confert innata corporibus nostris caliditas, quippè quæ intrò ad sese attrahat, & cõminuendo extenuet. Hinc est, quòd & quæ naturâ frigida, sunt medicamenta, nempe quæ deleteria nuncupantur, vt puta cicuta, papauer, hyoseiami semen, mandragora, & quæ eius sunt generis, citiùs magisq; in calidis naturis vim suam exerant: cuius & tu, tametsi vnum ex ambiguum, difficilemque problematum numero habitum id fuerit, haud difficulter, modò non segniter ijs quæ dicimus aduerteris animum, solutionem inueneris. Etenim cum sit impossibile, vt talia interficiant, nisi priùs cor refrigerent, sanè intrò comminuta extenuataque ingrediantur. necesse est: id quòd ex sua natura præstare nequeunt, quippe quæ crassarum sunt partium, nec facillè moveri possunt: nec vt minutim conceidantur, prorsumque ferantur, ex sua natura obtinent: verùm adscititiâ caliditatè requirunt, quæ in minuta seceat, extenuet, atque comminuat, quæq; velut manu ducat, atque in subtiles omnium partium meatus deducat. Itaque si quando ea absit, cunctantur, tardantq; in maioribus meatibus hærentia, & venis atq; arterijs velut innatantia: ac temporis spatium interim per longos errores, ac multas iactationes ab humoribus, qui in eis sunt, vicissim nonnihil perpetiuntur. Ostensum est enim iam sæpenuerò, in sese mutuo qualitates omnes quadamtenus agere: nam & lapis ab assiduo aquæ stillicidio excavatur; gladiusque ceram secando hebetatur. Monstratum etiam est, actiones à solidis animantium partibus perfici: quare cum hæc nondum à refrigerantibus medicamentis refrixerint, animans super sit necesse est. Porro refrigerari nequeunt priùs, quàm illa in proprios istarum meatus subierint: atqui ex sua id natura crassioribus frigidisque medicamentis datum non est, nisi succurrat, quod velut deducat. Deducit porro

porrò vt causa primaria, arteriarum attractio: Ostendimus enim ipsas inter dilandum, vicinum omne attrahere: vt secundaria verò, & materialis, essentia tenuitas: quam cum ex naturâ suâ non obtineant frigidiora, crassiorumq; partium medicamenta, ijs utiq; opus habent, quæ præbeant. Corpora itaque quæcunque sunt temperaturæ frigidioris, ea arteriarum tractum imbecilliorē possident (id quod etiam demonstratum est) atque in minutas particulas medicamentorum substantiam redigere nequeunt. Proinde medicamentum & ipsum cunctando, tardandoque temporis spatio aliquid perpetiatur par est. Itaque interim accidit, vt concoquatur, velut lactucæ succus: nam & is tempore concoquitur: at si integer ad cor pergere properaret, non secus, atque cicuta, hominem interficeret. Euenit autem ipsum alijs quoq; omnibus admodum refrigerantibus succis: nam nisi celeriter interire possint, sanè ex hoc omnino nullius effectus redduntur. At quæ, aut erosione, aut putredine enecant, ijs vt tempore inualescant accidit. Siquidem temporis spatio putrescunt omnia, idque magis humido, calidoque loco. Merito ergo fit, vt quæ frigore suo noxam inferunt, ijs actionis celeritas ad perniciem proficiat: quippe quæ alioqui spatio excalescunt, vim, per quam agebant, deperdant: at quibus actio consistit in putredine, ijs tempus actionem adauget, quoniam scilicet & putredinem. Nec enim animal vllum interire potest, quin cor ab agendi munere cesset: Fieri porrò, vt cesset, nequit, citra maximam intemperiem: siquidem nō simpliciter, quā par est, aut calidius, aut frigidius moueri desinet: eodē modo, si modicè siccū, aut humidū euadat. Minus enim suo fungetur, ob hæc quidē intēperies, munere: cæterum motu non vacabit prius, quā inmensam aut caliditatem, aut frigiditatem, aut reliquarum qualitatum aliquam acceperit. Porrò medicamentis quæ frigore occidunt, vbi ad cor pergere cunctantur, simile quid accidit, quod lignis humidis, viridibus frequenter euenit. Hæc siquidem, si multa acruatim in ignem conijciantur, cum celerrimè extinguunt: Sin vndequaque in orbem composita (sic enim ligna alia alijs coram Sole supposita, & in quandam congeriem ordine quodam ad tempus congesta, superfluum humiditatem amittunt) prius siccantur, ac incallescant, & deinde sensim iniiciantur, tantum abest, vt extinguant

*Arteria
dilatando
vicinam
quauis at-
trahunt.*

*Cor vlti-
mus mo-
riens.*

*Prima
causa ex-
tinctionis
caloris
cordis.*

*Cicuta
cur homi-
nē enecat,
sturnum
nutrit.*

guant, vt etiam alimento illi efficiantur. Sic hominem quidem cicuta necat, tum ob meatuum amplitudinem, caloriscq; multitudinem, tum ob attractionis arteriarum robur validum etiam nū ad cor pertingens: sturnos verò ob causas contrarias haud enecat, vtpotè cū, & retineatur, & cunctetur, ac sese temporis tractu concoqui præparariq; à corde, tanquam à foco, incalescens finat, non secūs, ac ligna extrinsecūs. Quare nec id quidem mirum dubiumq; relinquitur, sed est quale lactucis accidit, quippe quæ moderato esu hominem nutrant: at si quispiam expressum earum succum largiter hauserit, non secūs profectò morietur, quàm qui, aut cicutam, aut papauer sumpserit. Sicuti ergo lactuca, si cor refrigerauit, interimit: sin concoquatur, alimentū animali efficitur, ad eundem arbitror modum cicuta hominem quidem celeritate distributionis interficit, sturnos verò tarditate ipsa nutrit. Si verò exiguum quiddam sumatur, mortem homini nequaquam inferet. Id quod anus Athæniensis experimento docuit, cuius apud omnes percelebris memoria est. Etenim ea à minima cicutæ portione auspicata, nullo detrimento ad permagnam progressa est copiam: pr incipio enim paucum exiguitate ipsa deuictum est: at consuetudo naturalē reddidit.

*Modicum
cicuta nō
interficit.
Vetula
Athēnē-
sis.*

*Laxum
medica-
menti si-
gnificatū.*

Piger aliquis, leues quosdā flosculos, magis, quā solida ambiens fundamenta, Galen. hanc doctrinam prolixitatis accusabit: cū tamen ex hāc doctrinā absoluta cognitio eorum omnium, quæ per os assumuntur, siue sint alimenta, & potus, siue medicamenta, dependeat. Medicamenta enim non solum vera medicamina, sed hæc simul, & venena apud Galenum significant. In contextu verò docet Galenus, ea omnia, quæ per os assumuntur, quæq; frigiditate, deleteria sunt, interimere, quoties celeriter è potentiā in actū reuocantur, vt à nobis superius comprehensum est: Vt è sua illa potentia in actum deducantur, alienā caliditate (cū ipsa parum calida sint) egent, quæ ea disponit, & velut manu in vniuersum corpus deducit. Res præfatæ frigida, non solum ratione suæ frigiditatis, sed insuper crassitie, difficulter ad cor, & reliquas corporis partes euehuntur, & tranant. Quare calore nostro prius incalescere debent, atque mox eiusdem caloris robore in minutas partes diffecari, extenuari, & comminui. Sic benè disposita, nō solum per ampliores ductus ad cor, sed per

exiguos meatus partium corporis, idem calor ea manuducat: Et quo calor corporis maior est, eo citius homines usu dictorum frigidorum extinguuntur; quoniam in naturis calidis citius magisque suam vim exerunt, eò quòd vehementior calor non solum citò ea calefaciat, còminuat, extenuetque, sed antequàm suas in itinere vires amittant, ad cor citissimè plenis viribus conducat. Cor ideo mox patitur, & consequutiue reliquæ corporis partes, quarum insitus calor non amplius à corde refrigerato reficitur. Quo circa facilè cuiusvis partis calor exstinguitur; inde verò mors.

Duas statuit Galenus causas celeris deductionis rerum frigidarum ad cor. Primaria causa, utpote efficiens, est arteriarum attractio. Secundaria verò & materialis causa, est essentiæ tenuitas. Res autem impensè frigidæ ex sua natura crassarum sunt partium: quare à calore nostro tenuitatem acquirunt, ut iam antea dictum est: tenuis verò materia facilè ab arterijs attrahitur: arteriæ mediante dilatatione externum aerem per cutis poros trahunt, & reliqua quævis corpora tenuia ex internis ipsis partibus. Cor insuper, quod non tam mediantibus arterijs, quàm venâ causâ ascendente, res per os assumptas recipit, in ipsas arterias, quod sibi damnum, aut solamen intulit, euacuat: per arterias rursus hoc ipsum ad quasvis corporis partes citò transfertur: ex hepate præterea per venas ad easdem corporis partes rei assumptæ portio quædam transfuehitur. Atque adeò ambarum harum partium principum nocumenta plenè quibusvis corporis particulis communicantur: etsi velocius cordis, quàm hepatis. Concludendum ergo, dicta deleteria citius ad cor transfuehi in corporibus calidis, quàm in frigidioribus corporibus; quia in talibus naturis calor cordis est vehemens, qui ideo magnam habet attrahendi vim, atque meatus dilatandi. Vnde deleteria cum sua virtute fermè plena, ad cor celeriter feruntur; & sic hominem calidioris temperamenti modico tempore iugulant. At verò in naturis frigidis contrarium accidit: diu enim talia in via ad cor permanent: quare propter moram eorum deleteria virtus plurimum hebetatur: tum ab humoribus ventriculi, & intestinorum, tum ab humoribus vasis in angustis amplisque venis inclusis. Vasa denique omnia in naturis frigidis angustiora sunt: quæ ideo celerem transitum rebus assumptis non concedunt. Res ideo frigide, maxime verò

*Duplex
causa ve-
locioris
transitus
rei frigide
assumptæ
ad cor.*

si in-

si integra assumantur, paulatim coquuntur, & intensam frigiditatem, antequam ad cor deferantur, deponunt: Et sic minus periculosa est assumptio rerum impensè frigidarum in hominibus temperamento frigido præditis, quàm in hominibus, qui calidioris naturæ sunt. Calor enim imbellis tardissimè frigida illa crassarum partium secat, comminuit, & attenuat. Verùm si succus earundem rerum frigidarum assumatur per se, vel cum vehiculo, citiùs interimat; quia citiùs ad cor tranat: Angustia meatuum rei frigidaæ assumptæ delationem ad cor moratur: quare cicutæ sturnis cibus est, hominibus venenum: tardus quippe motus eiusdem cicutæ versùs cor, est causa, cur paulatim eius frigiditas castigetur, illaque concoquatur, & tandem in Sturni alimentum cedat.

*Agens
quoduis
ut agat, de
bitam ma-
gnitudinē
habere de-
bet.*

*Putresca-
cientia &
erodentia
nunquam
nutriunt:
quia toto
genere na-
ture ad-
uersantur.*

Dixit denique Galenus, & rectè, substantiam cicutæ, aut veneni quantitate frigida peccantis non interimere, si in exiguâ mole ingeratur; vti etiam confirmavit eodem lib. 3. de Simplic. Medicament. facult. cap. 23. vbi ait: Opus est enim, ut quicquid agat, etiamsi sit valētissimum, aliquam tamen & magnitudinē habeat; quando nimirū & ignis ipse si prorsùs minimus sit, præterquàm quòd non vret, nec calefaciet quidem: quippe cum, & centesima scintillæ portiuncula sensu nobis sit imperceptibilis. Ex quibus patet, quæcunque frigiditate interimunt, si paucula fumantur, nutrire corpus posse, velut lactucæ succus: at quæ putrefaciendo, erodendoque, ea nunquam nutrire: ne si præ paruitate quidem innoxie corpus permeent. genere namque talia humanæ aduersantur naturæ. Caterùm quòties paulatim eiusdem cicutæ moles augetur, corpori non nocet, sed in nutrimentum conuertitur; vti Galenus cap. illo 18. antea citato asseruit: & quidem iuxta Euenum Poetam apud Aristotelem, libro 7. Moralium cap. 10.

Consuetudo valet longos mansura per annos:

Illaque naturam, vires si sumpserit, æquat.

Ex relatâ hætenus Galeni sententiâ constat, crassos cibos difficulter & tardè concoqui, tardèq; ad corporis partes deferri. Ex aduerso verò cibos tenues facilè concoqui, atque distribui. Item calidiora corpora ampliori cibo, quàm frigidiora, egere.

Ex eadem denique doctrinâ colligendum, post medicamenta purgantia, donec completè superfluitates euacuauerint, non esse

esse dormiendum, si corpus præcalidum fuerit, ne remedij citò è potentia in actum reducti vis ingrata, simul & noxia, hepar, cæteraque viscera suâ diuturniori in corpore morâ lædat. In corporibus quidem calidis purgans medicamen facillè è potentiâ in actû euocatur: quare cùm corpori sit aduersum, somno diutius, quàm par est, in corpore detineri non debet. Sed hæc de hac re sufficiant.

Constipatio maxima, causa frigiditatis.

Superiori capite cum Galeno docuimus, cutis constipationem efficere intemperiem calidam; nunc verò cum eodem Galeno c. 3. lib. de caus. morb. asserimus, constipationem esse causam intemperiei frigidæ: quæ doctrina, vt clarior euadat, animum aduertere debetis ad varias constipationis acceptiones. Primò autem constipatio accipitur pro cutis, aut exilium meatuum cutis, aut partium subiectarum, aut pro meatuum cutis, & partium subiectarum simul, obturatione. Et hæc constipatio est magna, non tamen adeò, quin multi pori sint aperti, aut saltem semiaperti, vt aliquid fuliginum extra corpus exhalat: quoniam tamen maxima pars fuliginû intus continetur, quarum vi spiritus incallescunt, & ephemera saltem febris accenditur, hæc eadem constipatio causa intemperiei calidæ iustè perhibetur. Secundò, constipatio in laxiori significato sumitur, quo comprehendit non solum exilium meatuum cutis, & partium subiectarû, sed insuper internorum manifestorumq; meatuum seu vasorum occlusionem. Si hæc constipatio non magna tantùm, sed maxima fuerit, ita vt vix quidpiam fuliginosi excrementi extra corpus excernatur, calorem natium extinguit, & frigidam parit intemperiem. In hac secundâ significatione constipatio à Galeno accipitur. c. illo. 3. lib. de Caus. morb. dum constipationem intemperiei frigidæ causam statuit; vt ex sequentibus eius verbis constat: Caterùm maxima constipatio (hanc enim in tertio causarum, quæ frigidos morbos pariunt, ordine statuimus) & graues sopores, & veternum, & apoplexiâ afferre solet. Atque hoc est quod Hippocrates ait: Si derepentè quis obmutuerit, venarû interceptiones corpori molestiam inferunt. Vtraque sanguinis vasa, quem-

*Primò dicitur
constipationis
acceptio.*

*Secundâ
easq; latior
significatio.*

*Motus ar-
teriarū à
nimia ple-
nitudine
prohibe-
tur.*

*Pulsuum
vsus.*

*Ab osculo
rum arte-
riarum oc-
clusionē
aut earum
dem arte-
riarū re-
pletionē
calor na-
tūus ex-
tinguitur.*

*Nomen
venae arte-
rias com-
prehēdit.*

admodum & maiores venas nominans: quāquam recentiores al-
terum duntaxat genus, nempè id, quod non pulsat, venas ap-
pellant: quandoquidem arteriæ quoque in animante percipiun-
tur, idest, adeo implentur sanguine, vt nullum in ipsis supersit
vacuum, in quod inter dilatandum externum aerem illicer-
queant: atq; ob id intimus calor tum præfocatur extinguiturque,
& eorum, qui sic afficiuntur, corpora subito mouendi, sentien-
dique viribus priuantur. Iam ip̃ libro de pulsum vsu demon-
strauimus, ideò pulsare arterias, vt feruetur in omnibus animan-
tis partibus calor temperies. Item in opere de vsu respiratio-
nis, quod ipsa (id est respiratio) quoque calor, qui in corde con-
tinetur, sequat temperiem. Igitur quemadmodū externa flamma
illicò perit, si ambiens aer arceatur, quò minùs illi communicet,
vt cū in vaporatorio cubiculo, aut cucurbitulā, aut in alio hu-
iusmodi vase includitur: ita animantis calor ocysime peribit, si
ipsum cohibeas ac includas, & nullam possit cum circumfuso ae-
re habere cōmunicationem. Igitur cordis calor ambienti nos
aeri per gutturis meatum comunicat: hunc si occluseris, illico
præfocabis, interimesque animantem. At calor, qui per vniuer-
sum corpus in arterijs continetur, tū per cor ipsū (quatenus fauci-
bus comunicat) tum per vniuersam cutem in ambientem nos
aerem respirat: ac ventilatur quidem, cū attolluntur arteriæ,
purgatur verò à fuligine, cū contrahuntur. Atqui vtroque horū
naturalis ipsius modus conseruatur. Nam cū arteriæ constipan-
tur, aut à plurimo sanguine, vt nuper diximus, aut obstructis ea-
rum osculis, vt haudquaquā transpirare possit: necesse est calo-
rem quidem extinguī, corpus verò ipsum emori.

Perpicuè Galenus Hippocratis autoritate ductus libro 4. de
Victūs rat. in morb. acut. sent. 23. ductuum internorum seu vaso-
rum constipationem, morbi frigidi causam statuit. Hippocratis
enim verba in scripto iam textu à Galeno posita sunt, veluti lib.
siue comment. 4. de vict. rat. in morb. acut. tex. 23. sub hac serie:
Quòd autem quis repentè obmutescat, id venarum interceptio-
nes occlusionesq; faciunt, si sano absq; suspicione, vel forti alia
causa id contigerit. Venarum nomine Hippocrates cum reliquis
antiquis Medicis, arterias, & venas communiter ita nuncupatas
intellexit. Propterea alibi arterias, venas appellauit, inquiens: Si

cui in cubito vena multum pulsauerit, is corde calidus est. Omnibus enim compertum est, venas communiter dictas, nec in cubito, nec alibi pulsare, sed arterias esse, quæ pulsant. Ergo Hippocrates, more Veterum, arterias sub venæ nomine comprehendit. Venarum ergo, & arteriarum constipationes, aut obstructiones, interceptiones vocauit Hippocrates: vel certè arteriarum interceptiones ab earundem constipatione summa siue maxima, prouenire voluit. Et rectè quidem; quoniam interceptio est summæ constipationis vasorum effectus. Summa verò constipatio vasorum a nimia repletionem oritur. Quapropter arteriæ nimium repletæ à sua pulsatione, siue motu dilatationis, & contractionis, interceptæ sunt, & factæ veluti immobiles; quia ita distentæ sunt ab immodicâ humorum copiâ, vt amplius dilatari, aut comprimi nequeant: nam ad hos motus edendos arteriæ contrahi, dilatarique debent. Propter summam autem repletionem dilatari nec contrahi liberè possunt: nam distentæ vicinis partibus arctè cohærent, nec amplius spatium, aut conueniens locus; in quo moueri possent, superest; nec in ipsis arterijs locus datur, qui sanguine nō sit refertus. Quare, vt paulò antea dictū est, nec contrahi, nec dilatari possunt. Cum enim arteriæ sint nimio humore oppletæ, opplentur & ipsæ, simulq; locus ambiens, vt potè quæ & eadem oppletæ implent. Sic ergo dispositæ arteriæ, veluti immobiles redduntur; dicunturque interceptæ ob plenitudinē, & defectum spatij vacui, tum intra se, tum circa se. Venarum tamen *σπλίνες*, idest, interceptiones, appellat Hippocrates oppletiones, quæ à copiâ exoriuntur; vt loquitur Galenus in comment. cit. tex. 23. lib. 4. de vict. rat. in morb. acutis. Propter hanc arteriarum interceptionem calor noster nativus externi aeris commercio priuatur; proindeq; suffocatur & extinguitur à nimio onere: Inde sensus, motusq; defectus: quare vocis priuatio sequitur: aliquoties apoplexia, epilepsia, & syncopæ cardiacæ. Deficit enim in omnibus corporis partibus calor nativus insitus, imò & influens. Non mirandum ergo, si nullæ partes suo fungantur, officio, præcipuo animæ instrumento deficiente: & si affectus iam enumerati à Galeno comment. cit. tex. superueniant: vt cap. cit. 3. lib. de caus. morb. confirmavit, inquiens, maximam constipationem, asserre graues sopores, idest carum, & veternum, idest

Sopor gra-
uis est ca-
rus: Vete-
rnis est co-
ma.

coma, & apoplexiam. Libro de morbo sacro hanc doctrinam confirmat Hippocrates, aiens: Quin venæ pituitâ clausæ, spiritum aeræ non suscipiunt, mutum, non sentientemque hominem reddunt.

Cur autem obmutescant illi, quibus venæ interceptæ sint, declarare contēdit Galenus exemplo cucurbitularum medicarum, & vaporatorij cubiculi, seu furnuli: idē inquit: Quemadmodum igitur si externam flammam, communicatu ambientis aeris priuaueris, aut furnuculo, siue paruo furno, in quo sunt igniti carbones, quibus fiunt distillationes aquarum (quem ideo vaporatorium cubiculum appellat Galenus) in quo (omnimodē occluso) carbones extinguuntur, aut cucurbitula, aut alio huiusmodi circumposito, confestim extingues: ita quoque si calorem, qui in animalibus est, cohibeas, ac includas, vt nullam cum ambiente aere habeat communicationem, statim perdes. Quoniam igitur sine aeris commercio igniculus noster natiuus, seu calor insitus, subsistere nequit, prouida natura homini respirationem concessit, & transpirationem: Natiuus calor cordis respiratione fouetur; quæ duplici motu constat, inspiratione nimirum, & expiratione. Inspiratus verò per os, nares, fauces, & trachæam arteriam aer, cordis copiosum calorem refrigerat, temperatue; & ne defectu mediocris motûs paulatim extinguatur, cum ventilat. Expiratione autem expelluntur fuliginosi fumi per easdem vias, per quas aer ambiens, vi inspirationis, introductus est; & sic à fuliginibus expurgatus non suffocatur, sed instar luculentissimi ignis, in corde depuratus viget. Nec sufficit cordis insitum fluentemque calorem hâc viâ foueri, atq; conseruari, sed præterea totius corporis insitum calorem: cuius conseruandi gratiâ, transpirationem, motum quidem respirationi similem, eadem natura concessit. Transpiratio, non secus ac respiratio, compositus motus est, ex quadam aeris introductione, & expulsionē fuliginum: huiusmodi v. motus ab arterijs fit, quæ ad calorem insitum partium omnium corporis fouendum conseruandumq; motu quodam dilatationis & contractionis vicissim agitantur. In arteriarum dilatatione aer externus in ipsas attrahitur, quo calor natiuus partium, & spiritus influens in iisdem arterijs inclusus, refrigerantur, & modica commotione ventilantur. Ex corde quidem

Dua partes respirationis: Inspiratio qua aer bauritur, & expiratione qua fuligines exornantur.

Transpiratio est compositus motus ex dilatatione seu diastole; & contractione, seu systole.

per-

permodicum aerem arteriæ, & corporis partes suscipiunt: per cutis ergo poros arteriolæ ad eandem cutem terminantes, ambientem aera suâ diastole, seu dilatatione, seu sublatione, attrahunt: quo rursus, vt dixi, calor natiuus refrigeratur, & ventilatur. Ignis porro, ne extinguatur, non solo aere moderatè frigido eget, sed ventilatione quadam, vt partes, quæ fumo, & cinerum iniuriâ extinguuntur, reinescant. Ad rem accedens, arteriæ alio contrario motu, qui systole, siue contractio, aut constrictio, dicitur, calorem natiuum à fuliginosis recrementis ex humorum veluti assatione ortis, expurgant: hic motus constrictiois, seu contractionis, qui systole nuncupatur, expirationi correspondet, veluti diastole inspirationi. Vt enim non sufficit ignem aeris modico frigore contemperare, eumq; ventilare, sed insuper cineritiam & fumosam substantiam ab eo separare, ne horum commixtione suffocaretur, ita si niliter de igniculo nostro, calore natiuo, philosophandum; qui si probè vsu respirationis & transpirationis refrigeratur, ventilatur, & expurgatur, tanquam purus & luculentus ignis, suas debite, & alacriter, obibit functiones: secùs verò se habens, vel imperfectè sua munia prosequetur, vel protinùs extinguetur; & sic homo necessariò peribit.

Ex his constat, hominem extingui, quotiescunque omni-modà respiratio deficit, vt in ijs, qui laqueo strangulantur, videre licet: constat etiam hominem in frigidos morbos labi, quotiescunq; maximæ contingunt vasorum interceptiones, repletionesque. Nec ex vasorum manifestorum repletionem tantùm morbi frigidi nascuntur, sed ex perfecta occlusionem osculorum arteriarum, seu ex cōstipatione exilium arteriarum ad cutem terminatarum, vt innuit Galen. cit. cap. 3. libri de Caus. morb. iniquens. Nam cùm arteriæ constipantur, aut à plurimo sanguine, vt nuper diximus, aut obstructis earum osculis, vt haudquaquàm transpirare possint: necesse est calorem quidem extingui, corpus verò ipsum emori. Cōstipatio itaque maxima, & in laxiori significato accepta, prout videlicet exilium meatuum, & vasorum manifestorum occlusionem significat, meritò morbi frigidi causa à Galeno sta-

Calor natiuus seruatur, dū modicè refrigeratur ventilatur, & à fuliginibus expurgatur.

Anastomoses.

statuitur. Et quidem ipsius cutis summa constipatio eorundem morbos inferre potest, æquè benè, ac arteriolarum occlusio; cùm hæc ad ipsam cutem terminentur, teste Gal. lib. 1. de simplic. Medicament. facult. cap. 12. inquit: Multæ venæ, arteriæq; mutuis in sese osculis aperiuntur, tum ad cutis meatus, eiusque superficiem, ac meatuum perforationes, haud pauca pertingere venarum arteriarumq; oscula, existimandum est, nihiloq; seciùs ad extimam superficiem quasi osculis finiri. Hæc Galeni doctrina clarè docet cutis meatus occludi non posse, quin eodem tempore venularum arteriolarumq; ad cutem terminatarum oscula confestim occludantur.

Dubium.

Vtrum in vasorum, & præsertim arteriarum interceptione, aut osculorum earundem arteriarum obturatione maxima, quidpiam fumosæ fuliginis, mediante transpiratione, per cutem excernatur nec ne, non mihi leuem affert scrupulum. Et quidem propter Galeni doctrinam lib. 9. meth. med. cap. 2. vbi de duabus speciebus synochæ febris, putridâ videlicet, & non putrida, agens, aliquid de continuâ, & intermittente commiscet, docetque remissionem accessionum febrilium contingere ex feruentium humorum transpiratu per cutem: in vehementi autem stipatione, huiuscemodi humores feruentes non transpirant: quare tunc necessariò febris ad plures dies continuò, & sine remissione protrahetur. Hac posita discrepantia inter accessionem febris intermittētis, vt tertianæ, quotidianæ, & quartanæ, ac febrem synocham; paulò post, vehementem, de quâ paulò antea loquebatur, constipationem his verbis exponit: Cæterum, cùm me audis dicentem, vbi vehementer corpora stipata sunt, cohiberi intra corpus febrilem calorem, non ita factam prorsus densitudinem putandum est, vt nullum ex ijs humoribus, qui tenuati admodum sint, effluere foras sinat: cùm nec, si de ossibus ita dixeris, id verum sit, nedum carne, & cute. Verùm cùm à feruentibus humoribus vapor attollatur plurimus, effluat autem foras exiguus, hunc, qui relictus est, febrem seruare est necesse: neque id modo præterea quòd ipse inutilis vapor, vtpote fumosus, & aliquando putridus, manet, sed etiam propterea, quòd, quæ proxima sunt, adurit. Ecce quomodo non solum ex corporibus vehementer stipatis, sed ipsis densissimis ossibus aliquid transpirare concedit. Ergo pari-

ter

ter ex corporibus quocunq; modo stipatis, siue mediante vasorū interceptione, siue occlusionē osculorum eorundem vasorum; cū nunquam aequē perfectē, ac ossa durissima occludi queant, aliquid euacuabitur, & vicissim externus aer introducetur.

Sed respondeo, negando consequentiam: Nam Galenus loco citato methodi med. de vehemēti stipatione remissiori, quatenus capax est quæ febrem generare posset, loquitur. At verò c. 3. lib. de caus. morb. vehemētissimam stipationem intellexit; quæ quidem frigidus parit morbos, & aliquoties mortem; quæque maior est ipsa densitate ossium: nam licet hæc densissima sint, suos tamen habent meatus, per quos naturaliter euacuant quod molestum est, & attrahunt quod vtile. At verò in illa vehemētissima arteriarum interceptione parum, aut nihil excernitur: quod patet manifestē ex cessatione motus arteriarum, qui pulsus communiter nuncupatur; mediante quo fit omnis euacuatio per cutem, dum arteria comprimitur, constringitur, & aer externus attrahitur, dum dilatatur. Quoniam ergo in illa subita arteriarum interceptione earundem motus confestim deficit, perfectissima adest stipatio: ideoque natiuus noster igniculus extinguatur ob rationes sepē superiùs repetitas.

Responsū.

Quod stipatio febrem accendens non tanta sit, quanta est illa quæ calorem natiuum extinguit, & frigidum morbum inducit, patet ex sequentibus Galeni verbis capit. 3. lib. de Caus. morborum: Quod si modica fuerit constipatio, natiuus calor ob ipsam non necessariò afficietur. Quumq; in animantis corpore, veluti fuliginosa quædam, aut fumosa excrementa continentur; tum aliud natiui caloris pathema consistet, aliud verò, si vaporis suavis vtilisque naturam referant. Horum verò vtrumque bifariam discriminatur: etenim optimus in corpore sanguis, nullius vitiosi excrementi permixtione turbatus, quum calefactus est, vaporem reddit optimum, qui nihil secum ferat, neq; igneū, neq; acre: huiusmodi corpus si modicè constipetur, breui vel plethoricum, idest oppletum, vel calidiùs quàm pro naturali habitu, reddetur: plethoricum quidem, cū per ignauiam (seu otium) exercitationem neglexerit: ita enim retinentur in corpore ea, quæ per motū excerni oportebat. Calidiùs verò, cū exercitatur corpus, vtpote aucto ad motum calore natiuo, qui ob corporis cō-

Moderata constipatio febrem parit.

stipa-

stipationem non transpirat. At si corpus fumoso excremento refertum constipetur, tum aut febris excitabitur ob clausum intus fuliginosum vaporem, aut præfocabitur extingueturq; calor natiuus. Atque vtrumq; horum consequitur, & excrementi multitudinem, & constipationis fortitudinem: quippe si plurimum fuerit fumidum excrementum, quod indigebat vacuatione, & constipatio vehemens, ne sub excremento præfocetur, extinguiturq; insitus calor, periculum est. Si verò paucum sit excrementum, & non ita vehemens constipatio, febris accendetur. Atque hinc perspicuum est, quod & naturales, & aduentitios corporis affectus, per quos vel fuliginosum, vel fumidum, vel vaporem refertum sit id quod transpirat, nosse oportet. Sed hæc in tractatu de medendi methodo prosequemur, nunc ad institutum redeamus.

*Triplicis
constipatio.
Prima.*

Aurea sanè sunt hæc Galeni verba pro ijs potissimum, qui præxin exactè, & peritè exercere cogitant. Triplicem in contextu constipationem admittit Galenus. Prima, est permodica constipatio, quæ adueniens ijs qui puro sanguine præditi sunt, vel plethorâ, vel paulò intensiorem calorem generat, febrè verò nequaquam. Plethoram quidem efficit talis constipatio, si corpus purum sanguinem, citra aliorum humorum vitium, continens, otio fruatur, & quiete: nam benigni, suaues, halituosique vapores, qui ante constipationem cutis, & otium, euacuabantur, otij, & constipationis ope in corpore detinentur, copiosioresq; sanguinem accumulanti: quia cum sint substantia quædam benigna ipsius sanguinis naturam redolens, in corpore cohibiti ab ipso sanguine vix discrepant. Non enim à sanguine ipso separantur: vel, si seiscingantur, in adipem degenerant, aut pinguedinem. Plethoram à tali retentione causari docuit Galenus lib. 1. de different. feb.

*Exercitium
calorem
natiuum
accendit.*

cap. 3. Caterùm, si corpus sanguineum leuiter constipatum, & humorum prauitate vacuum sese exerceat, rarò plethoricum euadit, seipso tamen multò calidius efficitur. Nam exercitium calorem natium partium solidarum plurimum adauget, validioremq; reddit, teste Galeno varijs in locis, & præsertim libro 3. & 4. de sanitate tuenda passim. Exercitio enim pori leuiter constipati aperiuntur, & fit vaporum etiam benignorum exhalatio, corporaq; sanguinea, biliosiora euadunt. Vidi tamen nonnul-

los sanguineos venatione corpora exercētes, plethoricos, & crassos factos. Et hi sunt effectus primæ constipationis, quæ permodica est.

Secunda cutis constipatio est illa, quæ fit in impuris corporibus, idest, in ijs quæ humorum prauorum colluuiione, non tamen immodicâ, scatent. Ex talibus enim humoribus necessario acres, mordacesq; fuligines ad habitum corporis transmittuntur: vi ergo constipationis cutis in corpore cohibita fuligines, spiritus necessario suo commercio calefacient, atq; adeo febrem in principio efficient diariam, quæ, ni corpori confestim prouisum sit, in putridam facillimè degenerat.

Tertia constipatio, omniumque præcedentium maxima, est illa, quæ fit in corporibus maxime, aut mediocriter saltē impuris. Vi, enim huius vehementis cōstipationis maxima fuliginū copia detinetur, quæ febrem suscitât. Et quoniam constipatio maxima est, defectu transpirationis liberæ calor natiuus partium extinguitur: Et sic intemperies frigida in corpore nascitur, etiamsi aliquando vehemēti calore præter naturam corripitur. Ita eruditè Galenus, ad omnem dirimendam controuersiam, tres constipationis cutis gradus distinxit.

Nunc superest exponamus, cur flamma, curq; igniculus noster defectu commercij cum aere externo, extinguitur? Hanc rem fusè agitat Gal. lib. de vtil. respir. in quo ille probat vtilitatē respirationis esse cōseruationē caloris natiui, & spiritus animalis nutritionē. Postquàm c. 1. asseruit, deperdita respiratione nos momento tēporis viuere non posse, plurimorū Authorū sententias de respirationis necessitate hoc ordine proponit: Quod est igitur illud tam ingens à respiratione nobis commodum? Num animæ ipsius generatio est, vt Asclepiades ait? An generatio quidē non est, verū corroboratio quædam, vt Nicarchi Praxagoras? An innati caloris ventilatio, ac refrigeratio quædam, vt Philistion, & Diocles dicebant? An, & nutritio, & refrigēratio, vt Hippocrates? Aut horum quidem nihil est, verū arteriarum expletionis gratiâ respiramus, velut Erasistratus putat. Tot enim ferme extiterunt Sectæ de vtilitate respirationis, etiamsi aliqua ex relatis non videantur differre, velut eorum, qui dicunt innatum calorem corroborari à respiratione, & qui dicunt, eundem venti-

*Secunda
constipatio.*

*Tertia
constipatio.*

*Respira-
tionis ge-
minus ex-
sus.*

*Varia sen-
tentia de
usu respi-
rationis.*

*Aeris in-
spiratio ra-
tione sua
substantia
non est ne-
cessaria.*

lari: nihil enim diuersum dicunt hi ab ijs, qui refrigerari tradunt. Post hæc sequenti cap. 2. docet idem Galenus, respirationem (idem de transpiratione dicendum) non esse vtilem aut necessariam propter substantiam aeris attracti, id est, vita non ideo in defectu respirationis, aut transpirationis, aut in defectu vtriusque, deficit, quod aeris substantia protinus necessaria sit ad eiusdem vitæ sustentationem. Quoniam inspirata magnâ aeris copia, ni confestim inspirationem sequatur expiratio, homo suffocationis periculum incurrit. At verò non suffocaretur vllò pacto, si aeris commercium necessarium esset ratione suæ substantiæ. Hinc ergo necessario inferendum, aeris commercium ratione suæ substantiæ non esse necessarium: sed potius propter beneficium natiuo calori accedens ex qualitate aliqua qua aer imbutus est: vt probat Galenus cap. 3. citati libri, vbi ait: Ad quæstionem igitur, an ipsius aeris substantiæ, an alicuius qualitatis inopia animalia, quæ suffocantur, moriantur, iam responsum, ac euidenter indicatum est, alterum impossibile esse, relinquitur itaq; alterum, nimirum ob penuriam qualitatis alicuius animalia in respirationis cohibitione suffocari.

*Aeris cõ-
mercium
ratione
modica
frigidi-
tatis, neces-
sariũ est.*

Post hæc sedulo inquit naturam istius qualitatis aeris ad vitæ conseruationem adeò necessariam, vt sine eâ animal subsistere nequeat: in mediumq; adfert plurimorum opinionẽ, qui autumant ideo aeris commercium ad vitæ conseruationem esse necessarium, quia aer suo frigore nostrum contemperat calorem.

*Ratio pri-
ma Sectæ.*

Refrigeratio ergo est utilitas respirationis, vt huic sectæ placuit. Huius sectæ hæc est ratio: Vbi amplior, quàm secundum naturam, caliditas in locis circa cor, & thoracem fuerit congregata (quemadmodum in æstuosis omnibus contingit morbis) statim & amplius solito respirare appetimus: & viceuerfa refrigeratis corde, & respirationis organis, minus inspiramus, quàm dum æstu opprimebamur. Ergo liquidò constat, respirationem refri-

*Secunda
sectæ ratio
nes.*

generationis causâ à natura institutam: Alia quædam secta hanc opinionem redarguit, quia quoties cor, & membra respirationi addicta impensè refrigerantur, respiratio necessaria esse non desinit: insuper aer calidior necessarius est, quoties à frigidissimo

thorax læditur. Frigida enim, qualis nix & glacies, pectori inimica sunt, ex Hippocrate lib. 5. aphorism. 24. Hinc colligitur refrigerationis gratiâ respirationem non fieri. Nam si aeris commercium necessarium idè esset, ut sua frigiditate calorem nostrum contemperaret, quoties cor, & thorax frigore infestarentur, respiratio necessaria non esset. Contrarium tamen experimur quotidie. Quantumvis enim homo refrigeretur, respirare semper ad vitæ exitum auct. Addunt in sui fauorem dictum Hippocratis in Prognosticis: Spiritus frigidus ex naribus, atque ore exhalans, perniciosus iam valdè existit. Si verò respiratio refrigerandi gratiâ esset necessaria, in tali casu non fieret, nec Hippocrates spiritum frigidum expiratione emissum improbare.

Sed his opinionibus omisiss mediâ incedit viâ Galenus: & ut rem manifestè exponat, ait, omnem flammam duplici motu moveri, altero à materia ex qua accenditur; quo quidem sursum fertur, & vndiquaque dispergitur: altero verò motu huic contrario mouetur eadem flamma, quo nimirum ad sui principium ac radicem vergit, quoq; confidit, & contrahitur. Etenim, si facis, aut ellychnij supernam extremitatem accenderis, confestim ad infernam perueniet ignis. Ergo flamma duplici motu prædita est; & quidem ex necessitate: Nam flamma omnis velocissimam habet corruptionem, quòd in ambientem aera semper dispergatur, & dissipetur: igitur viceuersâ velocissimam habet eadem flamma generationem: aliàs enim neq; minimo momento duraret, cum illicò sine noua generatione interiret, dum sursum ad sphaeram ignis vergit. Ergo non solus motus sursum ad suam sphaeram, flammæ insit, & naturalis, sed alter motus deorsum ad suam materiam & principium, magis acreum quàm aqueum, ex quo perpetuò generatur: Generatio enim corpori corruptibili naturalis est. Itaque & corrumpi, omnem flammam necessarium est, si aut materiâ combustibili, aut altero motu sursum priuetur. Cessante autem vno motu contrario, cessat & alter, quoties horum alter alterum mutuò excipit, & consequitur, ut videre licet in pulsu, cuius diastole seu dilatatio si cohibeatur, illicò cessabit systole, siue contractio; & vice versâ, cessante contractione cessat diastole. Ergo si à copioso calido, aut vehemente motu, flamma longè extra suam materiam, & radicem, ac principium extendatur,

*Flamma
duplici a-
gitatur
motu.*

*Flamma
citissimè
corrumpitur
& genera-
tur.*

*Vno con-
trario
motuum
se se mutuò
excipien-
tium cessan-
te, cessat
& alter.*

tur, dispergaturq; peribit; quia ita nimis dilatata & extensa, à sua materia remouebitur, adeo vt vnita ad materiam, ex qua generaretur confestim, regredi nequeat. Cessante ergo motu ad materiam, necessario flamma extinguetur: & sic cessabit motus sursum. Est enim flamma in continua generatione: hæc itaq; deperditâ, motus sursum peribit. Contrarium accidit, quoties vehementi motu seu ventilatione, aut vehementi frigore, maximaue constipatione, flamma immoderatè intra ad suam materiam protruditur. Nam tunc extinguitur cohibito eius motu sursum: Caterùm ex ijs, quæ motum immodicè intra cohibent, est & cucurbita, & quidquid aliud consimile, aerem eorum, quæ ab interna flamma combusta sunt, prohibet ab externi frigoris contactu. At verò commodratio frigoris, & caloris aeris, ventilatio moderata, & materia mediocris ac disposita, sunt causæ cõseruatrices cuiusvis flammæ.

Causa conseruationis flammæ, & caloris natui.

Prima causa extinctionionis flammæ in summa cõstipatione. Secunda causa.

Ex hac doctrinâ causa eruitur, cur flamma, externi aeris commercio priuata, extinguatur. Prima causa est, amissio alterutrius motus, quo mouetur: nam deperdito vno alter amittitur, vt dictum est; cùm ambo sint contrarij, seseque vicissim excipiant. Flamma ergo constipata, suo motu sursum priuatur, adeoque suo motu deorsum. Secunda causa extinctionionis flammæ in maxima constipatione, est fuliginum retentio. Flamma enim, cùm sit ignis, naturaliter sursum tendit, & hoc suo motu secum defert fuliginosam adustamue substantiam, eamque leuem; quæ rursum in ambientem aerem longè supra & extra flammam expurgatur: in summa autem constipatione extra flammam hæc fuligines non longè efferuntur, sed flammæ commixtæ remanent. Inde flammæ extinctio: quæ non ita confestim succederet, si aeris commercio flamma non careret: vtpote cuius virtute eadem flamma à fuliginibus expurgaretur. Fuliginibus autem retentis flamma suffocatur.

Quod de flamma dictum est, idem de calore nativo in nobis dicendum, qui pro materia ex qua accenditur, sanguinẽ habet, vt loquitur Gal. vel humidum radicale sanguine perpetuò restauratum: à natura item insitum principium motus in vtramque partem sursum, & deorsum possidet, ita vt vno

horum

horum motuum priuatus, altero ex necessitate priuetur. Et ob id ipsum siue respiratione eum prohibeas, siue sanguine, aut proprio nutrimento, statim corrumpitur. Nam & lucernæ flammam tolles suffocando, aut omnino oleo priuando. Simile itaq; inquit Galen. ponito cor funiculo, oleo sanguinem, organo, siue instrumento, oleum & ellychnium continenti, pulmonem; qui circumfusus est forensicus cordi ad cucurbitæ similitudinē. Verum quō tempore respirat animal, assimilaueris ipsum potiùs cucurbitæ perforatæ: ubi verò respiratio cohibetur, in perforatæ, & vndequaq; conclusæ. Quemadmodum itaq; cucurbita perforatæ flammam inter se, seu intra se, per foramen respirantem, extinguere non potest: quæ verò contra conclusa est cucurbita, è vestigio flammam suffocando extinguit; ad eundem modum pulmo arctus, & densus, velut in respiratione cohibita est; extinguit: perforatus & rarus, qualis circa respirationem est, insitam caliditatem conseruat. In huius doctrinæ confirmationem consequuti uè ad propositam iam doctrinam, ait Galenus: Ego verò cum etiam fornacem viderem, ob id quòd perspirationem non haberet, extingui, & postea ipsam aperiri atq; tum multam fuliginem expirare, tum multum purum aerem externum inspirare, atque utroque facto flammam splendorem recipere, non paruam esse ratioecinatus sum expirationis utilitatem ad hoc, ut id, quod veluti fuligo sanguinis est, euacuetur. Fauilla enim, & fumus, & fuligo, & omnis huiusmodi vstæ materiæ superfluitas nihilolongius, quàm aqua, ignem extinguere consuevit. Quare ex omnibus potissimum recipiendi sunt, qui dicunt, insiti caloris gratiâ animalia respirare. Nam & moderatè ventilari utile est, & mediocriter refrigerari. Ambo enim internam caliditatem videntur corroborare; necessariumque est motum habere ad fuliginosum excrementum, ut ita loquar, extra euacuandum, quod à sanguinis vsturâ redundat.

*Optima si-
militudo.*

*Fuligo est
sanguinis
recremen-
tum.*

*Fauilla,
fumus, &
fuligo flā-
mam per-
inde ac a-
qua extin-
guunt.*

Galenus in hac sua sententia ab Aristotele non recedit, qui libro de respiratione cap. 17. tenet, principium vitæ, cor videlicet, deficere, quoties calidum non refrigeratur. Calidum enim roboratur, dum refrigeratur, ventilatur, & à fuliginibus expurgatur, ut ex præcedentibus Galeni verbis, alijsque locis constat.

Ventilatio enim fit dū aer. ope dilatationis attrahitur: hac enim

leui

leui flabellatione fumosæ fuligines, quæ calorem nostrum suffocabant, ab eodem calore aeris commercio temperato, separâtur, disponunturque, vt mox vi potissimum subsequenter contractionis excernantur.

Spirituum generatio.

Hoc solum superest in hac doctrina obseruandum, Hippocratem rectè monuisse, calorem nostrum aeris commercio nutriri, simul & refrigerari: & ab Hippocrate in hoc minimè deficit Galenus; licet refrigerationis, ventilationis, & expurgationis fuliginum gratiâ respirationem fieri docuerit tum locis citatis, tum cap. 5. lib. de vtilitate respir. Quanquam autem sanguinem tenuiorem spiritus vitalis materialem causam statuerit, aerem tamen ad eius generationem concurrere minimè negauit: sanguinem tamen solum, vt præcipuam materiam, lib. illo de vtilitate respirationis cap. 3. proposuit. Capite 4. eiusdem lib. spiritum animale ex aere, inspiratione per nares attracto, generari dilucidè docet. Cap. 5. sequenti eundem spiritum animale aere inspirato ali aut nutriri etiam affirmat; propterea, tamen non negat, eundem spiritum sanguinis euaporatione ad sui nutritionem indigere. Si verò, inquit, & sanguinis euaporatione ad nutritionem animalis spiritus indiget (credibile enim & hoc ipsum est) maximam habuerint sanè animalia, & hanc à moderata caliditate vtilitatem. Et paulò ante, in eodem cap. Necessarium igitur est ex inspiratione per nares potissimam alimenti partem animali spiritui accedere. Atque hoc est, quod ab Hippocrate dicitur lib. de alimento, circa medium: Principium alimenti spiritus, os, nares, guttur, pulmo, & alia spiracula. Rursus eodem cap. hæc habet Galenus: Demonstratum enim est, impossibile esse saluam esse caliditatem citra respirationem. Inspirans namq; & expirans est totum corpus, iuxta Hippocratis sententiam lib. 6. Epidem. sect. 6. Verum id nios alibi demonstrauimus. Moderata autem respiratio omnibus alijs membris per arterias contingit. Cerebro verò, & cordi, duo præcipua adiacent organa, illi nares, huic pulmo. Cæterum, vt pulmo moueretur, thorace opus habuit: & propterea, vt cordi quidem copu-

latus

latus pulmo, primum respirandi organum existit : vt verò à thorace moueatur, secundum.

Hæc omnia exactè in medium protuli, vt ijs ostenderem exsententia non solum Hippocratis, sed etiam Galeni, spiritus vitales aliqua ex parte aere attracto refici, atque nutriri, sicuti animales. Aer enim attractus spiritui commiscetur, & in locum fuliginum expiratione excretarum sufficitur, atque sufficienter eius aliqua portio sanguini spirituofo arteriali commiscetur, alteratur, & in spiritum mutatur : altera verò pars aeris attracti fuliginosum vaporem veluti emollit, separat, & ad expulsionem disponit, eo modo, quo aqua ad panni sordidi expurgationem confert. Cur potius, obsecro, animalis spiritus ex aere, & sanguineo vapore generaretur, quàm vitalis, qui ex aere à igne q; substantiâ potissimum constat, sicuti spiritus insitus? vt lib. 5. nostræ Physiologiæ docuimus: & lib. 3. cap. 8. Titulo de Thorace, ex aere attracto, & vapore sanguinis.

Ad huius rei pleniorē intelligentiam, Galeni verba lib. 7. de Decretis Hippocrat. & Platon. cap. 3. in medium proferamus: Spiritus igitur, inquit, qui in arterijs continetur, vitalis, & est, & dicitur: qui in cerebro, animalis: non quòd substantia animæ sit, sed quòd primum est eius ibi habitantis instrumentum, qualiscunq; substantia postea fuerit. Sicut verò vitalis spiritus, & in arterijs, & in corde, gignitur, materia generationis ex inspiratione, & humorum exhalatione, sumpta: ita animalis ex vitali perfectius concocto oritur; quippe cùm oporteret ipsum exquisitissimam omnium immutationem adipisci. Nam si natura, & semen, & lac, cùm velit exactè conficere, quauis animali sint potestate longè inferiora, diuturnam illis in instrumentis concoctionis moram machinata est: atq; ideirco semini, testibus annexum anfractum: lacti, vasorum ad mammas tendentium longinquitatem præparauit: meritò etiam hic cùm in cerebro è vitali spiritu animale effecere studeat, reticularem hunc contextum, quasi varium quendam labyrinthum iuxta cerebrum fabricauit. Hoc itaque idem membrorum ipsa fabrica præferente, didicimus spiritum hunc animale, neque substantiam animæ, neque domicilium eius, sed primum tantum instrumentum esse: eò quòd cùm ex vulneratione fuerit euacuatus, illicò animal quasi

*Spiritus
vitalis
perde ac
animalis
aere nu-
tritur.*

*Aer in-
spiratus,
& sangui-
nis hali-
tus, sunt
materie
spiritus
vitalis.*

*Instrumē-
ta lactis
& seminis
generatio-
ni dicata.*

*Spiritus
animalis
primum
anima in-
strumentum.*

quasi mortuum collabitur: cùm iterum colligitur, reuiuiscit.

*Vapor, aut
exhalatio
sanguinis
quid.*

Ex his Galeni verbis, & ipsâ rei naturâ, satis constat spiritum vitalem ex vapore sanguineo, & aere inspirato, tanquam ex materia idonea in corde, & arterijs virtute vitali, eidem cordi potissimum insita, generari. Quid per humorum vaporem aut exhalationem, intelligendum sit, diuinare non est arduum: cùm in Galeni scriptis nunc pro arterialis sanguinis vapore siue spiritu vitali, nunc verò pro sanguinis venalis vapore siue spiritu naturali, aliàs pro ipso animali spiritu, accipi passim videamus. Libro 6. de vsu part. cap. 17. spiritum animale, exhalationem quandam sanguinis benigni appellat: Et quidem nomine sanguinis, arterialem intelligit; qui purus esse debet, quòd spiritui animali alimentum sit suppeditaturus. Loco autem cit. de Decretis, idest, cap. 3. lib. 7. pro tenuiori exhalatione sanguinem ipsum arterialem, & vaporem sanguinis venalis, accepit: nam vterque est vitalis spiritus materia. Vnde lib. 3. de facult. natural. cap. 14. ait, omne dilatatum ex vicinis ad se aliquid trahere: ideoque omnes arterias, quæ ad cutem finiuntur, externum aerem, cùm dilatantur, attrahere: eas verò arterias, quæ parte aliqua ad venas se aperiant, quod tenuissimum maximeq; halituosum in ijs sanguinis est, ad se allicere: ac tandem illas arterias, quæ propinquæ cordi sunt, ab illo ipso aliquid haurire.

*Spiritus
leuissimus
secundo loco
halitus;
tertio loco
purus atq;
defecatus
sanguis.*

Pro halitu autem siue vapore, hoc in loco spiritum naturalem intellexit. Galenus. Quippe in successione ad id, quod vacuatur ex arterijs (quod enim euacuatur, partim excrementitium est, vtpote fuliginosum & vaporosum, partim utile) quod leuissimum tenuissimumque est, prius ei, quod vacuatur, succedit; quàm id quod grauius est, & crassius. Est porro omnium, quæ in corpore sunt, leuissimum tenuissimumque, spiritus: secundo loco halitus: tertio gradu, qui planè absolutus, attenuatusque est sanguis. Hæc igitur arteriæ omni ex parte ad se trahunt: quæ quidem ad cutem pertinent, externum aerem, quippe qui vicinus ijs sit, ac quàm maximè leuis. Arteria verò quæ à corde subit ad collum, & quæ inferius per spinam porrigitur, aliæq; arteriæ his vicinæ, ex ipso maximè corde aliquid attrahunt. Quæ verò tum à corde, tum à cute absunt longius arteriæ, quod sanguinis est leuissimum, à vicinis trahant venis necesse est. Cùm enim leuiori corpore arteriæ

teriæ impleantur, & vix graue quidpiam in se transferant, non mirandum, si ex ventriculo & intestinis, non nisi exiguum quid, & quod exquisitissimè in cibo confectum concoctumue est, rapiant. In nostrâ quidem Physiologiâ cum Galeno monuimus, arteriolas meseraicas aliquid confecti chyli in se prolicere: & cum hæ arteriolæ sanguine vacuæ sint, & chylo refertæ, albidæ tumētesq; aliquandiu ab assumpto cibo manent: & cum antea vix, aut nullo modo, apparerent, tunc repletæ manifestantur. Et sunt sine dubio Afelli lactes, seu confictæ ab ipso venæ à meseraicis distinctæ, chyli delationi ad hepar, vt vult, inseruientes. Ex ventriculo autem, & intestinis, tum attrahunt aliquid, tum rursus in has easdem cauitates aliquid vicissim expellunt, teste Galeno lib. de vsu puls. cap. 5. Non mirandum ergo, si, postquàm animal saturum est, & viuit, dictæ arteriolæ tumeant: post obitum, dum nihil ampliùs attrahunt, subsideant, & oculorum aciem effugiant.

Afelli lactes sunt figmenta.

Quod si nobis pro Afello aliquis opponeret, arterias perpetuò, quamdiu homo viuit, pulsare, istas verò venas lacteas nequaquam in istis canibus viuīs apertis motu systole & diastole moueri: responsum in promptu est, exilium arteriolarum motum a nobis minimè percipi, quam reuera moueantur. Sensibilem. n. pulsus non nisi arteriæ notæ magnitudinis efficiunt, vt cuius perito Medico constat.

Dubium diluitur.

Ex hætenus propositis modum generandi omnes spiritus sic accipe. Naturalis spiritus in hepate & venis generatur. Est enim sanguinis venalis aereus vapor. Aer enim modicus ex arteriarum vicinarum, cordis ipsius, septique transversum motu, hepatis & venis communicatur; isque sufficiens, vt ex eo, simul & benigno sanguinis halitu, naturalis spiritus conficiatur. Spiritus vitalis ex prædicto iam sanguinis halitu, & aere, arteriarum dilatatione attracto, in arterijs (arteriæ autem vim pulsandi, & procreandi spiritum, à corde per suas tunicas suscipiunt) gignitur: sicuti in corde ex tenuiori sanguine venali ex vena caua ascendente in cor effuso, & vterius attenuato, vteriusq; cocto, ac aere per os ingresso, & in pulmonibus priùs preparato, conficitur. Spiritus animalis ex aere per os, aut nares inspirato, & spiritu vitali primæ elaborationem, eamq; non leuem, in reti mirabili,

Modus generationis Spiritus naturalis.

Spiritus vitalis generatio.

Spiritus animalis generatio.

seu plexu retiformi, fuscipit, teste Galeno lib. 9. de vsu part. cap. 4. vbi plenè huius plexus retiformis, quem admirabilem vocat, naturam exponit: aitque spiritum diutissimè in eodem plexu de-
tentum, vt sic meliùs conficiatur, in cerebri ventriculos incide-
re, in ipsoq; cerebro magnam eiusdem spiritus copiam contine-
ri; præcipuè tamen in cerebello, vt affirmat Galen. lib. 8. de vsu
part. cap. 13. dum inquit: Postea verò quàm in toto cerebri cor-

*Per cere-
bri corpus
animalis
Spiritus
diuaga-
tur.*

*Spiritus
animalis
per me-
dullarem
& veram
nerui sub-
stantiam
ad partes
corporis
diffunditur
Dua me-
brana a
meningi-
bus nervis
concessa,
nō sunt de
natura
aut sub-
stantia ner-
uorum.*

*Dubio oc-
curritur.*

pore, non in solis eius ventriculis (quemadmodum alibi de-
monstrauimus) spiritus animalis multus continetur, existimare
oportet plurimum etiam in cerebro posteriore ipsum contineri,
vt quod omnium, qui in totum corpus distribuuntur, neruorum
futurum erat principium; mediaque illa interualla, quæ partes
eius connectunt, spiritus esse vias. Qui quidem spiritus, tan-
quàm sensus, & motus instrumentum, aut facultatis animalis
delator, per neruos ad vniuersum corpus descendit, teste Gale-
no, lib. 7. de Decret. Hippocr. & Platon. cap. 3. Cùm igitur, in-
quit, nerui à cerebro, cerebrumque operientibus membranis o-
riantur, per interiorem partem, quæ à cerebro exit, sensus &
motus omnibus animalis membris suppeditatur: reliquæ duæ
exteriores à membranis cerebri progerminantes, idem officium
neruis exhibent, quod ipsæ membranæ cerebro præstant: Vnde
quamuis vtrasque neruo detraxeris, nullam noxam contrahet
membrum id, quod neruus pertingit. Idem fiet etiam cerebro
vtrisque membranis denudato. &c.

In plexu choroide, seu retiformi, de quo nōs libro 3. nostræ
Physiologiæ, Titulo de Cerebro, spiritum animale confici, non
omniñò ineptè aliquis diceret, iuxta Galeni doctrinam lib. 9. de
vsu part. c. 4. & alibi. Verum qui attentius Galeni doctrinam
scrutabitur, faciliè nobiscum consentiet, spiritum animale in
ipsis cerebri ventriculis completè perfici. Huius rei testimonium
habetur lib. 7. de decret. Hippocrat. & Platon. c. 3. Cōsentaneū
igitur rationi est, spiritum hunc in cerebri ventriculis oriri; atque
idcirco eò coire, & arteriarum, & venarum non paruiam multitu-
dinem, ex quibus videlicet plexus illi existunt, qui choroides à
secundarum similitudine appellantur: atque ipsum eundem spi-
ritum esse primum animæ instrumentum. Magis quoque in eam
sententiam inducereris, vt crederes, spiritum hunc ibi generari,
vasis,

vasis, ac præcipuè arterijs, ipsum in cerebro cauas expirantibus, si reticularem contextum animaduertes: qui ex ijs, quæ in caput pertinent, arterijs conficitur: cùm primùm caluariam transgressæ ad ipsum cerebri fundamentũ siue basim, sic enim appellant, concurrerint. Plura ibidem apud Galenum videre poteris.

*Plexus re-
tiformis.*

Ceterùm hoc in textu non tam in ventriculis cerebri, quàm in plexu mirabili, spiritum animale procreari affirmat Galenus.

Quare ad manifestiorem eius prolationem lib. 7. de Usu Part. c. 8. accedendum, ubi seriem generationis spiritus vitalis, & animalis, proponens, hunc in ipsis cerebri ventriculis absolute generari hac viâ docet: Cæterùm spiritus, qui ab asperis arterijs extrinsecus trahitur, in pulmonis quidem carne primùm conficitur, postea verò in corde, atque arterijs, & ijs maximè, quæ in plexu sunt retiformi, vltimùm ac perfectissimè in cerebri ventriculis, ubi uti-

*In cerebri
ventricu-
lis spiritus
animalis
generatur.*

que & animalis spiritus primùm exactè efficitur. Paulò post docet, pulmonis carnem aerem attractum concoquere. Capite 9. sequenti de pulmonis dilatatione agens, inquit: Nam quod pulmonis carnem mollem, foraminulentam, ac spirituofam fecit, ut externum aerem concoquat, quem familiare spiritui animali alimentum futurum provideat, admirari eam par est. Hic enim de præparatione aeris concurrentis rursus ad generationem spiritus vitalis loquitur Galenus, nõ verò de aere immediatè concurrente ad cerebrũ per os cribrosum, vi inspirationis, ex quo simul & spiritu vitali, animalis spiritus immediatũ conficitur, de quo ipse lib. 2. de usu part. c. 7. Licet enim ex spiritu vitali plenè alterato in plexu mirabili animalẽ fieri affirmet Galenus, sepè tamẽ, ut ex quibusdã supra citatis locis constat, affirmavit eundem spiritum animalẽ externo aere nutriri. Porro si non esset spiritus animalis aereã substantiã vitali dilutior, vix ab hoc distingueretur, nec ætheream, fluidamq; ac penetrabilem adeò naturam sortiretur: cùm tamen cõtrariũ Galenus ubiq; asserat. Libro autem 9. de usu part. c. 4. dum animã rationalem in cerebro habitare, & per hanc partem nos ratiocinari affirmat, in eadem cerebri substantia plurimum spiritũ animalẽ contineri ait: qui spiritus ex coctione, quã in cerebro accepit, qualitatis quandã proprietatem adeptus est: id est, aliquid acquisiuit, quo ab alijs distinguitur. Cõmẽtario denique 4. in lib. 6. Epidem. docet spiritum animale luminoso-

*Spiritus
animalis
est luminosus.*

Nervi optici cavi: eorundem ortus.

sum à cerebro ad oculos proficisci. Libro etiam 16. de vsu p. c. 3. dum nervos opticos sensibiliter cauos esse affirmat, ait, seipsū lib. 13. de demonstratione (quod opus desideratur) probasse visū instrumentum habere spiritum splendidum assidue à cerebro affluentem. Proinde opticoꝝ neruorum fabricam summo perè admiratur: de quibus ideò ita loquitur. Cavi enim intus fuerunt, quo spiritum reciperent, sursumq; ad cerebri vsque ventriculum ob eandem causam pertigerunt: vbi enim exterior ventriculus vterq; definit ad latera, illinc nervi optici exoriuntur, ipse ventriculorum veluti thalamus, propter illos nervos extitit. Propter hanc Galeni doctrinam, aliaq; quæ cit. iam cap. habentur, in nostra monuimus Physiologia, à cerebro procedere septem neruorum paria, quæ sensibus communiter inserviunt. Videntur quidem verè ab ipso cerebro immediatè dependere, quanquam multis Anatomicis placuerit ea à cerebello propendere, vt ex inuerso cerebri situ, vt aiunt,prehenditur.

Respirationis duplex vsus.

Necessariò hæc de spirituum generatione produximus, vt circumfusi aeris necessariū in nobis vsum ad vitæ propagationem demonstraremus. Aeris porrò frigidiusculi commercium, liberum fit atque familiare mediantibus respiratione, & transpiratione: quibus dum animalia priuantur, & præsertim respiratione, repentè intereunt, monente Galeno lib. 7. de vsu part. cap. 9. & lib. de vsu puls. cap. 1. vbi inquit: Nam respirationem si cui adimas, illicò mortem afferes. Primarius ergo respirationis vsus, est caloris natiui conseruatio: Secundarius, & minùs præcipuus, est spiritus animalis nutritio, teste Galeno lib. 7. de vsu partium c. 9. & lib. de vsu pulsuum cap. 2. quo vltimo loco, veluti sequenti c. 3. docet, pulsus præstare talem vsum toti corpori, qualem respiratio cordi: Ergo, inquit, cū hoc iam demonstratum sit, nihilque iam aduersari videatur, quo minùs vnus respirationis, & pulsuum vsus sit, facile promptumque collectu arbitror caloris in quaq; parte custodiendi causâ pulsus esse conditum. Itaq; quod ex respiratione vni præstatur cordi, id ex pulsui calori illi, qui in toto est animali, accedere: communem autem vtriusq; esse, & animalis spiritus nutritionem, verū arteriarum magis propriâ. Quoniam igitur in his, quæ de respirationis vsu tradidimus, monstratum nobis est, calorem per immixtum spiritum refrigerari,

cum-

eundemq; per emissum hunc veluti purgari, fumido scilicet excremento expulso, ambos verò ad eius custodiam vtile aliquid cōferre, patet arbitror, & quod de pulsu dicendum erit: nempe in diastole siue sublatione arteriæ substantiam quampiã attrahi: in systole. i. submittenda arteria, quod ex horũ deustione in toto animali contractũ, velut fumida superfluitas est, id expelli. Hęc Galenus, qui primis capitibus lib. de vsu puls. paritatẽ transpirationis & respirationis in cōseruatione caloris natiui, & obiectiones contra hanc paritatem excogitatas, doctissimè inuestigat.

Mòdum, quo singularum partium calor vsu pulsus conseruatur, proponit Galenus lib. cit. de vsu puls. cap. 5. vbi docet, arterias cum singulis partibus corporis quandam obseruare contiguitatem, vt earundem partium calorem conseruent. Quoniam Galeni verba plurimũ profunt, ea sic accipe: Numerosi in arterijs meatus, partim veluti spiramenta in earum sunt tunicis, partim osculorum specie in intestina, & ventriculum, & exter-nam hanc cutem finiuntur. Quin etiam continuata tum sibi, tũ verò cordi, maximis scilicet meatibus, vel potius vniuersis suis capacitatibus, sunt: Venis verò non perinde magnis meatibus, sed ipsarum quidem synastomoses sensum nostrum effugiunt. Vnde, si ipsis, ceu parum constantibus, meritò fidem abroges, per alia certè, quæ veteribus sunt prodita, eos esse credas, neque in postremis ex hac rei euidentia. Siquis namque accepto animali quouis ex ijs, quibus amplè manifestæq; venæ & arteriæ sunt, veluti boue, sue, asino, equo, oue, vrsõ, simiã, pardali, homine ipso, vel similiũ aliquo, magnas multasq; illi arterias vulneret, vniuersum animalis sanguinem per eas exhauriet. Huius rei periculum subinde fecimus: & cùm semper vacuatas cum arterijs venas deprehendissemus, verum esse dogma de cõmunibus arteriarum & venarum osculis, & communi de vna in alteram per ea transitu nobis persuasimus. Quippe per hos transitus arteriæ dilatatæ ex venis trahunt, contractæ contra, in eas regerunt. Sicuti nimirum per ora, quæ in cutem finiuntur, quicquid halituosum fumidumue excrementum habent, id excernunt. Recipiunt autem ex circumdato nobis aere non exiguam in se portionem. Atque id est, quod Hippocrates lib. 6. Epid. sec. 6. foras introque spirabile totum corpus dixit. Pari modo ex

*Experien-
tia proba-
uit Gal.
dari ana-
stomoses
venarum
& arte-
riarum.*

ventre

*Arteria
cum om-
nibus par-
tibus com-
mercium
habent.*

ventre, & intestinis tum attrahunt, tum rursùm expellunt: itidem & per tenues meatus, quos veluti spiramenta per totas habent tunicas, ex circumpositis spatijs vicissim trahunt, atque expellunt. A corde verò ipso accipiunt quidem plus, sed reddunt minùs. Causa in his membranis est, quæ in earum superna nascuntur parte.

Oratio hæc per se clara est: Ultima itaq; verba notanda sunt, quibus videtur Galenus significare, aliquid, licet minimum quid, ex arterijs, dum constringuntur, in cor refundi, quamvis plurimum obstant membranæ claudentes aortam seu magnam arteriam in sua origine & exitu extra cor. Verisimile tamen est, ianuam illam non esse ad vnguem clausam: cùm tempore necessitatis profuit aliquid ex arterijs in cor transfundi, quemadmodum continuò in reliquas omnes partes, dum constringuntur, aliquid transmittunt. Quod attinet ad vltiorem vtilitatem anastomoseos venarum & arteriarum, videas, si vis, quæ habet Galenus lib. 6. de vsu part. cap. 17. aduersùs Erasistratum. Eruditissimè denique, suo more, lib. 9. de vsu part. cap. 4. de plexu illo retiformi atq; mirabili, spiritum vitalem exactè præparante, vt ex hoc, & acre attracto, spiritus animalis generetur, discurrit, sicuti de venis per cerebri membranas dispersis. Totum enim cerebrum, inquit, ijs arterijs (ex quibus scilicet plexus retiformis constat) multipliciter diuisis est pertextum, multaq; ipsarum diuisiones in ipsius ventriculos desinunt; quemadmodum & venarum ex vertice ipsius descendentium: ex oppositis .n. locis arterijs occurrunt, & in omnes, quo modo arteriæ, cerebri partes, atque adeo in ipsos ventriculos distribuuntur. Porro, quemadmodum in ventriculum, atque intestina, arteriæ, & venæ quâ plurimæ perueniunt, bilem quidem, ac pituitam, reliquosque id genus humores, in externam capacitatem effundentes, sanguinè autem, ac spiritum vitalem intra seipsas retinentes: pari modo in cerebri ventriculos venæ similiter excernunt quidem superflua, sanguinem autem retinent, arteriæ verò spiritum maximè omnium respirant: hæc namque fursù in cerebrum ab infernis partibus feruntur, venæ autem ex vertice in ipsum descendunt. Quod admirabili quodam artificio à natura fuit comparatum, vt, quæ ex ipsarum orificijs elabuntur substantiæ, totum cerebrum permeent.

*Optima do-
ctrina, vt
rectè perci-
piatur mo-
dus quo è
cerebro in
subiectas
partes hu-
mores de-
labuntur.*

Plu.

Plura aliâ notatu digna cit. c. & sequenti c. 5. de venis & arterijs Galenus narrat.

Vt hæc de caloris nativi extinctione, & conseruatione, doctrina claudatur, pro certo statuendum, respirationem, aut transpirationem, omni animali, vt eius calor nativus seruetur, necessariam esse: imò ipsæ plantæ transpiratione, vt sæliciter crescant, egent. Metalla etiam ipsa, lapides, & similia, si expiratione quâdam nō egeant, refrigerationem saltem mediocrem expostulant. Quidquid enim calidius actu est, maiori eget respiratione, quia *Qui maiori respiratione egent.* copiosiori eget aere. Vnde pueri, quàm puberes, maiori frequentiorique respiratione, quia calidiores, opus habent. Senes quidem paucissimè omnium respirant; quia eorum calor non est copiosus: frigida enim sunt eorum corpora; quare parvam raramque respirationem edunt. Qui febrili calore aestuant, aut corpora plurimum exercent, magnâ, veloci, ac densa, seu frequenti respiratione egent. Temporibus calidis, quàm frigidis, respirationis necessitas magis vrget. Cæterum, parum, & frequenter respirant, qui cibum acceperunt, ac biberunt, ob septi transuersi coarctationem, etiam si caleant. Sic & prægnantes: In aqua, etiam inter cutem, & in hepatis inflammationibus, ventrisque, ac splenis, consimiliter respirant propter eandem causam.

Raritas immodica, causa frigiditatis.

Quarta intemperiei frigida causa, est raritas, quæ ubi adest manifestè, ob leues etiam occasiones nocet. Ex corporibus enim immodicè rarefactis magna copia triplicis substantiæ, & præsertim calidi innati, in ambientem aerem resoluitur, discutitur, atque dissipatur. In grauissima idè mala, propter violentum exercitium, aut immodicam euacuationem quouis modo factam, incidunt illi qui raro corporis habitu præditi sunt. In talibus quidem corporibus raris non rectè cohibetur nativus calor: quare hoc impensè euacuato, corpus necessariò frigidius redditur.

Galenus lib. de Caus. morb. cap. 3. docet raritatem, vel constipationem in toto corpore, aut in aliqua eius peculiari parte fieri. In vniuerso corpore nimia raritas contingit propter circumfusi

*Raritas
fit in uni-
uerso cor-
pore, vel
in parte.
Raritatis
causa.*

*Constipa-
tionis
causa.*

*Ligatu-
rarum ef-
fectus.*

fusi aeris æstus, vel ob balneum calidum, vel ob gaudium, aut exercitium, vel laborem immodicum, vel propter sudorificam fortia, aut quid simile. Pars aliqua ope medicamentorum resoluentium, & humores fundentium, rarefit. Talia remedia sunt calida & sicca, ac tenuium partium. Constipatio similiter vniuerso corpori accidit ex usu balnei aquæ frigidaë, vel aluminosæ, aut ob aeris immoderatam frigiditatem. Ob has easdem causas pars aliqua constipari potest. Imò sicuti totum corpus plenitudine præsertim arteriarum constipatur, sic partes ipsæ simili plenitudine laborantes constipantur, vt in partibus gangræna laborantibus quotidie experimur. Pars enim aliqua inflammata adeò sanguine repletur, vt omnes eius meatus, tum parui, tum magni, protinus constipentur; inde caloris natiui partis suffocatio, ac tandem gangræna, & integra partis mortificatio, quæ sphacelus dicitur. Est enim gangræna partis mortificatio in fieri, sphacelus in facto esse. Pars denique arcto vinculo ligata, frigida euadit; quia caloris fluentis, seu spiritus vitalis commercio, ob ligatas arterias, destituitur. Ligaturæ ideo manuum, pedumque diu detentæ, extemitatum mortificationem non raro intulerunt.

Otium causa frigiditatis.

Quotidiana experientia docet, homines immodico otio indulgentes, frigidiores fieri, & quia calor eorum natiuus non debite ventilatur, & quoniam pituitosi humoris prouentus in ijs congeritur, qui rursus corpus ipsum magis magisque refrigerat. Ideoque otium dicitur quinta causa intemperiei frigidaë.

Motus immodicus causa frigoris.

Diximus cum Galeno, motum fortem esse causam caloris: nunc cum eodem Galeno affirmamus, motum vehementissimum, aut prolixissimum, licet non violentissimum, esse intemperiei frigidaë causam; quia in tali motu meatus omnes habitus corporis immodice aperiuntur; ideoque calor natiuus per eos copiose euacuatur: quare partes calore na-

tiuo destitutē in frigidam intemperiem necessariò incidunt. Quā-
re motus immodicus, aut violētia, aut longitudine, rectè sexta
intemperiei frigida causa statuitur.

Sed Galeni præcipuus censor Argenterius contra expositam
Galeni doctrinam suo more garrit: & ait primò, præter proposi- *Obiect. 1.*
tas à Galeno causas intemperiei frigida, alias admittendas: vt
magnā copiam crudorum, pituitosorumq; humorum in corpore
congestorum, qui rursus corpus ipsum refrigerant.

Respondeo, pituitam, & crassos humores, ad vicinas res frigi- *Solutio.*
das reuocari: aut, si uis, ad materiam frigidam.

Secundò obijcit, Corpus refrigerari propter immodicam ali- *Obiect. 2.*
quam euacuationem. Experimur enim, magnam sanguinis e ua-
cuationem corpus aliquando adeò refrigerare, vt mors, aut mor-
tis periculum succedat: aliquoties verò ex tali euacuatione hy-
drops, morbus frigidus, oritur.

Respondeo, euacuationem illam immodicam sequi ad immo- *Solutio.*
dicam raritatem, aut apertionem ductuum.

Obijcit tertio, malè raritatem, & motum, enumerari à Galeno *Obiect. 3.*
inter causas intemperiei frigida, cum etiam siccam intemperiem
inducant.

Respondeo, hanc obiectionem, vt reliquas, esse nimis imper- *Solutio.*
tinentem, & nullam vim contra Galenum habere. Nam licet im-
modicus motus, & raritas, siccitatem inducant, id non impedit
ne frigiditatem inferant. Præterea Galeni doctrinam lib. 7. meth.
c. 7. ignorabat Argenterius. Scire autem licet, inquit Gale-
nus, solidorum corporum siccitatibus, si perdurent, succedere
necessariò frigiditatem. Siccitas ergo frigiditati non repugnat.

Obijcit quartò, asperæ arteriæ constipationem non inducere *Obiect. 4.*
intemperiem frigidam, sed mortem.

Respondeo, dictam constipationem esse causam frigiditatis, *Solutio.*
& mortis simul. Mors enim ipsa frigida dicitur, iuxta illud O-
uidij.

Stulte, quid est somnus, gelidæ nisi mortis imago?
Calor .n. cordis in dicta constipatione trachæ arteriæ statim suf-
focatur; quia non euacuatur fuligines, nec calor natiuus ampliùs
refrigeratur. Calor enim cordis, cum copiosus extet, copioso eget
aere, tum vt refrigeretur, tum vt à fuliginibus expurgeretur. In

suspensis itaque, ob hunc defectum, cor nigellum percipitur, quia fuligines retentæ eius substantiæ hæserunt, eodem pacto, quo flammæ extinctæ fuligines cucurbitæ Medicæ appositæ parti corporis interiùs adhærent: ob quas non rarò cucurbitæ sciuntur nigricantes aliquialiter percipiuntur.

CAPVT VII.

De Causis Intemperiei sicca.

Non tam clarâ methodo intemperiei sicca causas exposuit Galenus, ac intemperiei frigida, & calida. Capite 4. lib. de Caus. morb. ait, siccam intemperiem sequentes ob causas introduci. Igitur, inquit, si aliquis plurimum quidem transpiret, sed parcè nutricetur, idque alimentis, quibus siccandi facultas est, is facilè ad siccum morbum perducetur, idque maximè, si solitudine, vigilijsque torqueatur. Idem aeris nos ambientis sicca constitutiones animantium corpora aridiora reddere solent. Sic etiam aquæ, vel nitri, vel sulphuris, vel aluminis, vel bituminis, vel alterius id genus qualitatis naturam sequentes, si quis in ipsis natauerit. Item medicamenta, quæ exiccandi habent potentiam, si deuorentur ad interna, siue extrinsecus adhibeantur, ipsa quoque exiccant. Atque de his amplius dictum est in opere de medicamentis. Hæc Galeni verba interprete non indigent: Prima sola, explanatione quadam egent. Quando ait, corpus exiccari quod plurimū trāspirat, intelligit corpus exiccari, ex quo, seu ex cuius habitu per cutis poros in circūfusus aerē transpirat, seu euacuatur, atq; resoluitur triplex nostra substantia, spirituosæ, humoralis, & solida: Talis euacuatio, effluxus, seu effluuium triplicis substantiæ, interni caloris, & aliquando externi ope factū, dicitur, vt plenius in nostra Physiologia cum Galeno demonstrauimus. Cū autē sicci morbi introductio fiat propter perennem humidioris substantiæ totius corporis, aut alicuius peculiaris partis, absorptionē, quoties aliquis plurimum triplicis substantiæ per habitum corporis transpirat, necessariò exiccabitur: & maximè quidē, si nullo cibo, vel parco, eoque sicco, utatur alimento. Dum. n. in locum triplicis substantiæ, quæ per cutem co-

Exponi-
tur Gale-
nus.

piosè trāspirauit, & effluxit, sufficiens alimentū non succedit, corpus necessariò exiccabitur. Alimentū non est sufficiens, si parcum est, & siccum. Dum parco homines vtuntur alimento, fame laborant: fames autem exiccat. Vnde Hippocrates 7. aphorif. 59. *Fames corpora exiccabit.* Corporibus humida carne præditis imperanda fames est: nam fames ficit corpora: & præsertim, si frequenti, aut iugi motu, vel labore corpus exerceatur: tunc enim copiosissimè corpus trāspirat: quare præcipit Hippocrates lib. 2. aphorism. 16. Vbi fames, laborandum non est. Et rectè quidem hæc pronunciauit; quia fames, & motus, aut labor, sunt duæ distinctæ causæ siccitatis. Corpora enim transpirant, seu plurimum triplicis substantiæ per cutis poros amittunt; vel quia multo labore, vehemē-rique agitatione vexantur, vel quia immodica Venere vsa, vel quoniam naturaliter sunt raræ constitutionis. Nimius quidem labor, aut motus, cutis poros immodicè aperit; his apertis humida substantia, quia vaporosa, facilè resoluitur. Aliquando corpora quædam occurrunt rarissimæ constitutionis & texturæ: quæ ideo copiosè per cutem euacuantur. Pueri ratione ætatis rarissimo corporis habitu sunt præditi: sunt enim molliusculi, quia à semine, & sanguine, principijs suæ generationis, non sunt multum remoti. Quare tum hi, tum alij omnes, qui raro corporis habitu præditi sunt, frequentius nutriendi, quàm illi qui densum durumq; corporis habitum naturaliter obtinuère, aut laborum adminiculo acquisierunt, ni hi biliosissimi fuerint. Aer denique calidus poros cutis aperiens, non exiguā molitur euacuationem.

Quod attinet ad alimenta sicca, siue parcè, siue copiosè assumantur, magnam habent exiccandi vim. Talia sunt salsa quæuis, & amara, acria, & acerba; quibus adde acuta.

Vt vniuersa hæc doctrina de causis morbi sicci illustrior euadat, præsupponere debemus, corpus nostrum quadrupliciter exiccari, teste Galeno lib. 7. Meth. med. cap. 5. in fine, & cap. 6. in principio. In hoc autem tres siccitatis species enumerat, quarum prima est, quæ nascitur ex absorptione humoris existentis in proprijs exilibusque arterijs, venisq; cuiusque partis. Secunda siccitas prouenit ex absorptione propriæ humiditatis, qua quæuis pars nutritur, & ros nuncupatur. Tertia siccitas est illa, quæ prouenit ex colliquatio-

*Siccitatis
quatuor
gradus.*

ne tertij humoris concreti, qui adipem, & carnem complectitur. Quarta siccitas, est amissio quartæ humiditatis solidarum partium, quæ humiditas, radicalis, & connata nuncupatur.

*Quattuor
classes car-
sarum sa-
lubrium,
aut insalu-
brium.*

*Aer sic-
cus, exic-
cat.*

*Alimenta
exiccata*

Denique quatuor capita, ad quæ salubres, aut insalubres causæ, præsertim manifestæ; reuocantur, ex Galeno cum sui temporis plerisque Medicis, lib. 1. de sanit. tuen. cap. 15. & ultimo, in medium reuocanda sunt. Hæ communiter his terminis nuncupantur: Admouenda, educenda, facienda, & extrinsecus incidentia. Admouenda, quæ ab alijs sumenda dicuntur, sunt ea omnia, quæ per os assumuntur. In hoc celsu non vltimum locum obtinet aer, qui continuò inspiratur: quiq; vigentibus ardoribus, corpora exiccat inspiratus. Aer etiam quorundam locorum, ratione aspectûs ad Orientem, exiccandi vim habet, qualis est aer ille apud Tabias in Regno Neapolitano, & à Galeno ad vlcera pulmonum curanda, summoperè commendatus lib. 5. Meth. med. cap. 12. Alimenta denique sicca siccam intemperiem inducunt: cuiusmodi sunt falsa, acria, amara, austera, ac acerba. Salsa enim sicca sunt, veluti acria, amara, & acerba. Quædam his qualitatibus destituta exiccandi vim habent, vt caro leporina, ceruina, & alia quævis animalium, quæ in locis siccis degunt. Inter legumina, faba, cicer, lens, & similia: Plantæ multæ, vt brassica, beta, hyssopus, thymus, mentha, & consimiles. Inter falsa alimenta, sunt caro falsa, piscesque saliti: qui, si immodicè affumantur, corpus exiccant, & siccam scabiem inducunt. Inter acria, sunt allium, capa, porum, piper, sinapi, caryophylli, zinziber, nasturtium, & alia huiuscemodi. Inter amara, sunt aloë, absynthium, & similia. Siccant enim quæ amara sunt, immodicè, vt inquit Galenus lib. 7. Meth. med. cap. 7. de vinorum natura loquens. Inter austera, sunt mala cydonia seu cotonea, pyra quædam, sorba, mespili. Acerba, sunt fructus plerique immaturi. Memineris enim velim; tum eorum, quæ in ægris es contemplatus, tum quæ in opere de medicamentis es edoctus, nempe acerbam qualitatem suâ quidem ipsius virtute, & refrigerare & siccare. Libro quidem 7. Meth. med. cap. 6. austerorum ciborum, & potuum vsum in ventriculi siccitate plurimum improbat.

Aci-

Acida etiam quævis, quia humores fundunt, exiccant; & maximè *Acida exiccant.*
 omnium acetum, quod potenter macerat, & exiccatur crassiora,
 quævis pinguioraque corpora. Acuta denique, & calida etiam, *Acuta ve-*
 cuiusmodi sunt vina generosa, & præsertim vetera, non leuè *pinum ve-*
 exiccandi vim habent. Immodicè quidem calida etiam si humi- *tus, & ge-*
 ctandi vi prædita sint, vehementer exiccant, teste Gal. lib. 7. *nerosum,*
 Meth. med. cap. 7. Itaque, qui generoso vtuntur vino, & præfer- *ac similia*
 tim manè, calidiores siccioresque euadunt. Noui quidem *exiccant.*
 quosdam agros, qui, vt vires post quasdam prolixas ægritudi-
 nes resarcirent, vippam ex vino maluatico liberaliter manè ie-
 iuno ventriculo capiebant, demùmque superstes vinum post
 comestam vippam (id est panem vino tinctum) superbibebant:
 & ex tali vsu facti sunt macilenti, & multò sicciores quàm an-
 tea. Ad sumenda, reuocantur medicamenta quævis exiccandi
 facultatem habentia. Potus similiter, & omnia quæ per os ingre-
 diuntur. Ciborum etiam penuria ad sumenda reuocatur. Tri-
 plex enim substantia inedià resoluitur, sed non resarcitur; inde
 siccitas. Sitis pariter ad sumenda reducitur. Siccitatem n. & hæc *Sitis cor-*
 efficit; quia, quando homo sitim patitur, calor absorbet humidita- *pus exic-*
 tem quandam serosam singulis partibus inspersam, cuius mu- *cat.*
 nus est, vt aiunt, natiuam humiditatem conseruare: serosa illa,
 humiditas naturaliter ex aqua, aut aqueo liquore à nobis hau-
 sto, restaurari solet. Quia verò vrgente siti nō restauratur cor-
 pus, necessariò exiccabitur, & in discrimen trahetur. Nam calor
 natus tunc acrior redditus humidum radicale facillimè depo-
 pulatur, & accendit. Hinc liquet, præhumidis corporibus
 sitis tolerantiam prodesse; quia omnis superflua humiditas sic
 absorbetur: maximè verò si aquæ fuerit naturæ.

Aliæ siccitatis causæ, facienda dicuntur: id est, multa quæ fa- *Exercitiū*
 cimus, humiditatem absumunt, aut dissipant, & sic corpus exic- *exiccatur.*
 cant. Immoderata ergo exercitia siccitatem corpori conciliant;
 quia corporis habitus tunc rarefcit, pori aperiuntur, & hinc tri-
 plicis substantiæ non leue dispendium: nam hæc per cutem copio-
 sè resoluitur. Immoderatus Veneris vsus etiam corpora exiccatur, *Immode-*
 & aliquoties adeò, vt ad tabem deducat, siue marasmū, & tan- *rata ve-*
 dem ad exitium; quoniam humores & spiritus copiosi per penem *nus exic-*
 euacuuntur, imò per habitum corporis, ratione motus. Præterea *cat.*

*Frictio for-
tis.*

ratione imbecillitatis facultatum vix alimenta coquuntur, partes corporis ideo parçè nutriuntur. Corporis frictio fortis siccitatem causat; quia multus spiritus, vnà cum alijs substantijs, per habitum corporis rarefactum resoluitur, atque dissipatur.

*Ex facien-
dis.*

Animi

passiones.

Ex faciendis sunt animi passiones, siue pathemata, seu perturbationes, quæ corpus nostrum potenter alterant, & à naturali statu auertunt, teste Galeno lib. de Arte Medicinali cap. 85. Curæ autem, & sollicitudines, spiritus continuò agitant, calefaciunt, & consumunt: ac vigilias immodicas fouent, in quibus calor natius extra corpus, vnà cum tenuior i humidiorique substantia, præter modum rapitur, atque euacuatur: Partes eiusdem corporis malè nutriuntur, quia omnes facultates labascunt: citò ideo vi vigiliarum corpus exiccatur. In irâ similiter spiritus copiosè resoluitur, humores feruidi corpus calefaciunt, rarefaciuntque; proinde hoc motu iræ corpus nimium languescit, & exiccatur. In metu, & mæstitiâ corpus etiam exiccatur, tum ob vigilias, tum quia partes corporis parçè nutriuntur, eò quòd sanguis tenuior, & spiritus in corde, ad quod tunc recurrunt, conculcantur, fumidi, & acres redduntur: Et sic partes corporis influente spiritu parum fotæ, parcissimè nutriuntur, ideoque sicciores euadunt.

Tertia siccitatis causa, est id quod extrinsecus incidit, suntq; ea omnia quæ corpori foris admoventur, aut apponuntur, aut occurrunt, siue spontè naturæ, siue arte idem corpus contingant. Quod spontè naturæ, & necessario corpus attingit, est aer, ad cuius dispositionem disponimur; vti docet Galenus lib. 3. de locis affect. Comment. in lib. 1. Epidem. & lib. 2. Crisib. Siccus ergo aer corpora potentissimè exiccat. Proinde humidis morbis curandis æstas remedio est. Quæ consultò, vel per accidens corpus contingunt, & rursus exiccant, sunt vnguenta, pulueres, & confimilia medicamēta siccandi vim habentia: Balnea ex aquis medicatis, vt aluminosis, sulphureis, nitrosis, bituminosis, & ferreis.

Quarta siccitatis causa, educenda dicitur. Educenda, in plurali, dicuntur ea omnia, quæ extra corpus euacuari debent. Humor ergo biliosus, calidus & siccus, humorque melancholicus siccus frigidusque, & austerus, aut acidus, detenti corpus exiccant. Si denique ea, quæ euacuari non debent, immodicè euacuentur, corporis siccitas accidit. Vnde in dysenteria, diarrhæa,

& lien-

& lienteria, aut immodico vomitu, corpus macrum, siccumque redditur: quia eius partes parcissimè nutriuntur, cum tamen plurimum substantiæ illa copiosa euacuatione deturbetur.

CAPUT VIII.

De Causis Intemperiei humidæ.

Intemperiei humidæ causæ, perinde ac intemperiei siccæ, ad quatuor præfata capita reuocantur: Sumenda nimirum, facienda, admouenda, & educenda. Sumenda, sunt aer humidus: Alimenta quæuis humectandi vi prædita, & copiosè sumpta. Potus plurimus, sed præcipuè lactis, aquæ hordei, aut communis, vel medicatæ, vt violarum, lactucæ, malug, borraginis, & similibiū. Facienda, sunt vita otiosa & ignaua, prolixus somnus, mollis educatio, & animi tranquillitas. Admouenda, sunt aer humidus, crebra in balneis aquarum dulcium, aut olei, cōuersatio aut natatio, præsertim statim à cibo. Galenus autem lib. de Marasino, in fine ait, balnea adhibita huic, qui nuperrimè cibos ingessit, crudis humoribus corpus implere. Ratio in pròptu est, quia vi balnei pori aperiuntur, & habitus corporis laxatur, & quiuis humor, ac spiritus, ad habitum corporis contendit; ideoque cibi assumpti portiones adhuc crudæ in venas veluti rapiuntur, ex quibus probus sanguis nunquam conficitur. Cibus ipse iam ingestus in ventriculo malè concoquitur, ob defectum caloris ad habitum corporis, & rursus ad aerem circumfusus summa cum perniciousitate diuagantis. Propter vsum ergo intempestiuum balnei, humores crudi, adeoque frigidi & humidi, in corpore accumuluntur, ipsumque humidius necessariò reddunt. Ex admouendis, sunt olea, vngueta, balnea artificiosa, & alia quæuis corpori adhibita, & vim humectandi habentia. Quarto loco, sunt educenda: Si enim humores pituitosi, aquosiq; in corpore diuurniori tempore, quàm par est, detineantur, ipsum siue dubio humidius reddent: hydropem aliquoties, alias paralyzin inducēt. Immo, si contingat calidos humores, vt sanguinem, & bilem, copiosè euacuari, corpus refrigeratum sæpissimè humectatur, quod non rarò accidit ijs, qui copiosam hæmorrhagiam, aut

*Sumpta
quæ humi
dam intē
periem pū
riunt.*

Facienda

*Admouē
da extrin
secus.*

*Balnei v
sus, statim
à cibo na
cet.*

*Educen
da.*

per

per nares, aut per hæmorrhoidas, aut per vuluā, passi sunt: multi enim consimiles in hydropem, & quidem anasarcam, incidunt.

CAPVT IX.

De Causis Intemperiei compositæ.

Probè percipienti discussas hætenus intemperierum simplicium causas, non erit operosum causas intemperiei compositæ comprehendere; siue hæc intemperies ex qualitatibus non contrarijs, siue contrarijs resultet. Itaque causa coniugata coniugatam intemperiem efficit: vt caryophyllus, cinnomum, piper, Zinziber, caro salita, & cætera huius naturæ calida siccaque alimenta, aut remedia, paulò copiosè assumpta, calidam siccamque intemperiem inducunt. Frigida verò & humida ex aduerso frigidam humidamque intemperiem, vt lactuca endiuia, viola, nymphaea, melones, cucurbita, cucumeres, citrulli, hordeatum, lac, & consimilia. Calida similiter & humida, frigida & sicca, congeneres intemperies producant. Causæ quæ tales compositas intemperies generant, vniformes, aut conformi inter sese concordia conuenientes, dicuntur Galeno lib. de causis morb. c. 6. vbi hanc doctrinam ex professò perpendit. Franciscus tamen Valleriola, & Leonardus Fuchsius, quem vltimū passim in nostro hoc opere Tubingensem, & Germanorum Galenum appellauimus, soli, quod sciam, sex librorum Galeni de morb. Caus. & symptomat. præterito sæculo interpretes, aliter Galeni verba interpretantur: dum vnanimiter, pro causis conformi concordia conuenientibus, causas eandem simplicem intemperiem producentes, intelligendas decernunt: Verbi gratia, quoties motus, putredo, vicinia rei calidæ, constipatio, & materia calida, communi consensu simul coeunt, calidam intemperiem potenter inducent.

Valleriola & Fuchsius notantur.

Sed hæc expositio Galeno dissona est, qui expressè cit. c. 6. lib. de Caus. morb. non ampliùs simplicium intemperierum causas, quas abundè præcedentibus capitibus inuestigauit, perpendit, sed solius intemperiei compositæ compositas causas animad-

uer-

uertendas monet: vt patet ex cōtextū verbis: Nēipe quòd cōrpus subinde alteratur omnibus causis conformi inter sese cōcordiā conuenientibus, subinde verò ob contrarias facultates inter sese discrepantibus. Galenus enim in hoc contextu planè ostendit, se nomine causerum vniformium intelligere causas producētes compositas intemperies, paulò antea commemoratas; cū statim subiungat aliud genus causerum generatium intemperies compositas contrarias. Dicto namque capite, postquā de causis compositae intemperiei se acturum pollicetur, easdem causas in duas classes manifestè dirimit: quarum prima intemperies compositas vniformes, iam dictas, generat: altera, intemperies compositas planè diffformes, insuetas, & raras: quia ex contrarijs qualitibus componuntur. Tales sunt, intemperies calida & frigida, humida & sicca; quae ob contrarias causas in corpore inter sese concertantes, homines aliquoties vexant. Exemplo sunt epiala febris, coma vigil, lipyria febris. In epiala quidem febre videtur vnaquaeque particula frigifieri, simul & calefieri, vt loquitur Galenus lib. 2. de different. febr. cap. 6. Causa est pituita vitrea, cuius pars quae nondum putrescit, quia frigida, frigefacit; pars verò putrefacta calefacit partem. In altera maligna febre, lipyria dicta, internae partes à causa calida, vt bile, aut sanguine inflammato, aduruntur; externae verò à causa frigida. Coma vigil similiter à contrarijs intemperiebus cerebri, contrarias causas agnoscentibus, dependet: Nam humor pituitosus frigidam humidamq; intemperiem, quae somnum prouocat, inducit. Humor biliosus in eodē cerebro extans, vniformem & cognatam intemperiem, à qua vigilia excitatur, parit: & sic in cerebro duae contrariae intemperies à contrarijs causis inter se concertantibus introducuntur.

Quòd si intemperiei compositae, ex contrarijs introductae efficientes causae aequales fuerint, aequaliter subiectum alterabitur: si verò inaequales, inaequaliter. Causae verò suas contrarias causas vincentes tripliciter victoriam sortiuntur. Vincunt enim, quae numero plures sunt, suas contrarias pauciores: v. g. si duae causae calefacientes ad corpus calefaciendum coierint, vnica frigefacientem superabunt: & tres calefacientes, duas similiter frigefacientes vincent: & viceuersa, duae frigefacientes vnica

*Tripl
ter causa
suas contra
rias vin
cent.*

calefacientem. Intemperies ergo introducta à vincentibus causis maximam sui partem accepit. Secundo modo vna causa tempore diuturnior suam contrariam superabit : v. g. si causa frigida spatio vnus diei alterat, causa v. calida spatio vnus horæ, absq; dubio frigida tunc calidam adorietur : atque adeò intemperies vexans, frigida magis, quàm calida, dicenda. Tertiò, causæ maiori robore præditæ suas contrarias superant. Posito autem, quòd contrariæ causæ, numero, & tempore, sint æquales, ea tamen, quæ potentior est, de contraria imbelliori victoriâ reportat: v. g. causæ calidæ potentiùs corpus attrahunt, quàm pares frigide idem corpus alterantes: atque adeò causæ calidæ maiorem in corpore impressionem, quàm frigidæ, facient: Et sic intemperies ex ambabus orta qualitatibus, calida magis, quàm frigida, euadet.

Calor frigore potentior est.

Intemperies est æqualis, vel inæqualis.

Hic cum Galeno cit. cap. 6. lib. de causis morb. scire oportet, intemperiem illam ex contrarijs qualitatibus compositam, inæqualem nominari. Sed exactiùs rem perpendentes dicemus cum Galeno lib. de inæquali intemperie c. 1. & 7. intemperiem omnem esse æqualem, vel inæqualem. Æqualis est illa intemperies, quæ iam facta est, idest intemperies, qua omnes partes ex æquo, (proportionem tamen seruata : nam os non æquè calidum efficitur, ac caro) afficiuntur, cui usmodi est febris hectica. Alia quævis intemperies, siue simplex, siue cõposita, siue nuda, siue cum humore, quia inæqualiter partes afficit, inæqualis dicetur. Inæqualis itaque intemperies in hac laxiori significatione, est quæ partibus corporis intemperanter affectis inæqualiter inest. Quatenus verò inæqualis intemperies duas tantum illas ex contrarijs qualitatibus cõpositas, calidam videlicet & frigidam, humidam & siccam, comprehendit, à Galeno c. 6. lib. de Caus. morb. dicitur illa, in qua vnum idemq; corpus calidius simul & frigidius, aut humidius simul & siccius, quàm pro naturali habitu, redditur.

Intemperies cū, & sine affluxu humoris.

Postquàm Galenus c. 6. lib. de caus. morb. intemperierum compositarum causas exposuit, easdem intemperies in has, quæ nudis qualitatibus constant, & in illas quæ ex humorum fluxu ad partem aliquam nascuntur, dispescuit: vti fecit lib. de differ. morb. c. 5. & c. 12. Causam itaque intemperiei cõpositæ par-

ris ad quam humor aliquis accurrit, eundem humorem statuit. Si autem humoris fluiditas, & actualis humiditas cōsideretur, quavis pars ob humorem aliquem superfluum tumens, humida intemperie laborare dicetur: Caterum si humoris potentiam aut facultatem perpendas, pars tumida ob affluentem humorem sanguineum intemperie calidâ & humida infestari dicetur; quia nimirum sanguis potentiâ calidus humidusque est, & tumorem efficit, qui phlegmone appellatur. Bilis potestate calida & sicca, tumoremque efficit, qui erysipelas nuncupatur. A pituita frigida & humida potestate, nascitur œdema. Ab humore melâchlico frigido & sicco potestate, & ad partem aliquam accurrente, tumor, scirrhus dictus. Si autem humores non synceri, sed commixti, ad partem affluant, partis intēperies talis erit, qualis fuerit accurrentium humorum natura.

*Humorū
temperies.*

Tumores præter naturam, & consequenter partium tumidarum intemperies, ab humoribus istis defluentibus generantur. Defluunt enim humores, & in partem aliquam irruunt, quia partem, à qua defluunt, infestabant. Partem aliquam molestant humores propter eorum redundantem copiam, aut aliquam prænam qualitatem. Vtroque enim modo in parte humores redundare dicuntur. Quod quantitate redundat, partem grauare dicitur: quod qualitate, stimulare. In impuris ergo corporibus, partes nobiles, utpote alijs robustiores, ope facultatis expultricis qua præditæ sunt, quæcunque & quocunque modo noxam afferunt, ad alias partes propellunt: alię partes, si robuste fuerint, ad imbecilliores se: & hæc ad alias, donec tandem ad omnium partium maximè imbecillam delabantur. Pars tripliciter infirma fit: Primò, quia statim in prima animalis conformatione error aliquis accidit, cuius occasione pars illa labefactata fuit: Vel secundo; quia, postquam animal in lucem editum est, pars aliqua labem passa est: Vel tertio, quia pars suapte naturâ imbellis esse debuit: v.g. cutis, quæ est veluti velamentum quoddam; & natium animalis tegumentum: cūq; sit omnium partium corporis extrema sita, meritò vniuersi corporis excrementa excipit. Natura enim multa instrumenta expurgandorum excrementorum gratiâ à primordio generationis protinus fabricata est. Atque hæc sola ad sanitatem sufficiunt, vbi neque ex ambiente nos

*Humores
fluxi par-
tem bi-
riam ve-
nant.*

*Pars tri-
bus modis
infirma-
tur.*

aere noxa animali infertur, neque ob errorem in victus ratione totum corpus immodicè excrementis redundat. Quòd si verò immodicus aliquis acciderit error, tum naturalia instrumēta, sola ad excrementi multitudinem expurgandam non sufficiunt: proinde tum fluxiones à robustioribus partibus depulſæ, ad imbecilliores cum impetu irruunt. Atque euenit interdum, vt conſtipatis meatibus, per quos expurgari conſueuerant, ad alia cōſuant loca, vt cit. cap. in fine loquitur Galenus, aiens, tunc etiam in partibus augeri præſata mala, quoties excrementa eiſdem impacta, & perſpiratū deſtituta putreſcunt: tum quidem quiuis humores, qui ad ipſas partes tumidas confluunt, ſiue ſint alimētici, ſiue non, neceſſariò corrumpentur. Nam facultas concoctrix partis læditur euerſo eiſdem partis temperamento, vt tunc fit. Præterea pars denſata & conſtipata propter copiam ſuperflui humoris iam impacti, libera eget tranſpiratione: neceſſum ergo eſt; humorem etiā alimentitium ad partem accurrentem corrūpi.

Quenam ſint instrumēta naturalia, per quæ partes ſeſe exonerant expurgantq; ex Phyſiologiæ meæ libro 3. de Partibus humani corporis, diſcite. Instrumēta, per quæ caput ſe exonerat, ſunt nares, aures, palatum; imo redundante humore, glandulæ retrò aures poſitæ. Thoracis excrementa per trachæam arteriam, & fauces, ac tandem os, expurgantur. Ventriculi, & venarum meſeraicarum excrementa ad inteſtina, & anum deturbantur. Hepatis ſuperfluitates ad cystem fellis, lienem, & renes. Lienis ſuperuacanea, partim ad ventriculi fundum, partim per hæmorrhoidales venas, expurgantur. Renum excrementa per vretēres ad veſicam, & rursus ad meatum vrinarium depelluntur. Vteri ſuperflua ad eius collum, & exterius os. Excrementa totius habitus corporis per cutis poros excernuntur. Quoties viæ, per quas excrementa expurgantur, cōſtipantur aut occluduntur, aliò ea recurrere neceſſe eſt: hinc quotidiane, eęque frequentes hominum querelæ: Nam vijs dicatis menſtrui purgationi obſtructis innumera ſuperueniunt mala: idem de reliquarum viarum occluſione dicendum.

Obijciēt aliquis aduerſus Galenum, non rectè ab eo prolatus eſſe particulam aliquam corporis caleſcere ſimul & frigefieri; aut humefieri ſimul & exiccari, cum nullum corpus duobus contra-

rijs motibus simul moueatur, aut duabus excedentibus qualitatibus contrarijs afficiatur.

Respondeo, Galenum secundum iudicium sensus loquutum fuisse: videtur enim alicui se persentire calorem, simul & frigus in eadem particula; licet reuera in vna parte sit frigus, & in altera distincta calor.

C A P V T X.

De Causis morborum partis dissimilariis.

Libro præcedenti de differentiis morborum, asseruimus, morbos proprios partiū dissimilariū in quatuor genera separari: Primum genus morbos in mala conformatione comprehendit: Secundum, morbos in numero vitiatos: Tertium, morbos in magnitudine: Quartum, morbos in situ & connexu. De harum omnium specierum causis sigillatim in sequentibus agemus. Nam ratio postulat, vt expositis causis morborum partium similariū, causas morborum partium dissimilariū exponamus.

S E C T I O I.

De Causis morbi in mala conformatione.

Citato libro de differentiis morborum, morbi in mala conformatione differentias aut species seriatim exposuimus & ternario numero comprehendimus. Prima species est morbus in figura: Secunda, morbus in cavitare & meatu: Tertia, in superficie, quæ vel asperatur, vel læuigatur.

Figure vitiatæ causas primo loco proponemus. Figura vitiatur vel in prima hominis conformatione, vel postquā in lucem editus est. In prima hominis conformatione figura corporis, aut alicuius partis, vitiatur propter vitiosam formationem ferēs in utero. Vitiosa formatio accidit, quia feminis naturalis motus impeditur: vt loquitur Galenus c. 6. lib. de caus. morb. Motus verò naturalis feminis, est saculatum naturalium eius, & præcipue

*Corporis
figura vel
ante par-
tum, vel
post vitia-
tur.*

Propter immodicè autè aut diminutà materiā; sicuti ob prauam materiā qualitātē, fœtus non bene formatur.

pyæ formatricis actio. Naturalis hic seminis motus bifariam impeditur, vel ob materiæ multitudinem siue copiam; vel ob non idoneam qualitatem. Vt enim debitè efformetur puer, certa quædam & mediocris quantitas requiritur. Quare ex paucissima seminis copia puer non generatur: quia tam modica materia nō est capax magnæ extensionis, nec potest sufficientem prolicere sanguinem, vt ex ambobus resultet fœtus. Si denique materia fuerit nimis copiosa, similiter seminis virtus formatrix sese dilatare non poterit ad tantę inolis efformationem. Materia, est sanguis, & semen ipsum. Quantitas ergo materiæ mediocris esse debet, vt debitam sortiatur efformationem seu figuram. Non multitudo solum materiæ fœtus, sed praua seminis qualitas eius motum seu actionem formatricem impedit. In primis autem qualitatibus semen vitatur; vt quoties calidius, frigidius, humidius, aut siccus, quàm par est, redditur. In secundis etiam qualitatibus vitium aliquoties acquirit: vt quoties viscidius, aut fluidius, tenuius, aut crassius euadit. Semen (vt res tota intelligatur) alteratrice, simul & formatrice pollet qualitate. Alteratrix facultas potissimum in ipsa eiusdem seminis temperie consistit. Non mirandum ergo, si vitiatâ alteratrice seminis facultate, fœtus malè efformetur; cùm alteratrix facultas formatrici facultati subministret.

Vteri vitio figura fœtus vitatur.

Non solum à dictis causis fœtus in vtero malā formationem contrahere potest, sed ex vteri vitijs, vt angustia, & similibus. Imaginatio aliquoties deformat, deturpatque fœtum. Casus similiter prægnantis, aut ictus, aut quid simile, fœtus formationē deprauat.

Bifariam figura vitatur post quā homo in lucem prodijt. Causa externa qua duplex. In fœtus exantia, & obstetricis error.

Quod ad causas vitiatæ figuræ, postquàm homo in lucem editus est, attinet, in duas classes dirimi possunt; quarum prima externas complectitur causas, secūda internas. Prima in quatuor capita distribui potest. Prima causa est error in ipso partu commissus; qui quidem error inter pariendum accidit culpâ fœtus exire conantis, aut culpâ imperitæ obstetricis. Culpâ fœtus, quoties non integrè suum corpus deuoluit, & caput ad collum matricis dirigit; sed loco capitis, pedem, aut manum, aut ipsum dorsum: Tunc autem non rarò naturalis figura alicuius partis deprauatur. Culpâ obstetricis, partis alicuius figura vitatur; vel

quia

quia factum non debite recipit, vel quia post receptum infantem eius caput non bene fingit aut format, sed acuminatam, aut rotundam, aut planam, aut submissam, aut aliam indebitam ei figuram conciliat: vel quia figuram alicuius alterius partis tenelli pueri à naturali statu deducit, quod non debite, & blande eum manibus tractauerit.

Secunda vitiatæ figuræ causa à nutricum errore dependet. Hæc etenim tribus modis figuram vitiatam reddunt. Primò, dum fasciis inconsideratè infantem obducunt, inuoluuntque. Inconsideratè verò infantem ligant, dum inæqualiter. Idcirco peccabant tempore Galeni nutrices, quæ pectora puellarum arcte cū fasciis adstringebant, partes tamen infernas laxè & molliter, ut nimirum infernæ partes corpulentiores euaderent. Magis corpulentæ dupliciter redduntur: primò, quia laxè relictæ, tumidiore fiunt: secundo, quia nutrimentum è partibus supernis strictè victis ad eas veluti exprimitur. Vnde copiosiori resectæ alimento in maiorem attolluntur molem, & crassiores euadunt. Si etiam inæqualiter supernæ corporis partes fasciis obducentur, figuræ vitium accidet: nam si circa dorsi vertebrae vno in loco arcte corpus fasciâ obducitur, & in vicinis molliter, inde gibbositas non raro nascitur; vel certè si circa pectoris regionem laxa illa colligatio fit, pectus ipsum prominentius paulatim efficitur. Propter arctam crurum inter se colligationem, & negligentem ac laxam colligationem pedum, figura vitatur: nam tunc pedes ad externas partes obliq; vergunt, & crura ipsa versus partem domesticam, id est versus internam, prominentiora fiunt. Vidi nonnullos pueros hoc figure vitio laborantes; quorum crura, aut suræ, inter ambulandum sese attingebant; nec ambulatio à digitorum pedum præpositione inchoabat, sed à domesticarum partium antepositione; ita ut aliquoties etiam pedum tali, aut suræ sese confricarent. Secundo nutrices partium figuram deprauant, quoties infantes non molliter tractant. Cum enim non solum puero corpora ratione carnis, sed præterea ossium, præ vberi humiditate tenella sint, & plicatu facilia, ni molliter, & summa cum obseruantia tractentur, eorundem figuram deprauari necessum est. Ossium verò figura est, quæ potissimum deprauatur, cū hæc præ nimia humiditate ad quiduis sequacia sit. Inter laetandū

*Nutricū
errores.*

ideo

*Simitatis
nasi causa
post partū.*

ideò nasi infantis extremitas sursum sæpè ab vbere comprimentēte replicatur, & resimus fit; vel introrsum adeò comprimitur, vt incrementum capere nequeat. Cōpressio autem illa nullo pacto fieret, si pigra, negligens, & crudelis nutrix infantis corpus æqualiter suo pectori, cruribus debite contractis, adaptaret, & propria manu, quàm diù ab eo lac fugitur, partem illam vaccini sui vberis proprijs digitis à puelli naso cohiberet. Ob hanc quidē nutricis incuriā non solùm nasus simus efficitur, sed infans aliquoties nocturnis horis suffocatur, eò quòd nasus in vbere vnà cum ore veluti immersus ita occludatur, atq; cōstipetur, vt per eius foramina siue nares aer ampliùs, contra solitum morem, ingredi nequeat, sicut nec egredi fuliginosus vapor. Infantium figuram aliquoties vitiant prauæ nutrices, dum indebite in cunis seu cunabulis, aut lectulo eos reponunt: aures enim quibusdam ideò versùs anteriorem capitis partem replicantur, vel caput in postica sui, aliaue parte nimis planum redditur. Manibus etiā totius capitis debitam figuram variant; sicuti thoracis, dum arctè suis ambabus manibus comprehendunt: sic enim pectus non rarò immodicè angustius reddunt. Aliquoties seminudos infantes ambabus manibus adeò importunè comprehendunt; sursum deorsumque agitant, vt tenella crura plicatu facilia ineptè plicent; sicuti faciunt dum eos ante debitum tempus ambulare, aut stare cogunt: Nam tunc tenella ac veluti cerea puellorum crura in aliquam partem flectuntur; quia vniuersi corporis pondus vix sustinere queunt. Proinde crura in domesticam partem aliquādo distorquentur, & Vari ideò nuncupātur: aliquoties è contra in externam partem flectuntur distorquenturue, & Vatiij appellantur. Non solùm puelli tenerrimi, sed grandiores facti, ob casum, aut violentum exercitium, natiuam alicuius partis figurā amittunt.

*Error me
dici Cbi-
rurgi.*

*Aegri er-
ror.*

Tertia causa vitiatę figurę, est error à Medico in curatione luxationum, fracturarumue, commissus, qui error committitur, quoties Medicus in luxatione articulos ad proprium situm non reducit, aut ossa fracta non æqualiter adunit; vel quoties luxata & fracta reducta, & vnita non debite colligat. Aeger ipse, citra Medici curantis peccatum, si parte luxata ante debitum tempus, aut parte fracta, priusquàm firmus durusque constiterit callus, vt voluerit, partes vnitas intempestiuo motu de nouo segregare poterit,

poterit, atq; adeò vitiatæ figuræ author erit. Luxatio enim est articulorum semotio quædam ab inuicem: articuli sunt capita ossium sese contingentiū. Callus hîc est substantia quædã, quæ indurata est, quæque ossis fracti partes vnit.

*Callus
quid.*

Quarta causa vitiatæ figuræ, est partis alicuius, nasi v.g. collisio, contusio: Ossis excisio, aut contractio, vt in supercilijs siue labris ossis coxendicis contingit: Caro quædam immodicè in ulcere mundato supercrescens.

Externis causis deprauatæ figuræ expositis, ad internas accedendum; quarum quædam per se partis figuram vitiant, aliæ v. per accidens. Quæ per se figuram deprauant, in duplici sunt differentia. Prima causa, est repletio: Secunda, inanitio. Repletio duplex est, pessima, vel optima: hac ex nimia sanguinis optimi copia nascitur, & propriè est illa, quæ ad vasa, non quæ ad vires dicitur. Nam quoties vasa optimo sanguine referta sunt, corpus otio fruens saginari, atque immodicè intumescere potest; veluti Nicomacho Smyrnæo auctum est, vt ne mouere quidẽ seipsum posset: quem tamen sanitati restituit Asclepiades. Tunc autem totius fermè corporis figura vitatur: Oculi enim, & nasus veluti occultantur ob circumcrescentem carneam molem. Pessima repletio, est redundans prauorū humorum copia, cuius occasione corpus intumescit; vt videre est in hydrope, præsertim anasarca, qua præsentē totū corpus inflatur. Morbus pariter, qui Elephas nominatur, planè corporis naturalem figuram immutat. Etenim in Elephãtiasi nasus simus, labra crassa, aures acuminatæ videntur: immò in totum Satyris sunt Elephantici similes. Galenus lib. de tumoribus præter naturam, c. 14. ait Elephantiasim initio quidem fieri ex sanguine melancholico in vniuersum corporis habitum decumbente, deinde verò ex atra bile exquisita. Libro 2. de Arte Curat. ad Glauc. c. 10. dicit Elephantiasim esse expulsionem sanguinis turbidi ac crassi in venis contenti, ad vniuersam cutem. Sed Paulus Ægineta lib. 4. c. 1. rectè cum Galeno eam dicit esse vniuersi corporis cancrum. Ob atram ergo bilem nasus repletur, ideoq; simus fit, & aliquoties corroditur. Ob eandẽ causã labra crassiora fiunt, & aures acuminatæ, vel potius exesæ, vt alia versio textûs Galeni habet: harum enim partium inuersio manifestius, quàm aliarum, notatur. Morbus hic

Causa interna vitiatæ figuræ.

Repletio duplex est.

Hydrope.

Elephantiasis.

Elephantiasis signa.

*Arabū &
Gracorū
Elephātia
sis eadem.*

Elephas dicitur teste Galeno lib. 2. methodi med. propter Elephantem. Similis enim est habitus corporis elephāticorum habitui corporis Elephantis: Durus etenim est, asper, & crassus uterque habitus, seu moles carnea. Hanc Elephantiasin cum Arabū elephantiasi coincidere non malè sentiunt Ioannes Manardus lib. 7. Epistol. Medic. c. 2. & Leonardus Fuchsius (quem passim in hoc opere Tubingensem, & Germanorum Galenum nuncupauit) lib. 2. Paradoxorum cap. 16. Franciscus Valleriola comment. cap. 7 lib. de Caus. morb.

Satyri.

Incipientem Elephantiasin Veteres Satyriasin appellabant, quòd hi, qui elephantiasi laborant, Satyris, in vultu saltem, assimilentur. Plinius lib. 8. natural. histor. cap. 8. testatur Satyros esse humana facie præditos: & lib. 7. c. 2. scribit Satyros in subsolanis Indorum montibus inueniri, esseque animalia quæ furiosa libidine perpetuò trahuntur: Vnde & priapismum satyriasin quoque appellârunt. Dicitq; præterea, Satyros tanta pernicitate aut velocitate pollere, vt nulla arte, aut industriâ capi possint, nisi ægrotantes sint, aut senio confecti.

*Tympani
tes & ascite.*

Non solum vniuersum corpus in sua figura propter plenitudinem vitatur, sed etiam eius quædam pars: vt apparet in cruribus, pedibusque, alijsque aliquando partibus nimium tumentibus. Venter etiam in tympanite, & ascite, hydropis speciebus, quarum illa est tumor ventris magis flatuosus, quàm aquaticus; hæc ex aduerso aquosus magis, quàm flatuosus.

*Tabidorū
signa.*

Quod de figura vitata ob plenitudinē, tã totius, quàm partis, dictum est, idem de figura vitata totius, aut partis propter alimēti defectū dici debet: vt apparet in tabe, aut partis alicuius atrophiâ. Tabidi enim vitiatam habent figuram, cū habeant nares acutas, tempora collapsa, oculosq; concauos. Scapulæ etiā, & brachia ipsis alarum more porrigūtur, & prominent. Vnde alati dicuntur Hippocrati lib. 6. Epidemion.

*Causa interna
per accidens
figuram
vitantes.*

Causæ demum internæ, quæ non primariò, & per se, sed per accidens tantum, idest mediante tensione, figuram deprauant, sunt scirrhus, phlegmone, paralysis, conuulsio, cicatrix dura, neruorum, aut tendinum dissectio. In his autem omnibus affectibus pars à naturali figura desleētit. Pars paralyti seu resolutione laborans trahitur à musculis partis vicinæ; sicuti è contra

pars

pars conuulsione laborans vicinam partem sanam ad se trahit.

In utroque igitur affectu partis figura vitatur. Paralyfis enim, *Paralyfis.*

Latinis resolutio dicitur, estque partis relaxatio quadam vnà cū priuatione motûs, & fortè sensû tactûs. Conuulsio est retractio *Conuulsio.* musculorum, neuorumq; ad suam originem, protinus vi morbi facta. Phlegmone similiter, scirrhus, dura cicatrix, & reliqua in vniuersum huiusmodi pathemata, aut affectus, partē sibi proximam ad sese intendendo trahunt; atq; sic figuram peruertunt.

In phlegmone tensio fit, quia inania spatia, quæ sunt inter partes similes partis phlegmone infestata, copioso sanguine replentur; imò & ipsi pori, ac exilia vasa: hinc partis tumor, & cōsequenter partium ambientium ad partem tensam attractio. Pars autem tumida & omninò infarcta, tensa est. In scirrho consimilis oritur infarctus, & humoris infarciētis naturam durities sequitur. Hinc scirrhusæ partis tensio, & vicinarum tractio tēsiōq;.

Phlegmone dicitur tumor præter naturam, à sanguine causatus. *Phlegmone.*

Scirrhus tumor præter naturam ab humore melancholico. In *ne Scirrhus.* cicatrice dura, tensio ob duritiem fit: Cicatrix enim est albicans

quædam substantia à sanato vlcere in superficie relicta, eaque *Cicatrix.* ipsa cute pluries durior. Demum dissectis tendinibus, aut nervis, aut vtrisque simul, fit tensio, & partes ad suam originem retrahuntur; sed retractio à parte sana fit, eo modo, quo in paralyfi siue resolutione. Partes enim dissectæ ob sectionem seu diuisionem, omninò resolutæ sunt. Atque de figuris à naturali habitu deflectentibus hæc dixisse sufficiat.

SECTIO II.

De Causis morborum in cavitatē.

Superiori libro docuimus morbum in cavitatē, aut meatu, esse in duplici differentia: Nā dupliciter meatus vitantur; vel quia nimis angusti densiue redduntur, vel quia plus iusto laxantur. Quinq; ob causas meatus astringuntur, densantur. Primò meatus vitatur propter coalitum. Coalescunt meatus duplicem ob causam; vel quia glutinātium medicamentorum vsus fuit immoderatus; vel quia vlcera in cavitatibus orta exsiccantur:

*Meatus
& cavitates
quinq;
ob causas
occluduntur.*

vt labijs oris vlceratis, sicut & vteri, ac ani, & oculorum partibus sæpè accidit. Quippe, inquit Galenus lib. de Caus. morb. cap. 7. euenit interdum exulcerata interna meatus facie, vt coalescant inter sese partes exulceratæ, atque corrumpatur naturalis conformatio. Secundò meatus siue cavitates læduntur propter constipationem, quæ fit ob carunculam in eadem cavitare post vlcus natam, vel ob aliquod aliud tuberculum, aut scirrhum, aut phlegmonem, aut abscessum: Si enim tumor præter naturam in ipsa parte ortus internum meatum comprehendat, necessariò idem meatus constipabitur. Tertiò cavitates læduntur propter obstructionem, quæ oritur ab humoribus crassis, aut viscidis lentisque, aut multis, aut à callis, aut sanguinis grumo, aut pure, aut stercore, aut calculo, aut alijs rebus, quæ cavitatem aut meatum replere possunt, cuiuscunq; sint nature. Quartò cavitates occluduntur propter compressionem factam à corpore aliquo distincto à substantia rei concavæ. Etenim siquid extrinsecus incidens (inquit Galen.) valdè comprimat, necesse est corpora concavitatem continentia simul ad interna ipsius impelli, talia corpora vt plurimùm sunt dura, vt lapis, ferrum, lignum, & similia. Ad hanc causam libentiùs reducerem vitium cavitatis ortum à tumore partis vicinæ, quàm ad constipationem. Hac vià recti intestini cavitates in prægnantibus tempore partûs ità deperditur, vt nihil facum excerni possit. Infans autem deorsum ad os vteri deuolutus dictum intestinum, iminò vesicæ collum, omninò comprimit & excæcat. Quintò meatus occluduntur, quia in se concidunt: id est quoniam internæ superficies caui corporis sese contingunt. Et quidem interna latera in seipsa resident, quùm ab adstringentibus rebus coguntur, vel à frigore nimio constringuntur, aut à rebus exiccantibus exarescunt. Tunc enim necessariò accidit, vt meatus magis exigui præcipuè constipentur, rursus ipsi ventres, siue ampliores cavitates. A talibus quidem causis meatus oscula non solum constipantur, sed omninò obcæcantur. Ob nimiam hanc ariditatem meatus magis exigui in ijs, qui hectica febre laborant, occluduntur, & maiores cavitates plurimùm minuantur. Vnde alui fluore aliquoties tabidi vexantur, quia chylus qui per venas meseraicas iam fermè præ ariditate in se concident, inferiùs ad crassiora intestina necessariò delabitur, aluique

Parturientes excrementa retere nequeunt.

fluo-

fluorem concitat. Validus denique facultatis retentricis motus, siue actio, siue retentio, meatuum oscula cogere, constringere, atq; constipare valet.

Causæ, cur meatus & cavitates patentiores, quàm par est, fi-
ant, variæ sunt. Raritudinem autem, laxitatemque, & conse-
quenter meatuum amplitudinem, inducit facultatis expultricis
immoderatus motus. Nam immodica expulsio humorum, du-
ctus quosuis, per quos aliquid à natura deturbatur, dilatat, am-
plificatque. Retentricis facultatis imbecillitas, seu retentio de-
bilis, eundem parit effectum. Medicamenta similiter aperien-
tia: aquæ etiam minerales, vt sulphuræ, nitrosæ, & consimi-
les, vasorum oscula aperiunt. Eundem effectum pariunt quæ-
cunque vim habent laxandi corporis partes; vt humida quæuis,
qualia sunt, lac, butyrum, oleum, pinguedo, & adeps, adeoq;
pinguia iura, ius ex carne agnina, & vitulina, maluâ, violis, endi-
uiâ, & similibus paratum. Aer demum calidus, & humidus, qua-
lis fit flante austro. Addamus & his flatum, aliaq; quampluri-
ma, cavitates immodicè distendentia.

*Causa am-
pliationis
& apertio-
nis mea-
tuum.*

SECTIO III.

De Causis asperitatis, & læuitatis.

Tertia species morbi in mala conformatione consistens,
morbus in asperitate, & læuitate dicitur: Nam pars na-
turaliter lævis exasperari potest, & è contra pars aspera
læuigari.

Causæ quæ partes præter naturam exasperant, sunt externæ, &
internæ: causæ externæ, vt plurimum, sunt ea quæ per os assumū-
tur, cuiusmodi est allium, cæpa, caro salsa, piper, zinziber, can-
tharides, scamonium, Mercurius præcipitatus, & quæuis acria,
siue sint alimenta, siue potiones, siue medicamenta, siue vene-
na. Dixi, vt plurimum has esse causas; quoniam oculi, & fauces
non solum ab internis exasperantur, sed etiam ab externis qui-
busdam; quales sunt vapores acres, fumus, & pulvis. Causæ in-
ternæ, quibus asperantur partes, sunt humores, calculus, pus, &
similia erodendi vi prædita. Humor enim biliosus, etiam si na-
turalis

*Causa
exasperan-
tes partes
læues, sunt
internæ,
vel exter-
næ.*

Internæ.

Dysenteria causa.

turalis sit, quoties ad aliquas corporis partes copiosè fluit; quia calidus, & siccus eas primò exasperat, rursusq; exulcerat. Proinde eius ad intestina ex vniuerso corpore, aut saltem hepate, confluxus, dysenteriam siue intestinorum vlcus parit. Pituita falsa (humor quidem præter naturam est quæ ex putrefactione, vel cõmixtione ferossæ biliosæque substantiæ talis fit) exasperat etiam, atque exulcerat, dysenteriamque generare valet, teste Galeno lib. 3. aphorif. cõment. 12. Pulmones similiter ob humorè pituitosum falsum è cerebro delabentem non rarò vlcus contrahunt: sicuti fauces, guttur, gingiuæ, vesica, aliaq; corporis partes. Vrina vesicam exulcerat: pus pariter, quia substantia acris, & mordax, exasperat, & tandem vlcerat. Atra bilis præpotenter exasperat, exulceratque: sicuti omnia quæ immodicè detergent. Calculus renes, & vesicam, ac vretes exasperat, vlceratque. Humores aquosi, & non falsi, fauces, guttur, & trachæam arteriam, inæquales & asperas reddunt, vt vox proinde rauca euadat. Verùm hæc inæqualitas & asperitas non fit ob penetrationem humoris in substantiam partis, sed quia eius internæ superfici ei heret. Res autem acres asperitatem inducunt excorlando, & tandè vlcerando internam partis superficiem.

Leuitatis causa, tñ externa, quàm interna.

Præcognitis asperitatis causis non est difficile immodicè leuigationis causas expiscari. Externæ causæ sūt pinguis quæuis, viscida pariter, lubricantia, & vāldè humectantia, siue fuerint alimēta, siue medicamenta. Internæ causæ sunt humores aquei, humoresq; viscidi lentiq; sed non putrefacti.

CAPVT XI.

De Causis morborum in numero.

Causa numeri diminuti in prima hominis conformatione sunt duæ.

MOrbus in numero duplex est: Vnus, qui ex numero adaucto resultat: alter, qui ex diminuto. Quod attinet ad numerum diminutum, aut deficientem partium, scire oportet, partem deficere in prima hominis conformatione, vel postquam in lucem editus est. In prima hominis conformatione pars aliqua deficit duas ob causas. Prima causa est materiæ fatûs inopia. Si enim semen paucum fuerit, sufficere non pote-

rit tot tantisque partibus humani corporis efformandis effingendisque. Secunda causa est facultatis formatricis imbecillitas, quæ quidem, etiam si nulla extet feminis penuria, partes omnes extendere, aut producere nequit.

Postquam homo in lucem editus est, partem aliquam quatuor ob causas amittit. Prima causa, est sectio, quæ quidem à re aliqua acuta, ut gladio, cultro, & alijs, vim secandi habentibus fit. Secunda, est vltio, quæ ab actuali, vel potentiali igne, seu igneo corpore causatur. Tertia causa est putredo, quam fieri docet Galenus lib. de causis morb. cap. 8. aut à medicamentis quæ suapte naturam putrefacere possunt, cuiusmodi est arsenicum, aconitum, sandaraca, pytiocampe, & cetera huius generis, quæ teneram carnem colliquant, quæque septica à *σηπτικαί*, id est putrescere, dicuntur Galeno lib. 5. de simplic. medicament. facult. cap. 15. & lib. 3. de temperament. c. 3. aut ab excrementis in ipso corpore genitis: ut videre est in nomine siue depascente ulcere, in quo malum paulatim serpit, & partes absumuntur, de quo Galen. lib. 5. meth. cap. 4. & lib. 9. de simplic. medicament. facult. Excrementa autem diutius in corpore detenta putrescunt, & partem, cuiherent, putrefaciunt, atque corrumpunt: aut ab ijs quæ transpirationem prohibent, quales sunt meatuum cutis constipatio, & vasorum obstructio; de quarum causis, fusè in superioribus. Vtrum putredo à sola prohibita transpiratione, an ab hac simul & alijs proueniat, commentarijs nostris in duos Galeni libros de different. febrium fusè à nobis disputatum est. Nunc nobis sufficit partem aliquam præ putredine aliquoties deperdi. Quarta demum causa morbi in numero deficiente partium, est insignis frigiditas, quæ calorem nativum omninò extinguit: unde partes emortuæ à reliquo corpore in quibusdam decidunt.

Morbi in numero adaucto causæ sunt in duplici differentia, quia id genus morbi duas etiam habet species. Nam pars superflua, vel est similis partibus naturalibus, ut sextus digitus; vel est toto genere præter naturam, ut vermis. Causa morbi resultans ex redundantiâ partis, quæ similis est reliquis partibus instrumenti, est materiæ utilis copia, seu multitudo, ut loquitur Galenus. Quare causa morbi in numero aucto, ut sexti digiti, in prima hominis conformatione, est potissimum feminis vberima copia: *Causa morbi in numero addito partium secundum naturam duplex est.*

cau-

Causa morbi in numero partium toto genere præter naturam est praua qualitas.

Robur facultatis est causa morbi in numero adaucto.

Gangliū.

Meliceris.

Steatoma Atheroma.

causa vero morbi in numero, postquam homo natus est, non alia esse potest, quam materiæ utilis, idest alimenti, magna copia: proinde ob sanguinis vbertatem caro vlceribus mundificatis supercrescit. Causa morbi in numero addito toto genere præter naturam, est praua quædam qualitas materiæ præter naturam. Lumbrici autem non nisi ex vitiosa prorsus materia nascuntur: calculus pariter, cæteraque consimilis generis, vt clarè in praxi perhibetur.

Licet vnicam proposuerimus causam vtriusque morbi, tam in numero scilicet addito rei naturalis, vt sexti digiti, quam rei nonnaturalis, vt calculi, aliam vtrobique causam cum Galeno adnectere fas est: robur nimirum naturalis facultatis. Non enim sextus digitus in primâ hominis conformatione; nec caro supercrescens in vlcere generaretur, nisi generatrix facultas in primâ hominis conformatione, quæ sextum digitum effingit, robusta esset, nec in vlcere deteriso superuacanea caro, ni concoctrix, & nutrix facultas valide essent. Deniq; nec pars toto genere præter naturam generaretur dispositiuè à calore præter naturam, & effectiuè à causa vniuersalissima, nisi facultas expultrix firma esset, quæ materiam ad efformandam partem illam præter naturam ad aliquem locum expellit. Deponit .n. pars vna ad aliam, materiam, ex quâ pars præter naturam nascitur: Inde ganglion, meliceris, steatoma, atheroma, & cætera id genus: quæ quidem à facultate naturali verè non fiunt; sed vt fiât, necessum est facultatem esse validam, quæ harum rerum præter naturam materiam ad vnum locum ex alijs relegat. Ganglium ex Paulo Æginetâ lib. 4. cap. 16. est συσποή, id est concretio, seu collectio nerui intumescens. *Συσπεφιδαι* autem ex Galeno lib. seu comment. 4. de vict. rat. in morb. acutis tex. 18. Græcis est vitiosos humores in aliquâ corporis parte colligi & aceruari. Meliceris est tumor, in quo continetur materia melli similis: Steatoma est tumor, in quo materia seuo consimilis: Atheroma tumor, in quo materia similis pulti.



CAPVT XII.

De Causis morbi in magnitudine.

Morbus in magnitudine adaucta nascitur ab utilis materię multitudi-
ne seu vbertate, & facultate valida. A contrarijs causis nascitur morbus in magnitudine diminuta: à pauca videlicet materia, & facultate imbelli. Preterea magnitudo minuitur à sectione, vstione, putrefactione, & immodicâ refrigeratione, à qua particula aliqua instrumento adiun-
ditur.

Causa morbi in magnitudine.

CAPVT XIII.

De Causis morbi in compositione.

Morbus in compositione in duas species diuiditur: quarum prima, morbus in situ seu positu appellatur: Secunda, morbus in connexu. Morbi in situ nouem causas proponit Galenus lib. de causis morb. cap. 10. Prima causa, est repentinus ac vehemens motus, qui, quoniam naturam partis structuram interturbat, eandem partem à propria positione seu situ seducit. Secunda causa quorundam morborum in situ, est immodica articularum humiditas, quę eorundem ligamenta humectat seu madefacit, laxat, & ob sui viscositatem, totum articulum lubricum, læuigatum, & inconstantem, ac minimè firmum reddit. Quare articuli ita mobiles facti ad luxationem apprimè disponuntur. Tertia causa, à qua quidam morbi in situ dependent, est contractio superciliorum sinuum, seu cavitatum ossium suscipientium aliorum ossium capita. Supercilia enim ossium, sunt eminentiæ quædam, à naturâ prouidè cõstitutæ, vt his mediâtibz cavitates quorundâ articularum, alios articulos suscipientes, augeantur. His etenim supercilijs contractis, ossis alterius caput in propria sede vix cõtineri potest. Quare tunc promptè ossiũ capita à suis sedibus aberrant: vt multorum damno in osse coxę sæpissimè accidit. Quarta causa est,

Nouem causa morbi in situ.

Min

quo-

quoties in ipsâ hominis generatione, aut efformatione, sinus supini incontinentes, & omnino in superficie sunt, vt loquitur Galenus, id est quoties partes, quæ sinuosæ esse deberent, minimâ cauitatem, qua aliorum ossium capita continere possent, à facultate formatrice obtinuerunt. Propterea incontinentes à Galeno tam supini sinus rectè appellantur, quòd firmiter aliorum ossium capita comprehendere atque complecti nequeant: ideoq; facillè hæc eadem capita exiliunt, & articuli luxantur; vt in osse coxæ non rarò contingit. Quinta causa est luxatio, aut ruptio foraminis seu meatûs peritonæi, per quem vasa, spermatica dicta, vnâ cum neruo ad testiculos transmittuntur. Si enim meatûs ille vltra modum relaxetur, aut rumpatur, omentum, aut ileon intestinum deorsum in ipsum meatum, si laxatio; in scrotum, si ruptio adfuerit, necessariò descender. Ex omenti descensu ramex seu hernia nascitur, quæ Græcis *ἰσπιπλοκήλη* nuncupatur. Intestinorum verò ramex, *ἰσπεροκήλη* dicitur. Sexta causa, est peritonæi sectio cum re aliqua acutâ facta: tunc autem necessariò intestina extra ruunt, cum ampliùs peritonæo non cogantur. Septima causa, est thoracis vulneratio: tunc enim pulmonis fibra sæpiùs excidit. Octaua causa, est corneæ tunicæ erosio: Nam ob hanc erosionem, vt plurimum vnea tunica procidit, & suum naturalem situm mutat. Nona tandem causa, est vehemens casus, aut cõpressio, vi cuius alicuius visceris, vt hepatis, aut pulmonis, fibra complicatur, contorqueturq; adeò vt situs mutetur, veluti partis debita figura. Huius ægritudinis mentionem fecit Hippocrates lib. 6. Epidem. sect. 8. tex. 37. his verbis: Cui iecoris fibra complicata erat, hunc concussi, & confestim dolor sedatus est.

*Hernia
dua.*

Sola corporis concussione hepatis dolor quidam ab Hipp. sedatus. Triplex causa morbi in connexionu.

Secunda species morbi in compositione, in partium prauo cõnexu seu consensu consistit. Cuius triplex est causa. Prima, est ineptus vicinarum partium coalitus. Ineptè autem coalescunt partes quæ disjunctæ esse debent: vt si labia coalescerent, aut vteri, aniuæ partes, aut in ipsa hominis generatione, aut post ortum. Secunda causa est vinculi cuiuspiam, aut ligamenti, immodica laxatio, aut tensio. Laxatio à nimia humiditate procedit, aut à nimio conatu. Ex valido enim conatu deijciendi fectum in parturientibus vteri procidentia aliquando superuenit; quoniam

vin.

vincula illa, quæ vterum spinæ dorsi alligant, tunc temporis laxantur. Similiter & ani procidentia in tenesmo, siue inani irritoue deijciendi excrementa desiderio. Ex aduerso, præ siccitæte, aut humore infarciēte, ligamenta immodicè contrahuntur, & abbreviantur. Tertia causa, est ligamenti ruptio, quæ ob immodicam tensionem, aut aliter accidit.

CAPVT XIV.

De Causis solutionis continui.

DVm lib. I. huius operis, morbi varias species enumerarē, cuiusque fermè causas coniunctim exposui. Easdem species, & causas fusè exponit Galenus lib. de Causis morb. cap. I I. & vltimo. Inibi varia nomina solutionis continui variarum partium, prolixè satis, & præclarè, explanat. Tereдон autem à tremate, idest foramine, deriuari creditur; perinde ac si tredon perforatio quædam sit. Oritur autem ab acribus humoribus ossa erodentibus. De foratione autem ossis, tanquam de specie quadam solutionis eiusdem, agit citato cap. Galenus. Dixit enim iuxta antiquos, solutionem continui in ossē fracturam, & cariem appellari, in carne autem vlcus, & vulnus: Sed solutio, inquit, continui quæ in alijs ossibus à capite fit, fractura absolute Priscis dicebatur, in ossē verò capitis, fissio, fissura, & ruptura vocatur, Græcis *ρῶγμη*, & *ρῆξις*, vt testatur Ægineta lib. 6. c. 90. vbi in hæc verba prorumpit: Fissio est caluarię per summa, vel in superficie diuisio, vel profunda, neque tamen eò vsq; , vt laborans os extra moueatur. Sanè Paulus, in hoc, Hippocratem sequitur, qui exilium fissurarum cranij mentionem facit lib. de vulnerib. capitis. Causa verò omnis fractionis ossis, est corpus aliquod durum, quo frangitur, aut violentus quidam motus. Tereдон autem, seu potius tredon, ab humoribus, vt dixi, acribus & erodentibus nascitur. Obseruandum tamen, quod tereдон Latinis caries nuncupatur; quæ quidem fit, quoties in ossē cauitas quædam aut fouea generatur. Verum hoc ordine humores illi acres in ossē morbos efficiunt: Primo, vitium ossi illatum asperitas dicitur, & leuis quædam perforatio: Secundò fit, propriè

*Tereдон
caries quò
busdā dō
citur.*

*Varia so
lutionis cō
tinui spe
cies.*

*Fraçtio
nis ossis
causa.
Tereдон
nis, seu
caries
causa.
Asperitas
ossis carie
præcedit.*

Toquendo, caries; vt citato cap. his verbis monet Galenus: Maiore autem perforatione facta, & quadam iam veluti cauerna, apparen- te, caries appellatur.

*Incisio &
dissectio à
re acuta
fit*

*Collisio
quid.*

*Collisio-
nis causa.*

Contusio.

Ait rursus prædicto cap. Galenus, solutionem continui, quæ ab acuto aliquo corpore irruente & incidente fit, incisionem, & dissectionem, ac sedem appellari. Sedem fortè, talem solutionem vocauit Galenus, quòd res acuta, dum scindit, in corpore molli, tanquam in sede conuenienti, immergitur. Leonardus Fuchsius ingenuè confitetur se non percipere quid per (sedem) significare voluit Galenus. Vtut fit, incisio & dissectio à re acuta fit.

Collisio in carne, & molliusculis puerorum ossibus, & præcipuè capitis, fit: & est cessio corporis quod colliditur, facta ab aliquo corpore valido & duro violenter extrinsecus irruente. In ipsa, autem collisione cavititas in corpore molliusculo fit: vt videre est in ictu lapidis, aut corporis alterius duri, cui necessariò mollius corpus cedit, eo modo, quo digitis nostris caro, aut pars mollis. Vbi igitur partis collisionis externa facies continua, permanferit, in profundo autem multæ, & exiguæ diuisiones fuerint, huiusmodi $\theta\lambda\acute{\alpha}\sigma\mu\alpha$, & $\theta\lambda\acute{\alpha}\sigma\eta\varsigma$, idest collisio, & contusio vocatur. Quòd si cavititas aliqua, quæ parti collisionis ab illo corpore, quod icit, inducta est, appareat post ictum, $\epsilon\iota\theta\lambda\acute{\alpha}\sigma\eta\varsigma$, idest illisio, nominari debet. Necessarium igitur omninò est, vt in seipsum sub ictu impellatur, & cauum fiat id, quod colliditur, alioqui non collideretur: vt verò cavitatem, feriente remoto, retineat, non etiam est necessarium. Mollia enim omnia magna ex parte, separato eo quod percussit, ad priorem constitutionem redeunt secundum superficiem externam. Si verò non solum ad interiora os capitis ab ictu recesserit, sed etiam ruptura quædam in exteriori facie accedat, compositum huiusmodi malum est; ex illusione nimirum, & ruptura: Sed tale compositum mali nomine caret.

*Ruptionis
& conuul-
sionis cau-
sa.*

Ruptio in carne, Græcis $\rho\eta\gamma\mu\alpha$, & in neruis, conuulsio, Græcis $\sigma\pi\acute{\alpha}\sigma\mu\alpha$, suæ generationis causam habent, repentinum, inæqualem, atque vehementem motum: præcipuè verò, quoties ad talem motum non fuit corpus præparatum. Ad huiusmodi motum, aut exercitium corpora præparantur, dum membra quæuis calcant, & perfricantur, ac emolliuntur, aut ad æqualita-

tem quandam reducuntur. Perfrictio enim preparatoria, & præfertim cum oleo, aut re pingui, facta, corpus vniuersum ad exercitium apprimè disponit. Nā solidæ partes dū molliūtur, & calefiunt, plicabiles ac mobiles sine difficultate redduntur. Vnde Galenus libro 2. de sanitate tuenda ait: Tum demum ad exercitandum prodibunt, qui ad exercitationem frictione præparantur, cum toto iam corpore abūdè emolliti, excalefactique sunt.

Preparatio ad laborem.

Postquàm Galenus causas specierum solutionis continui accuratè exposuit, de causis omnium fermè in vniuersum hæc habet: Atque vt summatim dicam, omnes huiusmodi morborum causæ, aut extrinsecus irruūt, aut ex ipso corpore ortum habent. Extrinsecus adueniunt, quæ vulnerare, aut collidere possunt. Ex ipso autem corpore, sunt inordinati animalis motus, & humores quidam deprauati, quibus erodendi vis inest. Verùm tã internæ, quàm externæ causæ à Galeno propositæ, ad quinque capita reduci possunt: ad vulnerantia videlicet, frangentia, contundentia, corruptentia, & erodentia.

Quinque causa generales solutionis continui.

Postquàm simplicium morborum causas cum Galeno hæcenus exposuimus, non erit difficile, compositorum morborum compositas causas rimari. Hic ergo huius Secundi Libri nostræ Pathologiæ, de Morborum Causis, terminus esto.



NELLANI GLACAN

TIRCONALLIENSIS HIBERNI

PATHOLOGIA.

LIBER TERTIVS

De Symptomatum differentijs.

CAPVT I.

Quid Symptoma?



Vum symptomata morbos consequantur, ipso-
rum naturam post hos scrutari par erat. Sed
quoniam morborum natura integrè, sine sedu-
la causarum inuestigatione, enodari nequeat,
maioris claritatis ergo librum de causis mor-
borum interponere voluimus, quo absoluto,
hoc tertio symptomatis naturam, atque differentias cum Gale-
no, qua fieri poterit facilitate, exponemus. Siquidem non mi-
nùs necessaria est hæc de symptomatum differentijs doctrina,
quàm reliquæ præcedentes de differentijs morborum, & causis,
quòd symptoma, tanquàm effectus, morbi naturam & speciem,
nobis demonstret.

*Epigeni-
ma.*

Galenus lib. de symptom. different. c. 1. docet symptoma,
morbi à nonnullis Medicis ἐπιγενίμα, idest succedens, appel-
lari; quasi dicerent, quidquid præter naturam morbo succedit,
esse symptoma: quanquam nomen illud, ἐπιγενίμα, apud Græ-
cos parum vsitatum sit, vt ibidem loquitur Galenus. Hæc nomi-
nis significatio vero symptomati competit, non autè omni sym-
ptomati. Nàm symptoma generatim acceptum significat omnē
mutationem à naturali statu ad statum præter naturam. Sym-
ptoma itaq; in hoc sensu est, quidquid præter naturam animan-
ti accidit, vt cit. cap. loquitur Galenus. Morbus ergo, & morbi

*Sympto-
ma bi-
sariam
accipitur.*

cau-

causa, iuxta hanc communem significationem, symptomata dicuntur. Symptoma verò magis strictè & peculiariter acceptum, est id quod morbum sequitur, tanquam umbra corpus; vt ex Galeni verbis cit. cap. colligi potest.

Quid symptoma.

Nos cum Galeno symptomatis speciatim sumpti naturam inuestigabimus. *Συμπτωμα* idem est ac casus, aut concasus, aut accidens, vt inter alios doctissimus Vega interpretatur. Nolle tamen symptoma, accidens, nisi cum additamēto, morbi, appellare; quoniam morbus accidens est. Quare; si accidens morbi dicatur, non errabitur. Symptomata enim casus sunt; qui propriè accidentia appellantur, vt loquitur Galenus lib. de Arte Medici-
cinali cap. 8. quamuis lib. 1. meth. cap. 9. dixerat; ea quæ constitutionem corporis necessariò sequuntur, à quā actio procedit, sanis quidem nobis accidentia vocari; egrotantibus verò nobis symptomata nuncupari. Verum symptoma, vt dictum est, rectè morbi accidens appellari potest: ritè etiam casus, & concasus; quia vnà cum morbo in corpus humanum cadit, concaditue. Vnde symptoma à *συμπίπτω*; idest coincido, aut simul cad o, coeo; competo, accido, contingo, deriuari nonnulli vo-
lunt. Symptoma itaque *συμβέβηκε*, id est accidens, dici potest: à *συμβαίνειν*, .n. idest simul venire, aut contingere, *συμβέβηκε* deriuatur. Similiter & *ἐπιγενίμα* (vt dictum est) optimè de symptomate dicitur; quia symptoma morbo succedit, & veluti sub-
crescit, superuenitq;. Non malè ergo symptoma dicitur casus, & accidens; aut id quod accidit (morbo scilicet); cùm hanc habeat significationē apud Aristotelem, Thucididem, & Demosthenē. Verum nomen symptoma, quàm accidens, aut epigenima, magis vsitatum est: quare vt vsui cōmodius, ita cum plerisq; Medicis amplectendum.

Symptoma est casus, & accidens.

Symptomatis Etymologia.

Examinatâ symptomatis origine, eius definitionem proponere par est. Symptoma est affectus præter naturam, morbum cō-
sequens, veluti umbra corpus. Hæc definitio ex Galeno colligitur, lib. de symptomat. different. cap. 1. vbi docet; affectum tripliciter accipi. Primò, pro omni eo quo cōpora, siue sana, siue egra, afficiuntur: immò pro rerum inanimatarum, vt vocis, & q-
rationis, affectibus. Cùm enim affectus ab affici dicatur, quoties corpora afficiuntur, aliquo affectu laborare dicuntur. Vnde sē-
suam

Symptomatis definitio.

Nomen affectus trifariam accipitur. Affectus derivatio.

suum instrumenta, quoties à suis obiectis alterantur, affici censentur. Oculus ideò à coloribus, & lumine alteratus, dum hæc percipit, affici dicitur: sicuti instrumentum odoratùs à proprio obiecto odorato: instrumentum tactùs à primis qualitatibus: instrumentum gustùs à gustabili: oratio etiam, benè, vel malè compra, affici dicitur. Secundò, nomen affectus accipitur pro tribus rebus præter naturam, morbo, morbi causà, & symptomate. Tertiò, pro re perinante præter naturam, morbo scilicet. Si in prima significatione, & consequenter in genere remotiori, accipiat nomen, affectus, in eo cum sanitate conueniet symptoma: & distinguetur per hæc, præter naturam. Si autem in genere proximo nomen, affectus, accipiat, in eo, veluti in oculis (præter naturam) symptoma cum alijs rebus præter naturam conueniet, & in reliquis discrepabit. In particulis (morbum consequens) distinguitur, tã à morbo, quàm à morbi causà. Per hæc (velut umbra corpus) declaratur symptoma nullam habere permanentiam certam ac firmam, nisi dependenter à morbo. Morbum enim à symptomate bifariam distinguit Galen. Primò, quia morbus est res permanens: omne saltem symptoma non est tale: actio v. g. læsa diminuta, semper est in fluxu seu motu; licet affectus corporis, color v. g. prauus, sit res permanens. Secundò, quia morbus lædit actiones, symptoma verò minimè: & si contingat ipsum lædere actiones, morbi rationem tunc subit; sicuti causæ morbificæ vicem gerit, quoties morbum procreat; vt ex Gal. colligitur lib. 12. Meth. cap. 1. Differt demum symptoma à passione (pathos siue pathema Græcis dicitur) quod passio sit fluxus & motus, ac fieri ipsius morbi in subiecto. Est enim passio motus passiuus in subiecto receptus, sicuti actio motus actiuus, quatenus ab efficiente dependet. Pathos ergo morbum præcedit, cum morbus sit eius terminus, ad quem desinit, si de passione præter naturam loquamur: symptoma autem ipsum morbum sequitur, & non præcedit. Deinde symptoma à passione distinguitur, quòd hæc symptoma te latius pateat. Passio enim in vniuersum æquè latè patet ac affectus. Vnde naturales alterationes, tam animi, quàm corporis, comprehendit: Symptoma autem, siue generatim sumatur, siue peculiariter, est semper res præter naturam. Res tamen vna sub

Morbus à symptomate bifariam distinguitur.

Symptoma & pathos distinguuntur trifariam. Passio quid.

sub vario respectu potest esse symptoma, simul & passio. Tremor v.g. est pathos seu pathema, quatenus membrum tremore affectū patitur: estque idem tremor symptoma, quia est actio læsa. Tertiò tandem symptoma à pathemate distinguitur, quòd pathema propriè sit motus in subiecto aut materia receptus, ipsaque rei mutatio, cuius vna pars alteri succedit. Vnde Pathema est aliquid in fieri, & ens successiuum, symptoma verò potest esse, & quid successiuum, vt actio læsa, diminuta saltem, & deprauata, & quid permanens, vt flauus ictericorum color. Galenus autem accuratè symptoma à pathemate distinguit, quòd aliqui antiqui hæc duo inter se cōfunderent, & tanquā eadem pronunciarent: cū tamen symptoma propriè dictum à morbo proficiscatur, pathema verò antecedit.

Tremor est passio & symptoma.

Symptomata quædam sunt entia successiua, alia verò permanentia.

Sed contra allatam symptomatis definitionem aliqui obijciunt, symptoma non sequi morbum veluti vmbra corpus; quòd quædam symptomata alia producant: Diarrhæa v. g. siue alui fluor, sequitur immediatè actionem deprauatam facultatis expultricis irritatæ à materia morbificâ: mediatè verò sequitur morbum.

Obiect. 1.

Respondeo, diarrhæam, & quoduis aliud symptoma, immediatè à morbo fieri; vnum tamen symptoma post aliud produci, non quòd vnum symptoma sit alterius causa, sed quòd successiuè generentur: eo penè modo, quo Pater primum filium, immediatè generat, secundum etiam immediatè. Symptoma ergo quoduis immediatè morbum sequitur, veluti vmbra corpus; ratione tamè ordinis productionis vnū symptoma sequitur immediatè morbum, alterum mediatè, idest post productionem primi, licet secundum symptoma æquè ac primum, à morbo immediatè dependeat.

Solutio.

Obijcies secundò, Vmbra semper sequitur corpus, symptoma verò, omne saltem, non ita; vt videre licet in prauo colore ictericorum, qui quidem per aliquot dies post deobstructionem pori cholidochi, à qua nascebatur, in corporis habitu remanet. Ergo symptoma hoc in affectu corporis sine morbo in corpore persistit: atq; adeo symptoma non sequitur morbum, veluti vmbra corpus.

Obiect. 2.

Respondeo, negando antecedens, quod assererat, symptoma

Solutio.

Nn

non

non sequi morbum, vt vmbra corpus. Exemplum autem ictericorum Galeni doctrinam nequaquam eneruat. Nam licet icterici primariò fiant aliqui, ob pori cholidochi (per quem naturaliter bilis ad intestina ex hepate amandatur) obstructionem, ita vt tunc ad vniuersum corporis habitum humor biliosus diffundatur, secundariò tamen, aut secundo loco flauus ille habitus corporis color immediatè dependet ab exilium meatuū obstructione, quæ colorem illum perseuerantem planè fouet. Nam color ille non à se fouetur, sed humori bilioso cutis meatus replenti intimè hæret. Humor verò prauum illum colorem conseruat, donec abstergetur, & è corpore separetur. Color ergo ille flauus (idem de nigro dicendum) quâdiu inest, à morbo in obstructione fouetur, nec sine morbo subsistere valet; teste Galeno lib. 12. meth. cap. 1. vbi ait, symptoma in affectu corporis tolli ad ablationem affectus à quo pendet, alia verò duo symptomatum genera curationem aliquando ad se conuertere. At (inquit) genus symptomatum, quod in affectibus consistit, alterius quidem quem curare oportet, affectus est signum: ipsum tamen seorsum nullam curationem exigit, vtpote cum affectu, vnde nascitur, vnà cessans. Ergo ictericorum color, qui est symptoma in affectu corporis, sequitur morbum, sicut vmbra corpus.

Obiect. 3. Obijciens tertio, nonnulla symptomata consequi morbum fientem, qui non est morbus. Ergo omne symptoma non sequitur morbum. Patet antecedens in dolore qui symptoma est, qui tunc fit, dum alterascit, ac corrumpitur natura, ex Hippocrate lib. de locis in homine: & Galeno lib. de inæquali intemperie cap. 4. Sed alteratio, & corruptio siue solutio continui in fieri, à quibus dolor nascitur, sunt pathemata potius, & fieri morbi, quàm morbus. Ergo symptoma ab his dependens, nō à morbo fluit: & per consequens, symptoma non semper sequitur morbum.

Solutio. Respondeo concedendo illam antecedentis partem, quæ dicit, symptoma sequi morbum fientem, negando tamen aliam partem antecedentis, quæ habet, morbum fientem non esse morbum. Ipse enim aduersarij morbum fientem, morbum vocant. Ergo ex ipsorum sententia est morbus. Cæterum, si morbi fientis naturam exactè consideremus, morbus dicetur respectu

Qu partis iam factę & introductę melius, quàm respectu fientis. Dolor autem homini infertur, dum violenter & actu fouetur alteratio & corruptio partis alicuius. Dolor ergo morbum verę sequitur.


Obijcies quartò, nōnulla symptomata immediatę sequi causam morbificam, non morbum. Palpitatio enim est motus deprauatus, & consequenter actio deprauata, quę fit à flatulento spiritu exitum quarente: Sed flatulentus spiritus, est causa, & non morbus. Ergo palpitatio causā, & non morbum sequitur. Rigor pariter, qui est motus concussiuus totius corporis, causam sequitur, humorem videlicet acrem, partes corporis mordentem. Dolor etiā ipse, de quo paulò supra, à causa, & non morbo procedit. Syncope similiter sequitur causam aliquā, & nō morbum.

Obiect. 4.

Respondeo, nullum symptoma sequi immediatę causam. Palpitatio. n. cordis v.g. sequitur aliud symptoma in retentis, vapores scilicet superfluos, præter naturę institutum detentos. Vapores autem illi, quibus cordis capsula repletur, & distēditur, exitum quęrunt. Quare distensio capsulę, siue pericardij, facta à flatuosis istis vaporibus, est morbus in cavitare, à quo palpitatio dependet. Vapores illi flatuosi ab intemperie frigida nascuntur. Rigor in febribus ab humore acri & mordente fit, sed mediante intēperie calida, & solutione continui fiente: Partes quidem membranosę, neruosę, & tendinosę, ab humore acri mordentur, pungunturque. Dolor à morbo fit, vt antea comprehensum est. Syncope, quę est præceps virium lapsus, symptoma in excretis consequitur. Dissipantur enim spiritus vitales ab intemperie nimis calida, vel ijdem spiritus à nimis frigida extinguuntur, aut à causa occulta corrumpuntur. Hinc syncope, quę morbum semper consequitur. Concludendum ergo, definitionem symptomatis à Galeno traditam esse bonam, quam in fine cap. 2. de different. symptomat. confirmat, aiens, symptoma speciatim acceptum esse id omne, quod est præter naturam, morbos, & causas (internas scilicet) excipiendo.

Solutio.

Syncope quid.



CAPVT II.

De generali Symptomatis diuisione.

Diuidendi methodo libris de Symptomate, & morbo v-
sus est Galenus. Quemadmodum igitur doctrinam
de differentijs, & causis morborum hac methodo ex-
posuit, ita & symptoma in vniuersum diuidit in suas primas dif-
ferētias, aut genera, & hæc rursus in alia, & sic deinceps, donec
ad vltimas species deuentum sit. Cap. ergo 2. lib. de differentijs
symptomat. symptoma in tria diuidit genera: actionē nimirum
læsam: affectum corporis: & ea quæ vtramque speciem cōsequun-
tur, quæ vulgò excreta & retenta nuncupantur. Has tres species
siue genera deinceps sequentibus capitibus in sua membra sub-
diuidemus.

Obiect. 1. Sed solito more garrit Argenterius, & propositam à Galeno
symptomatis diuisionē redarguit. Obijcit igitur primò, cibum
in ventriculo corruptum, sanguinem putrefactum, esse sympto-
mata, quæ frequenter in febricitantibus extant: similiter & spon-
giosam carnem vlceri vicino ossi, huiusq; corruptionem aliquo-
ties prodentem, symptomatis instar superuenire. Hæc tamen
symptomata non continentur sub actione læsa, aut qualitate
corporis, aut excretis & retentis. Ergo diuisio symptomatis à
Galeno data, diminuta est, & minimè completa.

Solutio. Respondeo, prædicta symptomata sub excrementis contine-
ri. Galenus autem lib. 1. de locis affectis cap. 1. fungosam car-
nem ossi supernascentem, excrementum vocat; estq; vt ait, læsæ
menyngis indicium, quoties capitis ossi supercrescit. Libro de
sanit. tuenda cap. 7. dum de corrupto in ventriculo ci-
bo loquitur, docet benè cum ijs agi, quibus corruptus cibus op-
naturæ euacuatur. Et lib. 11. Methodi cap. 8. putridorum hu-
morum euacuationem persuadet. Humores igitur in venis putre-
facti, cibus in ventriculo ægri corruptus, & fungosa caro vlceri
supercrescens, excrementa sunt, eaque præter naturam retenta,
si diutiùs in corpore persistant.

Obiect. 2. Obijcit secundò Argenterius, dolorē non contineri sub actio-
ne

ne læsa, vt vulgò fertur, sed eum esse tristitiam, cōsequentem sensationem.

Respondeo negando Argenterij falsum effatum: & dico, dolorem esse tristē sensum tactûs: atq; adeò actionem deprauatā, & valde solemnem. Vnde de eo, quàm de reliquis actionibus læsis, exactiùs agit Galenus lib. de Sympt. caus. cap. 3. & libro 6. de Symptom. caus. cap. 6.

Quando ait, vigilias immodicas non esse actionem læsam, si cuti nec somnum, fallitur; cū sint cerebri actiones.

Parū oculatè Daniel Sennertus lib. 2. Institut. Medic. Parte 3. Sect. 1. cap. 2. symptoma generaliter diuidit in symptoma causæ, symptoma morbi, & symptoma symptomatis: cū dilucidè iuxta Galeni doctrinam, & rei veritatem, libro 1. huius operis probauerim, omne symptoma à solo morbo prodire: rei euidētiam inibi videre licet.

Solutio.

*Vigilia
& somnus
exceden-
tes sunt
actiones
læse.
Sennertus nota-
tur.*

CAPVT III.

De differentijs Symptomatum actionis animalis.

Precipuum symptomatis genus in actione læsa consistit; quæ quidem actio læsa nō solum actionem quæ malè fit, comprehendit, sed actionem insuper abolitam, teste Galeno lib. de symptomat. different. cap. 2. & 3. Actionem læsam, iuxta eiusdem Galeni doctrinam, in abolitam, diminutam, atq; deprauatam, communiter Authores distribuunt. Abolita actio dicitur illa, quæ nullo modo fit: cecitas v. g. est visionis omnimoda priuatio: quare cū oculus non ampliùs ob cecitatem videat, visio dicitur esse abolita & extincta. Actio diminuta dicitur illa, quæ segniter & vix fit: visio v. g. imbellis, diminuta actio dicitur, quoties obiectum aliquod percipit, sed vix, aut non cōpletè. Actio deprauata dicitur illa, quæ aliter fit ac fieri deberet: v. g. dum oculus in icteritiâ, obiecta omnia flauescencia percipit, etsi talia non sint, visio deprauata dicitur: Non enim res percipit sentitue oculus, vt in se sunt, sed aliter; quia tunc ipse ocu-

Actio læsa præcipuum symptoma.

Actio læsa triplex

lus potentię visuę instrumentum flauedine afficitur. Similiter dum lingua amara bile imbuta, alimenta etsi in se dulcia, aut insipida sint, amarescere percipit, gustatio illa deprauata esse dicitur. Visio etiā percipiens res omnes circumduci & circumgyrari, etsi tunc quiescant, deprauata actio dicitur: percipit enim res aliter ac sunt.

Actio duplex, animalis & naturalis.

Facultas vitalis est naturalis eaq; concoctrix.

Facultas pulsfifica expultrix est & attractrix.

Actio animalis quæ animalis actio triplex.

Sensibilis quintuplex.

Motiuæ actio speciei unica est.

Actio princeps triplex.

Actionem in vniuersum diuidit Galen. lib. de different. symptom. cap. 3. in naturalem, & animale. Naturalis actio comprehendit non solū illā, quæ viuētib; omnib; communis est, vt nutritionem, concoctionem, attractionem, retentionem, & expulsionem, verū etiam vitalem actionem, cū spontē naturæ, & sine imperio voluntatis fiat. Facultas enim vitalis, spiritus generans, est facultas concoctrix siue alteratrix cordis. Facultas verò pulsfifica, est veluti composita ex expultrice, & attractrice, absque voluntatis imperio. Actio animalis est illa, quæ animalib; propria est: & imperio quodam editur. De animali actione, tanquā præcipuā, & magis nobili, primo loco cum Galeno agemus: Sequenti verò capite de actione naturali.

Animalis actio triplex est, sensibilis, motiuæ, & rectrix. Sensibilis animæ functio siue actio quintuplex est, visua, auditoria, olfactoria, gustatoria, & tactoria. Motiuæ actio vnica est, quia vnico fit instrumento, musculo videlicet, & vnico semper, eodemque modo perficitur. Dum enim motus naturaliter & voluntatis imperio fit, musculus, aut musculi partes quæ mouentur, ad suam originem retrahuntur. Cū ergo vnicum instrumentum motui perficiendo à naturā concessum sit, & vnicus semper appareat motionis modus, rectē motiuæ actio specie vnica censetur. Rectrix animæ actio in tres species distribuitur: Prima, est imaginatio: Secunda, ratiocinatio: tertia, memoria. Hunc ternarium principum actionum numerum, tum cit. cap. tum lib. 3. de locis affect. cap. 3. & alibi, posuit Galenus. Communem verò sensum ab imaginatione, seu phantasia distinctum nullibi clarē admisit. Nam lib. 7. de Decret. Hippocrat. & Platon. cap. vltimo, sensum communem innuens, ait ipsum à cerebro non distingui. Vocat enim cerebrum sensum communem, & primum sensorium: non quod actu sentiat, vt in Physiologia docuimus; sed quia est principium & origo sensuum, cū beneficio facultatis

tatis è cerebro ad sensuum externorum organa vnà cum spiritu fluentis, ijdem sensus sua persèntiant obiecta; prout docet adhuc Galen. lib. 1. de Symptom. caus. cap. vltimo.

Hunc compendiosorem facultatum, & actionum principum numerum amplecti malumus, quàm quinarium à Peripatheticis quibusdam cum Arist. lib. 3. de anima. cap. 3. statutum. Licet autem sensus communis ab imaginatione distincti inibi non meminerit Aristoteles, cum tamen addere non sunt veriti Algazel-*Facultas princeps quintu-plex à quibusdā statuitur,* & Albertus Magnus; vt nimirū talis potentia externorum sensuum obiecta percipiat, dignoscatque. Secundo loco imaginationem (quam tamen primam posuit Aristoteles) collocant; vt hæc potentia imaginatrix sensus communis idola conseruet, resque iam sensatas in earundem rerum absentia recolat. Tertio loco æstimationem potentiā enumerant, quæ in brutis fortè rectius talis dicitur, in hominibus cogitativa: cuius munus est, nō sēfata obiecta, vt odium, & amicitiam, percipere. Quarto loco Phantasiam, cuius munus est, species rerum inter se variè coniungere; vt sensatas cum sensatis: dum v.g. ex auro & monte aureum mōtē effingit; vel dum non sensatas cum sensatis connectit, vt quoties rem calidā, simul & vtilem percipit: vel tertio, dum res non sensatas cum non sensatis coniungit; vt dum agnus matrem, vt rem sibi charā & amicā apprehendit. Quinto loco Memoriam ponunt, vt hæc potentia conseruet ea omnia, quæ Phantasia percipit. Quoad facultatū ordinem Auicēna Phantasiam tertio loco collocat: Imaginationem verò quarto. Verū Aristotel. citato cap. imaginationis siue Phantasie, Æstimationis, & Intellectus mentionem fecit. Galenus Imaginationis, Intellectus, & Memorie. Ternarium numerum, vt diximus, tanquam veritati propinquiorem, amplectimur, quod hæc tres potentie efficere valeant, quidquid illæ quinque ab alijs enumeratæ.

Sensus communis ab imaginatione non distinguitur.

Non leuis est de principum facultatum sede disputatio. Nā Philosophi, & ex Medicis nonnulli autumant, imaginationem, aut sensum communem, suam habere sedem in anteriori cerebri parte, vtpotè humidiori; quod humiditatis ope species rerum faciliè percipiantur: Memoriam verò in posteriori cerebri parte: quod hæc pars, vtpote sicca, idonea sit conseruationi specierum rerum conceptarum: Intellectum tandem in medio cerebri, tan-

Principibus facultatibus diuersam functionem tribuunt.

quàm

quàm loco nobiliori, suam obtinuisse sedem. Suam illi sententiam confirmant, quòd vna principum actionum sæpè lædatur illæfâ alterâ. Imaginatio v. g. læditur, integrâ manente ratiocinatione: & vice versa: Similiter & memoria læditur, illæfis alijs.

Totum cerebrum est omnium principum facultatibus sedes.

Sed illa sententia, quæ vniuersum cerebrum statuit promiscuam sedem omnium facultatum principum, nobis magis placet. Quoniam hæ facultates inibi sedem habent propter cerebri temperamentum. Ergo cum totum cerebrum frigidum sit & humidum respectiue & in ordine ad alias partes, illæ facultates erunt in toto cerebro, & nõ vna in vnâ parte, altera in aliâ. Pater atecedens: probatur consequentia. Aliæ facultates naturales cuilibet parti promiscue insite sunt. Ergo similiter & Principes, quæ vt suas vnâ cum anima edant actiones, naturales quidem dicuntur & sunt, & in cerebri temperamento aliquo pacto consistere dicuntur. Scio quidem, intellectum esse animæ rationalis facultatem, quatenus tamen corporea dispositione ad agendum eget, aliquo modo naturalis dici potest. Cum ergo par sit ratio in his cerebri facultatibus, & reliquis naturalibus, quoad sedem & temperiem, Cerebri facultates omnes in eius vniuersâ substantiâ, peculiari temperie prædita, sedem habebunt; sicuti naturales in quauis corporis parte, naturali partium temperie adiutæ.

Dubio occurratur.

Quod autem obijciunt, fragile est. Concedimus quidem imaginationem in anteriori parte cerebri magis elucescere, quàm in posteriori; quia humiditate iuuatur imaginatio: Negamus tamen eam non esse in posteriori æquè ac anteriori parte. Nam naturales facultates absolute dictæ in vna eademque parte consistunt; tamen à manifestis qualitatibus ita iuuantur, vt vna lædatur alterâ illæfâ. Concoctrix verò facultas, sicuti & attractrix, calore iuuantur, & siccitate excedente læduntur, sicuti & humiditate superflua: Retentrix è contra, siccitate iuuatur, humiditate læditur. Expultrix humiditate magis, quàm siccitate iuuatur. Quamuis ergo principes animæ facultates toti cerebro naturaliter insint, vna tamen à manifesta qualitate, in vna parte quàm in alia magis elucens, iuuatur, ab altera verò manifesta læditur.

Actiones læsæ Sensuum.

Ita distinctè præpositis speciebus quibusvis actionum animalium, & principum, par est nunc proponamus cuiusvis speciei læsiones: cum ob læsiones aut noxas actionibus illatis, actiones læsæ symptomata dicantur. Docet enim Galen. uti antea comprehensum est, actionem omnium sensuum, de quorum læsione primo loco agit, aboleri, aut malè edi. Abolita actio, amplius non fit. Actio autem malè fit bifariam; vel quia debiliter, vel quia deprauatè. Visus ergo vel aboletur, vel diminuitur, vel deprauatur. Visus abolitus *αμαύρωσις* Græcis dicitur, quoties visio amplius fieri nequit: & quando aliquis ita videndi facultate priuatur, cæcus dicitur, & symptoma ipsum, cæcitas. Visus immixtus dicitur, qui non exquisitè, & solito more, sed debiliter videt, & Latinis visus hebes, aut hebetudo visus, visusue obscurus, Græcis *αμβλωπία* dicitur. Visus deprauatus, Græcis *παρρῳασις*, Latinis hallucinatio, est ille qui erroneè fit: ut in strabismo, siue obliquo intuitu contingit: veluti etiam ijs, qui rem simplicem, duplicem vident; & rem integram, perforatam; rubram, flauam; & viceversa rem flauam, aut viridem, rubram putant. In auribus actio abolita, surditas dicitur, Græcis *κώφωσις*. Diminuta auditio, grauis auditio Græcis *βαρυκωία, δυσκοιλία, & ὀποκώφωσις*. Deprauata auditio, quando sonitus aut sibilus, tinnitus, aut strepitus, aut fluctuatio auditur; cum tamen nihil tale sit propè, aut extra aurem.

*Quævis
actio læsa,
vel est abo-
lita, vel
diminuta,
vel deprauata.
Visiones
læsæ.*

*Auditio
læsa.*

Symptomata, seu actiones læsæ pari modo alijs sensibus, odoratus, gustus, & tactus, accidunt: sed proprijs nominibus carent. Defectus ergo omnimodus saporis in linguâ, abolitus gustus dici potest: in naribus, adempta odoratio, abolitus odoratus: in omnibus sentientibus partibus, amissus sensus, abolitus tactus. Diminutus similiter, atque deprauatus gustus, odoratus, tactus, dicuntur actiones difficiles seu debiles, & actiones deprauatæ horum sensuum.

*Aliorum
sensuum
actiones
læsæ.*

Postquàm breuiter & dilucidè sensuum symptomata exposuit Galenus, in doloris expositione parumper sistit: dicitq; dolorem esse insigne symptoma sensus tactus. Tactus autem (inquit) in sua

*Dolor in-
signe sym-
ptoma sen-
sus tactus.*

*Dolor est
vera actio*

functione præter reliquas sensationes proprium & insigne symptoma obtinet, nempe dolorem. Ex his Galeni verbis, & ex doloris definitione libro 2. de locis affectis cap. 2. quæ sic se habet: Dolor sensus tristis est, facile colligitur, dolorem esse actionem læsam, & veram sensationem, non verò obiectum potentia tactiva. Non est enim dolor, qui per se sentitur, cum hic sit ipsa actio vitata, sed causa doloris, ex Galeno libro 2. aphorism. 6. dum interpretatur illum aphorismum: Quicumq; aliqua corporis parte dolentes dolorem non sentiunt, ijs mens ægrotat.

Dolor sub actione læsa deprauata continetur, quia aliter tactus obiectum à tactu ipso percipitur ac in se est. Cum. n. obiectum tactus dolorem inferens immodicum sit, & improporcionatum, non simpliciter, vt obiectum tactus est, percipitur, sed vt obiectum prorsus molestum. Quare sensatio facultatis tangibilis non naturali modo, sed deprauate fit: ab alteratione nimirum vehementi, aut solutione continui: quarum vtraq; ab improporcionado obiecto nascitur.

Quod dolor propriè sensui tactus competat, alijs verò sensibus, quatenus sensus tactus participes sunt, patet ex Galeni cit. capite 3. lib. de different. symptom. vbi ait: Tactus autem in sua functione præter reliquas sensationes proprium & insigne symptoma obtinet, nempe dolorem. Qui licet cæteros sensus ob externa, eademq; propria sensilia obturbet, hunc tñ sensum non solum ob externa sensilia, sed multò magis ob intimos corporis affectus discruciat: idque interdum adeò vehementer, vt laborantes doloris grauitate victi, se ipsos interimere cogantur. Atq; oculos identidem dolor inuadit ob lucis splendorem. Similiter aures, ob vehementem & asperum strepitum. In olfactu quoq; & gustu, aliæ quædam molestiæ eueniunt, prout quilibet horum à proprio sensili dolenter fuerit affectus. Maximi verò dolores in sensu tactus percipiuntur. Etenim vehemens dolor, quo in auribus ob phlegmonem, aut alium affectum torquemur, non ad sensum auditus, sed ad tactum propriè pertinet: quippè qui omnium sensuum instrumentis communis est: cum aliorum quatuor quilibet suo duntaxat instrumento contentus sit. Ita in oculis subinde vehementes dolores excitantur, sensu tactus in ipsis laborante. Huius symptomatis sunt, & dentium, & crassioris

*Multi dolore coacti
in exitum
se præcipi-
ant.*

is intestini (Græci $\pi\acute{o}\lambda\omicron\iota$ vocant) dolor, itidem & pruritus.

Ex hoc Galeni contextu sufficienter constat, dolorem esse proprium ac insigne symptoma sensûs tactûs, alijs verò sensibus conuenire ratione eiusdem sensûs tactûs. Lucis enim splendor oculum dolere facit, quia dissipat, resoluit, nimiumque dilatat oculi substantiam. Albedo etiam, vt splendidum lumen, eundem oculum disgregat, & quandam ei infert violentiam. Ex aduerso quod atrum est, visum lædit nimium cogendo, aut constringendo, & cōsequenter vnitatis solutionem efficiendo. Grauis sonus, veluti nimis acutus, auditum similiter lædunt; quia ille auditum nimium cogit, retunditque; acutus verò plurimum dissoluit. Gustum lædunt acerba quæuis, & austera; quia nimium cogunt, & cōstringunt linguam: inde linguæ asperitas post mansum fructum acerbum, seu prorsus immaturum, veluti post austera, vt mala cydonia seu cotonea. Acida enim quæuis nimis penetrando, & vnitatem continui soluendo, dolorem efficiunt: acrida verò, quia penetrant, & corrodunt. Odorabilia pari pacto, si à mediocritate ad extrema recedunt, aliqualem dolorem tristemue sensum efficiunt. Id tamē discriminis inter dolores sensûs tactûs, & dolores reliquorum sensuum ponit Galenus, quod dolores tactûs tam ab extrinsecis, quàm intrinsecis obiectis. prouenire queant; reliquorum sensuum dolores à solis obiectis extrinsecis.

Postquam Galenus declarauit, dolorem esse insigne symptoma sensûs tactûs, ait quasdam doloris species nomina habere propria: alias nequaquam. Propria nomina sunt, Cephalalgia; idest capitis dolor: Otagia, auris dolor: Cardialgia; cordis, idest orificij ventriculi dolor: nam Antiquis ventriculi orificium, cor dicebatur. Alijs autem doloris speciebus nō sunt instituta nomina: Quare communiter proferimus, vesicæ dolorem, pedis dolorem, genu dolorem, oculi dolorem, renum dolorem, lateris dolorem, & ita de reliquis dabo antequam addidero quædam

Symptomata sensus communis.

Galenus citato cap. 3. lib. de Symptom. differ. hæc habet: Atq; hæc sunt functionū, quæ ad sensus pertinent, symptomata: quibus præterea duo, non mediocris nota,

Dolor omnis est symptoma sensus tactus. Alij sensus dolent quatenus eorum instrumenta de sensu tactus participant.

*Sonus &
vigilia ex
cedentes
sunt sym-
ptomata
sensus co-
muni.*

tæ, addi debent, nempe vigilia & veternus (idest coma), quæ in primo omnium sensu, qui communis quoque dicitur, cōsistunt. Siue sensus inpresentiarum pro ipso cerebro accipiatur, siue pro sensu interno, more Philosophorum, duo eius Symptomata enumerat Galenus, & immediatè quidem post actiones læsas sensuum externorum: quoniam somnus & vigilia sunt actiones læsæ, & insignes, ac peculiares primi sensorij, idest Cerebri; quæ admodum sensui tactus peculiaris est dolor. Immodica quippe vigilia, actio est cerebri deprauata; quia cerebrum aliter tunc agit, ac deberet: Spiritus enim animales perpetuò ad reliquas corporis partes transmittit, cum tamen aliquando à tali actione quiescere deberet. Somnus similiter, actio læsa est cerebri, cum sit omnium veluti ligatio. Qui tamen volet cum appellare quietem, & à vigiliâ cessationem cum Aristotele lib. de Somno, & Vigiliâ, per me licet: vt tamen sit, ad deprauatam cerebri actionem reducitur, si immodicus fuerit.

Motus læsus.

*Motus a-
boletur, di-
minuitur,
aut deprauatur.*

*Apople-
xia est re-
solutio om-
nis actio-
nis anima-
lis.*

*Paralysis
crymon.*

Sicuti actio læsa, ita & motus aboletur, vel diminuitur, vel deprauatur. Motus autem simplex actio est, & secunda animalis; cum prima actio sit sensuum. Exemplum motus aboliti sit apoplexia, quæ est totius corporis resolutio, seu sensus & motus in vniuerso corpore priuatio, vnà cum detentione principum functionum. Sensus enim, & motus, ac principes actiones in hoc affectu lethifero cessant; abolenturq; cum nullatenus fiant, ob virtutis motricis, aut spirituum animalium resolutionem. Resolutio tamen non tantum dicitur respectu dissipationis virtutis, & spiritus, musculi neruis insertorum; verum etiam respectu denegatæ virtutis motricis, denegatique spiritus animalis partibus suppositis cerebro, à quo nec virtus, nec spiritus descendit, quoties ipsum grauiter affici contingit, aut quotiescunque ipsa motus instrumenta ineptè disposita sunt. Vnde articulis luxatis, aut aliqua musculi parte immodicè indurata, aut emollita, motus nullo pacto fit. Apoplexia ergo est tanquàm vniuersalis resolutio, aut paralysis omnium actionum tã principum, quàm animalium. Paralysis enim à *παράλυσις* est, idest

resol-

resolui, deriuatur. Sed resolutio, vt dixi non solum pro amissione virtutis & spiritus, aut debite dispositionis partium, quę motui voluntario inferuiunt, accipitur; sed insuper pro negatione influxus facultatis motricis, quę vnā cum spiritu in partes cerebro subiectas ad motum animalē edendum non descendit. Sicuti enim communiter paralytis dicitur resolutio neruorum, ita vt in ea sensus & motus pereant, quoties actiones etiam principes abolentur, resolui dicuntur. Paralytis etenim varię sunt species, cū lingua, & oculus, & manus, & facies, & cęterę corporis partes resolui queant: Paraplegia tamen, & paraplexia, & hemiplegia, dicuntur resolutiones partium sub capite, aut medij corporis, aut lateris alicuius.

Paralytis species. Paraplegia quid.

Motus diminuti exemplum fit. stupor, in quo membrum eo affectum, brachium v.g. aut crus, vix eleuatur: Est enim veluti Paralytis præludium. In lassitudine etiam motus diminuitur. Motus deprauati quatuor exempla proponit in contextu Galenus: Tremorem videlicet, Conuulsionem, Palpitationem, & Concussionem. Tremor quidem, Gręcis τρόμος, erroneus ac deprauatus motus est; quia est motus qui aliter fit ac deberet. Nō enim à facultate motrice purē emergit, sed partim à facultate imbelli erigente prō viribus membrum tremulum, brachium v.g. partim verō ab ipso membro, suo pondere deorsum tendentē. Vnde motus compositus, ex contrarijs resultans, merito dici debet. Palpitatio est deprauatus motus, quod fiat aliter ac natura intendat, cū sit motus, siue pulsatio quędam irregularis, nullatenus debita parti. Conuulsio autem seu Spasmus, est motus deprauatus; quia est neruorum, pręter imperiū voluntatis, ad suam originem retractio. Naturali enim motui, si non secundū modum, saltem secundū effectū & causam opponitur: quoniam naturalis motus fit retractis musculis tēpore debito ad suam originem, voluntatis imperio. Motus conuulsius fit quidem propter continuam intempestiuamque musculorum ad suam originem, pręter voluntatis imperium, retractionem. Vniuersales (vtpote toti corpori conuenientes) species conuulsionis tres communiter à Gal. numerantur, Emprosthotonos, in quo vniuersum corpus, sed pręcipuē caput, in anteriores partes inclinatur. Opisthotonos contra, in quo vniuersum

Stupor quid.

Tremor

Palpitatio.

Conuulsio

Tres vniuersales conuulsionis species.

corpus,

corpus, sed maxime caput in posteriorem partem conuellitur: Tetanosest, in quo totum corpus rigidum efficitur. In his autem motibus, etsi vniuersalibus, principes actiones non cessant. Quibusdam placet, nec forte male, conuulsionem iam factam non esse motum deprauatum; sed protinus abolitum. Conuulsionēs peculiariū partium nominibus proprijs carent, si excipias conuulsionem cynicam seu caninam, & τρισμαρ, idest conuulsionem musculorum mandibularum, in qua dentiū concussio & stridor percipitur, & ἀσπασισμαρ, idest conuulsionem musculorum oculi. Concussio demum est motus deprauatus: huius generis est rigor, totius corporis concussio; & horror, cui is vniuersæ concussio. Epilepsia etiam est motus conuulsius totius corporis, seu concussio vniuersalis: quæ quidem à verâ conuulsione bifariam distinguitur: Primò, quod in epilepsia principes facultates lædantur; in conuulsione neutiquam: Secundo, quod epilepsia sit concussio potius, quàm conuulsio: illius enim causa est in cerebro; conuulsionis verò in neruis.

*Conuulsio
canina*

Tetanus

Strabismus.

*Concussio
sine commotio.*

Rigor.

Horror.

*Epilepsia
bifariam
à conuulsione
distinguitur.*

Atque hæc quidem motuiarum actionum sunt læsiones: quarum siquæ proprium præter cætera nomen non (Leonardus Fuchsius delet particulam, non,) habent, non est quod quisquam eius occasione deceptus, aliquod symptomata præteritum à nobis putet: veluti nec apnœam, &c. quæ habet Galen. cit. cap. 3. lib. de different. symptom. Vult enim Galenus reliqua symptomata, licet non singulatim recensita; sub propositâ doctrinâ comprehendere. Nam omnis motus læsus, est abolitus, vel diminutus, vel deprauatus. Quosdam motus læsos, propria nomina habentes, adhuc addit. Apnœa est respiratio abolita: Dispnoœa est difficilis respiratio: de huius speciebus egit Galenus lib. 1. de dispnoœa, seu de difficult. respirat. & sunt asthma, ac ortopnoœa, de quibus in Praxi. Respiratio enim est motus voluntarius docente Galeno lib. 2. de motu musculorum capite 6. exemplo cuiusdam serui Barbari, qui cohibito spiritu seipsū interfecit: Vox pariter, actio voluntaria est, vt habet Galenus lib. 4. de locis affect. cap. 6. Eius autem materia, est valida exufflatio aeris, vi & ope musculorum intercostalium facta. Vox abolita, seu vocis priuatio, aphonia nuncupatur; dysphonia, vocis difficultas; & cacophonia; vox praua. Addit Galenus symptomata motus incindi. Abolita

*Apnœa.
Dispnoœa.*

*Respiratio
est motus
voluntarius.*

*Aphonia.
Dysphonia.
Cacophonia.*

excretio vrinæ, ischuria idest suppressio retentioe vrinæ dicitur. Imbellis mictio, diffuria. Deprauata mictio, stranguria, idest vrinæ stillicidium; & vrinæ incontinentia, ac diabetes.

*Ischuria.
Diffuria.
Stranguria.*

Quoniam Galenus lib. 6. de locis affect. cap. 4. & lib. 2. de motu musculor. cap. 8. & lib. 2. de symptomat. caus. cap. 2. ait vrinæ excretionem fieri à naturali facultate vesicæ, & ischuriam esse symptoma facultatis naturalis, Leonardus Fuchsius existimat symptoma mictionis ad motum naturalem, non verò animalein pertinere. Sed existimo mictionē esse mixtum motum ex animali, simul & naturali: atque adeò hīc rectē à Galeno inter symptomata motūs voluntarij recenseri symptomata mictionis. Quatenus autem suis transuersis fibris vesica vrinam deijcit, naturaliter agit: at verò, si compressionem factam vi musculorum abdominis perpendamus, mictio animalis actio dicetur. Nec solum abdominis muscoli in mictione agunt, sed musculus sphincter collum vesicæ tunc partim laxans, & partim comprimens, vt in nostra Physiologia cum Galeno lib. 5. de vsu part. cap. vlt. clarè exposuimus.

Difficultati occurritur.

Galenus cap. 3. lib. de symptomat. different. dubitare videtur, an oscitatio, pandiculatio, sternutatio, & tussis, ad symptomata actionis naturalis, facultatis videlicet excreticis, an ad symptomata facultatis motricis referri debeant? Verum, licet à re molesta in dictis actionibus natura stimuletur ad eiusdē rei excretionē; quia tamen musculorū adminiculo perficiuntur, & à voluntatis imperio aliquo pacto pendent, mixta symptomata, tam ex læsa naturali actione, quàm animali, dici debent. Pandiculatio, Græcis *απορροισμός*, est distensio omnium fermè partiū corporis, ope musculorum facta, vt excrementa flatuosa ex iisdē partibus protrudantur. Oscitatio est distensio maxillæ inferioris, facta ope musculorū os aperientium, & propallantium excrementa flatuosa naturam infestantia. Sternutatio est motus concussiuus, quo id, quod cerebro, & naribus molestiam infert, ope musculorum thoracis, & partium anteriorum capitis, excernitur. Tussis est exufflatio & reiectio rei noxiæ ex thorace, vi musculorum potissimum facta.

Alteri difficultatis satis

Pandiculatio.

Oscitatio.

Sternutatio.

Tussis.

Actiones Principes læsæ.

Postquam de actionibus læsis sensuum, & motu animali læso cum Galeno cit. cap. 3. lib. de symptomatum different. sufficienter differuimus, consequens est, ut earum actionum, quæ à principe facultate prodeunt, noxas prosequamur, incipientes ab imaginatione: Quæ quidem, veluti ratiocinatio, & memoria, vel aboletur, vel diminuitur, vel deprauatur. Imaginatio aliquando Paralyfim siue resolutionem quandam patitur: & tunc abolita est. Talis paralyfis Caros dicitur, & Catalepsis. Caros, id est Sopor, ut nonnulli interpretantur (alii enim ἀπὸ τῆς καρῆς, id est à capite, Carum deriuari putant, ut sit grauitas quedam, & inexpugnabilis dormiendi necessitas) est quidam profundus somnus, ortus ex humoribus crassis viscidisque, & consequenter pituitosis; anteriores cerebri ventriculos potissimum obstruentibus. Quanquam autem imaginatio humiditate mediocri iuuetur, immodicâ tamē aboletur. Catalepsis (quæ & κατὰ ληψιν, aut κατὰ ληξιν, etiā dicitur) est comprehensio mentis & corporis subitò facta, & taliter ut partes quęuis corporis eandem posituram, cum rigiditate, obseruent, quam habebant dum Catalepsi correpti sunt ægri: manentque ijs oculi aperti: & quoniam corpus in catalepsi rigidū est, qui ita corripiuntur, quibusdam congelati appellantur, & malum ipsum, congelatio, & ingens stupor, qui diutius perseverans, ἐκστασις Græcis nūcupatur, teste Iulio Cæsare Scaligero, exercitat. 312. Catalepsis ab humore frigido siccoque fit, & in eā postica cerebri pars potissimum afficitur, veluti in caro anterior, ut docet Galen. lib. 4. de loc. affect. cap. 2. Et quamuis imaginatio non deberet fortè in Catalepsi lædi, cum postica cerebri pars in eā præcipuè afficiatur, reuerà tamen ob intemperiem illā impensè frigidam & siccam, & ob humorem melancholicum, ventriculorum posteriorem præcipuè obstruentem, spiritus animales immodicè incrassantur, ineptique redduntur, qui possent per nervos ad reliquas corporis partes transfuehi: & ideò non solum memoria, & ratiocinatio, sed ipsa imaginatio aboleri plerumque consuevit. Verum, in leuiori Catalepsi aliquoties principes actiones

*Caros.**Catalepsis seu catoble.**Congelatio.
Eκστασις**Catalepsis causa, & sedes.
Cari sedes.*

nes nō omnino abolētur; vt testatur Gal. cōment. 2. Protrhet. tex. 56. vbi refert : Quidam etiam ex nostris condiscipulis, cū affiduo disciplinarū studio se fatigaret, malo hoc correptus est. Iacebat enim, veluti lignum, prorsus inflexus, rigidusque, atq; extensus, videbaturque ita oculis apertis nos ita intueri, vt ne conniueret quidem, nihil tamen loquebatur. Is quoq; tempore eodem, quæ loqueretur audire se dixit, quanquā nō euidenter, clarēque : nonnulla item & memoriā tenens referebat: præsentēque omnes sese conspiciere dixit, ita, vt quorundam actiones recordatus exponeret : sed neque loqui posse, neque membrum vllum mouere.

Historia.

Ex his Galeni verbis satis constat, principes actiones in illā Condiscipuli Catalepsi, non fuisse omnino abolitās. Inibi a. aduerbij κατόχω; idest cum catoche, mentionem cū Hippocrate fecit : eiusq; signa clarē exposuit : & inter alia, oculorum apertionem, & apertionis causam, aiens : Nam quod κατόχοι propriē appellati tensos apertosq; habeant oculos, nōrunt tum Archigenes, tum Philippus ; nō, vt Comatosi, & Caraphorici, clausos : in his siquidem humiditas affectionis (idest clausionis oculorum) causa est, neruorum dissoluens firmitatem, roburque : in illis verō (idest Catochicis) propter siccitatem tensio neruorum oritur. Immotum enim, & veluti concretum totum corpus est in Catochis veris. Non erit inutile, animum aduertere ad ipsa Hippecratis verba cit. tex. dum ait ; cum Catoche delirantes. Nam inde fortē nonnulli inferunt apud Galenum lib. 3. de loc. affect. cap. 4. Catochen esse comam vigilem. Verū, si hoc ita contigit, rarum est exemplum ; propterea in textus expositione Galenus valdē anxius videtur. Κατοχος enim à κατέχω, idest detineri ; sicuti καταληψις à καταλαμβάνω, idest prehendi, dicitur : Prehendi seu comprehendī, & detineri, abolitionem omnium actionum, tam animalium, quā principum, communiter significant apud Græcos. Quare vigilia cum catoche vix coherere potest.

Cur in cōmate oculi clauduntur in catalepsi minimē.

Catochis & catalepsi Etymon.

Diminutæ imaginationis exemplum, sunt veterius seu Coma, & Lethargus. Coma enim est profundus somnus ex humida frigidaque cerebri intemperie ortus; quamuis eiusdem cerebri vetriculi obstructionibus liberati sint: in quo quidem à Caro

Coma.

Lethargus.

seu detetione differt, cum in hoc anteriores saltem cerebri ventriculi obstructione laborent. Lethargus pariter est profundus somnus, ab intemperie frigida & humida cerebri proueniens, sine ventriculorum cerebri obstructione. Verum, licet somnus ille in Lethargo à frigiditate & humiditate procedat, tota tamen Lethargi ratio in profundo somno, ab humiditate & frigiditate procedente, non consistit; sed insuper in leui quadam inflammatione. Nam Lethargus ab oedemate cerebri, cuius causa est pituitosus sanguis, nascitur. Vt sit, imaginatio, vna cum reliquis potentijs, tam principibus, quam animalibus, in his ambobus affectibus deficit, atque imbecillior fit: non tamen abolentur, cum ventriculi cerebri ab obstructionibus liberi sint.

Delirium.

Deprauata siue aberrans imaginatio, delirium nominatur. Delirare enim homines dicuntur, quoties rem aliquam aliter, ac in se est, imaginantur. Delirium tamen non soli competit imaginationi, sed in super ratiocinationi; vt mox videbimus. In ratiocinatione triplex illud actionis læsæ genus frequenter satis elucet. Ratiocinationis resolutio seu abolitio, dementia seu amentia, Græcis *ἀνοια*, dicitur. Deficiens seu infirma & diminuta ratiocinatio, Græcis *μᾶλᾰ* & *μᾶρσις*, Latinis stultitia & fatuitas vocatur. Ratiocinatricis facultatis veluti aberrans, seu deprauatus motus, siue actio, Græcis *παράφροσιν*, Latinis delirium nominatur. Sæpè enim in imaginatione, & ratiocinatione delirium contingit, interdum in ratiocinatione sola, aut in sola imaginatione. Vtriusque delirij exemplum proponit Galenus lib. de different. symptomat. cap. 3. hac serie per se clarâ: Plerumque enim in vtrisque (idest in imaginatione, & ratiocinatione) simul delirium consistit, tum parum aptè imaginando, tum non rectè ratiocinando. Est autem interdum in altero duntaxat, quem admodum Theophilo Medico ægrotanti accidit, qui cum alioqui prudenter se gereret, ac interrogaret, & ad interrogata responderet, præsentisque exactè nosceret, tubicines tamen quosdam angulum cubiculi, in quo decumbebat, occupasse, & assiduè tibiâ canere atque pulsare putabat, & se illos videre arbitrabatur: alios quidem illic stantes, alios autem sedentes, ita continenter tibia canentes, vt neque noctu quicquam intermitterent, nec interdiu ne minimo quidem tempore quiescerent. Exclamabat ve-

Ania siue dementia. Stultitia & fatuitas.

Delirium rationi & imaginationi si- mul & seorsim accidit.

Sola imaginatio in Theophilo deprauata.

rò assidue, iubens eos è cubiculo expelli. Atque hanc habuit ille delirij speciem. Is vbi perfectè conualuit, & morbus abiit, quicquid singuli eorum, qui ipsum visitabant, vel dixissent, vel egissent, narrabat: denique visa (Græci phantasmata vocant) quæ de Cantoribus in sua ægritudine apparuerant, memoriter recitabat.

Sunt alij, quibus nulla apparent visa, sed non rectè ratiocinatur, ratiocinatricis animæ parte ipsis laborante, vt Phrenitico illi contigit, qui obseratis intus ianuis, per fenestras singula vasa protulit, prætereuntes interrogans, iuberentne ea proijcere. Hic enim singula vasa suis nomenclaturis probè nominauit. Vnde intelligere licebat, neque imaginandi functionem circa illa esse læsam, neque nominum memoriam deletam.

*Sola ratio
in quodā
deprauata,
imaginatione
læsa.*

Ex prima historia constat, imaginationem in Theophilo fuisse læsam; cùm ille satis appositè cum omnibus ratiocinaretur, iuberetque tibicines, tanquam res ei molestas, foras eijci. Ex secundâ historiâ patet, delirantem alterum non habuisse imaginationem læsam, cùm vitrea vasa suis nominibus appellaret; veluti & puerum, quem etiam per fenestram proiecit; constat tamen ratiocinationem penitus deprauatam fuisse, quòd vasa vitrea vsui futura primò proijceret, secundò verò puerum, quem malè floccipendebat, æquè ac vitra. Huius delirantis errorem exactè exposuit Gal. lib. 4. de loc. affect. cap. 2. hac serie: Quum Rômæ quidam domi cum lanifici puero contineretur, surgens à cubili venit ad fenestram, per quam & ipse videri, & prætereuntes videre potuit. Deinde ex vitreis vasis singula ostendens, interrogauit, imperarentne vt ea proijceret: illi verò ridentes, plaudentesque, vt ea proijceret, rogabant: tum ipsa deinceps omnia arripens eiecit: at illi magnis acclamationibus riserunt. Postea, iuberentne puerum quoque proijci, cùm eos interrogasset, atq; id illi iussissent, illicò ipsum deiecit: quem ab alto cadentem vidētes, suppresso statim risu, occurrerunt, & confractum iam puerum sustulerunt. Ex hac historia constat delirantem illum præuè ratiocinatum fuisse, imaginatione tamen intactâ.

*Historia
delirantis
Romæ.*

Cæterum communiter passim in Phreniticis vtraque simul functio, imaginatio nimirum, & ratiocinatio depruari solet.

Tandem in fine præfati cap. 3. lib. de sympt. different. docet

*Quidā su-
rum nomi-
nū, suaq;
originis
īmemores.*

Galenus, memorandi animæ facultati symptomata acciderē posse: idque probat ex Thucydide Græco Historico, qui lib. 2. Belli Peloponesiæ, in funebri oratione Periclis, testatur nonnullos à pestilentia seruatos adeò omnium, quæ præcesserant, fuisse oblitos, vt non solum suos familiares, sed etiam se ipsos non agnoscerent.

*Apople-
xia quid.*

*Carus ab
Apople-
xia differt*

In nonnullis affectibus, omnes principes, & animales fūctio- nes lædūtur: vt videre est in apoplexia, quæ est priuatio sensus: & motus in vniuerso corpore, vnà cum ablatione principum actionum. In apoplexia autem veluti fulmine ictus homo, tanquàm mortuus iacet: ita vt ipsa respiratio perire videatur; in quo à Caro differt, cum in hoc respiratio seruetur, vt docet Gal. lib. 4. de loc. affect. cap. 2. Verum, in Caro, & Catalepsi, & Epilepsia, principes omnes actiones simul læduntur, veluti motus, & sensus.

Vt melius ea, quæ de principum actionum læsione dicta sunt, percipiatis, cum Philosopho, & Commentatoribus, eadē facultates breuiter examinandæ sunt, etiam iuxta numerum multis constitutum.

*Sensus in
primis
internus,
cur sensus,
& cur co-
muniis in-
cipiatur.*

Prima autem facultas princeps, est internus sensus, ideò dictus, quia suam habet sedem ordinariam interiùs, in anteriori, vt Philosophi, multique Medici aiunt, cerebri parte; cum tamē reliqui omnes quinque sensus, externi dicantur, quòd exterius extra cerebrum sua habeant instrumenta, sintque tanquàm Animæ fenestræ, & ordinarij exploratores. Excubant enim ad custodiam, & conseruationem totius, nisi eo solum tempore, quo somno ligantur, & à munere defatigati quiescunt, vt hac ope, vnà cum reliquo corpore, reficiantur. Cur autem internus, sensus dicatur, ratio in promptu est; quia sensibilia omnia percipit. Sensus hic internus, communis etiam nuncupatur; quia non vnicum solum sēsibile, sed omnia omnium sensuum obiecta, eo modo, quo ab iisdem sensibus concepta sunt, percipit. Visionem autem, quæ est coloris, & lucis sensio: Auditionem, quæ est soni sensatio: odorationem, quæ est odorati perceptio: gustationem, quæ est saporis: & tactionem, quæ est tactilis sensio, ex æquo percipit.

Hanc ob causam, sensum communem puncto, circuli que

centro quadamtenus similem esse constat: vt rectè inter alios exponit Valleriola, licet parum fideliter Aristotelem citauerit. *Sensus communis est instar centri circuli*
 Nam vt ad centrum, ceu ad finem quendam omnibus vnum, atque communem, cuncta ab extimâ circumferentiâ ductæ lineæ terminantur, sic ad sensum internum exteriorum sensuum functiones, tanquàm ad iudicem, deferuntur. Vnde Themistius communem hunc sensum, primum ac principem vocandum censuit; quod externis sensibus ceu famulatu multiplici ac vario vtatur, ipseque instar Regis ac iudicis, tanquàm pro tribunali sedens, & spiritu illo curruli adiutus, de omnibus, quæ quinq; illi sensus suis quique officijs perfuncti annunciârunt, pronunciat censet, ac iudicat. Est ergo sensus communis, animi quædam potentia in cerebro sedem habens, omnium exteriorum sensuum sensata comprehendens, eaq; à se inuicem distinguens. *Quid sensus communis.*
 Duplex est ergo sensus communis officium. Primum, vt exteriorum sensuum functiones percipiat. Secundum munus est, de obiectis quæ mediantibus imaginibus siue speciebus, vnâ cum externis sensibus percepit, iudicare: Nam nullus exteriorum sensuum alterius sensus obiectum percipit, aut ab alterius sensus obiecto distinguere potest. Visus autem non separat dulcedinem ab albedine in lacte, nec amarorem à bilis flauedine, nec etiam de ipsamet visione iudicare potest. Ad sensum ergo communem spectat, non solum vnâ cum externis sensibus sensibilia percipere, sed insuper hæc à se inuicem discernere.

Sensum communem, vt aiunt, proximè sequitur Imaginatrix potentia, quæ est interna & princeps facultas, & in cerebro magis recondita. Hæc facultas Græcis *φαντασία* dicitur, quod visa (quæ Græci *φαντασµατα* vocant) ab ea proueniant. Imaginatio autem, seu Phantasia est id, quo visum, phantasmaque in nobis fieri dicimus: vt habet Aristotel. lib. 3. de Anima cap. 3. *Imaginatrix facultas quid.*
 tex. 155. Vnde eodem cap. tex. 160. imaginationem motionem esse dicit: nam est cognitio quædam, quæ fit interuentu speciei alicuius obiecti; quæ quidem cognitio nunquàm fit absque sensu: idest, imaginationis actus nunquàm exerceri potest, sine præuia sensus externi notitia. Multis tamen nominibus à sensu distinguitur imaginatrix facultas, teste eodem Aristotele citat. iam capite. Sensus autem externus nihil, nisi quamdiu sui obie-

Cui species recipit, operatur. Sensus communis has easdem species suscipit, & varia obiecta componit, separatue. Imaginandi facultas, præterquàm quòd obiectorum simulacra, idolaue a sensu communi suscipit, ea ulterius reseruat. Ideoq; rebus ipsis semel conceptis (licet deinceps absint), easdem variè componit, quandoquè rectè, aliàs parum consonanter. Chymæras enim, montes aureos, alatos homines, Hypocentaurum, & cōsimilia, dum volumus, confingimus: immò sæpissimè, nobis nolētibus, dum somno detinemur. Vt igitur rerum perceptarum simulacra diutius ab imaginatrice hac facultate asseruentur, sedem habere debet in cerebri parte aliqua, quæ non tãto humore madeat, ac illa pars, quam, tanquàm propriam sedem sensus communis occupat. Decuit enim sensûs communis sedem humidâ temperie disponi, quòd huiusmodi temperies idonea facili, ac promptæ specierum receptioni videatur. Cùm tamen ad conseruationem inepta sit, utpote fluxa nimis & inconstans, prouida natura ficiorem sedem facultati imaginatrici, cui conceptæ rerum species conseruandæ demandatæ sunt, constituere debuit. Ex his autem congruentijs colligunt nonnulli, admittendam esse Imaginatricem facultatem à sensu communi distinctam. Cui tamen opinioni nos cum Galeno aduersamur, sola imaginatione contenti: Videmus enim potentiam visuam non solum diuersa, sed præterea contraria percipere. Ergo potentia imaginatrix rectè concipere & imaginari potest: & in toto quidem cerebro, licet in anteriori eius parte promptius concipiat, in alijs autem ficioribus meliùs cōseruet. Nec video cur Galeno tribuant Conimbricenses, internos sensus sedibus distingui.

Sensui cōmuni, & imaginationi distinctas sedes aliqui concedunt

Difficultas occurrir.

Conimbricenses notantur.

Æstimatione in brutis, & cogitativa in hominibus.

Memoria munus.

Post imaginationem, tertiam facultatem constituunt, æstimationem in brutis dictam, cogitativam verò in hominibus. Res .n. non sensatas componere munus est altioris potentiæ, quàm sit Phantasia. Agnus enim lupi nunquàm visi odium confestim cōprehendens, sicuti matris amicitiam, ultra Phātasiam æstimatione gaudet, & homo cogitativâ seu ratiocinatrice.

Quarto loco memoriam ponunt: cuius munus est, imaginatrici & ratiocinatrici suppetias ferre. Est enim imaginatricis, ut aiunt, repositorium, seu vera seruatrix idolorū, simulacrorumue ab imaginatione conceptorum: ideoq; in postica cerebri parte,

te, tâquàm ficciori, eam recôdi putant. Qui Phantafiam ab imaginatione diftinguunt, aliter loquuntur; prout fuperiùs iuxta opinionem Algazelli, & Alberti rem expofuimus.

Ratiocinandi verò facultas incorporea eft, vtpotè fpiritalis, & à fola rationali anima, nequaquam animali, dimanans, eftque illa facultas, quæ nunc imaginatione, nunc memoriâ, vt plurimum ambabus potentijs adiuta, res inter fe diuidit, componit, & vnum ex alio infert. Vnde non rarò memoriæ auxilio, imaginationis errores corrigit, dū veriores nimirum rerum imagines à memoriâ quàm ab imaginatione fufcipit. Verùm fieri poteft, vt aliquando hæc facultas cum errore erronea imaginationis phantafmata percipiat, non tamen in difcurrendo aberret; vt Theophilo Medico contigit, qui ob deprauatam imaginationem tibicines in angulo domûs extare putabat. Rectâ tamen cum ratione eofdem tibicines, tanquàm fibi moleftos, eijcere iubebat. Concedendum tamen, rationem ordinariè lædi, quoties memoriâ, & Phantafia, aut dum hæc fola, læduntur. Quoniâ verò ratiocinatio eft fpiritalis facultas, per accidens lædi dicitur, quotiefcunq; phantafmata ab imaginatione erroneè ei exhibentur: & quoniam Phantafia & memoria in cerebro fedem habent, ratiocinatrix facultas fuos effectus inibi producere cenfetur; licèt determinato, & corporeo organo nō egeat, nifi quamdiū anima corpori, tanquàm comparti totum componenti, coheret. Ratiocinantem etenim phantafmata speculari oportet: vnde communiter fertur, nihil eſſe in intellectu, quin priùs fuerit in fenſu. Ratiocinatrix ergo potentia non ſolùm phantafmata intelligit, ſed his intellectis componenda componit, diuidenda diuidit, & ex his inferenda infert. Intellectui demùm inferuit memoria, eius opera recondens. Quod attinet ad Voluntatem, non eſt noſtri inſtituti de eâ quidpiam decernere. Hæc ergo obiter de Potentijs Animæ dixiſſe ſufficiat.

Ratiocinatrix facultatis munus.

Nihil in intellectu quod prius non fuerit in fenſu.

DVBI A.

Quæquàm longâ ſæculorum ſerie Galeni doctrina ple- riſque grata fuerit, Cauillatori Argenterio minimè tamen placuit. Quare diuiſionem actionis læſæ in aboli-

tam,

Obiect. 1. tam; diminutam; & deprauatam, defectuosam censet; quoniam; inquit ille, Galenus auctę actionis lęsionem omisit. Immodica autem appetentia, quę Canina dicitur, sub deprauata actione non continetur; & multò minùs sub diminutã, aut abolitã. Quòd immodica appetentia, non sit deprauata, patet; quia in ea multum boni alimenti appetitur, & plus quidem, quàm concoqui debet. Deprauatus verò appetitus in res absurdas, & à natura alienas fertur: vt videre est in Pica, & Malacia, in quibus egrotantes calcem, gypsum, carbones, & consimilia appetunt.

Solutio. Respondeo, immodicam appetentiam nō esse proprię actionis adauctam, cū vi facultatis naturalis non fiat: Nihil enim immodicum à natura fit. Quia ergo naturę conatum & ordinem talis appetentia excedit, merito deprauata dicitur: Excedit verò naturę conatum & ordinem, quia non debitè fit; sed quouis tēpore, & irregulariter, licet in se res desiderata non sit deprauata. Deprauata itaque est immodica appetentia; eo modo, quo nimia retentio facultatis retentricis; & nimia expulsio, expultricis. In fame autem Caninã natura irritatur ab humore melāchlico acido acerboque; ventriculū vellicante, & nimis corrugante.

Obiect. 1. Sed instat præterea Argenterius: Si adaucta actio sub deprauata continetur: Ergo & actio diminuta. Probatur sequela. Contraria sub eodem genere contineri debent. Sed actio diminuta, & deprauata; sunt contraria. Ergo sub eodem genere contineri debent: Sed actio immodica sub deprauata continetur, vt assertū est. Ergo & diminuta.

Solutio. Respondeo negando minorem propositi syllogismi. Nam actio illa, quam adauctam vocat, non fit à facultatis robore: diminuta verò actio à facultate fit: quare non rectè contrarię dicentur actiones, cū sint tantū diuersę. Proprię enim loquendo, debili actioni fortis actio opponitur; quarum vtraque à facultate pendet.

Dubium. Secundū dubiū est, utrū lędi queat imaginatio, absq̃ eo, quòd prius, ut simul lędatur sensus externi? Auerroes, Vega, & alij, existimant, imaginationem nullatenus vitari absque præuia, aut simultanea sensuum externorum lęsione. Suam hanc sententiam potissimū probant ex eo, quòd Theophilus apud Gale-

num imaginationem deprauatam habebat, quia tibicines in angulo domûs conspiciebat (id eodem Theophilo affirmante) cum tamen nullus inibi extaret tibicen. Suam sententiam confirmant præfati Authores ex lib. 4. de loc. affect. vbi Galenus delirium imaginationis proponens, de vitio sensûs semper loquitur. Ergo sensus, quàm imaginatio, prius semper læditur. —

Sed contrariam sententiam, quæ imaginationem, absque prauia, aut simultanea sensûs læsione, errare cõtendit, veriozem existimo. Qui autem cerebrum melancholico humore delibutum habent, se patrem, aut matrem mortuam aliquando videre putant; cum tamen non in oculo, sed in cerebro melancholiâ affecto vitium lateat. Ergo in melancholicis saltem imaginatio, sine sensûs culpâ deprauari potest. Et si vrgeret aliquis, melancholicostalia obiecta cõspicere propter tetros spiritus ad oculos descendentes, id nostræ sententiæ non obest: Nam non est potior ratio, cur Patrem, aut matrem mortuâ, quàm alia obiecta deprauatè conspicerent. Sed nulla alia ob oculos eis deprauatè apparent obiecta: Ergo nec Pater, aut Mater; qui solo imaginationis, non visûs, errore apparent.

Solutio.

Quod attinet ad Theophilum, visionem deprauatam non habebat, cæteròquin alia omnia quæ in cubiculo non aderant, æquè benè ac tibicines, deprauatè vidisset: quemadmodum deprauatè videret cæteros homines in eodè cubiculo astantes; quos tamen vel uti cætera obiecta, rectè perspiciebat, agnoscebatque. Imaginationem ergo, & non visionem, deprauatâ habuit Theophilus.

Solutio.

Quod attinet ad Galeni doctrinam, lib. 4. de locis affectis. c. 2. nihil prorsus contra nos vrget. Nam inibi de suffusione verba faciens Galenus, dicit Phreniticis quibusdam accidentia quædã suffusioni similia cõtingere, & ea quæ talem apparentem suffusionem generabant, in imaginatione errorem causasse. Quam doctrinam nos lubenter cõcedimus, qui nullo modo negamus, sensum, simul & imaginationem, decipi posse. Afferimus tamen interdum ipsam imaginationem deprauatè lædi absq; vllâ externi sensûs præuiâ, aut simultaneâ læsione. Hæc doctrina Galeno cõsentanea est, vt ex sequëtibus eius verbis cit. cap. 2. lib. 4. de loc. affect. vnique clarè constabit: At similia quoq; suffusioni ac-

Solutio.

*Dua
Phreniti-
dis diffe-
rentia,
vna ima-
ginationis,
altera ra-
tionis; ex-
quibus ad
huc amba-
bus, si si-
mul ad-
sint, ter-
tia resul-
tat.*

Historia.

cidentia in quibusdam phrenitidis speciebus, affecto scilicet ce-
rebro, sæpenumerò euenire solent: nec refert, vtrum species, an
differentias nominaueris, nam simplices quidem duæ inueniun-
tur, ex quibus deinde tertia componitur. Quippe sunt phreniti-
ci quidam, qui de ijs, quæ oculis offeruntur, rectè (quantum ad
sensitiuam notitiam pertinet) iudicant, cogitando verò à natura-
li iudicio aberrant: alij rursus cogitatione quidem falluntur mi-
nimè, sensibus tamèn difformiter moventur: sunt præterea, qui
& sensûs simul, & cogitationis vitio laborant. Itaque vtriusq; le-
sionis modum sic accipe. Quum Romæ quidā cum lanifici pue-
ro contineretur, surgens à cubili venit ad fenestram, per quam
& ipse videri, & prætereûtes videre potuit. Deinde ex vitreis va-
sis singula ostēdens, interrogauit, imperarentne, vt ea proijceret:
illi verò ridentes, plaudentesq;, vt ea proijceret rogabant: tum
ipse deinceps omnia arripiens eiecit: at illi magnis acclamatio-
nibus riserunt. Postea, iuberentne puerum quoque proijci,
cum eos interrogāssēt, atque id illi iussissent, illicò ipsum deiecit:
quem ab alto cadentem videntes, suppresso statim risu, accurre-
runt, & fractum iam puerum sustulerunt. At contrariam af-
fectionem non solū in alijs, verū in me ipso, quum adole-
scens adhuc essem, expertus sum. Quum enim per æstatem ar-
denti febre laborarem, & festucas atro colore ex cubili eminere,
& floccos similiter in vestibis esse putarem, quos autem tētans,
nihilque sub digitis rēductum inueniens, accuratius vehemen-
tiusque id efficere conatus sum. Audiens itaque duos ex amicis
qui tum aderant, dicentes, videſne hunc iam & floccos euellere,
& festucas colligere? statim intellexi, idipsū, quod dicebant, me
fecisse. Quum verò sic animo constarem, vt rationalis in me fa-
cultas non vacillaret, rectè, inquam, dicitis: proinde ne phreni-
tis me arripiat, auxilio estote. Illi autem, quum idoneis rigatio-
nibus caput fouerent, tota die, sequentique nocte grauibus in-
somnia turbatus sum, vt interim, & clamare, & exilire viderer:
verū postero die mitigata sunt omnia accidentia.

Ecce Galenus præclarè exponens quæ à nobis dicta sunt: in
quadam nimirum Phrenitide, & imaginatione deprauatā visio-
nem deprauari, & quidem in se ipso: in alio verò delirio nequa-
quam laedi visionem, aut aliam alterius sensûs actionem. Mini-

mè quidem dubitamus, quosdam ægros icteritiâ laborantes habere visionem, simul & imaginationem læsam, dum affirmant se omnia videre flaua. Oculus autem flauedine infectus talem errorem in visione parit: visio autē deprauata, causa est deprauatæ imaginationis. Sed tam visus, quàm imaginationis hic error, à principe & superiori facultate ratiocinatrice facillè emendatur veluti error aliorum ægrotorum, quibus omnia alimenta amara iudicantur, quòd lingua bile obducta sit.

Tertium circa præsens caput dubium est, vtrum memoria tripliciter, more imaginationis, & ratiocinationis, lædi queat? *Tertium dubium.* Ratio dubitandi ex Galeni contextu desumitur, qui abolitæ tantum memoriæ mentionem fecit. Nemini in dubium venit, memoriā di minui; cum non solum aboleatur, sed in dies minuitur. Dubium ergo circa deprauationem versatur. Mercurialis in sua Praxi Medica cap. 17. tenet memoriā deprauari: idq; probat authoritate Aristotelis lib. de memoriā & reminiscentiā, ubi hæc habet: Contraque fit nonnunquam, quemadmodum Antiferonti Oritæ, & alijs, qui extasim patiebantur: Phantasmata, n. dicebant vt facta, & vt qui meminissent.

Verum ex hoc loco non sufficiens inferri potest, memoriā esse deprauatā: quinimò congruentius infertur, rationem, aut imaginationem fuisse deprauatam. Equidem quando Petrus pro Paulo dignoscitur, tunc ratio, aut imaginatio vitatur, vel certe memoria diminuta est. Si tamen deprauatam memoriā id ipsum vocare lubet, quotiescunque vnum pro alio commemoratur, per me licet. *Solutio*

CAPVT IV.

De differentijs Symptomatum actionis naturalis.

Naturalis actio triplex est: Generatio, Auctio, & Nutritio. Famulantes facultates naturales suas habent distinctas actiones: Attractrix attractionem: retentrix retentionem: concoctrix concoctionem: expultrix expulsionem. Ad naturales reuocandus est appetitus (licet vna verè animalis sit, *Naturalis facultas triplex.*

quæ ex sensu vellicationis aut suctionis nascitur, & altera præcedens merè naturalis), & duplex illa vitalis potentia: illa nimirum, quæ spiritum vitalem procreat, & altera, quæ pulsat cor, & arterias. De cuiusvis actionis læsione sigillatim agemus, & à magis ordinarijs læsionibus, quæ videlicet nutritioni, & famularicibus quotidie accidunt, auspicabimur: & quidè prius de læsionibus actionū, quæ communem vsum omnibus partibus corporis præbent; cuiusmodi est appetitus cibi, & potionis; alimentorum in ventriculo concoctio; & in hepate sanguificatio. Rursus de læsionibus actionum peculiarium cuiusvis partis similis, agemus.

*Appetitus
trifarius
leditur.*

Galenus lib. de Symptom. different. cap. 4. totam hanc doctrinam de læsionibus actionum naturalium pulcherrimè illustrat, & eadem methodo, qua animales, & principes actiones præcedenti capite, exposuit: supponitque naturales actiones vel aboleri, vel malè fieri: & quidem illas malè fieri dupliciter, aut diminutè, aut depravatè. In principio ergo capituli docet Galenus, in appetitu tria contingere symptomata: Primum, est inappetentia, quæ est appetentia abolita, Græcis ἀνορεξία, seu ἀποαστία. Secundum symptoma, est difficilis appetentia, quæ diminuta appetentia convenienter appellari potest, Græcis δυσορεξία, & ἀμυδρά ὀρεξις, idest obscura appetentia vocatur. Tertiū vitium, est immodica cibi appetentia, quæ deprauata appetentia cap. illo citati lib. de different. symptom. à Galeno dicitur: à quo ideò perperam defecit Argenterius, prout superiori. c. clarè demonstrauimus: & multo turpius Daniel Sennertus, Argenterij sine dubio auctoritate ductus; licet Argenterij non meminerit, sicuti nec aliorum multorum, quorum scripta immutata suafecit, de quâ re Dominicus Sala Patavinus Professor, in sua Arte Medicâ non immeritò conqueritur. Immodica appetentia, in Boulimò, & Caninâ appetentiâ apparet. Rerum absurdarum appetentiæ in κίττα, & μαλακία visuntur: cum hi duo affectus sint deprauatæ appetentiæ rerum diuersi saporis, rerumque absurdarum. Kίττα seu Pica, & Malacia à multis confunduntur: Aliqui tamen Malaciam ad prægnantes coarctant, quæ alimenta solita râtâ cum auiditate appetunt, vt, ni ea eis cōtestim concedantur, damnum aliquod inmergat, vel abortiendi, vel nauii imprimendi fatui.

*Sennertus
notatur.*

*Pica &
Malacia
distinctio.*

Quod

Quod de appetitu alimenti dictum est; itidem de potu proferendum. Nā appetitus potus aboletur, aut diminuitur, aut deprauatur. In concoctione ciborum in vētriculo tria pariter symptomata contingunt: abolitio nimirum coctionis, Latinis *cruditas*, Græcis ἀπεψία nūcupata: Concoctio diminuta, Latinis *tarda concoctio*, Græcis βραδύπεψια: deprauata coctio, Græcis δυνάπεψις. In chyli distributione siue digestionē, & sanguinis generatione abolitio accidit, & difficultas. Si autem chylus nullatenus per venas meseraicas distribuitur, sed per vomitum, aut secessum excernitur, distributiua tunc abolita est, abolitaq; sanguificatio; quia nullatenus fit; tum quando alimentum non suscipit hepar, aut si suscipit, non mutat. Distributio difficulter, & deprauatē etiam fieri potest. Sanguificatio similiter diminutē fit, quoties ex chylo semicrudus sanguis generatur: Sanguificatio deprauatur, quoties aliquid alienū loco sāguinis procreatur: Huius generis symptomata sunt tres hydropis species, Anasarca, Ascites, & Tympanites. Anasarca seu Leucophlegmatia, est vniuersi corporis tumor mollis & albicās, ortus ex pituitoso aquosq; humore, ex hepate in vniuersum corporis habitum disperso. Inde caro spongiosa flaccidaq; euadit, ita vt in ea impressi digiti vestigia diu remaneant: id est, dum digito caro comprimitur, comprimentis digiti vestigium, siue fouea quādam, aliquandiu sublato digito reuertet: nec citō caro compressa ad suum externum situm redire valet. Secunda hydropis species, est ventris inferioris potissimūm tumor, qui ascites dicitur; quia vtris semipleni aquā speciem refert: Nam quemadmodum vter in alterutrum latus commotus sonitum fluctuantis in se aquæ exprimit, ita & ille, qui ascite laborat, dum in alterutrum latus se voluit, effluuationem aquæ inter peritonæum & intestina contenta, tumoremque generantis, ager ipse, & non rarō astantes, percipit. Tympanites est eiusdem inferioris vētris tumor digitis comprimentis, ob inclusam aquam, & maximam flatuum copiam, adēdō renitens, vt manu leuiter percussus tympani sonitum emittat. Hæ tres hydropis species ortum habent ex vitio hepatis generantis prauā materiam aqueam loco sanguinis. Nūquam autem hydrops sine hepatis vitio nascitur, teste Galeno, libro, seu Commentar. 2. Prognostic. tex. 1. vbi hæc habet: Ita-

Appetitus potus trifariam leditur. Concoctio trifariam leditur.

Tres hydropis species.

Hydrops sine hepatis vitio non emergit.

que cuiusvis aquæ inter cutem genitura (siue generatio) est, ubi sanguificationis officium intercidat. Etenim quemadmodum in ventriculo concoquuntur esculenta, pari ratione in iecore & venis præconcoctum in ventriculo alimentum. Quinetiam, ut in ventriculo interdum minus intercidit concoctionis officium, interdum magis, ita in iecore: nonnunquam enim iecur afficitur per sese primum, quemadmodum etiam ventriculus: interdum per consensum aliarum partium. In reliquo Galeni contextu videre licet, hepar per consensum lienis, ventriculi, & intestinorum, affici; quia per magnas venas his partibus copulatur.

Intemperies frigida hepatis est causa hydropis.

Libro 6. de locis affect. cap. 1. licet hydropem morbis acutis, ob hepatis intemperiem calidam siccamque, succedere asserat, paulò post tamen ait: Verum nisi ad iecur frigus transmittatur, aqua inter cutem sequi potest minimè. Appositè sanè hæc verba primis subiunxit Galenus; quoniam hydrops ardenti febre succedens, etiamsi calidam siccamque; intemperie hepar ipsum laboret, ab intemperie tamen frigidam hepatis nascitur: nam calor febrilis naturalè ita depopulatur, ut nativa hepatis temperies refrigerata sit, licet actu calore præter naturam infestetur.

Non solum aquosam substantiam loco sanguinis hepar aliquoties generat, verum etiam biliosam valdè, & melancholicam, & variam, ex qua deinceps corpus pravè nutritur, & varia emergunt morborum genera; ut Scabies, lepra quædam Græcorum, quæ Psora dicitur, quæque est notabilis quædam scabies: Elephantiasis, & varij affectus in habitu corporis & cute apparentes.

Sennertus notatur.

Quamquam hydropis species ad depravatam hæmatosim, siue sanguificationem in hepate factam, commodius reduci queant, & quidem iuxta Galeni verba, & Interpretum mentem, Daniel tamen Sennertus, nullâ ratione, aut autoritate fultus, easdem hydropis species ad abolitam sanguificationem, non ad depravatam, reducere est ausus: Sed parum rectè (ni velit apepsiam improprie significare depravatam coctionem, ut quibusdam Græcis placuit; prout erudite notat Fuchsius). Nam chylus crassus, nullatenus in hepate mutatus, per se obstructions potius, & hepatis tumorem, quam hydropem generat: temporis tamen decursu hepatis frigidam intemperiem procreare valet; Et hæc

rursus

rursus hydropem. Verum, si omninò sâguificatio abolita fuerit, hydropis procreatio expectâda non est; quia, priusquàm introducetur, mors superueniet; cùm sine nouâ sanguinis generatione vix diu superuiuere queat homo, ni peculiari Dei beneficio id contingat. Ioannes Lâgius lib. 2. Epistol. Medic. Epistolâ 27. quosdam per annos integros sine cibo seruatos commemorat; sicuti facit Schenkius, & Marcell. Donatus, Ioubertus, & alij.

Exposita symptomata, sunt læsiones actionum, quæ communem usum toti corpori præbent; cuiusmodi sunt, appetitus, sitis, chylicatio, & sanguificatio siue hamatosis. Deinceps cit. cap. peculiari actionum vitia Galenus exponit: aitque, nutritionem, quæ peculiaris partium actio est, aboleri, vel diminui, vel deprauari. Nutritio ergo abolita in Atrophia siue defectu nutritionis & alimenti, & in Tabe, seu partium cõsumptione, attenuationeque, apparet. Atrophia verò est vniuersalis, quando totũ corpus, vel decursu ætatis, vel morbo contabescit: vel particularis, quando vnica sola pars alimento priuatur. In inediâ, & multis morbis, præsertim grauib, nutritio est diminuta, cùm in morbis quibusuis actiones sensibilibiter lædantur. Deprauata nutritio in Leuce, seu Vitiligine, Ophiasis, Alopecia, & consimilibus apparet. Prima Vitiliginis siue Leucæ species, Alphos dicitur; sicuti Auicennæ Morphæa; & est illa, in qua cutis albis quibusdâ veluti maculis aspersa cernitur. Secunda species, Leuce dicitur, & à præcedenti discrepat, quòd non solũ in cute sed in subditâ carne istę albicantes maculæ appareant. Tertia Vitiliginis species, est ea, quæ Mela dicitur (Auicennæ Albaras) & in qua maculę nigre & numerosæ in cute apparent. Ophiasis est casus capillorum in capite, figuram serpentis præ se ferens, & orta ex prauis humoribus, quibus cutis capitis, & partes subiectę nutriuntur. Alopecia est casus capillorum, ob eandem causam ortus; sed in hoc ab Ophiasis distincta, quòd in eâ areę quędâ capillis destitutæ, sicuti in Vulpe, cernantur. Elephantiasis ob deprauatam nutritionem nascitur, vt testatur Galenus lib. 3. de Symptom. Causis cap. 2.

*Nutritio
trifariam
læditur.
Atrophia
est defi-
ciens nu-
tritio.*

*Vitiligi-
nis tres
species.*

Ophiasis.

Alopecia

*Elephan-
tiasis.*

Symptomata Facultatis Vitalis.

*Vitalis
facultas
duplex.*

*Apnoea,
dyspnoea,
asthma, &
ortopnoea.*

Asphyxia

*Lipothy-
mia.
Eclipsis.*

Syncope.

Palpitatio

Postquam ita symptomata quædam appetitus, & triplicis coctionis; quæ in corpore post assumptum alimentum celebratur, tradidit Galenus, Facultatis vitalis, utpote naturalis, symptomata quædam proponit. Facultas vitalis, cuius potissimum opera vita conseruatur, duplex est: Una, quæ spiritus procreat vitales, & vniuerso corpori distribuit: altera, quæ pulsifica dicitur. Dignoscimus autem vitalem facultatem rectè procedere, quoties respiratio, & pulsus, congruè seruantur, De læsione respirationis, dum de motu læso ageremus, aliquid diximus. Nam abolita respiratio, apnoea dicitur: difficilis, dyspnoea, quæ in asthma, quod frequentem respirationem significat; & ortopnoeam, quæ frequentiore, & ceruicis erectionem, distribuitur: In his enim omnibus spirituū vitalium generatio prohibetur, & iam geniti suffocantur.

Quod attinet ad motum, tum cordis, tum arteriarum, pulsus vulgò nuncupatur. Cordis pulsus abolitus (saltem sensibilibiter, & respectu nostri) ἀσφυξία, & summa syncope, utpote mortis proxima, appellatur. Hæc syncope minùs grauis, aliquando quosdamprehendit. In Lipothymia, seu Lipopsychia, motus adhuc minùs lædiètur, quàm in syncope; sicuti in Eclysi seu leui animi deliquio, quàm in Lipothymia. Pulsatio enim cordis & arteriarū in his vltimis affectibus est parua, tarda, atque rara: in syncope vix, aut nullatenùs perſentitur. Syncope autem est præceps atque subitaneus virium lapsus, ita ut sensu & motu protinus priuètur homines syncope correpti, si maxima fuerit. Oritur autem ex læsione facultatis vitalis, quæ tunc ad cerebrū, reliquasque corporis partes, vitales spiritus non transmittit.

Motus deprauatus Cordis, palpitatio appellatur: quæ quidē est inordinatus eiusdem cordis motus, ex crasso flatuosoque vapore ortus.

In pulsu arteriarum præfatæ læsiones manifestè perſentiuntur. Vnde innumeræ eius differentiæ in doctrinā de Pulsibus traduntur. Inter deprauatas pulsationes non vltimum locum obtinet pulsus dicrotus, seu bis feriens, sicuti pulsus caprizans, tremulus, vermicularis, formicans, & alij consimiles.

Nume-

Numerus actionum læsarum.

Q Vanquam, quæ hætenus dicta sunt, sufficerent ad integrâ dignotionem læsionum actionum naturalium, diligentissimus tamen Galenus clarissimam methodû nobis proponit, quâ adiuti numerum læsarum

actionû in quâvis parte colligere, sine magno labore, possumus. Methodus autem illa, seu via & ratio, est huiusmodi. Præsupponere oportet, cuiuslibet parti corporis insitas atque connatas inesse quatuor naturales facultates, attractricem, retentricem, alteratricem, & expultricem. Hoc supposito, dictum est cum Galeno, quamlibet facultatem aut actionem, aboleri, vel malè fieri. Sistendo in hac bimembri læsione, abolitâ nimirum, & malâ, dicemus cuius naturali parti aut instrumento, octo symptomatum genera accidere posse: quia vnaquæque facultas bifariam lædi potest, vel abolitè, vel malè. Si verò velimus actionem, quæ malè fit, vlteriùs diuidere, in diminutam nimirum, & deprauatam, tunc dicemus quamlibet facultatem tripliciter lædi: & sic pars naturalis, prout naturali temperie gaudet, & similis est, duodecim diuersa symptomata pati poterit. In memoriam ergo partes corporis reuocantes, ex hac doctrina, facile numerum symptomatum omnium partium, siue instrumentorum naturalium, quæ nutrirî solent, conijciemus.

Si vlteriùs instrumentum consideretur, quatenus sensu præditum est, inde tria emergent symptomata, iuxta vltimâ actionis læsæ trimembrem diuisionem. Hæc autem tria symptomata, duodecim naturalium actionum læsionibus adiecta, quindecim numero efficient symptomata. Si verò instrumentum non solum sensificum, sed motorium fuerit, quia motus tripliciter læditur, abolitè, diminutè, & deprauatè, octodecim symptomata in totum, ei accident. Musculus autem qui mouetur, qui sentit, qui; quatuor naturalibus facultatibus recensitis fruitur, tot symptomatibus infestari potest. Cæterum, si oculum, quatenus sensu tactûs, simul & visûs, ac motu præditus est, perpendamus, dubio procul, iuxta propositam à Galeno methodum, ei viginti-
num symptomata superuenire poterunt.

*Modus
inuestigan-
di nume-
rum læsio-
num actio-
num.*

*Parti si-
milari
duodecim
accidere
possunt
symptoma-
ta.
Pars simi-
laris sensu
pollens,
quindecim
symptoma-
ta patitur.
Pars simi-
laris sensu,
motu; pol-
lens, octo-
decim
symptoma-
tibus ob-
noxia est.*

Animaduertendum sedulò, Galenum non fuisse loquutum de nutritione ipsa, vna cum quatuor famulantibus actionibus; quia postea sub finem citati cap. de eâ agit; tum quia concoctio quædam est, vt ille testatur lib. 3. de Symptom. caus. cap. 5. vel cap. 2. iuxta impressionem Venetam, vbi hæc habet: Naturalium actionum prima, & propemodum omnium maximè necessaria est nutritio, quæ alteratricis actionis quædam species est. Est .n. & concoctio quæ in ventriculo fit, alteratio. Idem ea quæ in venis, & quæ in qualibet parte: postquam quarta est alteratio, quam assimilationem vocant, diuersum à nutritione sortita nomen, opus autem idem.

*Alteratri-
cis facul-
tatis spe-
cies.*

*Ventricu-
li, vt in-
strumētis.
functiones.*

Ad rem redeunt, Galenus propositam à se methodum demonstrare voluit exemplo ventriculi, qui, vt est prima cōcoctio- nis instrumentum, familiare alimentum ad se trahit; excernit quidquid alienum est; retinet id, quod attraxit; & alterat, quod retinuit. Hæ enim functiones ventriculo, vt instrumento, familiæ sunt: cū vētriculus sit velut promptuarium alimēti quod primum subit in cibarijs laborem, sine quo alimenta nutriendo animali inutilia forent; vt loquitur Gal. lib. 4. de vsu part. cap. 1. Duodecim ergo symptomatibus ventriculus obnoxius est, quatenus coctionis instrumentum. Prima eius functio, est attractio alimentī, quæ quidem attractio tripliciter læditur, abolitè, vel diminutè, vel deprauatè. Abolita dicitur attractio, quando nihil ex ore in ventriculum attrahi potest. Diminuta seu imbel- lis attractio dicitur, quoties vix, aut difficulter, & multo tempore, aliquid attrahit: quo affectu quendam Villicū, præterito Mense Maio, præsentis Anni 1647. laborantem deprehendi: & quidem adeò grauiter, vt tandem perierit. Gula autem siue, Oesophagus intemperie adeò humidæ, ob assiduam fluxionem humoris pituitosi è cerebro delabentis, infestabatur, vt ventri- culum in sui consensum attraheret: Quare præ nimio madore trāuersi villi seu fibræ oesophagi ad deglutiendum vix contra- hebantur; sicuti nec rectæ ventriculi fibræ, vī quarū potissimū alimentum ex ore in suum sinum prolicat. Deprauata tādē dicitur facultas vētriculi attractrix, quū malè, & insolito mo- re aliquid attrahit. Attractio hæc deprauata quadrisariam fit: vt dum ventriculus palpitādo attrahit, quia ipse palpitāt: vel quia tremīt,

*Attractri-
cis vitia.*

Historia.

tremat, ob tremorem quo molesta:ur: vel quia concutitur seu vibratur; & concussio motu attrahit, vt contingit, dum vniuersum corpus in rigore concutitur: vel tandem quia conuellitur, vt dum singultu afficitur; & tunc conuulsio motu attrahit. Nam singultus est conuulsus vetriculi motus. Deprauata ergo attractio quadrupliciter fit; quia inter attrahendum ventriculus aliquoties palpitat, tremat, concutitur, conuelliturue.

Alteratrix siue concoctrix ventriculi facultas tunc omnino abolita censetur, cum cibus secundum omnes qualitates talis permanet, qualis assumptus est: vt in contextu loquitur Galenus. Tale vitium, *ἀρεσία* Græcis, Latinis cruditas appellatur; prout in superioribus à nobis dictum fuit. Imbecilla alteratio bradypepsia, idest tarda concoctio, vocatur. Deprauata autem alteratio seu concoctio est, cum in alienam qualitatem cibi permutantur; & dyspepsia nuncupatur. Porro ipsa naturalis fuctio, concoctio nominatur; cum cibus in qualitatem animanti familiarē permutatur: quoties ergo non fit, aut deprauatē, meritō læsa dicitur: quare tria in totum symptomata circa coctionem versantur.

Pari methodo retentricis facultatis ventriculi functiones læsas, aut symptomata, venari poterimus. Retentricis facultatis actio secundum naturam se habet, cum tempus complectendi cibi cum tempore concoquendi exæquat, & ab omni parte cibos exactē constringit, comprehenditque. Omnimoda priuatio seu abolitio retentionis fit, cum omnino cibum non comprehendit, sed extra vetriculum fluere sinat, vt in Lienteriā siue intestinorum læuitate accidit; in qua alimēta assumpta prorsus immutata extra ventriculum ad intestina, & tandem per anum celeriter deiiciuntur. Debilis retentio dicitur, quando ventriculus non probē amplectitur assumpta alimenta; vel, si ea amplectitur, non tamen tamdiu, quamdiu necessum foret ad coctionem perfectē celebrandam: vel quando nec bene complectitur, nec debito tempore simul. Retentricis enim facultatis proba actio in his consistit, vt nimirum nullum locum vacuum inter ventriculum, & cibos relinquat, & vt tempus complectendi cibos, temporis coctionis adæquet. Quoties ergo ventriculus nō ita arctē cibos comprehendit, vt sua interna facie eosdem contingat, retentio non

Attractio ventriculi quadrupliciter deprauatur.

Alteratrix vitia. Apepsia seu cruditas.

Bradypepsia. Dyspepsia.

Retentricis vitia.

Lienteria.

Debilitas retentionis conditiones.

exactè fieri dicetur, sicuti nec debite, & iuxta legem naturæ, quoties non tanto tempore cibos retinet, quantum necessarium est ad perfectam ciborum cōctionem. Tempus. n. comprehensionis correspondere debet tempori requisito ad cōctionis perfectionem. Quippe debilem retentionem alia sequuntur symptomata. Et quidem, si retentio debilis fuerit, quia non arctè undique alimentum complectitur ventriculus, hunc debilem complexū hæc sequuntur symptomata, nempe fluctuationes, & inflationes. *Fluctuatio.* Fluctuationes verò, si copiosum liquorem, & parcum cibum cōtineat ventriculus: Liquor autem intercedit inter ventriculi corpus, & cibum, ita ut ventriculus cibum non contingat: quare copiosus liquor ventriculi parietes cum impetu contingens, & iterum in se resiliens, dum corpus mouetur, fluctuationem, siue murmurillum, aut strepentem motum inundationi simillimum, quem Græci *κλυδισμα* appellant, excitat. Si autē id, quod *Inflatio & distensio ventriculi.* inter alimenta ingesta, & corpus ventriculi intercedit, flatuosum fuerit, inflatio, distensioque ventriculi, Græcis *πνευμασις*, siue murmurillo succedit. Breuioris denique temporis cōplexum quædam sequuntur symptomata: Festina nimirum deiectio alimentorum semiconcoctorum, aut ciborum in inferiori ventre, idest in intestinis, corruptela. Licet enim alimenta debito more complectatur ventriculus, si tamen debito tempore non contineantur, retentio læsa dicitur, & alimenta non probe cōctā, tanquā quid inutile, ad intestina prolabuntur; in quibus, si in eorum spiris & circumuolutionibus diu contineantur, corrumpentur; cum tantā vi, quanta ad concoquendum alimentum necessaria est, nequaquā fruantur. Vel certè alimentum illud femicrudum, tanquam aggrauans & inutile, ab excretrice intestinorum facultate confestim ad podicem, & demum extra, detruditur.

Postquā duplicem illum imbecillum complexū proposuit Galentis, sequentia profert: Atque hic illud animaduertas hortor, quod sepe numero alterum symptoma alterum sequatur. Nā imbecillum complexum; modo fluctuationes, modò inflationes sequuntur. Breuioris verò temporis complexum, omninò imperfecta sequitur concoctio. Deim vel celer ciborum exitus, seu deiectio, vel eorum in inferiore ventre corruptela. Atqui celeris deie-

deiectionis inseparabilia symptomata sunt, excrementorum humiditas, & cibi per corpus deficiens digestio siue distributio. Ciborum verò corruptelā sequitur necessariò quidem excrementorum fætor, non necessariò verò mordicatio, aut inflatio. Quippe accidit interdum, vt neutrum consequatur, interdum vt alterum, nonnunquàm vtrumque.

Vtilem sanè doctrinam his verbis nobis reliquit Galenus. Signa quidem proponit, quibus dignoscere possumus, an alimenta imbecillo; complexu detenta semicruda sint, an verò corrupta. Celeris ergo & festinæ deiectionis duo inseparabilia signa proponit: vnum est excrementorum humiditas: quia alimenta in ore comminuta, & in ventre cōmixta, fluida necessariò sunt, & minimè vi caloris modico tempore incrassantur, concoquuntur. Quare nec excrementa compacta aut cōhærentia erunt: atque adeò quod eijcitur, liquidum erit, fluidumque. Alterum signum, quò dignoscimus alimenta cruda per anum eijci, est, quia non fit eorum distributio per corpus. Vnde consimilis alui fluor spatio vnus diei naturalis corpus sæpè macilētum reddit; vultumque Hippocraticum ægri ita laborantis vultus æmuletur, teste Hippocrate sub principium prognosticorum. Ciborum verò corruptionem in intestinis sequitur necessariò fætor, qui veræ putredinis indicium est: quam putredinem sequitur aliquādo mordicatio à calore acri proueniens; aliquoties inflatio quædam.

Celeris deiectionis ciborum inseparabilia signa.

Deprauatæ retentionis ventriculi signa post hæc exponit Galenus. Quū igitur cibos ventriculus amplectitur, sed cum quadā palpitatiōe, vel tanquā cōuulsione, & tremore, & concussione, deprauata huiusmodi comprehendendi actio fuerit. Ac palpitatiōem quidem ventriculi haud obscure sensu percipimus, itēque cōuulsionem; singultus enim hoc symptoma nominatur. At pathema, quod veluti tremor eius est, non adeò clarè percipitur, tamen si diligenter animaduertas, ne ipsum quidem difficiulter deprehendes. Ergo si posteaquàm cibum sumpsisti, nec fluctuatio aliqua infestat, neq; inflatio, neque palpitatio vlla, neque singultus, sed ventriculus præter consuetudinem, dubiā perplexamq; molestiam sentit, & veluti grauatur, & laborat, cupitque celeriter onus, quod grauatur, vel per infernas, vel per super.

Ventriculi palpitatio, cōuulsio, concussio, quæ in rigore fit.

supernas partes deijcere, ac ructus præterea emittit, sequiturque respiratio molesta, ac difficilis, & quæ vix tolerari possit; (quia tunc septum transversum, vnum ex respirationis instrumentis, à ventriculo repleto, & malè disposito comprimitur adeò, vt liberè moveri nequeat) tum existima ventrem, idest ventriculum amplecti cibos, sed quasi tremulè. At motus veluti concutiens, per febrium rigores potissimum apparet, vniuersas animantis partes occupans. Si omnia, æquè ac hæc, eadem claritatè exposuisset Galenus, Interprete nullo egeret. De palpitante, tremente, concussivo, & singultiente seu conuulsivo ventriculi motu clarè, dum de deprauatâ attractione, in præcedentibus loquutus sum. Quare ad expultricis facultatis, aut ipsius expulsionis symptomata accedamus.

Expultricis facultatis vitiatio. In ileo aboletur expulsio.

Expultrix seu Propultrix ventriculi facultas, Græcis ὁ προπιπνυξ, & προσωπιπνυξ, aut ipsa eius functio, quæ expulsio pariter & propulsio nominatur, in Ileo seu Voluulo perniciosissimo affectu, aboletur. In hoc enim affectu nihil prorsus per inferiora, excernitur, quia gracile intestinum ileon validissimè obstruitur, & quidem frequenter ab inflammatione siue phlegmone: quâ dum intestinum laborat, nec pondus, nec acrimoniam excrementorum tolerare potest; vt docet Galenus lib. 3. de facult. natural. Quare sursum ad ventriculum, & os tandem excrementa, excernuntur. In voluulo, fortassis ab alijs causis proveniente, talis exacta obstructio, & abolita excretio non contingit, prout cap. 4. cit. lib. de symptomat. different. innuit Galenus, dum inquit: Huius (idest expulsionis) priuatio in quibusdam ilei, idest Voluuli, speciebusprehèditur. Imbecillitas verò, (seu diminutio deiectionis, in tardiusculis quibusdam excrementorum deiectionibus, in quamplurimis morbis, & sine his apparet. Deprauata est expultrix facultas, & eius actio, quoties ante debitum tempus (idest ante celebratam alimentorum ingestorum coctionem) eadem alimenta extra ventriculum pellit. Deprauata etiâ dicitur, quando post celebratam coctionem excrementorum expulsionem retardat, protrahitque. Denique deprauatè agit expultrix, quoties quodâ cum impetu in ipsos cibos irruit; quia tunc transversis fibris nimium constrictis vniuersum alimentum affatim, & cum impetu deorsum propellitur: & facultas ad validum

Diminuta expulsio.

Deprauata expulsio.

dum motum seu expulsionem semel concitata, suam hanc expulsionem amplius cohibere nequit; instar illius, qui suos omnes conatus adhiberet, ut per decliuem locum curreret: non enim amplius gradum sistere valet, donec cadat, aut in locum æquale perueniat.

Et hæc sunt symptomata ventriculi, quatenus concoctionis commune instrumentum dicitur. At verò quatenus nutritur, & similis est, parem adhuc facultatum numerum obtinet: attractricem videlicet, retentricem, coëtricem, & expultricem. Has enim facultates communes habet cum reliquis partibus corporis, quæ nutriuntur: nam quælibet pars, etiam os, conueniens ad se alimentum insensibiliter attrahit, retinet, concoquit, sibi; quod coctum est, ei; familiare, assimilât; quod verò superfluum est, expellit. Hoc tamen est discriminis inter facultates, has infinitas, & illas ventriculi quatenus communis instrumēti rationem obtinuit, quòd virtus attractrix ventriculi, prout instrumentum est, ut plurimum perficiatur ministerio fibrarum rectarum; virtus retentrix suum obit munus beneficio fibrarum obliquarum: expultrix auxilio fibrarum transversarum. Verum, quatenus sibi immediatè alimentum elaboratum ventriculus (aut quævis alia pars) apponere contendit, istis non eget fibris, sed occultis istis facultatibus, & temperamentis instructus, alimentum perficit, & in sui substantiam conuertit.

Non est quod ex dictâ Galeni doctrinâ aliquis inferat, ventriculum octo frui facultatibus naturalibus, duplici nimirum attractrice, duplici retentrice, duplici coëtrice, duplici; expultrice: Vna enim est attractrix eius facultas (idem de cæteris dicendum) quæ diuersas specie actiones non exercet, sed diuersis temporibus diuersas numero actiones; licet eadem sit illa, quæ alimentum mansum ad se prolicit, & illa, quæ chylum iam confectum, ut eo ventriculus nutriatur. Quia verò diuersis temporibus hæ duæ actiones sunt, rectè vtriusq; meminit Galenus, qui nūquam cogitauit à diuersis facultatibus attractricibus eas emanare. Ut autem melius, perfectiusq; publico munere fungeretur ventriculus, ad maiorem eius firmitatem, & ut validius alimentum ex oesophago attrahat, natura ei facile concessit rectas illas fibras, quibus non multum amplius eguit, ut in suum corpus alimentum confectum hauriret.

*Dantur
quatuor
facultates
naturales
ventricu-
li, ut simi-
laris est
& nutri-
tur.*

*Fibra
sunt admi-
nicula
actuum
ventriculi,
ut commu-
nis instru-
menti co-
ctionis.*

*Difficulta-
ti occurr-
tur.*

Quem

*Nutritio
trifarum
læditur.*

*Atrophia
quid.
Tabes
atrophiæ
sequitur.
Atrophia
siue lasso
nutritio-
nis semper
sequitur
famulatri-
ces actio-
nes lasso.
Cur atro-
phia non
sequitur
deprava-
tæ coctio-
nem.*

Quemadmodum ergo ventriculi, vt instrumenti, facultates naturales læduntur, sic similiter quatenus similis est, & nutritur, eius actiones læduntur. Attractio ergo chyli in vetriculi corpus, vt eo nutriatur, aboleri, diminui, & deprauari potest. Similiter dum nutritur, reliquæ tres facultates aboleri, diminui, & deprauari possunt. Et has læsiones sequitur nutritio læsa, eaq; abolita, diminuta, & deprauata: pro ratione nimirum læsionis facultatum famulantium: Et læsam nutritionem alia sequuntur symptomata. Propter hanc symptomatum sequelam, in contextu ait Galenus, symptoma symptomatis esse causam: Nam, inquit, Atrophiam, licet vnicum sit symptoma, siue ea in vniuerso animantis corpore accidat, siue in quadam eius particulam, complura præcedunt symptomata. Paulò antea diximus, ipsum ventriculum non nutriri, si non fuerit facta alimenti attractio; retentio, coctio, & excrementi depulsio. Idem protinus de reliquis partibus dicendum. Atrophia enim cuilibet corporis parti accidere potest, cum omnes nutriantur, ipsaque nutritio lædi possit. Est quidem atrophia defectus nutritionis, aut deficiens nutritio partium quæ nutriri solent: quam deficientem nutritionem sequitur tabes, seu absumptio, seu macies partis, quæ non amplius nutritur. Sicuti ergo tabes atrophiæ sequitur, ita & atrophia semper alia symptomata, seu læsiones naturalium facultatum, cum atrophia sit læsa nutritio. Attractionem abolitam, aut diminutam, aut deprauatam, atrophia sequitur. Similiter atrophia sequitur ad retentricem abolitam, diminutam, atque deprauatam: sicuti ad expultricem, plus quam oportet ex parte excernentem. Concoctioni demum abolitæ, & diminutæ atrophia succedit: nequaquam tamen deprauatæ coctioni; quia deprauata coctio non efficit graciles, sed eorum tantum idæam siue formam, idest colorem, mutat; vt in Leuce seu Vitilagine alba, & Elephantiasi videre licet. Parti enim Leuce albæ affectæ alimentum apponitur, adhæret, & agglutinatur, sed non assimilatur. Ideoque alienum colorem, vt albicantem, parti conciliat, natiumq; transmutat; vt fusiùs docet Galen. lib. i. de facult. natural. In Elephantiasi partis color etiam transmutatur, quod melancholico sanguine corpus nutriatur. Formam ergo, idest colorem, partes habitus corporis tunc

amittunt : & Cacotrophia verè laborant ; quia alimentum ab eis attractum prauum est.

Cæterum vbi partis alicuius color immutatus percipitur , ita vt pars alieno colore sit affecta, sedulò animaduertendum ; an pars laborantalem alienū colorem patiatur propter affluxum alicuius humoris ad eandem partem , vel propter deprauatam alimenti coctionem in eadem parte. Si enim ob affluentem aliundè humorem ad partem, eiusdem partis color vitietur , tunc aderit symptoma in affectu corporis, aut in excretis. Si non solum proprium colorem, sed insuper propriam naturā pars amittit, concludendum, talem errorem à concoctrice facultate, prauè concoquente alimentum, prouenire. Partis autem color, immutatā eius substantiā, sæpè vitietur, & quidē expultricis facultatis operā, prauum humorem ad eam propellente : vt in ictericis videre licet, in quibus humor biliosus aliàs iudicatoriè, aliàs erroneè ad habitum corporis propellitur : & sic humor biliosus partes suo flauo colore imbuat . Nec ob hanc solam causam cutis flauescit, sed præterea ob venarum calorem ; quoties videlicet intemperie calida , per consensum hepatis consimili intemperie laborantis, afficiuntur. Tunc autem sanguis bilefcit, & flauedo in habitu corporis inde contingens vi alteratricis facultatis accidit; quæ vero flauedo ex diffusionē humoris biliosi in vniuersum corporis habitum, apparet, expultricis facultatis operā, symptoma est in affectu corporis: flauedo scilicet, quæ visibilis qualitas est.

Alienus color partis alicuius prouenit ab humore aliquo in partem decubente, aut ab hepatis & venarum intemperie.

Accuratè Galeni verbatum in præcedentibus à nobis citatum ab eodem exaratum sub finem cit. cap. 4. lib. de differentiis symptomat. consideranda veniunt. Primò enim in eodem capite dixit, symptoma vnum ad aliud sequi: deindè symptoma symptomatis esse causam (loquendo de atrophia, quæ actiones famulantes læsas sequitur): & tandem sub finem capituli ait, symptoma ad aliud symptoma sequi. Sed relicta, inquit, huiusmodi atrophie specie, quæ potius cacotrophia quædā est, ad eam atrophiam, quā corpus nutritione priuatur, redeamus admonētes, quòd ipsa symptoma est, & aliàs ad alia symptomata sequitur, quæ vel attractrici, vel retentrici facultati, vel etiam alteratrici accidere possunt: Galenus in cōtextu cacotrophiam potius,

Nota.

Dubio occurratur.

quàm atrophiam, nominat prauam illam nutritionem partium in Leuce, & Elephantiafi: Veram verò atrophiam, nutritionis priuationem: aitque, vt dictum est, atrophiam esse symptoma consequens aliud symptoma. Multi hinc intulerunt, symptoma vnum esse alterius symptomatis causam. Sed longè decipiuntur, cum non fuerit Galeni mens similem excogitare errorem. Semel enim pronunciauit symptoma symptomatis esse causam: sed, vt libro 1. huius Operis plenè exposuimus, nomine causæ, occasionē intellexit, & solummodò significare voluit, vnum symptoma aliud consequi, vt bis in eodem cap. expressit: imò, postquàm ait symptoma symptomatis esse causam, statim in rei exemplum subdit: Nam atrophiam, siue vniuerso animantis corpori acciderit, siue vnicam aliquam partem occupet, licèt vnicum sit symptoma, complura præcedunt symptomata. Ecce Galenus suum dictum clarè exponens, & dicens plura symptomata præcedere atrophiam, quæ est symptoma nutritionis.

In huius nostrę doctrinę confirmationem extant Galeni verba eodem lib. de different. symptomat. cap. 4. sæpè citato in fine, vbi hac serie doctrinā de actionibus læsis, siue de symptomatibus omnium prorsus actionum exhibet: Cæterum horum omnium symptomatum causas, morbos esse constat. Finge enim diminutè in aliquā particulam trahi alimentum, ideoque eā nō nutriri, omninò morbus aliquis diminutū hunc tractum præcedit. Dictum namque est, particulam, vbi imbecillius ad se alimentum allicit, omninò intemperie laborare: morbus autem est intemperies. Si verò pars temperata sit, obstructio autem quædam in distributiuis instrumentis distributionem impediat, obstructio ipsa morbus est: digestionis seu distributionis impedimentum, eius symptoma. Non solū autem singula symptomata percurrrens, quæ scilicet læsæ alicuius actionis culpā proueniunt, intelliges, quod ea omninò morbus præcedit, sed etiam idipsū ex ipsa rerū essētia, citra inductionē, colligere licet. Quippe sanitatem actionis causam esse statuimus, morbum autem causam læsionis, quæ in actione est: At verò symptomata, de quibus nunc sermo est, actionum læsiones esse diximus. Quare ex his propositis constat, huius generis symptomatum morbos esse causas. Quod vero reliqua duo genera symptomatum

tū morbi præcedant, & causę rationem ab ipsa obtineant, paulò post ostēdemus, vbi prius integrum de ipsis sermonem absoluerimus, auspicati rursus ab ijs symptomatibus, quę in affectibus corporis consistunt.

Perpicuè sanè his ostēdit Galenus, omne symptoma à morbo, tanquàm à propria causa, nequaquàm verò à causā morbi, aut à symptomate, dependere. Id enim duplici argumento probat Galenus in symptomatibus, seu læsionibus actionum. Primum argumentum ab inductione desumitur: percurrendo enim omnes actionum læsiones siue symptomata, inueniemus ea ab aliquo semper morbo dependere: vt exemplo imbellis attractionis alimenti ostendit, quę partis non attrahentis, aut difficulter attrahentis, intemperiem, tanquàm verā causam agnoscit: Intēperies autem morbus est. Ergo læsæ attractionis causa, est morbus. Distributio similiter læsa à morbo prouenit, ab obstructione videlicet. Distributio autem siue digestio alimenti ab attrahente facultate attrahente, & ab expultrice expellente fit: Quare, tametsi proba sit expellentis, & attrahentis partis temperies, & dispositio, si interpositi ductus fuerint occlusi, nequaquàm fiet alimenti distributio. Id frequentissimè accidit, quoties venę mæseraicę obstructę sunt versùs intestina: nam tunc chylus difficulter ab ijsdē venis, & hepate trahitur. Quod de attractione & distributione dictum est, idem de reliquarum omnium actionum læsione dicendum.

*Omne
symptoma
à solo mor-
bo depen-
det.*

Secundum argumentum ex ipsā rei naturā desumitur. Supposuit enim Galenus lib. de different. morb. cap. 2. & lib. de different. symptom. cap. 1. Sanitatem esse dispositionem secundum naturam, actiones, tanquàm veram causam, edentem: morbum verò è contra esse dispositionem præter naturam, actionem primò, & per se lædentem. Hinc ergo necessariò inferendum, læsiones omnes seu symptomata actionum, à morbo, vt à verā causā, procedere. Non solum actionum omnium symptomata à morbo dependere asseruit, sed reliqua duo symptomatum genera: symptomata nimirum in affectu corporis, & symptomata in excretis, & retentis; vt proprijs sequentibus capitibus luculentissimè demonstrat.

*Quid san-
tas quidq
morbus.*

De Auctione, & Generatione læsis.

Non est quod diu moremur in inuestigando actiones læsas auctricis, & generatricis facultatis. Nam auctio ob nutritionem læsam læditur, quoties corpus non debite augetur, vel ob vim generatricem languidam. Si verò corpus immodice augeatur, auctio læsa dicitur ob materiæ alimentitiæ copiam, otium, & reliqua consimilia. In Elephãtiasi, & Hydrope est deprauata auctio.

Quod attinet ad Generationem, in quibusdam nullo modo generantibus, aboletur: in quibusdam diminuitur, quoties raro generant: & si generant, imbellem producant sobolem. In monstrosis, alijsque defectuosis fatibus producendis aberrat, & deprauatur facultas.

CAPVT V.

De Symptomatibus in affectu corporis.

HActenus de primo præcipuoque symptomatum genere, quod in actionum læsione consistit: nunc ad secundum genus symptomatis, quod in affectu corporis, aut qualitate mutata dicitur. Ab ipso Galeno, dum symptoma in vniuersum diuidit cap. 2. lib. de different. symptom. symptoma in affectu corporis vocatur: Licet affectum inibi pro hoc secundo symptomatum genere, & pro morbo simul accipi credant, sed perperam, aliqui. Galenus enim expressè symptoma in vniuersum in tria genera ibidem diuisit. Ergo noluit morbum sub vllò ex tribus generibus symptomatis comprehendere: cum ridiculum esset, morbum, de quo plenè lib. de different. morb. actum est, sub suo accidente contineri: Sed hoc obiter.

*Notatur
aliqui.*

*Qualita-
tis muta-
ta qua-
tuor spe-
cies.*

Symptomatis in affectu corporis, siue in qualitate mutata, quatuor statuuntur differentiæ, aut genera. Primum genus consistit in qualitatibus visibilibus, idest coloribus præter naturam mutatis: Secundum genus in qualitatibus olfactibilibus; vt prauis odoribus: Tertium in gustabilibus: Quartum in tactilibus quali-

qualitatibus, secundis scilicet, & non primis. Primæ.n: qualitates præter naturam intensæ in corporibus nostris, sunt intemperies, & consequenter morbi; non autem symptomata.

Visilia vitata, sunt colores præter naturam, qui vniuersum corpus, aliàs partes quasdam, aliquando vnâ peculiarem, occupant. In vniuerso corpore alienus color conspicitur, quoties morbo regio, aut morbo hepatico, aut splenico, aut anasarca, quis afficitur. In morbo regio seu icteritiâ, obstructo poro cholidoco, bilis per vniuersum corporis habitum spargitur; inde vniuersi corporis flauus pallidusue color. Bilis autem ob dictam obstructionem, consueto more, ad intestina nō ablegatur; quare à sanguine non separata ad corporis habitum, vnâ cum eodē sanguine partes enutrient, fertur. Nec solum ob dicti pori cholidoci obstructionem talis in vniuersa cute color nascitur, sed quia aliquoties criticè à natura biliosus humor ad habitum corporis ex internis visceribus deturbatur, teste Galeno lib. 5. de locis affectis cap. 7. vbi etiam colore porri infectum fuisse Imperatoris seruum, ob viperæ morsum, narrat. Fieri verò etiam potest (vt eodem cap. loquitur Galenus) vt iccinoris secundum naturam temperie mutata, humores huiusmodi vitio afficiantur, & quidem citra obstructionem, aut inflammationem, aut scirrhum. Quin etiam manifestè quandoque videmus, vniuersum corpus herbis candenti pallore infectis similari: interdum plumbeum, aut etiam magis fuscum, seu liuidum referre colorē: interdum etiam alias quasdam ineffabiles colorum proprietates, quæ, iccinore suo munere non rectè fungente, sine tumoribus præter naturam accidere solent. Sic ob splenis quoque vitia, huiusmodi colores eueniunt, sed multò nigriores, quàm ab hepate. Rectè quidem Galenus corporis colorem mutari ait, non solum ob hepatis tumorem, aut obstructionem, sed insuper ob intemperiem quamcunque, tum hepatis, tum venarum: rectè etiam ob splenis obstructionem, aut intemperiem; quia tunc præ imbecillitate humorem melancholicum ex massa sanguinis ad se prolicere nequit: atque adeò melancholica colluie sanguis (quo vniuersum corpus nutritur) inquinatus, habitum corporis ex necessitate atro colore inficit. In morbo hepatico, & anasarca, vniuersi etiam corporis natius color mutatur. Mor-

*Qualitas
mutata in
visibili-
bus.*

Historia.

*Non solū
hepatis
sed splenis
vitio cor-
poris color
mutatur.*

*Morbus
hepaticus
quis.*

bus

bus hepaticus dicitur affectus hepatis, in quo liquor cruentus loturæ carniū similis per anum eijcitur.

Vnius solius partis color mutatur. Aliquoties vnica sola corporis pars natiuum mutat colorem; vt videre licet in linguâ, in tumoribus præter naturam, vitiligine, tam albâ, quàm nigrâ. Vnde Galenus cap. 5. lib. de differ. symptom. ait: Vnam partem, quemadmodum sola lingua interdum videtur insigniter decolorata, neque non partes aliquæ ob abscessus vel nigricant, vel liuent: itidem in carbone, erysipelate, herpete, & gangrænis, naturales colores mutantur. Huius generis sunt, alphas, leuce, & Elephas, & alia quæcunque eiusmodi: quippe & in his quoq; naturalis color mutatur.

Plures partes simul alieno colore inficiuntur.

Interdum in pluribus partibus corporis color mutatur. Humor enim peccaminosus in fine morborum non rarò in partes quasdam peculiare, & reliquis imbecilliores decumbit: ideoq; facies in tali casu inficitur, aut crura, aut tota superior corporis pars, aut tota pars inferior.

Qualitas mutata in odorabilibus.

Secundum genus symptomatum in qualitate mutatâ, in vitiatīs odoribus consistit. Ea verò, inquit Galenus, quæ ad olfactū pertinent, in respiratione, & trāspiratione deprehenduntur: respirationē appello, cū ambiens nos aer per guttur attrahitur, & rursus foras mittitur; transpirationem autem voco aeris secundū totum corpus & introitum, & exitum): quippe factores præter naturam in ipsis percepti ad hoc symptomatum genus reducuntur: mox aurium, narium, axillarum, & partium, quæ ob affectum aliquem putrescunt, factores. Similiter ructus quoq; hoc symptomatum genere continetur, si vel fumosus, vel acidus, vel virosus sit, aut piscium factorem, aut aliam aliquam huiusmodi graueolentiam referat. His verbis clarè demonstrat Galenus, ægrorum factorem à Medico, vel astantibus vi odoratus percipi, quoties fætum quid per respirationem ipsi ægri exhalant, aut quoties per habitum corporis aliquid transpiratur graueolens in ambientem aera, vt in Elephanticis, & ijs qui febre putrida laborant, conciperè licet. Si verò fætor ex aliqua peculiari parte, vt naribus, axillis, auribus, alijsue partibus putredine affectis, suscitatur, etiam ab astantibus percipitur, sicut ructus fætidus ex alimentorum corruptelâ subleuati.

Tertia species qualitatis mutatæ, quæ ad gustum pertinet, ab ipso-

ipsomet ægro deprehenditur: saporesque omnes præter naturā comprehendit. Ipsi enim ægri aliquando sudoris in os delabentis saporem perferunt, aliquando falsum, aliàs amarulentum; quia salivæ, quæ circa linguam in ore continetur, commixtus, eandem salivam inficit. Sanguinem similiter per os eiectum perferunt aliqui ægri exquisitè dulcem, alij amarum saporem in ore percipiunt. Eorum denique, quæ ex pectore, mediante tussi, & quæ ex ventriculo vomitu eijciuntur, sapor in quibusdam amarum est, in alijs acidus, in alijs falsus, in alijs austerus, & alijs dulcis. Iam, inquit Galenus, non pauci sunt inveni Medico- rum, qui non solum sudores gustari iusserunt, sed & aurium sordes: quippe ab his quoque non nihil coniecturæ accipiendum autumant. Rectè sanè monet Galenus, à Medicis quibusdam imperatum, ut ipsi ægri sordium aurium, & sudorum saporem experiantur: quoniam inde prognosim tutius Medici pronunciant; ut fecit Hippocrates lib. 6. Epidem. parte 5. tex. 19. hac serie: Hominibus sordes, in auribus dulcis quidem mortifera, amara autem non. Dulcis enim sapor excrementorum aurium ideo lethifer ab Hippocrate pronuntiatur, quia cerebri substantiam liquefieri indicat: earundem verò sordium amaritudo lethalis non est; quia huiusmodi sapor eis naturaliter debetur; ut quotidiana experientia, & consuetudo sufficienter manifestant. Galenus in Commentario citatæ sententiæ sic loquitur: Fortassis quispiam ægrotans ipse auris sordem degustare sustinuerit, Medico. a. id præcipere turpe, ac detestabile fuerit. Clarum est autem non alio tempore aurium sordem fieri dulcem posse, quàm quo cerebrum ægrotat: naturaliter enim amara videtur. Atque adeò ipsam dulcem liquefcente Cerebro fieri dicunt.

*Qualitas
mutata in
gustabili-
bus.*

*Dulcis sa-
por excre-
mentorum
aurium le-
thalis.*

Quarta differentia, siue genus, siue species qualitatis mutatæ, tactiles symptomatum differentias continet. Tactiles autem qualitates (de secundis: qualitatibus tactilibus, non de primis hinc loquitur Galenus) naturalis habitus metas non raro excedunt: ut ostendunt cutis dura, aut intenta, item laxa, & atida, & rugosa, aut aliam quampiam huiusmodi habens differentiam.

*Qualita-
res tacti-
les muta-
te.*

Hoc in loco notandus venit Sennertus, qui perperam sub qualitate mutatâ tactili comprehendit primas, calorem, frigus, humiditatem, & siccitatem, non, inquit, quatenus actionem lædunt,

*Sennertus
notatur.*

lædunt, sed quatenus tactui saltem molestæ sunt. Ridicula sanè prolatio : quasi molestiam sensui inferre, non esset sensationem lædere. Præterea cum Galeno omnes interpretes calorẽ excedẽtem, & frigus, siccitatem, & humiditatem, morbos esse statuunt, & non symptomata. Adde quod paulò post dicturus est Galenus, intemperiem esse causam symptomatum tactũs in qualitatẽ mutatã. Ergo iuxta Galenum, & rei veritatem, primæ qualitates excedentes non sunt comprehendendæ sub qualitate mutatã tactili.

Leonardus Fuchsius ait, Galenum omisisse symptomata in affectu corporis, quæ ad auditũ pertinent, quia nulla talia sunt. Quippe soni, & voces, sunt actiones, adeoque res minimè permanentes, sed quæ essentiam suam in fieri obtinent. Quare ad symptomata, quæ sunt affectus corporis, referri non possunt, sed ad motricis potius actionis symptomata, vt cap. 3. lib. de different. symptomat. dictũ est. Audibiles ergo qualitates mutatae (cũ tales non dentur) non sine consilio omisit Galenus.

Franciscus Vallesius lib. 4. Controuers. cap. 4. dicit, symptomata, quæ auditu percipiuntur, ad tertium genus symptomatum, excrementa videlicet, referri : Nam strepitus ex flatibus nascuntur.

*Fuchsius,
& Vallesius
notantur.*

Sed neuter horum completè rem attingit. Dicendum ergo, audibiles qualitates mutatas ad motricẽs actiones, simulque ad excreta & retenta reduci. Vox enim clausa, rauca, tremula, nimis grauis, ad motionem læsam reducit. Tinnitus verò aurium, sibilus, murmurillũ, stertor, dentium stridor, & similia, partim ad motionem læsam, partim ad retenta

*Soli morbi
sunt
causa omnium
symptomatum.*

In fine demũ citati cap. 5. lib. de different. symptomatum ostendit Galenus, morbos esse veras causas dictorum omnium symptomatum. Nam vbi colores, odores, sapores, & secundæ qualitates tactiles, secundũ naturam se habent, non aliam causam, quàm temperiem, agnoscunt. Ergo quando præter naturam à naturali statu mutantur, causã habebunt, intemperie: aliquoties verò obstructionem; vt in morbo regio, seu ictero, demonstratum est. Hanc doctrinam fusiori oratione Galenus ibidem exposuit, quam sic accipe: Igitur ex ijs quæ iam dicta sunt, haud obscure colligitur, totum hoc symptomatum genus a morbis

morbis nasci : quippe colorum , odorum , & saporum in solidis
 corporibus discrimina , à temperaturis ortum habere , ex natu-
 ralibus rationibus didicimus . Similiter & eas quæ tactu dif-
 cernuntur differentias , etiam prædictis multò magis : quippe
 quas cum effectricibus qualitatibus cognitionem habere dixi-
 mus , quòd ad eiusdem sensus iudicium referantur : etenim
 mollities , duritiesque tactu iudicantur , haud aliter , quàm effe-
 ctrices qualitates ipsis cognatæ . Proinde quicquid in ijs præter
 naturam deprehenditur , id totum intemperantiæ acceptu n-
 referri debet ; sicuti è contrario , quod secundum naturam est ,
 temperamenti soboles esse censetur . Igitur cum omnis intem-
 perantia sit morbus , colligitur morbum ad huiusmodi sympto-
 mata causæ rationem obtinere . Ea verò symptomata , quæ par-
 tibus ob affluentem humorem accidunt , eiusdem cum prædictis
 sunt generis : quippe alia obturationem , aut astrictionem se-
 quuntur , alia verò , quum vel attractrix , vel expultrix facultas
 malè suo munere fungitur , eueniunt ; quàmòbrem necesse est ,
 ipsa quoque à nobis veluti ex fontibus scaturire . Etenim quæ
 in iecinore fit obturatio , quum sit morbus compositi corporis ,
 & instrumenti , causa est coloris , qui in regio morboi apparet .
 Intèperies verò , quæ in singulis partibus similaribus est , quum
 ipsa quoq ; huiusmodi partium sit morbus , alias aliam ipsorum
 impedit facultatem , aut attractricem , aut expultricem , aut aliã
 quampiam : ob quas inæqualiter , & sine ordine , humores per
 corpus fluentes , modò hanc , modò illam alterât partem , & in
 colore , & odore , & sapore , atque in tactilibus differentiis om-
 nibus . Præterea quicquid reliquorum symptomatum est , siue
 voces , siue strepitus in animante sint , atque ea , quæ à corpore
 excernuntur , & quæ detinentur in ipso , omnia perinde quasi
 soboles à morbis originem trahunt , idque vel planè à morbis ,
 vel interuenientibus quibusdam symptomatis . Porro in voci-
 bus , oris , & faucium , & asperæ arteriæ , & pulmonum , & thora-
 cis morbi pariunt symptomata : quippe vocem reddunt clan-
 gentem , turbidam , tremulam , & raucam . In alijs autem ani-
 mantis partibus , soni , murmurilla , stridores , & id genus reliqua
 accidere solent , partim ob instrumentorum angustiam , & mo-
 tum errabundum , partim ob spiritus instantis abundantiam ,

vel quibusdam ex his, vel omnibus simul concurrentibus. Sed de ipsis, in Libro, qui de Symptomatum Causis inscriptus est, latius dicitur.

CAPVT VI.

De Symptomatibus in Excretis, &

Retentis.

Expositio
syn poma-
tis in ex-
cretis &
retentis.

Expositis duobus symptomatum generibus, nunc equum est, tertium, quod ad vtrumque sequitur, exponamus hoc ultimo huius libri capite, & iuxta Galeni mentem, libro de differentiis symptomatum, cap. 6. & ultimo. Symptoma hoc in excretis, & retentis ideo dicitur, quia nonnulla in corpore retinentur, quæ tamen citius euacuari deberent: & alia è contra extra corpus deturbantur, quæ tamen retineri deberent: aut quia, quæ excernuntur, vitio aliquo in substantiâ, qualitate, aut quantitate laborant. Est quidem hæc potissima excretorum, & retentorum expositio. Hoc genus symptomatis, ut plurimum sequi dicitur ad duo superius exposita symptomatum genera, actionem videlicet læsam, & qualitatem mutatam; quia alterutrum horum symptomatum, aliâ ambo, sequitur: licet aliquoties symptoma aliquod in affectu corporis sequatur symptoma in retentis, & excretis: & actio ipsa læsa interdum sequatur ad nimiam retentionem, aut excretionem: Præuis enim color nigricans, aut flauescens in cute, bilis, aut melancholicæ retentionem immodicam sequitur, quamvis tamen color flauus ab ipsâ intemperie calidâ manare queat. Similiter ex immodicâ sanguinis euacuatione præuis in corpore nascitur color: quâquam præuis color ab intemperie, aut retentis provenire dicatur.

Triplex
genus ex-
cretorum
& retento-
rum.

Tertium hoc symptomatum genus in tria genera, seu differentias, seu species à Galeno dividitur. Excreta enim, & retenta, sunt toto genere præter naturam, aut qualitate, aut quantitate: vel, ut Galeni verbis utar, totâ substantiâ, vel qualitate, vel quantitate, à naturali habitu recedunt. Quanquam ea toto genere præter naturam appellet Galenus lib. de differentiis morbo-

cap. 8. quæ substantiam habent maximè diversant à substantia eorum, quæ secundum naturam in corporibus inveniuntur; cuiusmodi sunt calculus, lumbrici, pus, & consimilia; in præse-
ti tamen cap. hæmorrhagiam, idest sanguinis excretionem, pro exemplo rei totâ substantiâ peccantis proponit. Hæmorrhagia quidem, inquit, idest sâguinis eruptio, quod ad excretam substantiam pertinet, toto genere præter naturam est. Leonardus Fuchsius ait, sanguinis excretionem. idèò à Galeno in censu rerum toto genere præter naturam collocari; quia, dum sanguis excernitur, euacuatur id quod corpori maximè familiare est, quodque in vasis, vtpote naturæ vsui futurum, retineri debebat. Isdem fermè verbis rem exposuit Valleriola.

Hæmorrhagia est toto genere præter naturam dicitur. Fuchsius.

Hanc Fuchsi interpretationem rejicit Petrus Paulus Pereda. Valentinus Professor apud Hispanos, qui in Scholio supra Caput 21. Præceos Ioannis Michaelis Páchalij, ubi de sanguinis enaribus profluuió agitur, ait idèò omnem sanguinis euacuationem, præter eam quæ per vterum fit, dici toto genere præter naturam à Galeno lib. 3. de symptom. caus. cap. 2. quia euacuationes sanguinis per alias partes factæ sequuntur aliquem morbum. Si enim idèò, inquit Pereda, sanguinis euacuatio diceretur toto genere præter naturam, quia id quod euacuatur, est sâguis nobis familiaris; inde sequeretur, euacuationem eâ sâguinis, quæ per vterum singulis mensibus accidit, esse toto genere præter naturam, cum in eâ optimus sanguis excerni soleat.

Pereda.

Iacobus Segarra, etiam Valentinus Professor, in Comment. cit cap. 6. lib. de different. symptomat. Peredæ sententiam amplectitur, & eadem, qua Pereda, ratione vtitur; additque, si sanguinis profluuium diceretur toto genere præter naturam, quoad excretam substantiam, quod sanguis esset toto genere præter naturam: quod tamen est falsum. Dicit ergo sanguinis euacuationem dici toto genere præter naturam, non quoad rem excretam, sed quoad excretionem; cuius contrarium accidit; dum calculus excernitur: Nam calculus est res toto genere præter naturam, calculi tamen excretio, est actio naturalis. Concludit ergo Segarra, sanguinis excretionem esse toto genere præter naturam; quia perpetuò fit cum aliquo affectu præter naturam, post vasorum scilicet apertionem, vel reserationem: At sâguinis

Segarra.

excretio, quæ per vterum fit, non est toto genere præter naturā; quia fieri potest citra affectum præter naturam. Neque enim venæ vteri præter naturam aperiuntur, cum iam suapte naturā apertæ sint.

Sed existimo, Fuchsi interpretationem multò magis veritati consonam; & ab his Authoribus animi gratiā Fuchsiū reprehensum: quia, vel eum non intellexerunt; vel, si intellexerunt, eum præuè interpretati sunt. Non enim ideò tantum sanguinis profluuium toto genere præter naturam vult Fuchsius, quòd sanguis sit nobis familiaris; ut vterque author ei malè tribuit; sed quia sanguis est nobis familiaris, & simul vsui futurus: ob quem vsui in vasis referuari debet. Hic enim est, isque optimus, atque legitimus verborum Fuchsi sensus, ut ex iisdem eius verbis paulò antea citatis vnusquisque manifestè colligere potest. Rectè ergo inquit Galenus, sanguinis excretionem esse toto genere præter naturam, quoad excretam substantiant; non quòd excreta substantia sit toto genere præter naturam, sed quia eius euacuatio, eiusque defectus est toto genere præter naturā: cum sanguis sit nectar viuificum, & filius dilectus naturæ, cuius defectu non ampliùs corpus nutritur, quod omnino præter naturam est, & citra naturæ institutum. Sanguis verò, qui ex vtero singulis mensibus effluit, non est excretio facta toto genere præter naturam, sed naturalis; quia sanguis ille non est naturæ vsui ampliùs futurus, sed nociturus, si cohibeatur; ut in dies suo damno innumerae mulieres suis menstruis purgationibus carentes, experiuntur.

*Sanguinis
menstrui
euacuatio
est natura
lis.*

*Pereda fa
cisse.*

Quod autem exposuit Pereda, sanguinem menstruum euacuationem optimam esse; difficultate non caret, cum eius potissimum vi infantes omnes virulentum illud Variolarum seminarium in suæ generationis primordio contraxerint.

*Segarra
perstringi
tur.*

Quod denique Segarra post Peredam dixit, sanguinis excretionem esse toto genere præter naturā, quia morbum sequitur, vasorum videlicet apertionem, aut reserationem, malè deducitur; quia inde sequeretur omnes euacuationes, quæ morbum sequerentur, esse toto genere præter naturam; & sic alui fluor criticus, qui sit apertis osculis venarum meseraicarum in intestina desinentium, esset toto genere præter naturam; sicuti san-

guinis

guinis biliosi, & præcalidi, atq; copiosi euacuatio per venas narium; & sanguinis melancholici euacuatio per venas sedis flueani, hæmorrhoidales dictas; & copiosi ac superflui sanguinis euacuatio facta per ipsas venas meseraicas, & aluum, in ijs quibus membrum aliquod (vt pes, aut brachium) amputatum est: cum tamen nemo sanæ mentis alias, quàm salubres, has omnes euacuationes nominare possit. Præterea, si apertio, & referatio vasorum sunt morbi, quorum ratione sanguinis euacuatio dicitur toto genere præter naturam, simile quid de menstruâ euacuatione dicemus, quæ necessario vasorum vteri apertione, aut referationem sequitur.

Sed instat Segarra, dum ait, venas vteri præter naturam non aperiri, cum iam suapte naturâ apertæ sint: atque aded sanguinis excretio per vterum non est toto genere præter naturam; quia fieri potest citra affectum præter naturam. Verùm in hoc miserrimè peccat Segarra: Nam Mortalium nemo sustinere potest, venas vteri esse semper patètes, & apertas: quia si ita essent apertæ, nō mēstruas, sed quotidianas experirètur euacuationes mulieres omnes ad expurgationē idoneæ. Eis ergo vteri venæ referantur; dum eadem venæ circa mensis finē sanguine tument, & vexantur: prout communis fert Medicorum consensus.

Alter Segarra error retunditur.

Quidam Professor Valentinus, cum quo quondam praxim Medicam per aliquot annos exercui, dicebat menstruam purgationem non esse toto genere præter naturam; quia per destinatum à natura locum sanguis euacuatur. Verùm, licet hæc doctrina Authoris acumen redoleat; non satis capio, cur faciat cōparationem inter naturalem sanguinis per vterum euacuationem, & euacuationem sanguinis factam præter naturam: cum ad hanc euacuationem nullum certum locum, aut viâ natura destinauerit. Præterea in immodicis menstruis, locus, aut viâ, per quam euacuatio fit, naturalis est; cum per venas vteri naturaliter euacuari debeat omnis sanguis immodicè ad vterum percurrent. Hæc ergo immodica sanguinis per vterum euacuatio non dicitur toto genere præter naturam; quia per locum à natura non destinatum euacuatur; sed quia euacuatur id quod naturæ vsui futurum est. Sed hæc de hac re sufficiant.

Cuiusdam expositio perstringitur.

Id quod Graecis hæmorrhagia dicitur, duplicem apud Antiquos

*Hæmor-
rhagia bi-
sariam ac-
cipitur.*

quos habet sensum. Primò enim vsus ita inualuit, vt pro sanguini-
nis è naribus profluuiò vsurpetur: Secundò, omnem sanguinis
euacuationem, per quasuis partes factam, significat, prout ipsius
vocis significatio præ se fert. In hac communiori significatione
accipitur hæmorrhagia cap. 6. cit. lib. de different. symptomat.
in cuius exordio docuit Galenus, tria genera symptomatum
in excretis, & retentis, iam antea enumerata, sequi ad morbos,
seu morbos esse eorum omnium causas: Atqui hæc, inquit, om-
ninò morbos ipsos sequuntur, idque vel statim citra alterius affe-
ctus interuentum, vel interuenientibus medijs quibusdam sym-
ptomatis. Primo autè loco hæmorrhagiæ causas enumerat, aiens:
Ea verò, aut vulnerato, aut rupto, aut recluso vasis osculo, aut
eroso euenit. Atqui vasorum vulnus, ruptio, & erosio, propriissi-
milium partium morbi sunt: reclusio autem instrumentalium.

*Sympto-
mata in
excretis
& reten-
tis sequun-
tur mor-
bos.*

*Quatuor
hæmorra-
giæ cause.*

Quatuor hîc causas hæmorrhagiæ clarè proponit Galenus, vena-
rum vulnus, ruptionem, erosionem, quæ sunt morbi partium si-
milium: sunt enim solutio continui earundem venarum: Quar-
ta causa, est venarum apertio, quæ morbus est in mala confor-
matione: nam est morbus in cavitatè aut meatu: meatus enim
venarum, & aliquando arteriarum, amplificantur vltia modum,
earumque ora recluduntur: Et sic nascitur morbus instrumen-
tarius, seu partis dissimilaris. Vena enim, & arteria, vtriusque
partis, tam similis, quàm dissimilaris, rationem subit. San-
guinis ergo profluuiû siue hæmorrhagia hos morbos immedia-
tè, nullo alterius symptomatis interuentu, sequitur.

*Tres hæ-
morra-
giæ causa
in metho-
do propo-
nuntur.*

Dictas quatuor hæmorrhagiæ causas aliâ methodo, eâque
clariori, proponit Galenus lib. 5. meth. med. cap. 2. vbi ait pro-
fluuij sanguinis tres esse causas: diuisionem videlicet vasis (diæ-
resis Græcis dicitur): anastomosin, idest apertionem osculorum
vasorum: & diapedesin, idest vasis rarefactionem, vel transco-
lationem sanguinis, ob exiliû meatuum vasorum dilatationē.
Sanè, inquit Galenus, profluit ex vena, vel arteria sanguis, aut
referato earum ore, aut tunica earum diuisâ, aut (vt sic dicam)
transcolatus, siue sudoris modo transmissus. Porro diuiditur ipsa
tunica, tum ex vulneratione, tum contusione, tum ruptione,
tum erosione. Anastomosis accidit propter tum vasis imbecil-
litatem: tum sanguinis, qui ad os eius impetu ruat, copiam: ad

*Diæresis
causa.
Anasto-
mosis cau-
sa.*

hæc

hæc acrem quampiam, quæ illi extrinsecus incidat, qualitatem. Diapedesis verò ex tunica quidem ipsâ rarefacta, sanguine verò tenuato oritur: accidere præterea interim potest, & ex gracilium vasorum ore adaperto. Dicendum igitur est de horum affectuum unoquoque seorsum: ac primùm diuisione, quam vel ex erosione, vel vulnere, vel contusione, vel ruptione diximus accidere. Quæ itaque vulnerant, ea sunt acuta, atque ad secandum habilia (cuiusmodi sunt gladius, culter, aliæque res vim secandi habentes): quæ contundendo soluunt, ea grauiora, duraque sunt (vt lapis, fustis, metallum, & similia): quæ rumpunt, omnia id tensionis interuentu faciunt: idem & intensior actionis vehementia facit, tum succi abundantia, non vtique virtutum respectu (plenitudinem ad vasa ex humorum copiâ procedentem intelligit, nequaquam verò plenitudinem ad vires): casus etiam ab alto, tum graui quippiam durumque incidens. Quippe eiusmodi aliquid cum vel vasis vacuis, vel pusillâ omninò rem continentibus in ea inciderit, si durum ex opposito obiectum habet, contusa reddit: At, si plenum vas sit, prius id rumpit quam contundat: cum sit, quod tum accidit, persimile, ac si vtræ vesicæque impleas, atque in hanc lapidem iactes, vel contra lapidi vtræ violenter illidas. Sanè huic persimile est, quod accidit in casibus ab alto, quam namque rationem vter habet ad lapidem, hanc homo habet ad solum. Quisquis verò ex maximò acutissimoque clamore, in pulmonibus vas perfregit, is violentiæ actionis acceptum malum referet. Similiter huic, & qui ex eo, quod præ graui onus, aut humeris imponere est conatus, aut aliâs manibus attollere, vas fregit. Atque hoc etiam magis, cui ex concitatissimo cursu, aut valentissimo saltu, aut aliter particulâ vllâ violenter extensâ id accidit: est enim id quoque, persimile, ad si funiculum, aut lorum quam maximè distendas. Porro per rumpi quoque non pauci, propterea, quod sanguinem, quem in se habent, non continent, potissimum cum flatulentus is sit, iudicio sunt, tum dolia quæ sæpè multo rumpuntur, tum alia multa valentissimorum. Et subsequenti cap. ait: Ac si ex vulnere, vel clamore, vel casu, vel contusione perruptum vas est, vtique in his causa ipsa desijt. Si verò ex abundantia, fieri potest, vt vas etiam amplius rumpatur, effectrice saltem adhuc manente causa.

Quo-

Diapede-
sis cause.
Diapede-
sis aliquâ
do ad ana-
stomosim
reuocatur
Vulnera-
tia.
Contundē-
tia.
Rumpen-
tia.

cap. 11
11

cap. 12
12

cap. 13
13
14
15

Quoniam de profluuij sanguinis curatione locis iam citatis Meth. egit Galenus, multò accuratius non solum morbos, sed causas morborum, à quibus sanguinis profluuium dependet, inuestigauit. Methodicè ergo profluuij sanguinis tres causas constituit, anastomosim, diàresim, & diapedesim. Non enim aliter ex venis, & arterijs sanguis euacuari potest, quàm aliquo trium horum modorum. Dum enim per fines vasorum, qui oscula dicuntur, sanguis exit, id ideo fit, quia eadè oscula immo-
*Anastomosis de-
rriuatio.* dicè dilatantur. Vnde ἀναστόμις, idem est ac osculi reseratio, siue apertio. Στόμα enim. seu στόμα, idem est ac os, aut osculum: ideoque στόμιον, & ἀναστόμιον, idem est ac os aperio, seu patefacio. Aliquoties non per oscula, sed per ipsa corpora venarum, & arteriarū sanguis exit, vel quia exigui tunicarum naturales meatus laxantur, & plus æquo dilatantur, vel quia de nouo foramen aliquod nouaue diuissio in tunica fit. Prior ille mo-
Diapedesis quid. dus διαπύσσις, idest exilitio & dissolutio appellatur: & rectè quidem, quia per exiguos istos meatus, iam plus æquo dilatatos, sanguis transmittitur, & transcolatur; vti significauit hoc verbo, διδρυνάει, exudare: quia sicuti sudor communiter per insensibiles cutis meatus erumpit, ita sanguis in diapedesi percolatur per expositos antea meatus tunicarum venarum. & arteriarum. Benè ergo per diapedesim, sanguinem sudoris instar transcolari ait. Secundus modus, quo vasa disponuntur, vt sanguis exeat, *Diàresis quid.* διαρρηξις, idest diuissio, nuncupatur. Diàresis autem est solutio continui, estque morbus proprius partis similis in casu nostro, quia tametsi solutio continui, aut diuissio, in communi, tam simili, quàm dissimili parti conueniat, venarum tamen, & arteriarum diuissio, est morbus proprius earundem; quia illa diuissio, vt mox dicetur, vel est vulnus, vel erosio, vel ruptio: quæ quidem partibus carnosiss, & venis conueniunt, teste Galeno libro de different. morbor. cap. de solutione continui. Diapedesis autem, & anastomosis, sunt morbi in cavitatibus dilatatis: & consequenter morbi in mala conformatione.

Quatuor
causæ diui-
sionis va-
sorum.

Rursus solutionis continui, seu diuisionis, seu diàresis venarum, quatuor causas constituit, vulnerantia videlicet, contundentia, rumpentia, & erodentia. Has causas transcripto à no-

bis

his contextu clarè exposuit : sicuti lib. de Arte Med. cap. 8. di-
 stinctis tamen alicubi nominibus . Vulnerationem quidem
 cap. cit. Meth. τρωσις appellat : Libro de Arte Medica alio vtitur
 termino ; τέρμις enim , idest sectionem , scribit . Vtroque in loco
 θλάσις scribitur : sed in Methodo , nomine contusionis exponi-
 tur : in Arte Medicâ , nomine fractionis : Erosio , ἀνάβρωσις in
 Methodo ; in Arte Med. διαβρωσις . Quod in Meth. πρήξις idest
 ruptio , dicitur , in Arte Med. τάσις , idest tensio , nuncupatur ;
 quia , vt in Methodo exponit , ruptio intercedente tensione
 fit . Anastomoseos , & diapedesis causas in contextu clarè expo-
 suit Galenus .

*Idè diuer-
 ses nomi-
 bus in me-
 thodo , &
 arte par-
 ua expo-
 suit.
 Anabro-
 sis.*

Nunc ad doctrinam Galeni lib. de symptomat. different. re-
 deamus . Postquàm sanguinis profluuium immediatè à morbis
 quibusdam prouenire asseruit , asserit insuper eandem hæmor-
 rhagiam à morbis procedere , sed quorundam symptomatum
 interuentu . Proinde ait : Accidit autem (idest hæmorrhagia) in-
 terdum ob retentricis facultatis imbecillitatem , infirmitatemue ,
 interdum quia expultrix inmodicè mouetur : nonnunquàm ob
 vtriusque noxam . Vult enim retentricem facultatem vasorum
 aliquando ita infirmari , vt sanguinem continere nequeat : Qua-
 re per vasorum oscula iam reſerata , & non ampliùs coarctata ,
 effluit . Similiter sanguis exit , quia prauâ aliquâ qualitate affe-
 ctus , expultricem facultatem irritat prouocatq; ad sui exclusio-
 nem ; vt videre est in symptomatica , & parçâ hæmorrhagia per
 nares facta in febribus ardētibus , & malignis , ac pestilētiālibus .

*Alia hæ-
 morrhā-
 gia causa.*

Nunc tempestiuum est ad secundum excretorum genus qua-
 litate peccans accedere . Excrementa ergo qualitate peccantia ,
 ideoque præter naturam se habentia , dicuntur illa , quæ non
 sunt eiusdem rationis , seu speciei cum excrementis , quæ natu-
 rāliter euacuari consueuerunt : v. g. quando bilis sincera , aut
 melancholia , aut aliud quiduis consimile à naturā alienum ,
 in pauca licèt quantitate , excernitur , tunc dicitur excretum qua-
 litate viciatum . In cit. cap. 6. lib. de different. symptom. con-
 textu pro exemplo in medium protulit Galenus muliebre pro-
 fluuium , quod , teste Paulo lib. 3. cap. 63. est communis quædā
 totius corporis euacuatio per vterum facta . Est enim hoc proflu-
 uium à mensruis purgationibus distinctum , quia menstrua pur-

*Omnis
 ista san-
 guinis ma-
 la ex Hip-
 pocrate .
 Excreme-
 ta quali-
 tate pec-
 cantia.*

*Mulie-
 bre proflu-
 uii quid .
 A mensru-
 is distin-
 guitur.*

gatio est redundantis sanguinis, statis quibusdam mensis temporibus periodica euacuatio. Muliebri .a. profluuium vix aliquoties sanguinis colorem præ se fert, & si rubet quod exit, vix diuturno tempore eundem seruat colorem, sed nunc flaua, nunc alba, nunc liuida, nunc varijs coloribus infecta materia excernitur: quia vel hepatis potissimum, vel cerebri, vel vniuersi corporis nonnullæ superfluitates, quasi continuo ad vterum amandantur & per ipsum euacuantur. Visus tamen est Galenus in genere hæmorrhagiæ collocasse hoc profluuium, dum pro exemplo hæmorrhagiæ, ab irritata expultrice prouenientis, ipsum proposuit. Id tamen non impedit, quod minus sub excretis præter naturam qualitate peccantibus contineatur: cum humores præui, tum colore, tum consistentiâ, in hoc profluuiio deturbentur, & magis populariter nostris temporibus, ob communiter grassantem Luem Veneream, quam præcedentibus sæculis. Ait ergo Galenus, muliebri profluuium sequi ad functiones retentricis, & expultricis: ad retentionem nimirum debilem, aut ad irritatam expultricem facultatem. Vasa enim aliquando adeo imbellia sunt, vt contentos humores retinere nequeant; aliquoties vasa ab humorum qualitate, aut quantitate vexata, ad expulsionem prouocantur. Nec solum hoc profluuium actiones læsas sequitur, sed quosdam etiam corporis affectus: maxime verò, quoties sanguis serosus, atque prætenuis in corpore redundat: seu, vt loquitur Galenus, Muliebri profluuium fit ob retentionem imbellem, aut expulsionem irritatam: aut fit, quia totus sanguis factus est tenuis, & seri substantiam referens. Sanguis enim adeo tenuis, ad motum concitator, promptiorque fit, quam si crassus esset, & grauis ac ponderosus. Quippe sanguis fit tenuis: & serosus varias ob causas. Primò propter errorem facultatis generantis sanguinem, alteratricis, nimirum hepatis, quæ loco sanguinis serosum aquosumque sanguinem procreat; vt quotidie in hydropicis fit, ob iecoris imbecillitatem. Vel certè serosus fit sanguis secretricis facultatis culpâ, quæ secretrix est potissimum facultas attractrix renum, quæ pro more aliquoties præ imbecillitate, aut obstructione serum ex sanguine allicere nequit: Vnde serum vnâ cum sanguine remanens eum fluidum aquosumque reddit. Propterea quibus

Profluuium muliebris causa.

Profluuium omnes causas.

Causa tenuis & serosi sanguinis.

bus vrina in totū supprimitur, dum non euomunt, aut alui fluore laborant, intumescunt adeo, vt hydropici videantur. Facultatis denique expultricis culpā sanguis fit aquosus, quia serum à se sufficienter expellere nequit: Quod accidens ipsius hepatis, vena-
narum, renum, & vesicæ imbecillitate contingere potest. Fit etiam aliquando serosus sanguis vitio facultatis retentricis, prauè detinentis serum, quod euacuari deberet. Arctè enim cōprehendendo sanguinem, reliqua sanguini commixta consequuti-
uè complectitur. Fit etiam serosus ob cutis densitatem, per quam ideo nihil fermè seri euacuatur. Fit tandem serosus ob renum
obstructionem. Præfatum serosum sanguinem ad excreta quan-
titate peccantia refert Fuchsius, sed minùs rectè: nam profluuiū
qualitate manifestissimè peccat, vix autem quantitate, nisi rarif-
simè.

Tertium excretorum, & retentorum præter naturam genus
ad quantitatem refertur: quod est excretio, aut retentio præter
naturam excrementi, quod est eiusdem speciei cum ipso natura-
li excremento: Sudores v. g. vel immodicè excernuntur, vel in-
debitè retinentur. Vrina pariter in aqua inter cutem, ad matel-
lam dicta, quàm alij diabetem, alij vrinæ fluorem nominant, im-
modicè euacuatur: in dysuriâ, idest vrinæ difficultate; & ischu-
riâ, idest vrinæ suppressione; & stranguriâ, idest vrinæ stillicidio,
vrina immodicè retinetur. Vnicuique notum est, sudorem, &
vrinam esse in censu rerum naturalium: cùm sint naturalia ex-
crementa, & serum sâguinis: quod quidem, tam sudoris, quàm
vrinæ materia est, teste Galeno lib. 1. de sanita. tuen. capite 12.
Ostendit præterea Galenus, sudores consequi actiones læsas, aut
qualitates mutatas. Actiones læsas, vt retentricis imbecillitatē,
aut expultricis irritationem. Partes autem habitûs corporis de-
biliter retinentes, sudorem causant; quia serum extra abire si-
nunt: dum etiam à sero infestantur, ad eius immodicam euacua-
tionem insurgunt. Duplicem affectum, ad quem hæc excretio
consequitur, vltèriùs proponit, cutis videlicet affectum, idest
raritatem, & naturam humoris, idest tenuitatem. Tenuitas sa-
nè est symptoma in qualitate mutata; sed cutis raritas est mor-
bus potius in meatu, quàm qualitas mutata: licèt raritatem se-
quatur quædam qualitas mutata, vt inæqualitas quædam cutis,

*Excreme-
ta quanto
tate peccō*

*Sudoris
copiosæ
causa*

*Sudoris
retentio vn
de proue-
nit.*

laxitas, & similia. A contrarijs causis sudores retinentur, à cutis nimirum densitate, & facultatis retentricis vigore, aut expultricis imbecillitate, & humorum crassitie, ob quā humores ad habitum corporis per exiles venulas vix accurrere valent. Ob supradictas primo loco causas, sudores aestate copiosi erumpunt: ob vltimas causas, primisque contrarias, hyberno tempore vix erumpunt. Eadem, quæ sudoris suppressi, aut immodicè fluētis, sunt causæ vrinæ suppressæ, aut immodicè fluētis. Dictas quatuor mictionis differentias in superioribus sufficienter exposuimus. Hæc ergo de differentijs symptomatum dixisse sufficiat.

*Functiones
naturales
à sympto-
matibus
distingue-
re.*

Verum, antequam huic Libro, & toti Operi finem imponā, diligenter animaduertere oportet cum Gal. cit. sapè cap. lib. de different. symptomat. accuratè distinguendum inter symptoma, & functionem naturalem, vel opus animalis: sapè enim inter se ita similia sunt, vt & symptomata putetur animalis opus, & opus symptomata. Ac nisi quis in hoc sano sit iudicio exijs, in quibus ipse fallitur, nostram disputationem calumniabitur. Qui ipse si naturalium excretionum (sic autem vocant eas, quæ sanis accidunt) vel quantitatem, vel qualitatem, vel genus ipsi sunt substantiæ, pro scopo sibi proponat, deinde hunc intuens, symptomata iudicet, subinde fallitur. Quippe sudor aliquando multò amplior, quàm pro naturæ modo, vel alui deiectio, vel vrina, ægrotantibus incidit, non solum nulla actione læsa, sed etiam cum virtutis seu facultatis robore, & prouidentia de animalis salute. Aliqua enim, quamuis etiam toto genere præter naturā sint, veluti sanguinis per nares profusio, vel vomitus, vel sanguinis deiectio, vel hæmorrhoids, vel aliud eiusmodi, tamen præter naturā adhuc non sunt, si modò tempestiuè fiant. Fiunt autem tempestiuè, cum id quod contristat, expellitur. Stante igitur, de quo inter initia conuenit (nempe quòd symptomata actionum læsiones sint) nihil eorum, quæ ad animalis commodum fiunt, ex hoc genere symptomatum est: opus namque naturæ vnumquodque eorum potius est, quàm læsio aliqua. Vidimus paulò antea, quomodo Galenus tertium genus symptomatum in tria distinxit genera, nimirum in excreta totā substantiā, qualitate, & quantitate peccantia. Verum, aliquis modico præditus iudicio, omnes euacuationes, symptomata dicet, si-

*Quævis
euacuatio
debiro tē-
pore facta
est natura-
lis.*

ue tota substantia, siue qualitate, siue quantitate peccent; cū tamen vsus rerum, & euidētia nobis manifestē demōstret, quasdam dictarum euacuationum plurimum salutis homini conferre. Sic ergo ille, qui indiscrepanter hæc omnia, ob sui imperitiā confundet, Galeni positam doctrinam calumniabitur. Nam Galenus in præcedentibus docuit, vt iam dictum est, excretiones biliosas, aut melancholicas in morbis factas, esse symptomaticas, quòd similes excretiones in sanis non fiant. Dixit similiter, excretiones quantitate superantes naturales, & in morbis factas, esse, ratione sui excessus, symptomaticas, vt sudoris immodici exemplo docuit. Docuit etiam excretionem toto genere præter naturam, quam hæmorrhagiā appellauit, esse symptomaticam. Ille ergo, qui sine vlla distinctione procedet, & crudè considerabit excretorum alienā qualitatem, & exuperantem quantitatem, ac genus excreti toto genere præter naturam, quotiescunq; hæc omnia, aut eorum aliqua, ei in morbo occurrent, symptomata semper appellabit: Perperam tamen, cū aliquoties tales excretiones sint operationes naturæ, nō autem symptomata. Excretiones igitur symptomaticæ, à naturalibus non discrepant ratione solius quantitatis, qualitatis, & totius generis rei excretæ, sed potius ratione commodi, aut incommodi succedentis euacuationi.

Dignoscemus ergo excretiones, siue expulsiones rerum quæ in morbis fiunt, esse naturales actiones, & opera validæ naturæ, quoties fiunt ad ægrotantis commodum. Quoties verò ad commodum ægrotantis non fiunt tales expulsionēs seu excretionēs, symptomaticæ, vtpotē vi morbi factæ, dici debent. Quid autem sit euacuationem ad commodum ægrotantis fieri, facile patebit cuius legenti aphorismum. 25. & vltimum lib. 1. aphorism. qui sic habet. Si qualia oportet purgari, purgentur, confert, & facile ferunt: si contraria difficulter. Item aphorif. 2. eiusdem libri, vbi de naturalibus, & spontè venientibus euacuationibus, non verò vi medicamenti factis (de quibus aphori. 25. iam cit. loquitur) agit, rem clarè exponit, aiens. In perturbationibus ventris, & vomitibus spontè euenientibus, siquidem qualia oportet purgari, purgentur, confert, & facile ferunt: sin minus, contra. Sic verò & vasorum euacuatio, siquidem fiat, qualeni fieri de-

*Modus
discrepan
tia natu
ralis euacuationis,
& sympto
matica.*

*Signū con-
ferentis
euacuatio-
nis.
Purgatio
quid.*

*Prepara-
tio humo-
rū antea
dit bonā
euacuatio-
nem.
Ad bonā
euacuatio-
nem tria
requirun-
tur.*

cet, confert, & facillè ferunt: sin minùs, contra. Inspecere itaque oportet, & regionem, & tempus, & ætatem, & morbos, in quibus conueniat, aut non. Vult Hippocrates, illam euacuationem esse bonam, quæ ægris confert. Et signum conferentiæ est, facilis tolerantia. Purgatio enim est humorum, qui sua qualitate peccant, euacuatio, vt in comment. loquitur Galenus. Quare, si qualia, aut quanta, vt loquitur Galenus, purgari oportet, purgentur, confert, & facillè tolerant ægri. Confert euacuatio, eamque ægri tolerant, quoties humor ille solus, qui euacuari debet, & non alter, euacuatur. Fit autem talis euacuatio non, rarò ab ipsa natura, dum humoribus prædominatur, & peccaminosos ad exclusionem præparat, eosque demùm ab vtilibus separat, deturbatque. Vnde conferentiam, & tolerantiam euacuationis præcedit necessariò præparatio siue coctio humorum. At verò symptomaticæ excretiones non conferunt; quia humores non sunt præparati: ideòque bonum cum malo euacuatur; cum tamen in optima euacuatione tria requirantur; humoris nimirum superflui concoctio: rei vtilis ab inutili secretio separatione; & tandem rei inutilis excretio, teste Galeno comment. 22. lib. 1. aphor. & lib. 4. comment. 22. Non diffiteor tamen; Galenum alicubi dixisse fluxum alui symptomaticum non esse confestim sistendum; quia semper aliqua materiæ peccantis portio euacuatur. Nec solum humorum qualitate, & quantitate peccantium euacuationē conferre ait Gal. in comment. cit. aphor. 2. lib. sed ipsius etiam sanguinis, dum is est qui peccat.

Concludit ergo Galenus (stâte doctrinā ab eo hæctenus positā, nimirum symptomatica esse læsiones actionum) nihil eorum, quæ ad cominodum animalis fiunt, sub primo symptomatum genere; quod in læsione actionum consistit, contineri. Quare vomitus, alui fluor, sudor, tussis, mictio, hæmorrhagia, & aliæ cōsimiles excretiones debito tempore factæ, ciunt opera naturæ, & non symptomaticæ.

Obiect. 1.

Sed obijciat aliquis, inquit Galenus, istas excretiones ad symptomatica in affectu corporis reuocari: Nam dum in aliqua corporis parte vena dissecta est, aut reclusa seu referata, ea omnia, quæ antea continebat, exire permittit, vel ea profundit, vt loquitur Galenus. Huiusmodi autem affectum haudquaquam secundum

cundum naturam esse dicemus ; cum iā sequatur symptoma in affectu corporis.

Respondet Galenus, verum quidem esse, hæmorrhagiam sequi ad affectum corporis, seu eidem affectui subijci, propterea quod vas in omni hæmorrhagiâ necessario diuiditur, aperitur, aut dilatatur. Dicitamen nequit, alui fluorem, vrinę etiā fluorem, & euacuationem menstruam per vterum factā, ad symptoma in affectu corporis reduci, quoties naturæ conferunt. Nam tunc nullum sequuntur affectum præter naturam, sed facultatis robur indicant. Verum, licet Galenus concedere videatur hæmorrhagiam sequi semper ad affectum corporis; credendum tamen, illam quæ animali confert, quoad effectum, non esse præter naturam, sed naturæ opus, quoties nimirum iudicio naturæ hæc fieri cōsuevit.

Obijciebat insuper Diocles, teste Galeno, tum hîc, tum lib. 1. aphoris. 15. sudorem non esse naturæ opus, quod nunquam contingat, omnibus facultatibus bene se habentibus, & rectè administratis sex rebus non naturalibus. Cui occurrendum, æstate, dum attenuantur humores, sicuti vi exercitij, etiamsi concoctio probè celebretur sudorem à natura excitari nullo vrgente morbo.

Hactenus de symptomatum naturâ, atque differentijs, quarum causas hîc recensere superfluum esset : cum ex ijs quæ primo & tertio huius operis libro diximus, liquidò constet, symptomatum omnium causas esse ipsos morbos, de quibus in genere, & specie, primo egimus libro: sed magis peculiariter hoc tertio.

Cuiusvis autem peculiaris morbi naturam, causas, signa, & curationem eruditè, suo more, Galenus examinavit libris tribus de symptomatū causis: libris sex de locis affectis, & libris decem de medicamentis secundum locos: & libro de remedijs paratu facilibus, ex quibus potissimum peritissimi Medici peculiarem Pathologiam, quam praxim appellant, diligenter eruere solent: & nos, DEO dante, & auspicijs Beatissimæ Virginis Mariæ, atque Sæcti Patritij Hiberniæ Apostoli, idem, ac illi, præstabimus. Hic ergo lib. de differentijs symptomatum, & totius Pathologiæ (quâ Sæctæ Matris Ecclesiæ iudicio, sicuti mea omnia, lubens submitto) finis esto.

...the ... of the ...
...the ... of the ...
...the ... of the ...
...the ... of the ...
...the ... of the ...
...the ... of the ...
...the ... of the ...
...the ... of the ...
...the ... of the ...
...the ... of the ...

...the ... of the ...
...the ... of the ...
...the ... of the ...
...the ... of the ...
...the ... of the ...
...the ... of the ...
...the ... of the ...
...the ... of the ...
...the ... of the ...
...the ... of the ...

...the ... of the ...
...the ... of the ...
...the ... of the ...
...the ... of the ...
...the ... of the ...
...the ... of the ...
...the ... of the ...
...the ... of the ...
...the ... of the ...
...the ... of the ...

...the ... of the ...
...the ... of the ...
...the ... of the ...
...the ... of the ...
...the ... of the ...
...the ... of the ...
...the ... of the ...
...the ... of the ...
...the ... of the ...
...the ... of the ...

I N D E X

Rerum Memorabilium in hoc Opere cōtentarum; Ordine Alphabetico digestus.

A

- A**bstractum quid 193.
 Aceri generatio 188.
 Acrocordones quid 93.
 Actio quid 10. 25. Actio in vniuersū
 quotuplex 286. Actio animalis
 quæ, & quotuplex 286. Actio ani-
 mæ sēsibilis quotuplex ibid. Actio-
 nes insensibiliter tantum læsæ non
 produnt morbum 11. earum læsio
 à solo morbo provenit 46. Actio
 læsa quotuplex, & quid vnaquæq;
 285. 286. 289. Actionum læsarum
 numerus quomodo inuestigetur
 313. Actio læsa est morbi indicium
 69. Actionis læsæ, & morbi nexus
 66. Actio nulla læsa potest imme-
 diatè aliā actionem lædere 56. 60.
 Actio naturalis quæ, & quæ sub
 se contineat 226. Actiones princi-
 pes læsæ 296. Actio propria quid
 88.
 Admouenda quæ 252.
 Aer flabello quomodo refrigeretur
 171. eius inspiratio qua ratione ne-
 cessaria 234. eius commercium
 quomodo necessarium ibidem.
 Affectus variæ significationes 9. 10.
 279. 280. vnde deriuetur ibid. Af-
 fectus, & dispositio idem sunt 4.
 Affectus per cōsensum quomodo
 curetur 65. Affectus quomodo
 morbus, & causa dicatur 96.
 Alimēti necessitas 211. quot modis re-
 frigeret 213. alimēta exiccāta 252.
 eorum assumēdorum ordo 51.
 Alliorum facultas 211.
 Alopecia quid 311.
 Alteratio quid 119. quando fiat 120.
 cur nunquam sit permanens 45.
 Alteratricis facultatis species 314.
 Altimari opinio de subiecto morbi
 rejicitur 5.
 Aluminis vis 207.
 Ambulatio recta vnde proveniat 127.
 Ametria quid 31.
 Anastomosis arteriarum, & venarum
 245. Anastomosis quid, eiusq; cau-
 sæ 334. eius derivatio 336. qualis
 sit morbus ibid.
 Animalia multa exempto corde vi-
 uunt, & mouētur 198. Animalia
 multa ex re patrescente nascuntur
 186. Animata quomodo pereant
 197.
 Animi passionēs quomodo calefa-
 ciant 168.
 Antipathia vnde fiat 120.
 Apepsia quid 315.
 Aphonia quid 294.
 Apraxia quid 294.
 Apoplexia quid 22. 73. 293.
 Appetētia immodica propriè non est
 actio adaucta 304.
 Appetitus ad quam facultatē reuocā-
 dus 308. quot modis lædatur ibidem
 Appetitus læsi differentia ibidem.
 Aqua fluens cui minus putrefcat, quā
 stagnans 185. Aquæ palludum cur
 incalescant 171. Aqua & terra sūt
 mixtorum materia 176.
 Argenterij calumniæ contra Galeni-
 cam diuisionē læsæ actionis suppri-
 muntur 303. 304. eiusdem argumē-
 ta cōtra numerum causarum frigi-
 dæ intemperiei diluuntur 249. eius-
 dem argumenta contra symptoma-
 tis diuisionem soluuntur 284. 285.
 Argumenta Auerrois, Turisani, & Fer-
 nelij soluuntur 29. 30. Argumentū
 fortissimum de solutione continui
 138. 139. argumenta varia de pū-
 tredine proponuntur, & soluuntur
 187. 188. 189.

Aristoteles exponitur 38.
 Arteriæ cum omnibus partibus con-
 nexum habent 246.
 Arthritis hæreditaria quomodo dica-
 tur congenita. 137.
 Ascarides sunt res toto genere præter
 naturam 92.
 Ascites quid. 266.
 Astelli lactes esse figmenta ostenditur
 241.
 Asini adulatio 23.
 Asperitatis causæ 269.
 Asphyxia quid 312.
 Athetoma quid 93. 271.
 Atrophia unde fiat, & quod duplex 59.
 Atrophia quid 320. quæ sympto-
 mata sequatur ibid. cur non sequa-
 tur depravatam coctionem ibidem.
 Attracticis facultatis vitia 314.
 Auctio à quibus lædatur 324.
 Auditio quot modis læsa dicatur 289.
 Auditus à quo sono lædatur 291.
 Audibiles qualitates vtrum dentur
 328.
 Augmentum morbi quid. 143.
 Aurium varia symptomata 329. Earū
 sordes dulces cur lethales 327.

B

Baleum calidum causa febris.
 202. Balnea exiccantia quæ 254
 Balnei vsus statim post cibum cui
 noceat 255.
 Bilis cur prius calefaciat, quàm exic-
 cet 132.
 Bononiensium mos in trāsuañdis vi-
 nis 184 cur, & quo tempore id fa-
 ciant. ibidem.
 Bonum sit ex integra causa 128.
 Boulmus quid 308.
 Bradipepsia quid 315.
 Bruta estimatiua facultate gaudent
 302.
 Bubones quomodo nascantur à causa
 externa 154. Bubones à causa inter-
 na 155. in varijs corporis partibus
 sunt 202.

Cacophonia quid 294.
 Cacorrophia quid 321.
 Calefaciendi tres modi 203. Calefa-
 ciētia per os assumpta, quæ 211 Cal-
 lidum quid 179. Calida potentia à
 calore nostro in aërum reducantur
 219 Calida & humida cur facile
 putrescant 187.
 Calli sunt res toto genere præter natu-
 ram 93. quæ morbū efficiant ibidē
 callus quid 265.
 Caloris variæ causæ. 167. 168. 169.
 Caloris vis 177 178. Calor est a-
 ctuior & potērior frigore 281. 258.
 eius officia 182. Calor natiuus.
 cur hyenie retrocedat ad interiora,
 curq; copiosior 202 seipsū de-
 struit 199. quot modis contabescat
 ibidem. cur in senectute non debi-
 tē ventiletur 200. à quibus causis
 labefactetur ibidem. quomodo cō-
 seruetur 172. 229. Calor præter
 n. quid, & quomodo lædat 37. cal-
 or præter naturam non distingui-
 tur ab intemperie. 129.
 Cancer quid, & à quo humore procre-
 etur 108.
 Capitis diuersæ figura, earundemque
 explanatio physiognomica 79. 80.
 81. 82. 83.
 Carbunculus quid, & à quo humore
 generetur 107. Carbunculi. in pe-
 ste frequentes ibidem.
 Caricula meatus vrinarij quem mor-
 bum pariat 92.
 Carus quid, eiusque derivatio 296.
 eius causæ, & sedes ibidem. eius ab
 apoplexia differentia 300.
 Catalepsis quid 73. 296. eius causa, &
 sedes 296. eius etymon 297. Catalē-
 ptici cur oculos teneant apertos
 297. Cataleptici historia ibidem.
 Cavitis cuiuslibet vitium bifariam
 contingit 84. Cavitas quot modis
 angustior reddatur ibidem.
 Causæ definitio 149. Causarum qua-
 tuor genera ex Arist. ibid. Causarū
 numerus ex Galeno ibid. Causa

INDEX

- per se, & causa per accidens quid ibidem. Causas qui negabant 148.
- Causæ, quæ actiue, quæ passiue 177
- causæ quot modis suas contrarias vincant 257.
- Causæ cōtinentis definitio 157. Causa continens in quibus morbis datur, & non datur 160. 162. 163. eius discrimen à causa coniuncta 156. omnis causa continens, est coniuncta, sed non è contra 157. Causa instrumentalis ad quod. causæ genus reducatur. 150. Causa interna quid, & quotuplex 155. quid singule ibid. & 156. causæ leuitatis, & asperitatis quot, & quæ, 266. 270.
- Causa morbi duplex, & quid utraq; 153. Causa morbifica est incorporea 29. Causa prima quæ Aristoteli 148. Causa procacitica quid, & quæ sub se contineat 154. 155. Causa stuporis cur à Galeno, iam coniuncta, iam cōtinens dicatur 163. Causa non lædit immediatè actiones 52.
- Cerebrum cur vocetur sensus cōmunis 286.
- Christophori à Vega encomium 31. eius opinio proponitur & refutatur ibid. & 32. 33. 34. 35. 36.
- Chirurgorum error 264.
- Cibi quantitas non lædit immediatè actiones ventriculi 52. Cibi tripliciter corrumpuntur 53. Ciborum nimia quantitas quos morbos pariat 52. Cibi non cognati ventriculo, etsi nō cōcoquantur, non tamen indicant læsum ventriculum 54. Cibi vt cōcoquantur à ventriculo, quid requiratur 59. Ciborum celestis deiectionis signa 317. eorūdem corruptio, est causa fætoris in intestinis ibidem.
- Cicatrix quid 267.
- Cicuta cur hominem necet, sturnum verò nutriat 222.
- Collisio quid, eiusque causæ 276.
- Color prauus oculi quid 55. 126. non lædit actionem oculi ibidem. Colores alieni partium vnde proueniāt 56. 321.
- Coma quid, eiusque causa 297. quomodo à Caro differat ibid. Comatosi cur oculos teneant clausos 267
- Compositio in corpore triplex 70. alia eius duplex acceptio 11.
- Cōcoctio quotupliciter lædatur 309. est similis elixationi 181.
- Concreta cur notiora abstractis 192. concretum connotatiuum quid ibidem.
- Constipatio causa caloris 204. eius variæ acceptiones ibidem. variæ eiusdem causæ 205. 206. 207. 209. vt refrigeret, quāta esse debeat 225. constipationis maximæ variæ acceptiones ibid.
- Constrictio meatuum vnde fiat 206.
- Consuetudo est altera natura. 224.
- Contiguum quid 138.
- Continuum quid 138.
- Contrariorum eadem est ratio 3.
- Conuulsio quid 267. eius variæ species 73. 293. à solo fit morbo 37.
- Cor vltimum moriens 221.
- Cordis calor cur suffocetur in constipatione asperæ arteriæ 249.
- Corpus humanum motu calefit 168.
- Corpora densiora, & rariora, quibus morbis obnoxia 125. Corporis color à quibus mutetur 325. Corpus ad laborem quomodo præparandū 277.
- Corruptio quid, & in quo consistat 195. non est motus ibidem.
- Cruda æquè ac corrupta statim euacuanda 53. Cruditas quid 180. Cōcoctioni est contraria 181.
- Cutis constipatio triplex 232. 233.
- Cutis flauedo vnde fiat 321.

D

- D** Eclinatio morbi quid 143.
- Deleteria quomodo interimant 222.
- Delirium quid, & quibus potētij cōpetat 298.
- Densum quid 123. Densitas causa febris ibidem.
- Dētium variorum defectu quæ actiones

nes lædantur. 98.
 Deus cuilibet certos limites indidit,
 qui præteriri nequeunt 53.
 Deuteropathia quid. 147.
 Diæresis quid, & eius causæ. 334. 336.
 Diapedesis quid. 336. eius deriuatio
 ibidem. qualis sit morbus ibidem.
 Diathesis quid 11. eius deriuatio 10.
 25. 26.
 Diocles refutatur 343.
 Dispepsia quid. 315.
 Disphonia quid 294.
 Dispnoea quid 294.
 Dispositio quid Aristoteli 27. quomo-
 do producat ibidem.
 Distributionis læsæ causæ 323.
 Doloris causæ, quæ 56. à quo fiat 283.
 est symptoma tactus 289. est vera
 actio 290. sub qua actione læsa cõ-
 tineatur ibid. nõnisi abusuæ actio-
 nem lædit 56. cur tantum sensui ta-
 ctus propriè cõueniat 290. quomo-
 do alijs sēsibus competat 291. Do-
 lor tactus qua ratione differat à dõ-
 lore reliquorũ sensuũ ibid. Dolorũ
 variæ species 290. 291. Dolores alij
 habent nomina propria, alij nõ 291.
 Dolor Ileus quomodo fiat 85.
 Dolor pulsatorius vnde oriatur 86.
 Dominici Salæ querela contra Sen-
 nertum 308.
 Durum quid 123. quot modis fiat 85.
 Dysenteria quid, eiusq; causæ 270.
 Dysenterici cur macri fiant 255.

E

E Brietas epilepsiam parit 216.
 Eclysis quid. 312.
 Educenda quæ 252.
 Elephantiasis signa 265. Elephãtiæsis
 Græcorum, & Arabum est eadem
 266. Elephantici cur ita dicti ibid.
 cur figurâ corporis vitiatâ habeant
 265.
 Empirothotonos quid 73. 293.
 Enchantis quid, & quem morbum ef-
 ficiat. 107.
 Entia alia permanentia, alia succes-
 siua 164. Ens permanens quid ibid.

Ens successiuum quid, & quotu-
 plex ibid.
 Ephemera febris est ens permanens
 43. æquè benè, ac morbus longus,
 suas partes habet 44. Ephemera
 vnde dicta ibidem.
 Epilepsia quid, eiusque discrimen à
 Convulsione 294.
 Erodentia cur non nutriant 224.
 Erisipelas quid. 107. à quo humore
 fiat 76.
 Euacuatio immodica causa refrigera-
 tionis 249. Euacuatio quæuis quo-
 modo naturalis dici possit 340. Eua-
 cuationis naturalis, & symptomati-
 cæ differentia 341. Euacuationis
 conferentis signa 342. qui requi-
 ratur ad bonam purgationem ibid.
 Euacuationes quæ conferant 342.
 Cur symptomaticæ non conferant
 ibidem.
 Euphorbiũ quomodo calefaciat 203.
 Excrementa qualitate peccantia, quæ
 337. Excrementa quantitate peccan-
 tia 339.
 Excretiones quando criticæ, quando
 symptomaticæ 342. Excreta quot
 modis præter naturâ dicantur 330.
 Exercitium calorem natiuũ adauget
 232. violentum cur noceat 247. im-
 moderatum exiecat 253.
 Expirationis utilitas 228. Extrema
 plura possunt dari in vno corpore
 228.
 Extrinsecus incidentia quæ 252.
 Exufflatio quid 62.

F

Facienda, quæ 152.
 Facultas animæ quomodo læda-
 tur 47. Facultates naturales à quibus
 iuuentur & lædantur 188. naturalis
 quotuplex 307. Facultas princeps
 quotuplex 287. Eiusdẽ sedes ibi-
 dem & 288. Facultas vitalis duplex
 314. Facultatis vitalis læsæ species
 ibid. Facultas, seu potentia agendi
 à quo dependeat 3. Facultates esse
 læsas vnde cõligatur 46. Facultas,
 actio.

INDEX

- actio, opus, sese inuicem cōsequuntur 47. Facultas laxè sumpta quid Galeno 48. Facultates prius læduntur, quàm actiones, ibidem, facultas, & virtus sunt synonyma ibid.
- Fæcum fætor vnde oriatur 198. cur hyeme æquè ac æstate fateant ibidem.
- Fædatio quid, & quomodo fiat 180.
- Fætus malè formati causæ 262, 263.
- Fames corpora exiccat 251. Fames canina vnde fiat 304.
- Febris quid ex Gal. 32. vnde dicatur 72. intemperies peculiaris dici potest ibid. febres à bubonibus omnes malè præter diarias 155. Febris ephemeræ quot horis cursum suum absoluat 143. est morbus immaterialis 146. vnde dicta 44. febris tertianæ patoxismi vnde proueniât 156. febre ardenti laborantes cur aliquando non sitiant 132. febris ex constipatione ortæ indicia 210. Febris, & calor vniuersi corporis coincidunt 168.
- Fenelius perstringitur 7, 16. eius astutia in tradenda noua definitione morbi 67. refutatur 68. Eius alij morbi præter relatos 113, 114. argumenta eius præcipua 115, 116, 117. perstringitur 118. præcipuum eius argumentum diluitur 120. nil aliud probat, quàm dari facultates occultas ibidè: potius pro nobis militat. 121. malè secundas qualitates, materias vocat 122. sibi ipsi non constat ibid. rursus perstringitur ibid. eius adducta exempla examinatur 124, 125.
- Fibrarum vtilitas 319.
- Figure vitiatur causæ 261, 262, 263, 264, 265.
- Finis duplex 150. quid vterque ibid. eius cum scopo differentia ibidem.
- Flamma duplici motu monetur 235. Citissime generatur, & corrumpitur ibidem. eius cōseruationis causæ 236. à quibus extinguatur 237.
- Flammula candelæ iuxta luculentissimum ignem cur extinguatur 183.
- Fluxus alui symptomaticus cur non statim sistendus 342 forma formæ an detur 152.
- Frambesarij opinio de actionum læsione rejicitur 47.
- Frigida in quibus corporibus citius ad cor perueniant 220, 223. causæ huius velocitatis transitus ibidem frigida & sicca cur difficulter putrescant 187. Frigidum quid 179. frigoris vis 177, 178. eius officia 182. frigus qua ratione causa putredinis 188. frigus vehemens causa mortis 73.
- Fuchsi opinio, & argumenta, quibus probat morbum in diuersis prædicationis poni 18, 19. eadem argumenta soluantur 24, 25, 28. eiusdem argumenta contra causam continentem 158, 159. eadem argumenta diluuntur 165, 166. notatur 256.
- Fuligo quid 206.
- Fumus quid 206.
- Functionum naturalium, & symptomatum distinctio 340.

G

- G**alenus cur non egerit de morbis occultis 121.
- Ganglium, quid, & vnde fiat 172.
- Gelatina qua vi concreascit 177.
- Generatio quomodo fiat 179. quomodo & quot modis lædatur 324.
- Genus apud Medicos confunditur cum specie & differentia 1.
- Germanorum Galenus, quis 256.
- Gurgulionis exsectio morbum parit 94. gurgulio quid 98.
- Gustus à quibus lædatur 291.

H

- H**æmorrhagia cur toto genere p.n. dicatur 331. eius duplex acceptio 334. quot, & quæ eius causæ ibidè & 335, 337. quæ ad affectum corporis sequatur 343.
- Harmonia quid, & quotuplex 26.
- Hæctica est morbus immaterialis 146.

INDEX

Hæstiei cur semper febricula putrida
laborent 207.
Hepar læso ventriculo quomodo ma-
lum sanguinem efficiat 58. Hepa-
ticus morbus quis 325. Hepatis do-
lor sola corporis concussione cura-
tus 274.
Hernia species 274.
Herpes quid, & à quo humore proue-
niat 108.
Historia duæ de partibus amissis ex
frigore nimio 74. alia de milite ha-
bente crura mollia instar ceræ 75.
Historia perditæ memoriæ 300. **Historia**
senis atrabilarij 86. **Historia**
Theophili delirantis 298. alia de
alio delirante 299. 306. **Historia**
Villici cuiusdam imbecillè attrahē-
tis 314. eiusdem affectus causa ibi-
dem.
Homo non est genitus mortis gratia
152.
Humiditas causa est putredinis 188.
quæ humiditates regenerari possint
134. **Humidum** quid 179. **Humi-**
dum radicale non potest regenera-
ri 134.
Humores quomodo obstruant, & mor-
bum gignant 28. 205. quomodo à
cerebro ad subiectas partes delabā-
tur 246. **Humores** fluxi quot mo-
dis partem vexent 259. **Humorum**
temperies ibid. **Humor** non est pars
tumoris 164. **Humores** non esse su-
biecta propria morbi quomodo
proberur 5.
Hydropis tres species 309. quid vna-
quæque ibidē. vnde oriuntur ibid.
Earundem causa efficiens 310. hy-
drops quomodo febri ardenti suc-
cedat ibidem.
Hyeme calor natiuus cur copiosior,
209. cur hyeme res non ita putre-
scant 184.

I

Icterici cur omnia appareant flaua
126.
Ignis ex quibus corporibus possit eli-

ci, 167. 168. quomodo ex filice &
calybe excitetur 170. 171. cur non
putrescat 183. quomodo calefa-
ciat 203. 208.
Imaginatio ut fiat, quid requiratur 301
vtrum lædi possit absque præuia,
aut simultanea sensus læsione 306.
quot modis lædatur 296. à quibus
lædatur aut iuuetur ibid. **Imaginatio**
nis læsæ variæ species 296. 297. 298.
Imaginatix facultas quid 301. eius
officium, & sedes 302.
Indicatio curatiua quid 18. **Indicatio-**
num varietas inter curandum exa-
ctè obseruanda, 112.
Instrumentum quid 96. **Instrumentū,**
& pars dissimilares, idem sunt 78.
quæ ad eiusdem complementum
requirantur ibid. **Instrumenti actio**
non semper à morbo partis dissimi-
latis læditur 79. **Instrumenti actio,**
quot modis lædatur, & quādo 136.
Instrumenta pro generatione lactis
& seminis 239.
Intemperiei calidæ causæ 267. eius
variæ diuisiones 141. est species
specialissima physice loquēdo ibi-
dem. **Intemperies** calida totius cor-
poris, eiusque calor p. n. idem
sunt Galeno 162. eius varia exem-
pla 257.
Intemperiei compositæ causæ quot, &
quæ 256. 257.
Intemperiei diuisiones 72. 76. 258.
quid singulæ ibidem.
Intemperiei frigidæ causæ quot, & quæ
213. 214. 215. 216. 217. eius exem-
pla 257. à qua constipatione fiat
225. 233.
Intemperiei humidæ causæ, quot, &
quæ 255.
Intemperies intensa & remissa quomo-
do dignoscatur 72. 76.
Intemperies peculiaris quid 72.
Intemperiei siccæ causæ, quot, &
quæ 250. 251. 252. 253. 254.
Intemperies simplex quotuplex 72.
quomodo possit fieri cum affluxu
humoris 131. 132. cur non diu pos-
sit durare 133.

Intem-

Intemperies vniuersalis quid 72. Inrē-
peries nō habet causam continen-
tem 129. Ex duabus intēperiebus
temperatum quid resultat 132.
Intēperies humoris crystallini quo
modo possit dici morbus partis si-
milaris & dissimilaris 135. Intem-
peries quomodo dicatur morbus
partis dissimilaris 140.
Interitus quid 174. quomodo fiat 182.
Ioannes Argenterius verus Galeno-
masticus 42. eius argumenta varia
proponuntur, & solvuntur 42. 43.
44. 45. 49. 52. 53. 55. 61. 65. 129.
130. 131. 132. Conuellitur 99.
Istrophatia quid, 147.
Itria, quid, & quomodo præparentur
54.

L.

Lactuca vires 222.
Lassio per se, quomodo à lassione
per accidens distinguatur 65.
Lapis quomodo excauetur à guttis
aquæ 13. Lapis renum quā ratione
morbum procreet 28. Lapis vesicæ,
& obstructio, & morbus in nume-
ro addito esse potest 137.
Lassitudo quid, & vnde proveniat
168. 212. duplex eius acceptio ibid.
Lepra Græcorum & Arabum differit,
93.
Lethargus quid, & vnde fiat 198. eius
ratio in quibus consistat ibid.
Lienteria quid, eiusq; causæ 315.
Ligamenta quot modis vitientur
103.
Ligaturarum effectus 348.
Lingua adaucta quomodo loquelam
prohibet 41.
Eipothymia quid 312.
Liquida qua ratione motu refrigeren-
tur 171.
Lumbrici sunt restoro genere præter
naturam 92. quem morbum effi-
ciant ibid. eorundem materia 272.
Luxatio quid 265.

M

MAgis & minus nō mutant spe-
ciem 44.
Malacia quid, & quibus propriè com-
petat 308.
Marasmus quid 84. cur non sanetur
præsenti intemperie humida 134.
Massarias refutatur 5.
Meatus quibus de causis occludantur
267. 268. quas ob causas ampli-
entur 269.
Meconium quid 217. eius alexiphar-
macum 218.
Medicamēta facultatib. occultis gau-
dēt 120. Medicamēta purgātia du-
plici virtute euacuant ibid. cur me-
dicamentis purgantibus non super-
dormiendum 225.
Medicus est Philosophus sensatus
46.
Meliceris quid 92. 272.
Memoria quid 302. eius munus, & se-
des ibid. an depravari possit 307.
Menstrua purgatio quid 338. eius dif-
ferentia à profluio Muliebri ibid.
Menstrui sanguinis euacuatio vn-
de fiat 333.
Methodus compositiua quid, & cur
Galenus ea usus fuerit in Pātholo-
gia 1. Methodici, quot, & quæ sta-
tuerint remediorū genera 77. à Ga-
leno cum Epicuro conuelluntur
ibid.
Mictio quid 295.
Miles à Fernelio adductus quo morbo
laborauerit 124.
Mixa omnia aliquali putredine pe-
reunt 194.
Modus cognoscendi parrem vno, vel
duobus affectibus laborantem 86.
89.
Molle quid 124.
Co. Mōstratus mordacior in veros
Galenī sectatores, quā aduersarios
18. Erga Medicos extra Italiam de-
gētes maleuolus 56. quomodo pro-
ber Argenterij sententiam 57. reijci-
tur ibidem.
Morbi duplex acceptio 151. Morbi
acci-

INDEX

accidētales qui, & cur ita dicti 141.
 Morbus acutus quid, eiusq; species
 144. Morborum ætates seu tempo-
 ra 142. Morbi cum affluxu humo-
 rum quomodo morbi partium simi-
 larium dicantur 76. Morbus in as-
 peritate, quid 90. Morbi benigni
 qui 145. Morbus brevis quis 143.
 Morbi in cavitatē causæ quot, &
 quæ 267. 268. quotuplex sit, & quo-
 modo vterque contingat 84. Mor-
 bus cōmunis, quid, & cur ita dictus
 104. eius variæ species ibi. & 105.
 71. Morbus in cōpositione duplex
 102. quō. vterque fiat ibid. & 273.
 274. Eiusdem causæ ibid. Morbi
 compositi partium dissimilariū 109.
 110. 111. Morbi compositi proprii
 partium similariū, quot, & qui 106.
 Morbus in mala cōformatione quo-
 tuplex 79. eius causæ, & species 261.
 Morbus per consensū quid 61. quot
 modis oriatur 62. Morbus contin-
 uus, quid 144. Morbi variæ defini-
 tiones 3. 4. 8. 17. eius genuina defi-
 nitio, definitionisque explicatio 8.
 17. cur addatur particula (sensibili-
 ter) 11. Morborum variæ differen-
 tiæ accidentales 141. 142. 143. 144.
 145. 146. 147. cur vsuales & accide-
 tales dicantur 141. 142. Morbi di-
 uisio in sex genera, aut species 71.
 alia diuisio communior ibidem, co-
 gnitionis Morbi essentiæ necessitas
 17. Morbi Endemij, & Epidemij, qui
 145. Morbi facti, & fiētes 147. mor-
 bus factus qua ratione fiens dici
 possit 16. Morbi Fernelianij reijciū-
 tur 14. Morbus in figura, quid 79.
 causæ rationem aliquādo habet 91.
 Morborum genera ex Epicuro &
 Asclepiade 76. in quibus consistant
 77. Morborum genera ex quibus
 venanda 71. Morbus hæreditarius
 quomodo dicatur connatus 136.
 Morbus intermittens, quis 144.
 Morbus in læuitate quid 90. Mor-
 bus in magnitudine, quid, & quo-
 tuplex 100. quibus ætatibus vterq;
 accadat ibidem. in quo cōsistat 101.

eius species, & causæ ibidē, & 273.
 274. Morbus magnus, quid, & quo-
 tuplex 142. eius discrimen à morbo
 paruo 16. Morbus malignus, quid,
 & quotuplex 145. Morbus materia-
 lis, & immaterialis, 146. Morbus
 Medicus, quid 12. Morbus mini-
 mus quomodo pro nullo reputetur
 12. Morbi notio à quali principio
 desumenda 2. Morbus vt inuenia-
 tur, quæ requirantur ibidem. Mor-
 bus in numero, quid, & quotuplex
 92. 270. eius causæ quotuplices, &
 quæ, 271. 272. quomodo differat à
 morbo in magnitudine 101. in quo
 consistat ibid. Morbus in numero
 addito quid, quotuplex, & quid vter-
 que 92. 93. variæ eius species 92.
 93. Morbus in numero deficiente,
 quotuplex 93. Morbi occulti potius
 experientia, quàm methodo curan-
 tur 121. Morbi qui partibus dissimi-
 laribus proprii, qui similibus 71.
 Morbus partis dissimilaris quotu-
 plex 78. eius causæ 261. Morbi par-
 tium similium secundum Galenum
 quot. 75. alij materiales, alij imma-
 teriales ibidem, cur ita dicti, &
 quomodo fiant ibid. Morbus par-
 uus quid 142. æquē, ac magnus, sem-
 per morbus dicitur 16. eius à morbo
 magno discrimen ibid. Morbis pec-
 cularibus peculiare opponitur sa-
 nitates 128. Morbus per se, quid 61.
 Morbus Physicus, quid 12. Morbus
 in quātitate adaucta, est qualitas 41.
 Morbus sporadicus, quid, & quas
 causas habeat 146. Morbus in super-
 ficie quotuplex, & quid vterq; 90.
 Morbus vsus non datur 135.
 Morbus, morbi causa, & symptoma,
 indiscriminatim res præter, & cōtra
 naturam vocantur 8. Morbi, sunt
 corporum accidentia 21. Morbus
 non potest lædere actionem illæsa
 prius facultate 47. in propriè amer-
 tia dicitur 40. sanitati est contrarius
 25. & quomodo 41. gradatim fit 15.
 statim ab initio suam habet essen-
 tiam ibid. Est res similis ibid. non
 est

INDEX

est necessarium quid. compositum 130.
 Morbus quomodo dispositio vocari possit 27. Morbum in pluribus prædicamentis collocari quibus argumentis a quibusdam probetur 22. 23. quomodo sub diuersis prædicamentis ponatur 39. Morbus non est priuatio, nisi nimis improprie 69. est solum qualitas ibid. non est substantia 21. Morbus morbum generat 87. 89. Morbus causa formali, & materiali caret 152. solum causam efficientem habet 153. qua ratione sine gaudeat, & careat 151.
 Mors naturalis, & violenta quid 199. cur in senectute sine dolore ibidem mors naturalis, & violenta a qua causa fiant 197. 198.
 Motus est causa caloris 167. immo-
 dicus est causa frigoris 248. ad quæ prædicamenta terminetur 195. Motus morbi quid 142. Motus quomodo detur ad morbum, & sanitatem 39. Motus quorupliciter lædatur 292. Motus læsi variæ species 292. 293. 294. Muliebre profluium quid, & quomodo differat à menstruis 337. 338. eius causæ 338.

N

N Alii simi causa 264.
 Natura paruus affectus sine remedijs sanare potest 13.
 Nervi optici cur caui 244. eorundem ortus ibid.
 Numerus additus, aut deficiens quid 30.
 Numerus actionum læsarum 313.
 Nutricum errores in tenendis, & ligandis infantibus quantum noceant 263.
 Nutrimentum superuacaneum duplex 59.
 Nutritio quid 210. quorupliciter lædatur 311. 320. nutritionem læsam quæ sequantur symptomata 310. 311.

O Bstetricum error 262.
 Obstructionis causæ 205.
 Occultæ proprietates sunt qualitates, non verò substantiæ 120.
 Oculi cur flauescant 56. Oculorum actio non à colore prauo, sed ab humore læditur ibid. quando laborat per se, & quando per consensum 61. quomodo lædantur ab albo, & luce 291.
 Odorabilia quæ olfactum lædant 291.
 Oedema quid, & à quo humore procreatur 76.
 Omenti defectus frigidam ventriculi intemperiem generat 95.
 Ophiasis quid 311. unde sic dicta ibidem.
 Opiniones variæ de essentia morbi propositæ refutantur 6. opiniones diuersæ in quo prædicamento ponatur Morbus 18. 19. 20. 21. 22. 23.
 Opiniones variæ de læsione facultatis costrictis ventriculi 54. Opiniones diuersæ de Causa procatactica 153. 154. opiniones variæ de causa continente 58. 59. 260. 261. Opiniones de modo quo motus calorem producit 169. 170. Opiniones diuersæ de vsu respirationis 234.
 Opisthotonos quid 73. 293.
 Oppositorum quatuor genera 33.
 Oscitatio quid, & ad quale symptoma reducatur 295.
 Ossa interdum marcida & cariosis lignis similia visa sunt 74. Ossis fractionis causa 275.
 Orium causa refrigerationis 248.

P

P Alpitatio quid, & unde fiat 312. à solo morbo fit 37.
 Pandiculatio quid, & ad quale symptoma reducatur 295.
 Paralysis quid 267. est causa vitiatæ figuræ ibid. eius etymon 292. variæ eius species 293.
 Paroxysmus quid 145.

Y y

Pars

INDEX

Pars quælibet quot facultatibus pol-
leat 313. quomodo frigesieri & ca-
lesieri dicatur 261. quor modis in-
firmetur 259. ut infirmetur, oportet
ut eius facultas lædatur 46. **Pars**
cur interdum vna, aliàs plures co-
lorem mutant 326.

Partes instrumenti quot modis vsum
præbeant 135. Partis præcipuæ in-
strumenti conditiones 96. Partes
aliæ principes, aliæ vsuales 95.
Partes vsuales qua ratione actiones
edant idid. Partes, quæ plures edant
actiones 97. Partis organicae actio
lædi potest illæsa eius essentia 64.
eiusdem essentia in quo consistat i-
bidem. Partis dissimilaris, & simila-
ris constitutio in quo consistat 47.
Pars similis, ex quibus coalescat
70. quæ in illa requirantur ibidem.
Quæ consideranda in parte dissimi-
lari ibid. Partes, quot modis sympa-
thice afficiantur 63. Pars similis
quando non amplius dicatur tem-
perata 71. Partis similis, quot &
quæ symptomata 313. Partium si-
milarium proprii morbi 72. Partes
aliæ solo temperamento suas actio-
nes edunt, aliæ qualitatibus secun-
dis indigent 126.

Passio quid. 10. 25. 27. 180.

Pæthema à morbo distinguitur 25.

Pathos à sanitate, & morbo differt
27.

Pereda perstringitur 332.

Periódus Morbi, quid 145.

Phantasia quid 301.

Phlegmone quid 110. duplex eius ac-
ceptio 107. à quo humore fiat 76.
quomodo generetur 110. ratio sola
reperitur 109.

Phlogosis quid 107.

Phrenitis quid 37. eius differentia
305.

Pica quid; eiusq; differentia à Malacia
308.

Piscium salitorum noxa 252.

Planci qui 83.

Platen error circa subiecta morbi 5.

Plantarum cor quale 199.

Plauti qui 83. **Plautus** vnde dictus
ibidem.

Plenitudinis indicium 88.

Polypus, quid; & quem morbum effi-
ciat 92.

Prædicamenta omnia annexam sibi
habent qualitatem 29.

Pregnantes cur aliquândo fæces, & vri
nam egerere nequeant 85. 268.

Priapismus quid, 101. eius causa 102.

Protoparhia quid 147.

Pfora quid, & vnde nascatur 310.

Pterygium quid 92.

Pueri cur frequentiore respiratione in-
digeant 247.

Pulsuum vsus 226. eiusdem vsu quo-
modo singularum partium corpo-
ris calor conseruetur 245. Pulsuum
lætorum variae species 312.

Purgatio quid 342. ad bonam purga-
tionem quæ requirantur ibid.

Putredinis definitio ex Aristotele, &
Gal. 172. eiusdem explicatio 174. e-
ius ab vltione discrimen 190. eius
ratio formalis in quo consistat, ibid.
cur melius corruptio, quam calefa-
ctio dicatur ibid. quando fiat 196.
putredini quæ minus obnoxia 184.
eiusdem à vicinia rei calidae discrimen
204. Putrefaciencia cur non
nutriant 224. Putrefactio generatio-
ni est contraria 174. vnde oriatur
183. quò fiat ibid. Putrescentia qua
ratione calida, & frigida 188. 189.

Qualitatis definitio ex Aristot. 192.
Qualitates audibiles mutatae
ad quale symptomatum genus re-
ducantur 328. Qualitas mutata ab
alia causa mutari potest 65. Quali-
tates mutatae quot, & quæ species
324. 325. 326. 327. Qualitates quædã
medio carent 39. Qualitas per om-
nia vagatur prædicamenta 29. Qua-
litas substantiæ, quæ ibid. quæ quanti-
tatis, quæ qualitatis, relationis &c.
ibidem, & 30. Qualitates secundæ
non sunt materiæ 122. quæ ratione
pos.

possint dici morbi, causæ morbificæ
& symptomata 123. 124. 125.
Quies non lædit actiones 46. eius uti-
litas post assumptos cibos 51.

R

Radiculæ ingestæ nidorosos. ru-
tus excitant 54.

Raritas immodica, causa frigiditatis
247. quoruplex 248. eius causæ ibi.
Rarum quid 123. 124.

Ratiocinatio quot modis lædatur 298
eius varæ species ibid. Ratiocina-
tricis facultatis officium 303. vnde
dimanet ibid. quomodo lædi di-
carur ibid.

Refrigerantia sua vicinia, quæ 215.
refrigerantia per os assumpta 215.
216.

Relationes, quæ contrarium suscipiunt
34. Relatio non agit 36.

Remedium attrahens quid, eiusq. Vir-
tutes 206. remedium percutiens,
quid, eiusq. vires ibid.

Remissio morbi quid 145.

Repletio quoruplex 265. quid utraque
ibid.

Respiratio quid, & quomodo fiat 173
eius partes 228. usus 233. 234. Re-
spiratione frequentiori qui indigeat
247. Respirationis læsæ species 294
etentricis facultatis bonæ cõditi-
ones 315 Retentionem breuem, aut
malâ, quæ sequantur symptomata
316. Retenta quot modis præterna-
turam dicantur 330.


Reuocatio frigidorum è potentia ad
actum quomodo fiat 219.

Rhabarbarum quia ratione febres bi-
liosæ curret 149.

Rhæas quid, & quem morbum pariat
101.

Rigor in febribus vnde fiat 283. Ri-
gor potest fieri sine febre 73.

Riolani error de actionũ læsione 46.



Sanatio quid 119.
Sanguificatione abolita diu nõ po-
test viuere animal 311. Sanguinis
exhalatio aut vapor, quid 240. San-
guinis aquosi, & serosi causæ 338.
339. Sanguinis menstrui euacuatio
vtrum naturalis 332. Sanguinis pro-
fluuij causæ 338. ad quod sympto-
ma reducatur ibidem.

Sanitas quid, & in quo cõsistat 3. 323.
improprie symmetria dicitur 40.
quomodo morbo opponatur 41. &
128. Sanitas quale sit mediũ ibid.
eiusdem in plures species diuisio i-
bidem. æquè latè patet, ac morbus
ibid. Sanitas est primum bonum
151.

Satyri, quæ sint animalia 266. Eorum
libido, & celeritas ibid. quomodo,
& quando capiantur ibid. Satyriasis
qualis morbus ibid. cur ita dicatur
ibidem. Satyris cur comparentur
Elephantici ibid.

Scabies vnde proueniat 310.

Scire, quid 148.

Scirrhus quid, & à quo humore gene-
retur 76.

Scomma Anonymi cuiusdam retundi-
tur 77.

Scopus confunditur cum fine 150. ad
finem reducitur ibid.

Segarra conuellitur 163. 332. 333.

Seminis facultas quoruplex 262. Semi-
na plantarum cur putredini obno-
xia 201.

Senes cur ad functiones obeundas fe-
gnes 74. cur graueoleat 197. 200.
leui de causa moriuntur 199. cur
parcè respirent 247.

Sennertus reijcitur 156. 285. 308. 310.
327.

Sensus communis quid 301. quoruplex
eius officium ibid. cur circuli cen-
tro comparetur ibid. ab imagina-
tione nõ distinguitur 287. eius sym-
ptomata 291. Sensus externi cur ita
dicti 300. Sensus internus est prima
facultas princeps ibid. cur internus,

Yy 2

& com-

INDEX

& communis dicatur ibidem.
Siccitatis quatuor gradus 251.
Siccum quid. 179.
Sitis cur exiccet 253. quibus profit ibi dem.
Smyrnx moles ingens 100.
Sol quomodo calefaciat 203. 208.
Solutio contigui quid 140.
Solutio continui quid 103. 104. Gale- nus primus huius nominis iauētor ibid. eius causæ 275. variæ eiusdem species 104. 105. 275. quomodo lædat actiones 70. tam similis quā dissimilariis parvis est morbus 140.
Somnus quid 46. post assumpta pur- gantia quibus noceat 225. somnus excedens quale symptoma 292.
Sopor quid. 227.
Sorites quid, & vnde dicatur 14. Soriti ei sophismatis exemplum ibidem. à Galeno improbat 15.
Spadones. qui vocentur, & cur gene- rationi inepti 103.
Spinæ dorsi inflammatio, causa esse potest, ne vox reddatur, nec crura moueantur 64.
Spirituum generatio. quomodo fiat 238. Spiritus animalis. quomodo generetur 241. quo nutriatur 239. per quas partes ad corporis. par- tes deferatur 242. ubi generetur 243. Spiritus naturalis. quomodo generetur 241. Spiritus vitalis. ge- neratio ibidem. eius materia 239. quo nutriatur ibid. Spiritus: omnium est leuissimum in corpore 240.
Status morbi quid 143.
Steatoma quid, & sub quo genere morbi contineatur 93.
Stercus Columbinum quomodo incē dium excitauerit 201.
Sternutatio quid, & ad quale sympto- ma pertineat 295.
Struthiocamelus qua ratione ferrū di- gerat 125.
Stupor quid 293.
Substantiæ nihil est contrarium 24.
Sudoris materia, quæ 339. Sudoris co- piofi causa ibid. eius retentio vnde proueniat 340.

Susensorum Cor cur nigellum 250.
Symmetria quid 31.
Sympathia quid 147. vnde proueniat 120.
Symptomatis duplex acceptio 278. quid vtrumque ibid. eius etymolo- gia, & definitio 279. eiusdem defi- nitionis explicatio 280. contra di- ctam definitionem argumenta pro- ponuntur, & solvuntur 281. 282.
symptomatum alia permanentia, alia successiua 281. quomodo im- mediatè dicatur morbum sequi ib. quot modis à morbo, & passione differat 280. Symptoma quomodo sit causa symptomatis 57. 312. à so- lo morbo dependet 323. Sympto- matis diuisio generalis 284. Sym- ptomatū actionis animalis diffe- rentiæ 285. Symptomata actionis naturalis, eorumq; differentiæ 207. Symptomata facultatis vitalis 312.
Symptomata in affectu corporis 324. eorundem variæ species ibid.
Symptomata in excretis, & retentis 330. eorum differentiæ ibid. & 331.
Symptomata sensus communis 291
Syncope quid. & vnde fiat 283. 312.

T

T Abes atrophiam sequitur 320.
Tabidorum signa 266. cur alati dicantur ibid. cur aliquando alui fluore vexentur 269.
Temperamentum quid 3. quot modis vitari possit 71. eius status quo mo- do nobis innotescat 45. non lædit actiones 130.
Tempora morborum, alia peculiaria, alia vniuersalia 143. quæ vniuersa- lia, & quæ peculiaria ibid.
Tenuitas quale symptoma 339.
Teredon quid, eius derivatio, & cau- sa 275.
Teranus quid 73. quomodo ab opist- hotono differat ibid.
Timidorum corpus vniuersum cur ali- quando refrigeretur 74.
Topica remedia, quæ 208. quādo adhi- benda ibid.

INDEX

Transpiratio quomodo fiat 173. respirationi correspondet 20. est motus compositus ex systole, & diastole 228.

Tremor quid, & quomodo fiat 293. quomodo pathos, & symptoma sit 281.

Tuberculum narium, est morbus, & morbi causa 163.

Tubingenſis Professoris nomine quis subintelligendus 156.

Tumoris duplex acceptio 88. Tumorum causa 107. 260. Tumores humores, & proprii quando fiant 88. 89. Tumorum genera 76. Tumor qua ratione morbus, & pathos sit 106. Tumores cur morbi compositi dicantur, 117. ex triplici morbo coalescunt 110. Tumores præter naturam, quales morbi 101. eorum causa 260. Tumores qua ratione febrem inducere possint 201. 203. Tumor scirrhosus potest esse causa priuationis sensus 63.

Tussis quid, & ad quale symptoma reducatur 295.

Tympanites quid 266.

Typhoides quid, eiusque causa 203.

Typus morbi quid 145.

V

V Algi, qui, & quomodo fiant 83. 264.

Valleriola notatur 256.

Vallesius perstringitur 126. 158.

Varandæus refellitur 8.

Vari qui, & quomodo euadant 83. 264.

Vasa à quibus causis diuidantur 336.

Vene non habent vim conficiendi sanguinem 48. Venæ, & arteriæ inuicem confunduntur ab Hippoc. 226. Venæ clausæ pituita quæ symptomata producant 227. 228.

Venena assueta cur non noceant 122.

Veneris immoderata noxa 253.

Venter cur tumeat in tympanite, & aſcite 88.

Ventres hyeme & vere qua ratione ca-

lidissimi 209.

Ventriculi actio læsa non potest lædere sanguificationem 58. eiusdem læsio quomodo possit esse causa prauæ sanguificationis ibid. Venter quomodo duplici actione gaudeat 97. eius coctio, quomodo dupliciter lædatur 55. cur exquisito sensu polleat 124. Ventriculi rugæ, & plicæ ad quid inferuiant 52. cur rectis fibris præditus 319. Ventriculi morbi ab ingestione nimij cibi 52. Ventriculi, vt instrumenti, functiones 314. eius attractio quomodo lædatur 315. eiusdem alteratricis, & nutriticis facultatis vitia, quot, & quæ, ibid. eiusdem alia vitia symptomata 316. 317. Ventriculi expultricis facultatis vitia, quot, & quæ 318. Ventriculi, vt partis similis, symptomata 319. Venter, etsi ferrum, & similia, non concoquat, non tamen est læsus dicendus & quare 53. 54.

Veternus quid, eiusque causa 226.

Vix, per quas expurgantur partes corporis 260.

Vicina rei calidæ, causa caloris 202.

Vigilia immodica cruditatem parit 55.

Vigilia excedens, quale symptoma 292.

Vini generosi dotes 219. Vini Lesbij facultas 218.

Vinum est vehiculum rerum frigidarum 218. 220.

Vippa quid, eiusque vires 253.

Virtus unita fortior 185.

Visio quomodo læsa dicatur 289.

Vita expiratione terminatur 199.

Viriligo quid 93. eius species quot, & quæ ibid. & 311.

Vitas partium ad edendas actiones quantum necessaria 138.

Vniuersale à parte rei non datur 22.

Vnum, quid 24.

Vox quomodo fiat 62. eius materia quæ ib. & 294. quomodo impediatur 62.

Vocis læsæ species 294.

Voluulo laborantes cur excrementa non eiciant per inferiora, sed per os 318.

Vrinæ excretio quomodo lædatur


INDEX

295. Vrinę nimis fluētis, & suppress-
 ſæ, cauſæ 340. Vrinæ materia 339.
 Viſtio quid 190. 203. eius cauſæ 202.
 Viſcitas reuocatur ad finem 150.


Z Abarella perſtringitur 191. 192.
 193. 194.
 Zinziberis vires 252. 256.

X

X Erottribia quid 207.



FINIS.



		Menda	Emenda.
Pag.	Lin.		
64.	33.	natururalis	naturalis
67.	31.	controductiōem	contradiſtionem
69.	18.	ma is	magis
70.	35.	temperarum	temperatum
94.	4.	conuſſione	conuulſione
104.	33.	Meteort	Meteor.
109.	25.	hac de	hac de re
132.	37.	confirmat	confirmat
134.	25.	differēt.	differēt.
135.	11.	conſiſtentia	conſiſtentia
291.	27.	ventriculi	ventriculi
304.	18.	irritaturab	irritatur ab

Si qua alia irrepreſere menda Typographica, quibus omnibus deprehendenſis nec
 Lyncis ſufficerent oculi, ea facile excuſabit, ſimulq; corrigeſ Lector Humaniffi-
 mus; ſas enim nobis eſt illa emendaſſe, qua ſenſum variare poterant.



